



Received of  
John C. Smith  
for the sum of  
\$100.00  
July 1st 1881

J. C. Smith



DELICIÆ  
PASTORUM ET PRÆDICATORUM,

HOC EST:

SERMONES

PER OMNES DOMINICAS ET  
FESTA TOTIUS ANNI,

in quibus

*Principalia Myſteria veritatum chriſtianarum cunctis ſcitu,  
& ad Praxim neceſſariarum ſingulari methodo, ac energia, & conceptibus, ex  
ſacra ſcriptura, Conciliis & ſanctis Patribus exhibentur.*

Primò Gallicè conſcripti per

REVER. PATREM JOANNEM JUNIUM AVEUGLE,

Vulgò dictum Cæcum Presbyterum Oratorii Jeſu nunc Latinitati donati  
per Venerandum P. F. Brunonem Neuſſer S. S. Theologiæ Lectorem  
Ord. F. F. Minorum Recollect.

*Spiritus Domini ſuper me, ad Evangelizandum Pauperibus miſit me Luc. 2.*

*Cum Privilegio Sacr. Cæſar. Majeſtatis.*

pp. Gremittam  
Cam. ad. leſin  
Gremi Monhi  
Regi  
emp. h. 15 glori  
Curry



MOBUNTIAE

Sumptibus JOANNIS BAPTISTÆ SCHÖNVETTERI.

M. DC. LXVIII.







## APPROBATIO

*Eximij Domini Grandin Doctoris Sorbonici  
deputati ex aminatorem librorum.*

**L**Egi librum intitulatum Missionarium Apostolicum in duobus tomis compositum per Reverendum Patrem Joannem Junium Presbyterum Oratorij Jesus, signatum Parisiis anno 1662.

M. Grandin.

Approbatio Domini Manent Doctoris  
in facultate Parisina.

**L**Egi sermones Libri intitulati Missionarij oratorij per Reverendum Patrem Junium Presbyterum oratorij Jesus cum satisfactione extraordinaria, & nihil animadverti in illis, quod non sit conforme fidei Ecclesie catholicae, Apostolicae, & Romanae & Principiis morum: Et obligatus sum reddere testimonium veritatis, & sanctitati doctrinae in iis contentae, & receptae in Missionibus, quas fecit in hac diocesi cum tanto applausu totius mundi, quod recognoverim manifeste benedictionem caelestem ibidem se expandisse. Opto quod omnes, qui eos legent, se applicent in eorum lectione, ut tanto in iis proficiant spiritu, quanto eos predicavit, qui est divinus, quo repletus est. Datum Lemovicae 16. Febr. 1662.

Manent. D. Theol. facult. Parisiens. &  
Canonicus Ecclesiae.

) 3

Appro-



*Approbatio Doctoris Regentis Universitatis  
Tolosanæ.*

**N**OS infra scripti Doctores Regentes in universitate Tolosana certificamus exactè nos legisse duos tomos *Missionarij Oratorij* compositos per Reverendum Patrem Joannem Junium Presbyterum Oratorij Jesus, repletos doctrina cœlesti, quæ illuminat intellectum, & calefacit voluntatem. Et quod valde rarum est in aliis, apparet per totum ordo admirabilis in multitudine conceptuum, comparisonum novarum involutæ artificio peraggreabili, sunt clari in ænigmatibus etiam totis ordinatis, & ita, ut appareat quod Deus ei clausit oculos corporis ut magis clari reddantur, videntes illos spiritus dum ambulare eos facit passu firmo & tuto in labyrinthum difficillimarum quæstionum Theologiæ. Prædicatores addiscent magis corde loqui, quam lingua, animæ devotæ principales, Regulas veritabilis, & solidæ pietatis, & peccatores medium evadendi statum funestum, in quem perversa eos voluntas immerfit. Nostrium hoc est judicium. Datum Tolosæ 2da Martij Anni 1662.

Er. Joannes de la Nativitate Doctor Regens,  
& Provincialis Carmelitarum.  
F: Bernardus Lapalisse Religiosus Ordinis  
Prædicatorum, & Doctor Regens in  
Theologia.

**FACULTAS** Admodum Reverendi Patris  
Ministri Provincialis.

**L**iber, cui Titulus *Deliciæ Pastorum, & Prædicatorum*, primum compositus duobus tomis à R. Admodum Patre Joanne Junio, vulgo dicto Aveugle, seu Cæco, nunc ex Idiome Gallico in latinam conversus studio R. P. F. Brunoni Neußer  
Pro-



*Provincia nostra S. Theol. Lectoris servatis sacri Concilij Tridentini, & ordinis constitutionibus imprimi poterit. Datum Aquisgrani in Conventu nostro F. Minorum Recollectorum 2. Martij 1668.*

F. Bernardinus Vetveis FF. Minorum Recollectorum Provinciae Colonienfis, seu Rhenanæ Minister Provincialis.

**D** Eliciae Pastorum, & Prædicatorum, seu sermones per annum Reverendi Domini Junij, vulgo Cœci, Presbyteri Oratorij JESUS, cum nihil fidei Catholicæ, aut bonis moribus contrarium; verum materias contineant à Prædicatoribus, & Pastoribus Populo Christiano utiliter proponendas: nunc operâ Venerandi Patris Brunonis Neusser. Sanctæ Theologiæ Scholasticæ Lectoris, Latinè prodeuntes, Lucem magno Christiani populi fructu aspicient. Ita sentiens dabam Moguntia 10, Martij anno 1668.

F. Bonaventura Goffa sanctæ Theologiæ Lector Jubilatus, & pro tempore Guardianus.

FACULTAS eundem R. Admodum Patris  
Ministri Provincialis,

**V** Ir tute Privilegij S. CÆSAREÆ MAIESTATIS super impressione & distractione Librorum per Fratres Minores Regulares, aut strictioris observantia concessi facultatem facio





*Ioanni Baptista Schönvvettero Bibliopola Francofurtensi, ut  
Imprimat, ac distrahat Librum Intitulatum Delicia Pastorum,  
& Prædicatorum Evangelicorum Latinitati donatum à Vene-  
rando Patre F. Brunone Neusser Provincia nostræ Rhenanæ S.  
Theol. Lectore cum plenario Vsu Privilegij Cæsarei præfati, Actum  
Aquisgrani in Conventu nostro fratrum Minorum Recollectorum  
2. Martij 1668.*

(L. S.)

F. Bernardinus Vetivveis FF. Minorum  
Recollectorum Provinciæ Colo-  
nienfis seu Rhenanæ Ministri Pro-  
vincialis.

INDEX AR-



# INDEX ARGVMENTORVM.

## SERMO I.

*Pro Dominica prima Adventus.*

Missio, & ejus usus bonus est nota, & effectus nostræ prædestinationis.

### EXORDIVM.

Idea Sermonis.

**P**rædestinatio est quædam Missio, & origo Missionum. Complectitur tres actus, nempe amorem Dei in nos, electionem, præparationem mediorum.

Punctum Primum.

Missio est effectus amoris Dei, quod probatur primò scriptura. Secundò Patribus. Tertiò Rationibus. Quartò Experientia.

Punctum Secundum.

Missio est effectus electionis, nam primò Electis si dantur Missionarii. Vel secundò, si mittuntur ad reprobos, isti non adsunt Concionibus. Vel Tertiò, non audiunt attentè. Vel Quartò, non credunt. Vel Quintò, non retinent. Vel Sextò, non redigunt in praxim. Imò Septimò, quandoque reprehendunt.

Punctum Tertium.

Missio est medium aptissimum ad effe-

ctum prædestinationis, qui est sanctificatio nostra, quod probatur primò scriptura. Secundò Patribus. Tertiò Praxi Ecclesiæ.

Conclusio.

Exhortatio ad bonum usum Missionis, per recapitulationem.

## SERMO II.

*Pro Dominica II. Adventus.*

Nostra salus est negotium maximi momenti.

Idea Sermonis.

Punctum Primum.

**S**alutem nostram esse opus magni momenti, probatur primo Rationibus ex parte Dei, quia Deus cogitavit de illa: quia diu. Quia tam ardentè, ut ad illam referat omnia sua opera in ordine nature. Nobilissimas creaturas in ordine gratiæ. Suas perfectiones. Personas à se procedentes nempe Filium. Spiritum Sanctum.

Punctum Secundum.

Idem probatur secundò rationibus ex parte animæ nostræ. Primò quia est pretiosa. Secundò quia immortalis. Tertiò quia nostra.

Conclu-



## INDEX ARGUMENTORUM.

Conclusio.

*Expenduntur Christi verba. Luc. 12.  
Stulte hac nocte repetent animam tuam.*

### SERMO III.

*Pro Dominica III. Adventus.*

**Nobilitas, & spiritualitas nostræ  
animæ** monstrat importantiam  
nostræ salutis.

*Idea Sermonis.*

**EX**ordium. *Nemo sana mentis dubitat  
an habeat animam.*

Punctum Unicum.

*Nobilitas, & spiritualitas animæ, pro-  
batur primo scriptura. Secundo Patribus.  
Tertio Comparationibus citharedi. Inco-  
le domus. Quarto Rationibus naturali-  
bus, ex modo quo anima subsistit. Quo  
agit. Quo recipit. Quinto Rationibus su-  
pernaturalibus, ex pretio quo empta est,  
Sexto historiis sancti Carpi. Catharinæ Se-  
nensis.*

Conclusio.

*In eos qui animam proximi negligunt,  
& perdunt. In eos qui propriam negligunt.*

### SERMO IV.

*Pro Dominica IV. Adventus.*

**Salutem nostram debemus ope-  
rari** promptè, feridè, perseveranter.

*Idea Sermonis.*

**EX**ordium. *Electi, sunt feliciores in  
statu naturæ reparatæ, quam integræ.  
Nam interius habent majora auxilia. Ex-  
terius exemplar nobilius nempe Christum.  
Qui operatus est salutem nostram, citò, se-  
riò, perseveranter.*

Punctum Primum.

*Ejus exemplo debemus operari salu-  
tem citò. Primo scriptura. Secundo Pa-*

*tribus. Tertio Rationibus. Quarto exem-  
plis vitiosis. Virtuosis.*

Punctum Secundum.

*Salus operanda serio. Primo scriptura.  
Secundo Patribus. Tertio Comparationi-  
bus. Quarto Rationibus. Quinto Exem-  
plo Christi.*

Punctum Tertium.

*Salus operanda perseveranter. Primo  
scriptura. Secundo Instructionibus ex Di-  
vo Bernardo. Conclusio per recapitulatio-  
nem.*

### SERMO V.

*Pro Dominica infra octavam N. Dni.*

**Innocentia est** via certior ad no-  
stram salutem.

*Idea Sermonis.*

**EX**ordium. *Conditio innocentis primo  
honorabilior. Secundo jucundior. Ter-  
tio securior quam pœnitentis.*

Punctum Primum.

*Probatur argumentis ex parte Dei, quæ  
stultum sit perdere innocentiam, quia forte  
non recuperabitur. Primo scriptura. Se-  
cundo Patribus. Tertio Rationibus. Quar-  
to Exemplis. Quinto Responsione ad obje-  
ctiones.*

Punctum Secundum.

*Argumenta ex parte nostri. Primo scri-  
ptura. Secundo Patribus. Tertio Ratione.*

Conclusio.

*Primo scriptura. Secundo Rationibus.  
Tertio Comparationibus.*

### SERMO VI.

*Pro Dominica infra Epiphaniam Dni.*

**Virtus pœnitentiæ** iis, qui amise-  
runt innocentiam est absolute  
necessaria.

*Idea*



## INDEX ARGUMENTORUM.

### Idea Sermonis.

#### Punctum Unicum.

**P**oenitentia necessitas probatur primo scriptura. Secundo Patribus. Tertio Conciliis. Quarto Rationibus ex parte Dei. Ex parte nostri. Quinto Exemplis. Sexto Responsione ad objectionem.

#### Conclusio.

Per paraphrasim Verborum Pauli Act. 17. Nunc annuntiat Deus ut omnes poenitentiam agant.

### SERMO VII.

Pro Dominica II post Epiphan.

Essentia & Natura virtutis poenitentiae declaratur.

#### Idea Sermonis.

#### Punctum Primum.

**P**oenitentia ethymologia.

#### Punctum Secundum.

Ejus definitio.

#### Punctum Tertium.

Divisio. In poenitentiam Cathecumenorum. Iustorum. Peccatorum.

#### Punctum Quartum.

Argumentatio sumpta. Primo Ex scriptura. Secundo Patribus. Tertio Conciliis. Quarto Ratione. Quinto Exemplis.

#### Conclusio.

Per oppositionem poenitentiae damnatorum ad nostram.

### SERMO VIII.

Pro Dom. III. post Epiphaniam.

Notae & proprietates virtutis poenitentiae declarantur.

#### Idea Sermonis.

**E**xordium. Hominis conditio est melior quam bruti & Angeli, quia brutum non resurgit post mortem. Nec Angelus post casum, sicut homo.

#### Punctum Primum.

Convertimini: Poenitentiam esse mutationem. Probatur primo scriptura. Secundo Patribus. Tertio Conciliis. Quarto Rationibus.

#### Punctum Secundum.

Poenitentia convertit cor: Circa hoc notantur à sancto Gregorio duo errores.

#### Punctum Tertium.

Convertit totum cor. Primo Quoad amorem. Secundo Quoad objectum amoris. Tertio Quoad tempus, nempe ut pro semper convertamur.

#### Conclusio.

Ex dictis patet plerasque Confessiones esse invalidas.

### SERMO IX.

Pro Dom. IV. post Epiphaniam.

Ostenduntur tres primae notae, & proprietates falsae poenitentiae.

#### Idea Sermonis.

**F**alsa poenitentia. Primo est sera. Secundo mutilata. Tertio Naturalis.

#### Punctum Primum.

Poenitentia sera qua plerumque est falsa dissuadetur. Primo scriptura. Secundo Patribus. Tertio Rationibus ex parte Dei. Ex parte nostri. Ex parte poenitentiae quae dilata in mortem est involuntaria. In senectutem infœcunda. In crastinum incerta.

#### Punctum Secundum.

Falsa poenitentia est mutilata; quia vel non relinquit affectum peccati. Vel non omnis peccati. Vel non occasionem peccati.

#### Punctum Tertium.

Falsa poenitentia, est naturalis, & haec dissuadetur. Primo scriptura. Secundo Patribus. Tertio Ratione. Quarto Comparatione. Quinto praxi.



## INDEX ARGUMENTORUM.

Conclusio.

*Recapitulatio per exhortationem, ad imitandum Zachariam, qui festinans descendit, & gaudens.*

### SERMO X.

*Pro Domin. V. post Epiphan.*

*Ostenduntur tres alia proprietates falsae poenitentiae.*

*Idea Sermonis.*

**E**Xordium. *Sape mens nostra nos decipit. Sed precipue circa poenitentiam.*

*Punctum Primum.*

*Falsa poenitentia est tota exterior: Et haec improbat. Primo scriptura. Secundo Patribus. Tertiò Ratione. Quarto Comparatione.*

*Punctum Secundum.*

*Falsa poenitentia est scurilis, improbat primo scriptura. Secundo Patribus. Tertiò Ratione. Quarto Comparatione.*

*Punctum Tertium.*

*Falsa poenitentia est inconstans, & haec reprobat. Primo scriptura. Secundo Patribus. Tertiò Ratione. Quarto Comparationibus.*

Conclusio.

*Per exhortationem, evitandam dubiam, & incertam poenitentiam.*

### SERMO XI.

*Pro Dom. VI. post Dom. Epiphan.*

*De objecto materiali poenitentiae, quod est peccatum mortale & veniale.*

*Idea Sermonis.*

**E**Xordium. *Christus convertit in vasa gratiae instrumenta vindictae. Patet in poenitentia, in qua peccatum est materia sacramenti & virtutis: Peccatum inquam,*

*sive mortale: in primum punctum: sive veniale, in secundum.*

*Punctum Primum.*

*An unum peccatum mortale possit remitti sine alio. Rationes quibus videtur quod sic. Probatur quod non primò scriptura. Secundo Patribus. Tertiò Responsione ad rationes contrarias. Quarto instructione.*

*Punctum Secundum.*

*Poenitendum de veniali. Primo Ratione prateriti. Secundo Praesentis. Tertiò Futuri.*

Conclusio.

*Rationes conglobatae pro secundo puncto. Rationes, & Instructiones pro primo.*

### SERMO XII.

*Pro Dominica Septuagesima.*

*Poenitentia nunc agenda est, nec differenda in tempus futurum.*

*Idea Sermonis.*

*Punctum Primum.*

**C**onversio dilata in posterum est incerta, ob diem mortis incertum. *Primo scriptura. Secundo Patribus. Tertiò Comparatione. Quarto Ratione.*

*Punctum Secundum.*

*Conversio erit difficilior. Rationes ex parte Dei. Ex parte Daemonis. Ex parte nostri.*

*Punctum Tertium.*

*Conversio erit minus fructuosa. Primo scriptura. Secundo Patribus. Tertiò Comparatione. Quarto Rationibus. Quinto Exemplis Augustini.*

Conclusio.

*Rationes conglobatae ex tribus punctis.*

SERMO



## INDEX ARGUMENTORUM.

### SERMO XIII.

*Pro Domin. Sexagesima.*

**P**œnitentia non est differenda in ultimum morbum.

*Idea Sermonis.*

**E**xordium. *Leges humane sanciunt ultimam voluntatem esse liberam; multo magis Lex Divina. At pœnitentia in morte, non est Libera, ergo periculosa.*

*Punctum Primum.*

*Eam esse periculosam, probatur quatuor scriptura Locis.*

*Punctum Secundum.*

*Idem probatur ex Patribus antiquis, in Africa, Tertulliano, Cypriano, Augustino, In Europa, Salviano, & aliis. In Asia. Patribus Concilii Neocasariensis. Patribus recentioribus.*

*Punctum Tertium.*

*Idem probatur rationibus. Primo Ex parte Dei. Secundo Ex parte nostri. Tertio Ex parte pœnitentia.*

*Conclusio.*

*Per recapitulationem.*

### SERMO XIV.

*Pro Domin. Quinquagesima.*

**D**e eodem argumento.

*Idea Sermonis.*

**E**xordium. *Qui differt conversionem in mortem, non poterit dici virtuosus, ob tria.*

*Punctum Primum.*

*Conversio dilata in mortem, est incerta. Primo scriptura. Secundo Patribus. Tertio Ratione. Quarto Historiis.*

*Punctum Secundum.*

*Conversio tunc erit difficilior. Primo*

*Rationibus ex parte Dæmonis. Secundo ex parte Nostri.*

*Punctum Tertium.*

*Erit involuntaria. Primo scriptura. Secundo Patribus. Tertio Rationibus ex diversis scientiis.*

*Conclusio.*

*Paraphrasis illorum verborum: Ecce nunc tempus acceptabile.*

### SERMO XV.

*Pro Domin. I. Quadrages.*

**P**œnitentia debet durare tota vita.

*Idea Sermonis.*

*Punctum Unicum.*

**P**œnitentia virtus debet durare per totam vitam: *Quod probatur primo scriptura. Secundo Patribus. Tertio Conciliis. Quarto Rationibus. Primo satis factiois pro peccatis primi parentis. Avorum nostrorum. Concilium. Secundo Imitationis Christi. Tertio Preservationis. Quinto Comparationibus. Sexto Exemplis.*

*Conclusio.*

*Confirmans predicta, per scripturam. Patres. Exempla.*

### SERMO XVI.

*Pro Domin. II. Quadrages.*

**P**rimum impedimentum pœnitentia est cæcitas spiritus.

*Idea Sermonis.*

**E**xordium. *In ordine nature nihil nobilius intellectu, nihil miserius ejus cæcitate.*

*Punctum Primum.*

*Cæcitas mentis causa. Primo Vindicta Dei.*



## INDEX ARGUMENTORUM.

*Et Dei. Primo scriptura. Secundo Patribus. Tercio Ratione. Quarto Exemplo Achab decepti. Secunda causa malitia Demonis, à quo obsecamur sicut Sedecias. Tertia causa aliqua passio.*

### Punctum Secundum.

*Remedia. Primo preservativum, credere quod Deus non excusat culpas per cecitatem commissas. Secundo Curativum, tollere causas. Primo orando Deum, & poenitendo. Secundo subiiciendo se directori. Tercio dissidendo de nostris affectibus.*

## SERMO XVII.

*Pro Dom. III. Quadrages.*

Secundum Impedimentum est  
durities Cordis.

### Idea Sermonis.

**E**XORDIVM. Zacharias, visione am-  
phora qua portata est in Sennaar, ex-  
primit quinque gradus quibus pervenitur  
ad duritiem cordis. Primus est derelictio  
à Deo, cum post completum cumulum pec-  
catorum deserit animam. Primo scriptu-  
ra. Secundo Patribus. Tercio Exemplis.  
Secundus gradus insensibilitas, ad damna  
spiritualia. Ad temporalia. Tertius gra-  
dus Assiduitas peccandi. Quartus Impru-  
dentia. Quintus stabilitas in malo.

### Conclusio.

*Primo per Eximium locum Bernardi  
ad Eugenium. Secundo per recapitulatio-  
nem.*

## SERMO XVIII.

*Pro Dom. IV. Quadrages.*

De Tribus partibus poeniten-  
tia in Generali.

### Idea Sermonis.

**E**XORDIVM. Hoc sacramentum meri-  
to habet tres partes. Unde hic dantur  
tria monita circa singulas.

### Punctum Primum.

*Monita de Compunctione. Primum,  
ea est de necessitate medii. Primo scriptura.  
Secundo Conciliis. Tercio Ratione. Quar-  
to Instructione. Secundum, ea debet esse  
supernaturalis. Tertium, sola attritio, si-  
ne absolutione non justificat.*

### Punctum Secundum.

*Monita de confessione. Primum, confi-  
tenda peccata interiora. Secundum pecca-  
ta omissionis. Tertium, Aliena.*

### Punctum Tertium.

*Monita de satisfactione: Primum, eam  
obligare in conscientia. Secundum, impo-  
nendam convenienter. Tertium, non ean-  
dem pro quibusvis peccatis.*

### Conclusio.

*Primo cavenda peccata futura. Secun-  
do de prateritis vera poenitentia agenda, &  
à Deo petenda, utrumque explicatur com-  
parationibus.*

## SERMO XIX.

*Pro Dominica de Passione.*

### De Contritione.

### Idea Sermonis.

**E**XORDIVM. Sicut ad tumoris, sic ad  
peccati remedium tria requiruntur.

### Punctum Primum.

*Contritionis necessitas probatur. Primò  
scriptura. Secundo Patribus. Tercio Ra-  
tione. Quia est remedium maximè pro-  
prium quod convenit omni peccato. Et so-  
li. Et semper.*

Pun-



## INDEX ARGUMENTORUM.

### Punctum Secundum.

*Contritionis essentia, nempe quod sit dolor de peccato. Primò scriptura. Secundò Patribus. Tertiò Ratione.*

### Punctum Tertium.

*Contritionis conditiones, multum conducunt ad salutem. Prima, quod sit vera sicut Zachai. Non falsa sicut Antiochi. Secunda, ex motivo supernaturali, sicut Davidis, non naturali sicut Saulis. Quod sit integra sicut Petri, non mutilata sicut Iudæ.*

## SERMO XX.

*Pro Domin. Palmarum.*

*De Examine conscientie.*

*Idea Sermonis.*

**P***rimò Examen faciendum. Secundò super Qua. Tertiò Quomodo.*

### Punctum Primum.

*Examen faciendum probatur. Primo scriptura. Secundo Patribus. Tertio Comparationibus. Quarto Rationibus. Primo quia utile ad perfectionem. Secundo quia necessarium ad contritionem, ad confessionem, ad satisfactionem.*

### Punctum Secundum.

*Examinanda. Primo peccati essentia. Secundo circumstantia, persona, quantitatis, modi, finis. Tertio causa. Quarto effectus.*

### Punctum Tertium.

*Quomodo faciendum examen, docetur per paraphrasim verborum Jeremie, Se-  
debit solitarius, & tacebit. &c.*

## SERMO XXI.

*Pro Domin. Resurrectionis.*

*De bono proposito non amplius peccandi.*

*Idea Sermonis.*

**E***XORDIVM. Immutabilitas Dei pro-  
cedit ex ejus simplicitate: Sic conver-  
sio ut sit constans, debet esse simplex, nempe  
cum sincero proposito nunquam peccandi.*

### Punctum Primum.

*Necessitas hujus propositi. Quia sine eo  
conversio non est vera, nec firma, quod pro-  
batur. Primo, scriptura. Secundo Patri-  
bus. Tertio Conciliis. Quarto Ratione.*

### Punctum Secundum.

*Effectus hujus propositi, Primus fuga  
occasionum. Secundus fuga dispositionum  
quæ sunt vitia capitalia quamvis parva,  
quod probatur inductione superbia Salo-  
monis. Avaritie Achab. Luxurie Hero-  
diadis. Invidie Saulis. Gula Esau. Ira  
filiorum Jacob. Pigrutia Davidis. Tertius  
effectus, extirpatio inclinationum, quæ sit  
primo per orationem, secundo per fervorem  
in bonis operibus.*

### Conclusio.

*Per paraphrasim illorum verborum, in  
simplicitate cordis letus oblii universa.*

## SERMO XXII.

*Pro Domin. in Albis.*

*De fuga occasionum necessaria  
ad veram pœnitentiam.*

*Idea Sermonis.*

**E***XORDIVM. Quicquid refertur ad  
peccatum est odiosum, ergo & ejus oc-  
casio.*

Pun



## INDEX ARGUMENTORUM.

### Punctum Unicum.

*Eam esse fugiendam, probatur. Primo scriptura. Secundo Patribus. Tertio Conciliis. Quarto Rationibus. Primo ex charitate in nos. Secundo ex humilitate. Quinto exemplis evitandis, Samsonis, Davidis, Salomonis. Sexto exemplis imitandis in Lege naturae Joseph. In script. Judith. In nova, Martinianus. Septimo argumentis conglobatis. Conclusio per recapitulationem.*

### SERMO XXIII.

*Pro Domin. II. post Pascha.*

#### De confessione sacramentali.

*Idea Sermonis.*

**E**Xordium. *Hæc verba Confitebor adversum me &c. Inducunt confessionem debere esse. Primo preparatam. Secundo vindictivam. Tertio Integram.*

#### Punctum Primum.

*In hoc tribunal poenitens est pars adversa contra se, unde debet parare accusationem, scrutando sua crimina per examen. Præcipua pars hujus examinis est dolor. Ardenter petendus à Deo.*

#### Punctum Secundum.

*Debet animo vindicatorio contra se conformari intentionibus, ob quas Christus instituit confessionem, quæ sunt punitio, humilitatio, correctio. Ergo debet querere severum judicem ut puniatur. Non se excusare, sed accusare ut humilietur. Petere poenas convenientes, ut corrigatur.*

#### Punctum Tertium.

*Debet integrè confiteri. Primo scriptura. Secundo Patribus, Tertio Rationibus. Sumptis ex qualitatibus confessarii in se, & erga poenitentem; nempe quia est homo, Christianus, sacerdos, Pater, Medicus, Iudex. Quarto Historia.*

### Conclusio.

*Piæ instructiones per paraphrasim illorum verborum. Dixi confitebor.*

### SERMO XXIV.

*Pro Domin. III. post Pascha.*

#### De satisfactione.

*Idea Sermonis.*

**E**Xordium. *Demonst. det impedire, aut inficere, aut mutilare sacramentum poenitentia & hoc adimplet, cum leves poenitentia imponuntur pro magnis peccatis. Quod probatur inductione in quatuor punctis. Primo, De contritione. Primo scriptura. Secundo Ratione. Tertio Comparatione. Quarto praxi Ecclesiæ antiquæ.*

#### Punctum Secundum.

*Idem probatur de confessione. Primo Scriptura. Secundo Patribus. Tertio Conciliis. Quarto Ratione.*

#### Punctum Tertium.

*Idem probatur de satisfactione. Primo Rationibus ob quas est instituta. Secundo Stephani Papæ.*

#### Punctum Quartum.

*Idem de absolutione. Primo scriptura. Secundo Patribus. Tertio Conciliis.*

### Conclusio.

*Piæ instructiones, per illa verba. Facite fructus dignos poenitentiae.*

### SERMO XXV.

*Pro Domin. IV. post Pascha.*

#### De Beneficio absolutionis.

*Idea Sermonis.*

**E**Xordium. *Christus potestatem remittendi peccata, quam accepit à Patre, dedii sacerdotibus.*

Punctum



## INDEX ARGUMENTORUM.

### Punctum Primum.

*Quod omittitur ubi non sunt Heretici. Hæc potestas probatur primo scriptura. Secundo refutatione effugiorum. Tertio Patribus.*

### Punctum Secundum.

*Pensantur circumstantie hujus potestatis. Prima quod sit divina. Secunda suprema, non subalterna. Tertia Regalis. Quarta Generalis, & amplissima. Quinto facilis executione.*

### Punctum Tertium.

*Dissuadetur abusus tanti beneficii.*

## SERMO XXVI.

*Pro Dom. V. post Pascha.*

**Peccatum ostendit majestatem Dei, quam cognoscimus per viam causalitatis, Eminentie & supereminentie.**

### Idea Sermonis.

**E**XORDIVM. *Cogitando, & loquendo de Deo sumus idiota. Pueri bulbatientes, rustici rudes, & tamen Deus dignatur acceptare nostras Laudes.*

### Punctum Primum.

*Conjicimus ejus perfectiones tribus viis, Prima causalitatis. Secunda eminentie. Tertia supereminentie, seu inaccessibilitatis.*

### Punctum Secundum.

*Iisdem viis cognoscitur malitia peccati, ex Prima, ex Secunda, ex Tertia.*

### Conclusio.

*Peccatum infinitis lacrymis dignum.*

## SERMO XXVII.

*Pro Dom. infra Octavam Ascens. Dom.*

**Peccatum ostendit quatuor dimensionones perfectionum Divinarum,**

### Idea Sermonis.

### Punctum Primum.

**C**ontinet quatuor dimensionones perfectionum Dei. Prima est sublimitas, nempe quod earum excellentie sunt in summo gradu. Quod probatur primo in genere. Secundo in specie. Secunda latitudo, qua se extendunt ad omne objectum passibile. Tertia Longitudo, nempe Eternitas. Quarta Profundum, nempe quod sint abyssus infinita.

### Punctum Secundum.

*Debita nostra erga has Dei perfectiones. Primum Honor. Secundum Amor. Tertium timor peccati quod illas offendit, quatuor dimensionibus odiosis. Prima sublimitas. Secunda Latitudo. Tertia Longitudo. Quarta profundum.*

## SERMO XXVIII.

*Pro Festo S. Pentecostes.*

**De injuriis, quas peccatum infert personis sanctissimæ Trinitatis.**

### Idea Sermonis.

**E**XORDIVM. *Quibus verbis scriptura exprimat injurias peccati in Deum.*

### Punctum Primum.

*Peccatum offendit potentiam, & Dominium Patris, quod probatur comparatione ex Augustino sumpta.*

### Punctum Secundum.

*Offendit sapientiam, & providentiam Filii, quia destruit ejus finem.*

### Punctum Tertium.

*Ostendit bonitatem, & charitatem Spiritus Sancti: Nam audacter committitur quia Deus bonus est.*

### Punctum Quartum.

*Offendit vitam trium Personarum.*

### Conclusio.

*Exhortatio ad fugam peccati.*



## INDEX ARGUMENTORUM.

### SERMO XXIX.

Pro Eesto S. Trinitatis.

**Peccatum facit ut abutamur beneficiis Divinis.**

Idea Sermonis.

Punctum Primum.

**P**eccatum offendit beneficium creationis, nam est contra ejus finem, nempe gloriam Dei: Et hoc explicatur primo de veniali. Et probatur primo scriptura. Secundo ex Bern. Tertio Ratione. Deinde de mortali.

Punctum Secundum.

Peccatum offendit beneficium Redemptionis. Primo scriptura. Secundo Patribus. Tertio parabola uxoris adulterae.

Punctum Tertium.

Peccatum offendit beneficium inspirationum. Primo scriptura. Secundo Patribus. Tertio ratione. Quarto comparatione. Quinto exemplo.

Conclusio.

Per recapitulationem in illa verba: Quae perfecisti destruxerunt.

### SERMO XXX.

Pro Domin. II. post Pentecosten.

**Peccatum offendit beneficium**

Incarnationis.

Idea Sermonis.

**E**XORDIVM. Deus est incomprehensibilis. Et tamen incarnatus est.

Punctum Primum.

Potuit incarnari, quod illustratur per responsionem ad objectiones quas infideles apud Augustinum faciebant contra hoc mysterium. Prima. Secunda. Tertia. Responsio ad primam. Ad Secundam. Ad Tertiam.

Punctum Secundum.

Voluit incarnari, hoc illustratur, Pri-

mo scriptura. Secundo expendendo eximia verba Bernardi: Amor dignitatis nescius. Dignatione dives. Affectu potens. Suasus efficax.

Conclusio.

Expenduntur, & applicantur ad mores eadem Bernardi verba.

### SERMO XXXI.

Pro Domin. III. post Pentecost.

**De Injuriis, quas peccatum infert homini, Deo.**

Idea Sermonis.

**E**XORDIVM. Peccatum destruit opes Christi, eum expellit e domo sua, inhonorat, crucifigit.

Punctum Primum.

Opes Christi quas peccatum destruit, sunt thesauri gratiae, quod probatur primo scriptura. Secundo Patribus. Tertio ratione.

Punctum Secundum.

Peccatum pellit Christum e domo sua. Quam hoc sit illi injuriosum, probatur ex amore illius erga animam justam. Primo scriptura. Secundo Patribus. Tertio ratione. Quarto comparatione.

Punctum Tertium.

Peccatum inhonorat Christum. Primo scriptura. Secundo Patribus. Tertio rationibus.

Punctum Quartum.

Crucifigit Christum. Primo scriptura. Secundo comparationibus: Tertio exhortatione ad fugam peccati, cujus malitia preponderat bonitati omnium bonorum operum, tam nostrorum quam omnium Sanctorum.

Conclusio.

Recapitulatio per paraphrasim: Quare me persequeris.

SERMO



## INDEX ARGUMENTORUM.

### SERMO XXXII.

*Pro Dom. IV. post Pentecost.*

**Peccatum est causa, cur Deus nos**  
deferat, contemnat, & abomi-  
netur.

*Idea Sermonis.*

**D**eus peccatorem deserit, spernit, odit.  
Punctum Primum.

*Deserit, hac derelictio est major pœna*  
*quem quævis temporalis. In ea continen-*  
*tur tres pœna. Prima privatio benevolen-*  
*tia Dei. Secunda doni perseverantia. Ter-*  
*tia augmenti gloria.*

Punctum Secundum.

*Deus peccatorem spernit tanquam i-*  
*gnarum, infantem, stultum, bestiam, ni-*  
*hilum.*

Punctum Tertium.

*Deus illum odit. Primo odio abomina-*  
*tionis. Secundo odio malevolentia,*

Conclusio.

*Per verba Ierem.*

*Oderunt peccare boni virtutis amore:*  
*Oderunt peccare mali formidine pœ-*  
*næ.*

### SERMO XXXIII.

*Pro Domin. V. post Pentecosten.*

**Peccatum nos reddit odiosos fan-**  
ctis cœli, nos assimilat bestiis terræ,  
reddit nos mancipia Diaboli.

*Idea Sermonis.*

**E**XORDIVM. Sancti in hoc mundo Ze-  
lant contra peccatum, multo magis in  
cœlo.

Punctum Primum.

*Per peccatum sumus odiosi sanctis. Pri-*  
*mo scriptura. Secundo Patribus. Tertio*  
*ratione, quia amant Deum, & oderunt*

*peccatum in se, & aliis. Quarto compara-*  
*tione Abisai. Quinto gratiarum actione.*  
Punctum Secundum.

*Per peccatum sumus primo similes bel-*  
*luis. Primo Patribus. Secundo Inductio-*  
*ne. Secundo sumus belluis inferiores. Pri-*  
*mo scriptura. Secundo Patribus, & ratio-*  
*nibus quas afferunt. Tertio inductione,*  
*Quarto comparationibus.*

Punctum Tertium.

*Per peccatum sumus servi diaboli. Pri-*  
*mo scriptura. Secundo Patribus, Tertio*  
*Ratione. Quarto Experientia.*

Conclusio.

*Comparatio ruine animarum destru-*  
*ctioni templi ex Chrysostomo S. recapitula-*  
*tio per lamentationes Jeremie.*

### SERMO XXXIV.

*Pro Dom. VI. post Pentecosten.*

**Peccatum depauperat, de format,**  
& tormentat animas.

*Idea Sermonis.*

**E**XORDIVM. Nihil timendum in hac  
vita quam peccatum, quod spoliât,  
maculat, cruciat animam.

Punctum Primum.

*Primo spoliât bonis acquisitis; quod pro-*  
*batur scriptura, Patribus, comparatione,*  
*ratione. Secundo impedit acquirenda.*

Punctum Secundum.

*Peccatum maculat animam. Primo*  
*scriptura. Secundo Patribus. Tertio Ex-*  
*perientia. Quarto ratione. Quinto com-*  
*parationibus.*

Punctum Tertium.

*Cruciat animam. Primo scriptura. Se-*  
*cundo Patribus, Tertio rationibus.*

Conclusio.

*Recapitulatio. Primo per comparatio-*  
*nem. Secundo per lamentationes Jeremie.*



## INDEX ARGUMENTORUM.

### SERMO XXXV.

*Pro Dom. VII. post Pentecosten.*  
Peccatum est causa afflictionum  
temporalium.

*Idea Sermonis.*

**E**XORDIVM. *Iustitia Dei est timenda.*

Punctum Primum.

*Deus punivit personas particulares poenitentibus: In bonis Ezechiam: in honore Oziam: in vita Onan.*

Punctum Secundum.

*Deus infixit tria flagella ob unicum peccatum: Famem ob Saulis. Pestem ob Davidis. Malum successum in bello ob Achab. Hac tria flagella multis provinciis, nostro tempore.*

Punctum Tertium.

*Morale, non punimur his flagellis, quia servamur aeternis. Quae multo graviora sunt si comparentur. Primo poena poenis. Secundo culpa culpis. Tertio persona personis. Quarto status statui.*

Conclusio.

*Malum & amarum est peccare, ut ait Jeremias.*

### SERMO XXXVI.

*Pro Dom. VIII. post Pentecosten.*  
Peccatum mortale reddit mortem nostram infelicem

*Idea Sermonis.*

**E**XORDIVM. *Videtur quod mors non sit poena. Explicatur quomodo sit poena. Peccatum est centrum mortis.*

Punctum Primum.

*Mors peccatorum mala: In mundi amissione. Primo scriptura. Secundo Patribus. Tertio rationibus. Quarto comparationibus.*

Punctum Secundum.

*Peior in carnis separatione. Primo scriptura. Secundo Patribus. Tertio historiis. Quarto comparatione.*

Punctum Tertium.

*Pessima in vermis duplici corrosione. Primo ob bona omissa. Secundo ob mala commissa.*

Conclusio.

*Primo in morte undiq; peccatori objecta timoris, & tristitia. Secundo expenduntur verba Christi; Facite vobis amicos.*

### SERMO XXXVII.

*Pro Dom. IX. post Pentecost.*  
Peccatum mortale nos exponit  
veritati, severitati iudiciorum  
Dei.

*Idea Sermonis.*

**E**XORDIVM. *Iustitia Dei est ejus veritas quadruplex, nempe essentia, cognitionis, locutionis, operationis. Eas exercet in iudicio, ut docet S. Joannes, Apoc. 1.*

Punctum Primum.

*Veritas essentiae, ostendit gravitatem peccati divinis perfectionibus oppositi, quod significatur Apoc. 1. 14. Caput ejus, & capilli candidi sicut nix.*

Punctum Secundum.

*Oculi ejus tanquam flamma ignis. Veritas cognitionis, quae intimas radices actionum intuetur.*

Punctum Tertium.

*Ex ore ejus gladius utraque parte acutus. Veritas locutionis, quae in divitibus, & pauperibus punit qualibet peccata, graviora, & leviora, interna, & externa.*

Punctum Quartum.

*Vox ejus tanquam vox aquarum multarum. Veritas operationis quae prolatam sententiam exequitur.*

Con-



## INDEX ARGUMENTORUM.

Conclusio.

*Paraphrasis illorum verborum. Tunc videbunt filium hominis, &c.*

### SERMO XXXVIII.

*Pro Dom. X. post Pentecosten.*

Peccatum mortale nos privat felicitatibus cœli.

Idea Sermonis.

**E**XORDIVM. Deus prædestinavit homini tres habitationes, pro exercitio triplici vite; nempe sinum matris, pro vegetativa: Hunc mundum pro sensitiva: Paradisum pro intellectuali: Et quanto secunda antecellit primam, tanto tertia secundam.

Punctum Primum.

Considerat locum, societatem, actiones beatorum. Locus primus est spatiosus. Secundus purus. Tertius ornatus. Societas beatorum gratissima. Primo ob pulchritudinem corporum. Secundo ob excellentiam animi. Tertio ob dominium animæ in corpus. Actiones beatorum jucundissima. Primo in intellectu, visio Dei. Secundo in voluntate fruitio, & adimpletio omnium desideriorum. Tertio in memoria recordatio, & laus à Deo bonorum operum.

Punctum Secundum.

Ex iisdem considerationibus probatur peccatorem obstinatum, immerito sperare beatitudinem. Ex primo an qui toties peccavit, obtinebit locum, quem Angelus unico peccato perdidit? Ex secundo an coinquinatius audebit sociari beatis tam puris, tam sanctis? Ex tertio an Deus volet uniri in æternum Animam tam impuram. Secundo an voluntatem contemnentium se faciet? Tertio Quid laudabitur in peccatore, cum laus erit unicuique à Deo.

Conclusio.

*Quam felix sors prædestinati.*

### SERMO XXXIX.

*Pro Dom XI. post Pentecosten.*

Peccatum mortale nos ducit ad pœnas inferni.

Idea Sermonis.

**I**N sententia damnationis consideratur iudex, carnifex, reus, pœna.

Punctum Primum.

Iudex est Deus cujus severitas probatur quia est magnus potens, sapiens, bonus.

Punctum Secundum.

Carnifex est demon, qui est crudelis, fortis, infatigabilis, inflexibilis.

Punctum Tertium.

Reus, homo debilissimus, quod probatur primo scriptura. Secundo Patribus. Tertio ratione.

Punctum Quartum.

Pœna, quæ est pura, multa, æterna.

Conclusio.

Continens, primo scripturam. Secundo Patres. Tertio figuram. Quarto historiam.

### SERMO XL.

*Pro Domin. XII. post Pentecosten.*

De peccato veniali.

Idea Sermonis.

**E**XORDIVM. Peccatum veniale non negligendum.

Punctum Primum.

Quid sit? & est triplex, ex S. Paulo, & D. Thoma, magnum, mediocre, parvum, quod per lignum, fenum, & stipulam significatur.

Punctum Secundum.

Differentia inter mortale & veniale.



## INDEX ARGUMENTORUM.

Punctum Tertium.

*Rationes cui fugiendum veniale: Ex parte Dei, quia ei displicet. Secundo ex parte peccati, quod aliquando ob aliquam circumstantiam est gravius, quam putamus. Tertio ex parte nostri, quia aliquando ducit ad mortale. Primo privatione gratiarum. Secundo occasione. Tertio dispositione.*

### SERMO XLI.

*Pro Domin. XIII. post Pentecosten. De fide virtute Theologica & quam difficile fuerit destrui Idololatriam, & substitui fidem*

*Christi.*

*Idea Sermonis.*

**E***Rat naturaliter impossibile idololatriam destrui ab Apostolis, & substitui fidem Christianam. Primo quia hoc opus erat arduum. Secundo quia nulla ad hoc instrumenta. Tertio quia multa impedimenta.*

*Punctum Primum.*

*Opus erat arduum. Primo scriptura. Secundo Patribus. Tertio rationibus, quia in hoc erat suspitio impietatis, ambitionis, seditionis, stultitia. Quarto exemplis eorum qui nihil simile exequi potuerunt, nempe philosophi, Noe, Jacob, Joseph, Moyses.*

*Punctum Secundum.*

*Nulla ad hoc instrumenta, imo contraria, quia erant judaei, timidi, ignari, unus linguae, pauci, dispersi.*

*Punctum Tertium.*

*Multa impedimenta ex parte Sacerdotum, Imperatorum, Doctorum, Magistratum, Prudentium.*

*Punctum Quartum.*

*Quam mirum quod id fecerint. Primo brevi tempore. Secundo mirabiliter. Tertio efficaciter. Quarto gloriose. Morale*

*in eos, qui idololatriam suscitant. Primo in animo indigna de Deo cogitantes. Secundo in corpore per ornatum muliebrem. In corde per inordinatum amorem creaturae.*

### SERMO XLII.

*Pro Dom. XIV. post Pentecosten. Ostendit quomodo obligati sumus Deo ob destructionem Idololatriæ & stabilitatem fidei.*

*Idea Sermonis.*

**E***XORLIVM. Unitas divina essentiae probatur. Primo ex parte Dei qui est simplex, supremus Dominus, infinitus. Secundo ex parte mundi. Tertio ex parte nostri.*

*Punctum Primum.*

*Idololatria est servitus. Primo vilis, colens vilissimos Dominos. Secundo turpis, cogens ad actiones turpissimas. Tertio crudelis. Quarto inevitabilis.*

*Punctum Secundum.*

*Probat quantum astringamur ad gratitudinem, & bonum usum beneficii, quo Christus hac servitute liberavit: Paraphrasis verborum Sancti Petri, Vos autem genus electum, gens sancta. &c.*

### SERMO XLIII.

*Pro Domin. XV. post Pentecost. De proprietatibus fidei, quomodo sit columna.*

*Idea Sermonis.*

*Punctum Primum.*

**F***ides est columna, id est firma, quia fundata super Ecclesiam, qua est firmamentum veritatis. Quod probatur contra hereticos, & debet esse firma in nobis.*

*Punctum Secundum.*

*Est columna nubis, Argumentum non appaentiu. Primo scriptura. Secundo Patribus. Tertio ratione. Quarto exhortatione.*

*Pun-*



## INDEX ARGUMENTORUM.

Punctum Tertium.

*Fides est columna ignis ardens claritate, & bonis operibus. Primo scriptura. Secundo Patribus. Tertio ratione.*

### SERMO XLIV.

Pro Dom. XVI. post Pentecosten.

De spe in misericordia Dei, & confidentia in ejus providentia.

Idea Sermonis.

Punctum Primum.

**F**iducia in Deum fundatur. Primo in ejus potentia, quam videmus in creatione, conservatione, redemptione mundi. Secundo in ejus sapientia, quæ disponit suaviter, & attingit fortiter. Tertio in ejus bonitate.

Punctum Secundum.

*In eam peccamus. Primo cum non soli Deo fidimus. Secundo cum non ab initio. Tertio cum non firmiter usque in finem.*

Punctum Tertium.

*Hinc fit ut non mereamur tam præstans auxilium Dei, quod probatur. Primo scriptura. Secundo Patribus. Tertio ratione. Quarto comparatione.*

Conclusio.

*Paraphrasis verborum Ecclesiastici. Habe fiduciam in Domino.*

### SERMO XLV.

Punctum Primum.

Pro Dom. XVII. post Pentecost.

Beatitudo in cælo consistit in visione, hic vero in terra in amore Dei.

Idea Sermonis.

Punctum Primum.

**P**erfectio ut beatitudo nostra in cælo, essentialiter consistit in visione Dei. sed super terram consistit in amore.

Punctum Secundum.

Propterea Deus nos obligat ad amorem

*suum, omnibus viis. Primo praecepto. Secundo donis. Tertio promissionibus. Quarto minis. Quinto vi. Sexto philtro.*

Conclusio.

*Praxis illius Consilii. Increpa, argue, obsecra.*

### SERMO XLVI.

Pro Dom. XVIII. post Pentecost.

Ostendit honorem, quem ex virtute Religionis tenemur exhibere

Ecclesiis.

Idea Sermonis.

Punctum Primum.

*Considerantur impense factæ in templo Salomonis. Inde excitamur ad ornanda nostra templa, præcipue in pagis.*

Punctum Secundum.

*Quomodo prophanantur. Primo generaliter. Secundo specialiter per superbiam, per scandalum, per luxuriam, per invidiam, per avaritiam, per idololatriam, per immodestiam, per sacrilegia.*

Punctum Tertium.

*Hæc prophanatio dissuadetur rationibus. Primo ex parte Christi. Secundo ex parte nostri. Tertio reipublicæ.*

### SERMO XLVII.

Pro Dom. XIX. post Pentecost.

Declarat naturam juramenti, & Blasphemie.

Idea Sermonis.

**E**XORDIUM. Licet aliquando jurare.

Punctum Primum.

*De juramento. Primo quid sit. Secundo quotuplex. Tertio quas condiciones requirat. Quarto cur frequens sit vitandum.*

Punctum Secundum.

*Blasphemia damnatur. Primo scriptura. Secundo Patribus. Tertio rationibus.*

*Quia blasphemus est pejor latrone, homicida,*



## INDEX ARGUMENTORUM.

*da, hereticis, Turcis, paganis, judæis, tor-  
toribus Christi, draconibus, cane furioso,  
demonibus.*

Conclusio.

*Paraphrasis verborum Christi: Sit ser-  
mo vester est, est, quod autem amplius est,  
à malo est.*

### SERMO XLVIII.

*Pro Dom. XX. post Pentecosten.*

*De Observatione Dominicæ,  
& Festorum.*

*Idea Sermonis.*

**T***Ribus punctis pensantur hæc tria ver-  
ba: Memento, ut diem sabbathi  
sanctifices.*

Punctum Primum.

*Memoria est res valde mirabilis quoad  
multa. Valde commoda, vita civili neces-  
saria. Ergo cultui divino mancipari debet.*

Punctum Secundum.

*Dies septima nempe Dominica, impen-  
di debet, in rememorandis Dei beneficiis.  
Primo creationis. Secundo redemptionis.  
Cujus mysteria sunt addiscenda, meditan-  
da, honoranda. Tertio sanctificationis.*

Punctum Tertium.

*Dies Dominica sanctificanda. Primo  
faciendo bonum. Secundo abstinendo ab  
operibus servilibus, & malis.*

Conclusio.

*Argumenta conglobata per paraphra-  
sim verborum Psalmi: Convertere ani-  
ma mea in requiem tuam.*

### SERMO XLIX.

*Pro Dom. XXI. post Pentecosten.*

*De Obligatione Parentum erga  
proles, & ostendit quod iis debeant  
alimenta, documenta, cor-  
rectionem.*

*Idea Sermonis.*

Punctum Primum.

**P***arentes debent filiis alimenta. Primo  
scriptura. Secundo Patribus. Tertio  
ratione. Quarto instructione pro patribus,  
Pro filiis.*

Punctum Secundum.

*Debent eis documenta. Primo scriptu-  
ra. Secundo Patribus. Tertio rationibus.  
Quarto exemplis. Quinto instructionibus.*

Punctum Tertium.

*Debent correctionem. Probatur hoc ex-  
emplo Heli, & Sara.*

Conclusio.

*Salus infantium, lucrum est parentum,  
ex Hieronymo.*

### SERMO L.

*Pro Dom. XXII. post Pentecosten.*

*Ostendit Religionem esse statum  
gratissimum, & operandæ saluti aptissi-  
mum, adeoque Parentes graviter pecca-  
re, qui proles ab ejus ingressu  
impediunt.*

*Idea Sermonis.*

Punctum Primum.

**R***eligio est status Deo gratissimus. Pri-  
mo scriptura. Secundo ratione. Ter-  
tio Patribus.*

Punctum Secundum.

*Est status operandæ saluti aptissimus.  
Primo quoad præteritum, quia ibi sit pœ-  
nitentia de peccatis commissis. Secundo  
quoad præsens, quia ibi declinatur à malo,  
& fit bonum. Tertio quoad futurum, quia  
ibi vitatur mors improvisa, & mala. Epi-  
tome prædictorum ex D. Bern. Unde filii  
debent sequi hanc vocationem, etiam in vi-  
tis parentibus.*

SERMO



## INDEX ARGUMENTORUM.

### SERMO LI.

*Pro Dom. XXIII. post Pentecost.*

Ostendit, quam graviter noceant parentes prolibus, dum eas cogunt ad statum Ecclesiasticum, & quam periculosum sit fieri sacerdotem, sine vocatione, & unde possit cognosci illa vocatio.

*Idea Sermonis.*

**E**XORDIVM. Paulus numerans virtutes necessarias Episcopis, id etiam intelligit de sacerdotibus.

Punctum Primum.

*Quam periculosum fieri sacerdotem sine vocatione. Primo scriptura. Secundo Patribus. Tertio rationibus. Quarto exemplis.*

Punctum Secundum.

*Quibus notis cognoscimus nos non vocari à Deo. Primo intentio terrena. Secundo vita præcedens vitiosa. Tertio non habere talenta.*

Punctum Tertium.

*Parentes qui filios intendunt in sacros ordines, peccant. In Deum, in Ecclesiam, in suam familiam.*

### SERMO LII.

*Pro Dom. XXIV. post Pentecost.*

Ostendit proles debere parentibus honorē, obedientiam, amorē.

*Idea Sermonis.*

**C**oncilio complectitur tria debita filiorum, tria motiva ad hæc, tria monita pro parentibus.

Punctum Primum.

*Debita filiorum. Primum honor, secundum amor, tertium obedientia.*

Punctum Secundum.

*Motivum Primum ex parte Dei. Secundum ex parte parentum nempe dolores matris, labores patris, amores utriusque. Tertium ex parte filiorum.*

Punctum Tertium.

*Monita pro parentibus. Primum erga Deum. Secundum erga filios. Tertium erga seipsos.*

### SERMO LIII.

*Pro Festo S. Andrea Apostoli.*

De Honorandis Patribus spiritualibus & sacerdotibus.

*Idea Sermonis.*

**E**XORDIVM. Argumenta hæreticorum dicentium, ministerium mali sacerdotis esse infructuosum.

Punctum Primum.

*Contrarium probatur. Primo scriptura. Secundo rationibus. Tertio Patribus. Quarto responsione ad argumenta. Quinto comparatione.*

Punctum Secundum.

*Sacerdotes honorandi qualescunque sint. Primo scriptura. Secundo Patribus. Tertio ratione. Quarto exemplis Salomonis, Constantini, Roberti Regis, Henrici Imperatoris, Anthonii, Francisci, Cathar. Senensis, Alexandri magni, Dei, morale.*

### SERMO LIV.

*Pro Festo Immaculate Conceptionis.*

De Obligatione Dominorum

Erga servos.

*Idea Sermonis.*

**E**XORDIVM. An inter Christianos debeant esse servi.

Punctum Primum.

*Exhortatio ad Dominos charitate in servos. Primo scriptura. Secundo Patribus. Tertio rationibus. Primo ex parte Dei. Secundo ex parte servorum, quia sunt homines sicut tu, fratres tui, fratres Christi, poenitentia agentes. Tertio ex parte tui spiritualiter, temporaliter. Quarto ex parte familie. Quarto exemplis Naaman, Petri à Luxembourg, sancti Martini, S. Pauli, Angeli, Christi.*



## INDEX ARGUMENTORUM.

### Punctum Secundum.

*Debita Dominorum in servos. Primo corde. Secundo ore. Tertio opere. In Dominos qui seducunt ancillas suas. Primo ex parte ancille, Secundo Domini. Tertio peccati. Monita pro servis.*

### Conclusio.

*Per recapitulationem argumentorum.*

### SERMO LV.

*Pro Festo S. Thomae Apostoli.*

*De debito Servorum erga Dños.*

### Idea Sermonis.

### Punctum Primum.

**E**xcellentia conditionis servilis. Primo quia Deus est author illius: Et hoc probatur inductione, in mundo naturali, Ecclesiastico, civili. A rationibus, nam sic Deus probat suam potentiam, sapientiam, bonitatem. Secundo est ejus exemplar. Tertio est merces. Nam servitus est via securior, rectior, facilior ad cælum.

### Punctum Secundum.

*Debita servorum. Primo servire fideliter, secundo libenter. Tertio humiliter.*

### Punctum Tertium.

*Motiva. Primo ex parte Dei. Secundo proximi. Tertio servi.*

### Conclusio.

*Monita pro Dominis.*

### SERMO LVI.

*Pro Festo Nativitatis Domini.*

*De Inimicitia.*

### Idea Sermonis.

**E**XORDIVM. Vindicta fuit semper prohibita.

### Punctum Primum.

*Quatuor matres quæ generant inimicitias. Prima antipathia naturalis. Secunda suspicio temeraria. Tertia amicitia inordinata. Quarta avaritia. Quatuor na-*

*trices quæ inimicitias alunt. Prima superbia. Secunda conscientia erronea. Tertia negligentia confessarii. Quarta lingua adulatrix.*

### Punctum Secundum.

*Remedia. Primum Christi præceptum. Secundum nostrum bonum. Primo honestum. Secundo jucundum. Tertio utile temporaliter, spiritualiter.*

### SERMO LVII.

*Pro Festo S. Stephani.*

*De Ira.*

### Idea Sermonis.

### Punctum Primum.

**I**N Deo non est proprie ira. Christus homo habuit iram, & quomodo.

### Punctum Secundum.

*Differentia inter iram Christi, & nostram. Quod ea nos prævenit, non ipsum. Secundo quod ira Christi est sine felle amaritudinis, nostra autem non sic.*

### Punctum Tertium.

*Remedia nostra ire. Primum præservativum. Secundum curativum. Tertium complectens utrumque.*

### Conclusio.

*Paraphrasis illorum verborum: Patientia vobis necessaria est.*

### SERMO LVIII.

*Pro Festo S. Ioannis Apostol. & Evangel.*

*De homicidio spirituali quod est scandalum.*

### Idea Sermonis.

**E**XORDIVM. Multum cavere debemus ne scandalisemus proximum.

### Punctum Primum.

*Quid sit scandalum. Explicatur definitio ex D. Thoma.*

### Punctum Secundum.

*Periculosus scandalisat proximum.*

*Primo*



## INDEX ARGUMENTORUM.

*Primo superiores. Secundo seniores. Tertio mulieres.*

Punctum Tertium.

*Argumenta ad dissuadendum scandalum. Primo ex parte Dei. Secundo proximi. Tertio nostri.*

### SERMO LIX.

*Pro Festo Circumcisionis Domini.*

De Luxuria.

Idea Sermonis.

**C**oncilio explicat de Luxuria visionem. Apocalyp. 17.

Punctum Primum.

*Causa, natura, effectus luxuria. Causa, nempe femina, otium. Demon; nam mulier sedet super bestiam. Hæc septem habet capita, nempe septem species hujus vitii, decem cornua, quia offendit decem Dei præcepta.* Punctum Secundum.

*Habebat poculum aureum plenum abominatione. Abominabile est hoc vitium, Deo Patri, Christo, Spiritui Sancto, Angelis; Sanctis, Hominibus hujus mundi; ipsi etiam luxurioso.*

Punctum Tertium.

*Remedia. Primum consideratio malorum. Secundum fuga abusus sensuum, conversationum, dispositionum, affectionum, occasionum. Tertium oratio.*

### SERMO LX.

*Pro Festo Epiphania Domini.*

De Excellentia Virginitatis contrariæ Libidini.

Idea Sermonis.

**V**irginitas comparatur lilio; & quatuor punctis consideramus ejus plantationem, irrigationem, culturam, fecundationem. Punctum Primum.

*Persat. Primo quis plantaverit hoc lili-um? Beata Maria. Secundo ubi? in eodem*

*fundo quo Christus. Tertio Quando? in instanti Incarnationis. Quarto Quomodo? præferendo hæc florem maternitati divina.*

Punctum Secundum.

*Irrigatus est sanguine sanctorum, Patriarcharum, Prophetarum, & aliorum ordinum.* Punctum Tertium.

*Cultura per studia Doctorum. Monita Sanctorum Patrum, pro cultura, & conservatione virginitatis. Primo ex Aug. ut fugiant superbiam. Secundo ex Ambrosio aspectus virorum. Tertio ex Chrys. avaritiam. Quarto ex D. Thom. musica instrumenta.* Punctum Quartum.

*Fecunditas. Primo producit martyres. Secundo ordines Religiosos. Tertio Christum.* Conclusio.

*Primo ad impudicos. Secundo ad virginem.*

### SERMO LXI.

*Pro Festo purificationis B. M. Virg.*

Contra vana ornamenta foeminarum quæ sunt esca libidinis.

Idea Sermonis.

**E**XORDIUM. Deus diligenter observat vana ornamenta mulierum.

Punctum Primum.

*Ea improbantur argumentis, ex parte Dei. Primo quia sic corripunt Deum. Secundo mendacii arguunt. Tertio de throno deiciunt. Quarto fiunt ei inimice.*

Punctum Secundum.

*Argumenta ex parte proximi. Primo scriptura. Secundo Patribus. Tertio ratione.*

Punctum Tertium.

*Argumenta ex parte foeminarum. Primo quia ex hac superbia oriuntur multa vitia, nempe inde votio, avaritia, prodigalitas, luxuria, invidia, ira, otiositas, scandalum.* Conclusio.

*Ex D. Bern. considerat. Primo unde ve-*



## INDEX ARGUMENTORUM.

*nis. Secundo ubi sis. Tertio quo vadis. Disce à Tertulliano quæ ornamenta tibi cōveniant.*

### SERMO LXII.

*Pro Festo S. Matthiæ Apostoli.*

**Contra choreas, saltus, Comœdias, atque alias mundi ineptias, libidinis incentiva.**

*Idea Sermonis.*

**E**XORDIVM. *Argumenta mundanorum pro choreis.*

Punctum Unicum.

*Ea improbantur. Primò scriptura. Secundo Patribus. Tertio Conciliis. Quarto praxi primitivæ Ecclesiæ. Quintò exemplis. Sexto rationibus. Primò ob sanctitatem ad quam tenemur. Secundo ob vitia quæ inde oriuntur. Tertio ob periculum concupiscentiæ. Quarto quia perit ibi devotio. Quinto leditur charitas. Sexto penitentia spiritus extinguitur. Septimo responsione ad argumenta mundanorum. Octavo experientia.*

### SERMO LXIII.

*Pro Festo S. Iosephi.*

**De Luxuria spiritali quæ est superbia.**

*Idea Sermonis.*

**E**XORDIVM. *Mirum quod Lucifer peccare potuerit. Ejus peccatū cōtinet omnes species superbiæ, & vitia quæ ex ea oriuntur.*

Punctum Primum.

*Luciferum imitatus est Nabuchodonosor. Et huius exemplo superbus incidit in vanam complacentiam, In ostentationem, Vanam gloriam, arrogantiam, presumptionem, ambitionem, sic exaltatus humiliatus. Primo temporaliter apud homines. Secundo spiritaliter quia incidit in vitia, quæ ex septem speciebus superbiæ procedunt. Primo invidiam. Secundo prodigalitatē. Tertio inconstantiam. Quarto iram. Quinto*

*to ingratitudinem. Sexto Luxuriam. Septimo avaritiam.*

Punctum Secundum.

*Nabuchodonosor conversus humiliatur, ejus exemplo tres actus humilitatis exercendi sunt à nobis. Humiliati exaltabimur tripliciter sicut Nabuchodonosor.*

Conclusio.

*Paraphrasis verborum Ecclesiastici. Quāto magn⁹ es, humilia te in omnibus.*

### SERMO LXIV.

*Pro Festo Annuntiationis Deiparæ.*

**De Furto, de fraudationibus.**

*Idea Sermonis.*

**C**oncilio complectitur, causam, essentiam, proprium effectum furti.

Punctum Primum.

*Furti causa ordinaria, est avaritia, quæ vocatur Radix omnium malorum. Primo quia est occulta. Secundo quia nutrit omnes ramos arboris, nempe omnia vitia. Tertio quia difficile evellitur.*

Punctum Secundum.

*Natura, & definitio furti. Rapina. Malignitas rapinarum quæ sunt in foro. Quia sunt inevitabiles, pœnales, monstruosæ, scandalosæ.*

Punctum Tertium.

*Furti effectus, obligatio ad restitutionē, de qua explicantur articuli D. Thomæ.*

Conclusio.

*Exhortatio ad vitandum furtum, & faciendam restitutionem. Primo scriptura. Secundo Patribus. Tertio rationibus. Ex parte Dei Patris, Christi, spiritus sancti, animæ nostræ, Satana filiorum. Quarto comparatione. Quinto exemplis.*

### SERMO LXV.

*Pro Festo SS. Apostolorum Philippi & Jacobi.*

**De peccatis quæ committuntur in Aula.**

*Idea*



## INDEX ARGUMENTORUM.

*Idea Sermonis.*

**E**XORDIVM. *Laudes virtutis iustitia.*  
Punctum Primum.

*Argumenta ex parte Dei, contra inju-  
sticiam iudicium. Quia iudicantur, primo  
infallibiliter, secundo exacte. Tertio severe.*

Punctum Secundum.

*Argumenta ex parte proximi, quia in-  
iustitia fori est perniciofa. Plusquam nau-  
fragium, latrocinium, homicidium.*

Punctum Tertium.

*Argumenta ex parte iudicium, qui obli-  
gantur ad restitutionem.*

Conclusio.

*Salutaria documenta pro iudicibus, per  
paraphrasim verborum psalmi, Nunc Reges  
intelligite, erudimini, qui iudicatis terram.*

### SERMO LXVI.

*Pro Festo Inventionis S. Crucis.*

De Detractione.

*Idea Sermonis.*

**S**piritus sanctus nobis commendat custo-  
diam lingue.

Punctum Primum.

*Explicat genium, & ingenium detra-  
ctoris, qui comparatur lamia, & detrahit  
sub specie veritatis. Petendi consilii. Com-  
passionis.* Punctum Secundum.

*Effectus detractionis, quia occidit detra-  
ctorem, audientem, absentem. Obligat ad  
restitutionem.*

Punctum Tertium.

*Remedia à spiritu sancto commendata  
nempe habere stateram examinis. 1. Fra-  
num humilitatis. Ostium charitatis, seram  
timoris. Custodiam providentia. Signa-  
culum imitationis Christi.*

### SERMO LXVII.

*Pro Festo S. Joannis Baptiste,*

De primo satisfactionis opere,  
quod est oratio.

*Idea Sermonis.*

**E**XORDIVM. *Christus oratur à nobis,  
orat pro nobis, & in nobis: unde ejus  
oratio est exemplar nostra.*

Punctum Primum.

*Prima orationis conditio est humilitas  
interior. Exterior. Primo scriptura. Se-  
cundo exemplis. Tertio Patribus. Quar-  
to rationibus.*

Punctum Secundum.

*Secunda conditio est fervor. Primo scri-  
ptura, Secundo Patribus. Tertio rationi-  
bus. Quarto comparationibus nautarum,  
pauperum.*

Punctum Tertium.

*Tertia conditio est perseverantia. Primo  
scriptura. Secundo Patribus. Tertio ra-  
tione. Quarto responsione ad objectiones.*

### SERMO LXVIII.

*Pro Festo SS. Apost. Petri & Pauli.*

De Jejunio, ac sanctæ quadra-  
gimæ institutione.

*Idea Sermonis.*

Punctum Primum.

**I**nstitutio, & obligatio jejunii Quadra-  
gesimalis probatur, & commendatur.  
Primo scriptura. Secundo Patribus, & Con-  
ciliis. Tertio rationibus. Quarto responsio-  
ne ad objectiones carnalium. Nempe quod  
jejunium non nocet sanitati. Et quamvis  
noceret, esset licitum. Quinto exemplis.

Punctum Secundum.

*Virtutes quæ jejunio adungi debent.  
Nempe patientia, mansuetudo, verbum ve-  
ritatis, castitas, claritas.*

### SERMO LXIX.

*Pro Festo S. Jacobi Apostoli.*

De Eleemosyna.

**E**XORDIVM. *Deus præcipiendo eleemo-  
sinam ostendit suam potentiam, sapien-  
tiam, bonitatem, providentiam.*



## INDEX ARGUMENTORUM.

### Punctum Primum.

*Eleemofyna facienda est ab omnibus electis. Primo scriptura. Secundo Patribus. Tertio rationibus. Quarto exemplis Hedwigis, Amedei &c.*

### Punctum Secundum.

*Facienda ex propriis bonis, non alienis. Primo scriptura. Secundo Patribus. Tertio rationibus. Punctum Tertium.*

*Facienda est exercendo varias virtutes. Nempe misericordiam, benignitatem, humilitatem, modestiam, patientiam, charitatem.*

### Conclusio.

*Ex Aug. vide quid emas. Quanti emas. Quando emas.*

## SERMO LXX.

*Pro Festo S. Anna.*

*Cui, quo tempore, & quo in statu Eleemofyna elargienda.*

### Idea Sermonis.

**E**XORDIVM. *Indigentia, & dependetia est proprietas creatura. Mira bonitas Christi, qui suam independentiam exuit, & dependere, ac indigere voluit in pauperibus.*

### Punctum Primum.

*Eleemofyna facienda Christo, id est pauperibus ejus membris. Primo scriptura. Secundo Patribus. Tertio sex considerationibus circa Christi verba. Esurivi, & dedistis,*

### Punctum Secundum.

*Eleemofyna facienda per totam vitam, non differenda in mortem per testamentum: quod probatur septem rationibus.*

### Punctum Tertium.

*Facienda in statu gratiae. Primo scriptura. Secundo Patribus. Tertio rationibus.*

### Conclusio.

*Motiva ad supradicta.*

## SERMO LXXI.

*Pro Festo S. Laurentii Martyris.*

*Contra respectus humanos practicae satisfactionis operibus se opponentibus.*

### Idea Sermonis.

**E**XORDIVM. *Deus est ens transcendens. An expediat eum imitari, & esse singularem. Rationes quibus videtur quod non.*

### Punctum Primum.

*Singularitas vitiosa improbat. Primo scriptura. Secundo Patribus. Tertio ratione. Punctum Secundum.*

*Singularitas pia laudatur. Primo scriptura. Secundo Patribus. Tertio rationibus. Quarto exemplis. Quinto responsionibus ad rationes contrarias.*

### Conclusio.

*Per rationes conglobatas.*

## SERMO LXXII.

*Pro Festo Assumptionis Deiparae.*

### Idea Sermonis.

*Quomodo afflictiones recipiendae.*

**E**XORDIVM. *Semper gaudendum in Domino, quia omnia mala pene sunt ab eo.*

### Punctum Unicum.

*Hoc probatur. Primo scriptura. Secundo Patribus. Tertio sensu Ecclesiae. Quarto ratione. Quinto comparatione. Sexto instructionibus. Septimo exemplis sancti Lupi, sancti Job, Davidis, Christi.*

### Conclusio.

*Dispositiones cum quibus recipiendae sunt cruces, nempe, timor, confidētia, honor in Deū.*

## SERMO LXXIII.

*Pro Festo S. Bartholomaei Apostoli.*

*De Perfectione Christiani erga Deum, proximum & seipsum.*

### Idea Sermonis.

**E**XORDIVM. *Judaei erant servi, nos filii.*

### Punctum Primum.

*Ergo debemus Deo amorem filialem, non merce-*



## INDEX ARGUMENTORUM.

*mercenarium. Primo scriptura. Secundo Patribus. Tertio rationibus. Quarto exemplis. Quinto instructionibus. Primo petendus à Deo amor dilectionis. Secundo exercendus. Punctum Secundum.*

*Debemus proximo affectum, & servitium maternum. Primo scriptura. Secundo Patribus. Tertio rationibus. Quarto exemplis. Quinto instructionibus.*

Conclusio.

*Per paraphrasim verborum S. Francisci.*

### SERMO LXXIV.

*Pro Festo Nativitatis Deiparæ.*

*De Perfectiōe Christiani in suis actionib.*

*Idea Sermonis.*

Punctum Primum.

**A**ctiones nostræ debent fieri cum dispositionibus interioribus, perfectis. Primo scriptura. Secundo Patribus. Tertio ratione. Quarto comparatione. Quinto exemplis. Sexto instructionibus.

Punctum Secundum.

*Actiones nostræ debent fieri cum circumstantiis exterioribus requisitis: quod probatur rationibus, Primo ex parte Dei. Secundo proximi. Tertio nostri. Quarto circumstantiarum, quis, quid, ubi, &c. quæ addunt bonitatem operi; quod ostenditur exemplis scripturæ.*

Punctum Tertium.

*Actiones bonæ debent fieri in quantitate necessaria: Primo scriptura. Secundo Patribus. Tertio rationibus, quia in hoc Deus est nobis causa exemplaris, meritoria, finalis.*

Conclusio.

*Paraphrasis illius parabola, Homo quidam habebat arborem plantatam in vinea.*

### SERMO LXXV.

*Pro Festo S. Matthæi Apostoli.*

*De necessitate boni Directoris, ut supra dicta bene observentur, ac decius qualitatibus quibus debet esse præditus.*

*Idea Sermonis.*

**E**XORDIVM. Defecit sanctus, quia veritates diminutæ sunt.

Punctum Primum.

*Necessitas boni Directoris. Primo scriptura. Secundo Patribus. Tertio rationibus. Primo ex parte Dei. Secundo nostri. Tertio peccati. Quarto exemplis Davidis, Moysis, Pauli.*

Punctum Secundum.

*Difficile invenitur.*

Punctum Tertium.

*Boni directores sunt cælis similes, ex Aug. nempe primo à terra suspensi. Secundo Deum portantes. Tertio præceptis tonantes. Quarto sapientia coruscantes.*

Punctum Quartum.

*Quomodo cum direttore agendum.*

Conclusio.

*Paraphrasis verborum illorum: Ecce ego mitto Angelum meum, qui præcedat, & custodiat te.*

### SERMO LXXVI.

*Pro Festo S. Michaelis Archangeli.*

*Bonorum operum fervorem præservativum contra recidivam esse remedium.*

*Idea Sermonis.*

Punctum Primum.

**I**n hac vita. Semper sumus in periculo recidivæ. Primo scriptura. Secundo Patribus. Tertio rationibus. Quarto comparatione. Quinto experientia.

Punctum Secundum.

*Remedium præservativum est gratia Dei, quæ est duplex; generalis, & specialis. Primo scriptura. Secundo Patribus. Tertio ratione. Quarto comparatione. Quinto experientia.*

Punctum Tertium.

*Remedium aptissimum ad obtinendam gratiam specialem, est fervor in bonis operibus. Primo scriptura. Secundo Patribus. Tertio ratione. Quarto comparatione. Quinto experientia.*

Conclusio.

*Per Paraphrasim verborum Christi. Spiritus ubi vult spirat.*

SERMO



## INDEX ARGUMENTORUM.

### SERMO LXXVII.

*Pro Feflo SS. Apostol. Simonis & Iuda.*

Contra Recidivam.

Idea Sermonis.

Punctum Primum.

**A**rgumenta ex parte Dei quibus dissuadetur recidiva. Primo probatur scriptura exemplo Niniuitarum. Secundo rationibus, quia recidiva est ingratiitudo, Perfidia, contemptus.

Punctum Secundum.

Argumenta ex parte demonis.

Punctum Tertium.

Argumenta ex parte peccatoris. Primo scriptura. Secundo Patribus. Tertio rationibus. Quarto a comparisonibus. Conclusio.

Argumenta conglobata ex tribus punctis, ex Primo, ex Secundo, ex Tertio.

Conclusio. (datur.

Missiois, in qua frequentia orationis commen-

### SERMO LXXVIII.

*Pro Feflo Omnium Sanctorum.*

Plusquam in Sexaginta Locis demonstratur nos veram amplecti fidem.

Idea Sermonis.

**E**xordium. Calvinista ne unum quidem scriptura locum citare possunt pro sua haeresi: nos plusquam Sexaginta pro nostra fide.

Puncto Vnico.

Probantur veritates Catholicae, de iis qua sunt in caelo, in terra, in inferis. In caelo, Angeli, Sancti: In terra, Ecclesia, & ea qua in ea sunt, nempe Verbum Dei, scriptum, & traditum: Persona, nempe Papa, Sacerdotes Religiosi, laici, de quibus considerantur in intellectu fides; in voluntate libertas, in concupiscibili, abstinentia à cibis & in irascibili timor, & spes; in actionibus bonis meritum, in malis culpa: Sacrificium, sacramenta sacramentalia In inferis, limbus, & purgatorium.

In particulari, veritates qua probantur in caelo. Primo Angeli nos custodiunt. Secundo invocandi. Tertio honorandi. Quarto sciunt cogitationes. Quinto sancti audiunt preces. Sexto miracula, per reliquias, & imagines. Septimo imagines. Octavo diversitas gloria Sanctorum. Nono Ecclesia Auctoritas, & infallibilitas. Decimo ejus precepta obligant. Undecimo scriptura indiget interpretatione Ecclesia. Duodecimo Traditiones. Decimo tertio primatus sedis Apostolica. Decimo quarto sacerdotum potestas. Decimo quinto Religiosorum vota. Decimo sexto austeritates eorum. Decimo septimo fides mortua. Decimo octavo fides per-

dipotes. Decimo nono liberum arbitrium. Vigesimo abstinentia à cibis. Vigesimo primo timor reprobationis. Vigesimo secundo praecepta Dei non impossibilia. Vigesimo tertio meritum bonorum operum. Vigesimo quarto culpa non tegitur in justificatione. Vigesimo quinto sacrificium missae. Vigesimo sexto baptismi necessitas. Vigesimo septimo realitas corporis Christi in Eucharistia. Vigesimo octavo satisfactionis necessitas in poenitentia. Vigesimo nono matrimonium est sacramentum. Trigesimo aqua benedicta. Trigesimo primo limbus. Trigesimo secundo purgatorium.

### SERMO LXXIX.

*Pro Feflo S. Martini Episcopi.*

Demonstratur plusquam in 50. scripturae

locis, calvinistas non esse in Ecclesia Iesu

Christi & Apostolorum.

Idea Sermonis.

**I**n vera Ecclesia, debent credi omnes articuli fidei, quos Christus docuit; administrari omnia sacramenta, qua instituit; observari omnia praecepta, & consilia, qua tradidit. Hoc non fit in Ecclesia calvinistarum, sed in nostra, quod probatur inductione eorum qua sunt in caelo, in terra, in purgatorio. In caelo, Angeli, Sancti, in terra, Ecclesia, praecepta: Et ea qua in ea sunt, nempe verbum Dei, persona, praecepta Dei sacramenta, sub terra purgatorium.

En in particulari veritatis qua probantur in caelo. Primo Angeli invocantur. Secundo sancti cogitant de nobis. Tertio sciunt actiones nostras. Quarto sunt iudices nostri. Quinto in terra Ecclesia una. Sexto Catholica. Septimo Universalis. Octavo visibilis. Nono libri Machabaeorum sunt sacri. Decimo persona in Ecclesia nempe Episcopi. Undecimo Sacerdotes. Duodecimo Exorcista. Decimo tertio Concionatores. Decimo quarto Religiosorum obedientia. Decimo quinto castitas. Decimo sexto paupertas. Decimo septimo virgines religiosae. Decimo octavo laicorum orationes. Decimo nono praecepta: Christi sacramenta. Vigesimo baptisumus extra templum. Vigesimo primo confirmatio. Vigesimo secundo altare. Vigesimo tertio Eucharistia in acymo. Vigesimo quarto Communionis frequentia. Vigesimo quinto Calicis benedictio. Vigesimo sexto Confessio. Vigesimo septimo extremo unctio. Vigesimo octavo Ordo. Vigesimo nono Matrimonii indissolubilitas. Trigesimo ablutio pedum. Trigesimo primo purgatorium.

### SERMO LXXX.

Compendium Mysterierum fidei.

ALTER



# ALTER INDEX

Concionatorius in Dominicas totius anni,

In gratiam Concionatorum summo studio ita dispositus, ut quilibet pro lubitu diversos Conceptus super singulas Dominicas sibi formare, ac sermones quoque desuper applicare possit.

*Dominica prima Adventus.*

*Erunt signa in Sole, & Luna.*

**D**EUS vult ut inveniatur nos paratos, & ut computos nostros habeamus præparatos, & ideo ut tempestivè hoc faciamus, prædicit nobis turbationem, quæ futura est ante iudicium, quia difficulter poterimus nos præparare, si nos poenitentiam differamus in ultimum morbum, vel in finem vitæ. Vide sermonem 12. 13. & 14.

*Arascentibus hominibus.*

Incipient tunc omnes culpæ detegi, & gravitas omnium peccatorum innotescere, unde non est mirum, quod peccator tunc arescet præ timore, quia exponit nos veritati, & severitati iudiciorum Dei, quia Deus tunc quælibet peccata punit, & prolatam sententiam exequitur, Sermon. 37.

*Respicite, & levate capita vestra.*

Hoc est iusti, & habentes conscientiam bonam, sitis tuti, & jucundi; nam esto, peccatores meritò habeant animum timendi, & dolendi, dum non possunt sperare beatitudinem, vos gaudere potestis, quia venietis ad paradysum, qui est habitatio terra hominis, Sermon. 38.

*Dominica secunda Adventus.*

*Ioannes in vinculis. Matth. 11.*

An Ioannes sit in vinculis, qui in iuventute sua continuò egit poenitentiam & vitam asperam duxit? Immò, quia vult docere poenitentiam agendam esse toto tempore vitæ, Sermon. 12.

*Cum audisset Ioannes in vinculis opera*

*Christi, tunc misit, &c.*

Non diu distulit mittere discipulos ad Christum, sed statim eos misit, ut doceret, quod operari debeamus salutem nostram promptè. Sermon. 3. puncto 1.

*Ioannes in vinculis.*

Si Ioannes sit in vinculis, qui nullum fecit peccatum, multo minus nos debemus opera poenalia facere, qui peccavimus, cum virtus poenitentiae sit necessaria iis, qui peccarunt. Sermon. 3.

*Ioannes in vinculis.*

Vitium luxuriæ invasit Herodem, unde nil miri, quod Ioannem incarceravit, quia libido consumit omnia bona. Sermon. 59.

*Thema idem.*

Herodias totam hanc machinam struxit, quia scandala mulierum sunt potentissima, & ideo Herodem ad tale facinus pellexit, Sermon. 58.

*Mittens duos de discipulis.*

Curam gerebat discipulorum suorum; nam id debent facere Domini & parentes, unde peccant illi, qui pro eo quod deberent proles suas ducere ad

d

Chri-



Christum, eos avertunt à statu Religio-  
nis, Vid. Sermon. 50.

*Dominica Tertia Adventus.*

*Miserunt Sacerdotes & Levitæ.*

*Ioann. 1.*

Mali Principes, qui ex officio procurare obligati erant, ut populus Christum pro Messia reciperet, eum avertunt à Christo, & dirigunt ad Ioannem, nec hoc aliquid mirum est, quia scandala superiorum graviora sunt. Sermon. 59. Potest etiam agi de parentibus, qui avertunt proles à statu Religioso. Sermon. 50.

*Idem Thema.*

Miserunt ad eum, quia degebat in eremo, ut ita vitaret societates mundanorum, & occasiones peccati, ac mundanas voluptates, ac choreas. Sermon. 61.

*Non sum Christus.*

Magna fuit ista tentatio, quia ambitionis & superbiæ, quia cum vitare est actus heroicus. De humilitate, & vitatione superbiæ, Vid. Sermon. 58.

*Ego vox clamantis in deserto.*

Sis tu quoque vox clamantis, & non erubescitis in confessione. Vid. Sermon. 22.

*Dominica quarta Adventus.*

*Factum est verbum Domini.*

*Luca 3.*

Sufficit Deum Ioanni dicere Exi, & statim obedivit, quia factum est à præcursore, quod mandabatur. Idem tu fac, quia salutem nostram prompte operari debemus. Sermon. 4. nec pœnitentia

differenda est. Vid. indicem argumentorum de pœnitentia.

*Venit prædicans.*

Nempe missus à Deo. Ita quoque hodie mittuntur ad te prædicantes, ut eos audias, quia signum est prædestinationis, si missione benè utaris, & forsan erit ultima. Sermon. 1.

*Prædicans Baptismum pœnitentiæ.*

Quia illa omnibus lapsis post baptismum est necessaria. Vid. Sermon. 6.

*Parate viam Domini.*

Per contritionem, examen, & reliquas partes pœnitentiæ. Vid. indicem argumentorum de pœnitentia.

*Dominica infra Octavam Nativitatis. Luca. 2.*

*Benedixit eis Simeon.*

Erat Simeon Sacerdos, cuius si benedictionem Beata Virgo multum fecit, quanto magis nos debemus facere absolutionem. De absolutione vid. Sermon. 25. Potest etiam agi de honore Sacerdotibus præstando. Sermon. 53.

*Ecce positus est hic in ruinam multorum.*

Nempe peccatorum, quia peccatum abutitur beneficio incarnationis, & destruit ejus finem, ac agit contra sapientiam filii. Sermon. 30.

*Quæ non discedebat de templo. &c.*

Hæc Anna, inquit Glossa ordinaria, merito nobis moraliter est exemplum, quod in multis imitari debemus, nam primo non discedebat de templo, sed in eo continuo orabat, & jejunabat, ex quo discis, quomodo debeas te habere in templo, de quo agit Sermo 46. Secundo jejunabat. De jejuniis vide Sermon. 68. orabat. De conditiis orationis vide Sermon. 67. Tercio erga se rigida



# I N D E X.

gida erat. Vid. Sermones de pœnitentia, & Serm. 73. puncto 3. & absque dubio omnia illa opera ferventer fecit, & debite circumstantionata. vid Serm. 4.

*Dominica prima post Epiphaniam.*

*Luc. 2.*

*Dolentes querebamus te.*

Si Beata virgo deserta à Christo tantum quoad corpus, & quidem sine culpa adeò doluit, quid non debet facere peccator, quando Deus ab illo discedit per peccatum mortale? profecto magnā causam dolendi habet. Vid. Serm. 32.

*Et isti non intellexerunt verbum.*

Profecto plures sunt, qui non intelligunt verbum Dei, hoc est, divinas vocationes & inspirationes, & ideo manent impœnitentes, quia prima causa impœnitentiæ est cœcitas cordis. Vid. Serm. 26.

*In his quæ Patris mei sunt. &c.*

Tradidit hîc Christus nobis doctrinam, quomodo debeamus negotia salutis nostræ tractare, nempe serio, ferventer, & promptè. Vid. Serm. 4. Potest hodie agi de celebratione festorum, de honore templis exhibendo, de obligatione parentum erga filios, & è contra, de pœnitentia, & deploratione animæ mortuæ in peccato, de quibus vide Indicem Argumentorum. Item, non esse irascendum.

*Dominica secunda post Epiphaniam.*

*Ioann. 2.*

*Vocatus est Iesus ad nuptias.*

Iesus ex se non ivit ad nuptias, sed vocatus, ut discamus, neminem debere assumere aliquem flatum, nisi si ad eum vocatus, quod benè attendant paren-

tes, ne proles non vocatas ad statum ecclesiasticum cogant, quia aliàs eis graviter nocent. Serm. 51.

*Nondum venit hora mea.*

Ex quo liquet, quod Deus nil casu & cœcè agat, sed ex dispositione providentiæ suæ ad particulares fines, & ideo sicut permittit deficere vinum, ita quandoque tibi permittit immitti tribulationes, has tu igitur patienti animo acceptare debes. Serm. 62.

*Fili, vinum non habent.*

Usa est nomine hoc Filii, ut ostenderet suam fiduciam, & securitatem. Tu similiter in necessitatibus, & afflictionibus dic ad Deum: Pater, hoc & hoc mihi dedit, & habe fiduciam in eo. Serm. 44.

*Crediderunt in eum discipuli ejus.*

Nempe ad conspectum illius miraculi. Quomodo ergo nos non debemus credere, eo quod fides Catholica tam miraculosa sit. Serm. 41.

*Dominica tertia post Epiphaniam.*

*Matt. 8.*

*Domine puer meus jacet in domo paralyticus, & malè torquetur.*

Vocat illum puerum eo quod fuerit bonus, & absque dubio obediens. Tales debent esse servi. Vid. Serm. 55. ubi agitur de obligatione eorum erga dominos.

*Iacet paralyticus & malè torquetur.*

Paralyticus designat peccatorem, nam sicut paralyticus est morbus, qui privat usum membrorum, ita peccatum nos privat operibus meritoriis. Serm. 34.



*Ibi erit fletus & stridor dentium.*

Nempe in inferno, tunc enim peccator videbit, quod eum duxerint sua peccata. Vid. Serm. 39. Potest hodiè agi de obligatione Dominorum erga servos, de confessione, absolutione, satisfactione, honore erga sacerdotes, quomodo ob peccatum immittantur morbi, de quibus vide Indicem argumentorum.

*Dominica quarta post Epiphaniam.*

Matth. 3.

*Ascendente Iesu in naviculam. &c.*

Iuxta Glossam, Status pœnitentiæ est navicula, si velis salvari, debes esse in illa, quia est secunda tabula post naufragium. Navicula etiam potest dici Crux Christi, hoc est opera pœnalia, & jejunium ad hoc invitat, *Qui vult venire post me, &c.* Vid. Serm. de jejunio. Etiam potest intelligi Ecclesia, quam impugnant hæretici. Vid. Indic. argumentorum, Serm. 40. & duobus seqq. ubi ostenditur, quantum simus obligati Deo ob fidem.

*Ita ut navicula operiretur fluctibus.*

Cur agitata est fluctibus? Erat ibi Iudas. Afflictiones autem immittuntur ob peccata, Serm. 35. quia creaturæ odio habent peccatorem, quid ergo non facient iusti & sancti, Serm. 33.

*Mare & venti obediunt ei.*

Quid ergo tu non debeas facere? Venti & mare obediunt suo creatori, & conantur ad finem, ob quem creati sunt. Idem ergo & tibi agendum, sed tu destruis opera creationis. Vid. Serm. 30.

*Dominica quinta post Epiphaniam.*

Matth. 13.

*Cum dormirent homines, venit inimicus.*

Nil miri, quod familiæ perdantur dor-

mientibus patribus familias, & dominis. Unde discere debent parentes & domini, qualiter debeant invigilare suis prolibus. Vid. Serm. 58.

*Superseminavit Zizania.*

Primum Zizania seminata non apparent in agro, sed tractu temporis in magnam excrescunt perniciem. Idem est de peccato veniali, de quo vid. Serm. 40.

*Vis imus & colligimus ea?*

Deus habet famulos, nempe Angelos, qui postquam peccator peccat mortaliter, statim vellent eum occidere, quia eo ipso quo peccat, statim fertur sententia mortis in peccatorum. Vid. Serm. 36.

*Dominica sexta post Epiphaniam.*

Matth. 13.

*Simile est regnum coelorum fermento.*

Fermentum dicit dilectionem Dei, quæ fervere facit, & excitat. De dilectione Dei vide Serm. 45. ubi ostenditur, quomodo Deus ab homine amari debeat. Serm. 73.

*Simile est regnum coelorum grano*

*Sinapis.*

Deus minimis quandoque conceptibus se accommodat genio, & ingenio nostro, cum enim nos non possumus comprehendere Deum & cœlestia, sed pueri simus dum de eo loquimur, ipse nobis condescendit. Serm. 26.

*Quod acceptum mulier abscondit in farina satis tribus.*

Farinæ sata tria, quæ mulier accipit, si ve poenitens anima, possunt intelligi tres partes pœnitentiæ, quæ fermentantur regno coelorum. Vide in Indicem argumentorum.

*Domi-*



# I N D E X.

*Dominica Septuagesima. Matt. 20.  
Simile est regnum cœlorum. Matth. 20.*

Per regnum cœlorum intelligitur status, in quo nos posuit Deus in Ecclesia, quæ est quasi vestibulum regni cœlorum gloriæ cœlestis, ad quod nemo potest pervenire, nisi in Ecclesia fuerit, unde tu gratias agere debes, quod sis in ea per veram fidem, & ad eam cooperari. *serm. 42.*

*Exiit primo mane.*

Vult habere, ut statim in juventute faciamus pœnitentiam, immò tota vita vult colamus vineam animæ nostræ. *vid. indic. argumentor. inter sermones de pœnitentia.*

*Voca operarios.*

Non vult ut tantum credamus, sed etiam ut operemur, quia fides bonis operibus vestita esse debet. *serm. 42.*

*An oculus tuus nequam est, quia ego bonus sum?*

Viden justam querelam Dei de te, qui quia est bonus à te offenditur, quia si non considerares eum esse bonum, sed justum & severum, non ita eum offenderes. *Serm. 28. puncto 3.*

*Fecisti illos nobis pares.*

In hoc non videntur peccasse, quia singularitas vitiosa solum est vitanda, & non virtuosa. *Serm. 70. Potest agi de obstinatione cordis, de operatione salutis, &c. quam vide in indice argumentorum.*

*Dominica sexagesima. Luca 8.  
Clamabat.*

Quia videbat nos tam longè à se; peccatum enim elongat peccatorem à Deo, & ipse ab illo discedit. *Serm. 32.*

*Qui habet aures audiendi audiat.*

Multi habent aures sed non ad audiendum, nimirum illi, qui quamvis habeant aures corporis, non tamen habent aures cordis, sed excœcati sunt. *Serm. 26. & dolet de talibus, quod obdurati sint. Serm. 27.*

*Ad tempus credunt.*

Cognosce an iuste agat radices verbum Dei, & vera pœnitentia, finiatque in te peccatum, statim ut se offert occasio, & tentatio, & si ita, fac bonum propositum. De hac vid. *Serm. 21.*

*A voluptatibus vite.*

Unde illæ exuendæ sunt, nempe choreæ, luxus, de quibus vide *Serm. 61. & elige virginitatem, jejunium, de quo vide Serm. 60.*

*Fructum afferunt in pœnitentia.*

Id est in satisfactione, & in operibus pœnitentiæ. *Vid. indic. argumentor. & Serm. 1. de missione.*

*Dominica quinquagesima. Luc. 18.*

*Tradetur enim gentibus.*

Cur non dicit tradetur peccatoribus, crudelibus tyrannis, feris ferocioribus? Causa melior non est, quam quia Deo difficile est manifestare defectus, Ex quo discimus vitare detractionem. *Serm. 66.*

*Cum audiret clamavit dicens.*

Optimè egit, quod offerente se occasione, eam non permiserit transire, sed ea uteretur, quia postea forsàn eam non ampliùs fuisset habiturus. Idem fac & tu, nec pœnitentiam differ. *Vid. indic. argumentor. de pœnitentia.*

*At ille multò magis clamabat.*

Singularis voluit esse in virtutibus, & non cum aliis communis. Idem fac & tu, nam non singularitas virtuosa, sed vi-



# INDEX.

tiola vitanda est; nec curabat mundum.  
vid. serm. 71.

*Domine ut videam.*

Idem roga tu ut videre spiritualiter possis, nec sis cæcus. Potest agi de elemosyna, de oratione, de confidentia in Deo, de quibus facilius invenies thema, item de amore proximi.

*Dominica prima quadragesima. Matth. 4.*

*Accedens tentator.*

Deus permittit ut tentetur Christus, & affligatur, & idem est de sanctis, non in eorum damnum, sed bonum, idque speciali providentia, ex quo discis, quomodo afflictiones à manu Dei debeas recipere. vid. serm. 72.

*Si filius Dei es, dic ut lapides.*

Prima tentatio est diffidentia, persuadendo si servias Deo, quod media vivendi tibi deficient, sed tu noli hanc audire, quin potius in Deo confide. De confidentia vid. serm. 44.

*Statuit eum supra pinnaculum templi.*

Tulit eum ad templum, quia in eo posunt committi gravia peccata, sic multos eò fort, ut lascivos obtutus conijciant in filias; verum ex bono fine vade ad templum, De honore templis exhibendo vide serm. 47.

*Mittete deorsum.*

Per peccatum, quia per illud fit homo similis bestiis, immò subjectus Dæmoni, vid. serm. 33. & degenerat à nobilitate animæ suæ, serm. 3. vult etiam ut demittat se deorsum, quia scit statum pœnitentiæ esse deteriolem, quam innocentia, Sermon. 4. Potest etiam agi de jejuniis, De pœnitentia, &c.

*Dominica secunda quadragesima. Matt. 17.*

*Duxit illos in montem.*

Sicut Apostolos hos Christus duxit in

montem, ita & tu debes videre ut bonum ductorem habeas, qui te ad montem ducat perfectionis. De hoc vide Sermon. 75.

*Transfiguratus est ante eos.*

Si tu velis transfigurari, debes sanctè & justè vivere, & non peccare, quia peccatū impedit nos à felicitatibus cœli, & ne ad hunc montem adscendere possimus, Sermon. 38.

*Nemini dixeritis visionem.*

Si Christus noluit revelari illam visionem, ne forsàn vana gloria adurerentur, & superbirent, quid nos non debemus facere, ut caveamus superbiā. Vid. Sermon. 3. ubi agitur de vitiatione superbiæ.

*Dominica tertia quadragesima. Luca 11.*

*Erat Iesus ejiciens Dæmonium.*

Non potest esse majus infortūnium, quam quod Dæmon habeat potestatem in animam, quia cum sit mors, causat multas mortes in ea, quia privat vitam gratiæ, & occidit vitæ opera, defœdat illam, expellit Christum, subjicit eam sibi. Vide Sermon. 30. 31. 34. 35.

*Statim locutus est mutus.*

Tolle peccatum, ejice Dæmonium, & illicò cessabunt afflictiones corporales, quia peccatum illas causat. Sermon. 25.

*In principe Dæmoniorum ejicit Dæmonia.*

Vide quomodo peccator Christum inhonoret, & quomodo eum è domo sua expellat, nam ubi Dæmon est, Christus esse non potest. Sermon. 31.

*Fiant posteriora pejora prioribus.*

Ne sis securus Dæmone semel devicto, quia quamdiu vivis es in periculo, cadere in recidivam. Vid. Sermon. 78. Potest agi de detractioe, confessione, peccato veniali, ob quod Dæmon sæpe solet obsidere, luxuria, &c. de quibus vide Irdicem argumentorum.

*Domini-*



# I N D E X.

*Dominica quarta quadragesima. Ioann. 6.*

*Misereor super turbam.*

Quia habet viscera misericordiae, ideo miseriae nostrae non potuerunt eum non movere. Talia & tu debes habere erga proximum. Vid. Sermon. 73. puncto 2.

*Sequebatur eum turba.*

Quod turba eum tantum sequatur, te non debet abstergere ab eius servitio, uti multi hodie faciunt, quia singularitas virtuosa non est mala, sed vitiosa. Vid. Sermon. 71.

*Vt manducent hi.*

Optima ratio, ut manducent hi, hoc est illi, qui me sequuntur in deserto, ubi non videntur ulli posse reperiri cibi. Ex quo discimus confidere in Deo. Sermon. 44.

*Dominica Passionis. Ioann. 8.*

*Quis ex vobis arguet me de peccato, &c.*

Non solum nunc, sed etiam antehac commissio, non solum magno, sed & parvo, quia innocentia est melior, quam unquam peccasse. Sermon. 5. & omnia opera bona nequeunt aequivalere vel uni peccato. Sermon. 34. & peccatum veniale fugiendum est. Sermon. 40.

*Qui ex Deo est verba Dei audit.*

Nunc vide qualiter verbum Dei audias, nam ex hoc videbis, num sis e numero salvandorum. Vid. Sermon. 1.

*Ego Demonium non habeo.*

Attende mansuetudinem salvatoris, quam miti responsione respondeat ad atrocissimam calumniam, docens non esse irascendum. Vid. Sermon. 57. Potest agi de detractione, de honore templis exhibendo, de inhonoratione, qua peccator efficit Christum, quod eum e Domo pellat. Sermon. 31.

*Dominica Palmarum. Matth. 21.*

*Dominus his opus habet.*

Ratio sufficiens, ut omnibus os obstruatur quærentibus, cur hoc facitis? Respondere, Dominus his opus habet, Dominus hoc præcipit, nam eo ipso, quod Dominus est, statim ei obedire tenemur, quia illa est obligatio servorum. Sermon. 55.

*Invenietis asinam.*

Per asinam intelligitur peccator, illi insidet triumphaturus quia in hoc ejus gloriæ consistunt, quod animas peccatrices convertat. Hoc tu Zelare debes, ad hoc te movebit nobilitas animæ. Sermon. 3.

*Venit tibi.*

Hoc unicum sufficit motivum, quod venerit tibi, quod omnia pro te fecerit, quod tot beneficia tibi contulerit, quia peccatum facit, ut omnibus iis abutamur. 29. & 30. Potest agi de peccato quomodo mutet in bestium, de absolutione, de unitate fidei, quod mittat duos. Sermon. 33.

*Dominica Pasche. Marci. 16.*

*Emerunt aromata.*

Carnales si vidissent eas mulieres, credidissent, quod frustra illa emerent, ut corpus mortui ungerent, quod nullo vigeret sensu, sed hic est pessimus error, quia hoc Deo gratum est; unde ob respectus humanos nil esse omittendum discimus. Sermon. 77.

*Vt venientes ungerent Iesum.*

Annon sufficit, quod Magdalena eum unxerit? cur ergo adhuc cadaver ungitur? Verum est, quod ipse in persona sua nostris non egeat bonis, sed eget iis in pauperibus, unde illum



# I N D E X.

illum in iis urgere debemus. Vid. de eleemosyna facienda Serm. 79.

*Valde manè.*

Non ad insipientiam iverunt valde mane, ut ungerent corpus Iesu, quia opera nostræ salutis debent fieri manè, id est citò, quia salus nostra opus maximi momenti est. Serm. 2. Potest etiam hodie agi de observatione dierum festorum, de amore erga proximum, de recidiva. Vid. indicem argumentorum.

*Dominica in Albis. Ioann. 20.*

*Et fores essent clausæ.*

Residebant Apostoli clausis januis, vel potius clausis foribus cujuscunque consolationis, quæ poterat illos recreare, & hoc quia non aderat illis Christus. Quid ergò non faciet peccator ab eo defertus. Serm. 32. puncto. 1.

*Ostendit eis manus, & pedes.*

Sit benedictus Deus, qui verbis, operibus, & corde nos consolatur, nos autem non agimus sic, quia fidem habere nos dicimus, sed non opera, & hæc non est vera fides. Serm. 43.

*Nisi videro, non credam.*

Non dicas sic ô Christiane, quia esto non videas oculis corporalibus, sufficienter tamen videre potes oculis spiritualibus nostram fidem esse veram, utpote tot miraculis corroboratam. Serm. 41. Potest hodie agi de absolutione Sacramentali, de excoicatione, de confidentia, esto fores omnes sint clausæ, de contritione.

*Dominica secunda post Pascha.*

*Ioann. 10.*

*Ego sum Pastor bonus.*

Utinam quilibet posset dicere, quod habeat verum & bonum pastorem, hoc

est bonum directorem, nam magna est illius necessitas. Serm. 77.

*Ego sum pastor bonus.*

Quandoquidem ipse non fuerit mercenarius, sed pastor, qui te amavit amore benevolentia, & non concupiscentia; ita & tu non debes eum amare amore concupiscentia, sed benevolentia. Serm. 73. puncto 1.

*Animam meam pono pro ovibus meis.*

Viden quàm nobilis debeat esse anima unius hominis, ut Christus animam suam ponat pro una. De nobilitate animæ vide Serm. 3. Hinc etiam docemur, quod debeamus vitare scandala, de quo Sermo 68. & quomodo Domini se debeant habere erga servos, de quo vide Serm. 54. Agi potest etiam de auditione Verbi Dei. Vid. Serm. 1.

*Dominica 3. post Pascha. Ioann. 16.*

*Modicum & non videbitis me.*

Hunc sermonem habuit Christus ante suam mortem, & eam vocat modicum, erat enim sanctissimus & justus; non sic peccatores, quia illorum mors est infelicissima, & hinc eam non vocant modicum, sed ægerrimè eam ferunt. Serm. 36.

*Amen dico vobis, &c.*

Cum juramento affirmat, quod tribulationes sint passuri adeò crudas, ut nemo id iit crediturus, & talia firmari juramento. Serm. 46. & vita electorum est continua pœnitentia. Serm. 15.

*Mulier cum parit tristitiam habet.*

Per mulierem parientem congruè intelligitur peccator, qui peccatis gravibus vadit ad confessionem; hic debet tristitiam habere, quia debet elidere contritionem. Serm. 19. & 18. ubi de partibus pœni-



# I N D E X.

pœnitentiæ; de qua etiam potest agi hac concione.

*Dominica quarta post Pascha.*

*Ioan. 16.*

*Nemo interrogat me, quo vadis?*

Quod Christus conquerebatur de suis discipulis, hoc modo possumus conqueri de multis, qui vadunt ad confessionem, quod non interrogent se, quo vadant, hoc autem deberent facere per examen, de quo sermo 20. Idem deberet querere peccator, quia videret, quod irer ad infernum. Serm. 38.

*Idem Thema.*

Me, inquit Dominus, non est necesse, ut interroget aliquis, quo vadis, quia id scio; sed an aliquis sit, qui id non sciat? Ita, sed quis? Peccator, quia est excœcatus. Serm. 16.

*Princeps huius mundi iudicatus est.*

Et ideo iudicium omne dedit illi Pater, ut sit iudex non solum in throno iustitiæ, sed & throno misericordiæ, nempe sacramento pœnitentiæ. Ex quo debemus discere, qualiter debeamus instituere confessionem, de hoc vide Serm. 23. Potest quoque hodie agi de fide, iudicio, ecclesia, contritione, pœnitentia. Vid. indic. argumentorum.

*Dominica quinta post Pascha.*

*Ioan. 16.*

*Si quid petieritis.*

Merito conqueritur de nobis, quod cum nos admiserit in filios, minus de illo fidamus quam quilibet filius suo patri, hoc autem gravius eum offendit, quia vult ut illi fidamus. Serm. 44.

*Si quid petieritis Patrem.*

Si sit pater, ubi amor noster filialis? Vult ergo ut petamus tanquam filii, & non tanquam servi, qui amant amore

servili, & non filiali, quia nos debemus amare amore filiali. Serm. 73.

*Petite ut gaudium vestrum plenum sit.*

Id erit plenum, si sciverimus, quomodo afflictiones à Deo recipere debeamus. Hoc docebit Sermo 75. Potest hodie agi de oratione, jejunio, elemosyna. Vide Indices.

*Festum ascensionis. Marci 16.*

*Exprobravit incredulitatem eorum.*

Iam Apostoli crediderant, atque omnem à se defectum expulerant quo poterant laborare, & nihilominus à Christo redarguuntur. Quomodo hoc, Domine? An peccatis remissis, & emendatis sic indignaris? Vult ne statim peccatum confessum oblivioni tradamus, sed pro eo satisfaciamus, de quo Sermo 24. & ne in illud relabamur, de quo Sermo 68.

*Prædicate Evangelium.*

Sed quid? An hi pauperes, idiotæ, indocti, piscatores mittantur in mundum, ad Philosophos, Reges, ut Evangelium prædicent? Ita Auditores, quia in hoc apparet nostram fidem esse miraculose propagatam. Serm. 41.

*Linguis loquentur novis.*

Lingua maxima solet causare damna, & hoc si sit detractoria. Nos ergo loquamur linguis novis, & vitemus detractiones; de hoc vide Serm. 66. Potest hodie agi de legitimo usu missionis, obligationibus fidei nostræ.

*Dominica sexta post Pascha.*

*Ioan. 15.*

*Spiritus veritatis.*

Utinam illum haberent parentes, dum proles suas volunt cogere ad statum ecclesiasticum, quia si eum haberent, scirent eas non esse vocatas, nequaquam eas cogerent. Serm. 51.



ostenditur, quomodo hoc cognoscere queant.

*Arbitretur se obsequium præstare Deo.*

Viden eorum cœcitatē, & obdurationē, quam absque satis incurrerunt ob impœnitentiam. Circa quod vide concionem 16. & 17.

*Quia non noverunt patrem, neque me.*

Idem de te potest dici, quia si scires quis esse Pater, & Christus, non ita facilliter eum offenderes, per tua peccata. Vide Sermon. 26. & seqq. Potest agi de scandalo, quomodo peccatum ejiciat Christum è domo; de prædicatione fidei.

Dominica Pentecostes, & sanctissimæ Trinitatis potest agi, quomodo peccatum contristet spiritum sanctum, & lædat Trinitatem personarum. Vide Indicem.

*Festum Corporis Christi.*  
*Joann. 6.*

*Caro mea verè est cibus.*

Amori proprium est reddere amantes æquales; ne ergo dedignaveris eum amare, quia potius, ut eum amares, ille voluit tuus fieri cibus. Ad hunc amorem te stimulabit Sermo 45.

*In me manet.*

Unde vides, quomodo ei debeas fidei, & tuam confidentiam in eo ponere. Vid. Serm. 44.

*Qui manducat me, vivet propter me.*

Ut vivas propter eum, debes esse in statu gratiæ, quia aliàs es mortuus, & privatus vita gratiæ. Vide Sermon. 32. ubi ostenditur, peccatum depauperare. Potest etiam agi de humilitate, & quomodo Christo aliquid dare possimus in pauperibus.

*Dominica secunda post Pentecosten.*

*Joann. 14.*

*Misit servum suum.*

Esto sint plures servi, tamen dicitur tantum esse unus, ob unitatem fidei, de quo vide serm. 41. & 42.

*Villam emi.*

Licet tria hæc, ob quæ se excusant, non sint peccata, tamen peccabant, quia illa plus amabant quàm cœlestia, quod & tu sæpe facis, quia creaturas plus diligis, quàm creatorem. Vide de hoc Sermon. 45. Agieriam potest, quomodo vitanda sint peccata venialia. Vid. Serm. 78.

*Necesse habeo exire.*

Egressus Esau vir agricola ad venandum amisit benedictionem; ita & tu gratiam tibi amittes, si ex eas ad occasiones peccati. Serm. 22. Potest etiam agi de virginitate, humilitate, &c.

*Dominica tertia post Pentecosten.*  
*Luc. 15.*

*Erant appropinquantēs ad Iesum publicani & peccatores.*

Sicut Christus eos suscepit omni benignitate; ita & eos suscipient sacerdotes, quia suppleant vices Christi, & sunt Angeli, qui gaudent super uno peccatore pœnitentiam agente. Serm. 23.

*Erant appropinquantēs.*

Per hoc intelligitur quod verè fuerint conversi, quia vera pœnitentia non tantum debet esse interior, sed & exterior. Serm. 10.

*Murmurabant Pharisei.*

Nesciebant enim quàm nobilis & excellens sit anima, quia si hoc scrivissent, non ita murmurassent. Vide Serm. 3. Potest hodiè agi de examine conscientiæ, detractione, partibus pœnitentiæ, dam-



damnis, quæ infer peccatum; bono direttore.

*Dominica quarta post Pentecosten.*

*Luc. 5.*

*Sedens docebat.*

De navicula Petri non verò in Synagoga Lutheri, vel Calvinii vide Sermones de fide, & Sermon. 79. & 80.

*Rumpatur rete.*

Per eos rumpitur rete communitatis vel Ecclesiæ, qui scandala suscitant. De scandalo vide Sermon. 58.

*Præceptor per totam noctem, &c.*

Idem potest dicere peccator, quia perdit omnia merita, & impedit nos ne possimus mereri. Sermon. 33.

*Exi à me, &c.*

Meritò hoc dicit, quia Deus deserit peccatorem, & quanta hæc sit infelicitas. Sermon. 32. Potest etiam agi de humilitate, de Zelo animarum, &c.

*Dominica quinta post Pentecosten.*

*Matth. 5.*

*Nisi abundaverit iustitia vestra, plus quam Scribarum, &c.*

Pharisaica virtus non nisi in eorum facie pingebatur, & erat interior tantum: Deus autem vult etiam pœnitentiam exterioriorem. Vid. Sermon. 10. & 76. ubi ostenditur, qualia debeant nostra opera esse.

*Qui irascitur fratri suo, &c.*

Meritò hoc dicit, quia debemus vindicare peccata nostra, & non aliena, & iudicium strictum erga nos exercere debemus. Vid. Sermon. 73. puncto 3.

• *Nisi abundaverit, &c.* •

Plurà exigit à nobis quam à Indæis,

quia illi erant servi, nos filii, unde nos debemus amorem filialem. eod. sermone.

*Dictum est antiquis, Non occides.*

Hoc nobis non tantum dicitur corporaliter, sed & spiritualiter, unde & vitandum est scandalum. Vid. Sermon. 58. Potest agi de ira, vindicta, peccato veniali, perfectione Christiani, ad quam tenetur. Vide indicem. Item quod vita ejus debeat esse continua pœnitentia.

*Dominica sexta post Pentecosten.*

*Marci 8.*

*Ecce jam triduo sustinent me.*

Tu debes Christum sustinere triduo, hoc est per tres partes pœnitentiæ, contritionem, confessionem, & satisfactionem, de his agit Sermo 18. Vide Dominic. quartam quadragesimæ. Agi potest de perseverantia & constantia pœnitentiæ, bonorum operum; item amore benevolentiae, & non concupiscentiæ erga Christum, ac Deum. Vide indices.

*Dominica septima post Pentecosten.*

*Matth. 7.*

*Attendite à falsis prophetis.*

Deus non recipit opera nostra, inquit Tertullianus, nisi sint probata, & examinata, quod maximè verum est de pœnitentia, & ideo videre oportet signa, & notas, quæ veram pœnitentiam à falsa distinguunt. Vid. Sermon. 8. & 9. & ideo oportet etiam examinare veram naturam pœnitentiæ. Vid. Sermon. 6. & 7.



*Idem Thema.*

Viden hic suavem providentiam Dei, qui cum sciat tot esse falsos prophetas, reliquit ecclesiam visibilem, & sacerdotes, quos ideo honorare debemus, Sermon. 53. & 41. sqq. & sermon. 79. Debemus etiam cavere à parentibus, qui nos impediunt à religione, aut cogunt ad statum ecclesiasticum. sermon. 50. & 51. item & eos, qui scandalizant. sermon. 61.

*Venient ad vos.*

Non mittuntur, & ideo non sunt audiendi; audiendi autem sunt illi qui mittuntur, quia hoc est signum prædestinationis. sermon. 1. Agi quoque potest de bonis operibus. sermon. 43. puncto 3. & Sermon. 75.

*Dominica octava post Pentecosten.**Luc. 16.**Hic diffamatus est apud illum.*

Tu ne diffameris diffama te ipsum, hoc est accusa te in Sacramento confessionis, quia homo in illo accusator sui ipsius esse debet, quia sustinet personam Dei Patris. sermon. 23.

*Quasi dissipasset bona illius.*

Tu coram Deo diffamaris, quod beneficia & bona ejus dissiparis, quia peccatum est id, quod beneficiis Dei abutitur. Vid. Sermon. 29.

*Scio quid faciam.*

O cogitationem subtilem! Agam poenitentiam, examinabo conscientiam, confitebor, satisfaciam, dabo mea pauperibus, intrabo statum Religiosum, &c. Vid. Indicem concionatorium. Iudicabo me ipsum, ne iudicer. Vid. Sermon. 73. puncto 3.

*Mendicare erubescio.*

Hoc cogita ante peccatum; quia sic

illud nunquam committes, quia peccatum depauperat animam. Vid. sermon. 34. Potest etiam agi de detractioe, quomodo nos sancti diffament, eò quod petant vindictam. Sermon. 23. Vide paraphrasin illorum verborum. *Facite vobis.* Sermon. 69. 70.

*Dominica nona post Pentecosten.**Luc. 19.**Videns Iesus civitatem flevit super illam.*

Tu potius fleas super tuam animam per contritionem. Sermon. 19. Desfleas tua peccata, quia illa sunt objectum poenitentiae. sermon. 11. Desfle tuam animam, de cuius nobilitate agit sermo 6. Desfle quia divinas offendisti perfectiones. Sermon. 26.

*Quia si & tu cognovisses.*

Si cognovisses nunc esse tempus poenitentiae, & eam esse postea difficilem, &c. nunquam eam differres; si cognosceres quantum negotium sit salus tua, tu eam operareris ut oportet. sermon. 4. si scires, quod innocentia sit optima via ad salutem, tu eam non amitteres, sermon. 5. si scires poenitentiam esse necessariam, tu eam faceres. sermon. 6.

*Venient dies, &c.*

Ex quo patet, quod peccatum trahat secum afflictiones temporales, & quod ducat ad infernum. Sermon. 35. & 39. Potest etiam agi de reverentia templis debita.

*Dominica decima post Pentecosten.**Luca 16.**Non sum sicut ceteri hominum. &c.*

Quia oculos in alium coniecit, ideo se aestimavit iis meliorem, & universis se præ-



# I N D E X.

prætulit; tu autem sic non agas, sed iudica te ipsum; nam hoc facere debes. Vid. serm. 73. puncto 3.

*Velut hic publicanus.*

Valde erravit Phariseus, quod de sua iustitia gloriaretur, esto putaret se iustificatum, quia post peccata semper debemus esse solliciti, ne in illud relabamur, ideoque gratiam Dei oportet conservare. Vid. Serm. 78.

*Percutiebat pectus suum.*

Non alienum. Sic tu debes tua peccata accusare, & illa in alium non referre. serm. 18. & 23. Dein egit non solum pœnitentiam interius, sed & exterius. Vid. serm. 10. Potest etiam agi de humilitate, detractioe.

*Dominica undecima post Pentecosten.*

*Marci 7.*

*Adducunt & surdum & mutum.*

Laudabilis ille populus est, quia saluti proximi prospicit, ideo quia nobilem habet animam, de quo vide serm. 3.

*Idem Thema.*

Ex hoc liquet, quantam habeat Diabolus in peccatorem potestatem, ut velut tyrannus eum subiciat. Vid. serm. 73. Potest etiam agi de eo, quod peccatum cruciet animam, & illam reddat deformem. serm. 24.

*Apprehendit eum seorsum de turba.*

Ut ita eum removeret ab occupationibus peccati, ut te doceat easdem vitare debere, quando converteris. serm. 22. Potest agi de lenitate confessorii, de locutione in confessione, de examine, de auditione missionum, de confessione, &c.

*Dominica duodecima post Pentecosten.*

*Luca 10.*

*Beati oculi qui vident, quæ vos videtis.*

Si beati fuerint Apostoli, qui viderunt Christum, etiam nos tales sumus; quia videmus eum in sacerdotibus, qui vices ejus gerunt, & habent potestatem absolvendi. serm. 25. & ideo sunt honorandi. serm. 53.

*Despoliaverunt eum.*

Hoc facit peccatum, quia privat animam omnibus virtutibus, quas habet, sicut & meritis. serm. 34.

*Accidit ut Sacerdos.*

Ex quo patet, quàm periculosum sit differre pœnitentiam, quia casu fit, si in morte sacerdotem habeamus, ideo illa non differenda. Serm. 12. 13. & 14.

*Viso eo præterit.*

Hoc & tu facis, si pauperem pertranseas, & non facias eleemosynam, de qua vide Indicem. Potest etiam agi, de amore Dei, proximi, fide, cœcitate spirituali, qualitate confessorii, direttore.

*Dominica decima tertia post Pentecosten. Luca 17.*

*Steterunt à longè.*

Merito à longè steterunt, quia indigni erant, qui Christo appropinquarent; cum enim essent peccatores, erant maculati & deformes, quia peccatum deformat animam. serm. 34. & Deus peccatorem abhorret, & contemnit. Sermon. 32.



*Cum intraret Iesus in quoddam Castellum.*

Esto esset fatigatus, non voluit tamen comedere, aut aliquam refocillationem acceptare, priusquam illos curasset, tum quia scivit nobilitatem animarum eorundem, tum ut nos doceret, quomodo salutem nostrā operari debeamus. Vid. Serm. 3. & 4.

*Dum irent, mundati sunt.*

Quamvis fuerint mundati, tamen melius fuisset, eos illa mundatione non e-  
guisse, quia innocentia melior est, quam pœnitentia. Serm. 5. Potest hic agi de sacerdotibus, de occasione vitanda, de reidiva, pœnitentia, fide, ac aliis, de quibus vide indicem, item de abusu beneficiorum Dei.

*Dominica decima quarta post Pentecosten.*

*Matth. 6.*

*Nemo potest duobus Dominis servire.*

Hoc est, si contraria mandent, nam Diabolus allicit ad peccatum, Deus illud vetat, vide Indicem. Deus vult ut jejunes & pœniteas, Diabolus ut voluptatibus fruaris. Vide indicem de choreis & jejuniis.

*Nolite solliciti esse.*

Diabolus maximè in id est, ut nos reddat sollicitos de temporalibus, quia sic nos inducit in furtum, & alias injustitias. Vid. Serm. 64.

*Querite primum Regnum Dei.*

Hoc est cogita & considera, cur in hoc mundo creatus sis, quia si finem, & beneficium creationis consideres, non ita faciliter peccabis, quia peccatum destruit illum finem. Serm. 26. & seqq. Postest agi de confidentia in Deo, &c.

*Dominica decima quinta post Pentecosten.*

*Luc. 17.*

*Hæc vidua erat.*

Forſan quia erat vidua, ideo in filio aliquas inordinationes permittebat, quia parentes tenentur corripere filios. Vid. Serm. 59. & ideo mater morte filii punita fuit, unde patet peccata puniri temporaliter. Serm. 35.

*Adolescens unicus matris sue.*

Eccur hic adolescens tam cito mortuus? meo iudicio, quia matri, quæ erat vidua, non obedierat, uti solet fieri, nam sicut obedientibus promittitur vita longæva, ita inobedientes morte puniuntur. Serm. 52.

*Adolescens tibi dico, Surge.*

Idem dicat sibi quilibet post peccatum recenter commissum, ut diutius non differat pœnitentiam. Vid. Serm. 12. & duos seqq.

*Dominica decima quinta post Pentecosten.*

*Luc. 14.*

*Ecce quidam homo hydropicus.*

Verè hydropicus censendus est, qui mundanas voluptates, luxus, ac alias delicias sectatur, ad has vitandas testimonium dabit Serm. 61.

*Ac dimisit.*

Sanatum cum Dominus dimisit, ne eorum convictu, & societate rursus contaminaretur. Ex quo discimus, quod fugienda sit occasio peccandi. Serm. 22.

*Recumbe in novissimo loco.*

Certè qui eligit statum Ecclesiæ, non debet ambire supremum locum ex se, sed debet ad illum vocari. Ex quo discunt parentes, quod non debeant co-  
gere



# I N D E X.

gere proles & statum Ecclesiasticum, nisi ad eum vocati sint, id eos docebit Serm. 51. Potest agi etiam de observatione festorum.

*Dominica decima septima post Pentecosten. Matth. 22.*

*Congregatis Phariseis interrogavit eos Iesus, Christus, cujus filius est.*

Utinam & vos congregati in unum ex quocunque fine interrogaretis, cujus filius & Christus sit, quia si intelligeretis ipsum esse hominem Deum, & quod ipsi injurii sitis per peccatū, non ita faciliter peccaretis. Vid. Serm. 30. ac 31.

*Quomodo ergo David vocat eum Dominum.*

Ad hanc interrogationem non poterant ei respondere, & meo judicio eo quod obdurati essent, & excecati, circa quod vide Serm. 16. & 17.

*Non sunt ausi eum amplius interrogare.*

Id hodie quoque convenit hæreticis, nam si interrogant multum de fide, & tu eos ex scriptura convincas, non audebunt amplius te interrogare. Vid. Serm. 79. & 80.

*Dominica decima octavo post Pentecosten.*

*Matth. 9.*

*Confide Fili.*

Talis est confessorius, si tu sis ritè dispositus, unde animari, & excitari debes, ut libenter confitearis. Serm. 23.

*Remittuntur tibi peccata tua.*

Cur remittit illi peccata, cum solum rogaverit, ut illi daret sanitatem? Respondet D. Anselmus, ut significetur, quod morbus ille ipsi inflicto sit ob peccata, nam peccatum promeretur remissionem peccatorum. Serm. 72.

*Videns Iesus fidem illorum.*

Talis & esse debet tua fiducia in Deo,

quia sic impetrabis à Deo, quidquid voleris. Serm. 44.

*Dominica decima nona post Pentecosten. Matth. 22.*

*Simile est regnum celorum homini Regi, qui fecit nuptias filio suo.*

Rex iste est Christus, qui cum humana natura infirma inivit sponsalia, unde videmus, quomodo illam fidem illi servare debeamus, hoc discemus, si legamus Serm. 29.

*Ita ad exitus viarum.*

Hic significatur missio Prædicatorum divinorum, qualis ego unus sum, unde signum prædestinationis est, si me audias. Serm. 1.

*Vidit ibi hominem non vestitum veste nuptiali.*

Hoc est charitate, si tu eam non habeas, fac ut illam iterum recuperes; hoc autem fiet, si elicias poenitentiam. Vid. Sermones de Poenitentia.

*Dominica vigesima prima post Pentecosten. Ioann. 4.*

*Erat quidam Regulus, cujus filius.*

Potuit hic esse unicus, in quo totus parentis amor conquiesceret, ita ut eum plus amaret, quam Deum, hoc autem Deus non vult, quia vult, ut cum tantum amemus. Serm. 45.

*Rogabat quidam Regulus.*

Vide quam sollicitè, quam anxie rogat hic parens pro filio, quā ferventer Christum accedat, parentes enim sæpe sui ipsius obliviscuntur ut filios juvent, cum tamen non legamus, quod aliquis filius pro parente Christum accesserit, quod tamen filii facere deberent. Agi ergo potest de obligatione prolum erga parentes. Serm. 52.

*Nisi*



*Nisi signa, & prodigia videretis.*

Dure hic Salvator responder, ut ostendat iram quandoq; esse licitam, nec eam esse intrinsece malam. Sermon. 57. Potest hic agi de oratione, de scandalo, de fide, de afflictionibus suscipiendis, &c.

*Dominica vigesima prima post Pentecosten. Matt. 18.*

*Voluit rationem ponere.*

Hoc plurimum inter alia vitæ nostræ congruit emendandæ, si consideremus, quod peccatum nos exponat severitati, & veritati Iudicis Christi, Sermon. 37.

*Cum servis suis.*

Deus Dominus est, unius nos omnes servi sumus, rationem igitur exacturus est, an impleverimus munera nostra, quæ ipsi debemus, cum eum debeamus amare, & honorare. Vid. Sermon. 26. & 27. & Sermon. 55. qui agit de obligatione servorum.

*Procidens servus.*

Hoc est legitimum remedium peccatoris, si se prosternat ante pedes confessorii, & confiteatur. Sermon. 23. Potest agi de pœnitentia, oratione, ira, &c.

*Dominica vigesima secunda post Pentecosten. Matt. 22.*

*Magister scimus quia verax es.*

Illud verax non tantum hic significat virtutem veritatis & iustitiæ, nam tales esse debent iudices & consilarii, ac alii officiales. Vid. Sermon. 65.

*An licet dare censum Casari?*

Hic videmus, quod quamvis ex natura simus omnes æquales, attamen unus altero sit superior, unde quilibet suæ obligationi satisfacere debet, Vid. Sermon. 54. & 55.

*Reddite ergo quæ sunt Casaris Casari.*

Hic docet Christus vectigalia esse sol-

venda, ergò multò magis non debemus aliquid ab alio furari. Sermon. 64.

*Dominica vigesima tertia post Pentecosten. Matt. 9.*

*Sequebatur eum.*

Non sic egit cum Chananæa, quia illam repulit, hunc autem sequitur, quia habebat fiduciam, & confidentiam magnam; tunc enim Deus succurrit. Sermon. 44.

*Non est mortua puella.*

Hoc potest dici ad plures parentes, qui proles suas quasi mortuas lugent, dum volunt ingredi Religionem, sed sic non est, unde graviter peccant. Sermon. 50.

*Cum vidisset turbam tumultuantem dixit, recedite.*

Hic docuit luxus & vanitates mundanas fugiendas, de quo vide Sermon. 61. & Confessarium debere passionum turbam ejicere. Vid. Sermon. 22.

*Dominica vigesima quarta post Pentecosten. Matth. 24.*

*Cum videritis abominationem.*

Finit Ecclesia annum nobis sub oculos ponendo terrorum iudicii, ut significet, peccatum nos illius severitati exponere. Sermon. 37. & quod mereatur supplicia temporalia. Sermon. 35.

*Stantem in loco sancto.*

Deus valdè indignatur in eos, qui debito honore non colunt templa. Sermon. 46. vel qui non observant dies dominicos. Sermon. 48.

*Qui in agro est non revertatur collere tunicam suam.*

Hic vult, ut bonum propositum in confessione factum servemus, nec illud ita faciliter violemus. Sermon. 21. Potest etiam agi de recidiva. Sermon. 78.



# INDEX CONCIONATORIVS

## Pro Feflo Sanctorum.

*Pro fefto Sancti Andrea Apostoli.*

*Sequere me. Matth. 4.*

**A**ndreas statim fecurus est Christum, ex quo discimus statim faciendam esse poenitentiam, nec eam esse differendam usque ad mortem, de quo vide Sermonem duodecimum, decimum tertium, & decimum quartum, potest etiam agi, quod debeamus nostram salutem operari promptè, &c. sermone quarto, & etiam quomodo prædicatio nostræ fidei sit miraculosa, sermone quadragesimo primo.

*Festum Immaculate conceptionis.*

*Isaac genuit Iacob. Matt. 1.*

Iacob cum omnibus virtutibus decoratus fuerit, etiam polluit obedientia, & hoc quia ejus parens obediens fuit. vide sermonem quinquagesimum secundum. Potest etiam agi de beneficio Incarnationis, & quomodo peccatum illud offendat, sermone Trigesimo, & Trigesimo primo.

*Festum S. Thomæ Apostoli.*

*Quia vidisti me Thoma credidisti.*

*Ioann. 20.*

Etiam si nos non videamus, attamen credere debemus, & obligati sumus Deo ob destructionem Idolatriæ, & stabilitiorem fidei. Sermone quadragesimo secundo.

*Festum Nativitatis Domini.*

*Et Mundus eum non cognovit. Ioann. 1.*

Utinam &c. non cognosceres mun-

dum, nec ejus vanitates, de quo vide sermonem sexagesimum primum & secundum. Potest etiam agi de beneficio Incarnationis, de quo vide Indicem argumenti.

*Festum S. Stephani.*

*Ierusalem, Ierusalem quæ occidis prophetas &c. Matt. 23.*

Idem tibi contingit si peccata peccatis accumules, quia te Deus deseret. sermone trigesimo secundo, potest etiam agi de vindicta, sermone quinquagesimo sexto, de ira, de obduratione vide Indicem argumentorum.

*Festum S. Ioannis Apostoli.*

*Sequere me. Ioannis ultimo.*

Idem dicitur cuilibet Christiano, ut Deum sequatur, & non tantum credat, vide sermonem quadragesimum tertium, ubi ostenditur quod fides non debeat esse mortua, potest etiam agi quod non debeamus examinare aliorum vitam, sed propriam conscientiam, vide sermonem vigesimum.

*Festum SS. Innocentum.*

*Fuge in Aegyptum. Matt. 2.*

Si Christus fugit persecutionem Herodis, tu multò magis debes fugere persecutionem peccatorum, hoc est ejus occasiones, vide sermonem vigesimum secundum.

*Festum Circumcisionis Domini.*

*Vocatum est nomen ejus Iesus. Luc. 2.*

Iesus idem est ac salvator, ex quo discis,



# I N D E X.

scis, quod non debeas abuti beneficio  
Incarnationis sermone vigesimo octa-  
vo, & vigesimo nono.

## *Festum Epiphania Domini.*

*Vidimus stellam ejus in oriente, Et veni-  
mus cum muneribus adorare Do-  
minum. Matt. 2.*

Illi statim secuti sunt stellam, tu etiam  
statim sequere vocationem Dei, vide ser-  
monem nonum & sequentes. Potest  
etiam agi de excellentia status religiosi,  
sermone quinquagesimo, & de munere  
sacerdotali, sermone quinquagesimo  
primo.

## *Festum Purificationis.*

*Venit Spiritus in templum. Luca. 2.*

Hoc est ut coleret Deum, eodem mo-  
do tu debes ire ad Ecclesias, ad hoc enim  
te obligat virtus religionis, sermone qua-  
dragesimo sexto.

## *Festum S. Matthia Apostoli.*

*Revelasti ea parvulis.  
Matt. 11.*

Hoc est humilibus, & parvulis, qualis  
tu debes esse per humilitatem, vide ser-  
monem sexagesimum tertium.

## *Festum S. Iosephi.*

*Noluit traducere eam. Matt. 1.*

Utinam & tu ita ageres, & non tam  
faciliter detraheres proximo, sermone  
Sexagesimo sexto, ubi agitur de detra-  
ctione.

## *Festum Annuntiationis Beate Virginis.*

*Quomodo fiet istud, quoniam virum  
non cognosco. Luca. 1.*

Agi potest de virginitate quomodo  
eam Deipara coluerit, sermone sexage-  
simo.

## *Festum S.S. Apostolorum Philippi & Iacobi.*

*In domo Patris mei mansiones mul-  
tae sunt. Ioann. 14.*

Verum quidem est, quod ibi sint mul-  
tae mansiones, sed tua ad eas non perve-  
nies, nisi vites peccata, nam peccatum  
nos privat foelicitatibus caeli, sermone  
trigesimo octavo.

## *Festum Inventionis S. Crucis.*

*Accessit Iesum nocte. Ioann. 3.*

Idem multi faciunt, qui timent Iesu  
publicè servire, idque ob respectus hu-  
manos, quos nos fugere debemus, de  
quo vide sermonem sexagesimum sex-  
tum.

## *Festum S. Ioannis Baptista.*

*Quis putas puer iste erit.  
Luca. 1.*

Idem tu debes de te quærere, quid de  
te futurum sit, an sis salvandus, vel dam-  
nandus, potes autem scire an sis dam-  
nandus, si coopereris Verbo Dei. Vide  
sermonem primum. Potest agi de virtu-  
te poenitentiae, de ieiunio, de bono  
exemplo, vide indicem agum.

*Festum*



# I N D E X.

*Festum S.S. Apostolorum Petri  
& Pauli.*

*Quem dicunt homines esse filium ho-  
minis? Matth. 16.*

Christus voluit videri singularis, & ideo ab Apostolis quæsit, quæ de se homines sentirent, nam singularitas virtuosa laudanda est, sermone sexagesimo sexto. Potest etiam agi de beneficio absolutionis, sermone vigesimo quinto, de fide, Ser. quadrag. 1.

*Festum Visitationis Deiparæ.*

*Vnde hoc mihi, ut veniat mater  
Domini ad me? Luc. 1.*

Idem tu dicere debes, dum prædicatores ad te mittuntur, nam concionum bonus usus est effectus prædestinationis, sermone. 1. Potest agi de humilitate, de obligatione parentum erga proles, de acceleratione salutis, vide indicem argum.

*Festum S. Iacobi Apostoli.*

*Accessit ad eum mater filiorum Ze-  
bedæi. Matt. 20.*

Fuit non vocata, sed se intrusit, id hodie multi parentes faciunt, qui filios non vocatos cogunt ad statum Ecclesiasticum, quod valde damnotum est filiis, sermone quinquagesimo primo.

*Festum S. Annæ.*

*Ibi erit stridor dentium. Matt. 13.*

Nempe in inferno, unde debes cavere peccatum, quia hoc facit ad poenas inferni.

*Festum S. Laurentii.*

*Qui amat animam suam in hoc mundo,  
perdet eam. Ioann. 12.*

Profecto, magna est iactura animæ, de cuius nobilitate, & spiritualitate vide sermonem tertium.

*Festum Assumptionis Deiparæ.*

*Martha Martha, sollicita es, & turbaris  
erga plurima. Luca 10.*

Idem multis dici potest, qui hodie solum voluptates mundanas sequuntur, vide sermonem sexagesimum primum. Potest etiam agi de elemosyna, vide indicem argum.

*Festum S. Bartholomæi Apostoli.*

*Erat pernoctans in oratione.  
Luc. 22.*

Idem tu agere debes, & in oratione perseverare. vide sermonem sexagesimum septimum.

*Festum Nativitatis B. Virginis.*

*Liber generationis Iesu Christi filii Da-  
vid, filii Abraham.  
Matt. 1.*

Quamvis David præponatur Abraham, tu tamen propter hoc non debes peccare, nam innocentia est via certissima ad salutem, sermone quinto.

*Festum S. Matthæi.  
Volo misericordiam & non sacrificium.  
Matt. 9.*

Ex quo vides quam grata sit Deo elemosyna, de quo vide sermonem septuagesimo.

*Festum*



# I N D E X.

*Festum S. Michaelis Archangeli.*

*Vae homini per quem scandalum venit.*

*Matt. 18.*

Unde debes istud maxime cavere & præcipue si sis Dominus, superior, de malo scandali vide sermonem quinquagesimum octavum.

*Festum S. S. Apostolorum Simonis & Iude.*

Ex quo vides quomodo amor proximi tibi debeat esse cordi, sermone septuagesimo tertio.

*Festum omniam sanctorum.*

*Beati mites. Matt. 5.*

Hinc discere mansuetudinem & vitare iram, sermone quinquagesimo septimo.

*Festum Præsentationis Deipara.*

*Beati qui audiunt Verbum Dei, & custodiunt illud. Luc. 11.*

Bene dicitur custodiunt, quia non sufficit credere, sed & præterea debemus fidei adjungere bona opera, de quo vide sermonem quadragessimum quartum.

*Finis Indicis Concionatorii.*





*juniorum Concionatorum.*

*Instructio juniorum Concionatorum.*

Veterani nautæ nonnunquam junioribus salutaria præbent consilia, non quod semper doctiores sint, sed quod majorem habeant experientiam. Primum ergo documentum ceu consilium, ut bene prædices, est, quod bene Deum ores: secundum est, quod bene Deum ores, tertium, quartum decimum est, ut bene DEUM ores. Scriptura dicit de Filio Dei: *Erat pernoctans in oratione, ibat secundum consuetudinem in montem oliveti.* Sanctus Dominicus Patriarcha ordinis sacerdotum Prædicatorum tam assiduus fuit in oratione, ut Tholosæ & in aliis conventibus, in quibus fuit commoratus, nullus scire possit, ubi habuerit suam cellam, quia ejus cella, studium, Bibliotheca, fuit chorus Ecclesiæ, in quo transigere solebat integras noctes, & maximam partem diei. Sanctus Thomas, sanctus Bonaventura, sanctus Vincentius Ferrerius, & alii sancti Prædicatores plus studuerunt ad pedaneum Altaris, & pedes Crucifixi, quam in schola, aut Bibliotheca. Quod si non vocatus te ingeras sacerdotio & officio prædicandi, in magno periculo damnationis versaberis: Sanctus Joannes Baptista, quamvis fuerit in utero sanctificatus, & usque ad trigésimum ætatis suæ annum commoratus fuisset in deserto, attamen non nisi speciali DEI mandato munus prædicandi assumpsit: *Factum est verbum Domini super Joannem in deserto, & venit prædicans.*

Luc. 3. 2.

Luc. 4.

Ipsemet noster Salvator non nisi missus, prædicavit: *Ad evangelizandum pauperibus misit me.* Quod si vivas in aliqua communitate, mandatum superioris sufficiens vocatio videtur, dico

mandatum, non consensus: nam non erit vocatio legitima, si te applices ad hoc munus, ut tuæ inclinationi & importunitati condescendas.

Quod si jam degas in aliqua communitate, ut cognoscas an sis vocatus, ne confidas exiguo zelo animarum, quæ te putas habere, sed postquam attente legeris libros de sacerdotio sancti Chrysostomi, Pastorale sancti Gregorii, Armamentarium terrestrium Cherubinorum, in quo diversi tractatus spirituales continentur, sub directione Patris alicujus spiritualis, pii, prudentis, non interessati, bis vel ter exercitia spiritualia serves, ei omnes angulos & latebras tuæ animæ pande, ei detege actiones vitæ tuæ præteritæ, & si illis peractis mandet, ut fias sacerdos, vel Prædicator, tu judicare potes, te esse vocatum: quod si hucusque vitam duxeris dissolutam, levem, si luxibus fuisti deditus, aliquot annis prius debes pœnitere.

Porro unicus finis & scopus tuarum concionum sit gloria DEI & salus animarum: quicquid in hunc finem non tenderit, ad minus expiabitur flammis Purgatorii, & te contemptibilem in hac vita reddet. Assidue volve & revolve sacram Scripturam, quia non ascendis pulpitem, nisi ut prædices verbum DEI, ut fecit Astartor noster Jesus Christus, cujus tu vices geris. Unde ex illo exesse debent fabulæ, & scientiæ profanæ. Unicus textus S. Scripturæ plus valet in animis Christianis, quam decem discursus humani. Quod si aliquid S. Scripturæ addere velis, meo sensu hos libros præcipue evolvere debes, S. Augustinum, Chrysostomum, Summam S. Thomæ, sanctorum, & nonnullos Interpretes S.



## Instructio

Scripturæ, si media & sumptus habeas eos emendi. Verum post S. Scripturam maxime legere & relegere debes opera spiritualia Granatensis, oporteret illa quasi memoriter scire, & de verbo ad verbum prædicare, quia fructus experientis admirabiles. In quolibet sermone, quem componis, in id sis semper, ut ex eo aliquid utilitatis possint haurire, opifices, famuli, ancillæ, &c. & ita labora, ut nemo sit, qui ex illo non possit aliquid addiscere, quia forsan potest contingere, quod si aliquis, qui nunquam interfuit, vel interierit toto anno tuæ concionæ, & qui forsan per præsentem convertendus est.

Magnus sane est abusus & error, velle per conceptus sublimes delectare triginta aut quadraginta doctos, & jejunos dimittere: alios innumeros, qui te auscultant. Certi tibi persuasum sit, quod magni & docti libentissime audiant aliquem prædicatorem zelo accensum, qui Auditores docet, & movet per discursus familiares & populares.

Dum pulpitem ascendis, considera quod prædicaturus sis pluribus, qui doctiores, eruditiores, pientiores, virtuosiores sunt, quam tu. Ergo cum iis agas magno cum respectu exteriori, & humilitate interiori: meo videri, non debet dici, tu facis hoc, tu facis illud, sed vos facitis hoc, vos facitis illud.

Nec aliquid agas nisi subordinate ad Episcopum, quia tu es ejus instrumentum, quod nihil facit sine motione causæ principalis. De Episcopis intelligendum est, quod Salvator dicit: *Qui vos spernit, me spernit.* De iis dicit sanctus Paulus. *Spiritus sanctus posuit vos Episcopos regere Ecclesiam DEI.*

Hoc est quod dixit S. Ignatius Martyr *Epistola ad Trallium sub initium. Episcopo subjecti, sicut Domino.* Et paulo infra. *Necesse est quicquid facit, ut sine Episcopo nihil tentetis.* Et *Epistola ad Magnasianos sub initium: Decet vos obedire Episcopo, & in nullo illi refragari, terribile namque est tali contradicere, nec enim hunc fallit, qui videtur, sed invisibilem fallere nititur, nec ad hominem, sed ad Deum redit contumelia.*

Insuper majorem benedictionem habebis, si nil facias absque beneplacito & mente parochorum, in quorum parochiis prædicas, nunquam eos prætereas, nunquam illis obtrectes, vel in cathedra, vel alibi. Tu quidem potes errores eorum perstringere, sed id debes facere circum spectè, suaviter, charitative, secretò. Illi sunt patres in parochia, nos sumus eorum servi, missi, ut iis serviamus in sanctificatione animarum. Illi habent potestatem ordinariam, nos delegatam. Illi sunt pastores, nos sumus canes, qui allatrare debemus lupos, eosque arcere à grege ovium, ne hunc dispergant. Illi sunt matres, nos nutrices.

Quod si aliquis tibi pulpitem disputet, quamvis injustè, tu majorem habebis honorem, & meritum, si cedas ex amore DEI, quam si cum scandalo alterceris. Quod si cedendo pulpitem alteri honores prædicationes filii DEI, tu honoras ejus silentium, qui triginta annis siluit, & tribus tantum prædicavit. *Natura invite vult mori, nec premi, nec subesse, nec sponte subjugari, gratia vero studet mortificationi propriæ, querit subici, appetit vinci, & alicui cupit dominari, &c. lib. 3. de imit. Christi cap. 54.*

Abstine ab omnibus verbis, quæ possunt



*juniorum Concionatorum.*

sunt provocare risum, quia hoc circum foraneorum est. Filius DEI nunquam ad risum movit, omnia ejus verba fuerunt incitamenta ad compunctionem, & amorem DEI. Etiam in hoc sis, ne ullum verbum proferas, quod vel minimam in mentibus Auditorum tuorum generare possit. *Eloquia Domini, eloquia casta.*

Quod si sit aliqua janua, fenestra, infans, aut aliud quod tibi impedimento sit, aut aliquo modo incommodet, quidquid tandem illud sit, cave ne irascaris, sed humiliter roga, ut illa amoveantur. Tu non credis, quantum minima passio prædicatoris scandalizet populum, & fructum verbi DEI impediatur. Nec sero venientes objurges, aut discedentes ante finem increpes, quia forsitan impediti sunt, aut negotium urgens habent, quod tu nescis.

Quod si in parochia, in qua prædicas, sint partialitates, ne huic parti magis fa-veas, quam alteri, quia altera idcirco ex tuis concionibus nullum fructum percipiet. Tu es Angelus pacis, tu debes esse mediator, velut noster Salvator, *Qui fecit utraque unum.*

Quod si aliquis privatus tibi detrahat, aut de tuis concionibus male loquatur, cave ne aliquid dicas in pulpito primo, quia forsitan exacerbabitur, & sæpius illud reperet, ubi alias forsitan poterit tangi tuis concionibus, & converti. Secundo, pauci sciunt id, quod de te dixit, unde si in pulpito de hoc agas, tota civitas illud sciet, & ubi putas te expurgare, tu tuum honorem periculo exponis, nam Mundus, qui tam pronus est ad mala credenda, forsitan suspicabitur illa dicta esse vera.

Quod si alius prædicator in suggestu

te traducat, tu majorem honorem & benedictionem habebis, si honores & imiteris patientiam & silentium Filii DEI: *Bene patientes erunt, ut annuncient.* Quod si in suggestu dicat, te prædicasse hæreses, tu eum denuntiare potes Episcopo, aut ejus Vicario, quod si illi non adsint, tu te potes expurgare, explicare, & probare modeste veritatem, quam prædicasti, sed cave sis ne hoc agas cum fervore, dicteris, sed mansuete.

Tu quidem potes hortari Auditores tuos, ut sint frequentes in auditione verbi DEI, sed nunquam conqueraris de exiguo numero Auditorum; primò, quia illi, qui antea nunquam de hoc cogitabant, nunc incipiunt advertere, & teminus æstimare, velut hominem ambitiosum. Secundò, quia suspicabuntur te hoc agere ob commodum particulare. Tertio, tu debes honorare Filium DEI, qui unum è prolixioribus discursibus habuit ad unam mulierculam Samaritanam. Quarto, sæpius majorem fructum, & minorem amorem erga te ipsum habes, quam si copiosos Auditores habeas. Quinto si perstringas præsentes, illi non sunt culpabiles, si absentes, illi te non intelligunt.

Eloquentia quidem, emphasis & proprietates verborum quidem suadent, sed ego non sum auctor, ut prædices periodos ornatas, & utaris flosculis selectis, & compositis. Primò, quia Filius DEI sic non prædicavit, & Apostolus dicit: *Non in persuasibilibus, & humana sapientia verbis.* Secundò id sapit aliquam vanitatem, & imperfectiones concionatoris valde parum ædificant Auditores. Tertio tu tempus perdis conquirendo hos flosculos, & has periodos compo-



### *Instructio*

nendo, cum potius rogare deberes Deum, ut suam benedictionem tuis verbis daret. Quartò his flosculi sæpe nocent fructibus, quia ingenium Auditorum, dum elegantiam verborum conatur admirari, non attendit ad veritatem sententiarum.

Ego sæpius adverti, Auditores ægre ferre si longum panegyrium tunc alicui Magnati, qui est præsens. Primò, quia suspicantur te esse adulatorem. Secundò quia forsan in cathedra veritatis profers mendacia. Tertiò plures sunt, qui non æstimationem hunc magnatem, & ideo forsan te etiam vilipendent. Quartò suggestus ideo est, ut in eo laudetur Deus, prædicetur veritas, & non ut homines laudentur. *In Ecclesiis benedicite DEO.* Quintò, quia S. Thomas docet esse peccatum veniale aliquem laudare in ejus præsentia, eo quod ipsi præbeatur materia vane gloriandi.

Consultum est, ut statim post concianem te coram DEO humiliter, & veniam petas erratorum, quæ patraisti, legasque aliquem librum, aut bono alicui operi vaces, ut vanam gloriam vites, quæ tuum spiritum potest invadere dum cogitas, quod bene feceris, & dixeris, aut tristitia & melancholia obrui, dum imaginaris, quod male tibi cesserit. Tu sollicitus valde esse debes, ut te sæpius commendes tuis sanctis Patronis, Angelis custodibus Auditorum & parochiarum, in quibus prædicas.

Quod si per aliquid tempus commoreris in aliqua parochia, curare debes, quantum est possibile, ut instituatur aliqua confraternitas Rosarii, Scapularis, Chordæ, ut Venerabile deferatur ad

infirmos cum aliqua pompa & comitatu, ut signa consueta mane, in meridie & vesperi dentur, ad salutandam Virginem, ut obstetrices sciant modum baptizandi, ut boni habeantur ludimagistri & magistræ, ut pietas & doctrina Christiana infantibus tradatur, ut publicæ choræ, comotationes, luxus vitentur, ut dissensiones & lites intet familias componantur.

Qui DEO lucratur animam unius sacerdotis, ille lucratur centum alias, unde utilissimum erit, si qualibet septimana habeas aliquas conferentias cum sacerdotibus in parochia, & aliorum, qui ex locis vicinis volunt interesse, non quasi velles eos instruere, sed quod potius ab iis velis instrui, & in amore DEI accendi. Discursus aliquot spirituales habendi sunt de virtutibus, quæ necessariae sunt sacerdotibus, & postea proponendi, & resolvendi aliquot casus conscientiarum, & practici.

Et sanè magnum referes fructum, si non bibas, aut comedas in locis, ad quos invitaris. Primò, quia Filius DEI dicit: *In eadem domo manete edentes, & bibentes, quæ apud illos sunt. Nolite transire de domo in domum.* Secundò plures sunt, qui æstimationem minuunt, quam habuerunt de sacerdotibus, dum eos vident comedere, & bibere velut alios, cum aliis sacerdotes valde suspiciant & reverentur, utpote, quos non vident nisi in altari, & in cathedra. Tertiò in mensa vix possumus abstinere à jocis, vanitatibus, aut aliis verbis, quæ offendere possunt.

Quando agis contra Hæreticos in cathedra, aut in privato, vide ut agas cum

*Luc. 10. v. 7.*



iis cum respectu, modestia, condolentia & manifestatione affectus, & omnia concedas, quæ potes sine præjudicio veritatis. Abstine à conviciis, investivis, calumniis, & iis, quæ sapiunt contemptum.

Antequam tam sanctum exercitium incipias, jacere oportet fundamentum pietatis & doctrinæ. Nam quomodo quis id communicare potest, quod non habet? *Oportet sanctum esse non carnalem*, inquit S. Bernardus, Gregorius, Nazianzenus, Basilius, Augustinus, qui antequam munus prædicationis aggressi sunt, pluribus annis delituerunt in deserto, operibus se exercuerunt poenitentia, & Scripturarum lectioni vacarunt. Quomodo ergo juvenis viginti sex annorum, qui vix emerfit e cæno vitiorum, & qui nec à limine salutavit Biblia, possit prædicare cum fructu & benedictione?

Quod si functio tua tibi quandoque occasio sit cedendi in peccatum mortale, & hoc, quamvis semel tantum in anno, tu eam abdica, & si possis, intra Ordinem Chartusianorum, aut Fulienfum, & hoc quantumvis maximos fructus alias faceres, quia Deus à te vult vitari peccata, & tuam salutem potius quam conquestionem mille animarum. *Quid prodest homini? Non dicit, si divitias, sed, si universum mundum lucretur?* Animæ quoad acquisitionem salutis toti mundo præferri debent. Nulli sunt tibi propinquiore, inquit sanctus Bernardus, quam filii tuæ matris.

Et quamvis sis excellentissimus prædicator, ne tamen data occasione dedigeris prædicare in pagis, & aliis parvis locis, ac servare simplices & familiares

conciones. Sanctus Chrysostomus insigniter docet, in domibus opificum non esse nisi unam lampadem, aut lucernam, quæ domesticis luceat. In exiguo oppidulo non est nisi unus fons pro omnibus incolis: Verum in palatiis Magnatum sunt faces in ipsis angulis, & gradibus. In magnis urbibus sunt copiosi fontes etiam in plateis minus frequentatis. In hoc consistit gloria & excellentia Ecclesiæ, quæ est domus DEI, & civitas Sancta, quod habeat magnos prædicatores velut magnas faces, & fontes copiosos etiam in parvis parochiis, ubi sunt pauci Auditores.

Nec dedigneris, quantumvis magnus sis Ecclesiastes, catechizare infantes, & rudem populum, ad minus bis vel ter in septimana, sitæ vires id permittant, quia majorem facies fructum, & minus habebis periculum. Experientia docet, cantica spiritualia, quibus decantantur mandata DEI in catechismis, attrahere homines, eosque delectare, sed nescio, an bonum sit, quod ipsemet Catechista cantet, quia hoc diminuit ejus respectum ecclesiasticum.

Sunt quædam pia opera, quæ populo sæpe inculcanda sunt, ut mane rogare DEUM genibus flexis, vesperti congregare omnes domesticos, & simul facere examen, venerari sacram Eucharistiam, eamque comitari, dum defertur, ad infirmos, colere devote virginem, eiq; quotidie aliquod persolvere pensum, frequenter suum cor elevare ad DEUM, & in hunc finem, animabus sub oculos ponere earum fragilitatem, & infirmitatem, & extremam necessitatem, quæ egemus gratiâ DEI.

ad Eugen.



### *Instructio*

Postquam in omnibus missionibus inculcassem necessitatem Baptismi, sicut & in dominicis, ac festis Adventus, & quadragesimæ, feminæ catervatim concurrerunt, & seipsas accusarunt ac pœnitentiam rogarunt etiam extra sacramentum confessionis, ex eo, quod ignorarint necessitatem hujus sacramenti, & ita ob hunc defectum peccarint, & mori permiserint infantes sine Baptismo, & hoc ut tantum expectarent patrinum, aut matrinam. Et ideo non satis possumus inculcare miseriam infantum, qui moriuntur sine baptismo, ac materiam, & formam hujus Sacramenti.

Experientia me docuit, quod plures ex meo consilio, quo suasi iis in sermonibus, ut acciperent crucem ligneam, eamque portarent ad Ecclesiam, ut benedicatur, eamque collocarent in aliquo loco cubiculi, & vesperi certâ horâ omnes congregarent domesticos, ut simul orarent, & per diem subinde si eam viderent, in corde Filium DEI in ea pendentem adorarent, eo quod dæmones, & malefici non habeant tantam vim nocendi domesticis, qui tam pium exercitium prædicant, multum profecerint.

Similiter experientia me docuit, quod peccata valde diminuta sint, postquam in quibusdam locis confraternitas Rosarii, aut chordæ instituta, & servata fuit. Obtine ergo licentiam à Reverendis Patribus prædicatoribus, & Franciscanis, eos, qui volunt admitti, recipiendi, rosarium, & chordas benedicendi, prædicare frequenter indulgentias, quas lucrantur, participationem, & communicationem precum, quæ fiunt in toto mundo, auxilium Virginis in morte, Vulnerum sacrorum efficaciam, quod nil donetur pro in-

scriptione, quod nulla sit obligatio pro peccato, quod quotidie sint recitanda quinque Pater & Ave, semel recitandum Rosariû in septimana, dumquæ cathedra descendis, bonum est, eos inscribere, qui volunt, & quando fervet hæc devotio.

Devita conversationes feminarum quantumvis devotarum, nec solus iis loquaris, illæ frequentes conversationes insignibus vestitæ prætextibus nil aliud sunt, quam vanæ occupationes, & fraudes amoris proprii, occasiones vanarum cogitationum circa hæc, aut illa. Audi S. Hieronymum: *Ne præterita castitati confidas, nec Samsone fortior, nec Davide sanctior, nec Salomone poteris esse sapientior, memento semper, eiecit mulier de possessione sua paradisi colonum*: Nisi cautus sis, & rigidus in hac materia, Diabolus medium habebit te privandi gratiâ Dei, fervorem amoris ejus tepesciendi, tuum honorem lædendi & similia. Sanctus Carolus Borromæus, ut nos exemplo præteret, nec propriæ sorori loqui voluit.

Spatio quadraginta annorum, quibus prædicavi Adventum, & quadragesimam, & dixi omnibus quasi dominicis & festis, in fine concionis subjunxi mysteria fidei explicite credenda, puta mysterium sanctissimæ Trinitatis, Incarnationis, passionis, mortis, resurrectionis, ascensionis, essentialia Sacramenti Baptismi, Eucharistiæ, pœnitentiæ, & magnum habui Auditorium etiam in urbibus, ubi sunt Parlamenta.

Quod si habeas zelum gloriæ DEI, & animarum, credo quod idem debeas facere, quia alias plebs sepulta jacebit in densa ignorantia horum mysteriorum ad salutem necessariorum, propterea magna negligentia frequentandi catechismum, dum



*juniorum Concionatorum.*

dum putant eum tantum esse pro infantibus. Porro tempore missionis, bonum erit si hoc fiat quotidie mane & vespere, ut illi, qui hoc non discunt in una concione, vel non veniunt, id discant in altera. Ante omnia porro bene inculcari debet, quod Filius Dei non fuerit semper homo, sed quod Deus ab æterno existens factus sit homo amore nostri, & semper erit, & quod sit vere & realiter præsens in Eucharistia, & non velut crucifixus in Ecclesia, qui est tantum imago lignea, vel lapidea, sed quod sit in Eucharistia in propria persona. Similiter quotidie inculcanda est necessitas, materia & forma Baptismi, quod confessio nil sit sine vera pœnitentia, & quod contritio instanter ante confessionem postulanda sit.

Non consulo, ut cites Auctores, quos nescis quomodo citare debeas, alias habebis ignorans, uti illi, qui dum debent citare legem, dicunt capite, aut codice, & qui pro eo quod dicunt S. Chrysostomus homilia 4. super epistolam ad Ephesios, dicunt, S. Chrysostomus Scribens ad Ephesios. Viden ergo loca quæ hic & alibi quandoque citantur, I. facere, ff. de testam. milit. I. habeat. C. de Sacros. eccl. § testes, Instit. de testam. ordinand.

Methodus harum concionum est, ut juvetur memoria, & non ut ars ostentetur, nam adverti, motiones sancti Spiritus validiores esse, quando eloquentia naturalis & nativa adhibetur, & quod hæc melius suadeat, quam Rhetorica artificialis.

*Instructio pro Pastoribus junioribus.*

Major pars documentorum, quæ dedi junioribus prædicatoribus, tibi poterunt quoque servire, & ideo illa præmisi. Ante omnia itaque debes lucrari respectum &

affectum tuorum parochianorum, quod fiet, si agas cum iis charitative, mansuete, si tibi curæ sit eorum salus spiritualis & corporalis, nec cum iis contendas. *Servum Dei non oportet litigare. Nemo militans DEO implicat se secularibus negotiis.* 2. Tim. 2. Jam pridem omnino delictum est in vobis, quod judicia habetis inter vos, quare non magis injuriam accipitis, quare non magis fraudem patimini. Quod si, ut honores hæc verba, amittas aliquod bonum temporale, ne illud repetas in judicio, ut ita melius possis laborare in negotio salutis animarum, nec credo circa hoc aliquem scrupulum esse faciendum, maxime si quandoque protesteris contra, ut impediatur præscriptio.

Quod si aliquis pœnitens nolit communicare in Paschate, tu ei nega absolutionem, quia ita mandat Concilium Lateranense: Et quomodo ergo tot Parochis detur absolutio, qui non obediunt Concilio Tridentino, quod est æq; Authenticum, ac Lateranense? Audi illud: Archipresbyteri plebani & quicumque parochiales, vel alias curam animarum habentes, Ecclesias quocunque modo obtinent, per se, vel alios idoneos, si legitime impediti fuerint, diebus saltem dominicis & festis solemnibus plebes sibi commissas pro sua & earum capacitate pascant salutaribus verbis, dicendo, quæ scire omnibus necessarium est ad salutem, annuntiandoque eis cum brevitate & facilitate sermonis, vitia, quæ eos declinare, & virtutes, quas sectari oporteat, ut pœnam æternam evadere & cœlestem gloriam consequi valeant.

Apud omnes Theologos indubitatum est, quod omnes adulti jure divino ecclesiastico teneantur scire explicite myste-  
ria Tri-



## Instructio

*In aphor  
verb. fid.*

ria Trinitatis, Incarnationis, passionis Resurrectionis, Ascensionis, Filii DEI, plebei illa non possunt scire, nisi instruantur: Tuitaque non es capax absolutionis, & es in statu perpetuo damnationis, si tua negligentia aliquis parochianus hoc ignoret.

Quod si habeas magnum zelum animarum, tu non debes recipere, nec permittere, ut tui sacellani recipiant pecuniam ob administrationem poenitentiae, Eucharistiae, extremae unctionis, quia si aliquid recipias non habes tantam libertatem tuos exhortandi ad frequentationem Sacramentorum, quia putat, quod hoc facias intuitu lucri. Secundò tui Sacellani probè non administrabunt sacramentum, quia festinabunt, ut multum lucrentur. Tertiò plures pauperes, & avari non confitebuntur tam frequenter, vel quia non habent pecuniam, vel quia nolunt dare. Quartò, quodque magis considerandum est, plures negligent dari sacramenta suis infirmis, & hoc ne quinq; solidos exponant, qui ita morientur sine sacramentis, aut saltem tamdiu different sacramenta, ut usu rationis careant. Et quamvis intra centum annos hoc semel tantum contingeret, salus unius animae præferenda est lucro, quod tota vita lucrari posses. Et quamvis non petas pecuniam, si tamen eam acceptes, eadem inconvenientia sequentur, si unus enim eam det, alii, qui nolunt viliores esse, & magis ingrati, quam alii, quod tenentur eam dare.

Experientia didici, quam salutare & prudens fuerit consilium, quod Illustrissimus Zemovicensis dedit omnibus suis

parochis, ut omnes baptizatos à feminis sub conditione baptizarent, quamvis enim sciant materiam & formam Sacramentorum, tamen ordinarie sunt turbata, ita ut nesciant quid agant, & aliae adeo superbæ sunt quamvis aliquem defectum commiserint, tamen eum confiteri erubescant, nisi interrogentur. Idem suadet S. Thomas. Reperimus in dioecesi Languedocensi, Gebennensi, & in provincia plures feminas baptizantes sub hac forma. *Aiguo te Baptizo*, hoc est, Aqua te baptizati, dum enim audierunt sacerdotem dicentem. *Ego te baptizo*, illæ putarunt. *Ego* in lingua vulgari significare *Aiguo* Ergo non solum in catechismo, sed & in concionibus illa forma iis explicanda est.

Quin plures Doctores docent probabiliter, quod moribundus possit absolvi sub conditione, qui nullum petiit confessarium, & qui nulla signa contritionis edere potest, quæ sententia tuta est, eamque videtur suadere S. Augustinus tom. 6. de adulterinis conjugis, cap. 26. 27. 28. Dinna part. 3 tract. 3. Resol. 8 ubi ait Clementem VIII. id fecisse, & à Coniatz tom. 1. de sacrament. disp. 1. dub. 2.

Quod si duæ missæ celebrentur in tua parochia, necesse est, ut cures sæpe prædicari in prima aut ad minus cures legi alta, & clara voce per quadrantem horæ aliquem librum pium, puta pædagogum Christianum, aut memoriale Granatensis, iisque explicari mysteria fidei, qui alias servi, & ancillæ, qui non audiunt nisi hanc missam, nunquam necessaria ad salutem addiscant.

Pastor

*Opuscul. s.  
§. 1.*

*lib. 4. I  
cap. 18.*



*pro Pastoribus Junioribus.*

Pastor sedulus sæpe visitat suos infirmos etiam postquam receperunt omnia Sacramenta, quia quotidie possunt committere aliquod peccatum mortale & indigere consequenter absolutione, quia contritio perfecta est valdè difficilis & rara, & sicut lupo infernalis nunquam cessat à tentandis Christianis in articulo mortis, ita quoque Parochus debet vigilare, ut iis succurrat & eos juvet.

Parochi, qui negligentes sunt in administranda extrema unctione privant infirmos plurimis gratiis, & sanitate corporis, quam donat hoc Sacramentum, quando est utile ad salutem animæ.

*lib. 4. Dial.  
sap. 18.*

Et quia S. Gregorius Magnus, Doctor, Papa & Sanctus, narrat puerum quinquennem fuisse damnatum, meo iudicio pueri infirmi intra sextum & septimum annum excitandi essent ad confessionem, & absolvendi, immò & iis danda foret Eucharistia, si iudicium suppleat aetatem, etsi intelligant mysteria fidei, & sciant quid sint Sacramenta.

Experientia quoque monstrat, quod si gravida moriatur, non statim tamen moriatur infans, sed quod hic sæpè vivat per quadrantem, vel mediam horam adhuc post mortem, immò quandoq; diutius, undè consultum est, ut secetur mater, & infans baptizetur.

In vita Parochi pagi vulgò Matincourt in Lotharingia, pietate conspicui & celebris, quia reformare cœpit Canonicos Regulares S. Augustini, narratur, quod postquam suos parochianos optimè docuisset mysteria fidei, ille in parvis schedulis scripserit, quomodo populus in quolibet vitio posset offendere Deum, & in aliis scripsit motiva, quæ ab hoc nos deberent abster-

rere, & incitarent ad proposita elicienda, millies potius moriendi, quàm vel semel peccandi: in aliis curavit scribi praxes pietatis, in aliis stimulos amoris Dei, perfectionum Divinarum, & mysteriorum fidei, illasque schedas dedit infantibus, ut illas addiscerent, & in catechismo recitarent, ut ita domestici instruerentur & moverentur, dum eas repeti audirent.

Porro excellentem invenio fuisse charitatem unius Sacerdotis, qui quotidie per annum in Ecclesia spatio unius horæ infantes, qui veniebant, esto, essent tantum duo vel tres, orationem Dominicam, salutationem Angelicam, confiteor, Symbolum in lingua vulgari, mysteria fidei, preces matutinas, vespertinas, ante & post communionem, & sic paulatim plurimæ familiæ fuerunt, quæ hæc omnia sciverunt.

Et annon tot Sacerdotes & Parochi, qui dictâ missâ & officiis divinis inutiliter tempus perdunt, simile facere possent? Annon timent hæc verba in iis verificanda:

*Servum inutilem proicite in tenebras exte- Matth. 25.  
riores, ubi erit fletus, & stridor dentium. Sr v. 30.*

non pavisti, occidisti, inquit S. Ambrosius. Quod si animæ pereant defectu instructionis, nonne ratio ab iis exigetur, qui potuerunt eos instruere, nec hoc fecerunt? Si Zelos salutem tuorum parochianorum, tu subindè iis dabis confessarios extraordinarios, uti præcipit eos dari debere Monialibus, quia constat experientiâ, plures parochianos commissum aliquod grave scelus nunquam suis parochis fuisse confessos, quia ab ipsis denotandos timent.

Si auctoritate polleas in collegiis civitatis, fac ut præmia, quæ distribuuntur, sint libere devotionis, uti Libri S. Francisci Salesii, Granatensis, Sainct Jare, Meditationes



*Instructio pro Pastoribus Junioribus.*

de Ponte, Pædagogus Christianus, ita paulatim domus spiritualibus libris replebuntur.

Magna facilitas absolvendi eos, qui sine ulla emendatione relabuntur in eadem peccata, eos fovet in prava consuetudine: quod si iis deneges absolutionem, quousq; aliquam videas emendationem, aut aliqua remedia præservativa adhibeant, tu illos pungis, & corrigis. Experimentum cape, & veritatem videbis. Et quamvis aliqui contradicant, & minitentur se non reversuros, tu tamen in tua obligatione constans mane, quia pro duobus, quos offendis, decem alios lucraberis. Salvator non tantum dixit: *quorum remiseritis peccata*, sed & addidit, *quorum retinueritis*. Ergo quandoq; illa retinenda sunt, cum magna tamen affabilitate, compassione, ostendendo pœnitenti, quod hoc fiat ob ejus majus bonum, & ut tuæ satisfacias obligationi.

*Matth. 5.*

Experientia tibi ostendet, quod dulcedo, patientia, mansuetudo, corda & animas Deo, & Parochis lucretur, ubi contra morositas & acerbitas animos exacerbet, & avertat. *Mites possidebunt terram. Doccebit mites vias suas. Humilium & mansuetorum tibi semper placuit deprecatio. Discite à me, quia mitis sum.*

Bonus Parochus, si possibile sit, habeat annotatas omnes familias suæ Parochiæ,

ut saltem semel in anno cum suo Sacellano eas visitet, nam præterquam quod ita incognitionem veniat in necessitatem spirituales, & corporalem earundem videt, an sint in iis scandalosi, libri lascivi & nocivi, tabulæ inhonestæ, an manè vel vespere Deum simul orent, an sit in iis crux, aqua benedicta, libere spirituales.

Quod si velis scire, quomodo domi tuæ, & in tua parochia debent vivere, lege, & practica insignia documenta, quæ tibi dedit Gothardus Episcopus Gratianopolitanus parochis suæ diœcesis, & meditationes & sermones P. Beuvelet, qui modo sudant sub prælo.

Humillimè & ex toto corde rogo Lectores, ut à Deo rogent misericordiam pro peccatorum maximo, qui dedit hæc documenta, & magnum dolorem, quo doleat, quod illa non practicavit; & qui submittit suum librum, suam personam, suas cogitationes, sententias, & opera hactenus edita, quæ nunc eduntur, & edenda, iudicio, & censuræ nostræ Matris sanctæ Ecclesiæ Catholicæ, Apostolicæ, Romanæ, extra quam non est salus, & à qua flagito benedictionem, ut vivere & mori possim, velut humillimum & fidelissimum ejus membrum, ac obedientissimus, & indignissimus ejus infans.

DOMINICA





Sermo primus pro Dominica prima  
adventus.

*Levate capita vestra quoniam appropinquat Redemptio vestra. Lucae. 21.*

EXORDIUM.

**D**um Propheta Samuel à DEO in Bethlehemi missus civitatem ingrederetur, seniores urbis ei occurrentes, summopere admirati sunt, eumque interrogarunt *Pacificusne est ingressus tuus?* Qui respondit *pacificus, ad immolandum Domino veni.* 1. Reg. 16. Nullum est dubium quin hodierna missio, quâ Verbum à Patre mittitur in mundum, quam missionem hodie sacra Ecclesia celebrare incipit, & cujus accelerationem instanter rogat sit pacifica, utpote facta in eum finem, ut homo cum Deo reconcilietur, unde et is qui missus est vocatur Rex pacificus. Nos concionatores legatione pro Christo fungimur, ut igitur missionem meam, qua hac Dominica prima adventus mittor, ostendam esse pacificam, declarabo missionem quâ concionatores mittuntur esse pacificam, hoc est, esse effectum amoris Dei, & electionis nostræ ad gloriam.



*Idea Sermonis Quod missio, ejusque bonus usus signum sit  
prædestinationis.*

I. **P**rima missio, cujus sacrum meminit Euangelium, hisce exprimitur verbis: *Missus est Angelus à DEO.* Missio expressio propter te & ad te facta, ô Virgo sanctissima. Homines mittuntur ad homines, homines fragiles, ad homines peccatores, Moyses ad Pharaonem, Nathan ad David, Daniel ad Nabuchodonosorem: Verum quia tu eras purior, sanctior, cœlestior, & magis Angelica quam ipsimet Angeli, unus supremorum Seraphinorum ad te mittitur, qui admirans raras, & excellentes perfectiones, quas tam natura, quam gratia in te recondiderant, & thesaurizaverant, humili respectu & reverentia illas honorat, se prosternendo pedibus tuis, & hinc te salutando verbis: AVE MARIA &c.

*PUNCTVM PRIMVM.*

*Quod bonus usus missionis effectus sit prædestinationis. Probatur scriptura, patribus, rationibus, experientia.*

II. **A**ngelicus S. Thomas, cujus profunda & salutaris doctrina nobis erat pro ductore, & face in omnibus nostris discursibus, loquens de effectibus divinæ providentiæ ansam nobis præbet considerandi, quod prædestinatio vera sit missio, causa, scaturigo, principium & origo omnium missionum temporali-

um, quæ unquam factæ fuerunt, vel fient usque ad consummationem sæculorum. Prædestinatio, dicit magnus hic Doctor est ablegatio, missio & transmissio creaturæ rationalis, ad beatitudinem cœlestem. *Transmissio creaturæ rationalis in vitam æternam.* Ad cuius intelligentiam adverte cum sancto hoc Doctore, quod proprium providentiæ sit conducere omnes res ad ultimum ipsarum finem, per media convenientia, cum vero vita æterna, ad quam homines pervenire velint ut suam adipiscantur salutem, finis sit supernaturalis, hoc est superans vires, & conatus naturæ illorum, necesse est ut Deus illos eo mittat, transmittat, & transportet per gratiam suam: Ut equum hinc Parisios transire facias non requiritur nisi ut in viam constitutum fræno conducas & dirigas; sed ut sagittam hinc in illum, vel illum locum ire facias, cum oculis careat quibus illum videat, vita & motu ut illuc perveniat, necesse est ut sagittarius illam mittat, dirigat, & evibret versus scopum per motum arcus. Comparatio hæc S. Thomæ est. Ad conducenda animalia, aliasque creaturas irracionales ad ultimum ipsarum finem, qui est conservatio vitæ ipsarum, & servitium hominum, non requiritur nisi providentia naturalis, quam Deus exercet in œconomia & directione hujus mundi; Verum ad dirigendos tam Angelos, tum homines ad gloriam cœlestem, quæ superat illorum cognitionem, illorum potentiam, merita, & inclinationem naturalem, necesse fuit ut Deus



Deus illos destinaret, quod bonam pro  
iis habuerit voluntatem, decretum, pro  
illis fecerit, & conceperit intentionem  
in ideis, & prænotionibus suis æternis.  
Cum vero una pars Angelorum per re-  
bellionem contra Deum, & tota natura  
humana per peccatum primi hominis  
se reddiderunt indignos tanto favore, &  
tam sublimi honore; Deus, postquam  
exercuisset iustitiam rigorosissimam  
contra apostatas Angelos, misericor-  
diam exercere voluit erga hominem  
perditum, & intuens eum oculo favora-  
bili resolvit mittere unicum filium ad e-  
jus redemptionem spiritum sanctum ad  
illum sanctificandum, Apostolos ad il-  
lum convertendum, Pastores & Prædi-  
catores ad illum instruendum; institue-  
re sacramenta, aliaque media valde con-  
venientia ad illum à peccato retrahen-  
dum, & ad cælum conducendum. Hinc  
patet, quod quamvis prædestinatio in  
Deo actus sit purissimus, simplicissimus,  
& omni carens compositione, nihilo se-  
cius secundum exiguum nostrum intel-  
ligendi modum, tres contineat, & com-  
prehendat actus, ob quos sacra scriptu-  
ra animabus electis tria tribuit nomina;  
Primum est, quò ex amore ardente, ex  
voluntate antecedente, quam habuit  
Deus ab omni æternitate beatitudinem  
conferendi creaturis intellectualibus, id  
est Angelis & hominibus, Beati vocan-  
tur prædestinati, hoc est, ad gloriam an-  
te mundi constitutionem destinati; se-  
cundum S. Paulum *Cum nondum aliquid  
boni, aut mali egissent, sed secundum pro-  
positum voluntatis suæ*: hoc est, gratuito,  
ex libera voluntate, independenter à  
scientia, quæ appellatur visio, sive pro-  
videntia,

S. Thom. 1.  
p. 1. q. 23. an-  
26 4.

Rom. 9.

III. Secundus actus est electio, quàm  
Deus de certis facit animabus, eo quod  
ad illas affectum, & inclinationem ge-  
rat specialem, volens illas separare de  
communi, & extrahere de massa corrup-  
tionis, & constituere objecta suæ mise-  
ricordiæ, suorum favorum, & benevo-  
lentiaæ particularis, hinc prævisio pecca-  
to primorum parentum, prædestinati  
vocati sunt electi, vasa electionis, vasa  
misericordiæ; & si inquiras cur potius  
hic quam ille electus sit? Respondet D.  
Paulus; *O altitudo divitiarum*. Respon-  
det S. Augustinus: *Noli investigare, si  
non vis errare*. Respondet S. Prosper.  
*Non studeamus habere cognitum, quod vo-  
luit esse secretum, & ubi non licet investiga-  
re, quare ita iudicet, sufficiat scire quis ju-  
dicet*.

IV. Tertius actus est prævisio, &  
præparatio quam Deus in Spiritu suo fe-  
cit de gratiis necessariis ad hoc inten-  
tum, de mediis propriis, & convenien-  
tibus, ad conducendos animos electos  
ad gradum gloriæ, & beatitudinis ad  
quem vocati sunt, hinc Jesus illos nomi-  
nat benedictos Patris sui, benedictiones  
enim Dei, beneficia sunt.

Verum est, prout docet Ecclesia, solo  
Deo cognitum esse numerum anima-  
rum beatarum, suo tempore ad beatitu-  
dinem cœlestem admittendarum, se-  
cundum illud Ecclesiæ: *Deus cui soli co-  
gnitus est numerus electorum in superna  
felicitate laudandus*. Nam ipse solus infal-  
libiliter novit an talis vel talis futurus,  
vel futura sit de hoc numero: *Dominus  
novit, qui sunt ejus*. Verum si cognosci  
possit causa aliqua per cognitionem suo-  
rum effectuum, dico quod missio ma-  
gnam tribuat conjecturam, & signum



probabile vestrae praedestinationis, si illa bene utamini. Huic ad stipulabimini veritati, si consideraveritis quod missio bene recepta, & congruenter usurpata, effectus sit, trium actuum supradictorum, in quibus continetur finis, & oeconomia tota praedestinationis.

*PRVNCTVM PRIMVM.*

Missio est affectus amoris Dei probatur primo Scriptura, secundo Patribus, tertio rationibus, quarto experientia.

II. Primus actus est amor Dei erga nos, & missio ejus est effectus; audite illū per Prophetā Jeremiā loquentem: *Charitate*

*Jerrem. 31.*

*perpetua dilexite, ideo attraxi te miserās tui.*

*Rom. 10. 13*

S. Paulus pulchros facit gradus, per quos nobis explicat diversos annulos, & catenulas quibus componitur catena haec mysteriosa, qua utitur Creator noster ad lucrandas, & attrahendas animas praedestinationum; Didicimus à S. Petro, quod omnes qui invocant nomē salvatoris salvierunt; evidens est quod nō intelligat de omnibus illū taliter qualiter invocantibus, Nā Jesus dicit: *Non*

*Matth. 7.*

*omnis qui dicit mihi Domine, Domine, intrabit in regnum caelorum.* Intelligit ergo de illis qui invocant illū cum fide, pietate, humilitate, fervore, devotione, & perseverantia, quā Deus à nobis requirit.

D. Thomas dicit: *Invocare, est Deum in se vocare per affectum, & devotum cultum.* Ad invocandum ergo illum hisce dispositionibus, oportet illum cognoscere per fidem; nam illum invocamus, prout illum Cognoscimus; si illum cognoscimus, & apprehendimus tanquam infinitē magnum, potentem, sapientem, bonum, amabilem, timendum; invocamus illum magno cum respectu, profunda humilitate, fervore devotio-

nis. Per fidem illum cognoscere nequim⁹, nisi nobis annuntietur, & praedicetur, nemo autem illum dignē, & legitime praedicare potest sine missione, cum nec ipse filius Dei, nec Spiritus sanctus in mundum venerint nisi per missionem. Filius missus est à Patre suo:

*Luc. 4.*

*Ad evangelizandum pauperibus misit me, Spiritus sanctus missus est à Patre, & Filio: Quem mittet Pater in nomine meo: Cum assumptus fuero, mittam eum ad vos.*

*Ioan. 14.*

Missio ergo legitimos constituit Praedicatores; Praedicatores annuntiant verbum Dei; Verbum Dei excitat fidem, fides illuminat Spiritum, ad cognoscendam magnitudinem, & alias perfectiones Dei; haec cognitio facit ut digne, & devote invocetur, taliter illum invocando meremur salvari.

Verum est quod praedicationes, quae fiunt in Adventu, & quadragesima, non fiant, nec fieri debeant, nisi per missionem; Verum fieri potest, & saepe fit, quod non sit Deus, qui vos ad illos trahit; sed consuetudo, societas, curiositas, pruritus audiendi conceptus altos, & sublimes, discursus curiosos, phaleratos, politos. Verum si consuevistis audire praedicationes simplices, familiares, populares, in quibus proponitur verbum Dei purē, nudē, sincerē, sine fūco, sine arte, sine eloquentia humana, & mixtura curiositatis: praedicationes quae adulatione non demulcent, sed pungunt; quae increpant, quae invehiuntur in vitia, quae vos excitant ad poenitentiam, & replent amaritudine; certē plus quā probabile est quod sit Deus, qui vos ad illos trahat, quod sit Deus, qui vos vult convertere, quod sit Deus, qui vobis dicat in affectu: *Chari-*



rate perpetua dilexi te, ideo attraxi te miserans tui. Unum è signis evidentioribus quod Pater filio suo demonstrare potest affectum quem erga illum gerit, & desiderium quòd ipse quærat commodum, est, si illū addiscere faciat professionem vel artem; si illum mittat ad aliquam Academiam, ad aliquod collegium, vel aliquem artificem.

Epist. ad  
Rustii

Accommodè dicit S. Hieronymus: An non res est deploranda videre, quod nulla ars tam sit vilis, nullum opificium tam abjectum quod quis per seipsum addiscere queat, & ad quod addiscendum non egeat Magistro? Et tamen artem boni Christiani, scientiam sanctorum, scientiam salutis nos addiscituros putamus sine magistro, & ductore.

Verum, ut cognoscamus missionem opus esse Dei summo opere ad salutem nostram necessarium; solum considerandum est, quod inimicus Dei, & salutis nostræ, omnem moveat lapidem ut illam impediatur, denigret, odiosam reddat, effectus ejus impediatur, fructus perdat, & annihilat, quod ipsum in omnibus retro missionibus molitus fuit; quamprimum enim Deus suos ablegat missionarios; continuo mittit & suos, emissarios suos in campum educit; supposititios, & Janizaros suos adornat, ut munitionem contra molimina excitent verorum missionariorum. Deus mittit Moysen ad Pharaonem, ut ipsum, & totum ipsius regnum convertat; Sathan illi opponit Magos, qui eadem apparentia patrent miracula.

Exod.

VI.

Mittit Deus Eliam, aliosque Prophetas, ut innotent Israelitis ad poenitentiam, retrahant ab Idololatria, aliisque criminibus iram ejus provocantibus; Sathan fallos mittit Prophetas, qui adu-

lentur Regi, & populo mendacibus promissis. Primus missionarius Legis gratia est Jesus, Pater illum mittit ut homines doceat sanctam suam voluntatem, & in viam dirigat perfectionis: Sathan suscitatur Scribas, & Phariseos, qui habebantur pro doctis, devotis, & spiritualibus in tota Synagoga; hi contradicunt Salvatori, illum vocant seductorem, conantur illum capere in sermone, observant ipsius conversationem, tandem affigunt patibulo.

S. Petrus mittitur Romam, tanquam urbem mundi capitalem, ut illam convertat ad fidem, & per illam provincias reliquas, Sathan eodem tempore suum emittit missionarium, Simonem æque bene, ac Petrum nominatum. Simon Magus dementatur, & decipit populum fictis miraculis; Sed cur in his probandis tam longe imus? Non crederetis inventiones, & artificia, quibus usus est ad oppugnandas, & evertendas missiones hujus temporis. Quandoque non nihil ante inchoatam missionem in urbem venire fecit circumforaneos, Comædos, & dum conquereremur & sciscitaremur à Consulibus, Cur Domini mei permittitis ut Diabolus missiones suas huc ablegat, eodem tempore quo Deus mittit suas? Responsum: Quid volumus, dedimus ipsis verbum nostrum; jam impedimenta, & instrumenta huc venire curarunt. Alia vice persuasit populo Missionarios esse homines à Rege, & Cardinale missos ad investiganda cujusque media, ad imponenda tributa secundum illorum relationem. Procuravit itidè ut ipsi Concionatores publice declamarint contra missionem, & contra veram Doctrinā, ab illis traditā.

A ;

11



In aliis locis per Urbem submittit furriones, qui murmurant dicentes: Quid opus hac missione? annon sufficientes per annum habemus conciones? si vero illam impedire nequeant, saltem illius destruunt effectum. Dum animæ quædam tanguntur, & ut perfecte convertantur, deferere volunt vanitates suas, politias mundanas, Visitaciones superfluas, & ornamenta Vana: hi sunt scrupuli (dicunt) qui Vestris imprimuntur capitibus, hoc est nimis esse devotum, & rigorosum; non estis religiosi, non oportet esse tam austerum, non est desperandum de mundo: Et quidem cum Deus prævidisset, & destinasset ab æterno ablegare Missionarios in tali tempore, & ad talem Parochiam; Diabolus e contra prævidit & præparavit à longo tempore obstacula, & immedimenta ad annullandum Dei conceptum, & se opponendum conversioni, & sanctificationi animarum.

Sic enim argueretur apud semetipsum: Missio exequetur in tali tempore, in tali parochia; si talis, & talis prædicationi interfit, infallibiliter tangetur, fuscitemus ergo illi processum, ut obligetur adire Burdegalim. Talis, & talis vivunt simul, sibi invicem occasio sunt peccati, vel unus, velambo ibunt ad Confessionem, obligabuntur ad separationem, quò perversa ipsorum dissolvatur amicitia. Quid faciam? Audite quæso, tribus mensibus ante missionem cessat à tentando, permittit ut simul ad instar fratris & sororis Vivatis, absque minimo impuritatis experimèto, ut, cum ad confessionem, veneritis, dicatis: Verum est mi Pater, male simul Viximus; sed gratias DEO, mo-

do abstinemus, & quidem à tribus, mensibus non amplius cogitamus. Si Confessarius non sit valde cautus, & providus, dabit vobis absolutionem absque obligatione separationis mali consortii, ast quindena post Missionem Sathan reaccendet ignem sopitum, & inibitis Vias antiquas.

Hi sunt astus ordinarii, & subtiles inventiones quibus utitur Diabolus, ad impediendos fructus missionis, & ut inducantur in errorem si fieri potest, etiam electi. Prout dicit Jesus. Ita ita fieri potest. Nam in vanum molitur, & frustra laborat, nihil lucrabitur, dicit enim Jesus de ovibus suis: *Nemo illas rapiet de manu mea.*

Matt. 24.

Ioan: 10.  
Ija: 46.

Protestatur insuper per Isaiam: *Consilium meum stabit, & omnis voluntas mea fiet.* Hoc ipsum experientia demonstrat. Videmus enim quod qui assidui, & attentissimi sunt Concionibus, homines sint honesti, animæ devotæ & spirituales; Illi autem qui magis indigent, rariùs tamen comparent, sunt ignorantes, Vitiosi, dissoluti, & reprobi, hi illas abhorrent, & spernunt; Et de his spiritualibus divitiis dici potest, hoc quod Poeta dicit de temporalibus.

Semper eris pauper si pauperes Emilianæ,

Nulli dantur opes nunc nisi divitiis.

Hoc nos insensibiliter ducit ad secundum discursus punctum.

### PUNCTUM SECUNDUM.

Ostenditur quod missio sit effectus electionis, nam electis mittuntur missionarii, nam reprobi non ad-

sunt



*sunt concionibus, vel si adsunt non audiunt attente, non credunt non redigunt ad praxim, immo quandoque reprehendunt.*

*Psal. 67.*

Ostenfum est bonum missionis u-  
lum, animas electas trahere è mas-  
sa corruptionis, illas separare & distin-  
guere à comuni per gratias omnino par-  
ticulares: Nam Deus missionem non  
destinat ad reprobos, vel si ad illos de-  
stinatur, illi non assistunt, nec veniunt  
ad prædicationes; Vel si assistant, non  
attendunt; si vero attente auscultent,  
fidem dictis non adhibent, vel non re-  
tinent ea quæ dicta sunt, & una in-  
trant, alia egrediuntur aure: Vel si retineant,  
in praxin non redigunt, censurant, syn-  
dicant, imo contradicunt; Verbum Dei  
comparatur pluviæ, & rori: *Pluviam  
Voluntariã segregabis Deus hereditati tua.  
Concresecat ut pluvia doctrina mea: sicut  
utros eloquium meum.* Verũ est, rorem, qui  
singulis auroris in mense maio distillatur  
& torrentes inundantium pluviarũ in  
æstate quandoque decedentes, proficu-  
os esse terræ; sed ad illam magis red-  
dendam fertilem, ut profundius irri-  
getur, & aqua penetret usque ad fun-  
dum & ipsam radicem plantarum: con-  
veniens est, ut sæpè integris pluat septi-  
manis, mane, Sero, & meridie & quasi  
continuo; Verum est quod sermones,  
qui fiunt mane in quadragesima, quod  
torrentes eloquentiæ qui detonant die-  
bus Dominicis, & festis solennioribus,  
plusquam salutare, & proficui sint fide-  
libus animabus: Sed dum fiunt Con-  
ciones, Catechismi, & doctrina Chri-  
stiana mane, sero, & meridie, Vno aut  
altero mense sine interruptione; præ-  
dicationes dico, morales, familiares, cu-

jusque conditioni, & capacitati accom-  
modæ, veritas profundius penetrat, &  
diutius Spiritui, & cordis centro in-  
harer,

Pluvia hæc vocatur Voluntaria, cum  
indifferenter non omnibus communi-  
cetur, sed hominibus bonæ voluntatis,  
hoc est dicere illis qui sunt objectum  
benevolentiae, & bonæ voluntatis Dei:  
*Secundum propositum bonæ Voluntatis  
sua.* Missionarii comparantur Nubi-  
bus: *Qui sunt isti qui sicut nubes volant?*  
At nubes non profundunt pluviam in  
omnes Provincias, sed jam in hanc, jam  
in illam, secundum quod providentia  
Dei illas miserit.

VI. Est igitur hæc pluvia de qua loqui-  
tur Propheta: *Segregabis Deus hereditati  
tua. Vos elegit Deus in hereditatem sibi.*  
Vera hereditas Jesu, hereditas ipsius e-  
lecta, dilecta, immutabilis, æterna est  
pars prædestinatorum, de quibus dicit:  
*Hereditas mea præclara est mihi.* Huic  
parti, huic hereditati propriè hæc mit-  
titur & reservatur pluvia: *Annuntiat  
Verbum suum Jacob. non fecit taliter omni  
nationi.* Verum est reprobos esse de  
Ecclesia, esse in Ecclesia, si sint Catholi-  
ci, sicut palea est cum frumento in hor-  
reo patris familias, hirci cum ovibus  
in ovili, mali pisces cum bonis in re-  
ti, Vasa ignominiae cum Vasis honoris  
in domo, Virgines fatuae cum sapienti-  
bus in locietate; in hac qualitate frui  
poterunt hac pluvia; sed illa uti no-  
lunt, fugiunt & abhorrent bonas præ-  
dicationes. Nam hæc illis amaras red-  
dunt sensibiliores, & magis fascinan-  
tes delitias, per minas judiciorum Dei,  
& apprehensionem infelicis æternita-  
tis, *Lucerna pedibus meis verbum tu-*

*Psal. 119.*



Ioan. 8. ff

um. Dum media nocte in silua constitutus facem accendis, aviculæ coeliturmatim aduolant; Lupi, Apres, Tygres Vulpes fugiunt. Dum invenitur prædicator qui purum prædicet verbum Dei, & toti mundo dicat veritatem, animæ electæ accurrunt; Qui vero sunt fures sicut Lupi, Carnales sicut Apres, Crudeles in domibus suis sicut Tygres, astuti, & Vastri sicut Vulpes non assistent, cum ipsorum deregantur Vitia: *Non veniunt ad lucem ut non arguantur opera eorum.* Vel si assistant, est, ut faciant sicut alii, & ne notentur tanquam impii, non advertunt, non attendunt, Spiritum habent aliis cogitationibus dissipatum. Iesus ansam habet illis dicendi, sicut Scribis, & Phariseis: *Qui ex Deo est, verba Dei audit, propterea Vos non auditis, quia ex Deo non estis. Oves meæ Vocem meam audiunt.* Prædestinati enim conciones audiunt cum aviditate, & attentione.

Act. 13. v.  
10.

X. Verum non solum illas audiunt, sed & iis fidem adhibent, illas approbant, illas recipiunt cum delectatione, Lumen habent Spiritus Sancti, ut cognoscant puram esse veritatem quæ prædicatur; non dicunt cum reprobis; hæ sunt hyperboles, exaggerationes, & amplificationes ad terrendum mundum. In actibus Apostolorum legitur quod cum S. Paulus prædicationem energia plenam fecisset Antiochiæ Pisidiæ: *Crediderunt quotquot erant præordinati ad Vitam æternam.*

Eodem modo Animæ bonæ, dum vidētes veritates prædicatas maximæ esse consequentiæ pro salute æterna, non sufficit illis eas audire, credere, & appro-

bare, verum illas etiam retinent, ruminant, meditantur, considerant, & sibi applicant. Vide quæso, quomodo in aliquo agatur consortio, in quo quidam, qui fuit Romæ enarrat iter suum, describit Civitates quas pertransit, Viæ periculosas, monetam inibi receptā, sicut & rejectam; si quis interfit, Cui Romam petere in animo non sit, respicit hæc quasi indifferentia, ex parte illis attendit, imò obdormiscit, vel alia cogitat: si vero quispiam interfit qui resolvit videre Romam; aures arrigit, ab ore loquentis pender, pugillaribus inferit viam tenendam, pericula evitanda, monetam receptam. Pari modo, dum prædicator ex parte Dei docet viam paradisi, tentationes, & vitia per quæ deviamus, Virtutes esse opera bona ibidem tum recepta, tum recompensata: Reprobi nunquam eo perventuri, audiunt hæc per modum transeuntis, è memoria illis elabuntur statim ut Ecclesia egressi sunt. Prædestinati vero, quibus animus est, quocunque tandem pretio eò contendere, erigunt Spiritus ut bene intelligant, nec verbum excedere permittunt, omnia perfectè pugillaribus cordis imprimentes.

XI. Ast non solum illa retinent, sed & bene utuntur, & in praxin redigunt. Sertarius, sive florilegus, & Apothecari⁹, in campo sapius eundem ingrediuntur hortum, verum non eadem intentione, nec eodem successu, Sertarius non quærit nisi flores vel pulchros, vel suaveolentos, ut Tulipas, cariophyllos &c. ad vendendos, vel eorum odore ad tempus reficiendus; hivero flosculi transeunt tanquam nihilum, & spatium, aut quatuor dierum flaccescunt



cunt: Apothecarius vero decerpit absynthium, Chicoream Siluestrem, non ut delicias inde hauriat, sed ut ex iis conficiat Syrupum, electuarium, aquas distillatas, Vinum absynthiacum, ad conficiendas purgationes, ad calefaciendum hepar, ad fortificandum cor: hoc ipsam agitur de Concionibus; quidam accedunt ut decerpant aliquos flosculos, figuras Rethoricas, Margaritas gallicas, pulchros conceptus, ut illis pro occasione utantur, & minutim in consortiis divendant; Alii tanquam prædestinati, non quærunt hos loquaculos, sed decerpunt textum scripturæ, veritates evangelicas, conditiones veræ poenitentiae, quantumvis amaræ, & ingratae, ex his faciunt electuaria, conservant illas in memoria, reducant in praxin ad purgandam conscientiam, ut incalescant in amore Dei, ut fortificent suas voluntates, & proposita bene illis utendi: Quid scio, forte sicut apes è floribus sugunt mel, & Cantarides Venenum; sic loco, quo animæ bonæ veniunt ad sermones, ut ex iis trahant mel devotionis; Vos veniatis corde felle repleto ad explorandum, censurandum, syndicanum, reprehendendum, & mutandum omne quod dicitur in venenum, & in consortiis vestris ridendum, & discindendum, quod est ministrum agere, & suppositum Dæmonis, hoc est ipsius proposita complere, hoc est in ruinam agere unum è præcipuis, & salutarioribus mediis, quæ providentia elegit divina, pro salute prædestinatorum, & pro completione prædestinationis, quæ est verbum Dei bene distribuere, bene recipere, & bene impendere.

Nam quemadmodum Deus creavit hominem solo verbo omnipotenti, *Fecisti omnia Verbo tuo.* Sicut illum redemit verbo suo incarnato, sicut illum sanctificat per verba sacramentalia; sic & consuevit homines convertere, & ad perfectionem adducere per verbum scriptum, vel prædicatum. *Lex Domini immaculata convertens animas.* Nam remediū efficacissimū ad reducendas animas errabundas, est verbum Dei. Econtra, tanquam poenam maximam minatur animæ reprobæ, sub symbolo vineæ desertæ: *Nubibus mandabo ne pluant super eam imbrem.* Sic minabatur Ierosolymæ: *Auferet Dominus à Ierusalem Prophetam, consiliarium, & sapientem.* Minabatur terræ famem, non panis & aquæ, sed verbi Dei, Dicens *Mutam famem in terram, non famem panis, neque sitim aquæ, sed audiendi verbum Domini.*

Dum infirmus nullum amplius, vel sumit nutrimentum, vel illud rejicit, desperatus est. Dum pûsio materna renuit tubera, de illo actum est: Cum anima Christiana negligit audire verbum Dei, aut illud auditum spernit; proxima est reprobationi: *Percussus sum ut fœnum, quia oblitus sum comedere panem meum.* Hæc mihi addunt lumen ad intelligentiam loci alicujus S. Augustini, qui mihi alias difficilis intellectu videbatur, & est hic: *Quanta sollicitudine observamus, quando nobis Christo ministratur, ut nihil ex ipso demanibus nostris in terram cadat.* Hoc ipsum quod iisdem terminis dixit Origines. Insinuare volunt verbum Dei utilius, conducibilius, & salutarius esse animæ peccatrici, quam sancta sit Eucharistia. Dum enim in malo existis statu, &

Sap. 9.

Psal. 18.

Isai. 5.

Isai. 5.

Psal. 101.

Hom. 26.

ex 5.

Hom. 13.



sanctum recipis sacramentum, venenum tibi est, mors animæ tuæ est, iudicium, & condemnatio tua est; *Morsest malis. Iudicium sibi manducat*, quò sæpius recipis, eò magis deturparis, & sordidaris: è contra sæpe accidit quod Verbum Dei maximos convertat peccatores, & sanctificet animas omninò induratas, & desperatas.

Hinc Ecclesia olim vetabat ne Catechumeni tremendis assisterent mysteriis: ab illis proscribebat Iudæos, Paganos, aliosque infideles: semper autem permisit quibuscunque assistere verbo Dei, Catechumenis, Iudæis, Paganis, imò ipsis interdictis, & excommunicatis, prout habet. *(Cap. responso, de sententia excommunicat.)*

*Conclusio Exhortatio ad bonum usum per recapitulationem*

Heb. 12.

In hoc ergo negotio cum S. Paulo dicendum, & monendum: *Ne quis desit gratia Dei.* Hæc gratia missionis nulli hujus denegatur urbis, nullus ergo illam rejiciat; Viva, aperta, & toti mundo patens est scaturigo, omnes ad illam accurrant, & lavandi, & sitim expleturi.

Ne gratia hæc vobis reddatur inutilis, de omni corde adorate misericordiam Dei, charitatem & amorem æternum, quem habuit pro vobis, & pro vestra salute; quam per hanc testificatur missionem; rogate illum ut impediatur artificia Sathanæ, qui molitur ejus impedire fructus, ut vobis aperiat mendacia suppositorum, quos mittet Sathan, & in opus suum applicabit.

Intimo, & maximo affectu gratias, referte DEO, de gratia tam singulari, quàm exhibuit vobis: Et, quod, *non taliter fecit omni nationi.*

Ah quot pauper culi infideles reperiuntur in Tutcia, Japonia, China? Quot miselli rustici qui degunt in montibus, & Villis dispersi, lucrum facerent? Quot Catholici in Anglia, Hollandia, aliisque hæreticorum partibus magno pretio salarium pendunt sacerdoti ut ex ore ejus audiant verbum Dei? Res tam pretiosa vobis nihil consistat, ne contemnatis illam. Assidui sitis, & diligentes veniendo ad Conciones, facile aliqua die tantum temporis recuperabitis, quantum labori diurno demeritis, nam magna est apparentia, quod nunquam tam insignem habebitis occasionem addiscendi ea, quæ seire obligamini pro vestra salute.

XIII Dū sermoni astiteritis, ne distrahat Spiritum vestrum vanis, & mundanis cogitationibus, sitis attenti, & applicate Verbum Dei, non per Spiritum curiositatis, sed desiderium proficiendi. Venimus ad hanc missionem, non ad satisfaciendum Spiritibus curiosis, sed ad instruendos humiles, & dociles, non ut venales exponamus pulchras cogitationes, & sublimes conceptus, sed ut vos doceamus virtutem: *Non in sublimitate sermonis, sed in ostensione Virtutis.* Non ut vos reddamus doctos, sed ut vos convertamus; Non ut vos faciamus contentos, sed vos sanctificandos, non ad demulcendas aures, sed tangenda corda. Dum vobis proposuerimus veritatem aliquam, non nihil mortificantem, videte ne sitis increduli, nec dicite cum Capharnaitis: *Durus est hic sermo*, nec cum Iudæis apud Isaiam: *Loquimini nobis placentia.* Ne sitis de numero eorum de quibus dicit Sa-

psal. 30.

nam



2. Tim. 4. *nam doctrinam non sustinebunt, sed à ve-*  
*ritate auditum avertent.* Nec de illis  
 Isa. 3. *quibus dicebat Isaías: Qui te beatum*  
*dicunt, ipsi te decipiunt.* Nec de illis  
 quos admonendo dicebat Jeremias:  
 Thren. 2. *Propheta tui viderunt tibi falsa & stulta,*  
 Luc. 8. *nec aperiebant iniquitatem tuam, ut te ad*  
*pœnitentiam provocarent.* Nec de illis,  
 de quibus loquitur Jesus: *Qui autem*  
*secus viam, hi sunt qui audiunt: deinde*  
*venit Diabolus, & tollit verbum de corde*  
*eorum ne credentes salvi fiant.* Ne per-  
 mittatis quod Concione absoluta, sup-  
 positius quispiam Diaboli, vos con-  
 ducat ad deambulandum, confabulan-  
 dum, ludendum, aut alias temporis fal-  
 lendi gratia nugas: quæ deleant in vo-  
 bis bonas dispositiones conceptas: Sed  
 potius secedite in angulum aliquem Ec-  
 clesiæ, vel cubiculum Vestrum ad con-  
 sideranda quæ audistis, ruminata illa,  
 contemplamini de super, fatemini vos  
 bene convictos, & conamini deduce-  
 re in praxin audita. Nam Jesus non di-  
 cit beati quibus sufficit audire Verbum  
 Dei, sed qui audiunt & custodiunt. Ca-  
 vetene sitis terra illa, de qua S. Paulus  
 dicit. *Terra saepe super venientem b. bens*  
*imbrem, proferens autem spinas, reproba*  
*est, & maledicto proxima.*

Hebr. 9. *Si vos proficere non velitis ex missi-*  
 one, ad minus non impediatis alios, nec  
 destruite in illis opus Dei, nec diverta-  
 tis illos ab audienda concione, nec mi-  
 nuite in illis fidem auditorum: Job di-  
 cit quod qui resistunt Lumini, non ob-  
 tinebunt misericordiam. D. Paulus  
 1. Tim. 3. *dicit, quod qui resistunt veritati, homi-*  
*nes sint corrupti mente, & tandem sub-*  
*jungit: Ultra non proficiunt.*

Timendum sane, ne verba hæc veri-

ficientur in vobis, nam in missione tot  
 sunt motiva, media tam potentia, faci-  
 lia, commoda, & efficacia ad conversio-  
 nem, quod maxima sit apparentia, quod  
 illi qui non convertuntur, nunquam  
 convertendi sint: *Ultra non proficient.*  
 Forte hæc ultima erit gratia quam vobis  
 afferre decrevit Deus ut convertamini,  
 & sanctificemini, si sapitis, non abuti-  
 mini ea. Seponite paucis diebus ne-  
 gotia vestra temporalia, nisi sint valde  
 urgentia, ut vos aliquādiu applicetis se-  
 rio spiritualibus, revisionem institui-  
 te Vitæ vestræ, Legite Granatensem, vel  
 alium quempiam bonum librum. Me-  
 ditationibus, precibus, jejuniis, elee-  
 mosynis, pœnitentiis particularibus  
 vos addicite, ad obtinendum à Deo bo-  
 num missionis usum, Orate illum, ut  
 hanc proficere, & cedere faciat ad glo-  
 riam sanctissimi nominis sui, ad bo-  
 num hujus Parochiæ, ad æternam salu-  
 tem animarum prætioso sanguine Jesu  
 Christi redemptarum: Cui sit honor  
 gloria, Laus, amor, & benedictio, in o-  
 mnia sæculorum sæcula Amen.

### SERMO SECVNDVS.

Pro Dominica Secunda Adventus.

*Tunc misit duos de discipulis*  
 *suis Matt. II.*

## EXORDIUM.

QVam primum Sanctus Joannes in  
 carcerē immisus audivisset opera  
 Christi ad nos in carne missi, statim si-  
 ne ulla mora discipulos duos ad Chri-  
 stum misit, ut cum interrogarent an ipse  
 esset missus, vel an alius adhuc ad nos  
 esset mittendus: cum enim juxta Do-  
 ctrinam Apostolorum & Ecclesiæ, una



ex principalioribus causis, cur Christus ad nos missus sit, sit nostra salus, Sanctus Johannes loquitur ad illam consequendam nos sum opere allaborare debere, cum ille sit finis, & scopus omnium prædicationum Christi, & esse debeat omnium nostrarum concionum, & ideo Johannes sciens illam esse rem maximi momenti, non exspectate quousque veniret de carcere, & Christum adiret, sed misit suos discipulos sciens illam rem maximi momenti esse. En hunc finem declarabo hodie, quod salus nostra negotium maximæ importantiæ sit.

### *Operamini Salutem vestram:*

*Phil. 21.*

I. **A** Postolorum, Virorumque apostolicorum missio, continuatio est, sequela, & imitatio illius Filii Dei, qui dicebat discipulis suis: *Mitto vos, sicut misit me Pater.* Age dum, ergo docet nos Ecclesia, & omni die Dominica publice decantare facit Vnam de principalioribus causis, cur Filius Dei descenderit de cælo, & in hunc mundum missus sit, fuisse propter nostram salutem: *Propter nos homines, & propter nostram salutem descendit de cælis.* Ad hanc consequendam allaborare debemus, hæc scopus, & finis esse debet omnium prædicationum, Confessionum, Catechismorum, aliarumque missionis actionum. In hunc finem vobis hodiè declarabo, salutem animarum nostrarum negotium esse quam maximæ consequentiæ. Declarabo, inquam, primo rationibus ex parte Dei desumptis, secundo rationibus ex parte hominum, & excellentia animarum eorum prove-

nientibus: hæc sunt o Virgo gloriosa, quæ nos obligant ad te honorandam, tibi que gratiarum actiones referendas. Olim dicebatur Samaritanæ, *Salus ex Judæis est.* Jure potiori nos tibi dicimus: *Salus ex Virgine est.* Cum non solum ex tua progenie, sed & ex tuo sinu, & substantia Virginali, illum in castis tuis conceperis Visceribus, illum genueris pro redemptione mundi, illi imposueris nomen Salvatoris, Vnde nostram obligaris procurare salutem. *Ecce concipies in utero.* Hoc est quod Angelus tuus dicebat, dum te hisce salutabat verbis: Ave Maria &c.

### *Idea sermonis*

*Salus nostra est opus magni momenti.*

#### *PUNCTVM PRIMVM.*

**S**alus nostra est opus magni momenti, probatur primo rationibus ex parte Dei, quia Deus cogitavit de illa quia diu, quia tam ardentem, ut ad illam referat omnia sua opera in ordine naturæ.

Nobilissimas Creaturas in ordine gratiæ suas perfectionis.

Personas à se procedentes nempe Filium Spiritum Sanctum.

II. Judicamus ordinariè, & quidem satis rationabiliter, negotium aliquod magni esse momenti, dum illo expediendo magna se impediunt ingenia, longo se applicant tempore, & hoc ardentem, & magno affectu.

Ille qui se impendit ad nostram operandam salutem, Deus ipse est; dum dicimus Deum, totum dicimus: Nihil enim tam magnum, tam nobile, tam augustum, tam minens, nihil ipsi comparabile, aut quod illi minime ipsi pos-



fit assimilari. Templum Salomonis æstimatum fuit miraculum mundi, obiectum admirationis, & laudis populi universi; Nam centum quinquaginta tria millia operariorum in eo defudarunt spatio septem annorum. Etsi omnes Angeli cæli, & omnes homines terræ incessanter incumberent perficiendo aliquo opere spatio decem millium annorum, labor hic non tantum demonstraret momentum & importantiam operis, sicut minima cogitatio, quam Deus dignatur habere de aliqua re, demonstret & declaret ipsius magnitudinem, & excellentiam. De vestra cogitavit salute, longo tempore de illa cogitavit, omni tempore de illa cogitavit, imo ante omne tempus de illa cogitavit.

III. De illa sibi formavit propositum, non propositum in aere, non projectum tantummodo Ideale, & theoreticum, sed propositum firmum, propositum totale, & perfectum. Ipse prævidit, præcognovit, & voluit finem illius, & media, direxit, & ordinavit totam illius oeconomiam, ipse præparavit gratiam, Lumen, inspirationes, & occasiones convenientes ad hunc finem: Ipse vobis dicit per Jeremiam: *Charitate perpetua dilexi te.* Ipse vobis dicet in extremo iudicio: *Possidete regnum vobis præparatum ab initio mundi.* Notate illud: *Præparatum.* Vult enim dicere quod ex Deo, est Deus, ab omni tempore, & æternitate, dixit in semetipso: Mittam in mundum talem, & talem: Mittam illum non in Tartariam, non in Chinam, aut Japoniam, ubi non habebit cognitionem veri Dei, sed

in regnum Christianum, in regnum Franciæ, Mittam illum, non ad Ru-pellen-ses, Bergeraten-ses, Montauban-tes, Sed in civitatem Catholicam, in urbem N. Mittam illum in tempore, non quo Pastores ecclesiæ erunt negligentes, sacerdotes ignorantes, & Scandalosi: Religiosi indevoti; Sed in tempore quocurati erunt Vigilantes, & Ze-losi, Sacerdotes docti, & virtuosi, Religiosi exemplares, & devoti. Mittam illos tempore Missionis, quo erit commoditas illa addiscendi, quæ erunt salutis, dabo illi tales, & tales inspirationes.

Dicit S. Augustinus in suis Confessionibus, quod quondam Libertini quidam cavillantes fidem Ecclesiæ, docentem mundum non esse æternum, interrogarint Catholicos, quid fecerit Deus, antequam creaverit mundum? In quo se occupavit tanto tempore, quod præcessit creationem? Quidam respondebant quod præparaverit penas animabus libertinorum, tam curiosa quærentium. Respondebant alii, Vos quæritis in quo se tam longo temporis spatio Deus occupavit; Eratne ergo tempus ante creationem? Tempus est mensura motus, motus supponit creationem, ergo ante creationem non erat tempus; Discite miselli melius formare vestram quæstionem, & nos videbimus quomodo respondeamus.

Responsa hæc optima erant ad occludendū os superbiorum, qui omnem volunt videri devorasse sapientiam. Verum Spiritu humili, & docili respondetur: Quod Deus ante creationem mundi hoc ipsum fecerit, quod faciet in omnia sæcula; contemplaba-

Lib. 11, c. 12

Jer. 31.  
Matth. 25.



tur semetipsum, amabat semetipsum, delectabatur in possessione, & fruitione suarum magnificentiarum & perfectionum infinitarum generabat Verbum suum, producebat Spiritum Sanctum, hisce adungere possumus, quod vere est mirandum, nimirum quod eodem tempore, in eadem aeternitate se applicat ad vos considerandos, ad vos amandos, ad vestram salutem concipiendam, & his considerationibus divinis, in his effusionibus, dilectionibus, productionibus, & adorandis communicationibus dignatus fuit immiscere cogitationem, amorem, & dilectionem tam miscellam creaturam. Non citius oculos suos coniecit in divinam suam essentiam, quam in vos, non citius affectionem habuit erga semetipsum, quam erga vos, non citius produxit Filium suum, & Spiritum Sanctum, quam conceptum, & intentionem Vestrae salutis. Amor quem habuit erga vos, & desiderium vestrae salutis, sunt de eodem dato, si ita liceat loqui, hoc est coaeterna amor, quem habuit erga semetipsum, & filium suum unicum, ac per dilectum.

Sed quale amabo desiderium? Desiderium tam cordiale, & ardens, ut opus, & negotium vestrae salutis vocet per excellentiam opus, & negotium suum, Filius ipsius dicebat Discipulis suis: *Meus cibus est, ut faciam voluntatem ejus, qui misit me, ut perficiam opus ejus.* Et ad benedictam matrem suam in templo: *In his quae Patris mei sunt oportet me esse.* Et in coenaculo pridie mortis suae: *Opus consummavi* (O Pater aeternae) *quod dedisti mihi ut faciam.*

IV. Ad cujus intelligentiam vobis

serviet axioma illud Aristotelicum ipsa experientia verificatum, *Omne agens agit, ut assimilet sibi passum.* Hoc est, agit per instinctum naturalem, inclinationem, & intentionem producendi sibi Simile. Dum sol radios suos evibrat in aerem, vel speculum cristallinum, ideo facit ut illum reddat clarum, & lucidum sicut ipse est, dum ignis agit in lignum, ideo; facit ut illud commutet in ignem, dum hirundo suum construit nidulum, incubat suis ovis, nutrit suos pullos, ideo; facit ut producat hircundines sibi similes, sicut gutta similis est aquae, dum magister suum instruit discipulum, ideo; fit ut illum reddat doctum sicut ipse est.

Fides catholica recognoscit, & adorat in esse divino duas operationes, operationes, nimirum ad intra, & extra. Veruntamen ecce hic mirabile quid, & particulari consideratione dignum. In operationibus internis, Deus producendo suum simile hic non cessat: generando enim filium suum, qui est imago ipsius perfecta, & ipse character suae substantiae, non terminat in hac generatione cursum suarum emanationum, & adorandarum productionum, Nam Ultra generationem Verbi, adoramus in Sanctissima Trinitate processionem Spiritus Sancti. Verum in operationibus exterioribus, quamprimum produxerit suum simile, per consummationem salutis Vestrae, & illam omnium electorum, ibi cessabit. Ex nihilo creavit Caelum & terram, produxit, Astra, Elementa, Plantas, & Animalia ad servitium hominis, creavit & conservavit homines ut operentur suam salutem, Nutationem & motum omnibus

Ioan. 4.  
Luc. 2.

Ioan. 17.



omnibus confert creaturis, per operationem continuam: *Pater meus usque modo operatur.* Sed quamprimum omnes electi suam operati fuerint salutem, quamprimum ipsum facie in cœlo intuentes, perfectè illierunt similes, tunc terminabit cursum suarum actionum, morum cœlorum, influentias Astrorum, fecunditatem Terræ, commercium Elementorum, productiones quoque animalium cessabunt, & finientur, eo quod salus nostra finis, fructus, corona, & complementum sit operum, & actionum suarum.

V. Non solum ita destinavit opera sua in ordine naturæ, sed in ordine gratiæ, in iis occupat præcipuos suos famulos, chariores, & nobiliores suos amicos, & aulicos. Videbis ex una parte stabularium sive Equisonem in equili, quia aliud nihil intentus est, quam ut equos, sive mulos strigili purget, & à pulveribus mundet: ex alia parte Angelum in cœlo beatum, nobilissimum, fortissimū, dexterrimum, sapientissimum, intelligentissimum, cuius omne exercitium est magna reverentia, & respectu assistere divinæ majestati, illique servire. Huic dicit Deus, Vade ad illud equile, morare apud istū Equisonem, excubias age circa ipsum, impediās ne inimicus nimis furiosus illum aggrediatur tentationibus; caue ne se damnet, procura ipsius salutem, si velit tuis obsequi inspirationibus. Ecce illud Psalmistæ: *Immitte Angelus Domini in circuitu timentium eum.* In Hebræo est. *Cone, Malac Adonai; Castrametatur Angelus Domini.* Et sic omnes reliqui Angelici spiritus, in hac inferiora destinati, non alium in finem ablegati sunt, quam ut salutem procurent prædestinatorum. Unde D. Paulus. *Omnes sunt administratorii spiritus in ministerium missi, propter eos, qui hereditatem capiunt salutis.*

S. Joannes Baptista, qui Angelus videbatur incarnatus, miraculosè conceptus, in ventre matris sanctificatus, vitam duxit Angelicam, non alium in finem missus fuit, quam ad docendam vitam salutis: *Ad dandam scientiam salutis plebi ejus.* Si Apostoli totam percurrant terram, incredibili fervore, & affectu prædicantes evangelium, si sancti Martyres suum profundant, sanguinem; si sancti Doctores vigilent, studeant, libros componant: si Prædicatores pulmones exhauriant clamando contra vitia, si Confessarii caput fatigant examinando, & adhortando poenitentes, totum sit pro nostra salute. Paulus de se ipso protestatur: *Ego libentissimè impendar, & semper impendar pro vestra salute.* Et alibi: *Omnia sustineo propter electos, ut & ipsi salutem consequantur.* Et merito. Nam sapiens dicit: *Mandavit Deus unicuique de proximo suo.*

VI. Nam ut illius importantiam demonstret, illam toti mundo recommendatam esse voluit: hinc Parochio vestro dicit, recomendo tibi salutem talis, & talis Parochiani, instrue illum, doce illum mysteria fidei, exercitium virtutum. Patri tuo dicit: recomendo tibi prolem tuam, sedulo advigila ne in pravas declinet consuetudines, castiga illum dum juraverit. Fratri tuo: admone fratrem tuum dum errat, & malum operatur. Vicino tuo: Cave ne illi des malum exemplum; Immo, quod

Heb. 1.

Luc. 1.

2. Cor. 12.

2. Tim. 2.

Ecl. 7.

Psalm. 33.



quod plus est, non solum impendit creaturas suas, familiares aulicos suos, etiam ipsas suas divinas impendit perfectiones, & adorandas ab ipso procedentes personas. Nam si exerceat potentiam suam ad patranda miracula, sapientiam suam ad perscrutandas inventiones quibus nos convertat; bonitatem suam ut nos alliciat, Justitiam suam ut nobis minas intenter, providentiam suam ut à nobis amoveat lapidem offensionis, & occasionem peccati; totum est ad procurandam nostram salutem.

VII. Et ut nihil sit nec in ipso, quod ad rem tanti momenti non referatur, filium suum mittit Unicè dilectum, qui seipsum ad illam applicat tanta teneritudine, & affectu, ut hinc suum traxerit nomen: tanto ardore, & Zelo, ut & sudorem & sanguinem suum impenderit: Noluit vocari miraculorum patratore, Dæmonum Victor, mundi subjugator, sed vocari voluit Zelus, Salvator, author salutis nostræ: Illi qui passionatè amant, præter nomen proprium, annulo inculpi faciunt, & nomen amati: Filius Dei salutem nostram scripsit non juxta nomen suum, sed in nomine suo, prout dicit quidam ecclesiæ Pater: *Non amantium more nomen cum suo nostrum, sed in suo scripsit.* Nominis sui recordari non poterit, quin simul nostræ recorderetur salutis. Unde quidam devotus: *Recordare nominis tui Domine Jesu, hoc si donas, nihil ultra precor, meministi mei.* Dum ardentissimum, cujuspiam rei desiderium exprimere vultis, dicere assuevistis; Utinam non constaret nisi sanguine meo, libenter ad hoc duodecim vitra sanguinis mei impenderem. Salvator noster hoc non solum dixit.

sed & fecit; dedit non duodecim vitra, sed omnem pretiosum sanguinem suum pro nostra salute.

VIII. Cum vero Spiritus Sanctus, consubstantialis sit Filio, & idem Deus cum illo; eundem pro nobis habet Zelum. Dum salus nostra in discrimine versatur, & in peccato Lethali hæremus, quæ non molitur ut nos retrahat; & convertat? Excitat nos, expergè facit, minatur, molestat, incessanter portam cordis nostri pulsatur, si illi aperiamus, intrat in animam nostram, in illa habitat, animat illam, regit illam, conducit illam; ipse per illam bona facit opera, ut melius, & perfectius fiant; In nostris orationibus ipse orat, ipse clamat, ipse gemit in nobis, & per nos: *Po-*

Rom: 8.

*stulat pro nobis gemitibus inenarrabilibus.* In tentationibus nos adjuvat, in perplexitatibus nos illuminat, in afflictionibus nos consolatur.

In summa, Deus ter optimus maximus, quo nos certiores reddat sinceri, & cordialis desiderii quod gerit pro nostra salute, loquitur de hac re in terminis tam affectuosis, ut videatur salus nostra, salutem ipsius esse propriam. Audite S. Paulum: *Misit Deus spiritum Filii sui in corda vestra, clamantem Abba Pater.* Mittens hunc filium suum in mundum, dicit apud Isaiam: *Dedi te in lucem gentium, ut sit salus mea.* Si salutem Dei operari staret penes te, & dependeret de te, nonne promptissimè illam operareris? Sanè diceret quis, quod te certum faciat, quod si tuam procures salutem, rem ipsi tam acceptam facias, ac si esset propria ipsius salus: Die ergo cum Ecclesia, dic cum sanctis, sed die in effectu, & cum affectu: *Sit salus illi, salus Deo nostro.*

Gal. 4.

Isa: 49.



## PUNCTVM SECVNDVM.

*Idem ostenditur ex parte anima, quia illa est pretiosa, immortalis, nostra.*

IX. **V**erum enimvero, cum homines tam sint Mercenarii, ut nihil faciant nisi ære, amore proprio, & regressu lucri ad semetipsos: Jesus nobis persuadet curam salutis nostræ motivis esse proprio nostro emolumento desumptis, & proprietatibus animæ nostræ, nobis demonstrans illam esse pretiosissimam, esse immortalem, propriè esse nostram; audite quæso illum loquentem, est enim magni consilii Angelus: *Quid prodest homini si universum mundum lucretur, anima vero sua detrimentum patiatur.* Græca habent ἀπολέσας, ἢ σπρωβείς εαυτὸν. seipsum perdens, aut damno afficiens.

X. Spiritus sanctus per os Sapientis Avarum animam suam venalem habere dicit; *nihil est iniquius quam amare pecuniā, hic enim & animā suam venalem habet.* Hoc supposito dicit Salvator noster: Quam pro illa postulas mercedem? quanti illam facis? decem, viginti, triginta Imperialibus ad faciendum unum antedatū falsum, testamentum, vel aliam actionem, nigro signandam calculo, O miserum! O miserum homuncionem Puer, es pretiosum das adamantē pro pomo: Omnia reconditoria & serinia auri, & argenti, omnes thesauri universæ terræ, cuncta mundi imperia, pretium animæ tuæ exæquare nequeunt. Apud S. Marcum non solum dicit: *Quid prodest*, nimirum in alio mundo; sed apud S. Matthæum:

*Quid prodest* nimirum in hoc mundo, & vita; quod lucrum, quas delicias, quam consolationem, aut solidam satisfactionem recipietis etiam in hoc mundo, de bonis terrenis, si illa acquiratis cum derrimento, & jactura animæ vestræ? Salvator noster illa appellat divitias fallaces, cum quietem, satisfactionem non tribuant, quam promittunt: Cupiditas tua, quæ alios privat illorum possessione, vos privat illorum usu, & fruitione: Nam secundum illud. *Tan deest avaro quod habet, quam quod non habet*, similes estis Tantalo, ore arido, & sitibundo in medio aquarum; Nam avaro ordinarie contingit, quod malitioso diviti, cujus meminit historia Romana qui vocabatur *Asenius*, vel. *Vidius Pollio*.

Dirissimus hic erat in bonis temporalibus, & pauper valde spiritu, & virtutibus, inhumanus, & crudelis supra modum. Refert Seneca, quod si quispiam mancipiorum ejus fictile fregisset vasculum mobilium ejus, statim condemnabatur proiici in vivarium domus, ut pro pastu, & cura serviret Mustalis, & aliis piscibus. Hic cum esset amicus, & pullus Jovis Augusti Caesaris, illum quadam vice domi suæ lautè excipere constituerat: dum apparatur mensa, mancipiorum quoddam accurrit, & pedibus Imperatoris se proster nit, vitam sibi ab illo donari postulans: Quid causæ est? quid peccasti, inquit Caesar? fictile fregi inquit, & condemnat⁹ morior in Vivario, ut siam esca piscium; detur huic gratia, inquit Imperator & dein postulans bacillum, omnia vasa fictilia in abaco exposita, in oculis istius barbari confregit inquit.

C

ens.

Lib. 1. de  
Clemens.  
c. 18.



ens, vadē, insanus verē, & fatuus es. Cur tibi in mentem ducis hominem pauperulum condemnare morti ob vile vas fictile? Disce vitam hominis pluris constare, quam totius mundi vasa.

Imperator cœli sapius hoc ipso procedit modo; Tu teipsū sapi<sup>us</sup> viliter adeo deprimis ut in ærgi merearis, nō vivario aquæ dulcis, sed stagno ignis, & sulphuris ardentis, ut fias esca Dæmonum in omnem æternitatem; oppignoras te damnationi per juramenta, quo melius, & charius vendas per contractus usurarios, exercendo artem rabulariam, injustitias exercendo: Virgam justitiæ prehendit bonus Deus, conterit omnia vasa tua; infortunatus processus tuæ in dicitur familiæ, scintilla ignis in flammam agit villam tuam, actio criminalis, cujus est complex filius tuus, plus tibi consumit una die, quam decem accumulaveris annis. Et unde quæso hæc? Imperator cæli est, qui te docere vult animam tuam præstare totius mundi divitiis: *Quid prodest homini, si universum mundum lucretur, anima verò sua detrimentum patiatur?*

XI. In textu græco Filius Dei non solum incusat te, si perdas animam tuam pro bonis temporalibus, verum etiam si minimum ei inferas damnum; habet enim prout superius annotavi: *Animam perdens, aut damno afficiens*; minimum enim damnum saluti nostræ illarum censetur infinitum, & infinities deplorandum, respectu æternitatis, & immortalitatis animæ nostræ. Quamprimum enim æternitas alicui additur rei bonæ quantumcunque exiguæ, illam infinitè reddit meliorem, dum adiungitur rei malæ quantumvis parvæ, infinities

illam facit pejorem: exempli causa; delitiæ, sive voluptas unius diei, est aliquod bonum, delitiæ duorum dierum, bonum est duplò majus, delitiæ centum, imò mille dierum, bonum est centies, & millies majus, ergo delitiæ infinitorum dierum, infinitorum annorum, quantumvis exiguæ fiat, bonum erunt infinitum, & infinitè desiderandū. Cum ergo minimum opus bonum in statu gratiæ peractum, vobis mereatur, & acquirat gradū gloriæ, gradum gaudii, sive deliciarum, quæ æternaliter durabunt, damnum incurris infinitum negligendo unum sacrum, unā communionem, unum opus misericordiæ, mediam horulam orationis, vel aliam quamcunque actionem virtuosam, per processum quem prosequeris, per ædificium quod moliris, per villam, quam locatam colis, nisi te obligatio, & charitas te ad hoc astringant.

XII. Bona hujus mundi transeunt cum tempore, anima tua æternæ durationis est: bona temporalia recuperari possunt, perditio animæ sine recuperatione est: bona mundana, vestra non sunt, anima vero vestra, propriè vestra est. *anima vero sua*. Dicere soletis, qui perdit suum, perdit sensum: & verum dicitis. Verū quis est ille qui perdit suū? Non est ille qui perdit suos ducatos, sua armenta, suam hereditatem. Cum duo sibi associati campum perambulant, & unus habeat canem se sequentem, quādiu simul procedunt, vix dijudicabis ad quem pertineat canis: vis scire cujus sit? separentur ab invicē, unus vadat hac, alter illac, & statim cernes cui sit canis, nimirū illius quem sequitur, non alterius quem deserit. Quādiu in hac degitis vita,



vita, vix dignosci potest ad quem pertineant hæ hereditates, mobilia, domus, ducati, utrum sint mundi, an vestri, cum adhuc sitis cum mundo, sed cum hanc deserueritis societatem, cum mors vos ab ea separaverit, evidenter cognoscetur, quod bona hæc non fuerint vestra, sed mundi, hoc quod vos confertis, quod propriè vestrum esse dici potest, est anima vestra. Qui ergo perdit animam suam, quid suum perdit, & per consequens sensum perdit, & si capax esset moderandi habenas integri imperii, & si acquireret omnia regna mundi, adhuc sensum perdit, cum enim perdat suum, stultus est, insensatus est, dici poterit illi, quod stulto Evangelico diceba-

*Luc. 12. tur: stulte hæc nocte repetent à te animam tuam, & quæ parasti cujus erunt?*

### CONCLUSIO

*Expenduntur Christi verba,  
stulte hæc nocte repetent à te animam tuam.*

**XIII.** *Hæc nocte.* Anima vestra immortalis est, ast non corpus, morieris una hac dierum, cum minime cogitaveris, tempore quocunque tandem, si in malo deprehensus fueris status erit tibi nox, annon nox est subobscura, & tenebræ crassæ, non considerare quanti momenti sit salus vestra? Non considerare longitudinem æternitatis, dignitatem vestræ animæ, & quanti illa constiterit filium Dei?

*Repetent.* Terminus est Juristarum, quod exprimitur animam tuam tibi tanquam depositum, confeditam, depositum custodi. Nil tam sacrum, inviolabi-

le inter homines, quam fidelitas depositi, & obligatio illud restituendi in eadē qualitate, qua illud recepisti, absque ulla diminutione, destructione, vel quacunque alteratione; Poterisne restituere animam tuam in hora mortis tuæ, in eodem statu quo illam accepisti in Sacramento baptismatis? Nonne totaliter sordidata, polluta, & deturpata est? *Repetene.*

*Animam.* Plus nimium curæ vobis est, ne vel alia amittatis, cum eorum perditio, sive amissio ignominiosa, dejecta, & sensibilis sit: si perdas officium tuum, contemptui haberis; si perdas processum, pars adversa tibi insultat, si perdas bona tua, illarum jacturam experiris, & doles ob paupertatem. Si vero per peccatum perdas animam tuam, hæc jactura tibi parū cordi est, eò quod illam debitè non apprehendas, est nihilocius maxima, damnosissima, deploranda, & horrenda; Nam de illa reddenda erit exactissima; Ibi enim ratio non exigitur utrū processum viceris, proles tuas exaltaveris, in splendidis, & divitiis matrimonii se locaveris, bene excolueris, & limites hereditatum extenderis, sed an decoraveris: & sanctificaveris animam tuam. *Animam.*

*Tuam.* Legitur quod Secretarius quidam Francisci 1. lectulo mortis affixus, lamentando exclamarit: durante vita mea, in servitio Regis scribendo insumi feci mille corbes chartæ, & ignoro utrum unquam bonum horæ quadrantem impenderim pro salute animæ meæ, si visiteret quis registra tua diurna, ibi legeret, tali die emi tale dominium, lucro exposui talem pecu-



niæ summam; sed pro salute tua reperiret Chartam albam. *Stulte.*

*Stulte.* Hoc utitur verbo, ut te doceat, quod si perdas animam tuam, tibi defuturæ non sint exprobrationes, reprehensiones, & horrendæ confusiones: obliet tibi Pater æternus: *Quid debui facere vineam meam, & non feci? Quid pro salute hominum agere debui, quod omisi? Desideravi illam cum ardore, propter illam destinavi creaturas meas, servos meos, aulicos, sive amicos meos, perfectiones meas infinitas, personas divinas Filii mei, & Spiritus Sancti: Pater vos infelices, qui tantis abusi estis beneficiis! unam, unicam mihi denegastis petitionem, quam tanta instantia postulavi, tam honorabilem, & proficuum vobis ipsis, ut nimirum salvaretis animas vestras.*

*Isa: 49.* Conqueretur exprobrando Filius. *In vanum laboravi, sine causa consumpsi fortitudinem meam.* Pro salute hominum missus fueram in mundum, triginta tribus laboravi, & defudavi annis, vitam exposui omnium pulcherrimam, & sanctissimam, in mortem magis infamem, & probrosissimam actus sum, Ah quam malè vobis consulistis, reddendo vobis inutilem, & infructuosam Incarnationem meam, vitam meam, labores meos, sudorem meum, lassitudines, meas passionem, & mortem meam, mysteria mea, merita mea!

Adjungit Spiritus sanctus: Tot annorum curriculis conservavi vos in sanctitate, præservavi ab accidentibus infelicitibus, tam diu expectavi vos ad poenitentiam, toties illustravi meo lumine, sollicitavi meis inspirationibus, minas intentavi per prædicatores, admonui

per Confessarios, reprehendi per remorsum conscientia, taxavi per patrem, & Matrem, corripui per uxorem propriam, & tamen indurui ad instar incudis.

Addent homines honestæ conversationis: tot bonis vobis præluximus exemplis, cur nos imitari non estis? Fuimus simul in eadem urbe, in eadem Parochia, eadem platea, eadem domo, in eadem fortuna; eosdem audivimus Prædicatores, eosdem habuimus Confessarios, easdem confraternitates, eadem sacramenta: continuo vobis ob oculos versabatur speculum vitæ nostræ, cur illam imitari detrectatis?

Subjungent ipsi Infideles: Ah si Deus nobis exhibuisset favores vobis præstitos! si unquam vidissemus, quæ vos vidistis; audissemus quæ audistis; recepissemus gratias quas recepistis; habuissemus occasiones bene operandi; quas habuistis! Vixistis in regno Christiano, in urbe Catholica, inter tot homines virtuosos, tot, & tam pulchra audistis documenta; Vah infelices vos, qui tantis abusi estis gratiis!

Concludent parentes: ergone propterea tantum defudavimus? hiccine scopus nostrorum laborum, quod enumeraverimus, & educaverimus irreconciliabilem Dei inimicum? Victimam ipsius justitiæ? objectum ipsius furoris? abortum naturæ? monstrum ingratitudinis? mancipium Diaboli? titiorem inferni? fomitem flammarum æternarum? Has evitare vultis exprobrationes? Profunde imprime cordibus vestris, & in præcon redigite pulcherrimam hanc maximam, præclarum hoc lemma



lemma prudentiæ christianæ, quod Poeta quidam Tragicus his expressit versibus.

*Æternitati procudet quisquis sapit.*

*Creditque vanum quidquid hoc spretum facit.*

Hanc sapientiam vobis concedat Deus Pater Filius, & Spiritus sanctus Amen.

### SERMO TERTIVS

Pro Dominica Tertia Adventus.

*Tu quis es? Joann. 2.*

## EXORDIVM.

**N**Otissimum, & solemnissimum est illud antiquorum Græcorum pronunciatum *nosce teipsum*, utque illud sub omnium oculos continuò versaretur illud templo Delphico aureis Literis inscripserunt nunquam obliterandum, & obliviscendum, & meritò, nam esto homo habeat multas cognitiones, tamen juxta Divum Bernardum nulla est melior, quam illa, quâ cognoscit seipsum, hoc est animæ suæ dignitatem, nobilitatem, & excellentiam; nam ab hujus cognitione provenit tepor nostro in bonis operibus, & negligentia in negotiis salutis quamvis hoc negotium tanti momenti sit, ut ergo hac ignorantia à nobis pellatur, declarabo hac cognitione, nobilitatem, & spiritualitatem animæ nostræ; Dominica præterita consideravimus, & declaravimus opus salutis nostræ, negotium esse quam maximi momenti; quod clarum fecimus rationibus desumptis tum ex parte Dei, tum ex parte dignitatis, & excellentiæ animæ nostræ: tempus non patiebat ut me longius extenderem examinando, & declarando punctum secundum. ho-

die hunc complebo defectum, vobis demonstrando nobilitatem, & spiritualitatem animæ nostræ per S. scripturam, per sanctos Patres, per similitudines familiares, per rationes evidentes, & historias authenticas.

*Venite, audite, & narrabo vobis quanta Deus fecit anima mea.* Tu esse es. O sacratissima Virgo, quæ his uti poteris verbis multis rationibus fulcita. Si permissum esset inharere opinioni istorum Philosophorum, qui docent omnes animas differre ab invicem specie, & perfectione essentiali, prout S. Thomas affirmat de Angelis, assererem tuam O Virgo sacratissima, eminenter continere, etiam in ordine naturæ, omnes perfectiones, & eminentias aliarum. Verum, etiam si hoc non esset, ipsa gratia te donavit privilegio, & prærogativa, quæ nulli convenit, quam tibi soli, & filio tuo dilectissimo; nimirum quod in primo instanti conceptionis tuæ, usu rationis præventa, gratia Dei tanta accumulata fueris gratia, ut merito condici potueris gratia plena, prout & Angelus te paulo post compellavit, dum te his salutareris verbis: AVE MARIA &c.

### IDEA SERMONIS De spiritualitate animæ.

**II.** Ille procul dubio caret anima, qui dubitat an sit anima. Sicut Spiritus Sanctus in scriptura sacra non multum contendit ut nobis probet esse Deum in hoc mundo; quantulumcunque enim egrediamur nosmetipsos, continuo illum cognoscemus per creaturas suas. Pari modo non multum, allaborat ut nobis probet, quod in parvu-



lo hoc mundo, animam habeamus: Nam quantumvis parū nos ingredemur nosmetipsos, quin hoc ipsum cognoscamus per operationes suas. Imo veritas est approbata, non per unum solum Doctorem, non per unam Philosophorum sectam, non per unam solam Nationem, sed veritatem, consensum universalem omnium populorum, ut inhibita sit omni homini, sub pœnane sit homo, ne illam revocet in controversiam. Cum enim forma sit, quæ tribuit esse, & anima forma sit hominis, ille qui negaret se habere animam, diceret sane quamvis inaduertenter, quod non sit homo, Veruntamen animam nobiliorem esse corpore, quamvis vix inveniantur qui negent, considerando nihilominus vitam, & conversationem mundi, probabiliter credi potest plerosque Christianorum hoc revocare in dubium.

*PUNCTVM PRIMVM.*

*Probatnr nobilitas animæ nostra, eiusque spiritualitas, primo scriptura, secundo Patribus, tertio comparationibus citharodi, incolæ domus, quæ rationibus naturalibus ex modo quo anima subsistit, quo agit, quo recipit. Quinto rationibus supernaturalibus ex pretio quo emptæ est, ex historia sancti*

*Carpi, Catharine Senensis.*

- II. **P**rimo ipsa sacra scriptura nunquam nobis præcipit singularem gerere curam corporis nostri, verū nobis mandat: *Custodite sollicitè animas vestras.* Et ipse filius Dei in Evangelio nos admonet: *Nolite timere eos qui occidunt corpus, sed timete illum qui & animam, & corpus potest mittere in gehennam.*

*Matt. 10.*

III. **S. Pater Augustinus** veritatem huius rei palpabili nobis demonstrat ratione. Duo domi tuæ inquit sunt filii, supponamus unum esse monoculum, Gibbosum, claudum, valetudinarium, sed vivacis Spiritus, tenacis memoriæ, omnia lecta intelligit, in concionibus audita capit, & memoria retinet, dexter est, prudens, sapiens, sobrius, obediens, virtuosus: alter vero, nec monoculus, nec gibbosus, nec claudus, sed omnibus integer membris, & complexione sanus est. Verū immoriger est, malæ conversationis, stupidus, ignorans, bardus, vitiosus, intemperans, inobediens: Quæso te, quemnam amborum potiori complecteris amore? Si unus perdendus esset, quem quæso mori præoptares? Annō verum est quod majori afficiaris erga primum? Quod maiorem teneritudinem, & affectum geras ad illum, qui virtuosus est, & sapiens, quamvis monoculus sit, gibbosus, & claudus? Quæro ulterius: Sapientia, scientia, & virtutes Filii tui quem amas, & sapius commendas, ubi morantur, & resident? Non in oculis, nam alter præstantiores præ ipso habet oculos. Non in manibus, nam alter manus habet meli⁹ formatas, & robustiores. Non in ipsius corpore, nam consumeretur cum corpore: imo è contra, quò magis consumitur, & senescit corpus, eò magis sapientia, & scientia augetur, residebit ergo in anima ipse. Concedendum ergo animam nobiliorem esse corpore, cum perfectiones animæ excellentiores, & amabiliiores sint, quam illæ corporis.

IV. **S. Pater Chrysostomus** hoc ipsum alia probat demonstratione. Cur putas voluisse Deum inquit quod corpus nostrum

*strum*



strum tam sit difforme, putridū, & horridum post mortē? Oculi extincti sunt, tempora connexa, genæ pallidæ, labia livida, manus dejectæ, tibiæ glaciales, corpus ipsum cadaver, peripsēma, formicarium vermiū; & ut paucis totum dicam, paucillum terræ, quod non postulat nisi in terrā recondi? Igitur sane, ut tibi persuadeat, quod dum hoc ipsum corpus erat vivum, omnis illi aliunde, quam à seipso, accesserit decor, quod pulchra frontis serenitas, oculorum claritas, genarū rubedo, suavis oris illicium, albedo alabastrina hujus sinus, claritas, & majestas hujus faciei, vita, vigor, gratia, motus, & sensus hujus corporis aliunde proveniret, quam ab hoc corpore, à vigore nimirum procedat animæ, quæ proinde pulchrior, & vigorosior esse debet ipso corpore; Nam axioma est receptissimum, causam in se continere excellentius, & perfectius omnes proprietates effectuum suorum. Nam teste Philosopho. *Propter quod unumquodque tale, & illud magis.* Annon hæc bona est consequentia? Nux condita, dulcedinem non habet, nisi quam illi confert saccarum, ergo saccarum dulcius est ipsa nuce. Pari modo optima est consequentia: Corpus non habet pulchritudinem, nobilitatem, excellentiam, quam illam sibi ab anima communicatam: ergo anima multò nobilior, pulchrior, & excellentior est ipso corpore?

V. Dum harmoniam audisti Testudinis, Cytharæ, Chelis, vel cujuscunque alterius instrumenti musici, cujus concentu tota insonabat platea, & tibi per aures ipsam abripiebat animam; & postmodum, eandem Testudinem mensa

videas injacentem, mutam, immobilem, inutilem, facile conjecturabis fides has, & chordas non à se ipsis motas; & quod dum earum audires harmoniam, præcellentem, dubio procul fuisse musicum, qui has tangeret, & plectro pungeret chordas. Corpus vides examine proximi tui, mutū, insensibile, & ad omnes functiones inhabile, facile ergo conjicies sive minimo polleas spiritu quod dum corpus hoc se moveret, dum loqueretur, dum saltaret, & tanta dexteritate, ac gratia alias quasvis exerceret actiones, in hoc corpore aliud quidpiā fuisse præter ipsum corp⁹, ipsoque multò nobilior; sicut præcellens musicus multò nobilior, & excellentior est ipso instrumento musico. *Telluris inutile pondus.*

VI. Aliam vis similitudinem? Vidisti aliquando castrum, sive præclaram aliquam domum bene conservatam, quibusvis mobilibus optimè instructā, aulæis ornatam, & omnibus divitem, quæ magnum decent Dominum; Inpræsentiarum autem videas illam his omnibus spoliatā, ruinam minitantē, tegulas dejectas, postes putridas, contignationem distruptā, muros everfos, in summa habitaculum factum nocturnum, Nonne dicis, apparet satis, quod ante viginti annos, dum hæc domus tam sollicitè conservabatur, magnum aliquem Dominum, sive Dominam habuerit colonum, cui cordi erat illius conservatio, & decoratio. Corpus hominis durante vita in suo vides lustro & decore, ita ut si vel in minimo laceretur, vel lædatur, statim reparetur: post mortem vero hoc ipsū corp⁹ in totali vides ruina

& de-



& desolatione: membra dissoluuntur, caro putrescit, Venæ sunt vacuæ, humores glaciales, sensus omnem perdunt vigorem, vermes, & bufones in illo domicilium constituunt, tandem totum resolvitur in pulverem. Annon merito judicas, quod quamdiu corpus in statu tam decoro, sollicitè conservatum erat; magna quædam Domina illud incolverit, anima nimirum rationalis suam in eo habuerit residentiam, & quod hoc consequenter multò illo nobilior fuerit, sicut Domina nobilior est, & excellentior domo quam inhabitat.

VII. Quod anima hæc spiritualis sit, quod immaterialis sit, quod nec sit pars corporis, nec ab illo dependeat, facile demonstrari potest ex modo quo subsistit, ex modo quo agit, & ex modo quo recipit.

Si anima esset pars corporis, aut quoquo modo ab illo dependeret, cresceret cum corpore, vires perderet cum corpore, & deficeret cum corpore: cuius omnino sit contrarium; Corpus incrementum sumit ad certum tempus, & tunc subsistit: jam vero ordinariè eodem tempore anima prius incipit crescere, crescere inquam in Virtutibus, & sapientia, in quibus proficit; sicut corpus profecit in magnitudine, dum se extenderet. Si anima dependeret à corpore, anima claudi claudicaret; anima cæci cæcutiret, anima mutilata liquam experiretur diminutionem, anima pulmoniaci esset, ægrota; Jam vero videmus claudos, cæcos, mutilos, & infirmos animam habere ita dextram, tam clarevidentem, ita integram, ita sanam, ac alios, & sæpius excellentio-

rem; Videmus in exili corpore animam degere magnam, & præcellentè: quod in corpore languido & mutilo, intellectus sit subtilissimus, memoria felicissima, & voluntas æqui, & iusti amantior, quam in corpore alioquin pulcherrimo, & bene proportionato, & quis ignorat intellectum, memoriam, & voluntatem, tres esse potentias, tres facultates, & quasi tres animæ partes.

Dum corpus incipit deficere, & fini suo approximare, tunc anima sese excitat, recognoscit, & se vivaciorem, experitur: tunc plures, & magis decoras exercet actiones quam unquam; tunc de seipsa disponit, & de sua salute per sacram confessionem; de sua familia, & posteritate per suum testamentum; de Republica, & tota Provincia per sana consilia & monita; & hæc omnia præstat majori pietate, æquitate, & prudentia, quam unquam fecerit, & hoc in corpore tam pallido, & marcido quoad exteriora, tam putrido, & infecto quoad interiora, ut qui corpus hoc intueatur, illud non videat nisi terram, & qui animæ audit discursus, rapitur in cælum, & ultra. Videns ergo quispiam animam tam vivacem in corpore tam caduco, & debili, an non dicat illam esse quasi pullum in testa ovis, qui molitur egressum. Videret quidem testam frangi, sed in lucem prodire quod eâ claudabatur.

VIII. Ulterius, proprietas est materiæ rerum materialium pati, anima vero in continua est actione. Corpus à seipso nullum habet motum, anima verò tam est mobilis, & activa ex sua natura, quod si nihil habeat ad extra quod



quod moveat ut se exerceat, non cessabit tamen seipsam agitare, & discutere in seipsa; & si non dependet à sensibus in sua operatione, ipsa agere non poterit, nisi ipsi sensus eodem tempore simul agerent; e contra, dum sensus non operantur, tunc anima melius proprias suas exercet actiones: dum nullum audis tumultum, dum nihil vides, quod te distrahat, dum reliqui sensus nec agunt, nec patiuntur, tunc aptior es ad contemplationem. Hinc in monasteriis, clauduntur fenestraz, ut commodius orationi vacetur. Sæpe corpus dormit, & anima evagatur per totum; illud immobile hæret in eodem loco, hæc mille percurrit loca; transit ab uno cardine universi ad alterum, ab oriente in occidentem, à meridie in Septentrionem: descendit ad centrum mundi, ascendit super omnem suam circumferentiam: scrutatur profundum maris, circumit rotunditatem terræ, mensurat extensionem cæli; spatium unius horæ quadrantis mille perficit itinera, quæ corpus etiam agilissimum multis non perficiet sæculis, licet corpus quod inhabitat, cubiculo sit inclusum.

Deinde corpus suas habet dimensiones, non continet, nisi quod ipsius magnitudini proportionatum est, cum nihil illud excedens in illo locum habere possit, aliud enim corpus in se recipere nequit, nisi aliquam partem sui, à se ipsa expellat, aut destruat; Anima in se continet totam terræ massam, cum omnibus suis dimensionibus: In spiritu suo mensurat longitudinem, latitudinem, & profunditatem magni huius, elementi; & quod maxime stupen-

dum, in seipsa tam immensum locando corpus, ipsa se ipsam in tam exiguo locat corpusculo.

Dum plures res materiales in eodem locantur corpore, se invicem impediunt, & incommodant: Anima e contra cælum continet, & terram absque eo quod occupetur; imo absentes, presentes, mortuos, & necdum natos, in ea continentur, absque ulla sui incommodatione; In seipsa infinitas concipit personas, civitates, provincias, & Regna, absq̃ eo quod se invicem comprimant. Res magnæ in ipsa continentur secundum earum magnitudinem, parvæ secundum earum exiguitatem, & hæc, & illæ, pro earum dimensionibus, & omnes simul pro facultate animæ, Nam absque eo quod hinc egrediar, distinctè in spiritu meo video magnitudinem, longitudinem, & largitatem civitatis Parisiensis, & omnem circumiacentiam quam vidi, civitates, Villas, domos, quas pertransivi, & tantum abest ut hæc impleant animam meam, ut e contra quanto magis impletur, tanto capacior reddatur ad recipiendum: quanto plus continet, eo amplius plura continere desiderat.

Si ipsa esset materialis, si quicquam in ea corporale incapax esset recipiendi quodcunque corpus, Nullius enim causæ incapax est, omnia potest continere corpora, illa jungere, separare, comparare, & invicem confundere pro suo libitu. Si in speculo aliquo esset figura, alterius susceptiva non esset, si in prunella oculi color quispiam esset particularis, vel nihil videret, vel omnia ipsi ejusdem esse coloris viderentur. Lingua, quæ judex est saporum, particu-



larem habere nequit, nisi sit simplex, alio enim humore imbuta, omnia ei hujus esse videntur saporis. Ad suscipiendas figuras, colores, sapores extraneos, liberum esse oportet ab omni figura, omni colore, sapore proprio, & particulari. Igitur ad recipiendum, & concipiendum per intellectum omne corpus, prout facit anima nostra, oportet illam in seipsa exemptam, & liberam esse ab omni corpore. Illa enim tanta evidentia Spiritualis est, ut recipiendo quodcumque corpus, illud purificet, spirituale reddat, & ab omni corporeitate, & materialiter liberet.

Concludamus igitur argumentum hoc, & dicamus, quod illa, quæ vigorosior, quæ liberior est cum suo approximatur fini; illam, quæ in simul conjungit tempus præteritum, præsens, & futurum absque successione; illam quæ ascendit in cælum, & descendit in abyssum absque mutatione loci; quæ in se continet corpus, absque eo quod occupet locum; quæ plura recipit corpora, absque eo quod invicem se premant; imo quæ recipit omnia, & de eorum iudicat qualitatibus; illam, quæ tam præcellens in corpus gerit imperium, illam inquam, non esse partem corporis, nec dependere à corpore, nec materiale esse, nec qualitatis materialis.

X. Omnes hæ demonstrationes, meo iudicio potentissimæ sunt, sicut ipsi etiam Pagano, ostendatur nobilitas, & spiritualitas animæ nostræ. Christianus vero in sublimiori educatus Schola, alia via excellentiam animæ suæ cognoscere debet, per pretium nimirum, & inestimabilem valorem, quo est redempta, & per ardentissimum amorem,

rem, quo erga eam flagravit Filius Dei. Quod enim Salvator noster amet animas nostras, quam diu in ipsis persistunt gratia, non adeo mirandum est; credi enim potest, quod illas amet ob pretiosum illud, & nobile ornamentum, quo ornata, & decorata sunt. Verum quod illas amaverit tanta tenacitate, redemerit tanto pretio, cum essent etiamnum in statu peccati, & gratia ipsius privata, signum est ipsas ex natura sua nobilissimas esse, & excellentissimas.

Si campum inambulans, invenires adamantem, vel gemmam aliam in terra, ut ejus indagares pretium, certè me non convenires, cum rem non intelligam, sed ad Gemmarium te conferres, qui indies manibus tales terit gemmas, earumque novit pretium, & si tibi statim præsentaret tercentos, aut quadringentos ducatos se, pro cultubio intelligeres Adamantem hunc valde esse pretiosum. In terreno tuo corpore animam geris nobilem, & pretiosam, ut ejus cognoscas pretium, ad nullum alium te conferas, quam illius Creatorem, qui indies cum illa agit. Mercator prudens, & cautus magnam pecuniæ summam non dabit pro mercibus exigui valoris, centum utpote ducatos pro unione, qui non valet centum solidis. Salvator noster, qui non solum sapiens, sed & ipsa est sapientia, dedit pro redimenda anima tua pretium excedens omnes totius mundi thesauros. Nemo revocabit in dubium unicam adorandi sanguinis ipsius guttulam, pretio excedere omnes mundi divitias, aut ipse pro anima tua non solum unam dedit guttam, sed omnem pretiosum suum sanguinem



Guinem usque ad ultimam guttam. Pro anima tuadico; Non enim existimes velim, quod plures alias redimendo eodem pretio, tua ipsi constiterit minus, vel tu ex eo ipsi minus obligeris. Non equidem, nam tanti tuam fecit animam, quod pro ipsa sola in particulari ita expressè, & eodem affectu totum suum profuderit sanguinem, ac si illam solam redimere intendisset. Audi S. Paulum: *Qui dilexit me. & tradidit semetipsum pro me.* Hoc ipsum & tu dicere potes: Nam eousque nostras diligit animas, quod si ad illas salvandas, denuò moriendum esset, & sanguis profundendus, promettissimè facturus id sit.

XI. S. Dionysius Areopagita in epistola ad Deomophilum, hoc ipsum insigni probat historia, prudentissimè discurrens; cum illam ab ipso didicerit authore, cui obrigerat casus: Refert quod Sanctus quidam Insulæ Candiaë Episcopus, tanto à Deo prosequutus fuerit favore, quod quaquavice, qua se disponeret ad sacrum obeundum altare, visione aliqua cælesti fuerit donatus; accidit vero eodem tempore casus funestus, ut nimirum in die festivo cuiusdem Idoli, Paganus quidam peruerterit Christianum, & ad abnegandam eum induxerit fidem: Vir Sanctus his intellectis novis, tanto fuit correptus dolore, ut tædio, & excessiva tristitia pressus, ac nimio exardescens, Zelo, mortem optaret, & punitonem utriusque. Huic inhærens desiderio, & conceptui, quodam vespere à quiete surgens ut precib⁹ interesset matutinis, terram vidit dehiscentem, & in ea profundissimam abyssum, hosque ambos indices ad ipsam ripam trementes, & jam jam præcipi-

tandos, serpentes quoque ex ipsa ascendentes abyssu, qui illos in eam attraherent, ac homines, qui illos protruderent. Vir sanctus illos in extremo hoc videns periculo, latrabatur, & omnis illi tardior videbatur hora, donec caderent, & præcipitarentur. Eodem momento cælum contuens, illud vidit apertum, & Salvatorem compassione tactum de throno suo, multitudine Angelorum stipatum descendere, ac misellos hos manu prehensos, suavitate, ac comitate incredibilie periculo liberare. De hinc ad Episcopum conversus dixit: Ecce latus meum, percutite, & denuò aperite illud potius, quam unius animæ desideres damnationem, & noveris me denuò paratissimum ad patiendum pro salute hominum, si ita necessitas requireret, immò lubentissimè facerem id, & illos à peccando impedirem.

XII. Idem Salvator noster quadam vice apparens S. Catharinæ Senensi, illi monstrabat animam carne exutam, & videns illam in stuporem actam, & admirationem, ob ejus decorem eximiū; Et quid tibi videtur inquit ô filia? An non optimè meos impendi labores? nonne merito de cælo descendi? Victor factus sum terræ? Vitam meam impendi ad redimendum tam pretiosam margaritam? Ex hoc tempore sancta hæc Virgo tanto erga animas afficiebatur amore, ut sæpius illorum oscularetur vestigia, qui defudabant ad illas Deo lucrandas; immò dicebat, nihil sibi unquā fore difficile, nihil nō se velle dare, pati, & contribuere, quantum vis hoc fuerit, pro salute alicujus animæ.

*Conclusio in eos qui animam perdunt,  
& negligunt.*



**H**Æc mihi refricant memoriam illius, quod milites Holofernis Bethuliam obsidentes, ad invicem dicebant, castam enim Judith, veram pulchritudinis Ideam prodire videntes: *Quis*, inquiunt unus alteri, *contemnat populum Hebraorum, qui tam formosas mulieres habent, ut non merito pro his certare debeamus.* Dicitur ne de nobis quod vitæ, & sanguini pepercimus, in subjuganda tali natione? Nos hoc ipsum diximus, ad hanc destinati urbem? In hac reperiuntur mille, imo duo millia, & plura excellentissimarum creaturarum, duo inquam millia animarum ad imaginem Dei creaturarum, ipsius sanguine pretioso redemptarum: parcemus ne sudori, & labori nostro, ad acquirendum tam pretiosum thesaurum? Ad lucrandam Filio Dei vel unicam ex his animabus? Hunc ipsum vobis formale conceptum, hoc ipsum propositum, Auditores charissimi. In familia quam gubernatis, in communitate vestræ curæ commissa; in Parochia cujus geritis curam, nobilissimæ reperiuntur creature, ad illas lucrandas, & Deo conservandas, certandum est, pugnandum est. Dum est quæstio de instruendis verbo, ædificandis exemplo, & reprehendendis subditis, & domesticis vestris; hic se opponunt negligentia, respectus humanus, timor inutilis: contra hoc *certandum est, pugnandum est.* Hortamur vos bonum fore, si singulis vespers ad geniculati preces fundatis cum familia vestra, videbunt hoc proles vestræ, & post mortem vestram hoc ipsum practicabunt, sicut & filii, filiorum vestrorum; Acedia te impedire nititur: *Pugnare debemus.* Dicimus vobis opus maximæ esse charitatis, mysteria fidei docere domesticos vestros, vil-

licos vestros, operarios vestros, qui in vestris occupantur laboribus; respectus humanus vos impedire satagit: Quid replicatis, dicent de nobis, vocabunt nos sanctulos, dicent quod illis prædicare velimus: *Pugnare debemus*, nimirum contra hunc respectum. Dicitur vobis: obligamini corripete famulos vestros jurantes; in multam condemnare debetis ænopolas, qui tempore Divini officii vina propinant; Timor vos impedit; *Pugnare debemus.*

XIV. Verum enimvero, vos adhuc nimis elongati estis à pugna, & labore ad lucrandas animas, immò e contra infeliciter illas in ruinam impellit: quam pœnitundinem hujus non experiemini in morte? Prophetæ Isaias; & Jeremias meminerunt certarum bestiarum, quas Lamias vocant; Commentaristæ, & Naturalistæ dicunt has Mōstra esse facie quidē humana, naturā autem humanā tam inimica, quod si offendant hominem, primo impetu irruentes, illum discerpunt, & devorant: Quo facto, si se in fonte aliquo crystallino contemplantur, & in figura propriæ faciei videant hominis pulchritudinem, quem devorant, tanta aguntur pœnitundine, in tantam iracundiam prorumpunt, & furorem, ut proprium dilacerent, & in partes conscindant corpus.

Supponamus nonnisi peccatum esse veniale, & paululum vanitatis, sinum gestare nudum, (quamvis hoc non autem definire) aliquis quispiam videns hoc objectum, malas concipit cogitationes, consentit, perseverat, iisque immoratur: Jam vero te moriente, anima tua corpore nudata seipsam videt, pulchritudinem suam admiratur, & in pulchritu-



chritudine propria pulchritudinem videbit animæ, per nuditatem sin<sup>9</sup> tui perditæ. Qualis pœnitudo, qualis displicentia, qualis ordo, fuisset causam ruinæ tam decoræ creaturæ per desiderium fumi paucillæ vanitatis? Filiam illam sollicitas ad impudicitiam, sperans quod postea de hoc dolebis, confiteberis, & pœnitentiam ages: supponamus hoc futurum, sed quis tibi dixit illam hoc ipsum facturam? Spiritum habet debilem, sexus est fragilis, inclinatur ad illicitum voluntatis, cadet de peccato in peccatum, morietur tandem sine vera pœnitentia: Te autem ex hoc mundo abeunte, anima tua in sua pulchritudine, videbit decorem, & excellentiam animæ, cui causa fuit perditionis; nunquid non dices purgatorium ignem non satis calere ad tantam expurgandam, & delendam labem?

XIII. Verum quid admiramur quod animas perdatis alienas, cum nec proprias curetis. Referebatur quadam die Imperatori Augusto, quod Herodes Rex & proprium mactasset filium, inter plurimos Innocentes neci traditos in Bethleem, ejusque finibus; ad quod valde judiciosè replicabat Imperator: Mallem Herodis esse porcus, quam filius, si enim ejus essem filius, morti me traderet, si vero essem porcus mihi parceret; vivebat enim inter Judæos, quibus suillam manducare inhibitum est. Et ego adjungit S. Augustinus, mallem esse Equus, Indusium, aut quicquam aliud multorum Christianorum, quam ipsorum anima: Majorem enim gerunt curam, plus amoris, & affectionis erga quamcunque aliam rem, quam propriam animam.

Annon hoc ipsum de vobis quis as-

firmare possit? Annon quis merito præferet esse vester Equus, quam vestra anima? Quoties hebdomatim pabulum præstas Equo tuo? hebdomatim inquis? Dolerem si non quotidie bis illi pabulum præberetur. Quoties reficis animam tuam, non tam dicam quotidie, hebdomadatim, per mensem per annum? Quisnam cibus animæ tuæ? Nolo à me, sed à Salvatore tuo discas: *Caro mea vere est cibus inquit*: Non corporis, sed animæ. Quoties hunc cibum præbes animæ tuæ? Bis in anno? In Nativitate, & Paschate; Malle enim ergo esse Equus, quam anima tua. Quanto tempore eodem indueris indusio, absque eo quod lavetur? Velles ne illo quatuor continuisuti mensibus? Ipsemet profectò illud abhorreret; tantum enim imbibisset sudorem tot sordes, ut vix mundari posset. Quamdiu circumgessimus animam tuam, sine lavacro? Scisne ubi dealbetur? In sacramento pœnitentiæ, in sanguine Agni; dicitur in Apocalypsi, *In sanguine Agni dealbaverunt stolas suas.* Indusio tuo quatuor mensibus indui deterectas nisi lavetur; Animam tuam sex integris gestas mensibus, decem, immò anno integro antequam mundetur, & dealbetur, & tantas interea aggregat sordes, ut quacunque etiam confessione vix mundari queat.

Breviter, considera vitam tuam, vide quid agas de mane usque in serum; ab initio anni usque ad ejus finem, & reperies quod nullius minus, quam animæ tuæ, & Dei servitii, ad quod creatus es, geras curam. Maximè vel te induendo, vel ad macellum eundo dicis unum Pater, & Ave; vesperi orationem fundis jam lectulo incumbens,



bens, semidormiens & tam exigua cum reverentia, ac si alloquereris pedissequū famulum, reliquo autē diei, vix de Deo cogitas. Non plus ipsi loqueris, ac si plane non esset; nisi forte blasphemando. Diebus Dominicis, & festivis parvum audis sacrum, cogitationibus intentus es œconomicis, aut aliis mūdānis negotiis; & sic transit annus, & post hunc alius, donec reperias mortem.

Jam dic mihi in fide bonæ conscientia, tantumdemne facis de aliis rebus tuis? Vineam sit tibi, an semel in anno tantum illam ingrederis? An parumper tantum illam coli facis mane, & vespere? Numquid non magna cura illam curas fodi, putari, ligari, superfluis nudari foliis, fimo impinguari? Quanta tibi non est cura domus tua? Quoties non visitas armaria tua, scrinia tua, granaria, cellaria, ut videas annon tibi aliquid furto decedat, ut impedias ne aliquid depereat, destruat, auferatur: immò pudet me dicere, œconomum agis pro minimo candelæ frusticulo, quam perdi ægre ferres? Vade, vade; an non te pudet tantam gerere curam corruptibilem, & tam flocci facere immortalia, & incorruptibilia, tam sollicitum esse de his quæ extra te sunt, & tam parvi facere, quæ intra te sunt, & quidem quæ melior sunt tui pars? Tantum angere pro istis, quæ exigua comparantur pecunia, & tam nihili illa æstimare, quæ Filio Dei constiterunt & vita, & sanguine suo? Ubi est fides, quā oraculo huic æternæ veritatis, ejusque monito adhibere teneris: *Quid prodest homini, si universum mundum lucretur, anima vero sue detrimentum patiatur?* Hæc rumina verba, & vade in pace in nomine

Patris, & Filii, & Spiritus Sancti. Amen.

### SERMO QUARTVS

Pro Dominica Quarta Adventus.

*Factum est verbum Domini in deserto. Luca 3.*

## EXORDIVM.

**V**aria adducuntur rationes à Doctoribus, cur Christus in deserto clamare dicatur, & non in palatio, unica hæc est causa, quod omnia illa, quæ in deserto existunt, promptè eū audiāt, & ei obediant. Ei obediunt animalia in deserto, quia dum quondam præciperet leoni cuidam, ut inobedientem dilaceraret Prophetam, statim ei obediit, arbores quoque in deserto statim illi obtemperarunt, nam vox Domini mandavit cedris Psal. 28, ut in partes discerperentur, & statim in partes discerpæ sunt. Saxa quoque & lapides ei promptè obediunt, nam divisi populo sitiienti potum præbuerunt Deo sic mandante, in deserto ergo Christus clamat ut doceat quod promptè ei obedire teneamur operando salutem animæ nostræ promptè, seriò, perseveranter, quod hodie à nobis declarandum.

I. Heri nos docebat Filius Dei omnes terræ thesauros, & omnia mundi Imperia æquiparanda non esse animæ nostræ, tam pretiosa enim est, & excellens. Quod cum ita sit, & videamus quod tanti infumantur labores in mundo ad acquirenda paucula bona temporalia; certe si vel minimum sapiamus, si vel tantillum nobis prædentia, & amoris pro nobis ipsis est, laboremus ex toto corde pro salute animæ nostræ;



stræ; laboremus inquam primo promptè, secundo seriò, tertio perseveranter. A te nobis hoc addiscendum O sacra virgo, tu opus Dei operata es promptè, nempe ab ipsa vitæ tuæ auctora; De te enim dictum est: *Adjuvabit eam Deus mane diluculo.* Operata es illud seriò & diligenter: *Manum suam misit ad fortia;* Perseveranter usque in finem; *laudent eam in portis opera ejus.* Hoc ipsum ad imitationem tuam, & per gratiam filii tui facere desideramus cujus te salutando imploramus auxilium. AVE MARIA.

## IDEA SERMONIS

*Saltem nostram debemus operari promptè seriò perseveranter.*

**E**Xordium. Electi, sunt feliciores in statu naturæ reparatæ, quam integre; Nam interius habet majora auxilia, exterius exemplar nobilius, nempe Christi. Qui operatus est salutem nostram, cito, seriò, perseveranter.

II. O *Felix culpa, quæ talē meruit habere Redemptorem.* Sacrum est Entusiasma, quod resonat Ecclesia in benedictione cerei Paschalis, per raptum aliquem, & excessum gaudii, quo rapitur in rememoranda resurrectione, & vita gloriosa dilecti sui. Verum, excessus hic gaudii non usq; adeo illam extra se rapit, quin optimè sciat, quid loquatur; facile enim probatu est, delictum primæ hominis felix fuisse, & fortunatum pro animabus prædestinatis; Non ob qualitatem peccati, quod nihil nisi malum continet; sed propter misericordiam Dei,

& actum stupendum sapientissimæ providentiæ ipsius, quæ nunquam permitteret malum, nisi polleret bonitate, industria inde aliquod trahendi bonum. *Melius judicans de malis benefacere, quam mala nulla permittere.*

Ad hujus veritatis pleniorē elucidationem, sacre Theologiæ Magister, S. Thomas, & post ipsum tota ipsius schola concludit, quod licet primus homo non manducasset de fructu vetito, nec infecisset posteritatem suam labe Originali, adhuc ab ipso descendentes potuissent committere peccata, quibus excidissent è statu gratiæ, & iustissimè obnoxii fuissent æternæ damnationi. Ecce ratiocinationem Doctoris Angelici: Magna est differentia inter voluntatem Angeli, & illam hominis; sicut sagitta per acuta, à robusta manu vibrata tā profundè figitur, & vibratur in scopum, ut nequeat inde extrahi. Sic voluntas Angeli, cum extremæ sit vivacitatis, activitatis, & valde penetrans, dum in objectum fertur vivaci, ac forti cognitione, ita in illo se immergit, radicatur, stabilitur, & firmatur, ut nunquam inde avellatur: Angelus enim nunquam ab illo in æternum dimovetur, quod prima conversione & affectu cordis semel elegit.

Non est ita cum voluntate hominis, hæc enim similis est laminæ plumbeæ, quæ facile hebetatur, & inflectitur, hoc quod amat non complectitur tam stricte, quin facile ab illo dimoveatur; tributaria est mutationi; flexibilis est, mutabilis, inconstans, & vaga quamdiu in hac degit

S. Augus.  
in Enchirid.

I. part. q.  
100. ars. 2.

In corp: &  
ad 4.



degit vita: cum intellectus tam perspicax non sit, uti etiam primo intuitu non repræsentat quid bonum sit, aut malum, amandum, aut rejiciendum in suo objecto. Hinc oritur secundum S. Thomam, quod de cursu ordinario, homo non sit confirmatus in gratia, nisi pervisionem beatificam, tunc cum tam clare, & perspicaciter summum intrueretur bonum, ipsique tam strictè unitur, quod nequeat ab illo separari, cum in eo perfectissimè, & eminenter omne hoc possideat, quod in bonis particulatibus, & inferioribus desiderare potest.

Dixi de cursu ordinario, ad excipiendam Beatam Virginem, & quosdam sanctos qui de privilegio speciali in gratia confirmati fuerunt, antequam cœlum conscenderint.

III. Agedum: primus homo dando per generationem vitam naturæ prolibus suis, illis etiam statim communicasset vitam supernaturalem gratiæ, sed perfectiorem, & securiorem communicare non potuisset, quam ipsemet habebat, adeoque sicut ipse in gratia confirmatus non erat, nec ipsius proles fuissent, quam diu in hoc mundo erant, qui locus est meriti, pugnæ, & Victoriæ, ad obtinendam coronam beatitudinis cœlestis. Verum conditio animarum electarum in Ecclesia Christiana incomparabilior, felicior est, quam illa primorum hominum in paradyso terrestri, in statu innocentiae, & justitiæ originalis. Nam loco, quod pro tunc gratia actualis, securus supernaturalis, quæ hominibus data erant ad practicanda bona opera, multo inferioris ponderis, & minoris essent valoris, utpote donum Dei, tanquam Creatoris conveniens naturæ

humana: In præsentis statu animæ Christianæ recipiunt gratiam fortiorem, potentio rem, præriosiorem, gratiam dico præelectam, quæ est donum Dei, in quantum Redemptoris, conveniens, & correspondens meritis Salvatoris. Annon ergo infelices essemus, si in Ecclesia Catholica non operaremur nostram salutem, in lege nimirum gratiæ, in statu naturæ reparatæ, per redemptionem tam proficuum, & excellentem?

IV. Ulterius, homines pro isto tempore in praxi virtutum aliud non habuissent exemplum, & ideam, quam primum parentem, aliosque majores, & præcessores: dictum illis fuisset illud quod Jsaïas dixit Judæis: *Attende ad petram unde excisti es.* Vbi e contra in lege gratiæ Salvator noster operando salutem nostram in medio terræ, prout loquitur Propheta, exempla nobis reliquit rara, & admirabilia, de modo, quo nos laborare oportet ad acquirendam beatitudinem, quam ipse nobis suis acquisivit meritis. Docuit nos operari salutem nostram, promptè, ferriò, & perseveranter, ad exemplum suum.

#### PUNCTVM PRIMVM.

*Juxta exemplum Christi probatur quod debeamus operari nostram salutem ciro primo scriptura, secundo patribus, tertio comparationibus, quarto exemplis bonis, & pravis.*

V. Promptè salutem nostram operatus est: Audi & Prophetam, & Apostolum ipsius: Filius Dei, inquit David, eleuans cor suum ad Deum Patrem: *Ingrediens in hunc mundum, dixit, hostiam, &*



nm. & obligationem noluit, holocausto-  
mata pro peccato tibi non placuerunt, ecce  
venio, ut faciam voluntatem tuam Deus,  
Apostolus autem docet quæ sit hæc vo-  
luntas. *Hac est voluntas Dei sanctifica-  
tio vestra.* Quando dulcis Jesus hoc  
cepit opus? Quando hanc sui ipsius  
fecit oblationem pro nostra salute? *In-  
grediens in hunc mundum.* Ne quidem  
distulit donec intrasset, sed in ipso in-  
troitu festinus tantū aggressus est op⁹.

Dicitur in philosophia quod opera-  
tio necessario consequatur esse; il-  
ludque semper comitetur: *Operari se-  
quitur esse.* Verum in proposito nostro  
dicendum esset: *Operari comitatur esse:*  
Cum operari, & esse sint de eodem da-  
to. Eodem enim tempore, eodem  
instante, quo Jesus incepit esse, eodem  
tempore, & instanti nostram cepit o-  
perari salutem; ne quidem ad momen-  
tum distulit. *Ingrediens in mundum.*  
Ad ipsius exemplum nobis loquitur Spi-  
ritus ejus per os Sapientis: *Quodcumque  
potest manus tua instanter operare.* Ni-  
mirum pro ipsius gloria, & tua salute:  
Minus illud differas in aliam horam;  
minus in aliā diem, mensem, sive annū.

VI. Filius Dei dicit in Evangelio.  
*Nescit unde veniat Spiritus, aut quo va-  
dat.* In quem locum præclare Melili-  
flus Bernardus: *Venit Spiritus, & vadit  
prout vult. & nemo facile scit unde veniat,  
& quo vadat: At istud sine damno sa-  
lutis fortasse nescire licet, sed quando veni-  
at, & quando vadat, id plane periculo-  
sissimè ignoratur.* Et infra: *Vigilandum  
proinde, & vigilandum omni hora, quia  
nescimus, quia nescimus, qua hora Spiritus  
venturus sit, seu iterum aditurus, it, & re-  
dit Spiritus, & qui stat eo tenente, dese-  
rente cadat necesse est.* Unde & opti-

mè S. Ambrosius: *Nescit tarda moli-  
mina Spiritus Sancti gratia.*

Quando Deus nobis suam offert gra-  
tiam, non patitur nos diu cum ipso mer-  
cari, & nundinari. Sponsus quadam  
vice pulsabat ad ostium sponsæ; diu  
morabatur ipsa aperire, socors erat, &  
negligens in surgendo; tandem aliter  
sapiens, & surgens ad aperiendum osti-  
um, reperit sponsum jam aliò declinasse,  
& transiisse. *Et ecce declinaverat:*  
Hoc quod in beneficio pluri æstimatur  
bona est voluntas: Si enim tardius il-  
lud exhibeas, jam diu defecisse convin-  
ceris à bona voluntate. Vnde Seneca  
*Qui tarde dedit, diu noluit.* Si comita-  
tem aliquam expectes ab amico, vel ser-  
vitium à famulo, si illud differat, & te  
expectare faciat, omnem huic servitio,  
& comitati auferet grātiā. Eodem  
modo omnem detrahis pinguedinem  
sacrificio, totam medullam victimæ,  
dum de tempore in tempus differs, hoc  
quod à te requirit Deus. *Hilarem da-  
torem diligit Deus.* Vult enim Deus ut  
prompto, & hilari corde ipsi præstetur,  
quod præstandum est: si ex bono cor-  
de fiat, & hilariter fiet, & delectabiliter:  
si in eo quis delectetur quod faciendum  
est, sanè & promptè fiet, & sine omni  
molestia.

VII. Deinde executio rerum, quas  
vel maximè desideramus, prout est ne-  
gorium salutis nostræ, sæpe dependet  
à concurrentia plurium circumstanti-  
arum; fieri etiam potest ut talis con-  
junctio nunquam redeat, & defectus  
unius solius circumstantiæ impediat fe-  
licem successum rei conceptæ. Quod  
ipsum nos docet S. Paulus allegatione  
historiæ sacri text⁹, qua nobis in memo-

E

riam

Seneca de  
benef.

Ecclesi. 6.

Serm. 17.  
in Cant.



riam reducit quod legitur in Genesi: Esau ad venationem iverat, forte quadrante horæ serius regreditur, perit benedictionem patris; Serius inquit pater, venisti, jam data est, nihil agendum restat, nec ullum superest remedium: Plorat miser, gemit, singultit, erugit; actū est, nulla pro te superest benedictio.

Commoditatem habes confitendi; patri alicui, in confessionalis te expectanti, differs post prandium; forte tunc amplius non erit tibi: differs in mane; ipsa nocte improvisā abriperis morte in statu peccati: In Inferno clamabis: Confessionem, Confessionē; Sed in Vanum:

Voluntatem habes assumendi statum religiosum, videns te nimis fragilem ut salutem opereris in mundo; durante Concione obvenit tibi cogitatio, quod hodierna adhuc die, adire velis superiorem, sive monasterii Præfectam, ad perendum locum; differs in diem dominicam: Sabbatho se, offerret tibi juvenis quidam adolescens, postulans te in matrimonium, conceptum, & desiderium religionis in corde tuo abortire faciet, contra vocationē Dei in ibis matrimoniū, & sic forte in mundo peribis Inspirationem habes visijandi infirmum, ut agas cum illo de salute animæ suæ, differs in crastinū, forte ille mortu⁹, vel tu infirm⁹ eris, aut aliud quodpiā superveniet impedimētū. *Instanter operare.*

VIII. Sancti Basilius, & Chrysostomus optime animadverterunt quod Jesus, ordinariē taxaverit dilationem eorum, qui vel in minimo distulerunt obedire vocationi ipsius, quantumvis speciosis prætextis excusationibus. Apud S. Lucam, quidam inspiratus ut illum sequeretur, dicebat illi: Magister desidero te sequi, sed permitte mi-

hi ut prius disponam de bonis meis: Respondit illi Salvator: Vade, vade, non est aptus ad regnum cœlorum. Eodem capite, paulo inferius dicebat cuidam alteri: Sequere me; respondit juvenis: permitte prius ut vadam, & sepeliā patrem meum. Respondet Salvator: ad veram te voco vitam, sepeliant mortui mortuos suos: Non est putandum, monet Chrysostomus, Filium Dei agrē tulisse, ut disponerent de rebus suis, vel sepelirent patrem mortuum, sed quod illud prius voluerint facere, quam sequi Jesum. Dicebant: Permite me primum. Primo obediendum erat Filio Dei, & ipsius sequelæ se committendum, & deinde cum ipsis venia, & benedictione reliqua facienda. Expectas orare Deum, donec hora decima, vel undecima ad ecclesiam venias, vel forte in seram noctem, Interim non consideras, quod si te totum tempestivè commendares Deo, & intentiones tuas à mane ad ipsum dirigeres, actiones tuæ, ad ipsum relatæ plus meriti, & benedictionis habituræ essent. Dicis, deferam peccata mea, & dicabo me servitio Dei, dum absolvero mea studia, vicerō hunc processum, educavero proles meas, obtinuerō hoc, vel illud officium, *Dimitte me primum.* Itane? Quid si jam te in bono constitueres statu, forte perageres tua studia, prosequeris tuum processum, educares tuas proles in statu gratiæ, cum benedictione Dei, cum majori merito, & meliori prosperitate?

IX. Videmus in Evangelio, quod illi qui seduli fuerunt ad promptè sequendam vocationem Filii Dei, ipsi gratissimi fuerint, magna per illos effe-



*Luc. 19.* fecerit, & illorum operâ ad actus præclaros, & gloriosos usus fuerit. Apud S. Lucam Zachæus ad primam Salvatoris vocem, promptè descendebat ex arbore, & existens in domo sua, per gratiam hanc audivit vocem: *Hodie huic domui salus facta est.* Apud S. Matthæum

*Matt.* Petrus & Andreas, Joannes & Jacobus frater ejus, vocati à Filio Dei, & navem, & retia, & patrem deferentes, sequuntur Salvatorem, qui illos creat apostolos, principes ecclesiæ suæ, & supremos terræ monarchas. Apud

*Luc. 5.* S. Lucam dicit Matthæo, *sequere me.* Et Trapezita hic, non replicat: Compurus meos prius lustrabo, & formabo, ut percipiam quæ mihi debentur, sed omnia relinquit, ut obediat, Filius Dei illum facit Sanctum, Protonotarium apostolicum, & historicum vitæ suæ. In actibus Apostolorum, S. Paulus audiens quærulam Salvatoris vocem, *Quid me persequeris?* Statim compescuit ardorem indiscreti Zeli quo erat inflammatus, & sine dilatione ad unicum momentum, se offert ad præstandum omnia quæ ipsi injungerentur. *Quid me vis facere?* Et Deus ex illo fecit vas electionis, Præconem sui verbi, Doctorem gentium, Organum divini sui Spiritus. *Quid me vis facere.*

PVNCTVM SECVNDVM,

*Salus operanda serio. Probat-  
tur primo scriptura, secundo Patribus,  
tertio comparationibus, quarto rationi-  
bus quinto exemplo Christi.*

**X.** Hæc verba nos, quasi in ad-  
venter introducunt ad secun-  
dum punctum discursus nostri, & nos  
instruunt, quod, ut feliciter succedat  
negotium salutis nostræ, serio illi incum-  
bendum sit, & forti resolutione, medi-

ante gratia Dei, perveniendi ad metam  
non obstante quacunque difficultate  
quicquid etiâ faciendū, relinquendū, per-  
ferendū sit, illi insistendū est, tanquā ne-  
gotio majoris consequentiæ, quod in  
hoc mundo peragendū nobis incumbit.

Filius Dei apud S. Matthæum de re-  
gno cælorum loquens dicit: *Regnum  
cælorum vim patitur, & violenti rapiunt  
illud.* Et apud S. Lucam monet ut magno  
conamine laboremur intrare portam  
angustā: *Contendite intrare* Græca habet:  
*Αγωνίζεσθε* hoc est, tanto conatu, & vi-  
olentia, ut etiam si necesse sit, ad ali-  
quam reducamini agoniam. Et apud S.  
Ioannem, comparat conatum, curam, &  
laborem negotio salutis nostræ impen-  
dendam, labori, & conatus mulieris par-  
turientis. *Mulier cum parit tristitia habet.*

Quid non moliantur avari mercato-  
res, qui ditari volunt? Juvenes adoles-  
centes matrimonium opulentū & for-  
tunatum prosequentes? Ambitiosi pin-  
gue beneficium vel officium venantes?  
Quales hic curæ, quantæ vigiliæ, quot i-  
tinera, quot expensæ non fiunt, quo fæ-  
licem potiantur exitum suorum con-  
ceptuum? Et nos quid agimus pro salute  
nostrâ? Audite mellissimum Bernardum:  
*Magna confusio, magna profus, quod illi ar-  
dentius terrena perquirant, quam nos cale-  
stia.* Et devotum Thomam a Kempis:  
*Pro modica præbenda longa via curritur,  
pro aeterna vita vix pes a terra levatur.*

XI. Concordat hisce Philosophus mo-  
ralis, dum docet qualiter virtuti acqui-  
rendæ insudandū sit. *Si quis, inquit, sibi  
proposuerit, quantum opus aggressus sit, sciat  
& nihil delicate, nihil molli esse faciendū.*  
Aggredivis domare perversā tuā naturā,  
ferro duriorē: poteritne molliori ferram,  
& pulchrum aliquod ex eo confici opo,

Matt. 11,

Ioh. 16,

Seneca ep.  
51.



absque igne, sine malleo, & robusto brachio? Poteritne quispiam mutare, naturam corruptam, & ex vitiosa facere virtuosam absque fervore sine mortificatione, & magno conatu spiritus? Intendis vincere malas tuas consuetudines à longo tempore contractas; idem est ac sistere velles torrentē ab alto monte decidentem; poteritne hoc fieri sine violentia? virtutem acquirere conaris; An ignoras veteres solere dicere, habitaculum ejus altissimis circumdari fossis sudore repletis?

XII. Cælum conquirere vis? Perbellè remonet os aureum: Qui fortalitem aliquod occupare vult in terrā sitū, & cui proximus est mons, conatum adhibet, sudat, jejuna, laborat, vigilat, terrā incumbens quietem capit, & mille sustinet fatigationes. Tu conquire, & occupare vis non aliquod fortalitem, civitatem, Provinciam, sed regnum calorum, quod tanto spatio à te est elongatum, tanta altitudine supratitum, & nihil difficile, vel arduum moliris, nullum adhibes conatum, nullam violentiam: *Vimpatitur, vim patitur.*

Quò molitio, sive negotium majoris est importantiæ, eò majorem requirit sollicitudinem, circumspectionem, diligentiam? Plus impenditur laboris in processu, ubi agitur de centum Imperiis, quam si non ageretur nisi de decem; ad huc plus si ageretur de mille, & amplius si de decem, vel centum millibus; quantò ergo major adhibenda sollicitudo, & sedulitas si ageretur, ut vel vivus comburaris, vel summo gaudio, honore, divitiis, & voluptate accumuleris per millena annorum millia?

Durum tibi est mane surgere ut ores Deum, difficile tibi est jejunare, condonare offensas, restituere bona injustè parta; crediderim id equidem, tantum putas malū evitabis, tantū acquires bonum sine labore? In tali opere ritè perficiendo, omnia meritiò essent relinquenda, profundendus sanguis simul, cum vita: taxat vos S. Paulus: *Nondum usque ad sanguinem restitistis.* Et vobis ardua hæc aggredi persuadens, exemplum proponit filii Dei dicens: *Recogitate eum, qui talem pro vobis adversum se sustinuit contradictionem; ut nō fatigemini deficientes.* Quid enim non fecit ut vos salvaret? Exinanivit semetipsum in mysterio Incarnationis, subiecit se virgini, & fabrolignatio, triginta tribus annis incessanter laboravit, integras peregit noctes in oratione, absq; cibo, & potu quadraginta jejunavit diebus ac noctibus, mortuus est in patibulo crucis in horribilibus tormentis: si hæc omnia fecit propter nos, quid non convenit nos facere propter ipsum, & nosmetipsos? An non deceat nos illi servire, & pro nostra salute laborare cum omni fervore, vigilantia, diligentia, & possibili assiduitate?

#### PNCTVM TERTIVM

*Probatur quod debeamus operari nostram salutem perseveranter.*

*Primo scriptura, secundo instructionibus ex S. Bernardo.*

XIII. CUM assiduitate dico, & perseverantia, nam hæc tertia est conditio, quam à nobis requirit Deus in negotio salutis nostræ. Dicebatur olim Episcopo Thyrnensi: *Esto fidelis usque ad mortem, & dabo tibi coronam vite.*

Et

Heb. 11.

Apo: 2.



Et ille in seipso fecit, & adimplevit hoc quod huic Prælato, ac tibi recommenda-  
 vit. Hinc in hora transitus sui dicebat  
 Patri æterno. *Opus consummavi, quod*  
*Joan. 17. dedisti mihi ut facerem.* In ipsa existens cru-  
 ce non cessit importunitatibus, & va-  
 nis inimicorum suorum persuasioni-  
 bus, qui dicebant: *si Filius Dei, est descen-*  
*dat de cruce.* E contra, quia filius Dei est,  
 descendere non debet, ait S. Bernardus,  
 sed constanter, firmus, immotus in tanto  
 incepto opere perseverandum illi est.

Idem S. Bernardus Genevensibus  
 scribens paucis perstrinxit verbis om-  
 ne quod pulchrum, & excellens in  
 hac ipsa re dici potuit: *Perseverantia,*  
*inquit, est consummatio virtutum, nutrix*  
*ad meritum, mediatrix ad primum, pa-*  
*tientia soror, constantia filia, propugnacu-*  
*lum sanctitatis, sola est cui æternitas reddi-*  
*tur, vel potius quæ æternum hominem red-*  
*dit.* Sane quot verba, tot instructiones  
 salutare, expendamus unam post al-  
 liam.

*Perseverantia est consummatio virtu-*  
*tum.* Una hirundo non facit ver:  
 unicus actus bonus non reddit homi-  
 nem virtuosum saltem ordinariè, prout  
 docet Aristoteles; opus est habitu, ha-  
 bitus autem generatur per plures actus  
 iteratos: ad quos sæpius iterandos, ne-  
 cessaria est perseverantia.

*Nutrix ad meritum.* Quantumvis exi-  
 gua sint bona opera dummodo sint fre-  
 quentia, & sæpius iterata, magnum ac-  
 quirunt thesaurum meritum. Unica  
 avicula singulis vicibus non nisi uni-  
 cam affert paleam, sive plumulam, &  
 tamen successu reiporis nidum adifi-  
 cat completum, & accommodissimum.  
 Lapidæa est olubrum, sive peluim mar-

moream excavare volens, singulis mal-  
 lei ictibus, vix ultra crassitiem capitis a-  
 ciculæ excutit, cum tempore tamen,  
 continuando laborem, intentum perfici-  
 cit. Si bene utaris inspirationibus divi-  
 nis, & occasionibus tibi ad exercitium  
 virtutum concessis; verbigratia: mane  
 exercendo actum devotionis, te privan-  
 do, & abstinendo ab aliquo delicato fer-  
 culo, actum mortificationis eliciendo, post  
 prandium actum patientiæ practican-  
 do, perseverantia talis in hora mortis tuæ  
 inæstimabilibus te cumulabit meritis.

*Mediatrix ad primum.* Quæ non  
 aguntur, & attentantur in mundo, ad  
 obtinendam exiguam aliquam recom-  
 pensationem incertam, vilè temporalem?  
 In domibus Magnatum, in Exerciti-  
 bus, in Curiis ex tribus vitæ partibus,  
 duæ impenduntur servitio spe evade-  
 endi in magnū reliqua tertia: Et ut ac-  
 quiramus magnitudinem, & divitias fi-  
 ne carentes, cur non serviemus Deo  
 perseveranter usque in finem? *Et illi*  
*quidem ut corruptibilem coronam accipi-*  
*ant, nos vero incorruptam.*

*Patientia soror,* ipsiusque individua  
 comes. Pro hac ad Agricola nos  
 ablegat S. Jacobus dicens. *Ecce agri-*  
*cola exspectat pretiosum fructum terre, pa-*  
*tienter ferens. patientes estote et vos.* *Jacob. 5.*  
 Colit terram, laborat, impinguat fimo, se-  
 mine inspergit, fructum tamen non vi-  
 det: immò sæpe advenit, quod in ipsa  
 messis vigilia, omnis spes ejus gran-  
 dine pereat: *sata lata, bonique la-*  
*bores.* Hinc tamen non despondet ani-  
 mum, patientiam non perdit, sed an-  
 no sequenti denuò incipit colere arua  
 sua, & tandem unius anni fecunditas  
 sterilitatem præcedentium recompen-  
 sat.



fat. In servitio Dei incommoditates sustines, fatigaris orando, jejunas, mortificas carnem, eleemosynas largiris decem, quindecim, viginti annis, & non advertis effectum, non percipis singularem fructum tantiseiminis; patientiam habere, persevera in bonis operibus, tandem una dies, supplebit totum; *Erit merces operis tui.*

*Constantia filia.* Spiritus isti volantes, & inconstantes, qui nunquam permanent, nec persistunt in proposito, qui centenos formant conceptus, & nec unicum deducunt in effectum; nunquam ad perfectionem perveniunt: Oportet vos agere vitam constantem, & regulatam, bonum agere æconomum temporis, & actionum vestrarum, non deficere nisi urgente aliqua inevitabili necessitate; tali hora surgam, mediam horam impendam orationi, tali hora interero Missæ sacrificio; & sic de reliquis: die lunæ adibo hospitale, die mortis talem agam pœnitentiam.

*Propugnaculum sanctitatis.* Si huic propugnaculo circumducas vallum, & firmus in eo consistas, sanctitatis certus eris. Posito quod per revelationem certificati essemus, quod omnes in Gasconia morientes salvi fiant, & neminem salvandum nisi inibi moriatur. quid faceremus? Ego sane inde non egrederer, & si panis mihi ostiatim mendicandus esset; & pestis faviret in quatuor partibus, & in medietullio; Et si quis mihi diceret, nisi egrediaris certo morieris: bene optime, si moriar, salvus ero. E contra, si per revelationem boni Angeli certificaremur omnes Parisiis morientes, damnari, & neminem dam-

nandum, nisi qui ibi moritur: Certe nunquam pedem eo ponerem, etsi certificarer me fore Regem Franciæ, & totius orbis Monarcham; & si modo ibidem esset, non expectarem crastinum ad egrediendum, nec fugam inde ad momentum differrem.

Plus satis ex verbo Dei assecurati sumus, quod morientes in statu gratiæ, salvi fiant; & quod nemo salvetur, qui in tali statu non decedit: si in hoc te reperias statu, & tibi vel minimum super sit sapientiæ granum, noli ab eo recedere, & si ruinam passurus sis honoris, bonorum, sanitatis & vitæ; sufficienter etiam assecurati sumus ex revelatione ipsiusmet Salvatoris, quod omnes in statu peccati morientes, sint damnati; & quod nemo damnetur, quam illi, qui in hoc moriuntur statu: Si tibi bene provisum velis, nunquam hunc ingrediaris, & si casu infortunato te in illo reperias, quamprimum retrahere pedem, statim ad confessionem propera; & recuperata Dei gratia, in illa te conserva usque ad mortem; reminiscendo quod perseverantia: *æternitati hominem reddat.* Hæc enim est suburbium beatitudinis, Anticamara cœli, Pronaum Paradisi, Ostium beatæ æternitatis; Cæteræ quidem virtutes nos ad illam conducunt, hæc nobis introitum parat.

## CONCLUSIO

### *Fit per recapitulationem.*

**L**iceat ergo mihi dicere animabus Christianis, quod magnus Prophetæ Nathan, magnæ dicebat Reginæ Bethsabæ: *Salva anima tua.* Nam nihil illa notilius, aut pretiosius possides. Primarius quidam antiquitatis victor

3. Reg. 1.



pictor imaginem Adonidis, summa arte & industria delineaverit, ut reputetur Canon artis manus ipsius; intelligens autem ignem corripuisse domum ipsius, clamabat per plateas: *salvate mihi Adonidem.* Anima tua, imago est Dei, optimè delineata, Canon operis omnipotentiae ipsius, compendiosa tabella omnium creaturarum ipsius; salva illam. Si processus aliquis tuae insinuetur familiae, noli peiorare; si tibi praesententur munera, ut committas injustitiam, vel adulterium, noli acceptare; si offeratur tibi beneficium, cavene ad obtinendum simoniam committas. *Quid enim prodest homini si universum mundum lucretur, anima vero sua detrimentum patiatur.*

Salva animam tuam: praclarum sane negotium, negotium summi ponderis, negotium negotiorum; reliqua negotia in comparatione hujus, non sunt nisi lusus puerorum, & nugae nugarum; non serviunt nisi ad spatium temporis, hoc pro aeternitate, reliqua sunt pro tuis haeredibus, hoc pro teipso; Illa sunt utilia, haec necessaria, illa accessoria, hoc principale: licet tibi curae non sint negotia mundi, multi erunt, quibus cordi erunt, si vero tu non cures salutem animae tuae, nemo sane pro te curabit; Cura ergo, & operare illam promptè, serio, & perseveranter, & vide quantam diligentiam, vigilantiam, assiduitatem impendant mundani negotiis temporalibus.

Et quidem Piscatores, in captura Haiecum, & Asellorum; Rustici in messe, milites in bello, medici in morbis, quomodo non speculantur & animadvertunt tempus, opportunitatem, & Cri-

sin; quomodo festinent, angantur, & inquietentur ne bonam perdant occasionem.

Dum matrimonium inire, vel prolem vis in matrimonium elocare, haereditatem aliquam emere, bonam pecuniae summam ad bannum dare, quales non praemittuntur informationes & sedulae inquisitiones? Quales non requiriscutiones, praecutiones, & asscurationes? Dum gravi aliquo urgeris processu, quales non adhibes, consultationes, expensas, itinationes? totum distillas cerebrum, omnes imploras amicos, totam exhaustis crumenam, sero vigilas, mature surgis, ut perlustres chartas tuas, ut instituas referendarium tuum, ut demulceas Judicem.

Adhibe negotiis tuis, quantum vis diligentiam, nisi perseveraveris in finem, nihil efficies. Qui exercitu circumdedit urbem, si obsidionem solvat, pridie quando capienda erat: Qui in stadio currit, si duobus tantum passibus desistat a bravio: Qui domum construit, & tandem fabrum lignarum non applicat ut conficiat tectum, & tegatur structura: Quidnam quaeso omnes lucrantur, nisi derideantur, & de illis dicatur, quod bene ceperint, sed nihil perfecerint.

Perfice negotia spiritualia ad minus tanta sollicitudine, quanta perficis temporalia, age illa promptè, nec differas ad diem, horam, & momentum, non dicas, me convertam dum absolvero studia; desponsa vero illam filiam, viceromeum processum: tale opus bonum faciam anno sequente, proxima septimana, cras, vel perendie, fortassis enim



enim cras non amplius eris in vivis, eris infirmus, vel non habebis has bonas cogitationes, inclinationes, inspirationes, & commoditates faciendi hoc opus bonum; supervenient obstacula, & impedimenta, quæ modo absunt, & forte non eris in statu tali ut illa facias cum tanto merito.

Fac negotia illa serio, tanto affectu, Zelo, applicatione animi, ac si hæc sola peragenda haberes, ac si esset ultima actio, quæ tibi peragenda restaret, ac si ex hoc actu omnis tua dependeret fortuna; Nam primus actus, quem exercebis, si illum sanctè, & magnâ dispositione per feceris, forte De<sup>9</sup> in recôpensatione dabit tibi gratiam perficiendi alium sanctiorem, & post hunc alium, & sic consequenter: sicut e contra, si opus bonum malè peragamus, vel opus prorsus malum agamus, forte Deus se elongabit à nobis, subtrahet gratiam particularem, & hac privati, in majores prolabemur defectus, & paulatim excidemus. Si dehinc mors nos deprehendat in statu retrogrado, privatos amore, & gratia Dei, certè risui expositi erim<sup>9</sup> inimicorū, & pœnitebit nos videre omnes labores nostros, & merita præcedentia inutilia esse, & sine mercede. Unde bene monet S. Hieronymus. *Non quaruntur à Christianis bona initia, sed finis.* Et S. Paulus de seipso gloriatur: *Cursum consummavi, reposita, est mihi corona justitiæ.* Et S. Bernardus: *Non bona qui cepit, sed qui bene facit, & qui pertingit ad metam donatur honore Corona.* Et Filius Dei dixit. *Qui perseveraverit usque in finem salvus erit Amen.*

## SERMO QVINTVS.

*Pro Dominica infra octavam Nati-  
vitat.*

*Positus est in ruinam, & in  
Resurrectionem multorum Luca 2.*

## EXORDIUM.

**E** Andem rem sæpè uni prodesse, alteri nocere clarissimū est, sic cibus qui sanos confortat, ille aegros enecat, ita ex eodem flore apis mel, aranea venenum fugit, ita ex factis Christi plurimi sunt scanda pirati, & contra plurimi sunt ædificati, de quibus Paulus, *Aliis quidem odor vita in mortem, aliis autem odor vita in vitam.* Quod hodiernum Evangelium satis manifestè confirmat. Sed quænam est hujus rei causa? Breviter eam insinuabo. Ex eo quod videant peccatores, quod Christ<sup>9</sup> familiariter egerit cum peccatoribus, & misericors iis fuerit, sumunt ansam primam innocentiam deserendi, cum spe resurgendi, eo quod misericors sit, quod si attenderent quod non tantum peccatores absolvat, sed etiam condemnet ut inquit Simeon quod *positus est in ruinam, & resurrectionem multorum*, non ita faciliter peccarent, & primam innocentiam desererent; Ostendam ergo hodie plurimos Christianos esse satvos, & temerarios, qui primam innocentiam deserunt cū spe secundā obtinendi.

*Quis ascendet in montem Domini, aut quis stabit in loco sancto ejus? Innocens manibus, & mundo corde. Psal. 23.*

II. **V** Erum est omnes homines quotquot sunt in hac vita, in quocun-



que sint loco, cujuscunque sint status, aut conditionis sperare posse, quod operaturi sint suam salutem. Verum multum interest ut persvasi simus, duo tantum esse, quibus perveniatur ad tam serium & sanctum finem, Innocentiam nimirum, & Pœnitentiam. Innocentia est via illorum, qui in infantia recepto baptismo, conservant gratiam baptismalem, usque ad ultimum vitæ momentum. Pœnitentia est via illorum, qui tam male informati fuerunt, ut peccatum mortale commiserint, vel ante, vel post baptismum susceptum.

Agedum, itaque demonstrabo vobis hodie, gratiâ Dei favente, magnam esse facilitatem, & horribilem temeritatem, primam deferere viam, spe intrandi secundam, prout plurimi faciunt Christiani. Divina providentia pro duobus hisce statibus duo rara, & admiranda subministravit prototypa, duas incomparabiles Marias: Animæ pœnitentes tanquam in imaginem, & exemplum contueantur Sanctam Mariam Magdalenam, Animæ innocentes oculos conjiciant in te, teque sumant Idem, O sacra Virgo Maria, ita illis consulit S. Ambrosius: Sit nobis, inquit, tanquam in imagine descripta virginitas, vitæque beata Maria, de qua sumatis exempla vivendi. Ad te O Virgo propriè diriguntur verba hæc Sponsi; *Tota pulchra es, & macula non est in te.* Nunquam enim in te vel minima reperta fuit macula, nec mortalis, nec venialis, nec originalis: semper enim fuisti tota pulchra, pura, innocens, gratiosa hanc enim tibi qualitatem dedit An-

gelus dum te his salutaret verbis: AVE MARIA.

# IDEA SERMONIS

*Innocentia est securior via ad salutem.*

**E**xordium; Conditio innocentis est primo honorabilior, secundo Jucundior, tertia securior, quam pœnitentis.

II. Doctores Theologi, qui pondere sanctuarii omnium virtutum ponderant merita, controvertunt, quamnam anima è duabus plus obligetur Deo, an illa quæ usque ad finem vitæ conservavit gratiam, in baptismo sibi collatam; an vero illa quæ post baptismum in peccatum mortale incidit, sed per veram, perfectam & legitimam pœnitentiam resurrexit: Veruntamen non disputant quamnam harum animarum felicior, & melioris sit conditionis.

## PRVNCTVM PRIMVM

*Probatur argumentis ex parte Dei quam stultum sit perdere innocentiam, quia fortè non recuperabitur primo scriptura, secundo patribus, tertio ratione, quarto exemplis, quinto responsione ad objectiones.*

**III**Nam extra dubiū est Innocentiam statū esse multo honorabiliorem, delectabiliorem, & securiorem, quam Pœnitentiam. Imprimis honorabiliorem: Annon honor est maximus, & inestimabilis gloria, Creature fragili, semper mansisse fidelem Deo suo? Nunquam erga ipsum falsificasse



suam obligationem? semper firmam, & constantem permanisse ne consentiret peccato, non obstantibus suggestionibus Diaboli, tentationibus Mundi, illicitamentis Carnis, cum quibus tota pugnandum fuit vita?

Infortunata Carthaginis Regina, movere volens Aneam ne se defereret, illi apud Poetam declarat se complicem conjurationis non fuisse, quam Græci, & illorum consortes inierant in Civitate Aulide, ad destruendam Troiam.

Non ego cum Danaji Troianam excidere gentem

Aulide juravi, classemve ad Pergama mihi.

Anima quæ nunquam peccatum commisit mortale, magnam erga Deum habere potest confidentiam, sperare potest quod illam nunquam deferet; omni humilitate ipsam convenire potest hisce verbis: Nunquam metibi opus fuit, nunquam me iunxi parti illorum, qui tibi indixerunt bellum, & se rebelles ostenderunt tuæ majestati. Hæc felicitas tanti est momenti, ut David illam in frontispicium ponat suorum psalmorum, tanquam primam, & maximam felicitatem. In psalmo 33, felicem illum æstimat qui sperat in Deo: Et alibi eum qui instructus est, & edoctus à Deo. *Beatus homo quem tu erudieris Domine*: sed præ omnibus, & ante omnia felicem illum deprædicat, qui nunquam parti peccatorum adhæsit: *Beatus vir qui non abiit in consilio impiorum, & in via peccatorum non stetit.*

*Psalm. 1.*

Annon summum est delectamentum, & subiectum maximæ consolationis, in veritate dicere posse sicut dicebat Job. *Non reprehendit me cor meum in*

*omni vita mea.* Et cum S. Paulo: *Nihil mihi conscius sum.* Et cum Davide ante commissum peccatum: *Perambulabam in innocentia cordis mei, in medio domus mea.* In quem locum S. Augustinus. *Perambulabat quis delectabiliter in horto, ubi viæ sunt munda, in quibus non sit lutum, lapides, spinæ. In aula scõpis bene mundata, in qua nihil sit quod nostros offendat sensus, non malus odor, nullus tumultus, nulli clamores, nullæ displicentes picturæ.*

Quando Deum offendisti perverba tua vita, quamcunque egeris pœnitentiâ, difficile tibi erit ingredi cor tuum, & bene disponere rem tuam. Ipsa criminis recordatio, malum tibi parit odorem, propria tua imaginatio, picturas, & ideastibi representat ingratas; conscientia tumultum excitat, & clamores per invectivas, spinæ synderesis te incessanter pungunt, & inquietant.

Anima vero, quæ sibi peccati nullius conscia est, libenter seipsam ingreditur, perambulat cor suum, tanquam cœnaculum affabrè Stratum; *Perambulabam in innocentia cordis mei.* Nihil illam impedit, præterita non præbent remorsum, præsentia non displicent, futura non angunt; Non est sicut anima pœnitens, quæ semper est in inquietudine, in dubio, & perplexitate, an ipsius pœnitentia fuerit legitima; in timore, & anxietate recidivæ, & perditionis, & non sine ratione. Nam ostendam vobis, quod qui tam est fatuus, ut suam perdat innocentiam, & prostituat gratiam Dei, consentiendo peccato mortali, maximum incurrat periculum salutis, & occasione se exponat labendi de peccato in

*Iob. 27.*

*1. Corr. 4.  
Psalm. 100.*



in peccatum, & consequenter in ruinam & perditionem se præcipitandi.

III. Si adhuc sis in statu innocentia audi monitum Regij Prophetæ: *Custodi innocentiam, & vide equitatem.* Summo perè cavendum ne offendas Deum, in hunc finem recordare illum esse justum, & quod ex justitia obligetur punire peccatores favorem exhibere, & salvare justos. *Injusti disperibunt, salus autem, justorum a Domino.*

Cave ne dicas, cum tentatio titillaverit cor tuum gustabo dulcedinem voluptatis, ut desiderio meo satisfaciam, & sciam bonum, & malum, dum satisfecero delectationi meæ, & passionem contentaverò, dolebo, ibo ad confessionem, & agam pœnitentiam. Ages pœnitentiam? Forte hoc posset aliquo modo transire, si illam agere à te solo penderet, si illam ex te ipso facere posses; verum in Evangelio dicit filius Dei: *Sine me nihil potestis facere.* Non dicit nihil facietis: sed nihil potestis facere; Non dicit sine me non potestis facere miracula, opera miranda, domare vestras passiones, resistere, fortibus tentationibus, practicare heroicas, & perfectas virtutes, sed nihil potestis facere, nihil omnino, ex omni impossibilitate vobis est impossibile. Ergo nec pœnitentiam facere potestis, nisi Deus vobis dederit illam facere, contritionem, & pœnitentiam habere non potestis, nisi Deus illam dederit: donum hoc effectus est ipsius benevolentia, vos autem per peccata ipsius provocatis vindictam: effectus est ipsius bonitatis, & vos irritatis ipsius veritatem: donum est ipsius misericordia, & vos accenditis ipsius cholera. Effectus ordinarius ipsius cholera est deserere animam peccatrici

cem, tradere illam tyrannidi effrenatarum suarum passionum permittere ut labatur de peccato in peccatum, de præcipitio in præcipitium.

IV. Dicebat illi olim populus Israeliticus: *Iratus es peccavimus & facti sumus ut immundus omnes nos.* Et ipsemet in Deuteronomio: *Mea est ultio, & ego retribuem ut labatur peseorum.* Terribilius apud Ezechielem: *Si conversus fuerit justus à justitia sua, & fecerit iniquitatem, ponam offendiculum coram eo, Propheta Regius his concinit dicens, Pluit super peccatores laqueos.* Hoc est dicere, quod laquei desursum venientes, dirigendi sunt contra peccatores ex permissione, & punitione Dei. S. Augustinus commentando in locum illum Davidis, dicit: *Si nubes generaliter Propheta intelliguntur, sive boni, sive mali, sic ordinantur Pseudopropheta à Domino, ut de his laqueos super peccatores pluat, non enim quisquam in sectandos incidit, nisi peccator.* Seductus nimirum per illorum mendacia. Offenditis Deum per usuras, oppressiones pauperum, processus injustos, permittit Deus vos incidere in Confessarium laxum, adulatorum, nimis indulgentem, proprium interesse nimirum sectantem; qui vobis nihil dicit, nec remonstrat criminum gravitatem, silentium ipsius offendiculum, & laqueus vobis est, ut eo audaciores in pristina recidatis crimina.

V. David de Deo loquens aiebat. *Antefaciem ejus quis sustinebit?* ubi S. Augustinus. *Antefaciem ejus quis subsistet.* addens: *Cujus? Dei? unde est ejus frigus? ecce deserit peccatorem, ecce non vocat, ecce non aperit sensum, ecce non infundit gratiam:* potentem nimirum & efficacem, ut se relevet à sua miseria, gratiam



gratiam nimirum gratuitam, & paucis exhibitam. Frigidus nos erga quempiam ostendimus, dum illum non prout solebamus diligimus, & bene volumus, & nos ab eo elongamus, & aversionem erga illum concepimus. Deus à peccatore non solum aversionem habet, sed insuper horrorem, & abominationem, odium, & inimicitiam; merito se igitur frigidum erga illum ostender. Et quodnam hoc frigus, nisi quod supra retulit S. Augustinus?

Psal. 79.

Et ratio hujus est, quia ut Deus te convertat, & tuā recidivā impediāt, magno illi opus est conamine & labore, opus est ut suam adhibeat potentiam, & quidem dupliciter. David suam ab eo postulans conversionem orabat: *Domine Deus virtutum converte nos*. Non dicit Deus virtutis, sed virtutum: Oportet enim illum suam exercere potentiam, sive virtutem, in te, & quod majus est, in semetipso; in te, ut liberum tuum superet arbitrium, domare possit rebellionem perversæ tuæ voluntatis; in semetipso, nam justitia ipsius, quæ idem est cum illius essentia, postulat ut puniaris, & deferaris in tuā miseria, hic opus est ut misericordia vincat justitiam, illam superet, supplanter, supprimat. qualitercunque tandem, *Misericordia superexaltat judicium*, inquit S. Jacobus. In Græco est: *Gloriatur misericordia adversus judicium*. Ut autem hoc fiat, opus est ut Deus pugnet contra semetipsum, superet semetipsum, triumphet de semetipso. Hinc dicit Ecclesia: *Quæ te vicit clementia. Ipsa te cogat pietas. Deus qui omnipotentiam tuam, parcendo maxime, & miserando manifestas*.

VI. Sancti Chrysostomus, & Basil. Chrys. hom. 31. ad Heb. Basil. hom. 11. de humilitate. lius, aliique Patres loquentes de peccato S. Petri, qui tam ignaviter & turpiter suum abnegaverat Dominum, dicunt quod illum deseruerit Salvator usque ad illud punctum, suæ permiserit imbecillitati, & permiserit ut succumberet ad vocem vilis ancillulæ, in punitionem suæ temeritatis, nam nimum de seipso præsumens dixerat, quod quamvis omnes eum essent deserturi, se nunquam tergiversurum, imò paratum esse mori cum illo. Peccatum mortale graviorem meretur poenam, quam veniale, antequam merito timeas, quod in punitionem unius peccati mortalis commissi sinat te cadere in aliud, & in poenam secundi in tertium, quartum, quintum, cum scriptura dicat, quod peccata ad instar catenæ innoxia sint, & se invicem sequantur? *Si qui- tates manus vestra concinnant*. Excepto S. Petro, videmus omnes, aut saltem ferè omnes, qui in peccatum mortale prolapsi sunt, non fuisse contentos semel cecidisse, sed perseveraverint, & alia graviora commisisse crimina? Sicut fecerunt Cain, Saul, Pharo, Achab.

Psal.

VII. Verum enim hoc quidem dicetis mihi, sed gratia Dei omnipotens est, nemo est tam excæcatus, quem nequeat illuminare; non sunt tenebræ tam crassæ, quas non possit dissipare; Non est glacies tam dura, quam non liquefaciat & dissolvat, Cor tam obstinatum, quod non emolliat, voluntas tam rebellis, quam non vincat, & domet, Verum hoc quidem est, Deus victricem hanc gratiam nulli promisit peccatori in particulari, nullam debet, & pluribus illam denegat.

Sed



Sed nunquid non dixit Salvator, quod neminem ad se venientem rejicere velit? Sed etiam adjunxit: *Nemo venit ad me, nisi Pater meus Caelstis traxerit eum.* Sed replicas: S. Augustinus dicit: Si non es attractus, roga Deum ut te attrahat. Et Filius Dei hanc nobis facit promissionem. *Petite, & accipietis. Quidquid petieritis Patrem in nomine meo, dabit vobis.* Sic est, Omne quod petitis, prout petere oportet, & prout Deus vult, ut petatis, alias non obtinebitis. Nam S. Jacobus dicit: *Petitis, & non accipitis, eo quod male petatis.* Et S. Augustinus: *Dat omnibus affluenter, his utique, qui si petunt, & tantum petunt quomodo, & quantum res tanta petenda est.* Et devotus ille Thomas à Kempis. Quid promeruit homo, ut dares illi gratiam tuam Domine, quid possum conqueri si me deferis, aut quid justè obtinere possum, si, quod peto, non feceris?

Salomon asserit, & fatetur, quod nemo castus esse possit, nisi Deus illi conferat donum continentiae, hoc donum à Deo petit, non taliter qualiter, non languidè, & perfunctoriè, & medio corde, sed ex totis precordiis. Et nihilosecius, quod stuporem mereatur, non obtinuit, sed in annis senilibus totus factus est voluptuosus, & carnalis, quia non postulavit illud debita humilitate, confidentia, & perseverantia, quam Deus in illo requirebat. Sicut cum scriptura dicit: quod qui invocaverit nomen Domini salvus erit, non intelligitur, quod omnes qui taliter qualiter invocant nomen Do-

mini salvandi sint: sed qui illud invocant cum fide, pietate, devotione & puritate conscientiae, quam Deus desiderat.

Agedum, dicis orare non potes, nisi Deus tibi aperiat os. Domine labia mea aperies, rogabat David. Nihil postulare potest in nomine Salvatoris nisi Spiritus Sanctus in te oret. *Nemo potest dicere Dominus Jesus, nisi in Spiritu Sancto.* Immo non potes habere voluntatem, nec velle orare, nisi Deus per misericordiam suam tibi donaverit: Nam: *Operatur in nobis & velle, & perficere, pro bona voluntate.* Nec bonam habere potes cogitationem, nisi ille tibi illam instillaverit, *Non quod sufficiens simus cogitare aliquid à nobis, tanquam ex nobis.* Nec in ullo scripturae loco promissit hunc praestare favorem illi, qui majestatem ipsius in finitum non horret offendere. Praestat quidem illam quibusdam, ut suam exerceat misericordiam, pluribus autem denegat, ut suam exerceat justitiam.

PRINCIPULUM SECUNDUM.

Idem ostenditur ex parte Daemonis Primò scriptura, secundo Patribus: tertio Comparationibus, quarto Ratione.

VIII. Dum malignus Spiritus vos tentat, occultat vobis illius justitiam, & non ostendit nisi suam misericordiam, persuadet tibi, quod postquam gustaveris dulcedinem voluptatis, ut appetitui satisfacias, postquam hoc vel illud bonum acquisieris, pro-

Psal. 50.

1. Cor. 12.

Philip. 2.

2. Cor. 3.

Jacob. 5.  
Aug. de  
natu. &  
grat. tract.  
17. Lib. 3.  
de imit.  
cap. 4.

Sap. 8.



cessum istum injustum, viceris, te sis conversurus; Anne adhuc tam simplex es ut ipsius titillationibus & illicitamentis credas?

Ecel. 12.

Non audis Spiritum Sanctum, qui te monet per os sapientis. *Non credas inimico tuo in eternum.* Præsertim tali inimico, qui mendax est, & pater mendacii. Dolosè te vult attrahere, ut te in suam perducatur pedicam; dum semel captus fueris, tam faciliè non egredieris, quam tibi promittis, opprimeris sub dominatione hujus tyranni, sicut S. Augustinus ante suum baptismum, qui de seipso dicit: *Velle meum tenebat inimicus, & inde mihi catenam fecerat, & constrinxerat me.* Idem Sanctus Pater dicit alibi. Quod Diabolus bene possit nos allatrare, & sollicitate ad peccatum, mordere autem nequeat contra nostram voluntatem.

1. 8. Cor. cap. 5.

IX. Dicit itaque S. Augustinus quod captivam tenverit ipsius voluntatem: Nam quamdiu es in statu gratiæ, Sathan nihil contra te potest, non plus quam canis catenæ innexus, latrare potest, contra nisi potest, fremere dentibus potest, & ardere desiderio te devorandi, nocere tamen non potest. Quamprimum peccato consensum præbueris, solutus es contra te, jam in faucibus suis, & sub pedibus habet te; Nam prout ait S. Petrus, & ipsa docet experientia: *A quo quis superatus est, ejus servus efficitur.* Propriè non est nisi voluntas quæ vincitur per peccatum, antequam enim consentis Diabolo, turbare quidem potest imaginationem tuam, commovere humores, alterare corpus, sed imperium nullum habet

2. Pet. 1.

in voluntatem tuam, nec per ullam activitatem, aut influentiam illam cogere. Quam primum autem consentis, jam est superata, supplantata, subjugata, & jugo illigata, non est tam libera sicut fuit, captiva est, mancipata est, & serva illius, qui illam vicit. *A quo captivus tenetur ad ipsius voluntatem.*

2. Tim. 2.

Applicemus Sanctuario divitias Ægypti, & conceptus Aristotelis lumini Evangelico. Filius Dei de maligno agens Spiritu, qui per consensum in peccatum intravit animam, comparat illum generali exercitus, qui fortalitium aliquod occupavit, & illud in potestate sua tenet manu, & brachio forti: *Cum fortis armatus custodit atrium suum, in pace sunt omnia quæ possidet.* Magister philosophiæ profanæ, ut persuadeat populo alicui, ne unquam admittat dominationem principis extranei, qualiacunque adhibeat speciosa promissa, exemplo, & similitudine utitur familiari, & materiam mihi subministrat duarum comparationum satis appositarum, & ad propositum servientium.

X. Adverte ait, quid faciat Eques conscendere volens Equum ferocem, indomitum, & duri oris, diligenter illum curat, fœnum administrat pleno strigili, & avenam pleno præsepio, adaequat sibilando, striger, manu delinit, & demulcet: hisce beneficiis, si vincatur, frænum ori ejus injicitur, Camus naso, sella, sive jephippium dorso imponitur, & pera magna crepidini dorsi, Eques illum conscendit, regit, increpat, circumagat ad dextram, & sinistram, per montes, & valles, jam ipsius intercidit gressum, jam succussare,



fare, jam laxato freno currere cogit, laborare cogit, fatigat, grossas sudare facit guttas, unico verbo, facit de illo quicquid sibi placet.

Eodem modo, inquit Aristoteles, dum extraneus vos ad rebellionem sollicitat contra legitimum principem vestrum, si tam sitis imprudentes ut cum illo contrahatis, splendida vobis promittet ad oculum, omnes articulos illi propositos confirmabit; sanguine suo, si necesse sit, subsignabit; libertatem religionis vestrae stipulabit, privilegia vestra vobis integra conservabit, immunitates vestras nec in minimo laeder; vivere vos sinet secundum antiquas & receptas patriae leges, & consuetudines; nulla à vobis, nec in pace, nec in bello exigit subsidia: Civitatem tandem ingressus, validum imponet praesidium, ex armabit cives, fortiozem se illis faciet, praeclara promissa faller, tributa, super tributa imponet; nullas audiet quærelas; dicet se Dominum esse, ipsi esse præcipere, & vestrum obedire; ipsius non esse recipere leges, sed dare; & sic loco Principis naturalis, & Patrie patriæ, tyrannum habetis qui vos opprimit, spoliat, & miseros reddit.

Hoc ipsum est in meo proposito, dum spiritus malignus obsidet fortalium cordis vestri, mille vos distrahit fraudibus, mille persuadet falsitates, credere vos faciet, quod non nisi semel aut bis consentietis illi peccato, ut vestrum vincatis processum, ad obtinendum tale beneficium, ut complacitis alicui magnati, cujus gratia, & auctoritas vobis est necessaria, & impo-sterum de hoc poenitentiam concipietis, ad confessionem accedatis, indulgentias lucrabimini, sacro rosario nomen

dabitis, scapulare assumetis, Religionem intrabitis. Ingressus demum per compositionem, vestrum consensum, dominum se reddit loci, spoliat animam armis spiritualibus, gratiam vobis aufert Dei, & dona Spiritus Sancti, bona proposita evanescere faciet, & Sanctas consuetudines, avertit ab audiendis concionibus, impedit confessiones, aut si illas accedatis, fiet sine vera contritione, & cum dissimulatione peccatorum. Abstrahet vos à consueti devotione, & operibus misericordiae, sub prætextu, quod meritoria non sint, eo quod sitis in malo statu, relabi vos faciet in peccata, non solum ejusdem generis, & specie cum primis, sed & in alia graviora, enormiora, & numerosiora.

XI. Ratio penè clara est: Nam docent nos Sancti Patres, quod Dæmones exercitia, & officia sua, inter se habeant distributa: Unus nos tentat in hoc, alius in alio vitio: Lucifer cum suis angelis nos tentat in vitio superbiae, & ambitionis; Asmodeus cum sua turma, in peccato Luxuriæ. Quamprimum consensum præbuit alicui peccato, Dominio subjectus es, & tyrannidi illius Dæmonis, qui huic vitio præpositus est, ac omnem adhibet conatum ut te in illud toties relabi faciat, quam ipsi possibile erit, primo ut honorè acquirat præ consodalibus, & applausum Luciferi, tanquam qui operi suo graviter incubuerit: prout hoc probat S. Gregorius per historiam sui ævi. Secundo, quo plura te faciet committere peccata, eo putat se majorem Deo inferre contumaciam, & infamiam, quo magis te à Deo elongat, quo fortius te decipulis suis involuit, & conversionem tuam difficillem

lib. 3, Dialogo,  
cap. 7.



lem reddit. Audi qualiter David ipsius describat hostilitates, & progressum suorum conceptuum.

*Persequatur*, inquit, *inimicus animam meam, & comprehendat, & conculcet in terra vitam meam, & gloriam meam in pulverem deducat.* En progressum Dæmonis ut te perdat, en processum, & scopum, En deplorandum finem illorum, qui ipsius consentiunt artificiis, ipsius cedunt tentationibus. *Persequatur.* Persequitur te omnibus viribus, bellum tibi movet, & igne, & sanguine: interius, & exterius, per se, & suos ad ministros per illicitamenta tuæ carnis, per suggestionem mundi, per timorem, & blandimenta, vi, & artificio, sitam sis imprudens ut ei consentias. *Comprehendat*, manum collo in iiciet, apprehendet, & terræ allidet, de hinc pedem gutturi imponet, impedit ne resurgas, in malo statu perseverare facit. *Conculcet in terra vitam meam.* Et si quandoque resurgas, si suis temporibus ad confessionem accedas, attamen relaberis, *Peccator adjiciet ad peccandum.* Nam gloria tua in pulverem deducta est, liberum nimirum arbitrium, in quo totus tuus consistit honor, quo à bestiis distingueris, & supra illa extolleris, est ad instar pulueris, lusus venti, leve, inconstans, mutabile: *tanquam pulvis ante faciem venti.*

Eccl. 3

PUNCTVM TERTIVM  
*Probatnr idem ex parte nostra  
 idque ex variis locis: Primo scri-  
 ptura, secundo Patribus, tertio  
 Ratione.*

Serm. 1. de

XII. **R** Epeto adhuc semel, licet ad confessionem accedas: Nam

prout dicit S. Bernardus, dum peccato consentimus, in lutum cadimus, & super acervum lapidum; deturpamur, & lædimur; anima nostra tota est sordida, tota contrita; per pœnitentiam perfectam lavamur, sed non tam subito sanamur; absolutio tollit maculas, sed non sanat vulnera, semper funestus remanet effectus, corruptio nimirum naturæ, malæ species in imaginatione, debilitas in voluntate, tarditas ad bonum, inclinatio ad malum, rebellio sensualitatis; omnia hæc te infestant, te movent, & magnam tribuunt dispositionem ad relapsum.

Cœna Do-  
 mini 3

XIII. Quapropter cum peccatum committis, in te metipso collocas inimicum, tyrannum, tentatorem, millies periculosiorem, assiduiorem, importunior, quam sint omnes inferni Dæmones, nimirum concupiscentiam personalem. S. Thomas nobis hujus conceptus præbet subjectum, & occasio- nem. Nam tractans de sequela peccati, monet ut advertamus peccatum actuale, in quolibet nostrum quasi eosdem producere effectus, quos peccatum primi hominis produxit in tota natura humana.

1. 2. q. 86.  
 art. 3.

Ex quo concludendū est, in nobis duplicis generis esse posse concupiscentiam, originalem, & personalem: Originalis fructus est, siue partus peccati originalis, communis omnibus hominibus, solo homine Deo, ejusque sanctissima Matre exceptis: titio est, & illicitum peccati, quo incessanter tentamur, nec extinguitur nisi in morte, non enim suffocatur in baptismo, nec exorcismis expellitur. Concupiscentia personalis in quolibet nostrum est, quam-  
 primum

P



primum consensimus peccato mortali, est continuus pruritus inclinatio, & propensio, quæ nos in nova ducit peccata. Et sicut concupiscentia originalis non extinguitur per baptismum, sic nec personalis deletur per absolutiorem. Diabolus fugari potest per signum S. Crucis, vel aquam benedictam: *Aut fugi, aut fugari potest.* Sed neutrum horum nos tutos reddit à funesta hac concupiscentia. Incursum maligni Spiritus saepe evitare possumus, secedendo ad Ecclesiam ad præsentiam venerabilis Sacramenti: sed maledicta hæc concupiscentia nos sequitur ubique, prosequitur, sollicitat in omni loco, in agro, in civitate, in domo, in Ecclesia, in societate, in solitudine. Sathanas nos ad voluptates allicere non potest immediate, & per se ipsum, hæc concupiscentia vero illicitum est, fascinum, & amoris actualis, & continuus ad nova peccata.

## CONCLUSIO

*Primo Scriptura, secundo Rationibus tertio Comparationibus.*

Prov. 7. XIV. De vobis igitur, & vestra farina hominibus peccatoribus, loquitur Spiritus Sanctus in proverbiiis, dicens: *Sequitur illam (voluptatem scilicet) quasi bos ductus ad victimam, & nescit quod de periculo animæ ejus agitur.* Vos sequimini allecamenta carnis, tentationes Diaboli, & Mundi, sicut bos quem antiqui ducebant ad Altare ut immolaretur. Bos talis magna conducebatur

pompa, cum sono fistularum, & tympanorum, coronatus herbis, & floribus, & post omnem hunc apparatus, mactabatur.

Vos O peccatores peccata committitis audacter, gauderet, & alacriter, inde trophæa ducitis, & vos glorificatis, Videmini vobis Rex fabarum: & non advertitis quod agatur de vestra salute, periculum incurratis vestra æternitatis: Nā subitanea mors in pessimo hoc statu obrui potestis, quæ indies variis contingit accidentibus. Et si hæc vos non contingat, tamen ex his sordibus surgere non potestis, nisi Deus vos retrahat, ad quod cum non obligetur, magnum erit dubium, an vos extrahere velit. In tota sacra scriptura non reperitur quod alicui peccatori in particulari promiserit quod illum velit extrahere, in pluribus autem locis legitur minatus, quod velit deferere, punire, & perdere omnes criminosos.

Psal. 5.

Psalmo 5. dicit *Non permanebunt iniusti ante oculos tuos?* & paulo inferius. *Perdes omnes qui loquuntur mendacium.* Psalm. 36. *Peccatores peribunt.* Psalm. 72. *Qui se elongant à te peribunt.* Psalm. 144. *Omnes peccatores disperdet.* Cur ergo speras in promissum tibi nunquam à Deo factum, & non times minas toties repetitas? In summa; omnis confidentia tua non est nisi purum fortè. Si enim committas peccatum, fortè Deus, exercendo suam misericordiam te extrahet. Forte etiam, exercendo suam justitiam, te in illo sordescere permittet. quorum primum non magis potes sperare, quam secundum timere.

Dum es in statu peccati mortalis, nihil



in te habes quod mereatur misericordiam Dei, sed potius objectum potentissimum, quo provocetur ipse iustitia. Non repetiet nisi in semetipso motiva misericordiae; invenit autem & in semetipso, & in te motiva, & subiecta iustitiae. Ut exerceat contra te suam iustitiā, non habet multum quod agat, vel dicat, sed tantum ut à te recedat, & te deferat in tua miseria, Sed ut exerceat erga te suam misericordiam, magna op<sup>9</sup> est ut erga seipsum utatur violentia, oportet enim ut ipse misericordia supderet, & supplantet ipse iustitiam.

XV. Experientia clarum est, plures homines objectum esse iustitiae quam misericordiae Dei: Plures enim inveniuntur, qui relabantur in secundum, tertium, quartum, immò centesimum peccatum, quam qui resurgant post primum. Et si difficile tibi sit modo resistere tentationi, cum Deus adhuc tibi assistit, & Angeli auxiliantur, quomodo facies ab his desertus, & tibi soli relictus? Si non potes dum liber es, & tuæ potestatis, quomodo facies captivus existens, concatenatus? Si non possis resistere dum adhuc es protectus, & armatus gratia Dei, & donis Spiritus Sancti, quomodo facies totus nudus, & his spoliatus armis? Si nequeas adhuc consistens in pedibus, quomodo facies terræ allisus, & pedibus gutture calcato? Si non possis fortis, & sanus, quomodo poteris debilis, vulneratus, & languidus?

Si ergo te reperias in statu gratiae, Dic cum Job, & fac sicut ille: *Donec defi-*

*ficiam non recedam ab innocentia mea, & justificationem meam quam cœpi tenere, non deferam.* Ne deferas statum innocentiae, prætextu illum recuperandi per poenitentiam; melius est habere, quā venari: Facilius propugnatur obsessa Civitas, muris, & fortificationibus adhuc integris, quam repellere inimicum per muros disruptos intrantem. Præstat fugere obvium serpentem, quā ipse curare morsum, Non sordidare vestē sericam, quam maculatam lavare, & mundare: Conservare sanitatem per bonam dietam, & frugalem vitam, quam contracta infirmitate convalescere. Dicuntur Insulæ fortunatæ tam puri, & salubris esse aeris, quod nemo ibi moriatur: Est fictio Poetarum: Si enim verum esset, omnes eò se conferrent Reges, nec unquam egredierentur. Si tibi hæc obtingat felicitas in insulis fortunatis gratiæ Dei, si prudens sis, vide ne egrediaris: si ibi perseveres, securus es quod non morieris; vel si ad exiguum tempus moriaris, non erit ad mortem, sed ad vitam, ut immortalis effectus, semper regnes impassibilis, & beatus Amen.

#### SERMO SEXTVS.

Pro Dominica prima post Epiphaniam.

*Dolentes quærebaramus te.*

*Lucæ 2.*

#### EXORDIVM.

POSTquam serenissima cælorum Regina cum Sanctissimo Sponso, integro triduo suam cum dolore cordis circui-



circulerat, & filium suum in templo in medio Doctorum, tandem in hæc verba erumpit *Fili quid fecisti nobis sic? Pater tuus, & ego dolentes querebamus te.* Et sane iustus, & rationalis hic dolerat, neque enim melius dolere poterat virgo, quam quod filium suum amisisset; nullus enim est dolor melior, & utilior, immò magis necessarius, quam quod per peccatum Deum amiserimus. Interim pudor est quod magis doleamus ob iacturam temporalium, quam æternorum, & nos confundit Michas de quo vide caput decimū tertium Iudicum, ut autem incitemur ad dolorem eliciendum de Deo amisso, ostendam hac concione iis qui innocentia Statu deserto Deum amiserunt, poenitentiam, seu dolorem de peccato esse omninò necessarium.

*Poenitentiam agite: Matth. 3.*

I. **Q**uanvis omnis generis homines, ex omnibus mundi partibus ad coelum ire possint: Nihilofecius fatendum est, quod, sicut jam vidimus, eò perveniri non possit, nisi duabus viis, innocentia nimirum, & poenitentia: Heri ostendimus Innocentiam viam esse securiorem, hodie declarabo viam alteram absolutè necessariam esse iis, qui aberraverunt à prima. Verum est, non nisi animas, in via innocentia constitutas te in exemplum, & Ideam habere posse O Sanctissima virgo: verum qui inambulant viam poenitentia, te in Asylum habeant oportet. Prototypum, & exemplar peccatorum non es, sed eorum refugium, eorum Advocata, eorum mediatrix: imitari nequeunt tuam innocentiam, sed implorare debent tuam assistentiā, prout nos devotè facim⁹ te salutando. Ave Maria.

IDEA SERMONIS.

*Punctum unicum. Poenitentia necessitas probatur primo Scriptura secundo Patribus, tertio conciliis, quarta orationibus ex parte Dei. Et ex parte nostri, quinto Exemplis, sexto Responsione ad objectionem.*

II. **C**um sensualitas, & amor proprius, qui in nobis est, à peccato primi hominis, repugnantiam, & aversionem in nobis generet omnium, quæ nostris contrariantur sensibus, difficile hominibus persuaderi potest poenitentia necessitas, nisi convincantur probationibus tam potentibus, & irrefragabilibus, ut nihil habeant quod contradicant. Probabo igitur illam omnibus visis, quibus Catholica aliqua veritas probari potest. Nimirum per scripturam sacram, per Sanctos Patres, per concilia, per rationes Theologicas, per exempla Sanctorum, & per responsionem ad objectiones amoris proprii.

III. Ipse Filius Dei illam nobis declaravit verbis tam clavis, formalibus, & expressis, ut si vel minimam haberemus fidem, nihil super addendum esset. Apud S. Lucam, ut hanc veritatem altius inculcet Spiritui nostro, bis repetit. *Nisi poenitentiam habueritis, omnes simul peribitis.* Et. *Nisi poenitentiam egeritis, omnes similiter peribitis.* Non dicit, non eritis tam alti, & felices in gloria cœlesti, ibitis ad purgatorium; sed omnes peribitis, hoc est damnati eritis: sic loquebatur apud S. Joannem de Juda: *Nemo ex iis perivit nisi Filius perditionis.* In textu Græco, & Latino habetur quoad utrumque locum idem verbum, Injurius ergo est authoritati, & respectui, quem

Luc. 13.

Joan. 17.



quem hæc verba in nobis habere debent, alias hujus experere probationes.

Quid faceretis si vobis dicerem Carthusianum aliquem, aut Camaldulensem, qui hucusque triginta annis vixit in solitudine, in maxima sanctitate, cras è latebris suis egressum, ad hanc venturum urbem, hanc conscensurum Cathedram, ut vobis ex parte Dei, à quo expresse ad hoc missus est, prædicet verbum salutis? Nonne omnes turmatim accurreretis? Nonne attentissimè auscultaretis? Annon in praxin redigeretis quæ vobis annuntiat? Annon reprobum æstimaretis illum, qui ipsum sperneret? Quis unquam Carthusianus, aut Camaldulensis sanctior fuit Joanne Baptista, à Prophetis prædicto, miraculose concepto, in Ventre Matris sanctificato, qui triginta exegit annos in deserto, in maxima austeritate, & vitæ puritate? Expressum à Deo accipit mandatum, solitudinem deserat, ut nobis prædicet: *Factum est verbum Domini super Joannem in deserto.* Prædicandum autem non venit nisi: *Ad dandam scientiam salutis plebi ejus.* Procul dubio prædicatio hæc maximi est momenti, si unquam ulla: Quid ergo dicit in hac sua prædicatione? *Pœnitentiam agite.*

Luc. 3.

Luc. 1.

IV. Et ipse salvator non erubuit in prima sua prædicatione hunc ipsum proferre sermonem: Non timebat ne diceretur: Prædicator hic aliud non dicit, quam quod dicit Joannes Baptista: Et ne videretur quod pœnitentiam non prædicaverit, nisi ut præpararet populum, ad maxima quæ completurus erat mysteria; post completionem omnium horum mysteriorum, post Resurrectio-

nem, & ascensionem suam mandavit Apostolis prædicare pœnitentiam. S. Petrus ipsa die Pentecostes clamat: *Pœnitentiam agite.* S. Paulus in Areopage Athenientis dicebat: *Nunc annuntiat Deus hominibus ut omnes pœnitentiam agant.* Nota omnes. Et ne diceretur quod prædicaret hominibus necdum baptizatis, ut disponderentur ad Baptismum; idem filius Dei, in throno gloriæ suæ sedens, mandat Episcopo Ephesino, sicut & Sardicensibus, & Laodicensibus ut pœnitentiam agant, & nisi illam egerint, reprobari timeant: E contra per suos clamat Prophetas, quod si peccator pœnitentiam egerit resolutionem, & propositum mutare velit exercendi contra illum vindictam.

Hoc Doctori Angelico occasionem dedit, hanc maximam theologiam stabilendi: *Impossibile est peccatum actuale mortale sine pœnuitia remitti, loquendo de pœnitentia ut est virtus.* Peccatum mortale remitti potest, sine Eucharistia, sine absolutione, sine alio sacramento, dum tempus aliter non permittit: Nunquam tamen contingit, nec continget ut remittatur sine pœnitentia, sive actuali, sive virtuali: Pœnitentia non tali, quali; sed sincera, legitima, vera, & cordiali.

V. Nam præcellenter dixit Tertullianus: *Hoc pretio nobis Deus veniam addicere instituit, si ergo qui venditant, nummum prius, quo paciscuntur examinant, sic Deum credimus pœnitentia probationem, prius inire, tantam nobis mercem, vitam scilicet perennem, concessurum.* Si igitur tibi persuadeas, Deum tibi peccata tua condonaturum sine pœnitentia,

Apo. 2.

3. p. 19. 86.  
art. 2. in  
corp.

Tertull. de  
pœnit.

tanta



tanta est fatuitas, ac si ab aliquo mercatore pretiosas velles emere merces, absque eo quod vel minimum illi dares.

Tota Ecclesia in uno corpore in Concilio Tridentino congregata, dicit hanc necessitatem tam esse universalem, absolutam, & indispensabilem, ut omnes qui unquam peccatum mortale, sive in lege Naturæ, sive Mosaica, sive gratiæ, sive ante, sive post baptismum commiserunt, pœnitentia egeant, ut recuperent gratiam Dei, & iustificentur in præsentia. Verba Concilij sunt: *Fuit autem pœnitentia universis hominibus, qui se mortali aliquo peccato inquinassent, quovis tempore ad gratiam, & iustitiam assequendam necessaria, illis etiam qui baptismi sacramento ablui peti visent.*

Sess. 16. c.  
25.

VII. Rationes quas afferunt, & sanctum Concilium, & sacra scriptura, desumi possunt vel ex parte Dei, vel ex parte hominis. Si enim pœnitentiam non egeris, offendis Dei magnitudinem. Si tibi quisquam ignominiam intulerit, aut alias graviter injurius fuerit; si de hoc non doleat, se compareat, & transeat coram te nullam ostendens displicentiam, disobligat te in summo gradu, renovat, & novo veneno inficit infectum vulnus, eo quod ostendat quod te parvi faciat. Rei estis Criminis læsæ Majestatis, nec vobis cordi est: offendistis Regem Regum, qui semper vobis præsens est, & vos semper in ejus vermini præsentia, & in utramque dormitis aurem; Luditis, ridetis, comeditis, bibitis tanta alacritate, ac si nihil deliquissetis.

Quanta hæc insensibilitas? Quantus

contemptus magnitudinis Dei? Nero Imperator occidi fecit Senecam Philosophum, eo quod apud illū se disgratiatū, intelligeret, Senecam hoc flocci facere, & nihilo secius in domo deliciarum vitam agere volupem, & gaudiosam. Hoc ipsum Adrianus Imperator, eadem de causa facit Taciano. Sacra scriptura, jure merito taxat filios Jacob insensibilitatis, eo quod cum graviter offendissent Deum, denudando, & affligendo fratrem Joseph, statim assederint ad bibendum, & manducandum, ac si nihil mali egissent. Contemptus hic magnitudinis Dei, induratio hæc, qua illo offenso, pœnitentiam non agitis, plus inflammat ipsius iram, quam peccatum quo illum offendistis. Unde Chrysostomus ex Ecclesia Græca dicit: *Peccatum non dolere, magis Deum indignari facit, & irasci, quam peccare.* Et S. Cyprianus ex Ecclesia latina: *Ecce, inquit, peiora peccandi vulnera, ecce majora delicta, peccasse nec satisfacere, deliquisse, nec delicta deslere.* Imo Deus ipse conqueritur per Jeremiam: *Attendi, & auscultavi, nullus est qui agat pœnitentiam super peccato suo, dicens quid feci? Annon infelix quod sum offendis Deum?*

Hom. 40.  
ad

Cyp. de la.  
p. 15.

Jer. 3.

Psal. 54.

VII. Offenditis insuper justitiam Dei: Non enim timetis ipsius comminationes, non formidatis ipsius plagas: Nam ut ait Propheta Regius. *Non est illis commutatio, & non timeverunt Deum, Extendit manum suam in retribuendo.* Si homo bene armatus tibi diceret, discede hinc, alioquin te transfodiam gladio, vel ictu sclopeti perforabo caput tuum, tu e contra maneres fixus in eodem loco,



anne hoc esset risum illum facere? Ostendere quod illum parum timeas, & quod minas ipsius æstimes verba vana, & frivola? Dicit tibi iustitia Dei; recede à malo statu, in quo versaris, desere peccatum, age pœnitentiam, alias veniam contrate, vibrabo gladium vindictæ meæ in caput tuum criminale; & tu ad instar petre manes immobilis, perseveras in pessimo tuo statu, longè post tergum tuum omnes projicis cogitationes pœnitentiæ; ut placatum reddas iratum Deum; Annon hoc est ridere eum, ipsius spernere minas, & lædere iustitiam?

VIII. Lædis præterea ipsius immensitatem, nam in te conservas objectum, quod illum offendit, & illi infinitè displicet. Si tibi famulus tuus in cubiculo tuo reposuisset phialam sædido repletam fimo, & tu inde meritò offensus, ille tibi ridendo replicaret, si tibi hoc displicet, amplius non afferam; Nonne meritò illum objurgans diceres, non sufficit plures non afferre fordes; sed & allatas auferre debes, & veniam deprecari: Non est lutum in plateis Parisientibus, nec fimus in alveolis stabulorum, nec cloaca in hospitali tam foetens, & insupportabilis hominibus, quam abominandum sit peccatum coram Deo. Forte illud amplius non committes: Verum jam commisisti, nec pœnitentiā agis, fimum hunc foetidum in anima tua, quæ habitaculum est Dei, relinquis: si fimum, vel aliud quidpiam displicens, & nauseam generans sit in cubiculo tuo, tu illud semper ante oculos non habes, nam sæpius egrederis, & te absentas: Deus autem se ab aspectu tuorum peccatorum elonga-

re non potest, sed semper monstrum hoc horrendum, & abominabile ipsius obversatur oculis, & cogitur ex natura, & immensitate essentiæ suæ, semper commorari in anima tua, quæ de facto est in statu peccati, quāvis illud amplius non committeres; Verum nimis probabile est, quod nova committes, & præcedentibus enormiora, nisi pœnitentiā agas.

Hoc indicare voluit Propheta dicens: *Abissus abissum invocat*: Et S. Bernardus, *Dies dici eructat crimen, & nox nocti indicat malitiam*. Addit S. Gregorius: *Peccatum quod pœnitentiā citò non diluit, mox suo pondere ad aliud trahit*. Peccatum nos elongat à Deo, & facit ut Deus se elonget à nobis, & nos privet gratia sua particulari, obscurat intellectum, disordinat voluntatem, debilitat liberum arbitrium, inflammat concupiscentiam, propendere nos facit, & faciliat, & inclinat ad relapsum: Quis non videat, quod nisi promptè deleatur, te in nova protrusurum sit præcipitia, & si primum peccatum, adhuc solum, & sine assistentia tam funestos producat effectus: quanto magis, dum secundo, tertio, quarto, quinto associatum fuerit? Alium, præter te hujus stem non requiro; Anne verum non est, quod ex quo primum commisisti peccatum, voluptate illectus, & inescatus, in te expertus fueris, nescio quem pruritum, & quasi inevitabilem inclinationem, secunda vice illud committendi, & deinde tertia, & quarta?

IX. Et quamvis non relaberis cum semel lapsus sis, nisi pœnitentiā egeris, & semper es in statu, & habitudine peccati; volo dicere, duobus digitis ab



ab inferno, & in ipsa ripa damnationis; Nam inter te, & infernum nihil, nulum est medium, nisi exiguum filum vitæ tuæ, quod mille accidentibus intercedi potest. Prò quanta temeritas! Quadam die in præsentia magni alicuius Regis alicui nobili probrosè obiciebatur, quod ignavus esset, abjecti animi, & vitiosus. Rex vero prudenter replicabat, nescio quomodo hoc dicere possitis; ad me quod attinet, æstimo illum sat audacem, extremè, & quantum fieri potest audacem: & audaciam ejus tantam esse, ut declinet in temeritatem; immò, assero supremam esse audaciam, & temeritatem tam horrendam, ut vix possit similis imaginari, quod vitiosus cum sit, audeat se committere læsto, & securus dormire. Præclarè sanè princeps ille, Vtrique audiuntur mortes subitanæ; hi moriuntur apoplexia, illi balneando submerguntur, aut vadum transeuntes; alij occiduntur, nescio qualiter; & tu non times? Si aliud non esset periculum, quam quod pœnitentiam non agas, ex hoc solo defectu incurris periculum, & quidem maximum, certum, & inevitabile. Dicit Salvator noster Episcopo Sardicensi: Quod si pœnitentiam non agas, venturus ad illum sit instar furis, hoc est dicere, quod inopinatè velit illum aggredi, & ad suum pertrahere iudicium, cum minimè putaverit. Tibi autem dicit in Evangelio; *Qua hora non putatis filius hominis venire.*

X. Verum supponamus hoc non futurum, nec te morte subitanè periturum, sed victurum, quinquagin-

ta, sexaginta, imò octoginta annis, Annon vides quod pœnitentiam negligendo, defraudes te ipsum fructu meritorum omnium bonorum operum tuorum; involvas te necessitati dicendi in hora mortis tuæ: Per totam vitam laboravimus, & nihil coepimus. Dicit Aristoteles inter domesticos fures, perniciosorem non esse, quam qui furatur grana, quæ Paterfamilias destinaverat terræ in seminando; damnum enim hoc æstimari non debet secundum valorem illius, quod furatur, sed ex pretio messis inde provenituræ. Quandoque bona quædam facis opera, jejunas, eleemosynas erogaris, oras; quantum putas valet Messis inde colligenda? Nec ego, nec quisquam mortalium, nec Angelus de cælo illud dicere potest: Messis est infinita, reditus sunt non annui, sed continui; non perpetui, sed æterni; quodlibet horum bonorum operum tibi producat gaudium, delicias, honores, divitias, felicitates, ad centum, ducentos, decem mille, immò centum mille annos. Hinc nec Angeli, nec Archangeli, nec Seraphim, nec ipsa Virgo pretium hujus computare valent, pretium inquam recompensationis, quam quodlibet meretur bonum opus, immò nec Deus ipse illam numerare potest, cum sit infinita. Et tu omnem hanc perdis Messis, ingentem hunc recompensationum numerum, vivendo in statu peccati, & negligendo facere pœnitentiam. Perdit quod vivit, qui Deum non diligit, inquit S. Augustinus. Verum non solum perdis fructum, & merita vitæ tuæ, sed insuper implicas te infelicitati, & supplicio mortis, æternæ;

Nam



Nam omnino non sunt nisi duæ viæ ad evitanda n. damnationem, Innocentia, & pœnitentia: Innocentiam non habes, nam ut nosti, per tot commissa crimina illam amisisti: Quo te de venturum existimas nisi pœnitentiam egeris? An sapientior es ipso sapiente, qui composuit librum scripturæ sacræ: Ipse enim dicat: *Nisi pœnitentiam egerimus, incidemus in manus Domini.*

Esne securior de tua salute, quam S. Paulus, qui dicit ad Corinthios: Castigo, *grace*: Contundo corpus meum, & in servitutem redigo; ne aliis prædicans, ipse reprobus efficiat.

XI. Esne sanctior Episcopo Ephesorū, quem laudat in Apocalypsi Filius Dei, sed quia non nihil tepuerat à fervore charitatis, illi dicit: Pœnitentiam fac, alioquin movebo candelabrum tuum de loco suo.

Esne homo probioris notæ, quam S. Chrysostomus, qui dicebat suis Diocoesanis: Vos mihi non creditis, verum tamen est, magnam habeo causam dubitandi de mea salute, & timendi damnationem; cum enim obli-ger deplorare vestra peccata, & agere pœnitentiam: mihi non sufficit, nec tempus, ne lachrymæ, ad deslenda propria peccata.

Pœnitens illa Olimpias, vel ut melius dicam, filia Spiritualis magni illius sancti, tenaci memoria ipsius retinebat doctrinam: postquam enim in virginitate vixerat cum marito suo Nebri-  
dio Constantinopoli Præfecto, ut expiaret juventutis delicta, exigua quamvis, & levia, distributis in pauperes maximis, quibus affluebat divitiis, hospitalibus, & Ecclesiis per totū mun-

dum is structis, ditatis; pauperiores assumit vestes ipsis pauperibus, Matrem se constituit Orphanorum, refugium omnium afflictorum, continuo plorat, & vitam ducit ad stuporem austeram. Testatur hoc ipsum Palladius, & S. Chrysostomus in pulcherrimis epistolis ad hanc sanctam pro justitia in exilium actam datis: ubi illi consulit ut remittat paulisper ab austeritate pœnitentiæ, ob infirmitates, quibus continuo conflictabatur.

XII. Sanctior ne es S. Machario, tot Sanctorum Eremicolarum Patriarcha, cum quibus dum quadam vice esset in conferentia Spirituali; pro exordio sui discursus, assumebat Lachrymas, pro narratione, confirmatione, & conclusionem, non faciebat nisi callidas profundere lachrymas, Religiosis autem suis stupore attonitis: Ploremus, ploremus, inquit fratres, & amare ploremus in æternum. In eundem sensum S. Bernardus. *Quis dabit tibi Caput meo a-quam, & oculis fontem Lachrymarum, ut præveniam fletibus fletum, & stridorem dentium.* Tu certe devotior non eris hoc mellifluo sancto.

Necessarium ergo è duobus unum est: aut dicere magnos hos sanctos debilis fuisse Spiritus, quod terrore hoc panico, & puerili timore ita consternati, & iudicio destituri fuerint ad dignoscendam immensam Dei misericordiam, vel concedendum erit nos valde esse insensibiles, & omni carere apprehensione, Ubi homines tam judiciosi, sapientes, Sancti, & à Deo illuminati, tanto fuerunt percussi timore.

Sic perspectum habeo quia vos absterreat: nimirum; imaginamini vobis

Ser. 16. in  
Cant.



his pœnitentiam in facie austerâ, pallida, marcida, & mortificata, solum pœnitentiæ nomen vos conterret, quia sapit laborem, & pœnalitatem. Verum, ubi unquam vidistis, vel audivistis, quod post peccatum primi hominis, quispiam magnum aliquod obtinuerit bonum absque labore, & pœna? An exiguum æstimatis bonum liberari è captivitate Diaboli? De servitute peccati? De periculo damnationis? De furiis syndereſis? Restitui gratiâ Dei? Abolitionem obtinere, & remissionem omnium vestrarum criminum? Dignitatem filiorum Dei, & jus ad vitam æternam?

Verbum hoc Pœnitentia derivari pœna Verum est, sed tam magna non est, quam vos vobis imaginamini. Succursus divinæ gratiæ, unitio S. Spiritus, suavitas amoris Dei, assistentia lacratissimæ virginis & sanctorum, ipsa ejus assuetudo suave vobis, & facile reddent, quod in præſenti impossibile videtur.

CONCLUSIO.

*Per paraphrasin verborum Pauli act. 17. Nunc annunciat Deus, ut omnes pœnitentiam agant.*

XIII. **A**udite Præconem Cœli, & obsequimini ipsius monitis: S. Paulus est, qui loquitur in Actibus Apostolorum. Et nunc Deus annunciat hominibus ut omnes faciant pœnitentiam, eo quod constituit diem in quo judicaturus est mundum. Ponderemus omnia hæc verba.

*Deus annunciat.* Ille qui offensus, & læsus est, infinities major est vobis, vestri non indiget, sed vos illo extremè indi-

getis, vos illum omni submissione requirere deberetis quod negligitis, ille autem vos prævenit, vestram quærit amicitiam, incitat ad reconciliationem: O stupendam bonitatem!

*Hominibus.* Non Dæmonibus, O si hanc gratiam præstitisset malignis illis, & infelicibus spiritibus! Si illi in vitam rentur ad pœnitentiam! Si vel momentum temporis, vel minimus motus gratiæ ad se convertendum illis concederetur; Quam bene impenderent! Vobis tot conceduntur momenta, horæ, dies, septimanæ, immò tot anni, tot homini motus, & inspirationes, tantum luminis, tantum gratiæ! Et illis abutimini?

*Hominibus.* Nam, Propter nos homines, & propter nostram salutem descendit de cœlis. Quod descenderit de cœlo, peragraverit terram, mortuus sit in Cruce, factum est ut nobis mereretur gratiam pœnitentiæ, & nos ad illam invitaret: Oportuit Christum pati, resurgere à mortuis, & predicari in nomine ejus pœnitentiam. Contemnitis inæstimabiles hos thesauros, divitias ipsius bonitatis, mysteria ipsius Incarnationis, vitæ, mortis, passionis, resurrectionis, quæ inutilia redditis vestra obstinatione; contemnitis divitias patientiæ ipsius, qua vestra dissimulat peccata, & tanto tempore vos expectat spe conversionis: spernitis thesauros ipsius misericordiæ, qua paratus est vos recipere, qua generalem vobis promittit amicitiam, qua extendit brachia sua ut vos recipiens amplectatur teneritudine, & favore maximo, & inæstimabili.

*Omnes.* Ne quidem unico excepto, quantumvis magnus sit peccator; quantumvis enormia, nigra, & multipli-



cia vestra sint crimina, ad pœnitentiam vos invitat.

*Pœnitentiam agant.* Si ergo sapitis pœnitentiam agite, nisi perire velitis: Concipite ex animo, cogitationes odij, horroris, & abominationis, peccatorum. Æstimate vos infelices, miseros, & imprudentes quod illa commiseritis, habetote de illis pœnitudinem, & displicentiam maximam, vivam, & penetrantem; credite omnem aliam quamcunq; ue infelicitatem vobis potius optandam, nimirum processus, hereditatis, reputationis amissionem, quam hujus commissionem, Voluntatem habete veram potius amittendi bona, honorem, proles, sanitatem, vitam, & omnia quam unicum deinceps committendi peccatum. Resolve satisfacere justitiæ divinæ, ipsi omnem possibilem reddendi honorem, loco inhonorationis ipsi factæ; practicandi quævis bona opera quæ potestis, ut illi complaceatis, loco displicentiæ illi illatæ; Patienter & cum gaudio acceptandi, omne id quod vobis continget contra vestram voluntatem, cum tanta patraveritis contra ipsius sanctam, & adorandam voluntatem; faciendi eleemosynas, preces, mortificationes, quæ poteritis secundum vestram conditionem; privandi vosmetipsos pluribus recreationibus, ludis, jocis, etiam innocentibus, quo sic de vobis ipsis pœnam sumatis de actionibus illicitis, & criminalibus hætenus commissis.

*Nunc.* Jam, jam in præsentī, absque ulteriori dilatione; Nunquam illam tam bene egistis, & fortassis nunquam tam bene ageris, quam modo agere potestis. Forte enim plus quam quinquaginta

Confessiones nullas, & invalidas in vita vestra fecistis, non habuistis dolorem supernaturalem, qualem à vobis requirit Deus, nec veram, & sinceram voluntatem emendationis, & evitandi peccati occasiones; forte reconciliati non fuistis inimicis vestris, bona aliena non restitulistis, conscientiam debite non examinastis; forte ex pudore, negligentia culpabili, ignorantia crassa, & criminali peccatum aliquod omisistis. Confessarium habuistis ignorantem, blandientem; & complacentem, vel carentem approbatione, & potestate.

Modo autem in hac missione Confessarios habetis doctos, expertos, Zelosos, & affectionatos vestræ salutis, qui potestatem habent absolvendi ab omnibus peccatis, qui vos non noverunt, nec unquam viderunt, qui sæpius majora peccata audiverunt, quam sint vestra. Conciones audietis, quæ vos familiariter instruent, docebunt veritates, quas nunquam bene apprehendistis, audite illas cum attentione; Antequam Prædicator cathedram conscendat, non confabulamini, sed Deum orate, ut vestra, & vestrorum corda tangat; gratias illi agite, quod hanc occasionē vobis miserit operandi vestram salutem, quam non dedit iis, qui annis præteritis mortui sunt; si hanc negligatis, forte nunquam illam recuperabitis.

Poterit vobis contingere, quod olim cuidam Catechumeno, qui cum baptismum recipere distulisset, ut vitam dissolutam continuare posset, in articulo mortis improvisò obrutus fuit in silva, ubi non erat aqua. Accurrens quidam, sed serius, clamantem audivit; Baptis-



~~um~~, Baptismum, montes baptizate me, & ves baptizate me. Alit non erat pro illo baptismus. Unâ harum dierum opprime tuos improvisū accidens; Clamabis, O Domine vicarie, sed Dominus vicarius exivit ad campum spatiatum. O Domine Paroche, sed Dominus Parochus infirmatur; Confessio, confessio; Non erit Confessarius pro te. Post mortem tuam dicent aliqui, ah: si aliquis illum monuisset; Filius Dei satis ipsi dixerat, insinuando quod nos esset visitaturus, cum minimè putamus. Dixerat & S. Paulus: Cum se pace profunda frui, & de longiore vita securos putaverint, tunc repentinus illis superveniet interitus. Prædicatores acclamarunt: Nescitis diem, neque horam. Tot homines, subitanea morte pereuntes, hoc ipsum satis annuntiarunt.

Ne ergo de cætero dicatis: adhuc satis nobis superest temporis, nil nos premit ad accelerandam pœnitentiam; Immodò contrarium est, nihil est, quod non premat. Quid ergo est, quod te premat ad faciendam pœnitentiam? Voluntas Dei est, quæ tibi illam præcipit per S. Joannem Baptistam, Apostolos, Doctores, Ecclesiam, Concilia, & ipsum os filij sui.

Vis scire quid te premat? Timor est, quæ meritò habere deberes quia offendisti Dei magnitudinē, ipsius justitiam infinitam, immensitatem, & præsentiam merito adorandam. Scire cupis quid te urgeat? Timor relabendi in nova peccata, moriendi in malo statu, perdendi meritum bonorum operum, quæ facis; Exemplum tot sanctorum, qui illam tota vita sua sunt sectati; Amor Jesu qui se incarnavit, qui tantâ sustinuit, qui in patibulo crucis mortuus est, ut te ad pœnitentiā provocaret, qui te tanta pa-

tiētia, tanto tempore hac intentione expectavit, qui promisit te excessiva suscipere misericordia; *Charitas Dei urget nos.*

Invitat te occasio oblata, fortè tam citò non reversura, incertitudo futuri temporis, mors appropinquans, importantia, & necessitas salutis tuæ, affectuosa invitatio S. Pauli, quid dicit; Deus annuntiat ut omnes homines faciant pœnitentiam, eò quod judicaturus sit mundum, die statuto. Si intremenda hac die inveniaris pœnitentiam egisse, liber eris à timore, securus de tua salute, & recipieris ad consortium animarum beatarum in cælo, Amen.

#### SERMO SEPTIMVS.

Pro Dominica secunda post Epiphaniam.

*Erant ibi lapideæ hydriæ sex  
positæ Ioan. 2.*

### EXORDIUM.

**D**ivus Antonius Paduanus hæc verba Evangelij in hodierna Dominica interpretans, dicit animam, quæ zelo amoris transmigrat de vitijs ad virtutes sex habere hydrias, quæ sunt contritio, confessio, oratio, jejunium, elemosyna, & illatæ injuriæ ex corde remissio, nam hæc sunt, quæ purificant judæos, id est pœnitentes ab omni peccato. Hodie porrò solū agam de prima hydria nempe de pœnitentia declarando ejus naturā, essentiam, & differentiam specificā, ne decipiamur in re tantæ consequentiæ.

**II.** **C**um virtus pœnitentiæ absolute necessaria sit necessitate indispensabili omnibus peccato mortali inquinatis, sive ante, sive post baptismum, pro salute nostra necessarium est, scire quid sit



pœnitentia, ejus cognoscere naturam, essentiam, & differentiam specificam, ne decipiamur in re tantæ consequentia. Ut autem à Deo obtineamus cognitionem tam salutarem, Ecclesia ad te recurrit O sacratissima Virgo, & ad te dirigit has in sua publica devotione preces: *Solve vincla reis, profer lumen cæcis.* Ecce duo apprimè conjuncta. Catenæ peccatorum nostrorum comminui nequeunt, nisi per veram pœnitentiam; veram pœnitentiam agere non possumus sine lumine Spiritus Sancti, ad cognoscendam illius naturam, illamque distinguendam à falsa, tu obtinere potes à Deo hoc lumen, illudque nobis communicare, prout mundo communicasti lumen æternum, & increatum Jesum Christum Dominum nostrum, quem benedicimus te salutando. AVE MARIA &c.

#### IDEA SERMONIS.

*Declaratur natura, & essentia virtutis pœnitentia.*

II. **D**Ocet nos Philosophia, & ipsa ostendit experientia; quatuor esse principaliora scientiæ instrumenta. hoc est quatuor vias, per quas perungere possumus ad cognitionem naturæ, essentia, & proprietatis alicujus rei. Ethymologiam nimirum, definitionem, divisionem, & ratiocinationem, sive argumentationem, quatuor hæ viæ, formabunt quatuor partes mei discursus; & vos solidè docebunt; quid sit vera pœnitentia.

#### PUNCTVM PRIMVM *Traditur pœnitentiæ ethymologia.*

III. **V**erbum hoc pœnitentia, derivatur, à pœna. *Pœnitere, pœnam tenere. Pœnitet me, pœnam tenet me.* dicunt nostri Doctores. Unde quidam veterum Poetarum Pœnitentiam inducunt sic loquentem.

*Sum Dea qua facti, non factique exigo pœnas.*

*Nempe ut pœniteat, sic Metanoea vocor.*

Unde hanc possumus trahere consequentiam: Quod sicut omnes partes ignis calidæ sunt, & urunt, eo quod naturæ ignis sit calidum esse, & urere, sicut omnes partes aquæ humidæ sunt, & humectant, eo quod natura aquæ sit humidum esse, & humectare, sic omnes Veræ pœnitentiæ partes pœnitibiles esse, & pœnam facere. Contritio pœnam causat per pœnitudinem, & per dolorem, qui affligit, & affugit cor nostrum. Quod usque adeo verum est, ut Suarez hanc affirmer propositionem: Si peccator aliquis eliceret actum amoris Dei super omnia, amoris purissimi, perfectissimi, excellentissimi, heroici, sine reflexione ad peccata sua, non habens etiam dolorem actualem, & formalem; justificaretur virtute hujus actus. Si vero iret ad Confessionem simpliciter, & sine alia re, absolutionem fore nullam, cum contritio pars sit materiæ hujus sacramenti, non enim haberet contritionem, sive dolorem formalem, & actualem, sed solum in valore, pretio, & in eminentia. Anima peccatrix.



rix in scriptura sacra comparatur Vipera. Quando Vipera repleta est Viperebus, illas gignere non potest nisi hæ Ventrem Matris dilacerent. Sic quando anima Christiana concepit peccatum, ab illo abortivo liberari non potest, nec exonerari, nisi voluntas, quæ illius est matrix, laceretur per dolorem, & contematur per contritionem.

Confessio similiter pœnam causat, per pudorem, quem habes in manifestandis tuis imperfectionibus, & diminutionem reputationis tuæ in animo confessarij tui; hinc patet quod confessiones in quibus palliatis vestros defectus, illos tantum ex parte manifestatis, vel excusatis, imputando illorum causam marito, Vxori, Prolibus, confessiones sint frigida, sophistica, imperfecta, & de nullitate suspecta.

Tandem & satisfactio pœnam causat, per privationem quietis, vel bonorum temporalium, & commoditatum corporalium, quæ per opera satisfactoria præciuntur, & quæ eo perfectius delent pœnam peccatis nostris debitam, quo pœnibilibiores sunt, & laborosiores, prout docet S. Thomas in Commentario suo super illud S. Pauli. *Vni quisque mercedem propriam accipiet secundum suum laborem.*

PUNCTVM SECVNDVM,

*Traditur definitio poenitentia.*

V. **I**Nter alias virtutis pœnitentiæ definitiones à Theologis propositas: hæc mihi videtur melior, clarior, & completior, & est extracta è doctrina ejusdem S. Thomæ. Pœnitentia virtus

est moralis, sed supernaturalis inter Christianos, cujus officium est, destruere peccata, & satisfacere justitiæ divinæ, ob offensam illi factam.

IV. Ad declarationem, & meliorem elucidationem hujus definitionis, oportet ut discas ex S. scriptura quod misericordiae, & justitiæ Dei, quæ tibi videntur contraria, in Deo eandem esse rem, nam illas æqualiter diligit, & tantum invicem habent fœdus, tantam correspondentiam, quod nunquam unam exerceat sine alia. *Misericordia, & veritas obviaverunt sibi*, ait Psaltes Regius. Et iterum: *Vniuersa via Domini Misericordia, & veritas.* Et idem alibi. *Diligit misericordiam, & iudicium. Dulcis, & rectus Dominus: Dulcis, quia perire non patitur, rectus, quia punire non oblitiscitur.* Hinc optimè dixit magnus quidam sanctus, quod laudes, & elogia honoris, quæ damus misericordiae Dei, blasphemia sint, si contrarietur honori, & respectui, quem debemus ipsius justitiæ, quod ipsum nos sacra docet scriptura. Docet enim duas perfectiones effectus quidem habere contrarios, sibi invicem autem contrarias, & oppositas non esse, semper enim pari procedunt passu, Deus illas semper exercet simul. Quod usque adeo verum est, ut etiam in opere maximæ misericordiae suæ, Redemptione nimirum hominum, quæ præcellentissima est operum Dei, rigorosissimam, & terribilem exercuerit justitiam, condemnando morti crudelissimæ & ignominiosissimæ crucis, proprium filium, qui non erat nisi fidejussor, & cautior noster.

*Psalm. 84.*  
*Psalm. 24.*

II Cor. 3.

3 p. 9. 85.  
art. c. 2. & 3.

H 3

Et



Et quemadmodum duas has exercuit perfectiones in redemptione mundi, exercere pariter illas vult in applicatione hujus redemptionis, & justificatione peccatoris. Anima pœnitens hanc veritatem per lumen Spiritus Sancti, quo illuminata est, eadem cum incogitationes, ipsius assumit causam, stimulatus ipsius honore, ipsius sequitur partes, arma sumit contra seipsam, ut vindicet injuriam, quam intulit Deo, & concedendo attentatum esse injustissimum, irrationale, & naturæ ipsi contrariū, quod Creatura offendat altissimam, & amantissimam majestatem Dei per peccatū, abhorret illud, detestatur, & displicentiam habet quam maximam, quod illud commiserit: Et ita disposita implorat veniam; ita tamen ut se submittat punitioni; petet misericordiam, satisfacit tamen justitiæ; Precatur gratiam pro factura Dei, quæ est ipse homo: sed destruere vult facturam, & opus hominis quod est peccatum, & dicit cum Davide: *Misericordiam, & judicium cantabo tibi Domine; In me transferunt iræ tuæ.*

PVNCTVM TERTIVM.

*Traduntur divisiones poenitentiae.*

V. **H**oc clarius intelligemus, si consideremus tres poenitentiae status, quorum sacer textus, & Sancti Patres meminerunt. De quo expressum habet articulum S. Thomas, qui est ultimus summæ suæ, illumque mutuavit à S. Augustino: En verba ejus: Tria sunt poenitentiae genera, & sufficienter instructi estis, ut illa mecum intelliga-

tis, nam sunt in usu ordinario Ecclesiæ. Primum est, poenitentia Catechumenorum: secunda justorum, & tertia peccatorum. Illa Catechumenorum, est poenitentia adutorum, qui necdum receperunt baptismum, desiderant autem illum recipere.

Hujus meminit S. Petrus dicens in die Pentecostes Judæis: *Poenitentiam agite, & baptizetur unusquisque vestrum.* Nam, prout dicit S. Augustinus, nemo vitam novam, vitam spiritualem, & divinam recipere potest, nisi poeniteat de vita præterita, mundana, & vitiosa. Nam sicut in monasteriis bene regulatis, antequam aliquis admittatur ad professionem, necesse est ut annum agat novitiatus, quo durante, se addicit exercitiis jejuniorum, vigiliarum, orationis, disciplinæ, mortificationis, & aliarum austeritatum ordinis sui; Eodem modo, quando in promitiva Ecclesia Adultus expetebat baptismū, antequam illi concederetur, annos aliquot transigere debebat in Catechuminatu: hoc est in novitiatu, addiscendo illa, quæ erant Christianismi. Durante vero hoc tempore obligatus erat ad exercitia jejuniorum, precum, mortificationum, humiliationis, & aliorum poenitentiae exercitiorum.

Secundum poenitentiae genus est, poenitentia justorum, quam Sancti quotidianam appellant, cum illam quotidie operentur justī, & quasi continuo; plorant enim, gemunt, suspirant, & ipsa illis diplicet vita, dum se subiectos vident tentationibus, & peccatis venialibus, sine quibus vix, & difficulter misera hæc transigitur vita, cum Spiritus Sanctus dicat: *Septies in die cadit justus.* Et S. Jacobus:



cobus: *In multis offendimus omnes. S. Paulus etiam conqueritur: Infelix ego homo, qui me liberabit de corpore mortis hujus? Clamabat & David: Hei mihi quia incolatus meus prolongatus est.*

VI. Hac de causa Sanctus ille, & mellissimus Bernardus, mortem præferrebat vitæ, dicens: *Quid tantopere vitam desideramus, in qua quanto plus vivimus, tanto amplius peccamus, quanto vita longior, tanto culpa numerosior, vivere erubescio, quia nihil proficio, mori timeo, quia non sum paratus. Moror amen malo, & Dei me misericordia committere, quam novis peccatis, vetera commulare, Tempus est ut finem accipiat peccatum.* Eodem modo Reverendus Pater de Condren secundus Generalis Oratorii de Jesu, qui mortuus est cum opinione sanctitatis, in hora mortis gaudenter dicebat: *Tempus est ut finem in me inveniat peccatum.* Et si justi gemunt, suspirant, plorant, displicentiam vitæ concipiunt, & poenitentiam agunt, ob minima peccata, ex humana fragilitate commissa, quid non oportet facere alios pro peccatis mortalibus, enormibus, & horrendis, quæ deliberata voluntate committunt, & quidem maximo numero?

Tertius poenitentium status est, quem arripere debent peccatores, nisi æternaliter infelices, & damnati esse velint. Ut hujus importanriam, & necessitatem cognoscamus, & per quartam viam cognoscendi propositam omnino convincamur, consulamus, rogo, scripturam, Sanctos Patres, Concilia, Rationes, & Sanctorum exempla.

PUNCTUM QVARTVM.  
Probatur id ex variis locis.

Vade ostende te sacerdoti  
Math. 8.

## EXORDIUM.

Savissimum, & difficillimum, quid videtur contingere catholicis, & Christianis cum Deus eos vocat ad poenitentiam, quam proinde Hæretici nostritempore exterminare voluerunt, & persuadere hominibus non esse Dei præceptum, sed consistere solum in cessatione à peccatis; verum deberent expendere, quod Deus per actum excessivæ misericordiæ vocet animam peccatricem ad poenitentiam, sicut hodie probono Leprosi; cum mittit ad sacerdotem, ut ejus lepra curetur, & omnino mutetur, hodie ostendam & Deum nos vocare ut poeniteamus, eò quod poenitentia in nobis causet aliquam mutationem, quia mutat cor nostrum & omnino mutat.

VII. Sacra scriptura hunc statum vocat, Conversionem: *Convertimini ad me in toto corde vestro*, clamat Deus per Prophetam Joel. Et Psalmista. *Nisi conversi fueritis, arcum suum tetendit, & paravit illum.* nimirum contra vos. Poenitentia alchimia quædam est Spirituallis, quæ non metalla, sed homines mutat. Vide quæso, quot fornaces, Alembici, sufflatoria, quot Ignes requirantur in Alechimia, ad quid nisi ut stannum mutetur in argentum, Cuprum, sive aliud metallum in aurum? Et ad reformatos homines, ut ex vitiosis fiant virtuosus, ex carnalibus Spirituales, ex terrenis caelestes, ex brutalibus Angelici, & divini, putasne fieri post.

Psalm. 70.



posse sine magno conamine, sine pœna, sine labore, sine fervore, sine mortificatione, sine assiduitate, & perseverantia in exercitiis laboriosis pœnitentiæ?

VIII. S. Augustinus, Tertullianus, & alii Patres loquentes de pœnitentia, dicunt illam secundam esse post naufragium tabulam: Nam qui naufragium fecit salutis suæ per peccatum mortale, post baptismum; aliam non habet viam evitandi damnationem, & perveniendi ad portum salutis, quam refugium pœnitentiæ. Vide quæso Nauclerum, qui navim in Charibdæ impingens, & confringens in mare decedit, quomodo non allaborat ut saltem aliquam arripiat tabulam, quam amplectatur? Quot fluctus pugnant contra illum, ne tabulam assequatur, quoties non incurrit periculum ne ab illa abstrahatur, & in profundum mergatur? eo Quantum aquæ salæ deglutire non cogitur? Quot insultus ventorum non patitur? Quot monstra marina non timet? At quid hæc omnia, nisi ut unicam excedat mortem, quæ spatio quadrantis horæ præterit. Et ad evitandam mortem æternam, mortem quæ nescit finem, exiguum recusabimus pœnam, quam apprehendimus in detegendis nostris peccatis, in restituendis bonis malè partis, in jejunando, & eleemosynis elargiendis, in privando nos societatibus, & recreationibus mundanis, & practicandis exercitiis veræ pœnitentiæ.

IX. Sacrum Tridentinum Concilium nominat illam secundum Baptisma, sed baptismum pœnosum, & laboriosum: Est secundum baptismum, nam perfecta si fuerit, & ex omni parte completa, restituit nos in statum illum, in quo

eramus baptismo percepto; recuperare nos facit bona per peccatum amissa. Est baptismum laboriosum, nam subire nos cogit pœnam, eo quod tam leviter, & fatue amiserimus gratias tam excellentes, preciosas, & divinas. Recipiendo sacrum baptismum, te donasti Deo, promisti illi honorem, & obedientiam; pactum cum illo iniisti, juramentum illi fidelitatis præstitisti. Factus fueras Filius Patris æterni per adoptionem, amic⁹ in ipso, & unice dilectus, heres omnium bonorum suorum, Frater eras Salvatoris, membrum vivum corporis ipsius, Templum eras, & sanctuarium Spiritus Sancti, Thronus Sanctissimæ Trinitatis, omne hoc eras quod jam dixi; Jure merito igitur cor tuum confodere deberent infiniti punitiones doloris, & vivæ pœnitundinis: Nam committendo peccatum fecisti deplorabile naufragium omnium harum excellentium qualitarum profatua aliqua passione: per affectum ad vilem aliquam creaturam dorsum obvertisti Deo, fregisti promissum ipsi præstitum, violasti contractum, & foedus initum, falsificasti juramentum illi præstitum; Renuntiasti gratiæ, & amicitia; Patris, filiationi adoptivæ ipsius, & juri quod habuisti ad hereditatem ipsius: Pedibus conculcasti Filium Dei, corrupuisti membrum corporis ipsius, polluisti sanguinem testamenti, contristasti Spiritum Sanctum, prophanasti ipsius Sanctuarium; Expulisti eum e corde tuo, quod erat templum ipsius, ut in eo reciperes Idola voluptatis, & transitoria voluptatis. Maculasti thronum Sanctissimæ Trinitatis, & ipsius te conjunxisti inimicis: Annon ergo jure merito sustine-



flineret debet poenam fatuitatis tuæ infidelitatis, & perfidiæ?

X. Vis scire qualiter egerint peccatores verè contriti, & qui tam enormia non commiserant peccata, sicut tu, nec tam multiplicia: qui tamen plus habebant luminis, quam tu, ad cognoscendam malitiam, & deformitatem peccati?

Sancta Theodora, nobilis Domina Alexandrina, in magna sanctitate, & pace vivebat cum suo marito; erant sicut duo carbones ardentes, se mutuo in amore Dei inflammantes. Una ex illis maledictis vetulis, quæ suum lucrantur panem, ad producendam vitam: & mortem incurruunt æternam, seducendo sexum femineum, tantum effecit suis pravis blationibus, importunitatibus, blanditiis, & maleficiis, ut illi persuaserit consentire in adulterium; peccatum vix commiserat, & ecce plena confusione, & summo percussa dolore, poenitentiam agere concludit reliquo vitæ suæ. Verum qualem poenitentiam? Poenitentiam tam prodigiosam, duram, & extraordinariam, ut etiam illicita fuisset, sine particulari motu, permissione evidentissima, & infallibili Spiritus Sancti.

Vestibus mentitur sexum virilem, accedit ad monasterium, sex leucis inde absitum, magna instantia ibidem petit recipi: Abbas virum esse putans, utilius probaret constantiam, tota nocte ante portam illam expectare facit, exposita aeris injuriæ absque tecto. Altere die ejus videns perseverantiam, illam recipit (de cætero loquamur de illa tanquam Viro, cum gestans habitum, habeat exteriorem viri apparentiam,

& animum) Recipitur ergo Theodorus, ea conditione ut subiectus, & obediens sit omnibus Religiosis; horum colat, pistrinæ inserviat, & alia opera laboriosa subeat tam in, quam extra monasterium, sine dispensatione jejunii, vigiliarum, & aliarum austeritatum religionis. In omnibus perfectè satisfacit, & splendet exemplo virtutum suarum inter Religiosos, sicut sol inter astra: Non est contentus poenitentiis, & mortificationibus ordinariis, alias superaddit rigorosiores, utpote tres, aut quatuor transgredere dies sine cibo, & potu, ut puniat corpus suum de ignavia, & turpitudine, quam commiserat.

Diabolus invidus ipsius Sanctitati, furiosam illi suscitavit tempestatem: Puella quædam levicula reperitur gravida, interrogata de Patre prolis, respondit Theodorum monachum esse, & quod peccaverit cum illa in stabulo monasterii monialium, quo iverat de mandato sui Abbatis. Defertur infans ad monasterium; Theodorus de hac calumnia se justificare non vult, ut subiectum, & occasionem habeat humiliationis, & sustinendi tam acerbū opprobrium, & sensibilem confusionem. Ejicitur è monasterio, & condemnatur ad educandum infantem de labore manuum suarum in tuguriolo proximo. Septem elapsis annis videns Abbas quod tam rudi poenitentia sufficienter suum expiasset crimen, illum recipit ad monasterium, hac tamen conditione, ut semper in sua maneret cellula, absque ullius alius conversatione, quam prolis à se enutritæ.



Interim quibusdam injungit Religiosis, ut sedulo ipsius speculentur actiones, & sagaciter auscultent quos cum filio suo habeat discursus, & sermones Theodorus. Et die quadam audierunt illum, hisce alloquentem filium suum putatitium. Fili mi, ecce appropinquat finis Vitæ meæ, recomendo te illi, qui cælum inhabitans, pater est omnium orphanorum; & in terra illi, qui erit Abbas hujus monasterii. Non quæras honorari ab hominibus, sed à solo Deo; & firmiter credas melius medium non esse ad illum perveniendi, quam contemni, & inhonorari à mundo, & quasuis sufferre injurias, & contumelias. Nimum evita somnum, moderatus sis, & temperans in vestitu, & victu, noli affectare delicatiora, assiduus esto in oratione, & servitio divino tam de die, quam de nocte, non accuses proximum tuum, nunquam rideas, & subsannes lapsum proximi tui, Ora pro illis, qui male vivunt, visita infirmos, servias, & honora omnes Religiosos, tanquam magistros tuos; sæpè plora, ut consolers; in tempore tentationis recurre ad orationem, & à Domino pete victoriam.

Discursu hoc finito, benedicta illius anima è corporis ergastulo liberata, per ministerium Angelorum cælo empyrio illata fuit. Religiosi postmodum videntes illum non virum, sed feminam esse, admirati ipsius humilitatem, patientiam, aliasque virtutes, tanto tempore pacticatas, honorificè corpus ipsius sepulturæ tradiderunt. Ecce veram pœnitentiam, præ nostra. Nos volumus agere pœnitentiam, sed

sine pœna; ac si quis liberalis velit dici, & nihil dare; patiens esse, & nihil sufferre; humilis esse, & tamen non subiici, virtuosus esse, hoc est virtutem habere sine virtute, anne hoc ridiculum non esset? Diceris mihi, mulier fuit, Agedum, ecce viros, & quidem non viros vilis conditionis, sed illustres, & magnæ considerationis.

S. Bernardus, cum adhuc in mundo degeret, Invenis nobilis, ut puniret in semetipso incautum aspectum, quo inconsideratè feminam intuitus erat, semet in aqua immerfit glaciali, in ea tanto tempore perseverans, ut etiam vitæ periculum fecerit.

XI. Comes Aquitanix, qui vixit Anno millesimo trigesimo octavo, cum falsificasset juramentum Heriberto Camiti Mantinensi factum, Ut hoc expiaret crimen, voluntariè se huic submittit pœnitentiæ; Peregrinationem instituit Jerosolimam, Ubi cum esset, fune induit collum, quo unus famulorum ipsum trahebat à Templo usque ad S. Sepulchrum, alter famulorum virgis humeros nudatos percutiebat, quod patienter sustinens coram toto mundo spectante dicebat: Deus meus miserere mei, & compatere misero huic periuro.

Godefridus Dux Lotharingæ, ira concitus, eò quod illi Imperator Ducatum ademisset, ex furore comburi fecit urbem Verdunensem, cum verò flammæ etiam consumpsisset templum B. Virginis, voluntariè se submittit pœnitentiæ publicæ flagellationis, & ad instar operarii propriis manibus conferebat materialia ad illius reedificationem.

CON-



CO N C L U S I O

*Per oppositionem poenitentiae  
damnatorum ad nostram.*

**XII** **H**I sancti poenitentes, bene ruminant, & digesserant verba S. Pauli, quæ & nos meritò ad vivum tangere deberent, nisi omninò essemus insensibiles. Irritam, inquit gentium Doctor, quis faciens legem Moysi, sine ulla miseratione, duobus, vel tribus testibus moritur, quantò magis putatis deteriora mereri supplicia, qui Filium Dei conculcaverit, & sanguinem testamenti pollutum duxerit? De Christianis Deum offendentibus post baptismum, hæc intelliguntur verba secundum Chrysostomum. Verum, quodnam erit illud supplicium morte temporali deterius? sine dubio mors æterna. Tunc poenitentiam agent, quia modo illam agere noluerunt: Poenitentiam austeram, & rigidissimam, sed inutilem, & infructuosam. In poenitentia considerari debet magnitudo mali commissi, amissio boni, & supplicium promeritum, In Inferno poenitudinem habent damnati, gemunt, suspirant, se affligunt, Lacrymas fundunt, sed omnia inutiliter, & sine merito. Reprobi evigilant, dicit Daniel, aperient oculos, semper videbunt, evidenter, sed nimis serò, cognoscent cæcitatem suam, stupiditatem, & stultitiam suam, opprobrium, & confusionem suam. *Evigilabunt in opprobrium ut videant semper.* Experientur pœnas promeritas: poenitebunt poenitudine rabiosa, & furiosa contra semetipsos. Gement, & affli-

gent se dicit Sapiens, plorabunt ob bona, quæ perdiderunt, stridebunt dentibus ob dolores, quos sustinebunt.

Ecclesiasticus quidam exorcisans E-nergumenum Lugduni in Ecclesia, imperabat Dæmoni ut ostenderet assistentibus parvulam aliquam partem tristitiæ, quam sustineret in Inferno. Ad hoc Possessa in facie, & gestibus tantam ostendebat desolationem, & melancholiam, ut horrorem incuteret omnibus assistentibus, & illorum animis maximam ingereret tristitiam. Lacrymas fundebat ad instar avellana-  
*Ibi erit fletus, & stridor dentium.*

**X.** Recordor me alias vidisse hominem, qui enormiora non commiserat delicta, tandem tamen lectulo mortis affixus, tantum suorum delictorum concepit horrorem, tantam iudiciorum divinorum apprehensionem, quod præ dolore, & poenitudine, quatuor sibi radicitus enulserit dentes, non manibus, sed mero stridore. Annon ergo præstat poenitentiam agere in hac vita, in qua brevior, salutarior, & facilior est? Poenitentia hujus vitæ non durat nisi pauculis annis, illa alterius vitæ sæculis æternis: Illa non est nisi temporis transeuntis, quod dilabitur insensibiliter, cujus partes sibi succedunt invicem; quod finitur, & amplius non redit. Poenitentia alterius vitæ æterna est, fixa, firma, immutabilis, cujus omnes partes sunt simul, quod non admittit cessionem, pausam, quietem, remissionem, finem, nec interruptionem.

An non facilius est jejuna unica refectione diurna; quam plane carere mica panis, & gutta aquæ, sicut dives

Heb. 10.

Hom. 1. c.  
in ep. ad  
Heb.

Dan. 12.



Epulo? Nonne commodius est cubare super duram humum, quam ardentes carbones? gestare cilicium, quam vestiri flammis ardentibus? Societates vitæ mundanorum, consortia Jue-  
num, & Puellarum, quam semper premi manibus Lictorum? seipsum priva-  
re, spiritu, & amore pœnitentiæ caupo-  
nis, choreis, & alijs sensualibus recrea-  
tionibus, quam actualibus gehennæ ad-  
dici pœnis?

In initio pœnitentia tibi videbitur in-  
supportabilis, cum successu temporis  
assueveris, eam rudem, & austeram non  
amplius reputabis; paulò post senties  
levem, tandem non amplius senties, &  
finaliter dulcem, & acceptam judicabis.

In Inferno autem anima non assue-  
scit doloribus, spiritus non cicuratur  
tristitia, Corpus non induratur suppli-  
cijs, æquè manemus molles, sensibiles,  
impatientes post decem millia anno-  
rum, quam ab initio. Et si in Purgato-  
rio pœnitendum est, eo quod non pœ-  
nituerimus in hac vita, certos nos red-  
dit S. Bernardus, quod ibi centuplum so-  
luri simus illius, quod hic neglexi-  
mus. *Illic centupliciter, quæ hic fuerint ne-  
glecta solvuntur.* Præterea, pœnitentia  
purgatorij, non est nisi satisfactoria; di-  
minuit enim pœnas, sed non augmen-  
tat meritum. Illa autem, quam opera-  
mini in hoc mundo, & in statu gratiæ,  
satisfactoria simul est, & meritoria, sol-  
vit tua debita, & magnum acquirit præ-  
mium. Diminutio est, sive totalis ab-  
solutio pœnarum, peccatis tuis debita-  
rum, accretio gratiarum in hoc mundo,  
& augmentatio gloriæ in futuro.

Amen,

## SERMO OCTAVUS

Pro Dominica tertia post  
Epiphaniam.

*Volo mundari Matt. 8.*

### EXORDIUM.

**N**Il videtur in lege nova esse difficili-  
us, & gravius quam pœnitentia, &  
ideo Hæretici nostri temporis eam ex-  
terminare voluerunt asserentes, quod  
pœnitentia solum consistat in desertio-  
ne vitæ veteris, sed valde falluntur,  
quia pœnitentia non solum consistit in  
desertione vitæ veteris, sed & inchoa-  
tione novæ vitæ, quia pœnitentia est  
mutatio per quam non solum desisti-  
mus à peccatis, sed & cor nostrum con-  
vertimus ad Deum, non qualitercun-  
que, sed ex toto corde quoad amorem,  
quoad objectum amoris, quoad tem-  
pus, ut nempe pœnitentia toto tempo-  
re vitæ duret; unde rectè ait hodiernus  
leprosus *volo mundari*, quod quomodo  
fieri debeat in hoc sermone Auctor o-  
stendit. *Convertimini in toto corde vestro.*  
*Joel. 2.*

I. Sævis hæc est invitatio, qua Deus  
per excessum misericordiæ vocat animā  
peccatricem, & illi suam offert gratiam,  
in abolitionem suorum criminum, per  
praxin, & operationem pœnitentiæ.  
Exprimit etiam nobis in iisdem verbis  
signa, & proprietates veræ pœnitentiæ,  
quo illam cognoscere, & distinguere  
possimus à falsā. Primo, pœnitentia  
vera operatur, & causat in nobis ali-  
quam mutationem. *Convertimini.* Se-  
cundo mutat cor nostrum. *Convertimini*  
*in corde vestro.* Tertio, omnino mu-  
tat cor nostrum; *In toto corde vestro.*

Quod



Quod si vera pœnitentia nos restituat gratiæ, & amicitia Dei, Tu es O Virgo sacratissima, quæ nobis procuras incomparabilem hunc favorem. Ecclesia te quotidie in sua devotione nominat Arcam fœderis, eò quod precibus tuis, verè pœnitentibus apud filium tuum obtines reconciliationem, & pacem: prout etiam te mediatrice fœdus initum est inter naturam humanam, & verbum divinum, per felicissimum consensum, quem dabis Angelo invitanti, cum te hisce salutaret verbis. A V E M A R I A ?

## IDEA SERMONIS

*Vera poenitentia causat in nobis aliquam mutationem, quia mutat cor nostrum, & perfectè mutat cor nostrum.*

II. Sicut placuit benignissimo Creatori, ostendere suam omnipotentiam, & infinitam sapientiam in productione hominis, in eo, quod fecerit aliquod compositum, & aggregatum ex duabus partibus omninò differentibus, anima nimirum, & corpore, quarum partium una est ex predicamento Angelorum, alia ex cathedra animalium. Una spiritualis, & cœlestis; igneus est illi vigor, & cœlestis origo. Altera materialis, & terrestris. Terra es, & in terram ibis. Pari modo placuit eodem Deo, in eadè, sua factura ostendere divitias bonitatis suæ, in eo quod homini duas contulerit prerogativas, quæ conditionem ejus mirabiliter extollunt supra felicitatem brutorum, & optabiliorem reddunt statui Angelorum.

Prima prerogativa est in ipsius cor-

pore, resultans ex nobilitate, & dignitate animæ, alia est in ipsius anima ob debilitatem, & imbecillitatem corporis. Primum privilegium reddens conditionem ejus meliorem, quam sit illa bestiarum, est in eò, quod corpora aliorum animalium informar anima, quæ moritur, & perit cum illis, & dum semel dissolvuntur ab invicem, nunquam resuscitantur. Corpus verò hominis, semel conjunctum animæ immortalitate dotata, quamvis ab illa divorcium faciat, semper retinet jus, spem, & præensionem ut tandem ei reuniat in comuni resurrectione, parti suæ dilectissimæ. De quo instructus fuit Job, secundum S. Augustinum, & Gregorium.

Volens Deus remunerare patientiam, & fidelitatem, quam ostenderat Job in suis afflictionibus, duplum illi reddidit omnium, quæ amiserat, loco septem millium ovium, trium millium Camelorum, quingentorum parium bouum mortuorum, & ablatorum, reddidit illi Deus quatuordecim millia Ovium, sex millia Camelorum, mille paria bouum. Verum loco decem prolium occisatum, non reddidit ipsi viginti, sed tantum decem. Animalia enim amissa omninò erant mortua, & hinc irrecoverabilia, decem autem proles per mortem oppressæ, ita non perierant, quin illas saltem per resurrectionem generalem, recuperandi spes superesset.

Secundum privilegium, conditionem hominis extollens super illam Angelorum, est, quod Angelus semel in abissum peccati lapsus, nunquam resurgit, nam obstinatè, & inseparabiliter adhæret objecto, in prima sua conversione, & cordis affectione apprehenso



henso. Hac de causa Moyses, prout advertit S. Augustinus, describens creationem Mundi, silentio præterijt productionem Angelorum; si enim illius mentionem fecisset, coactus fuisset mentionem facere peccati, & lapsus illorum; unde pessimum Judæi sumpsissent exemplum, videntes primas Dei creaturas, tam nobiles, excellentes, & exaltatas, semel offenso creatore, absque ulla spe misericordiæ, nunquam velle resurgere.

Voluntas vero hominis, mutabilis cum sit, & flexibilis; quantumcunque committat peccatum magnum, & enorme, quamdiu hanc peragit vitam, obtinere potest veniam, dummodo veram agat pœnitentiam. Dico veram pœnitentiam; multi enim agunt, vel agere videntur pœnitentiam, nec tamen obtinent gratiam; cum illorum pœnitentia nec vera sit, nec sincera, sed falsa, deceptoria, fucata, & dissimulata. Prophetæ Joel paucis verbis nobis exprimit signa, qualitates, & conditiones veræ pœnitentiæ. *Convertimini ad me.*

#### PVNCTVM PRIMVM

*Convertimini: Pœnitentiam esse mutationem, probatur primo scriptura, secundo Patribus, tertio Concilijs, quarto Rationibus.*

III. **P**rima proprietas veræ pœnitentiæ est, quod nos convertat: *Convertimini.* Est mirabilis metamorphosis, est divina Alchimia, quæ transformat, non metalla, sed animas; quæ mutat, non stannum in argentum; non cuprum in aurum; sed homines in Angelos; vitiosos, carnales, terrenos, bruta-

les, virtuosos facit, spirituales cælestes & divinos.

S. Paulus conversum nominat hominem, novam creaturam, & dicit, quod per pœnitentiam simus quasi de novo fusi, reformati, renovati; Exuimus enim veterem Adam, ut induamus novum, qui est Christus Jesus.

S. Ambrosius describens actus veræ pœnitentis, dicit: *Seipsum homo abnegat, & totus mutatur.* A vita nimirum prophana, sæculari, abusu, consuetudine, & vanitate Mundi; Abnegare debet semetipsum, suum cerebrum, suas opiniones obstinatas, malas consuetudines, inclinationes vitiosas, & dissolutiones, & totus mutari quasi de nigro in album, de tenebris in lumen; ita ut de illo dici possit: *Quantum mutatus ab illo.* S. Chrysostomus præclare advertit, quod in pœnitentia Ninivitarum ad prædicationem Jonæ, hoc quod quam maximè in illis placuit, & ad veniam donandam quam maximè permovit, fuerit quod vitam malâ deserentes, civitatem planè mutaverint in aliam quam fuerat. *Vidit Deus quia conversi sunt de via sua mala, & misertus est.*

IV. Declarat Concilium Tridentinum veram contritionem, & pœnitentiam continere omnium peccatorum aversionem, sive desertionem, & firmum propositum, ac exordium vitæ novæ. Ad confessionem accedis in Paschate: dicis Confessario: accuso me quod totum carnis festum Bachicè, & in omni dissolutione transegerim; quod quadragesimam non jejunaverim, merces operationum retinuerim, inimicum meum non saluta-

*Eph. 4.  
2. Cor. 5.*

*Lib. 2. de  
pœni: c. 10.*

*Jonæ 3.*



salutaverim, quamvis proximus sit consanguineus; sed propono me emendare, & melius agere. Nimis facilis esset Confessarius tuus, si te statim absolueret, nisi te prius verè mutatum, & interius conversum judicare posset. Concilium dicit requiri propositum, & initium vitæ novæ: Resolvis melius agere; jam ergo propositum ad est, sed necdum initium. Ut autem habeas initium, oportet velle jejunare, debita solvere, inimicum salutare. *Vbi emendatio nulla, ibi poenitentia vana.* inquit Tertullianus: Ado, Confessio nulla, communio inutilis, & sacramenta sacrilega.

Lib. de pœ-  
ni, c. 2.

V. Ratio clara, & evidens est illi, qui vel parum in Theologia versatus est. Proponamus hominem adolescentem indevotum, blasphemum, arrogantem, inobedientem parentibus, rixosum, impudicum, detractorem, cauponas pererrantem, viduarum spoliato-rem. Si post Pascha tibi dixerò: Adolescentens ille erit devotus, blasphemias vitabit; erit humilis, obediens, patiens, castus, sobrius, charitativus; utique dicēs; hæc erit insignis mutatio. *Hæc mutatio dextera excelsi.* Firmiter tibi persuade, quod Confessio ipsius Paschalis nulla fuisset, nisi hæc mutatio in corde ipsius secuta fuisset, secundum dictum Tertulliani, ubi emendatio nulla, ibi poenitentia vana.

Articulus fidei est, per Concilia declaratus, omnia sacramenta Novæ legis conferre gratiam sanctificantem omnibus illa dignè suscipientibus: Doctrina constans est, & ab omnibus Doctoribus asserta, gratiam sanctificantem

semper concomitari septem dona, & fructus Spiritus Sancti; virtutes infusas, & habitus supernaturales. Si ergo confessio hujus adolescentis bona est, accipiet gratiam Dei, si accipiat gratiam Dei, accipiet etiam Donum sapientiæ, Consilij, fortitudinis, pietatis timoris Dei. Habitum fidei, Spei, Charitatis, humilitatis &c. & consequenter erit humilis, sobrius, Castus, omnibus reliquis ornatus virtutibus.

Immo quod plus est, in justificatione non solum recipimus dona Spiritus Sancti, & habitus omnium virtutum, sed & ipsum Spiritum Sanctum, ingreditur enim cor nostrum, ex illo suum facit sanctuariū, in illo moratur, sicut in suo Templo. Quis non videat in habitaculo hoc mirandam necessariò fieri mutationem, ob hospitem à præcedente tam diversum? Heri, cum adhuc esses in statu peccati, habitaculum eras Dæmonum, qui sunt spiritus immundi, maligni, superbi, crudeles, invidi, de quibus dicit Salvator: *Ingressi habitant ibi.* Hodie existens in statu gratiæ, domicilium es, & habitaculum Spiritus Sancti, qui est Spiritus puritatis, dulcedinis, & bonitatis. S. Paulus hoc affirmat, dum ait: *Charitas Dei diffusa est in cordibus nostris, per Spiritum Sanctum, qui datus est nobis.*

Rom. 5.

*PUNCTVM SECVNDVM.  
Poenitentia convertit cor, circa hoc notantur à S. Gregorio duo errores.*

VI. Verba ista Apostoli, secundā nobis indicant veræ poenientiæ conditionem



Joel. 2.

Psalm. 50.

Ezech. 15.

onem, & nos docent cor esse quod primo, & principaliter debeat mutari: semper enim Deus, dum de conversione nostra agit, cor petit: *Convertimini ad me in toto corde vestro. Si induc corda vestra, & non vestimenta vestra*, clamat per Prophetam Joel. Et Psalmista protestatur: *Cor contritum, & humilatum Deus non despicies*. Monet insuper apud Ezechielem: *Facite vobis Spiritum novum, & cor novum*. Spiritum novum, hoc est cogitationes, & opiniones novas: Cor novum, id est voluntatem, affectum, & propositum novum, & totaliter aliud à priori. Magni aestimas dignitates mundi, divitias terrenas, delicias carnis: post conversionem tuam flocci hæc facitis, & felices non aestimatis hæc possidentes, nisi simul sint virtuosus, & boni. Amabas prius societates mundanas, consortia adolescentum, & puellarum, Lusus, choreas, tabernas, aliaque dissolutiones: post conversionem tuam te nauseat horum, sed amas Ecclesias, officium divinum, Conciones, solitudinem, & labores domesticos.

1. part. pastor. c. 9.

Quoad hoc punctum D. Gregorius duorum nos admonet errorum, quibus decipi possumus in re tanti momenti: primum insinuat in suo Pastoralis dicens: *Sapere sibi de se mens ipsa mentitur, fitque aliud intimis intentio supprimat, & aliud tractantis animo superficies cogitationis ostendat*. Sæpè mutamur, & tam sumus dexteri ad decipiendum, ut & nos ipsos decipiamus: cogitationes animi nostri sumimus pro dispositione cordis, & ideas nostræ imaginationis, pro affectu voluntatis. Invenies aliquando puellas, quas interrogat Con-

fessarius, an se ad confessionem præparaverint? Ita Pater, elicui actum contritionis. At, quomodo hoc peregerunt? In aliquo libello legerunt actus contritionis: Deus meus doleo ex toto corde meo, quod commiserim tale peccatum, eò quod tibi tantoperè displiceat: ponitet me te offendisse, cum infinitè bonus sis. Et quia hæc, vel similia verba, ore, vel animo protulerunt; credunt se elicuisse actum contritionis.

VI. Verba hæc mala non sunt, & benè fecisti illa proferendo, dummodò non mentiaris, sed credere, quod illa, vel ore, vel Spiritu proferendo, actum elicueris contritionis, magna simplicitas est, & perniciosus error. Contritio non est in ore, nec in Spiritu, nec in imaginatione, sed in voluntate. Deus à te non requirit, ut dicas, quod doleas te illum offendisse, sed vult ut effectivè doleas. Devotus Granatensis in memoriali suo agens de confessione similimma multò pulchriora ponit verba, sed pro titulo non præmittit: *Actus contritionis*. Ne decipiantur simplices sed potius hunc præfigit titulum: *Oratio ad postulandam à Deo contritionem*. Vel, *ad se disponendum ad contritionem*. Homo iram conservans, bona malè acquisita non restituens, centies dicere posset: Doleo Deus meus, quod te offenderim, & tamen nec minimum habebit gradum veræ pœnitentiæ. Unde ergo cognoscemus quod illam habeat? Ex effectu. Lingua non est infallibilis interpres cordis, sed Spiritus, verba ordinariè non sunt interpretes voluntatis sed cogitationum, interpretes cordis, sunt manus; interpretes



Psal. 77.

res voluntatis, sunt opera. Si restituas bona malè acquisita, si desistas à processu injusto, si deseras occasionem peccati, jam probabiliter monstras cor tuum mutatum esse. Si verò sola tibi sufficiant verba, vel imaginatio, dicetur de te, quod quidem Deo tribuas motum labiorum, affectum autem cordis plurimum ab eo elongatum esse. *Dilexerunt eum in ore suo, cor autem eorum non erat rectum cum eo.*

VIII. Poteris forsitan aliquando mutare vitam, sed si cor tuum mutatum non fuerit, negotia sola sunt, & nudi eventus, qui mutantur. Mutatio fit circa te, & in exterioribus, non intra te. Si illi, qui sunt à sinistris transirent ad alteram partem, jam essent à dextris, cum modo sint à sinistris meis, illi quidem mutassent locum, ego autem non mutassem situm nec locum. Eras quondam sectator cauponarum, dissipasti bona tua, sanitatem tuam, salutem tuam, reputationem, & honorem tuum per dissolutiones tuas. Jam vero ad egestatem, & pauperiem redactus, ludos deseris, tabernas præteris, eo quod deficiant media, & expensæ: Crumena tua mutata est, non cor tuum. Fuisti aliquando inter concives tuos Tyrannus, Tigris, & Lupus, ob exigua aliquam potestatem, & præminentiam ad quam hominum favore promotus eras. Ast infelix aliqua supervenit disgratia, & jam nulli amplius molestiam, vel malum infers, humilis es, & dimissus: sed fortuna tua mutata est, non cor tuum.

Præclaram audite comparisonem S. Gregorii: Juvenis aliquis equitandi imperitus, equum conscendit duri o-

ris, qui illum concitatissimo abripit cursu, ut illum nec sistere, nec deflectere possit: tandem equus in cursu rapidissimo vel in murum offendit, vel in foveam, & subito in medio subsistit cursu: possetne juvenis ille jure gloriari, & jactare, quod optimè noverit regere, pro libitu inflectere, & in medio cursu consistere facere equum? Audi S. Gregorium. *Sape a cursu spumantes equos. non præsentis dextera, sed campi terminus coercet.* Corpus tuum instar equi indomiti, rapido cursu, & laxatis habenis te abducit ad societates malas, loca infamia, tabernas dissolutionum: supervenit gravis infirmitas, quæ te affigit lectulo doloris integris annis; poterisne sine mendacii labe gloriari, quod sit bona volûtas, non vero impossibilitas, quæ te retrahit à vitiis?

IX. Ad Confessionem accedis in Natali Salvatoris, Interrogat Confessarius, quando ultimò es confessus? ab anno inquis: Et cur non es confessus in Paschate ultimò? In honestum habebam commercium cum aliqua puella, constitueram inire duellum, periurium committere, ut superior evaderem in aliquo processu, & in hac mala constitutus voluntate, sacram synaxin adire nolui. Benefecisti abstinendo in hoc statu à sacra communione: quod autem jam accedas, forte fit ob statum, rei mutatum; forte enim filia illa mentem mutavit, processus tuus mutatus est, non cor tuum; doles te illa commississe, Sed nisi Deus reperiatur cor tuum ita dispositum, ut, si iterum peccandum esset, mori malis, quam denuo peccare, ignavus dici, quam duellum committere, proces-

S. Gregor.



sum perdere, quam peierare; nescio qualis erit confessio tua; Nam manus tuæ, & lingua tua quidem cessant à peccato, sed fortassis cor tuum non cessat illud amare, & si Deus non habeat cor, flocci facit reliqua; in tantum enim amat cor tuum, ut illud totum habere velit.

PUNCTVM TERTIVM

*Poenitentia convertit totum cor, primo. Quoad amorem, secundo.*

*Quoad objectum amoris, tertio. Quoad tempus, nempe ut pro semper convertamur.*

X. **C**lamat Deus per Prophetam: *Convertimini ad me in toto corde vestro.* Et per Moysen: *Cum quaesieris Dominum Deum tuum, invenies eum, sita mento toto corde quaesieris, & tota tribulatione anime tue.* Non petit omnem pecuniam tuam, sed solum aliquam ejus partem in eleemosynam; nec omnes fructus agrorum tuorum, sed tantum decimam illorum partem. Verum cor tuum totum petit sine reservatione, sine restrictione, sine corrivali: totum inquam, quoad amorem, totum quoad objectum, totum quoad tempus, & pro semper.

Quoad amorem, idem dicendum est quod de corde, si enim in minimo dividatur, emoritur: *Divisum est cor eorum, cito interibunt.* Docet nos Philosophia, quod sæpè dividamus cor nostrum inter duo objecta, inter se contraria; nam rem aliquam amamus absolute, & ejus contrarium hypotheticè. Mercator in profundo maris periculo naufragii expositus, merces suas amat, &

tamen etiam contentus est illis privari, & ut in mare deiciantur; absolute loquendo, amat illas possidere, & simul hypotheticè amat illis privari, supposito quod illarum in mare ejectio necessaria sit ad alleviationem navis, & conservationem vitæ.

XI. Non magni facit Deus conversionem tuam, si non deferas peccatum, si sicut mercator ille merces suas, in mare proijcit, involuntariè nimirum, cum dolore, medio corde, coactè, & animo omnino contrari ante te convertas, agis uno verbo, non vult ut illi des cor tuum sicut daret latronibus in silva deprehensus, nummos tuos: Accipe, inquis enumera eam, ex bono corde tibi illam dono, salva tantummodò vitam meam. Sed in te meripso, & in corde tuo aliter sentis, & dicis, si non essemus in hoc loco, si mihi fugâ consulere possem, aut me defendere: si tu bombardam, sclopetum, gladium non haberes, tibi sanè bursam non darem. Ita etiam agis cum Deo. Accipe, inquis cor meum, do tibi illud, sed si ego mortalis non essem, si semper in hoc mundo vivere possem, si nec infernum, nec justitiam haberes, parum te aestimarem, & mandata tua flocci facerem; Pudeat te agere cum Deo, si ent agis cum fure. Totum cor tuum vult habere, & quoad amorem, & quoad objectum, vult ut peccatum deferas amore ipsius, & omnia deferas non duo, tria, quatuor, sed omnia sine reservatione.

XII. Gravissimè olim Israelitæ offenderant Deum Idololatria sua, & alijs criminibus, & Deus iram suam in illos effundens, gravissimè eos punit per Philistæos, qui crudelinima illis inferebant bella,



bella, ut huic occurreretur malo, congregat illos Propheta Samuel, ostendit illis illorum ingratitude, & alia exprobrat delicta, tanto zelo, tanque felici successu, ut pœnitentia tacti, subito se converterint, peccata sua confessi fuerint, jejunaverint, & ut veram, ac sinceram ostenderent suam esse conversionem, aquam effuderint coram Deo, hac protestantes cæremonia, quod eodem modo corda sua effunderent coram eo: Samuel autem loco Dei, officium Judicis exercebat in eos.

En perfectam, veram pœnitentiæ imaginem, Confessarius stabilitus est à Deo iudex, ut iudicium in te exerceat, sicut Samuel, quod significat: *Positus à Deo*, Tuum dicere debes, *Peccavi*. Peccata tua declarare debes, jejunare debes, vel aliam exercere mortificationem: Sed punctum principale in eo consistit, ut effundas cor tuum sicut aquam coram Deo: *Effunde sicut aquam cor tuum ante conspectum Domini*.

*Thre. 2.* Sicut aquam dico, non vero sicut oleum, vinum, atramentum. Si oleum è vase effundas, semper aliquid remanet, & vasi adhæret: si vinum, remanet saltem odor, si atramentum, supererit color: si vero aquam effundas, nihil remanet, nec substantiæ, nec odoris, nec coloris. *Effunde sicut aquam*.

Proximo tuo de cætero non vis inferre malum, sed lætari dum illi aliunde, infertur, residet adhuc aliquid de facibus rancoris, & iræ in corde tuo. Non vis amplius peccare cum tali adolescente, delectaris tamen illi adhuc scribere, literas recommendatias ab illo accipere, illum videre, & ab illo videri; vas tuum, necdum perfecte

evacuatum est. Reconciliatus es inimico tuo, sed adhuc frigidum te erga illum exhibes, non loquiris illi nisi intra dentes, non seruis illi occasione oblata, hæc adhuc sapiunt inimicitias, odor adhuc superest in vase. Renunciasti Atheismo, & impietati, ast amas adhuc consortia libertinorum, impia audiens verba corrides, adhuc sapiis irreligionem. De cætero jurare non vis, alia tamen profers verba, juramenti valde similia, adhuc remanet color, & apparentia peccati. *Effunde sicut aquam*. Si vere conversus es, non solum deseres peccatum, sed etiam horrore tibi erit, quicquid consequitur, & sapit peccatum, quicquid ad illud ducit, & illius apparentiam habet.

Nunquam satis credideris, quantum conducat ad salutem tuam, ut omnem exuas affectum mundanum, te ipsum perfecte abneges, sine reservatione, & totaliter dispositioni divinæ te committas; quantum minima adhæsiō creaturarum quarumcunque, impediāt perfectā conversionem tuam, *vas electionis est mihi iste*. Aquā rosaceam, siue alium quemcunque prætiosum liquorem, vasi non infundis, nisi omnino vacuo. Hinc S. Paulus, qui tantus fuerat inimicus, & persecutor Ecclesiæ, ab initio conversionis factus est vas electionis, & gratiam à Deo accepit abundantissimam: *Vbi abundavit delictum, superabundavit & gratia*. Econtra nobilis ille adolescens, qui filium Dei accesserat, quavis magna non commisisset delicta, vocationem suam perdidit, & salutem; curque hoc putas, nisi quod nimium adhæserit divitijs suis, quamvis justè acquisitis. S. Paulus autem se offerebat Deo tanquam vas vacuum omni affectu ad rem quamcunque, ex ponebat



nebat se paratum ad omnem voluntatem, & dispositionem Filij Dei circa suam personam: Domine quid me vis facere?

XIII. Imitare tu illum, donate Salvatore tuo sine ulla reservatione, & pro se per: *Effunde cor tuum sicut aquam*, Non dicit, sicut pecuniam, sed sicut aquam. Dum quis effudit pecuniam, iterum eam colligit, & in marsupio recondit, aut sereniolo; dum quis verò effudit aquam, non cogitat illam denuò colligere, sed oblivioni datur, & pedibus conculcatur. Effunde peccata tua sicut aquam, sine prætensione, sine spe, sine secreta, & occulta intentione illa repetendi post quadragesimam, post festa, dum meliori frueris sanitate. Optimum signum, è quo cognoscam, quod non intendas tempore futuro redire ad vomitum erit, si devites omnes occasiones, si te quodammodo constituas in statu impossibilitatis ad recidivam. Milites Alexandri Magni ad bellum proficiscentes, ut alienas acquirerent, & occuparent provincias, proprias igne cremabant domos, in quo & firmam ostendebant pugnandi voluntatem, & omnem se abijcere spem ad proprios redeundi lares. Si tu bona puella, igni tradas literas istius adolescentis, & alia tibi donata munuscula; Si Patri, & Matri insinues, quod ille te tentet seducere ad illicita: si tu resignes illud officium, si ve beneficium, quod tibi est lapsus offensio- nis, & petra scandali: jam signum dabis manifestum, quod ad vitam inordinatam redire nolis. Si vero in corde tuo super sit vel minimum projectum, minimum desiderium, minimus conceptus præteritorum criminum, conversio tua simulata, inutilis, & infructuosa erit.

Hiscè bene expensis, evidens esse pu-

to, & verissimum assertum S. Ambrosij, & S. Paciani Episcopi Barcinonensis; nimirum nil rarius esse vera poenitentia, & maiorem partem confessionum, quæ sunt in Nativitate, & Paschate fictas esse, & inutiles.

XIV. Medicus forte es, Pharmacopola, Chirurgus? Dic mihi, unde cognoscis medicinam, vel unguentum aliquod non conducere infirmo? Exinde proculdubio, quod sumpta quinquies, vel sexies tali medicina, applicato tali unguento, in firmus nullum sentiat, & experiatur levamen; morbus enim, si ve vulnus in eodem manent statu. Philosophus es? in mentem reduc axiomam illud: *Operari sequitur esse, idem manens, idem semper facit, idem habitus est qualitas, tribuens facilitatem operandi*. In te non deprehenduntur novæ productiones, si ve operationes; quis ergo credat novam te esse creaturam. *Nova Creatura*? Idem agis post Pascha, quod agebas ante quadragesimam; annon meritò quis igitur dicat te eundem esse, qui eras ante Pascha?

Maiorem facilitatem non habes ad actus virtutis, quam habueris antea, jure ergo concluditur, quod nullum acquisieris habitum. Si igitur sapias, noli amplius peccare. Quod si peccatum commiseris, certus sis te perdidisse gratiam Dei, nec unquam securus eris te illam recuperasse. Peccatum tuum realissimum, & verissimum est: Conversio tua forte imaginaria, & solum speculativa est. Diffidere te necesse est de interioribus tuis, dispositione nimirum, & poenitentia, quantum vis tibi boga & perfecta videatur; Nam ignoras an habeat qualitates, conditiones, & gradus dolo



doloris, quos Deus requirit. Postula illam sapius à Deo cum magna humilitate, & fervore. Recurre ad Beatissimam Virginem, & alios sanctos; sollicita illos importunè, ut gratiam tibi impetrent. Principaliter obsecra sanctos, & sanctas pœnitentes, utpote SS. Petrum, Paulum, Magdalenam, Bonifacium, Pelagium, Mariam Ægyptiacam. Visita sapius pauperes, & infirmos. Practica, & exerce omnia bona opera conditioni tuæ convenientia; ut à Deo verā obtineas conversionē, sapi? illi acclama cum Propheta: *Convertite me Domine, & ego convertar.* Ora illū cum Ecclesia: *Deus innocentia restitutor, & amator, dirige ad te tuorū corda servorum, ut in fide inveniātur stabiles, & in opere efficaces.*

Tu O magne Deus, ipsa es puritas, & sanctitas, unice amans innocentes, & innocentiam, tu solus illam non habenti dare potes, tibi soli competit illam perditam reparare; non reparatur autem nisi per pœnitentiam: *Dirige ad te tuorum corda servorum.* Concede igitur nobis spiritum veræ pœnitentiæ, sinceræ, & cordialis pœnitentiæ, largire nobis cor, quod directè tendat ad te, & non sit reflexum ad nos ipsos, & proprium nostrum commodum. *Ut in fide juveniamur stabiles.* Ut famuli tui in separabiliter adhæreant virtutibus, quas illis tuo nomine prædicamus; ut nunquam seducantur titillationibus, & blanditijs eorum, qui illis complacere volunt; *Et in opere efficaces.* Da misericors Deus, ut illorum conversio non sit deceptoriam, nec imaginaria, sed efficax vera, & fructuosa bonis operib⁹. Per Jesum Christū Dominum nostrū, Filiū tuum, qui cum S. Spiritu tecum vivit, & regnat in sæcula sæculorum Amen.

## SERMO NONUS

Pro Dominica quarta post  
Epiphaniam.

*Ascendente Jesu in Naviculam secuti sunt eum Discipuli*  
Matt. 8.

## EXORDIUM.

**N**avigantem hodie cernimus Salvatorem nostrum. Sed quænam causa hujus navigationis? eam nobis exponit sanctus Matthæus dicens: *videns Jesus turbas multas circum se, jussit ire trans fretum.* Turba igitur Christum confluentem, & obtruens in causa fuit, ut Christus in naviculam ascenderet, fuit proinde navis Christo asylum contra importunam turbam. Nec sine mysterio ac nostro documento Christus ad navem confugit, cum nec verbum, nec passum fecerit, quem non egerit ad nostram instructionem, ut nempe doceret nos cōfugere ad navē dum opprimimur à turba, sed qualis est hæc navis, & qualis est turba? Navis est pœnitentia, turba sunt peccata, quæ importunè opprimunt, & comprimunt animam; quando ergo oppressi, & compressi sumus à peccatis, debemus cum Christo confugere ad navem, hoc est pœnitentiam, nec debemus neccere moras, sicut Christus oppressus à turba non expectavit, sed statim ascendit in naviculam. & eum ascendentem statim sunt secuti Discipuli ejus, ut enim pœnitentia sit vera, & integra navis, quæ nos muniat contra tempestates, debet esse festina, perfecta, supernaturalis, nam falsa est fera, imperfecta, & naturalis: ut hac concione ostendam.



**P**ostquam jam egimus de essentia, & veris proprietatibus veræ poenitentia, ut sufficienter cognoscatur, & distinguatur à falsa, cum hoc negotium sit tantum momenti, & fraus in hac materia, sit ad eò nostræ salutis nociva, consultum esse judico, ut vobis signa, & proprietates falsæ poenitentia aperiam. Porro tres principales proprietates falsæ poenitentia sunt, nempe quod sit tarda, imperfecta, naturalis, tantum exterior, sterilis, inconstans. Hodie tamen agemus de tribus prioribus, cras Deo volente de tribus aliis. Et quia nomen poenitentia deducitur a pœna, id eo proscripta est à suo domicilio glorioso, nec stare potest in statu impassibili in quo tu beatissima Virgo degis. At enim verò cum myrrha quæ præservat corpus à putredine sit Symbolum poenitentia, quæ animas à corruptione peccatorum sanat, tuque dicas in tuis sacris canticis amoris, *Manus meæ distilaverunt Myrrham*, significare vis, quod animabus illis, quæ ad te confugiunt, uti nos facimus devotè te salutando per *Ave Maria*, virtutem poenitentia dones.

## IDEA SERMONIS.

*Falsa poenitentia primo est sera, secundo imperfecta, tertio naturalis.*

**II.** Schola Theologorum, quæ ex verbo Dei docet id, quod est ad salutem necessarium, hanc proponit quaestionem, num anima, quæ per peccatum mortale à Deo separata est, statim teneatur ad eum redire, & se per

veram poenitentiam ad minus interierem, & cordialem convertere. Quod si attendamus verba sacra scriptura, auctoritates classicorum Doctorum, argumentorum robur, quæ ab illa adducuntur, meo judicio, quamvis non probent dari hujusce rei obligationem propriè dictà, ad minus tamen inferunt dari de hac re consilium magni momenti, nostræ subjectioni valde consonum, rationi valde conveniens, & maximè necessarium ad salutem, quodquæ illi, qui negligunt hoc consilium, incurrant periculum eliciendi poenitentiam falsam, imperfectam, inutilem, & defectuosam.

## PVNCTVM PRIMVM.

*Poenitentia sera, quæ plerumque est falsa disuadetur primo scripturâ, secundo Patribus, tertio rationibus ex parte Dei, ex parte nostri, ex parte poenitentia, quæ dilata in mortem est involuntaria, in senectutem insecunda, in crastinum incerta.*

**III.** Spiritus Sanctus per Ecclesiasticum cum nos prudenter monet, *Ne tardes converti ad Dominum, & ne differas de die in diem, subito enim venit ira illius, & in tempore vindictæ disperdet te.* Ex hoc loco clarè liquet, quod poenitentiam nequaquam debeamus differre ad alterum usque annum, ad mensem, sed nec per momentum. Et ob hanc cunctationem, seu dilationem minatur nobis vindictam Dei. Ex quo ulterius conspicimus hanc monitionem esse maximi momenti. Sanctus Antoninus, Bonaventura, Toftatus, eminentissimus

*Eccles. 5.  
v. 8.*

Caje-



citatur eos  
Suarez  
rom. 4. in 3  
part. dispis  
sect. 5. c. 1.

Cajetanus, & alii non infima nota Do-  
ctores numero decem, asserunt his ver-  
bis Spiritum Sanctum non tradere tan-  
tum consilium salutare sed & præce-  
ptum rigorosum. Et quæso vos audi-  
te rationem, quam asserunt.

Conspicuum est in sacra scriptura,  
quod Deus mandet peccatoribus, ut se  
convertant, & agant pœnitentiam. Et  
quamvis hoc mandatum apparet  
tantum videatur esse affirmativum, ta-  
men reipsa est negativum, non secus ac  
præceptum restitutionis; nam Salva-  
tor qui dixit, *Reddite quæ sunt Cesaris*  
*Cesari*, etiam addidit, *Ei quæ sunt Dei*  
*Deo*; Constat autem Præceptum resti-  
tutionis esse non solum affirmativum,  
quatenus nos obligat ut restituamus  
alienum, sed etiam negativum, qua-  
tenus prohibet ne alienum retineamus,  
uti idem Sanctus Doctor docet. Et  
hoc modo præceptum pœnitentiæ ea-  
tenus est affirmativum, quatenus nos li-  
gat, ut refarciamus ex iustitia injuriam,  
quæ intulimus, & negativum, quatenus  
nequimus retinere honorem, & glori-  
am, quam illi ex tali satisfactione obli-  
gamur reddere; nam sicut dilatio resti-  
tutionis privat proximum possessione,  
& usu suorum bonorum; ita & dilatio  
nostræ conversionis optimum nostrum  
Deum orbat usu nostri esse supernatura-  
lis, & actionum meritoriarum, quas  
eliceremus ob ejus gloriam. Ita Docto-  
res discurrunt citati.

Præterea quomodo possit fieri, quod  
anima Christiana, quæ ad huc aliquid ha-  
bet pietatis, & tanti Deum facit tanto tẽ-  
pore elicit esse Deo inimica? Ille vult, &  
jubeat, ut si aliquid habeamus contra no-  
strum proximum, nos linquamus sa-

crificium, & servitium Dei, imperfe-  
ctum, ad hoc ut illi reconciliemur, quo-  
modo ergo Deus, dum nobis vult ma-  
lum, dum est noster inimicus capita-  
lis, qualis est indubitatè, quamdiu su-  
mus in statu peccati mortalis, non ve-  
lit ut seponamus occupationes, & ne-  
gotia temporalia ad hoc ut illi recon-  
ciliemur? Sanctus Paulus sic jubet  
dum irati sumus proximo, *Sol non occi-*  
*dat super iracundiam vestram*. Qui er-  
go dies, septimanas, menses integros  
transigamus in statu disgratiæ, & inimi-  
ciæ cum Deo?

Ephes. 4.  
21. 25.

V. Quin immò amor proprius, &  
nostræ salutis deberet nos urgere, &  
impellere ad hoc, ut nostram conversi-  
onem accleremus, quia dum eam dif-  
ferimus, exponimus salutem pericu-  
lo, dum vel possumus obrui in tali statu  
morte repentinâ, quæ quotidie ob  
mille accidentia nostris cervicibus in-  
cumbit, vel ruere in nova pecca-  
ta, vel labi de præcipitio in præci-  
pitium. Dic sodes, an si Lethale tibi  
vulnus esset inflictum, an uno, vel alte-  
ro mense expectares, nec chirurgum  
advocares? An non timeres gangræ-  
nam, aut quod plaga redderetur incur-  
abilis? An non charitas fraterna nos  
obligat ad corrigendum proximum in  
quoddam peccatum lapsus? Nonne  
anima nostra est carior, & pretiosior,  
quam sit nostrum corpus? An non no-  
stra propria salus nobis debeat esse ma-  
gis cordi, quam salus nostri proximi?  
Quousque ergo differes tuam pœniten-  
tiam? An usque ad horâ mortis, usque  
ad senectutem, usque ad diem crastinam,  
usque ad tempus futurum? Dicamabo

an

2. quæst.  
1. 9. art. 12  
in corp. c.  
ad 1.

1. 8.



an non putes has esse technas Diaboli? pœnitentia quæ fit in hora mortis ordinariè involuntaria est, & coacta, quæ fit in senectute est infructuosa, & sterilis, quæ differtur iusque in diem crastinam est incerta, & dubia.

Quod si legamus scripturas inveniemus quandam ponderationem, quam plures observarunt, quæ tamen mereatur ut singulariter observetur, & ut eam demiremur. Quoties sancti Prophetæ aliquem peccatorem morti addixerunt, nunquam vel minimam mentionem salutis si iniecerunt, nec eum ullatenus monuerunt, ut adverteret ad suum statum, ut sedisponeret ad mortem, vel in memoriam revocaret iudicium Dei. Dum Moyses descendere e monte, & videret populum adorantem vitulum aureum, mandavit Levitis, ut per omnes currerent agros, & obvios quosvis gladio interficerent. Levitæ parverunt, & triginta tria millia interneconi dederunt. Iosue successor ejus, dum deprehendisset quendam militem nomine Achan quædam in expugnatione Jericho contra, jussionem divinam furtipuisse, & is proprio ore suum crimen confessus fuisset, solum dixit, tu nos turbasti, Deus te puniat, eumque lapidari præcepit a toto populo. Insuper primo libro Regum legimus, quod post cædem Amalæitarum Prophetæ Samuel Regem Agag ad se vocavit, eique dixerit; veluti gladio tuo plures infantes, & liberos matribus suis subtraxisti crudeliter, ita & mater tua irremissibiliter suis liberis orbabitur, eumque in frustra concidi iussit.

2. Regum 4

Rursus postquam Rechab, & Baa-

nam crudeliter necassent Miphiboseth Filium Saul, & ejus caput magnum sperantes præmium ad David attulissent, Sanctus Rex quantocyns servis iussit in eos irruerent, eosque occiderent. Prophetæ præterea Daniel, postquam accusatores Susannæ convicisset calumniæ, & falsitatis, & liberè, ac acriter scelera olim patrata perstrinxisset, illicò sine mora eos lapidibus obrui præcepit. Legite sacrum textum attentè, & videbitis, quod nec Moyses populo idololatro, nec Iosue Acham, nec Samuel Regi Agag, nec David Rechab, & Baanam, nec Daniel falsis accusatoribus vel minimam mentionem Dei injecerint, aut eos horrati fuerint, ut conscientiam examinarent, & pœniterent. Et sane, si hujus causam quæras, dico Prophetas vocari *videntes*, quia vident iudicia, & dispositiones Dei de animabus, & nulum verbum protulerunt, quod iis non suggesserit Spiritus Sanctus. *Spiritu Sancto inspirante locuti sunt.* Et hi Sancti viderunt, quod Deus misericordiam voluerit præstare his miseris, uti expresse testatur scriptura eum egisse cum Antiocho, quia nullum in gratiam admittit, qui verè non convertitur, conversiones autem illæ, quæ fiunt in morte, communiter sunt fictæ; falsæ, simulatæ, Larvæ, apparentes.

V. Hinc pulchrè Augustinus: *Pœnitentia, quæ ab infirmo petitur est infirma, pœnitentia quæ à moriente petitur, timeo ne & ipsa moriatur.* Pœnitentia itaque quæ elicitur in infirmitate senectutis, illa languens, infirma, & debilis est, nec potest producere fructus veræ conversionis. *Qua in juventute tua inquit Ecclesiasticus non congregasti, quomodo*

2. Pet. 1.  
v. 21.

2. Mach. 9.  
v. 23.

Serm. 57.  
de tempore

in



*Eccles. 2. 5.* in senectute tua invenies? Quomodo poteris senex practicare virtutes, dum in juventute earum habitus, & dispositiones non conquisivisti? Toties quoties Deus per suos vates nostrae conversioni gratiam, & remissionem peccatorum promittit, hanc conditionem requirit, ut nempe annexam habeat, & post se trahat observantiam divinorum mandatorum, bonorum operum practicationem, & dignos poenitentiae fructus. Apertè dicit per Ezechielem *cap. 10.* Dabo vobis Spiritum novum, & cor novum, & faciam ut faciatis mea mandata, & ut operemini. Similiter dixit per Isaiam, desistite à peccatis, bene operamini, oppressos defendite, viduis, & pupillis succurrite, & videbitis peccata vestra esse deleta. *cap. 1.*

Quid diceretis de illo auriga, qui habens tria jumenta, quibus onera, & merces Parisios vehere solet relictis duobus robustis, & sanis, juvenibus, soli debili, annoso, exhausto, languido onera, quae Parisios vehenda habet imponeret? Nonne in causa esset, quod hæreere deberet in via, nec praefixa die Parisios appelleret? nonne jure infimularet illum fungum, & bardum?

Vos onerati sarcina, & onere poenitentiae, ad caelum concedere debetis, vos in hunc finem habetis tres aetates, nisi forsan moriamini in prima, vel secunda, juventutem, aetatem virilem, & senectutem. Dum priores omnes sunt fortes, robustae, aptae oneribus portandis, ultima est debilis, caduca, languida, inhabilis, inepta, juventuti, & virilitati parcitis, eas liberae linquitis, & delicia-

ri permittitis, & onus poenitentiae, rigorem austeritatum, & mortificationum soli senectuti servatis, in qua tamen ipsimet onere, & incommodis senectutis gravati, & onerati eritis.

At enim verò, video quod mihi respondeatis, nequaquam mentis vestrae esse, ut tam diu morasnectere velitis, & hoc negotium ad ultimum differre morbum, aut in supremam rejicere senectutem, sed quod firmiter decreveritis poenitentiam ante morbum, & senectutem agere, quamvis non modo. Appage cum his nugis. Audite sanctum Paulum nobis apertè in os loquentem, hoc opus nec solum, nec principaliter dependere à vestra voluntate, aut conatu, sed à misericordia Dei, nam non est volentis, neque currentis, sed misereentis Dei. Nec vos illam velle, nec flagitare potestis. Deus quippe operatur in vobis velle, & non sumus sufficientes cogitare aliquid ex nobis. Similiter Judith id vobis regeret, quod quondam obiecit Bethulienfibus Sacerdotibus, vos superiores Deo esse vultis, & ejus misericordiae tempus praefigere, vos vultis ut vobis se accommodet, hic non est modus eum pacandi, sed potius irritandi. Posuistis tempus miserationis Domini. Et hinc sanctus Paulus amanter vos hortatur, ne gratiam Dei abjiciatis, dum vobis offertur. Exhortamur ne in vacuum gratiam Dei recipiatis; ait enim tempore accepto exaudivi te; nam inquit per Isaiam in tempore placito audivi te. Hoc est quando ipse vult. Quod si tempus aliquod sit propitium, & favorabile, hoc est tempus missionis. Poterit esse, nullum aliud tempus

*Philipp. 2. v. 13.*

*Judith. 8. v. 10.*

*2. cor. 6 v. 1. Isai. 10. v. 2.*



favorabile hoc est tempus missionis. Poterit esse, nullum aliud tempus tale futurum, quod si abjicias gratiam dum est erasens, forsan ille eam tibi negabit, dum postea eam quæres. Quod si negligas instituere confessionem legitimam, dum tā insignem habes occasionem, illam, quam alio tempore inastitues, suspicor non fore bonam.

#### PUNCTUM SECVNDVM.

*Falsa poenitentia est mutilata, quia vel non relinquit affectum peccati, vel non omnis peccati, vel non occasionis peccati.*

VII. **C**onfessiones, quæ adeo differuntur, & quæ in festis natalitiis, aut paschalibus gravatæ, & cum re-nitentia quadam instituuntur, sunt communiter malæ, & imperfectæ, & fiunt obiter, & perfunctoriè, sunt defectuosæ & ex aliquâ parte claudicantes; & quamvis in iis accusentur peccata, tamen affectus ad ea non eradicantur, vel saltem non erga omnia peccata, vel non tolluntur etiam occasiones peccatorum. Deus vociferatur per Ezechielem. *Projicite à vobis omnes iniquitates vestras.* Notate quæso illas duas particulas *A vobis*, & *omnes*. Notate & hanc, *projicite*, id est *procaliacite*. Vult ut non solum abjiciatis peccata, sed & insuper affectus ad peccata, *A vobis*. Insuper vult ut affectiones tollatis erga omnia peccata. *Omnes*, & omnibus occasionibus peccandi vos expediatis, *Projicite*.

Vult ne unquam deinceps alatis concubinam, ne ludatis chartis, ne choreas

domi vestro toleretis. An solum ab his abstines, quia celebramus septimanam Sanctam, ita ut ad ea redire velis post pascha? Scias, quod quidem domo tua exsit peccatum, sed non affectio erga peccatum. *Projicite non solum a domo, sed & à vobis.* Dum ad genua confessarii prosterneris, habes quidem sensus, manus, pedes compositos, sed tamen adhuc animum habes iis dextrè utendi in chorea quadam, aut societate. In hebdomada sancta non frequentas quidem comedias, sed tamen post pascha ad eas redire vis? Scias quod quidem abjeceris peccata, sed non affectus erga peccata. Quorsum tendit hoc, quod cum Deo taliter agamus, & per quatuor vias cum eo ambulemus, ac si cor nostrum non penetraret, nec cognosceret omnes ejus flexus, & reflexus.

VIII. Vestra poenitentia est falsa nisi velitis tollere affectus erga peccata, & quidem omnia, *omnes iniquitates*. Quod si ratis bellica aquam admittat, eò quod decem, vel duodecim machinis æneis perforata sit, non est satis quinque, sex, septem, vel octo foramina obstruere, nam si unicum tantum non obtureretur, ratis aquam admittit, & undis mergitur. Ita quoque tecum agitur, quamvis detesteris decem, duodecim, vel viginti peccata mortalia, attamen tua anima pergit in via ad infernum, et tua confessio inutilis est, si rancorem vel erga unū animo foveas, si potens debita solvere, non solvas, si injustè aliena retineas, si omnia omnino peccata non abomine-ris, si non tantum desistas à peccatis, sed etiam vires occasionem, quæ est matrix & tu-



& tutrix peccatorum, si domo non abigas tuam coquam, nisi pellicem, aut ancillam, quæ te quandoque in peccatum trahit ejicias. Nec mihi dixeris, per gratiam Dei jam sunt tres menses, tres septimanae, quibus non sum lapsus, quia respondeo, quamvis jam forent tres, immò triginta, & trecenti anni, immò quamvis nunquam peccasses, atamen quamdiu es in occasione, versaris in periculo, adeoque si sapias, illam vitabis.

IX. Vis ut tibi hoc monstrem? Tu me hercule non es sanctior, innocentior, securior, in virtutibus stabilior, quàm aliquis Propheta. Henoch ita referente Sancto Apostolo Juda erat Propheta, & ejus fidem excellentem deprædicavit Sanctus Paulus, Geneseos libere ejus celebrat pietatem, & timorem Dei, Sapiens testatur, quod fuerit Deo gratus, ejusque magnus amicus; in maxima innocentia, & Sanctitate vitæ perseveravit spatio anni annorum, hoc est trecentis sexaginta quinque annis, tot enim dies annus continet; Præclara sunt hæc fateor, & tamen quia morabatur inter perversos, ejus salus in discrimen adducebatur, in periculo versabatur peccandi; & non solum patrandi peccata ignorantia, fragilitatis, sed malitiæ, & quidem intam grandi periculo, ut ex hoc mundo citò rapi debuerit. Non ego hoc fingo, sed Spiritus Sanctus hoc testatur: *Vivens inter peccatores translatus est, raptus est, ne malitia mutaret intellectum ejus, Placita erat, Deo anima illius, propter hoc properavit illum educere de medio iniquitatum.* Quomodo ergo tu qui es fragilis instar vitri, arundine inconstantior, qui toties pe-

riculum fecisti tuæ infirmitatis, qui toties lapsus es, qui toties Deum offendisti, putas, & præsumis in centro, & sinu occasionum te esse extra periculum, eò quod spatio duorum, vel trium annorum nescio qualiter te continueris? vis scire causam? *malitia non solum pervertit voluntatem tuam, sed & mutavit intellectum tuum.*

### PUNCTVM TERTIVM.

*Falsa poenitentia est naturalis, & hoc disvadetur primo scripturâ, secundo Patribus, tertio ratione, quarto comparatione, ultimo praxi.*

X. **P**Opulus Israel destrueturus Amalæcitas, & alios populos infideles, qui ei ingressum in terram promissionis disputabant, adhibuit ferrum, & ignem. Hæc figura porro est quæ nos docet, quod ad hoc ut intremus in cælum promissionis, & omnes illos internecioni demus, qui aditum in illud vobis impediunt, non sufficiat tantum adhibere ferrum timoris servilis, & mercenarii, sed & ignem amoris divini. *Qui solo timore inquit Gregorius Nonus præceptum facit, aliter quam debet facit, & ideo jam non facit.* Ipsamet attritio, seu poenitentia imperfecta, quæ nos disponit ad recipiendam gratiam Dei, debet esse donum Dei, & motio Spiritus Sancti, uti diffinit conciliū Tridentinū. Debet esse supernaturalis ut docet Theologi, hoc est debet excedere omnes vires, & omnē activitatē naturæ. Timere ignē est valde naturæ cōsonū, unde & ipsimet Hæretici dolent, & poenitent ex aliquo timo-

*Cap. qui ex timore in decret. Gregor. nov.*



timore, adeoque timor solus non sufficit ad veram, & perfectam poenitentiam. Et quavis idem Concilium eodem loco dicat, quod timor gehennæ nos disponat ad receptionem gratiæ Dei, attamen non intelligi hoc debet de timore naturali, de timore servili, & mercenario, sed de timore initiali, quo timeamus gehennam, quia nos separat a Deo, de timore, quo non solum detestamur peccatum, sed & affectum ad peccatum.

XI. Unde memoriæ benè imprimenda sunt hæc præclara verba Sancti Augustini. *Pœnitentiam certam non facit nisi odium peccati, & amor Dei* Et rursum. *Times credere, noli peccare, non agitur foris negotium cupiditatis, ipsa tamen cupiditas intus est hostis.* Eralibi, *audeo dicere, si timore gehennæ non facis malum, est quidem in te fides, quia credis futurum Dei iudicium, gaudeo fidei tuæ, sed timeo malitia tuæ.* Hic timor servilis, & conatus quidem facit, quod exterius non peccemus, sed tamen non impedit affectum interiorem peccandi. Manus quidem abstinēt a peccati patratiōne, sed non cor ab ejus amore. Hæc est mens Augustini, qui clarè loquitur non solum de timore pœnarum temporalium, sed & de metu æternorum.

XII. Et hoc venia vestra egregia mihi liceat illustrare similitudine, observa quæso unum lupum & nemore profiliētem ut ovem diripiat, & discerpat, viden, quomodo fremens, & audax advolet, sed ut ad caulam venit, & audit canes latrantes, & opiliones cernit vigiles pedis armatos, totus consternatur, nec ullum damnum infert, sed totus tremens eandem viam repetit.

An non esses simplex, si diceres, viden quomodo illa bellua mutata sit, non est amplius lupus sed agnus, in caula non plus nocuit, quam ovicula, non refert amplius Lupum, totus alius apparet, accessit totus fremens, sed redit totus tremens? Immò, natura non est mutata, sed tantum mores. Lupus venit, Lupus abit. Audi Augustinum. *Nunquid quia ovem non tulit, ideo Lupus venit, & ovis redit? Lupus venit fremens, lupus rediit tremens, Lupus tamen est fremens, tremens.* Tu es prædator viduarum, lemur, & spectrum nocturnum tumultuans in palatiis, porcus Epicuri. Audis concionatores, qui tibi minantur infernum, tu times ignem, & alias pœnas, quia amore proprio plenus es. Tu detestaris peccata ob vindictam Dei, & justitiam hominum, reipsa tamen justitiam, supplicia, conciones proscriptas longè optares, & hoc, quia impediunt ne absque remorsu conscientia possis helluari, & pro lubitu tuis voluptatibus sensualibus frui.

### CONCLUSIO.

*Recapitulatio, & exhortatio ad imitandum Zaccheum, qui festinans, & gaudens descendit.*

XIII. **V**T ergo infallibilis fructum reportes ex discursu tanti momenti, in quo agitur de æternitate, dum confessionem generalem vis instituire, aut confiteri peccata mortalia, excita in tuo corde non solum timorem Dei, sed & amorem ejus, in hunc finem ad aliud quod tempus ad tuum secede cubile, prosterne te coram Deo, ex toto tuo corde, & totis viribus vitæ, roga, ut eum amare possis, & que postula cum magno

Aug. serm.  
19. de verb.  
Apost.



magnifico fervore, & humilitate, in manibus cape supplementum Granatensis, confessiones, soliloquia, vel meditationes Sancti Augustini, considera altitudinem, & eminentiam majestatis Divinæ, discipulus in tuo corde, mi Deus, misericordiam mecum exerce, & da mihi tuum amorem. Et ut à Deo misericordiam obtineas, eam exerce erga homines, elemosynam in hunc finem eroga, & Zacchæum imitare. *At ille festinans descendit, & suscepit illum gaudens; ecce dimidium bonorum do pauperibus.* Mox ut audivit Christum dicentem *Festinans descende*, descendit. En verum exemplum veræ poenitentiae, & breve compendium totius mei discursus, imitare eundem.

Luca 19.

Prov. 22.  
v. 6.

*Festinans descende*, accelera poenitentiam, ne expectes horam mortis, quia tunc erit impossibilis. Ne expectes senectutem, quia tunc erit sterilis, & inutilis, ne expectes tempus futurum, quia erit difficilior. Quæso te ne expectes horam mortis, quia *non est in morte qui memor sit tui.* Ne expectes senectutem: *Adolescens juxta viam suam etiam cum senuerit non recedet ab ea.* Ne expectes tempus futurum, quia,

*Qui non est hodie, cras minus aptus erit.*

Ne expectes mortem, quia est poenitentia reprobationis, ne expectes senectutem, quia est poenitentia obstinationis, ne expectes tempus futurum, quia est poenitentia incertitudinis. *Festinans descende.* Nec per diem, horam, aut momentum eam differas. Quod diutius eam distuleris, eò plura merita bonorum operum, quæ facis amittis,

Deumque privas gloria, & honore, quæ ex iis recipit, ejus gratis te reddis indignum, ejus iram mereris, ejus vindictam in te derivas, diutius ejus manes inimicus, & malum, ac damnum est insupportabile, ac incompenfabile vel unico momento in tali statu manere.

*Festinans descende*, descende velut Zachæus, de prime te, humilia te, pone illum fastum, mitte illam arrogantiam, ambitionem, illum genium elatum, & imperiosum, paulisper considera, quanam sit primaria causa, cur non deseras peccatum, vel ejus occasiones, aut affectum erga illud, nempe quod nolis descendere, quod nolis te humiliare, quod nobis reconciliari inimico, eum in gratiam recipere, & hoc, quia ita discurre, ille evadet crudelior, ille me exagrabit, ille suum habebit intentum, est me junior, & inferior. Quamvis indignus & incapabilis, tamen tuo non vis defungi, & resignare beneficio, & officio, non vis deserere illam domum, quia dicis, quid cogitabunt, quid dicent? omnium fabula ero; nihil ero, illi qui me nunc adorant, postea me concubabunt, & digitis notabunt. Tu non vis desistere ab illo processu injusto, illa restituere bona, illam reddere hereditatem, quæ ad te non pertinet, quia times tutum statum minuendum.

*Festinans descende, descende, suscepit illum gaudens.* Ne poeniteas ob timorem poenarum, non coactè, & imperfectè, sed spontaneè, promptè, ex corde ob amorem Dei. Hæc poenitentia est ad epe victimam, medulla sacrificii. Talem poenitentiam Deus gratissimam, & acceptis-



simam habet. *Holocausa Medullata offeram tibi. Pax hominibus bonae voluntatis. Hilarem datorem diligit Deus.* Nisi Filius Dei dignetur nos respicere, sicut respexit Zachæum, nos nihil in hac re facere possumus. Ideo humiliter illum deprecemur. *Infirmi- tatem nostram respice omnipotens Deus, & ad convertendum nos dexteram tuam maiestatis extende.* Summe Deus, attende fragilitatem, debilitatem, & infirmitatem nostram, nos ex nobis nil aliud possumus

quam quod ruamus in peccata, ex nihilo creati sumus, tuum est nos ad te convertere, conversio hæc est effectus dignus tuæ potentiae, opus brachij tui, cuncti- potentis, oramus te, ut sicut manum tuam impendisti ad extrahendos nos è statu possibilitatis, & nihili, in quo jacebamus, ita etiam manum tuam adhibere digneris, ut nos educares è fovea, & abyssu peccatorum; idque *per Jesum Christum Filium tuum, qui vivit, & regnat in secula seculorum Amen.*

## SERMO DECIMUS

Pro Dominica quinta post Epiphaniam.

*Visimus, & colligimus ea? Matt. 13.*

### EXORDIUM.

**I**N hodierno, Evangelio uti opinatur sanctus Hieronymus apud nostrum Timotheum Schrangerum, sese paratos offerunt Angeli ad evellenda zizania, hoc est peccatores ex agro Ecclesiae, ceu hujus mundi. Quod si itaque Angeli tam solliciti fuerint, ut zizania eradica- rent ex agro Ecclesiae, quam solliciti nos non debemus esse, ut ex agro cordis nostri eradice- mus zizania, hoc est peccata mortalia, quæ inimicus homo, id est Diabolus in eo seminavit, utpote, qui nos tentat, & sollicitat, & impellit ad peccata? In id ergo incumbere debemus, ut hæc zizania, ceu peccata ex agro cordis nostri eradice- mus. Sed per quod medium? Per poenitentiam, non qualem- cunque, sed veram; vera enim poenitentia zizania eradicat, & non falsa, quia falsa poenitentia est tantum exterior, hoc est non eradicat peccata, sed solum vi-

detur ea eradicare, dein est sterilis, & infecunda, tertio est inconstans, uti hac concione ostendemus.

I. Heri consideravimus tres primas proprietates, & signa falsæ poenitentiae, hodie tres alias considerabimus; nempe quod consistat tantum in exteriori, quod sit sterilis, & infecunda, quod sit tota inconstans, & hæc erunt tria puncta hujus discursus. Vera poenitentia à sanctis Patribus vocatur *secunda post naufragij tabula*. Tu vero O sancta Virgo quotidie in sancta Ecclesia vocaris stella maris, ut sciant misellæ animæ, quæ naufragium salutis per peccatum mortale fecerunt, quod quamvis confugiant ad tabulam poenitentiae, appellere tamen ad portum tutæ non possint, nisi ad te velut carissimam cynosuram confugiant, & tu radiis tui luminis, quod omnes humillimè impetramus dicendo *Ave Maria* ijs faveas.

IDEA



## IDEA SERMONIS

*Falsa poenitentia primo est so-  
lum exterior, secundo sterilis, &  
infecunda, tertio incon-  
stans.*

II. *Idica me rogabat David, & discer-  
ne causam meam, ab homine iniquo,  
& dolofo erue me.* Quæso te mi Deus,  
justitiam mihi administra, suscipe in te  
causam meam, & à viris falsis, & calum-  
niatoribus libera me. Hæc sunt ver-  
ba, quib⁹ sacerdotes in tota Ecclesia pre-  
ces sanctissimi, adorandissimi, veneran-  
dissimi sacrificij incipiunt. Quod si quæ-  
ras ab omni eo, qui hæc verba recitat,  
dic sodes, an plures sint tibi hostes? Plu-  
res respondebunt, Deo sint laudes non,  
nam sicut ego nulli malè volo; ita nec  
credo mihi ullum malè velle. De quo  
ergo loqueris dum dicis, *ab homine in-  
iquo, & dolofo erue me?* Hæc verba ne-  
queunt intelligi de Diabolo, quia dicis  
*ab homine*. Vis scire de quo ego loquar,  
dum has preces recito? De meipso, &  
nullo alio, quia nemo est adeo instru-  
ctus, subtilis, callidus, intentus ad me  
seducendum, quam ego ipse.

Narrant duos celeberrimos, & fa-  
mosiores pictores totius antiquitatis  
quadam vice certasse, quisnam pingendo  
palmam reportaret, & judicaretur  
tabulam quandam melius, & exactius  
delineasse. Zeuxis adeo ad vivum effin-  
xit quendam racemum vuar, ut aves de-  
lusa advolarint, & eum morflu impetie-  
rint; Apelles econtra tam affabrè quod-  
dā sicutiū depinxit, ut dū Zeuxin yellet  
videre specimen sui æmuli, à seiplo de-

ceptus liberè dixerit, amove illam cor-  
tinam, si velis ut videam illam picturam,  
unde victoria adjudicata fuit Apelli,  
eo quod Zeuxes decepisset aves, A-  
pelles vero hominem, & quidem in arte  
magistrum.

Noster amor proprius est magis astu-  
tus, & in dustriosus, quam Zeuxes, tam  
affabrè pingit virtutes, & bonas dispo-  
sitiones, ut non decipiat aves, quæ rati-  
one carent, nec solum fallat homines  
prudentes, sed & nos ipsos, & quidem  
in eo, quod nos concernit, qui tamen sa-  
pientiores aliis esse volumus. Fraudu-  
lentum, & versipelle est cor nostrum  
inquit Jeremias. Tot habet flexus, & re-  
flexus, gyros, & labyrinthos, ut nec sei-  
psum comprehendat, sed solus Deus il-  
lud cognoscat. Sæpe inquit Gregorius si-  
bi de se mens ipsa mentitur, si que ut aliud  
in intimis intentio supprimat, & aliud  
tractantis animo superficies cogitationis  
ostendat.

Eousque sæpe pertingit animus, &  
cor nostrum, ut seipsum decipiat, ita ut  
illud, quod natat in superficie cogitatio-  
num sit plane diversum ab eo, quod la-  
tet in fundo, & centro intentionis, nos  
sæpe acceptamus falsos splendores pro  
vero lumine, & resolutiones imaginari-  
as pro virtutibus solidis, & perfectis.  
Porro nullum est punctum, vel materia  
in qua nostrū cor tam sæpe, dextrè, pe-  
riculosè nos fallit, quam in puncto, &  
subiecto poenitentiae. Ideo Ecclesia hanc  
virtutē rogat, & flagitat in suis precibus  
publicis, nec poscit poenitentiam quam-  
cunque, sed sciens, quod detur poeniten-  
tia falsa, affectata, fraudulenta, flagitat  
veram poenitentiam, quæ solum est utilis

Gregor. in  
pastoral  
p. 1. c. 9.

ad



ad salutem, ut ad veram poenitentiam nos perducere digneris. Nos ex tribus signis, & proprietatibus, quæ in omnibus rebus fictis inveniuntur falsam poenitentiam agnoscere possumus, primo quod nullum habeat fundamentum, secundò quod nil habeat interioris, & soliditatis, tertio quod tantum sit exterior, concava, ceu vacua, apparens. Facies ficta nil habet nisi larvam, & formam exteriorem. Præterea res adulterinæ nihil sunt, nihil producunt, nec ullum exercent motum, aut actum. Statua, & colossus hominis annis pluribus in medio consistit horto, absque eo quod vel minimam actionem eliciat. Falsa arbor, arbor picta nullos flores, folia, vel fructus producit. Tandem res adulterinæ, & apparentes non durant tam diu, sicut veræ, & solidæ, colores quos videmus in Iride cum non sint veri colores statim disparent. Rex in comœdia, vel in theatro cum sit falsus Rex, exiguo tempore regit. Hæ sunt tres proprietates falsæ poenitentia.

### PUNCTUM PRIMUM

*Falsa poenitentia est tota exterior, & hac improbatu primo scripturâ secundo Patribus, tertio ratione, quarto comparatione.*

III. **P**rimo est tota exterior. Non habet nisi larvam, & apparentiam virtutis, adeoque nec in minimo interiora mutare, aut reformare potest. Hoc deplorat Deus sapius per Prophetas. Hoc sæpe Salvator in sacris Evangeliiis nobis impropert. *Non est reversa inquit Deus per Jeremiam pravariçati*

Jerem. 3.

*in toto corde suo, sed in mendacio.* Assertor noster insuper perstringit acriter Scribas, & Phariseos, eosque diris devover, eo quod maximo conatu exteriora mudent, & purificent, interius vero deturpati sint ambitione, invidia, avaritia, & aliis actionibus pravis. *Va vobis, qui mundatis quod de foris est calicis.* Idem omninò evenit in præfenti tempore.

Matth. 23.  
v. 25.

Nunquam ante hac fuit tanta pietas exterior, tot confraternitates, communionis, confessiones, poenitentia apparentes. Interius verò plenus amor proprio, commodo dediti proprio, maximi idololatæ mundi, incensi à bonis terræ, ad minimam injuriam impatientes, & vindicativi, duri, & inflexibiles ad injurias condonandas, ac si essemus Turcæ, vel Arabes. Quid prodest talis hominis audire confessionem inquit Clericus Romanus ad sanctum Cyprianum? *Hoc non est curare, sed si verum dicere volumus occidere.* Eccurtali detur absolutio, indulgeatur communio, si hæreat, & maneat in suis pravis dispositionibus interioribus, in sua vanitate, cupiditate, rabido livore spiritu vindictæ, & aliis pravis peccatis?

Epist. 31.  
inter opera  
D. Cyprian  
edit. nova.

Hoc nil aliud est, quam id quod agit imperitus Chirurgus, qui pro eo quod deberet scalpello putridam excindere carnem, super plagam ponit emplastrum, plagam quidem regit, sed non sanat; unde in causa est, quod gangræna nascatur, & infirmus moriatur. Hoc est, quod lacrymas excussit Patribus in Concilio Lateranensi sub Innocentio secundo habito. Peierares eos vidisse, quod nos modo videmus. *Inter cetera inquit finis est, quod sancta maxime perturbat Ecclesiam, falsa scilicet poenitentia,*

tia,



ria, & circa confratres nostros, & presbiteros admonemus, ne falsis pœnitentibus Laicorum animas decipi, & in infernum pertrahipatiantur. Nonne est verum, quod è centum pœnitentibus, quos audivisti, nec de uno dubitaveris, quod sit deceptus, quod per falsam pœnitentiam in infernum sit perturbatus? Et tamen mille Episcopi hoc frequenter contingere affirmant, cave, & attende ne hoc deinceps eveniat, nam Spiritus Sanctus te monet per os Ecclesiæ.

IV. Quod si aliquis peccata commisit mortalia, nec de iis doluerit, nisi sit interius planè obstinatus, aut à Deo derelictus, cruciatur à remorsu conscientie, pungitur, & tormentatur à sinderesi, apprehendit mortem, timet iudicium Dei. Quod si cælum tonet supra ejus caput, si terra sub ejus pedibus tremat, si morbus eum invadat, compungitur; at enim verò pœnitentiæ adulterinæ vobis adulantur, vosque demulcent, quod veniam obtinueritis, vobis adimunt omnem apprehensionem, vobis falsam quandā donant tranquillitatem, omnes punctiones sinderesis elidunt, & vos de vestra salute certos quamvis frustra reddunt. Nam si cor non sit verè conversum, humiliationes exteriores, confessiones oris, tunctiones pectoris, suspiria, & gemitus sunt meræ ceremoniæ, & deceptiones spiritus maligni, vel ut melius loquar, nostri spiritus, qui nos mutat, & detinet per larvam hujus apparentis conversionis, uti vidimus clarè in Davide, & Saul. Hic persequabatur David igne & ferro, idque ex merâ invidiâ; ejus iugulo infidiabatur, eumque insequabatur usque ad interiora deserti, & rupes inaccessibiles.

V. David itaque declinavit hanc persecutionem, & quadam die ad quoddam spelæum in deserto confugit. Saul nec in minimo putans Davidem in eo latere, alium exoneraturus illud intrat. Davidis affecclæ hoc videntes, Davidi in aurem hæc leniter dicunt. Serenissime Princeps, hodie Deus tuum hostem in manus tuas tradidit, ex defensione inculpata te defendere potes, itaque sua majestas non pariat sibi elabi hanc occasionem insignem. Sed quid replicavit David? Absit hoc à me punctus est Domini, illum tangere non licet, & solam oram chlamydis ejus præcidit. Porro dum uterque exantro illo exivisset, David paulisper processit, & se ad Regem convertit, eumque sic est affatus. Serenissime, nunc sua majestas clarè videt, illos esse meros calumniatores, qui suæ majestati imponunt, quod contra eam conspirem, quod si vitæ ejus fuisset insidiatus, levi negotio eum occidere potuisssem, en hujus rei clarum testimonium, nempe oram, quam ex ejus chlamide præcidi. Nonne eadem opera eum hasta transfigere potuisssem.

Saul his verbis parumper pacatus ad Davidem sic loqui cœpit. An hæc tua vox est mi fili, mi amice David? Profectò conclusissimum mihi est, quod mihi non sis insensus, revera in comparabiliter me probior, & melior es, tu bonum pro malo mihi reddidisti, ego tuum jugulum peto, & tu mihi vitam donasti. Quod si aliquis hæc, & similia verba audiisset, statim conclusisset Saul fuisse conversum, pacem esse initam, nil amplius Davidi timendum, eumque non habere amicitio rem Saule.



Et tamen talis maximè fuisset deceptus, quia Saul nec in minimo fuit cōversus, sed in centro cordis sui pravas suas dispositiones, ambitionem, invidiam, desiderium vehemens, & inordinatum invadendi regnum servavit. Ipse sane reipsa hoc ostendit, nam statim coepit rursus persequi David, ejusque vivā sicut ante insidiari. Profectò conclusissimum mihi est, quod hoc tempore idem contingat, dum enim audis prædicari passionem Christi, aut meditari, aut prostratus jaces ante pedes confessorii, aut dum audis concionem devotiorem, nescio quas non emittas lachrymas, trahas suspiria, & gemitus, sed sunt Lacrymæ mendaces, velut inquit Bernardus *Lacrimula docta mentiri*, aut fraudes, & technæ diaboli, vel naturæ; nam si in officina interiori, aut centro cordis lateat aliquis rancor contra proximum, aliqua voluntas retinendi alienum, aut redeundi ad crapulam, comædias, pellices, choreas, vanitates, & delicias mundi, tua pœnitentia exterior est mendax apud Deum. *Lingua sua mentiti sunt ei, cor autem eorum non erat rectum cum eo.*

#### PUNCTUM SECUNDUM.

*Falsa pœnitentia est sterilis  
probatur primo scriptura, secundo  
patribus.*

VI. **E**X altera parte debemus cavere errorem illorum, qui dicunt se verè conversos, & ritè pœnitere, cum tamen eorum pœnitentia sit tota interior, nec videatur crescere, immò nec exterius prodi. Dum Filius Dei qua-

dam vice ex Bethania Jerosolymam concederet, pressus fame ficui appropinquavit prope viam plantatæ, dumque nullos fructus reperiret, sed solum virentia folia, eam diris devovit. Ficus in sacra scriptura, teste Divo Gregorio est Symbolum pœnitentiæ; nam sicut nostri primi parentes, postquam suum errorem agnovissent, & Deum se offendisse viderunt foliis ficus se tegerunt, ita sola pœnitentia potest nos obtegere, & abscondere ab iustis iustitiæ Divinæ; Fames, quæ torquet Filium Dei, nil aliud est, quam desiderium, quo peccatorum conversionem, & pœnitentiam desiderat. Hoc dixit Apostolis, dum Samaritanam convertit. Quod si nostra pœnitentia nullos habeat fructus, sed tantum mera folia, eam non acceptat, quin potius reprobat. *Ideo Dominus inquit Gregorius arborem foliis decoram, fructu sterilem maledixit, quia confessionis ornatum non recipit sine fructu afflictionis seu.* Confessiones affectatæ, apparatus verborum elegantium, promissiones montium aureorum, ego restituam, pellice me expediam, sunt folia virentia, at Deus his viroribus non contentatur, quin potius vult fructus, vult effectus, vult opera bona. *Idcirco omnis confessio inquit idem Gregorius peccatorum recipitur, ut fructus pœnitentia subsequatur.*

VII. **Q**uod si quæras à Sancto Paulo, quales sint fructus, quos hæc arbor pœnitentiæ producere debet? Respondet. *Ecce enim hoc ipsum secundum Deum contristari vos, quantum in vobis peretur sollicitudinem, defensionem, indignationem, timorem, desiderium, annihilationem, vindictam.* Fructus ejus sunt magnum

Matt. 21.

Iohann. 9.  
Lib. 6. c. 1.  
Reg. 6. 19.

2. Cor. 13.



magnum desiderium nostræ salutis, sancta indignatio erga peccata, timor, & apprehensio iudiciorum Dei, magna sollicitudo ut ei placeamus, zelus rerum Divinarum, Spiritus vindictæ contra nos ipsos, ut nempe in nobis offensas Dei puniamus. Quod si indages à sancto Chrysostomo, quales sint hi fructus? Audi eundem. *Facite fructus pœnitentia. Quomodo id faciemus? Si utique peccatis adversa faciamus verbi gratia, aliena rapuisti? Incipe donare jam propria. Fornicatus es? A legitimo usu re suspende conjugii. Injuriam, vel opere cuiquam, vel sermone fecisti? Refer verbum benedictionis convitiis, & percutienteste nunc etiam beneficiis placare contende. Deliciis ante, & temulentia diffusebas? Ieiunio, & aque potu utrumque compensa.* Quod si flagites à Sancto Paciano, quinam sint fructus digni pœnitentiæ? Dicit *Detrimenta carnis, damnaletitia, damna patrimonii, vitæ labores sunt propriæ actus pœnitentium*, id est mortificationes carnis, voluptatum suppressio, vanitatum fuga, bonorum temporalium amissio per elargitionem eleemosynæ, vitæ laboriosa.

Quod si flagites à Sancto Augustino, qui nam hi fructus sint? Respondet, *qui bene agit pœnitentiam suus ipse punitor est, sit oportet in se severus, ut in eum sit misericors Deus.*

VII. **E**T sane ratio hujus in Theologia est evidens. Pœnitentia inquit Sanctus Thomas est surculus iustitiæ, quæ est secunda virtus Cardinalis. Iustitia inquit Justinianus est voluntas perpetua, & constans ius suum cuique tribuendi. Pœnitentia itaque est voluntas sincera Deo restituendi hono-

rem, quem abstulimus, & satisfaciendi ejus iustitiæ ob offensas, quibus peccando eum offendimus, hoc posito, certum est, nullam voluntatem estimari veram, & sinceram, nisi exeat in actum dum potest; & hæresis est pessima Calvinistarum dicere, quod pœnitentia sit tantum quædam resipiscentia, quodque ejus perfectio tantum consistat in cessatione à peccatis. Hinc optimè Sanctus Gregorius. Manus non delet ea quæ scripsit per hoc, quod desistat à scriptione, linguâ quæ evomit convicia non satisfacit, tacendo, debitis obligatus non solvit per hoc, si debita nova non contrahat. Ut vulnus sanetur non sufficit extrahere sagittam, sed & adhiberi debent emplastra, & colligari inquit Chrysostomus. At enim verò, ut ad primam comparisonem redeamus, Christus non dicit tantum, quod arbor bona non producat malos fructus, sed & addit, quod debeat portare bonos fructus, & hoc esse signum, ex quo cognoscatur esse bona. Quod si nostra pœnitentia his qualitibus non sit vestita, est sterilis velut illa ficus, quam Christus diris devovit, unde & eadem maledictione involuetur.

## PVNCTVM TERTIVM.

*Falsa pœnitentia est inconstans*  
*Probatur primo scriptura, secundo*  
*patribus, tertio ratione, quarto com-*  
*paratione.*

VIII. **T**ertia proprietas falsæ pœnitentiæ est quod sit inconstans, & tantum diurna, & ephemera.



meris. Filius Dei omnem arborem non plantatam à Patre suo eradicandam asserit. Deus hanc pœnitentiam falsam, & apparentem in corde tuo non plantavit, sed amor tuus proprius, Spiritus vanitatis, aut alterius pravæ dispositionis, nam ideò tam exiguo tempore durat. An putes illam vitam, quæ intertextata, & picta est vitiis, esse vitam Christiani? Timendum est, ne illæ confessiones, post quas statim in eadem peccata labimur, ita ut postea illa iterum confiteamur, & rursus in ea labamur, & rursus illa confiteamur, & in illa relabamur, timendum est inquæ, quod non sint bonæ, & salutares, sed solum falsæ, & apparentes; nam alias ut inquit Tertullianus, & Sanctus Pacianus Sacramentum pœnitentiæ fieret opus probrium Christianorum.

IX. Institutio confessionis alias juxta eosdem diffamaret, & deprime-  
ret Ecclesiam, &, infideles dicerent, quod Religio Christiana daret saluum conductum, & literas missionis, iis qui liberè quælibet facinora patrarent, eò quod toties, quoties illa confiteantur uni sacerdoti, & recitent quasdam preces, ab iis absolvantur, & impuniti dimittantur. Et hinc sicut falsò pœnitentes tam citò redeunt ad vomitum, ita verè pœnitentes continuo vivunt in quadam compunctione, considerant se offendisse divinam majestatem, nec credunt se sufficienter pœnitere posse, aut sufficientem dolorem elicere; & hinc conantur tam diu dolere, quam diu est possibile, & dicunt cum David? *Dolor meus in conspectu meo semper,* et cum Paulo *Tristitia mihi magna est,* &

*continuus dolor cordi meo,* cum Jeremia plorant, plorabo die, ac nocte, & in hunc finem fontem Lacrymarum à Deo poscam. Et sanè talem pœnitentiam faciunt sapientes, sed non sic stulti, qui dolore brevi contentantur, qui tantum eorum cor cruciet, dum ad confessionem accedunt. Nonne res ipsa est, quod post factam confessionem, quam bonam putas, te certum de tua salute putes, ac si nunquam Deum offendisses? Non magis sollicitus es, ut rursus doleas de tuis peccatis, ac si nunquam illa patrasses; quod si ergo tua pœnitentia non fuerit legitima, si fuerit destituta aliqua circumstantia essentiali, quam Deus ad illam exegit, dic paulisper sodes, in quonam es statu? Quo amabo devenies? Viden, quid non fiat ob bona temporalia in quocunque statu.

X. Si agas advocatum, aut Prædicatorem, & actio instituenda sit, aut concio de aliquo argumento habenda, non tibi satis est, ut unica via illud probes, sed diversis mediis id confirmas, à priori, à posteriori, rationibus, auctoritate, exemplis, experientia, ut si una ratio non flectat iudices, aut auditores, omnes simul iunctæ eos convincant. Quod si agis mercatorem, aut institutorem, non habes tantum in tua officina unicum speciem mercium, sed diversas, habes tibialia holoserica, specula, funiculos coccineos, vendis cultellos, cristas, ocularia, pectines, calcedaria, calamaria, ita ut quod ex uno non lucraris lucreris ex alio. Quod si agas colonum, non conducis tantum unum jugerum pro uno anno, sed pro duobus, tribus, quatuor  
ut

Rom. 9.



ut si unus annus sit sterilis & infœcundus, alii anni tibi hoc compensent. Quod si igitur salus tua tibi cordi sit, uti esse debet, quia in ea consistit tua æternitas, non debes contentari unico dolore, quem eliciisti dum confitereris, sed totam tuam vitam debes transmittere in Spiritu contritionis, huiusque frequentes actus elicere, ut dum aliqui actus destituti sunt condicionibus necessariis, reliqui hos defectus suppleant.

## CONCLUSIO.

### *Exhortatio ad vitandam incertam, & dubiam pœnitentiam.*

X. Videmus, quod tot, & tot videantur agere pœnitentiam, & tamen cum Deus plangat, *Nullus est qui agat pœnitentiam*, signum est quod plurimi qui eam videntur facere, videbunt se delusos cum magno eorum damno. Plura sunt, & quidem pretiosissima, quæ ordinariè, & quotidie adulterantur. Nil est pretiosius auro, argento, balsamo, adamantibus, & tamen in nullo alio majores fraudes, & falsitates latent. Nil est excellentius pœnitentia, & tamen nil est quod magis falsificetur. Nemo sapius aurum, & argentum adulterat, quam falsarum monetarum cufiores. Nemo magis balsamum corrumpit, quam medicamentarii, nemo adamantes sapius falsificat, quam gemmularii. At enim verò, omnes nobis applaudunt de nostra pœnitentia, Diabolus, mundus, & caro. Spiritus malignus dicit, exiguo dolore omnia nostra peccata destrui, & unico peccavi obtineri abo-

litionem, & hostilitatem destrui omnium criminum.

Mundus, immò quandoque illi, qui Spiritualesiores sunt, ita discurrunt. Nè te nimium angas, & inquietes, sed pacato sis animo. Caro, & amor proprius byssinis verbis nos mulcent, & aiunt, ego ex aminavi meam conscientiam, omnia peccata confessus sum, pœnitentiam implevi, scio quod sim in gratia. Verum apage cum his nugis, audi quid dicat Spiritus Sanctus *De propitiatione peccato noli esse sine metu*. Et Sanctus pœnitens addit. *Anxius est super me Spiritus meus, in me turbatum est cor meum*, nempe ob peccata mea. *Cogitabo pro peccato meo*. Insuper axioma prudentiæ est. *Vbi est periculum, ibi cautius agendum*. Et quale est periculum majoris momenti, quam incurrere discrimen æternæ salutis? Nos uni confidimus Lacrymulæ, quæ sæpè procedit à teneretudine naturali, contentamur dolore falso, qui latet in officina nostri cordis, vel immò forsan in sola imaginatione. Sed quid erit nobis, si hæc nostra pœnitentia apud Deum insufficiens sit?

XI. Pœnitentia est secundus baptismus non minus necessarius iis, qui peccarunt lethaliter, quam primus. Porro si sit invalidus, quomodo poterimus justificari? Pœnitentia est unicuique scutum, quod nos potest defendere contra ictus, justitiæ Divinæ. Verum, si hoc scutum sit malè temperatum, quomodo cæsiones divinæ vindictæ declinabimus? Est unica tabula, quæ post naufragium nos potest salvare, quod si illa sit Putrida, quomodo tunc ad Portum appellere possimus? Est unica supplica, quæ post sententiam

Eccles. 33.  
Mal. 42.  
v. 4.  
Psal. 37. v.  
19.



damnationis obtinemus gratiam, quod si malè sit compositum, quomodo gratiam sperare possimus? Post amissionem vitæ spiritualis est unica resurrectio, verum si deficiens sit, labemur in mortem æternam. Illa est civitas refugij pro omnibus misellis reis, quod si aditus ad illam nobis interdicitur, ad quem asylum confugere poterimus? Illa ad salutem est necessariâ necessitate medij, unde siue nostra culpâ, siue sine nostra illa privati simus, actum est de nobis: Vultis scire, an vestra pœnitentia sufficiens sit? Adite Ambrosiũ, & ab eodem compendium hodiernæ, & hesternæ concionis audite. *Pœnitentem hominem dico, qui diligit quod ante neglexit, & quod malefecerat derelinquit.* Quod si tua pœnitentia sit bona, contemnes quod antea æstimabas, & æstimabis id, quod antea contempsisti. Et ut quidam dixit Clivoni, *Incende quod adorasti, adora quod incendiasti.* In ignem conjicias tabulas aleatorias, illas literas tuæ pellicis, libros obscœnos. Tu æstimabis lectio- nē Granatensis, meditationes, examen conscientie & visitationem infirmorum, prædicationes, omnia hæc avidissime appetes.

*Pœnitentem hominem dico, qui plangit quod peccaverat, & rogat Dominum, ut non iterum faciat, quod fecerat.* Quod si tua pœnitentia sit bona, non solum desiderabis diem transmittere in excubiis tuæ confessionis, sed & in omni loco in quo hæres, in quo quid agis, continuam displicentiam habebis, & hoc vulnus te semper insequetur, hæc cogitatio incessanter tuum corpus pul- sabit. Ego offendi meum Deum, ego

ejus mandata pedibus conculcavi, ego meam voluntatem Divinæ prætuli vo- luntati, rogabis Deum, ut te conserve, & præserve, ut potius mille tibi mortes immittat, quam quod relabaris in ali- quod peccatum. *Pœnitentem hominem dico, qui diebus, ac noctibus ingemiscit, & cum Propheta dicit; lavabo per singulas noctes lectum meum lacrymis meis.*

Noctibus integris suspirabis, toto die gemes, & dices ex corde. Heu me. Et cur mi Deus te offendi? ubi fuit mea anima, meus intellectus? Utinam in- fans mortuus fuisset.

*Pœnitentem hominem dico, qui post con- cupiscentiam suam non vadit, & volupta- tibus suis se privat.* Gaudia, & volupta- tes mundi tibi nil erunt, creaturis non aliter uteris, quam prout tibi necessariæ sunt ad conservationem vitæ. Priva- bis te recreationibus, & cibis superfluis. Dices, illi meritò latentur, qui Deum nunquam offenderunt, non autem ego, qui sum reus læsæ Majestatis. Hæc pœnitentia nequit esse opus hominis, sed necessariò est effectus misericordiæ Divinæ. Illam sæpe, & affectuosè ro- ga, ora eum sæpè, ad veram pœnitentiam nos perducere digneris. Ad eam aliquan- do nos conducit, & disponit per ele- mosynas, eas itaque siue corporales, siue spirituales fac, quantum est possibile. Illam nobis donat ob mortificationes, nam sicut humiliatio inquit sanctus Bernardus est via ad humilitatem, ita austeritates, & pœnitentiæ exteriores, sunt dispositiones ad compunctionem interiorem.

Illam nobis donat per intercessio- nem, & exempla sanctorum. *Ad me- liorem*



*liorem frugem nos misericorditer per san-  
ctorum suorum exempla restaurat. Devo-  
tè ergo eorum inclama auxilium, vitas  
eorum domi habeas, eas legas, & tuis  
præ legi facias, resolve te, quod velis  
eorum imitari pœnitentias, eorum ex-  
ercere austeritates. Quod si tuus secun-*

*us Baptismus perfectus sit, restituit te  
innocentiæ primi. Si habeas hoc scu-  
tum, tutus eris contra iram Dei. Quod  
si habeas hanc tabulam, feliciter appel-  
les ad portum felicitatis, & beatitudi-  
nis æternæ, Amen.*

## SERMO UNDECIMUS

Pro Dominica sexta post Epiphaniam.

*De objecto materiali pœnitentiæ, puta peccato mortali  
& veniali.*

*Aperiam in parabolis os meum? Matt. 13.*

**R**Egius vates Psalmo sexagesimo octavo vocat sacram scripturam mensam *fiat mensa eorum* (Judæorum scilicet incredulorum) *ipsis in laqueum*: nec malè; in sacra quipè scriptura, pascuntur animæ veritate divina. Et sicut Dives Paterfamilias suis hospitibus proponit varias, & varias epulas, ita Christus Auditoribus suis alias, & alias proposuit parabolas velut fercula exquisitè cocta ad gustum Auditorum, Ad hanc mensam hodie invitamur, & quidem fercula sunt de quotidiano usu, & quotidiana conversatione sumpta, nempe de agricultura, & pistura. Primo ergo apponit nobis sinapi, per quod intelligo ego pœnitentiam; nam sicut sinapi austeram habet acrimoniam, & vim inflammativam appetitui resistentem nec odore, nec colore, nec sapore blandientem, nam qui illud largius comedit vultum, & frontem corrugat, & in lacrymas resolvitur; sic etiam pœnitentia ingrata est, & amara, quia versa-

tur circa omnia peccata, quæ alias placuerunt; & sicut granum sinapi est parvum, ita etiam pœnitentia versatur circa peccata venialia, & minima. Ne tamè horreamus hanc mensam, Christus convertit cibos vindictæ, in cibos gratiæ, uti auctor doctè ostendit in hac con-  
*clutione. Pœnitentiam agite Matt. 3.*

**I.** Sanctus Spiritus in sacra scriptura non sine maxima ratione comparat justificationem peccatoris creationi. *Creati in Christo, ut simus in initium aliquod creatura ejus; cor mundum crea in me Deus*; nam sicut in creatione, Deus suam potentiam ostendit circa nihilum, & quo solem, lucem, & alias mille creaturas illustres extraxit, ita in justificatione pœnitentia suam vim exercet circa peccatum, quod est quoddam nihil, ut ex tenebris bellam lucem gratiæ educat; & extrahat septem dona spiritus, & habitus virtutum infusarum. Et quia sacrum Evangelium omnes animas Christianas ad pœnitentiam invitat, cum tamen plures

*Ephes. 2.  
v. 10.  
Iacob. 1.  
v. 18.  
Psal. 10.  
v. 22.*



plures sint, quæ nullum peccatum mortale patrarint, concludere debemus, quod objectum pœnitentiæ non solum sit peccatum mortale, sed etiam veniale, uti hoc discursu ostendam. At enim verò O sanctissima Virgo, neutrum ex his peccatis in te fuit, ideo tuus Divinus sponsus pulchritudinem tuam comparavit faci argenteæ Lunæ. Ne tamen aliquis te aliquâ macula notatam iudicaret, veluti hoc sidus maculatum est, ideo tuum splendorem comparat soli, & perhibet te Angelis tenebrarum esse quidem terribilem instar aciei castrorum ordinatæ, sed Angelis lucis esse admirabilem, & amabilem, qui est unus è titulis tuis celeberrimis, tibi homagium genuflexi præstamus, & te salutamus dicendo, AVE MARIA.

## IDEA SERMONIS

### EXORDIUM

*Christus convertit instrumenta vindictæ in vasa gratiæ, patet in pœnitentiâ, cujus quatenus virtus, & sacramentum materia est peccatum, sive mortale, sive veniale.*

II. **V**Nus è principalioribus effectibus Filij Dei in hunc mundum, & unum è celebrioribus testimoniis amoris ejus versus homines, est nempe hic, quod dum quondâ omnes creaturæ fuerint instrumenta mortis, vindictæ, maledictionis contra nos, nunc illas cōverterit in instrumenta vitæ, salutis, & benedictionis nostræ. *Convertit in vasa gratiæ instrumenta vindictæ.* Justitia Divina quondam hausit omnes homines aquis ultricibus diluvij uni-

versalis. Illud diluvium peccatores necavit, nec tamen peccata delevit; At enim misericordia subtilior, & perspicacior uti videtur, quâ justitia, aliud diluvium invenit, & quidem diluvium admirabile, & salutare, diluvium aquarum baptismalium, quæ mundarent peccata, conservarent, & sanarent peccatores. *Salvos nos fecit per lavacrum regenerationis.* Ita Dei aliâ vice vices subivit ignis, ut consumeret Sodomitas, & Gomorrhæos, & alias urbes peccatrices, quæ suam carnem corruperant; sed & misericordia Dei vices ignis supplevit sacro die Pentecostes, ut Sanctum amandaret Spiritum, & eum super omnem carnem effunderet. *Effundam de spiritu meo super omnem carnem.* Mors, morbi, Paupertas, & aliæ afflictiones, quæ sunt pœnæ peccatorum, possunt fieri instrumenta meritorum, & semen gloriæ, si ea patienter, lætanter, & cum resignatione in Divinam voluntatem recipiamus; verum enim verò id summè mirandum est, & omnem intellectum excedens, quod ipsummet peccatum per sapientiam, & bonitatem Filij Dei sit factum materia sacramenti Ecclesiæ. Nil odiosius, perniciosius, detestabilius est peccato. Econtra nil sanctius, salubrius, & magis appetibile est sacramentis Ecclesiæ, & tamen o prodigium! Omiraculum! Per bonitatem Salvatoris peccatum est pars sacramenti Ecclesiæ, pars non accidentaliter, non integraliter, sed essentialiter, & necessaria ad sacramentum pœnitentiæ. Nec est tantum materia sufficiens, sed necessaria ad valorem sacramenti. Nec potest esse materia pœnitentiæ, quatenus est sacramentum, nisi prius sit materia pœnitentiæ, quatenus est

*Tit. 3. v. 5.  
1. p. 19  
Joel. 2.*



est virtus, id est peccatum mortale, & veniale, uti hoc discursu ostendam, est subiectum, & objectum materiale veræ poenitentiae.

### PUNCTUM PRIMUM

*An unum peccatum mortale possit remitti sine alio: Adducuntur rationes probantes quod sic. Probatum quod non, primo scriptura, secundo Patribus, tertio responsione ad rationes contrarias, quarto in fine.*

III. SACRI Theologi, qui videntur omnia in dubium trahere, ut omnia certius, & infallibilius penetrarent, disputant in scholis, an anima Christiana queat obtinere remissionem unius peccati mortalis, absque eo, quod obtineat remissionem aliorum, quæ commisit? Et quidem primâ fronte nullatenus de hoc dubitandum videtur, nam Salvator nos docet, quod peccata sint debita, & obligationes, quibus obstricti sumus iustitiæ Divinæ, Duo debitores erant cuiusdam fœneratori, & nostris quotidie labris instillat has preces; *Dimitte nobis debita nostra.* Quis autem adeo cæcutiat, ut non videat creditorem posse remittere unum, duo debita, aut etiâ plura sine præiudicio reliquorum? Præterea sanctus Augustinus invitans nos ad compunctionem, & confessionem peccatorum, hanc nobis spondet promissionem ex parte Dei. *Si agnoscis agnosce, si accusas excusas, si poeniteas, ille ignoscit.* Quis autem ignorat, quod possumus agnoscere, accusare, detestari unam culpam, absque eo, quod agnoscamus, accusemus, detestemur ali-

am? In tribus valde differre vitia à virtutibus scimus. Juxta sanctum Ambrosium *Connexasunt sibi, & concatenata virtutes*, adeoque qui amat unam, amat omnes, qui perdit unam, perdit omnes. Verum non ita peccata; nam hæc invicem connexa, & concatenata non sunt, quandoquidem non solum differunt, sed & sibi contraria, & adversa sunt, uti patet in temeritate respectu timoris, avaritia respectu prodigalitatis.

Ex his conficitur, quod possimus detestari unum sine alio, & consequenter obtinere remissionem unius peccati mortalis, duorum, absque eo, quod nobis condonentur alia. Et ne hallucinemur, quæso vos in memoriam revocate, hic non esse quæstionem de potentia absoluta, & extraordinaria Dei, sed loquimur de cursu ordinario, & lege jam stabilita à Deo, an nempe possit juxta præsentem iustitiam animæ peccatrici unum peccatum remittere sine alio, nam cum id absolute posse nemo negat. Tertullianus loquens de mandatis Dei, hæc pronunciat. *Audaciam existimo de bono præcepti Divini disputare.* De ejus potentia non est disputandû, foret quippè temeritas quærere, an possit: sermo itaque est de potentia ordinaria, an Deus secundum eam remittat unum peccatum mortale tam quoad reatum culpæ, quam poenæ sine alio? Et Theologi respondent id nunquam esse factum, nec fore, quia David, *orat omnes iniquitates mea dele.* Præterea Deus dicit ad animas peccatrices. *Proiicite à vobis omnes pravagationes vestras.*

Psalm. 10.



Ezech. 18.  
v. 31.

IV. Et ob hanc rem, solam detestationem unius solius, cum sic omnia deleantur postulat, & dicit per Vatem Jeremiam. *Nemo est, qui agat poenitentiam super peccato suo.* Super hæc verba sanctus Joannes Chrysostomus sic discurret. Plures sunt inquit, qui habent aliquod peccatum particulare, habituale, peccatum, quod reservant, quodque est pullus Jovis, delicie cordis, Idolum, & parvus Deus, *Idolum Zeli* inquit Ezechiel, Idolum, quod deperiunt, peccatum, quod nec diluit sanguis Christi, nec confessio obliterat, ad quod dissolvendum nil queunt alia sacramenta, quia cordi infixum est, & amatur. Quod si conecionator hæc peccata velit perstringere, si confessarius illa velit excindere, si jubeat, ut eximas te occasionibus, certant pro iis velut pro aris, & focis, mille adferunt rationes ut se defendant, mille pretextus, quibus se excusent, mille propugnacula, quibus se muniant, & defendant. Immo quod deplorandum est, tota Sorbona, omnes Romani Pontifices iis non persuadebunt, quod in discrimine versentur salutis, & eternitatis. Quod si quæras quale hoc sit peccatum? Dico in aliquibus esse avaritiam, in aliis frequentationem popinarum, in aliis vanitatem, estimationem sui, amorem inordinatum prolium. Præterea sanctus Chrysostomus sic discurret. Dic sodes, quid juvat te exemptum esse aliis vitiis, si horum maniceps sis?

Viden paulisper quendam damna-

tum ad trirèmes, qui unico tantum pede victus sit, an non ridiculum foret, si jactaret se esse in plena libertate, & superbiret dicens, manibus, collo, brachiis, nulla sunt vincula injecta? Fateor, quod unico tantum pede captus sis, & tamen transtris es alligatus, ad trirēmē damnatus, virgæ Navarchi subiectus, non minus, quam si manicis, & compedibus constrictus esses. Diabolum non angit, quod non sis homicida, Adulter, Apostata à fide, sufficit ei quod sis mendax, ebriosus, alienorum detentor, hac catena te ligavit.

V. Sanctus Thomas hujusce rei causam assignans, monet, quod advertere debeamus magnam esse differentiam inter debita temporalia, & spiritualia. Creditor potest remittere debitum pecuniarium sine debito solvendo in vino, quia talis remissio nullam mutationem in debitore causat. Verum peccatum mortale nequit remitti, nisi voluntas peccatoris totaliter mutata sit, nec potest aliter mutari, quam per veram poenitentiam. Is autem qui, detestatur unum scelus mortale per veram poenitentiam, is illud detestatur ex quodam motivo Divino, nullatenus interessato, quia peccatum est offensæ Dei, quem anima amare super omnia debet; & consequenter, detestatur omnia alia peccata mortalia, quia quodlibet est offensæ Dei, offensæ injusta, odiosa, & infirma. Possumus quidem unum peccatum mortale in alio agnoscere, accusare,

3. p. 9. 86.  
art. 3. in  
corpore.

dam-



damnare, sed non detestari, & obtinere  
ejus remissionem.

Filius ideo Dei quotidie dicit animæ  
pœnitenti in justificatione : *omne de-  
bitum dimisi tibi.* Præterea, uti adjun-  
git idem sanctus, peccatum mortale  
non remittitur nisi per gratiam san-  
ctificantem, quæ opponitur cuicque  
peccato mortali, qualiterque leve,  
& parvum illud sit; nam alias homo  
pro eodem tempore posset esse Dei  
amicus, & inimicus, in ejus gratia, &  
disgratia, objectum ejus amoris, & o-  
dii, quæ implicant.

VI. Ulterius pergit sanctus Tho-  
mas, & nobis suadet, ne sistamus  
in pœnitentia, quæ detestetur nostra  
peccata obiter, & in confusio, sed  
ut quodlibet in specie, & in indivi-  
duo. En adnumero ejus verba. *Exigitur  
ad remissionem peccati mortalis perfectior  
pœnitenti ac intellige quam de veniali, ut  
scilicet homo actualiter peccatum, commis-  
sum detestetur quantum in ipso est, ut sci-  
licet diligentiam adhibeat ad rememoran-  
dum singula peccata mortalia, ut singula  
detestetur.* Et rursus. *In tempore præce-  
dente justificationem oportet, quod homo  
singula peccata detestetur, quorum me-  
moriā habet.* Suarez asserit plures  
esse Theologos, qui doceant hoc ca-  
dere sub præcepto, & pro hoc asser-  
to allegat Alensem, sanctum Bona-  
venturam, Adrianum, Angelum,  
Canum, Dominicum Sotum, Richar-  
dum, Gabrielem, Medinam, Pa-  
ludanum, Ruardum, Silvestrum. Re-  
liqui Doctores, qui in hanc non eunt  
opinionem, minus ultrò concedunt  
id esse securius, justius, & congru-

entius. Et ratio hæc est. Sicut no-  
stra voluntas sæpius separatur à Deo  
per actus formales, & distinctos, ita  
æquum esse videtur, ut sead eundem  
convertat, & redeat per actus pœni-  
tentia formales, expressos, & impli-  
citos. Porro in hunc finem monet  
Baruch : *Sicut fuit sensus vester, ut erra-  
retis à Deo decies tantum, iterum conver-  
tentes requiretis eum.* Baruch. 4.  
v. 18.

Quando sacra scriptura loquitur de  
perfecta pœnitentia, illa non dicit,  
quod tantum ad eum debeamus nos  
convertere, sed & redire. *Reverte-  
re ad me, noluerunt reverti à viis suis,  
reversi sunt.* Imaginemini vobis quen-  
dam adolescentem, qui discedens Pa-  
risiis, ubi habet suos parentes, amicos,  
sua bona, sub Hispano nomen militia  
dat, & ad Belgium proficiscitur, post  
aliquod tempus ad se redit, animum  
mutat, arma abiicit, nec contra suum  
Regem militare amplius vult, & ideo  
versus Parisios redire indendit. An  
dici potest hunc Parisios reverti? Ne-  
quaquam. Possumus quidem dicere  
quod in se redierit, quod animum, &  
mentem mutarit, verum ut dicatur  
reverti Parisios, debet relegere can-  
dem viam, & idem iter repetere,  
quod peregit in Belgium concedendo.  
Vos discessistis à Deo, & cælo, quod est  
vestra patria, & omne vestrum bonum.  
Vos arma contra eum arripuistis, vos  
sub signis hostilibus militastis, vos varias  
offensas scelerum specie diversas comi-  
sistis, vos ad vos ipsos reditis, arma abi-  
citis, vos cessatis à crapulis, à peccatis,  
& quidem optimè facitis, bonum est  
hoc opus, ad vos reditis, intratis in

34. quest.  
27. art. 1.

art. 5. 12. q.  
113. ad 3.  
Suarez 3. p.  
disp. 4.  
sect. 9.

Jerem. 3.  
alibi scilicet



vos ipsos. At enim, ut perfectè gratiæ restituamini, & amici Dei fiat, ut plenè ejus justitiæ satisfaciatis, per diversos actus respicientiæ, pœnitentiæ, & diversarum virtutum ad eum redire debetis, actus inquam, qui peccatis, quæ patraistis contrariantur; per actus humilitatis oppositos vestræ superbiæ, pietatis oppositos vestræ indevotioni, temperantiæ, & mortificationis oppositos vestræ intemperantiæ, & variis indissolutionibus.

PVNGTVM SECVNDVM.

*Pœnitendum de veniali primò ratione præteriti, secundo ratione Præsenti, tertio ratione futuri.*

VII. **I**ngredimini scripturam, & invenietis in Exodo, quod quamvis Pharaon instanter, & incessanter rogavit Moysen, ut aulam suam, & regnum liberaret a ranis, muscis, ac aliis gravibus flagellis, nunquam tamen petierit liberari à culicibus. Non ab similitur plures sunt Christiani, qui graviter apprehendunt, quod peccarint mortaliter, & valde de hoc dolent, confitentur, & gaudent se à peccato mortali esse absolutos, & tamen nec in minimo timent peccata venialia, illa absorbent instar aquæ, illa sine numero multiplicant, nec vel in minimo anguntur ut ab iis per poenitentiam liberentur. Et tamen multum refert, loquor verò de peccatis venialibus principaliter, quæ committuntur ex consuetudine, affectu, aut aliqua adhæsiōe speciali, aut de iis, quæ quis committit deliberatè, à proposito, aut ex consuetudine voluntaria, ut ver-

bi gratia. si quis caput circumvoluat in templo, si quis negligenter oret, si quis irreverenter respondeat parentibus, leviter injuriosus sit domesticis, tempus fallat fabulis, nugis, aut aliis actionibus inutilibus, si quis vanè, & nimium corpus ornet, multum inquam refert, immò plusquam tu credas, ut bene, & attentè detesteris hujusmodi peccata, dum vadis ad confessionem, idque ob diversas causas.

VIII. Et primo quidem, quia evenire potest, & sæpe evenit, ut illa peccata, quæ patraistis, videantur vobis esse parva, & levia, ut etiam sunt ex specie, & natura, nihilominus vos non parum culpabiles reddant apud Deum ob quasdam circumstantias, quæ ea valde augment, & aggravant. Quis persuasum sibi fecisset oram mortem promeruisse, eo quod arcam fœderis cum parva temeritate, & irreverentia tetigisset? Quis credidisset Ananiam, & Saphiram meruisse, ut morte necarentur, eo quod nonnulla retinuerint ex iis, quæ ex devotione obtulerunt ante pedes Apostolorum? Quis unquam judicaret misellum quendam Prophetam morte afficiendum ob refectionem quandam temperatissimè sumptam apud aliquem alium Prophetam contra mandatum Dei? Sanctus Bonaventura hujus est sententiæ, ut peccatum leve, & veniale ex natura sua parratum in statu innocentiae, transitorium fuisse, in mortale ob eminentiam, & nobilitatem illius status affirmare non dubitarit. Sanctus insuper Augustinus loquens de primo homine, dicit eum putasse, quod comedendo de fructu verito solum peccaturus erat venialiter, & facilius veniam ob-

1. Regum 6.  
2. Reg. 5.  
3. Reg. 15.

in 2. dist.  
21. part.  
3. quest. 10.

ob-



obtenturus, eò quod eum comederit non ex aliqua prava intentione, sed solù ut gratificaretur suæ uxori ex *sociali necessitudine*. Illa igitur peccata, quæ commisisti, & quæ tam liberè comittis, possunt esse graviora, quam tu putes, idque vel ob eminentiam tui status, quia es Episcopus, aut Religiosus, vel ratione scandali, quod aliis præbes, vel ratione magnæ ingratitudinis ob beneficia recepta, vel ratione cognitionis perfectæ, quâ malum cognoscis, vel ratione magnæ adhæisionis, & affectus, quo objecto tuarum passionum adhæres, vel ob aliquam aliam circumstantiam. Tu es sacerdos, & sæpe dicis, quam verè vivo, per vitam meam, sæculares, qui nefciunt, an jures, vel non, tuo exemplo ad sæpe jurandum incitantur. Sæpe juras in præsentia tuorum liberorum, & hoc verè, & illi tuo exemplo edocti pejerare addiscunt. Quod si non detesteris peccata, quæ tibi videntur levia, si reipsâ ob aliquam circumstantiam gravia sint, periculo te exponis faciendi confessionem nullam; eò quod vera pœnitentia saltem virtualiter debeat detestari omnia peccata mortalia.

IX. Ulterius, verum quidem est, quod peccata venialia non sint materia necessaria confessionis, sicut sunt mortalia, hoc est dicere, quod possis obtinere remissionem venialium extra Sacramentum confessionis, attamen sunt materia necessaria pœnitentiæ, ita ut sine iis non dimittantur. Et hoc adeo verum est, ut Theologos vexet resolutio hujus questionis, quomodo anima, quæ ex hoc mundo discedit cum aliquo affectu ad venialia, salvari possit? cum nil coin-

quatum, aut minima macula affectum cœlum intrare possit? Vbi ergo hæc macula levis diluetur? Non inquit in purgatorio, quia hujus ignis ideo est, ut deleat reatum culpæ, non poenæ. Melioris notæ Theologi asserunt, quod in illo instanti, in quo in statu gratiæ constituti morti pensum solvimus, Deus infundat animæ nostræ radium quendam suæ lucis, per quem turpitudinem peccati verialis cognoscamus, & concipiamus horrorem ejus, illud detestemur, & ita in hoc instanti remissionem ejus obtineamus. Adco verum est, nullum peccatum, siue mortale, siue veniale remitti absq; pœnitentia actuali, vel virtuali; explicita, vel implicita, formali, vel eminente.

Quod si nonnunquam audias in concionibus, vel legas in aliquo libro Spirituali, quod peccata venialia dimittantur per orationem Dominicam, aquam, aut panem benedictum, benedictionem Episcopalem, & similia, quæ à Theologis vocantur Sacramentalia, hoc non ita intelligere debes, quasi hæc immediatè, & ex se efficaciter peccata venialia deleant absque actu pœnitentiæ, sed quod ii, qui devotè recitant orationem Dominicam, quia spargunt se aquâ lustrali, qui comedunt panem benedictum, qui humiliter rogant benedictionem Episcopalem, mediantibus his Sacramentalibus obtineant à Deo remissionem, & gratiam, perquam detestari peccata venialia possumus & ita eorum veniam obtinere.

Insuper sciendum est, quod dum detestamur peccata mortalia, ea non detestemur ex amore proprio, vel ex timore naturali æternæ damnationis, nam amor

3. p. q. 387.  
art. 3. ad 1.



proprius naturaliter apprehendit hanc durationem longam pœnarum, & hanc æternitatem interminabilem suppliciorum; verum diu detestamur venialia, detestatio eorum videtur purior, & magis procedere ex puro amore, & carere proprio lucro. Quod si arcis præfectus alicujus principis, vel aulae magister, solum sollicitus sit, ne principi suo damnum grave inferatur, aut aliquid notabile furripiatur, judicare possumus, ne id faciat formidine pœnæ, & amotionis ab officio; sed si caveat, ne vel minima res perdat, aut auferatur, puta nec una candela, filum, acus, ostendit, quod affectus sit suo Domino. Si tu solum vites peccata mortalia, videris id facere ob metum gehennæ, verum si detesteris, & punias peccata venialia, ostendis quod ames Deum, & abomineris omne id, quod Deum potest offendere.

X. At enim, verò, Sanctus Gregorius aliam affert rationem, quæ nos merito inducat, ut practicemus hanc veritatem. *Peccatum inquit quod cito poenitentia non diluit, mox suo pondere in aliud trahit.* Et hæc propositio verificatur, tam de peccatis mortalibus, quam venialibus. *Contribulasti capita draconum in aquis* inquit David. Hæc verba ad literam intelliguntur de militibus Pharaonis, qui capita draconum in suis manticis habentes, mari rubro hausti sunt, verum in sensu tropologico, & morali, intelliguntur de vitiis capitalibus, quæ submergi debent per aquas maris poenitentiae amaræ. Theologi docent, quod septem peccata capitalia in se non sunt quidem mortalia, sed quod sint capitalia, hoc est radix, semen, origo, & dux plurima-

liorum, unde multum interesse conficitur, si mari rubro poenitentiae hauriantur. Et quamvis sint solum venialia, tamen si permittamus ea vivere, & subsistere, alia producant, & sæpe mortalia. A verbis oriosis transitur ad inhonesta, à mendacio officioso ad perniciosum, à parva contumelia, ad graves detractiones. Qui assevit jurare, nonnunquam peierat. Filius familias, qui primo aliquot teruncios e mensa surripit, dum illa tergum vertit, postea nonnullos nummos clepit ex ejus crumena, quamvis cum timore, dein Spiritus sumit pecuniam furandi è scriniolo, si casu linguatur apertum, & dein efformandi falsam clavam.

## CONCLUSIO.

*Rationes conglobatæ pro secundo puncto, & dein pro primo puncto, cum instructio-*

Joel. 7.  
v. 12.

ne.

XI, **B**Eatus dicebat David, *qui tenebit, & allidet per vultus suos ad petram.* Felix ille, qui non nisi inadvertenter, & ex fragilitate peccata committit, felix ille, qui postquam ea patravit, statim ea per veram poenitentiam delet. Peccata quamvis minima, sunt offensa Dei. Et quæ so te, dic paulisper an velles displicere Principi, & magnati terrestri, si tua fortuna ab illo omnino dependeret? Attende parum per, quomodo te excuses, quomodo te humilies, si vel minimum dicas, aut facias, quod homini honesto displicet. Peccata inquit Sanctus Augustinus, sunt scabies, lichen, & mentagra, quæ consumunt niorem animæ, eamque privant amplexibus, & ha-

Serm. 9. 2.  
de Sæctis.

Psal. 73.  
v. 13.

fiat.



sationibus Sponsi, sunt vulnera parva, quæ si negligantur, trahunt post se gangranam. Sunt grana sabarræ, quæ si multiplicentur, adeo possunt fieri ponderosæ, & navem adeo deprimere, ut eam mergere possint; *Qui time Deum, nihil negligit.*

Peccata offuscant intellectum, debilitant voluntatem, liberum arbitrium reddunt languidum, sinderesis cuspidem hebetant, charitatem frigefaciunt, imaginationem dissipant, concupiscentiam accendunt, irascibilem excitant, notabiliter vires animæ minuunt, lumen Dei in vobis extinguunt, & gratias ejus particulares suffocant. Anima igitur adeo debilitata, & viribus exhausta, miserè succumbit sollicitationi primæ minimæ tentationis.

XII. *Beatus, qui tenebu & allidet parvos suos ad petram.* Qui deliquit mortaliter, debet facere id, quod egit David cum Ammonitis, qui contra jus Gentium publicam fidem violarant. Ipse incolas cujusque urbis ferro successivè delevit. Ita quoque gladio pœnitentiæ quodlibet peccatum est delendum, & quodlibet coram Deo cum attentione cordis, Spiritu compunctionis, confusione, resolutione per aliquā pœnitentiam in memoriam revocandum, idque distinctè, particulariter juxta qualitatem, & naturam cujuslibet peccati: Hinc Chrysostomus. *Contritio paratur per discussionem, collectionem, detestationem peccatorum, ponderando eorum gravitatem, multitudinem, fœditatem.* Hoc docet nos Ecclesia, ita practicarunt Sancti pœnitentes. Concilium Tridentinum loquens de contritione dicit, quod illa in memoriam accuratè revo-

cet peccata à nobis commissa, quod ea cum horrore, & detestatione scrutetur, consideret eorum gravitatem, fœditatem, deformitatem.

XIII. Postquam Sanctus Petrus ter negasset, Christum, Assertor noster ter ab eo petiit, num se amaret, ut per tres confessiones fidei, & tres protestationes amoris, suum triplicem errorem dilveret. Similiter Sancta Magdalena apud Divum Lucam, distinctè, & particulariter omnia illa, in suam pœnitentiam, & exercitium amoris impendit, quæ ipsi fuerunt instrumenta peccandi, hinc oculis ploravit, labris osculata est pedes Christi, capillis suis illos terxit, suffitus, ut eos condiret, & hoc, quia hæc omnia in res inhonestas impendit, os in oscula lasciva, capillos in vanos ornatus oculos in aspectus libidinosos, suffitus, ut adolescentes pelliceret. Sancta Paula, uti refert Sanctus Hieronymus, dum in Bethlehemi pœnitentiam ageret dixit, genas deturpabo, quas antea contra legem Dei cerussâ, & stibio pinxi, corpus affligam, quod tot deliciis nutriti, lacrymis continuis, voluptates, & gaudia mundana diluam, cilio, & asperitate vestium, delebo vestes, & linteamina subtilia, & pretiosa. *Qua viro, & saculo placui, nunc Christo placere desidero.*

Similiter Sanctus Arsenius, ut delicias compensaret, quibus potitus erat in aula Imperatoris, dum ejus Filios Arcadium, & Honorium institueret, intra vastum nemus se condidit, & ut castigaret verba otiosa, quæ protulerat, arctissimum sibi silentium indixit, ut puniret delicias ab

2. Regum.  
2. v. 30.

Hom. 16.  
in Matt.

q. i.  
c. 1.



ab olfactu perceptas conservando eor-  
bes, nunquam aquam omnino effudit,  
sed quotidie recentem putridæ miscuit,  
vice vestium pretiosarum, non nisi cen-  
tones gestavit, pro lecto molli cortinis  
opulenter cincto, cubuit super corbæ,  
ceu cratem ex viminibus salicis contex-  
tam, & plexam; vice complemento-  
rum aulicorum, se incivilem, in urba-  
num, & rusticum præbuit. Ille domi-  
cellæ cuidam, quæ ex diffitis partibus  
advenerat, ut eum videret sui aspectum  
interdixit, & collocationem, dumque  
illa se precibus ejus feruenter com-  
mendaret, ei dici jussit, Deum in-  
cessanter flagitabo, ut nunquam tu ire-  
corder.

XIV. *Qui secutus es errantes. sequere  
penitentes.* Ut hos imiteris, in manus ac-  
cipe memoriale Granatensis, & post-  
quam legeris decem, aut duodecim  
priora capita, antequam te prosternas  
ante confessarium, Deo tua peccata  
confitere in spiritu contrito, & corde  
humiliato, eaque illi exactè, distinctè  
propone, quoad omnes species, actum-  
que doloris circa quodcunque signan-  
ter exerce, & juxta cujusque qualita-  
tem, tibi penitentiam salutarem impo-  
ne. Mi optime Deus, ego tuum san-  
ctum, & tremendum nomen blasphe-  
mavi, Ergone, ego vilissimus vermicu-  
lus terræ, tam audax, & temerarius au-  
sus esse fuerim, ut verbis injuriosis te  
summam, & altissimam majestatem  
prosciderim, & hoc interim, dum te  
Angelilaudarent? Quomodo fieri po-

tuit, ut hi in abyssum me non præcipita-  
rint? Id millies fecissent, nisi per nimi-  
am tuam misericordiam id impedivisses.  
Pro satisfactione, & compensatione suf-  
ficiente, ego in terra prostratus, tribus  
annis quotidie tribus vicibus recitabo  
illum decantatum versum *Gloria Pa-  
tri &c.*

Mi Deus, ego transgressus sum tuam  
legem mille peccatis impuris, infami-  
bus, pudibundis, bestialibus à me com-  
missis. Et qualis hæc non fuit impu-  
dentia, & temeritas? Quomodo illa  
coram te, & in oculis tuis ausus fui pa-  
trare, qui adeo sanctus haberi, videri vo-  
lo, ut nec coram vilissimo rustico illa  
committere vellem? Deinceps pro sa-  
lutari penitentia omnibus feriis sextis,  
& sabbathis totius anni jejunare volo  
vel quotidie una portione in mensa  
me privare. Et ita similiter discur-  
rere possumus de aliis offensis. Et  
postquam hoc factum est, omnia pec-  
cata quantumvis minima, & levissi-  
ma videantur, quantumvis minima,  
& levissima credantur, repeto, quan-  
tumvis minima, & levissima videantur  
cavenda sunt, quia non sunt parva,  
nisi collata majoribus, quia, ut verbo  
finiam, omnia Deum infinitè magnum  
bonum, sanctum, amabilem, & vene-  
randum, cui sit honor, gloria, laus,  
salus, benedictio in sæcula sæcu-  
lorum offendunt, Amen.

—s) (o) (—s)

†



# SERMO DUODECIMUS

Pro Dominica Septuagesimæ.

*Ite & vos in vineam meam? Matt. 20.*

## EXORDIUM.

**H**ominem comparari vineæ com-  
munis est expositio sanctorum  
Patrum, & luculenter insinuat,  
ac docet S. Bernardus in illud cantico-  
rum: *Vineæ florentes dederunt odorem  
suum*, tempus putationis advenit. Hoc  
est, tempus est, ut vinea animæ nostræ  
recidatur per ferrum pœnitentiæ. Nunc  
ergo nos monet Christus, ut eamus in  
vineam, & eam per ferrum pœnitentiæ  
putemus, pareamus ejus invitationi, &  
vineam intremus, ne duram illam, &  
metuendam increpationem audiamus;  
*Quid statis hic totâ die otiosi?* quia jam  
tempus est, quo pœnitere, & vineam  
putare debemus, quia pœnitentia dila-  
ta in tempus sequens, est incerta ob di-  
em mortis incertam, erit difficilior, &  
erit minus fructuosa, & sicut hodie non  
amplius vocavit eosdem, ita forsan etiâ  
nos non amplius vocabimur; nunc ergo  
suadebo, ut hodie pœnitentiâ incipiam⁹  
facere uti præstat, Auctor in hac con-  
cione. *Nunc annuntiat Deus hominibus,  
ut omnes pœnitentiam agant. Act. 13.*

I. Devotus, & Mellifluus Bernardus  
insigniter illustrans illa verba è sacris  
canticis; *vineæ florentes dederunt odorem  
suum*, tempus putationis advenit, dicit per  
vineas in sacra scriptura designari ani-  
mas Christianas, & vineas tunc putari,  
quando per ferrum pœnitentiæ, recidi-  
mus imperfectiones, & vitia, quæ impe-

dire fructus operum, meritoriorum pos-  
sunt. Verum singulariter advertit spon-  
sum dixisse, *tempus putationis advenit*,  
nâ pœnitentia, ut sit utilis, & fructuosa,  
debet fieri suo tempore, & modo. Porro  
tempus comòdum, & salutare, est tem-  
pus præsens, quod nobis Deus offert,  
nam Apostolus dicit, *Ecce nunc tempus* 1. Cor. 6.  
*acceptabile, ecce nunc dies salutis*, & supra  
*Nunc annuntiat Deus hominibus, ut faci-  
ant pœnitentiam*. Et per suum Prophe-  
tam: *Hodie si vocem ejus audieritis, nolite  
obdurare corda vestra*. Hoc est tempus, O Psal. 94.  
sacerrima virgo, quod per tuum exem-  
plum, & intercessionem fructuosè im-  
pendere debemus. Ecclesia in suis san-  
ctis precibus quotidie per excellentiam  
te vocat Virginem fidelem. Fidelitas  
creaturarum respectu sui creatoris, con-  
sistit in hoc, ut promptè, plenè, punctua-  
liter obediant. Tu semper, ei punctuali-  
ter obedivisti nec ulla fuit sancta inspi-  
ratio, cui aures occluseris, & cui non re-  
sponderis exactè. Tu illi paruvisti plenè  
correspondendo omnibus ejus gratiis,  
tu illi obtemperasti promptè, ita ut nec  
per momentū distuleris facere id, quod  
vidisti ejus placiturnum voluntari. Et hæc  
est promptitudo, quam rogamus in te i-  
mitari, & illam etiam promptitudinem,  
per quam incepta est nostra salus, dum  
consensum præbuvisti, legationi Angeli  
qui te salutavit hisce verbis, Ave Maria.



IDEA SERMONIS  
*Nunc facienda est poenitentia,  
 nec debet differri in tempus fu-  
 turum.*

II. **Q**Vandoquidem Filius Dei expresse dixerit, *nisi poenitentiam agatis, omnes peribitis*, frustra inculcamus animabus peccatricibus poenitentiam esse absolute necessariam, & quidem necessitate medii ad salutem; cum enim sint Christianæ, hoc non ignorant, de hoc non dubitant, quia de hoc sunt certæ, adeoque fieri potest, ut id aliis prædicent. Verum quæstio in hoc consistit, quando agenda sit poenitentia; nam mundanus dicit, non esse festinandum, nec esse periculū in mora, fas esse illam differre, se eam acturum, dum ardor transferit juventutis, cum sua studia absolverit, lucratus fuerit processum, proles suas dotarit, illud officium, vel beneficium acquisierit, tunc dicit, quod se convertet ad Deum, & poenitentiam ager. At enim apage cum his nugis, ego siquidem vobis ostendam, quod si sapiatis, & vestra salus vobis cordi sit, illam agere nullā tractā morā debeatis. Ostendam vobis inquam tribus validis rationibus, prima, quia poenitentia quam in tempus differtis sequens, est incerta, secunda, quia erit difficilior, tertia, quia minus fructuosa.

PVNCTVM PRIMVM.

*Conversio dilata in tempus sequens est incerta ob diem mortis incertum quod probatur primo scriptura, secundum Patribus, tertio comparatione, quarto ratione.*

III. **P**hilosophus moralis agens de

morte pronunciat quoddam verbum, quod si bene consideretur auro æquivaleret. *Citatur inquit ad depositum non ad censum.* Dum Deus nobis vitam dedit, illam nobis consignavit non velut censum, sed solum tanquam depositum. Magna est differentia inter depositum, & censum; primò quippè, si tibi donem pecuniam ad censum, mox ut contractus initus est, pecunia est tua, & tu habes ejus dominium, & usum, eā potes ludere, negotiari, eam proficere in mare, absque injuria alterius, dummodò omnium annorum interesse mihi solvas. Verum, si laminam argenteam, cumulum auri, aut aliud quippiam tibi consignarim tanquam depositum, tu non habes harum rerum dominium, proprietatem, vel usum, nec potes de iis disponere, sed solum eas asseruare quamdiu mihi placuerit. Secundò, si tibi tanquam depositum dederim rem, quæ est utilis, & fructifera, fructus, & emolumenta non pertinent ad te, sed ad me. Declaro. Agneculi, quos peperit ovis, fructus, quos percipit ex equo depositarius non spectant adhuc, sed ad deponentem. Tertio, teneris ad primam petitionem mihi reddere depositum, absque ullo justo prætextu, & excusatione hoc negandi. Porro Jurisperiti hanc ipsam quæstionem proponunt, verbi gratia, justo titulo debeo tibi centum ducatos, quos solvere tibi nolo, ego vice versâ dedi tibi rem mobilem tanquam depositum, an illud depositum titulo compensationis mihi retinere possis? Respondent autem Juriste, quod non, & quidem conformiter ad ipsas leges, adeo quippè fidelitas



tas depositi est sacra, & inviolabilis. Ita habetur *cap Bona fides de deposito*, & in lege civili; *In bona fide, insti: de actionibus*. Præterea lege *si quis pecunias cod Depositum* dicitur, quod si depositarius habeat aliquam actionem realem vel personalem adversus depositorem, alia viâ sibi debeat prospicere, & jure ipso sine ulla exceptione depositum reddere. Audite legem. *Ut contractus qui ex fide oritur ad perfidiam minimè referatur.*

*Citatur ad depositum, non ad censum.* An vita nobis data sit ad censum? Non nam in quolibet censu, ille qui accipit rem ad censum acquirit dominium, & proprietatem ejus, vita autem nostra est Dei, nec ejus dominium, vel proprietatem acquirimus, Deus est ejus Dominus, nos tantum ejus proprietarii. Vita pertinet ad sanctos, qui sunt in celo, non vero ad homines, qui gemunt in hoc mundo. De viatore cecinit Psaltes *Vitam petiit à te, & tribuisti ei.* Ut autem ostendat, quod loquatur de altera via dicit, *longitudinem dierum in saeculum saeculi.* Et hoc ipsi Pagani lumine naturæ edocti agnoverunt. Socrates Philosophus, ut refert Plato in *Phædo*, seu dialago de anima, postquam in carcerem Atheniensem conjectus, audivit se cicutâ venenosâ enecandum, ut illam sumere debuit, contestatus est, cor ejus præ gaudio exultare, dum fato, & morti quam tam diu, & tam ardentè desiderarat, tam prope se ad mortem conspexit. Dumque Cebes amicus ejus illi obiiceret, quandoquidem mors sit ~~malum~~ bonum, adeo ab ipso concupitum, cur

jam dudum illam sibi non conquestus esset, & expectasset incarcerationem, & Parlamenti sententiam, unam esse ianuam, per quam mundum intramus, plures vero, per quas eximus, an non aliud genus mortis eligere potuerit, prudenter Philosophus respondit, Deum vitæ nostræ esse Dominum, & proprietarium, ita ut nos eam alienare, nec de ea pro libitu nostro disponere possimus, sed solum juxta voluntatem Dei, & judicium, qui ejus vices agunt. Vita itaque nostra non est nobis data ad censum, sed ad depositum.

IV. Itaque *Custodi animam tuam sollicite.* Hoc depositum non est nostrum, de eo disponere non possumus, eo uti non possumus pro libitu, nec illud impendere in ludos, recreationes, choreas, libidines. De pecunia, quam possidemus ad censum sine injuria illius qui illam nobis ad censum consignavit, dicere possumus, ego partem dabo cui volo, aliâ parte negotiabor, tertiâ debitum solvam. Verum de vita nobis in depositum tradita, sic non possumus discurrere, nec disponere, ego juventutem meam transigam in voluptatibus sensualibus, statum virilem in acquirendis mediis, in senectute faciam penitentiam, & satisfaciam Divinæ justitiæ, sine injustitiâ nec unicam partem expendere possumus contra voluntatem Dei, qui est ejus Dominus, adeoque solum ad ejus servitium illam impendere possumus. Secundo, omnes fructus depositi, omnia opera, omnia verba, omnes cogitationes, & actiones hujus vitæ ipsi debent præsentari, offerri, consecrari tanquam fructus depositi, quod suo Domino fructificat.



Quomodo ergo in teipsum tantum spectes? Quomodo tantum proprio lucro inhias? Quomodo nil facis pro tuo Deo? Ergo ne tantum non facias, ut tuas actiones ei mane offeras? Tertiò, & quod maxime meo deservit proposito, quamvis id quod cogitas esset verum, quamvis haberes aliquam actionem contra Deum, quamvis tu es creditor, & ipse tuus debitor ob ali- quod opus bonum, quod in ejus gratiam fecisses, quamvis ille tibi illud munerare obligaretur, attamen suum depositum quando vult, sine ulla injuriâ à te repetere potest, & tu ad primam postulationem sine ulla contradictione illud redderis teneris.

Vj *Stulte hac nocte repetent animam tuam.* Tudicis, quod veliste convertere, & dare operibus piis, frequentare Sacramenta, postquam in matrimonium collocaris tuas proles, adieris illam hereditatem, obtinueris illam dignitatem. Transire hoc posset, si esses Dominus tuæ vitæ. Sed Dominus inquit, *Non est vestrum nosse tempora, vel momenta, qua pater posuit in sua potestate.* Quod si vestrum non sit cognoscere, multo minus de iis disponere. *Quam stultum est inquit Seneca aetatem disponere, dum ne crastino quidem dominamur.* Et Sanctus Augustinus. *Deus conversioni tue indulgentiam promissit, sed dilatori tuæ crastinum non promissit.*

Quin potius est contrario, ille sæpe nos monet in Evangelio, quod obruet nos instar Latronis, quod nos appellabit, dum minimum putamus, & ne ullum prætextum, vel excusationem allegare possimus, in hac materia, præter mortem suam monitiones, quas dedit Apo-

stolis, vobis quoque dici clarè testatur. *Quod autem vobis dico, omnibus dico; vigilate.* Atenim verò, deplorandum est, quod nos imitemur illum insipientem ambitiosum, de quo propheta agunt historiae.

VI. Recenset Aemilius Probus, Plutarchus, & alii Historici, quod postquam Archias opulentus civis Atheniensis principatum Patriæ sibi usurpasset, solum ascendisset Regale, & diademate caput cinxisset, adolescentiores urbis in libertate nutriti, & in omnem licentiam proclives, dum illud jugum ferre non possent, conspirarunt, & statuerunt novellum Regem Sceptro, & vita exuere, & ita illud tyrannicum jugum excutere. In hunc finem subornantur quendam nomine Phylidum amicum simulatum, & reipsâ inimicum Tyranni. Hic iis addixerat se Archiam in domum suam ad opiparam invitaturum cœnam, & sub eandem se eos in domum introducturum, & in quodam conclavi reconditurum, ut ita sub mediam cœnam in eum irruerent, & trucidarent. Coniuratio hæc adeo latere non potuit, qui non uni ex familiaribus Tyranni innocesceret, quod eadem die esset executioni mandanda. Hinc sine mora citatis equis tabellio rem ablegavit ad Regem cum literis, in quibus ei licitorum nomina, qui eum illa nocte trucidaturi erant, significavit. Tabellio Regium alloquium petit, admissus à Rege jam cœnante, literas in proprias ei dat manus, rogans ut statim illas legere dignaretur. Rex acceptas literas, & amicum suum nomine suo salutari, & que gratias agi jubet, se paulò post literas lecturum. Instat Tabellio,

Matth. 23.  
v. 73.

Az. 1.

In Psal. 1.  
99.

Sere-



23.  
3.  
Serenissime Princeps, Dominus à quo sum missus, postulavit instanter, ut sua majestas statim illas legete dignetur, addens in iis valde seria contineri. Rex genialiter respondit seria in crastinum, nunc pergracandum est, & genio indulgendum, & literas clausas pulvino sup-  
posuit. Media vix elapsa hora, e latibulo prorumpunt conjuratores, in eum itrumpunt, & misere occidunt. Quid dicitis Auditores charissimi, de socordia, & incuria hujus Tyranni? Nonne valde stupidus fuit? Et tamen tu illo negligentior, & stolidior es.

Tu idem fecisti dum contra decretum Regis, & legem Dei, tot acceptasti munera, dum monopolam egisti, & decreta cum damno aliorum emisisti, dum tot injustitias commisisti cum nocummento creditorum, dum periurium patraisti, ut diploma obtineres, quod iuste petere non potuisti, dum pondus, & mensuram vendendo adulterasti. Tu idem fecisti, dum Tyrannidem exercisti, dum comarchus, seu primus es in parochia, Magister, & Princeps inter tuos vicinos, omnes te adorant, honorant, reverentur, ob parva bona, quæ habes conciuratur contra te, & tu nihil scis, conspiratur contra te, & tu non attendis, jam agis annum sexagesimum, vel sexagesimum primum, ille humor catharus, qui sedem fixit in tuo cerebro, quique mox defluet super tuum cor, illa glareæ, seu arena, quæ condensatur in tuis renibus, quæque mox degenerabit in lapidem, illa alia accidentia, quæ te obruent, nil aliud sunt, quam conjuratores, qui vitæ tuæ insidi-  
antur.

Filius Dei, qui est tuus optimus, &

fidissim⁹ amicus, mitrit ad te epistolam, in qua conspirationem contra te conceptam tibi deregir. Memoriale Granatensis, illi⁹ Ducē peccatorum, qui consuntur in tuo repitorio sunt literæ missivæ, concionator est tabellio, quem Deus ad te ablegat, ut clarè, & expressè tibi aperiat conspirationem (uti ego hodie ex parte Domini mei facio) & te moneat, ut surgas electo, ut valedicas crapulæ, ut te expedias illis vitiis, quibus tanto tempore immersus hæcisti. Quod si te non resolves, nec huic monitioni pareas, mors, & justitia Divina hoc mane in hoc tuo infelici statu, dum minimum de hoc cogitabis, te obruent, quod si moras nectas, si dicas tempus esse postea id faciendi, si seria in crastinum differas, invaderis, & damno tuo, & non ob culpam tui amici, qui te monuit. *Quod autem vobis dico, omnibus dico, & medio tolleris.*

Idem Assertor in Evangelio dicit, quod ille iudicio privatus sit, qui fabricam quandam alicujus momenti super arenam instabilem extruit. Quale est ædificium majoris momenti, quam tua anima? Quæ basis est debilior, & inconstantior, quam nostra misera vita, quæ juxta Sanctum Jacobum non est solum arena fluida, sed vapor levis? Quomodo ergo tam socors sis, ut opus tuæ conversionis, quæ est fundamentum tuæ salutis, ædifices super basim adeo debilem? Quomodo illam fabricam audes extruere super id, de quo non potes disponere, super dies temporis futuri, qui necdum sunt, & forsitan non erunt? Nonne hæc summa est stultitia?



PUNCTUM SECVNDVM.  
*Conversio erit difficilior, primo  
 ex parte Dei, secundo ex parte Da-  
 monis, tertio ex parte nostra.*

VII. **A**T enim verò supponamus id  
 nunquam esse futurum, quod  
 jam dixi, & quod subitanè morte nō sis  
 obruendus, quod ad decrepitam usque  
 victurus sis ætatem, quod Divina maje-  
 stas per litteras te certiolem reddiderit,  
 te ad annum centesimum perventurū,  
 supponamus inquam hoc, & te ideo tu-  
 am conversionem differre, ego atietem  
 instauro, & dico, te id non facturum. Et  
 hoc probo hac secunda ratione, nempe  
 quod difficultates, quæ modo tuæ con-  
 versioni remoram iniiciunt, tunc fu-  
 turæ sint majores, validiores, principa-  
 liores, & magis invincibiles. Hæ porro  
 difficultates ex eo procedunt, quod De-  
 us à te sit elongatus, sicut & tu à Deo e-  
 longatus es. *Peccata vestra diviserunt  
 inter vos & Deum vestrum.* Gratias, quas  
 tibi præbet, ut vites peccata, non sunt a  
 deo fortes, potentes, efficaces, frequen-  
 tes, ut alias tibi donet, quia eas demere-  
 ris per tua peccata. *Mea est ultio, ut la-  
 batur pes eorum.* Magnum est suppli-  
 cium Dei, dum in poenam nostrorum  
 peccatorum, nos permittit subijci no-  
 stris passionibus, & finit nos labi in a-  
 lia peccata. Præterea hæc difficultas  
 procedit à nostris inimicis, qui nos te-  
 nent captivos, quia per peccata estis e-  
 orum mancipia. *A quo quis vincitur, e-  
 jus servus efficitur, à quo captivus tenetur  
 ad ipsius voluntatem.* Tam fortiter est ar-  
 matus, uti testatur Assertor noster in E-  
 vangelio, ut occupet arcem vestræ a-  
 nimæ, & in id totus sit, ne aliqua bona

inspiratio, sanctum propositum cor  
 nostrum ex pugnare possit, & ille ex  
 arce ejiciatur. Ultimo, hæc difficultas  
 proficiscitur ex prava inclinatione, qua  
 propenditis in aliquod peccatum, avar-  
 itiam, lasciviam, ambitionem, vel e-  
 manat ex aliqua vehementi passione,  
 aut affectu inordinato, quo afficimini  
 erga aliquam creaturā, puta adolescen-  
 tem, puellam, vindictam. Porro cer-  
 tum est, quod post hæc difficultates  
 grandiores erunt.

VIII. Et quidem primò, quia Deus  
 longius à nobis aberit, non quidem cor-  
 poraliter, aut per distantiam localem,  
 sed per suam iustissimam, & efficacem  
 voluntatem, qua nobis non dat tot, ac  
 tantas gratias, sicut aliis, idque ob de-  
 meritū vestrorum peccatorum. Et quis  
 quæso adeo cæc⁹ sit, qui nō videat, quod  
 quò diutius hæretis in pravo statu, eò  
 plura committatis peccata, & Dei ira  
 contra vos magis intendatur? Vos de-  
 rivatis in vos eius vindictam, vos deme-  
 remini eius gratias, vos, quò magis ab  
 eo vos separatis, eò magis ille se à vobis  
 elongat. *Thesauris tibi iram.* Secun-  
 dò, quod si Spirit⁹ malignus dominetur  
 vobis, & exderet corda vestra ob duo-  
 decim, vel viginti peccata, quæ commi-  
 sis, an non magis vobis dominabitur,  
 postquam centum, ducenta patraverti-  
 tis? Nonne magis ejus pedicis, ceu la-  
 queis irretitieritis, & subiecti eius Ty-  
 rannidi? Nonne Dominio tenebra-  
 rum magis eritis subditi? Nonne re-  
 gnus peccati in vobis magis stabilive-  
 ritis? Tertio, quamvis Spiritus malus nō  
 se vexet, ut vos teneat, nec aliud foret  
 obstaculum, quod impediret vestram  
 conversionem, quam vos ipsi; attamen  
 illa

Jerem. 59.  
 v. 2.

Deut. 23,



illa reddetur non solum difficilis, sed quasi impossibilis. An non videris, quod dum differtis vestram conversionem, vos formeris pravam plenuram, callum, & habitudinem, quod vos reddatis naturales ad vitia, & ita tincturâ imbuamini, ut illa deleri non queat? Quod si sitis Humanista, redeat vobis in mentem illud Poetae vestri.

*Difficile est longum subito deponere amorem*

*Sensumque mali detraxerat usus  
Quo semel est imbuta recens servabit odorem*

*Testa diu.*

Eccles. 10.

Quod si sitis Philosophi, jam scitis definitionem habitudinis, quod nempe sit qualitas, quæ difficulter tollitur, & quæ per repetitos actus augetur. Quod si sitis medici, recordemini dicti lapientis. *Languor prolixus, gravat medicum, brevem languorem praeclit medicus.* Quod si sitis Jurisconsulti, jam scitis, quod possessio diuturna fundet prescriptionem, & quod totus mundus radicatus, consuetudines abolere vix possit. Quod si sitis Theologi, mente teneatis, id, quod jam saepe audivistis in Scholis, nempe quod peccata horrendum in modum vastentur animas, quod facultates omnes vulnerent, intellectum obsecurent, voluntatem corrumpant, liberum debilitent arbitrium, concupiscentiam inflamment, partem inferiorem contra superiorem concitent. Ex quo conclusissimum est, quod quod diutius differtis conversionem, eo plura committatis peccata, & consequenter majorem cladem, & stragem in animabus vestris causetis, poenitentiam reddatis impossibilem, aut ad minus difficilem.

Quod si sitis politici, memineritis, & advertatis, quod in omnibus documentis, quæ traditis, in omnibus resolutionibus, quas capitis, semper respiciatis experientiam velut optimam Cynosuram, & iustissimam regulam actionum humanarum. Et an non experientia vobis monstrat, quod nulli sint senes, qui agant poenitentiam, aut vitam ducant austeram, nisi in juventute sua inceperint? Nonne videtis verificari illud Spiritus Sancti dictum, *Adolescens juxta viam suam etiam cum senescerit, non recedet ab ea.* Et ut verbo finiam, quisquis sis, paulisper has rationes considera, quod si nunc tuam pravam non possis superare naturam vitiosam, quomodo tunc illam poteris debellare, dum ab altera natura fuerit roborata, puta à pravâ consuetudine? Quod si nunc non possis cohibere tuas passiones, dum sunt leuiculi, quomodo eas refrenare possis, quando erunt leones? Quod si nunc non possis tuos prava extirpare mores, dum sunt similes arbutuculo, quomodo id poteris facere, quando erunt velut procera arbor? Quod si non possis transilire hanc exiguum difficultatem, dum est rivalis, quomodo id poteris facere quando erit fluvius vastus? Sane

Prov. 12.  
v. 6.

*Viresque acquireret eundo.*

Quod si nequeas extinguere tuam concupiscentiam, quando est scintilla, quomodo id poteris, cum erit magnus ignis? Quod si eximere te nequeas laqueo tuorum peccatorum, dum sunt tenue quasi filum, quomodo id poteris, dum erunt fortis rudens? *Funibus peccatorum suorum constringitur peccator.*

PVN.



## PUNCTVM TERTIVM.

*Conversio dilata erit minus fructuosa. Probatur primo scriptura, secundo Patribus, tertio comparatione, quarto rationibus, quinto exemplo Augustini.*

IX. **A**T enim, verò ut animum obstinatum, qui nimium suæ opinionis adhaeret convincamus, plura argumenta afferre oportet, quibus non indigeremus, si præmanibus haberemus spiritum docilem, & flexibile. O animæ peccatrices, concedo vobis, quod vivetis usque in extremam senectutem do vobis, quod omnes difficultates, quæ sese opponere vestræ, continget conversioni superabitis, & quod in fine vitæ vestræ acturi sitis poenitentiam. Do id ultra vobis, quamvis valde probabile sit, quod hoc non fiet. At quid dicetis de tempore adeo pretioso, adeo caro, adeo utili, quod perditis, dum vestram conversionem differtis; oblitus illius consilii, quod per sapientem vobis dat Spiritus sanctus, *vade ad formicam, o piger, nec dedignare ab hac instrui?* vide quam diligens sit hæc bestiola in corriganda annona prohieme. & quomodo nullum momentum temporis sinat elabi. An mente tibi excidit illud dictum Salvatoris, *venit nox quando nemo potest operari*, hoc est in puncto mortis? An non recordaris illius, quod scripsit Paulus ad fideles, *Dum tempus habemus operemur bonum?* Curam habet cursus huius vitæ, quia nunc tempus est coacervandi annonam, nunc tempus est laborandi, nunc dies est merendi.

X. Omnes actiones, quas elicimus

in statu gratiæ, sunt *semina eternitatis* inquit S. Bernardus, illæ per æternitatem sæculorum nobis producent glorias, honores, voluptates, delicias. Nonne maximum damnum est, dum hæc amittimus per perseverantiam in pravo statu integris mensibus, & annis? Nobilis quidam, & doctus adolescens nomine Licentius, qui vitam ducebat levem, versu heroico insignem dederat epistolam ad sanctum Augustinum, cui sanctus Pater epistola quadragesima prima sic respondit: Dum legerem tuas literas, desideravi mihi valde per aliquot horas tuam venam poeticam, ut elegia lugubri, & funesta describerem magnam jacturam, quam incurris, Deus insigni te donavit spiritu, ingenio acuto, memoriâ optimâ, thesauro scientiarum acquisitarum. O grande damnum, dum hæc omnia talenta perdis? Revera valde doleo, dum video, quod in nugis illa perdas. Quod si subtus terram reperires calicem aureum, nonne libenter eum offerres nostro Salvatore, nonne libenter eum donares Ecclesiæ, ut in servitio Dei adhiberetur? Deus te donavit spiritu plane aureo, cur eum ipsi non offers velut acceptum sacrificium? Idem vobis dico dilectissimi Auditores. Vos estis in flore vestræ ætatis, vos naturâ præditi estis temperatissimâ, spiritu vivaci, & subtili, solido iudicio, ingenio claro, voce imperiosa. Utinam hæc omnia consecraretis Deo; Et quam non tunc reciperet gloriam? Qualia non præstaretis ei servicia? Quas animas non lucraremini? Quæ merita, & præmia vos non manerent in calo? Et tamen hæc omnia iudicis pro uno appetitu, nescio quali, pro una voluptate sensuali,

Prov. 6.  
v. 6.

Ioann. 9.  
v. 9.

Gal. 6. v. 10



suali, pro exiguo temporali lucro, pro uno officio, vel beneficio, quæ speratis, ob amorem unitas creaturæ, ob timorem, ne hunc, vel illum offendatis, ob omissionem firmi propositi donandi vos Deo, & ita hos thesauros divites sepelitis in vita raucida, inutili, infami, mucida, otio, & immunditiis plena.

XI. Suppositum statuamus non metaphysicum, sed quod potest evenire. Supponamus inquam, quod in expugnatione, & captione urbis hostilis, quæ præteritis annis data est direptio, ni, & expilationi militum, dum hi animosi per mœnia conquassata irrumperent, & manubiis, ac spoliis sese onerarent, & pro tota vita se ditarent, tuus frater, vel cognatus manserit in tentorio suo, tabacum sumpserit, vel chartis lusit, dumque exautoratus ad patriam redit, tibi dicat. Viden me salvum, & incolumem, Deo sint laudes in bello nunquam fui captus, vel sauciatus, sanus redii, si non multum sim lucratus, etiam non multum amisi. Supposito hoc inquam, dic sodes, quid ipsi te dicturum putas? Apage, abi in malam horam, meticulose, lepuscule, I quomodo audes in publico comparere? Nonne te pudet, dum vides commilitones tuos lauro, & honore cinctos spoliis, & manubiis monustos, te autem ob tuam inertiam lusisse tam insignem, & bellam occasionem pro tota vitæ ditandi? Fabula de te luditur, nam æque stultus, ac deses es, & peius facis. Animæ electæ, tui concives, qui Religionem intrarunt, in qua se dederunt devotioni, illæ bonis se impendunt operibus, illæ nec diem, immo nec horam elabi sinunt, quâ non per victoriam alicujus

passionis, aut praxin sancti operis ceteram aliquâ in cælo sibi acquirant, magna solertia corrogant thesauros spirituales, cumulos gratiarum, & meritorum cælestium. Tu autem, qui tam præstans te putas possidere cor, qui in negotiis mundi adeo es sagax, & prudens, in opere salutis tuæ es adeo socors, & stupidus, ut tempus tuum perdas ludendo, insaniendo, vel ut melius dicam domos extruendo ex buxo, aurum, & argentum in scriniolis coacervando, hoc est frustilla terræ fulvæ, & albæ parum illustratæ. Quomodo ergo, cum hæc ita sint, non pateris, ut aliquis tibi obiciat, quod inutiliter amiseris tot insignes occasiones thesauros corrogandi pro altera vitæ, & evadendi in magnum sanctum, quod de die in diem differas consensum præstare inspirationibus, quæ te stimulant, ut serio te consecres Deo, quod florem ætatis tuæ otio transigas, & Deo solum reserves spumam tuæ vitæ, furfures tuæ ætatis, tempus incertum, & incommodum, senectutem in qua nil aliud poteris agere, quâ tussire, aut screeare, & ut melius dicam, in quâ ad movendo titiones, rosarium non poteris recitare?

XII. Deus in prisca lege meliora, saniora, robustiora animalia sibi offerri præcepit, quomodo ergo patietur eum, qui ætatē debiliorem, infirmiorē, incommodiorem, inutiliorem illi consecrat? Ille, qui primitias frugum, & fructuum terræ sibi voluit donari, ita ut sine illa donatione noluerit reliquis frugibus, aut fructibus benedicere, non velit ut homo, ei dediceret primitias suæ vitæ? An benedicet senectuti illius, qui Deum in juventute vilipendit? sciatis, &



in mentem revocetis dictum Socratis, nempe quod vita hominis sit hereditas, & possessio Dei. Quod si villicus tuus post messem tibi advehat farraginem tu conquereris, & protestaris de injustitia, quid ergo non faceres, si tibi mæra adveheret Zizania? Quid faceres si tuus vinitor loco acinorum, & boni liquoris tibi adferret vinaceas, & faeces? Tu vero acinos bonos tuæ vitæ, quæ est hereditas Dei donas mundo, Diabolo, carni, Deo vero reservas vinaceas, faeces, farraginem, paleas, Tua ætas juvenilis, & virilis, quam transmisisti in voluptatibus, & deliciis, in servitio mundi, & carnis, est flos, cremor tuæ vitæ, senectus vero, quam Deo reservas est fax, vinacea, palea, Zizania illius. Dum vox Dei te non movet, confundat te vox Gentilis. *Non te pudet dicam eum Philosopho morali reliquias vitæ tibi reservare, & id solum tempus bona menti destinare, quod in nullam rem conferre potest, quam rerum, tunc incipere vivere, cum desinendum est?* *Quæ rã stulta mortalitatis oblivio in quinquagesimum, & sexagesimum annum differre sana consilia, & inde velle vitam inchoare, quo pauci perduxerunt?* Non te pudet, quod Deo des faeces, & vinacias tuæ vitæ? Non te pudet, quod mundo, & carni des florem tuæ vitæ? An non erubescis, quod exercitium virtutum differas in tempus senectutis, quod ad nil utile est? An tempus moriendi, sit tempus inchoandi bonam vitam? An tunc sit tempus parcendi vino, quando jam degeneravit in faeces, & acetum? Amnis inferni suffocavit tuam memoriam, ita ut tuæ oblivis caris fragilitatis humanæ, Dæmon

tuum fascinavit intellectum, Eccur differ bene vivere, & Deo servare usque in annum sexagesimum, ad quem tam pauci perveniunt? Eccur vis jacere fundamentum in illa postrema ætate, ad quam tam pauci pertingunt? cur vis incipere vivere in illa ætate, in qua tam pauci finiunt? *sera parsimonia in fundo est, non enim tantum minimum in imo, sed etiam pessimum residet.*

Epist. 14.

XIII. Divus Augustinus fecit sicut tu, utinam & eum etiam imitareris. Narrat hic in suis confessionibus, quod ante suam conversionem instar porci jacuerit in volutabro, & cæno suorum peccatorum, & pravorum habituum, quos in magna copia cõtraxerat, dumq; ad essent variæ urgentes, & validæ rationes, quas inspirationes Divinæ ei proponebant, ut ex illo luto se subduceret, nil aliud respondere potuit, quam quod illi, qui dum manebant in molli lecto, & excitantur, expecta adhuc parum, statim surgemus, adhuc parum nos sine dormire. *Non erat omnino quid esserem tibi, nisi verba lenta, & somnolenta, modo, & ecce modo, sine paululum, sed sine, & modo, sed modo, & modo non habebat modum, & sine paululum ibat in longum.*

lib. 8. Confess. cap. 5.

## CONCLUSIO.

## Rationes conglobatæ ex tribus punctis.

XIV. **V**obiscum idem agitur. Auditores charissimi, vos undique, & omni momento convicti estis, vos scitis pravam statum in quo digitis, vos sentis, quod ji, qui vivunt sicut vos

vivi-



vivitis damnationem sibi conquirant æternam. Et hinc vestram resolvistis emendare vitam. Sed dicitis *modo*, & *ecce modo*, adhuc parum, adhuc hac vice, fruamur adhuc hac voluptate, statim nos convertemus, verum hoc statim nunquam advenit, & illud parum adhuc durat sex annis. *Quam diu cras dicebat sanctus Augustinus, quare non modo, quare non in hac hora finis turpitudinis mea?* Idem vobis dico.

*Ibid., c. 12.*

Quousque dicetis cras? Cur non nunc, dum tempus habetis, cur non modo, dum tempus est vestrum, dum illud habetis in vestra potestate? Cur non modo, dum nescitis, an habituri scitis tempus futurum? Quot non videmus quotidie mori in juventute?

*Quare non modo?* Cur non jam, dum vestra inclipatio ad malum est debilis, & infirma, quæ tamen valde roborari potest? *Quare non modo?* quia si diutius expectes, illa inclinatio indurabitur, & fiet invincibilis: *Quare non modo*, dum fortis es, & potes tolerare austeritates pœnitentiæ, cum tamen in senectute futurus sis omnino exhaustus, & satis tibi pœnosum erit, tolerare molestias ipsius senectutis? *Quare non modo*, dum necdum patraſti tot peccata, & quæ per mediocrem potes delere pœnitentiā, cum tamen si expectes, adeo concitabis Divinam justitiā, ut solvendo non sis futurus? Nunc, dum in flore, & vigore es ætatis nunc dum vita tua fortior, virentior, & formosior est, & quam Deus acceptissimam habebit, si

nunc illam ei consecres, quam tamen refutabit, si solum ei senectutem, & ultimam partem vitæ dedices, pœnitentiā age. Crede mihi, & imitare sanctum Augustinum, qui dum hisce cogitationibus agigaretur, vocem audivit sibi dicentem. *Aperi, & lege.* Cumque librum spiritualem aperiret in hæc verba incidit. *Non in comessationibus, & impudiciis, non in contentione, & emulatione, sed induimini Dominum Iesum Christum.* Aperi Ducem peccatorum, vel memoriale Granatenſis, si illud habeas, quod si illud non habeas, eme illud, & cum aliqua attentione illud lege. Eadem verba reperies. *Non in comessationibus.* Videbis, quod requies tui cordis, consolatio tui spiritus, salus tuæ animæ non consistat in conviviis, rixis, impudiciis, ambitionibus, æmulationibus, sed in eo, ut tuum Salvatorem aimes ex toto corde, ei fideliter servias, & illi totus adhæreas. Ergo totum te ei consecra, cum Augustino laqueos, quibus constringeris, discinde, nunc, nulla interposita morâ firmiter propone expediendi te omnibus pravis habitibus, & affectionibus erga creaturas, & videbis, quod reipsâ solutus ab iis sis, dumque te consecraveris Deo, putabis te esse in patria nova, exoneratus pondere immenso, à crudeli liberatus tyranno, introductus in paradysum terrestrem, & cum sancto Augustino converso dices. *Dirupisti Domine vincula mea, tibi sacrificabo hostiam laudem.*

*Epist. 1.*

*8. Cons.  
cap. 5.*



# SERMO DECIMUS TERTIVS.

Pro Dominica sexagesimæ.

*Aliud cecidit supra petram, & natum aruit Luca 8.*

## E X O R D I U M.

**C**hristus Salvator noster hodie singulariter secutus est illud consilium Pythagoræ; ne multis verbis pauca comprehendas, sed paucis multa, nam divitias vocavit nomine spinæ, naturam verbi Dei una voce feminis, Naturam Dæmonum una voce volucris. Et ut reliqua præteream; vultisne scire, quo nomine vocet eos, qui obflinati sunt in peccatis, nec poenitentiam modo agunt, sed eam differunt in senectutem, aut articulum mortis? Nominem lapidis; sicut enim petra non habet liberum arbitrium, non intelligit, non videt, non audit, nec elicit ullos actus vitales; ita quoque illi, qui hodie non audiunt verbum Dei, quo invitamur ad poenitentiam faciendam tempore sanitatis, sunt lapides, quia nec in morbo ultimo eliciunt actus vitales, quia tunc poenitentia non est libera, adeoque periculosa, unde ne semper lapsus, oportet quod hodie poenitentiam agere incipias, ut ostendit Auctor in hac concione.

*Nunc annunciat Deus hominibus, ut omnes poenitentiam agant act. 17.*

I. Magnus est error, quod aliquis differat poenitentiam usque ad extremam senectutem, & tempus futurum. Major abusus est illam differre, usque

ad horam mortis, & finem morbi. Hic abusus adeo est communis, & perniciosus nostræ saluti, ut cogar duabus concionibus eum penitus excindere. Hodie eum oppugnabo auctoritate sacram litterarum, mente Sanctorum Patrum, & nonnullis argumentis Theologicis. Cras Deo juvante idem continuabo, adducendo rationes validas, & convincentes. Verum ante omnia O Sancta Virgo tuam intercessionem implorare debemus. Ecclesia te frequenter nuncupat *stellam matutinam*, nunquam vero vespertinam, quia non adeo promptè subvenis iis, qui non nisi in extremo vitæ, in hora mortis ad te confugiunt. Tu vis ut in juventute, mane, & in auro-ra juventutis ad te recurrant. *Qui mane vigilaverint ad me, invenient me.* Non vis ut tunc postulemus tuum succursum, quando nobis non amplius proderit, vis ut modo dum tempus habemus, dum sanis umus, dum vires habemus, quibus possumus coperari gratiis tuis filii, tuam imploremus intercessionem te salutando,

Ave Maria.

✠ ) ( ) ✠

IDEA



## IDEA SERMONIS

*Poenitentia non est differenda in articulum mortis, vel morbum extremum.*

*Exordium leges humanae sanciunt ultimam voluntatem esse liberam multo magis lex divina, atqui poenitentia in morte non est libera, ergo ericulusa.*

Isaia 38.  
v. 14

II. **D**isponere domus tua inquit Isaias ad Regem Ezechiam quia Morieris. Sanctitas illius, qui hæc verba protulit, & qualitas illius ad quem dicta sunt, nobis persuasum faciunt, & ad credendum nos obligant, hæc non solum, nec principaliter accipienda esse de dispositione negotiorum temporalium domus, sed de salute animæ, & statu conscientie. *Disponere* est terminus legis, & testamenti. Leges civiles sapienter providerunt, nec rationabiliter in ullo contractu humano, aut actu societatis adeo perfectam libertatem requisiverunt, quam in testamento, & dispositione ultimæ voluntatis. *Nihil enim* inquit Imperator Constantinus *magis debetur hominibus, quam ut suprema voluntatis, postquam jam aliud velle non possunt liber sit stilus, & licitum quod iterum non redit arbitrium.* Condens testamentum primo debet pollere usu rationis, mentisq; esse compositus, & hinc Notarii singulenter exprimunt quod fuerit sanus, & sensibus non orbatus, defectu hujus conditionis pupilli, qui necdum attigerunt pubertatis annos, testamentum conderi nequeunt. *Quia nullum, aut parvum est eorum iudicium, quibus non est permixtum facere testamentum.* Secundo testator debet esse perfecte liber

Q. habeat  
cod de sa-  
cro sanctis  
Ecclesiis.  
ff. Præterea  
instic.

quoad usum liberi arbitrii, & illud testamentum declaratur esse nullum, quod aliquis condidit ex suggestionem, vi, coactione, precibus importunis, metu, & aliis, quæ minuunt libertatem. Unde testamentum nullum est, in quo æger instituit heredem medicum, aut quod condidit captivus, quando constitutus est in potestate sui hostis. Et hinc ad testamentum plures requiruntur testes, quam ad reliquos contractus, & actus judiciales, nam in certo casu unus solum sufficit, uti refert Glossa *jurisjurandi codice de testibus.* Juxta Salvatorem duo, aut tres testes sufficienter probant. Verum ad testamentum non requiruntur minus, quam septem. *Q. hæc consultissima, codice, qui testamenta facere possunt vel non.* Et leges tanti faciunt hanc libertatem, ut non solum testator, sed & testes debeant esse liberi, unde qui necdum habet quatuordecim annos, mancipium, infamis & omnis is, qui faciliter potest corrumpi, nequit esse testis in testamento. § *testes autem institui de testibus ordinandis.* Unde nec testes esse possunt servi, vel subditi heredis § *Sed neque, institui eodem titulo.*

Matt. 14.

Et ideo Sanctus Joannes Chrysostomus sic discurret. Quod si leges civiles non permittant, ut disponas de minimo cubito terræ, aut exigua illa hereditate, nisi si anus, compos mentis, & perfecte liber, tibi judicandum relinquo, an lex Divina permittat, ut disponas de tua anima, salute, æternitate, legitima paradisi, dum ob morbi angustias sensibus destitutus eris? Quod si in morbo extremo te Deo consecres, & dones, ac peccatis valedicas, & renun-

Hom. Pri.  
ma in a-  
ctus Apost.



cies, illa donatio, renunciatio nō est simpliciter libera, quia est suggesta, & extorta metu mortis, & impotentia ad peccandum. Et quidem hoc probo tot testibus, quot in rigore omni postulare potes. In negotio maximiponderis nemo potest plures exigere quam quadraginta, & illi sufficiunt, ut habet Canon *Capite: Cū causam extra; de testibus.* Ego autem centum adferre possum ex tribus partibus mundi. Ex Africa Sanctum Cyprianum, & Sanctum Augustinum, Ex Europa Sanctum Salvianum Episcopum Massiliensem, Sanctum Casarium Episcopum Arelatensem, Sanctum Eligium Episcopum Nijonensem, Sanctum Isidorum Hispalensem, Patres primi Concilii Arelatensis, qui ad minus fuerē tercenti. Ex Asia Episcopos Concilii Neo-Casariensis, & illum, qui æquivalet millenis Spiritum Sanctum in Sacra scriptura.

At enim verò, antequam eorum verba producam, argumentum aliquod proponam, quod est simile illi, quod formant ii, qui agunt contra Hæreticos nostri temporis, ut erroris vincantur. Ego interrogo Calvinistam, an vivens, & moriens in Ecclesia Romana possim salvari, dum modo pro possibili servem legem, & mandata Dei, nulli injuriam inferam, abstineam à fornicatione &c? Si velit respondere conformiter ad sua principia, affirmare debet, quod si hoc nolit fateri, contradicet suis principiis, quæ tamen negare non potest, nam docent ad salutem sufficere quod habeam fidem, quod credam in Christum, & sperem mea peccata per ejus merita esse remis-

sa. Hoc supposito, sic discuro. Hem charissime. Fidem habeo, Deo sint laudes, ego credo, & spero in Christum, ergo certus sum, quod sim salvandus, nec dubitare possum de mea religione; nam uti ego credo, & tu fateris, uti nos docemus, nec vos negatis, certus de salute sum, si faciam id, quod nostra Religio docet. Econtra nullus est ex nostris Theologis, nullus est verus Catholicus, qui non fateatur, te in Religione tua non posse saluari, qualiacunque opera facias bona. Unde ad minimum tu non es certus, & tua Religio tibi debet esse suspecta, & es in periculo damnationis. An non ergo est maxima imprudentia, & summa stultitia dimittere certum pro incerto, infallibile pro dubio, indubitatum pro dubitato, & hoc in materia æternitatis, ubi agitur de perpetua salute, & damnatione? Eodem modo in hac materia discuro. Tu certus es de tua salute, si abstineas à peccatis mortalibus, si toto tempore tuæ vitæ vivas sanctè, piè, & catholicè. Sacra scriptura, Sancti Patres tibi certò addicunt salutem, si hoc feceris. Verum si indulgeas voluptatibus, Deum offendas, & continuo peccata patres mortalia, & dicere velis in morte, *Peccavi*, & hoc modo salvari, dimittis certum, & arripis incertum; & sacra scriptura, Patres, argumenta Theologica ostendunt clare, nil esse incertius, fallacius, Et

quidem primo ordiamur  
à scriptura.





# PUNCTUM PRIMUM

*Poenitentiam in morte esse periculosam probatur quatuor scriptura locis.*

Cap. 24.

III. **P**RAETER textus sacrae scripturae, quos sapius adduxi, & plures alios, quos allegare possem, quatuor tantum adducam; duos ex novo testamento, & duos ex veteri. Et primo in medium prodeat Sanctus Job. Hic Sanctus vir loquens de eo, qui abusus est occasionibus, quas Deus illi prae-buit ad faciendam poenitentiam, sic inquit. *Peccatum ejus usque ad inferos obli-vi-catur ejus misericordia, conteratur qua-signum infructuosum, dedit Deus ei locum poenitentiae, & ille abiit eo in super-biam.* Deus optimus tibi dat tempus, commoditatem, inspirationes, ut poeniteas, tu autem his abuteris, & dies, men-ses, annos integros transigis in vanitati-bus, voluptatibus, deliciis, crapulis, otio, & rebus inutribus, peccata tua ad in-fernum usque te ducunt, Deus oblivif-cetur, ut tecum exerceat misericordi-am, in articulo mortis videbis te spoli-atu cunctis bonis operibus, tu igni tra-deris velut arbor infructuosa, & sterilis.

Eccles. 3.

IV. Secundo prodeat Ecclesiasticus dicens. *Cor durum male habebit in novissimo, & qui amat periculum peri-bit in illo.* Tu es induratus, tu id valde bene scis, nemo est, qui te vel in minimo possit flectere, nemo est qui cor tuum Chalybeum queat mollire, tu ex peri-mento id didicisti, nam omnes inspi-rationes, exprobrationes, praedicationes, minae, promissiones in te vana fue-runt. An post tot conciones vel in mi-nimo a tuis vanitatibus, juramentis, & pravis moribus destitisti? In fine tuae

vita pessimo loco eris, videbis de tea-ctum esse, & computum tuum valde ma-le compositum, tu amas periculum, tu incertum praefers certo, sed tandem in periculo peribis.

Matt. 7.

Filius Deus tibi dicit in Sancto Mat-thaeo. *Non omnis, qui dicit mihi, Domine, Domine, mirabitur in regnum caelorum.* Ne credas, quod ego phaleratis verbis os mihi obliniri patiar, non putes, quod caeremoniis fucaris me flecti sinam, nam non omnis, qui me vocat Dominum, salvabitur. Nec quid juvat; quod in lecto mortis, des verba byssina, pro-missiones verbales & dicas, Deus esto mihi misericors, *Maria mater Gratiae*, nam haec verba non valent plusquam nihil. Vti enim ego probabiliter judico, non intrabis in Regnum caelorum; co-lo enim tantum is donatur, qui fecerit. *sed qui fecerit non dicit is qui faciet, sed qui fecerit voluntatem Patris mei.*

Matt. 24.

v. 28.

Luc. 12.

v. 45.

Hom. 13. 372

Evangel.

Præterea idem Salvator disertè asse-rit. Quod si aliquis servus absente Do-mino suo officio non satisfaciat, sed ne-quitius, & petulantius se totum det, si Do-minus ejus redeat, & ita obdormiscen-tem, & non vigilantem eum reperiat, dū foras pulsabit? illico coñminuet eum fu-stibus, & hypocritis adjudicabit. *Divi-det eum*, & partem ejus ponet cum hy-pocritis. *Pulsat Dominus*, inquit Sanctus Gregorius, *cum per aegritudinis m lestias mortem vicinam esse designat.* Quod si te reperiat in virtuoto, & bono statu o te felicem, qui copioso te pramio afficiet; verum si te reperiat in pravo statu, & in officio tuo negligentem, vanitatibus, & voluptatibus immersu, quamvis speci-osis verbis te excutes, egregiè vapulabis, & ad hypocritas relegaberis, quia verba speciosa ordinariè sunt fucata, & ficta.

PVN-



PUNCTVM SECVNDVM,  
Idem probatur ex Patribus an-  
tiquis, & recentioribus hujus  
seculi.

III. SAncti Patres mirum in modum  
Scripturæ concinunt; quia eo-  
dem spiritu animantur, & aguntur. Ter-  
tullianus in Africa invehitur in quos-  
dam catechumenos vitiosos, qui non  
nisi post baptismum susceptum, sub  
prætextu, quod baptismus omnia pec-  
cata, tam quo ad culpam, quam quo ad  
pœnam deleat, in libro de pœnitentia  
hæc pronunciavit. *Si ab aqua tantum  
peccare desistimus, necessitate, non sponte  
innocentiam induimus.* Et sane hoc ve-  
rissimum est in iis, qui non desistunt à  
peccatis, nisi in hora mortis, nā impos-  
sibilitas peccandi ad quam nos reducit  
baptismus, est tantum impossibilitas  
oralis fundata in prohibitione Dei,  
& ecclesiæ, quæ non minuit libertatem,  
sed eam amplius perficit, & meritoriam  
reddit. Morse contra, nos collocat in  
statu; quo naturaliter reddimur impo-  
tentes ad agendum, & consequenter  
nobis aufert indifferentiam ad bene, vel  
male agendum, ad exercendas virtutes,  
vel vitia.

Sanctus Cyprianus Episcopus Car-  
thaginensis, qui proprio sanguine suam  
doctrinam confirmavit, sic scribit ad  
Antonianum. *Frater Charissime pœni-  
tentiam non agentes, nec dolorem delicto-  
rum suorum toto corde & manifesta la-  
mentationis suæ professione testantes, probi-  
bendos omnino consummus à spe communi-  
cationis, & pœnis, si in infirmitate, atque pe-  
riculo cœperint deprecari, quia rogare illos  
non delicti pœnitentia, sed mortis urgentis*

*admonitio compellit, nec dignus est in morte  
accipere solatium, qui se non cogitavit esse  
moriurum.* Porro hic signanter no-  
tandum est, quod quamvis S. Cyprianus  
hanc epistolam eo fine scripserit, ut pro-  
baret contra Novarianos, eos qui per  
pœnitentiam se convertunt, esse admit-  
tendos ad misericordiam, & participa-  
tionem sacramentorum; attamen per-  
stringit eos, qui pœnitent in ultimo  
morbo, quia eorum pœnitentiam judi-  
cat esse falsam, fictam, & coactam.

IV. Audiamus etiam S. Augustinum <sup>lib. quin-  
quaginta  
homil.</sup>  
ex eadem provincia. *Dico in conspectu  
Dei timori vestro, timorem meum: qui au-  
tem non timet, vimentem me contemnit, sed  
maio suo &c.* Baptizatus violator tanti  
mysterii, si agat pœnitentiam ex toto corde,  
& solutus fuerit à ligamento, quo erat ob-  
strictus, & bene post reconciliationem vixe-  
rit, sicut ante pœnitentiam vivere debuit,  
quandoque defunctus fuerit, ad Deum va-  
dit, ad requiem vadit. Si quis autem posi-  
tus in ultima necessitate agri undinis sua vo-  
luerit accipere pœnitentiam, & accipit, &  
mox reconciliatur, & hinc vadit: Fateor  
vobis, non illi negamus, quod petit, sed non  
presumimus, quia bene hinc exit: Non  
presumo, non vos fallo. Fidelis bene vivens,  
securus hinc exit. Agens pœnitentiam ad  
ultimum, & reconciliatus, si securus hinc  
exit, ego non sum securus, unde securus non  
do securitatem, unde non sum securus, pœni-  
tentiam dare non possum, securitatem dare  
non possum. Vis te dubio liberare, vis quod  
incertum est evadere, age pœnitentiā, dum  
sanus es. Sequatur ex Europa Salvianus,  
quem Trithemius vocat Magistrum E-  
piscopus. Hic scribens toti Eccle-  
siæ ait. *Ille peccare non desinit, quem in ex-  
tremis positum recedere à criminibus, sola  
facit*

lib. de pœn.  
c. 1.



facit impossibilitas, non voluntas, qui enim à malis actibus tantum in morte discedit, non relinquit scelera, sed relinquitur à sceleribus. Eiusdem animi sunt Sanctus Cæsarius, Eligius, Isidorus, & alii Patres, quos non adduco ne vobis tedium generem, quia sunt quasi eadem verba cum Sancto Augustino.

V. In Asia concilium NeoCæsariense vetat ne Christianus quidam, qui in infirmitate baptismum suscepit præsbyter ordinetur. Idem videmus, & legimus apud Eusebium, Rationem porro, quæ ad nostram rem facit, hanc concilium assignat, quod nempe fides talis non sit voluntaria, sed coacta. Et ideo fiebat ut illi, qui in infirmitate convertentur, & baptizabantur, si sanitati eos restitui contingeret, ad poenitentium classem redigerentur, quia magnum dubium de eis habebant, num gratiam baptismalem recepissent, & ideo vocabantur *Clinici*, uti videre est in Sancto Cypriano. Et quidem poenitentia Christiani in extremo morbo iudicata fuit adeo facta, illegitima, & involuntaria, ut quodam tempore taliter poenitentibus absolutio negata fuerit, uti sanctus Cyprianus supra testatur. Tandem Ecclesia erga eos se indulgentiorem ostendit, dum iis impendit absolutionem, sed non eucharistiam. Ita expressè videmus in concilio primo Arelateni habito sub sancto Siluestro Papa, ad quod Episcopi ex omnibus partibus conveniunt in initio quarti sæculi, ubi loquens de iis, qui postquam metu suppliciorum fidem deserverant, sic ait: *De his qui apostatant, & antequam ad ecclesiam redeant, nec quidem agere poenitentiam*

quarunt, & postea infirmitate correpti petunt communionem, placuit eis non dandam communionem, nisi revaluerint, & egerint dignos fructus poenitentia. Successu porro temporis ex sola misericordia, Ecclesia iis Eucharistiam concessit, ne favere videretur errori Novatorum, uti expressè videre est in epistola trigesima, quam Innocentius primus scripsit ad Exuperium Episcopum Tholosanum. Quæsiisti a me inquit quid agendum sit cum iis, qui post baptismum tota vita luto voluptatum sensualium immersi acuerunt, & in morbo absolutionem, & eucharistiam petierunt. Ecclesia quondam severius cum talibus egit, quam modo, quia postea iis dedit absolutionem, sed negavit communionem, verum nunc meo sensu non inconvenienter iis datur viaticum, ne favere videamur Novatianis, qui lapsi post baptismum poenitentiam negant. Nunc vides quid senserint Patres de poenitentia finali, & tuo peccavi prætenso.

VI. At enim verò, si Auctores recentiores tibi magis placeant, quia ab antiquioribus illustrati fuere, en eos ex diversis ordinibus cum prædecessoribus suis concinentes. En ergo ex ordine sancti Augustini Hugonem à Sancto Victore, ex ordine Cisterciensi sanctum Bernardum, ex Dominicano Albertum magnum, & pientissimum Granatensem, ex ordine Minorum subtilem Scotum, & devotum Didacum stellam, ex congregatione oratorii Cardinalem Baronium, ex Carthusiensi familia Dionysium.



## PVNCTVM TERTIVM.

*Idem probatur rationibus, primo ex parte Dei, secundo ex parte nostri, tertio ex parte poenitentia.*

VII. Rationes porrò, quibus citati Doctores probant hanc doctrinam, desumi possunt, ex parte Dei, ex parte hominis, ex parte poenitentia. Porrò in antecessum sciendum, neminem posse unquam poenitere sicut oportet, sine auxilio speciali Dei, quod Deus nulli debet, aut promittit, quin immò, quod pluribus negat, uti experientia docet & causam habet id iis denegandi, qui illam distulerunt in tempus incertissimum, ineptissimum, & inutilissimum totius vitæ. Nec mihi obijciatis, quod hanc gratiam in fine vitæ fecerit bono Latroni, nam dicam statim: quis vobis significavit, quod poenitentiam eousque distulerit? Quomodo scimus inquit sanctus Bernardus, quod antea non egerit poenitentiam? An non forte ante illum articulum se convertere potuit? Potest esse, quod interfuerit aliquot concionibus Filii Dei, quod peccatis renunciarit, quod antea baptizatus fuerit ab Apostolis, & quod ob præcedentia facinora à iudicibus captus fuerit post baptismum. Et quamvis Sanctus Matthæus asserat Latrones conviciis proscidisse Salvatorem crucifixum; attamen id non verificatur probabiliter de Latrone bono, quia alias non fuisset statim ausus perstringere blasphemias sui sodalis. Immo Sanctus Matthæus more suo; locutus est per figuram Grammatices, loquens in plurali pro singulari, uti & patet ex capite præcedente, in quo

narrat Discipulos succensuisse, & perstrinxisse Sanctam Magdalenā, eò quod caput Salvatoris unguento perfuderit, cum tamen reliqui Evangelistæ hanc culpam solum affricent Judæ. *Paucis simi* inquit Bernardus *talium habent veram poenitentiam, & consentitur ex consuetudine quadam, aut ex servili timore, non ex vero zelo justitie, & charitatis Dei, sine qua nihil proficiendum est.*

Vel si velis dicam cum Eusebio Emysseno. *Placuit in extremo, quia ad consequendam fidem non fuit extrema illa hora, sed prima.* Latro igitur veniam obtinuit, quia tunc prius forsan à Spiritu Sancto luce fidei illustratus fuit, adeoque non fuit obstinatus, nec pertinaciter restitit locutionibus Dei sicut tu facis. Et quamvis aliter esset, an prudentis sit, spem nostræ salutis fundare in quodam exemplo singulari, cui nullum in sacra Scriptura simile reperitur? *In toto canone scripturatum inquit Bernardus nullum alium præter hunc latronem in venies salvatum.*

IX. Verum adhuc instatis, nil aliud exigitur, quam unum peccavi. Verum dicis, sed nodus in hoc consistit, ut sit si- cut oportet, est autem incertum valde, num- tum sit tale, quia non habes amplius vires, vigorem, & habitudinem. Dum in lecto jacueris fatali, cinctus eris ab hominibus, qui facient id, quod egerunt Filii Zebedæi, dum Christus ad eos sermonem haberet de sua morte; nam illi loquebatur de ambitione, & primas sedes rogabant. In morbo extremo, dum deberes agere de Deo, & de tua salute, tu tractas de negotiis mundanis, de tua succedone, de testamento. Occuparis circa testamenti, aut fidei commissi in-

*Epist. 77.  
ad Hugo-  
nem à S.  
Victore.  
Euseb.  
hom. de La-  
trone.*



si institutionē, de substitutione, legatis & conferre debes cū medico, Chirurgo, Pharmacopola, sumere debes Sirupum, Zulapium, medicam potionem, nunc cauterium inurendum, cucurbita ponenda, consanguineis, & amicis advenientibus aures præbendæ, nunc condolentibus auditus præstandus. Et quales quæso tunc non adveniunt occupationes, & confusiones? Agendum, an tunc de testamento, medicinis, salutationibus, Sacramentis? Inter tot occupationes, quarum qualibet totum hominem requirit, verosimillimum est unam malè fieri, & sine dubio illam, cui minus afficeris, & ad quam minus inclinaris, quæ tamen primum locum obtinere deberet. Quod si nunc, dum animo, & corpore præditus es sano, integro, vivaci, tam difficulter vales resistere tentationibus, vincere tuos prævios habitus, domare tuas vitiosas inclinationes, animum vindictæ, & alias passiones extirpare, quomodo id poteris facere in supremo morbo, dum corpus erit semimortuum, anima tota languens, Spiritus excessi, & omnes vires sexhaustæ, ac amissæ?

X. Nil aliud exigitur, quam unum *Peccavi*, dumodò sit sicut oportet. Pharaon dixit *Peccavi*, Saul dixit *peccavi*, sicut etiam Antiochus, & Judas, & tamē damnati sunt, quia ipsorum *peccavi* non fuit salutare. Dic sodes, quis tibi persuasit, quod tuum sit melius? Idem contigit iis, quod infelicibus Ephraitis de quibus mentionem facit liber Judicum. Hi injustum bellum indixerunt Jepta, & Galaaditis cum eo fœdere colligatis, è patria ejecti fuerunt, nec rursus ad eam reverti potuerunt nisi transfretarent Jordanem. Hostes eos expecta-

runt ad trajectum, & quemlibet singulatim interrogarunt, cujases? An oriundus es ex tribu Ephraim? Nequaquam. Sum Galaatides. Dic ergo *Schibboleth*, Misellus homo, dum non posset bene pronuntiare hoc verbum, sed in eo erraret, & absorbendo intra dentes, & guttur diceret *siboleth*, & vnam syllabam translutiret, illic occisus fuit. Via mortis est trajectus Jordanis, quia Jordanis in Hebræo idem est, ac *Fluvius judicii*, cum à morte eamus ad iudicium. Hostes nostri nos expectant ad trajectum. Iusti, & peccatores dicunt *Peccavi*, fatentur quod sint peccatores, & veniam rogant, invocant misericordiam Dei, sed cum magna differentia, iusti, & illi, qui illud pronuntiare asseverunt, illud bene pronuntiant, & ex intimo corde, ex fundo pietatis, ac bonæ dispositionis, quam diutinâ praxi acquisiverunt, illud proferunt. Verum, perversi, qui non asseverunt elicere actus poenitentiae, & pietatis, dicunt, & pronunciant quidem in articulo mortis *Peccavi*; verum id non procedit ex corde, sed solum ore tenus, ita ut de iis possit dici, quod de magno nobili nostri avi quem nominare, ut ejus parcam honorari, nolo. Gubernator quidam alicujus provinciae in Gallia, qui plurimas injustitias in sua satrapia commiserat, & plurimos tyrannicè, ac innocenter oppresserat, postquam lecto fatali decumberet, habitum induit religiosum, ut in illo terræ mandari posset. Rusticus quidā misellus, qui in extremā ruina per ejus oppressiones erat adductus, dū videret eū hoc habitu indutū ad tumulum Jefferrī, dixit: Francisce, Francisce, o quā egre-

Q

giam



giam larvam induis! vadis ad patriam, in qua te bene cognoscent. Tu insignem larvam induisti, per tuum egregium *Peccavi*, per tuas lacrymas, & insignia verba. Tuum *Peccavi*, est *Peccavi* Judæ, tuæ lacrymæ crocodili, tuæ pœnitentia est pœnitentia Pharaonis, vana, frivola; ficta, & simulata:

## CONCLUSIO.

### Per recapitulationem.

Job. 21. v.  
3. Apoc. 2.  
v. 22.

**XI.** Ergo crede mihi, nec patere ut de te verificentur illa verba Job. *Dedit ei Deus locum pœnitentiæ, & ille eo abutitur*, & illa verba Apocalypsis. *Dedit ei tempus, ut pœnitentiam ageret, & non vult pœnitere*, Deus tot diebus, mensibus, annis, qui sensim elabuntur, tibi concedit spatium pœnitendi, tibi dat locum in quadam civitate, parochia, domo, in qua nihil exigitur ad tam sanctum opus, ille tibi dedit prototypum quod imiteris, nempe tot sanctas animas, quæ pœnitentiam egerunt. Deus tibi dat commoditatem, dum ad manum habes tot confessarios, qui sunt in urbe, tot sacramenta, quæ recipere potes, tot indulgentias, quas potes lucrari. Ille tibi dat thesaurum, quem acquisivit per suam passionem. *Opportuit Christum pati, & ita intrare in gloriam suam*. Ille te admonet, ille tibi consulit per tot Predicatores, qui in culcant tibi, age pœnitentiam, ille tibi præcipit per sanctum Lucam, *Nisi egeritis pœnitentiam omnes peribitis*, ille te docet per suum præcurso-rem, *Facite fructus dignos pœnitentiæ*.

Quod si pœnitentiam differas usque ad senectutem, tu abuteris tempore pœnitentiæ; tu eris arbor infructuosa, & cor induratum, tu non facis voluntatem Patris, sed solum dicis, Domine, Domi-

ne. Tu obrueris à tuo Domino, dum fores pullabit, nec dignos fructus pœnitentiæ egisse diceris. Considera parumper, an non juxta sacras scripturas, sanctos ecclesiæ Patres, Theologos, tuum *peccavi* prætensam, sit verum figmentum, & fictio? Admirare igitur tuam stupiditatem, & stoliditatem inefabilem. Sancti Patres antiqui, quos in secundo puncto allegavi, apprimè calènt sacras scripturas, illas legerunt, relegerunt, illis continuo diu, nocturne incubuerunt, & si quis unquam eas intellexit, illi earum intellectum penetrarunt, illi edocti fuerunt à Deo, immediatè instructi ab Apostolis, eorumque successoribus, illi proprium non quaesierunt lucrum, illi vixerunt eo a vo, quod juxta ipsummet Calvinum Ecclesia fuit in sua puritate, tanquam viciniore suæ origini. Nunc tibi considerandum relinquo, an prudenter facias, dum pœnitentiam adeo protrahis, quam tam magni Sancti, utpote serotinâ, inutilem, & vanam censuerunt, quod processum tuæ salutis instituas eo modo procedendi, quem boni Advocati disertè contestantur nihil valere; quod medicinam tuæ animæ potrigas per potionem incommodam, quam tot expertissimi medici judicant nocivam, quod iter versus cælum prosequaris per viam incertam, quam tot sapientes Doctores tibi dissuadent, & prohibent. An velles redire domum per viam, in qua è centum personis octuaginta fregerunt collum? Quomodo ergo audes concedere versus cælum per viam, in qua nonaginta perierunt, & dammati sunt? *Nulla satis se videt, ubi periclitatur aternitatis*. Profecto in negotio tanti momenti

suffis



sufficientem certitudinem habere non possumus, ubi agitur de salute æterna, non possumus satis accurati esse, hoc considerate; & ite in pace.

## SERMO DECIMUS QUARTUS

Pro Dominica Quinquagesimæ.

*Domine ut videam Lucæ 18.*

### E X O R D I U M.

**I**nter alias plagas, quibus Deus punivit Ægyptum, fuerunt tenebræ, adeo densæ, ut palpari possent, & nemo videret fratrem suum, quæ tenebræ durarunt per tres dies, & per tres noctes. Hæ tenebræ denotabant crudelitatem Pharaonis, quæ tot plagas expertus, ad Deum se convertere noluit, & Israelitas dimittere. Non aberrant multi Concionatores, qui hos tres dies Bacchanaliorum, dicunt esse tenebris crassissimis involutos, dum homines ita vivunt, quasi nil scirent de morte, iudicio, & inferno. Nam Jericho lunam significat, quæ non contideramus tempus hujus vitæ esse tempus, quo pœnitentiam agere debemus, nos autem illam in extremam senectutem, & mortem differimus. Nonne hæc est magna cæcitas? Quini inmodò rogemus ergo Deum, ut nobis oculos aperire dignetur, ut videre possimus illam pœnitentiam, eo usque esse incertam, difficiliorem, involuntariam, ut auctor hac concione ostendit.

*Querite Dominum dum inveniri potest 1. Reg. 3.*

I. Heri consideravimus, quod verus modus pœnitentiæ agendi sit tempus

præsens, & sanitatis, quodque res sit valde nociva nostræ saluti, negotium tanti momenti ad extremum differre morbum. Hanc veritatem probavi sacra scripturâ, sanctis Patribus, & argumentis Theologicis. Et quia tempus non permisit, ut tertiam probationem fufius deducerem, ideo id hodie à me præstandum, & vobis ostendendum, quod si morbus extremus (notate quod non dicam mors subitanea) vos obruat, antequam peccatis vestris renunciatis, incurfuri sitis manifestum discrimen vestræ salutis, quod tribus rationibus efficacibus probo. Primâ, quod pœnitentia, quam facere prætenditis in hora mortis sit incerta, secunda quod sit difficilior, tertia quod sit involuntaria, & consequenter infructuosa. O sanctissima Virgo, verum quidem est, quod sapius rogemus quatenus digneris esse nostra advocata apud Deum in extremo morbo, Ecclesia nobis instillat quotidie preces, quibus tuum subsidium poscimus in hora mortis, sed & nos rogare, & illud subsidium pro tempore sanitatis ante

Q 3

rogare,



rogare, & postulare monet & suadet ut dicamus, *ora pro nobis peccatoribus nunc*, id est jam, in tempore opportuno, idque ut vitam ducamus tam sanctam, virtuosam, Christianam, ut preces tuæ, quas pro nobis fundes in hora mortis, nobis non fiant inutiles. Admitte quæso in hunc finem salutationem, quam Reparator veræ vitæ, disposuit ut in tuis præcordiis reciperes AVE MARIA.

## IDEA SERMONIS

*Poenitentia non est differenda  
usque ad extremum morbum.*

### EXORDIUM.

*Qui differt conversionem in mortem, non poterit dici virtuosus  
ob tria.*

*Psal. 88.* II. **G**Loria virtutis eorum tu es cantabat Psaltes. Subtiliter hic observat devotus sanctus Bernardus, Davidem non dicere, mi Deus tu es gloria tuorum sanctorum, sed tu es gloria virtutis eorum; & hoc ideo, quia datur talis connexio necessaria, & relatio essentialis inter virtutem, & gloriam, qualis inter meritum, & præmium, laborem, & salarium, prælium, & coronam; hoc est; sicut præmium non datur ulli, nisi id prius promeritus fuerit, sicut non datur salarium nisi ei qui laboravit, sicut palma, & lauro non cingitur nisi is, qui generosè certavit, ita gloria, & felicitas cælestis non datur nisi virtuosus. Theologia porrò moralis, sicut & Aristoteles docet tria requiri ad hoc, ut possimus coram Deo, & viris sapientibus virtuosus dici. Primò, ut quis virtuosus censeatur, debet practicasse virtutem, secun-

do debet illam practicasse virtuosè, terciò longo tempore. De omnibus virtutibus dicendum est id, quod Sanctus Gregorius dixit de charitate, quæ est anima, & forma omnium virtutum. *Si non operatur, nec est.* Virtutes sunt ornamentum, & perfectio animæ; perfectio autem cujuscunque rei, consistit in sua operatione, quod adeo verum est, ut Deus qui est infinitè perfectus, & ipsamet perfectio, nequeat componi ex actu, & potentia, sed sit merus, & purus actus infinitus, subsistens, & personalis. Secundò, ut aliquis dici queat virtuosus, exigitur ut virtutes virtuosè practicasarit, hoc est ex bonâ, & sincerâ voluntate, liberè, ex bono fine, cum reliquis circumstantiis necessariis; quia *Bonum ex integra causa, malum ex quolibet defectu.* Tertio, longo tempore debent exerceri virtutes, & earum acquiri habitus; nam sicut una hirundo non facit ver, ita inquit Aristoteles, una actio virtuosa, non efficit hominem virtuosum. Ille, qui prius renunciat peccatis in ultimo morbo, non potest dici practicasse virtutes; Quis enim audeat dicere, ut nil dicam de cogitatione, quod ille verbi gratia sit præditus virtute castitatis, qui toto tempore vitæ sese volutavit in cœno libidinis? Quod si videatur habere aliquam aliam virtutem, illa est tantum apparens, informis, naturalis; cum omnes virtutes sint connexæ, adeoque is qui perdit unam, perdat omnes, juxta eundem Philosophum. Ex quo conficitur, quod is, qui in morbo aliquam actionem virtuosam elicet, eam non faciat virtuosè, quia illam non elicit ex bona intentione, vel fine, hoc est ex amore Dei, vel motivo virtutis,



ris, sed ex amore proprio, & metu pœnarum, uti statim videbimus. Et dato, quod eliciat aliquod opus virtuosè, & ex bono motivo, attamen non potest illud praticare longo tempore, nec acquirere ejus habitudinem, quia amittit suam vitam. *Venit nox, in qua nemo potest operari.*

At enim verò, videor mihi audite, quod dicas, ille accipiet virtutes infusas, illas recipiet in instanti cum gratia sanctificante, quæ cum habitibus supernaturalibus connexa est, Deus eas ipsi infundet in justificatione. Sed, siste, quæso. Quis tibi hoc dixit? Non poterit recipere has virtutes nisi justificetur, nequit autè justificari, nisi prius sit conversus, nequit autem converti sine specialia auxilio Dei. Tu dicis, quod se converteret, at ego probabiliter hoc nego, necego, nec tu debemus hoc credere, nec aliquis hoc potest melius scire, quam ipse.

### PUNCTVM PRIMVM.

*Conversio dilata in mortem est incerta, probatur primo scriptura, secundo Patribus, tertio ratione, quarto historiis.*

III. **L**egite quæso, foliatim tota Biblia, verus, & novum testamentum, & dico, quod nec unicum textum inventuri sitis, in quo Deus promittat, quod vos conversurus sit in articulo mortis; quin potius, quod in vestris peccatis hac vita defungemini. Immo, clarius sole vobis monstraturus sum, quod minetur se vobis gratiam ad conversionem requisitam negaturum. Filius Dei, qui est sapientia æterna nobis dicit. *Peccavi, & renuistis, ego quoque in interitu vo-*

*stro ridebo.* Quod sæpe vos vocaverit scitis; & quidem adhuc quotidie vos vocat per vocem Concionatorum, per correctiones tui Patris, objurgationes tuæ uxoris, per suas inspirationes. Et non raro hæc tibi conscientia tua in aurem loquitur. Tu es in malo statu, exime te tuis vitiis, si defungaris in hoc statu, sine alio processu damnaberis. Deus est, qui te vocat, tu autem surdas ei præbes aures, tu ejus vocationi resistis. Tu tibi imaginaris, quod lecto affixus proferes unum salutare, *Peccavi*, quod elicies actum pœnitentiæ, confiteberis, recipies sacramenta, & sic sis salvandus. Sed scias, quod pœnitere non possis sine gratia, & auxilio speciali Dei. Ita docet nostra fides, Concilia, & liber de fide ad Petrum, in quo propositiones singule nil aliud sunt quam oracula. *Firmissime tene, & nullatenus dubites, neminem hic posse pœnitentiam agere, nisi quem Deus illuminaverit, & gratuita miseratione converterit.* Viden, an tibi hoc auxilium daturus sit, cum dicat, quod in morte tuâ te sit irrisurus. *In interitu vestro ridebo.* Illi, qui intelligunt propriam significationem verborum, quæ sunt instituta ad significandam passionem, illi norunt emphasim hujus verbi, *Ridebo*. Ridebo ergo nil aliud in proposito denotar, quam iram, vindictam, punitionem. Hinc Virgilius depingens iratum Mæsentium, qui jam jugulum sui hostis acinace petebat, ait.

*Ad quem subridens mixta Mæsentius ira*

Et Thydeus apud Statium.

— *Et formidabile ridens.*

Et Mars apud Claudianum.

— *Subridens crudele Pater.*

IV. Et hæc est causa, cur sanctus Gregorius:

*Proverb. 1.*

*Fulgent lib. de fide ad Petrum c. 31. lib. 10. Elian. Stratus. lib. 8. Claudian. 2. Eutrop.*



gorius dicat. Hac animadversione puniatur peccator, ut qui oblitus est Dei in sua vitâ, sui ipsius obliviscatur in hora mortis, & ita pro eo, quod convertatur, Deus permittit ut pereat. Et sanè iustissima, & æquissima est hæc pœna. Dic enim sodes, an vel minimam umbram apparentiæ habeat, quod Deus hanc gratiam suo infensissimo hosti concessurus sit? Dic quaeso, quis tuo sensu unquam maximus fuit Dei inimicus? An forsitan Judas, an Mahomet, an Nero. Nequaquam. Hoc tuum peccavi capitalissimus hostis est Dei. Nullus est veneficus, Turca, Tyrannus, Antichristus, Dæmon, qui tantam stragem edidit in Ecclesia, qui in tot peccata Christianos induxit, quam hoc abominandum, & detestabile *Peccavi*. Hoc peccavi est complex, receptor, fautor, sollicitator, promotor omnium peccatorum. Hoc *peccavi* incitat, stimulat illos ad offendendum Deū, hoc peccavi illis aufert timorem, & omnia obstacula. Quod si non confiderent in hoc asilo, sanè caverent peccata, adeo enim se amant, ut nollent hoc modo damnari.

Vnum ex præcipuis, & pretiosioribus donis, quod Deus potest largiri animæ est, si ei donet veram poenitentiam in articulo mortis, perseverantia finalis est arrha, & pignus certum gloriæ cælestis. Est munimentum paradisi, & dispositio ad beatitudinem. Quomodo ergo tu putes, & censeas, quod Deus hoc donum largiturus sit suo infensissimo hosti, huic maledicto, & detestando *Peccavi*? Nulla hujus rei est apparentia; & experientia planè contrarium monstrat. Nos videmus quotidie, quod hi libertini, qui tam te-

merè poenitentiam procrastinant, etiam in puncto mortis, in negotio salutis, sint æque negligentes, æque passionati, æque bonis terrenis affixi, æque in suis pravis moribus indurati, ac fuerunt, dum essent sani. Vultus hujusce rei exempla?

IV. Proferam sacra, prophana, antiqua, moderna ex omni genere. Abimelech, ut legimus in libris Judicum Cap. 9. ambitiosissimus erat, & tempore vitæ Dei obliviscens, Deus itaque justo iudicio permisit ut, à vanitate superaretur, & suipsius oblivisceretur in morte. Ille obsidione premebat urbem Thebes, dumque eam expugnare vellet, femina quædam e mœnibus lapide magno ejus caput petiit, eumque lethaliter laucavit. An putatis, quod in hoc statu de Deo, & propria salute cogitavit? Ille armigerum suum advocavit, eique dixit, subito gladio cor meum transige, ne cum magno dedecore à femina occisus esse dicar. Saule eodem modo occubuit, ut sacra scriptura testatur. An in illo articulo tanti momenti, in quo neglexit petere veniam à Deo, cogitavit, & sollicitus fuit, ut disponderet de ratione, quam redditurus erat? Ille nil aliud mente voluit, quam fastum, & vanitatem. Julianus Apostata, qui tota vita juratus hostis fuerat. Filii Dei, dum fulminea cælo se ictum videret, & ultimam Dei manum, quæ potentissime eum in terram prostraverat, cognosceret, pro eo, quod de se sollicitus esse deberet, sanguinem proprium in manu accepit, eumque versus cælum projecit, has voces audacter, & temerè etuomens *Vicisti Galilæe*. Ludovicus Vndecimus Galliarum Rex, sicut sanus, & in vita su-



In vita  
Gallicè  
scripta lib.  
8. c. 10.

Matthai in  
ejus vita  
lib. 10. cap.  
10.

pra modum vitæ præfenti affixus erat, ita & infirmus ei tenaciter adhæsit. Sanctum Franciscum de Paula expressè ex Italia Taurinum advocavit, sperans miraculosè ab eo se sanandum. Dum pro eo preces funderentur, in quibus à Deo flagitabant sanitatem animæ, & corporis Regis, ille mentionem animæ iniici vetuit, allegans, una vice tanta non esse poscenda.

V. Narrat eminentissimus Cardinalis Petrus Damiani quendam perversum se Dæmoni devovisse, ut suis votis, & intento frueretur, quia tamen fidem omnem non abiecerat, hanc condicionem adiecit, ut triduo ante mortem suam Dæmon exitum sibi prænuntiare teneretur, sperans illo tempore se posse pronuntiare illud *Pecavi*, & de negotiis animæ disponere. Sathan quantumvis mendax, hac tamen vice fidem datam servavit, & ad eum accedens dixit. Audi, post tres dies morieris, & jam me fide data eximo. In morbum incidit, advocatur Confessarius, qui postquam advenit, reperit eum somno oppressum, quidam eum rogavit, Reverende Pater, ne gravetur post horulam redire, quia infirmus paulisper quiescit. Vix domo excesserat, & revocatur, Pater jam euigilavit, quod si lubet intrare, potest. Quid factum? Quod si cum eo ageret de negotio salutis, dormiebat velut glis in hieme, quod si sermo institueretur de negotiis mundanis, vigilabat instar Argi. Tandem dum velut alter Endimion dormiret sine sacramentis, & pœnitentia viâ universæ carnis est ingressus.

Præterea in vita sancti Caroli Borromæi legitur, quendam in Archidiecesi Mediolanensi, qui totum calicibus epo-

tandis se dederat, testamento cavisse, ut animam agenti subinde vinum præstantissimum cochleari ori ejus instillarent. Et ne procubeamus, nostro tempore fuit quædam femina Lemovicæ, quæ dum scalam suspendenda adscenderet liçtori succensuit, quod ejus collare paulisper corrugasset. Præterea, ego quandam conspexi, quæ dum morti addicta esset, & sententiæ executio protraheretur, eò quod uterum ferret, postquam jam peperisset, singulis diebus veneris, quibus se morti dandam putabat, sese poliebat, & ornabat, ut ita compta in publicum prodiret. *Hac animadversione puniatur peccator, ut moriendo obliviscatur sui, qui vivendo oblitus est Dei.*

#### PUNCTUM SECVNDVM.

*Conversio tunc erit difficilior, primo ex parte Dæmonis, secundo ex parte nostri.*

V. Quod si sicut vidimus in illo articulo desint auxilia Dei, sane non aberunt hostilitates tuorum inimicorum, sed illæ augebuntur. *Inimicus eris calcaneo ejus; Ipsi calcaneum meum observabunt.* Spiritus malignus invidiatur calcaneo nostro, hoc est in hora nostræ mortis, quæ est finis vitæ nostræ, sicut est calcaneus infima pars corporis, dum advenit ad lectum, in quo jacet infirmus, ipse omnes nervos intendit, omnes confederatos adhibet, mille stratagemata invenit, omnes arietes admove, ut nos illo tempore prosternat. Apocalypsis de fine mundi hanc monitionem nobis dat. *Vaterra, & mari, quia descendit Diabolus habens magnam iram, sciens, quia tempus breve est.* Idem potest dici de fine microcosmi, qui est homo,

Gen. 3. 15.  
Psalm. 55.  
v. 7.

Apoc. 12.

R.

& non



& non ex parte possum<sup>9</sup> ejus hostē comparare opifici, eò quod vocetur Operator iniquitatis. Pannum dedisti Sartori tribus septimanis ante Nativitatem Domini, ut vestem tibi conficiat, qua indui queas ipso festo. Primis quindecim diebus pannum tuum reconditum servat in arca, & aliis se dat operibus, & forsan crapulæ, & potationi! quatuor, vel quinque diebus ante festum diligens est in conficienda tua veste, nec solum laborat ipse, sed & alios conducit famulos, non solum impendit diem, sed & partem noctis, immò & festum sancti Thomæ, & forsan ipsum diem Dominicum. Quod si ab eo quæras, cur modo sit tam sedulus in conficiendo opere, quod antea adeo neglexit? Respondebit, quod quidem, antea putarit sibi sufficiens superesse tempus, nunc autem se clarè videre, quod tempus deficiat, & solum superesse tres, vel quatuor dies, & nisi opus accelerem, amittam eos, qui meam frequentant officinam, & laborem mihi dant. Quod si nunc tibi sit difficile elidere in, sultus Diaboli, sanè in hora mortis id erit multò difficilius; quod si nunc unà te aggrediatur tentatione, tunc te aggredietur duodecim. Dum sanus es parum curas an in campo consentias ejus suggestionibus malignis, quia quamvis non consentias hodie, tamen sperat quod consensurus sis cras, vel si non hac septimanà, sequenti, vel alia. Verum dum cernit, quod non nisi tres, vel quatuor dies vitæ tuæ supersint, quod ex dispositione tui corporis optimè cognoscit, tunc omnes suas vires exertit, omnia tentat, & maximis furis te aggredi-

tur, ille suos congregat socios, ille omnem intellectum applicat, & omnia adhibet media, ut te perdat, quia debet lucrari aut te amittere. Ille ausus fuit accedere ad Sanctum Martinum, Odilionem Abbatem Cluniacensem, Eusebium Episcopum Cremonensem, & alios Sanctos, quos à se subjugandos sperabat. Sanctus Elzearius comes Arrianus in Provincia, perpetuam servavit virginitatem cum sancta Delphina conjuge sua, & tamen dum animam ageret, exclamabat, mi optime Deus, inimicus meus quam non est fortis? Et paulo post, Heu me! Totum me committo Divinæ voluntati. Et tandem dixit Io triumphe, Deo sint laudes, vici. Quod si itaque Dæmon eos fuerit ausus aggredi, quos nunquam sanos debellare potuit, & qui nunquam ejus suggestionibus consenserant, quomodo non invadet illos, quos toties superavit, qui toties iverunt in ejus partes, qui tota vita ejus servi, & mancipia fuerunt.

VI. At enim verò supponamus quod te non sit tentaturus, quod te in quiete dimittet, quod tua conversio tunc non sit futura impossibilis, vel difficilis, attamen dico, & urgeo, quod te difficulter convertes. Quomodo gignitur vera pœnitentia in nostro corde? Per maturam considerationem, per vivam apprehensionem motivorum, quæ in nobis possunt producere amorem Dei, & odium peccati. Pœnitentia nascitur, dum attentè ruminamus excellentiam infiniti Dei, ejus incomprehensibilem bonitatem, beneficia inestimabilia, quæ ab illo recepimus, malitiam in qua con-

stiter



stetit offensa Dei. Hæc serjò tunc considerare vix poteritis. Vos scitis, quod nil vos magis terrahat, & impediât à seria applicatione intellectus ad contemplandum objectum spirituale, & speculativum, quam fortis passio, aut magnus dolor corporis. Quod si viya aliqua passio cor vestrum occuparit, illa adeo illud sibi subijcit, subjugat, illique imperat, ac dominatur, tantaque violentia regit, ut aliud cogitare non possit. Græcum est proverbium apud Poetam. ὅπῃ τὸς ἄλγει καίτε καὶ τὴν χεῖρ. *pēchei.*

Quod si aliqua tibi sit illata injuria, si litem perdideris, causâ cecideris, si pater, vel proles tibi sit mortua, spatio sex, vel plurium dierum vix aliquid attentè orare potes; & animus tuus nil aliud cogitat, aut considerat quam hanc tuam afflictionem. Quod si doleas dentibus, si labores podagra, aut calculo, in nullo alio te occupare potes, quam in tuis doloribus. Quando ergo morbo affectus jacebis extremo, tunc jactura bonorum terrenorum, quam facis in morte, separatio ab amicis tibi dilectissimis, tristitia, qua doles, quod tanto labore bona corrogaris, quæ modo debes deferere, præsentia mortis, honor sepulchri, timor Divini judicii, symptomata febris, dolor morbi, turbata phantasia occupabunt tuos Spiritus, tuam animam, tunc adeo vioenter, & tyrannicè illam subjugabunt ut nec de Deo, nec de tua salute cogitare queas. Quocunque oculos conjicias, angustia tibi proponitur: si oculos conjicias in vitam præteritam, videbis tot annos sine fructu, immo in peccatis transmissos, tot occasiones benefa-

ciendi neglectas, tot inspirationes Dei à te contemptas, tot sacramenta irreverenter suscepta, videbis te debere deferere hunc mundum, tot dilectos amicos, proles.

PUNCTVM TERTIVM.

*Poenitentia tunc erit involuntaria probatur primo scriptura, secundo Patribus, tertio rationibus ex diversis scientiis.*

VIII. **V**Erum enimverò audio non neminem replicantem. Reverende Pater, contrarium ego vidi, consexi quendam adolescentem Dei contemptorem, parentibus immorigerum, arrogantem, contentiosum, impudicum, popinarum direptorem, depetulantem, in ecclesiis mille subjectum vitiis, sanctâ, Deo sint laudes, obivisse morte. Ille non expectavit ultimum articulum, sed primâ, aut secunda die advocavit Confessarium, communicavit, extremam accepit unctionem, Legata fecit pia, ille lacrymantibus oculis à Deo, & parentibus veniam petiit, ille sanctissimè protestatus est, quod si contingeret eum sanitati restitui, longè aliam esset institurus vitam, ille astantibus lachrymas excussit, ille devotissimè usque ad mortem Crucifixo oscula infixit, ille devotissimas fudit preces, ita ut Religiosi, quantumvis viri essent pientissimi contestati sint, quod ex animo optarent talem subire mortem. Ille pravam quidem egit vitam, sed sancta defunctus est morte. Fateor quod quidem bellam habuerit mortem, & tamè ex hoc non sequitur, quod bonam, quia inter pulchram, & bonam mortem tanta est differentia, quanta est inter



Psal. 115.

pulchrum, & bonum tempus. Neminem in specie judicare debemus. Deus æque in ordine gratiæ, ac naturæ miracula potest patrare; interim nemo me potest certum reddere, quod aliquis bene obierit, nisi prius sanctè, & piè vixerit. *Pretiosa in conspectu Domini mors Sanctorum ejus. Mors peccatorum pessima.* Diabolus est pulchrior re, quod tamen non credis. Et verissimum est, quod ipse hæc verba speciosa instillet ori suorum libertinorum, & hoc ideo, quia id valde promoveret ejus perversos fines, ut nempe sodales moribundi, & illi, qui assistunt ejus morti, intra se dicant. O rem prælustrem! valde delector hoc spectaculo. Vide, quæso! meum foccium, quomodo quantumvis fuerit adeo vitiosus, mortem Habeat adeo sanctam, & bonam, ego vestigiis ejus insitam, ego habenas sensibus laxabo, ego deliciis indulgebo, pergræabor, & cum infirmus fuero, resipiam, & dicam *Peccavi*, ego recipiam Sacramenta, & morte defungar adeo pulchra, sicut ille. Dæmon hæc verba eorum ori, & animo quidem ingerit, sed non immittit dispositiones in cor, & Deus, qui vult cor, & fundum animæ scrutatur, has fucatas cœremonias in vili habet.

IX. Matthæi decimo sexto capite Petrus fidem confitetur dicens Christo, *Tu es Christus Filius Dei vivi*, & hæc confessio adeo grata fuit Salvatori, ut pro præmio canonizatus, vel ad minus beatificatus fuerit ante suam mortem. *Beatus es Simon Bariona*, claves ei cali dedit, instituit eum suum Vicarium, & caput in terra. Econtra legimus Marci primo, & Lucæ

quarto capite, quod Dæmones, qui corpus ejusdam insidebant, similem ediderint professionem, verum Christus loco laudis, & præmiacriter eos excepit, & silere eos jussit. *Increpavit eos, ob mutesce.* Vnde proficitur hæc differentia? Ecce confessio Petri est Christo adeo grata, non vero confessio Dæmonum? Respondet Sanctus Augustinus. Petrum edidisse illam confessionem fidei ex amore, & devotione, Dæmonem vero ex timore servili, quia timebat ne cruciandus esset per exorcismos Filii Dei, & ejiciendus è corpore, quod insederat.

X. *Venisti ante tempus torquerenos.* Petrus laudatur, Dæmon compefcitur, una vox facta diversa, unde separantur ista dua confessiones, laudatur amor, damnatur timor. Equidem differentia est inter animas electas, & reprobas in articulo mortis. Ambæ pronuntiant illa speciosa verba, quinimò sæpe reprobi verba plura & quidem devotiora recitant, quam electi, & tamen Deus in æptis habet verbo animarum electarum, eo quod illa recitent & devotione, & pietate, nec curat animarum mundanarum preces, eò quod illas promant ex proprio amore, ex timore, ne ejiciantur ex corpore, & crucientur in inferno. Vultne scire uno verbo, quid debeamus cogitare, & dicere in hac materia?

X. Audite Sanctum Augustinum, & Salvianum, qui id dicunt. Quod si prius incipias desistere à peccatis in articulo mortis, tunc peccata te demiserunt, non tu illa. Quando decumbis in lecto mor-

Aug. serm.  
3. de vera  
bia Apost.  
c. p. 2.



mortis. dicis confessorio, mi Pater peccavi eundo ad prostibula, choreas, popinas, ego promitto me deinceps ad illa loca non iturum. Ita est, charissime, profecto non ibis amplius ad illa, quia impedieris, non exibis amplius ex hac domo, donec porteris ad sepulchrum. Quomodo possis ire ad choreas, & prostibula? Tu non deferis voluptates, sed hæc deferant te. Tu dicis Reverende Pater, ego me non amplius, inebriabo, ego id credo, nam quomodo te inebries, cum nil aliud tibi porrigetur, quam pauxillum fontanæ & coctæ ex hordeo. Tu non deseris ebrietatem, sed ebrietas deserit te. Tu curabis advocari tuum consanguineum, quem tam divino odio es persecutus. Amantissime cognate, vehementer doleo illa, & illa esse facta, veniam rogo, tuus servus sum. Et ut veritatem dicam, hoc aliquid est, & plus valet, quam nihil. Et tamen forsitan hoc ideo agis, ne dicatur de te, quod sis mortuus velut Turca, aut quia non potes amplius male agere, aut ex alio motivo. Deferenda sunt peccata, antequam illa te deferant, vitanda sunt tunc, quando non potes amplius illa committere, alias non derelinquis illa liberè, sed coactè.

X: Quod si sis Theologus, revoca in mentem illam definitionem, quam tam frequenter ore verbas. *Libertas est potentia, quæ positis omnibus ad agendum requisitis potest agere, & non agere.* Dum autem jacebis in lecto mortis, tu non es amplius in hoc æquilibrio, in hac indifferentia, & potestate, quia nequis amplius te dare voluptatibus, & levitationibus mundanis. Quod si sis Ca-

nonista, memineris illorum verborum, quæ legis in Decreto. Nullus expectet, quando peccare non potest, arbitrii enim querat libertatem, ut debere possit commissa, non necessitatem; Qui itaque à peccatis relinquitur, quam ipse relinquat ea, non liberè, sed quasi necessitate condemnatur. Quod si sis Jurisconsultus, in mentem redeat illa lex, quæ est regula trigesima in lege, vel digesto. *Ejus est nolle, qui potest & velle.* Et id, quod ad idem propositum dicit Seneca, vis scire utrum velim, fac ut ego possim nolle. Quod si aliquis Rusticus Bardus diceret Regi, Serenissime, ne me nomines Episcopum, quia ego nolo Episcopus esse, nonne omnes eum irriderent, & dicerent, non vult esse Episcopus, quia non potest, non est ex ligno, quo Episcopi fiunt. Verum, si Abbas aliquis, qui est ocellus Regis, refutaret Episcopatum, quilibet assereret quod eum noller. Dum affixus jacebis lecto mortis, dices, ego nolo deinceps repetere vindictam, certare in duello, opprimere pauperes, id credo, quia non amplius potes.

Quod si sis Logicus, reminiscere maximam conclusionem sequitur naturam præmissarum. Hora mortis est conclusio vitæ, adeoque est ejusdem naturæ cum illa. Quod si sis Physicus, memineris effectum esse ejusdem naturæ & conditionis cum causa, conversio quam facis in articulo mortis est effectus timoris, quo morietur times; hic timor non est omnino voluntarius, nam aliter velles, ex quo consequitur, quod non planè liberè nec ex bona voluntate

poeniteas.

R 3

CON-

Seneca Philo-  
sophi, lib. 2.  
de Benef.  
c. 10.

sermo  
vere  
post.  
9.



## CONCLUSIO.

XI. Utinam audias, & obedias hisce verbis Sancti Pauli. Quot verba, tot viva puncta, & efficacia argumenta. *Ecce.* Dum tibi offertur occasio, & oportunitas agendi poenitentiam eam arripere debes, si sapias, in occipitio est calva, unde si eam elabi sinas, eam recipere non potes. *Nunc,* Tempus præsens pro te est, illud est certum, est magis commodum. Tempus futurum à te non dependet; est incertum, nec est in tua dispositione, & erit magis incommodum.

*Tempus.* Nunc tempus est eliciendi actum contritionis sicut oportet, Tempus est artifex peritus magnorum operum. Opus magni momenti, non nisi magno tempore, aut per peritum magistrum potest perfici. Nullum est opus grandius, majoris momenti, difficilius, quam ut quis bene se convertat, & ex peccatore evadat Sanctus. Cum nunquam te bene converteris, quomodo id possis facere spatio duorum, vel trium dierum, ne dicam horarum, quibus adhuc vives? Dum prima vice aliquid facimus, non facimus illud tam bene, quia necdum habemus praxin. Quando primâ vice cantas non cantas tam bene, dum primâ vice scribis, non scribis tam bene. Actus contritionis est adeo difficilis, & heroicus, ut ipsi perfectissimi Religiosi post plurimum dierum orationem, & meditationem eam obtinere vix queant. Quomodo ergo tu tam exiguo tempore eam possis elicere, dum non habes praxin eam eliciendi? Nunquam eam ante hac elicuisti, erunt primæ vices qui

bus eam elicies, adeoque haud bene eam elicies, & tamen erunt etiam ultimæ vices, a quibus dependet tua æternitas. Nunc occasionem habes, ut in te redeas, Deum roges, librum legas spirituales, gemas, & plores ante Deum. Tunc stipabunt te homines, qui nil aliud agent, quam quomodo te recreent, vel qui te ad iram concitabunt ob negotia domestica, qui in cubili tibi molesti erunt, quantum poterunt.

*Tempus.* Nunc tempus est bonam instituendi confessionem. Potes habere Granatensem, vel alium librum, qui sub oculos tibi ponat tua peccata, seridè examina tuam conscientiam, ex acutè confitere, & poenitentiam imple impositam. Tunc non habebis animum, vires, & commoditatem id faciendi.

*Acceptabile.* Conversio tua non solum dependet à te, sed etiam a gratia Dei. Illam tibi vult dare, quando ipsi magis placet. *Aut enim tempore accepto,* vel juxta textum Isaïæ. *Tempore Placito exaudivi te.* Quod si eam modo abjicias, tuo damno id tunc experieris. *Non est volentis,* te decipies, *neque currentis,* sed *miserentis Dei.* Tu Dei misericordiam implorabis, & forsitan illam tibi non præstabit.

*Ecce nunc dies salutis.* *Venit nox in quam nemo potest operari.* Supponamus advocatum quendam litem maximi momenti præmanibus habere, ita ut agatur de omnibus bonis & quod lis illa debeat decerni prima die quadragesimæ. Quod si ille diebus antecedentibus non studeat, sed totum se effundat in luxus, & crapulas, & tunc prius aucto-



auctores evoluat, & argumenta in charta ponat, quando est semiebrius, aut somnolentus, nempe sub noctem ultimò die Bacchanaliorum, quid diceres, quid cogitares? Nonne diceres eum mente captum? Tu quamvis idem facias, tamen vis sapiens haberi, & prudens, ac judiciosus, qualis etiam es in negotiis mundi. Litem habes, quæ disceptatur coram tribunali Divino, non agitur in ea de una domo, agro, censu, sed de Regno, & quidem Regno caelesti, & æterno. Ille processus decerni debet in hora mortis, sine ulla appellatione, interlocutione, revocatione. Quomodo ergo preparationem, & bonam confessionem differis in illud punctum, in quo brevitate temporis eris oppressus, morbo infestatus, visitationibus molestatus, somno gravatus, catharris obrutus, in illud pun-

ctum inquam, in quo iudicium erit turbatum à metu mortis, imaginatio alterata à vaporibus febris, apprehensio læsa à præsentia mortis, corpus debilitatum, & prostratum à convulsionibus, lingua ab ardoribus febris stupefacta. Quod si sapias, nunc age poenitentiam, dum illam magis seriò, facilliter, fructuosè facere potes. Nunc illam age, dum Deus hoc desiderat, & tibi occasionem præbet. Nunc dum Demonstrationibus adeo lævis te nõ exagitat, nunc dum passiones tuæ necdum adeo despoticè dominantur; nunc dum potes deferere peccata, antequam ipsa te deserant, nunc dum animo es præditus vivaci, nunc cum

Deus tibi aperit omnes portas misericordiæ, ut tibi quandoque aperiat januas gloriæ Amen

## SERMO DECIMVS QVINTVS.

Pro Dominica prima quadragesimæ.

*Ductus est Iesus in desertum à Spiritu Matt. 4.*

### EXORDIUM.

**C**VM Ecclesia nil instituat sine singulari instinctu Spiritus Sancti, mysterium non exiguum in hoc latere debet, quod hac Dominicâ prælegat nobis Evangelium, in quo recensetur, quod Christus ductus fuit à Spiritu nempe bono, uti communiter Doctores intelligunt, ut tentaretur, & pugnaret cum Diabolo. Mysterium porro intelligem⁹, si videamus, quando iverit in desertum, & quare quadraginta diebus jejunavit. Vti colligimus ex sancto Mar-

co capite primo, & D. Matthæo in hoc capite, statim post baptismum in desertum ductus est, ut nimirum doceret per baptismum Christianos vocari ad continuam poenitentiam, & pugnam contra seipsum: jejunavit etiam quadraginta diebus, & quadraginta noctibus, quia juxta Divum Gregorium, juxta Albinum in Gen apud Fabrum, quadragenarius numerus tribulationem poenitentiae ostendit, hoc est totam vitam Christianam esse poenitentiam significat, & hinc



& hinc jejunavit quadraginta diebus Moyses, Elias, & Christus tanquam tribus temporibus necessaria, nam pœnitentia est necessaria in lege naturæ, scripta, & nova, immò tota nostravita, ut Auctor hac concione ostendit.

*Pœnitentiam agite Matt. 3.*

I. Quando sacra scriptura nos docet pœnitentiam, quæ agitur in morbo extremo, aut supremâ senectute communiter esse fallacem, fictam, & parvæ æstimationis apud Deum, illa loquitur de illa solum pœnitentia, quæ tempore tam tardo, incommodo, inepto agitur, nam pœnitentia, quæ agitur tempore congruo, & quæ non desinit nisi in instanti mortis, illa est valde laudabilis, salutaris, & grata Deo. Et sane in veritate dicere possumus, quod pœnitentia veri Christiani toto tempore vitæ durare debeat. Id probabo hoc discurfu ex sacra scriptura, Patribus, Conciliis Ecclesiæ, rationibus efficacibus, comparationibus, & exemplis sanctorum. O sacratissima Virgo, tua pœnitentia excellentissima, & maximè admiranda fuit. Tuus sponsus in sacris canticis comparat te Lilio, *sicut Lilium spinter mas*. Lili-um non solet plantari in medio spinarum, & creatura rationalis in statu felici perfectæ innocentæ, non obligatur ad spem pœnitentiæ. Et quamvis tua vita fuerit purissima, sanctissima, innocentissima, attamen ut imitareris tuum Filium, cuius vita nil aliud fuit, quam textura, & continua praxis pœnitentiæ, ideo pœnitentiam egisti. Merito nobis dicis: *Imitatores mei estote, sicut ego Filius mei*, hoc desideramus per auxilium gratiæ ejus, quam suppliciter imploramus, dum te salutamus dicendo, Ave Maria.

## IDEA SERMONIS

*Pœnitentia hominis Christiani  
debet durare toto tempore  
vitæ.*

### PUNCTVM VNICVM

*Probatur hoc primo scripturâ,  
secundo Patribus, tertio Concilio,  
quariorationibus satisfactionis pro peccatis  
primi parentis, Avorum nostrorum, con-  
civium, imitationis Christi, Præservatio-  
nis, quinto comparationibus, sexto  
exemplis.*

II. **E**X illo prælustri, & Mysterioso ostento, quod recenset Propheta 9. v. 2.  
Ezechiel capite nono suarum Divinarum revelationum, evidenter cognoscimus pretium inestimabile pœnitentiæ, & magnam fiduciam, quam nobis hæc virtus conferet, quando præsentabimur coram tribunali tremendo Dei. Recenset igitur hic Vates, quod viderit sex Angelos in forma, & specie humana, qui manibus gestabant instrumenta mortis hoc est acinacem. In medio horum vidit quoque alium Angelum in specie humanâ, alba indutum candida instar Sacerdotis, è cuius cingulo pendebat atramentarium, vel ut volunt Septuaginta cingulum ex saphiris. Eodem tempore Divinam conspexit majestatem, quæ surgens è propitiatorio, accessit ad januam templi, vocatoque Angelo, qui habitu indutus erat Sacerdotali hæc mandavit. Percurre urbem Jerusalem, frontique gementium, & plorantium signum. Tav inure. Insuper alius sex Angelis præcepit, ut per totam discurrent



rent urbem, ac sine misericordia ulla, vel respectu quoscunque obvios juvenes, senes, virgines, uxoratas, magnos, parvos discerperent, & internecione dele- rent, nec ulli omnino parcerent, inci- perent hanc executionem à sanctuario, nullique signato signo Tau in fronte no- cerent. Hæc visio nobis innuit manda- tum, quod Deus dabit Angelis, ut repro- bi castigentur supremo iudicii die. Ille e loco suæ quietis, e propitiatorio surre- xit, ut hoc mandatum daret, ad signifi- candum inquit Theodoretus, hoc mandatum non futurum hominibus propitium, & favorabile, sed crudele, & truculentum. In eundem finem deser- vit locum suæ quietis, quia centrum Dei; & locus ipsi quasi naturalis, est be- nefacere creaturis, quamvis ad hoc mo- veatur à seipso, & sua bonitate naturali. Verù, dum punire vult, egreditur quasi extra seipsum, & e loco suæ quietis, & a- lienum locum mutuatur ob iniquitates nostras excessivas. Hinc Tertullianus, *Quid sit misericors hoc habet de suo, quod sit justus, hoc habet de nostro.*

Sex amandavit Angelos, qui exequen- rentur justitiam Jerosolymis, unum verò tantum misit, qui caractere præ- destinatos signaret, ut denotetur, quod numerus reproborum sexcies excedat in Ecclesia numerum Prædestinatorum. Hic Angelus habitu indutus fuit sacer- dotali, quia repræsentat Salvatorem, magni Consilii Angelum, sacerdotem æternum, & grandem Pontificem no- strarum animarum. Præterea cinctus fuit cingulo ex Saphiro. Naturalistæ perhibent, Saphirum digito gestatum habere hanc virtutem occultam, & in- cantationem naturalem, ut sibi devin-

ciat corda appropinquantium. Affer- tor itaque noster cinctus est cingulo ex Saphiro, hoc est præditus est motivo, objecto, & subjecto amoris, ita ut qui- cunque ex quacunque parte ad eum ac- cesserint, motiva eum amandi reperiant, & maxime animæ pœnitentes, quæ nul- lum aliud habent remedium, & restau- rationem salutis, quam merita Salvato- ris. Signum *Tau*, quo cujusque frons notatur, est signum Crucis; nam ut as- serunt Origenes, Tertullianus, & alii Patres, ante Esdram *Tau* Hebræorum efformatum fuit in forma crucis, quod- que in odium crucis summi sacerdotes mutarint figuram. Justitia Dei sæviet in omnes homines incipiendo ab Ec- clesiasticis, qui sunt in sanctuario, exce- ptis prædestinatis, quos Filius Dei nota- vit signo crucis, id est quibus merita suæ mortis, & passionis applicuit. Porro soli gementes, & lugentes hac tessera signantur, ut significetur, quod omnes prædestinati cujuscunque ætatis, sexus, conditionis, etiam ipsi quantumvis in- nocentissimi, sint in statu gemitus, & lu- ctus. Non dicit, quod gemuerint, & plorarint, sed quod gemant, & plorent; nam prædestinati continuo vivunt in tristitia, & spiritu pœnitentiæ. Quod si innocentes gemant, multo magis de- bent gemere peccatores, si in extremo Dei iudicio velint evadere iram, & vin- dictam Dei. Hæc est differentia, quam sancti semper statuerunt inter veram, & falsam pœnitentiam, inter pœnitenti- am reproborum, & prædestinatorum, quod pœnitentia illorum sit diurna, transitoria, parum durans, horum verò sit continua, constans, perseverans us- que ad mortem, quodque duret tam diu



quantum est possibile, & hoc quia considerans se offendisse bonitatē, & maiestatem infinitam.

III. Auctor libri intitulati de verā, & falsa poenitentia insigniter dicit. *Verus poenitens omnes fructus sua poenitentia parvos habeat nunquam credit sufficere, semper doleat, semper coram Domino antequam peccavit, erubescat, dolorem cum vita finiat; nam Apostolus peccata per peccatum remissa continue plorat, nobis etiā quid, præter plorare, restat?*

Sanctus præterea Ambrosius scribens ad quandam virginem lapsam nomine Susannam illi iniungit, ut tota vita poenitentiam faciat, & inter alia ei præscribit, ut quotidie recitet psalmum miserere non obiter, sed plorando, gemendo, suspirando.

At enim verò cum ipsimet innocentes debeant continuò vivere, in quodam Spiritu poenitentia, quomodo ad hoc non sint obligati peccatores? Id tradit oraculum veritatis Ecclesia nempe congregata. Hanc ergò veritatem docet, & tradit concilium Tridentinum declarans vitam Christianam non debere tantum abstinentiam esse à vindicta, homicidio, blasphemiiis, sed addit, *Christiana vita perpetua poenitentia esse debet.*

IV. Porro argumenta quæ sacrosanctum concilium hic, & alibi affert ad hanc veritatem stabiliendam nobis ansam præbent dicendi Christianum tota vita debere vivere in Spiritu doloris, & gemitus interioris, aut ob satisfactionem, aut ob imitationem, aut ob præcautionem, aut ob tres rationes simul.

Primò itaque vita Christiana debet esse continua poenitentia, ut satis faciamus iustitiæ Divinæ. Primus peccator

qui in mundo vixit, fuit Adam. Deus ejus peccatum ipsi condonavit, quia non peccavit per malitiam, sed ne contristaret suam uxorem. At non dixit ipsi, en restituo te gratiæ, redi ad paradisum terrestrem, ego te rursus remitto in possessione privilegiorum, quæ habuisti in deliciis recreationum, & voluptatibus innocentia, quibus antea fruebaris. Sed illi dixit, tu vitam duces laboriosam, & poeniosam, si velis vesci pane, debbis sudando colere terram, illa verò erit adeo sterilis, & ingrata tuis laboribus, ut videntur esse proscissa à maledictione. Tu mille miseriis, afflictionibus, poenalaribus eris subiectus; & hoc non per duos, tres annos, neque per ducentos, quingentos, vel septingentos, sed per totam tuam vitam, quæ numerabit nongentos tringenta annos, *Donec revertaris in terram*, & hoc ob unicum solum peccatum, ob esum unius pomi vetiti. Quomodo ergò nos, qui commisimus duodecim, viginti, centum enormia, atrocias, gravissima peccata post duos, vel tres annos poenitentia revertimur ad recreationes, & voluptates ordinandas? Nos hanc vallem lacrymarum in sedem deliciarum, hoc exilium in paradisum terrestrem mutare volumus. Et sanè meritò dixi locum exilii, nam quantumvis nullum personale commissemus peccatum, attamen adhuc quotidie dicere deberemus, *Exules Filii Evæ*. Nos sumus in peccatis nati peccatores ex natura progenies Evæ peccatrix, Filii Adam pravarricatores, ejus culpæ complices. Sententia contra eum pronuntiata *Mortē morieris*, in nos quoque lata est, Lingua Dei emphatica est, & significat omne id, quodcunque significari potest

Tom. 4. o.  
perum S.  
Augustini.

Trid. sess.  
14. initio  
de extremis  
unctis.



& quolibet verbo significat id, quod intellectus humanus, aut Angelicus naturaliter intelligere potest. *Morte morieris.* Hæc verba intelliguntur, quod quocunque genere mortis erat moriturus, morte nempe spirituali, æternâ, civili, corporali, Mors spiritualis consistit in privatione gratiæ Dei, mors æterna est privatio ejus gloriæ, & visionis, mors civilis juxta leges humanas est proscriptio extra patriam, & privatio commoditatum, quibus in Patria fruimur. Porro hæc mors juxta legem divinam est privatio dominii in omnes creaturas; Mors corporalis est privatio vitæ corporis. Ob peccatum originale, nos omnes damnati sumus ad has quatuor mortes, ad has quatuor privationes. Theologi duas priores privationes vocant poenas peccati, duas posteriores poenalitates. At enim sapienter hic advertere debemus, & totâ nostrâ vitâ in mente retinere, quod non solum quamdiu nos fuimus in hoc mundo, sed & quamdiu fuerunt sæcula præterita, nunquam Salvator applicaverit suam meritâ, & redemptionem passionis, ut nos liberaret à poenalitatibus mortis civilis, & corporalis, sed solum ut nos eriperet poenis mortis spiritualis, & obligationibus, quibus incurrere debebamus mortem æternam. Hæc est doctrina sancti Thomæ, qui hoc variis probat argumentis, quæ videri possunt tertiâ parte.

3. p. quest.  
99. art. 3.

In principio mundi, in statu innocentiae, & justitiæ originalis, Deus nobis donaverat dominium, & imperium in omnes creaturas, ita ut iis uti potuerimus pro nostro libitu, easque usurpare in omnem usum, verum per peccatū primi parentis amisimus hoc dominium; cū minima pœna, quæ potest decerni contra

subditum, qui commisit rebellionē, vel crimen læsæ majestatis contra principē sit confiscatio bonorum. At enim verò, si loquamur quid in hac materia fecerit Filius Dei, fateri debemus, quod pro eo quod nos damnari debeamus, ille à suo Patre obtinuerit, & pro merito sit tempus hujus vitæ, ut nimirum poeniteremus, & Divinæ justitiæ satisfacere mus. Attamen, quamvis hoc nobis beneficiū, & gratiam hanc præstiterit, tamen nos non reposuit in absoluto illo dominio, & potestate, ut uti possimus creaturis pro nostro libitu, & dispositione. At quia non possumus diu subsistere, & conservari in hac vita, sine usu plurimum creaturarum, ille per indulgentiam, & meram misericordiam nobis usum earum concedit. *Omne quod movet x̄r, & vivit, erit vobis in cibum.* Notate tō cibum, & non delicias.

Porro, hinc in optima consequitur consequentia, quod & centies per annū in pulpito inculcandum foret, nempe quod habeas jus utendi creatura, vel minima ob merâ voluptatē absque ulla necessitate, ita ut nulli injuriā inferas. Scias, quod nullū habeas jus utendi creaturis, nisi quantum necessariæ sunt, ad conservationem frugalem, & honestam tuæ vitæ, & status, ac condicionis in qua Deus te posuit. Quod si utaris aliqua creatura non necessaria tuæ conservationi, violas decretum Dei in te latum, & usurpas creaturas iniquē.

Gen. 3. v. 9

V. Imò non habemus tantum parentē reū sed & descendimus ab aliis plurimis peccatoribus ab avis &c. at, qui Deum offenderunt. Quod si poenitendo irā Dei non placemus, quā meritō nobis eorum



posteris infensus est ob eorum scelera, nos erimus obiectum suae vindictae, quia Deus disertè pronuntiat in scriptura; quod vindicet peccata parentum in prolibus usque ad tertiam, & quartam generationem. Porro maximum supplicium, quo anima affici potest est, si Deus ei subtrahat, & minuat gratias auxiliares, & succursus particulares, qui obstitissent, ne laberetur. Quando permittit, quod anima peccet, & de peccato in peccatum ruat, tunc scriptura illam permissionem vocat vindictam Dei, hoc est magnam vindictam, uti *cedros Dei*, *montes Dei*, vocamus magnos. Immo quandoque ob peccata antenatorum hanc vindictam in filiis, & nepotibus exercet. Hinc videmus, quod Judaeos tanto tempore sinat degere in excecatione Spiritus, & obduratione cordis in penam enormis patricidii, quod eorum majores patrarunt, occidendo nostrum Salvatorem. Et ideo summè necessarium est, ut continuò agamus poenitentiam, ut satisfaciamus justitiae Divinae, & effugiamus supplicia, quibus obrui possumus ob peccata majorum; nam sicut peccatum offendit Deum, sic poenitentia illum placat, ejus Spiritum tranquillat, illa ejus iram sedat, illa impetrat ejus misericordiam, & avertit flagella, quae nostris reis cervicibus incumbunt. *Iratusest, & peccavimus. Mea est ultio ut labatur pes eorum. Propter peccata parentum* inquit Lessius *sape hujusmodi poenis Deus afficit posteros, vel minora iis auxilia gratiae largiendo, vel variis tentationibus exponi suendo.*

Isaia 64. v.  
5. Deut. 12.  
l. 35. de  
perfectim.  
Divin. e. is  
in medio

Vi Atenim verò, supponamus quod perfectè satis fecerimus pro nostris peccatis, & sceleribus nostrorum majorum,

an non satis est, quod sciamus Deum esse offensum huic mundo, ad hoc ut nos contineat in gemitu, dolore, & Spiritu poenitentiae? An illam prolem diceremus esse bonae indolis, quæ dum sciret suum parentem pessimè habere, illa nihilominus pergræcatur, scortaretur, & deliciis diffunderet? An non diceremus nullo eam affectu, & amore ferri erga parentem? Nos scimus, quod ubique Deus lædatur, quod injuriis undique a Paganis, Judæis, A catholicis, & malis Catholicis afficiatur, quod in aulis, palatiis, foris, nundinis, officinis mercatorum, cancellariis, domibus privatis offendatur, quomodo ergo nos possumus gaudere & cor nostrum in gaudiis, & voluptatibus mundanis dilatare? An non merito debeamus imitari Loth? Sanctus Petrus eum perhibet fuisse justum, & Sanctum oculis, & auribus, eò quod dum videret, & audiret nefanda scelera Sodomitarum, animam suam affligeret, & tormentait, eoque ejus cruciatum fuerit, quia videbat Deum offendi. *Aspectu, & auditu justus erat habitus apud eos, qui de die in diem animam justam iniquis operibus cruciabant.* An ignoramus, quod juxta ipsas leges civiles, dum quidam Pater familias in sua domo occiditur, omnes domestici nisi se affligant, posse in suspicionem trahi, ac si necem patrassent?

VII. Et dato, quod non essemus peccatores, quod non essemus geniti, nec descendentes, nec concives peccatorum; attamen quia sumus Filii, & membra Filii Dei, qui tota vita poenitentiam egit, & qui nos expressè hisce formalibus alloquitur; *Qui vult venire post me, ab-*

neget

2. Pet. 2.

2. Pet. 2.

Matth.  
v.

Luca  
23.

Gal. 5  
24

3. P.  
v.



Matth. 10.  
v. 24.

Luca 9. v.  
23.

Gal. 5. v.  
24.

3. P. q. 69.  
art. 3.

neget semetipsū & tollat crucē suā, & sequatur me. Non dicit, qui vult esse perfectus, vel qui beatissimus vult esse in celo, qui magnus vult esse Sanctus in paradiso, qui aureolas, & coronas particulares desiderat, sed qui vult salvari; nam ut quis salvetur debet Salvatorem sequi. Sanctus porro Lucas observat quod dicebat ad omnes, dum diceret, quod debeat ille, qui vult Christum sequi non solum renunciare peccatis, Diabolo, mundo sed sibi ipsi, suis humoribus, & inclinationibus vitiosis, passionibus, carni, & sensualitati, ac quotidie suā crucē portare. Sanctus insuper Paulus ad Galatas sic scribit: *Qui autem Christi sunt, carnem crucifixerunt cum vitiis, & concupiscentiis.* Non dicit Sacerdotes, Anchoretæ, Religiosi, sed qui sunt Christi. An aliquis queat salvari, qui non est Christi? Illi, qui ejus sunt, crucifixerunt carnem, vitia, & concupiscentias. Non dicit crucifigunt, vel crucifigent, sed qui crucifixerunt carnem, quia praxis pœnitentiæ, est alphabetum eorum, qui sequuntur Christum, prima vita vitæ Christianæ, primus gradus scalæ, quæ ducit ad cælum.

VIII. Doctor porro Angelicus hujus veritatis hanc affert rationē; quando quidem non possumus placere Deo, nec nostræ actiones, aut satisfactiones esse meritorias, nec ipsi acceptabiles, nisi eatenus, quatenus sumus uniti nostro Servatori, ac insiti, & incorporati homini Deo, ei autem non possumus uniri, nec inseri nisi per pœnitentiam, ideo illa continuò agenda est. Quod illustri illustro similitudine; Sicut enim ad hoc ut trunco alicujus arboris inferatur aliquis ramus, necesse est ut prius

ramus inserendus culelli subeat experimentum, & illo inspicetur, & ab arbore, quæ eum produxit, debet separari, & rescindi, truncus verò cultello aperi-ri, & aptari, ita ut ramus nil habeat vitæ, substantiæ, fecunditatis nisi in trunco, cui est insitus; ita similiter ut nos uniamur, & inferamur nostro Salvatore, ferro, clavis, spinis, cruce, asperitatibus pœnitentiæ inspicari debemus, & consequenter, ut ei inferamur, nos debemus inspicari mortificationibus, & pœnitentiis, & rescindi, & separari à via sensuali, & carnali, quam à veteri, & ex naturâ corrupto homine accepimus.

IX. Ulterius, viri justī, quantumvis Sancti, innocentes, & perfecti sint, atramen considerant se esse homines, hoc est fragiles, infirmos, & peccatis subjectos. Hinc Sanctus Paulus: *Qui existimat se stare, videat ne cadat.* Quamdiu enim in hac vita sumus, habemus nobiscum concupiscentiam, quam Sanctus Paulus appellat peccatum, quia nil aliud est, quam proles, & abortus peccati, vitio, fax, illicium, esca, dux continuò nos inclinans, & pellens in peccata quæcunque, & trahens nos in lapsum, nisi per pœnitentiam refrenetur, et cohibeatur.

X. Imaginemini vobis quod in quadam urbe in confinibus Regni sita, sit quidam civis seditiosus, tumultuosus, turbator, qui Regi suo aversus, & insensus sit, qui ptopendeat in rebellionem, ac amicos, & consanguineos ejusdem secū genii habeat, & jam cum hoste colludere inceperit, si arcis præfectus fidelis suo Regi sit, ille vigilabit, eum humiliabit, puniet, in vincula conjiciet, & hoc ideo, nequid contra Regiam maje-



stare moliri possit. *Caro*, inquit Apostolus, *concupiscit adversus Spiritum*, contra legem Dei nunquam nō aliquid molitur, colludit cum mundo, & Diabolo hostibus nostri Salvatoris, fœdere cum eo colligati sunt sensus, imaginatio, concupiscentia, passiones, nisi vigilemus, & sedulo excubemus, nisi contra nostros appetitus decertemus, nisi per opera poenitentiae eam compescamus, & affligamus, contra majestatem Divinam proditioes, & rebelliones terribiles concitabit. Invenimus nobiles, & equites adeo proclives, & propensos ad vindictam, ut dum duellum inituri sunt, ad hoc ut sese obligent ne fugere, aut subtrahere sese possint pugionibus sese aggredi intra dolum parati sint. Et quidem in hoc casu quilibet potest dicere, nequaquam hic actus est temeritas, quia vel ferire vel mori oportet, quia nisi ferias, necessarium tibi moriendum est.

Eodem modo agitur cum animā nostrā, illa habet hostem sibi fataliter infensum, non in confinibus, ac portis, sed intra domesticos parietes, intra se ipsam, habet hostem, qui est pars sui esse, pars inferior, sensualitas, concupiscentia, quæ continuò ipsi movet bellum, quæ certo certius eam feriet, nisi ab anima compescatur, & mortificetur, *si secundum carnem vixeritis moriemini, si autem Spiritu facta carnis mortificaveritis, vivetis.* Quod si demulceas tuam carnem, si ejus inclinacionibus, & desideris concupiscentiae condescendas, illa te occidet, si vero eam compescas, & mortifices, Spiritus robustior erit, & vitam habebit æternam.

XI. Exemplis claris hoc comprobemus, Salomon in initio sanctissimus, &

innocentissimus fuit; Rex omnium Regum, qui ante ipsum fuerunt, sapientissimus. Ille totus fuit humilis, & ex humilitate dixit. *Ego sum puer parvulus ignorans egressum, & introitum meum.* Devotissimus fuit, & Deum vehementissimè amavit, ille, *Dilexit Salomon Dominum ex totis precordiis.* Ille à bonis terrenis, & gloria mundi omninò abhorruit, ille in suis precibus exauditus laudavit Dominum. Ille non segnitè, & ex medio corde à Deo postulavit continentiam, sed ex tota anima, & voluntate. Usque habenas omninò sensibus laxaret, ille curiositate ductus fuit omnia sciendi. Ille gustare voluit dulcedinem deliciarum, & voluptatum licitarum. Verum quid contigit? Infelicitè cecidit, & velut porcus involutabro delectationum carnalium sese volutavit, ille idola concubinarum adoravit, ille nobis dubium ingessit an sit salvatus, vel damnatus.

E contra Sancti, qui perpetuam egerunt poenitentiam non solum in se innocentiam conservarunt, sed & eam in aliis, & quidem infinitis procurarunt. Constat id in sancto Joanne Baptista, Basilio, Benedicto, Brunone, Bernardo, Romualdo, Norberto, Dominico, Stephano Grandmontano, Dominico, Francisco Assisiense, & Francisco de Paula, Sancta Teresa, & aliis Patriarchis Religionum.

## CONCLUSIO.

*Confirmans prædicta primo scripturâ, secundo Patribus, tertio exemplis.*

XII. Verum enimvero, occurro me

3. Regum.  
3. v. 7.  
Ibid. v. 3.  
cap. 3.  
v. 27.



me in tot probationibus afferendis in-  
confirmationem hujus veritatis, cum  
ipse met Salvator tam clare, & diserte  
hoc affererit? Ille, dum doceret duas  
esse vias, quæ ducunt ad alteram vitam  
inquit. *Lata porta, et spatiosa via, quæ  
ducit ad perditionem, & multi sunt, qui  
intrant per eam. Quam angusta porta,  
& arcta via est quæ ducit ad vitam, & pau-  
ci sunt, qui inveniunt eam.* Hunc locum  
ira explicat Sanctus Augustinus. *Audiat  
ergo qui sapit, & qui serio animam suam  
salvare satagit. Hæc est vox æternæ sa-  
pientie, contendite intrare.* Prima via est  
via immodesta, mundana, dissoluta,  
delitiosa, secunda via est via modesta  
austera, mortificata, poenitens; *Arcta,  
quæ arctat cupiditates* inquit Sanctus  
Augustinus. Dic ergo sodes, ubi est via  
media, quæ nec est bona, vel mala.  
An forsitan via illa, quæ calcatur in deli-  
ciis, ludis, comoediis, societatibus mun-  
danis, visitationibus superfluis, choreis,  
conviviis, epulis & aliis recreationibus,  
quas mundus iudicat esse licitas, ac ho-  
nestas, sub prætextu quod pereas ne-  
mini injuria irrogetur? Nequaquam,  
quomodo enim possent esse recrea-  
tiones honestæ, cum Job dicat, *Tenent  
cympanum, & citharam, & gaudent ad  
sonitum organi, ducunt in bonis dies suos,  
& in puncto ad infernum descendunt?*  
Quomodo sint recreationes honestæ,  
cum dicat Michæas, *Va qui cogitatis in  
utile & operamini malum in cubilibus ve-  
stris.* Quomodo sint recreationes li-  
citæ, cum Ezechiel otiositatem nume-  
ret inter peccata Sodomæ omnium ur-  
bium nequissimæ, & Christus asserat  
nos de omni verbo otioso in die iudicii  
esse rationem reddituros, & sanctus

Matthæus recenset servum inutilem  
fuisse projectum in tenebras exteriores  
ubi est fletus, & stridor dentium? Quo-  
modo sint recreationes honestæ illæ  
quæ sunt vanæ, & inutiles, dum nos di-  
sponunt, & ducunt ad crimina, & abu-  
sus abominabiles? Quomodo illæ vi-  
sitationes, lucrationes indulgentia-  
rum, peregrinationes tempore ætatis  
ad Dedicaciones, Nundinas, Patrocinia  
sint licitæ, & honestæ, dum non solum  
sunt inutiles, & indifferentes, supposi-  
to, quod fiant ad meram recreationem;  
sed etiam sint periculosæ, utpote tra-  
hentes post se plura peccata, ebrietates,  
vixas, contentiones, pugnas, lascivias,  
& alia id generis plura peccata, ut ex-  
perientia ipsa demonstrat?

Ego nullum alium, quam vos ipsos  
in testes volo; Consultite paulisper  
veltras conscientias, & videbitis, quod  
ille insignis prætextus liciti, quod ha-  
betis exterius, nullatenus sit interi-  
us, quandoquidem in fundo navis e-  
tiam sordes sint, scitis quod in oscasio-  
nibus, & tentationibus lasciviæ, vin-  
dictæ, injustitiæ turpiter, & faciliter  
succumbatis. Econtra experientia do-  
cet, quod illi, qui ducunt vitam solita-  
riam, poenitentem, mortificatam in e-  
gros menses, annos, immò totam vi-  
tam sine peccato mortali transmittant.

XIII. Videmus insuper in Historiis  
Ecclesiasticis, quod non solum Patri-  
archæ ordinum Religiosorum, sed &  
sancti Apostoli, eorumque Discipuli, si-  
cut & primi Christiani vitam duxerint  
austera, & poenitentem. Sanctus  
Paulus dixit: *Castigo corpus meum, &  
in servitutem redigo, ne forte reprobus  
efficiar.*

Iob. 21. v.  
13.

Cap. 2.  
v. 1.  
16. v. 29.  
Matt. 21.  
v. 36.



*efficior.* Sanctus Timorheus ejus Discipulus, quamvis sciret suam vitam, & sanitatem esse necessariam Ecclesiæ, tamen non obstante debilitate stomachi aquam solum bibit, sancta Martha vino, carne, ovis, piscibus abstinuit, & quotidie jejunavit. Sanctus Aurelianus Divi Martialis Discipulus, & in Episcopatu Lemovicensi successor, quadraginta annos in sola fontana, & cerere combussit. Sanctus Polyparcus Discipulus sancti Joannis Evangelistæ communiter vestitus dormit, nam ut in actis Martyrii legimus, dum in ignem esset proiiciendus, vestibus se nudavit, calceos exuit, quod longo tempore non fecerat. Sancta Blandina Lugduni Paganis, qui Christianis hanc calumniam affricabant, quod in conventibus publicis carnem devorarent pueri, occurrit dicens, quomodo vesceremur carne humanâ, cum nec carnes gustemus animalium?

Ex his consequitur, & patet, quod sancti Apostoli spiritum pœnitentiæ à Filio Dei hereditarint, eumque in posterum transmiserint. Sanctus Martinus, dum cum supremo morbo conflictaretur, cilicio tectus super cineres cubabat, dumq; eum rogarent, ut parû palæe admitteret, respondit, Christianum vivere, & mori in pœnitentia debere.

Idem egit sanctus Amabilis Episcopus Lugdunensis, & sanctus Abbas Monasterii, sancti Romerici Amatus. Tu omnes hos sanctos laudas, & colis, eosque de prædicas velut prudentes, & beatos, ergo *Imitari non pigeat, quod celebrare delectat.* Quod si sapias, eos imitare, si eos velis colore honore sincero, & cordiali, eos imiteris. Imitare eos, si velis eorû intercessionis fieri particeps. Imitare eos, si velis participare de eorum meritis. Imitare eos, si in gloria eorum velis fieri consort Amen.

## SERMO DECIMUS SEXTUS

Pro Dominica secunda Quadragesimæ.

*Bonum est hic nos esse Matt. 17.*

### E X O R D I U M.

**N**on est dubium Auditores, quin Sanctus Petrus, jam antea à Christo multa audiverit de cælesti beatitudine, & magnitudine præmii cælestis, quam post hanc vitam sumus obtenturi, nullum inquam de hoc est dubium; cum enim homines vix aliquid a-

liud agere soleant, nisi moveantur à mercede, & præmio, Petrus non reliquisset sua quantumvis exilia, nisi sperasset à Christo magnum præmium, quod ipse ei promiserat, dum illum ad Apostolatum vocavit. Optime, hoc firmiter credo, & mihi persuadeo ex modo

hæc



homine agendo. Sed hinc oritur difficultas, quomodo ergo Petrus nunquam antea dicebat bonum esse adhærere Christo, & cum eo esse, cum illi tantum præmium propositum esset? Meo iudicio, gaudia cæli non æstimavit, nec ille satis agnovit, quia si illa agnovisset, nil illi difficile redditum fuisset, in sequela Christi, suo modo ergo cæcus fuit. Sed pro dolor hodiè plures tales cæci sunt, quia si non essemus tales, non ita essemus incurii in negotio nostræ salutis. Hodie ergo ostendam cum Auctore, unde ista cæcitas procedat, quæque ejus causa sit. *Dominus erigit elisos, Dominus diligit Iustos. Psal. 145. v. 8.*

**I.** Postquam jam vidimus necessitatem virtutis pœnitentiæ, ejus essentiam, qualitates, materiam circa quâ, tempus, quo fieri debet, quamdiu debeat durare, & quod nostra salus pereat, & periclitetur, si eam non faciamus, nunc obstacula cõsideranda sunt, quæ ab illa nos possunt retrahere, & impedire. Primum itaque impedimentum est cæcitas cordis, nam Vates Regalis dicit, quod postquam tenebræ in anima peccatrice fuerunt diffusæ, omnia fundamenta terræ fuerint commota, absque eo, quod vel in minimo quateretur, & labefactaretur. *Nescierunt, neque intellexerunt, in tenebris ambulant, movebuntur omnia fundamenta terræ.* Itaque primo causas hujus cæcitatæ indagabimus, secundo remedia ad eam tollendam. Porro sô sacratissima Virgo, unum ex magis efficacibus remediis ad hanc cæcitatem pellendam, est tua invocatio. • Ecclesia in suis precibus te vocat janua lucis. *Tu Regis altæ janua, & aula lucis fulgida.* Etiam nos possu-

mus dicere, quod sicut Pater æternus à sancto Jacobo vocatur Pater luminum, ita tu non incongruè mater luminum nuncupari possis; nam tu in mundo lumen æternum, & increatum Jesum Christum, nostrum Redemptorem diffudisti, & quando per tuam intercessionem lucem Sancti Spiritus iis communicas, qui ipsam devotè flagitant. Nos eum ex toto corde rogamus, te cum Angelo salutando. *Ave Maria.*

## IDEA SERMONIS

*Primum impedimentum pœnitentiæ est, cæcitas cordis.*

### EXORDIUM.

*I n ordine naturæ nihil nobilius intellectu nihil miseriùs ejus cecitate.*

**II.** **O**mnium creaturarum visibilibus, quas cuncti potens manus Dei e nihilo extraxit, admirandissimus est homo. Inter duas partes, quæ sunt in homine, excellentissima est anima, inter omnes facultates animæ principalior, nobilior, & spiritualior est intellectus. Hæc facultas idem est in anima, quod oculus in corpore, quod judices in republica, quod sol in hoc mundo. Hæc potentia metimur altitudinem cæli, profunditatem maris, profunditatem terræ. Per eam cognoscimus motus astrorum, per eam gubernamus elementa, detegimus proprietates plantarum, domamus animalia, & omnes creaturas nobis subjugamus & in monarchia hujus universi sceptro, & corona potimur. Intelle-

T

ctus



Stus est Pater scientiarum, inventor artium, primum mobile, magister Regius, & principalis regula actionum humanarum. Et quod magis in ejus laudem cedit, intellectus est prima porta per quam Deus in cor nostrum intrat, intellectus est thronus Fidei, templum Prophetiæ, Sanctuarium beatitudinis, nam juxta doctrinam Divi Thomæ, beatitudo essentialiter, & formaliter in visione consistit. *Hac est vita æterna, ut cognoscant te; Videbi-*

Ioann. 17.

v. 1.

Ioann. 3.

v. 2.

Psal. 6.

v. 15.

*mus cum sicuti est, scilicet cum apparuerit gloria tua.* Proprium porro intellectui est has actiones adeo nobiles, excellentes, eminentes, supernaturales, & Divinas elicere.

Non nescio, quod voluntas sit Regina in hoc microcosmo, sed etiam scio, quod intellectus sit ejus minister à statu, ejus Consiliarius, clavis Senatus ejus, vel ut melius dicam, ejus consiliarius unicus; quia tam exactè, & cum tanta differentia promittit sua consilia, ut si aliquis rem bene examiner, visurus sit, quod voluntas nil amet, nil velit, nil amplectatur, nil agat, nisi intellectus illud prius proposuerit, prudenter, verè, vel falsè, quia *Nihil volitum, quin præcognitum.* Intellectus itaque longè superat voluntatem, nam voluntas ut illo fruatur, quod amat, exit extra seipsam, & centrum suum; nam voluntas venatur suum objectum, illa se prosternit, & seipsam deserit, illa per affectum se vnit & colligat cum objecto, illa se in illud transformatur, & se ei assimilatur, & ut verbo dicam, ejus servitio se subicit ejusque mancipium se facit. *Terræ diligis* inquit Augustinus *Terræ es.* Et Oseas: *Facti sunt abominabiles, sicut ea, quæ amantur.*

Oseas. 2.

v. 10.

Intellectus e contra trahit ad se, & in sinu suo collocat objectum. Quod si objectum sit materiale, ille illud nudat, omni massa coporali, ille illud mundat, polit, nobilitat, ac Spirituale, & incorruptibile reddit. Verissimum itaque est illud effatum Philosophorum. *Optimi corruptio pessima*, hoc est eò magis privationem esse peiorem, quò ejus bonum opositum quo privat, est excellentius. Nec hic silentio involui debet, quod malum sit sumopere deplorandum, dum tam nobilis potentia offuscatur, si hic oculus excæcet, si hic iudex corrumpatur, si hic sol tenebris involuatur, si hic consiliarius pervertatur, si hoc primum mobile confundatur, summè inquam lugendum est, quando homo labitur in cecitatem Spiritualem. Ut tantum damnum effugiamus, ante omnia causæ hujus cecitatis considerandæ sunt, & deinde remedia, quæ eam pellant.

### PUNCTUM PRIMUM

*Causa cecitatis mentis Prima est vindicta Dei, quod probatur primo scriptura, secundo Patribus, tertio ratione, quarto exemplo Achab decepti. Secunda causa est malitia Diaboli, à quo excacamur sicut Seditias. Tertia causa est aliqua passio.*

III. **P**rima ergo causa hujus cecitatis Spirituális est vindicta Dei, quæ ut puniat aliquam latentem superbiam, aut aliquod peccatum præcedens, ex profundo, & incomprehensibili, quavis justo, & adorando iudicio permittit, ut cadamus in hoc funestum malum. Moyses populo Hebræo minabatur, quid



Isaia. 6.  
v. 10.

3. Thess. 2.  
v. 10.

Lib. I. Confess. c. 10.

Part. I. Pastor. c. 1.

quid nisi servaret iussiones Dei, in cecitatem esset lapsurus. *Percutiet te Dominus cecitate.* Nec hæc intelligenda sunt de cecitate corporali, quia illā nunquā sunt percussi, sed de cecitate Spirituali, in quam sæpe sunt prolapsi. Eodem modo intelligendus est Deus loquens per Isaia: *Excaca cor populi huius, & oculos ejus claudet, ne forte vident oculis suis, & convertatur, & sanem eum.* Similiter Divus Paulus assignans causam, cur aliqui in finem mundi seducendi sint, inquit: *Eò quod charitatis veritatem non receperint, ut salvi fierent, ideo mittet illis Deus operationem erroris, ut credant mendacio erroris.*

IV. Hoc dum consideraret Sanctus Augustinus in suis confessionibus inclamavit: *ò Deus gloriæ, & majestatis, tua admiranda sunt, & secreta. Quam tu secretus, & habitans in excelsis in silentio Deus solus magnus lege infatigabili, spargens poenales cecitates super illicitas cupiditates.* Similiter Sanctus Gregori⁹, qui semper ad vestigia sancti Augustini attendit inquit: *Pastorum sæpe imperitia meritis congruit subditorum, qui quamvis lumen scientiæ culpā suā exigente non habeant, districto tamen Dei judicio agitur, ut per eorum ignorantia hi etiā, qui sequuntur offendant.*

V. Et quidem Sanctus Augustinus hanc addit causam: Nil æquius, & conformius rationi est, quam sermo auferre instrumentum ei datum, dum eo non utitur. Magister parabolarum, qui talenta suis servis dederat, ut iis negotiarentur, dum unum vidit eo nil lucrari, illud ab eo auferri mandavit. Quod si filii tui, pædagogus, vel minister culinarius tibi diceret, Domine in hieme quotidie mane circa horā quintam ego filio tuo lumen adfero, ut surgat, & studeat,

sed scias, velim, quod non studeat, sed usque ad septimam in lecto maneat, & candelam in menta inutiliter consumi permittat; an non esset ei dicturus, cave sis, ne ei deinceps lumen feras? *Lucerna pedibus meis verbum tuum* dicebat David. Jam sunt duo, tres, quatuor, vel quinq; anni, quib⁹ Deus ad te ablegavit prædicatores, qui tibi obligationem tuam sub oculos ponant, qui tibi monstrēt viam cæli, qui tibi verbum Dei annuncient, qui tibi dissuadeant vanitates, otiositates, nugas, jacturam temporis, sed frustra. Nec minimum moves digitū, ut audira ad praxin redigas. Dicis, quod quamvis bene prædicarint, te tamen nec plus, vel minus facturum. Sed quid fiet? Brevi morbus diutinus, aut negotium aliquod urgens, te impediet, ne concionem audire possis: Deus ad te mittet prædicatores, qui aures tuas verbis elegantè compositis mulcebunt, qui flosculis Rhetoricis declamabunt, qui te ducent ad viam largam, viam, quam Salvator vocat viam perditionis.

Jam sunt quinque, vel sex anni, quibus tua mater, tua uxor serviit tibi velut fax, & candelā, quibus tibi per instructiones, & bonum exemplum monstravit viam cæli, verum tu nec hilo profecisti, tu eas irrisisti, immò & injuriis proscidisti. At audi parumper, erit intra paucos dies, cum Deus tibi subtrahet hanc facem, *Movebo candelabrum tuum de loco suo*, morientur, nec erit, qui te coercebit, & ita præcipitio in præcipitium rues.

VI. Sacra scriptura hujusce rei illustre nobis adducit exemplum. Josaphat Rex Judææ, & Achab Rex Israel junctis viribus decreverant urbem

3. Regum.  
18. 21.



Ramoth Galaad obsidere, & expugnare, verum Josaphat, qui Devotus erat Princeps, nil Deo inconsulto aggrediendum conveniens esse judicabat; Cui Achab Rex impius respondit. Placet tuum consilium, & hunc in finem quadringentos falsos Prophetas, qui ei in cultu sui falsi Dei Baal serviebant in campo congregavit. Hi Pseudovates, cum essent adulescentes, & viderent Regem summo per se propendere ad hanc expeditionem, eventum prosperum, & urbem infallibiliter expugnandam prädixerunt. Josaphat, qui eorum genium agnoscebat, & appropinquante sciebat, quod non loquerentur Deo docente, & inspirante, clamabat, & rogabat, an non alii Prophetæ adessent. Achab respondit, quidem adesse Prophetam Michæam, aut eum ad se per angue, & morte haberi, eo quod nil prosperi unquam sibi prädixisset, omniaque ejus vaticinia non nisi funesta, & adversa prænuuntiant. Hoc tamen non obstante, Michæam ad se vocari jussit.

Nuntius, qui Michæam ad Regem ducebat, hæc ei in via dixit. Reliqui Vates non nisi secunda, & prospera, suæ majestati prænuuntiant; ego tibi suadeo, ut idem facias; Michæas breviter ei respondit, nemini palpum obtrudere queo, ego Regi nil aliud prædicam, quam quod bonus Deus orimeo instillabit. Michæas, mox ut in Regiam advenit, cepit ironice discurrere ad Achab, & perstringendo ejus errorem, quo sibi grata, & placentia volebat prædici, sic fari incepit; Potentissime Princeps, abi in bonam horam, & obsidione cinge Ramoth Galaad, nam eam certo certius expugnabis. Achab, qui su-

spicabatur Michæam per ironiam loqui, ad eum dixit, cave sis, ne mihi imponas, edic ut res est. Propheta hæc verba excipiens, respondit; Reliqui Vates prospera, & placentia annunciant, ego autem suæ majestati intimo, quod occumbet in obsidione, quod que ejus exercitus sit profligandus. Achab illico se convertit ad Josaphat, eique dixit, quæso te, nunc paulisper vide, nonne bene dixi, hunc insignem Divinatorem non nisi sinistra, & funesta prædicere?

His auditis, Propheta hæc verba excipiens, audacius, & liberius quam unquam ante, loqui incepit. Serenissime Rex, placeat aure attenta solummodo excipere visionem, quam vidi, sive fidem meis dictis adhibeas, sive non, parum curo. Id solum scio, quod quidquid dixerò verum sit, uti exitus re ipsa comprobabit. Ego Deum conspexi Divino insidere solio magnâ catervâ Spirituum Angelicorum, tam bonorum, quam malorum circumdum; quibus dixit, Ecquis vestrum est, qui decipere se posse putat Regem Achab? Et statim quidam Spiritus malignus in medium prodiit, & dixit, ego egregie eum circumveniam, dummodo tu mihi hoc permittas. Sed quomodo hoc facies? *Ero Spiritus mendax in ore omnium Prophetarum.* Vade, & fac meliori modo, quo potes.

Et sane eventus docuit eum verum dixisse. Pseudovates prædixerant victoriam à parte Achab futuram, sed ille cecidit, ejusque exercitus deletus est, uti Michæas prædixerat. Et cur quæso Deus permittit hunc miserum Regem adeo turpiter decipi? Primum id fecit in poenam sceleris, quo in justè, & tyrannice



cæ pauperem oppressit Naboth. Secundo id permittit, quia sic ipse voluit, nam byssinis verbis mulceri voluit, Pseudo prophetas, qui ei palpitum obducebant suaviabatur, & Michæam, qui ei vera annuntiabat malè habuit. Tu idem, ac ipse miser agis. Probus quidam confessarius te à peccatis abstinere velleret, ideo absolutionem tibi negat, quousque videat aliquam emendatum, sed quomodo tu eum habes? Est scrupulosus, est caput heroclitum, Spiritus tetricus, & homo melancholicus, non amplius me habebit, vulpes sit necesse est, si me rursus accipiat, iussit ut redire in pentecostè, eique rationem meam emendationis darem, quod me expectabit. Quod si ille me non absoluit, alius mihi absolutionem impertietur. Et ita vadis ad alium, qui est ignorans, & proprio lucro inhians, ad alium, qui gloriam suam in eo collocat, quod videat pœnitentes byssinis, & holosericis vestitos sibi adstratos. Ad confessarium inquam, quem placas munusculis; aut cui sacra das legenda. Ille tibi dicit, Hem, Hem, ille bonus Pater est paulisper se verior, ille non satis considerat fragilitatem humanam, & quod in sæculo vitam non possis ducere religiosam, ille non penetrat, quod malum non habeas intentionem, communica singulis mensibus, quindenis, septimanis, ut tibi absolutionem impendat, & hoc quamvis ludas usque ad mediam noctem, & amne non surgas ante noonam, & domi tuæ sis quædam Megara, aut una ex furiis infernalibus.

Sed quid succedet? Dum iusto iudicio Dei ærumnis conficieris, teinpus erit dicendi, heu me, delusus

sum, Spiritus erroris, & mendacii fuit in corde, & lingua illius confessarii indulgentis. Ecce Deus permittit ut ita me feceris, & infeliciter fuerim deceptus? Scisne cur? Ego id edisseram, primo ut puniret quoddam scelus enorme ante hac commissum, secundo permittit te decipi, quia tu ita voluisti, quia tu ipse cæcitatem hanc ultro quæsiuisti, ne videres deformitatem tuorum vitiorum, quæ approbare non potuisses, nisi aliquo fucato prætextu contexta fuissent. Tu amasti, & magni fecisti teos, qui tuis passionibus colluserunt.

VII. Hæc ipsa historia Achab nos docet, quod secunda causa hujus cæcitatæ sit Sathan, qui gaudet si Deo permittente possit nostrum intellectum exæcare, quia hoc modo melius nos subijcit suæ discretionis, velut melius dicam indispositioni. Hunc in finem inquit Sanctus Gregorius eodem modo se habet nobiscum, sicut se habuit Rex Chaldæorum cum Rege Judææ Nabuchodonosor, postquam urbem Jerusalem expugnasset, & expilasset, Regem Sedechiam in vincula abstraxit, prolesque Regiæ seorsum, spectante occidit, oculos ei eruit, & captivum in Babyloniam adduxit; & velut belluam carceris constrinxit. Hæc funesta, & rara tragœdia, quotidie nostro ævo exhibetur. Sedechias in Hebræo nil aliud est, quam iustus, & virtuosus; per consensum in peccatum mortale, quem à te extorsit te abstraxit in duram captivitatem, ille omnia tua bona opera occidit, omnia tua merita præcedentia extinxit, ille carceris affectus inordinati erga aliquam miseram creaturam, ille tibi ademit iudicium intellectus, ille te captivum detinet.

7. Moral.  
c. 16. 4. Regum 25.



tinet in Babylone, in vitâ quadam plena confusione, deordinatione; *Vbi nullus ordo, sed sempiternus horror inhabitat.*

Ita est, *Sedechias* inter pretatur, *justus Domini.* In id præcipuè incumbit, ut justos cæcitate percutiat. Ille optimè scit, quod justî non faciant sicut bestia stolidiores, & inconsideratiores, quæ ultrò involant in laqueos apertè iis structos, sed scit, quod sint velut aves, quibus spectantibus quis frustra jacit rete juxta illud, *Frustra jacitur rete ante oculos Pennatorum.* Navarchus mediocriter expertus sollicitè evitat scopulos patentes, & visibiles; verum Naucerus probus, & sapiens, etiam scopulos latentes in mari evitare conatur. Anima, quæ in bono radicata est, studebit actiones certò pravas, & illicitas fugere, & ideo illi struit laqueos clanculum, hamum illi occultat, illam aggreditur non apertè, sed ex insidiis, & per stratagemata. Et hoc est, quod ego principaliter circa me, & vostimeo. Scio quippè Auditores, illud Sancti Leonis esse verum, *Plus est periculi in insidiatore occulto, quam in hoste manifesto.* Ego non mihi persuasum facio, quod patretis actiones manifestè illicitas, & pravas, quia nimis bonam existimationem de vobis habeo, sed dico cum Davide, *Delicta quis intelligit, intus legit?* Ego credo, & scio, quod fundum cordis, vel hominis nemo possit penetrare, nisi solus Deus. Et hinc peccata interiora, audacia occulta, præsumptio de nobis ipsis, fiducia in nostris virtutibus prætensis, pertinacia in nostris opinionibus, & sententiis, nimia adhæsiō ad nostrum lucrum, & bona terrena, adoratio prolium, Idololatria honorum mundi, quod non ame-

tis, nec quaratis nisi vos ipsos, vestros conceptus, desideria, actiones, quod non ametis Deum, nec nil faciatis, ut illumi nemini, quod ad proprium commodum sitis propensissimi, & Zelantissimi, in lucro, in negotio autem Dei sitis insensibiles, & frigidi velut glacies, hæc omnia inquā meo sensu sunt laquei, & retia, quæ nobis clanculum struit, ut animas devotiores perdat. *Narraverunt ut absunderent laqueos, dixerunt, quis videbit eos?*

VIII. Verum enim verò, magis immediata, & usitata cautela cæcitatîs cordis, est inordinatio voluntatis, aliqua passio, quæ in illa regnat, amor proprius, proprii judicii pertinacia, aut affectus erga aliquam creaturam. Verum quidem est, quod intellectus ducat, & dirigat voluntatem, quod præferat ei faciem, quæ præluceat, & monstret viam, quò sit eundum; interim etiam est domicella, & ancilla, quæ apprimè perspectum habet genium, & humores suæ Dominae, quæ conatur ei gratificari, quæ faciem deflectit, & avertit a locis, quæ averfatur, quæ eam detinet, quæ faciem præbet in locis, quæ amat, & quibus afficitur.

Experientia hoc vobis clarè demonstrat; dum enim litem habetis, vel aliquam actionem, ut justificetis vestram causam, argumenta turmatim sese vobis offerunt, vestrum jus vobis clarius sole in meridie videtur, cum tamen adversa pars clarè putet, quod erretis, & quod minus jus habeatis, quam aliquis possit sibi imaginari. Hoc totum provenit ex aliqua passione inordinatâ, quæ nos majori ebrietate mergit, quam præstantissimum vinum totius mundi; illa nostrum intellectum tenebris involuit, illa

*Psal.*



illa facit ut falsum lumen pro clarâ luce apprehendamus. De quolibet amore inordinato id dici potest, quod finxerunt fabulâ gratiosâ prisci de amore impudico. Narrant illi Cupidinem non fuisse cæcûm à nativitate, nec ab infanzia; Sed dum quadam die ineptiret, & nugaretur apud Dominam stultitiam, hæcque illum sapius abigeret, dum ille non desisteret, sed ineptire pergeret, ut hæc ejus importunitatem excuteret, adeo validam inflixit, ut oculos illi excufferit. Cupido litem ei intentavit, & damnum sibi resarciri petiit. Judices tandem in eam iverunt sententiam, ut stultitia Cupidinem duceret quocunque irer, & ita semper eum præcederet.

PVNGTVM SECVNDVM.

*Remedia contra cecitatem.*

*Primum præservativum est credere, quod Deus non excuset culpas per cecitatem commissas secundum, idque curativum est tollere causas, & primo quidem orando Deum, & poenitendo, secundo subjiciendo se directori, tertio diffidendo de nostris affectibus.*

IX. **V**T arceamus tantum malum, ne nos invadat, considerare, & scire oportet, quod peccata, quæ committimus ex hac cecitate, non maneant impunita, & ideo dum cecidimus, ut poenas evadamus, oportet causas tollere. Et quidem certum est, quod Deus non condonet nobis peccata ex cecitate cordis commissa, & hoc saltem, quando est voluntaria in se, vel sua causa, & hæc vocatur à Theologis ignorantia crassa, vincibilis, culpabilis, quæ diversis modis contrahitur. Et primo quidem, dum te ingeris in aliquod munus, vel officium, ejus non est capax, verbi gratia, dum

pastoratum acceptas: nesciens prædicare, vel catechirale, dum audis confessiones, antequam studueris Theologiæ morali, dum officium acceptas iudicis, medici, Chirurgi, antequam operam derideris arti, vel scientiæ, quæ requiruntur, ad hoc, ut illa officia bene exercentur, idque sub prætextu, quod officio accepto studebis, & te habilem reddes, sed postquam infernum, & coemiteria repleveris.

Secundo modo hoc fit, dum non flagitas à Deo lumen, & auxilium, ut tuum munus ritè obire possis, dum non legis libros ad hoc necessarios, aut scripturam, & Sanctos Patres, qui docent, quomodo anima gubernanda sint, vel si loquor de librorum sacrorum, vel eorum, qui agunt de legibus, medicina, Chirurgia legas fabulas, aut alios libros inutiles.

Tertio id evenit, quando nimium tibi ipsi fidis, quando neminem consulis, quando te satis doctum iudicas, & prudentem, quod omnia solus possis facere, cū tamen tuus intellectus sit offuscatus, tua prudentia sit stultitia, & ut te regas percutis. Quod si aliquem consulas, non sequeris eum, qui tibi dicit veritatē, sed eum, qui tibi adulatur, qui que tibi blanditur, qui tuo genio sese accommodat, qui tuæ inclinationi sese accommodat verbo, conscientiam ad libitum fingit.

Visne quæso videre, quomodo tua peccata, quæ committis ex hac cecitate apud Deum non excusentur? An credas, quod Gentiles, qui occiderunt Apostolos, Tyrannos, qui persecuti sunt Ecclesiam, & Martyres necarunt, non peccarint, nec sint puniti, aut damnati? Non id putem. Nihilofecit, putarūt se bene agere, & æstimarunt, quod Deo rem gratā facerēt.

Ve.



Ioan. 16.  
Act. 13.  
v. 50.

*Venit hora, ut omnis, qui interficit vos, arbitretur obsequium se prestare Deo.* Dum Sanctus Paulus, & Barnabas, prædicarent Antiochia; Judices *concitaverunt mulieres religiosas, & devotas*, quæ insurrexerunt contra Apostolos, & tantam contra eos commoverunt persecutionem, ut inde abire debuerint. Non id fecerunt ex impietate, quia fuerunt devotæ, nec ob odium castitatis, quam Apostoli prædicabant, quia erant honeste. Bono zelo actæ id fecerunt, & tamen sunt damnatæ, sed quomodo damnatæ? An magis damnatæ, quam Sodomitæ, & Gomorrhæi? Quinimmo, cum honestate sua apparente, cum devotione superba, magis damnatæ sunt, quam Sodomitæ, qui enormia peccata contra castitatem commiserunt. Sed unde hoc scimus? Scriptura, quæ mentiri nequit, id testatur loco citato, versu quinquagesimo primo.

Matt 10.  
v. 4.  
Marci 6.  
v. 1. Luca  
9. v. 5.

Sancti inde discesserunt, & sicut Christus variis locis iis mandat, contra illas pulverem pedis excusserunt. Iisdem locis sermo affirmat, quod illi, quibus talia fiunt, severi⁹ puniendi sint in iudicio, quam Sodomitæ, & Gomorrhæi. Hinc videt, quod non sufficiat esse castum, & devotum, virtuosum exterius, & coram hominibus. An non jam vides quomodo zelus indiscretus, & passionatus indiscretus sit? Viden nunc, quomodo cæcitas, quæ nobis videtur excusabilis, quandoque causa sit plurium, & quidem maximorum peccatorum; & quod peius est, facit, ut diu in illis hæreamus, & persistamus? Illa, quæ iudicas esse peccata, confitere, & si quandoque Confessarius tuus telandam salutem, te reprehendat, & si sapius

patiaris recidivam, tibi deneget absolutionem, aut illam differat, grateranter admitte hanc denegationem, & stude, ut te emendes.

Verum actiones, quas non putas esse peccaminosas, quamvis frequenter tales reipsâ sint, tu non detestaris, non confiteris, non emendas, nisi confessorius tuus te interroget, nisi concionator illas clare perstringat, si inquam hoc non fiat, non credis, quod sint peccaminosæ, quin potius censes ejus dicta esse exaggerationes hyperbolicas, scrupulos, nimios rigores, & severitates.

Utergo malum adeo perniciosum emendetur, & caveatur, oportet illas tres causas uti diximus tollere, justitiam nempe Dei, tentationem Diaboli, & aliquam passionem inordinatam. Contra primam efficaces sunt preces, contra secundam petitio consilii, & instructionis, contra tertium depositio iudicii, & existimationis propriæ. Humilia te itaque coram Deo, agnosce tuam extremam indigentiam, agnosce tuam cæcitatem, sapius tibi, & tuis directoribus flagita Sanctum Spiritum, roga ut tibi mittat confessarium, qui tibi dicat veritatem, qui tuas pravas habitudines non foveat. Poscet ut te ducat ad concionatorem, qui tibi non blandiatur, qui prædicet purum verbum Dei, & non ornatos conceptus Philosophorum humanorum. Roga ut in manus tuas det, & gustare te faciat illos libros, qui solide doceant te vivere iuxta Sanctum Evangelium. Roga tibi aperiatur intellectus, ut recipere, & apprehendere possis veritates, quæ docentur. Sapius ad ipsum exclama; *Illumina tenebras meas, Domine ut vide-*



am. Cumque Deus placatus fuerit, nec causam habeat tibi suum lumen subtrahendi, stude ut satisfacias Divinæ iustitiæ obpeccata tua præterita per quas-  
cunque poenitentias interiores, & exte-  
tiores tibi possibiles.

Et quia revelatum fuit cuidam Episcopo, Deū doceret homines per homi-  
nes, elige hominem prudentem, do-  
ctum, pium, qui proprium non quæ-  
rat lucrum, huic quandoque, quolibet  
medio anno redde rationem tui sta-  
tus, tuarum dispositionum interio-  
rum, & actionum exteriorum: Re-  
verende Pater, ita me gero domi, ita ad-  
ministrando meum officium, talibus occu-  
pationibus fallo tempus, cum meo  
villico taliter rationem in eo, non ha-  
bui preter, nec unquam forsā habe-  
bo, Laus Deo jam dotata sunt, & in  
bono matrimonio collocata, tot ha-  
beo redditus, tantum ergo in paupe-  
res. Quæso te, ne me palpes, liberè  
dic, an vitam ducam Christianam, an ita  
vivendo queam salvari.

3. Regum 3.

VIII. Sacra scriptura observat, quod  
mox ut Salomon post mortem sui Pa-  
tris sceptro fuerit dotatus, Deus illi ap-  
paruerit, & dixerit: postula quod vis, &  
illud tibi dabo. Ille verò non petiit ho-  
nores mundi, opes terrenas, sed solum  
sapientiam, porro hæc preces adeo Deo  
placuerunt, ut non solum petita, sed &  
alia multa ei concesserit, nempe omnia  
illa bona temporalia, quæ aliquod cor  
humanum desiderare potest. Verum,  
visne scire, quibus terminis sapientiam  
flagitarit? Dabis ergo servo tuo cordo-  
cile, quod se sinat flecti, quod non sit  
nimis pertinax, quod flagitet, & sequa-  
tur consilia aliorum. Deceptor inquit

Bernardus dat manum, qui dare dissimu-  
lat præceptor. Dumque aliorum sequi-  
tur monitiones, & instructiones, inquit  
Bernardus de se, quod sit magis aptus ad  
gubernandos centenos Religiosos, quā  
seipsum. Verum memineris, quod ju-  
dices Ecclesiastici æque sint homines, ac  
Sæculares, quia quandoque possunt re-  
spectum habere humanum, & spectan-  
do lucrum proprium aliis adulari.

Quod si aliquis confessarius nimis  
abjectus, levis, timens, ne te offendant;  
illa tibi permittat, quæ Deo, & Ecclesiæ  
sunt contraria; Quod si concionator a-  
liquis, ut laudem, & applausum ferat  
mundi, conscientiam tuam laxet, tibi a-  
periat viam latam, & spatiosam, quæ jux-  
ta Filium Dei est via perditionis, & hoc  
ut dicatur de ipso, en, egregium virum,  
ille non condemnat mundum, ille no-  
stras delicias non dissuadet ex considera-  
tione iudicii extremi, & metu gehennæ,  
tu coram Deo non eris justificatus, nam  
Deus inquit per Ezechielem. Quod si  
speculator viderit gladium venientem, &  
non insonuerit buccina, & populus se non cu-  
stodierit, veneritque gladius, & tulerit de  
eis animam, ille quidem in iniquitate sua  
captus est, sanguinem autem ejus de manu  
speculatoris requiram. Confessarius in se-  
de confessionalis, concionator in pulpi-  
to, sunt excubitores, qui Christianos ea  
docere, & monere debent, quæ sunt cō-  
traria eorum saluti. Quod si ergo con-  
fessarius indulgens Choreas, temporis  
transmissionem in ludis, luxibus, & su-  
perfluis vestibus, suppellectile, con-  
viviis, collatione ferotina, illicitis  
fabulis, dolosis circumventionibus; si  
speculator inquam, vos non admo-  
nuerit, & ideo vindicta Dei vos

Serm. 13.  
in Cant.  
Epist. 83.  
ad Augeri-  
um.

Matt. 9.  
v. 13.

Ezech. 33.  
v. 2.



obruerit, Deus rationem de vestris animabus ab eo exiger, nec tamen ideo vos à damnatione immunes eritis, quia non tantum dicit, ego illas animas requiram à speculatore, sed et addit, quod peccator morietur in sua iniquitate.

Gal. 1. v. 8.

Ille adulator interessatus non est doctior Sancto Paulo, non est spiritualior Angelo caelesti, & tamen Paulus scribit ad Galatas: Si aliquid etià ego, qui sum Apostolus, aut Angelus caeli aliquid prædicaret, quod est contrarium Evangelio, nolite id credere, sed eum diris devovete. Ego à potiori id vobis dicere possum, dum me consuletis domi meæ, vel vestræ, & ego vobis aliquid contrarium dixerò Evangelio, aut iis, quæ hic prædico, ne mihi credatis, quia hic sum audax instar leonis, ibi autem forsitan possem esse timidus instar Theristis, hic loquor in generali, nec ullum perstringo in particulari, ibi autem ex metu, ne aliquem offendam particularem, forsitan Job mutescerem. Veritas Evangelica est: *Omnis qui se humiliaverit exaltabitur*, quod non solù latrones, sed & avari excludentur à Regno celorum, quod *omnis arbor, quæ non facit fructus bonos, excidetur, & in ignem mittetur* quod ille, qui vult esse amicus mundi, sit futurus inimicus Dei: Quod si aliquis vobis dicat, ambiciosos, avaros, acidiosos, mundanos, non humiliandos, excludendos à celo, in ignem mittendos, futuros inimicos Dei, ne illi credite.

Luc. 18.

1. Cor. 6.

Matt. 7.

Iacob. 14.

Optimè dicit Tertullianus, animam fidelem navigare in hoc mundo, velut in mari fluctuoso inter mille scopulos, breviam, & vada, illam pelli à vento Spiritus Sancti, quod si sibi non fidat, evita-

bit pericula, si in continuo fuerit timore, securus erit: *Inter scopulos, & vada velsificata Dei Spiritus fides navigat, tutus est sicuta, securus, si attonita.* Nolite ergo fidere vobis, vestris opinionibus, conceptibus, judiciis, inclinationibus. Ante omnia ne fidatis vestris desideriis, & amoribus, quantumvis sint belli, & speciosi, dummodò sint intensi, & passionati. Duo solum sunt desideria, quæ nequeunt trahi in suspicionem, nec possunt esse satis intensa, desiderium nempe se bene humiliandi, & amandi Deum, reliqua omnia sunt nociva, iis non fide, sed continuo time. Sapiens dicit, *Beatus homo, qui semper est pavidus.* Et David, *Mi Deus Abocultus meis mundam me.*

Præterea Sanctus Augustinus adeo fuit humilis, ut semper timeret se habere aliquam superbiam latentem, & ideo gemens, & rivus lacrymarum spargens ad Deum dicebat. *Multum vereor occulta mea, quæ norunt oculi tui, mei autem non, tu nosti de hac re: Ad te gemitus cordis mei, & fluxum oculorum meorum, multum vereor occulta mea.* Ego mi bone Deus hoc potiori jure dicere possum, valde timeo obfundum cordis mei, forsitan totus putridus, & sordipus est. O mi Deus, potest esse, quod ante te nil aliud sim, quàm meræ sordes, quam quidam bufo, totus turgidus veneno superbiæ, amoris proprii, & propriæ philauriæ. Ego magis cæcus sum in corde, quam fuerit natus cæcus in corpore. Ego nil aliud sum, quam caligo, debilitas, stultitia, ignorantia, sed in te spero, futes verum lumen, & lux mundi, sol justitiae, Angelus magni consilii, scientia æterna, sapientia increata. Tu sis me-

De idolatria capul-tim.

Lib. 10.  
Confess.  
Cap. 37.



um lumen, mea sapientia, mea doctrina. *Emitte lucem tuam, & veritatem tuam, ipsa me deducant in montem sanctum tuum, & in tabernacula tua Amen.*

# SERMO DECIMUS SEPTIMUS

Pro Dominica tertia Quadragesimæ.

*Tunc vadit, & assumit alios Spiritus nequiores se, & ingressi habitant ibi Lucæ II.*

## EXORDIUM.

**M**irum videri potest, unde tanta Dæmonis sit potestas, ut hominem subintret, & ab eo expulsus iterum redeat fortior, quam ante, cum septem aliis Spiritibus se nequioribus, & ingressus habitet in eo. In qua potestate hoc facit Dæmon? Quis illi hanc dedit? Cur non alligatur in suis carceribus, ut ad homines egredi nequeat? Si egredi ei permittatur, cur non veratur, ei, ut in homines intret? Aut cur saltem non arceatur à Christianis? Plures causas hujus assignant Sancti Patres. Ego puto Deum id facere in vindictam peccatorum; cum enim peccatores non agnoscant quantum malum sit peccatum, quanta damna inferat, & tam faciliter in ea relabantur; idcirco permittit Dæmonem in eos intrare, ut obdurentur sicut in hac concione Auctor ostendit.

*Hodie si vocem Domini audieritis; nolite obdurare corda vestra. Plal. 94.*

I. Tanta intercedit necessitas, tanta amicitia, fœdus, Sympathia inter nostrum intellectum, & voluntatem, vti

contingat intellectum esse tenebris involutum, nec supremum cognoscere Deum, voluntas non propendeat in conversionem ad eum, neque ut eum possideat; quia *Ignori nulla cupido.* Quando semel anima cæcitare cordis est percussa, infallibiliter labitur in duritiem cordis. Et hoc est secundum impedimentum, quod sese opponit nostræ conversioni, & operi poenitentiae. Igitur considerare debemus symptomata, & qualitates tanti mali, ut illud evitare possemus. Nil est, quod melius emollic tumorem corporis, quam oleum, nil est quod melius emolliat duritiem cordis, quam invocatio tui sanctissimi nominis ô Virgo sacratissima, *Oleum effusum nomen tuum.* Per tuum sanctum servum Casimirum, tu nobis hoc salutare tradis monitum.

*Ipsam cole ut de mole  
Criminum te liberet  
Hanc appella ne procella  
Vitiarum superet.*



Insistens huic sacro concilio nos te honoramus, nos te imploramus, nos te salutamus, *Ave Maria.*

## IDEA SERMONIS

*Secundum impedimentum poenitentiae, est obduratio.*

### EXORDIUM.

*Zacharias visione amphorae, quae portata est in sennaar, exprimit quinque gradus, quibus pervenitur ad duritiam cordis, primus est derelictio à Deo, cum post completum curculum peccatorum deserti animam quod probatur primo scripturâ secundo Patribus, tertio exemplis, secundus gradus est insensibilitas ad damna spiritalia, ad temporalia; Tertius gradus est assiduitas peccandi, imprudentia, stabilitas in malo.*

III. **P**ropheta Zacharias in suis Divinis revelationibus nobis illustre proponit emblemata, in quo, velut in tabula vivis coloribus exactè depingit, quid quid in hac materia duritiei, & ob-  
Zach. vi. 11
stinatationis dici potest. Ille recenset sibi ab Angelo ostensam amphoram, in quam projecta fuit quaedam semina vocata impietas, quae postea obturata fuit malsâ quadam plumbeâ. Eodem porro tempore narrata se conspectas duas alias feminas alas, & pennatas more Mediolanensium, quae arripuerunt hanc amphoram, eamque in aera elevarunt, & in Sennaar, quae sita est in Babylone deportarunt, & in basi nunquam inde absportandam collocarunt. Et egressus est Angelus, qui loquebatur in me, & dixit ad me: *Leva oculos tuos, & vide, & ecce amphora egrediens & ecce talentum plumbi portabatur; & ecce mulier una sedens in medio amphorae, & dixit, haec est impietas &c.* Haec visio in

terra ostensa est, & tamen Angelus dixit ad Zachariam: *Leva oculos tuos*, ut doceret malum obstinationis provenire à Dei permissione, & esse poenam caelestem, poenam severiorem formidabiliorem, atrociorem, quam Deus possit fulminare contra unam animam peccatricem. Propheta idem aliam habuit visionem. Conspexit ille falcem decidentem e caelo, nam ubi textus Latinus legit *Erat volumen volans* (septuaginta) Interpretes, & post eos Sanctus Chrysostomus vertunt. *Erat falx volans* καὶ ἰδὲ δρεπάνον πεπαιμένον.

Angelus porro dixit ad Vatem, haec falce designari bella, famem, morbos, & alia flagella, quibus maledictio Dei quandoque plectit familias, respublicas obperiuria, latrocinia, & alia crimina ab iis patrata. Post has minas poenarum temporalium addidit Propheta visionem, quae exprimit indurationem adhuc ut ejus minae magis augeantur, & ad summam perfectionem reducantur, nam reipsâ induratio incomparabiliter est atrocius supplicium, quam omnes afflictiones temporales, est quippe arx inferni, urbs reprobationis finalis, & ultima dispositio ad damnationem aeternam.

Vnico lapsu nemo in abyssum labitur adeo profundam, sed successivè per diversos gradus. *Extrema primo nemo tentavit.* Bonum est eos arripere, ut eos ad discamus. Quinque porro sunt principales in circumstantiis ostentae Zachariae visi expressae. Primus est derelictio à Deo, nam in poenam, quod fuerimus negligentes in ejus servitio, restitimus ejus inspirationibus, ingrati fuerimus ejus beneficiis, judicio occulto, & abscondito, quamvis venerando, & iusto, animas nostras deserit, favores suos



extraordinarios, protectionem, & attentionem particularem illis subtrahit, & permittit ut peccator demergatur usque ad fundum, centrum, & abyssum sui cordis quod bene designatur per amphoram ab ejus fragilitate confectam. *Hæc est impietas, & projecit eam in medio amphoræ.* Loco amphoræ Hebræus textus legit *Epha, seu Ephraim*, quod nil aliud est, quam *mensura aridorum*, quæ ordinariè in nundinis mensuramus arida, frumentum, triticum, & alia grana.

IV. Cor hominis designatur per hanc amphoram est quædam mensura, & ex hoc addiscimus veritatem valde necessariam, & dignam, quam bene intelligamus, quia bene intellecta, nobis serviet instar froeni quod nos cohibebit ab offendendo Deo, dummodo parvum desiderium habeatis vestræ salutis. Concede mi Deus hanc mihi gratiam, ut lingua mea sit scalprum chalybeum, vel adamantinum, ut hæc veritas in corde meorum Auditorum tam profundè insculpatur, ut nunquam erui possit. Thesaurus, & ararium gratiarum Dei non potest quidem exhaustiri, artamen illas largitur computando, & calculando. Patientia eius quidem est infinita, sed tamen eam non exercet infinitè, ipsius misericordia est quidem immensa, sed tamen eam exhibet in mensura.

Intelligite bene verba mea, nec illa invertite, aut depravare. Non dixi, quod sint aliqua peccata adeo enormia, gravia abominanda, desperata, quæ sint irremissibilia. Est quippe articulus fidei, quod veniam omnium peccatorum quantumvis sint enormia, gravia, excessiva, & multa, obtinere possitis, dummodo poeniteamini sicut oportet, & ex corde veniam rogetis. Sed dico quod sit certus nume-

rus peccatorum in aliquibus major, in aliquibus minor, in aliquibus valde parvus, post quæ Deus tibi non dat amplius vires, & gratiam rogandi veniam, immò permittit, ut desperatus te prostituas in peccata, & inseparabiliter te iis immergas. Deus in suis decretis æternis dixit. Talis poenitentiam viginti annis illius tringinta, hujus decem expectabo; si intra hoc tempus non se convertat, si ultimum momentum hujus temporis elabi sinat, nunquam poenitebit, sed ad meum evocabo. Illi quinquaginta peccata condonare volo, alteri centum, porro quod Deus condonare decreverit, nos non scimus; Deus hoc scit, qui & novit an si unum præfixo numero addas, veniam sis obtenturus, an dānandus sis, voluntariè quidem, sed infallibiliter.

Sanctus Spiritus dixit apud Ecclesiasticum. De propitiato peccato nolite esse sine metu, neque adjiciatis peccatum super peccatum. & ne dicas miseratio Domini magna est, multitudinis peccatorum meorum miserebitur. misericordia enim, & ira ab illo cito proximant, & in peccatores respicit ira illius. Cave ne dicas, misericordia Dei magna est, & major quam sit quilibet numerus meorum peccatorum. Quomodo hoc possit subsistere? Nonne misericordia Dei est immensa, & infinita? Quod si talis, cur nos hoc non dicemus? David id dixit, misericordia tua magna est, cur nobis non sit fas loqui sicut ipse? Ille, nempe Spiritus Sanctus appositissimè loquitur, & bene scit quid dicat, non enim inquit, cave sis ne dicas misericordia Dei est magna, sed miseratio ejus magna est. Hæc duo differunt; quia miseratio est effectus misericordiæ. Attributa

Ecclesi. 5.

Psalm. 65.



quidem Dei sunt infinita, sed eorum effectus sunt finiti. Perfectiones Divinæ quidem sunt interminabiles, quia sunt in Deo, quidquid autem in Deo est, est infinitum; verum effectus harum perfectionum sunt terminabiles, & finiti, quia sunt in creaturis, quidquid autem est in creaturis est finitum, & limitatum.

V. Misericordia Dei maxima est, & major, quam possumus imaginari, & concipere, est immensa, & infinita, verum effectus misericordiæ puta miserationes, remissiones peccatorum, gratiæ, quas confert peccatoribus non sunt infinitæ, & innumerabiles. Et quidem sapiens hoc illustri probat ratione, dum dicit. *Misericordia enim, & ira ab illo eundem proxima.* Non solum est misericors, sed etiam est iustus, & in ipso hæ duæ perfectiones non sunt sibi contrariæ, nec in Deo misericordia est opposita iustitiæ, cum sint omnino eadem res, & utraque sit infinita. At enim verò, dum eas erga nos, vel nobiscum ad effectum reducit, habent effectus contrarios, & effectus unius impedit, ne effectus alterius possint esse infiniti in numero. Misericors est, nam ideo expectat usque ad certum tempus, & nobis aliqua peccata condonat; Sed & etiam est iustus, & iustitia debet habere suum cursum, & Deo non expectat semper, quousque convertamur, nec in quolibet numero peccata ignoscit.

Et hinc consilium Sapientis est valde lutare: *De propitiato peccato noli esse metui.* Et quamvis per Dei revelationem scires, quod Deus tibi remisisset tua peccata, tam quoad culpam, quam quo ad poenam; attamen hos malos ef-

fectus nunquam e memoria tua pelle, nec omittas, quin eos aestimes, & apprehendas. At enim vero, jam tinniunt mihi aures, quasi dicas. Et quales amabò malos effectus possit habere unum peccatum integrè condonatum? An ergo Deus unum crimen bis puniat? Quinimodò; sed hac ratione, quod si committas nova peccata, antea commissa, & condonata, adduntur in libro rationum, ut compleatur numerus determinatus, & præfixus, ultra quem Deus decrevit nullum condonare amplius peccatum, sed te in statu disgratiæ ex hac vita evocare. *De propitiato peccato noli esse sine metu, neque adjicias peccatum super peccatum.*

VI Sanctus Augustinus, vel Auctor libri de vita Christiana, qui habetur inter ejus opera, diserte tradit hanc veritatem. *Esse certum peccatorum numerum, atque mensuram Dei ipsius testimonio comprobatur, & quod unusquisque celerius, vel tardius prout peccatorum suorum modum expleverit, iudicetur evidentissimè demonstratur.* Et Paulò infra: *Vnde manifestissimè docemur singulos tam diu ut convertantur sustineri, quamdiu delictorum suorum cumulum non habuerint consummatum.*

Deus, expressè apud Amos, testatur quod si incolæ urbis Damasci, Gazæ, Tyri commissuri sint lex peccata, quod eorum mensura futura sit completa, si vero septimum sint addituri, quod, non sit eos conversurus. Præterea Israelitæ in deserto, quando decies erant rebellaturi contra Deum, impleri erant suum cumulum, & ideo post rebelliosam deicimam, eos arcuit ingressu in terram promissionis. Et primo libro Regum

Saul

Cap. 4.  
Tom. 9.  
Operum  
Augustini  
Cap. 9.

Cap. 35.



Saul postquam quinquaginta duos annos in innocentia, & quinquaginta in vita privata, & specialiter duos in Regimine transgisset, binis vicibus Deo inobediens fuit, & postea reprobatus, totum se dedit sceleribus, injustè persecutus est David, & suicidium commisit. At quod me magis torquet, & cor meum transfodit est, quod videam Angelos non habuisse nisi unam, vel duas gratias, unum, vel alterum momentum ad lucrandum calum. Primum peccatum ab iis patratum mensuram complevit iis præfixam. Deus in suis idcirco decreverat, quod si Angelus unicū tantum patret peccatum, illud ipsi non condonabo. Præterea in suis decretis resolvit. Quod si ille, & ille Parisiis patret tot peccata, triginta, quadraginta, centum, nos nescimus numerum (ille solus eum scit, eumque determinavit) ego eum non convertam. Quamvis David non patraisset nisi tria, vel quatuor peccata, & poenitentiam egisset, ut funestis se suppliciis subtraheret, sapius ad Deum clamavit. *Ne dere linguas me, ne que despectas me*, sciebat quippe, duo, vel tria peccata sufficere, ut Deus nos deferat, sinatque nos damnari.

VII. Ex hac desertione producit egrediē secundus gradus, puta insensibilitas, insigniter expressa per massam illam plumbeam, quæ os illius amphoræ obturavit: nam nostrum cor per illam insensibilitatem adeo obfirmatur ut nec minimum bonum possit admittere, & nil per illud penetrare possit. Videtur esse oclusum massâ plumbea. Plumbum omnium metallorum est vilissimum. Quandoquidem non resonet, nec minimum edat sonum si pul-

setur, est Symbolum stupiditatis, quæ nos reddit insensibiles ad omnes iacturas temporales & Spirituales, quas incurrimus per peccatum, & ad omnes calus hujus vitæ, qui nos deberent cogere, ut intrarem nos ipsos, & converteremur ad Deum. Cap. 5.

Propheta Abdias plangit: *Si fures introissent ad te, si latrones, quomodo conticuisse?* Quod si fur quidam inciperet domituæ perfringere scriniola, tum auferre argentum, aut suppellectilem, an videns hoc, & intelligens, nec verbulo musitates? An plumbum esses, quod nullum edit sonum? An non furem increpares? An timeres, ne eum scandalilares? Nequam, & Nebulo iste vult per suas nequitias tuo te exuere honore, gratia spoliare Dei, & tua salute. Si quis tibi dicat, dicas id tuo Patri, querere id apud tuam matrem, vel instruatricem, quid dicis? Non audeo, quia vereor ne scandaliletur, nec domo pellatur, cum tamen eum accusare deberes, ut e domo pelleretur, sicut clamamus, dum furem notamus, ut e domo abeat, & fugiat. An paucillum argenti sit pretiosius gratia Dei, quæ constat pretioso sanguine Salvatoris? An exiguum lignum, vel suppellex parui momenti, plus æstimari debeat, quam tuus honor, & salus? *Si vindicatores introissent ad te, nunquid saltem racemum relinquissent tibi?* Addit idem Propheta. Quod si petulantes quidam juvenes, intrarent tuam vineam, eamque uvis viduarent, tu revera id ægrè ferres, cum tamen plures hic, & ibi racemos relinquerent. Ille trifur per peccatum nudat vineam tuæ animæ, ille in te destruit dona Spiritus Sancti, virtutes



tutes infusas, habitus supernaturales, ille nec unicum fructum, nec unicum racemum meritorum præcedentium tibi relinquit, & tamen tu insensibilis es ad hanc iacturam. Quomodo hoc?

Hom in E-  
pist. ad  
Rom.

VIII. Sanctus Joannes Chrysostomus te comparat servo alicujus comoedii videbis in theatro famulum alicujus circulatoris, seu Schœnobatis, vel cyberistis. Hic mille scommatibus, sarcasmis, & indignitatibus laceffitur, Herus ejus illum vexat mille nugis, mille cum eo facit ludos, ille a lapasei impingit, pugnis eum onerat, millenos jubet eum proferre jocos, millenas jubet eum peragere ineptias; spectantes eum irrident, ille vero nec in minimo movetur quin potius ridet, prandium lautum post commoediam omnia illi lenia reddit. Tu huic stolido similis es. Postquam ille impudicus tuum cor subiugavit, tu ad omnia insensibilis es. *Verberaverunt me, & non dolui, traxerunt me, & non sensi.* Tu insensibilis es ad iacturam temporis, ad iacturam libertatis, ad iacturam tuæ pecuniæ. Quod si sanus, & non impeditus, unico parvo festo omittas vespas, statim scrupulum moves, & doles, quod si unico die dominico priveris communione, toto die gemis. Ille nequam in causa est, ut omittas vespas, summum sacrum, communionem per unum, duos, vel tres integros menses, & tamen non doles? Tu adeo amas tuam libertatem, ut nullius jussiones feras, & omnibus præferri velis. At ille ludos tibi facit, ille jubet ut ad ejus venias domum, ut ad tuam debito tempore non redeas, vicini digito te notant, in mille actiones pravas, infames, detestabiles contra tu-

Proverb.  
23. cap. 35.

am inclinationem te præcipitat, & tu ad hanc servitutem insensibilis es. Tu adeo es avarus, & tenacissimus erga pauperes, illi tamen donas munera, illi mutuas das pecunias nunquam reddendas, illi das vinum, & alia quæ suffuraris tuo hero; & restituere teneris, & ad hæc omnia damna insensibilis es. *Traxerunt me, & non sensi.* Tu omnes afflictiones, quas tibi Deus immisit, ut te excitaret, ac a malo retraheret probasti. Tuli-tem amisisti, tu tributis oneraris, tuus maritus, vel filius moritur, stigmatem notaris, & honore tuo exveris, continuis agitaris morbis, nec tamen converteris. *Verberaverunt me, & non dolui.* Non sentis mala, quibus involueris, nec ea quæ facis, in consuetudinem peccandi ocyus curris, & decidis in tertium gradum, qui est assiduitas peccandi.

Psal. 80  
v. 13.

IX. Duæ feminæ quæ habebant alas Mediolanenses, & quæ hanc amphoram porrabant, significant concupiscentiam, & consuetudinem, quæ cor induratum tanta celeritate propellunt in peccato in peccatum, ac si alas Mediolanenses haberet. *Demisit eos secundum desiderium cordis eorum, ibunt.* Præcipitanter, & celeriter currunt in malum. Ad hoc multum confert Dæmon, qui illud pellit, & prava desideria, ac habitus vitiosi, qui suis flatibus infectis in puppim feriunt Spiritus in alis earum.

Reprobi sunt in via perditionis, sicut electi sunt in via, quæ tendit ad cælum. Divus Paulus, Heros animarum electarum ait. *Ego me non arbitror comprehendisse, unum autem, quæ retro sunt obliviscens, ad ea verò, quæ priora sunt extendens meipsum ad destinatum persequor braviū supernæ vocationis Dei.* Idem



Phil. 3.  
v. 13.

demagunt prædestinam, illi in via cæli non fatigantur, in bonis operibus non satiantur, ab operibus bonis nunquam desistunt; illi operationum bonarum ante acta obliviscuntur, & ac si quotidie inciperent, sese extendunt, pergunt, & incessanter properant, & continuè ad novas virtutes anhelant, & aspirant. Mane exercent aliquam piam actionem, sub refectione mortificationis actum praticant, post prandium opus aliquod misericordiæ. Hodie jejunant, cras portant cilicium, perendie visitant Xenodochia. *Ibunt in adjuvendiobus suis*, & apularum præcedentium obliviscuntur, aceruum immensum commissorum nunquam in mentem revocant, non ponderant thesaurum, & massam poenarum promeritarum, gutture sitibundo, & corde famelico novas semper appetunt prædas, nocte unam impuritatem, mane unam insolentiam, in Ecclesia prandendo unam intemperantiam, post prandium inter ludendum unum peritrium, hodie unam ebrietatem, cras unam blasphemiam, perendinâ die unam detractionem; *Ibunt, ibunt.*

Cap. 7.

Id pro verbis Spiritus Sanctus nobis depingit tentationem sub figura meretricis, quæ quendam adolescentem seducere, & in peccatum pellicere vult. *Blanditiis inquit labiorum protraxit illum, sequitur eam quasi bos ductus ad vitulum, & quasi agnus lascivians, & ignorans quod ad vincula stultus trahatur, & periculum salutis incurrat.* Dum primâ vice quispiam tibi loqueretur de lapsu in peccatum, quem non sensisti horrorem, abominationem? Antequam caderes primâ, vel secundâ vice

qualiter non restitisti, quomodo sollicitatorem, & tentatorem non abegisti, & repulisti? Qualem non habuisti repugnantiam, timorem, odium, apprehensionem, aversionem, turbationem. Tu tarde rependo, pededentim, involuntariè iustis, sicut bos, qui trahitur ad macellum, ac si tractus fuisses ad supplicium. Postquam vero lapsus fuisti, quos non expertus es angores, cruciat<sup>9</sup>, poenitudines, remorsus conscientiæ, puncturas, & cæsiones findere sis? Nunquam quietè dormire potuisti, tempestivè, & improvisò evigilasti, nullam per diem habuisti pacatam horam, nullum gustat bolum, qui tibi saperet, putasti, quod à toto mundo digito notare sis. Verum postea ivisti *quasi agnus lascivians*. Currando, properando, saltando, sine renitentia, voluntariè, velut agnus, qui deorsum volat, ut volatu celerissimo prædâ potiatur; promptè & non solum absque ulla repugnantia, sed læranter, & cum dabilo. Et nunc vides alas mediolanenses, quæ movet amphoram cordis humani. Verum enim verò, quid hoc tibi vult, quod Propheta dicat amphoram fuisse elevatam inter cælum, & terram?

XI. Quartus gradus est impudentia, & audacia, quâ coram cælo, & terra, coram Angelis, & hominibus peccata committis. Hoc tibi objicit Jeremias. *Frons meretricis facta est tibi, noluiſti erubescere.* Non habes amplius colorem virtutum, Sanctus pudor non amplius tingit tuas genas, tu exuisti omnem verecundiam. Quod si antehac unus e sodalibus tuis minimam actionem inverecundam fecisset, quam tu modo facis, tu illi dixisses, valde tur-

Jerem. 3.  
v. 9.



bor, & affligor, si illius loco essem, moreretur præ pudore, cum tantus sis helluo falsi honoris, quomodo veram gloriam comparat stramini quod sub equis sternitur? Irridet te ille nequam dum ejus, & dixit. Proh impudentem, nemo stultior illo est. Ille tuas insolentias narrat sociis, in discursum illas trahunt, earum narratione sese oblectant; digito per urbem te notant, fabula es, omnium ora vqlas, & objectum es cujuscunque discursus *O Impudentiam! Noluisse erubescere.*

*Psal. 72.* Tenuit eos superbia, aperti sunt iniquitate, & impietate sua. Non solum tegunt vitia in corde, sed & illa pandunt, non solum clam peccant, sed & in publico; in concione, sub summo sacro, in choro coram venerabili sacramento, coram omni populo, aspectus ei aculantur impuros, oculis velut accipitres venantur innocentes columbas, capite annuunt, accedunt, & retrocedunt, ut sua prava desideria testentur, de illo gloriantur, de quo deberent erubescere. Non solum sunt contenti monopolis secretis, usuris palliatis, injustitiis coopertis, oppressiones committunt manifestas, furta exercent publica, Latrocinia aperta, rebelliones patentes. Nec minimum curant, si viudas opprimant, rusticos perdant, hereditates orphanorum invadant, de eo gloriatur, ob quod se deberent humiliare, jactant se ob peccata commissa, & ampullantur ob ea, quæ non fecerunt. *Latanter cum male fecerint, & exultant in rebus pessimis.*

*Prov. 2. v. 39.*

XII. Tandem hæc amphora est deportata in Babylonem, & ad terram Sennaar, & ibidem est collocata super basim, & fulcrum nunquam inde amo-

venda; & per hoc denotatur obstinatio, & perseverantia in peccatis, quæ est quintus gradus. Anima itaque portatur in Babylonem, quod idem est ac confusio, quia sese radicavit, & merfit in vita planè inordinatâ. Deportata est in terram sennaar, quod idem est, ac foetor, quia adeo se immerfit pudori, & sordibus actionum immundarum, & infamium, ut nullam graveolentiam amplius sentiat.

Sennaar præterea significat *excussio-nem dentium*, Dentes ad id sunt, ut distinctè, & articulatim possumus loqui. Non loquimur clarè in confessione, peccata mediâ tantum ex parte confitemur, peccata palliamus; fluo illinimus, & ambagibus sinuosa reddimus, Sacramentum reddimus nullum, & confessiones instituimus invalidas, radicamus, & firmam⁹ nos taliter in statu peccati, ut obstinati reddamur.

## CONCLUSIO.

*Per eximium locum Bernardi ad Eugenium, & recapitulationem.*

XIII. Sanctus, mellifluusque Doctor hujusque dicta tam insigniter explicam, ut iis qui desiderat præcisum compendium mei discursus solum ejus legere textum debeat. Hic Sanctus Doctor non adulatur, & sine respectu personarum toti mundo veritatem dixit. Igitur scribens ad Eugenium Papam, qui in Abbatia Clavallensie ejus subditus fuerat, eique volens suadere, ut se occupationibus magnis pontificatus subtraheret, quæ ejus orationem, & alia



alia exercitia Spiritualia poterant impedire, sic inquebat. Apprimè scio, quod cum recenter e solitudine prodieris monasterii, fugias, & horreas has occupationes, & gemas ob negotia ingruentia; sed, *Noli nimis credere affectui tuo, qui nunc est; nil tam fixum animo, quod neglecto, & tempore non obsolescat, vulnere vetusto, & neglecto callus obducitur, & eo in sanabile, quo insensibile fit.* Non inquam fidas proposito, quo fugis societates humanas, conversationes familiares, & amicitias damnosas, quæ sensim evanescent. Idem vobis dico. Non nescio, quod hæ libertates, & familiaritates tibi displiceant, quia tibi videntur esse spinæ, in quibus cubas. Verum cave sis, ne nimium fidas, quia hæ bonæ dispositiones animi paulatim evanescent, & nil est adeo animo fixum, quod cum tempore non dispereat, & consuetudo omnia obfirmat. *Primum tibi importabile videbitur aliquid, processu temporis si assuescas judicabis, non adeo grave, paulo post & leve senties. paulo post nec seies, paulo post nec delectaberis paulatim in cordis duritiam itur, & ex illa in aversionem, &c.* Verum enim iis, qui nunquam biberunt vinum in principio illud videtur amarum, & paulo post parumper iis videtur de amaritudine amisisse, & tandem iis id videtur dulcissimum, adeo ut illud absorbeant, & sese illo ingurgitent, ita fit quoque in proposito.

An negare possis, quod hoc ita fiat? An non ita tecum factum sit? Quod si aliquis antea suasisset actiones, & opera, quæ modo facis, tu animo concidisses, & magnam horrorem concepisses, potius dixisses, quod cor, & tua viscera interiora increpuissent, quam quod in eas

consensisses; Sed sensim tuum cor expugnatum est, tu deditionem tui fecisti, nescio, quomodo id solum puto, quod quasi coactè parumper complacendo. At enim tertia, vel quartâ vice non credidisti hanc actionem adeo esse malam, quia tibi videtur levis, cum sine repugnantia illam elicueris. Sed tandem re ipsa cum delectatione, & gaudio in illam festinas. Et hoc modo insensibiliter quis fertur in statum obstinatum, & induratum. Quod si quæras à me, subdit Sanctus Bernardus, quale sit cor induratum, Beatissime Pater, liceat mihi id edicere, quod si hoc mihi permiseris, ego id quidem dicam parum audacius, sed tamen unum verbum & quidem verissimè proferam, quod te non nihil possit offendere, dicam nempe, quod tuum cor sit induratum. An sit cor tuum? Immo, sed unde hoc sciam? Exinde, si ad ejus solam nominationem non tremas, & expauescas, tam horrendum enim est malum, ut audienti pavorem incutiat. Cor induratum est cor peccatoris, quod seipsum non horret, immò nec sentit, quia sopitum jacet lethargo, aut tactum apoplexiâ spirituali, ita ut non solum periculosissimè agrotet, sed etiam suum morbum non sentiat. Nec pergas querere, quid sit cor durum, si non expavisti tuum. Hoc est solum est cor durum, quod seipsum non exhorret, quia nec sentit. Interroga Pharaonem, nemo duri cordis salutem unquam adeptus est, nisi forte quem Deus misertus abstulit ab eo juxta Prophetam, cor lapideum, & dedit carneum. Quid ergo est cor durum? Quales sunt ejus proprietates, & qualitates? Ipsum est quod nec compunctione scinditur, nec pietate mollietur, nec



*movetur precibus, minis non cedit, flagellatur duratur, ingratum ad beneficia est, ad consilia infidum, ad judicia sarvum, inveterandum ad turpia, impavidum ad pericula, inhumanum ad humana, temerarium ad divina, prateritorum obliviscens, presentium negligens, futura non pravidens. Ipsum est cui prateritorum prater solas injurias, nil omnino non praterit presentium, nil non perit, futurorum nulla nisi forte ad ulciscendum prospectio, seu preparatio est. Et ut brevius dicam, & horribilis malimata complectar ipsum est quod nec Deum timeret, nec hominem reveretur.*

Nunc ad sitis. Et quæso dicitote, an non vestrum cor est huiusmodi qualitatibus præditum, & hisce signatum cuneis? Et quis hoc in dubium trahat? Vos nullo concutimini horrore, vos nec minimum sentitis, nec minimum apprehenditis. Paulisper vestras in triate conscientias, vestram examine vitam, & videbitis, quod si Sanctus Bernardus ad huc degeret in mundo, ut cor depingat induratum, eum non opus habiturum longâ descriptione, sed eum solum dicturum, cor induratum est tale, & illius, cor induratum est illius Mogoni, illius Francofurtensis. Et quomodo possit fieri, quod postquam commisit duo, tria, quatuor peccata moralia, nec minimam elicias contritionem? Quomodo nullum sentis dolorem? Quomodo tam libere dormis, ludis, edis, bibis, ac si nihil fecisses? Nunquam devotione resolveris: Transsit Pascha, festum omnium Sanctorum, Nativitas Domini, indulgentiæ, preces quadraginta horarum, ita ut de iis cogites, nec confitearis, preces tuorum sanguineorum, tuæ Matris, Patris, ami-

corum, quæ pro te funduntur, ut te emendes, & à tua vita dissoluta dehistas nec in minimo te movent. Conciones de iudicio, miner de morte aeterna, nec per hilum te terrefaciant, afflictiones, quibus Deus te premit, te nihilo movent, tu es ingratus Divinis beneficiis, donis tuorum parentum, nec per capillum æstimas consilia salutaria tuorum amicorum, tu temerarie iudicas, & actiones tui proximi trahis in censurâ, quæ tamen in partem meliorem interpretari possent. Tu in verbis, & operibus impudentissimus es, nullum curans periculum quamvis proximum, & evidentissimum. Tu marite committis, tu recta scandis, ut illa reficias, tu longa facis itinera, tu inis duellum, tu rixaris in popina, tu te ponis in periculo, ut in statu peccati mortalis occidaris, ate infernus vix distat, & nil intermediat nisi cuspis unius pugionis, lapsus in latrones in tali itinere, casus ex alio tecto, tempestas, vel casus in Pyratas, quæ te inferno trahent. Aeternaliter misereris, quomodo ergo modo non tremis? Quam non es audax, quæ non es præsumptuosus? *Impavidum ad pericula, inhumanum ad humana.* Nec in minimo compateris pauperibus, viscera habes tigris, miseriæ alienæ nil te movent, vino, cibo deliciis te infarcis, cum tamen tot famelici ex tuis superfluis uti possint. Adeo inhumanus & fusi non es homo.

*Temerarium ad Divina.* Tu scripturam prophanas, eaque abuteris, & transis ad fabulas nugæ vendulorum, tu devotionem servorum Dei usurpas in tuis verbis obscenis, tu Religiosos, & religiosas traducis in tuis mendaciis, tu vir-



tu virgines Christianas polluis per tuos aspectus, & desideria impudica, Ecclesias violas per tuas irreverentias, sacramenta per tua sacrilegia, nomen Dei per tuas blasphemias. Tu communicas, & accedis ad altare, & tremenda mysteria, tu celebras in malo statu, odium fovens, & adulterium animo proponens ô Temerarium! *Temerarium ad Divina, præteritorum obliviscens, præsentia negligens, futura non prævidens.* Tu oblivioni tradis peccata tua præterita, tu nullum opus satisfactorium, ac si nil deberes iustitiæ Divinæ.

Tu elabi finis insignes occasiones, quas tibi præsentat, ut agas poenitentiam, tu non prævides strictam rationem, quam redditurus es, mortem certam, horam incertam. Verbo, nec Deum, nec homines curas. Injustitiam Dei non apprehendis, judicia, verba, dicta hominum non æstimas, & ea quomodo dico non plus te concernunt, quam si loquerer lapidi, hi conceptus, hæc argumenta Spiritum tuum non penetrant, tot efficaces rationes, quæ sufficiunt ad durissima corda emollienda circa te nil possunt, quin potius in tuis vitiis perire duis. Pessimum est hoc signum, & habes, quod postremum, & finale tuum peccatum jam sit commissum, quod mensura tua jam sit impleta, quod e numero reproborum sis. Quod si necdum sis in hoc statu, si aliqua adhuc in te sit bona voluntas, sequere consilium Spiritus Sancti.

XIV. *Tibi peccasti, non adjicias iterum, sed & de pristinis deprecare, ut tibi dimittantur.* Quod si ex fragilitate humana aliquod commiseris peccatum,

ne fias obstinatus, nec resolves quod velis manere in illo statu per integras septimanas, vel menses, ne dicatur ad te, quod dicebatur de Filiis Jacob, *Maledictus furor eorum, quia pertinax.* Obstinatio in peccatis est vigilia damnationis. *Non adjicias* impudentiam, & temeritatem, nec glories de tuis peccatis, humilia te, & erubescere, capite incedere depresso, cor confige dolore, & amaritudine, ne de te dici possit. *Quid gloriaris in malitia, qui potens es in iniquitate, propterea Deus destruet te.* Deus confudit humiliat, conculcat, & annihilat superbos, & maxima superbia, pessima arrogantia est gloriari de peccatis. Si Deum offendisti ex fragilitate per tuam carnem, placa eum humiliando tuum Spiritum.

*Non adjicias* peccata per assiduitatem peccandi, ne dum vulnus tuum callo obducitur, per consuetudinem fiat incurabile. *Vulnere vetusto, & neglecto callum obducitur.*

*Non adjicias* insensibilitatem, sed apprehende jacturam, quam fecisti certo scias nullum esse gravius malum offensam Dei, & melius tibi fuisset frangere crus, vel brachium quam peccare.

*Non abjicias iterum*, nec unicum peccatum, quia si iterum pecces, & cadas, forsan hic casus tuæ damnationi principium dabit & salutem vacillare faciet & potest esse, quod ob ultimum tuum peccatum Deus te indurare permiserit; & quod primum quod committes tuam complebit mensuram. *Sed de pristinis deprecare, ut tibi dimittantur.* Sed Deum roga, ut si ob peccata tua commissa resolverit te deserere; hæc resolutio non sit captio, sed sententiam, quæ faciat



ut mutes, tuam vitam, ad hoc ut ille su-  
a n sententiam mutet. *Novit Dominus,*  
inquit Ambrosius, *mutare sententiam, si*  
*tu noveris emendare delictum.* Rogat ut

condonet praterita, ut præserrer à fu-  
turis, ut hic det tibi suam gratiam, & in  
futuro gloriam Amen;

## SERMO DECIMUS OCTAVUS

Pro Dominica quarta Quadragesimæ.

De poenitentia quatenus est Sacramentum.

*Abiit Iesus transmare Galilææ, quod est Tybe-  
riadis Luca 6.*

### E X O R D I U M.

**C**ertissimū omnino est, quod om-  
nis Christi actio, sit nostra instru-  
ctio, Hinc Evangelista notat  
quod sublevarit oculos, ita ut in Evan-  
gelio scire possumus, quoties oculos  
sublevarit. Quod cum ita sit, etiam  
putare non debemus, quod Christus  
antequam tot millia in deserto pasceret  
pri<sup>9</sup> mare Tyberiadis transfretarit, quia  
per illum pastum, seu refectioem in-  
telligitur sacra Eucharistia, per illam  
verò transfretationem significatur con-  
fessio. Ecclesia ergò hodie illud Evan-  
gelium nobis proponit, in quo Christus  
prius transfretasse dicitur mare Tyberia-  
dis, antequam populum, seu turbam  
in deserto cibaret, ac pasceret, ut dum  
brevis instat communio paschalis, nos  
doceamur prius nobis esse transfreta-  
ndum mare poenitentiae, quam attenda-  
mus ad communionem paschalem, &  
pastum in deserto. Ut ergò ritè hoc

mare transfretare possimus, ostendam  
hodie cum Auctore, quænam sint par-  
tes Sacramenti confessionis. *Quorum  
remiseritis peccata, remittuntur eis Io-  
ann. 20.*

**I. H**ucusque egimus de poenitentia,  
quatenus est virtus; hæc virtus  
porrò adeo Deo est grata, ut eam insti-  
tuerit esse materiam Sacramenti poe-  
nitentiae, ad hoc ut certò, & infallibili-  
ter suam gratiam nobis daret. Hoc  
Sacramentum componitur ex tribus  
partibus, uti scitis, nempe contritione  
cordis, confessione oris, & satisfactio-  
ne operis. Hodie simul, & in commu-  
ni de his omnibus partibus agemus; se-  
quentibus porrò diebus Deo adjuvante  
de qualibet tractabimus in particulari.  
O facerrima Virgo, quando Ecclesia in  
suis publicis precibus te vocat refugio-  
um peccatorum illa in veritate intelli-  
genda est de omnibus peccatoribus, at  
enim



enim particulariter te invocat pro peccatoribus poenitentibus quod volunt converti, & velut tu amici tibi dicunt. *Domina nostra, mediatrix nostra, advocata nostra, tuo Filio nos reconcilia, tuo Filio nos commenda tuo Filio nos representa;* velut pauperculos servos, qui ad tuos pedes prostrati tibi cum Angelo dicunt: *Ave Maria.*

## IDEA SERMONIS.

### EXORDIUM.

*Hoc Sacramentum meritò habet nos partes, & circa singulas tria monita dantur.*

II. **T**res sunt qui testimonium dant in calo, Pater, verbum, Spiritus Sanctus. Peccatum offendit tres Divinas Personas, Patrem, Filium, & Spiritum Sanctum, nam audacter, & irreverenter contemnit totam Sanctissimam, iustissimam, adorandam, & amabilem veritatem. Impugnat earum tres principales, & celebriores perfectiones. Est debilitas contra potentiam Patris, ignorantia contra sapientiam Filii, malitia contra bonitatem Spiritus Sancti. Est ingratitude contra naturalis, & monstruosa contra beneficia inestimabilia omnium Divinarum personarum, contra creationem, Redemptionem, satisfactionem. Peccatum malè impendit, & prophanat tria dona Dei, animā, corpus, & bona exteriora. Tres nos sollicitant inimici, Diabolus, mundus, caro. Nos cadimus per tres gradus, per suggestionem, delectationem, consensum, tribus peccatum perficitur modis, co-

gitatione, verbo, opere. Nos allicimur per prætensionem trium escarum, honoris, lucri, & voluptatis.

Peccatum patrat contra tria objecta, puta Deum, proximum, nos ipsos. Consumit, & perdit tres potentias nostræ animæ. Offuscatur intellectum, maculat memoriam, pervertit voluntatem. Tribus bonis nos spoliatur, Spiritualibus, temporalibus, æternis. In nos, & Rem publicam trahit tria flagella Dei, pestem, famem, & bellum. Merito igitur deletur per tres actus, per contritionem cordis, per confessionem oris, per satisfactionem operis. Hi tres actus sunt tres lanceæ, quibus crudelis parricida transfodiendus, & occidendus est, uti dicebat Joab ad Absalom. Sunt tria asyla, ad quod velut urbes refugii debent confugere omnes homicidæ, & rei, sunt tres dies, quos impendere debemus, antequam Deo cum Moyle sacrificemus; & antequam comedamus panes Benedictos, & multiplicatos per Filium Dei cum populo, qui cum in deserto sequebatur; antequam cum exploratoribus Israelitarum exscindamus Jericho, antequam cum generosa Judith Holopherne occidamus.

Hi tres actus juxta Divinū Joannis testimonium dant veræ conversionis. *Tres sunt qui testimonium dant in terra, Spiritus, aqua, & sanguis.* Spiritus amaræ Compunctionis, aqua confessionis dolorosæ, sanguis laboriosæ Satisfactionis. Verbo, sunt tres principales partes poenitentiae toties repetitæ, & malè practicatæ. Tria porrò monita circa quamcunque ego vobis dare decrevi, & ut melius dicenda capiat, ego non adducam quæstiones, quas mo-

2. Regum.  
18. Dent.  
4. Exod.  
Matt. 5.  
Marci 8  
Iosue 2. I.  
dith. 11.  
1. Ioann. 1.  
v. 8.

vens



vent Theologi hujus ævi, solum ea proponam, quæ ab omnibus Doctoribus sine ulla controversia recipiantur, & admittuntur, & quæ clarè ex scriptura, & conciliis deducuntur.

### PUNCTUM PRIMUM

*Monita de contritione, primum est de necessitate medii, ut probatur primo scriptura, secundo conciliis, tertio ratione, quarto instructione secundo debet esse supernaturalis. Tertio sola attritione sine absolutione non iustificat.*

*At. 1. c. 3.  
Marci 1.*

IV. **P**rimo itaque indubitatum, & certum est, quod poenitentia post peccatum sit absolute necessaria ad obtinendam remissionem peccatorum, & gratiam Dei. Sine illa nulla est spes salutis. Illa confessio, satisfactio, quam facis, illa absolutio quæ tibi datur, indulgentia quas lucraris, Sacramenta, quæ suscipis, nil tibi pro sunt, si reipsâ, & in effectu careas hac poenitentia, esto hoc fiat sine culpa, & tu putes te contritionem habere. Absolutio sine illa est inefficax, & non minus eam præ requirit, quam baptismus. nam adultus, qui est in peccato mortali, ut fructuose recipiat baptismum, debet elicere actum contritionis, ut ex scriptura constet. Postquam Sanctus Petrus efficacem habuisset concionem, & Auditores ejus valde fuissent compuncti, interrogarunt, quid eos agere oporteret, ut veniam peccatorum reciperent, qui respondit, quod poenitere deberent, & suscipere baptismum. Similiter Filius

Dei apud Divum Marcum invitans populum ad fidem, & baptismum dixit, poenitemini, & credite Evangelio, Concilium insuper Tridentinum postquam definivisset poenitentiam, addit, *Fuit autem quovis tempore ad impetrandam veniam peccatorum hic contritionis motus necessarius.*

Et hoc adeo verum est, ut Theologi concludant, quod Martyr, aut is, qui pro fide Christi suum sanguinem fundit, si sit in statu peccati mortalis obligetur elicere actum formalem, & explicitum contritionis, & defectu ejus Martyrium inane futurum. Unde à fortiori consequitur, quod actus formalis contritionis sit absolute necessarius, quando quis vult absolui, eò quod concilia definiunt actus poenitentis, quorum primus, & quidem principalior, & magis essentialis est contritio, esse materiam hujus Sacramenti, nec enim compositum fieri nequit sine materia, & forma.

V. Nec aliquis adificium extruere potest sine lapidibus, & lignis, nisi quis ligna, & lapides habeat, unde nec Sacramentum poenitentiae stare potest, sine contritione, cum contritio sit materia; unde consequitur eos graviter peccare, qui confitentur ex consuetudine, absque eo quod actum contritionis eliciant, & hoc esto solum confiteantur peccata venialia. An non graviter is peccaret, qui baptizaret in vino, aut administraret Sacramentum Extremæ unctionis in cerevisia? Quis hoc trahat in dubium? Et quænam est hujus rei causa? Quia Sacramentum redderet nullum, & in validum, cum non adhiberet debitam materiam, eo quod materia baptismi sit aqua, & non vinum,

mate-

*Sess. 14.  
Cap. 4.*

*Suarez  
tom. 3. in 3.  
partem  
disp. 29.  
Sess. 1. c.  
tom. 4. disp.  
9. Sess. 7.*



materia extremæ unctionis oleum, & non cerevisia. Vnde & is, qui confite-  
tur, & absolutionem recipit sine con-  
tritione, quamvis integrè confiteatur,  
& sola peccata venialia, graviter peccat,  
quia redderet Sacramentum muti-  
lum, inane, & nullum. Porro adverte-  
re debes, contritionem hanc ut sit valida  
debere præcedere absolutionem.

Bene me intelligas, quia si post abso-  
lutionem prius vivacissimum eliceret  
dolorem, & contritionem, hæc con-  
tritio quidem futura esset bona, utilis,  
salutaris, sed nil faceret ad Sacramen-  
tum, quod recepisti, quia si non elicias  
contritionem ante absolutionem, vel  
in illo instanti, quo datur absolutio, hæc  
est nulla, nec justificationem obtines.  
Ego non dico paulo ante absolutionem,  
sed simpliciter ante absolutionem, quia  
non est necesse, quod eliciatur imme-  
diate ante absolutionem, satis est si eli-  
ciatur postquam peccasti: Immo si uno,  
vel altero die instituas examen ante con-  
fessionem, & doleas quod Deum offen-  
deris, confessio erit bona, quamvis con-  
fitendo nullum actualiter eliceret dolo-  
rem, vel contritionem; sed solum tua  
peccata fatereris.

VI. Secundo docet Sanctum Con-  
cilium contritionem imperfectam,  
quam vocamus attritionem debere es-  
se supernaturalem, ad hoc ut nos red-  
dat capaces absolutionis, & hinc debet  
esse *Donum Dei, ac Spiritus Sancti im-  
pulsus, non quidem inhabitantis, sed mo-  
ventis.* Et hic praxis observanda est  
maximi momenti, & quidem contraria  
ei, quam tu practicas. Tu maximam,  
& omnem vim ponis in instituendo e-

xamine conscientia, & revocandis pec-  
catis in memoriam, bonum quidem hoc  
est, & necessarium, sed non est id, quod  
maximè exigitur, quia si non sit omnino  
exactum, aliquis solers confessarius, qui  
agnoscit suam obligationem, potest te  
interrogando, & examinando, illum de-  
fectum supplere. At si non habeas  
contritionem, nec ullus Doctor Theo-  
logia, nec ullus pater Spiritualis tibi il-  
lam dare possunt; quia hoc donum à  
solo Deo venit, & multum temporis, in-  
dustria, affectus, fervoris impendendum  
est, ut illud flagitemus.

VII. Tertio idem Concilium eo-  
dem, capite hæc tradit. *Attritio non  
obstante, quod sit Donum Dei, & mo-  
tio Spiritus Sancti Sine Sacramento poe-  
nitentia per se ad justificationem perducere  
peccatorem nequit.* Quod si te obruat  
articulus mortis, & sis in statu peccati  
mortalis, benefacis, quod advoces con-  
fessarium, quod adhibeas omnem dili-  
gentiam, ut attritionem elicias, attamen  
si illam reipsa non habeas, nec ab-  
solvaris, & ita moriaris, damnaberis,  
nec hoc in dubium potest trahi, cum  
sit articulus fidei, & res certa apud The-  
ologos.

At enim verò, dices, Deus neminem  
obligat ad impossibile, quomodo ergo  
possum damnari defectu absolutionis,  
quando quidem illa non sit in mea po-  
testate, & ego totum fecerim, quod po-  
tui? Ego autem respondeo, te non  
damnari ob aliquod peccatum, quod  
commisisti privando te absolutione,  
quia in hoc non deliquisti, sed damna-  
beris ob peccata præterita, quæ ob o-  
missionem remedii necessarii, quale est



contritio perfecta, vel imperfecta cum Sacramento tibi condonata non sunt. Nec id tibi mirum videatur, cum certum sit infantes, qui defunguntur sine baptismo, absque eorum, vel parentum, aut alterius cujuscunque culpa non salvari, idque ob peccatum originale, quod solum per baptismum deletur. Et hanc doctrinam non solum tradit Concilium Tridentinum, Et Ecclesia moderna, sed & ita crediderunt fideles in primitiva Ecclesia; nam dum quidam bonus Episcopus nomine Honoratus, residentiam suam deferere veller, ut difficultates obsidionis effugeret, & carcerem, quem ei obsessores minati erant, & in hunc finem consulisset Sanctum Augustinum, num tutâ conscientia id facere posset, Sanctus illi respondit, hac re abstinere, hanc rationem inter alias addens. *Si ministri de sunt, quale exitium sequitur eos, qui de isto saeculo non regenerati exierunt, vel ligati? Quales luctus eorum, qui eos in aeterna vita requie non habebunt?* Vbi notandum, Sanctum Augustinum dicere, *qualis luctus fidelium?* Ita ut non solum ita ipse crediderit, sed & omnes Catholici. Ex quo liquet, quod si sola attritio extra Sacramentum nos posset justificare, Christiani illius temporis non fuissent anxii, ne fideles mori contingeret sine absolutione, & sancti Augustini argumentum fuisset frivolum, & vanum; quia Episcopus illi respondere potuisset. Illi, qui moriuntur sine attritione vel eunt absoluti, vel non? si non, omnes absolutiones iis nil proderunt, si sic, salvabuntur. Nemo tamen fuit, qui taliter responderet, quia in Ecclesia tunc indubitatum fuit, attritionem extra Sa-

cramentum non justificare. Interim Deo dante cras fusius de hac prima parte Sacramenti agemus. Nunc pergamus ad secundam.

# PUNCTVM SECVNDVM.

*Monita de confessione. Primum confitenda peccata interiora. Secundum peccata omissionis, tertium aliena.*

VII. **Q**Vo ad secundam partem Sacramenti poenitentiae, omissis pluribus, quae alias proponemus, tria vos monere volo. Primum, ut operam detis, ad hoc ut confiteamini peccata interiora, inclinationes vestri cordis, secreta voluntatis, & affectus vitiosos, nam Deus intuetur fundum animae, & arcana cordis. *Pater tuus videt in abscondito.* Et sanctus Gregorius, *Deus pensat corda, non opera;* & hoc ideo, quia ubi peccata exteriora sunt pauca, interiora sunt multa. Tuter, vel quater, immo saepius vendidisti tuas merces ultra pretium summum, vel vendidisti veteres, ad veteratas, falsas pro novis, veris, & legitimis. Verum, dic paulisper, nonne habuisti voluntatem id faciendi, quoties venirent emptores simplices, & rudes? Tutria, vel quatuor patraisti peccata exteriora, sed interna in magno numero. Vltius interea voluntas quandoque facit, ut id quod ex se est peccatum veniale, fiat mortale. Ita verbi gratia furtum trium, vel quatuor obolorum fit peccatum grave, si adsit voluntas auferendi gravem qualitatem, si adesset, aut nisi timetes deprehendi, rursus voluntas interior facit, ut id, quod est actus virtu-

*Matt. 6.*

*Epist. 180.*



virtuosus fiat peccatum veniale, ut si quis frequenter Ecclesiam ob vanam gloriam, si quis sit modestus in templo ut quis laudetur à superiore, dare largam eleemosynam alicui puellæ, ut quis ejus possit frui amplexibus. Iterum, ob eandem causam opus meritorium potest fieri peccatum mortale; Sic enim largiri eleemosynam pauperi puellæ, viduam juvare in lite, ejus agere negotium, Sunt ex se actus misericordiæ, at si ob finem eliciantur graviter pravum, fiunt peccata mortalia. Dic ergo cum Davide. *Ab oculis meis munda me Domine.* Dic cum sancto Augustino *multum vereor occulta mea.*

VIII. Cave sis rursus, ne omittas peccata omissionis. Tu id non credis, sed tamen verum est, quod hoc genus peccati maxime tuam salutem impediatur. Et quidem David vocat hæc peccata, negotiationem nocturnam Principis tenebrarum. Hæc sunt ejus lucrum, quæstus, & nundinatio lucrativa, & quidem primo, quia hoc modo illos lucratur, qui nulla alia habent peccata, secundo, quia sic allicit ad committenda plura peccata, tertio, quia sic inducit, ut cæco modo usque in finem in iis perseverent. *Asagitta volante in die, à negotio perambulante in tenebris.* Vis hoc videre in exemplo? Ille inquit; Viden paulisper quendam Ecclesiasticum, qui devotè recitat suas horas, qui quotidie celebrat, qui pravus execratur foeditates, quid efficiam, si eum pellicere velim in peccatum indevotionis, luxuriae, ingluviæ? Ille diu me fatigabit, ergo illi subministrabo campum in quo possit decerpere palmas, & lauros, tandem eum capere debeo, ego ad eum ab-

legabo Principem, qui eum eliger in suum confessarium, unum Præudentem, Consiliarium, qui ei confitebuntur, ille omittet eos interrogare, reprehendere, ille non denegabit eis absolutionem, ob injustitias, vanitates, levitates, & iniqua facinora, quæ committunt, ille in omnibus iis condescendet. Hoc mihi inquit satis est, nil aliud volo, ad hoc ut eum perdam.

Viden Gubernatorem illius Urbis, Prætozem, illum Consulem, illum Regentem, qui ex naturâ sua propendit in bonitatem, justitiam, & æquitatem. Quod si illum velim allicere ad quandam actionem pravam, ille cum horrore eam repudiabit, ego ei adulari debeo eumque laudare ob bonam famam, quæ habet ob suam probitatem, & prudentiam naturalem, dum non est lusor, jurator, blasphemator, rixator, nulli injuriam irrogans, in id esse debeo, ut suæ obligationi in communitate, & familia sibi commissæ non faciat satis, ne inhibeat Choreas, ludos aleorum, comœdias, vectiões currum, officinarum reseratioem diebus festivis, ludos, & potationes tempore officii Divini, sicut deberet facere, si haberet zelum. Viden paulisper illam bonam viduam, mei juris esse debet, quomodo ergo eam tentabo? An lascivia, luxu vestium, denudatione mamillarum? Illa non inclinatur, nec propendit in detractiões, in murmurationes, est surda strâ, hinc in id incumbere debeo, ne eleemosynas eroget, ne per opera misericordiæ peccata juventutis suæ redimat, ut solum aliquid jusculti donet pauperibus, vel aliquot obolos ad portam, & quia nullas proles habet, ut ex insatiabili avaritia



ritia medietatem, vel tres partes census annui in bursa reponat.

Et quidem magnus est error, quod credamus has omissiones non esse peccaminosas, cum tamen nulla sit peccati species, quæ post se tot trahat peccata, quam peccata omissionis. Tu posses solvere creditoribus, mercatoribus, qui creditò tibi merces vendiderunt, tu posses satisfacere famulis, operarariis, qui tibi laborarunt, verum dilatione solutionis, eos vexas contra eorum voluntatem. Tu non restituis hereditatem, quam malè ac qui si visti, tu non restituis honorem illi puellæ, quam diffamasti, tu non reddis honorem illi viduæ, quam traduxisti. Doctores se torquent, ut numerum peccatorum assignent, quæ hisce committis. Ego non ausum id proferre, quod docet Lessius, & alii, quia nimis scrupulosum me proclamares. Theologi laxiores pro indubitato habent, quod toties pecces, quoties potes satisfacere, quoties vides tuos creditores, quoties illi tibi occurrunt, aut quoties hoc tibi in mentem venit.

Immò, quod peius est, hæc non confiteris, ob hæc non angeris, nec super his te examinas, peccata commissionis, quæ patras verbis, vel opere sunt visibilia, & palpabilia, sunt sagittæ, quas ejaculamur de die. *Asagitta volante in die.* Has diligentius effugimus, quod si subinde iis lauciemur, plagæ non sunt tantum momenti. Verum peccata omissionis, quæ flocci pendimus, sunt insensibilia, & incognita, utpote negotiationes noctis.

XL Idem dicendum est de pecca-

ris alienis, quæ nobis ob cooperationem imputantur. Illa in confessione reticere non debemus, quin potius imitari Davidè. Ille postquàm suam examinavit conscientiam mandà Dei, invenit quod omnia circa omnia observasset, idq; quàm poenitentiam de suo peccato egisset quidam vanà glorià tactus, se magno ob id præmio afficiendum dicebat. *Servus tuus custodit ea, in custodiendis illis retributio multa.* At etenim, postquam à Deo esset illustratus, & à Spiritu Sancto motus, poenitens dixit. *Quis penetraret delicta mihi occultata?* *Delicta quis intelligit?* *Ab occultis meis munda me.* Quis agnoscat peccata aliena, ob quæ sum culpabilis ante Deum? Tot modis aliena peccata patrare possumus, quot modis propria, nempe cogitatione, verbo, opere, & omissione. *Delicta quis intelligit?* Quis penetraret peccata aliena, quæ committimus cogitatione? Tu nullam velles committere actionem in honestam, quàm nimmò nullam voluntariè cogitationem impuram, interim delectaris, si quis te amet, intueatur, & concupiscat. Filius Dei dicit in Evangelio: *Qui viderit mulierem, ad concupiscendum eam,* illam jam moechatus est in corde suo. In quem locum sic ait Tertullianus: *Videre, & videre velle, ejusdem libidinis est.* *Delicta quis intelligit?* Quis possit comprehendere peccata aliena, quæ patraisti per verba æquivoca, quæ adhibuisti, dum aliquid recenseris, quæ genuerunt, vel foverunt inimicitiam, per suasionem, quàm illi suasti, ut lirem alteri indiceret, vel indictam prosequeretur, quamvis injustè? *Delicta quis intelligit?* Quis penetraret peccata aliena, quæ

*Psal. 18.*

*Matt. 5.*



quæ contraxisti operando? Tu pilam præbes, tu in bacchanalibus incipis illas maledictas dissolutiones, ac alias petulantias. Tu conclave das, ut in illo ducantur choreæ, tu nuncupas illud aulam, quamvis non amplius sit talis, quantumvis sit eversa, & ornata.

Sanctus Augustinus & Tertullianus vocant illud territorium Diaboli, nam Deo rationem redditurus es, de omnibus cogitationibus impuris, aspectibus lascivis, verbis dissolutis, complacentiis vanis, invidiis, Zelotypiis, detractionibus, diceriis, sarcasmis, actionibus inhonestis, quæ sunt. Reus es omnium jurgiorum, dissensionum, rixarum, duellorum, quorum est causa. *Delicta quis intelligit? Quis comprehendat delicta aliena, quæ commisisti omissione?* Tu familiæ tuæ non invigilas, non attendis quid faciât tuæ proles, pædagogitorum filiorum, instructices tuarum filiarum, tui famuli, & ancillæ in tua absentia non indagas, quas ædes frequentent, cum quibus conversentur quas ædes frequentent, an, & quas terant Ecclesias, & sacella diffita? Apud Deum innumerorum peccatorum reus eris, quæ tamen modo ignoras.

### PUNCTVM TERTIVM.

*Monita de satisfactione, primo eam obligare in conscientia, secundo imponendam convenienter, Tertio non eandem pro quibusvis peccatis.*

X, **T**imeo ne vobis tædio sim, & ideo tres veritates satisfactionis

contraho, & abbrevio. Primo itaque sciendum, errorem esse credere, quod confessarius nequeat vos obligare ad persolvendam satisfactionem impostam, secundo esse abusum, si exigua pro peccatis plurimis, iisque gravissimis imponatur, tertio, imprudentiam esse, si semper imponatur eadem, vel similis. An non vadis ad confessionem eo animo, ut tibi Deus peccata tua condonet per sacerdotem? Quod si hic non habeat potestatem te obligandi ad satisfactionem præstandam, etiam non habet vim te absolvendi, si nequeat te ligare, etiam nequit te absolvere. Idem Salvator, qui dixit ad Apostolos, eorumque successores: *Quodcumque solveritis super terram, erit solutum & in calis*, etiam dixit, *quodcumque ligaveritis super terram erit ligatum & in calis*, unde idem dedit potestatem ligandi, & solvendi. Vnde Confessarius tenetur non tantum vobis imponere poenitentiam, sed & tenetur vobis imponere quantum est possibile, correspondentem, & proportionatam juxta numerum, & gravitatem peccatorum. Hinc declarat Concilium Tridentinum eum, qui per conniventiam, negligentiam, vel ignorantiam pro gravissimis criminibus imponit leves poenitentias, participem se reddere gravissimorum peccatorum poenitentis.

Immo dum Pontifex concedit indulgentias, vel jubileum, semper addit hanc condicionem in bulla, ut imponentur fidelibus poenitentia salutares, hoc est poenitentia, quæ reducant in viam salutis, quæ à relapsu præservent; ad exemplum Salvatoris, qui juxta San-

*Iohann. 20.  
Trid sess 14.  
Cap. 8.*

*Sess 24.  
cap. 8.*



Etum Gregorium; *Contraria opposuit  
medicamenta peccatis.*

Magna itaque est simplicitas omnibus indifferenter ob peccata quantumvis diversa easdem imponere poenitentias, puta septem psalmos poenitentiales, unum Rosarium, sed imponendæ sunt poenitentia congruæ, quantum est possibile, juvenibus, & intemperantibus jejunia, libidinoso macerationes carnis, avaris elemosynæ, & sic de reliquis. Et poenitentes, qui sunt bene dispositi, quique habent sinceram voluntatem se emendandi, illi rogare debent confessarium, ut imponat poenitentias salutare, & medicinales,

## CONCLUSIO.

*Cavenda peccata futura, de  
præteritis vera poenitentia agenda, &  
à Deo petenda, utrumque com-  
parationibus expli-  
catur.*

1. Ioann. 2.  
v. 2.

XI. **C**oncludamus tandem verbis dilecti Discipuli, qui sic scripsit ad fideles. *Hæc scribo vobis, ut non peccetis.* Idem ego vobis dico. *Hæc dico vobis, ut non peccetis.* Cave sis, ne offendas Deum, quia pessimum hoc est malum, quod tibi potest obvenire. Quoties consentis in Peccatum mortale, periculo te exponis damnationis æternæ; quia absque confessione forsitan morieris in illo statu. Tu tibi imaginaris, quod in hoc statu sis securus de tua salute, quia putas te occasionem habiturum veniam rogandi antequam moriaris. Ast fallis te ipsum, quia si non

possis habere confessarium, debes elicere perfectam contritionem, quod est factu difficile, & raram. Dein dato, quod habeas ad manus confessarium, ille nil tibi prodest sine attritione, quam ex te ipso non potes habere, verum ut eam habeas, Deus tibi debet donare auxilium gratuitum, & efficax, hoc autem tibi non donabit, quia id per tua peccata demeruisti, nec unicuique illud promisit, illud pluribus negavit, nec ulli dare tenetur. *Non enim inquit Sanctus Augustinus esset gratia nullo modo, si non esset gratuita omni modo.* Ne ergo pecces, si sapias.

XII. *Hæc dico vobis, ut non peccetis.* Sed si quis peccaverit ex fragilitate humanâ, fideliqueris, institue confessionem non larvatam, & coram Deo personatam, uti sepe facis, quia hoc non est confiteri, sed Deo, & confessario illudere, recensere peccata sine vero dolore, & proposito se emendandi. Tu confiteris in paschate, quod jejunium violaveris præceptum, quod diebus laboraris festivis, quod pannum, & fructilla ejusdem tibi data, ut vestem ex iis consueres, retinueris, quod perjuriam patraris, ut carius venderes; Dic fodes, an non Deo, & tuo confessario illudis? Quod si quadragesima inciperet octo diebus post pascha, si tibi rursus pannus detur, si non possis ad eo carum vendere, redis ad vomitum. Vtinam id non esset, nonne verum est, quod sequenti anno, immò pluribus secuturis, semper redeas cum iisdem peccatis? An non concedas, quod tua confessio sit poenitentia falsa, & fucata? *Poenitentia est theatralis* inquit Sanctus Chrysostomus. Poenitentia larvata, & comœda.



da, quæ fallit, & terrefacit infantes, non viros prudentes, & expertos.

Quod si inter his comoedia videbitur auctorem quendam, qui videtur in spectore vulnus recipere, hinc velut mortuus decidit in theatrum, ibique instar trunci jacet. Pueri clamant, illum esse mortuum, & occisum. Tu verò contrarium bene scis, quod nempe non sit mortuus, sed solum id exhiberi, & representari. Sed unde cognoscamus eum non esse occisum? Ex eò, quod sequenti die videamus eum ambulare per plateas æquè sanum, robustum, ac unquam alias, viden paulisper aliquem, qui poenitere videtur; Dolor vehemens ejus cor tangit, exterius verum poenitentem exhibet, frequentat Ecclesiam, sacerdotis gubus se adsternit, peccata confitetur, peccatus undit, idiotæ dicunt: mortuus est peccatis, & ritè conversus. Angeli tamen dicunt id non esse aliud, quam meras larvas, deceptiones, simulationes, falsitates adeo subtiles, & compositas, ut non solum alios decipiat, sed & seipsum. Verum unde hoc cognoscas? Ex eò, quod post octo dies tantus sit perivus, adeo arrogans, indevotus, petulans, tantus detractor, quam unquam fuit ante. Et cur confitemur, si id non obtineamus, ob quod iustituta est confessio, nempe veniam peccatorum? Nos veniam non obtinemus, nisi nostra confessio sit fidelis, sincera, vestita vera contritione, & emendatione vitæ. Nos poenitentiam ex nobis ha-

bere non possumus, sed eam à Deo per meritum sui Filii flagitare debemus.

*Si qui peccaverit, advocatum habemus apud Patrem.* Supposito, quod navis vestra in medio mari naufragium passa sit, nec aliquid inveniatis, quod arripere possitis, quod si nullum aliud sit medium, quò vitam salvare possitis, quam funis, quem tibi quidam nauta posset porrigere, quomodo non eum rogares? Quomodo non clamares, quanta instantia, fervore, affectu non rogares, ut funem illum tibi porrigeret? Tu naufragium, tuæ salutis fecisti per peccatum, nulla est aliata tabula, nullum aliud tibi est medium, quam vera poenitentia. Solus Deus, tibi eam dare potest, & sæpe eam es demeritus. Ergo ne in negotio tuæ salutis adeo sis incurius, tuipius hostis, ut eam nolis sæpe, humiliter, & ferventer postulare? Imitare Davidem, qui de seipso testatur. *Veni in altitudinem maris, tempestas demersit me, laboravi clamans, rauce factæ sunt fauces meæ, crogando scilicet poenitentiam, & lacrymando ob peccata commissa*) Eum inquam imitare, ora, plora, geme, & tibi, sicut ipsi dicitur: *Dominus transtulit peccatum tuum.* Sacerdos tibi dicet, *Absolve te,* & Filius Dei te certum reddidit, quod si veram poenitentiam egeris, sententiam, quæ in tui favorem hic pronuntiatur in cælo confirmandam, ac ratificandam Amen.

*Psal. 68.*

SER-



# SERMO DECIMUS NONUS

Pro Dominica Passionis

De Contritione

*Quis ex vobis arguet me de peccato? Ioann. 8.*

E X O R D I U M.

**I**nnocentissimus agnus Christus Jesus, priusquam seipsum esset immolaturus Deo Patri in ultima cœna in Sacramento Eucharistiæ, & immolandus in arâ crucis, ut ostenderet non solum, quod ipse immolasset seipsû, & non immolatus fuisset maculatus aliquo peccato, sed etiam ut nos, qui paucos post dies obligabimur ex præcepto Ecclesiæ ad confessionem, & communionem paschalem idem dicere possemus, hanc thesim Iudæis proposuit: *Quis ex vobis arguet me de peccato?* Quum ergo ad communionem, & confessionem paucos infra dies accessuri simus, Deo, homini, propriæ conscientiæ proponamus hæc verba: *Quis ex vobis arguet me de peccato?* Quod ut melius fiat, & nemo possit nos arguere alicujus peccati, quod non deletum sit per contritionem, conabimur illam elicere; ad hoc præstandum necessitas, natura contritionis, ejusque conditiones hac concione explicantur.

*Scindite corda vestra. Joel. 2. v. 23.*

I. Heri incepimus agere de poenitentia quatenus est Sacramentum, &

consideravimus partes ex quibus componitur, contritionem nempe cordis, confessionem oris, & satisfactionem operis. Et quia hoc solum fecimus in generali, & confuso, ideo de qualibet specialiter, & particulariter agere oportet. Porro de primâ, puta contritione, ponderare possumus primo ejus necessitatem, secundo essentiam, tertio condiciones. Ego dico interim cum devoto Thoma à Kempis; *Malo sentire contritionem, quam scire ejus definitionem.* Eam itaque ô Virgo Sanctissima à Deo per tuam intercessionem flagitare debemus. Tu vocaris Maria, hoc est mare amarum, & hoc quia in Passione Filii tui, tua anima Sancta, fuit tota desolata, repleta amaritudine, non solum ob condolentiam, quâ compassa es doloribus tui boni amati, sed principaliter, quia nos peccatores conspexisti, qui fuerunt causa illius passionis.

*Eia Mater fons amoris*

*Me sentire vim doloris*

*Fecit ut tecum lugeam.*

In hunc finem te saluto dicendo *Ave Maria.*

IDEA



## IDEA SERMONIS.

## EXORDIUM.

*Sicut ad tumorem, ita ad peccati remedium tria requiruntur.*

**II.** Inter alias expressiones, quibus Spiritus Sanctus in sacra scriptura, vult nobis declarare naturam praternaturalem, & malignitatem peccati, illa mihi vivacior, & expressior videtur, quàm comparat peccatum tumori: *Vulnus, & livor* inquit apud Isaiam, *& plaga tumens, non est circumligata, & fota oleo.* Tumor, vel apostema, seu vomica nil aliud est, quam corruptio carnis, & sanguinis terribilissimum spirans odorem. Similiter, peccatum est corruptio rationis, & virtutis in nostra anima, Deo & Angelis haud tolerabilem foetorem exhalans. *Omnis caro corruerat viam suam, corrupti sunt, & abominabiles facti sunt. Pueruerunt, & corrupta sunt.* Omnes Chirurghi docent, & experientia hoc monstrat quotidie, quod ad curandam vomicam, seu vulnus tria sint necessaria; nam primò debet turundâ, seu specillo, aut scalpro incidi, secundo debet pus extrahi, tertio oleum, vel unguenta applicari, & circumligari. Eodem modo, tres sunt partes poenitentiae, quas tam sæpè exercemus quidem, sed malè usurpamus, contritio, quæ est incisio turundæ, confessio, quæ est extractio puris, & tabis, satisfactio, quæ est applicatio olei, & lino ligaminum. *Quaecunque alligaveritis super terram.* Ego hodiè de prima, hoc est contritione a-

Isaia 1.  
Gen. 6. v.  
12. Psal. 13.  
Psal. 3.  
  
Gregor. 1.6  
v. 5. in pri-  
mum Re-  
rum 6. 15.

gam, & ostendam ejus necessitatem, deinde in naturam, & tertio proprietates.

## PUNCTVM PRIMVM.

*Contritionis necessitas probatur primo scripturâ, secundo Patribus, tertio ratione, quia est remedium maxime proprium, quod convenit omni peccato, soli, & semper.*

**III.** Sanctus Petrus, volens persuadere Judæis miraculum, quo claudogressus restituerat, dicebat non propria virtute, sed in nomine Jesu, quem illi crucifixerant, & Barabbæ postposuerant hoc miraculum fuisse patratum; & deinde intulit: *Poenitemini, & convertimini, ut deleantur peccata vestra.* Idem ego, & quidem à potiori dico. Vis Deo reconciliari, & redire ad viam salutis? Debes relinquere vias tuas pravas, tuos deferere excessus, te convertere, & mutare; *convertimini.* Verum, ante omnia debemus poenitere, & detestari præterita. *Poenitemini.*

**IV.** Sanctus Gregorius, qui in eadem cathedra sedit, jubet ut eandem veritatem prædicem. *Admonendi sunt, ne relaxatas astiment culpas; quas etsi agendo non multiplicant, nullis tamen fletibus mundant.* Vt huic mandato paream, ego vobis ex parte hujus magni Sancti Doctoris significo, vestra crimina non deleri per hoc, quod à peccatione eorum cessetis, sed quando ea aquâ salutari lacrymarum diluvitis. Et Sanctus Augustinus. *Exceptis parvulis, nemo incipit esse, quod non erat, nisi enim poenitent*

Act. 13.  
19.

3. p. Pastor  
c. 31.



Hom. ult.  
ma ex 100

Hom. 1. ad  
Heb. 1. 1. 38.

fuisse, quoderat. Et hinc dicit Chrysostomus, quod recordatio peccatorum sit Divinum Pharmacum, proprium, & potentissimum remedium ad delenda peccata; & nos ab iis liberandos recordatio non talis qualis, sed recordatio dolorosa, affligens, trahens secum moestitiam, & amaritudinem cordis. *Nullum invenitur peccatorum tale remedium, sicut continua eorum memoria.* Talem recordationem habuit Sanctus Rex Ezechias: *Recegit abotibi omnes annos meos in amaritudine animae meae.* Dixi remedium valde congruum, & proprium, quia convenit omni, soli, & semper peccato.

D. Thom.  
3. P. quaest.  
83. art. 1.

V. Hic dolor de quolibet peccato mortali adeo simpliciter est necessarius, ita ut nullus fuerit, vel futurus sit, qui vel remissionem unius solum obtineat sine poenitentia actuali, vel virtuali. Disputant quidem Theologi, an id possit fieri de potentia absoluta, sed nullus dubitat de poenitentia ordinaria; & omnes pro indubitato habent Deum id nunquam fecisse, vel facturum. Vident quanti momenti hoc punctum sit. Da mihi pessimos peccatores, praedonem, homicidam, veneficum, haereticum, impium Atheum. Si dicas hunc decessisse non sumpto viatico, attamen propter hoc non damnabo eum. Si dicas eum obiisse sine absolutione, & satisfactione, nec tamen ideo ad hunc proclamabo damnatum. Sed cur? quia nemo scit, in qua dispositione interiori sit mortuus. Quis enim scit, an non Deus paulò ante mortem illi dederit contritionem adeo intensam, vivam, ferventem, perfectam, heroicam, per quam obtineat

rit veniam. Deus id potest facere, & quandoque id facit, quamvis raro.

E contra; Da mihi hominem, qui vixerit instar Angeli, velut Sanctus Ioannes Baptista, & hoc usque ad annum ætatis vigesimum quartum. Quod si dicas eum in fine vitæ peccasse mortaliter, & impoenitentem defunctum esse, ego audacter eum pronuntiabo damnatum. Dices eum recepissee extremam unctionem, ego repeto, & dico quod sit damnatus. Sit confessus, sumperit eucharistiam, ab ipso met Papa sit absolutus; concessæ ipsi sint indulgentiæ, jubilæum plenissimum, dicam eum ad huc damnatum. Ast enim verò dices, eum non scivisse, quod poenitentia sit necessaria, nullus eum hoc docuit, nil refert; Si actum contritionis non elicuerit, damnatus est. Sed quid, si conatus fuerit elicere contritionem, illa tamen casu non fuerit vera, Legitima, supernaturalis? Damnatus est.

Et hæc adeo vera sunt, ut nisi hoc credam, ipsemet defectu fidei damnandus sim. Sed quid nos scimus? Nonne Deus eum forsan sine poenitentia salvasset? Nunquam id fecit, nunquam id de potentia ordinaria facere potest. Reverende Pater, audacter loqueris. Ita est, quia cum ipso loquor. *Nisi poenitentiam egeritis omnes, peribitis.*

VI. Ratio porro fundamentalis hæc est, sicut peccator per peccatum se avertit à Deo, & per consensum, ac actum formalem, & expressum voluntatis liberi arbitrii convertitur ad creaturas, ita ut quis liberetur à peccato, debet se avertere à creaturis, & ad Deum & per actum formalem, & expressum liberi arbitrii, &

con-



consensum voluntatis converti. Da mihi feminam gravidam, quæ jam per quindecim dies ardentissimè expetivit martirium, si hodie contingat eam peccatum patrare mortale, & nocte sine actu contritionis elicitò quieti se det, quamvis dormiens ob fidem catholicam occidatur, attamen non erit martyr, sed damnabitur, quamvis prolem, quam utero fert salvetur; quænam est causa, quod mater damnetur, proles verò salvetur? En illam, infans contraxit peccatum originale, non per propriam voluntatem, sed per voluntatem primæ parentis, & ideo potest salvari, & liberari per voluntatem, & merita Salvatoris, quæ ei applicata sunt per baptismum aquæ, vel sanguinis. Verum Mater per propriam peccavit voluntatem, ideo ab illo peccato mortali non nisi per dolorem, & contritionem à propria voluntate elicitam liberari potest.

Quoad peccatum veniale, contritio est adeo necessaria ad obtinendam veniam illius per absolutionem sacerdotalem, ut si post tuam ultimam confessionem, non habeas nisi peccata venialia satius, & melius sit, quod communices non præmissa confessione, & hoc quamvis à medio anno non sis confessus, quam quod non confitearis sine contritione. Bene me velim capias, quia nil dico, quod non omnes Doctores, qui fundum Theologiæ penetrant, sanguine non confirmant. Quando confiteris peccata mortalia tantum, debes de omnibus nullo excepto dolere; quia si in corde tuo lateat aliquis voluntarius affectus voluntatis erga unum peccatum mortale, quamvis parvum videatur, nihil facis, sed manes in statu

peccati mortalis, in statu disgratiæ. Quod si habeas tantum peccata venialia, non quidem teneris dolere de omnibus, sed tamen obligaris dolorem elicere de uno, quia si hoc non facias sacramentum est nullum, & confessio inutilis. Et sanè hoc devotioribus sæpe evenit, dum confitentur obiter, ex consuetudine, sine voluntate se emendandi.

Et ideo consilium salutare, & dignum, quod redigatur ad praxin est, quod quando sola peccata habes venialia, de quibus tam faciliter dolere non potes, adjungas in fine confessionis aliquod peccatum grave in tua ante actâ vita patratum, de quo magis doles. Verbi Gratia dicte ante hac pejerasse, proximo detraxisse, & hoc ut certam materiam ponas. Et hoc casu absolutiò cadet super illa peccata, de quibus doles, & non super venialia, quæ nullo modo detestaris. Et hæc est causa, cur in Missali, & Breviario, non dicamus, *Miseretur tui omnipotens Deus, & dimissis omnibus peccatis tuis, Indulgentiam, & remissionem omnium peccatorum*, sed solum *peccatorum*; quia contingere potest, & sæpe contingit, quod non doleamus de omnibus peccatis venialibus, nec veniam oportet rogare illorum peccatorum à Deo, de quibus non dolemus, quia illam nunquam donabit.

VII. Et in hoc debemus admirari sapientiam, & suavitatem providentiæ, Divinæ. Nil inutilius est tristitiâ, cum nulli omnino proffit, & tamen Dei providentia est tanta, ut eam adhibeat ad destruendum, & annihilandum maximum malum, quod est in mundo, puta peccatum, et ad acquirendum, & producendum maximum bonum, quod est



gratia Dei. Mors sustulit tuam prolem, parentem, maritum, affligaste usque ad mortem, an eum resuscitare possis? Nequaquam. Causâ cecidisti, iam morbum es prolapsus, lacrymeris quamdiu velis, nunquam malum illud emendabis. Tristitia ad nil aliud vate, quam destruendum peccatum, stultitia est ob aliam rem dolere, ad hoc autem malum tollendum semper est, & fuit tristitia necessaria. Ita declarat Concilium Tridentinum hisce verbis: *Fuit autem*  
*§ 14. 4 quor is tempore ad impetrandam veniam peccatorum, hic contritionis motus necessarius.*

## PUNCTUM SECUNDUM.

*Contritionis essentia, nempe quod sit dolor de peccato, quod probatur primo scripturâ, secundo Patribus, tertio ratione.*

VIII. **H**ucusque luculenter ostendimus necessitatem poenitentia, & quanta curâ adhibenda sit, ut illam scilicet exerceamus, & peramus à Deo, antequam confiteamur. Ex titulis, quos ei dat scriptura, ejus essentiam colligimus. Vocatur compunctio, contritio: *In cubilibus vestris compungimini, sanat contritos corde.* Compunctio dicitur, quia pungit, est cuspis urunda, quæ apostema excindit. Contritio porro derivatur à verbo *contero*, quod idem est, ac frango, comminuo, contundo, quod non fit sine dolore. *Scindite corda vestra.*

IX. Nec sanè satis est, quod hæc voce, vel animo proferamus, dicendo, mi Deus, doleo, quod te offenderim, poenitet me, quod peccaverim, & hoc id eo, quia id tibi displicet, sed præterea

re ipsa debet affligi laborare, & præter dolorem habere cor occisum, ac à dolore sauciatum. Hinc Sanctus Augustinus: *Quod delectavit in opere, cruciet in mente.* Et Gregorius: *Contraria opposuit medicamenta peccatis.* Sicut ante voluptatem hausisti, dum tuis passionibus, & propriæ voluntati succubisti, ita nunc ob hoc dolere, & affligere te debes. Interim scio, quod scias odium, timorem, dolorem non esse primas passionēs animæ, nec primas affectiones cordis humani; supponunt namque amorem, ejusque sunt effectus, surculi, propago, soboles, ejusdemque cum illo genii. Nullum malum odimus, timemus, ob nullum dolemus, nisi quia adversatur objecto, quod nos amamus. Tu doles ob mortem tui mariti, & non ob mortem tui inimici, quia amas amicum, & non inimicum. Ergo non possumus detestari nostra peccata nisi ex amore proprio, vel amore Dei. Quod si doleamus de peccatis ex amore nostri, jam dolemus ob motivum naturale, adeoque hæc poenitentia est imperfecta, vilissima, & nullius momenti, nec per eam convertimur ad Deum, sed ad nos. Aliter in re tanti momenti, à quâ nostra dependet æternitas, nos gerere debemus. Prudenter itaque facimus, si ferventer à Deo contritionem postulemus, & conemur elicere contritionem perfectam, quam possumus, aut ad minus illam studeamus habere quæ omnes illas habet qualitates, & proprietates, quæ requiruntur ad hoc, ut aliqua poenitentia sit utilis, & necessaria.

X. Tertullianus eleganti discursu nobis declarat, ex quibus signis possumus cognoscere, & veram poenitentiam à falsa



Tria. c. 6.  
de poenit.

falsa distinguere. Et quidem sic inquit. Hoc pretio veniam Dominus addicere instituit. Si ergo, qui venditant nummum prius quam paciscuntur examinant, ne scalpens, ne rasis, ne adulter sit, etiam Dominum poenitentia probationem prius initiare credimus, tantam nobis mercedem, poenitennis scilicet vite concessurum. Hac sententia mihi in memoriam id quod hinc diebus mihi evenit. Dum cum nonnullis amicis in mediâ plateâ paulisper confabulari deberem, audiui, quod quædam parvula puella, quæ in officina quâdam exiguum quid pro uno, vel altero solido vendebat, dum solutio ipsi daretur, cunctabatur monetam admittere, allegans eam esse adulterinam. Verum, dum urgeretur, advocavit matrem, ut probaret num monetam proba esset. Mecum hæc audiens, sic tacitus discurri. En quam appositè illa parvula puella tibi tuam lectionem prælegit, sanè non multum saperem, nisi cautior factus, exemplo hujus filia fierem. Illa timeret & angitur, ne decipiat in re parvi momenti, quomodo ergo ego non sum anxius, & sollicitus, ne falsam, & naturalem poenitentiam admittam pro bona? Quod si illam contingeret defraudari, non faceret jacturam, nisi forsitan quinque solidorum, at si ego circumveniar, ludo Regnum Cælorum, gloriam paradisi.

Illa matrem advocat in suum subsidium, an ergo ego non invocem Sanctam Virginem? Illa semel, vel bis vocat suam matrem, ego autem millenis, & millenis vicibus Deiparam invocare deberem, quia ibi agebatur de quinque solidis, hic autem agitur de Regno cælorum. Et cum paradisi longe ante-

cellat unum solidum, ego ferventius, & solidius Salvatorem meum, & Virginem invocare deberem. Tu contentaris lacrymula, quam sparsisti ex teneritudine, dum consideras te peccasse, tu contentaris exiguo dolore, qui tuum cor emollit. Quod si coram Deo, hæc tua poenitentia fuerit falsa, & naturalis, quid de te erit? Agitur de tua salutè, & de nullo alio. Tria principaliter faciunt ne moneta in venditionibus æstimetur, & recipiatur, sed repudietur, & ad officinam monetariam deferatur, primo, si sit adulterina, secundo si non sit signata cuneo principis, vel ejus imagine, aut insigniis notata, tertio, si sit notabiliter accisa, adeoque injusti ponderis.

XI Idem omnino defectus contingunt in nostra poenitentia, ita ut coram Deo rejiciatur, sed in aratro Divino repudietur veluti injusti ponderis, idque ob tres allegatas causas. Prima, si sit adulterina, ficta, apparens, & falsa; cum enim operatio sit ideæ, & furculus ipsius esse, id quod non habet verum esse, nequit habere veram operationem. Homo pictus non est simpliciter homo, quia nullas exercet actiones humanas, non ambulat, non videt, non loquitur, quin immò nec minimam elicit actionem, quam eliciunt homines veri. Falsa poenitentia nullatenus est activa, nec ullum opus bonum producit, byssinis contenta est verbis, aureos promittit montes in fine vitæ; at vera poenitentia manum applicat aratro, illa nos adhibet dextræ ad reformationem nostræ vitæ, & exercitium solidarum virtutum, 2. Mach. Cap. 9.

Antiochus, & nanus Zachæus appa-  
renter quidem æqualiter, & eodem mo-



Cap. 19.

do poenituisse videntur, sed tamen re-ipsa non ita poenituerunt. Prior poenituit quidem, sed apparenter, simulatè, & fictè, adulteratè, ejus poenitentia fuit injusti ponderis, quia solis fucatis verbis, & coereemoniis contentus fuit, dicendo faciam, cum tamen postea nil fecerit. Quid quæro non dixit? Si Deus me juvet, si sanitati me restituat, ego fidem ejus amplectar, ego quidquid surripui ex ejus templo, restituam. Ego per totum mundum ejus majestatem, & clementiam deprædicabo. Zacchæus e contra, uti legimus apud Divum Lucam verè poenituit, nec dixit ego faciam, sed ego facio. *Dimidium bonorum meorum do pauperibus, & si quem defraudavi, reddo quadruplum.* Nequaquam dixit, ego reddam, ego restituam, sed reddo, restituo incunctanter. Et sicut dispositio utriusque fuit diversa, ita effectus habuerunt dissimillimos. De Antiocho hæc narrat Spiritus Sanctus: *Orabat hic scelestus Dominum, à quo non erat misericordiam consequuturus.* De Zacchæo verò, ejusque domo Filius Dei dixit. *Hodie huic domui salus à Deo facta est.*

Porro ex his non obscurè deducitur tunc te habere veram poenitentiam, quando incipis elicere actiones virtuosas, & laudabiles, quando non solum sistis in his verbis, ut dicas Confessario, Reverende Pater ego restituam, ego inimicis condonabo, ego illâ pellice me expediam, ego domo illâ exibo, ego libros illos obscenos Vulcano tradam; nam si cum Antiocho solum melle ades verba, si solum bona opera promittas, nec aliquid præstes, si non vites occasionem, dum illam potes vitare, tua pœ-

nitentia erit falsa, apparens, & adulterina. *In imagine pertransit homo.* Est solum imago, & simulachrum veræ poenitentia, non est poenitentia probata, & sincera, sed solum sunt lacrymæ naturales, devotio sensibilis, & doloris apprensio.

XII. Secundo, moneta nullius est valoris, sed defertur ad officinam monetariam, si non sit insignita imagine, Principis; & ita similiter attritio non est accepta Deo, nisi ejus cuneo signata sit, & ejus Characteribus insignita. Adulterina est, quando non est supernaturalis, quando non procedit ex gratia Dei, sed potius oritur ex amore proprio, ex timore humano, & naturali, quo metumus puniri ab illis, qui nobis leges imponunt. Concilium Tridentinum uti vidimus supra sic definiendo pronuntiat: *Si quis dixerit* sine præveniente Spiritus Sancti inspiratione, atque ejus adjutorio, hominem credere, sperare, diligere, aut poenitere posse, sicut oportet, ut ei justificationis gratia concedatur, anathema sit. Tuid. Sess. 6. cap. 3.

*Attritio elicitæ quidem per speciale ali-quod auxilium supernaturale; ex motivo tamen naturali, Verbi gratia, ex amore Dei, ut est Author natura, vel ob beneficia ordinis purè naturalis, ab eo accepta non videtur sufficiens juncta Sacramento poenitentia ad remissionem peccatorum.* Et infra. *Nec obstat quod illa attritio eliciatur ex speciali auxilio gratia prævenientis, quia gratia præveniens est extrinseca entitati attritis: Unde cum unumquodque sit dumtaxat tale intrinsecè per id quod est ei intrinsecum auxilium, illud gratia excitantis non potest dare intrinsecam supernaturalem.*

Sess. 14. c.  
4. & Sess. 61. Reg.  
19.

v. 1.

2. R.  
12.



*naturalitatem entitati attritionis.* Isambert Professor Sorbonicus tom. 3. disp. 14. in tertiam partem. art. 3.

1. Regum  
15.

In antiquo præterea testamento hujusce reillustre specimen habemus in duobus Regibus Saul, & David æqualiter electi, ut à Deo in Reges consecrati fuerent, uterque convenienter ad leges Divinas fuit confirmatus, uterque à Propheta monitus, & reprehensus; uterque æqualem visus est facere pœnitentiam, uterque suum errorem agnovit, & pœnitentiam fecit, dicendo *peccavi*; & tamen responsum valde diversum tulerunt. Saul Deo inobediens fuit, uti videtur in re parvi momenti, ille vitam donavit Regi in servitutem abstracto, & in deprædatione urbis nonnulla reservavit contra jussionem Dei. Dum à Propheta hujusce inobedientiæ admoneretur, ille suum errorem agnovit, ille se humiliavit, & bis dixit, *Peccavi Domino.* At enim hoc tulit responsum. *Quia projecisti sermonem Domini, projici te Dominus.*

2. Regum  
12. v. 15.

David e contra patravit adulterium, homicidium, & traditionem, ac ita graviter deliquit, vates Nathan eum admonuit, & statim *Peccavi.* Audivit porro à Propheta sibi dici, *Dominus transtulit peccatum tuum.* Ex his vides quomodo duo, qui similem videbantur pœnitentiam, duo valde inæqualia tulerint responsa, Scitis hujus rei causam? Deus penetrat interiora, & Spiritum hominis comprehendit, ille non æstimat verba, sed cor. Saul quidem dixit, *peccavi*, Saul quidem doluit de peccatis, sed dolor ejus fuit merè naturalis, ille doluit ob motivum pure temporale, quia *vergebatur, ne excu-*

teretur e folio, adeoque solum suum honorem, & fortunam spectavit. *Honora me coram senioribus.*

1. Regum  
15. v. 30.

E contra David contritionem elicit ex motivo supernaturali motus à Spiritu Sancto, quia ingratus Divinis beneficiis fuerat. Sanctus Augustinus observat, quod psalmo quinquagesimo dicat: *Spiritum Sanctum tuum ne auferas me.* Ille non dixit dona mihi illum, qui per pœnitentiam suam jam illum habebat. Ex quo liquet, quod hi duo pœnitentes effectus habuerint omnino contrarios; quia unus fuit reprobatus, & alter obtinuit veniam. Pœnitentia unius fuit soboles naturæ, & amoris proprii, pœnitentia alterius fuit effectus amoris proprii, & gratiæ prævenientis.

Et sanè sæpe contingit, quod si moneta valde accisa, non acceptatur apud homines, ita quoque attritio non valet apud Deum, quando est accisa, mutila, & imperfecta. Et hoc fit, quando non versatur, seu ut melius dicam, non detestatur virtualiter omnia peccata. Theologi docent contritionem differre ab attritione & quidem in hoc, quod contritio sit perfectior, generalior, & universalior, quod versetur circa omnia omnino peccata mortalia, ita ut nisi virtualiter detestetur omnia, impossibile sit, quod sit vera contritio, cū illa unum peccatum mortale tantum detestari nō possit; Si enim doleam, quod furatus sim, quia furtum displicet Deo, quem super omnia diligo; consequenter doleo quod occiderim, quod adulteratus sim, quia hæc equidem displicent Deo. At enim motivum attritionis non est adeo universalis, sed est magis particularis, restri-



restricta, & limitata; neque necessario veretur circa omnia peccata, quia per eam potest quis detestari aliquod peccatum, absque eo, quod quis virtualiter detesteretur omnia; quia potest detestari quis specialem malitiam, & deformitatem, quæ reperitur in uno, & non in alio, sic quidam nobilis potest dolere, quod patrarit furtum, quia continet quandam deformitatem, & vilitatem animi contrariam rationi, & non idcirco detestari virtualiter, & implicite delictum, aut actum vindictæ ante hac patratæ, aut quam sæpius exercet.

Et quamvis Doctores in hoc casu disputent, utrum talis confessio sit valida; in hoc tamen sine ullâ controversia conveniunt, quod sit informis, & nulla, cum non sit informata gratia sanctificante, quæ nulli datur, nisi qui ad minus omnia peccata virtualiter detestatur.

Et hanc differentiam in duobus, & quidem duobus Apostolis peccatoribus, utroque æquè pœnitente, quos nobis scriptura proponit, videmus. Petro puta, & Judæ. Judas, mox ut peccavit, *Pœnitentiâ ductus* agnovit, & falsus est, *Peccavi tradens sanguinem justum*, nec tamen veniam obtinuit; cum enim patrasset plura peccata, unam tantum malitiam deformem, & vitiosam apprehendit in prodicione, quâ suum magistrum tradidit, cum itaque vidit abominandam, à se patratam injustitiam, dum virum adeo innocentem tradidit neci, pœnitentiâ mortis ex hoc motivo doluit: *Videns, quod damnatus esset, dixit peccavi*

Matt. 26.

*tradens sanguinem justum.* At enim verò, cum hoc motivum esset particulare, & limitatum, non complectebatur furta, & alia crimina ab eo commissa: *Eur erat, & loculos habens; retulit triginta argenteos*, & non alios loculos, quos in variis occasionibus clepserat; adeoque hæc pœnitentia velut moneta accisa, & injusti ponderis fuit repudiata à Deo, & veniâ indigna.

Econtra Sanctus Petrus, postquam ex humanâ fragilitate suam abnegasset. Magistrum perfectâ cōtritione afflictus fuit, & doluit, quod offendisset bonitatem infinitam sui dilecti Salvatoris, adeoque amore filiali detestabatur, quidquid displicere posset tantæ bonitati. *Egressus* foras, flevit amarè. Viden ergo, quanta sit stultitia sit offendere Deum, cum ad absolutionem à sacerdote obtinendam exigatur attritio, quæ ex tot capitibus potest esse adulterina, falsa, & inutilis. Examina ergo sedulo conscientiam tuam, penetra, & lustra tuum cor, nam si tua pœnitentia unico tantum defectu exsupradictis laboret, puta si sit, cusa est adulterino metallo, si sit naturalis, mutilata, est invalida, & infructuosa.

Matt. 26.

Verum si nullo defectu laboret, si sit vera, sincera, cordialis, si detesteretur omnia peccata, de illis doleat ex motivo supernaturali, & generali, velut justa moneta in curia Divinæ justitiæ acceptabitur, & ita dilves tua debita, hypotheecam tuam redipes, lytrum ruorum peccatorum solves, & in possessionem Regni cælestis immitteris.

Amen.



# SERMO VIGESIMUS

Pro Dominica Palmarum

De examine Conscientiæ.

*Solvite, & adducite mihi. Matt. 21.*

E X O R D I U M.

**P**ostquam moyses vocatus esset à Deo, ex Rubo ignis ad montem Horeb, Moyses, & is subito ascendere vellet, dixit Deus ad eum: Ne appropies huc, *solve calceamentum de pedibus tuis.* Nos omnes vocamur hodie à Christo, qui latet in Eucharistia tanquam sub amoris rubo, vult ut omnes, qui peccatores sumus designati per pullum asinæ, quem iussit per duos Discipulos ad se adduci, ad eum veniamus, & appropinquemus. Sed ne sordidetur tua peccata venialia, nam ideo ante sumptionem Eucharistiæ voluit Discipulis lavare pedes, ut ita mundi eam reciperent. Quod cum ita sit, cur non vult, ut ligulas calceorum cultro discindamus, ut ita citius ad eum venire possimus? Res hæc non caret mysterio. Non vult ut funes quibus peccatores ligantur, hoc est peccata scindantur, sed solvantur, quod enim scinditur citò dissolvitur, quod autem solvitur, hoc non ita citò dissolvitur, quia adhibentur ungues, & illi diligenter impenduntur, ut nodi extricentur, ut nos discamus hac septimana, antequam accedamus ad confessionem, ungues examinis adhibere nodos peccatorum explorando,

de quo examine, quomodo institui debeat agit Auditor hac concione.

*Reccitabo tibi omnes annos meos, in avaritudine animæ meæ. Isaia 38.*

**I.** Secunda pars Sacramenti penitentia, est Confessio in qua Vicario Dei in Spiritu humilitatis, & contrito corde aperimus, & declaramus defectus nostros, ut per superabundantem Dei misericordiam, & merita Filii ejus, remissionem, & condonationem impetremus. Verum tamen, sicut Oeconomus, qui obligatur ad reddendam rationem Domino suo, Vel Receptor, Superintendenti finauciarum, si vel minimum sapiat, antequam rationem reddat, prius evoluit computus suos, perlustrat registra receptorum, & expositorum, & omnium accuratè subducit calculum. Sic etiam examen conscientia præcedere debet Confessionem, ut sit bona, valida, legitima, & ex omni parte perfecta. Tria vobis proponam puncta, materiam hanc concernentia. In primo declarabo, examen faciendum esse; in secundo, circa quid faciendum sit, & in tertio, quomodo faciendum sit. Tu nobis hujus præclarum dedisti exemplum, O Virgo Sacratissima!



ma! Tu es excellentissima illa mulier, tantoperè deprædicata in Proverbiis; de te dictum est: *Consideravit semitas Domus suæ.* Non dicit *Vias*, sed *semitas*. Dum enim in hoc conversaberis mundo, non solum examinabas vias tuas, actiones nimirum graves, & magnæ consequentiæ, sed insuper diligentissimè perferutabaris minimas conscientiæ tuæ semitas, secretiores cogitationes, & inclinationes cordis tui, minimos motus corporis tui. Faciebas insuper tanta perfectione opera tua, ut semper grata, & accepta esset, & Creatori, & Creaturis. *Gratia plena.* Hanc tibi qualitatem tuus attribuebat Angelus, dū te hisce saluaret verbis: *Ave Maria.*

## IDEA SERMONIS.

*Primo examen faciendum esse, secundo super quo tertio, quomodo.*

## PUNCTUM PRIMUM

*Examen faciendum probatur primo scriptura, secundo Patribus, tertio Comparationibus, quarto rationibus, primo, quia utile ad perfectionem, secundo, quia necessarium ad contritionem.*

Gal. 6. II: **F**ratres si praoccupatus fueris homo in aliquo delicto, vos qui spirituales estis, huiusmodi instruite in Spiritu lenitatis, considerans te ipsum. Mirabilis revera, & exoticus loquendi modus Apostoli in his verbis, & magnum continens vitium contra grammaticam hominum;

*Vos qui Spirituales estis: Considerans.* Omnibus scribens Galatis, loquitur in plurali, dicens. Vos qui spirituales estis, instruite, corripite illos, qui errant. Subitò mutans stylum, & ac si tantum loqueretur uni, dicit in numero singulari: *Considerans te ipsum.* Non te moveat hic loquendi modus. Optimè novit Apostolus quid dicat; non loquitur in ventum, Spiritus Sanctus est, qui ipse animat cor, & instruit, ac ducit calamum; Nam Grammatica Dei, longe diversa est ab illa hominum.

Illa hominum grammatica non docet, nisi bene loqui; illa vero Dei documenta tradit bene vivendi. Dicit in plurali: Vos qui spirituales estis, instruite illos qui errant, nam magis est numerus illorum, qui Spirituales, vel sunt, vel se esse existimant, sicut & illorum, qui iudicant, corripiunt, & instruunt alios. Deinde dicit in singulari: *Considerans te ipsum.* Eo quod valde exiguus sit numerus illorum, qui examinant seipsos, reflectendo oculos considerationis suæ ad propriam conscientiam, cum tamen salutarior, & laudabilior scientia, quam homo in hoc mundo acquirere potest, sit cognitio sui ipsius.

III. Propheta Jeremias nos monet, perfecte hanc addiscamus lectionem, si velimus converti, & ad Deum redire, hortatur ut sedulò examinemus cogitationes, verba, & actiones nostras, quas appellat vias: Nam si sint bonæ, nos conducent ad Deum; si vero sint vitiosæ, nos seducent, & ad infernum pertrahent. *Scrutemur, ait, vias nostras, & quæramus, & revertamur ad Dominum: Thren. 3.* Et devotus, ac mellifluus Bernardus, scri-



Lib. 2. de  
considerat  
cap. 3.

scribens ad Eugenium Papam, confiderenter notabilia hæc illi inculcat verba: *Noveris licet omnia mysteria, noveris lata terra, alta cœli, profunda maris, si te nescieris, eris similis adificanti sine fundamento, ruinam, non structuram faciens: Non est sapiens, qui sibi non est, à te incipiat tua consideratio, non solum autem, sed & in te finiatur, quocunque evagetur, ad te revocabis eam cum salutis fructu. Tuprimus tibi, tu ultimus, sumetibi exemplum de summo omnium Patre, verbum suum emittente, & retinente. Verbum tuum, consideratio tua, qua si procedit, non recedat, sic progrediatur, ut non egrediatur, si exeat, ut non deserat.*

Sancti Patres Basilii, Hieronymus, Ephrem tantundem dicunt, & magno fervore monent, & hortantur ad faciendum examen conscientie, tanquam rem maximi momenti, ad acquirendam puritatem cordis, & perfectionem Christianam. En similitudines, quas in hunc finem adducunt: Vineæ, quæ non putatur, sarmenta producit superflua, quæ bonum impediunt fructum. Terra, quæ non emundatur, malas generat herbas, & lolis, ac carduis fit hispida. Cubiculum, quod nunquam everritur, peripsema evadit immunditiarum, navis, cujus sentina nunquam evacuatur, infallibiliter tandem demergi ur. Corpus humanum, quod nunquam purgatur, vel beneficio naturæ, vel auxilio medicinarum, in sanitate conservari nequit. Anima, sanctitatem acquirere non potest, nec acquisitam conservare, nisi sapius emundetur, & renovetur per examen conscientie. Optime monet S. Bernardus: *Vitam tuam quotidiana discussione examina, attende diligenter*

*quantum proficias, vel quantum deficias, qualis sis in moribus, qualis in affectibus.*

IV. Flores apparuerunt in terra nostra, tempus putationis adventit. Quem locum idem mellifluus Doctor explicat de examine Conscientie, dicens: *Toti incumbamus huic operi, tam sancto, tam necessario, & in eo se quisque iudicet profecisse, non cum invenerit, quod reprehendat, sed cum quod invenerit, reprehendet.* Merito dicit: *tam sancto, tam necessario*, cum nihil utilius, & magis proficuum sit ad sanctificandam, & perfectionandam animam devotam; nihilque tam necessarium.

*Tam necessario.* Nihil enim tam necessarium ad conversionem animæ peccatricis, quæ non convertitur nisi per poenitentiam. Poenitentia autem tres habet partes, contritionem cordis, Confessionem oris, & satisfactionem operis. Examen autem ad omnes has tres partes necessarium est. Tempore S. Bernardi adagium hoc commune erat. *Quod non videt oculus, cor non dolet.* Quidam antiquorum, acutè notavit, quod per providentiam divinam, natura destinaverit eundem sensum, ad lachrymandum, & videndum, eo quod non soleamus deplorare nisi mala, quæ videmus. Facile mihi, credo, conceditis, quod ille qui studiosè, & magna diligentia considerat gravitatem, divinitatem, numerositatem magnam, & pessimos effectus suorum peccatorum, & hoc distinctè, & minutim, facilius concipiet dolorem, & magnam poenitudinem, quam ille, qui exiguam adhibet reflexionem, & cui sufficit taliter, qualiter illa, in aurem narrare sacerdotis, ac si historiam narraret, & insu-

In medit  
cap. 1.



1. Moral.  
cap. 19.

per illa vix sacerdoti referre & explicare potest, nisi examinetur. In hanc sententiam præclare S. Gregorius: *sape, inquit, quod bono studio gerimus, dum discere caute negligimus, quo judicetur sine nescimus, & nonnunquam hoc sit reatus criminis, quod putatur causa virtutis.*

T. Hinc concludunt Doctores, examen hoc ante Confessionem non solum esse de consilio, sed de præcepto, & obligatione. Nam quando Deus, vel Ecclesia nobis aliquem præcipiunt aliquid, non illum solummodo, & simpliciter præcipiunt quoad substantiam operis, sed etiam quoad omnes circumstantias necessarias ad illum bene & perfecte adimplendum. Exempli gratia. Præcipit Ecclesia ut sacerdotes cantent, & recitent officium divinum, non injungit illis, ut illud recitent ore tenus taliter qualiter, sed cum interiori attentione, & exteriori respectu & modestia.

Agedum, Deus & Ecclesia nos obligant ad confitendum sacerdoti omnia peccata mortalia, quod debite facere non possumus, nisi confessio sit præmeditata, nisi serium conscientiae examen præcedat. Qua propter præceptum confessionis nos obligat ad hoc examē, & concludunt Doctores Theologiae, quod dum quis per notabile temporis spatium confessus non fuit, multis etiam implicatus fuit negotiis, plurima commisit peccata; tantum similiter temporis, tantum diligentiae & sollicitudinis ad hoc examen applicare debeat, quantum impenderet in negotio aliquo temporali, magni momenti, verbi gratia; quantum laborare deberes, si tibi ratio reddenda esset, de quaestura, vel medio sustentationis. Dum autem tantum impen-

disti temporis, & diligentiae rationabilis tunc amplius anxius, & scrupulosus esse non debes, ac si non satisfacisses obligationi tuae, nec timore vano torqueri, quasi fecisses confessionem invalidam, licet ex fragilitate humana plurimum peccatorum oblitus fueris. Si vero postmodum illorum tibi occurrat memoria, confitenda erunt eidem sacerdoti, vel alteri.

Est etiam examen hoc valde necessarium ad satisfactionem, & correctionem vitae nostrae; dum enim factum fuerit, prout oportet, in illo reperiemus imperfectiones bonorum operum, quae fecimus, sicut & scaturiginem, & radicem malorum, quae patravimus. Perpendimus pariter, quomodo nos emendare possimus, quomodo impendere tempus, quomodo ordinare, & regulari oeconomiam actionum nostrarum velimus. Hac de causa Pythagoras, quantumvis Paganus, suis consulebat discipulis singulis vespers, antequam se quieti darent, seipsos ut examinarent.

*Nec prius in dulcem declinat lumina somnum,*

*Omnia quam longa repetiuerit acta dies.*

PVNCTVM SECVNDVM,

*Quid examinandum? Primo peccati essentia, secundo circumstantia personae, quantitatis, modi, finis, tertio causae, quarto effectus.*

VII. **E**Xamen quod præcedit confessionē dirigi debet super es-



sentia, circumstantias, causas, & effectus nostrorum delictorum. Primo enim essentia examinanda est. Nam Concilium Tridentinum declarat, nos obligari ad aperiendum sacerdoti diversas species nostrorum peccatorum, & si mortalia sint, etiam quantum fieri potest, eorum numerum. In hunc finem percutienda sunt praecepta decalogi, & Ecclesiae, investigandae cogitationes voluntarie admittae, verba prolata, actiones patratae, bona opera contra sanctam Dei legem omittenda. Ut hoc opere vobis simus auxilio, duas sat longas servabimus vobis lectiones Catechisticas, in quibus minutim, & particulatim recensere potuistis contra legem Dei, & Ecclesiae, ad quas si salutis vestrae vos tangat cura, diligenter comparebitis.

Cum autem plurimae circumstantiae, novam addant peccati speciem, actui vitioso, vel notabiliter aggravando malitiam, illae sollicitae expendendae sunt, ut clare explicari possint in confessione, dum necessarium fuerit; vel etiam ad concipiendum majorem horrorem, dolorem, & poenitudinem peccatorum, quibus infecti sumus. Sunt autem quatuor circumstantiae necessario explicandae, qualitas nimirum personae, quantitas materiae, modus, quo actus est perpetratus, & intentio finis, ad quem actus fuit directus.

VIII. Prima est, qualitas personae peccati, vel cum quibus peccavit, vel contra quem peccavit. Verbi causa, in materia impudicitiae, an sit persona matrimonio juncta, Ecclesiastica, Con-sanguinea. In materia irrogatae injuriae: offensa gravior est, dum percutis sacer-

dotem, quam Laicum. Si contumeliam inferas Parenti, quam famulo inferres; si detrahas Praelato tuo, quam si detraheres servulo instititoris. Ecclesiasticus examen instituens, ut majori percellatur dolore, sibi imaginetur, quod Salvator noster ipsi dicat: *Si inimicus meus maledixisset mihi, sustinuissem utique, tu vero homo unanimis, dux meus, & notus meus, qui simul mecum dulces capiebas cibos.* Si Judaeus quispiam, Arabs, aut Japonensis me offendisset, injuria esset magis tolerabilis; cum ab inimico non expectetur, nisi hostilitas. Si Rusticus aliquis qui pauperem, miseram, & necessariis destitutam ducit vitam, praecepta mea transgrediat: Si muliercula aliqua idiota, ignorans, & male educata, committat aliquod peccatum, erunt forte magis excusabiles.

IX. Verum tu sacerdos, Religiosus, Beneficiarius cam sis, qui tantum mihi obligaris, qui tam bene fuisti instructus, qui tantum habes lumen, tantam cognitionem; qui delitiosè de patrimonio meo vivis, quem toties, & tam tenere nutrio propria mea carne, quod inquam tu tanta committas peccata, quae nosti mihi infinitè displicere, hoc est, quod me sensibilius affligit, & displicet.

Si Filius familias instituat examen, haec expendat: Si non contristasset nisi sodalem meum, vel extraneum quempiam, transire posset; sed cum propriam contristaverim, & afflixerim matrem, matrem inquam, quae me tanta nutruit sollicitudine, quae me tanto educavit labore, quae mihi abblandiata fuit tanta teneritudine, quae mei causa tantas sustinuit incommoditates, cum illi fuerim causa offensa, cum illi arroganter re-



responderim tanquam vilem ancillulam allocutus fuerim, & ferme præ afflictione mortem causaverim, an non verè degener reputandus sum? an non pro vero ingratitudinis monstro habendus sum?

Quantitas furti, vel damni illati, plurimum etiam aggravat peccatum, non solum, cum damnum infertur personæ particulari, sed etiam cum infertur pluribus, quantumvis exiguum sit, & parvæ consequentiæ, quoad quemlibet in particulari. Sicut cum in vendendo falso uteris pondere, falsa mensura, dānum quod infers singulis exiguum quidem est; Summa vero, quam tam parvis furtis congregare intendis, & injustitia, quam committis magna est, & maximæ consequentiæ.

Modus etiam, quo peccasti pensandus, & examinandus est, cum sæpe novam peccato tuo adjungat speciem, vel illius malitiam notabiliter aggraveret. Exempli causa, cum ad peccandum, adhibes complices; cum uteris famulis tuis, aut aliis personis, ut tibi in illo favori & auxilio sint, & illud celent. Cum inducis Notarium, ut diem, sive datum retrorsum ementiatur, vel aliam committat falsitatem. Cum pertrahes simplici rustico, ut falsum dicat testimonium, famulo tuo, ut sit internuntius turpis amoris tui. Si, cum sis Dominus Parochiæ tuæ, irreverenter tractes Parochum tuum, & malo tuo exemplo ad hoc ipsum in ducas subditos tuos. Si, cum sis Paterfamilias blasphemus, detrahas, aut mala loquaris verba in præsentia domesticorum tuorum, & ipsi à te addiscant similiter loqui, & blasphemare.

X. Verum circumstantia, quæ vel maxime debet investigari, & quæ insensibiliter criminofum reddit actum, est mala intentio. Dicit Aristoteles, quod ille, qui furatur, ut habeat media adulterandi, ipso actu quo furatur magis reputandus sit adulter, quam fur. Et Salvator noster in Evangelio malam carpens intentionem, inquit: *Si oculus tuus nequam fuerit, totum corpus tuum tenebrosus erit.* Ac si dicat: si reperiatur malitia in oculo tuo, id est intentione tua, totum corpus actionis tuæ vitiosum, & tenebris repletum erit. Hinc plurimi in hora mortis suæ, & judicii divini, invenient omnia opera vitæ suæ, vel saltem pleraque corrupta, cariosa, & putrida, eo quod aliud in iis non quæsierint, nisi seipfos, proles suas, promotiones, proprium commodum, & stabilimentum fortunæ suæ.

Post circumstantias, examinanda venit peccatorum causa, vel ut exprimatur in Confessione, quod sæpe necessarium est, vel ut eradicetur, quod semper utilissimum est. Quandoque causa hæc exprimenda est: fieri enim potest, quod illud, quod de se peccatum non est, vel ad summum veniale est, eo quod sit involuntarium, in causa sua omnino voluntarium, & in excusabile crimen sit. Ille qui in ebrietate consuevit blasphemare, uxorem percutere, aut alia inordinata agere, plurimum blasphemiarum, & aliarum pravarum actionum se culpabilem reddit, quotiescunque se inebriat, cum hæc futura præviderit. Eodem modo, illusiones turpes, quæ in somno contingunt; durante somno voluntariæ non sunt, pro talibus autem reputandæ sunt, dum procedunt ex cogitationibus lascivis.



lascivis, in quibus quis die precedente voluntariè, & morose delectatus fuit. Parimodo, qui ad omnem discursum jurare consuevit sine ullo timore, sive verum dicat, sive non, peccatum perjurii committit, quoties namque falsum jurat, etiam inadvertenter, tunc illi voluntarium fit in sua causa, mala nimirum consuetudine, quam negligit eradicare. Si in officio tuo committas errores, eo quod à Deo lumen non postulaveris, vel bono alicui amico licentiam, & libertatem denegaveris te admonendi, & corripiendi, errores illi tibi imputantur, licet illos non cognoscas: & quidem eo magis, si sit ignorantia crassa illius, quod vi officii scire teneris, cuius indignus, & incapax es.

Quamvis obligatus non esses, taliter peccatorum tuorum in confessione explicare causas, utilissimum tamen est illas in examine perquirere, ut te emendes. Sicut enim, si velles arborem aliquam mortificare, melius medium non erit, ramos ejus præscindere, sed radicem evellere; sic ut pravam emendemus consuetudinem, bonum erit, præscindere actiones quas producit, sed melius erit, tollere causas ejus, ad quod etiam obligamur, si seriò intendamus veram facere confessionem. Dic, amabo, quæ est causa juramentorum tuorum? Est lusus chartarum, alearum &c. intemperantiæ, & pravorum colloquiorum, tabernæ, maledicentiæ, & inhonestarum cogitationum, societas adolescentum, & puellarum. Si igitur vere pœnites, evitabis tabernas, tabulas luforias, pravas, & mundanas societates.

XII. Breviter. In examine etiam

considerandi effectus, è peccatis nostris procedentes, nam hi sæpe actum reddunt mortalem, qui de se non erat nisi venialis, indifferens, vel licitus. Mali hi effectus quandoque sunt prævisi, & intenti, quandoque prævisi, & non intenti, quandoque nec prævisi, nec intenti, nos tamen illos prævidere, & evitare debuissemus, & in omnibus hisce casibus nobis imputantur, & augent peccati malitiam. Exemplo rem declaremus: Revelas occultum peccatum alterius personæ quâ nosti non minus servare secretum, & silentium, quâ fragorem tonitruum, & hoc ea de causa, ut per illam toti innotescat mundo, quis dubitat te non solum detractionis tuæ reum, verum & omnium aliarum, quæ ex tua ortæ sunt? Negligis scribere actus clientis tui, aut perillustrare ipsius processum, quia majoris tempus terere lusu, & aliis delitiis sensualibus; nimium rem differs, & tamen ob exiguam hanc dilationem prævides negotium retardandum ad tres, quatuorve menses, notabile inferendum damnum clienti tuo, qui in loco processus morari cogitur cum magnis expensis, & prævides hæc, sed non intendis. Damnum hoc notabile, quod provenit ex tua negligentia, aut conniventia, te reddit magis criminofum, licet ejus effectus, nec sit prævisus, nec intentus, cum enim ordinariè, & naturaliter oriatur ex nostra actione, illam inficit, & vitiosam reddit. Par ratio est in gestibus, sive actibus minus honestis, si fiant in conspectu tuorum domesticorum, qui inde haurire possunt imaginationes turpes, Sæpe jurare, etiam in re vera in præsen-  
tia



tiaprobiū, qui exinde jurare addiscunt, etiam ad confirmanda mendacia.

### PUNCTVM TERTIVM.

*Quomodo examen faciendū,  
docetur per Paraphrasin verborum  
Jeremia: Sedebit solitarius, &  
tacebit.*

Thre. 3.

**V**idimus hactenus examen faciendū esse, & circa quid faciendum sit: addiscamus jam a Propheta Jeremia quāliter instituendum sit. *Bonum est*, inquit, *viro cum porta verit jugum ab adolescentia sua, sedebit solitarius, & tacebit, qui a levavit se super se.* Tot documenta quot verba. *Bonum est viro cum porta verit jugum.* Ecce privatum magni momenti in hoc examine, magno fervore amplecti jugum Salvatoris, firmū facere propositum, vitam instituere secundum leges Christianas, conformare actiones nostras, non legibus mundi, sed praeceptis Dei, & lumini Evangelii.

*Sedebit.* Hic est situs judicis. *Sedebitis & vos judicantes.* Sæpe, cum in mentem revocamus delicta nostra, ubi nos merito judicare deberemus, omnia potius interpretamur in favorem nostrum; ubi nos ipsos condemnare deberemus, nobis adulamur, minuius in animo nostro gravitatē nostrorum criminum, excusamus per debilitatem nostram, per difficultatem mandatorum Dei, per nimiam tentationis violentiam, per malam societatem uxorem, proles, &c. Hinc procedit, quod non concipiamus verum horrorem, & dolorem de criminibus nostris. Ignavi sumus, & nimium indulgentes circa nos

iplos ad puniendum, & corrigendum peccata nostra. In hoc negotio non oportet te agere advocatum, sed judicem. *Sedebit.*

*Solitarius.* Magnum Secretum, & optimum remedium ad fructuosē instituendam confessionem generalem, & Crisin salutarem, qua perfectē interiori restituamur sanitati, est octo vel decem diebus se addicere exercitiis Spiritualibus, subducere se in Secretum locum, ab omnibus segregari exterioribus negotiis; & interim non vacare aliis nisi orationi, meditationi, lectioni piorum librorum, examini vitæ nostræ, & nos excitare ad veram poenitentiam, & emendationem nostrorum peccatorum. *Sedebit solitarius.* Dum te ita examinas, & recolligis in solitudine, velim tibi imaginari, te unicum & maximum esse peccatorem totius mundi. *Delictorum patrocinium, est delinquentium turba.* Causa; cur tibi peccata tua exigua videntur, & venia digna, est, quia alios plures vides vivere, blasphemare, inebriari, detrahare, sicut tu facis, & in hac turba, ac multitudine tibi crimina tua videntur tecta, & occultata.

Sed cum stabis ante judicium Dei, solus eris: *Sedebit solitarius.* Si non esset alius blasphemator, adulter, fur, detractor in mundo, quam tu, & quam apparerent crimina tua difformia, inordinata, & horrenda, merito habendus esses pro abominabili, & horrendo monstro ab omnibus hominibus. Verum, aliorum delicta, tua non excusant coram Deo, & sanctis Angelis, dum enim tribunali ejus presentatus fueris crimina tua tam nigra, monstruosa, execrabilia, punitione digna apparebunt, quam,



quam si nullus alius præter te illa commisisset, quod velim tibi fortiter persuadeas, & supponas, dum solitarius cum Deo tractas, ut te perfectius ad poenitentiam præparare valeas. *Sedebit solitarius.*

*Et tacebit.* Silentium imponendum est passionibus tuis, supprimendæ inclinationes, & affectiones particulares. Passiones tuæ merito comparantur falsis perspicillis, quæ literas multo minores representant, quam verè sint. Defectus tui, tibi exigui, & leves videntur, cum illos non intuearis nisi per tuos proprios affectus, & hinc illorum agis advocatum, non iudicem. Proprius amor tibi blanditur, rationes tibi offert ad coloranda, minuenda, & justificanda delicta tua; Prosequeris hunc processum, tanquam injuriosum, in apparentia quidem ex Zelo justitiæ, & adreparationem honoris tui, in effectu autem, si bene scruteris cor tuum, ex Spiritu vindictæ, & ad nocendum proximo. Continuo molestas, & vexas hanc puellam, cujus es noverca, reprehensionibus & injuriis, incessanter obtundis, specie quidem correctionis & emendationis; Sed si rem depositis passionibus examines, reperies metam esse aversionem.

*Levavit se super se.* Ut apprehendas gravitatem tuorum criminum, & intentum de iis concipi dolore, necesse est ut separe te à te metipso, & eleves

in Deum. *Sensibile supra sensum positum, non facit sensationem.* Illi, qui (salvis auribus) emundant loca secretiora, & semper sunt in illis sordibus, fetorem non percipiunt; bene autem illi, qui suavis affectu sunt odoribus. Pariter & tu tuorum criminum enormitatem non advertis, & quod illis totus sis immersus, & conglutinator, eleva autem te quandoque super te, & considera quis ille sit, quantum illi obliheris, quanto odio detestetur peccatum; Perte ab illo gratiam cognoscendi hæc motiva, illisque vere tangi, & angere: Dic illisæpius cum S. Augustino, & Francisco. *Noverim me, noverim te.* O magne Deus. *Noverim me,* imperfectiones meas, infirmitates meas, nihilitatem meam. *Noverim te:* Magnitudinem tuam, excellentiam tuam, perfectiones tuas infinitas. *Noverim me.* Ingratitudinem meam erga te. *Noverim te.* Misericordiam tuam erga me. *Noverim me.* Nam hæc cognitio initium est veræ sapientiæ. *Noverim te.* Hæc cognitio complementum veræ perfectionis. *Noverim me.* Cum vero odio, & abominatione illius, quod sum ex me. *Noverim te,* Cum amore & admiratione illius, quod es tu. *Noverim me.* ut me humiliem, confundam, & deprimam infra omnes Creaturas, noverim te, ut te benedicam, laudem,

& glorificem in sæcula  
sæculorum. Amen.



# SERMO VIGESIMVS PRIMVS.

Pro festo Sancto Paschæ.

*Surrexit non est hic. Marci. 16.*

## EXORDIUM.

**C**hrisum Dominum hodie suis promissis steterisse, clarè videmus, prædixit siquidem Ioannis secundus, & Lucæ 18. se surrecturum: *Solvite templum hoc, & in tribus diebus reedificabo illud: Ecce ascendimus Hierosolymam &c.* quod & ipsi Pharisei testati sunt ad Pilatum. Sed tamen non obstantè, quod duo Discipuli in Emaus de hoc dubitarent Lucæ 24. & Thomas hæsitaret, tamen mulieres contestantur eum verbo suo steterisse, & promissa servasse, quod adeo verum est, ut necdum elapsa sit dies Tertia: Utinam, utinam omnes Christiani hodie sua promissa servarent, quibus aureos montes spondent in sacra confessione, quibus promittunt, quod se velint emendare, sed vereor ne ansam habeam plorandi potiori iure, quàm Xerxes, qui considerans selectissimam iuventutem Asiæ in campum eductam, intra paucum tempus morituram, amare flevit, nam dum ego considero insignem Juventutis florem, quem hodie Sancta Mater Ecclesia in campum educit, meritò lugeo, dum plures non considero brevi morituros, sed jam mortuos, nec cum Christo resuscitados. Sed unde

hoc, inquires scio? Ex eo quod, non habeant verum propositum se emendandi, quod tamen est necessarium ad veram pœnitentiam, per quam resurgimus à peccato. De hoc proposito agemus cum auctore, hac concione.

*Noli amplius peccare Joann. 1. v. 14. & cap. 10.*

I. Heri diximus, quod is, qui examinat suam conscientiam, debeat habere *Seff. 14. Cap. 4.* veram voluntatem, & propositum efficax corrigendi suos errores, & emendandi vitam; nam sacrum Concilium Tridentinum explicans primam partem pœnitentiæ, quæ est contritio, asserit hanc esse dolorem, & detestationem de peccatis commissis, cum proposito non peccandi de cætero. Hodie ergo primo ostendam, quomodo hoc propositum sit utile, & necessarium ad nostram conversionem, secundo, effectus, quos in nobis producit, si sit verum, & sincerum. O sacratissima virgo, nos à Deo per tuam intercessionem illud flagitare debemus. Tu quotidie in precibus Ecclesiasticis comparâs Turri eburnæ, *Turris eburnea.* Ebur est Symbolum tuæ puritatis, & sanctitatis in com-

para-



parabilis. Turris denotat tuam constantiam, & stabilitatem in gratia, & sanctitate. Aliis sanctis, quamdiu vixerunt in hoc mundo, dictum est: *Cum timore, & tremore operamini vestram salutem.* Tibi autem quotidie dicitur. *Ne timeas.* De hoc te asscurat Angelus, dum te salutavit dicens: *Ave Maria.*

## IDEA SERMONIS.

## EXORDIUM.

*Immutabilitas Dei procedit ex eius simplicitate, sic conversio, ut sit constans, debet esse simplex, nempe cum sincero proposito nunquam peccandi.*

II. Quid si vermiculo terræ crasse, & rudi modo licitum sit loqui de eminentiis Regis celestis, ego Spiritus sanctam, & dicam, immutabilitatem esse perfectionē illam, quæ reliquas omnes & stabilit ejus Regium thronum, & Deum in pacifica possessione suæ beatitudinis collocat. *Ego Deus, & non mutor. Nō est Deus sicut homo, ut mutetur. Tu autem idem ipse es.* Et Ecclesia in suo penso canit:

*Rerum Deus tenax vigor  
Immotus in te permanens.*

Hæc perfectio Divina hoc argumento facili ter demonstratur. Omnis mutatio sit circa bonum, vel malum, in acquisitione alicujus rei. Quod si Deo advenire posset aliquod bonum, non esset omnino perfectus, quia aliquid accederet ejus essentiæ; similiter si aliquid pos-

set amittere, ille non esset omnino beatus, quia continuo esset in periculo, timore, & apprehensione, quod aliquid perderet. Sanctus Augustinus, qui præditus est Spiritu sapientiæ, & dotatus ingenio politissimo, radicem, & nodum tangit, hanc addendo rationem. *Nihil simplex mirabile est*, ita ut immutabilitas proficiscatur ex ejus simplicitate. Quælibet mutatio supponit congeriem, & compositionem plurium partium, aut qualitarum. Sic verbi gratia, tu qui nunc es doctus, & probus, potes mutari in indoctum, & improbum, quia aliud est tu, & aliud est tua doctrina, & virtus. Perfectè simplex nequit mutari, neque per diminutionem, neque per alterationem, nisi totum destruat, & annihiletur. Verbo, quando non datur nisi unus gradus nigredinis, tu hanc non potes alterare, nisi totam corrumpas, & destruas. Similiter si tantum sit unus gradus luminis in ære, tu illum nequis offuscare, nisi omnino illum extinguas.

Deus itaque, cum sit immortalis, æternus, incorruptibilis, & ejus essentia sit actus purissimus, maximè unus, simplicissimus, indivisibilis, compositionis expertus, nequit esse capax alicujus mutationis, sed essentialiter, & perfectè est immutabilis. *Ego Deus, & non mutor.* Et hæc est causa, cur Spiritus Sanctus tam instanter urgeat, ut illi, qui Deum accedunt sint simplices corde; & detestetur, ac abominetur duplicitem. Sapiens dicit: *Quærite Deum in simplicitate cordis.* Deus similiter optimus, texens catalogum laudum sancti viri Job, in præsentia suorum Angelorum dicebat: An vidisti servum meum Job, quod

Lib. 6.  
de Trinit.  
c. 6.

Malach. 3.  
Num. 32.  
Heb. 1.

Sap. 11.



Job. 1.  
Eccles. 1.  
v. 36.

non sit similis illi? Vir est valde simplex. Insuper Ecclesiasticus monet cave sis, ne Deum adeas duplici corde. Et ibidem: *Va duplici corde.*

PUNCTVM PRIMVM.

*Ostenditur necessitas hujus propositi, quia sine eo conversio non est vera, nec forma, quod probatur primo scripturâ, secundo Patribus, tertio Conciliis, quarto ratione.*

Jacob. 1.

II. S Anctus ergo Augustinus nobis dixit, quod immutabilitas manet à simplicitate. Idem quoque contingit in moralibus, quando nostra conversio est simplex, & sincera tunc est perfecta, & constans. Hinc Sanctus Jacobus: *Vir duplex animo inconstans est in omnibus viis suis.* Quænam est causa, quod tot Christiani tam citò violent promissa, quæ promiserunt confessariis? Unde venit, quod proposita, quæ videbantur sumpsisse emendandi vitam, tam parum durent, & adeo sint instabilia, & inconstantia? Non fuerunt simplicia, sed duplicia, ac multiplicia. Quod si paulisper attentius lustres statum tuæ animæ, & stationem tui cordis in pluribus confessionibus, & videbis, quod in eo deliteant plures fraudes, & quidem adeo subtiles, palliatæ, & simplices, ut non solum decipias confessarium, sed & teipsum. Fateor quod confitearis plorando, sentis nescio, quam teneritudinem, & emollitionem cordis, tu insignes facis protestationes, sed si fundum cordis inspicias, videbis quod non ha-

beas verum propositum & alia ad hoc necessaria te emendandi. Id deplorat Deus per suum Prophetam Jeremiam: *Non est reversa ad me pravericatrix in toto corde suo, sed in mendacio.* Et Sanctus Paulus, *Nolite errare Deum, non irridetur.*

Jerem. 3.  
Gal. 6. v. 7

III. Porro irridere Deum juxta Sanctos Patres nil aliud est, quam non poenitere, & plorare, ac confiteri aliquod peccatum commissum, & simul novum committere, quod derefari, & deplorare deberemus. Hinc Isidorus. *Irrisor est non poenitens, qui commissa plangit, & plangendo committit. Lavamini, mundi estote. Lavatur & mundus est, qui & praterita plangit. & flenda iterum non committit.* Irridere itaque Deum est, habere voluntatem patrando aliquod peccatū, esto hoc foret post quinquaginta annos, & talis confessio. *Non est poenitentia*, inquit Chrysostomus, *sed larva poenitentia.* Sunt nonnulli concionatores, qui in quadragesima acri verborum aceto perfundunt eos, qui larvati fuere in bacchanalibus, & quidem meo judicio non adeo congruè, quia jam id est factum, nec id hoc anno iterum fiet. Verum sunt alii larvati, contra quos deberet stringi gladius oris, & concionum fulmina euibrari, nempe larvatos illos, qui in quadragesima, in septimana sancta, die Sancto Paschæ larvati sunt, perstringere deberent confessiones larvatas, & personatas. In bacchanalibus soli adolescentes perulantes, & dissoluti larvas induunt. Ut in septimana sancta cujusque conditionis homines larvati sint. Illi induunt vultus adulterinos, hi suscipiunt Sacramenta fucata; illi larvati in-

Lib. 2. de  
summo bono  
cap. 16.

cedunt



cedunt per plateas, hi in ecclesiis, illi post officium Divinum, hi sub ipso officio, illi homines plebejos, & viles momentad risum, hi lachrymas Angelis excutunt. Tu te accusas in confessione, quod duxeris choreas, quod frequenteris domum aleatorum, popinam, quod spectaveris comœdiam, quod levitates multas exercueris in bacchanalibus, sed quâsote, parumper edic, res est, an non verum sit, quod in fundo tui cordis taceat voluntas, eadem committendi anno sequenti? Tu confiteris, quod arcam exercueris tabulariam, in processibus, quod nudis brachiis, & pectore incesseris, quod pannum retinueris, quod non fideliter serviveris, sed discodes, an non verum est, quod post Pascha, post missionem eadem rursus patrare velis, quando occasio sese offeret? Tua confessio est larvata, & adulterata, fucata. *Non poenitentia, sed poenitentia larva*; Nam juxta magnum Gregorium: *Poenitentiam agere est perpetrata mala plangere, & plangenda non perpetrare.*

Hom. 34.  
in Evang.

IV. Sacro Sanctum concilium Tridentinum, & Sancti Patres docent, poenitentiam esse secundum baptismum, ratificationem, confirmationem, vel ut melius dicam, confirmationem prioris. Est renovatio illius, quod inter Deum, & nos factum est in baptismo. Est novella conventio, foedus, transactio, quâ Deo pollicemur nos observaturos ejus mandata, Deus verò vice versa nobis promittit suum paradisum. Est pactum, pacis actus: Quod si quaeras ab Vlpiano,

quid sit pactum, ille respondebit, quod pactum nil aliud sit, *quam duorum. vel plurium in idem placitum consensus.* Deus itaque nullas admittit inducias, sed vult vel pacem, vel bellum. Nunquam dicit *Inducia*, sed semper *pax vobis, pax huic domui, pax hominibus.* Evoluite tota Biblia, vetus, & novum testamentum, nec unquam reperietis hoc verbum *Inducias*. Quod si ergo confitendo solum intendas cum Deo inire inducias, armorum suspensionem, tu non consentis cum Deo, nec est pactum.

l. 1. f. de  
iustia.

X. Poenitentia est pars subjectiva, furculus, & ramus justitiæ, quæ est secunda virtus cardinalis. Justitiam porro Theologi, & Canonistæ, & Juristæ sic definiunt. *Est constans, & perpetua voluntas cuique suum tribuendi.* Quod si ergo non habeas propositum reddendi obedientiam, quam Divinis debes mandatis, nullo omninò excepto, non es justus, nec consequenter verè poenites. Verum hoc si habeas propositum, tu satisfacis, & plus mereris, quam pures. Nam si habeas bonam voluntatem sanctè vivendi, devotam, & austeram deinceps ducendi vitam, uti nescis, quamdiu sit duratura, an triginta, quadraginta, vel quinquaginta annis, ita scias velim, quod esto moreris intra sex, vel septem, tua voluntas apud Deum est adeo meritoria, ac si quinquaginta annis victurus esses. *Deum, inquit Sanctus Augustinus non annuat facultatem, sed coronat voluntatem.*



## PUNCTUM SECUNDUM.

*Effectus huius propositi, primus est fuga occasionum, secundus est fuga dispositionum, quæ sunt vitia capitalia, quamvis parva, quod probatur inductumne superbie Salomonis, Avaritia Achab, Luxuria Herodiadis, invidia Saulis, gula Esau, Ira Filiorum Iacob. Tertius est extirpatio inclinationum, quæ sit primo per orationem, secundo per fervorem in bonis operibus.*

VI. **Q**uod si hoc propositum sit verum, sincerum, & reale, tunc non est quædam simplex velleitas, & desiderium inefficax, sed est quædam voluntas efficax, prompta, quæ manum applicat operi, quæ media congrua, & necessaria adhibet, ne relabatur in peccata. Tres porro sunt effectus principales huius propositi. Primus est fuga occasionum, secundus est fuga dispositionum, tertius est fuga inclinationum; quo propendimus in peccata. Quoad primum, nos monet Spiritus Sanctus: *Qui caverit laqueos securus erit.* Quod si Deum sincerè ames, si habeas propositum vitam emendandi, tu attendes quid nam sit illud, quod tibi fuit laqueus, quo lapsus es in illud; vel illud peccatum, quid nam sit illud, quod tibi fuit causa, & occasio. Indaga igitur, quænam sit causa, vel occasio cogitationum inhonestarum, quæ tuum cor inquietant, quia videbis, quod sit familiaritas illius personæ, intemperantia in cibo, & potu, confessionis nimis tarda institutio, mutatio confessarii, ne increperis.

*Proverb.  
11. v. 15a.*

Quænam est causa mendaciorum, iactationum, vanæ gloriæ? Societas. Quid nam est occasio iuramentorum, ebrietatum, & aliorum scelerum? Domus aleatorum, vel popina. Manum ergo applica operi, cum hoc sciveris, vitia societates, ludos, popinas; nec hoc debes facere præcisè, & principaliter ex amore tuo, & salutis propriæ, sed amore Dei, ejusque bonitatis.

Quod si ritè sis conversus, tu non solum debes à te, & tua domo omne id proscribere, quod tibi tantum possit esse laqueus, & occasio peccati, sed & omne id, quod cuicumque alteri; & ita non debes incedere nudato pectore, verba proferre inhonestæ, & obscœnæ, coram aliis, tabulas, & statuas asservare nudas, libros retinere obscœnos, quos tui domestici legere possint. Mellifluus Doctor acriter invehitur in illos, qui in Paschate confitentur, & communicant tantum ex consuetudine, vel respectu humano, & dicit: *Propter hoc multi infirmi, & imbecilles, & dormiunt multi,* ut ait Apostolus. *Propter hoc cribrabimus mortalitas* (id est morbi) *in diversis regionibus, specialiter in his.* Deus itaque punit has sacrilegas confessiones, uti punivit sacrilegam communionem in Corinthiis, quia dimidiatè tantum poenitent, nec vitant pericula, illecebras, occasiones peccandi, quod tamen adveram poenitentiam absolute requiritur: nam ut subdit idem Sanctus; *Sit vera compunctio iudicium, impenitentis fuga, substractio occasionum.*

Et Sancta Tereſia in castello animæ dicit, quod impossibile sit, animam immerſam mundo proficere in virtutibus, nec eam sine periculo posse manere in statu

*Serm in die  
Pasche.*



statu, in quo est, nisi negotiis non necessariis se expediat, quantum condicio, statutus permittit; impossibile quippe est, inter animalia degere venenosa, & non saepe ab illis morfu impeti.

VII. Verū hęc materia nimis necessaria est, quā ut exacte, & radicitus tamen exiguō tractetur temporis spatio; unde si Deus dederit, cras de ea per integram concionem agemus; nunc itaque solum agemus de dispositionibus, quæ nos propellunt in peccatum, & quæ evellere oportet, quando bonum propositum nos emendandi habemus. Dispositiones porro hæc sunt affectus nimis intenti, & inordinati, quibus ambimus honores mundanos, divitias terrenas, voluptates corporales. Hi affectus quandoque in initio videntur innocentes, vel saltem excusabiles, aut vix curandi, quamvis tandem desinant in catastrophes pessimas, & funestas. Sacra scriptura insignia, & merito observanda huius rei exempla nobis proponit, & quia omnia sufficienter observare non possumus, aliqua solum de vitiis, quæ vocantur capitalia, in medium adducemus.

VIII. Et in primis, superbia incipiendo, exemplum habemus in Salomone. Hic post mortem sui Patris sceptrum, & diadema ambiebat, & hoc desiderium in eo fuisset iustum, & æquum, dummodò bene ordinatum fuisset. Ipsi patens, immo & ipse Deus, eum jam folio destinant, & tamen hæc ambitio eum in injustum, & crudele fratricidium egit. Adonias ejus Frater rogavit, ut sibi inconnubium daretur puella quædam, quæ in summa gratia Davidis ejus Patris erat. Hęc res pupugit Salomonem, Vah dicebat, meus Frater

quid sinistri animo molitur, pervitæ meam morietur, & sine alio processu, statim aliquos misit, qui eum occiderent. 3. Regum.

IX. Avaritiæ specimen nobis exhibuit Achab Rex Israel. Hic appetebat vineam unius pauperis nomine Naboth, utpote prope aulam ejus in loco commodissimo sitam. Et quia ex ea hortum amœnissimum constivere decreverat, accersit ad se Naboth, vineamque ejus sibi petivit pro pretio æquivalenti, vel si ita mallet, vineam meliorem se ei refuturum spopondit. Hęc cupiditas in Rege videbatur esse æqua, & tamen edusque devenit, ut misellum Naboth falsò accusaret, ut falsos contra eum concitaret testes, & eum injustè morti addiceret. Tu appetis prædiū tui vicini, quia tibi situs ejus commodissimus est, & quia id vis emere, & illud ei solvere, ideo putas, quod nullum exinde damnum passurus sit, sed non vides escam sub hoc laqueo latentem, Tu illi mutuas das pecunias, ut tibi postea illud vendere cogatur. Hic contractus generabit processum, tu, quia eum quocunque tandem pretio lucrari vis, millenas committes fraudes, & falsitates. Dicitur est Judæis: Non concupisces rem proximi tui; Dicitur est Christianis: Nullius aliquid desideretis, hoc est, ut nostri Antecessores declararunt, injustè.

X. In materia luxuriæ, habemus Herodem. Hic familiarius agebat cum Herodiade uxore fratris sui, & cum eā discursus, & actus amorfos, ac liberos habebat. Res devenit ad Sanctum Joannem Baptistam, vel alium Vatem, qui id ad Sanctum Joannem detulit. Hic eam accessit, eique dixit, Domina

21. v. 2.

Exod. 20.  
v. 1.  
1. Thess. 4.  
v. 11.  
Marci 6.  
v. 17.

3. Regum  
2. v. 22.

in die  
8.



Domina expēdias te hac familiaritate, alias tuū honorem in discrimen adduces. Quid ais Sancte vir, ergone periculum subeat meus honos? Quos Spiritus sumus, ut mihi sic loquaris, antea duas aures mihi præscindi permittam, quam hoc fiat. An talem de Rege, & me opinionem habeas? Ambo, tam ille, quam ego matrimonio ligati sumus. Consanguinei sumus, ne ergo aliquid mali de nobis suspiceris, quia arcta amicitia nos adeo familiares & liberos reddit.

Et quid quæso non dixisset, si ipse addidisset; hæc familiaritates crescent, in publicum prodibunt, tu frontem indues effrontem, opprobrium eris tuorum consanguineorum, Fabula Judeæ, & totius palæstinæ, tu eris quædam Megæra, ille te ducet in uxorem? Hac passione excæcat nec iudabit majorem vatem, quam unquam viderit mundus, Sanctum, qui fuit prædictus per oracula Divina, per Angelum annuntiatus, miraculosè conceptus, in utero matris sanctificatus? Tu eum capite minui jubebis, tu ei linguam evelles, tu aciem tuo obstinato capite perfringes? Quod si aliquis ei hæc omnia dixisset, velut somninator fuisset habitus. Et tamen omnia evenerunt.

Idem tecum agitur, si enim aliquis tibi diceret, quod visitationes illæ, illæ frequentes, liberæ, & diurnæ conversationes, & familiaritates tantum efficiant, ut futurus sis scandalum urbis, fabula vicinorum, abominatio, consanguineorum tuorum afflictio, & equuleus parentum, desolatio tuæ familiæ, & quod forsitan capite minuenda sis in scena fatali, an non diceres has esse minas

aeris? An non dicerēs, millies mori mallet, quam vel minimum malum cogitare, adeo honestus circumspēctus in verbis, ut ipse primus fururus esset, qui me impediret, est meus affinis, me frater, est vir devotus, spiritualis, apud omnes in maxima æstimatione. At enim, apage sis cum his nugis. Nonne alii, qui miserè & infelicitè perierunt, easdem rationes adduxerunt? An non eadem proposita firma habuerunt, quæ tu? An non à minimis sensim eorum ruina crevit? Nonne affinis perdidit Herodiadem? Nonne sancta Irena ferme in discrimen fuit adducta per virum quendam spiritualem? Mercurii Gallici, Historiæ nostræ ævi referti sunt exemplis pluriū puellarum, & faminarum, quæ perierunt per nimias familiaritates consanguineorum, affinium, fratrum, vel virorum spiritualium, aut qui tales esse videbantur.

XI. De invidia quoque exemplum non deest. Postquam David in monachomea protrivisset Goliath, puellæ ei obviaverunt, & coram Rege Saul ei Præana accinuerunt dicentes, *Saul percussit mille, & David decem milia*. Et ut verum fatear, indiscretè egerunt, quia omnis comparatio est odiosa, & nonne potuerunt laudare Davidem, absque eo quod eum componerent Regi Saul? Saul adustus est invidia, & quidem tali, quæ videtur, excusabilis, solio donatus est non ex ambitione, sed Deo eligente. Ille se inhonoratum vidit, & uni vasallo collatum; & nihilominus hæc invidia & Zelotypia eum pepulit in cujus litas, & crudelitates abominabiles, quia miselli, & innocentis Davidis jugulum petiit, binis vicibus ejus, cor lancea

trans-



1. Regum  
22. v. 18.  
Gen. 25.

transfigere conatus est, ille injustè viginti quinque Sacerdotes occidit, ille omnes incolas urbis Nobe gladio interemit, & hoc, quia solum David intra moenia receperant.

XII. De gula nos docet Esau: Hic cum e venatione famelicus, uti venatoribus fieri assolet, rediisset, vidit scutellam lenticularum, quas ejus frater Jacob sibi coxerat, hic cibus ejus appetitum irritavit; & tandem eum fecit Prophanum, & simoniacum, dum ob ferculum corruptibile vendidit suum sacerdotium. Tu adis popinam, non quidem cum intentione, quod velis offendere Deum, sed ut refecti juncula potiaris, quam tibi tuus amicus solvere vult, verum hæc refecti juncula tibi carius constar, quam si illam domi tuæ solvere debuisses, quia per detractiones, per verba lasciva, per blasphemias, per rixas, perdis tuam animam.

Gen. 34.

XIII. In materia iræ prodeat in medium princeps Sichimitarum. Hic violaverat, & defloraverat Dinam Filiam Jacobi. Fratres ejus hoc ægerrimè tulerunt, & bile quidem iusta inflammati sunt. Verum hæc bilis migravit in odium, odium ulterius processit, ita ut incolas urbis occiderint, qui tamen innocentes erant, & non complices deflorationis, similiter ira exigua vos pellit in verba mordacia, quod si vobis aliquis replicet, & similia regerat, illa responsa animo voluitis, post rixas cor vestrum exacerbatur, & odium concipit, hoc odium in te, & in tua familia inimicitias mortales, & immortales gignit.

2. Regum.  
11.

XIV. In acedia habemus Davidem; qui aliquo ocio, & inertia se distineri permittit, & quamvis illa acedia, &

ocium videretur levè, & veniale, nam post prandium non nihil vires fessas recreavit, & pro eo, quod Deum rogaret, aut aliud opus bonum faceret, in lecto se posuit: Sed quid factum fuit? *Accidit ut de strato suo surgens. Accidit.* Hoc est, calu hoc contigit, nec enim hoc facere asseverar. Hæc ignavia ejus debilitavit Spiritum, eum succursu speciali privavit Dei; cumque surrexisset, adiit solarium, ex eo conspexit quandam feminam, in ejus concupiscentiam exarsit, eam accersit, cum ea concubuit, per turpissimam proditorem, quam quis concipere possit, ejus occidi jussit maritum. Tu choreas adis, animo proponens non peccare, nec alicujus mali ansam præbere. Adolescens quidam laudat tuam gratiosam indolem, tibi hæc laus arridet, tibi vanè complaces, hæc complacentia tuum cor emollit, amore erga laudantem corripere, à laude procedit ad confabulationes, ab his ad amicitias, & tandem per promissionem fictam Matrimonii te deflorat. *Qui spernit modica, paulatim decider.*

XV. Porro, ut verborem dicamus; ille qui verum, & sincerum habet propositum vitam emendandi, conatur eradica omnes inclinationes ad peccandum, omnes propensiones pravas, & habitus vitiosos longo usu contractos. Hos juxta sanctum Fulgentium duobus modis superamus: *Frequentia orationis, & studio bona operationis.* David utrumque adhibuit: *Os meum aperui, & attraxi Spiritum. Servus autem tuus exercebatur in justificationibus tuis.* Nunc dic sodes, an ego vitam conservare possim, si per mediam, vel integram horam aerem non hauriam? Non sanè. Et

Psal. 118.



cor? Quia intus latet fomes quidam, ignis quidam naturalis, qui continuo refrigerationem poscit. Nos in anima nostra habemus fomitem, & ignem Græcum, vel potius infernalem, prunas fatales, & funestas, fomitem peccati, concupiscentiam, naturam corruptam per peccatum originale, & scelera actualia. Aer non adeo est necessarius fomiti corporis, quam Sanctus Spiritus prunis animæ, ne moriaris corporaliter continuo debes haurire aerem, & respirare; ne moriaris morte animæ, & labaris in peccatum, continuo, vel saltem sæpe debes aspirare ad Deum, & de hora in horam attrahere ejus gratiam, de media hora in mediam horam per humiles preces, per orationes jaculatorias imitari Davidem! *Os meum aperui, & attraxi Spiritum, quia mandata tua desiderabam.* Sæpe dicere.

XVI. *Aspice in me, & miserere mei.* Mi Deus curam meigere, da gratiam ne relabar in peccata: *Servus autem tuus exercebatur in justificationibus tuis.* Ut dissipentur pravi humores corporales exercemus corpus, ergo ut dissipantur humores peccaminosi animæ, & inclinationes vitiosæ, fervore, & assiduitate bonorum operum continuo nos metipsos exercere debemus, visitando carceres, hospitalia, infirmos, pauperes, consolando afflictos, docendo ignorantes, reducendo errantes, dissentientes reconciliando; quia hoc modo bonas gratias Dei lucraberis, & obtinebis succursum, ut tuis resistas inimicis, nundum habes otium, & vires superandi tentationes, sed acquires bonos habitus, qui prava superent, qui timet Deum faciet bona,

## CONCLUSIO.

*Per Paraphrasim illorum verborum: In simplicitate cordis latius obtuli universa.*

XVII. **E**Rgo Filium Dei invoca, & cum Ecclesia eas preces, quas ad Deum in missa Dedicationis Ecclesiæ mittit, ad eum funde. Salomon quidem easdem preces in consecratione sui templi ad Deum præmisit. Vera conversio est quædam novella consecratio, & dedicatio nostrarum animarum. *Deus meus scio, quod probes corda, & simplicitatem diligas, unde & ego in simplicitate cordis mei latius offero universa.* Domine Deus custodi in aeternum hanc voluntatem. Mi Deus tu penetras corda, & fundum animarum nostrarum, tu tuo lumine densissimas tenebras mentis nostræ illustras, ego omnia, quæ a me petis prompto, & sincero corde tibi offero. Gratiæ tuæ hanc in me voluntatem conserva: An nos omnes hæc insignia verba dicere non possumus, *probas corda, & renes?* Immo. Deus penetrat vestra corda, & videt, an nullus affectus peccaminosus in iis sit, videt an nō adhuc lateat in iis aliqua propensio Secretæ voluntatis revertendi ad pristina vitia. Cave, ne communices, ne tibi eveniat id, quod evenit illi infelici principi.

Regem Lotharium Pontifex Romanus anathemate percusserat, quia pelli-  
cem VVadradam in aula alebat. Romanam se contulit, ad absolutionem obtinendam, fingens se eam eiecisse. Adrianus secundus Pōntifex sanctissimus post-

1. Paral.  
v. 29. v. 17

Haim. l. 9.  
Cap. 21.  
Baron. an-  
no 868.



postquam missam in Vaticano celebrasset, & ei sacram communionem porrigere vellet, ut eum rursus membris Christi incorporaret, à quibus per excommunicationem eum separarat, sacram Eucharistiam manibus gerens dicebat. Quod si te expedieris adultera, quæ tibi fuit vetita, & animo tuo fixum sit nunquam redeundi ad VValdradam, securus huc accede, & Sacramentū salutis æternæ, quod tibi remissionem peccatorum largiatur recipe. Verum si conscientiam necdum satis mundatam habeas, si adhuc aliquem affectum latentem geras erga adulteram, cave sis, ne id, quod à providentia Divina institutum est, in remedium fidelium, tibi cedat in iudicium, & condemnationem.

Deinde versus ad Aulicos, & comites Regis, qui fidei asserant pro Rege, quod pellicem jam abegisset, sic fari cæpit. Quod si verum testati sitis corpus, & sanguis Christi, quod suscipere vultis, vobis cedet in vitam æternam. Idem ego vobis dico. Quod si abjeceritis peccata, si aliena restitueritis, si pellice vos expedieritis, si inimicis condonaveritis; Sacram communionem felici omine recipite. At enim si adhuc in corde lateat aliquis affectus redeundi ad vomitum; timeo ne idem, quod infelici illi Regi evenit succedat. Adeo temerarius fuit, ut indigne Eucharistiam fumere ausus fuerit. Verum eodem mense morte à Deo punitus fuit, & eodem anno omnes ejus comites à vindice manu Dei interfecti sunt. Deus corda vestra penetrat; Ille videt omnes vestras inclinationes; ergo perfectum ei immolare holocaustum, offerre omnia

quæ à vobis flagitat. Offerro universa, sine aliqua reservatione, limitatione, vel modificatione. Ne dicatis, ego quidem concubinam ejicere volo, sed nolo reconciliari cum meis hostibus, ego quidem volo cum iis pacem inire, non tamen desistere ab illa litē injustā. Ne cum Deo sic agatis. Offerro universa in simplicitate cordis, sine duplicitate, simulatione, sine animo redeundi ad vomitum. Ne dicas, ego abstinebo à frequentatione popinarum, sed solum usque ad pascha, ubera, & brachia contegam, sed tantum eo usque donec confessa fuero. Ne inquam sic agas; Sed sicut Deus candidus, & sincerus erga nos est; ita & vult ut simus erga eum; sicut ipse non agit thraſonice nobiscū, ita nec vult cum eo agamus. Ille omnia nobis condonat, adeoque & vult & perfecte, & totaliter, & pro semper nos convertamus.

Latus offero, hoc est promptè, & spontaneè. Ne ergo sis negligens, & ne permittas, quod tantis precibus debeas sollicitari. Si libenter, & spontè id facias, ergo te resolve, nec expectes impossibilitatem relabendi. En magnum arcanum. Avunculus tuus promissit, quod te heredem velit instituere omnium suorum bonorum; si ergo eum videas bene dispositum, latum, & tibi bene affectum, tu non negligis hanc occasionem, sed rogas, ut curet advocari Notarium. Eodem modo agas in negotio tuæ salutis, quando es in fervore alicujus boni propositi, illud sine mora executioni manda, vade ad tuum hostem, ut te illi reconcilies, vulcano trade chartas litis injustæ, redde schedulas,



las, quitantias, restitue, apud Religiosos admitti pete.

Quod si sis bene dispositus, potes dicere cum Salomone: *Domine Deus, custodi hanc voluntatem.* Mi Deus, hæc voluntas de tuo munere venit, id quod mihi dedisti in ere nequit subsistere. Tu-

um est illam conservare. Tu qui dignatus es ejus fieri auctor, digneris & ejus esse conservator *Per Dominum nostrum Iesum Christum, qui tecum vivit, & regnat in sæcula sæculorum, Amen.*

## SERMO VIGESIMUS SECUNDVS.

Pro Dominica in Albis.

De fugâ occasionum necessaria ad remissionem peccati.

*Dominus meus, & Deus meus Ioann. 20.*

### E X O R D I U M.

**M**iramur omnes, & execramur incredulitatem Sancti Thomæ, quod noluerit fidem adhibere Discipulis affirmantibus Christum resurrexisse, non obstante, quod hoc tam asseveranter affirmarent, & Christus etiam prædixisset se resurrecturum; & consuevimus eos vocare incredulos, & obstinatos, qui tribus, vel quatuor testibus aliquid affirmantibus, fidem adhibere renuunt; verum vereor, quod nos magis simus increduli, & pertinaces quam Thomas; si enim verè crederemus esse odiosum, profectò majori cura, & solertia illud vitaremus. Quod si forsàn hætenus, pluribus testibus id esse vitandū fidem adhibere nolueritis,

hodie cū Auctore in hac concione occasionem esse vitandas demonstrabo, & spero quod non amplius manebitis increduli, & pertinaces, sed quod cum sancto Thoma in credulitatem vestram sitis deposituri.

*Occasione accepta, peccatum operatum est in me. Rom. 7. v. 8.*

I. Heri consideravimus ad bonam conversionem, ac utilem, & fructuosam poenitentiam requiri non simplicem velleitatem, sed veram, sinceram, cordialem, & efficacem voluntatem, non amplius peccandi, & ad hoc exigi fugam occasionum. Tempus non permittebat, ut illam veritatem fusius explicarem, hodie id mihi agendum est, & probandum fortiter, per scripturam, Patres



Patres, Concilia, argumenta Theologica, & exempla Sanctorum. O Sacratissima Virgo, tu fuisti eorum exemplar, & idea. Sanctus Ambrosius Virginibus Christianis tuam vitam tanquam speculum, quod omnes tuarum conversationes fuerint irreprehensibiles, & omni carentes suspitione, quodque neminem visitaveris, nisi ita exigeret charitas, & misericordia. *Eos solos solita coetus virorum invisere, quos misericordia non erubesceret.* Tuo exemplo nos docere voluisti, ut occasiones peccandi vitaremus, quamvis ex speciali gratia in nulla occasione fueris exposita alicui periculo peccandi, cum fueris confirmata in gratia, & virtutes possederis omnes nunquam amittendas, unde nunquam habuisti ansam timendi, & semper, & ubique tibi dici potuit. *Ne timeas, Maria,* uti tibi etiam dixit Angelus, dum te salutavit hisce verbis: *Ave Maria,*

## IDEA SERMONIS.

### EXORDIUM.

*Quidquid refertur ad peccatum est odiosum, ergo & ejus occasio.*

II. Philosophorum est effatum, & quidem verissimum, nempe quod contraria habeant proprietates, inclinationes, & effectus omnino contrarios. Nihil Deo est contrarium, praterquam peccatum, & quidem adeo directe, & e diametro, ut sicut Deus est summum bonum; ita peccatum sit summum malum. Et sicut Deus est summum bonum, adeo essentiale, infinitum, & communicativum, ut omne id, quod cum eo connectitur, vel ad eum refer-

tur, sit amabile, utile, salutare, optabile; ita quoque peccatum est summum malum, adeo essentiale, contagiosum, ita ut quidquid cum eo est connexum, vel ad illud refertur, sit odiosum, horrendum, pestilentialle, & abominabile. Et talia etiam sunt occasiones boni, & mali; ut libri boni, conversationes cum probis, predicationes, confraternitates. Nil sane est nocivius occasione peccandi. Porro, occasiones peccandi in duo genera dividere possumus, nam alia pertrahunt in peccatum & possunt vocari activa, alia causantur, & vocantur passiva. Prioris generis sunt illae, quae ex se, & ex sua natura sunt malae, pestilentes, venenolae, quae sunt laqueus, & petra scandali, esca, & illicitum peccatorum, verbi gratia, libri obsceni, picturae inhonestae, verba libidinosa, ubera nudata, conversatio cum iis, qui nobis fuerunt obiectum, & subiectum peccandi. Occasiones passivae sunt, quae nos pelliciunt in peccatum, non quidem ex se, aut ex malitia iis intrinsicis, sed respectu nostri status, debilitatis, depravatae naturae, vel consuetudinis pravae. Tales occasiones sunt sacerdotium respectu illius, qui non habet donum continentiae, cura animarum respectu illius, qui non est satis doctus, officium Judicis, notariorum, medicorum, chirurgi respectu illius, qui non habet iudicium, scientiam, prudentiam, conscientiam ad illas functiones necessarias; Talia quoque sunt officium militis, belli duci, cauponis respectu illius, qui habet vitia, in quae talia officia pellicere solent. Porro, ut verè convertamur, & verè, & sincerè poeniteamus, omnes hae occasiones vitandae sunt, ut ego ex omnibus



locis probabo, quibus veritates catholice comprobari possunt, verbi gratia ex novo, & veteri testamento, patribus, conciliis, rationibus, & exemplis.

### PUNCTVM VNICVM.

*Occasionem esse fugiendam probatur primò scripturà, secundo Patribus, tertio conciliis, quarto rationibus: primo ex charitate in nos, secundo humilitate, quinto exemplis evitandis, Samsonis, Davidis, Salomonis, sexto exemplis imitandis in lege natura Ioseph, inscripta Iudith, nova Martinianus, septimo argumentis conglobatis.*

**Eccles. I.** II. **S**piritus Sanctus dicit. '*Cor durum male habebit innovissimo & qui amat periculū, peribit in illo.* Non dicit per illud, sed in illo; quia exponere periculo peccandi, & degere in occasione peccati non est solū dispositio, & via ad peccatum; Sed & peccatum, quia per solum peccatum perimus, & ideo dicit, quod non solum pereamus, per peccatum, ad quos nos ducit periculum, sed etiam in ipso periculo. Sanctus Cyprianus ulterius procedit, & dicit, ad hoc ut reddamur certi de salute, nos non solū debere cavere, ne maneamus in periculo, sed & neque in vicinia. *Nemo ditatus est periculo proximus.*

Et quidem meritò sic loquitur, & conformiter ad mentem Ecclesiastici, qui dicit. *Quasi à facie colubri fuge peccata.* Non dicit, *A morsu, à veneno;* sed *A facie* hoc est à præsentia, visu, obviatione. Præterea noster Salvator post-

quam dixisset, *qui viderit mulierem &c.* statim subdidit. *Si oculus tuus scandalizat te, erue eum, & projice abs te; expedit enim ut pereat unum membrorum tuorum, quam totum corpus tuum eat in gehennam.* Et sanè necesse est, quod hoc mandatum digissimum sit quod observetur, & summè necessarium ad nostram salutem, cum Filius Dei illud tam sæpe repetat, ad hoc ut nobis inculcetur; uti videre est Matt. 18. Marci 9. Porro hæc verba quatuor reflexionibus observare debemus, ut quatuor documenta summè necessaria ex iis eruvamus.

III. Prima: Quod si aliquod munus, status, officium, beneficium, lotus, persona nobis sit occasio peccati, debeamus illa vitare, quidquid etiam hoc nobis constet, quantum cunque nobis charæ, & pretiosæ sint illæ personæ, quantumvis utile, commodum, & necessarium sit illud munus, status, officium, beneficium. Herus tuus te diligit, tibi que affectus est, ille te vult promovere, sicut alios servos promovit. Verum servitio tuo utitur in ordine ad voluptates illicitas, & inhonestas, actiones turpes, & infames, ut portes munuscula illi puellæ, & literas amatorias, ut monopolia instituas injusta, ut ejus coopereris peccato ut sollicitus pellicem. Tui servitio te abdicare debes quidquid etiam hoc constet. Sunt duodecim anni, quibus servis in hac domo, omnes te amant, te suaviantur, Basiant, honorant, omnium ferme Dominus est, inhonesto Matrimonio te collocare volunt, verum est aliqua, quæ quandoque tibi est occasio labendi in peccatum carnis, debes ex illa domo discedere, quidquid etiam hoc tibi constet, Tu vides, quod nequeas

Matt. 5.

Epist. 60.

Cap. 21.  
v. 2.



nequeas salvari in illo munere, quod ad-  
ministras, puta in officio Consilarii, Ad-  
vocati, Notarii, Procuratoris, vel quia  
nimium propriè in hias lucro, adeoque  
mille injustitias committis. Curam  
habet animarum, tu non resides, vel es  
ignorans, vitiolus, hisce muniis te abdi-  
care debes, quidquid etiam constet. Hæ  
personæ non sunt tibi chariores, & pre-  
tiosiores, hoc officium, beneficium,  
non est tibi magis utile, commodum,  
necessarium, quam tuus oculus dexter,  
& tamen Salvator noster sult abjicien-  
da, & amputenda esse hæc membra,  
quando nobis sunt occasio peccandi.

IV. Secunda reflexio est, quod Fi-  
lius Dei dicat, *Erue eam, abscinde eam* ne  
forlan ansam capias dicendi, valde du-  
rum mihi est, quod me debeam separa-  
re à persona adeo mihi conjuncta, quæ  
metam tenerè amavit, cui adeo obliga-  
tus sum, magnus est cruciatus exire ex  
illa domo, in quâ mihi nemo aliquid  
malefecit, in qua struxi nidum dierum  
vitæ meæ subsequendum, deferere me-  
um statum, beneficium, officium in qui-  
bus lucrò panem, quæ mihi conciliant  
tantum honorem, tantum respectum.  
Quo ibo, quid de me erit, quid de me di-  
cetur? Fateor quod hoc sit valde durum,  
hoc est extrema violentia, sed tamen  
magis durum, major cruciatus, major  
violencia est eruere oculum, amputare  
manum, & pedem.

Porro noster Servator non dicit, si o-  
culus tuus, si pes tuus, si manus tua tibi  
sit occasio peccati claude eum, manus,  
& pedes liga, aut vinculis constringe,  
sed erue, cum, amputa manum, abscin-  
de pedem. *Violenti rapiunt illud.* Rex  
gratiæ majorem à nobis postulat perfe-

ctionem, & elongationem à peccatis,  
quam lex Mosàica, & tamen Deus in  
Deuteronomio hanc tulit legem. *Si  
tibi voluerit persuadere Frater tuus, aut  
Filius tuus, vel filia, sive uxor, qua est in se-  
nu tuo, aut amicus, quem diligis ut animā  
tuam clamdicens; eamus, & serviamus  
Diis alienis, quos ignorasti, & Patres tui,  
ne acquiescas ei, nec parcat oculus tuus ut  
miseraris, & occultes eum, sed statim inter-  
ficies, sit manus tua primum super eum.*

V. Tertia reflexio hæc est; Et ne  
præsumas Deum naso suspendere dicen-  
do, pellicem, scortum edomo mea  
proscribam, sed eam ad talem plateam  
ablegabo in quâ eum possim quando-  
que videre, quandoque domum meam  
veniet, ut mea uxori aliquod servitium  
præstet, ego amplius eam non iuvabo,  
sed suspiciam eos, qui eam juvant, ego  
popinas vitabo, ubera contegam, sed  
solum tempore quadragesimæ, Filius  
Dei dicit *propece abste*, idest procul, &  
pro semper occasiones abige.

VI. Quarta reflexio est. Et quia  
posses dicere. Christus hoc tantum con-  
sult, & non mandat, ego ad hoc non ob-  
ligor, & si hoc omitam, non tamen mi-  
hi poterit denegari absolutio, ne in quâ  
hoc dicas, & putes hoc esse ludum pue-  
rilem sed esse negotium, à quo depen-  
det tua salus, ille subjungit; Expedit e-  
nim, & melius est cum uno oculo, ma-  
nu, pede intrare calum, quam cum  
duobus præcipitari in infernum. Iam  
vidimus Scripturas, nunc videamus Pa-  
tres, & Concilia.

VII. Sanctus Gregorius insigni-  
ter illustrat caput vigesimum primum  
Sancti Ioannis, in quo recenset, quo-  
modo Christus post suam Resurrectio-  
nem

Deut. 13.  
v. 6.



Omnes aparverit Sancto Petro, & reli-  
quis Apostolis, qui piscabantur in mari  
Tiberiadis, & hanc curiosam, & illustrē  
proponit questionem: *Cum veritas di-  
cat, nemo mittens manum suam ad ara-  
rum, & respiciens retrō aptus est regno  
Dei: hoc est, nemo, qui se dedit servi-  
tio Dei, repetit actus priores; Ecce  
Sanctus Petrus, ejusque sodales, qui om-  
nia reliquerant, ut Filium Dei seque-  
rentur, redeunt ad Scaphas, repetunt re-  
tia, cum tamen non legamus, quod San-  
ctus Matthæus redierit ad telonium? Et  
pulchrē respondet, esse quādam, quæ  
sine offensa Dei, & periculo peccati, vix,  
aut nullatenus fieri possunt, qualia sunt  
munus Mercatoris, Tabellarii, belli Du-  
cis, Cauponis, quando ille, qui plura  
peccata in talibus commisit, verē se ad  
Deum convertit, & sequelæ Filii Dei se  
dedit, talia verō non posse repeti, & i-  
deo Sanctum Matthæum non rediisse  
ad telonium; alia verō esse, quæ pos-  
sunt exerceri siue offensa Dei, aut peri-  
culo peccati, ut verbi gratia piscatio,  
medicina, Agricultura, adeoque sine  
minimo præjudicio conversionis post  
pœnitentiam, & conversionem, aliquē  
ad talia redire posse. Hæc sunt verba,  
& decisio Pontificis, quæ nostrum intel-  
lectum captivare debent. Quod si di-  
cas eum loqui tanquam Doctorem par-  
ticulare, en duos, qui loquuntur ex  
cathedra; & in conciliis.*

*Hom. 24.  
in Evang.*

VIII. Postquam Concilium Late-  
ranense, in quo convenerunt mille E-  
piscopi, quodque habitum fuit sub In-  
nocentio secundo anno 1139. hanc tra-  
didisset salutare monitionem: *Inter  
cetera unum est, quod Sanctam maximē  
perturbat Ecclesiam, falsa scilicet pœniten-*

*tia; unde confratres nostros admonemus,  
ne falsis pœnitentiis laicorum animas decipi-  
pi, & in infernum detrahi patiantur, sub-  
dit: Falsa etiam fit pœnitentia, cum pœ-  
nitens ab officio, vel curiali, vel negotiali  
non recedit, quod sine peccato agi nulla ra-  
tione pravalet.* Similiter, postquam  
Gregorius septimus eadem, & quidem  
in iisdem ferme terminis protulisset in  
quinto Concilio Romano anno millesi-  
mo septuagesimo octavo, dicit eum pri-  
vandam esse absolurionem, qui vel occa-  
siones peccandi non vitat, vel qui alie-  
na non restituit, aut cum inimicis pa-  
cem inire non vult, talemque, quantum  
est possibile nulla bona opera debere o-  
mittere, ut Deus ejus cor illustret, & ad  
veram pœnitentiam disponat.

IX. Porro inter alia motiva, quibus  
moti sunt hi Sancti prælati, ut ita loque-  
rentur, est hæc præcipua, quod charitas  
sui ipsius omnes obliget, ut salutem, non  
tantum propriam, sed & proximi cordi  
habeant. Hinc Sanctus Paulus scribit  
ad Corinthios, quod si quis sciret, se e-  
su carniū futurum occasionē alterius  
ruinæ, talem toto tempore vitæ carnes  
comedere non posse. Nunc diclodes,  
an non malles tibi perpetuum ingressū  
in popinas interdictum, quam perpetu-  
am abstinentiam à carnibus? Aposto-  
lus Filii Dei dicit, quod potius nolit un-  
quam gustare carnes, quam per earum  
eum proximo præbere occasionem rui-  
næ. Tibi autem melius esset nunquam  
comedere carnes, quam ire ad popi-  
nam, quia per frequentationem popi-  
næ te conjicis in occasionem peccandi;  
Juris consultorum hoc est axioma: *Qui  
occasionem præstat, damnum fecisse videtur.*  
Et conformiter ad hoc axioma leges sic

*Can. 22.*

*L. qui occi-  
dit SS in  
hac quo-  
quest. ad  
legem A-  
quilam  
Q. non sa-  
lutem, &  
Q. Imper-  
atores ff.  
de officio  
præfecti  
vigilam,  
sta-*



statuunt: *Eos, qui negligenter apud se ignem habuerint, potest praefectus fustibus, aut flagellis cadi iubere.* Insuper est axioma Philosophicum. *Quod est causa causa, est causa causati.*

X. Præterea quod si hæreas in occasione peccati, ostendis quod non sis humilis, sed temerarius, & præsumptuosus, tu nimium confidis in tuis viribus, tu non habes illum timorem, & diffidentiam tuipsum, quam Spiritus Sanctus toties in sacra scriptura commendat, quinimodò es ex iis, de quibus dicit: *Qui confidunt in virtute sua.* Verum audio, quod dicas, ego confido in providentia, & protectione Divina, ego spero, quod mihi assistet, spero quod manum præbebit, & impediet ne cadam. At apage cum his nugis. Quis tibi dixit, quod tibi assistet? Vbi hoc tibi promisit? Cui adstitit? Ego valde vereor, quod nec ullum locum scripturae reperturus sum, ubi Deus spondeat, quod velit succurrere iis, qui temere sine ejus suasionem, jussione, ductu, & directione particulari sese in occasiones præcipitant. Timeo, quod in cunctis Historiis Ecclesiasticis nec ullum ex his præsumptuosus reperturus sim, cui hanc gratiam præstiterit. Revera res valde paradoxa est, quod dum aliquis te vult obligare, ut vites occasiones peccandi, tu mille prætextus quaras, quibus te excuses, quod si exeam ex hac domo, si expediam me meâ pellice, si hoc beneficium, vel officium resignem, quid faciam? Quo ibo? Quid de me erit? Ego ludam meam fortunam, ego infelicem me reddam, ego mea destruiam. Ne amplius dicas, sicut sæpe dixisti, ego confido in providentia Divina, ego spe,

ro quod mihi assistet, quia dixit per Sanctum Paulum: *Non ego te deseram, neque derelinquam,* quia te interrogo; & quomodo illam speras protectionem, quam nunquam promisit, cum tamen sperare non velis in eo, qui tibi adeo expressè, & sæpe promisit? Ego invenio, quod plurimis, qui ut evitarent occasiones offendendi Deum se brachiis committendo Divinae providentiae bonis fortunæ exuti sunt, extraordinario modo, & miraculosè succurrerit.

Moses ut sese conlortio, & habitationi inter infideles, ac occasionibus peccandi se subduceret, deservit aulam magni Monarchæ, & extra occasionem peccandi maluit esse opilio, quam in ea Filius adoptivus principissæ, & heres Filiae Regis. Deus porro hunc actum munera vit, eumque Ducem, & Ductorem sui populi, Generalem exercitus sexcentotum mille Bellatorum, Fundatorem, & Legislatorem Synagoga. Sanctus Paulus Eremitarum Primicerius, dum adhuc juvenis quindecim annorum viribus propriis diffideret, & timeret succumbi, si forsitan eum capi in odium fidei contingeret, ad quoddam vastum nemus confugeret, & in quodam spelæo se abdidit, sed Deus eum per sexaginta annos per corvum pavit. Sanctus Felix Episcopus Nolanus, persecutionem declinans, in angusto duorum parietum intervallo se occultavit, quem aditum cum Deus araneorum telis pertexisset, persequentium paganorum oculis sublatus est. Econtra illi, qui temerè se occasionibus peccandi ingesserunt, quantumvis essent Sancti, & virtuosissimi, à Deo derelicti sunt, & miserè ceciderunt.



XI. Sampson miraculosè à matre sterili fuit conceptus, seipsum in utero matris Deo devovit, ejus nativitas præ-nunciata fuit per Angelum, ille nunquam siceram, vel vinum gustavit, Deus benedictionibus suis eum cumulavit, & Spiritu suo replevit, ille Leones prottrivit, & dilaniavit; sed quia amore captus Philistææ sese in occasionem peccandi præcipitavit, Spiritus Domini eum deserivit, debilis velut alii factus est, & ludibrium infidelium ejus inimicorum.

David eximius fuit Propheta, adeo Sanctus, ut appellatus fuerit vir secundum cor Dei, ille in suis Psalmis altissima mysteria nostræ Religionis decantavit, ille compendium habet totius sacræ scripturæ, verum ab unicâ occasione, quæ non videbatur esse proxima, omni sua sanctitate privatus est, ille in solario suo deambulans oculis nimium indulgit, & feminam quandam se lavantem conspexit. *Mulier longè, libido prope.* Hæc femina fuit quidem ab eo semota, sensualitas tamen fuit prope eum; ille exarsit in concupiscentiam hujus feminæ, ille cum eâ commixtus est, ille factus est proditor, adulter, homicida.

XII. Eius Filius Salomon non inferior fuit, quam ipse. Hic tantâ fuerat dotatus sapientiâ, ut antonomasticè Sanctus fuerit vocatus. Regina Saba præcisè in eum finem ex regione distantissima ad eum se contulit, ut illum consuleret, ejusque sapientiam admiraretur, ejus cogitationes erant Prophetiæ, ejus verba oracula, ejus scripta libri Canonici; at enim verò, postquam se præcipitavit in occasiones peccandi, dixit, *Stultissimus sum omnium mortalium.* Et

quænam quæso est major stultitia, quam extruere Fana Idolis Chamos, & Moloch, quod seridè Deus, ejusque parens David interdixerant, & hoc ut suis concubinis gratificaretur? Scriptura ei objicit, quod causa tam turpis lapsus fuerit, eò, quod non fugerit occasiones contra mandatum Dei. Et quidem Deus disertè caverat in lege connubia cum infidelibus, ne aliquis perverteretur, & in idololatriam induceretur. Et ne quispiam forsan posset dicere; quod si ego nupsero infideli, ego eam convertam, si duxero maritum Idololatram, ego eum ab idololatria abstraham, Deus terminos adhibet, quibus alias non solet uti. *Non ingrediemini ad illas, neque de illis ingredientur ad vestras, certissimè enim avertent corda vestras, ut se quamini Deos eorum* inam ut dicit Sanctus Chrysostomus, multò facilius est, quod aliquis se sinat ab alio dimitti ad declivium vitiorum, quam quod elevetur in sublime.

Præterea narrat Sanctus Gregorius Nazianzenus, quod dum cum Sancto Basilio operam literis navaret in Academia Atheniensi, vitarent consortia concupiscentium, & dissolutorum; & quia aliquis iis objicere poterat, quod potius cum iis conversari deberent, ut eos ad Deum converterent subjunxit; sanum agentem cum infirmo, citius contrahere hujus morbum, quam eum sanitati restitui. Et sane Salomon hoc non consideravit, ille quippè deperit feminas infideles, & ut illis stultè complaceret, Idololatriæ se dedit, & in se, ac suam familiam maledictionem Dei derivavit.

XIII. Nunc habes tria exempla, quæ

Exod. 14.  
v. 16.

3. Regum  
11. v. 2.

In carmine:  
de vita sua

Proverb.  
30.  
3. Regum  
11.



quæ debemus vitare, alia tria afferam, quæ debemus imitari, unum ex lege naturæ, aliud ex lege scripta, tertium ex lege Evangelica. Sancti non solum evitarunt pericula offendendi Deum; sed & abominati sunt omne id, quod occasionem peccandi iis in memoriam posset revocare. Dum Megara illa Aegyptiaca uxor Putipharis sollicitaret suum famulum Joseph, ut secum coiret, & thorum violaret maritalem, & vestibulum eum arriperet, ut eum detineret. Sanctus hic adolescens fugâ castitatem suam salvavit, palliumque in manibus heræ reliquit. Et profectò nullum est dubium, quin se conjecerit in manifestum discrimen ruinæ, quâ eum femina impudens, postquam tam ignominiose rejecta fuisset, & injuria tam sensibili affecta, involvere poterat, utpote juxta leges Patriæ ejus vitæ, & mortis Domina. Quid aliud timere, vel expectare poterat, quam quod illa eum esset diffamatura, aut vindictam repetitura? Ad minus expectare, poterat, quod esset servitio suo spoliandus, & præfecturâ domus. Omnia hæc diligenter consideravit, & tamen his non obstantibus, potius voluit suam fortunam, commoditatem, honorem, vitam exponere discrimini, quam manere in occasione peccandi.

Et quidem centuplum hunc actum ei muneravit, & ab hoc ejus promotio incepit, factus est pro rex Aegypti, præfectus domus, non Putipharis, qui fuit vasallus, sed Pharaonis, qui magnus fuit Rex. Idem tu quoque fac, dum ab aliquo perverso sollicitaris ad relapsum, ne te fatiges ei prædicando, quia id ad te non pertinet, nec tui id est muneris, & quâ-

vis id ad te spectaret; attamen tu verbanil efficerent, quandoquidem eodem jure perfusus sis; nec angas te ei persuadendo, ut suis excessibus, & vitiis, insolentis valedicat, & confessionem instituat; quia tu quidem uti putas, id facere vis ex zelo, quem habes erga ejus salutem, & timor ne alteri adhæreat, & pro eò quod eum convertas, ille te pervertet. Omnia ergo committe providentiæ Divinæ, & forsan intentum habebis, si fugias occasionem, sicut eam fugit Joseph. Et cur amabò hic Sanctus Patriarcha Jacob suum pallium liquit in manibus suæ heræ, cū ille esset robustus, & in flore suæ ætatis; illa vero tenella, & debilis domicella, quam faciliter repellere poterat, & elabi æquè celeriter, ac nunc fecit? An non prævidere debebat quod hoc pallio erat reus proclamandus violentiæ illatæ? Non solum voluit fugere occasionem, sed & umbram, ac memoriam ejusdem. Ille sciebat, quod dum in mentem nobis redit insignis occasio alias habita fruendi aliqua voluptate carnali, illa cogitatio pulset nostram imaginativam, & sensualitatem excitet, occasio tam commoda ei in mentem rediisset.

XIV. Casta, & Heroïna Generosa Iudith suam lectionem ab exemplo hujus sancti juvenis didicit (nam sancti ex omnib' aliquid utilitatis hauriunt) postquam enim capite minuisset Holopher-nem, & victoriam suis concivibus ab Assytiis reportasset.

Et ei pro præmio dedit omnia spolia, facultates, & suppellectilem Holopher-nis, signanter lectum, aut tentorium opulentissimum, & pretiosissimum, in



*Judith. 16.  
v. 23.  
10, v. 19.*

quo hic belli dux cubare solebat: insuper ei dono dederunt *Conopaeum*, quod erat ex purpura, & aura, et *Smaragdo*, & lapidibus pretiosis intextum. Verum Judith omnia illa contempsit, & illicò illa abiecit: *Univerſa vasa bellica Holofernis, quæ dedit illi populus, & conopoeum quod ipsa sustulerat de cubili ipsius, obtulit in anathema oblivionis.* Ergone manubia, & spolia tam illustris Victorix ei a deo in vili sint? Ecce ea non asseruat, ut ita suos posteros redderet illustres? Ecce illa non appendit inter trophæa antecessorum, ut ita suum valorem posteritati commedaret, & suum nomen perennaret? Quod si nolit retinere gladium, & arma, utpote, quæ illi non conveniunt, cur non servat lectum, qui ejus sexui convenit? Illa eam in suo poterat reponere cubili, eumque ostentare iis, qui eam visitaturi erant. Quod si judicabat tam pretiosam rem non convenire castæ, & devotæ viduæ; ecce eum non recondidit in quadam arca, ut eum alicui consanguineorum testamento legaret? Nequaquam hoc voluit, illa sapienter prævidit, quod ad quemlibet aspectum hujus lecti, occasio in mentem reditura esset, quâ voluptate frui poterat carnali, quodque reminiscencia illius occasionis imaginativam excitare poterat, & speciem quandam imprimere sensualitati, & ideo eum abiecit, & omnia *Obtulit in anathema oblivionis.*

XV. Magis anxius fuit Sanctus Martinianus, postquam vidit quandam feminam levem interiora penetrasse nemoris, ut eum in sua cellula, in qua in summâ pace degebat, ad flagitium pertraheret; ille itaque, ut similes laqueos

vitaret, ad quandam Insulam in medio maris litam remeavit, corbes quas conficiebat vendendo cuidam nautæ, qui ei quandoque pauxillum panis biscoti afferebat, quo vitam sustentaret. Verum enim verò, dum quadam vice Nautæ præternavigantes naufragium facerent, navi ad scopulum collisa, puella quædam tabulam arripuit, ad insulam appulit, in qua sanctus solitarius degebat. Ille ad visum illius Consternatus, sic eam affari cœpit. Charissima, stipula, & ignis non bene conveniunt, ego potius me commiserò providentiæ Divinæ, quam infirmitati meæ naturæ, en panem, quo vitam alas, donec post aliquot tempus meus annonæ provisor te hinc deportet, ego potius continuò vagabor, quam sim in periculo peccati mortalis. Hisque dictis in mare se præcipitavit. At enim providentia Divina, ei Delphinum submisit, qui eum ad ripam devexit. Viden, quomodo Sancti non solum vitant peccatum, sed & occasionem, periculum, umbrâ, peccandi. Quomodo ergo tu nolis vitare occasionem proximam, quæ te tam sæpe, & enormiter præcipitavit.

XV. Quid dicis, quid cogitas? An timeas negotia tua destruenda, tua perdenda, si ex eas ex illa domo, si illam amicitiam rumpas? Et ubi quæso est confidentia, quâ te Divinæ providentiæ committere debes? Ubi est fides amabò, quam verbo Dei adhibere debes. *Non dereliquisti quare te Domine. Qui sperant in te non confundentur. Sustinentes Dominum non minuentur omni bono.* An tuas opes amittes? An timor hujus jacturæ plus in tuo corde possit, quam metus offendendi Deum? Quomodo ergo

*Psal.*



Lucas. 14.  
v. 16.

ergo subsistant illa verba Salvatoris. *Siquis venit ad me, & non odit Patrem suum, & Matrem, & uxorem, & Filios, adhuc autem & animam suam, non potest meus esse Discipulus, & illa: Omnis ex vobis, qui non renuntiat omnibus, quæ possidet non potest meus esse Discipulus.*

An Sanctus Petrus, Andreas, Joannes, Jacobus dixerint Filio Dei, si nos renuntiemus nostris parentibus, retribus, scaphis, & te sequamur, omnia pardemus? An Sanctus Matthæus illi dixit, si ego liberos dari & accepti telonium deferam omnia amittam? An Sancti Martyres dixerint, si Imperatorum edictis non pareamus, honoribus exuemur, dignitatibus, muniis spoliabimur, bona nostra fisco addicentur, in exilium relegabimur, & morte crudeli afficiemur? Non. De Apostolis legimus, quod *Relictis retribus, ac Patre sequuntur eum.*

Bene tua agis Deus, tuo tempore rationem exiger; quod si maneat in occasionibus, & periculis peccandi, idque quia times, ne amissurus sis tua bona, scias quod illa perdes sive citò, sive tardè, & valde probabiliter hæc occasio erit ruina, & jactura tuorum bonorum. Filii Iacob vendiderunt suum fratrem Ioseph, idque ne magnus fieret, & supra eos eveheretur, & hoc scelus causa fuit, quod eorum Dominus sit factus. Scribæ, & Pharisei dixerunt: *Si Dimittimus eum sic, venient Romani, & tollent locum nostrum,* & quia eum occiderunt, ideo Romani venerunt, & eos perdiderunt.

## CONCLUSIO.

*Per recapitulationem.*

**D**icam ergo cum vate, *Fugite Babylonem.*

*nem,* fugite occasiones, quæ vobis est vera Babylon, servitus, & captivitas, via, & ductio ad peccatum, occursum serpentis, periculum, quod vos perdet, lapis offensionis, mons præcipitii, laqueus damnationis.

Quantumvis hoc officium, illa persona, quæ nobis occasio peccati est, vobis sit chara, & pretiosa, immò charior, & pretiosior, quam optimus tuus oculus, utilior quam manus dextra, magis necessaria, quam pes, attamen vitari debet, & ab iis procul est tibi secedendū. Alias facies id, quod Filius Dei tam acriter reprehendit, nempe quod respiciēs retrò, postquam manum misisti ad aratrum, nec aptus sis regno Dei, quod tua poenitentia sit falsa, ficta, & inutilis quod charitatem erga te non habeas, quod ob adhesionem erga aliquam creaturam, velis amittere tuam salutem, non detestaris peccata, quia ea amas, quæ ad illa pertinent, & disponunt, tu es temerarius, & audax, tu tuis viribus initeris, ac si esses fortior Sampson, Sanctior Davide, Sapientior Salomone, Castior Iosepho, validior Iudith, mortificatior Martiniano. Et quamvis spatium Sex mensium, unius anni, duorum annorum, non peccasses cum illa persona; attamen tu potes esse causa quod illa peccat ad minus per cogitationem, aut affectum. Tu potes peccare successu temporis, eveniet forsan uno die, quod non contigit spatium centum annorum, & quamvis alio modo non peccares, attamen offendis Deum, ratione scandali, tu prebes malum exemplum, tu das materiam temerè iudicandi, quod perseveres in pravo statu. *Fugite Babylonem.* Exeas ex illa domo, coquam tuam



tuam dimitte, popinas devita, fuge choreas, aleas, conventus adolescentum, & puellarum, societates mundanas, conversationes pravorum.

Illud officium, beneficium dimitte, in quo nequis salvari. Forſan non diu vives, & mors propior eſt, quam tu putes. Omnia poſtea relinques, ſed illubenter, coactè, & absque merito. Si nunc illa relinques amore Dei, ſite

committas ejus providentiæ, tu multum apud Deum promereberis, tuleraberis ejus gratiam, ille curam tui habebit, ille in hoc mundo centuplum promiſſum tibi dabit, hoc eſt conſolationes, gaudia, gratias, & delicias ſpirituales, quæ centies plus valent, quam illa, quibus renuntiasti, & in altera vita te paradiso donabit

Amen.

## SERMO VIGESIMUS TERTIVS.

Pro Dominica ſecunda poſt Paſcha

De Confessione Sacramentali.

*Ego ſum Paſtor bonus, & cognosco oves meas.*

*Joann. 10.*

### E X O R D I U M.

**O** Nosterque, quaterque beatos, ſi dicere poſſimus cum Chriſto; *Ego ſum Paſtor bonus, & cognosco oves meas.* Sed audio aliquem dicentem, quid inde habebō ſi illa verba dicere poſſem? Nam ego non ſum Paſtor, nec habeo oves, dicant id magiſtratus, dicant illa verba ſuperiores, & alii, quibus in cumbit cura animarum, & qui oves habent. Verum, ad quemlibet ſpectat munus paſtorale, quilibet debet eſſe paſtor ſuiplius, quilibet habet non unum, ſed plures greges; nempe potentias animæ, paſſiones, quinque corporis ſenſus, & membra corporis. Et

hoc munus videtur in eo præfiguratum, quod Deus hominem præfecerit avibus, piſcibus, quadrupedibus, & reptilibus. Et quia nimis excreſceret oratio, ſi de omnibus ageremus, oſtendam cum Auctore in præſenti ſermone, quomodo homo debeat imitari bonum paſtorem, & cognoscere per examen an aliqua ovis perſita ſit, hoc eſt ſua peccata interiora, & exteriora, dein cum bono paſtore educere oves ad paſcua, hoc eſt per linguam illa proferre, & integrè confiteri.

*Dixi confitebor adverſum me injuſtiti-  
am meam Domino Pſal. 31.*

II. Die.



II. Diebus præcedentibus nos ponderavimus, quod sicut ad curationem tumoris corporis, non sufficit quod vulnus scalpello aperiatur, sed & præterea pus, & tabes debeat educi; ita quoque in vita spirituali, ut aliquis curetur à peccato, quod vocatur ab Isaia *plaga tumens*, non sufficiat, ut cor nostrum aperiatur per dolorem vivæ contritionis, sed & necesse sit, ut sanies effundatur per os. O sacratissima Virgo, dum Ecclesia in suis Litanis te vocat Refugium peccatorum, illa primariò hoc intelligit de iis, qui se volunt convertere, qui pœnitent, confitentur, & se affligunt, quia offenderunt tuum Filium. Et ideo Ecclesia statim subdit, quod sis consolatrix afflictorum, auxilium Christianorum, ut peccatores, qui te invocant in afflictione pœnitentiæ, per succursum, & assistentiam tuæ gratiæ, quam imploramus te salutando, *Ave Maria*, consolationem recipiant.

## IDEA SERMONIS.

### EXORDIUM.

*Hæc verba confitebor adversum &c. indicant confessionem debere esse primo preparatam, secundo vindicativam, tertio integram.*

II. **D**ixi confitebor &c. Hæc verba Regalis Psaltis, quæ pro meo themate assumpsi, egregiè explicant tres principales circumstantias, & condiciones veræ pœnitentiæ. Primo quippe debet esse præmeditata, ita ut examen, & dolor debeant eam antecedere. *Dis-*

*xi confitebor.* Secundo, debet esse vindicativa, *Adversum me iniquitatem meam.* Tertio, quod debeat esse integra, ita ut nullum peccatum mortale omittatur, velut illa, quæ fit Deo. *Confitebor Domino*, & hæc erunt tria puncta hujus discursus.

### PUNCTVM PRIMVM.

*In hoc tribunali poenitens est pars adversa contra se, unde debet parare accusationem scrutando suam criminis per examen. Præcipua hujus examinis pars est dolor, ardentem à Deo petendus.*

III. **A** Deamus cum fiducia ad Thronum gratiæ ejus, ut misericordiam consequamur. Hic textus sacer, quem Sanctus Paulus scripsit ad Hebræos; nobis anam præbet considerandi, quod Salvator noster erga homines duo genera judiciorum exerceat, unum suavitatis, & bonitatis, alterum severitatis, & rigoris. Primum est asilum misericordiæ, aliud est tribunal justitiæ. Primum est thronus remissionis, secundum est solium vindictæ, & punitionis. Primum exercetur in hac vita, secundum post mortem. Primum fit in Sacramento pœnitentiæ, secundum in resurrectione generali. Et veluti in hoc secundo tam severè, & absolutè non exercet suam justitiâ, quin simul adhibeat suam misericordiam, quia non *Punit citra condignum*, ita quoque in Sacramento pœnitentiæ, quamvis misericordiam faciat iis, qui ad illam confugiunt, attamen vult, ut se collocent in tali statu, ut partibus satisfiat,

Heb. 4.  
v. 16.



Cap. Forū  
de verborū  
signif.

fiat, & omnes regulæ, ac apices iustitiæ observentur.

IV, Juristæ docent, uti etiam experientia monstrat, quod *Iudicium tribus personis constat, actore, reo, & iudice.* In iudicio rigoris, & severitatis, Iudex erit noster Salvator, homo Deus, nam quotidie dicimus in Symbolo, *venturus est iudicare vivos, & mortuos.* Advocatus & reuserunt homines peccatores, actor, & accusator erit Pater æternus, qui hunc honorem, ut nempe agat Iudicem, deferet suo Filio, in præmium ignominia, quâ sustinuit se iudicari ab hominibus, ob gloriam sui Patris. *Dignum ducis super huiusmodi aperire oculos tuos, & adducere eum tecum in iudicium.* Textus Græcus pro τὸ Tecum substituit ἐναντίον σου, hoc est *Adversum te.* Tu vis esse pars adversa, & dicis per Joëlem: *Congregabo omnes gentes in vallē Iosaphat, & disceptabo cum eis.* Ille dicet Deo Humanato, mi Fili, iustitiam fac, tu es iudex competens, nemo potest te reculare, quod si tu meam zelus gloriam, quia æquē Deus es, acego, aliam desideras salutem hominum, cum æque homo sis ac illi: Ergo *iudicā inter me, & vineam meam.* Ego te instituo iudicem, ille qui commisit talem, & talem culpam, scienter, & à proposito, non obstante tali, & tali gratia, quam ei feci, talem & talem promeretur poenam.

Iob. 14. v. 3  
Joel. 3. v. 2.

Ioann. 3.

Similiter in tribunali confessionis, iudex est homo Deus, Iesus noster Assessor, *omne iudicium dedit Filio, quia Filius hominis est.* Et quoniam non amplius est visibilis, & ut nos certiores simus de indictione processus, & sententia absolutionis, quæ nobis datur, ille insti-

tuit vicarium, quæ cum visibili, & humano modo possemus agere, nempe sacerdotem, qui est ejus vitæ præsidens, vice Rex, & locum tenens. Reus est pœnitens. Sed quis est accusator? *Iudicium tribus personis constat,* in hoc autem iudicio video tantum duos, Sacerdotem, & pœnitentem. Vbi est ergo tertia? Pars adversa quoque est Pater æternus, & sicut ejus vicarius vices subit Filii, ita pœnitens vices subit Patris, quia est ejus Vicarius, substitutus, promotor, & Procurator Regis, accusator, Fiscus, delator, actor, pars adversa verba, seipsum; & ut talis debet curare interesse Patris æterni, & iustitiam flagitare: *Confitebor adversum me.* Porro sicut Procurator Regius sedulo vitam rei inquit, & indagat, informationes circa eum petit, & curiose omne id inquit, quod ad ejus actionem servire, & conducere possit, ut processum ei instituat verbalem; ita pœnitens serio debet examinare suam conscientiam, revidere omnes suas cogitationes, verba, opera; exactè indagare omnes species, numeros, & circumstantias suorum criminum, & tandem de iis se accusare. Porro de examine hisce diebus fusè egimus, in gratiam tamen eorum, qui abfuerunt, præcipuam, & magis necessariam qualitatem, quæ est dolor, hodiè tractabimus.

V. Concilium Tridentinum agens de communione, dicit confessionem esse dispositionem magis principalem, & quidem absolute necessariam ad hoc, ut quis dignè communice. Et de confessione docet, intelligenda hæc verba, *Probet autem seipsum homo.* Et hic observandum, quæd non dicat, examinet

suas



sunt cogitationes, verba, opera, sed se-  
ipsum, suum cor, fundum animæ suæ, si  
habeat verum dolorem, displicentiam,  
quod offenderit Deum, sincerum pro-  
positum, seipsum ei donandi, vitam mu-  
tandi, mundo, ejusque maledictis vitiis  
renunciandi, & juxta regulas Christi vi-  
vendi.

Quidam Doctor Sorbonicus, qui  
scripsit in summam Divi Thomæ, fun-  
datè, & verissimè asserit, magnum esse  
abusum, qui hodie regnat in animabus  
Christianis, dum nempe in id totæ sunt,  
quomodo sua peccata cognoscant, &  
conscientiam examinent, parum verò  
solicite sint, quomodo poeniteant, & de-  
testentur peccata; cum tamen hoc ma-  
gis necessarium sit, quam illud; quam-  
vis enim venialiter delinques non ad-  
hibendo sufficiens examen; tamen cō-  
fessarius interrogando illum defectum  
potest supplere; verum si non elicie-  
ris contritionem, quam vix potest sup-  
plere, quia, si suadere conetur tibi con-  
tritionem, & proponat motiva, ob quæ  
dolere debes, tu pro eo, quod debeas  
attendere ejus dicta, crucias te, & vexas  
cogitando, num non alicujus peccati  
oblitus fueris, & ita contritionem non  
elicias. Porro, cum ad Deum spectet il-  
lā poenitentiam tibi dare, ego judico  
necessarium esse, ut plus temporis, ad-  
vertentiæ, industriæ, conatus adhibea-  
tur in petenda, & exercenda contritio-  
ne, quam in anxie, & scrupulosè inqui-  
rendis peccatis.

VI. Ego quidem ante paucos dies  
vobis dixi, quod, quamvis æquum sit, ut  
tempus, & sufficientem diligentiam ad-  
hibeamus in instituendo examine, ad-  
didi tamen, quod circa hoc non debea-

tis esse nimis auxilii, & scrupulosi di-  
cendo: Forlan defectu sufficientis exa-  
minis confessio præa invalida est. Et  
hinc debes desistere, & contentari,  
quando tantam diligentiam, & tempus  
adhibuisti, quantum adhibere soles in  
negotio temporali magni momenti.  
Omnia hæc vera sunt, & debent tantum  
intelligi de examine, & non de dolore e-  
liciendo, quia vix aliquis tibi poterit  
præscribere tempus, & industriam de-  
terminare, quam adhibere debes in hoc  
dolore adeo petendo. quia ab ejus vo-  
luntate tantum dependet cum tibi dare,  
quando sibi placuerit. Viden quen-  
dam ministrum Principis, qui datorum,  
& acceptorum summo atriarii præfecto  
rationem reddere debet, quique ali-  
quod beneficium, vel officium à Princi-  
pe pro filio suo postulat. Quod si hunc  
interroges, quantum temporis debeat  
impendere in ratione reddenda, & com-  
putu instituendo, forlan respondebit  
tibi octo, vel quindecim juxta quantita-  
tem majorem, vel minorem datorum, &  
acceptorum. At si ab eo quæras, quan-  
tum temporis collocare debeat in ob-  
tinendo officio, dicet, se hoc nescire,  
cum hoc omninò dependeat à volunta-  
te Principis; & fieri possit, quod illud  
habiturus sit brevi, vel etiam tardè. Eo-  
dem prorsus modo, si a me quæras, quā-  
rum temporis adhibere debeam in exa-  
minando meam conscientiam, ego re-  
spondere possum, tantum temporis  
juxta numerum peccatorum, qualita-  
tem status, & tempus ultimæ confessio-  
nis factæ. At si me interroges, quan-  
tum temporis impendere debeam, ad-  
hoc ut obtineam poenitentiam, seu do-  
lorem, dicam me id nescire, cum hoc



dependeat à Deo, qui eam citius, vel tardius donare potest; eamque ferventer esse rogandam, & eliciendam, quousque probabiliter credas, quod eam habeas. Nunc habes quomodo confessio debeat esse præparata: Dixi confitebor.

PUNCTVM SECVNDVM.

*Debet confessio animo vindicatorio contra se confirmari intentionibus, ob quas Christus instituit confessionem, quæ sunt punitio, humiliatio, correctio, ergo debet querere se verum iudicem ut puniatur, non se excusare, sed accusare, ut humilietur, petere poenas convenientes, ut corrigatur.*

de Sacramento poen  
6, 5, v. 396

VII. **A**dversum me injustitiam meam. Cathéchismus Concilii Tridentini agens de Confessione, docet, eam non esse tantum simplicem narrationem, quæ actiones nostras, & vitam auribus committimus confessarii, sed quod sit accusatio, & narratio peccatorum facta ex Zelo, & animo puniendi seipsum. *Animo accusatorio, ut eam nobis vindicare cupiamus.* Ita loquitur in terminis. Quod si una pars bile inflammata sit, & irritata cuidam reo ante omnia conatur sinceriores, severiores, & rigidiores adire iudicem, & deinde accusationem, & scelus rei adeo exaggerat, & aggravat quantum potest, & ideo profert circumstantias temporis, loci, personarum, instrumentorum, quibus peccavit. Tertiò magnam exigit re-

sarcitionem, & reparationem, & instat ut reus exactè, & plenè satisficiat.

Et Sane nihil horum facis in tuis confessionibus, quinimò omnino contrarium practicas: etenim indelectu confessarii, visillum, qui sit dulcis velut mel, qui sit bonus Heli, qui tibi blandiatur, dicis portariò, aut sacristano, ne mihi voces confessarium scrupulosum, severum, qui tanta requirunt, pro eo, quod exaggeres crimina, tu illa excusas, & extenuas quantum potes, tu crimina tua derivas in maritum, qui continuò est ebrius, in prolium, & ancillarum inobedientiam, in consanguineos, qui litem tibi injustè moverunt. Quod si tibi injungat poenitentiam paulò severiorem, aut contrariam tuo amoris proprio, quamvis illa sit in tuum bonum, ut salveris, nec decima ex parte acquætur illi, quam es promeritus, tu conquereris, murmuras, facis instantias. Nequaquam ita Charissime, tu contra te processum instituere debes. *Confitebor adversum me, adversum me, non contra alios, sed contra teipsum, & nò pro teipso, non ut lauderis, ut excuseris, sed ut oburgeris, puniaris, & castigeris.*

Meò iudicio argumenta, quæ desumuntur, à priori, & quæ deducuntur ex principiis, sunt magis convincentia, quidentia, & irrefragabilia, quæ te paulisper examina, eccur Salvator noster nos obligarit ad confessionem faciendam homini, adeo contra naturam, odiosam, & secretam? Concilium Tridentinum, & Patres docent confessionem principaliter ob tria esse institutam, primo ut nos ipsos puniamus, humiliemus, & vitia emendemus. Primo itaque

Trid. sess.  
14. c. 2. & 8.



Itaque instituta est, ut nos ipsos puniamus, nam, ut idem docet Concilium, quandoquidem adeo temerarii fuerimus, vel baptismum nostrum violaverimus, ut promissionem fregerimus, & gratiam amiserimus, quæ tam carè constitit Salvatori nostro, æquissimum est ut illa stultitia, & temeritas castigetur. Secundo instituta est, ut nosmetipsos humiliemus, quia ut dicit Sanctus Bernardus: *Sola virtus humilitatis læsa, est reparatio castitatis*; immò addi debet, *Læsa reparatio Charitatis, pietatis, sobrietatis*. Sine humilitate anima non reparat damna, quæ intulit charitati, castitati, & aliis virtutibus Christianis, præterea Tertullianus vocat poenitentiam *Scholam humiliandi*, seu humiliationis. Ultimo, Filius Dei instituit confessionem, ut emendemus nostra vitia, juxta illud Davidis. *Sana animam meam, quia peccavi tibi. Sana me Domine, & sanabor.*

VIII. Porro ex hoc consequitur, quod debeamus aperire plagas, si velimus, quod curentur; nam ut dicit idem concilium; *Qui ignorat medicinam, non curat*. Ut ergo primæ intentioni nos conformemus, cum tu in hoc processu criminali sis contra te ipsum actor, & accusator, quærere debes judicem non partialem, sed imitari peticlem, qui personam amici exuit, cum induit iudicis (loquor de amico mundano, non Spirituali, & Christiano) judicem non interessatum, sed integrum, & incorruptibilem, qui muneribus non flectatur, qui non procedat ex favore, respectu humano, spe, & prætensione aliquid à te obtinendi; nam uti inquit Spiritus Sanctus; *Munera excæcant oculos sapientum,*

*& mutant verba justorum*. Adire debes judicem non laxum, timidum, mollem, conniventem, blandientem, sed eum, qui considerarit, & impleverit hæc verba. *Noli fieri iudex, nisi valeas virtute irrumpere iniquitatem*; Cui animus sit excusationes, & rationes frivolas, quas adfers, cur non expdias te occasione peccandi, aliena non restituas, inimico non condones properendi, ut eligas inquam confessarium, qui tibi deneger absolutionem, quando non vis discedere ex illa domo, quando non vis dissolvere illam amicitiam, resignare illud beneficium, officium, in quo bona conscientia non potes manere.

IX. Verum enim verò ad quid delectū instituis boni confessarii, si confessio non sit bona? Non est bona, quinimmo est mala, & contraria secundæ intentioni Filii Dei, quando te excusas, pro eo quod te debeas humiliare, quando te justificas, dum deberes te condemnare. David tuas excusationes, quas adferre soles vocat verba malitiæ. *Non declines cor meum in verba malitiæ ad excusandas excusationes in peccatis.*

Sanctus Augustinus, Bernardus, & alii Patres docent, Deum quandoque permittere, ut prædestinati peccent, ad hoc ut humilientur: *Præquam humiliarer ego deliqui*, ut clarè cognoscant, & videant propriam fragilitatem, miseriam, debilitatem, corruptionem naturæ, egestatem, quæ egent gratiâ Dei, & à Deo se esse præservatos, quod non sapientius, ac turpius sunt lapsi. Et quæso te, an non est magnus defectus humiliatōnis, nonne Deo ansam præbemus, ut nos deferat, dum pro eo, quod debemus agnoscere, ac fateri nostram culpam,

Lib. de  
poen.

Eccles. 20.  
v. 31.  
Deut. 16.  
v. 19.

d. sess.  
2. & 8.



pam ut nosmetipsos confundamus, nos eam in alios derivemus, ut nos iustificemus?

Nos videre & observare possumus in scriptura, quod Deus, ut nobis faciat gratiam, & misericordiam, postquam peccavimus, requisiverit agnitionem, & accusationem nostrarum culparum; & hoc in omni lege, tam naturæ, quam scripta, & Evangelica. Hinc Sanctus Augustinus, cui concinit sanctus Hieronymus. *Deus consueti Adamo tantum quam in apertum sinum indulgentiam paratus erat dare; excusaste, claudis sinum, includis peccatum, excludis peccati indulgentiam. Ad hoc quippe requisiti fuerant, ut peccatum, quod transgrediendo commiserant, consuetudo deleverit, unde & serpens ille persuasor, qui non erat te vocandus ad veniam, non est de culpa requisitus. Similiter in lege scripta hoc Deus exegit: Vir, siue mulier cum fecerint ex omnibus peccatis quæ solent hominibus accidere, & per negligentiam transgressi fuerint mandatum Domini, atque deliquerint, confitebuntur peccatum suum.* Gemebrardus insuper probat, quod iuxta differentiam peccatorum commissorum diversa sacrificia obtulerint.

In lege similiter gratiæ dicitur: *Si confiteamur peccata nostra, fidelis est, & iustus, ut remittat vobis*, quod si non confitearis debitum, non agnoscis morbi gravitatem, aut præstantiam medicinæ, quam tibi porrexit. *Dagloriam Deo, & confitere* dicebat Iosue cuidam militi, qui peccarat. Ut ergo Deus glorificetur per tuam confessionem, & tibi peccata remittat, non debes te iustificare, sed humiliare, crimina sunt exaggeranda, & non minuenda. Reverendæ Pa-

ter, ego ingratiſſim⁹ sum omnium creaturarum, ut non credas, quam Deo sim obligatus, gratias particulares, quas mihi dedit, & tamen a deo temerarius fui, ut per talia, & talia facinora eum offenderim, & quidem à proposito, deliberatè, voluntariè absque eo, quod induceret ab aliqua persona, sed ex mera malitiâ, non obstantibus magnis inspirationibus, remorsu conscientiæ, claris cognitionibus, quibus gravitatem peccati cognovi, & quidem peccavi scandalum præbendo, coram mea familia, dando malum exemplum, in templo, in quadagesima, in hebdomada Sancta. Ego jus prætendi in tali lite, in tali causa, cum tamen à me stet injustitia, & id fecerim ex passione, ex amore proprio, avaritia, impatientia, proprio innixus capiti, quod omnium malorū causa est.

At enim verò, ut te conformes teritiæ intentioni, ob quam confessio instituta est. Ut ergo ostendas hanc humilem confessionem non esse locum, simulachrum, aut larvam poenitentiae, sed quod habeas veram voluntatem, quâ velis puniri, & à peccatis tuis curari, ne agere feras si censureris, sed sine, ut remedia salutaria tibi applicentur, quæ Salvator noster instituit. Sancto Gregoriò teste: *Contraria opposuit medicamenta peccatis.* Quod si ergo deliqueris per avaritiam, rapinas, usuras, fraudes in emptionibus, & venditionibus, per acquisitiones injustas in litib⁹, ac aliis injustitiis, rogare debes confessarium, non solum ut te obliget ad restitutionem, sed etiam ad eleemosynas, & opera Charitatis. Quod si peccaris per crapulam, & verba inhonesta, mendacia in popinis, aut societatibus munda-

Not. Rev.  
10.

Gregor. 11.  
Moral. 9.

Ioann. i.  
v. 9.  
Iosue. 7.  
v. 19.



danis, per intemperantiam, impuritatem. per cogitationes, & opera lasciva, debes ab eo flagitare poenitentiam, ut tibi prohibeat ne spatio trium annorum frequentes cauponam, talem societatem, ut jejunes, vites convivia, non bibas vinum nisi aquâ dilutum: *Confitebor adversum me, adversum me.*

## PUNCTVM TERTIVM.

*Debet integrè confiteri, primo scripturâ, secundo Patribus, tertio rationibus sumptis ex qualitatibus confessari in se, & erga poenitentem, nempe quia est homo, Christianus, sacerdos, Pater, Medicus, iudex, quarto Historiâ.*

**C**onfitebor Domino. Et quidem re ipsâ Deo confiteris, quia sacerdos est ejus vicarius, ejus locum tenent, unde tam verè, sincerè, confidenter te accusare debes, ac si soli Deo confitereris. Quod si non detesteris tua peccata, si illa non abjicias, si non habeas voluntatem servandi promissâ, nec id faciendi, quod tibi mandatur, dicemus tibi id, quod Sanctus Petrus dixit Ananiæ; *Non es mentitus hominibus, sed Deo.* Fallis Deum non homines, adhibesque fraudem, & simulationem in tui damnationem.

Tu facis velut Phariseus, inquit Sanctus Augustinus: *Erat in statione medici curandus Phariseus, sed sana membra ostendebat, vulnera tegebat. Deus tegit vulnera tua non tu, tegere volueris erubescens, medicus non curabit. Sub tegmine medici sanatur vulnus, sub tegmine vulnerati putrescit vulnus. Ille ibat ad templum,*

quæ est vera domus medicinæ, & pharmacopolium Spirituale & tamen æquè infirmus, ac sanctiatus exivit, quam intravit & hoc quia ostendit partes sanas & non vulneratas: *Iejuno bis in Sabbato* quando times Chirurgo ostendere tuas plagas, tu quidem eas occultas, sed cum tuo damno, putrefiunt, & gangræna nascitur. At enim si eas Chirurgo ostendas, ille eas contegit cum exiguo quidem dolore, sed tuo emolumento, ille applicabit emplastrum aliquatenus quidem mordax, & sensibile, sed salubre, & salutare. Vtergo vincas pudorem, & confusionem, quæ te forsitan possunt impedire, ne eas benè, discoperias, considera qualis sit confessarius, tum in se, tum respectu tui.

In se est homo, Christianus, sacerdos, respectu tui est tuus pater, tuus Medicus, & iudex. Primo itaque est homo. *Homo est, humani a se nihil alienum putat.* Ille novit fragilitatem humanam, eam quotidie experitur, est infirmus, debilis, fragilis, subiectus tentationibus, sicut tu, & quidem potest esse, quod eadem patrarit, quæ tu. Quod si eadem non commiserit Deus eum gratiâ quadam particulari præservavit, & de facto illa patraret, nisi Deus ipsum impediret. Ille novit hanc maximam sancti Augustini: *Nullum peccatum facit homo, quod non facere possit alter homo, si desit rector, à quo factus est homo.* Si enarres aliquod enorme peccatum, ille sic secum discurret, ego eadem fecissem, si Deus hucusque non me adjuvisset, si me permisisset meæ fragilitati.

Præterea est Christianus, Filius ejusdem Ecclesiæ, membrum ejusdem corporis, cujustu. Membra ejusdem cor-



poris inter se habent compassionem, synpathiam, charitatem, confidentiam. Quod si confessario tuo quoddam enorme, & latens peccatum, unum scelus infame, & abominandum patefacias, unum peccatum, quod huc usque, celasti, quod nulli velles manifestare ob bona totius mundi, tu ostendis te habere magnam affectionem, confidentiam erga illum, tu ejus lucraris cor, & affectum, & necesse est ut sit Turca, vel tigris si te non amet, & te non juvet.

Luca. 15.

Tertio est sacerdos. Filius Dei testatur; Angelos exultare in conversione alicujus peccatoris, & festum agere in caelo, dum quapiam anima poenitens in hac vita poenitet, & vitia deserit. Sacerdos est Angelus Dei, ut ait Malachias, unde si bonam instituas confessionem, ille gaudet cum Angelis, delectatur te audiendo, & donando tibi absolutionem, dum confiteris aliquod peccatum, quod hucusque reticisti exultat. Majori eum afficis voluptate, quam si integrum ei dares regnum, quia ei praebeas anam, ut lucretur Deo tuam animam, quae plus valet, quam centum mundi.

Osee. 13.  
v. 12.

XI. Ille praeterea est tuus Pater, tu ei dicis in tuo *confiteor, & tibi Pater*. Deus illi dat viscera, & affectum paternum erga te, unde filialem affectum, confidentiam erga eum habere debes. *Colligata est iniquitas Ephraim, dolores parturientis venient ei.* Quod si puella quaedam lapsa sit, & ex fragilitate sexus concepit, si hoc aperiat suo Patri, hic lapsu silentio involuit, eam domi continet, vel alio mittit, usque dum ventrem, uterum ex oneravit, nemo aliquid scit, in paucorum notitiam lapsus venit, unde manet in suo honore. Econtra si rem

celet Patri, si illud neget, dum illud, cito, vel tardè diffamabitur, totus mundus videt eam uterum ferre, & fateri deberent, clamores, quos edit in partu, eam esse meretricem, arguunt & impudicam.

Eodem plane modo, si ex infirmitate humana sis prolapsus in quoddam peccatum, si illud manifestes tuo confessario, qui est tuus Pater Spiritus, & qui tenerius te amat, quam tuus Pater carnalis, ille secretum servabit, nemo aliquid sciet, absolveris, nec est necesse, ut amplius mentio fiat, tu à remorsibus conscientiae, quibus cruciaris libereris, ille tibi consilio aderit, qualia debeas remedia adhibere, quomodo praecavendi sint effectus, consequentiae, damna infamiae, quae se qui possunt.

Verum si ei tua crimina celes, citius, vel tardius, prodibunt in apicem, vel in hoc mundo per vias, quas non praevidisti, vel in extremo judicio, dum Deus toti mundo illa propalabit coram Angelis, & hominibus. *Nihil est operum, quod non reveletur, neque absconditum quod non sciatur.* Ego dixi, confessarium silentio contesturum peccata, quae confiteris, cum enim sit tuus medicus, & medicus obligetur ad secretum, Deusque tanti tuum honorem aestimet, ut si tu te resolves; ob ejus amorem te diffamare apud confessarium, ille sub poena damnationis illi prohibuerit nulli cuicumque, in nullo casu, ob nullum finem, etiam si tota salus mundi ab hoc penderet loqui.

Tandem est tuus iudex, ille interrogat juridicè tanquam iudicis supremi Vicarius, non ut te condemnet, sed ut te absolvat, qui si non candidè confitearis



aris nihil agis. *Qui male narrat, nihil impetrat.* Absolutio gratiæ, ac misericordiæ, quam tibi impendit, nulla erit, & pro eo quod absolvendus sis condemnaberis.

Narrat speculum exemplorum, duas Religiosas arcto amicitiaæ foedere colligatas fuisse, quæ sanctè ad minus apparenter vixerunt. Vnam contigit hac vitâ defungi, pro quâ alia ferventes, & frequentes ad Deum preces fudit, specialiter post matutinum, dum aliæ in suis cellulis delitescerent, illa remanebat in choro, officiumque mortuorum persolvebat. Quadam igitur nocte defuncta velo nigro contexta, tristissima, & desolatissima, sepe ei conspiciendam præbuit, voce lugubri illa verba Job, quæ Ecclesia in officio Defunctorum decantat repetens. *Peccantem me quotidie, & non poenitentem timor mortis conturbat me, quia in inferno nulla est redemptio*; ac si dixisset, quia peccavi, & non poenitui, ideo timor mortis affligit, & hoc quia in inferno nulla est redemptio. Dum porro, quæ adhuc superstes erat, eam rogaret, cur subsequenter non adiungeret verba; *Miserere mei Domine, & salva*, defuncta replicavit, Hem mea soror, ego illa non adiungo, quia nulla est mihi spes misericordiæ, & salutis. Eheu respondit altera; Ergo ne tibi nulla sit spes salutis? Quis salvabitur, si tu non sis salvata? An ergo nil tibi profuerunt exercitia tuarum virtutum, tuæ poenitentiaæ, austeritates, devotiones? Non inquebat, quia quamvis quamdiu in monasterio vixi virsuosam, & probam duxerim vitam: ad minus in exteriori homine; sed o me miseram! quoddam

peccatum carnis quod ante ingressum in religionem, patravi, nunquam ausa fui confiteri, & ideo illud mihi non est condonatum, sed damnatum sum; ne ergo pro me ores; Quia in vanum te vexabis. Nunc dic sodes, quid illa est lacerata? Nonne noluit confiteri scelus uni confessariò, qui eam absolvisset, qui ei nil dixisset, qui illud oblivione sepe livisset? Nunc autem illud scitur, nos illud sciemus, & omnes illud scient supermo iudicii die; tunc enim coram toto mundo publicabitur. Idem tibi eveniet, si tua peccata in confessione celaveris, vel si sine vero proposito te emendandi, illa clavibus Ecclesiæ subicias.

## CONCLUSIO.

*Pia instructio per paraphrasin illorum verborum, Dixi confitebor.*

XI. **F**iniamus iisdem verbis Regii Vatis, *Dixi confitebor adversum me iniquitatem meam Domino*, quibus incepimus. *Dixi*, Quæso te ne unquam obiter, & non præparatus ad confessionem accedas, quia non est confessio lusus puerorum, sed in ea agitur de salute tua, ideo præmeditatè instituenda est. Videbis nonnullas puellas, quæ iocantur cum Sacramentis, ac si nil essent quam lustrum, & diribitorium, illæ confitentur ex consuetudine, usu, ut habeantur devotæ, placeant confessariis, ut habeant honorem loquendi cum uno Patre, qui est honoratus, qui à magnatibus suspicitur, ut per quadrantem horæ agant cum viro, quem amant,

ut.



ut ille eas commendet apud iudices, apud heras, apud eos, qui largiuntur elemosynas, confitentur sine dolore, sine poenitentia, ita ut nec minimum signum emendationis appareat.

*Confitebor.* Confitere candidè, sincerè, apertè, quia magis æstimaberis à confessariò, & maiorem habebis quietem conscientia, quam modo dum peccata tegis. An forsan times confusionem? Exiguus rubor citò transit. Dicere debes id, quod Diogenes dixit cuidam adolescenti, qui in ruborem dabatur, quod à Diogene videretur exire è prostibulo. Mi fili erubescere debebas, dum intrabas & non dum exis. Pudere nos debet, dum peccamus, & non dum commissa confitemur.

*Segnius irritant animos demissa per aurè.  
Quam quæ sunt oculis commissa fidelibus.*

Dum nobis narratur commissum esse homicidium, non adeo nos illud angit, quam si illud propriis oculis conspexissemus patrari. Confessarius solum audit tua peccata, & tuam conversionem videt, cernit tuam poenitentiam, dolorem, sinceritatem, humilitatem, candorem. Hæc potèd quæ videt, maiorem in eo excitant affectionem, & estimationem erga te, ne illa, quæ audit, eum contra te concitent, & horrorem in illo causent.

*Adversum me.* Tu debes esse par tibi adversa, nec enim debes esse tuus advocatus, nec in tui favorem litigare, ut correctionem evites, & supplicia, exprobrationes promeritas evadas. Nonne enim magna insania est agere, ut confessarius, qui ibi sedet, ut sit tuus iudex

debeat fieri contra te actor, quod potius debeat instituire processum, quam quod tu poeniteas, quod tempus fallat tecum litigando, quod te debeat cogere ad condonandum, ad abstinendum ab usuris, litibus injustis, ut restituas, & vites occasiones peccandi?

*Injustitiam.* Ne imiteris scribas, & Phariseos, quibus objicit Filius Dei, quod camelos deglutiant, culicem excolunt. Tu dicis, ego iratus fui meo famulo, ego mendacia protuli otiosa, ego involuntariè fui distractus in meis precibus, en culicem. Interim retices, quod cum sis iudex distractus fueris, aut obdormieris, dum advocatus partium jura proposuit, ego salarium à cliente admisi, quamvis non laborarim, & partes compositionem inierint. Ego decretum emi, ut creditores defraudarem.

*Meam.* Et cur loqueris de tuo marito, tua femina, tuis prolibus, tua ancilla? Tuum peccatum celatur, & occultatur inter hos discursus inutiles, & prolixas historias, quas texit. Loquendum hic est de te, & non de aliis.

*Domino.* Quidquid cum Deo agimus, bene agendum est, tu confiteris Deo, nam sacerdos est solum vicarius; fac ergo eam seriò, sincerè, perfectè. Quod si eam hoc modo iustitias, si verba Davidis in te verificentur; tu de tua confessione poteris dicere, id quod adjunxit. *Et tu remisisti impietatem peccati mei.* Faciet tibi gratiam, & misericordiam, & omnia præterita tibi condonabit. *Et tu remisisti impietatem peccati mei.* Dicitur tibi sicut fuit dictum Davidi: *Dominus quoque transtulit peccatum tuum.* Amen.



# SERMO VIGESIMUS

## QUARTUS.

Pro Dominica Tertia post Pascha.

De satisfactione.

*Mulier cum parit, tristitiam habet, quia venit hora ejus*  
*Joann. 16.*

### EXORDIUM.

**M**iratus est Cæsar Augustus equitem quendam Romanum ingentis pecuniarum summæ debitorem toto tempore vitæ id reticuisse, & quietè vivere potuisse; unde cum eo defuncto magna summa debiti innotesceret, & bona illius actioni subijcerentur, ut creditoribus satisfaceret, lectum ejus emi jussit, ut commodè dormire posset: miror & ego plurimos peccatores, qui debita debitis augèdo quotidie peccant, & dum in confessione quæ partui mulieris comparatur, peccata confitentur peccata sua confitentur, non plorant, nec solliciti sunt de satisfactione, quomodo tam ingenti summæ peccatorum satisfacere possint, & in hoc maximam suam diligentiam ponit Dæmon, ut nimirum parum solliciti simus ut pœnitentiæ magnæ pro peccatis nobis imponantur, sed potius uti Auditor doctè hoc sermone ostendit.

*Facite fructus dignos pœnitentiæ* Luca.

3. v. 8.

I. Sacramentum pœnitentiæ quidem est thronus misericordiæ, sed etiam est tribunal justitiæ, in quo reis, qui gratiam postulant, & veniam rogant, peccata condonantur, sed hac lege, ut satisfa-

cient parti læsæ, & summam resarciant. Hoc porro fit per satisfactionem, quæ est tertia pars hujus sacramenti, de quâ hodie agemus. Et quidem satisfactio supponit peccatum, sed non necessariò personalia, & propria; nam ideo in Filio tuo, & te fuit O sacratissima virgo, ita ut dicere potueris: *Qua non rapuit tunc exolebam.* Tu solvisti, quod non debuisti, tu punivisti in tuo corpore innocente peccata, quæ nunquam patraisti. Toto mundo occupato, ut turpiter offendar Deum, tu sanctè te impendis, ut eum places, eique per satisfactiones sanctas, meritorias, gratas, efficaces, perfectas placere studes, & tuæ preces, & merita Filium amantissimum Dei ad tuum sinum virginalem attraxerunt. cui nos benedicimus te salutando. *Ave Maria.*

### IDEA SERMONIS.

#### EXORDIUM.

*Dæmon studet impedire, aut inficere, aut mutilare sacramentum pœnitentiæ, & hoc adimplet, cum leves pœnitentiæ imponitur pro magnis peccatis, quod probatur inductione in quatuor punctis.*

II. **L**egimus in Apocalypsi, quod Spi-ritus



ritus sanctus describens naturam monstruosam Dæmonis dicat : *Habebane super se Regem Angelum abyssi, cui nomen Habraice Abaddon, Græcè autem Σοφιδών, latine habens nomen exterminans.* Tribus itaque idiomatibus nobis ejus pessimam naturam describit, ut nos doceat eum vocari malum, aut malitiam. *Libera nos à malo. τὴν πονηρίαν.* Et hoc modo est hostis capitalis boni. Porro tribus modis nos perdere conatur : *cui nomen exterminans.* Ubi enim opus bonum vitiavit, totum fecit, & voto suo fruitur ; quod si tamen hoc non possit ; cum sciat, quod *bonum sit ex integra causâ, malum ex quolibet defectu*, ille in id totus est, ut ei affricet quandam circumstantiam vitiosam, aut ad minus aliquam ejus partem mutilet. Et sanè hoc clarè liquet in pœnitentia ; nam hæc est præstantissimum, præciosissimum, optabilissimum bonum, quod animæ obvenire possit post gratiam Baptismalem.

Sunt porro nonnulli, qui nil eam æstimant, & ideo integris mensibus, & annis concervant sibi cumulos iræ, & vindictæ pro supremo die judicii. *Tu autem secundum duritiam tuam, & impœnitens cor thesaurizas tibi iram in die iræ.* Alii sunt, qui se pœnitentiæ dant, sæpe uti vides, confitentur ; sed actionem adeo sanctam circumstantiâ quadam vitiosâ commaculant ; nam confitentur ut auram, & gratiam venientur confessoris, à mundo laudentur, & æstimentur, aut ex prava aliqua intentione, quæ illam actionem inficit. At enim verò spiritus malignus, nunquam adeo perfectè suo voto potitur, nunquam pœnitentiam

nostram reddit adeo vitiosam, imperfectam, mutilam, quam quando eo usque nos deducit, ut taliter, qualiter confiteamur, absque eo quod conemur Dignos fructus pœnitentiæ facere, uti Deus commendat. Quod si Sathan hoc à nobis obtineat, tunc malitiosè omnes partes essentielles, & integrales tam magni, salutari, & necessarii sacramenti perdit, & corrumpit ; ut enim clarè vobis sub oculos ponam, quod si post peccata mortalia commissâ, contenti sitis recitatione quinque, vel sex coronatum, unâ, vel alterâ recitatione psalmorum pœnitentialium per vos, aut per alios derogeris conditionibus, & qualitatibus, quas contritio, confessio, satisfactio, & absolutio debent habere.

#### PUNCTVM PRIMVM.

*Cum leves pœnitentia pro magnis peccatis imponuntur, vix habetur contritio, uti probatur primò scriptura, secundo ratione, tertio comparatione, quartò praxi Ecclesiæ antiquæ.*

III. **G**loriosus præcursor nostri salvatoris sanctus Joannes Baptista, præparaturus viam ei ad corda Israelitarum, Auditoribus suis hæc prædicavit : *Facite fructus dignos pœnitentiæ.* Meo verò sensu aliquis ei potuit sic replicare. Quis est finis tuæ prædicationis, Quid à tuis Auditoribus prætendis ? An nescis, quod Baptismus nostri Assertoris tuum longè præcellet ?



let? Ille tantâ gratiâ, & virtute Spiritus sancti erit præditus, ut omnia peccata tam quoad culpam, quam quoad poenam sit deleturus. Ecceur ergo baptizandi ejus baptismo faciant poenitentiam?

IV. Verum id certissimum est, quod nullum peccatum actuale unquam remittatur sive per sacramentum, sive aliâ viâ, qualiscunque illa sit, quamper veram, supernaturalem, & cordialem poenitentiam. Porro ad hanc obtinendam oportet facere opera poenalia, & dignos fructus poenitentiae. Error itaque est crassissimus, & perniciosissimus, qui oculos plurium Christianorum, cum maximo damno eorum salutis excæcavit; quod dum audierunt, contritionem elici in momento per unum actum interiorem voluntatis, ipsi sibi persuadeant quod omni momento, in qualibet occasione, quoties ipsis libuerit, ex seipsis possint illam contritionem elicere, dicendotantum linguâ, vel corde, mi Deus veniam rogo, gratiam à te postulo, Doleo, quod te offenderim. Profectò error hic est maximus, qui animos Christianorum invadere possit. Utinam verba ferrea, & adamantina haberem, quibus illum è corde meorum Auditorum eradere possim. Ne hoc charissimi vobis imaginemini, ne hoc credatis, si sapitis, & salvari vellitis. Utinam nullo alio, quam meo purissimo sanguine hunc errorem in animis vestris obliterare possem. Id quod putatis verum esset, dummodò vera contritio à vobis tantum dependeret; sed audite Tridentinum, quod definit: *Contritionem esse donum Dei, ac Spiritus sancti impulsus, quidem non inhabitantis, sed*

*moventis.* Et hinc dico contritionem imperfectam si sit naturalis, & à te tantum, esse inutilem, inefficacem etiam cum ipso sacramento. Et hoc est articulus fidei, de quo nemo dubitat, cum id definiatur per Tridentinum, & Deus dicat per Prophetam: *Perditio tua ex te Israel, tantummodo in me auxilium tuum.*

*Osca. 13.  
v. 9.*

Et dato, quod Deus posset facere hanc gratiam, & donare in momento, & gratis hanc poenitentiam; atramen viâ ordinariâ hoc non faciet, sed vult ut eam per preces ferventes, & frequentes petamus, vult ut eam obtineamus per jejunia, eleemosynas, macerationes corporis, & alias actiones laudabiles, & virtuosas. Quod si ita gratis omni tempore, loco, occasione hanc nobis donet poenitentiam, cur ipse nobis toties, & quidem adeo ferventer diceret in Evangelio, Petite, pulsate, rogate? cur se compararet iudici, qui non vult expedire litem viduæ, nisi sæpius, & importunè ab illa rogetur, urgeatur, & sollicitetur? cur se compararet homini, qui domi delitescens, & in lecto cubans, non vult surgere, ut amico suo quoddam officium præster, nisi amici perseverantiâ, & instantiâ molestè portam pulsantis victus.

*Luca II.  
v. 9.  
Luca II.  
v. 3.*

V. Verum quidem est, quod ignis pervadat, & corripiat in instanti ligna, quæ fuerunt viridia, & humida; sed ante non sine exiguo labore debent disponi, & exsiccari. Verum quidem est, quod anima infundatur in instanti nostris corporibus; sed ramen ad minus spatio quadraginta dierum corpus antea debet formari, & organizari. Verum inquam tandem est, quod actus veræ contritionis exerceatur in ictu oculi; sed

F f 2

anima



anima diu ante debet disponi per humilia-  
tiones, orationes, mortificationes,  
opera pia, ac alias satisfactiones, quibus  
placet iram Dei, & ejus motiones gra-  
tuitas, sine quibus actus adeo heroicus,  
& difficilis nequit elici; impetret.

VI. In Theologia certum est<sup>1</sup>, quod  
Baptismus citius, infallibilis, efficaci-  
us scelera deleat, quam absolutio; nam  
minister absolvens debet esse insignitus  
charactere Baptismali, & sacramento  
ordinis, debet esse approbatus, habere  
jurisdictionem, quæ non exiguntur in  
ministro Baptismi. De absolutione di-  
citur: *Impossibile* (hoc est valde diffi-  
cile) *est eos, qui semel sunt illuminati, & (id*  
*est baptizati) prolapsi rursus renovari ad*  
*pœnitentiam.* Hæc autem nullibi in scri-  
ptura dicuntur de Baptismo. Baptismus  
non solum delet reatum culpæ, sed &  
pœnæ, quod communiter non præstat  
absolutio. Et tamen Apostoli, eorum-  
que successores adultos baptizantes ad  
pœnitentiam quadraginta dierum obli-  
gant. Dum hanc pœnitentiam agerent,  
sæpe procumbebant ante genua fide-  
lium, ut eorum se precibus commenda-  
rent. portabant cilicia, ieiunabant, exer-  
cebant opera charitatis, & pietatis, uti  
videre est in sancto Augustino, ac aliis  
Patribus antiquis.

rem. 6. lib.  
4. ad ca-  
sach,

Et quid quæso erat necesse, ut paulo  
post baptizandi tantâ exerceantur pœ-  
nitentiâ, dum baptismus omnia eorum  
crimina, tam quoad reatum culpæ,  
quam pœnæ erat deleturus? Apostolis  
exploratum erat ad obtinendam remis-  
sionem peccatorum, per quodcunque  
tandem sacramentum necessariam esse  
veram contritionem, ministrumque sa-  
cramenti debere esse moraliter certum

de nostrâ conversione. Et sane nihil est,  
quod efficacius à Deo nobis impetret  
gratiam veræ pœnitentiæ, quodque me-  
lius Ecclesiæ persuadeat, quod simus  
verè conversi, quam si afflixerimus nos  
per mortificationes, & austeritates pœ-  
nitentiæ. Hinc dicitur apud Joëlem: *Ioel. 2. v. 12.*  
*convertimini ad me in jejuniis, in fœnu, &*  
*planctu.* Et in sancto Matthæo de Ty-  
ris, & Sidoniis: *In cilicio, & cinere pœni-*  
*tentiam egissent.* *Matt. 11. v. 1.*

## PUNCTVM SECUNDVM.

*Idem probatur de confessione*  
primo scripturâ, secundo Patribus, ter-  
tio conciliis, quarto Rationibus.

VI. Sanctus Gregorius Magnus agens  
de actibus veræ pœnitentiæ nos  
monet; sanctum Joannem dum horra-  
retur Phariseos, ut se pararent ad faci-  
endos dignos fructus pœnitentiæ, acri-  
bus verbis eos perstrinxisse, & objurgas-  
se, vocando eos progeniem viperarum,  
quia consentierant sola cōfessione pec-  
catorum, quæ ad nil deseruit, nisi opera  
bona, & pœnalia præterea exerceantur.

VII. Hinc ait: *Tria in uno-*  
*quoque considerata sunt veraciter*  
*pœnitente converso mentis, confessio oris &*  
*vindicta peccati, signum ergo vera conver-*  
*sionis non est in oris confessione, sed in affli-*  
*ctione pœnitentiæ, tunc namque si bene con-*  
*versum peccatorem cernimus jam digna*  
*afflictionis austeritate delere nititur, quod*  
*loquendo consuetur; unde Joannes Baptista*  
*male conversos Judæos ad se confluentes in*  
*crepans ait: Genimina viperarum, facite*  
*fructus dignos pœnitentiæ. & infra idcirco*  
*omnis confessio peccatorum recipitur, ut*  
*fructus pœnitentiæ subsequatur.*

Gregorius  
lib. 6. cap.  
2. in primis  
Regum  
cap. 15.



VIII. Catechismus insuper concilii Tridentini docet confessionem non esse tantum simplicem narrationem, & recensionem culparum, sed præterea esse accusationem; ita ut juxta idem concilium sacramentum sit quoddam judicium, & processus criminalis, in quo tu es accusator, actor, & pars adversa contra te, ita ut debeas te accusare ex zelo justitiæ, ex sancta quadam ira, & animo vindicandi, & puniendi tua peccata. Hinc addit Tridentinum. *Universa Ecclesia semper intellexit, institutam esse à Domino integram peccatorum confessionem, &c. Constat enim, Sacerdotes judicium hoc in cognita causa exercere non potuisse, neque aquitatem quidem illos in pœnis injungendis servare potuisse, si in genere dundaxat, & non potius in specie, ac sigillatim sua ipsi peccata declarassent, & infra Colligitur præterea etiam eas circumstantias in confessione explicandas esse quæ speciem peccati mutant, quod sine illis peccata ipsa neque à pœnitentibus integrè exponantur, nec iudicibus in notescant: & fieri nequeat, unde gravitatè criminum rectè censere possint, & pœnam quam oportet pro illis pœnitentibus imponere.*

Hinc libenter quærerem ab aliquo confessario; supposito quod pœnitens incestum commisisset in tertio gradu, & diceret; peccavi cum quadam solutâ, nil amplius explicando, rursus si centies illum incestum commisisset, & expudore illum magnum numerum reticendo asseveranter diceret, semel, vel decies plus minus incestum patravi; an illa confessio esset valida? Dices quod non, sed cur? quia reticuit quandam circumstantiam, nec explicuit

numerum sicut deberet, Et verum dicis. sed quid hoc refert? Ad quid hoc prodest? Quid hoc oberit, vel profit Ecclesiæ? Quid hoc faciat ad gloriam Dei, & salutem animæ, quod scias num pœnitens peccaverit decies, vel semel, aut quod commiserit incestum, vel simplicem fornicationem? Ad nil aliud hoc deservit, quam ut possit æquitatem servare in impositione pœnitentiæ, uti monet Concilium Tridentinum; Ita ut incestui debeat major pœnitentia imponi, quam simplici fornicationi, major decem peccatis, quam quinque.

IX. Et hinc magna stultitia est, & quidem contra finem sacramenti imponere quinque, vel sex rosaria, quinquies, vel sexies psalmos pœnitentiales, elemosynam quinque, vel sex obolorum ei qui triginta peccata mortalia commisit non minus, quam ei, qui patravit quinque. Et observandum, quod concilium dicat, hanc æquitatem in imponendis pœnitentiis juxta gravitatem, & numerum peccatorum committi prudentiæ Confessarii juxta qualitatem pœnitentis, idque ex institutione Christi, adeoque ex obligatione. Et ideo addit, in hoc consistere potestatem, quam Filius Dei dedit sacerdotibus his verbis: *quacunque alligaveritis super terram, erunt ligata in calis.* Habent itaque potestatem solvendi, hoc est, absolvendi, habent etiam potestatem ligandi, hoc est obligandi ad pœnitentiam, quæ juridicè imponunt, & quam prudenter imponere debent juxta gravitatem, & numerum peccatorum.

Ergo te ipsum fallis dicendo: Acceptabo pœnitentiam, si mihi arriserit,

Seff. 14.  
cap. 8. I.  
Matth. 18.

Trid. sess.  
14. cap. 5.



acceptatam implebo, cum voluero. Ego in purgatorio satisfacere volo. Et profectò hoc nil aliud est, quam si Reus læsæ Majestatis diceret. Serenissime Princeps gratiam, & veniam mihi fac, sed nolo satisfacere nisi prout mihi placeat. Hem ad sis huc, qui talia effutis: Quando sedeo in confessionalis, vel agnoscis me vices subire Dei, vel non? Quod si hoc non agnoscas, cur mihi confiteris, cum putes me non habere potestatem te absolvendi? quod si hoc agnoscas, etiam debes scire, quod te possim obligare ad pœnitentiam, idque esse necessarium ad vitiationem peccatorum; nam idem Filius Dei, qui dedit potestatem absolvendi, eodem etiam capitulo dedit potestatem te obligandi in conscientia, nam dixit: *Quidquid ligaveritis erit ligatum, & quidquid solveritis erit solutum.* Hinc patet, quod confessarii sint vicarii Christi, qui in hoc tribunali vos judicent, ac si ipse in illo sederet. Quod si leves pœnitentias injungas pro plurimis, aut gravissimis peccatis, tu reddis frustraneum finem, ob quem noster salvator instituit hanc tertiam partem pœnitentiæ: puta satisfactionem.

### PUNCTUM TERTIUM

*Idem probatur de satisfactione, primò rationibus ob quas est instituta, secundò sensu Stephani Papa.*

*sess. 14. c. 8* X. **E** Nim verò sacrosanctum concilium Tridentinum satisfactionem esse asserit institutam ob quatuor præcipuè causas. Prima est, ut vindicemus offensam Dei, eique aliquo modo satisfaciamus; & ita ejus iram place-

mus, flagella ejus indignationis arceamus, & veniam impetremus, resarciamus eo modo quo possumus injuriam Divinæ majestati per peccatum irrogatam. Secundò, ut conformemur Jesu Christo crucifixo, qui voluit pati, & mori, ut nos omnibus pœnis eximeret, & vires, ac animum nobis daret pœnitentiam faciendi & nostris satisfactionibus sua merita, pretia, valorem, & dignitatem instillaret. Tertiò ut per pœnitentias laboriosas velut fræno cohibeamur metu pœnarum, ne relabamur, cum ea, per pœnalia opera dilvere, & expiare debeamus. Quartò, ut validè eradicemus omnes habitus vitiosos per pravas actiones contractos; quia si non extirpentur, vim habent reproducendi, & rursus germinandi surculos novorum peccatorum, & quidem magis nocivos, & funestos, quam præcedentes, ita ut *Fiant novissima hominis illius peiora prioribus.*

Catechismus concilij Tridentini inquit, quod satisfactio nil aliud sit, quam resarcitio injuriæ alicui illatæ, habens aliquam proportionem, convenientiam cum injuria; nam alias non esset satisfactio, quia *satisfacere est facere satis.* Porro qualis convenientia, correspondentia, proportio est, inter plurimas blasphemias, detractiones, ac alia peccata, quæ despicient Deo infinitè, & exiguas pœnitentias, quas continuo tibi vis imponi? Dic, amabo in quo loco sacra scriptura asserit, quod ira Dei, quæ summè animæ peccatrici est succensa, per actiones adeo leves pacetur, & tranquillatur? sacra scriptura ubicunque disertè testatur, quod illi, qui Dei iram fedarunt, magnas egerint pœnitentias, ploras

*Catechif.  
Trid. II. 6.  
de pœn.*



plorarint, ejularint, suspirarint, fortiter ad Deum clamarint, cilicia gestarint, super cineres cubuerint, strictè jejunarint, capitibus dimissis inceserint, uti narrat de Ninivitis, David, Achab, & aliis.

Dices; nostrum salvatorem pro te satisfecisse, ejusque satisfactiones debito aequipollere. Ego hoc non nego, sed scias, ejus satisfactiones nobis non applicari, nisi per nostras, ejus satisfactiones nil nobis profunt, nisi nostras iis connectamus, & conemur quantum est possibile velut membra tuo capiti nos ei conformare: *sitamen compatimur, ut & conglorificemur.* Qualis autem sit conformitas inter eum, & nos, dum ille confixus est quinque plagis, nos autem recitamus quinque Pater? Ille donavit totum sanguinem, quomodo ergo nos tantum donemus quinque obolos?

XI. Homo adeo propendet, & inclinatur ad peccandum, concupiscentià adeo exardescit, & inflammatur, ut ruat in malum, voluptas tot habet escas, & illicita, ut timor recitandi quinque Pater, visitandi Ecclesiam aliquam, ad conscientiam tuam tribunal appello, non te possit cohibere, quo minus redeas, & curras ad viam vitiorum? sanctus Ambrosius inquit, quod facilitas veniæ obtinendæ, nos incitet ad peccandum? quænam est causa, quod viator, vel mercator super glaciem incedens timeat, ne ad quemlibet gressum cadat, & tibi frangat, nos autem inter ipsa pericula, objecta, & occasiones, nec minimum veremur, ne ruamus in pec-

catum, & conscientiam conquallemus? Nil aliud; quam timor quo times te insumpturum sumptus, quod debeas diu delitescere in tuo cubili, quod debeas sufferre dolores, si pedes regeras. Econtra dum patramus peccata, speramus nos ab iis liberandos, si ea tantum committamus auri- bus confessarii, & unum, vel alterum Rosarium, aut septem psalmos pœnitentiales recitemus.

Et inde id procedit inquit sanctus Ambrosius loco supra citato, quod si pharmacum nimis pœnosum, & crudele sit infirmo, pro eo quod debeamus excindere, vel comburere gangrænam, & mittamus unum tantum emplastrum, ita ut malum sensim cor occupet, & infirmus pereat. Non assimiliter confessarius per falsam suam bonitatem, & indiscretam indulgentiam parcit suo pœnitenti, & pro satisfactione illi imponit actiones faciles, per quas nutrit ejus vitia, & per hanc impunitatem causa est, quod habenas laxet suis pravis, & infamibus passionibus & labatur in mortem æternam.

Maxima quippe est stultitia, & error, credere, quod consuetudo jurandi, se inebriandi, mentiendi, furandi, & gravia patrandi peccata corrigatur per exiguas quasdam preces, & similes satisfactiones, pœnitentia quippe derivatur à pœna, illæ autem exiguae satisfactiones non sunt pœnosæ. Nullus est adeo rudis Philosophus, qui ignorat habitum solum destrui per actus, & quidem frequenter repetitos. Sicut à contrario eum generari per frequenter repetitos actus omnes norunt.

Vnde

in Psal. 108  
miserere mei  
secundum  
eloquium  
tuum.



Vnde conclusissimum sit, avaros largitione elemosynarum debere pellere suos pravos habitus, ebriosos, per abstinentias arctas, voluptuosos, per macerationes austeras carnis, & ita de aliis.

Trid. sess.  
14. cap. 8.

XII. Audite conclusionem Tridentini. *Debent ergo sacerdotes Domini quantum Spiritus, & prudentia sugesserit, pro qualitate criminum, & poenitentium facultate, salutare, & convenientes satisfactiones injungere: ne si forte peccatis conniveant, & indulgentis cum poenitentibus agant, levissima quedam opera pro gravissimis delictis in tangendo alienorum peccatorum participes Efficiantur.*

Videte nunc in quo simus statu periculo, si per conniventiam, timiditatem, indulgentiam animi, & condescensionem cum peccatoribus pro gravissimis, & innumeris peccatis poenitentias levissimas imponamus. *Putamus quod nos exoneremus.* Dum nos volumus exonerare, oneramus nos ipsos, dum putamus quod vos absolvamus, delinquimus, & derivamus in nos maledictionem prædictam per Isaiam, & Oseam: *Erit Sicut populus, sic sacerdos:* Id est, sacerdos æque punietur, ac totus populus, non dicit ut unus ex populo, sed ut totus populus. Quomodo hoc intelligitur? An singularis persona possit patrare eadem peccata, quæ una communitas? Meo sensu unus ex communitate est subjectus avaritiæ, alter temeritati, tertius prodigalitati, quartus ignaviæ, nonnulli peccant per excessum, nonnulli per defectum. Ergone unus vitiis oppositis, & contrariis subjectus sit? Audite mysterium. Sacerdos quandoque potest esse complex omnium peccatorum, quæ coram Deo populus patrat; non

Isaia. 24.  
v. 2. Osee.  
4. v. 9.

quidem per commissionem, sed per omissionem obligationis suæ, per cooperationem, per impetationem, dum per absolutiones nimis præcipitatas, per impositionem nimis levium promultis, & enormibus peccatis, sese participem reddit omnium peccatorum quæ ejus poenitentes committunt. Hæc est mens concilii.

Verum enim verò dicetis, quod si poenitentia debeant aliquomodo convenire enormitati, & multitudini peccatorum, ergo si quis commiserit centum quingenta mille, ergo debebit illi poenitentia imponi integri anni, immò sex decem, duodecim, & quindecim annorum? Per hanc objectionem jam canis victoriam ante triumphum. Et quæso, quid diceres de confessario, qui unipœnienti imposuisset poenitentiam centum annorum? Tu traduceres eum tanquam nimis severum, indiscretum, & barbarum, posito quod idem poenitens commisisset trecenta enormissima peccata, attamen confessarius nil faceret respectu illius, quod fecit pontifex non ob centum, sed ob unum tantum peccatum mortale. Audiamus canonem id recensentem.

XIII. Anno octingentissimo sexagesimo Stephanus Papa quintus scribens cuidam Magno Equiti Astulpho, qui Zelotypia actus suam uxorem interfecerat hancei proposuit optionem unam ex his duabus poenitentiis eligendi, vel ut intres monasterium, & in continuâ vivas obedientia, aut si velis manere in seculo exceptis festo Nativitatis, & Paschatis semper abstinere a carnibus, nec vinum, nec siceram gustabis, a venatione, & aliis docitibus man-

Cap. ad  
monere  
33. quæst. 2.



mundanis, & recreationibus abstinerebis, in Ecclesia ultimum occupabis locum, precibus te commendabis fidelium, & communione te censebis indignum. Eam tibi solum in articulo mortis indulgeo, si hæc ritè servaveris. Asperiores tibi possem injungere pœnitentias, sed, si has adimpleas, quas tibi clementer, & misericorditer injunxi, spero bonitatem Dei propitiam fore, quod si illas non observes, scias, quod te ipsum damnes, & manebis inter laqueos Diaboli, quibus constrictus es. An hunc sanctum Pontificem dices nimis fuisse severum, crudelem, & Barbarum? Absit hoc, quia adeo Sanctus fuit, ut miracula in morte patrarit. Tantæ fuit existimationis, ut dum Rhemas veniret seditiones sedaturus, Ludovicus Imperator, & Rex Franciæ, ter ejus genibus se adstraverit.

#### PUNCTVM QVARTVM.

*Idem probatur de absolutione, primo scripturâ, secundo, Patribus, tertio, Conciliis.*

VIV. **S**acerdos nil aliud potest in hoc tribunali, nisi virtute clavium, quas Ecclesia ei dedit in manus, & per participationem potestatis, quam Christus dedit sancto Petro, dum dixit, *Tibi dabo claves*. Porro sanctum Concilium docet, hanc virtutem clavium non solum consistere in solutione, & absolutione à peccatis, sed & in ligatione, hoc est, impositione poenitentiae correspondentis, & convenientis gravitati criminum, & conditioni poenitentis juxta prudentiam judicis. Tu non ignoras stylum, & axiomata recepta, & approbata ab omnibus in hoc tribunali sacramentali, nempe, quod *clavæ errante processus non habeat felicem exitum*. Quod

si ergò aliqua inter te, & Confessarium intercedat collusio, sive expressa, sive tacita, si ex conniventia, respectu, favore mundano, acceptione personæ tibi impertiatur absolutionem inconsideratam, si satisfactionem tibi imponat levem pro gravibus criminibus, quia es honoratus, & potens, & hoc, quia non audet te offendere, vel quia eum muneribus demulces, si ei unam, vel alteram missam imponas, dubito an Filius Dei ratam sit habiturus hanc sententiam, tam iniquè in terrâ pronunciatam.

Egregiè dicit Sanctus Gregorius: *Si Christo satisfactum non fuerit, quid nostra relaxatio, vel gratia poterit certè conferre?* Quod si dicas eum loqui velut Doctorem particularem, en alium, qui loquitur ex cathedra & quidem alium Gregorium. Gregorius itaq; septimus in Concilio Romano quinto habito anno millesimo septuagesimo octavo sic loquitur. Nos eas poenitentias esse falsas pronuntiamus, quæ non imponuntur conformiter ad auctoritatem sanctorum Patrum, & juxta gravitatem peccatorum. Eorum quoque successores non donant indulgentias, neque Jubilæa, nisi sub hac conditione. *Injuncta salutaris poenitentia*. An illa sit salutaris poenitentia, qua imponitur blasphemis, ebrietati ex acto unum, vel alterum Rosarium, una exigua elemosyna? An hæc poenitentia ejus vitia emendet, eumque remittat in viam salutis? **CONCLUSIO.**

*Pie instructiones per illa verba, Facite fructus dignos poenitentia.*

XV. **A**ddiamus ergò Ioannem, qui in initio sermonis nobis dixit: *Quis vobis demonstravit fugere à ventura ira? Facite fructus dignos poenitentia*  
Gg Vul-



vultis, ut vos doceam modum, quo possitis placare iram Dei, & horrendam damnationis æternæ sēntiam evitare, quæ fulminabitur in reprobos?

*Facite.* Id non faciunt quinque, vel sex Lacrymæ, dum consideratis vestra peccata, nec illa teneritudo, quam experimini subinde in confessionibus; quæ sæpe procedunt à natura, & non gratia, nam Dei non est teneritudines, devotiones sensibiles, proposita in aere fabricata producere; ille namque exigit opera. *Facite.* Quod si adeo delicatus sis, ut nolis abortum facere magnarum poenitentiarum, assuesce, ut parvas facias juxta tuum statum, & conditionem.

An es Ecclesiasticus? Tu potes accipere pro poenitentia, ut quotidie paucillum temporis exerceas in oratione mentali, ut egenis, captivis, rusticis, infirmis, tradas qualibet septimanâ doctrinam Christianam, ut visites infirmos, assistas morientibus.

An sis nobilis? Tu te potes obligare, quod quotidie vesperi totam velis congregare familiam, ancillas, famulos, & cum iis orationi vacare, diebus festis, & Dominicis interesse missæ parochiali, ac vesperis, ut omnibus præluceas bono exemplo, discordias inter tuos componere, iis invigilare, ne jurent, ne choreas ducant, ne se inebrient, ne rixentur, ne crapulæ vacent.

An versaris in tribunali? Tu potes causam agere orphanorum, viduarum rusticorum, tu potes esse asylos, & consilium pauperum, qui litis expensas nequeunt sustinere; tu uno die, quolibet mense potes adire carcerem misellorum

in carcerem conjectorum, ut iis possis assistere.

An es Domicella? Tu unâ hora citius surgere potes, rogare Deum, pro poenitentia te privare aliquo ornatu vano, ludo, choreis, visitationibus, tu potes nomen dare confraternitati misericordiæ in hospitali, visitare infirmos, vel aliquem amandare, qui eos visitet.

An sis mercator, vel opifex Tu potes diebus dominicis duo, vel tria audire sacra, ut Deo Patri satisfactiones sui Filii offeras, tu in Spiritu humilitatis in Ecclesia cum Publicano te continere potes, & indignum te reputare, qui propè altare accedas, & sacramentum aspicias. Tu tibi poenitentiam ob tua peccata indicare potes ad certos annos abstinētiā à lusu, frequentatione popinæ, quod non velis bibere nisi vinum limphatum.

An es minorennis, vel filius familias? Tu potes pro tua poenitentia tibi injungere, ut servias tuo avo, aviæ, Novercæ, vitrico, sorori pacificè, humiliter, patienter, ac si esses eorum servus, nec alios cibos sumere, linteamina portare, aut aliis deliciis frui, quam ille, qui meretur infernum. Hæc quidem poenitentia, fateor, est austera, sed scias velim, illam non futuram poenitentiam, nisi esset poenosa, & quidem cum tempore dulcescet. Solum initium difficile est, sensim tuus animus asvescet, & tuum corpus indurabitur. Post aliquos annos cilicium non est amplius tam asperum, Disciplina Franciscanis, Minimis abstinētia, Carmelitæ solitudo.

*Facite fructus,* non flores desiderio- rum, non folium byssinorum verbo- rum,



rum, sed fructus sanctorum operum. Non dicit *Opera*, sed *Fructus*, quia opera satisfactoria sunt fructus, quibus fruimur; nam dicuntur, *Fructus à fruendo* satisfractiones, quas faciemus in purgatorio, non erunt fructus, sed satisfractiones, quia solum solvemus debita, nec aliud habebimus. Verum opera pœnalia hujus vitæ non solum diluant debita, sed & præterea nobis acquirunt merita, & gradus gloriæ.

*Dignos* respectu majestatis, quam offendisti, quæ est amabilis, venerabilis,

& tremenda. *Dignos* respectu gratiæ sacramentorum; *Dignos* respectu Baptismatis, qui nobis dat gratiā, ut vivamus sicut boni Christiani, confirmationis, ut alacriter profiteamur fidem Christi, Confessionis, ut faciamus opera poenitentiae. Quod si defectuosi sumus, nos non correspondemus gratiæ sacramentorum. *Dignos*, respectu præmii, quod Deus operibus spondet. *Erit merces operi tuo*, merces incomprehensibilis, immensa, infinita, æterna.

Amen.

## SERMO VIGESIMVS QVINTVS.

Pro Dominica quarta post Pascha.

De Beneficio Absolutionis.

*Sed veritatem ego dico vobis, expedit, ut ego vadam*

*Joann. 16.*

### E X O R D I U M.

**A**N ergo solis Discipulis expedit, ut Christus ex hoc mundo discedat?

Eccur illis solis dicit, *Expedit, ut ego vadam*? Hæc verba non ad solos Discipulos, sed ad omnes directa sunt, quia abitus Christi non solum in Apostolorum, sed in omnium cedit utilitatem. Expedit ergo, ut Christus Dominus non in terra amplius maneret, sed in cælo degeret. Scitis cur? Ratio in promptu est, Christus post resurrectionem suam Discipulos suos constituit Vicarios in terra, ut ejus vices su-

birent, ac peccatores ligarent, & absolverent, hoc munus autem non poterunt executioni mandare, nisi Christus ascendisset in cælos, unde reverà expedit nobis, ut Christus iret, ut ita nos absolveremur, & sacerdotes haberent potestatem absolvendi, siquidem hæc potestas est Divina, suprema, Regalis, Generalis, & amplissima, uti hac concione ostenditur.

*Quacunque alligaveritis super terram, erunt ligata & in cælo. & quacunque solveritis & in terra, erunt soluta & in cælo*  
*Matt. 18. v. 18.*

I. San-



I. Sanctus Patriarcha Joseph volens amoris affectus à suo hero sibi exhibitos depradicare, & obligationes manifestas facere, quib<sup>9</sup> ei erat adeo devinct<sup>9</sup>, inter alia dixit, omnia in domo suæ fidelitati ab eodem commissa esse, clavesque scriniolorum, cellarum, granariorum, & omnium thesaurorum sibi consignatas. Filius Dei amplius sibi devinxit sacerdotes, dum eos instituit præfectos suæ Ecclesiæ, iisque consignavit claves paradisi, & potestatem ligandi, & solvendi, promittens ratum se habiturum, & confirmaturum in cælo, & approbatum omnes sententias, quas ipsi pronuntiaturi essent in terra. Profectò hæc autoritas admirabilis est, & illustris ob circumstantias, quas hodie vobis proponam.

Sacerdotes nonnisi homines ligare, & solvere possunt, & quidem solum in terra; at tua potestas, O sacerrima Virgo, ligat, & solvit Filium Dei in cælo, & in terra. In mundo sæpius eum in cunis reponendo, & levando ligasti, & solvisti. *Membra pannis involuta, virgo mater alligat.* Et etiam nunc in cælo per tuam intercessionem ejus manus solvis, & ligas. Rogamus te, ut hanc potestatem erga nos exerceas, & liges manus ejus justitiæ, ne supplicia promerita in nos fulminet, solvas verò manus misericordiæ, ut eas liberaliter aperiatur, & in succursum nostrorum miserorum, qui coram te prostrati, te cum Angelo salutant dicendo, *Ave Maria*, extendat.

### IDEA SERMONIS.

*Christus potestatem remittendi peccata, quam accepit à patre, dedit sacerdotibus.*

II. **P**ropheta Regius David, dum animovolveret rigorem judiciorum Divinorum, spiritu suo Prophetico sæcula secutura penetrans, & prævidens Mysterium Incarnationis, hæc scripsit: *Deus judicium tuum Regi da, & justitiam tuam Filio Regis*, Magne Deus, dum ego severitatem tuæ justitiæ considero, quomodo rigidissimè punias minimos defectus contra legem tuam commissos, ego timore exanimor, & sanguis meus in venis congelatur, nullus est capillus, qui non arrigeat. Video in libro Numerorum quendam, qui indie Sabbathi nonnulla ligna ceciderat ad frigus arcendū à toto populo ita Moysè jussu tuo præcipiente lapidibus obrutum. Lego in libro Levitici Nadab, & Abiu Filios Pontificis Aaronis novelli Moysi igne sacrificii haustos ob levem aliquam ceremoniam omissam. Meo conspexi tuo Ozam ob arcam fœderis temerè, & parum irreverenter tactam, mortuum concidisse. Et quis non contremiscat ad visum tuorum judiciorum? *Quis novit potestatem iræ tuæ?* Quod si ita pergas, brevi omnes gladii tui consumpti erunt, brevi omnibus armis, & instrumentis justitiæ carebis, nec creaturas habebis, quæ te adorabunt.

Enim verò, si videas congruere, ut hanc potestatem judiciariam alicui committas, nemo erit aptior, quam Messias, quæ missuruses; nam hic dignè illam acceptabit, & fideliter pro te illam administrabit, erit quippè Deus non minus, quam tu, ille eam etiam exercebit in dulcedine, & suavitate, quia erit homo, sicut nos, nam humanitas, quam ex nobis assumet, illa instillabit ipsi humanitatem, & dulcedinem erga nos. Tua ipsi chara,

Psal. 71.

Num. 15.  
Levit. 24.

Psal. 71.

Iohan

Tii.  
Eph



chara, & pretiosa erunt, quia erit tuus, nostra quoque commendata sibi habebit; quia erit noster Rex: *Deus iudicium tuum Regi da, & iustitiam tuam Filio Regis.* Deus sit semper Laudatus, & Benedictus, & ipsi gratia immortales reddantur; quia videmus hoc desiderium Davidis completum; hanc petitionem exauditam, hanc Prophetiam executioni mandatam.

*Pater, inquit ipsemet Filius Incarnatus, non iudicat quemquam, sed omne iudicium dedit Filio, quia Filius hominis est. Filius hominis habet potestatem in terra dimittendi peccata.* Et hanc tantâ plenitudine accepit, ut eam communicarit Discipulis. Et sanè unus è primariis, & præcipuis erroribus prætenfæ Religionis hic est. Invenimus nonnullos Ministellos, qui suos quidem excommunicant, neminem tamen reperimus, qui audeat absolvere vel unum. Hæc est proprietas veræ Ecclesiæ, quia ipsi soli convenit habere claves paradisi, ut inquit Lactantius Firmianus, Ministelli carent hac auctoritate, & ut suam impotentiam defendant, dicunt injuriam irrogari Filio Dei aliquem ad alium mandare, quam ad Christum, ut veniam peccatorum obtineat, cum nullus peccator remittere peccata possit. Et in huius confirmationem allegant sanctum Ambrosium dicentem injuriam fieri Christo, si infantes ad aliquem ministrum baptizandi deferantur, nam peccatum originale deletur per Baptismum, quod si baptizetur adultus, ejus peccata quoque dimittuntur, per hoc Sacramentum; nam ut scribit sanctus Paulus ad Titum: *Ille nos salvavit per lavacrum regenerationis.* Et ad Ephesios, *Salvator mundavit*

suam Ecclesiam per lavacrum aquæ. In Symbolo quoque Nicæno, quod in confessione veltræ fidei admittitis, dicit, *Cōfiteor unum Baptismum in remissionem peccatorum?* Nonne baptizare spectat ad Filium Dei? E cælo hoc declaratum est sancto Joanni Baptistæ: *super quem visis descendentem Spiritum sanctum, ille est, qui baptizat.* Nonne est ille noster Magister, cui Petrus dixit: *Ad quem ibimus, quia verba vitæ habes?*

Joann. 1.  
ver. 15

Injurium ergò te liquet esse Filio, quando alium adis, aut quando aliquem ablegas ad Ministellum quendam, ut ab eo audias verba vitæ æternæ, quando ad eum defers tuum infantem, ut baptizetur, credens ab eo per sacramentum illum mundandum à suo peccato originali. Quinimodò, æquè inferre potes, quod Consiliarii, & Parlamentarii injuriam irrogent Regi, cum ad eum solum administrare iustitiam spectet. Immodò adhuc asserere potes, Legatum, vel ministrum status esse injurium Regi, dum ejus gerit negotium, ac pacem cum externis icet. Et quis sit adeo stolidus, qui non statim respondeat, quod baptismus administretur, prædicatio fiat, absolutio impendatur nomine Dei, & quod nomine Regis processus, iustitia administretur, pax concludatur. Nam tales ministri non sunt spectandi, ut homines; sed ut Vicarii, Legati, & ministri status Dei ob commissionem, & auctoritatem, quam ab eo habent.

#### PVNCTVM PRIMVM.

*Omittendum, ubi non sunt Hæretici. Hæc potestas probatur, primo, scripturâ, secundo ratione effugiorum, tertio, Patribus.*



Matt. 18.  
Cap. 20.

III. Quod si velis litteras ejus videri patentem, & bullatas, uade ad caput decimum octavum Matthæi, *Quicquid ligaveris super terram erit ligatum & in calis.* Et ad Divum Ioannem: *Quorum remiseritis peccata remittuntur eis.* Quid ad textus adeo claros Hæreticus respondere possit?

Respondet: Illa loca intelligenda esse, quidquid declaraveris ligatum, quidquid declaraveris remissum; nam fides justificat, & peccata diluit. Ego quidem adeo Ministellum, coram eo magnum me fateor peccatorem, inutilem ad bonum, inclinatum ad malum, ille me solatur; ille mihi proponit verba vitæ, ille me certum reddit, dimissa mihi esse peccata, dummodò credam. Verum enim verò, quid hoc aliud est, quam ervere oculos, & negare solem in meridie lucere. Ex tuo quippè dicto consequitur, quod non solum tuo ministro, Sancto Petro, sanctis Apostolis data sint claves cæli, sed omnibus hominibus, minimo rustico, simplici femina; nam & unus infidelis te potest consolari, prælegere Evangelium, te assecurare, quod tibi peccata dimissa sint si credas; omnesque habere claves cæli, & potestatem absolvendi. Quod si me jactarem, à Rege mihi esse datas claves, & si cuidam me interroganti, ubi essent claves dicerem, potestatem illam habendi claves nil aliud esse, quam quod declarare possem januas hora decimâ mane esse apertas, vesperi verò hora undecimâ clausas, nonne me risui exponerem? Primariò, & principaliter Filius Dei dedit claves sancto Petro, & dependenter ab eo reliquis sacerdotibus, quod si ergo quæram in quonam consistat

hæc clavium potestas? tuque dicas in nullo alio, quam quod possint declarare calum esse apertum per meam fidem, nonne te jure proclamare possum nugatorem, & te perstringerem tanquam jocatorem cum verbo Dei, & æterna salute?

Præterea, si sacerdotes nullam aliam haberent potestatem, quam quod possint declarare peccata esse dimissa, Filius Dei non diceret, *erunt soluta, & remissa, sederant, & remissio præcederet declarationem, sacerdosque nil aliud faceret, quam quod ratam haberet sententiam Dei.* Contrarium autem omnino colligitur ex iis locis, nempe quod Deus approbet, & confirmet sententiam in cælis, quam sacerdos pronuntiat in terra. *Quodcunque solveris, quodcunque ligaveris* ἐὰν ὁλῶνῃς ἐὰν ὁ δουῶς σ' π' τῆς πῆς: Græcus loquitur in Aoriso subjunctivi: erit solutum, erit ligatum in cælo *esas*, non in futuro, *es* non in præsentem *εγρο* à ut futuro *esas* λέλονξο- *Bir. Serm.*  
*en, esas, δεδεφεῖον ευπης γρανοῖς* in quâ *i. in festo*  
verba Sanctus Bernardus *Claves regni petri &*  
*Caloram jam singulariter accepit, ut præcedat sententia petri, sententiam cæli.* *Paul.*

Tertio. Non dicit solum, *quacunque remiseritis super terram erunt remissa & in calis*, quidquid solveris super terram erit solutum & in cælis, sed præterea addit. *Quorum non remiseritis, non remittuntur eis, quidquid ligaveritis super terram, erit ligatum & in calis.* Quod si adeas tuum ministellum, & dicas te esse magnum peccatorem, supponamus, quod ille te rejiciat, aut nullum tibi dicat verbū, vel tua peccata sunt cōdonata? vel nō Quod si tibi non sint condonata, jam contradicis tibi ipsi, quia dicis, quod

Lib. 3.  
sacerdot  
Ioann. 2



mittantur per fidem, si sunt, jam loqueris contra verbum Dei; quia minister nil agit, & Christus tamen dicit: *Quodcunque remiseritis &c.*

Lib. 3. de  
sacerdot.  
Ioann. 20.

IV. Hæc verba Christi sole clario-  
ra sunt, verum demus, quod egeant ex-  
plicatione, quis illa nobis explicabit? An  
aliquis modernus, vel quispiam Pater  
antiquus, qui vixit illo sæculo, in quo  
juxta doctrinam Calvini Ecclesia adhuc  
suam puritatem doctrinæ habuit? Divi-  
nè in hunc locum respondet Chrysosto-  
mus, & omnes Calvinistarum replicas  
præoccupasse videtur. Primò ergo ob-  
servat Filium Dei eandem potestatem  
communicasse Apostolis, quam ipse ac-  
cepit à Patre, & ille Sanctus loquitur  
post ipsum Salvatorem, nam eodem  
tempore, quo dixit Discipulis, *quorum  
remiseritis peccata remittuntur* eis, simul  
dicit: *Sicut misit me Pater, ita & mitto  
vos.* Salvator autem non solum habuit  
potestatem declarandi peccata esse re-  
missa, sed etiam potestatem remittendi.  
Alio itaque loco dicit; *Quod si aliquis  
Rex cuidam suo amicio daret potesta-  
tem quoscunque in carcerem conjici-  
endi, & carceres aperiendi, & quoscun-  
que captivos dimittendi; Nonne hæc  
foret gratia quæpiam singularis? Atta-  
men hæc nulla foret si compareretur po-  
testati, quam acceperunt sacerdotes, &  
adeò inter se differunt, quantum differt  
cælum à terra. Tertio dicit sacerdotes  
veteris legis non habuisse potestatem  
curandi lepram, sed tantum declarandi  
eam esse sanam; nostri autem non so-  
lum habent potestatem iudicandi pec-  
catum, quod est lepra animæ, sed & il-  
lud sanandi.*

Addit sanctus Augustinus, Nemo di-

cat; ego confessus sum in corde, ego  
cōfiteor Deo, quia hoc non sufficit,  
nam hoc modo frustra dixisset Filius  
Dei Discipulis. *Quidquid solveritis su-  
per terram.* Et Sanctus Ambrosius No-  
varianos, qui docebant nullam compe-  
tere hominibus potestatem dimittendi  
peccata, sic agit. Cur ergò Baptiza-  
tis, si nullus homo possit condonare  
peccata? Nonne Baptismus peccata di-  
mittit? Quid ergò ad rem facit, quod  
sacerdos peccata dimittat per poeniten-  
tiam potius, quam baptismum?

Hom. 49.  
ex lib. I.  
de poen. c. 7

SECUNDVM PVNCTVM,

*Pensantur circumstantiæ hujus  
potestatis, primo quod sit Divina, se-  
cundo suprema non sub alterna, tertio  
Regalis, quarto Generalis, & am-  
plissima, quinto facilis execu-  
tione.*

V. A Tenim verò, linguamus infide-  
les, quia eorum morbus est incu-  
rabilis, qui tanquam phrænetici repu-  
diant medicinas, solum loquamur Ca-  
tholicis, & admiremur hanc potestatem,  
quam Christus suis Discipulis dedit. Fa-  
teor, quod nullum sit Mysterium in no-  
stra Religione, quod adeo sit stupendū,  
quam hoc, vos ipsi admirabimini, si me-  
cum ejus circumstantias pondereris.  
Primò, itaque hæc potestas est Divina;  
nam illi propriè competit, qui iniuriam  
infirmam potest remittere, & condona-  
re, ex quo liquet, quod competat Deo,  
nam ille offensas Divinas solus condo-  
nare potest. Salvator autem dedit po-  
testatem remittendi peccata contra ho-  
mines commissa, sed etiam contra De-  
um

Bir. Serm.  
in festo  
Petri &  
Paul.



um. Nos legimus, quod Gentiles stultè quædam attribuerint suis falsis Diis, quæ nostro vero Deo tantum competunt. Nos legimus plures Imperatores eo usque insaniisse, ut titulos, & e-logia soli Deo propria sibi attribuerint. Imperator Constantius Arianus se æternum intitulavit. Poetæ finxerunt cælum sustentari ab Atlante, à Iovè illud gubernari, Neptunum præesse mari, nunquam autè eò processerunt, ut homini, vel falso Deo potestatem dimittendi peccata spiritualiter, aut alio modo tribuerint. Reipsa igitur, & juxta opinionem hominum, hæc potestas propriè Deo tantum competit. Hinc Pharisei non credentes Christum esse Deum, dum audirent, quod dimitteret peccata Paralytico, ei blasphemiam impegerunt. Quid non ergò cogitassent, quid non dixissent, si scivissent, uti nos scimus, quod Christus eandem potestatem dedisset hominibus, & quidem peccatoribus?

Hom. de  
transfig.  
Dom.

VI. Præterea hæc potestas est superna, & absolutè diffinitiva, & ultima, nec ab ea licet appellare; ea quidquid statuit in terra, in cælo ratum est. Hinc sanctus Leo: *Nec in solvendis, aut ligandis quorumcunque causis, aliud unquam ratum esset in cælo, quam quod Petri sedisset arbitrio.* Quod si ritè confessus sis, & sacerdos dicat, ego te absolvo, ne à Deo condemnandū, id nequit fieri, fallere, aut falli ipsi est impossibile, absolutè autem hoc promissit. Econtrà sis Princeps, Rex, Imperator, Episcopus, Archiepiscopus, Papa, si sacerdos te non absolvat, non credas te apud Deum esse absolutum. Et hoc ostendit absolutionem, & confessionem non esse inventum huma-

num, aut Ecclesiasticam sanctionem; quia alias sine dubio aliqui hac lege exempti essent ut pote sacerdotes Episcopi, Patriarchæ, aut ad minus summus Pontifex, qui nullum superiorem in terris agnoscit, uti videmus nonnullos à præcepto jejunii, officii Divini per dispensationem exemptos; cum tamen post legem Christi promulgatam, nemo viderit, vel visurus sit, aliquem post peccatum mortale commissum, à confessione eximi.

Verum, inquires, an non contritio sine absolutione peccata dimittit? Immo, sed in casu tantum necessitatis, quando non habemus copiam Confessarii, quia si tunc ex gratiâ Dei speciali (quod potest fieri, quamvis raro, & non sine difficultate) elicias actum contritionis perfectæ, vel amoris Dei super omnia, veniam peccatorum obtinebis. Concilium tamen Tridentinum declarat in hoc casu remissionem peccatorum tribuendam esse contritioni, ut includit votum absolutionis. Quod si per impossibile haberes contritionem, nec tamen votum confitendi, non justificaberis. Ex quo liquet, quam verum sit, quod postquam Christus sancto Petro dedit claves cæli, nemo possit illud intrare, nisi prius à Petro apertum fuerit.

VII. Et quidem hoc tantâ cum auctoritate, & potestate fit; ut hæc potestas omninò regalis sit, quia sacerdos non absolvit deprecando; quia si tantum diceret, *misereatur*, Rogo Deum, ut te absolvat, nequaquam esset absolutus, quia ut valida sit absolutio debet dicere: *Ego te absolvo.*

Quando magis ille servus Dei sanctus



Gen. 19.

Etus Patriarcha Abraham misericordiam Divinam de prædicabat, eamque flectere volebat, ut gratiam faceret quinque urbibus peccatricibus, solo se adstravit, caput cineribus perfudit, ac humili, & tremula voce dixit: *Loquar ad Dominum, cum sim pulvis, & cinis.* Et tandem post multas preces nil pegit. At enim; quod si sacerdos ante se habeat, non quinque vrbes peccatrices, verum quingentos milliones hominum, qui legitimam apud eum iustituerunt confessionem, qui innumeras commiserunt blasphemias, adulterias, sacrilegia, aut alia quævis peccata, non est necesse ut genua flectat, sed ut cuilibet sedens dicat: *Ego te absolvo*; infallibiliter absolutus erit; & quidem tam certo, ut prius cælum, & terra deficeret, quam illa sententia esset falsa.

VIII. Porro quarta circumstantia huius potestatis, absolutissima, amplissima, universalissima est sine ulla restrictione, exceptione, & modificatione. Quantum est ex parte characteris, sacerdos potest absolvere à culpa, & poena æterna, culpa quacunque quantumvis gravi, ita ut Judæi, qui neciderunt Christum, virtute illius potuissent absolvi: *Ipse redempti sanguine, quem fuderunt* inquit sanctus Augustinus. O te miserum Judam inquit sanctus Chrysostomus, tu malè tibi consulvisti. Hic infelix tradidit, & vendidit suum magistrum, paulò post *pœnitentiæ ductus Scribis*, & Phariseis suum scelus confessus est: *Peccavi tradens sanguinem justum, & argenteos restituit.* Sed quid dixerunt sacerdotes? *Quid ad nos, tu videris?* Judas his perceptis desperat, & laqueo collum induit. O te miserum, & in-

fortunatum, inquit sanctus Joannes Chrysostomus. Quod si expectasses per quatuor, vel quinque dies, tu veniam tui facinoris obtinuisses. Sacerdotes priscae legis, quibus es confessus, meritò tibi dixerunt, *Quid ad nos?* nos te juvare non possumus, quia potuerunt lepram discernere, sed non curare, & absolvere. Tu à tuo magistro jam audieras promissum factum Petro, & tuis condiscipulis: *Quacunque alligaveritis, illud promissum donavit illis statim post resurrectionem.* Quod si expectasses tam diu, & unum adiisses, & tuum sacrilegium confessus fuisses, iuro tibi, quod non dixisset: *Quid ad nos?* sed dixisset tibi: *Ego te absolvo.* Nullum quippè est peccatum, quod nequeat absolvi quoad culpam, cum Salvator absolute locutus sit; *quorumcunque &c.* & juxta legem: *Beneficium imperatoris quam plenissime interpretari debemus*

Porro, quoad pœnam debitam peccato, absolutio æternam, mutat in temporalem, & confessarius earum durationem valde minuit per pœnitentias, quas imponit, dummodò bene impleantur. Nam si velis jejunare, elargiri eleemosynas, corpus macerare, & alia opera satisfactoria præstare, opus salutare est, rogare confessarium, ut tibi illa injungat per modum pœnitentiæ; quia si hoc fiat, præter rationem meriti, & satisfactionis, quæ illa opera habent, si exerceantur in statu gratiæ, ex opere operantis, quatenus sunt bona, imposita à confessario per modum satisfactionis, ex opere operato per merita, & satisfactionem Jesu Christi, cui uniuntur virtute sacramenti, tanquam pars illius juxta Divum Thomam, conferunt augmentum gratiæ

2. Beneficium ff. de constit. Princ.

D. Thom. 3. p. quæst. 90. art. 2. ad 3. lib. 3. cap. 5. in princ. Regum.

Epist. ad Theodor. lapsus. Matt. 26.



gratia. Hinc Gregorius: *Afflictio poenitentia ad delenda peccata, tunc demum idonea est, cum sacerdotis fuerit iudicio imperata.*

Liquet ergo, quod sacerdotes novae Legis maiorem potestatem habeant, quam sacerdotes veteris legis, & etiam sanctus Patriarcha Abraham. Immo sanctus Chrysostomus ulterius procedit, nec sine causa. Ecclesiastica traditione habemus, quod sancti Michaelis principis caelestis militiae, & Angeli custodis Ecclesiae militantis munus sit animas ex hac vita defunctas, recipere, examinare, iudicare, & ad locum promeritum destinare. Et ideo depingitur manu gestans bilancem, eo quod animas ex hac vita decedentes examinet, & iudicio particulari eorum merita, & demerita discernendo: *constituite principem super omnes animas suscipiendas.* Verum id munus non exequitur, nisi post mortem, quando sors jam est iacta, quando facta revocari, & dilui nequeunt, quando non amplius sumus in via, sed in termino.

Non ab simili modo sacerdos velut sanctus Michael bilancem manu gestat, ille merita, demerita, dispositiones poenitentis examinat, ille eum iudicat, censurat, & sententiam diffinitivam pronunciat; & hoc non tunc, quando casus est desperatus, sed quando adhuc est remedium, quando adhuc saltus mortalibus non est factus, tunc absolvit, condonat, & omnia crimina abolet, & delet. *Potestatem talem dedit hominibus, sed non Angelis.*

At enim verò, ut hanc veritatem clarius agnoscamus liceat mihi veniam vestram supponere, supponamus, quod aliquis sit devotissimus sancto Michaeli

Archangelo, quod eum quotidie invocet, & honoret. Demus, quod hic post plurima peccata mortalia patrata, non eliciat contritionem perfectam, sed solum attritionem, demus, quod apoplexiâ in hoc statu in quodam pago tangatur, & iudicio priveretur, concedamus, quod morbo ingravescente opem inclamet sancti Michaelis, & sanctus Michael eum exaudiat; cum toti Ecclesiae sit Praefectus, & etiam Patronus illius, qui ei fuit devotus, eumque invocavit. Compello nunc vos, quam non misericordiam, quam non compassionem, quam non condolentiam, habebit hic Angelus, videns hanc animam perire ob defectum, & absentiam sacerdotis, sanctus Michael quidem ei potest dicere, *Deus misereatur tui*, ille potest quidem Deum pro eo rogare; verum est, quod per intercessionem sancti Michaelis queat obtinere à Deo usum rationis, & auxilium sufficiens ad eliciendum actum contritionis perfectae, & ut hoc medio salvetur; sed hic erit favor extraordinarius, qui raro continget, nam nequibit habere perfectam contritionem si maneat privatus usu rationis, in sua apoplexia, in suis symptomatibus; & consequenter sanctus Michael eum per omnes suas vires juvare non potest.

Quod si non nemo ex meis amicis, aut aliquis alius Christianus sit in eodem statu, supposito quod patrarit plura peccata mortalia, & exercuerit actum tantum attritionis, & hoc ipse, vel alii per minimum signum testentur, & ego tantum ei dicam; vade in pare Charissime, ego te absolvo, ille erit absolutus, & salvabitur.

Quod si, postea hæ duæ animæ praesentem



sententur sancto Michaeli in iudicio particulari, & appendentur ad bilan-  
cem, ille condemnabit suum clientem,  
quia non est absolutus, & conformiter  
ad meam sententiam iudicabit, & abso-  
lutum declarabit illum, quem absolvi,  
eumque ad cælum mitteret. Quod si de hoc  
dubiteris, dubitaris de principiis fidei, nã  
quidquid dixi, sunt axiomata Religionis  
Christianæ, quæ nullus Catholicorum  
in dubium trahet.

IX. At etenim, id quod magis demi-  
tor in hac potestate est, quinta, & ulti-  
ma circumstantia, nempe commoditas,  
& facilitas, quã potest dari. Verum  
quidem est, quod is qui peccavit mortali-  
ter, non possit habere adeo facili-  
ter perfectam pœnitentiam, uti quis sibi  
imaginatur, sed quod debeamus eam  
à Deo instanter rogare, & cõnari, ut  
eam per bona opera obtineamus. at-  
tamen cum habita fuerit; quid est fa-  
cilis, quam sua peccata confiteri alicui  
sacerdoti, & audire ab ejus ore hæc  
verba: *Ego te absolvo*? Dum hoc taci-  
tus perpendo, stupore defigor, & me-  
cum sic discusso. Mi Deus, & quid quæ-  
so cogitas? Vbi fuisti, quando hoc sa-  
cramentum instituisti? Quomodo fu-  
isti adeo liberalis, & excessivus in mi-  
sericordia, ut omnibus sacerdotibus in  
Ecclesia hanc contuleris potestatem?  
An non vides, quod hæc facilitas obti-  
nendi veniam, calcaria addet anima-  
bus pravis liberius te offendendi, ita ut  
Ecclesia tua sponfa, videatur magis ze-  
lare tuum honorem, quam tu ipse, &  
debeateos, qui enormiora patrant pec-  
cata subtrahere iurisdictioni inferio-  
rum sacerdotum? Præterea, quod si  
hanc potestatem concessisses tantum

Papæ, Episcopis, Patriarchis, vel omni-  
bus sacerdotibus semel tantum in vita,  
excessus quidem tuæ liberalitatis non  
foret adeo grandis; at cum Deus eam  
dederit omnibus, pro semper, & quo-  
ad omnia peccata, an non hoc est, exces-  
sus magnus amoris, profusio gratiarum,  
prodigalitas misericordiæ? Quis un-  
quam simile vidit? An unquam quis vi-  
dit, quod aliquis Rex tantum confidat  
uni suorum amicorum, ut hoc edat de-  
cretum: Quidquid concernit meum  
statum, meum dominium, meam coro-  
nam, volo ad talem deferri, & quidquid  
ipse decreverit, iudicari, condonari,  
damnari, id omnino ratum sit, immò  
crimina læsæ Majestatis, conspirationes  
contra meam personam, proditio-  
nes patriæ, & similia maxima delicta ejus  
subiiciuntur potestati, ita ut si illa con-  
donari, id ritè factum esto, ita ut nullus  
ab ejus sententia appellare possit ad cu-  
riam parlamenti, ad magnum consilium,  
vel consilium privatum, nec reus ille a-  
licui hanc condonationem factam pro-  
bare teneatur: Quis audit unquam  
Principem aliquem similia proferre?  
Nemo; nec enim ullus unquam dedit  
talem potestatem absolutam ne quidem  
suo fratri, filio, aut proprio parenti.

Quin potius Imperatores in lege ci-  
vili sic statuunt. Infamis esto totã vitã  
qui veniam crimini læsæ Majestatis ro-  
gare audeat? Nulli unquam Rex ali-  
quis hanc potestatem concessit. Ve-  
rum supremus, & adorandus Rex  
principatum, & Dominationum cæ-  
lestium & bonitate incomprehensibi-  
li hanc gratiam concessit non Angelis,  
non Archangelis, sed hominibus,  
suz Ecclesiæ dilectæ, sacerdotibus,

*Q. quis  
quis sis de-  
nique c. ad  
legem Iuli-  
am majo-  
ratis.*



& quidem non unitantum, sed omnibus, nec tantum pro sacerdotibus, sed pro cunctis, quia omnes sacerdotes censuit esse suos amicos, & fideles & vā illis, qui tales non sunt, vā illis, qui non sunt fideles, vā illis, qui hoc munus dignè non suscipiunt, qui malè dispensant thesauros meritorum ejus per absolutiones lucraticias, vel inconsideratas: Quando aliquis inconsideratè, & quasi ex motibus primo primis aliquem occidit, tunc diu detinetur in carcere, aliquis ablegatur Parisios, quæritur aliquis qui polleat in aula, mediatores adhibentur, probationes fiunt, munera expendantur, ut grātia obrineatur, et magna satisfactio subitur. Apud te autem mi Deus non sic agitur; nam si ego te offenderim, blasphemias profciderim, te abnegaverim, deliberatè, & consideratè occiderim, si seriò & ut oportet poeniteam, solum exigitur, ut vadam ad domum mei vicini si sit sacerdos, aut ad ejus cubiculum, si in mea domo moretur, & ei recenseam offensas, quibus te offendi, & firmiter proponam satisfacere, ut ita absolutionem recipiam.

Iuxta nostrum tamen modum intelligendi videtur, quod Pater æternus causam habeat conquerendi de nostro Salvatore, & dicendi: sicine tuis potestate à me tibi collata? Hæcine est fidelitas, quam exhibes in tuo munere? Ego attentā tuā innocentiam, eminenti tua scientia, tua Divinitate, sperans, quod zelares meum honorem, quod utiliter geres meum negotium, tibi illud officium judicandi detuli, tu autem quomodo illud resignas hominibus mor-

talibus, corruptibilibus, peccatoribus? Quæso te Pater æternè, venia sit verbo, ne ita loquaris, quia amor, quo te prosequitur tuus Filius, est adeo ardens, ejus servicia, quæ tibi exhibet, sunt adeo prælustria, ejus merita adeo infinita, & tanti valoris, ut laudes & approbes, quidquid gessit. O quomodo anima in cælo non liquefiet præ amore? quomodo non dissolvetur ex dilectione erga talem Benefactorem? Quam sæpe non osculabitur ejus sacra vulnera? Quam sæpe non adorabit ejus mortem pretiosam? Quam sæpe non benedicet ejus sanguini adorando, qui tantum bonum est promeritus? *Benedic anima mea Domino.* Econtra, quos non dolores, & cruciatus habebimus si damnemur? Christiani in loco erunt profundiori, erunt pavementum illius lacus infelicitis.

#### PVNCTVM TERTIVM.

#### *Disuadetur abusus tanti beneficij.*

X. **D**Evotus Rupertus solitus erat dicere, quod nec in minimo condoleret Christianis damnatis. Interrogatus, cur, cum tamen, quis cani compateretur, si ita affligeretur, respondit, se nec in minimo iis compati, cum id sint promeriti, & facilliter potuissent se salvare, adeoque spontè eos esse damnatos. Nec immeritò; nam hic erit maximus cruciatus, maximum tormentum in infernò, quando

vide-



videbis, quod habueris tam insignes occasionēs, per quas potueris evadere illa supplicia, & quod tam negligenter illas elabi permiseris. Quod si fuisses Iudæus, Turca, Hæreticus, vel educatus in aliqua Regione, in qua nulli essent Catholici, esses aliquid excusabilis, sed tu fuisti Catholicus, habitasti in civitate, in qua tot fuerunt sacerdotes, & tamen noluisti confiteri, vel si confessus sis, hoc indispositus fecisti. Contra te ipsum sævis, & rabie exardescas, tu tuam negligentiam accusabis velut inexcusabilem, tu rabie, & desperatione te ipsum dilacerabis. Tu non confiteris nisi à Paschate in Pascha, à medio anno in medium annum; quod si interim subitanè morte opprimaris, & in vadaris in illo statu peccati, cum contritio perfecta non possit haberi adeo faciliter, ut nec Religiosi eam post plures horas meditationis adeo promptè possint elicere, an non aliquis tibi meritiò queat dicere, si fuisses tali die Dominicà confessus, quando Deus tibi id inspiravit, mors te invenisset in statu gratiæ, & vià ad salutem? Hunc cruciatum habebis, dum videbis, vel quod sis mortuus sine confessione, vel quod malè sis confessus, quodque appetitus, quo appetivisti paxillum carnis, obstinatus animus, quo noluisti ignoscere, appetitus alicujus facultatis alienæ, quam reddere noluisti, reddiderint hanc absolutionem inutilem?

Quæso, ne te fallas; nam verum quidem est, quod non detur appellatio à sententia sacerdotis, quando illam indispositus recipis, verum si intercedat collusio, error judicii, abusus, defectus

alicujus requisiti necessarii, tunc sententia cassabitur, & annullabitur, si reiticias quodpiam peccatum, si omnem non ponas rancorem, si coquam non eiicias, absolutio nulla est.

Non multi elapsi sunt anni, quod in quadam urbe Hispaniæ civis quidam pravi consuetudini peccandi immerfus hæserit, & à Paschate in Pascha alicui prælato cujusdam Religionis, ejus honori consulitur, dum nomen taceo confessus fuerit, morbo repentino fuit obrutus, qui eum ad extrema deduxit, sub mediam noctem velocissimè itur ad monasterium, rogatur superior ut infirmum adeat, ejusque confessionem excipiat. Paret, Novitio juvene in seculum assumpto. Dum in via prope quoddam cæmeterium ireret, infirmus moritur, eique apparet, & eum interrogat, quo iret? confessarius respondit ad talem domum, auditurus confessionem magistri N. qui infirmitate fatali decumbit. Ego sum ille excipit alter, jam mortuus sum, & damnatus, & tu mecum; quia peccata mea fouisti, eò quod indigno absolutionem impenderis, & statim terra subitus eos sese aperuit, & utrumque absorpsit, misello novitio relicto, qui facem manibus gestabat. Totus desolatus, & dejectus rediit ad cænobium, nec unquam deinceps ridere visus est. Ita Parisiis ego, & alii à viro fide digno, qui hæc ex ore Novitii accepit audivi. *Altissimus creavit de terra medicamenta, & vir prudens non abhorrebit ea.*

Filius Dei pharmacum in hoc sacramento non composuit ex plantis terræ, sed ex meritis suæ passionis, ingredientia hujus pharmaci sunt, ejus



sudores, sanguis pretiosus, ejus labores, & mors. Ut hoc pharmacum componeret descendit de cælo, triginta tribus annis in hac vita vixit, tribus horis in cruce languit. *Oportuit Christum pati, & resurgere à mortuis, & predicari in nomine ejus pœnitentiam. Vir prudens non abhorrebit eam.* Si sapis me non despicias, ne contemnas remedium adeo

pretiosum, adeo salutare, quod illi adeo caro constitit, studeat illud tibi proferre. Si confitearis sicut oportet, hoc pharmacum, te perfectæ sanitati restituet, hic thesaurus tua diluet debita, hoc sacramentum in te producet gratiam Dei, claves sancti Petri claudent tibi infernum, & tibi cælum aperient Amen.

## SERMO VIGESIMUS S E X T V S.

Pro Dominica quinta post Pascha.

De motivo contritionis, & odio peccati.

*Quod peccatum offendat majestatem Dei, quæ cognoscitur  
via causalitatis, via eminentiæ, super  
eminentiæ.*

Si quid petieritis Patrem in nomine meo dabit vobis.

### E X O R D I U M.

**Q**uamvis cum Christus adeo sit excellens, Deus, homo, imago, & substantia Patris, splendor, & figura paternæ gloriæ, caput Angelorum, primogenitus omnium creaturarum, sanctitas ipsa, is in quo habitat plenitudo Divinitatis corporaliter, quamvis inquam sit adeo excellens, ut illi data sit omnis pœstas in cælo, & in terra; attamen quidquid excellentiarum concipimus in Christo, quæ est homo, id perfectius, & eminentius est in Deo, nam is, qui debet, & potest aliquid dare in nomine alterius, in quo rogatur, is perfectior, & superior esse debet; quam autem perfectus & immensus sit Deus, ostendit Auctor in hac concione ex eo, quod quamvis nos simus rustici, Balbutientes, attamen dignatur laudes nostras

acceptare, in quo nos sumus valde culpabiles, quod dum ille, qui continet in se omnes perfectiones, dum petit à nobis, ut ejus mandata observemus, ille nihilofecius, dum aliquid rogat à nobis repulsam patitur, ex quo patet, quanta malicia sit in peccato, uti hac concione ostenditur.

*Omnibus Diebus vitæ tuæ in mente habeto Deum, & cave ne aliquando peccato consentias Tob. 4. v. 6.*

I. Hucusque egimus de iis, quæ sunt essentialia, & magis necessaria ad sacramentum pœnitentiæ, nunc id considerabimus, quod servire potest ad tres partes hujus sacramenti. Et primò ponderabimus id, quod in animis nostris potest generare odium peccati, & verum dolorem, quia id patravimus, & id-



& ideo hunc discursum dividam in duo puncta. In primo conabimur per aliquas conjecturas cognoscere infinitam, & incomprehensibilem majestatem Dei. In secundo videbimus, quam sit indicibilis malitia peccati, quæ tantam majestatem offendit, majestatem inquam perfectionibus tam excellentibus; amabilibus, & illustribus dotatam. Tu o sancta, & Beata Mater eam honorasti in tuo corde virginali, tu ejus potentiam deprædicasti in tuo cantico laudis. *Fecit mihi magna, qui potens est, ejus sanctitatem: Et sanctum nomen ejus.* Misericordiam: *Misericordia ejus à progenie in progenies*, justitiam: *Deposuit potentes de sede*, bonitatem: *Exaltavit humiles*, providentiam: *Esurientes implevit bonis*: Fidelitatem: *sicut locutus est ad Patres nostros.* Ille Patribus antiquis promisit, quod velite eos honorare, qui ipsum honorant. Ut aliquid addamus ad completionem hujus promissionis, cum tu adeo eum honoraveris, nos te honoramus, nos te salutamus, nos tibi benedicimus, *Ave Maria.*

## IDEA SERMONIS.

## EXORDIUM.

*Cogitando, & loquendo de Deo sumus idiota, pueri balbutientes rustici, & tamen Deus dignatur acceptare nostras laudes.*

III. *A*ccedet caritabat vates Regius homo ad cor altum, & exaltabitur Deus. Balbutiendo ut possumus

subdit sanctus Gregorius *excelsa Dei resonamus. Tibi silentium laus Deus in Sion* substituit sanctus Hieronymus loco illorum verborum, *Te decet hymnus Deus in Sion.* Hæc verba unius magni Prophetæ, Papæ, Doctoris, nos insigniter docent, quod Deus altior, & sublimior sit nostris cogitationibus, & conceptibus, & quod nos de Deo loquamur valde imperfectè, & quasi balbutiendo, & quod ad hoc, ut debite celebremus ejus præconia, debeamus eum laudare profundo, & admirabundo silentio; ut enim edicam quod res est, quidquid cogitemus, dicamus, & exprimamus de Deo, adhuc sumus idiotæ, infantes, & rustici stupidi, & rudes.

IV. Dum recito acroama quoddam à me alias compositum in laudem Episcopi, & dico: sua celsitudo nos multum honoravit, quod si aliquis per rō celsitudo intelligeret immensitatem corporis, & sibi imaginaretur, quod Episcopus fuerit procerus instar gigantis: ille magnus profecto foret idiota. Plures quotidie idem faciunt, dum dicimus Deum esse magnum, pulchrum, misericordem, zelantem suum honorem, nam si sibi imaginentur, quod hæc prædicata Deo conveniant nostro modo, veluti competunt hominibus, crasse hallucinantur. Magis differunt perfectiones Dei à perfectionibus hominum, quam magnitudo corporis, à magnitudine spiritus: *Accedet homo ad cor altum, & exaltabitur Deus.*

V. Dum infantes lactentes volunt loqui, vel ut melius dicam ballutire, loco verborum, quæ formant: Tu monstras tuo puerulo avum suum, & eique dicis,



entuum avum, ille autem volens idem dicere, quod tu repetit, en meum, quod vult dicere melius est, quam quod dicit, quia reipsa mentitur, cum homo non sit. Eodem sane modo, quando dicimus, Deus est potens, sapiens, bonus, si velimus propriè, & juxta rigorem Theologia loqui, mentimur hæc proferendo, quia hi termini significant quoddam compositum, ex his excellentibus qualitatibus, & persona, cui debentur. Porro fides nos docet, quod Deus sit simplicissimus, purus, invisibilis, compositionis expers. Quod si dicamus, Deus est ipsa potentia, sapientia, bonitas, impropiè loquimur, nam hi termini explicant solum qualitates abstractas, vagas, & quæ non sint in aliquo subiecto; cum tamen nil melius subsistat, quam noster Deus, quia subsistit in tribus infinitis, & adorandis personis.

VI. Supponamus unum puerum, filium cujusdam Rustici, qui nunquam exivit suo pago, qui nullum vidit unquam nobilem, nisi Dominum pagi, qui est Baro, si huic velis describere Parisios, melius id nequis facere, quam si dicas Lutetia Parisiorum, est magnus pagus, quia ille nescit, quid sit civitas, oppidum, villa, arx, castellum, quia nunquam talia vidit. Quod si loquatur de Rege, eum vocabit Baronem magni pagi, qui majorem Dominum, quam sit Baro, majorem locum, quam sit pagus non novit, & risum movebitis, qui eum sic audiunt loquentem.

Quod si Rex forsan illuc transiens, eo usque, ad imum nempe usque se humiliaret, & dignaretur loqui huic in-

famulo, ut ejus infinitati se accommodaret, ita eum alloqueretur. Puerule gratiose, ego sum Baro magni Pagi, dum adoleveris, veni Parisios, ibi tibi dabo caseum, panem album ad saturitatem. Profectò nos omnes sumus similes huic infanti & velut ipse loquimur, & ipsi Angeli irriderent nos, nisi, à suo magistro didicissent condolentiam, & humilitatem. Quando loquimur de eorum domicilio, vocamus illud Regnum cælorum, quia nil Regno opulentius, & vastius vidimus. Dum loquimur de Deo, vocamus eum Regem Regum, Regem cælorum, quia nil vidimus grandius, nobilius, excellentius Rege. Deus porrò vel in hoc monstrat suam bonitatem extremam, quod dignetur nobis loqui, & accommodet se nostro idiomati grosso. In scriptura sacra Paradisum vocat magnum Regnum, sicut Rex vocat Parisios magnum pagum, se appellat Regem cælorum, ac si esset Baro Parisiensis; In Evangelio nobis dicit; quando adoiveretis in pietate, virtutibus, sanctitate, perfectionibus, venietis ad Paradisum, ibi in regno meo, ad mensam meam, biberis, & comedetis usque ad satietatem. *Eccle dispono* *Luca 22,*  
*vobis, ut edatis, & bibatis in Regno* *v. 30.*  
*meo super mensam meam.* Dum dignatur condescendere, & accommodare se nostræ ignorantia, monstrat suam clementiam. Et tamen nostral lingua manet grossa, ridicula, & humilis. Et sicut ille, filius Rustici melius faceret, si taceret, quam quod ita ruditer loquatur de Rege, de Parisiis: ita nos, Deum majori gloria afficere-



ceremus, si casto, & venerando silentio eum honoraremus, quam quod adeo imperfectè, & ruditer de eo loquamur. *Tibi silentium Laus Deus in Sion.* Mecum ergo hic admireris amabilissimam Clementiam, & humilitatem, quâ non solum permittit, ut de eo tam imperfectè loquamur, sed & dignatur acceptare nostras laudes, illas habet in acceptis, eas munerat, ad eas nos invitat: *Laudate Dominum omnes gentes, Laudate pueri Dominum.* Porro tres principaliter sunt viæ, quibus aliquo modo possumus pertingere ad aliquam tenet, & valde tenuem, & debilem cognitionem perfectionum Divinarum, per viam nempe causalitatis, eminentiæ, supereminentiæ, seu inaccessibilitatis.

PUNCTVM PRIMVM.

*Cognoscimus ejus perfectiones ex tribus viis, via causalitatis, eminentiæ, supereminentiæ, seu inaccessibilitatis.*

VI. Sanctus Paulus ad Romanos scribens, primam nobis viam monstrat. Verum est inquit, quod Deus sit invisibilis, quia est Spiritus, verum creaturæ visibiles sunt specula fidelia, & certa, in quibus post mundum conditum homines, qui sunt creaturæ rationales possunt contemplari, & conspiciere perfectiones invisibiles. *Invisibilia enim ipsius à Creatura mundi per ea, quæ facta sunt intellecta conspiciuntur.* Causam cognoscimus ex effectu, magistrum ex opere, Architectum ex fabrica, pictorem ex pictura, creatorem ex creaturis. Omnipotentia ejus relucet in productio-

one earum, quâ eas produxit, ex nihilo illas educendo. Et sane, an non sensu vestro magna potentia exigitur, ut aliquis faciat ex grano quodam pulveris solem? Qualis est apparentia, quod ex grano arenæ, possit fabricari solem? Sola propositio videtur ridicula solem adeo pulchrum, magnum, adeo clarum fabricare, ex grano pulveris adeo parvo, obscuro, opaco, deformi, quis possit? Immo: quia difficilius est, granum pulveris producere ex nihilo, quam solem ex grano pulveris. Nam inter granum pulveris, & solem, intercedit analogia, similitudo, & proportio, inter nihilum autem, & granum pulveris nulla est proportio, quin potius distantia, & differentia infinita. Deus ex nihilo produxit, non solum unum granum, sed solem, lunam, stellas, cælum, terram, elementa, & omnes creaturas adeo pulchras, diversas, numerosas, creaturas animatas, inanimatas, cælestes, terrestres, visibiles, invisibiles, & hoc sine labore, unico verbo, unico actu voluntatis.

VII. Immenitas ejus coruscat in earum conservatione, quâ eas immediate, & seipso, *immediatione suppositi* conservat; ex quo consequitur, quod sit omnibus præsens, ille est in fundo eorum esse, & ut loquitur Sanctus Dionysius: *est Intimo nostro intimior.*

VIII. Ejus sapientia resplendet in earum gubernatione, per quam non obstante earum antipathia, & contrarietate naturali, ille eas continet in bona pace, ille eas cohibet in quodam fœdere, composuit harmoniam, mundum fecit, hoc est dicere omnia & totum, eumque ornavit, & variavit mille creaturis, quæ in earum disconvenientia conveniunt,



niunt, & conjunguntur ob bonum universi. Quod si aliquis sapiens Politicus unico die pacem iceret inter Galum, & Hispanum, Polonum, & Suecum, Turcam, & Venetos, cum omnes mirarētur, ejusque prudentiam deprecarentur. Nec sane hi Reges adeo sunt inter se contrarii, quam ignis, & aqua, aer, & terra, frigus, & calor, siccitas, & humiditas, quas tamen Deus jam à sex mille annis concordat.

*Tu numeris elementa ligas, ut frigora  
flammis*

*Boet de  
consolat.*

*Arida convenient liquidis.*

IX. Ejus bonitas sese ostendit in eo, quod non solum non sit contentus, ut iis det esse simpliciter, sed & iis dedit bonum esse, esse beatum, & perfectum, secundum cujuslibet exigentiam, & capacitatem, & prout requirit bonum universi.

X. Ejus aeternitas, & immutabilitas videntur in eo, quod omnia illa, quæ ab ipso immediate procedunt, sint incorruptibilia, & aeterna, ut cælum, materia prima, Angeli, animæ rationales. Verbo Deus est fons, radix omnis pulchri, boni omnium rarum qualitatum, excellentium proprietatum tam Spirituum, quàm corporum, quæ in hoc mundo demiramur. Quod si illud axioma Philosophicum sit verum; Nemo dat, quod non habet, nos infallibiliter debemus concludere, quod omnes illæ perfectiones, quas admiramur, & amamus in creaturis sint in Deo, veluti in mari sunt omnes rivi, in sole omnia luminaria, in centro omnes lineæ, in surculo omnes rami, in causa omnes qualitates, & proprietates effectus: *Ostendam tibi omne bonum.*

XI. Omnia hæc sunt in Deo eminentius, hoc est dicere modo incomparabiliter nobiliori, excellentiori, perfectiori,

sublimiori, quam sint in creaturis. In creaturis sunt compositæ, in Deo simplices, in creaturis sunt impuræ, & imperfectæ, in Deo purissimæ, perfectissimæ; In creaturis sunt limitatæ, in Deo infinitæ, hoc est, creaturæ nihil habent pulchritudinis, bonitatis, roboris, sapientiae, opum, nisi quod placuerit creatori illis dare. Tu durum te exhibes tuæ filiae, quia non est tam pulchra sicut optas, tu non bene afficeris filio natu majori, quia non est adeo ingeniosus, sanus, industrius, sicut velles. Sed quid te vexas? Nihil plus habet, quam bonus Deus illi volverit dare: *Ipse fecit nos, & non ipsi nos*, dicebat quidam antiquus, qui erat gibbosus, & parum curvus, sed animam habebat rectam, & sanam. In Deo verò tot perfectiones sunt plures ut non possit velle, plures non possit optare, plures non possit habere, plures non possit concipere quia illas habet à se, & non emendicatas ab alio.

XII. In creaturis bonitas non est pulchritudo, pulchritudo non est robur, robur non est sapientia; ex quo conficitur, quod aliqua creaturæ sint bonæ, aliæ sapientes, ita ut rara avis sit in terris quæ omnes perfectiones habeat, & hoc meo sensu Deus disposuit, ut nutrirer in nobis mutuum amorem, concordiam, bonam intelligentiam, dum creaturæ se invicem juvant, & sibi ipsis mutuo serviunt. Et ideo, ut foveat commercia inter homines ille in nulla Regione voluit omnia produci, quæ ad vitam, & delicias hominis faciunt, sed in hac istud, in alia aliud.

*Non omnis fert omnia tellus  
Hic segetes, illuc veniunt felicius uvæ  
Arbor ei foetus alibi.*

At



At in Deo sunt omnes perfectiones simul, connexæ, inseparabiles, idem, & si rem penitus introspeciamus, unam sine alia non exercet.

XII. Perfectiones creaturarum laborant semper aliquo defectu, nulla est, nequidem corpus aliquod cæleste, quod non aliquem defectum habeat; quod tamen Providentiâ Divina in bonum prædestinatorum ritè ordinavit, quia hi defectus iis sunt remora, quæ eos detinent ne efferantur, sunt æquilibrium, quæ eos coerceant intra limites; nam dum vident has imperfectiones, habent ansam se humiliandi uti pavo ad aspectum pedum se humiliat. At perfectiones divinæ sunt perfectissimæ, nec aliquid in eo est, quod non sit amabilissimum. *Totus desiderabilis.*

XIII. Verbo, omnes pulchritudines, bonitates, raræ qualitates, excellentes proprietates, quæ nobis esse videntur ad eo gratiosæ, admirabiles in creaturis, quæ nos in stuporem agunt, & tam sæpe extra se rapiunt, nil aliud sunt quam umbræ, & figuræ, nil aliud sunt, quam pulchritudines, & perfectiones pictæ, & quidem imperfectæ, rudes respectu perfectionū Divinarū: *Præterit figura hujus mundi.* In imagine pertrāsit homo.

Neque ab hoc conceptu desistam, donec mentem elevarim in Deum, eique dixerō cum sancto Francisco: *Deus meus, & omnia*, & cum Ecclesia: *Deus à quo bona cuncta procedunt*, cum Davide, *Quid mihi est in cælo, & à te quid volui super terram?* Quid quæso possim optare in cælo, quid possim desiderare in terra, quod facillimè, & quidem perfectissimo modo in te non inveniā, mi Deus, mi Salvator, & omnia? Dum animo statui: per peccatum mortale, aut

aliquam, sit qualiscunq; velit te perdere, esto totum mundum lucrari possem stultissimus sum, & magnam stultitiam committo, & quidem majorem, quam si voluntariè perderem torrentem mellis, aut aliorū liquorū pretiosorū progutta aquæ, ærarium auri, & argenti pro atomo pulveris, regnū vastū proumbra.

XIV. Tertia via per quam possumus aliququaliter divinare eminentiam Dei est hæc, quod perfectiones illas non solum contineat eminenter, & in gradu excellentiori, quam sint perfectiones omnium creaturarum, sed tam excellenter sunt in illo, ut sint ineffabiles, inconceptibiles, incomprehensibiles, ita ut eas non possimus eloqui, concipere, comprehendere, nec ad eas accedere, vel appropinquare etiam ad minimum. Sed quid dico, quod impossibile sit ad ejus accedere majestatem? Sanctus Paulus addit, quod impossibile sit ad ejus accedere habitationem. Ille cubat, & demoratur in medio magnorum luminarium, hoc luminare est inaccessible: *Lucem habitant inaccessibleem.* Non dicit inaccessibleibilem hominibus, sed absolutè, quia nemo sive homo, sive Angelus, sive Cherubim, sive Seraphim, nec ulla creatura ad eam accedere potest.

XVI. Sanctus Dionysius Areopagita hujus magni Apostoli Discipulus apprimè hanc lectionem didicit à suo magistro, nam in egregio illo libro de Divinis nominibus sapienter nos monet his verbis: *De hac essentia superiora, & occultiora divinare nefas est quidquā dici, aut cogitari præter ea, quæ divinitus nobis à scriptis divinis patefacta sunt.*

XVII. Et ratio quam affert insignis est. Dum proprio lumine illustrati præsumimus loqui de rebus Divinis;



objicimus nos periculo blasphemandi aut ad minus falsa, ac crassa mendacia pronunciandi; nam velut bestia nequeunt discernere negotia, & regulas politicas hominum, nec lapides, aut alia corporalia possunt comprehendere spiritualia, nec homo pictus naturam, & qualitates veri hominis, ita neque intellectus humanus, exigua sua ratione ductus, aut subductu luminis naturæ, poterit pervenire ad cognitionem rerum Divinarum.

Omnes perfectiones, quas admiramur, & adoramus in Deo, non cognoscimus naturaliter per proprias species, sed per species alienas, seu prout illas videmus in creaturis. Hoc posito: plures sunt creaturæ, quas non cognoscimus, immo plures sunt, quarum perfectiones cognoscere nequimus; & una est infinita, quam nullatenus cognoscere quimus; Creator quippe mundum producendo, cunctipotentiam suam non adhibuit, nec totaliter seipsum communicavit, nec omnes suas perfectiones in creaturas effudit. Omnia ad extra producit non necessariò, sed liberè. Non produxit hæc velut Pater, qui producit Filium, cui communicat suam naturam, & omnes suas proprietates naturales; Sed velut pictor, qui suam imaginem depingit, nam huic dat solum aliqua lineamenta suæ figuræ. Porro tam parum exeruit suam potentiam, ut possit alios mundorum miliones producere, tot alios mūdōs, quot stellas numerat cælum, guttas mare, gramina campi, bestias terra. In se continet omnes perfectiones creaturarum imaginabilem, & quidem tam eminentem, & sublimem, ut si creasset hoc numen in-

numerabiles mundos, respectu ejus hæc omnia non essent plus, quam candela, & lucerna ardens collata soli, immo multò minus.

#### PUNCTVM SECVNDVM.

*Isdem viis cognoscitur malitia peccati.*

XVIII. **H**Æ tres vitæ, quæ nos ducunt ad aliqualem cognitionem eminentiæ infinitarum perfectionum Dei, etiam nos debent ducere ad cognitionem horrendissimam, & infinitam malitiæ peccati, quod tam sublimem, & excellentem majestatem offendit. Dens est prima causa, radix, origo, & principium omnium rerum. Qui Deum inhonorat, ille majorem committit injustitiam, quam si offenderet omnes creaturas, quæ sunt, quæ erunt, quæ fuerunt, vel quæ possunt esse; non secus ille, qui conviciis proscinderet Regem; nam is enormius deliquit, quam si omnes vasallos suæ Majestatis offenderet. Ille qui sauciat tuum cor, quod est origo vitæ, plus lædit tuam sanitatem, quam si omnia alia membra vulneraret.

Supponamus, quod aliquis convocet comitia, & conventum omnium Regum terræ, consultationem instituat omnium Doctorum totius mundi, exercitum conscribat militum totius universi, quodque Rusticus, & stupidus sedem suam colloquet, & fideat ante omnes Reges, an esset temeritas, & audacia, quæ huic possit componi? Si hic inquam omnes Doctores in quolibet puncto scientiæ argueret, an præsumptio,



prio, & stultitia huic similis esse queat? Rursus si hic invadat, & superiorem se putet omnibus militibus, an temeritas, & phrenesis ei par esse queat? At enim verò, tu pejus facis, & tua temeritas, & stultitia major est, quando Deum offendis. Vos non negabitis, quin sit nobilior cunctis Regibus, sapientior cunctis Doctoribus, fortior, & potentior omnibus militibus mundi, qui sunt, & fuerunt. Dum peccas non collocas quidem tuam sedem, ante sedem Dei, sed tuam voluntatem, voluntati Divinæ anteponis. *Volui, & nolui.* Servus, qui anteponit suam voluntatem voluntati sui heri, ille magis arrogantior est, quam si vellet ipsum antecire; nam sæpe est licitum, immò in quibusdam casibus laudabile, quod famulus Dominum antecedit. Verus est adagium. In ponte, silva, fluvio, famulus antecedit herum, servus sit ante, Dominus retrò. Nunquam interim licitum, aut honestum est, quod famulus suam voluntatem voluntati justæ, & rationalisui Dominian reponat.

Tu tuam voluntatem præfers voluntati Divinæ, adeoque magis es arrogans, quam si velles antecedere omnes grandes, Principes, et Reges terræ. Tu tuum intellectum, & iudicium anteponis intellectui, & iudicio Divino; quia ille tibi disertè dicit, quod tibi non sit utile, & honestum, vindictam repetere, sed uccidere illam puellam, prosequi litem, aliena retinere. O bellum iudicem, quam insigniter rem actu tetigisti! *Despexisti omne Consilium meum.* Sane plusquam abominanda est hæc præsumptio, quam si contradiceres omnibus Doctoribus, qui fuerunt, sunt, & erunt.

Tu bellum Deo indicis, & ejus vitæ insidiaris. *Tetendit adversus Deum manum suam, contra omnipotentem robora-* Job. 15.  
*tus est.*

Et sane, hæc major temeritas est, quàm si velles ire in centum mille milites mundi, & cum iis dimicare, quia Deus infinites fortior, potentior, & formidabilior est, quam quidquid credi potest.

XIX. Quod si velles oppugnare omnes creaturas possibiles, revera patreres injustitiam, & temeritatem prodigiosam, sed tamen aliquo prætextu apparente eam palliare posses; nam quantumvis magnæ, & excellentes sint earum perfectiones, & qualitates insignes; attamen non sunt omninò puræ, sed mixtæ, defectuosæ, & impuræ, & dicere posses, quod te offendât; at enim verò, perfectiones Dei sunt omninò puræ, & perfectæ, absque ullius imperfectionis admixtione; Vnde valde eos inhonorares, & supramodum contemneres, easque fumo honoris, & voluptatis transitoria anteferes.

Ea sicque attributa Divina continent eminenter omnes perfectiones creaturarum, quamvis sint conditionis, & naturæ diversissimæ; ita peccatum, quatenus est offensa, in se continet omnes deformitates injuriarum, quæ creaturis irrogari queunt, & quidem in tam eminenti gradu malitiæ, ut satis exaggerari non possit.

Peccatum est ablatio, usurpatio rei alterius, nam uteris membris tui corporis, & potentiis tuæ animæ, contra voluntatem Dei, ad quem si estant. Et hæc est perfidia quædam, quam committis contra maximum tuum amicum, quem.



quem unquam habuisti; & tibi Deus dicere potest: *Amice ad quid venisti. Tu vero homo unanimes dux meus, & notus meus.* Est adulterium quoddam spirituale quo anima tua violat fidem, quam debet amantissimo suo sponso. Est rebellio, & noxa commissoria contra Deum, qui est tuus princeps naturalis, & legitimus superior. Est parricidium, quo occidis eum, qui te supra modum amavit, & obligavit. Verbo, est furtum injustius, perfidia monstruosior, adulterium infamius, rebellio atrocior, parricidium incomparabiliter foedius, quam sint omnia furta, perfidia, adulteria, rebelliones, parricidia, quæ unquâ contra homines sunt commissa, vel committentur.

XX. Et veluti perfectiones Divinæ ob suam infinitatem, & supremam eminentiam excedunt omnem laudem, æstimationem, & admirationem; Ita quoque cum malitiæ peccati iis opposita sit infinita, & infinite odiosa, excedit omnem cognitionem, conceptum, & expressionem. Tu cognoscere non potes magnitudinem malitiæ, quam committis, nec centesimam, nec millesimam partem ejus malitiæ potes concipere. Sed quid dico? Tu qui nil aliudes, quam tenebræ, ignorantia hanc malitiam cognoscere queas? Angeli, qui sunt Spiritus, Cherubini, qui sunt ipsa scientia, Seraphini, qui tam prope Deo astant, sancti qui dotati sunt lumine gloriæ, Virgo, quæ tota immersa est abyssu sapientiæ Divinæ, verbo, nulla Creatura malitiam cognoscere potest, quam patras. Solus Deus eam comprehendere potest, cum ipse solus comprehendere possit excellentiam sui esse, & quodam modo dici potest peccatum esse tantum malum, quantum bonum est Deus, veluti Deus est bo-

num infinitum, inconceptibile, incomprehensibile, ita quoque peccatum est malum infinitum, incomprehensibile, ineffabile.

O magna sancta revera ansam habes dicendi id quod dixisti: O quam sapiens, quam divinitus illustrata es! Utinam minimum radium luminis, minimam scintillam ignis tui amoris haberemus. Deus quadam die gratiam fecit singularem Beatæ Catharinæ Genuensî ei frustillum tantum malitiæ peccati ostendendo, & quidem transeunter, momentaneè, in ictu oculi, & instar fulguris; illa nihilominus tantum concepit horrorem, ut sanguis in ejus venis algeret, & animi deliquium passa sit, porro testata est hanc visionem tam diu duraturam, quousque mortem appetitura esset, & hoc quamvis cor saxeum haberet. Et addidit, Dum solum cogito, & mente concipio umbram malitiæ in peccato, putem ni Deus me conservaret, quod mori deberem. Et quod si aliquid in hoc mundo desiderare possim; nil aliud adeo ardentem percuperem, quam quod possem id exprimere, id quod cognosco, & quid sentiam de re adeo paradoxa. Quod si in hunc finem deberem sufferre omnia supplicia Martyrû, & reorum, ut mortalibus rem tanti momenti propalare, & declarare possem; omnia libenter sufferrem. Et postquam mihi Deus radium hujus luminis communicavit, nec per capillum amplius miror, quod infernus sit adeo atrox, & æternitas tam longa. Quinimmo pœnæ ejus mihi nimis dulces videntur, & quæ non exæquent malitiam peccati, & ut verbo omnia eloquar sola umbra peccati venialis horrendissima, & abominandissima mihi vide-

Cap. quart.  
to vita.

Thren.  
v. 1.



videtur. At enim in alio loco dicit: Mi optime Deus, qualibet alia tolerari possunt, sed quod te offenderim, id me adeo torquet, ut sola cogitatio hujus sit mihi: horribilis, & intolerabilis. Et id obnixè deprecor, ut potius in hora mortis meæ mihi ostendas Dæmones omnes, cum omni eorum horrore, & suppliciis eorum cunctis, quam quod vel minimū meorum peccatorum conspiciam; nam reliqua nil æstimo, si comparentur tuæ offensæ, quantumvis minimæ, cum tamen minimū habere nequeat, eò quod sit contra Majestatem adeo grandem.

### CONCLUSIO.

*Peccatum infinitis lacrymis dignum.*

XXI. **M**erito ergo ad nos vociferatur Ieremias: *Deduc quasi torrentem*

*Thren. 2.  
v. 18.*

*tem lachrymas tuas, non taceat pupilla oculi tui.* Vberes funde lacrymas ac si esset torrentis, nec scaturigo tam citò exarescat, ac aquæ torrentis. Quod si malum sit unicum objectum tristitiæ, si lacrymæ ideo tantum sint, ut profundi debeant ad deplorandum, & detestandum peccatum, nemo lachrymis adeo prosequetur peccatum, ut amplius illud deplorare, & detestari non debeamus, cum sit malum infinitum. Immo si tot lacrymas spargeret, quot guttæ sunt in tuo vi-

vario, si tot funderes lacrymas, quot unquam guttæ pluviarum ab orbe condito deciderunt, quot guttæ sunt in mari, atamen non satis, nec ut pars est deplorares peccatum. Quod si unam lacrymam bene impendamus, unum parvum malū, duæ lacrymæ bene collocatæ erunt, si deplorent malum duplò majus, ex quo consequitur, quod ad deplorandum malum dignè infinitum, infinitas lacrymas spargere deberemus, Et sane non dicere debeo deberemus, sed debemus, nam si peccatum non detestatus fueris, si moriaris in statu peccati, in quo es, plures fundes lacrymas, quam sint guttæ in mari, & in omnibus pluviis mundi. *Ibi erit fletus* inquit Christus. Verbum Dei est efficax, fecundum perpetuum: *In æternum Domine permanet verbum tuum.* Post milliones annorum, *Ibi erit fletus.* Post centum milliones annorum, *Ibi erit fletus.* Quamvis decies millies plus lacrymarum effuderis, quam sit aquæ in mari, *Ibi erit fletus.* Et meritò, quia qui patravit malum infinitum, ille pœnam infinitam tolerare debet. Ille æternaliter debet plorare, qui summam, augustissimam, ad orandissimam, & inconceptibilem majestatem Divinam offendit, à quo nos Deus præservet per suam misericordiam Amen.

## SERMO VIGESIMVS SEPTIMVS

Pro Dominica sexta post Pascha.

Peccatum offēdit quatuor dimensiones perfectionū divinarum

*Ille testimonium perhibet de me Ioann. 15.*

### EXORDIVM.

**P**rofecto Auditores, nullaten⁹ dubitē neminem esse, qui felicem reputa-

ret, quod creatus esset à Christo Apostol⁹, quia magna est hæc dignitas, quod ipsi



ipsi instituti sint testes vitæ, & passionis ejus juxta illud, quod Christus dixit vos testimoniū perhibebitis de me, quia ab initio mecum fuistis. De hoc gloriatur Apostolus Petrus: *obsecro confensor, & testis passionum Christi.* Verum, si bene advertamus etiā nos Christiani ansam habemus gaudendi, quia hac dignitate insignimur, & meritò Apostoli vocamur; immò, & debemus, quia tenemur per nostram vitam ita vivere, ut ostendamus Deum esse sublimem, latum, longum, & profundum in suis dimensionibus, hoc autem facim⁹, si eum amemus, honoremus, & colamus, ac vitemus, & detestemur peccatum, quia illud offendit illas quatuor denominationes, ut, ostendamus cum Auctore in hac concione.

*Omnibus diebus vita tua in mente habeto Deum, & cave ne aliquando peccato consentias.*

I. Postquam consideravimus numerum innumerum perfectionum Divinarum, quas peccatum mortale offendit, ponderare oportet, quod etiam quatuor excellentias, & dimensiones, quas sanctus Paulus iis attribuat, nempe altitudinem, longitudinem, latitudinē, & profunditatem laudat. Illæ perfectiones quamvis sint immensæ, & infinitæ; tamen O sanctissima, & superbenedicta Mater, illæ in tuo sinu virginali si ita loqui liceat, diminutæ sunt, & quasi annihilatæ. Omnipotentia est conjuncta debilitati, æternitas se, collocavit in tempore, immensitas à tuis visceribus circumdata, & cincta est.

*Quem totus non capit orbis,  
In tua se clausit viscera, factus homo.*

Id Angelus prædixit, dum te salutavit hisce verbis *Ave Maria.*

## IDEA SERMONIS.

### PUNCTVM PRIMVM.

*Continet quatuor dimensiones perfectionum Dei, prima est sublimitas, nempe quod earum excellentiæ sunt in summo gradu, quod probatur primo in genere, secundo in specie, secundo latitudo, quæ se extendit ad omne objectum possibile, terriò longitudo, nempe æternitas, quarto profundum, nempe quod sunt abyssus infinita.*

II. OMnes perfectiones Dei sunt immensæ, & infinitæ, hoc est nullum habent terminum, limitationem, mensuram, unde impropria videtur esse locutio, si his perfectionibus, & attributis Divinis dimensiones attribuamus. Verum, quia tantum loqui possumus juxta nostrum exilem modum concipiendi, Spiritus Sanctus dignatur nostræ vilitati condescendere, & nobiscum balbutire. Et hinc per Sanctum Paulū nobis considerandam proponit altitudinem, longitudinem, latitudinem, & profunditatem suarum perfectionum Divinarum, ut ex hoc horrendam malitiam cognoscamus peccati, quod eas offendit.

III. Primo ergo contemplari debemus altitudinem. Non possumus omnino pertingere ad cognitionem rei adeo sublimis, nisi paulatim, & per diversos gradus ascendamus. In hoc mundo

*Ephes. 3.  
v. 8.*



mundo quatuor videmus gradus creaturarum, quæ habent perfectiones excellentiores, ita ut eorum esse sublimius, & altius sit. Primus gradus continet creaturas quæ habent tantum esse, nempe elementa, lapides, metalla, mineras. Secundus gradus est eorum, quæ habent esse, & vivere, ut plantæ. Tertius eorum, quæ præterea sentiunt, ut animalia. Quartus eorum, qui præterea ratiocinantur, velut homo. Lapis insignes habet qualitates, est in animatus, non movetur, non crescit, non agit. Planta præterea vivit, crescit versus cælum, vegetatur, in terra serpit, & sese extendit. Canis nobiliores habet qualitates, ille visu vetegit feras, odoratu percipit vestigia, voce feras prosternit. Homo præterea ratiocinatur, & præditus est ratione, quæ nobilior est sæcunditate plantarum, sensu animalium. Quod sane videmus in privatione; nam nullus est parens, qui non mallet suam filiam potius esse cæcam, quam stultam, sterilem, quam cæcam.

Porro loco horum quatuor graduum, & diversitatum in essentia creaturarum, novem dantur in cælo, qui eò habent perfectiones nobiliores, quò eorum species altior, & sublimior est. In cælo quippè dantur Angeli, Archangeli, Virtutes, Principatus, Potestates, Dominationes, Throni, Cherubim, Seraphim: Et videmus, quod Archangeli tantum sint superiores hominibus, quantum homines sunt superiores plantis; nam velut inter homines, & plantas mediat tantum una species, puta animalia; ita quoque inter homines, & Angelos interponuntur tantum Angeli. Seraphim porro tot gradibus excellentiores sunt Archangelis, quot gradibus Archangeli superant lapides, immò pluri-

bus, nam inter Archangelos, & lapides mediant tantum quatuor species; cum tamen inter Archangelos, & Seraphim intercedant sex. Sicut ergo perfectiones Archangelisunt incomparabiliter nobiliores, & excellentiores perfectionibus lapidum; ita perfectiones Seraphinorum sunt multò nobiliores perfectionibus Angelorum, & Archangelorum.

Porro Deus novum posset creare cælum, in quo centum gradus, & ordines creaturarum darentur, quæ multò nobiliores, & eminentiores inter se essent, & dotata perfectionibus illustrioribus conformiter ad earum esse, ita ut minima, & infima, nobilior esset Seraphinis. Paulò post posset aliud producere cælum, in quo essent mille gradus, & ordines creaturarum, quæ sese in vicem etiam excederent in nobilitate, & perfectionibus. Et ita ab hoc momento, usque ad centum mille annos posset creare novum cælum, in quo infima creatura superaret primam, & supremam cælorum præcedentium. Cogitate nunc paulisper, an numerare possitis excellentes, & admirabiles perfectiones supremæ creaturæ. At enim verò omnes hæ perfectiones collatæ perfectionibus Divinis, non essent nisi lineamenta, umbra, figura respectu earundè. Quod si has perfectiones Divinas particulariter, & in individuo velimus considerare, possumus dicere, quod earum altitudo, & sublimitas consistat in eo, quod excellentiæ perfectionum Divinarum sint in supremo gradu; & quælibet in illa qualitate, ut sit eximia, & celebris, & faciat, ut unam distinguamus ab alia.

IV. Per suam potentiā non solū producit illa quæ vult simpliciter, sed & cum



summa facilitate, fecunditate, & perfectione. Nil est facilius locutione, Deus autem omnia verbo, & quidem unico producit: *Ipse dixit, & facta sunt. Verbo Domini cali firmati sunt.* Et quod mirandum est, hoc verbum adeo fecundum fuit, ut non solum produxerit creaturas, quæ in principio mundi fuerunt extractæ, sed & adhuc operatur, & operabitur usque in consummationem sæculorum. In creatione dixit fiat lux, producat terra herbam virentem, & illa lux continuò adhuc in tempore sit, & terra incessanter herbam virentem, & gratiosam producit. Et quidem hoc adeo faciliter & perfecte præstat, ut quantumvis omnes Angeli spacio decem mille annorū omnia opera ejus considerarent, nec unicum, vel minimum defectum in eo deprehendere possent. Nil possent addere, demere, mutare, absque destructione, utilitatis, pulchritudinis, & bonæ gratiæ. Homines quippè, dum de suis operibus agunt, loquuntur in imperfecto: *Apelles pingebat, praxiteles exudebat.* At dum loquimur de operibus Dei, utimur terminis, qui exprimunt plusquamperfectum; quia plusquam perfecta sunt: *Vidit Deus cuncta, quæ fecerat, & erant valde bona.*

Præterea tam perfectam habet scientiam, ut omne scibile maximā claritate, exactitudine, & certitudine cognoscat. Per suam bonitatem vult bene suis creaturis, & quidem maximā affectione, & ardentissimā charitate. Per suam providentiam omnia, & quidem in particulari gubernat, omniumque curam gerit, & quidem tantā diligentiam, & solertiā, ac si unica tantum esset, & nil ulterius haberet agere.

V. Secundo dicere possumus, quod

latitudo Divinarum perfectionum, sit immensa extensio earū activitatis, quarum confinia nullum habent terminum, & earum sphaera est infinita; quia sine modificatione, aut limitatione extenduntur ad omne id, quod eorum objectum esse potest.

Per suam cunctipotentiam posset creare mundum adeo vastum, adeo admirabilem, ut quodlibet granum arenæ, quaecumque illud sit, possit esse tam magnū, & perfectum, quam hic mundus, quem ante oculos videmus. Considera parum: per quantus debeat esse ille mundus, qui haberet tot soles, calos, lunas, stellas, maria, terras, quod sunt grana arenæ in toto universo? hoc insuper mūdo creato, posset tertium creare, cui collatum hoc secundum esset velut granum salis. Et producto hoc tertio, posset producere quartum, quintum, sextum, & ita consecutive in tanto numero, ut plures futuri forent mundi, quam modo sint atomi solis, & folia arboris. Et postquam hos mundos produxisset, dicere posset: quidquid hactenus egi, non est nisi lusus, figura, & præludium eorum, quæ facere volo, quia millies, & millies plures producere queo, & sic in infinitum.

Per scientiam agnoscit numerum omnium creaturarum, quæ in mundo sunt, earum motus, actiones, accidentia, omnium formicarum, muscarum, pulicum, qui fuerunt, & erunt, omnes cogitationes, gestus, verba, nictus oculorum omnium virorum, ac mulierum: *Gressus meos dinumerasti, numerus mensum ejus apud te est. Capilli capitis vestri omnes numerati sunt.* Distinctè cognoscit omnes qualitates, proprietates, perfectiones, imperfectiones, non solum specificas, sed

Job. 14. v.  
16. & v. 5.  
Matt. 10.  
v. 31.



sed etiā individuat es cujuscunque creaturæ; ille cognoscit longitudinem, crassitiam, colorem omnium foliorum, quando, quomodo, quot, in quo momento, à qua parte, per quam imaginationem, finem, quælibet musca volet in aere. Ille cognoscit quomodo quilibet piscis natet in aqua, fornicula gradiatur super terram, folium quaecunque arboris decidat ex arbore. Et quidem hæc omnia, clarius, certius, distinctius cognoscit, quam tu scias numerum, & ætatem tuorum infantum. O admirabilem Spiritum! O quam mirabilis scientia, quam prodigiosa memoria!

Per suam bonitatem tantum boni vult creaturis, quantum iis dare potest, juxta exigentiam naturæ earundem, bonum commune universi, & regulas suæ providentiæ. Et quidem in mysterio incarnationis contulit omnibus creaturis bonum infinitum, honorem inæstimabilem, & omnes unione hypostaticæ suæ essentiæ univit. Homo quippe est compendium, recapitulatio omnium creaturarum, nam homo habet esse elementorum, vivere plantarum, sentire animalium, movēre cælorum, intelligere Angelorum. Eo ipso quo sancta humanitas est deificata, omnes creature, sunt in illa nobilitatæ, omnes sunt evectæ ad dignitatem supremam unionis hypostaticæ.

Providentiæ ejus extenditur, & se dimittit ad regendum, & gubernandum omnes creaturas, ad eas per media congrua ducendum, ac minandum ad debitum finem, & hoc, ut nequidem unius obliviscatur atomi, quantumvis minimi, quod non sit annotatum in archivo ejus memoriæ; ita ut nec sit minima formica Americæ, nec minimus sinus in desertis Arabiæ, qui ejus ordinem pro-

videntiæ fugiat; *Ille est cura de omnibus. Nonne quinque passeress veneunt dipondio, & unus ex illis non est in oblivione coram Deo? Audeo dicere inquit Tertullianus setas porcorum, nec dæm capillos sanctorum, numeratos esse apud Dominum.*

Sap. 6. v. 3.

Matth. 10.

v. 19.

Tertull.

Vj. Tertia dimensio, per quam eminentias magni Dei cognoscimus, est longitudo, hoc est æternitas, quæ est; *Interminabilis vita, tota simul, & perfecta possessio.* Rex potest amittere suam potentiam, si regno exuatur, vel moriatur. Politici quandoque sapientiam suam amittunt, & puerascere incipiunt in senectute, boni, & virtuosissimi, quandoque suam probitatem amittunt, dum forti tentatione oppugnantur. Deus verò nec minimum potest perdere ex suis perfectionibus, quia sunt idem cum suo esse, quod est independens, necessarium, immutabile, invariabile. Possessio hereditatis tunc ex jure est bene stabilita, quando aliquis eam habuit immemorabili tempore. Illa nobilitas est illustris, & æstimata, quæ antiqua est. Axioma juris est. *Qui prior est tempore, potior est jure.* Nobilitas, & excellentia Divinarum perfectionum, & possessio earundem, non est tantum immemorabilis à tempore, & sæculo, sed est ante omnia sæcula, ante omnia tempora, imò ipsam æternitatē.

Cognitio, quæ cognoscit suas perfectiones, amor, & affectio, quam erga eas habet, gaudium, & delectatio, quod ex illis recipit non est successivum, sed simultaneum, Duratio horum non est tantum momentanea, sed coexistit omnibus sæculis, quæque in se continet, & comprehendit omnes differentias temporis Præteriti, præsentis, & futuri. Nunc ergo vide, quam vastum, amplum,

K k 2

immen.



immensum debeat esse cor, & spiritus Dei. Supponamus, quod spatio temporis infiniti quolibet momento recipiat nova gaudia, novas delectationes, illustrationes, cognitiones, quam non debebit esse magnus, & in comprehensibilis horum numerus? Possideat aliquis hæc non transienter, & gustando, aut perfunctorie, sed omnia simul, quamdiu est Deus, & quamdiu erit, an aliquis hunc thesaurum, ararium, oceanum, abyssum illustrationum, cognitionum, gaudiorum, voluptatis, beatitudinis comprehendere possit?

VII. Quarto profunditas harum perfectionum consistit in hoc, quod sint abyssus sine fundo, & sine, quod omnes sint infinitæ. Quod si mare non haberet fundum, aquæ non haberent mensuram; si puteus melle plenus non haberet fundum, dulcedo esset infinita, si esset plenus Lacte, candor non haberet finem, si esset plenus auro, & argento, divitiæ essent sine numero. Idem omnino est in Divinitate, & ejus perfectionibus adorandis, nam hæc non habent fundum, finem, mensuram, terminum, vel limites. *O altitudo divitiarum scientiæ, & sapientiæ Dei!* scribebat sanctus Paulus. Et Propheta Regalis: *magnitudinis ejus non est finis, sapientiæ ejus non est numerus*, scientiæ ejus non est terminus.

Perfectiones, illæ sunt adeo grandes, immensæ, infinitæ, ita ut nil eas queat mensurare, nil iis queat comparari, nil vel in minimo iis possit appropinquare. Animo percurrite totum mundum, iustra omnes incolas pagorum, provinciarum, Regnorum, & quarumcunque nationum, attamen respectu Dei, teste Isaia hæc omnia erunt, *Quasi pulvis exiguus*. Partire unum granum pulveris in tot partes, quor

sunt viri, femina, ac creaturæ in mundo, ego sum unus ex illis partibus, ego sum ante Deum millesima, decima millesima, centesima millesima, mille millesima. pars unius gran; pulveris, immo multo minus, ego sum non aliquid nihil, sed centesima millesima pars unius nihili; nam Isaia postquam dixisset, quod omnes nationes sint ante Deum velut exile granum pulveris, vidensque hoc nimium esse dictum, se quasi correxit dicens: *Omnes gentes quasi non sint, sic sunt coram eo, & quasi nihilum, & inane.* Insuper Textus sacer tractans de potentia, benivitate, misericordia, & omnibus perfectionibus Divinis disertè loquitur, & significat, ac si creaturæ nihil essent, & Deus solum aliquid. De potentia, & immortalitate dicit sanctus Paulus: quod solus sit omnipotens, & solus immortalis, de bonitate inquit salvator, nemo est bonus nisi solus Deus; de dominatione inquit Isaia, quod solus sit Dominus, de pietate, & misericordia sancti ipsi dicunt, quod solus sit misericors; eò quod illustres qualitates creaturarum comparatæ perfectionibus Divinis nil aliud sunt, quam si nihil essent.

#### PUNCTVM SECVNDVM.

*Debita nostra erga has Dei perfectiones, primo honor, secundo amor, tertio timor, quarto peccari, quod illas offendit quatuor dimensionibus odiosis, primo sublimitas, secundo latitudo, tertio longitudo, quarta profunditas.*

VIII. Perfectionibus adeo magnis, & excellētibus nos sumus obligati tria pensare debita principaliora, honorem, amorē, timorem filialem, maximum honor, & homagium, quod illi pendere

Isaia 40.  
v. 17.

Rom. II.  
Psal. 144.  
v. 3.  
Psal. 146.  
v. 5.

Isaia 40.  
v. 11.



dere possumus, est si illum revereamur, admiremur, revereamur per castum, & religiosum silentium: Antiqui arcum caelestem, seu Iridem finxerunt Filiam admirationis, seu Thaumantiae *Iris Thaumantia Virgo*, quia res admiranda est videre arcum tot coloribus illustris, conspicuis, variis qui nil aliud sunt, quam reflexio solarium, radiorum ad corpus opacum, & bene dispositum.

*Mille trahit varios adverso sole colores.*

Et profecto res admiratione digna est, quod videamus in essentia Dei omnipotentiam, sapientiam, bonitatem, justitiam, misericordiam, & alias infinitas perfectiones quae habent effectus valde diversos, cum & ipsae quandoque contrariae, & oppositae sint, quamvis identificentur inter se, & cum essentia. Haec admiratio igitur quandoque in nobis causat silentium reverens, quod Deo majorem gloriam, digniorem honorem, excellentiores laudes pendit, quas potest. *Tibi silentium laus Deus in Sion.* Tu non inutiliter, sed sancte te occupas in hac consideratione, dum ad conspectum eminentiorem Dei in stuporem actus; suspensus haeres, & dicis cum Propheta: o mi Deus, quam admirabile est nomen tuum! o quam non admirabilis, & in comprehensibilis est tua potentia, sapientia, Bonitas: Imitare Seraphinos, & faciem tuam coram Deo tege, non audens illam discooperire, sed sicut exussione alarum cor suum inflammant amore Dei, sic tu quoque fac.

*Psalm. 6.*

IX. Hic amore easdem dimensiones habere debet, quas habent perfectiones Dei, & ideo ut imitando eas honoremus, amore magno, & sublimi Deum prosequi debemus, eum inquam debemus amare non ex motivis vilius, & terrestribus, sed sublimibus, & caelestibus; non a-

more concupiscentiae, & lucri gratia, sed amore sublimiori. Amore largo, & amplo, qui nos agat, ut amplectamur, & exerceamus ad ejus honorem omnia opera virtuosa, quae nobis sunt possibilia, juxta nostrum statum, & conditionem. Amore qui semper durer, velut ejus perfectiones aeternae sunt, Amore, qui sit profundus, sincerus, qui ex imo pectoris, & cordis veniat, & non ex superficie spiritus, & extremitate labiorum, qui se ostendat in effectu, qui in nostro corde radicet timorem filialem ejus perfectionum Divinarum.

Et sane ejus magnitudo est timenda. *Magnus, & terribilis super omnes, terribiliter magnificatus es.* Ejus potentia est formidanda: Potens, & metuendus nimis. Sanctitas ejus est verenda: *Sanctum & terribile nomen ejus. Ejus pietas est metuenda. Qui non timebit te, quia tu Solus pius es?*

X. Verum ut melius dicamus, peccatum quod omnes offendit, & quod per quandam altitudinem, latitudinem, longitudinem, profunditatem abominabilem se odiosum reddit, metuendum est. Viden quaso tuam temeritatem, arrogantiam, audaciam indicibilem. Hec dixi, quod peccando mortaliter arroganti-  
 or sis, quam si sedem tuam collocares ante sedem Regum omnium mundi, hodie dico, & absque ullo periculo mentendi, quod illam colloces ante centum mille Monarchas, ante centum millenos mundos, immo ante omnes creaturas possibiles, & conceptibiles, quia uti vidimus, tu collocas illam ante Deum, qui infinitus est illis sublimior uti vidimus, infinitus altior nobis. Dicis, quod id nequeat fieri verbo, sed quod peius est operibus, & actionibus, Ego majorem Deo

Kk 3

at sto.

*Psalm. 88.*

*v. 8.*

*Psalm. 128.*

*v. 14.*

*Ecclesi. 18.*

*Psalm. 110.*

*v. 9.*

*Apoc. 15.*

*v. 4.*



auctoritatem habeo, ille vetat huic rustico ne falsum proferat testimonium, huic puellæ, & feminæ, ne sint lascivæ, huic Notario, & scribæ ne falsitatem committant. Quod si ego igitur, hæc iis præcipiam, & illi ea facient contra Divinam prohibitionem, mea jussio sublimior erit Divinâ. Et tamen Divinum decretum, decretum, decretum est: *Omnis, qui se exaltat humiliabitur.* Et quidem hæc lex indispensabilis est, nempe quod quò magis nos exaltaverimus, eo magis humiliandi simus, Nunc vobis considerandum relinquo, quo usque deprimendus sis, cum enim te subleves supra eum, qui est infinitè altus, mereris infra id deprimi, quod est infinitè inferius infra, nempe nihilum. Tu vilior, abjectior, minus æstimatus, in minori pretio es apud Deum limace, pulice, lende, immò ipso nihilo.

Et sane non annihilaberis, sed conservaberis, & reservaberis, pœnis sensibilibus, atrocibus in, & supra summum, & hoc quia summam patras injustitiam, enormiorem, & grandiore in injustitiam, quam quis concipere potest, majorem injuriam, quam quis unquam fecit, aut potuit cuicunque creaturæ facere. Vix hoc concipere possumus, cum omnes injuriæ, quas irrogamus creaturis secum trahant injuriam creatoris. At enim verò supponamus dari alium præter hunc mundum, adeo grandem, & antiquum quam hic sit. Supponamus inquam talem dari mundum, non quod in eo Deus non sit; nam hoc est impossibile; sed quod in eo sit quidam Tyrannus, qui crudeliter, & injustè quolibet die, & hora ab initio mundi occideret homines innocentes, qualem hic non ederet

carnificinam? Quales non patraret in justitias, & barbaries? spatio sex mille annorum, quot non homicidiorum milliones tot diebus, & horis commisisset? Firmiter crede, nec ullatenus dubites, quod hæ injuriæ si componantur injuriæ, quam Deo infers per unicum solum peccatum mortale; nihil sint. Et ratio est evidens; omnia illa homicidia essent injuriæ finitæ; peccatum verò est injuria infinita; injuriæ illatæ creaturis idem quasi sunt, ac si quis milliones necaret formicarum, injuriæ illatæ creaturæ, sunt quasi alapæ inflictæ Regi. Ille Tyrannus promeretur toties dilacerari in rota, toties quot transierunt dies, & horæ spatio sex mille annorum, at ob unum peccatum mortale vivus mereris comburi tot horis, diebus, annis, quod futuræ sunt in millionibus sæculorum, & per totam æternitatem.

XI. Et sicut perfectiones Dei benedicunt, sanctificant, & perficiunt omne id, quod aliquam dicit connexionem cum illis; ita à contrario peccatum, quod iis contrariatur est adeo contagiosum; ut latitudine abominandâ, contagionem suam extendat, venenumque suum dissipet per quævis obvia, ut creaturas nobis servientes commaculet, easque objectum iræ Dei constituat, ita ut igne probatore sint consumendi. Peccatum nostram reddit conceptionem immundam, nativitatem odiosam, vitam peccaminosam, mortem nostram infelicem, damnationem tandem interminabilem, & æternam. O prodigiosam durationem! O longitudinem stupendam actionis tam brevis! Quod si ex nunc post centum mille, & decem mille annos, interrogas à quadam anima damnata,



nata, quid eam in inferno detineat? Respondet meum peccatum. Ergone tuum peccatum tamdiu sit in hoc igne, nec consumatur? si foret ferreum, aut Chalybæum jam dudum fuisset liquefactum; si fuisset marmoreum, adamantinum, jam dudum fuisset dissolutum, consumptum, & anihilatum. Quomodo ergo illud peccatum adhuc manet integrum, maleficum, nocivum, velut fuit primâ die, quâ illud patraſti? *Infecta est terra ab habitatoribus suis, quia transgressi sunt leges. Terra contaminata est in operibus eorum. cali ardentis solventur, & elementa ignis ardore tabescent.*

Isaia 24.  
v. 5.  
Psal. 105.  
v. 39.  
1. Pet. 13.  
v. 12.

XI, Quarta, & ultima dimensio est profunditas, quæ consistit in hoc, quod dum peccatum patras, Altissimum non solum subiicias tibi, non solum perversæ, & vili creaturæ, sed & ipsi nihilo, & infimo. Sanctus Paulus loquens de iis, qui post baptismum peccant, dicit quod Deum tam graviter offendant, eumque adeo deprimant, ut eum pavementum pedum faciant; nam veluti id in vili habemus, quod pedibus calcamus, ita inquit sanctus Chrysostomus potest dici, eum sancto Paulo, quod pedibus conculcemus Filium Dei, quando eum aliis creaturis postponimus. *Quanto magis Audite Apostolum, putatis deteriora mereri supplicia, qui Filium Dei conculcaverit?* Quod si scires, te quotiescunque juras in satisfactionem debere dare duos ducatos; an non conareris iuramenta vitare? credo, quod jam à duobus annis, te ista consuetudine exemisses. Tu scis Deum non velle, quod jures, nec tamen hunc defectum emendas. Et jam sunt decem anni, quibus illi consuetudini immerſus hæres, ex quo consequitur, quod

Heb. 10.  
v. 19.

exiguo lucello, paucis ducatis iustissimam, & amabilissimam Dei voluntatem postponas.

Quod si uxor tua thorum contaminaret conjugalem, tu hoc factum velut pessimum execraberis, si vicinus tuus falsum contra te deponeret testimonium, aut alium patraſset errorem, tu diceres illum esse virum nullius frugis. Nunc ad sis paulisper. Tuo te judico ore. Ergo illa, cum qua committis adulterium pessima est? Ergo ille, qui te inducit, ut falsum proferas testimonium, nullius est frugis. Et tamen, tu eum amas plus quam Deum, tu offendis Deum, ut huic placeas adulteræ, bonum offendis Deum, ut hunc hominem nullius frugis, tibi devincias. Ergo Deum optimum postponis illi, quod nihil valet, & consequenter Deum minus æstimas illo, quod est nullius valoris. O injuriam, o contemptum, o horrendam dignitatis Divinæ imminutionem! Itaque si in venis nostris adhuc sit unica bona guttula sanguinis, angue peius, & monstro, peccatum hoc maledictum vitare debemus, & peste, morte, inferno, immò omni eo, quod odibile, & abominandum est in natura, plus odisse. Peccatum omnium malorum est maximum, verum, & unicum malum. Econtra amor Dei omnium bonorum est optimum, verum, & unicum bonum, bonum æternum, & bonum indefectibile, porro is, qui amabit Deum in hoc mundo usque ad finem vitæ, ille eum amabit, possidebit, videbit facie ad faciem, illoque fruetur in sæcula sæculorum Amen.

— (O) —



# SERMO VICESIMUS

## OCTAVUS.

Pro solemnitate sacra Pentecostes.

De injuriis, quas irrogat peccatum tribus personis sanctissimæ Trinitatis.

*Ad eum veniemus, & mansionem apud eum faciemus Joann. 14.*

### EXORDIUM.

**H**odie Spiritum sanctum descendisse super Apostolos in forma ignis, & quondam in forma Columbæ nemo dubitare potest, & meo judicio non sine Mysterio. Columba enim è nido suo omnem eiicit immunditiam, & ignis impuritatem; hinc Columba, quam emisit, Noe ex arca Genesis octavo, rediit, quia non invenit locum, ubi pedem reponeret. Vis ergo ut in te descendat Spiritus Sanctus, vide ut habeas proprietatem Columbæ, & ignis, vide ut omnem immunditiam, & impuritatem peccatorum è te eiicias. Spiritus sanctus enim est ipsa bonitas, & charitas increata, quæ juxta Apostolum diffusa est in cordibus nostris per Spiritum sanctum; cum autem charitas, & peccatum non possint simul consistere, non minus quam tenebræ, & lux, si velis Spiritum sanctum recipere, debes eiicere ex te omne peccatum, quia hoc destruit bonitatem Spiritus sancti, sicut & sapientiam Filii, ac potentiam Patris, ut hac concione ostendam.

*Omnibus diebus vitia tua in mente habeto Deum, & cave ne aliquando peccato consentias, Tob. 4. v. 6.*

I. Heri, & nudius tertius consideravimus generaliter, & confuse injurias, quas peccatum infinitissimis, & excellentissimis perfectionibus Dei infert; hodie ponderabimus in particulari, quod peccatum modo pessimo offendat potentiam Patris, sapientiam Filii, bonitatem Spiritus sancti, essentiam, & vitam harum adorandarum personarum. Ex hoc consequitur O sacerrima, & Beata Virgo, quod illud summè tibi displiceat; quia tu es Filia tenerè amata à Patre, Mater Filii, Sponsa Spiritus sancti. Et dum peccatum vitam conatur auferre his tribus personis, vult te reddere orphanam sine tuo Patre, Filio Privare, & Spiritu sancto viduare. *Da mihi virtutem contra hostes tuos.* Si ita placet da mihi arma lucis, ut contra hos abortus tenebrarum dimicare queam, in hunc finem rogo, *Dignare me &c.* & saluto te dicendo: AVE MARIA.

### IDEA SERMONIS.

#### EXORDIUM.

*Quibus verbis scriptura exprimat injurias peccati in Deum.*

II. **V**T abstinemus à peccato, & horro-



horrorem; ac execrationem contra monstrum adeo detestandum, solum at-  
tentè ponderare deberemus, quibus ter-  
minis exprimat sacra scriptura abortivas  
temeritates, quas peccatum contra De-  
um exercet. Et quidè primò dicit, quod  
peccatum contristet Deum, quod tur-  
bet ejus quietem, quod sit ei molestum,  
quod ejus statum felicem, & tranquil-  
lum conturbet, quod eum cruciet, affli-  
gat, & exacerbet. Audiamus, S. Pau-  
lum ad Ephesios: *Nolite contristare Spi-  
ritum sanctum Dei. Vatem Isaïam: mo-  
lesti estis, & Deo meo.* Et alibi *Affligerunt  
Spiritus sanctum ejus.* O mi Deus; Er-  
gonè nec vel semel in vita mea me affli-  
gam, eò quod tam sæpe te afflixerim?  
secundò dicit, quod irriter, & exacerbet  
cor Dei, quod Spiritum ejus Divinum  
alteret, ejus naturalem dulcedinem, &  
clementiam mutet, eumque bile, & fel-  
le accendat contra ejus charas creaturas.  
Hinc Psaltes: *Exacerbavit Dominum  
peccator.* Et alibi; *Exacerbaverunt Spi-  
ritum ejus.* Oseas: *Pereat Samaria, quoni-  
am ad amaritudinem concitavit Deum  
suum.* Tertiò addit, quod peccatum  
concitet, & irriter Deum, ejus zelum  
accendat, ad indignationem provocet,  
ejus iram suscitet, cum furore repleat.  
Ita Psaltes. *Irritavit impius Deum.* Isaïas,  
*Indignatio Domini super universam maliti-  
am.* Rursus David de iudiciis asserit,  
quod provocarint zelum Dei, Et iterum  
Isaïas; *Abiecerunt legem Domini exerci-  
tuum. Ideo iratus est furor Domini in po-  
pulum suum.* Porro scriptura, ut loqua-  
mur juxta nostrum modum loquendi,  
docere voluit, peccatum Deum privare  
sensibus, ratione, judicio, immò eum a-  
gere extra seipsum; nam hi sunt effe-

ctus zeli, furoris, & iræ. Hinc Cicero.  
*Furor, itaque mentem precipitans. Iratos  
propriè dicimus exiisse de concilio, de ratio-  
ne, de potestate, de mente.* Sed quid? an his  
auditis, ego omni supplicio eximar, nul-  
lam pœnitentiam agam, mihi persua-  
dens, quod à peccato his omnibus ex-  
emptus sis? minimè. Nam qualis est  
hujus rei apparentia? mi Deus, ego ti-  
bi gratias pro fide ago; nam firmiter  
credo, hos effectus non produci phy-  
sicè in tua natura; ut enim inquit Vates;  
*Non accedet ad te malum.* & Sapiens:  
Tu autem cum tranquillitate judicas,  
scriptura ita discurret, ut condescendat  
nostræ infirmitati, ut nos doceat, sup-  
posito, quod Deus foret capax harum  
passionum, mutationum, & alteratio-  
num, velut nos sumus, quod tunc pecca-  
tum illos effectus, immò multò fune-  
stiores producturum esset, nam tales  
indignitates, & temeritates, ac offensas  
monstruosas committit contra ipsum.  
Ego porrò has indignitates ad quatuor  
reduco, vobisque volo ostendere, quod  
offendat omnipotentiam, & dominium  
Dei Patris, sapientiam, & providentiam  
Dei Filii, Bonitatem, & clementiam san-  
cti Spiritus, essentiam, & vitam omnium  
trium personarum.

## PUNCTVM PRIMVM.

*Peccatum offendit omnipoten-  
tiam, & dominium Dei Patris,  
quod probatur comparatione ex Augu-  
stino sumpta.*

II. **V**T autem primum punctum me-  
lius intelligamus, comparatio-  
nem quandam adducere debeo, quam  
mihi quidam magnus Doctor suppedi-  
tavit.



ravit. Supponamus inquit ille, potētem aliquem esse Monarcham, qui solum duas urbes possideat, verum adeo magnas, spatiosas, populosas, ut una, quæ est Metropolis, vocetur Jerusalem, alia vero Babylon. Nunc quæso te animum paulisper divertamus, & curiositatis gratiâ mundum perambulemus. Dum venerimus Babylonē, & aliquot diebus in illa commoratus fueris, interrogabis, cujus nam sit ista urbs, quis ejus legitimus sit Dominus, & responsum fers, quod Rex Jerosolymitanus. Quod si ulterius roges, an ametur à subditis, & incolis, audiasque, neminem esse, qui eum, uti deceret amat, quæres, an salarium solvatur servitiis, & laboribus, an ejus decreta, & leges observentur, acaudias, nec in minimo observari, quod ipse vult, nullum esse civem, qui vel unam observeat, instabis, an nimis multas, & difficiles leges edat, & intelligas quod non, sed eum paucas condere, easque pro bono subditorum, & pace Reipublicæ, iterum replicabis, an ergo forsan opprimat suos vasallos, eosque tyrannice habeat, & rursus percipias, quod non, eò quod clemens sit, & magnificus, quantum est possibile, tandem rursus quæres, quomodo magnus Turca hostis Regis vestri vobiscum stat; dicent eum esse civibus acceptissimum, & à nemine aliquid fieri, quod non constet ei esse gratissimum.

Discedam⁹ hac, & iter prosequamur, & contendamus Jerosolymā, & ibi à quolibet interroga, an Rex vester sit amatus in hac urbe? Quin immò, omnes eum amant, omnes ei serviunt, omnes eū suaviuntur tanquā propriū parentē. An gabelas, ac tributa ei solvitis? Exactè, libenter, semper ei solvimus, quod debemus.

An ejus observentur edicta? Perfectè, & quidem cum tanto affectu, ita ut si quis cognoscat, eum aliquid desiderare, statim, sine morâ hoc fiat. An subinde magnus Turca hic fuit? Ille quidem aliquoties huc venit, locum hunc illustraturus, ac insidiosè occupaturus, sed semper delusus discessit.

Nunc oro te, hæc animo infige, sciens hæc omnia esse verissima, & nil falsi tibi esse narratum. Hoc facto, quod si nunc velles potentiam, & auctoritatem Regiam Principis illius, qui imperat illis duabus urbibus, describere, quomodo illam exprimeres? Regiam potestatem solemus exprimere, & repræsentare per coronam. Sed quod Diadema hunc in finem formares? An non, ut describeres potentiam Regis Jerosolymitani fabricares coronam auream, ex Rubinis, adamantibus, aut aliis lapidibus pretiosissimis, quas habere posses? Quin immò; eum enim Vasalli tam humiliter, sincerè, fideliter eum honorent, eum ament, ei servant, & obediant, potestas, quâ imperat huic urbi, est pretiosior auro, clarior Rubinis, firmior, & solidior adamantibus.

Quod si velis describere potestatem, quâ Dominatur Babylonis, qualem acciperes coronam? Spineam, vel ex paleis confectam. Et quam egregius Rex Palearum non esset hic, si alibi non imperaret, quam in Babylonis? An sit Rex legitimus, & jure nescio, id enim scio, nil eam Regii habere, plus me, quia nemo eum suspicit, reveretur, obedit, nemo eum timet. Ad quid ei prodest imperium, nisi ut vilipendatur, irrideatur, traducatur, ac si esset statua ex paleis? Ad quid ei servit hæc corona, nisi ut ei prodat



ducat spinas, gemitus, cruciatus, & angores animi, dum à Vasallis natis, videt se adeo indignè tractari?

At enim vero, nunc parumper con-  
tuere, quomodo Deus tractetur. Sanctus Pater Augustinus adduxit hanc comparisonem, eamque vidit esse tam exactā, ut viginti duos libros, & quidē insignifimos, doctissimos, quos vocavit de civitate Dei de ea composuerit. Deus Rex naturalis, & legitimus est omnium hominum, jure conservationis, creationis, & ultimi finis, imperium in omnes illi competit. Porro omnes ejus Vasalli in duas communitates distinguuntur, & reducuntur, quas duas civitates possumus appellare. Et quamvis hæ duæ urbes quoad corpus, & habitationem localem sint commixtæ; tamen adeo quoad animam, mores, conditionē vitæ, morem vivendi separatae, & distinctæ sunt, ac si una esset sita in oriēte, altera in occidente. Una suarum urbium est Jerosolyma, completa ex probis, virtuosis, ac prædestinatis. Babylonem ecce contra incolunt vitiosi, perversi, & reprobi. Vir-  
tuesi tanto honore, & affectu prosequuntur Deum, quanto infantes solent prosequi suum parentem. Illi non solum ei spontē solvunt decimas, & illa, quæ jure mandat, sed & illi porrigunt, ac dant ultraneæ, & supererogatorie eleemosynas, actus charitatis, ac alias oblationes. Non solum observant ejus præcepta, sed & consilia, ac inspirationes, quas ei sciunt esse gratas. Nec minimum habent commercium cum Dæmone, ejus hoste. Deo sunt fideles, Dæmonem procul abigunt, eum abhorrent, detestantur, eum diris devotent. Imperium, quod Deus in talibus habet, an non sit corona, quæ plus

splendoris, rutilationis, pretii, ac valoris habeat, quam si esset ex auro, aut adamantibus confecta?

Econtra in Babylone, in hac Republica vitiosorum, in hac factione, & parte, ad quā accedis, dum peccas mortaliter, nemo amat Deum sicut oportet, sed omnes ei terga vertunt, & turpiter contra eum rebellant. Et sanè peccatum mortale, & verus amor Dei, quem à nobis exigit, minus se compatiuntur, quam ignis, & aqua, album & nigrū, lux, & tenebræ. In hac parte, & factione, cui tu te jungis nemo Deo servit, nemo ei tributū pendit, nemo ei munera præstat, quæ ei solvere, & offerre tenentur; sed omnes ei Rebelles sunt. Hinc inquit scriptura: *Filii Belial non attulerunt ei munera.* Et alibi: *Quis dicit se nosse Deum, & mandata ejus non custodit mendax est.*

In hac urbe Babylone, cui adscriberis, dum peccas mortaliter, nemo est, qui non violet mandata Dei, unus hoc, alius aliud. Nullum ejus est præceptum quod non violetur, nemo est, qui vel unum ex charitate observet, quamvis sint tam levia, & pauca.

In hac parte, cui tu accessisti, nemo est, qui non colludat cum Spiritu maligno, & qui se ejus servituti non ad-  
dicat. *A quo captivi tenentur*, nemo est, qui non faciat id, quod ei placitum est, quia blasphemi, adulteri, fures, detractores summè ei placent. Quandoquidem ergo Deus sit Rex naturalis, & Dominus omnium hominum, & hi omnes audacter, & temerè ejus jurisdictionem regalē contemnant, & offendant, ad quid ei servit hoc dominium, quo imperat Babyloni, nisi ut

*1a. Joannis,  
2. v. 4.*



fit velut Rex chartarum, & Personatus, qui non est in majori existimatione in urbe, quam vilissimus Agafo, & Equiso? Ad quidei prodest illud imperium, nisi quod sit in causa, ut hostis eum irrideat, eique insultet dicendo, Tu quidem jure dominium, & proprietatem habes in hos populos, sed non possessionem, & usum fructuum, tu quidem habes dominium, sed non dominationem; factentur quidem, quod sint tui subditi, sed re ipsa tibi nullum pendunt homagium. Hæc superioritas non est nisi sertum spineum, quod non producit, nisi pœnas, & afflictiones animi, dum videt se adeo vilipensum, nisi infinita ejus beatitudo eum redderet in capacem talium passionum.

Quod si sapias, exi ex hac Babylone, exime te è statu peccati. Felix ille, millies, millies est ille felix, mille, & centies millies est beatus ille, qui nunquam huic factioni adhæsit. Hæc est causa, cur David incipiens suos Psalmos, suæ sacræ Poësi hoc frontispicium, & hanc epigraphen inscribat. *Beatus vir, qui non abiit in concilio impiorum.* Hebræus legit: *Ascre Haisch*, hoc est *Beatitudines viri*, ac si diceret: Ego quoties in meis psalmis decanto eminentias, & perfectiones Dei, toties deprædico felicitatem, & bonam sortem illius, qui à Deo nunquam recessit, qui nunquam majestati adeo altæ, & sublimi, ac potenti rebellavit.



# PUNCTVM SECVNDVM.

*Peccatum offendit sapientiam, & providentiam Filii, quia destruit ejus finem.*

III. **Q**Uod si peccatum offendat potentiam, & auctoritatem Patris, etiam lædit sapientiam, & providentiam Filii. Peccatum illam offendit, & lædit in gubernatione, & regimine mundi, harmoniam rumpit, œconomiam turbat, illud majores causat deordinationes, quam si aliquis impediret motus cælorum, cursum solis, ac aliorum astrorum, fluxum, & refluxum maris, productiones terræ, communicationem elementorum, vicissitudines partium anni, concentum, & fœdus aliarum creaturarum. Quando committitur peccatum mortale, tunc majorem causas confusionem in ordine naturæ, quam si globi cælestes suum cursum sisterent, sol amitteret suum lumen, terra non amplius produceret plantas, animalia non amplius generarent, æstas, hiems, ver, autumnus desinerent. Tu quidem mihi non credis, quia à tua imaginatione delususes; sed si velis aures mihi porrigere attentas, & argumenta ponderare, tunc videbis mea dicta esse verissima.

Philosophorum dogma est, & quidem certissimum, quod in negotii alicujus executione, unicus solum error, qui committitur contra finem, sit valde nocivus, & magis æstimandus, quàm plures, qui committerentur contra media, quæ sunt in ordine ad finem. Rem explico. Magnam habes litem, & quidem magni momenti, sed justam, & æquam, ut feliciam ejus obtineas & cessionem, tu plura facis,



facis, tu porrigis libellos supplices, tu consulis tuos Advocatos, tu Procuratorem instruis, tu Judices sollicitas, tu argumenta tua profers, tu salarium solvis, & hoc ob unicum finem, ut nempe tibi adjudicetur, & sententia pro te feratur. Hoc habito supponamus, quod tuus Advocatus statum tuæ causæ ex media tantum parte percipiat, vel quod referens tuus eo tempore, quo debet, non informet, aut cōpareat, vel quod Scriba tui Procuratoris aliqua argumenta ommittat, aut famulus tui Referentis nunquam permittat, quod enim accedas, hæc valde nocerent, & impedirent assentionem tui finis, non tamen nocerent extremè, dato quod iudex cognoscat justitiam tuæ causæ, & sententiam in tui favorem ferat.

Econtrà supponamus omnia ritè esse facta, Advocatum informatum, Referentem instructum, processum bene institutum, instrumenta porrecta, Judicem tamen auro corruptum, aut passionibus excæcatum te condemnare, hic unicus actus infelix, plus tibi nocet, & majoris est momenti, quam omnes alii simul, quia in omnibus tuis non spectas alium finem, quam pronuntiationem sententiæ in tui favorem; media porrò, quæ in hunc finem adhibes, sunt instructiones, Advocatorum informatio, partium citatio, instrumentorum perfectio, processus instructio.

In gubernatione hujus mundi solum peccatum mortale destruit finem providentiæ, quia alii errores, qui possunt committi, versantur tantum circa media. Consideremus hæc tantum in quodam particulari, quia id in omnibus tunc verificatum videbimus. Deus primum crea-

at hominem, eum collocat in paradiso terrestri, ille caelos movet, astris confert splendorem, mandat terræ, ut producat herbas, arbores, ut proferant fructus, animalia, ut ei obediant, anni tempora voluit ei essent hospitium, & omnes creaturæ ei servitutis pensum præberent, jussit. Horum omnium quis est finis? quid Deus spectavit in hac œconomia? Nil aliud, quam ut homo cognosceret Deum, ut per pulchritudinem, bonitatem, & suavem gubernationem creaturarum, eliceret magnitudinem, pulchritudinem, bonitatem, sapientiam Creatoris, qui illas produxit, & gubernat, non solum spectavit Deus, ut homo eum purè tantum cognosceret, sed ut in cognitione eum etiam amaret, & honoraret, nam si Deum solum cognosceret, nec insuper eum amaret, & honoraret, contemptus esset gravior, & offensa major.

Finis itaque motus cælorum, solis, influentiæ astrorum, ornatus, & fecunditatis paradisi terrestres, conservationis, & gubernationis omnium creaturarum est, ut Adam honoraret, & amaret suum Deum. At enim Adam in hoc defecit, peccavit mortaliter, potius voluit gratificari suæ uxori, quæ ei præsentavit pomum à Deo sibi vetitum, quam Deo. Ejus ergò culpa major fuit inordinatio, quam si cælum, astra, elementa turbarentur, nam error, quem patravit, destruxit gubernationem Dei, nam error creaturarum aliarum solum pervertit media. Quod si persistisset in amore Dei, quamvis reliquæ omnes creaturæ fuissent omnino inversæ, attamen providentia Dei in suo maneret statu, nam in suis operibus, nil aliud prætendit, quam



quam ut ametur ab hoc homine, dumque hic homo à debito suo defecit, dum amorem Dei perdidit, omnes aliæ creaturæ quamvis bene gubernatæ, non perveniunt ad suum finem, & consequenter redduntur inutiles, & turbantur.

### PUNCTUM TERTIUM

*Offendit bonitatem, & charitatem Spiritus sancti, nam audacter committitur, quia bonus est.*

IV. **V**erum peccator nullam perfectionem Divinam adeo hostiliter impetit, quam bonitatem, & charitatem Spiritus sancti, eam contra seipsam concitat, eaque abutitur, ut ei sit magis injuriosus; quæro namque à te ô peccator, quod si esses in Regia quadam, in qua audientia præstatur, cur obeandem injuriam non aggredieris unum Præsidentem, Consiliarium, sed minimum pedissequum, cum tamen hi omnes æqualiter te læserint? credo, eò quod certò tibi persuaseris, te non puniendum. Cur offendis Deum, qui nunquam te læsit? quia credis, quod tibi sit veniam facturus? Quod si eò ipso, quo peccas omninò crederes, Deus mihi nunquam ignoscet, ero infallibiliter damnatus, tu sane caveres peccatum, in quacunque etiam occasione, & tentatione. At enim audacter peccas, quia credis Deum esse bonum, Deus est misericors, ille mihi condonabit. Ergo tu malus es, quia ille es bonus. *Oculus tuus* nequam est, quia ille bonus. Tu ansem sumis. Tu non parcis ipsi, quia putas quod tibi parceret; & ideo ejus bonitatem directè imperis.]

Supponamus, quod in quodam diversorio ruri sito hospitetur quidam bonus Ecclesiasticus, senex venerabilis, vir prudens, & in eodem cubiculo tecum commoretur, tuque adeo sis insolens, ut verbis mordacibus eum proscindas, fodies, injuriis eum lacestas, honorè ejus in honores, nonne omnes tibi dicent, quid cogitas? scisne quis ille sit? est consiliarius in parlamento. Quid sit ne consiliarius? Ergo ulnam bonam ei demus, & plenam mensuram ei infundamus, & hoc quia consiliarius est. Tu vero non acquiescas, quin potius injuriis, & conviciis atrocioribus, & enormioribus eum oneres, absque dubio notabiliter lædes quidem in hoc casu reverentiam debitam ejus ætati, doctrinæ, characteri sacerdotali, sed tamen gravius lædes dignitatem consilarii.

Tu contemnis mandata Dei, ejus nomen inhonoras jurando, blasphemias, eum abnegas. At enim, dic quæso, an hoc facere queas, absque eo quod amittas respectum, ejus majestati, potentiæ, sapientiæ, immensitati debitum? Nequaquam, sed ante omnia audacter ejus offendis bonitatem; nam ex eo quod sit bonus, majores Spiritus sumis eum impetendi. Quis animos tibi addit, ut hoc peccatum, ut hæc peccata patres? an forsitan Deus, quàm magnus, potens, justus? Non, quia si nil aliud esset abstinere à peccatis. Animos, & Spiritus sumis audacter, & magis temerè peccandi, & eum indignè tractandi, quia est bonus. Et sane si attributa Divina inter se distinguerentur, tu ansem reliquis aliis præberes Contra bonitatem murmurandi. Ejus majestas, potentia, iustitia, meritò decerent ad bonitatem, charis-



charissima soror, tu nobis iniuriam irrogas, tu in causa es, quod liberius offendamur, nisi mortales sibi persuaderent, quod sub alis tuis securi delitescerent, non ita nos offenderent, uti modo fit.

At enim verò, id magis malitiā peccati, maledictum abortum naturæ prodit est, quod offendat hanc bonitatem Divinam non taliter qualiter, sed quatenus est infinita. Dic etenim; an non sit verum, quod si bonitas Divina foret aliquomodo limitata, si Deus esset tantum bonus in certo aliquo gradu, an ita liberè eum offendere auderes? sane, ita tecum discurreres: si hoc patrem peccatum, forsan veniam non obtinebo, quia bonus tantum erit, usque ad hoc momentum. Nunc autem audacter eum offendis, quia est infinitè bonus, quia charitas ejus nullum habet terminum, aut mensuram, quia thesauri eius misericordiarum sunt indispensabiles, & inexhausti. Hem mi Deus, ad quos non terminos sumus reducti? In quam abyssum ingratitude non sumus prolapsi? Id quod nos stimulare deberet, ut te amarem, ex toto corde, & ex quodam amore infinito, si hoc sit possibile, id nobis est pretextus, & occasio, ut audacter te persequamur. Siccine ergo illa abominanda inordinatio, illa monstruosa rebellio abutatur Divinā bonitate, ut esse, & vitam offendamus illius, qui nobis esse, & vitam dedit?

#### PUNCTVM QVARTVM.

*Peccatum, offendit esse, & vitam trium Personarum.*

V. Verum enim verò, peccatum læ-

dit ipsum esse, & vitam, nam quidquid hucusque diximus de horrendis attentatis, & abominandis effectibus peccati, nil est si compareretur respectu huius quarti, & ultimi. Et hic necessaria foret vox tonans; & fulminans, & peccatus chalybeum, ut omnibus hominibus per omnes quatuor partes mundi monstruosus hic effectus proponatur. Mi Deus, qua lo te, concede mihi lacrymas, ut diluam peccata mea, antequam abominationem eriminum, quæ à populo hoc patrantur describam. Et an hoc facere possim, absque eo quod fremam, & lacrymas spargam sanguineas, absque eo quod cor discerpatur, & in pulverem comminuetur? An ego hoc asserere debeam? O mea lingua, an hoc audeas pronuntiare? Peccatum est Deicida. Quid sibi hoc vult Deicida esse? mi Deus an ore egeam? An studere debui, ut loquerer, & hos horrores enodarem? Deicida nil aliud est, quam insidias struere summæ Maiestati, conspirare contra vitam Dei, attentare, ut eius esse annihilaretur. *Dixit insipiens in corde suo non est Deus.* Hebræus legit. *En Eloim,* id est *Non sit Deus*, vel *Non est Deus* in corde suo, hoc est dicere, veller, cuperet non esse Deum, cordis locutio est affectio inquit sanctus Bernardus. Et paulo infra: *Nunc autem & ipsum quantum in ipsa est*, Deū perimit voluntas propria. Quod probat hac ratione: Quando aliquis peccat mortaliter, veller, ne Deus hoc videret, puniret, aut noller id esse prohibitum. Ex quo consequitur, quod veller Deum esse cæcum, aut impotentem, aut iniustum, adeoque nec esse Deū. Porro, ut Bernardus peccatores con-

*Psal. 13.  
serm. 3. in  
die Pasche  
Epist. 104.*



convinceret, sic clarè discurrit : omnino enim vellet (nempe peccator dum peccat) Deum peccata sua, aut vindicare non posse, aut nolle, aut nescire. Vult ergo eum non esse Deum, quia quantum in ipsa est, vult eum aut impotentem, aut injustum esse, aut insipientem. Crudelis planè, & execranda malitia, quæ Dei potentiam, justitiam, sapientiam perire desiderat. Ex quo sic te convinco, ô peccator : quando peccas mortaliter, vel putas, quod Deus velit, & approbet actum, quem facis, vel non ; si primum, jam ipsum facis malum, qui approbet malitiam, & eam in accepto habeat, qui illud ratum habeat, quod tu ipse ratum non haberes, nisi tuâ passione excæcatus esses, quia in alio, quantumvis malus sis, non approbares, quod tu facis ; ut enim mihi persuasum est, tu damnas Latrones, veneficos, raptores, Adulteros, Assassinos. Ex quo consequitur, quod non velis Deum esse justum, bonum, nec consequenter Deum ; nam ille, qui approbat, & qui rata habet scelera, malitias, non est bonus, non est justus, & consequenter non est Deus.

Quod si putes Deum non approbatum tuum peccatum, & tamen cum hoc scias, illud committas, tu convinceris velle, quod Deus non sit beatus, contentus, & consequenter, quod non sit Deus : nam ille non est Deus, qui non habet omnia, quæ vult, & quo nolente, aliquid fit. *Exacerbavit Dominum peccator.* Et sanè verissimum est, quod Deus, quantumvis detestetur, & ab horreat tuum peccatum, adhuc tamen in se beatus, & contentissimus sit, quia per suam bonitatem indefinitam, per suam sapientiam incomprehensibilem,

ille è peccatis vestris aliquod bonum elicere potest. Et quamvis hoc ita sit ; tamen quantum est ex parte vestrà, quantum est ex parte vestræ naturæ, ex parte conditionis vestri peccati, ex dispositione vestri cordis, ex inclinatione vestræ voluntatis, tu eum vis reddere involuntarium, tu vis turbare ejus quietem, ejus mutare felicitatem, ejus superioritatem offendere, pervertere ordinem suæ providentiæ, ejus adimere coronam, & consequenter eius destruere essentiam.

Quod si unus Vasallus conaretur gladio suum transfodere principem, Princeps autem, quia subitus purpuram cataphractus est, ac loricator, nullum reciperet vulnus, profectò non minus culpabilis, non minus homicida foret, ac Principis occisor, quam si reipsâ Principem occidisset. Tu actionem facis, quæ ex se valet destruere essentiâ Dei, ejusque Divinitatem annihilare, si capax foret. Tuum peccatû quidem, reipsâ hoc non facit, attamen cum satis munitus sit per suam immutabilitatem, impassibilitatem, immortalitatem, non est dubium ullum, quin sis parricida, Deicida, reus læsæ Maiestatis, ac si tuû intentum abominabile suum effectum habuisset.

Et ideo fit, & consequitur, quod peccatum sit tam grande malum, quam Deus est grande bonum, adeoque sit malum infinitum, immensum, ineffabile, incomprehensibile. Quidam Doctor asseruit, quod quamvis tota aqua maris esset atramentum, omnes homines scriptores, omnes frondes, arbores papyrus ; attamen sufficere non possent exprimere excellentiam unius tantum perfectionis Divinæ. Hæc omnia vera sunt, & id solum cor meum affligit, & sola



sola cogitatio peccati horrorem mihi incutit, dum pondero, quod omnia annihilare velit. Et hinc addere oportet, quod omnes scriptores mundi sufficienter nequeant explicare malitiam peccati.

## CONCLUSIO.

*Exhortatio ad fugam peccati.*

VI. **E** Heu mi Deus, quid est hoc? Heu me. Qualis non est miseria, quod degam in illo mundo, in quo quolibet momento in periculo versor, quod in tam grave malum incidam. Ter optime Deus, causam habes dicendi id quod dicis, & faciendi quod placet. Revera juxta ethymologiam tui nominis ansam habes, quod sis totus ignis, totus flamma, totus zelus, & peccatum annihilans. Sanctus Ignatius Romæ obtinuit domum, ad quam lapsæ puellæ, quas cœno libidinum abstraxerat, confugere possent, immò ipse illas quæsit, & ad eam illas ducere non recusavit. Dum hæc faceret, nemo non simplicitatem ei affricuit, eò quod Æthiopem dealbareret, dum illæ leves filix absque dubio, ad vomitum reversuræ essent. Sed quid ille respondit? Nec per hunc hoc curo, quia si per unicum tantum noctem, eas à peccato abstraherem, ego meum laborem non frustra collocatum putarem. Et quidem ille fundatè, & solidè respondit, & ego ejus vestigiis insistens respondeo. Quod si tantum unam animam abstergerem, ne peccaret mortaliter, quod peccatum patrarer, si non foret in hac concione, ego dicerem, quod non venissem Tholosam, quod non essem natus, quod non essem ordinatus presbyter, ego meas vigilias, labores, sudores,

studia, optimè impensa putarem. Quid dico, quid facio? Ego conversa una animâ hoc facerem? Noster Assertor, si nil aliud fecisset in mundo, quam unicum solum impedivisset peccatum mortale, non doluisset, quod naturam assumpserit humanam, & suam nativitatem, vitam, labores, sudores, miracula, mortem, & passionem optimè impensa judicaret.

Imaginare tibi itaque, quod id à te quærat, quod ter quæsitur à S. Petro. *Petre, amas me?* Petre, Joannes, Francisce an me amas? Fide bona, dic, an me amas? Quid ad hanc quæstionem respondes? Quod si velis veritatem fateri, quam fatearis necesse est, dum loquimur Deo, qui est ipsa veritas, dices, non te amare. Verum, o te ingratum! Ergo ne eum non amas, qui adeo te amavit, & qui tot bonis te replevit? O te monstruosum hominem, tu amas tuum canem, quomodo ergo non ames tuum Deum? mi Deus, solus horror hoc pronuntiandi, potest huic perfido ante oculos ponere has abominationes, esto tu eas non vetares. O te perversum, tu non amas tuum Deum. Quomodo ergo vis, ut agat tecum? Quod si tuus famulus tibi diceret, Domine, non amo te, quid ei diceres, apage ex mea domo. Nec tuus servus tecum manebit, si eum non ames, quomodo ergo putes Deum tecum mansurum, tū non ames?

Porro, si Deus tecum non sit, quid tecum erit? Quod si tuum Deum ames, tu teneris odio prosequi peccatum. *Qui diligit Dominum, odit peccatum.* Peccatum est unicus, & solus hostis Dei, nec alium Deus in mundo hostem habere potest, nam is perfectiones ejus in summo læsit,



ille offendit ejus majestatem, ille in honoravit ejus potentiam, contempsit sapientiam, ille abusus est ejus bonitate, ille irritavit ejus justitiam, ille ejus provocavit misericordiam, simplicitatem læsit, nec in minimo is ejus suspicit immensitatem, is ejus est injurius superioritati, odit ejus sanctitatem, ille ejus opponit se voluntati, ejus contrariatur conceptibus, ejus gratias annihilat, contra ejus creaturas rebellat.

Et sanè hæc verba optimè conjunguntur. *Qui diligit Dominum odit malum.* Quamdiu Deus est dignus amore, quamdiu peccatum est dignum odio, Deus meretur amari super omnia

bona possibilia, & peccatum meretur odio haberi super omnia omnino mala, quæ esse queunt. *Qui diligit Dominum, odit malum.* Amanti supernum bonum, omnia in bonum cooperantur, & nil in malum; sicut e contra odio habenti illud summum bonum, omnia sunt adversa. *Nulla nobis nocebit adversitas, si nulla nobis dominetur iniquitas.*

*Qui diligit Dominum, odit malum.* Diligens Deum, aliquo die fruatur illo gaudio, quod animus humanus comprehendere non potest; sicut e contra, ille, qui evitabit peccatum, ille pœnas inconceptibiles, æternas, in supportabiles tolerabit, Amen.

## SERMO VIGESIMVS NONVS

Pro Dominica sanctissimæ Trinitatis.

*Baptizantes eos in nomine Patris &c. Matth. 28.*

*Peccatum facit, ut abutamur beneficiis Dei.*

### E X O R D I U M.

**F**Inxerunt olim Poetæ, gigantes ab irata terra procreatos, ut conspirarent in Deorum perniciem, & iis bellum inferrent, Jovemque è cœli possessione deicerent; sed temerè, & frustra, nam à Jove contriti, & fulmine extincti sunt. Revera nos omnes è terra creati esse videmur, ut per peccatum conspiremus in trium Personarum, quarum hodie festum celebramus, pernici-

em, nam omnia beneficia, quæ à Trinitate Personarum recipimus, malè usurpamus, & contra ipsum Deum retorquemus, ne ergo à Deo conteramur, & extinguamur, ostendam hodie, quomodo peccatum offendat beneficium creationis, cum sit contra ejus finem, & gloriam, secundo, quomodo sit contra beneficium Redemptionis, tertio tandem, quomodo sit contra ipsum beneficium sancti-



sanctificationis, uti Auctor in hac con-  
dione doctè ostendit.

*Retribuebant mihi mala pro bonis, Psal.*

34. v. 12.

I. Quartum motivum, quod nos po-  
test movere, ut in nostro corde produ-  
camus veram pœnitentiam est, ut confi-  
deremus, quod peccatum mortale, non  
solum offendat eminentiam incompre-  
hensibilem majestatis Divinæ, & excel-  
lencias infinitas ejus perfectionum ado-  
randarum; sed & præterea facit, ut abu-  
tamur beneficiis inestimabilibus, quæ  
ab eo recepimus, & quotidie recipimus  
ab ejus liberalitate, & principaliter fa-  
cit, ut abutamur beneficio creationis,  
conservationis, & inspirationum. O sa-  
cerrima, & Beatissima virgo, tu nobis  
exemplum præbuiisti practicandi con-  
trarium, tu compararis speculo vitreo,  
quod nec minimum habet navum: *spe-  
culum sine macula*. Speculum soli ex-  
positum, nullum recipit radium ab hoc  
astro, quem non reflectat, & remittat.  
Tu adeo Deo fidelis fuisti, ejusque gra-  
tias agnovisti, ut nullum bonum ab ejus  
manu liberali receperis, quin illud per  
sanctam gratiarum actionem statim  
ad eum remiseris. Et ideo verba  
hæc tibi exactè appropriantur: *Quia  
super pauca fuisti fidelis, super multa te  
constituam*. Tu omnibus operibus Dei  
præfecta es, omniumque creaturarum  
Dei, Domina declarata. Hanc qualita-  
tem in te agnoscimus, & ideo humiliter  
tibi adstrati, te cum Angelo saluta-  
mus dicentes, Ave Maria,

(35) (30) (30)

## IDEA SERMONIS.

### PUNCTVM PRIMVM.

*Peccatum offendit beneficium  
creationis; nam est contra ejus finem,  
nempe gloriam Dei, & hoc explicatur pri-  
mo de veniali, & probatur primo scriptu-  
râ, secundo ex Bernardo, tertio ratione,  
quarto de mortali.*

II. V. Erum est, quod tres Personæ  
sanctissimæ, & Augustissimæ Tri-  
nitatis omnes creaturas è nihilo eduxe-  
rint, & omnes tres simul, & individuali-  
ter ad productionem cœli, & terræ con-  
currerint, nihilominus Apostoli, opus  
creationis attribuant Patri, quia creatio  
est effectus potentia, quæ particulariter  
Patri appropriatur; cum ipse sit princi-  
pium omnis creati, & increati, origo  
omnis producti in cœlo, & in terra. Ille  
ut loquitur sanctus Hilarius est Deus  
fontalis. In hoc opere creationis ma-  
gis meus animus delectatur, & sese deti-  
nebit, & quod magis ponderatione mi-  
hi dignum videtur est finis, ob quem  
Deus mundum creavit. Et quidem nec  
umbram vero similis habet, hunc mun-  
dum visibilem à Deo esse productum  
pro Angelis, qui sunt Intelligentiæ se-  
paratæ, materiæ omnis expertes, incor-  
poratæ, adeoque cœlo, elementis, ac aliis  
creaturis corporeis non indigentes.

Neque similiter creavit cœlum pro  
bestiis, quæ non habent intellectum,  
ut cognoscant, ponderent, admirentur  
artificiū, sapientiam, industriā admirabi-  
lè, quibus hic mundus est compositus,

M m 2

condi-



conditus, gubernatus. Ergo est ob solum hominem creatus. Et cur creavit hominem? Hæc una est ex primis quaestionibus, quæ proponuntur in Doctrina Christiana, quæ diligentiori consideratione digna est. Hæc belle puerule, gratiosa filia, dic sodes, cur creatus est homo, cur est in hoc mundo? An ut ludas, nugas, insolentias exerceas, huc, illucque curras? Quod si affirmes, non es plusquam catellus, parvula felis, quæ simul currunt, & jocantur. Dic o vir, dic o femina, quare degis in hoc mundo? An ut comedas, bibas, ut voluptueris, & deliciis distendaris? Quod si ita; frustra habes animam rationalem, voluntatem, & intellectum. Non es melior bobus, porcis, apris, & aliis belluis, quæ in id sunt, ut comedant, bibant, vitam conservent, & generent. Deus itaque te creavit ob suam gloriam, quæ est nobilissimus, & excellentissimus finis, quem aliqua creatura possit habere.

III. At enim verò, peccatum veniale, & à potiori mortale, hunc finem oppugnat. Quid est gloria Dei? In quo illa consistit? Loquor Porro de gloria exteriori, & accidentali. Nil aliud, quam ut Deus cognoscatur, ametur, ei serviatur, & obediatur. Omnes tuæ actiones liberæ serviunt ad hunc finem, dummodo sint bonæ, honestæ, laudabiles, virtuosæ, meritorix. Econtra omnes, quæ non tendunt in hunc finem, sunt malæ, inordinatæ, vitiosæ, demeritorix; nam

*Mat. 25* Filius Dei illum servum otiosum vocat perversum, qui suum talentum non amiserat, sed illo nil lucratus est. Tu in officina tua laboras, ut sustententes vitam, ex inclinatione naturali, quâ parentes volunt vivere, & nutri

re proles, tu non plus facis, quam pagani, & bestix. Una hirundo millies avolat, ut pullis annonam apportet. Tu laboras, ut proles tuæ in mediocri fortuna conserventur, in qua providentia Divina eas collocavit per suam natiuitatem, & hoc ut obedias huic præcepto: *In sudore vultus. At Educate illos*, ut nutriantur, & crescant in amore, & timore Dei, quia hoc modo promoves gloriam Dei, & Deus amatur, ac illi obedientia præstatur.

Tu in rebus bonis, vel indifferentibus gratificaris tuæ uxori, ut pacem inter illam, & te foveas, tu obedis, & servis tuo marito, ut serves hoc mandatum: *virî diligite uxores vestras. Mulieres subdite sint viris*. In gloriam hoc cedit Dei, quia laudatur, & illi obedientia præstatur. At enim verò, eis illa, quam tanto fervore, & animositate prosequeris, ob exiguum lucellum, ex pertinacia, vel animositate, Thesauri illi, quos tam sollicitè, anxie, inquietè, avidè corrogas, ut te dices, ut promoveas tuas proles, an serviant ad gloriam Dei? An melius Deus à te, vel tuis prolibus cognoscatur, & ametur? An melius ei servias? Non sane, quia quod plures habes opes, hereditates, prædia, agros, dominia, eò minus de Deo cogitas, eò minus illi servis, nam liste impedit, ne de eo cogites, magnæ illæ opes obstant, ne missam audias, concioni inter sis, communices, quia invigilandum est famulis, operariis, colonis, semina terræ sunt mandanda, ager colendus, messis invehenda.

IV. Sed dicis. Reverentia vestra tam acriter invehitur in aleas, popinas, visita-



visitationes mundanas, quid quæso mali est in illis? Si veritatem fateri velim, sunt recreationes licitæ, nulli irrogo in iuriâ, non me inebrio, non blasphemio, non juro, neminem decipio. Sed audi parumper, quisquis is sis. Esto nil aliud mali in iis esset, sunt actiones in ordinatæ, quia nec in minimo conducunt ad finem, ob quem es creatus, sunt actiones aberrantes, quia non continent se intra ordinem, relationem, viam, quæ ducit ad finem. Qualibet actio libera, quæ non tendit immediate, vel mediate ad gloriam Dei, quæ non præstat, ut Deus cognoscatur, & honoretur, est actio irregularis, vitiosa, & inordinata. Porro actio immediate tendens in Deum est, quando cum oras, laudas, colis, dum de eo cum aliis loqueris, dum actus elicis illi gratos. Actiones mediatè tendentes in Deum sunt, refectio, potus, somnus non ob voluptatem sumpti, sed ut vitam conserves, ut ei servire possis.

Quandoque tempus honestis fallis recreationibus, non ut voluptatem ex iis haurias, sed ut excites tuum Spiritum, quatenus habilior, & aptior sit ad actiones serias in servitio Dei subeundas. Hæc refectio, hæc recreatio, hæc quies tendit ad gloriam Dei. At, dum ludis tuum tempus, pecuniam, dum occasiones benefaciendi omittis, ut in popinis, lusoriis domibus, visitationibus superfluis, conversationibus mundanis, animum divertas, delinquis contra opus creationis, facis contra finem, ob quem in mundo degis. Tibi dicetur, *serve male, & piger, servum inutilem proiicite in tenebras exteriores.* Porro ut rem melius

capias, hanc profero suppositionem.

Habes domi tuæ ancillam, quæ tibi est fidelis, non habet manus piceatas, non est impia, non amat cupedias, sed quoties illam negotii alicujus ergo domo emittis, diu, & nescio ubi hæret, hodie fabulatur cum alia ancilla, de nullo malè loquuntur, sed solum fabulis delectantur, cras vadit ad choreas, perendie ad comædiam. Quod si quispiam à te quærat, an habeas bonam ancillam? Dices, quod non. An clepit? Non. An sit murmuratrix? Non; sed sæpe deficit in ministerio, ob quod eam conduxì, ob quod eam alo, & stipendium do. Illam conduxì, ut tempus meo impederet servitio, & meis invigilaret negotiis, illa autem, nil horum facit, sed tempus fallit inutilibus fabulis.

Nunc ad sis charissime, tu non es blasphemator, tu non es veneficus, ebriosus, libidinosus, faxit porro id Deus, ita hoc sit, quia saltem aliquod bonum habemus. Sed nihil, vel ferme nihil agis pro Deo. tu vitam tuam otio transigis, quod si labores, id non est pro te, quia tu unicus es finis. & scopus omnium tuorum negotiorum, molitionum, expeditionum, actionum; solum spectas tuam voluptatem, & satisfactionem, stabilitatem tuæ fortunæ, promotionem tuarum prolium. Dic parumper, an non times, quod in hora mortis dicetur de te. En servum inutilem, proiicite servum illum in tenebras exteriores, in quibus dentibus stridebit? Sanctus porro Bernardus magnam tibi præbet ansam timendi. Hic sanctus Pater, quadam vice scribens cuidam adolescenti, qui soles vitæ suæ inter vanita-



Epist. 10.

res, & luxus temporales combusserat, inter alia hæc habet: *Attende, quid mereatur iniquitas, si sola sufficit inutilitas ad damnationem.*

V. Auditores mei, rogo vos ne sim<sup>9</sup> insensibiles, ne veritati oculos claudamus, meherculè egregiam habetis causam iactandi vos, & vobis palpum obducendi, dicendo, quod in his, & similibus nil mali sit, nunquam obnubilabitis lucem, quam Spiritus sanctus indidit suis sanctis, nunquam scripturam sacram abolere, & falsitatis convincere poteritis. En verba magni cujusdam sancti: *Sola inutilitas sufficit ad damnationem.* Et id probat scripturà. David, ut quis cœlos possit subire, non solum requirit, ut aliquis sit innocens, & purum, ac mundum habeat cor, sed etiam, ut animam rationalem, & Christianam frustra, & in vanum non acceperit. *Quis ascendet in montem Domini? Qui non accepit in vano animam suam.* Tu sustentas tuam vitam, tu conservas tuam sanitatem, tu provides tuæ familiæ, tu proles tuas educas. Et discodes, annon idem faceres, si haberes animam Pagani, aut bruti? *Attende, quid mereatur iniquitas &c.*

Profectò si hæc bene considerares, revera non ita viveres, sicut modo facis? Quis enim solis temporalibus se daret, quis solum curam gereret corporis, familiæ, prolium, ut in matrimonium congruum locentur, si consideret quod animam non habeat in vanum, hoc est, ut illa non solum temporalibus intendat, sed cogiter cœlestia, pro iis acquirendis laboret, & in id tota sit, ut finem suum assequatur, propter quem condita est? sanè *sola inutilitas sufficit ad*

*damnationem.* Is meretur damnari, qui animam suam non applicat ad servitium Divinum.

Gloria Dei in hoc consistit, ut cognoscatur, honoretur, ametur, ut ei serviamus, obediamus, tu autem totum agis contrarium, dum patras peccata, quia pro eo, quod deberes eum cognoscere, tu eum non agnoscis. Hinc inquit sanctus Joannes: *Is qui dicit se cognoscere Deum, & mandata ejus non servat, mendax est.* Tu eum postponendo creaturæ nocivæ inhonoras, tu pedibus conculcas ejus mandata, tu uteris potentiis tuæ animæ, membris tui corporis, ut eum offendas, qui illa tibi donavit. Tu contra ipsum rebellas, tu contra eum concitas ejus creaturas, velut Absalom, de quo legimus, quod; *solicitabat corda Filiorum Israel*, vel ut alia habet versio; *Furabatur corda.* Ille parenti suo corda Vassallorum auferebat, ea contra eum concitando. Quod si aliquis Princeps bellum suo Regi moveat; quotquot spontè, & non coactè in illo bello servant, sunt rei criminis læsæ majestatis.

1. Joann. 2.

2. Regum  
15. v. 2.

## PVNCTVM SECVNDVM.

*Peccatum offendit beneficium Redemptionis. Probatur primo scripturà, secundo Patribus, tertio Parabola uxoris adulteræ.*

VI. **Q**uod si tam enorme piaculū sit abuti beneficio creationis, quod Deo tantum constitit uno verbo; quale non erit beneficium abuti Redem-

prio-



Joann. 15.

ptionis, quod tam carè Filio constitit Dei: Quod si dicat palmitem illum, qui nullos producit fructus recidendum, ac igni tradendum, quid non erit de illo, qui omnes uvas, quas vinitor colligere deberet, destruit, & corrumpit? Quem quæso fructum vult Filius Dei, ut ex ejus Incarnatione, quæ est vitis, nos qui sumus ejus palmites, feramus? Ejus sanctus Propheta dicit: *Hic est omnis fructus, ut auferatur peccatum.* Quisnam est fructus, quem à nobis expectat Filius Dei ex sua morte, ac passione? Audiamus Bernardum hoc dicentem: *Agnosce ô homo, quam gravia sint vulnera, pro quibus necesse est Dominum Christum vulnerari. Si non essent hæc ad mortem, & mortem sempiternam, nunquam pro eorum remedio Filius Dei moreretur. Pudet itaque dilectissimi propriam negligentes dissimulare passionem, cui tantam à majestate tantam exhiberi video compassionem, compatitur Dei Filius, & plorat, homo patitur, & ridebit? Nonne ergo peccata illa debemus odisse, nostras misérias sentire, cum sint tam magnæ, ut Filium Dei moveant ad tantam compassionem? Nos verissimè quanguam in diverso sensu, possumus id dicere Christo, quod quondam dictum fuit Moyfi: *Sponsus sanguinum tu mihi es,* & consequenter debemus detestari nostram perfidiam.*

VII. Quod si percurras Historias tam antiquas, quam modernas, in utrisque invenies per detractores enormissimas perfidias recenseri, quibus plures feminae maritis fidem conjugalem violarunt; sic enim invenies Eleonaram, Regi Ludovico Juniori, Herodiadem Philippo, Faustam Imperatori Con-

stantino fidem datam violasse. At vero perfidia, quam ego vobis recensabo, enormissima, monstruossima, & maxime bestialis meo sensu est. Juvenis quidam Rex, in quo natura, & gratia sese invicem colligarant, ut eum Ideam Principum perfectorum facerent, quondam inter mortales fuit. Hic fuit elegantissimus, ditissimus, potentissimus, judiciosissimus, sapientissimus, generosissimus, felicissimus. Hic Rex, dum quadam vice ruri obambulare, incidit in quandam puellam Rusticam, pauperem, rudem, idiotam, tam horribili leprâ confectam, ut omnium spectantium corda ad nauseam provocaret, iisque horrorem incuteret. Ad hunc conspectum compassione motus fuit, & hoc theatrum miseriarum, & infirmitatum humanarum, fixius contemplari cœpit. Res sanè dolenda est, dicebat conversus ad suos, vultum adeo elegantem, leprâ tam horrendâ adeo deturpatum, & deformatum esse. Meo judicio, una ex gratiosissimis, & venustissimis esset, quæ in toto meo Regno reperiri possunt. Medicos igitur in consultationem adhibuit, num nulla esset spes hanc misellam filiam curandi. Omnes in hanc juerunt sententiam, unicum remedium esse valde efficax, quod tamen manifestare non possent, ut pote, quod esset difficillimum, & valde rarum, adeoque merito inter impossibilia numerandum. Rex omni modo urfit, ut illud edicerent, Medici cum reluctari non possent, responderunt, eam non posse aliter curari, quam per balneum sanguinis humani, & non quidem vulgaris, & communis, sed Regii,



Regii, utpotè purioris, & subtilioris.

VIII. Rex ulterius nil scire voluit, sed mox ut ad Regiam, & palatium venit, sine morâ venam sibi incidi iussit, tantumque sanguinem extrahi curavit, ut deliquium animi passus sit. Missellam illam leprosam mandavit in illo lavari, eamque instar unionis mundam reddidit. Centones ei detraxit, vestibusque pretiosis eam induit, ille eam ditavit, dotavit, in uxorem eam duxit, participem facultatum, auctoritatis, potentiae Regiarum fecit, eamque diademate cinxit, & quod plus est sui cordis, & affectus eam ocellum effecit. *Domine, quis credet auditui nostro?* Profectò possumus dicere, quod passiones humanæ, quando iis vel semel habenas, laxamus, fortes, inordinatæ in summo fiant gradu, & id valeant, quod possunt. Tuid non crederes, & tamen verissimum est, quod hæc creatura detestabilis in suo corde extinxerit amorem plusquam honestum, & legitimum, quem Regi tam potenti, & marito tam bono debebat, hinc deperiit quendam Equifonem, huicque vili rustico se prostituit, omnia sua molimina, cogitationes, tempus, ornatum in id impendit, quomodo ei placeret.

Aulici, quibus hæc perfidia turpissima perspecta fiebat, sub ejus oculos tantam ingratitude[m] ponebant, & periculum ostendebant, in quale se coniiciebat, nempe quod si à Rege in flagranti delicto deprehenderetur, abque dubio is proprio gladio eam transfossurus esset. Quid, dicebat, illa, hoc ipse non faciet, sed

bene sibi cavebit, nimis bonus est, quam ut quid mali mihi infligere possit, ille me proprio suo mundavit cruore, quomodo ergo Spiritus sumere queat, ut meo se abluat? Tandem adeo in libidinem effusa est, tamque liberè se prostituit, ut majus malum contraxerit, nempe litem veneream, quam tale infame crimen causare potest, sicque in miserius malum incidit, quam fuerit, à quo Rex illam liberarat. Quid nunc dicitis? Quid animo premitis? O ingratham, perfidam, bestialem, detestabilem, & abominandam creaturam?

IX. Et sanè hæc perfidia, nil est, sicut nec quælibet aliæ, quas concipere possumus, si conferatur ei, quam committitis, quando peccas mortaliter. Et quæso, dicitè mihi, quis Princeps unquam fuit major, potentior, gratiosior, dulcior, clementior, perfectior, affabilior Assertore nostro? Ille vel semel conspexit animam nostram tanquam Rusticam, vilissimam ortam prolapiam, è nihilo extractam, incolam terræ, omnino lepram peccati originalis contaminatam, & infectam. Ille ejus naturam cum observaret, vidit eam fuisse elegantissimam, imaginem sculptam juxta exemplar sanctissimæ Trinitatis. Ille totum suum effudit sanguinem, ille omnes suas evacuavit venas, usque dum eam curaret ab hac lepra, non solum passus est deliquium, sed & agoniam, ac ipsam id circò subiit mortem, ac sepulturam, cum omne aliud medium esset in utile. Ille tandem animam tuam, ab hac fœda lepra in bagno sui pretiosi sanguinis



uinis abluit. Dilexit nos, & lavit nos in sanguine suo. Ille dotavit eam bonis Spiritus sancti, ille eam ditavit virtutibus infusis, ille eam ornavit omnibus gratiis, & virtutibus supernaturalibus, ille eam sibi desponsavit: *sponsabote mihi in fide.* Ille ei dedit suum cor, corpus, animam, suos thesauros, merita. Sed quid post, & tanta evenit?

Post tot beneficia ei vertit tergum, fidem ei violavit, & perfida facta est, nec minimum amplius affectum erga ipsum habuit, sed fidem ei datam fregit, amorē, & fidelitatem, quam sponso tam amabili debuit; & omnes has insolentias commisit, quia in ejus bonitate confidit, ejusque sanguine redempta fuit, nec in minimo timuit eum per infame adulterium offendere. Illa amore capta est cujusdam mancipii, illa suū corpus hic immundo prostituit, utque ei gratificaretur, illum gravissimē offendit, a quo tam tenerē amata fuerat. *Adulteri nescitis, quia amicitia hujus mundi inimica est Dei? Fornicata escum amatoribus multis.* Et ita per suas libidines contraxit lepram foediorem, & magis abominandā, quam fuerit illa, à qua per sanguinem sui sponsi fuerat curata; & ubi ante Baptismum solo peccato fuerat infecta originali; jam defœdata est peccato mortali, & actualibus. *Et sunt novissima illius pejora prioribus.* Et profectò nonne hæc est summa, & maxima perfidia, ac ingratitude? Nonne hoc est beneficia, & favores hujus Divini Episcopi contemnere? Nonne hoc est privare se fructibus ejus sanctæ passionis? Nonne hoc est resuscitare peccata, quæ ipse voluit exterminare, & destruare per suam mortem? Nonne hoc est promereri supplicia, de quibus sanctus Paulus:

*Quanta putatis mereri supplicia, qui Filium Dei conculcaverit? Apostolus porro addit: Et Spiritui gratia contumeliam fecerit.*

### PUNCTVM TERTIVM.

*Peccatum offendit beneficium inspirationum, Probatum primo scripturâ, secundo patribus, tertio ratione, quarto comparatione, quinto exemplo.*

X. **E**T hæc est tertia machinatio, & offensio, quâ per peccatum lædim⁹ personam sancti Spiritus. Nos namque injuriam illi irrogamus, dum januam claudimus ejus inspirationibus, quas nobis dignatur mittere, ut nos abstrahat à peccato, nam ut inquit sanctus Chrysostomus: *Qui beneficium non accipit, eum qui benefecit, afficit contumeliâ.* Et sanctus Bernardus. *Gratia Dei in me vacua non fuit, sciebat enim homo consilium Dei, hæc tunc redundare in contemptum donantis, donum negligere, nec expendere id quod donatum est.* Nullum est mihi dubium, quin intellexeritis quomodo Dæmon locutus sit per illas obsessas. Spirit⁹ malignus loquens, quadam vice per illas miscellas filias, dixit furore ex æstuo contra eum, qui habitat superius vident, quam indecenter loquatur de altissima, & adorandissima majestate, & quomodo non dignetur eam suo nomine compellere, quamvis sit indignus ut eam nomet, ille ait furore, æstuo, non solum contra eum, qui habitat in altissimis, sed & contra illos canes (putans homines) scitis cur? Audite eum. Furore æstuo contra eum, eò quod nobis, nec ullum momētum dederit temporis, aut ullam motionem gratiæ, vel minimæ, ut nos,

qui

*In hunc locum  
Serm. 14.  
in Cant.*

*Iacob. 4.  
v. 4.  
Ierem. 3.  
v. 2.*



qui parvi sumus diu converteremur, cum tamen tot, & tantas gratias dederit canibus, hoc est hominibus, qui iis abutuntur. Sane gravius, quam nos. Verum quidem est, quod sit Pater mendaciorum, sed tamen quandoque dicit veritatem. Deus cogit illum ad veritatem dicendam, profectò verissimum dixit, nam nos in abyssu inferni atrocius cruciabimur, quam Demones, quia magis culpabiles sumus.

Nos ordinariè nec mediam partem nostrorum peccatorum agnoscimus, immò nec quartam partem. Tu patraisti adulterium, vel actum quendam vindictæ in principio, vel fine mensis. Quando confiteris, dicis, quod commiseris duo adulteria, duos actus vindictæ, nec exprimis, quod offenderis, & contristaveris Spiritum Sanctum. Et tamen ego nequirem dicere, quoties peccaveris resistendo inspirationibus, quas tibi Spiritus Sanctus immisit, ut te abstergeret à peccatis. Audi parumper, an tibi parva res videatur, non obedire inspirationibus Dei, oculos claudere ejus illustrationibus, aures obdurare ejus suavis sermonibus, gratias, quas offert abjicere, spernere Concilium, quod dat Apostolus: *Nolite contristare Spiritum Sanctum Dei, Spiritum nolite extinguere, Hortamur vos ne in vacuum gratiam Dei recipiatis.* Tu sane ita agis, ut tibi meritorè hæc queant exprobari. *Affluerunt Spiritum Sanctum ejus, exacerbaverunt Spiritum ejus. Vò semper spiritui sancto resistitis.* Porro ut hoc clarius elucescat, audi, quid legamus de Davide. Tria, vel quatuor tantum peccata opere patrauit, ille Bethsabeam in domo sua non detinuit, ille nunquam eam visitavit, uti constat ex literis, quas ad eam iterum jam feren-

tem dedit; & tamen disertè fatetur, quod peccata ejus excesserint numerum capillorum suorum.

Sed quomodo hoc intelligendum? significare voluit, quod sæpe restiterit spiritui sancto, qui per remorsus conscientia, ejus peccata reprehendit. Hinc Filius Dei dicit in Evangelio, quod peccata, quæ comittuntur contra Spiritum sanctum, sint difficilia condonatu, quam alia. Cujus hanc assigno rationem: missio sancti spiritus est postremus conatus amoris Dei versus homines, quia per eam videtur exhaurire thesauros suæ bonitatis, & liberalitatis infinitæ. En ergo stylum, & modum procedendi Divinæ misericordiae erga nos. Homini statim post nativitatem confert lumen, & instinctum rationis naturalis, quo cognoscit bonum, & malum. *Signatum est super nos lumen vultus tui.* Homines verò illud obscurarunt, & quasi per peccatum extinxerunt. *Quis ostendit nobis bona? Obscuratum est cor insipienteorum.*

XI. Et ne ignorantia allegare possent, ille dedit iis legem scriptam, quæ ipse met propriis digitis impressit duabus tabulis lapideis. Illi vero lapidibus duriores per idololatriam in causa sunt, quod hæc lex debuerit rumpi, & illi liberè, & audacter eam violati sunt. Et nos an non hoc quotidie agimus? Ille ad eos amandavit prophetas, qui iis pœnitentiam, & conversionem suaderent; at illi eos irriserunt, persecuti sunt, eorumque prædicationes, *manda, remanda, expecta, reexpecta.* Et quid indigemus his prophetis, missionariis, prædicatoribus pœnitentia? Quid suis minis obtundant nobis aures? conjiciamus eos itaque in carcerem, capite eos ininuvamus, dissece-

Matth. 12.

v. 3.

Psalm. 4.

Ephes. 4.

v. 30.

1. Thes. 5.

v. 15. 2.

Cor. 6. 1.

Isaia. 63.

v. 10.

Psalm. 105.

Act. 1. v.

51.



mus eos, & lapidibus obruamus. Ita egerunt cum sanctis Iſaia, Jeremia, Zacharia, Joanne Baptista: *Ierusalem, qua occidis Prophetas, & lapidas eos.*

At enim verò magis suspicient meſſiam, reflectet se, & considerabunt, quod sit meus Filius naturalis, & quidem unicuſ, ac dilectiſſimus. Is venit in mundū, & nomine ſui Patris prædicavit. Quid nobis tecum? Quid nobis cum tuo patre? Nos pro nostro libitu vivere volumus. Et hinc eum malè tractarunt, eum in crucem egerunt, & morte affecerunt, & in calum reverti coegerunt. *Synagoga populorum circumdabit te, & propter hanc in altum regredere.* Quid ulterius, & amplius faciet? Nonniſi tertius, qui mittatur requiritur, perſona nimirum ſancti ſpiritus, Spiritus Divini, qui eſt totus ſpiritus, adeoque eum occidere non poterunt. In eundem finem hunc ad nos ablegavit, & quid nos agimus? Nos eum affligimus, nos eum contriſtamus, quin immò quandoque eum in noſtro corde extingue, & ſuffocare conamur. Et quoties non amabò, ille vobis ad cor loquitur. Tale opus non eſt licitū, ille contractus eſt uſurarius? Sed quid tu reſpondes? Tu nescis quid ſit vivere in mundo, nemo æſtimatur, niſi qui eſt nummatus, ſi pauper ſis ab omnibus irrideberis. Quid ulterius dicit? Hæc injuria patienter conſequenda eſt, lætanter, & ſerò hæc offenſa condonanda, Evangelium omnem vindictam vetat. Tu vero iterum reſpondes. Tu nihil intelligis, tu non es bonus Conſiliarius, tu nec ſcintillam habes cordis, tu mihi ſuades quandam inertiam, ignaviam, quin immò dum ſæpe impatienter fertis has monitiones, in corde veſtro ejus inſpirationes eradicare velletis. Vah, dicitis

vos, tu tuis inſpirationibus nimium me moleſtas, tu continuo meas fodicas aures, vellem procul à me abeſſes, tu me crucias per terrores tui judicii, & æternitatis. Ego voluptuari non poſſum, prout bene vellem, ego delicias nonniſi ex media parte guſto, tu mihi illas convertis in cruciatum tuarum minarum. Nonne hoc eſt propriè peccare in Spiritum Sanctum? Nonne hoc eſt ei contumeliam irrogare, ut loquitur Apoſtolus? Nonne hoc eſt inſiſtere veſtigiiſ Regis Ammonitarum, & ejus promereri ſupplicium?

XII. At enim verò, ſi unquam fuerit Hiſtoria tragica, & funeſta, hæc ipſamet eſt, & niſi eam recenſeret ſcriptura, nos eam non crederemus. Liber itaque ſecundus Reginum actorū recentet Davidem intellectā morte Naas Regis Ammonitarum, legatos expediſſe ad filium ejus Aanon, qui ei nomine ſuo condolerent, & omnia proſpera in regimine precarentur. Regis Aulici, & conſiliarii horum legatorum adventu percepto, vanā ſuſpicionē acti aulam intrarunt, & Regi juveni hæc dixerūt. Per fidē tuam, an ita ſimplex ſis, ut tibi perſuaſum facias hos legatos adveniſſe, ut te conſolarentur, & Davidem ex animo ſincero eos ad te amandaſſe? ſub inſigni hoc prætextu hos exploratores miſit, qui munimenta tui Regni luſtrarent. Rex nimis leviter huic calumniæ fidem adhibuit, & hos legatos, velut ſuos hoſtes maximos tractavit. Barbam uſque ad medietatem eis detonderi juſſit, iſque alias injurias ſædiſſimas irrogari.

Sed quomodo hæc Davidẽ tu liſſe putetis? Quamvis eſſet patientiſſimus, & Clementiſſimus Regum, quos unquam



2. Regum  
10. v. 26.  
1. paral. 20.  
v. 1.

terra vidit, attamen hac injuria adeo commotus, & bile succens<sup>9</sup> fuit, ut nesciam an Phalaris, aut Ausirides, vel quisquam alius unquam adeo severus fuerit. Ille supremum belli præfectum expedivit, ut obsidione premeret metropolim Regni Ammonitarum Rabath, ille in propria persona secutus est, & expugnata urbe omnes cives ex urbe dimisit, pedesque præcidit, & colligatos in quodam vasto, & amplo campo projici mandavit, & dein uti narrat scriptura, *Fecit super eos tribulas, & trahas, & ferrata carpensu transire, ita ut dissecarentur, & contererentur.* O Horribile spectaculum? O crudelem lanienam, videre vastum campum totum tinctum sanguine, repletum cadaveribus dissectis, & membratim conscissis. Patens conspiciebat corpus filii sui in quinquaginta partes dissectum, matrona alia videbat rotam acutam, & ferream filiae suae vultum calcare, nec aliud ipsi expectabant. Et quod stupendum est, David hoc facto propriam non destitit deprecare clementiam, loquensque Deo, qui falli nequit, & ante quem nil potest laudari, nisi quod est eminens, & eximium dicebat: *Memento Domine David, & omnia mansuetudinis ejus.*

At enim, an nos putemus, hæc frustra à sacra scriptura commemorari? Nequaquam, nam sanctus Spiritus, hanc narrat historiam, ut discamus, quod si Davidi in hoc facto nec minimum crudelitatis specimen affricari queat, nec ipsemet destiterit suam magnam deprecare clementiam, & mansuetudinem non obstante hac punitione atrocissimâ, eo quod enormitas criminis eam promereretur, jure aequiori, Deo nec minimum clementiae, & misericordiae

infinite decessurum, non obstante, quod similia nostra facinora pari animadvertat supplicio. *Omnia in figura continebant illis.* Hoc figura est eorum, quae secutura erant.

Pater æternus ex mera misericordia, ad nos ablegavit duas personas Divinas, Filium suum amantissimum, & suum sanctum spiritum, idque ut nos consolaretur, & juvaret. *Alium paraclitum dabit vobis.* Nos Filium ejus occidimus, nos per blasphemias, abusum sacramentorum, sacrilegia eum quotidie pedibus calcamus, nos spiritum sanctum continuo dum ejus gratias contemnimus injuriose, & indignè tractamus, unde vobis cogitando linquo, quale nos expectet supplicium, dum in arbore suae vindictae, in furore suae irae injurias vindicaturus adveniet, dum comminaturus, & in pulverem reducturus est Reges, & omnes homines, uti scriptura nobis disertè contestatur: *Confregit in ira sua Reges.* Et Habacuc: *In fremitu contulcabis terram, & in furore obstupescies gentes.* In Hebraeo legimus *Trinrabis Gentes.*

Psal. 109.  
cap. 3.

Porro ut exemplo quodam id cōprobemus, sanctus Ephrem Diaconus villæ Edessæ nos instruere potest, quia qualiter iram Filii Dei viderat. Hic sanctimoniâ vitæ adeo fuit conspicuus, & in tanta veneratione apud fideles quarti sæculi, ut teste Divo Hieronymo ejus scripta, velut libri canonici publicè in Ecclesiâ legerentur. Narrat itaque hic sanctus, quod dum quadam vice vanitatem mundi, & stultitiam hominum ei adhaerentium contempleretur, viderit nostrum salvatorem solio quodam basilico, & pomposo insidentem, & hæc dicentem. O anima, & cur mihi non ser-

Lib. de timore.



vis sedulò? cur negligens es in oratione, & exercitiis piis? cur non respondes gratiis, & inspirationibus mei spiritus? Tu bene scis, quod pro te sum mortuus, ut tuum cor incantarem, & te mihi despòsarem. Ego negotium tuæ salutis, quam reliqua mea opera æstimavi. Ego in cælo tibi paravi thalamum nuptialem; tu verò econtra me despexisti, tu in vili habuisti, nec per capillitium æstimasti bona ineffabilia, quæ tibi reservavi, tu tuo servisti inimico capitali, qui tamen nil aliud querit, quam tuam perniciem. *Ego animâ tuâ causâ mortem appeti.* Hisque dictis Deus tantâ claritate ostendit, quid sit Deus, quantam habeamus obligationem, ut ei serviamus, quantum sumus ipsi devincti, quantum sit malum offensa Dei, quamvis levis; ut timore consternatus, & confusione obrutus, aliud nil potuerit agere, quàm plorare, mœres rogaret, ut eum opprimerent, quæreret, ubi latere posset, nativitatē suæ diei malediceret, & postea, uti narrat sanctus Gregorius Nyssenus, continuò ejus oculi lacrymarum rivos spargerent.

Nunc quæso te, paulisper pondera tuam vitam, & vitam hujus sancti, peccata tua, & illius. Quod si tantum in præludio iudicii tantus Sanctus, tam austerus, adeo pœnitens, tantus contemptor mundi, tantâ confusione, & rubore oppressus fuerit, ob quædam solum peccata venialia, quid tibi non erit in ipso iudicio actuali, & definitivo? Tu libidine, sensualis, vindicative, malitiæ plane imersus, qui continuò in te destruis opera Dei, & ejus beneficiis abuteris, quid illo Die facies?

*Conclusio per illa verba, quæ perfecisti destruxerunt.*

*Ignis, & sulphur, & Spiritus procellarum, pars calicis eorum: Quoniam quæ*

perfecisti destruxerunt. scis hujus causâ? Quia in te destruis primaria opera amoris Dei. Tu abuteris beneficio creationis, tu uteris animâ, & corpore tuo, ut eum offendas, qui tibi illa dedit. Quod si Filius Regis Sceptro suo uteretur ut illud in cloaca macularet, & in sordibus coinquinaret, an non atrociter suum offenderet parentē, eumque valde inhonoraret? Quis tibi sceptrum in hoc mundo dedit? Quis te animalibus præfecit, & dominum super illa tibi donavit? An non Spiritus, & ratio? Aquila est oculatior te, anser habet auditum subtiliorē, araneus tactum delicatiorē, equus pedes velociores, ab intellectu ergo habes, quod iis superior sis, & iis imperes.

Sed dic fodes, in quodnam impendis tuum intellectū? Vt proferas, & moveas fœdirates. Quod si aliquis intueri posset, quid majori parte diei, & noctis animo volvas, & moliaris, sane is cerneret nullas esse tenebras adeo crassas parvisis, ac nebulam ita fœrentem, quâ tuas fordes. Nec profectò melius uteris membris tui corporis, tu oculos tuos impendis ad aspectus lascivos, linguâ in blasphemias, aut mendacia, man⁹ in rapinas, auralia, quæ horreo dicere.

*Quæ perfecisti destruxerunt.* Tu destruis opera Redemptionis. Filius Dei homo factus est, ut te faceret Filium Dei, tu vero per peccatum te facis servum Diaboli. Ille obedivit Virgini, ut te doceret obedientiam; tu vero mandatis Divinis obediæ detractas. Ille instituit Eucharistiam, ut tuam sanctificaret carnem, tu verò eam defœdas turpissimè per passiones impuras. Ille tormenta intolerabilia in sua carne perpessus est, ut te doceret, & incitaret ad mortificationem.

Nn 3;

dant



dam tuam, tu vero illam nutris in quibusvis deliciis.

*Quæ perfecerunt destruxisti.* Tu perdis, ac destruis in te omnia opera spiritus sancti. Ille per omnia media possibilia conatus est te lucrari, ille te sollicitat, & vellicat per suas inspirationes, per remorsus tuæ conscientiae, per minas prædicatorum, per exempla bonorum. & tu tamen omnibus resistis, neque clementiâ, rigore, promissis, minis, præmiis, aut suppliciis vincis.

*Iustus autem quid fecit?* Alia lectio legit: *Quid facit?* Totum contrarium, facere debent. Dum animæ reproba ita destruunt omnia opera Dei, vos animæ electæ debetis illa honorare, eaque fructuosè applicare. Vos debetis recognoscere beneficium creationis, omnes vires vestræ animæ, omnes facultates vestri spiritus, omnia membra vestri corporis adhibere, ut eum, cognoscatis, ametis, laudetis, glorificetis, ei benedicatis, ei-

que serviat in membris sui Filii, visitetis infirmos, incarceratos, confolemini afflictos. Vos debetis recognoscere opus Redemptionis, sæpius in animo vestro cum affectu, & devotione, honore, & respectu mysteria Incarnationis, vitæ, laborum, mortis, & passionis Christi meditando.

Tu debes honorare Sanctum Spiritum, ejusque inspirationes, eas recipere cum magna submissione, eas pretiosè absque ulla exceptione ad praxin deducere, omnibusque correspondere, omnia illa operando, quæ à te per ejus præcepta, & consilia flagitantur. Quod si præterea honores tres personas sanctissimæ Trinitatis; si hujus beneficia recognoscas, quadam die ad ejus honorem trisagium ejus cum Angelis intonabis, tu sanctorum consortio adjungeris, ut æternaliter cum iis cantes, *Gloria Patri, & Filio & Spiritui Sancto, sicut erat in Principio &c. Amen.*

## SERMO TRIGESIMUS

Pro Dominica secunda post pentecosten

Peccatum offendit beneficium Incarnationis.

*Homo quidam fecit coenam magnam Luca 14.*

E X O R D I U M.

**L**Egimus Davidem, dum arcam fœderis solenni pompâ in Ierusalem adduceret saltasse, ac victimas Domino Deo obtulisse, & musicos, ac cantores cōstituisse, qui omni populo canerent magnalia Dei, & narrarent omnes adinventiones ejus. Hodie idē facit sancta Mater Ecclesia, circumducit, & circumfert magnâ pompâ arcam fœderis, hoc est Christum, qui revera nos peccatores

Deo Patri reconciliavit, de prædicat nobis magnalia Dei, miras adinventiones, quibus suum amorem erga nos demonstraret, quomodo nimirum fuerit Amor dignitatis nescius, dignatione dives, affectu potens, suavis efficax, hortatur nos omnes, ut illum amorem magni æstimemus, & humanitatem Christi honoremus, quæ nos a deo postquam Divinitati conjuncta est; amavit, At enim quod do-

len-



Iendum est, peccatores per sua enormia peccata illam arcam, hoc est Christum offendunt, & lædunt, dum beneficio incarnationis eius abutuntur, illudque offendunt, ut ostendamus hac concione cum Auctore nostro.

*Retribuebant mihi mala pro bonis.* Psal. 34. v. 12.

I. Heri consideravimus, quomodo peccatum mortale in causa sit, quod abutimur gratiis, & beneficiis in æstimationibus, quæ à liberalitate Divina recipimus, et quotidie recipimus. Et quia mysterium Incarnationis est omnium præcipuum, & celeberrimum, eius eminentiam ponderare debemus, ut ita cognoscamus malitiam peccati, quo per ingratitudinem adeo enormem, monstruosam, & abominandam, Salvatorem offendimus. Quod si nos ansam habemus te honorandi, sanctissima & Beatissima Virgo, dum loquimur de aliis beneficiis, meritò te venerari debemus, dum tractamus de mysterio Incarnationis, ad quod tu adeo singulariter concurristi: *Nā qui fecit me sine te, non salvavit me sine te;* & ideo tuo indiguit ministerio, & particulam sumpsit e tua substantia virginali, ille habitaculum tui sanguinis immaculati signavit, & cōsensum tuæ sanctæ voluntatis exquisivit. Id eius legatus tibi significavit, dum te salutavit dicens; *Ave Maria.*

## IDEA SERMONIS.

### EXORDIUM.

*Deus est incomprehensibilis, & tamen incarnatus est.*

II. **V**ates Regius considerans eminentiam, & magnitudinem Dei

in suo solio Divinitatis dixit: *Magnus Dominus, & laudabilis nimis.* Econtra melleus, & devotus Sanctus Bernardus considerans parvitatem Dei in assumptione naturæ humanæ aiebat: *Parvus Dominus, & amabilis nimis.* Postquam Propheta Moyses amandatus esset à Deo ad Filios Israel, ut eos liberaret ex Aegypto, spiritus sumpsit ei dicendi, Quod si interroger, à quo missus sim, quid respondebo? Deus verò respondit, dicte ab eo esse ablegatum qui est. Et sane nostra non minus interest, ut sciamus, quis nobis sit missus in mysterio incarnationis, ut eum possimus admittere, & recipere, non quidem iuxta eius merita, attamen iuxta nostram exiguam facultatem. Ille, qui est misit Moysen; similiter ille, qui est, amandatus, & missus est ad nos. Dicit, Ille qui est; qui hoc est, totum est quod potest dici, hoc includit omnem magnitudinem, raritatem, excellentiam, & admirabilitatem. Non dicit, id quod est, quia excedit omne magnum, rarum, excellens, admirabile, quod dici potest.

Quod si cum Theologis dicas Deum esse incomprehensibilem, qui tamen omnia comprehendit, invisibilem, qui tamen omnia videt, inaccessiblelem, qui tamen est intimus omnibus, immutabilem, qui tamen omnia mutat, non habens principium, cum tamen omnium principium sit, infinitum, qui tamen est finis omnium, tu non aberras à vero; Sed tamen nil dicis respectu illius quod ille est, qui est. Quod si dicas eum esse illū, qui habitat in seipso, qui in seipso est totus beatus, in seipso contentus, ex seipso omnia, nullius, indigens, qui à nulla creatura vel minimam beatitudinē accipit, qui



qui in plenitudine sui esse est felicissimus, & contentissimus, qui beatissimus est in contemplatione suarum eminentiarum, in fruitione suarum perfectionum, in societate Divinarum Personarum; Veritatem dices, sed nihil dices respectu illius quod est. Quod si dicas Deum esse bonum sine sublimitate, magnū sine quantitate, immensum sine extensione, altissimum sine sublimitate, profundissimum sine imitate, præsentem omni tempore, absque eo, quod sit ulli subiectus, immensum absque eo, quod ab ullo loco circumscribatur, omnibus rebus præsentem, absque eò, quod ab ulla detineatur, tu verum dices, sed nihil dices in comparatione illius quod est.

Quod si dicas, naturam Divinam non esse nisi bonitatem, eius esse non esse nisi maiestatem, eius vitam non esse nisi fecunditatem, eius intellectum non esse nisi scientiam, eius memoriam non esse nisi sapientiam, eius voluntatem non esse nisi potentiam, eius cōceptus non esse nisi luminaria, eius verba non esse nisi veritatem, eius operationes non esse nisi sanctitatem, eius motiones non esse nisi tranquillitatem, eius quietem non esse nisi felicitatem, eius æternitatem non esse nisi durationem: tu dices verum, sed nihil dices respectu illius, quod est. Verbo, imaginare tibi omnes excellentias, raras qualitates, prælustres proprietates, admirabiles perfectiones, quas homines queant concipere, quas Angeli possunt repræsentare, depurare eas ab omni imperfectione, quas humanus intellectus potest fingere, fac ex his compendium, & extractum, & si dicas Deum esse omnia illa, verum dices, sed parum dices respectu illius, quod est;

nam dubium nullum est, nam infinitas est infinites plus, quam omnia illa. Ille quadam vice in aliqua visione sese conspiciendum præbuit sancto Patriarchæ Benedicto tanquam Oceanus luminum, velut mare immensum, & infinitum splendoris, & claritatis, mundumque in medio velut atomum.

Vos scitis quid sit atomus; nam nil aliud est, quam tenuissimum quoddam quod videretur in aere, in cubiculo, dū sol splendet. Vide quid sit homo, collatus toti mundo, totus mundus est tantum atomus, si conferatur Deo. Et quid erit homo respectu Dei? Et tamen exclamate mecum O prodigium, An si hoc diceremus centies millies, an sufficienter hoc diceremus? O prodigium! *Deus factus est homo. Magnus Dominus, & laudabilis nimis. Parvus Dominus, & amabilis nimis.* Nonne est ergo infinite amabilis, dum, quamvis esset adeo magnus, tamen dignatus est nostri amore fieri adeo parvus. Aures hic attentas arrigite Auditores, & menti hoc insigilate, ac sæpius ruminare id quod dicam, quia est fundamentum nostræ Religionis, Primarium, & principale negotium nostræ salutis. Quod si hoc non scias, non es Christianus, nec Salvaberis, nisi hoc addiscas.

Filius Dei est verus Deus, sicut ejus pater, & idem Deus cum suo Patre, sed tamen alia persona à Patre, Filius est æternus, & coeternus suo Patri, est immensus in cælo, ac terra, non minus, quam ipse, est Spiritus omnipotens, sapiens, bonus, perfectus, æquè ac Pater, ille est qui cum Patre, & Spiritu Sancto creavit cælum, & terram; hic inquit Filius Dei, ut pro nobis posset pati; cum in sua  
Divi-



Divinitate utpote immortalis, & impassibilis hoc facere nequiret. Dignatus est corpus, & animam similem corpori, & animæ nostræ in Sacerrimis visceribus immaculatissimæ Virginis assumere, huicque corpori, & animæ uniri, adeoque incarnatus, incorporatus est, & factus est homo similis nobis, inter nos in hoc mundo conversatus est, & est, & erit semper verus Deus, & homo. Et hæc est causa, cur mysterium incarnationis appellemus portentum cæli, & terræ, prodigium hominum, & Angelorum, in quo verificatur illud insigne dictum Ecclesiæ, quod aliquoties cantat. *Abundantia pietatis tue, & merita hominum excedis, & vota*; ac si diceret: Divina Maiestas per suam bonitatem nobis plura largitur, quam optare, ac considerare possimus, quia mysterium incarnationis est tantum miraculum, tam difficile creditu absque lumine fidei, ut Homo ex lumine solum naturali nunquam crediturus sit, Deum esse factum hominem.

## PRIMUM PUNCTUM.

*Potuit incarnari, quod illustratur per responsionem ad objectiones, quas infideles apud Augustinum faciebant contra hoc mysterium tribus objectionibus, ad quas etiam respondetur.*

Epist. 3.

III. **E**T hoc testatur colloquium illud, de quo mentionem facit Sanctus Augustinus: Nobilis quidam in mundo illustris, & conspicuus, sed infidelis, Volusianus nomine, epistolam quandam familiarem ad hunc sanctum Doctorem tanquam suum amicum dedit. Dum igitur hic Doctor esset in quodam infidelium conventu, in quo Incar-

natio Filii Dei in questionem trahebatur, postquam plura argumenta eidem opposuisset, contra hoc mysterium, adhuc alia valida postea in litera ei proposuit, & solutionem rogavit. Primum itaque hoc fuit: Deus est substantia perfecta, spiritualis, pura, simplex, ita ex suâ naturâ expers, exemptus, abstractus non solum à qualibet materia, sed etiam compositione tam Physica, quam metaphysica, ut nulla compositio sive ex substantia, & accidente, sive ex actu, & potentia, sive ex natura, & subsistentia, aut etiam ex essentia, & actu in illo repariatur; quomodo ergo concipere possimus, quod assumere potuerit naturam humanam, seque unire corpori luto, seu ex luto compositæ, materiæ se connectere, carni se incorporare, & cum illa constituere compositionem adeo prodigiosam, ut Deus, & homo sit una persona, ita ut dici possit, Homo est Deus, & Deus est homo?

IV. Secundo, Deus est substantia infinita, immensus, incomprehensibilis, qui nullis limitibus loci quantumvis vasti, & spatio si potest constringi, ita ut cælum, terra, elementa, & hæc machina universi, accentum milleni mundi, quos creare posset, nimis arcti, angusti, essent, ut eum continere possent, quomodo ergo nos credamus, quod coarctetur intra viscera unius corpusculi, & uteri unius puellæ, idque per novem menses, dies, aut momenta? Tertio: Quod si hic homo, quæ vocatis Jesum, sit Deus, cur hoc non prodit per sua opera? Cur non edit specimina grandia, Divina tantæ personæ digna? Cur non dicit hominibus, Ego solem, lunam, elementa, & hunc mundum visibilem creavi? Et ut hoc demonstret,

O o

cur



cur non creat aliam solem, Lunam, mundum, & illâ facilitate creandi mundum novum, ostendat quod sit Deus, qui unico verbo creavit primum?

V. Ad hæc omnia porro respondet Sanctus Doctor: Quod si aliquem articulum fidei velis demonstrari ratione, jam non erit amplius admirabilis, jam non erit amplius articulus fidei. Quod si articulus fidei probetur experimento, jam non erit amplius singularis. Et hinc supponendum est. Deum posse plura facere, quæ nos comprehendere nequimus. Mysteriorum nostræ fidei nulla alia est ratio, quam potentia causæ, scilicet Dei. Et hinc omnibus objectis, quibus impetitur fides nostra, nemo sapientius, & exactius responderit, quam qui dicit: Credo in Deum Patrem omnipotentem. Ut tamen illis ingeniis subtilibus satisfaciat, & ostendatur, mysteria nostræ fidei, quamvis sint supra rationem, tamen non esse contra eandem, hinc respondeamus rationibus, vel potius ut dicam Sophismatibus, quæ tanto applausu proponunt.

VI. Ut itaq; respondeamus ad primum, quæro, quid est magis spirituale, quam aliqua insignis cogitatio, quæ aliquis altus, & sublimis conceptus, qui est imago, expressio, similitudo, & quasi ipsa quinta essentia Spiritus? porro hæc cogitatio in corpore nunquam potest concipi, nisi connexa, & commixta cum aliquo materiali, vel in aliquo materiali conclusa, quia à meo intellectu spirituali, deportatur ad tum, & hoc nequit fieri nisi per sensus: *Nihil enim est in intellectu, quod prius non fuerit in sensu.* Nunc ad sis, tui sensus nonne sunt corporales? Immo. Ergo

conceptus ille vestitur quadam voce articulata, verbo sensibili: Quod si ego itaque possim meam intellectionem, seu verbum mentale vestire corpore, productionem mei intellectus generare mediante lingua; cur Deus non potuisset verbum suum Divinum unire carni in visceribus Virginis per operationem Spiritus Sancti, qui alias se videndum præbuit in forma linguarum? Et ne longius eamus; quid est spiritualius tua anima? Quid est corporalius tuo corpore? Et tamen hoc non obstante tua anima est unita, conjuncta, & tuo corpori infusa. *Persona hominis mixtura est anima, & corporis, persona autem Christi mixtura est Dei, & hominis.*

VII. Hæc porro comparatio animæ viam parat, ut respondeamus secundæ objectioni. Deus immensitate suâ infinitâ implet cælum, & terram, & hoc uti verissimum est, sine extensione, dependentia, divisione, non localiter, sed spiritualiter, uti anima implet tuum corpus, non quod una pars Divinæ essentiæ sit pars loci unius, & alia sit pars loci alterius, aut quod in vastiori loco sit magis extensa, in angustiiori vero magis restricta, sed quod sit totus in toto, & totus in qualibet parte mundi, uti verbum, quod profero est totum in toto meo Auditorio, & totum in quolibet ex meis Auditoribus, nec majus est in auribus Gigantis, nec minus in auribus Pygmaei. Ille ergo, qui omnibus potest esse præsens, per suam Divinam essentiâ, ille etiam in tam exili angulo esse potest, ut cuspidè aciculæ pungi, & prodi possit. Ille igitur, qui potuit dare exitum corpori apum, & formicæ, im majorem industriam, & curam, ac providentiam, quam corpori



corpori grandi equorum, aut elephan-  
tum, ille qui oculi nostri pupillæ tan-  
tam indidit vivacitatem, ut quasi in mo-  
mento possit producere medium cæ-  
lum; ille, qui potuit virtutem adeo fe-  
cundam inferere nucleo ficus ut quan-  
tumvis sit adeo parvus, tamen possit,  
producere magnam arborem: *Insinu-  
ans magna minimis, qui non est parvus in  
parvis*; quomodo dico nequeat ille Di-  
vinam suam substantiam recludere, & u-  
nire hypostaticè uni corpori infantili?

VIII. Tertio objicis, quod debeat  
novum creare mundum; ut ita se o-  
stendat esse Deum, qui hunc mundum,  
in quo sumus creavit. Sed dic fodes,  
ubi crearet hunc novū mundum? Quod  
si crearet novum mundum extra nostrū  
mundum; vel te duceret ad illum no-  
vum mundum postquam est creatus, vel  
antequam creetur? Non ante, quia nec-  
dum est; si post, jam diceres Deum  
eum produxisse, & non Iesum. An ad-  
huc dices, quod debeat producere no-  
vum mundum? Quod si ita, quæro; an  
ille mundus debeat esse nostro mundo  
major, vel minor? Quod si major, ubi  
possit esse, & quo possit contineri;  
quod si minor, jam non doces Iesum  
esse Deum, utpotè, qui nequeat mun-  
dum adeo vastū creare, ac ille est, quem  
Deus produxit. Sufficit ergo, quod  
suam potentiam ostenderit in omnibus  
partibus hujus mundi, nam in cælo so-  
lem tenebris involuit, terræ indidit tre-  
morem, mare calcavi pedibus, in aere  
pacavit furores, & ventos. Ut demon-  
stret se esse Deum, sufficit quod micro-  
cosmum refecit, & renovavit, quod  
visum, auditum, loquelam, motus, vi-  
tam hominibus restituerit. Potuiter-

go in carnari, quia est omnipotens,  
voluit, quia est bonus; Audite ejus A-  
postolum.

PUNCTVM SECVNDVM.

*Voluit incarnari, probatur pri-  
mo scriptura, secundo expen-  
dendo eximia verba Bernardi. A-  
mor dignitatis nescius, dignatione  
dives, affectu potens, suasu  
efficax.*

Tit. 3. v. 4.

IX. **A**pparuit benignitas, & humani-  
tas salvatoris nostri Dei. Græcus  
legit: *ἡμερότης καὶ ἡ φιλανθρωπία*, hoc  
est: Bonitas nostri Salvatoris, ejusque  
amor erga homines, satis eluxit in ejus  
Incarnatione. *Apparuit bonitas.* Bo-  
num est communicativum sui. Ma-  
gnū bonum, est valde communicati-  
vum sui. Supremum bonum est sum-  
mè communicativum sui. Bonum in-  
finitum, est infinitè communicativum  
sui. In creatione Deus dedit nobis sua  
bona, in justificatione suas gratias, & fa-  
vores, in glorificatione suā felicitatem,  
& beatitudinem, & in Incarnatione tan-  
dem se ipsum sine ulla restrictione, re-  
servatione, limitatione, ita ut totam  
plenitudinem, & extensionem suā Di-  
vinitatis communicavit, & transfuderit  
in suam sacerrimam humanitatem, &  
per eam in nos. *In ipso inhabitat omnis  
plenitudo Divinitatis corporaliter, & de  
plenitudine ejus omnes accepimus.* Apparuit  
*benignitas, κησότης, & humanitas φι-  
λανθρωπία, charitas in nos homines.* Coloss. 2.  
Hinc admirabundus scribit Sanctus v. 9.  
Bernardus, *Itane. Summus omnium u-* Ioann. 7.  
*nus factus est omnium? Quis hoc fecit?*



Serm. 64.  
in Cant.

*Amer dignitatis nescius, dignatione dives, affectu potens, suavis efficax. Quid videntius? Triumphat de Deo amor. Denique exinanivit semetipsum, ut scias amoris fuisse, quod plenitudo effusa est, quod altitudo adaequata est, quod singularitas associata est.* Altissimus factus est quasi unus ex nobis. Sed quid dico, quasi unus ex nobis? Factus est unus in nobis. Amor hoc opus, huncque conatum effecit, ille est, qui de Deo triumphat, amor est, qui omnis obliviscitur dignitatis, qui dives est dignatione, & misericordia, amor est potentissimus in suo affectu, & efficacissimus in persuadendo.

X, *Dignitatis nescius.* Nil est, cui hic amor comparari possit; adeo est singularis, & extraordinarius, ut imaginari debeamus illa, quæ nunquam fuerunt, vel nunquam erunt. Tempore sancti Caroli Borromæi fuit in Ecclesia Dei, ordo eorum, qui Humiliati fratres vocabantur. Hi vitam & maxime in Episcopatu Mediolanensi valde ducebant difformatam. Sanctus ex obligatione officii: & auctoritate, quâ pollebat apud suum avunculum Pium quartum voluit eos reformare. Illi hoc non valentes ferre, in ejus necem conspirarunt, & velut alteri Iudæ, certâ summâ pecuniæ oblata, cum perversiore tractarunt, ut Cardinalē, qui suis reformationibus totū orbē turbabat necarēt. Sanctus cum familia sua quotidie orationi mentali per horam vespervi vacare assolebat, hic desperatus quadam die hanc bellam occasionem arripit, cum aliis se ingerit in oratorium scelestum suum facinus executurus, & quindecim ferme passibus à sancto distans, genua flexit. Sancto orante, sclopetum exonerat, & glan-

de eundem petit. At enim o rem admirabilem, sed tamen veram, glans postquam tunicellam sancti pervasisset, & ad contestationem miraculi paulisper cutem sancti cavasset, reverenter ad ejus pedes se prostravit, nec laedere ausa fuit corpus, quod totum servitio Dei consecratum, & deditum erat. Pontifex tam enorme facinus puniturus, ordinem Humiliatorum suppressit, & extinxit, eorumque bona, & domus aliis Religiosis dedit, & in pia opera convertit.

Sanctus nil non tentavit, ut vitam illi abominando parricidæ servaret, sed supponamus, quod plura fecerit, quod secum sic discurreret. Papa amore mei hunc Religiosum ordinem vult extinguere, ego autem efficiam, ut ex eodem amore illum conservet, & foveat, & ut suo frueretur intento, ordinem illum voverit intrare, & pœnitentiis, mortificationibus, humiliationibus Novitiatus paupertati, obedientiæ, & omnibus austeritatibus Religionis sese subicere, ut ira sanctissimum moveret, & flecteret, ne illum ordinem, in quo agebat novitium, extingueret. Supponamus inquam hoc; Sed tu quid diceres ad hæc? Quale ei dares consilium? Tu Reverendissime Archiepiscopo, qui es in statu perfectionis, Tu unus e primariis Cardinalibus, qui sunt velut principes sanguinis in Ecclesia, tu qui spem habes ad Pontificatum, velis fieri pauper Fraterculus, pauper Religiosus, abjectus Novitius? Scopus irrisorum evades. Et sane hoc factum maximum portentum fuisset, sed Sanctus dixisset, amor obliviscitur omnium dignitatum, & Filius Dei nostri amore, infinitè plura, & majora fecit.

Peccatum primum hominis particulatim,

Serm.  
Adve.



riter, & directè personam Filii impetivit; non sicut ac peccatum Luciferi, hic enim ut hominem complicem suæ iniquitatis faceret, iniquitatem, quam in cælo conceperat, in terra parere voluit. Ille æqualitatem appeterat Dei; *Similis ero Altissimo.* Ille in homine eandem suscitavit ambitionem, *Eritis sicut 'Dii.* Quis autem nescit, quod ambire æqualitatem cum Deo, sit desiderare id, quod ex proprietate Personæ convenit verbo Divino? Pater itaque volens hanc culpam contra Filium suum commissam vindicare, partem Angelorū, & omnes homines perdere voluit. Ille ob culpam unius, in quo reliqui peccarunt, totam massam generis humani damnare voluit: *Lucifer præcipitatus* inquit Bernardus illic corruit, quoniam zelavit pro Filio Patris &c. Adam, & Eva quod Filii Dei est, consilio Diaboli surripere tentant, nec dissimulat injuriam Filii Patris; sed continuo in ipsum hominem vindictā retribuit &c. Quid agat Filius videns pro se zelare Patrem, & nulli penitus parcere creatura? Intra se dixit: Pater meus amore mei vult omnes punire, & perdere homines, sed ego efficiam, ut amore mei illis ignoscat, eos amet, iis faveat, eos salvet, & benedictionibus repleat. *Duas tantum inquit Deus fecerat nobiles creaturas, rationis participes, capaces beatitudinis, Angelum videlicet, atque hominem, sed ecce propter me Angelos perdidit multos, homines universos, ergo ut sciant, quia & ego diligo Patrem, per me recipiat, quos quodammodo per me amisisse videtur.* Et ideo nostrum induit habitum, nostrum intravit ordinem, factus est homo, subiecit se vilitati infantie, quæ est novitatus nostræ vitæ, paupertati, obedientiæ

maternæ, fami, siti, laboribus, fatigationibus, ærumnis, & aliis infirmitatibus, ac miseriis naturæ humanæ, nec in minimo attento, quod esset Filius Dei, naturā cœqualis, cœternus, consubstantialis Patri, splendor gloriæ paternæ, & heres bonorum ejus, Character substantiæ ejus.

*XI. Amor dignitatis nescius, dignatione dives.* Et sane nimis parum diximus, dum eum comparavimus Cardinali, qui condoluit pluribus Religiosis, deberemus eum conferre Regi, qui condoluit bestiis. Supponamus, quod aliquis equis in stabulo Regio candelam non extinxerit, Rexque ex suo cubili per fenestras videat quandam pyraustā circumvolitantem circa illud lumen. Supponamus Regem surgere e suo solio, exire ecubili, descendere per gradus, pertransire aream, intrare stabulum, ire super simum, & stercora, manū mittere inter candelam, & pyraustam, hanc verò ut videt Regē avolare ad aliud latus candelæ, ut se perdat, & in interitum det, Regem autem ut extinguat candelam, suas descendere, commaculare, & comburere manus, Regemq; interrogari, cur hoc faciat, quid putatis eum responsurum? Hem inquit, hæc miscella pyrausta periculo sese exponit incinerationis, ego condoleo ei, nec id possum permittere. Quid vos ad hæc diceretis, quid cogitaretis? Quomodo non deprædicaretis ejus pietatem, & condolentiam? Quomodo non extolleretis teneritudinem ejus misericordiæ?

*Dignatione dives.* Filius Dei porro pro nobis infinitè plus fecit. Ille e solio suæ gloriæ conspexit, quod nos ob inobedientiam nostri protoparentis i-



remus ad infernum, ut ibi flammis æternaliter combureremur ob inobedientiam nostri protoparentis, & propria peccata; itaque descendit è cælo, intravit stabulum, ille nostris sceditatibus est inquinatus, ille nostris peccatis est oneratus, ille nostras misérias assumpsit, easq; in cruce combussit, & consumpsit, & hoc, ne nos combureremur. *Per omnes*, inquit Tertullianus, *natura humana contumelias volutatus. Infra suam ipse vacui*, addit Hilarius, *factus potestatem. Exinanivit semetipsum*, subdit Sanctus Paulus. Rex pro pyrausta plus facere non potuit, quam diximus, Filius autem Dei plura egit.

Lib. 1. de  
Trin.  
Phil. 2.

XII. *Affectu potens*. Vltcrius supponamus, quod Rex amore pyraustæ se fecerit pyraustam, nec enim plus imaginari possumus, sed imaginemur, & supponamus, quod maximus Rex mundi se faciat culicem, ut impediatur ne aliqua pyrausta moriatur; quid hoc esset? Non esset effectus, sed excessus misericordiæ, nec verba inveniremus, quibus hunc actum excessivi amoris exprimeremus. Ne quidem Rex hoc facere posset. At enim ex amore hoc fecit. *Affectu potens*. Amor est potens in suis affectionibus, amor porrò Dei est omnipotens, molitur, aggreditur, operatur illa, quæ non suntabilia. Hæc vera sunt, nec aliquid est, quod ita verum sit. Quod si maximus Monarcha mundi se faceret pyraustam, & hoc, ne aliquis auderet occidere, aut occideret, attamen is non adeo sibi devinceret pyraustam, quantum Salvator per mysterium Incarnationis nos devinxit.

Major quippe est dissimilitudo, improprio, disconvenientia inter Deum & homines, quam inter Regem, & pa-

pilionem. Deus incomparabilius est major toto mundo, quam Rex sit maior papilione, mille, centum mundi sunt multo minores respectu Dei, quam sit papilio respectu Regis. Et tamen, O prodigium! O portentum! Deus est factus homo, & quidem ex amore hominum. *Domine consideravi opera tua, & expavi*. In consideratione huius amoris deficio, tabeo, mergor, & pereor. Deus sit factus homo? Deus sit factus homo? Hoc idem est, ac dicere, Rex factus est papilio. O pietatem, charitatem, clementiam, misericordiam, immò ferme dixerim insaniam, & stultitiam amoris. Mi Deus, tu Deus, utilissimū est nobis, quod te sciamus esse sapientem; nam si non esses sapiens, dico autem quod sis infinitus sapiens, dico, quod sis essentialiter, si non esses ipsa sapientia, nos causam, & ansam haberemus dicendi, quod in hoc opere eliceris quendam actum stultitiæ. Verū soli illi, qui tua mysteria sine ductu tui luminis considerant, talem actum imprudentē, stultū, & scandalosum, iudicant: *Iudeis scandalū. Gentibus stultitia*.

XIII. *Susceptu efficax*. Quod si unus è vobis in Consiliū advocaretur hac super re, quid ageretur? Ego credo, quod nullus vestrum eam suadere auderet; immò quilibet eam disuaderet, & nemo est, qui non talia attentatē à tali conamine abstinere studeret; & diceret: Quid ad te homines vilissimi, vermiculi terræ? An te discrimini exhibere debeas si sint probi, si improbi? An ululus se vexet, nū pyraustis bene, vel male sit? Tu qui ipsamet es caritas, adeo omnis materiæ expertus, adeo magnus, potēs, infinitus, immensus, ut nulli indigeas, qui



qui nil ab hominibus expectandum habes, qui nil aliud sperare potes, quam ingratitude monstruosas. An tu velis illis fieri similis, & eorum vitam in omnibus probare? An non horreas viscera unius Virginis? An vilitates infantiae tibi non sint in abominatione? An non incurras infamiam illius, qui agitur in furcam? Tu tuae maiestatis injurius, tu tuam dignitatem vili facies, tu omnium fabula eris. Verum, quid haec omnia efficient? Quod si omnes Angeli ei hanc rem diluaderent, quod si ejus nobilitas, ejus sapientia, ejus puritas, ejus sanctitas, & omnia alia attributa eum ab hac abstertere conarentur; tamen ejus amor eloquentior, potentior, victoriosior, efficacior, hoc ei negotium magis per suum facerent. *Suasus efficax.*

## CONCLUSIO.

*Expenduntur, & applicantur eadem verba Bernardi.*

XIV. **A** Morit triumphat de Deo. An ergo de nobis non triumphet? Quod si tantum valuit in creatore, an in creatura nil possit? *Apparuit.* Post probationes adeo validas, post testimonia adeo evidenter, an nos in dubium possumus trahere ejus amorem? *Sic Deus dilexit mundum, sic Deus dilexit.* Post talem excessum, & effectum amoris, an nos eum non redamemus? *Si amare pigebat, redamare non pigeat.* Quod si nos prius eum non amemus, ne quæso tardifimus, & pigri in eo redamando. Quales non exprobrationes sustinebitis in ejus judicio? Qualem confusionem, & ruborem non habebitis in ejus praesentia? Qualem non habebitis ruborem coram ejus Angelis, dum vobis ostend-

det, quod quamvis fuerit plenitudo omnis esse, thesaurus, & oceanus omnis boni, nihilominus illa omnia exposuerit in bonum vestrum & pro vobis? *Plenitudo effusa est, exhausta semetipsum.* Qualem non subibis confusionem, dum tu non obstantibus omnibus his nolueris bonam eleemosynam extrahere ex tua bursa, ut ejus sublevares necessitatem, ut ex tuis granariis parum auferres frumenti, ut eum sustentares, ex tuis seriniis aliquod linteamen, quo tegantur ejus membra, ne corroderentur à verminibus, ex tuo ore nonnulla verba instructivorum, & compassionis, ut eum in suis ærumnis consolares.

Dum tibi ostenderet, quod non obstante, quod fuerit altitudo, & excellentia suprema, ille se tamen depressit usque ad infirmitates tuae naturae, usque ad debilitates tuae infantiae, ad obedientiam, & subjectionem unius puellae, ad nihilum creaturae; *Altitudo adaequata est;* Quomodo potuit fieri, ut tu non subjeceris te iussionibus tuae matris, ut non reconciliaris te illi, qui te offendit, ut non obedieris tuo Domino, ut illi irreverenter responderis? Tu vilissima ancilla, quæ deberes humiliari vili tua conditione, quam non confusionem habebis, cum Deus tibi ostenderet, quod cum ipse fuerit unicus nullum habens parem incomparabilis in cunctis suis perfectionibus infinite diffusus, immò supra omnem esse creatum, ex eminentia suae conditionis tuam naturam participem fecerit omnium suarum perfectionum, eamque elevarit ad suum solium, assumpsit ad suam gloriam, ad suum caelum exaltavit, suam unierit Divinitati; *Singularitas associata est,* quomodo ergo tu velis ut nemo tibi par sit, quomodo te adurit invidia, ira concitat, si ali-



aliquis parumper excedat illam præminentiam, & singularitatem, quam tu prætendis in pulchritudine corporis, dotibus animi, pompâ vestium, & aliis excellentiis imaginariis, & prætensis? Quando tibi sub oculos ponet quod ejus amor erga te tam potens fuerit, ut eum oblivisci fecerit propriarum eminentiarum, & contemnere prærogativas proprias? *Amor dignitatis nescius*, ita vero ejus sanctam voluntatē cōculcaris tam nautici duxeris, ac si esset stramen in quo cubant animalia, ejus mandata pedibus conculcaveris, omnes leges tam Divinas, quam humanas violaris, ut te ditares, elevares, & sublimares? Ejus amor prote fuit tam dives in misericordia, *Dignatione dives*, ut omnes tuas misérias sibi desponsarit. Quod si decumbas in Xenodochio, & aliquis Eques, aut Dynasta te visitaret, is sane magnum suum amorem erga te contestaretur, quod si ploreret, & aliquis hoc videat, dicet, en qualem pietatem, qualem affectum, qualem misericordiam habet, erga eum. *Ecce quomodo diligebat eum.* At enim verò, si ex condolentia erga te, si ex pietate, condolentia, sympathia, charitate erga te morbum contraheret, an aliquis id crederet? O qualem excessum!

Verbum Divinum non solum assumpsit insignia, formam exteriorē, & apparentiam nostrarum vilitatum, sed assumpsit eas verè, essentialiter, realiter, fuit verus homo, verus puer, re ipsa mortalis, passibilis, subiectus tempori, ejusque injuriis. Dum tibi ostendit hunc amorem, tibi que objiciet, quod nec unum actum amoris dignatus sis erga eum exercere, visitando eum in carcere, hospitali, viciniâ, quod nolveris

incidere venam illi misello, illius expedire negotia, amore illius porrigere supplicam. Quid ipsi respondebis?

*Affectu potens, suasu, efficax.* Ille tanta molitus est, & fecit ex potentia sui amoris, & ad ejus persuasionem, an ergo nos nihil ex amore erga eum, & erga nos faciamus? Profectò, profectò charissimi Auditores salutem non obtinebitis, nisi vim vobis inferatis ad minus aliquando, adminus in quibusdam occasionibus, nempe dum de eo agitur, ut vos avellatis à creatura, quæ vobis est, lapis scandalii, ut dometis aliquam vitam passionem, ut magnam condonetis injuriam, ut hereditatem restituatis, ut deferatis beneficium, vel officium, illam domum, in qua non potestis, salvari, ut opus aliquod arduum in ejus honorem aggrediamini: *Violenti rapiunt illud.* Quædam anima devota, miri ante paucos dies dixit, ego miraculosè à quodam gravi morbo sanatus sum in Ecclesia Deiparæ, adeo devinctus sum sacratissimæ Virgini, ut quamvis diu, noctuque genua flecterem, ut ei gratias agerem, attamen dignas rependere non possem. Hæc verba cum audivissem, statim ab iis meus animus excitatus, & motus est, ut consideraret beneficium, quod nobis præstitit Iesus. Et quid hoc est, quod aliquis miraculosè curatus sit à quodam morbo transitorio, quæ tamen curatio nil constituit Virgini, si componatur liberationi, quâ quis liberatus est per exinanitionem, & humiliationem Dei? Quod si sciremus quid sit Deus, & quid egerit pro nobis, dum factus est homo, nos quotidie optaremus discerpi in mille partes ex ejus amore; Nos optaremus,

ut cen-



ut centrum mundi infinities esset profundius, quam modo sit, & nos continuo postrati jaceremus, ut mysterium Incarnationis adoraremus.

Quæso vos, charissimi Auditores, honoremus illud frequenter, nisi velim⁹ esse monstra ingratitudinis. Ad minus quotidie semel constituto tempore illud veneremur, & adoremus Patrem æternum, eò quod aperuerit viscera suæ misericordiæ, ut nobis daret suum dilectissimum Filium, speculum suæ complacentiæ, objectum sui tenerrimi amoris. Adoremus Filium Dei, qui se amore nostri annihilavit ad nihilum nostræ naturæ. Adoremus Sanctum Spi-

ritum, qui hoc mysterium ineffabile ex bonitate incomprehensibili operatus est, & dicamus cum devoto Fundatore Congregationis Oratorii. Magne Deus, Pater æterne, Pater misericordiæ, tu voluisti, ut tuus unicus Filius, qui ab æterno Deus fuit in sinu tuo, amore nostri homo sit per totam æternitatem, concede nobis illum favorem, illam gratiam, ut incessanter hanc divinißimam, & ineffabilem vitam Verbi in humanitate, & humanitatem in tuo Verbo adoremus, ut hic simus animati ejus Spiritu, & aliquando ejus gratißimo vultu perfrvamur in calo,

Amen.

## SERMO TRIGESIMUS PRIMUS.

Pro Dominica tertia post Pentecosten.

De iniuriis, quas peccatum irrogat homini Deo.

*Dico vobis gaudium erit in calo super uno peccatore poenitentiam agente Luca 15.*

### EXORDIUM.

**Q**uod si contingat aliquem Regē omnibus suis bonis spoliatum, è regno suo expulsum, à subditis inhonoratum ad regnum redire, nullus explicare potest, quantis tripudiis, quantis festivis gaudiis soleat recipi, si regno suo restitatur, & in Residentiæ suæ loco cum redeat, Cives in armis ei obvii procedunt, tormentorum bellicorum explosione salutatur, consules urbis ei claves civitatis tradunt, campanæ pulsantur, ignes festivi excitantur, & nemo est, qui Regi redeunti non applaudat, ei non gratuletur, & suum gaudium de ejus reditu contestetur. Hocce sæculo

hujus rei exemplum audivimus in Rege Angliæ. Christus Salvator noster est Rex Regum, & Dominus Dominantium; peccator per sua peccata ei gravissimas injurias infert, eum opibus suis spoliatur, eum pellit è domo sua, eum inhonorat, dum itaque hodie peccatores ad eum accedunt, eumque inuitant, ut in domum suam revertatur, Angeli in calo ei applaudunt, illi congratulantur &c. Quomodo porrò peccator hæc omnia per peccatum præstet Christo, ostenditur hoc sermone.

*Quare me persequeris? Act. 9.*

P P

I. Vc.



I. Veluti mysterium Incarnationis est maximum beneficium, quod à misericordia Divina recepimus, ita ingratitude, quam peccatum committit contra gratiā adeo preciosam, est una ex enormioribus, sceleratioribus offensis, quas aliquis possit imaginari. Heri tempus non permisit, ut hanc veritatem satis prolixè dilatarem; hodie id mihi incumbit, unde vobis ostendam horribiles injurias, quas peccatum mortale adorandissimæ maiestati Homini Dei irrogat, & quidem primo, quod destruat eius opes, secundo, quod è domo pellat, tertio, quod eum inhonoret, quarto quod eum crucifigat.

2. Regum.  
14. v. 7.

Sapiens illa Thecuitis parabolicè loquebatur Regi David, eosque accusabat, qui unicum suum filium occidere volebant. *Quarant*, inquit, *extinguere scintillam meam*. O sancta, & Benedicta Virgo, tu idem conqueri potes de peccatoribus. Tuus amantissimus Filius est tua gloria, tuus oculus, tuus thesaurus, & unicum tuum refugium, peccatum mortale eum occidere vult. An Filius possit offendi, & non mater? An pupilla tui oculi possit lædi, & cor tuorum viscerum, & tibi atrox dolor nō affligatur. Evidens itaque est, quod tu valde optes, urgeas, magnum ostendas zelum, tuā multum interfit, ut hoc monstrum è mundo proscribatur. Id ego hodie conari debeo, adiutus gratiā tui Filii, quē te mediante imploro, dicēdo, *Ave Maria*.

## IDEA SERMONIS.

### EXORDIUM.

*Peccatū destruit opes Christi, eum expellit è domo sua, eum inhonorat, crucifigit.*

II. *Tendit adversus Deum manum suam, & contra omnipotentem roboratus est. Cucurrit adversus eum erecto collo, & pingui cervice armatus est. Job. 15. vers. 25.* Bone Deus, quis est adeo præsumptuosus, temerarius, impudens, desperatus, qui audeat bellum indicere tuæ infinitissimæ, adorandissimæ, amabilissimæ, ac venerandissimæ maiestati? Quis sit gigas adeo temerarius, qui audeat, cælum ascendere, illud expugnare, Deumque è suo solio pellere? Quis sit brutus adeo bestialis, & stolidus, qui audeat conspiciare contra suum benefactorem? Quis sit Semei adeo arrogans, qui irrideat lum principem legitimum? Quis sit paricida Absalom, qui contra suum bonū Patrem insurgat? Quis sit canis furiosus, qui suam rabiem evomat contra suum herum? Peccator. Christianus, Auditores, qui est adeo temerarius, ut audeat patrare peccatum mortale. Contra eum Iesus, propriè potest conqueri: *Quare me persequeris?* Ille in Christo quidquid potest persequitur, ille atrocissimas inimicitias contra eum exercet, ille hostilitates impudentissimas, quæ exerceri possunt contra eum ostendit, ille eius opes destruit, eum è domo sua pellit, ille honorem eius aufert, ille insidiatur eius vitæ, & eum occidit. An non hæ sunt furiosæ persecutiones?

### PUNCTUM PRIMVM.

*Opes Christi, quas peccatum destruit, sunt thesauri gratiæ, quod probatur primo scriptura, secundo Patribus, tertio ratione.*

III. *D*ivitiæ Filii Dei sunt thesauri gratiarum ejus. Hinc inquit Apostolus



Ephes. 1.  
v. 7.  
Ephes. 2.  
v. 7.

Stolus ad Ephesios Nostri debita sunt soluta per divitias gratiarum eius: *secundum divitias gratiarum eius*. Et capite sequenti: *Ut ostenderet in seculis supervenientibus abundantes divitias gratia sua*. Peccatum mortale omnes hos thesauros destruit. Hæreticus quidam nomine Marcion, qui vixit secundo sæculo, asseruit duos dari Deos, unum, qui se occupat producendo bona, & alium, qui in id est tantum, ut producat mala. Absurdissimus hic fuit error; sed supponamus quod ita sit, & quod Deus auctor mali, non sit amplius Deus, sed Dæmon aliquis verus, qui æque possit producere malum, ac verus Deus bonum, & quod per extremam malitiam extinguat solem, Lunam, & stellas, diffingat, & comminuat globos cælestes, mutet elementa, evellat omnes arbores, omnes naves in mari submergat, occidat omnia animalia, totam invertat terram, destruat, & annihilat totam naturam, nonne maximum irrogaret damnum? Nonne horrendæ eaderet stragem? Quinimmo. Attamen hoc tibi certò certius persuasum habeas, quod illud damnum, ac strages sit tam gravis, ac est damnum, ac strages, quam edit peccatum mortale. Et hoc quidè adeo certum est per principia fidei, & rationem, ut hoc in scholis in dubium non trahatur, sed velut veritas constans, & indubitata ab omnibus admittatur.

IV. Sanctus Thomas Theologiæ magister ita in terminis expressè docet. *Bonum universi est majus, quam bonum particulare unius, si accipiat utrumque in eodem genere; sed bonum gratia unius majus est, quam bonum nature totius universi.* Tu hoc non credis, quia so-

lum ducis sensibus, & imaginatione, & non fide, ac ratione. Quod si infans aliquis amisisset, vel comunisset unum adamantem, & ei dicas, quod maius damnum caussarit, quam corrupisset, aut in fluvium projecisset omnia poma, quæ vaneunt in foro. hoc non crederet, & habebis agere ut ei hoc persuadeas, quamvis iures, & in testes adhibeas omnes vicinos, attamen eum non convinces, & putabit, quod totus mundus fallatur, cum tamen ipse decipiatur. *Vt quoque parvuli diligunt infantiam?* Tu es puer, tu ob unicam phantasiam ludis gratiam Dei, ob unam voluptatem transitoriam, ob unicum fumum honoris. Tibi dicitur, quod amissio unius gradus gratiæ sit maior iactura, quam si quis cælum, & terram annihilaret; *Quod si huius rationem*, eò quod minimum bonum superioris ordinis sit grandius, nobilius, excellentius, pretiosius, quam omnia bona ordinis inferioris.

V. Tu hoc quidem non credis, interim verissimum est. Vnicum solum peccatū mortale, quantumvis sit parvū, non solum destruit unicum tantum gradum gratiæ, sed omnes thesauros gratiarum, qui in anima reperiuntur, quantumvis sint magnæ, & multæ. Et quamvis in illa anima conservatæ forent omnes gratiæ, quæ sunt in Apostolis, in Seraphinis, vel matre Dei, attamen unicum peccatum mortale omnes illas dissipat, & annullat. O horribilem iacturam, damnum, destructionem, perditionem naufragium, annihilationem! O Mi Deus, & qualè ingratitudinē præternaturale, erga te non committimus? Profectò jure æquissimo contra nos conqueri potes, *Re-tribuebant mihi mala pro bonis, & odium*



*pro dilectione.* Tu jacturam nostram adeo cordi sumis, tu adeo sollicitus es, ut nostrum bonum conserves, tu adeo zelas omnia illa, quæ nos concernunt, tu omnibus sub pœna inferni veras, non solum, ne nos damno afficiant, nostra perant, abripiant, sed & ne concupiscant nostra prædia, agros, domos, bestias, aut quidquid nostrum est. *Non concupisces uxorem proximi tui, non domum &c.* Et tamen ob nostram voluptatem, ob pauxillum argenti destruimus tuas opes inæstimabiles, thesauros pretiosos gratiarum tuarum, thesauros, inquam, qui tam carè tibi constiterunt.

#### PVNCTVM SECVNDVM.

*Peccatum pellit Christum è domo sua, quam hoc sit illi injuriosum, probatur ex amore illius erga animam justam, primò scripturâ, secundò Patribus, tertio ratione, quarto comparatione.*

*Isaia. 60.* VI, **D**Eus loquens apud Isaiam quib⁹ dâ Israelitis, qui Deo templum basilicū, & magnificū ædificare, volebāt, nec tamen in minimo à suis peccatis desisteabant, hæc dixit: *Quæ est ista domus, quam ædificabitis mihi? Et quis est iste locus quietis meæ? Ad quæ respiciam, nisi ad pauperculum & contritum Spiritu, & tremorem sermones meos?* An putetis, quod incolam templum materiale ex lapidibus, & lignis extructum? Nil materiale est adeo pretiosum, & opulentū, quod possit oculos meos rapere, & esse objectum meæ complacentiæ. Templum, in quo libenter habito, est conscientia pura, & munda anima, quæ me timet, & meas leges observat. Theologia docet, & scriptura nos obligat, ut credamus, quod majestas Divina modo quodâ particulari habitet in anima justi, & quod hæc ab eo inhabitetur nō solum per gratiā, & ejus

donâ, sed etiam per essentiam, & in propria persona. *Si quis diligit me* inquit Salvator, *Pater meus diliget eum, & ad eum veniemus, & mansionem apud eum faciemus.* Et Sanctus Paulus: *Spiritus Dei habitat in vobis.* Et dilectus Christi Discipulus: *Qui manet in charitate in Deo manet, & Deus in eo.* Et iterum sanctus Paulus: *Charitas Dei diffusa est in cordibus nostris per spiritum sanctum, qui datus est nobis.* Ille distinguit charitatem à sancto spiritu, & dicit quod ambo nobis communcentur, & quod Deus in nobis habitet adeo necessariò, ut juxta sanctum Thomam, supposito per impossibile, quod non esset ubique per suam imensitatem, sed solum esset in aliquo loco particulari, ille eum deserturus esset, ut veniret ad animam, quæ est in ejus gratia, & tam diu in illa demorabitur, quam diu gratia in illa conservabitur, adeo gratia.

VII. Sanctus Augustinus, & alii Patres docent, quod Deus sit anima nostræ animæ, hoc est, quod id sit in animabus nostris, quod anima est in corpore. Animæ nil gratius est, quam quod sit in suo corpore, illi det vitam, motus, sensationes, hoc est illi naturale, sicut gravibus centrum terræ naturale est, Quod si Deus illam collocaret in uno adamante, in una stella, in sole, illa nec in minimo quietaretur, sed esset in statu violento, & appeteret reunionem cum corpore. Et hoc adeo verum est, ut doceant sanctus Augustinus, & Thomas, quod animæ beatæ appetant rursus uniri suis corporib⁹, hoc tam ardentem, ut si aliquid eam posset affligere in tanta abundantia, & plenitudine omnium bonorum, id foret separatio à suo corpore, quod est ejus locus, & centrum quietis. Idem est in Deo re-

specu

Ioann. 14.

1. Cor. 3.

v. 16.

1. Ioann. 4.

v. 16.

Rom. 1. v. 5

Lib. 13.

de civit

Cap. 13.

Lib.  
Gen.  
35. 1  
qua  
ia a  
D, l  
Iust  
Lib.  
eipl  
perf  
ligio



respectu animarum nostrarum, nam si ab aliquo extra se, posset affici quapiam voluptate, quapiam delectatione, illam acciperet ab anima iusti.

VIII. Templum Salomonis, de quo dicit: *Erunt oculi mei, & cor meum tibi, cælum empyreum de quo ait: Cælum mihi sedes est*, non est locus adeo ei delicioſus, quam sit anima iusti. Porro, ut cognoscamus voluptatem, quam haurit ex hac habitatione, oportet videre, quam violententer resistat, ne ex illa pellatur, & considerare, quod nunquam ex illa discedat, nisi cum magno cruciatu, ac si in corpore suo læderetur, si fas sit ita loqui. Supponamus, quod aliquis princeps velit divertere in domo tua humili, tu es valde incivilis, in urbanus, rusticus, iur nec in minimo eius adventum esse, & tu non diu cum illo agas, tu per diem non multum cum eo converſeris, preceris ipsi solum manē felicem diem, & vesperi felicem noctem, tu plura facias, quæ illi displicent, & facias actiones, quæ eū lædunt, & quod si his non obstantibus, si diutius in domo tua cōmōretur, & iam asvetus sit tuis inurbanitatibus, non discederet, quousque eum aggredereſ, & diceret, abi hinc, nil hic agendum habes, quid diceretur, quid cogitaretur? An nō diceret, quod aliquis esset in illa domo, qui eius amorem fascinaret, qui eius cor rapuisset, & possideret? Quando legitimam instituis confessionem, Deus in tuam animā intrat, veluti in suum sanctuarium, tu verò non admittis eum gratanter, tu non diu illum detines, tu rarò de eo cogitas, tu brevissimè cum eo loqueris, tu eum solum relinquis absq; omni conversatione tu mane, & vesperi brevissimam ad eū fundis orationem, milenas petitiones, quas à te per inspirati-

ones rogat, denegas, tu per peccata venialia eius spiritum offendis, tu per mille mendacia levia eum lædis tu per mille verba otiosa, vanos affectus eum irritas; & tamen ille non discedit, donec violententer per peccatum mortale, quod est incompatible cum ipso, eum eiicias. Et quale est hoc indicium? Quod valde amet hanc domum, quod in ea sint valida fascina, & fortes remora, quæ eum non obstantibus tot indignitatibus, & irreverentiis detineant. Moyses dixit ad Iudæos: *En Domini Dei tui cælum est, & cælum cali, terra, & omnia, quæ in ea sunt, & tamen Patribus tuis conglutinatusest, & adamavit eos*. Notate hoc verbum; *Conglutinatus*, nam significat arcum quoddam ligamen, amorem ardentem, & passionatum, perfectam amicitiam, sicut quando dicitur, *Anima Ionathæ erat conglutinata anima David*, Deus per affectum se tibi colligat, conglutinat, & animæ tuæ adhæret. quando es in statu gratiæ. Ex hoc porro consequitur, quod dum te separas ab eo per peccatum mortale non sine dolore eum dissolvas, & violentiam, ac vim ei inferas, ipsumque summo mœrore afficias, & iniuriam extremam ei irroges, dum eum expellis è domo adeo ab ipso exoptatâ, & hoc ut inimicum eius iuratum intra eandem admittas, & cogis eum, ut in has querelas prorumpat. *Reliqui domum meam, dimisi hereditatem meam, dedi dilectam animam meam in manus inimicorum ejus.*

IX. Et hic mihi videor videre Davidem, quando declinavit persecutionem Absalom. Spectaculum profectò dignū compassione fuit, videre illum Monarcham innocentissimum exigua stipatum cater-

Deut. 10.

Jerem. 12.  
v. 7.

Ioann. 14.

1. Cor. 3.

v. 16.

1. Ioann. 4.

v. 16.

Rom. 1. v. 5

ib. 13.

e civit

ap. 13.

Lib. 11. in  
Gen. Cap.  
31. 12.  
quaest. quar  
ta art. 5.  
D. Laurēt  
Iustinian  
Lib. de dis  
ciplina, &  
perfecti Re  
ligion. c. 4.



1. Regum.  
15. v. 16.

catervâ è suo palatio, & urbe Regali discedere nudipedem, oculis manantibus lacrymas, facie tectum, ut pudorem cõceptum ob injuriam obtegeret, quâ affectus erat, suspirantem, & gementē, per montes & colles oberrantem, intra cavernas deserti se abdentem, & hoc, ut persecutionem proprii filii, quem velut pupillam oculi diligebat, fugeret. *David ascendebat olivum olivarum stans, nudis pedibus incedens, & aperto capite.*

Et sane injuria illa nil est, si componatur injuriæ, quam tu irrogas Filio Dei, tu eum cogis, ut discedat è tua anima, quam ornavit, illustravit, ditavit, ut esset ejus domus deliciosa, ejus hortus voluptatis, ejus Regia, templum, Sanctuarium, summam reputat confusionem, & infamiam sibi inuri, quod in præsentia suorum Angelorum ejiciatur è habitaculo, quod ad eum pertinet, & hoc ut admittatur intra illud hostis ejus jurat°, tali domo indignus. Potest exprobando dicere. Expugnarunt me gratis.

PUNCTUM TERTIUM  
*Peccatum inhonorat Christum,  
probatur primo scripturâ, secundo  
Patribus, tertio rationibus.*

JOANN. 8. X. **P**Otest id tibi objicere, quod objicit scribis, & Pharisæis. *Ego honorifico patrē, & vos inhonorastis me.* Potest tibi id exprobrare, quod olim exprobravit Judæis; per vos nomen meum blasphematur in gentibus, quia errores, Discipuli, imputantur Magistro; famularum, vita prava cedit in infamiam Dominarum.

X. *Patitur, inquit salvanus, in suis Christus opprobrium, patitur in nobis lex Christiana maledictum.* Historiæ Eccle-

siasticæ recensent, quod tempore Imperatoris Constantii Thebis præsidarium egerit, adolescens quidam nomine Pachomius. Christiani vicini incredibili liberalitate commentum, & annonam præsidio pagano subministrarunt, quod cum Pachomius demiraretur, interrogavit, an essent Christiani, cui cū esset responsum, quod adorarent Iesum Christum tanquam eorum Deum, subiuntulit exploratissimū ex hoc esse, quod sit verus Deus, cum eos adeo bonos, charitativos, & liberales redderet, & hac reflexione conversus est ad fidē, & in magnū sanctum evasit. *Christi bonus odor sumus.*

XI. At enim verò hodie totum contrarium evenit. Demus, quod aliquis Turca, vel alius infidelis in sua patria, audiat mentionem injici de Christianis, & quærat quales sint, eique dicatur, quod sint populus, qui Iesum Christum agnoscit, anquam fundatorem suæ Religionis, qui illis formam vitæ præscripsit, quam sequi debent, qui eos obligavit ad imitationem exemplorū, quæ illis monstravit, & ut viam ambularent, quā ipsis ostendit. Quod si contingat hunc Turcam ad partes pervenire Christianorum, videre mores, & vitam Christianorum, quid diceret? Quid cogitaret? Nosse haberet ansam dicendi, conclusissimū esse, quod Christus debuerit homo esse ambitiosissimus, avarissimus, lascivissimus, intemperantissimus, impatientissimus, vindicatissimus, & vitiosissim° omniū, qui unquam vixerunt in mundo, cū ejus Discipuli, quibus præscripsit normā vivendi, qui profitentur se honorare, & sequi ejus doctrinam, imitari ejus exempla, sint adeo superbi, adeo bonis terrenis affixi, adeo impudici, ebriosi, in ho-



nesti in verbis, prompti ad vindictam? Nonne meritò inferret eos talia vitia ab ipso edoctos, taliaque exempla eum illis præbuisse. Vide quomodo per vitam tuam pravam Filium Dei inhonores.

XII. Præterea in causa es, quod Diabolus eum inhonoret, ei insultet, ei iniurietur, & sese jactet, quod in tuo corde ei præferatur, & dicat: O prælustrem Dominum! Bene tibi est habere tales vasallos. Christiani vocantur tui Discipuli; & tamen a mea parte sunt, profitentur, quod sint tui servi, & tamen sunt mea mancipia, notant se signo tuæ crucis, & sub meo labaro militant, tuo charactere sunt insigniti, & mea insignia gestamina portant, tu habes dominium, ego vero dominationem; tu habes proprietatem, ego possessionem, profitentur tuam fidem, sed obediunt meis mandatis; os tibi byssinis verbis obliniunt, & aureos montes spondent, & mihi pensitant serviitiū, ut tanta moliris, & adhibes, ut animas has tibi devincias, tu illas suaviaris, tu illas demulces, tu earum humores, & inclinationes expiscaris, ut eas obsideas, & eas expugnes in ea parte, in quā sunt subijcibiles. Tu adhibes clementiam, rigores, suaviationes, ætūnas, promissiones, minas, supplicia, præmia, & frustra. Ego horum nil adhibeo, & intento fruor, ego solum adhibeo unam puellam vanam, & leuem, unam massam argenti, prandium, cœnam lautam, & cor, & affectionem harum animarum lucror. Tu in causa es, quod Dæmon hoc modo inhonoret Filium Dei, eumque irrideat, & quod sese jactet dicendo: *Prævalui adversus*

*eum.*

# PUNCTVM QVARTVM.

*Peccatum crucifigit Christum, probatur primò scriptura, secundo comparationibus, tertio exhortatione ad fugam peccati, cujus malitia preponderat bonitati omnium bonorum operum tam nostrorum, quam omnium sanctorum.*

XIII. **A** Tenim verò quidquid hucusque diximus nihil est respectu quartæ, & ultimæ læsionis, quā peccatū nimirum directè crucifigit Salvatorem, & conatur eum occidere. Ille deplorat per Prophetam, ille nos certos reddit per suum Apostolum. Apud Malachiā loquens de iis, qui defraudant decimas, & alias oblationes mandatas in lege, quod tamen non videtur crimen adeo esse enorme, dicit: *Si affliget homo Deum.* Hebræus substituit *Zaha*, id est *supplantavit, conculcavit, oppressit.* Quia vos configitis me, & dixistis, in quo configimus te? *In decimis, & in primitiis.* Sanctus Paulus insuper perstringens eos, qui Deum post baptismum offendunt, dicit: *Rursus crucifigentes in semetipsis Filium Dei.*

*Malach. 3.  
v. 8.  
Heb. 6. v. 6*

XIV. Hebræi asserunt, quod postquā Adam primā vice cognovisset clare suum delictum, illud acerbius deploravit in morte sui Filii Abel, dum enim vidisset hunc juvenem gratiosissimum proprio cruore tinctum, vivum colorem genarum ejus deformatum, oculos, qui antea velut duo carbunculi scintillabant extinctos; & mortuos, elegantem illum vultum deformatum, & horribilē redditū per vulnera, & plagas, ac mortē instantē, porro ad tale spectaculū adeo fuit consternatus, & commotus, ut animus ei defecerit, dumq; consideraret, quod ipse fuerit causa talis infortunii, quodq; per



per obedientiam suam mortem intro-  
duxerit in mundum, lacrymas fudit u-  
beres, & pœnitentiam rigorosiorē,  
quam antè facere decrevit.

Quando intramus Ecclesiam, & vide-  
mus Crucifixum adeo deformatum, suo  
sanguine miseralibiter tinctum, spinis  
coronatum, oculis excavatis, genis pal-  
lidum, labris lividum, os amarore reple-  
tum, pedibus, & manibus terebratum;  
quomodo est possibile, ut audeamus  
patrare unum peccatum mortale, cum  
sciāmus, quod per illud ad talem statum  
sit reductus?

XV. Seneca loquens de crudelitate A-  
lexandri, qui occidit quendam sapientē,  
& celebrem Philosophum Callisthenem  
nomine, eò quod voluerit Alexandrum  
adorare, dixit: *Hoc est Alexandri crimen  
æternum, quod nulla virtus, nulla bellorum  
felicitas redimet; nam quoties quis dixerit,  
occidit Persarum multa millia, infinitas  
naves hostium undis merfit, imperium su-  
um usque ad Thracas extendit, opponitur  
& Callisthenem &c. omnia licet antiqua  
Ducum, Regumque exempla transferit,  
ex his, quæ fecit, nihil tam magnū erit, quā  
status Callisthenis.* Idem de vobis dici po-  
test, dum adeo remerarii estis, ut pecca-  
tum audeatis patrare mortale. Hujus  
memoria nunquā delebitur, nam nito-  
rem omnium bonorum operum, quæ  
unquam fecisti, obsuscabit, quod si di-  
catur te plures orphanos largis eleemo-  
synis sustentasse, qui alias fuissent mor-  
tui, etiam addetur, sed & occidit Filium  
Dei. Quod si nomen habeat quod sit vir  
æquisimus, quia majorum oppressio-  
ne plures viduas, & misellos Rusticos li-  
beravit, attamen videtur, quod injustè  
opprefferit, & Crucifixerit principem  
principum.

XVI. At enim verò, hæc vera sunt, &  
nimis vera, quod peccatum sit adeo gra-  
ve malū, tæ enormis in iustitia, ut æquari  
nequeat omnibus bonis operibus, quæ  
facta sunt, sive, & fient. Videte quæso,  
an ampullari debeamus ob aliquod bo-  
num à nobis factū, & an debeamus pec-  
catum mortale pei<sup>9</sup> angue fugere. Quod  
si in una lance ponatur iniuria, quam  
Deo irrogas ob unicum tantū peccatum  
mortale, & in alia honorem, quā eum af-  
ficis per omnia tua bona opera unquam  
à te in vita tua præstita, quamvis illa du-  
rasset non gentis annis, attamen inju-  
ria ejus pondus superaret, & valor om-  
nium tuorum bonorum operum nō est  
tantus, quantum malum est unicum tan-  
tum peccatum mortale; & Deus magis  
inhonoratur, magis læditur, magis  
offenditur per unicum tantum peccatū  
mortale, quantum honoretur, lætificetur,  
ministretur ei per omnia bona opera. Et  
hinc vides, quod nullum debeamus pa-  
trare peccatū mortale ex spe, & præten-  
sione alicujus boni inde secuturi, quan-  
tumvis magnum, & pretiosum sit. Et  
sanè stultissim<sup>9</sup> est hic discursus; Ego pe-  
jerabo, ut meus maritus confiteatur, &  
communicet. Præterea, ex hoc videm<sup>9</sup>,  
quod si sis in aliquo statu, aut vitæ cōdi-  
tione, in quo subinde laberis in quādā  
peccata mortalia, in quæ non laberis,  
si illā te expedires, prudenter agas, si il-  
lum statum deseras, quantumvis in illo  
aliquem fructum temporalem, vel spiri-  
tualem reportares. Huius rei exemplū  
nobis præbuit sanctus Paulus. Is maxi-  
mos fructus, si ullus unquam in Eccle-  
sia Dei retulit; ille centenas, & mille-  
nas animas Deo acquisivit, ille lumen  
Evangelicum inftar solis ubique dif-  
fudit, & amorem  
Filii

Seneca Lib.  
6. Natural  
quæst. 123.



fili Dei ubique innexit, attamen, si in domibus secularium, aliqua occasio se se ingereret patrandi quandoque aliquod peccatū mortale ex fragilitate humana, esto semel in anno, aut duobus annis, non obstante quod in illa functione sua magnos fructus faceret, attamen à functione sua, à prædicatione Evangelii, à conversione peccatorum, ab instruendis fidelibus prudenter desisteat, & se ab hominibus sequestrabat, & ita abhorruit peccatum, ut mallet nunquam prædicare, quam vel unum solum veniale committere.

Sanctus Ioannes Chrysostomus dicit; quod primum, & maximum bonum, quod facere possis in tua vita, sit, nullum patrare peccatum, & quod si aliquod patris peccatum mortale, sine periculo mendacii possis dicere; ego hodie plus mali feci, quam boni tota mea vita.

XVII. Ulterius pergo, & absq; hyperbole, sed maxima cum veritate dico, quod malitia peccati non possit æquare bonitatem omnia bonorum, quæ fecerunt omnes puræ creaturæ: Percurre omnes familias Christianas, quæ sunt in quatuor partibus mundi, viden omnia bona opera, quæ in illis fiunt, charitatem, elemosynas, meditationes, orationes laculatorias. Intra omnes Ecclesias catholicas, observa omnes devotiones, actus adorationum, amoris Dei, oblationes sui ipsius, gratiarum actiones. Transi per omnes conventus, & monasteria Religiosorum, & Religiosarum. Penetra fundum deserti, ut istres cellulas Carthusianorum, & aliorum Anachoretarum, conspice eorum pœnitentias, austerita-

tes, mortificationes, contemplationes, actus obedientiæ, paupertatis, castitatis. Intra Ecclesiam animarum, quæ expiantur flammis ultricibus, & vide quot non actus patientiæ, humilitatis, in voluntate Dei animæ illæ eliciant. Ascende Ecclesiam triumphantem, cælum empyreum, vide cohortes Patriarcharum, Prophetarum, Apostolorum, Martyrum, Confessorum, Virginum, omnium chororum Angelorum, Archangelorum, Cherubinorum, Seraphinorum, & aliorum spirituum Beatorum, vide, quot laudes Deo dicant, quot profundas humilitationes, adorationes, actus amoris, submissionum eius voluntati, zeli eius gloriæ eliciant.

Viden tandem chorum Mariæ virginis, in quo omnes actus devotio- num, virtutum reliquorum sanctorum sunt uniti, & in unum collecti, idque in excellentiori gradu, per omnes hos actus Deo non tribuitur tantum honoris, gaudii, servitii, quantum infamiæ, afflictiones, in obedientiæ per unicum peccatum mortale. Producat Deus centum mundos æque magnos, & populosos, quam sit noster mundus, immò plures producat mundos, quam sint folia arborum, grana frugum, arenæ, quam sint formicæ, culices, pisciculi, bestiolæ, & aliæ creaturæ omnium istorum mundorum; insuper, hæ creaturæ, habeant animam, quæ possit Deum cognoscere, & adorare, cor quod possit eum amare, os, quod laudare; demus quod numerus haud numerabilis creaturarum adorent Deum, tam humiliter eum amant, tam ferventer eum laudent, tam ex-



celleenter, ac altissimi seraphini, tamen maius damnum patitur, dum consentis peccato mortali, quam si eum omnibus adorationibus, laudibus, sanctis affectibus ab his creaturis illi exhibitis privares patitur. Et sane tantum nequit recipere honoris, quantum recipit inhonorationis ab unico tantum peccato lethali.

Et revera nil adeo facile est, quam quod hoc queat ostendi argumentis irrefragabilibus. Primum porro hoc sic ostendo. Honor, quem omnes sancti, & sancta sanctorum, & centum mille mundi Deo possunt exhibere, est honor finitus, & limitatus; inhonoratio autem, quæ ei fit per peccatum mortale est infinita, & in comprehensibilis. Secundo. Quamvis omnes sancti, & ipsa sancta sanctorum, & creaturæ centum mille mundorum Deo omnia servilia in satisfactionem unius tantum offerrent peccati mortalis; attamen adæquatè, & ex rigore iustitiæ non satisfacerent; peccatum vero mortale plus in honorat Deum, & eum offendit, quam omnia merita sanctorum eum possint honorare, ei que satisfacere.

Tertio quantumvis Deo pendas omnes illos honores, & servitia, quæ sancti ipsi possunt reddere; attamen infinitè minus, ei dares, quam deberes iuxta eius meritum; quando autem peccas mortaliter, infinitè plus satis, quam deberes.

Ratio porro præcipua, & fundamentalis huius veritatis est, quod ipsæmet circumstantiæ valde augeant malitiam iniuriæ, & pretio, ac valori servitii magnum pondus addant. Explico in iniuria, & servitio est spectanda dig-

nitas personæ, quæ honoratur, vel inhonoratur, vilitas personæ honorantis, vel in honorantis, distantia, impropertio, inæqualitas inter easdem, nam quod persona honorata est dignior, honorans verò vilior, eò honor est inferior. Hinc si Rex honoret alium Regem, hic honor æstimatur, & in pretio habetur. Si princeps honoret suum Regem, hic honor alicuius considerationis est, si autem eum honoret nobilis eius honor non tanti æstimatur, honor autem, quo eum officit Rusticus, quasi nihil curatur.

E contra, quod persona offensa est dignior, & offendens vilior eò iniuria est gravior, & supplicio dignior. Si unus Rex offendat alium, iam semen incitur belli, si princeps offendat Regem, hac offensa ille in currit, ad minus indignationem Regis, si eum offendat nobilis, is damnatur ad mortem, si Rusticus, is forcipitus discerpitur. Centum mille mundi collati Deo minus sunt, quam unus, Rusticus respectu Regis. Et quid tu es si componaris centum mille mundis? Quod si ergo centum mille mundi Deum honorent, hoc nil aliud est, quam si Rusticus honores suum regem. Et inde provenit, quod opera bona non mereantur paradysum, nisi accadat acceptatio Dei merè liberis, & processerit promissio, ac unita sint meritis Hominis Dei; E contra peccatum ex se, & ex sua malitia essentiali, & intrinseca promereatur infernum; cuius hoc unum signum est, quod non datur paradysus temporalis, sicut datur infernus temporalis, postea pargatorium. Explico me.

Quod siton bona opera elici-  
ses,



ses, quos elicit virgo, & omnes sancti, traduxisseque vitam magis pœnosam, quam Iob; attamen si commisisses unum peccatum mortale, & in eo deviveres, tu æternaliter damnareris, & opera tua nullo præmio afficerentur, quia nil mereretur, nisi quod Deus promissit; Deus autem illi, qui moritur in statu peccati mortalis nil promissit: *Si avertit se iustus à iustitia sua, & fecerit iniquitatem, omnes iustitiae eius, quas fecerat non recordabuntur.* E contra si discedas in statu gratiæ, nec tolveris pœnam peccatis debitam, in purgatorio debes satisfacere, antequam ad cælum admittaris.

Et ut verbo omnia dicam; cum Divina maiestas infinitè excedat creaturas, & omnes putæ creaturæ, quales cunq; sint, infinitè sint inferiores creatori, honor quem creaturæ pendunt Deo, quasi nihil est, & iniuria, quæ per peccatum Deum afficiunt est infinita, & summe mala.

Sanctus Petrus Chrysologus, dum animo volueret summas misérias, in quas per peccatum primi hominis sumus coniecti, voce singultiente, & gemente dixit: *O si tunc vel levís turbo aëre borem mortiferam deiecisset! O si nebula fumus illius mulieris tenebras, & aspectum. O si terra nubes lethalis pomi speciem castigasset. O si manus tangens inconcussa tremuisset. O si peccati diem tenebrasset nox iniusta.* Et tamen omnes effectus deplorandi, quos primum peccatum in nobis produxit, si componatur iniuriæ, quæ tibi irrogatur per unicum tantum peccatum mortale nihil sunt. O magnam, & infinitam maiestatem! profecto magnam ansam dicendi habeo in meis la-

mentationibus, ò utinam illa obiecta, quæ mihi fuerunt illicitum ad peccatum, nunquam fuissent in mundo. Utinam à mea nativitate, cæcus, surdus, & mutus. Utinam aliquis morbus salutis me privasset usu meorum sensuum, antequam eos ad peccatum applicarem. Utinam in pueritia fuisset rapus ex hoc mundo, & concessisset ad aliquod desertum remotissimum.

O vos felices adolescentes, ò vos felices puellæ, utinam agnosceres tuam felicitatem, dum adhuc habes ætatem, vires, commoditatem, te abdendi in claustro valde semoto à tumultibus mundanis, & sequestrato à conversationibus sæcularium. Et quam felicem aliquis non est nactus sortem, dum tantum occupatus est in præciis Divinis, & laborat in humili cellula exemptus periculis peccandi, in quibus contineo versantur mundani? Quod si tu scires, quid sit patiare peccatum, quantumvis ad evitandam damnationem necessariâ fugere ad Antipodes, tu non expectares diem crastinum, nec hodie vespere, sed statim te mari committeres, ac itinere te accingeres.

Conclusio per recapitulationem, & paraphrasin. Quare me persequeris?

XVIII. Ad vos itaque ò animæ peccatrices Filius Dei hanc querelam dirigit: *Quare me persequeris?* Tu mea bona turpius quam Turca diripis, tu me acerbius molestas in mea domo, quam Herodes, tu in honore me turpius lædis, quam Pilatus, tu in vita mea me crudelius torques, quam carnifex. Turca diripit, & deprædatur thesauros



meæ Ecclesiæ, tu vero in te per peccatū mortale destruis dona spiritus sancti, habitus super naturales, quas communicavit tuæ animæ in Sacramento Baptismatis thesauros pretiosissimos gratiæ sanctificantis, quos tibi infudit in aliis sacramentis, merita, & divitias spirituales, quas per bona opera in tuo opere corrogasti. Persequeris? Tu me persequeris in mea domo. Herodes me eiecit è Galilæa mea patria; sed vos me eiecitis è corde vestro, quod sanctificavi mihi in domum sempiternam, & in quā tam deliciosè habitarem, ac in cælo empyreo. Tu me persequeris in honore. Pilatus quidem me composuit, & æquiparavit Barrabæ, sed tu comparas mihi vilissimam creaturam, eamque mihi præfers. Tu persequeris meam personam, lictores tantum semel crucifixerunt, nec sciverunt, quid egerint, unicam, eamque vitam mortalem, passibilem, fluxibilem tantum mihi ademerunt, tu autem sæpius me Crucifigis, & cognoscis malum, quod facis, tu autem, & quidem me stupente insidiaris meæ vitæ Divinæ, immortalis, & impassibili.

*Persequeris me*, qui sum tuus supremus Dominus, tu velut Lucifer vis excutere omne iugum, & nemini subesse. *Me* tuum ultimum finem, tuum summum bonum. Tu vilipendis bonum infinitum, ut invenias tuam beatitudinem in creaturis, quæ nihil sunt. *Me* tuum legis latorem. Tu ex meis legibus stramen quod bestiis substernitur facis, ut tuis passionibus obedias. *Me* tuum iudicem Tu non curas meas promissio-

nes, minas, mea præmia, mea supplicia. *Me* tuum Patrem. Tu nec in minimo vereris me offendere, ac si nihil essem. *Me* tuum salvatorem. Tu me persequeris non obstante affectu tenerissimo, & amore feruentissimo, quem erga te in mysteriis meæ vitæ, & pœnis meæ mortis ostendi.

Et cur? *Quare me persequeris?* Quantumvis me persequendo posses obtinere vitam æternam, delicias, & divitias infinitas; attamen hoc facece non deberes, & tantū id facis ob pulverem terræ, ut spiritui gratificeris vindictæ, immo, ut voluptate fuaris bestiali. Peccatum est offensa contra Salvatorem adeo que iniusta, & irrationalis, ut nesciam, an quispiam queat satisfacere iustis querelis, quas facit, & illis verbis, quibus quædam magna sancta suam vitam finivit hunc discursū claudere cogor. Beata Magdalena de Pazzi Carmelitana, dum ultimæ lineæ esset admota, magna cum doloris contestatione vociferari cœpit, ego ex hoc discedo mundo, antequam possim, & potuerim comprehendere, quomodo una creatura velit offendere creatorem, & patrare peccatum mortale. Et ego descendendo ex hoc pulpito, nō potens mihi imaginari, quomodo una anima Christiana audeat destruere bona inestimabilia Filii Dei, eum eiecere è sua domo, eum infamare, & vitæ adeo sublimi insidiari, tam amabilem, & venerandam maiestatem crucifigere, à quo nos Deus

charissimi præservet,

Amen.



S E R M O XXXII.

PRO DOMINICA  
QVARTA POS PENTECOSTEN,

*Exi à me Domine, quia homo peccator sum Luca. 5.*

Peccatum est causa, quod Deus nos deferat, spernat, odio prosequatur.

E X O R D I U M.

**D**Um Petrus hæc verba proferret, narrat sacer Evangelista, quod non solum Petrus fuerit stupore defixus, sed & omnes alii. Et quamvis communiter asseratur, quod mirati sint ob illud miraculum, eò quod ceperint multitudinem piscium, cum tamen ipsi totâ nocte nihil cepissent; attamen ego ob aliam causam miror, quod nempe Petrus asserens se peccatorem, roget Christum, & quidem instanter, ut à se discedere velit; apparet enim quod Christus necdum satis à Petro agnitus fuerit, si enim fuisset ab eo agnitus, quod nimirum esset ipsa sanctitas, quæ non compatitur secum peccatum, sed quæ à peccatore se valde elongat, nõ fuisset necesse id petere à Christo, quia ex se discessisset. Id ego Auditores mei magis demiror, quam captam illam multitudinem piscium, quia mox ut homo peccatum committit, Deus eum deserit, Deus eum spernit, Deus eum odit, ita ut cum ipso manere non pos-

sit, uti Auctor hac concione ostendit.

*Qui faciunt peccatum, & iniquitatem  
hostes sunt animæ suæ. Tob. 12. v. 10.*

**I.** Horribiles persecutiones, quas peccatum mortale exercet contra supremam maiestatem Divinam, & ingratitude monstruosæ, quas committit contra eius beneficia inestimabilia. Iam efficaces, & sufficientes sunt, ut in nostro corde generent perfectam contritionem. Verum, ut hoc facilius obtineamus, congruit, ut scandalizemus per gradus, & scalâ, & conemur in nobis prius excitare contritionem imperfectam, considerando damna spiritualia, temporalia, æterna, quæ peccatum in nobis producit. Spiritualia porro possunt considerari vel in ordine ad nos ipsos, & ad alias creaturas. Hodie agemus de damnis, quæ in nobis causat respectu Dei, cras Deo iuvante de



de secundis, perendinâ die de primis. In hoc ergo discursu vobis ostendam, quod peccatum mortale primo sit causa, cur nos Deus deserat, secundo, cur nos spernat, tertio cur nos odio habeat, & abominetur.

Et quia tu ô Virgo sacratissima inter alios favores eximios, quos à Deo recepisti præcipuus est, quod adeo signanter sis præservata ab istis damnis, id eo in tuo sacro cantico hanc gratiam agnoscis, nam loquens de Dominio Dei, tu ipsum absolute vocas Dominum, sed loquens de beneficio Redemptionis, eum signanter appellas tuum Redemptorem: *salutarimco*. Ille modo plane singulari, & extraordinario te salvavit, ille quidem non liberavit te à peccato, sed ab illo præservavit, & hoc ut potentior fieres, & maiorem inclinationem haberes ad recipiendas missellas animas, quæ ad te confugiunt, ut nos humiliter facimus, dum prosternimur ante tuos pedes, & te salutamus cum Angelo dicendo. *Aue Maria*.

## IDEA SERMONIS.

*Deus peccatorem deserit, spernit, odit.*

### PUNTVM PRIMVM.

*Deserit, hæc derelictio est maior pœna, quam quævis temporalis. In ea continentur tres pœna, prima est privatio benevolentia Dei, secunda domi perseverantia, tertia augmenti gloria.*

*Oderunt peccare boni virtutis amore*

*Oderunt peccare mali formidine pœna.*

II. **A** Nima viles, & mercenaria solum cavent peccata timore, & quia misericordia Dei armat tuâ manum iustitiâ, ut eos intra limites suos contineat, & in observantia mandatorum ad minus servili. Uates oseas docet nos, quod fuerit à Deo ad suum populum missus, ut iis prædicaret, & depingeret afflictiones temporales, quas Deus solet immittere hominibus in pœnam peccatorum ab iis patratorum, iis prædicit bella, sterilitates agrorum, infecunditates uxorum, ignes, devastationes, abstractiones in servitutem, exilia, & proscriptiones. *Proiecit Israel bonum, inimicos persequetur eum, area, & torcular non pascet eos, da eis vuluam sine liberis, & ubera arentia. Mittam ignem in civitates eorum, revertetur Ephraim in Aegyptum, erunt vagi in nationibus.* Post hæc vero addidit: *Va cum recessero ab eis, vâ, vâ, illis hic alias minas addit, quæ in se continent præcedentes, nam minatur supplicium, quod merito plus timeere debemus, quam bellum, sterilitatem, incendia, captivitates, exilia. Va illis, Va illis cum recessero ab eis.*

*Oseas. 8. v. 9*

*In Psal.*

Hoc est primum vâ, quod anima, accipit à peccato mortali, quod nempe, sicut ipsa deserit Deum, ita Deus recipit eam deserat eam eam abiciat, repudiât, sua gratia eam privet. Ille per Ieremiam dixit ad Iudæos: *Vocavi, & non respondistis, & ego proiciam vos à facie mea.* Et idem vates in suis lamentationibus ait. *Proiciens repulisti nos; i.atus es contra nos vehementer.* Porro hæc repudia-

*Ierem. 7. v. 13.*

*Thren. 5. v. 22.*

tio



tio non fit per discessum, & elongationem corporalem, aut distantiam localem, sed per voluntatem iustissimam, & efficacem, quâ Deus nos privat suâ amicitia, effectibus suâ benevolentia, & pluribus gratiis, quas alias daret. Et hoc continet, & exprimit tria atrocita mala.

Et quidem primo, quam diu es in, statu peccati mortalis, es in Dei disgratia, hoc est, ille benigno te non notat oculo, ille tibi non bene vult, ille pro eo tempore nullum tibi bonum optat. Dico tibi, & pro eo statu; quia si tibi benefaciat, si te in vita conservet, si tibi bona largiatur temporalia, tibi immitat inspirationes, si te prosperitatibus repleat, hoc non facit ideo, quod te amet, quod illa sint pro te, pro tempore præsentis, sed pro eo tempore, quo sperat, quod te sis conversurus. *Omnis malus* inquit Augustinus, *aut ideo vivit, ut corrigatur, aut ideo vivit, ut per eum bonus exerceatur, & sic etiam loqui debemus, aut ideo vivit, regnat prosperatur.* Quod si Deus tibi benefaciat, quando es in statu peccati mortalis, hoc non est ex eo, quod tibi bene velit pro illo statu sed ut te emendes, vel sis induratus, ille tibi aliquis dona largitur ex amore alicuius animæ electæ; ut nimirum tuis opibus juves illum pauperulum Rusticum, ut exerceas patientiam, & virtutem illius misellæ viduæ, sicut chirurgus asseruat sanguis fugas, ut sanguinem corruptum extohat ex infirmo. Sanctus Thomas addit Deum conservare reprobos, iisque benefacere in servitium prædestinatorum, eo modo, quo equos, & alia animalia in eundem finem conservat.

IV. Secundo, antequam poenitentia vera deleat peccatum mortale quoad culpam, potest quandoque evenire, ut in hoc peccato concludatur decretum reprobationis, potest contingere, quod hoc peccatum sit semen, principium, primum initium tuæ damnationis. Ita nonnulli è margine citati, maxime Lessius asserunt id de peccato Penitus remisso, quoad culpam, & poenam æternam, ac temporalem. O mi Deus quam bone dixit tuus Propheta, quod sis; *Terribilis in conciliis super filios hominum, & nimis profunda facta sunt cogitationes tuæ, vir insipiens & stultus non intelligit;*

At enim verò, ut hanc rem declinemus, observare oportet, quod gratia sanctificans, quæ tibi dat ius ad vitam æternam, se solâ non conservetur; sed ut conservetur usque ad finem, & nos præservet à peccato finali, opus sit alia gratia, quam vocamus actualem, auxiliatricem, & protectricem. Gratia sanctificans infallibiliter convertitur per omnia Sacramenta Ecclesiæ omnibus dignè illa suscipientibus, & datur in intenso, vel remisso gradu, iuxta cuiuscunque dispositionem maiorem, vel minorem, quia alligata est Sacramentis, quæ sunt fontes, & statu origines immediatæ, & publicæ, toti mundo patentes.

Sed hæc gratia adiuvans solum datur iuxta beneplacitum Dei, & ut dicit Christus; *Spiritus ubi vult spirat, & S. Paulus: Vnicuique nostrum data est gratia secundum mensuram donationis Christi.* Et hinc omnes Doctores concludunt, & est articulus fidei à concilio Tridentino definitus, quod perseverantia finalis sit donum Dei, hoc est donum gratiæ

*vide Divinum Chrysostomum hom. 1. in Ezech. D. Thom. 1. 2. quest. 79. art. 1. Trigonum in summa Theol. quest. 18. art. 8. dub. 3. conclus. 3. Less. de peccato fecit Divinum lib. 13. c. 15. Ioann. 2. v. 6. Ephes. 4. v. 7.*



Trid. sess. 6.  
can. 2.

tuitum, favor singularis, & specialis: Si quis dixerit iustificatum sine speciali auxilio Dei in accepta iustitia perseverare posse anathema sit; cum enim, ut salvemur, oporteat resistere ultimæ tentationi, quæ nobis se ingeret ante mortem, hoc indigemus auxilio super naturali, illud venit à Deo, illud que largitur cui vult. Hoc supposito contingere potest, ut ob aliquod peccatum mortale, quod patras, Deus te privet illâ gratia particulari, & efficaci, & consequenter perseverantia finali, ac salute æterna: Et quamvis hoc peccatum, quoad culpam deleatur per veram pœnitentiam; attamen Deus non tenetur tibi hanc assistentiam gratuitam, & gratiam extra ordinariam, quam dat cui vult, largiri. Non dico, quod te privet omnibus auxiliis, sed hoc auxilium speciale, quod ab eius gratuita tantum voluntate dependet; & hanc gratiam tibi potest denegare iustissime, eò quod alias eum offendisti, & præcipuè per peccatum quoddam enorme, aut certum numerum peccatorum.

Tu verbi gratiâ committis scelus nefandum, seu bestialitatem aut peccatum quoddam contra naturam, tu horrendam crudelitatem patras erga viduas, aut orphanos, malitiam turpem, & diabolicam in Ecclesia, aut sacrilegium circa res sacras, evenire potest, ut eo ipso, quo tale patras, Deus tecum sic discurrat: O impudentiam, ò sacrilegium, ò barbariem! Nunquam hic porcus meæ assistet mensæ, nunquam hic lupo in ovili cælesti intra numerum ovium admitteretur, nunquam hic impius sanctuarium meum ingredietur, ut fruatur sancta sanctorum. In terra sanctos

rum iniqua gessit, non videbit gloriam Domini. Post hoc peccatum advenit Pascha, tu vadis ad confessionem, illud deletur per pœnitentiam, Deus tibi infundit gratiam sanctificantem, quæ alligatur infallibiliter Sacramentis, quæ eam disposito semper conferunt. At in hora mortis, aut alio tempore, in occasione urgente, postquam hoc peccatum commisisti, ille validam emittit tentationem, quæ te aggreditur, ubi alias te iuvisset, & succursu efficaci tibi suppetias tulisset, aut gratia extra ordinaria, & efficaci tibi subvenisset, ut resisteres, forsitan hoc non faciet ob peccata præterita.

Propheta Jeremias ait in suis lamentationibus: peccatum peccavit Jerusalem. Hæc repetitio denotat enorme peccatum, aut grandem numerum. Vatablus vertit: Graviter, & assidue peccavit, propterea instabilis facta est. Hebræus legit Nida, id est è longata: Anima Christiana patrat quoddam enorme peccatum, aut valde multa crimina, ideo Deus eam deserit, & ab illa se elongat; ob hanc desertionem fit inconstans in suis bonis propositis, & audacter in peccata relabitur.

V. Præterea: Hoc infortunium, quod incurrimus per peccatum, est adeo funestum, & deplorandum, ut per totam æternitatem; cum sit causa, quod habeamus minorem gloriam, beatitudinem, felicitatem, quam habuissimus, si non fuisset hæc miseria peccandi, nocivos effectus in cælo producat. Et ratio est evidens: Gratia actualis de quibus loquor non solum ideo dantur, ut resistamus tentationibus, & præservemur à lapsu, sed etiam ut nos exci-

Thren. 1.  
v. 8.



Thren. 1.  
v. 8.

existent, & iuvent ad eliciendos frequentius, & ferventius actus amoris Dei, ad practicandas virtutes heroicas, & magis excellentes, ut in perfectione Christiana magnum progressum faciamus. Porro, hactenus amoris ferventiores, hæc opera frequentiora, nobis obtinent augmentum gloriæ, & beatitudinis cælestis: *Præsentem vitam colimus, futuram serimus.* Quandoque autem contingit, ut ob peccatum quoddam remissum, Deus animæ non largiatur tot illustrationes, inspirationes, motiones, & occasiones benefaciendi.

Quod si ocellus aliquis, seu is, qui principi est gratissimas aliquam turpem prodicionem committat, quæ eius maiestatem graviter offendat; fieri quidem posset, ut princeps per suam clementiam, & misericordiam innatam ei ignoscat, & crimen condonet, sed tamen non ei amplius dabit media, favores, pensiones, officia, beneficia, quæ antea ei dedit, quibus fuit dotatus, promotus, elevatus nimium, & incomparabiliter, quam unquam fiet deinceps.

Verum enim verò, ut hanc veritatem adeo necessariam melius percipiamus, nos collaborare debemus, ut frequenter habeamus cogitationes, quibus frequenter concipiamus horrorem, & abominationem maximam contra peccatum, & effectus funestos, & quasi irremediabiles, quos producit. Quod si malo nostro alias quoddam commiserimus, debemus nos confundere ante Deum, & continuò in eius præsentia ambulare, in spiritu humilitatis, & contritionis, cum frequenter,

& ferventer rogare, ne nos privet gratiis, quas demeruimus, & quandoque, immò sæpe ad eum has eiaculari preces: *Ne reminiscaris Domine delicta mea. Ne repellas me à mandatis tuis: Spiritum sanctum tuum ne auferas à me. Ne derelinquas me, neque despicias me Deus salutaris meus.*

Tertio à proposito nos dare debemus, ieiuniis, precibus, elemosynis, ut mortificationibus, & aliis operibus pœnitentiæ, ut iustitiæ Divinæ satisfaciamus, ut non puniat nos iuxta meritum, & ne subtrahat nobis sua subsidia, & gratias particulares.

## PUNCTVM SECVNDVM.

*Deus peccatorem spernit, tanquam ignarum, infantem, stultum, bestiam, nihilum.*

VI. Anima ita gratis privata, & deserta à Deo, qui solus est gloria, & honor creaturarum, necessariò debet esse vilis, & in summo contemptibilis. Hinc eam irridet Abdias: *Contemptibilis est valde, Et cantor Regalis: Sprevisi omnes discedentes à mandatis tuis.* *Abdias verus. Psal. 113.* Similiter Assertor noster, loquens de peccatore, qui re sub parabola villici, asserit illum, qui bona prædii malè administrarat, apud suum Dominum accusatum, & diffamatum fuisse.

Tu adeo appetis, & zelus honorem, ad minimam vilipensionem commoveris, quod si aliquis, vel minimum signum edat, quod cedat in tuum aliqualem despectum, aut quo non contestetur suam de te existimationem, tu statim es in fermento, nec hoc sufferre potes, sed dicis: *Quid cogitas, quem me esse putas? Quod si hæc ita sentias,*

Rr

quid



quid non ageres, si totus mundus te contemneret? Et quid quæso est totus mundus collatus à Deo.

*Psal. 81.*

VII. Vis ne scire quid Deus de te sentiat, & quam existimationem de te habeat? ille iudicat te esse ignorantissimum, verum puerum, magnum stultum, stolidam bestiam, nec tantum hominem nihili, sed purum nihil. *Ne scierunt, neque intellexerunt, in tenebris ambulant.* Nil sciunt, inquit Psaltes, nullum habent intellectum, in tenebris, & in extrema ignorantia versantur. Sanctus Augustinus in suis confessionibus de se fatetur; quod dum esset adhuc puer, valde laborarit, ut bene pronuntiaret verba latina, non tamen in minimo curarit, num pravæ eliceret actiones, ac si non esset atequè ignorantia, si quis malè vivat, quam si bene loquatur. Quod si aliquis diceret; *ego vestem meo confeci uxori, ego equum vidi succussaricem*, tu sane diceres, en ignorantem crassum, qui vix potest bene proferre duo verba: Sed dic sodes, an non æquè est ignorantia, si non ritè componas tuas actiones? Si quis ritui se exponat, dum loquitur contra regulas Grammatices, an non magis ridendus sit is, qui agit contra regulas, & leges Dei? Quod si ignorantia sit non bene relativum connectere cum suo antecedenti, nonne ignorantior eris tu quando vitam tuam non bene connectis cum mandatis Dei, & promissionibus, quas fecisti in baptismo?

*Proverb. 1.  
v. 22.*

VIII. Quo usque eris infans? *Vsque quoque*, inquit spiritus sanctus *parvuli diligitis infantiam.* Infans lætatur in morte sui parentis, quia, ut ei parentes, novam vestem, funebrem & lugu-

brem accipit. Tu lætaris, gaudes, tu te iactas, ampullaris ob elegantem illam vestem, quam accepisti, eò quod contensisti in actum lascivum. Tu gloriaris ob illos pretiosos tapetes, opulentam suppellectilem, quæ acquisivisti per oppressiones, usuras, litrem iniustam. Puer, puer, tu non consideras, quod indutus sis pulla, quod amiseris tuum patrem, gratiam Dei, filiationem adoptivam, ius ad gloriam, hæreditatem caelestem. Quod si puer videat domum à furibus expilari, & spoliari, pretiosa vasa auferri, nec in minimo movetur, sed ridet; Verum si ei auferas pomum, aut globulum lusorium, statim plorans clamat, ei ulat, nec pacari potest. Quod si amiseris litrem, unum ducatum, occasionem aliquid lucrandi, tu statim affligeris; & si amiseris per peccatum mortale dona spiritus sancti, virtutes infusas, merita bonorum operum, tu nec in minimo angeris, sed rides, gaudes, neque à choreis, & commestationibus desistis. Puer, puer; *Vsque quo parvuli diligitis infantiam, & stultes, quæ sibi sunt noxia.*

*Psal.*

*Hom. 4. in  
iam ad cor.*

IX. Quod si aliquis vobis diceret, tu nescis novum aliquod mirabile, ille sui optimè compos è tecto domus suæ sese præcipitavit, toto corpore comminutus est, omnia membra collisit, & conquassavit. Quid replicares tu, an hoc fecit mentis compos? fuit stultus, fuit stultus, funesta Phrenesie eius cerebrum occupavit. Tu in statu degis felici, & sublimi gratiæ Divinæ, in perfecta sanitate, & integritate spirituali, quæ consistit in eò, quod caro sit subiecta spiritui, sensualitas voluntati, voluntas rationi, ratio legi Dei, tu è statu



Psal.

statu adeo excelso te præcipitas in abyssum profundissimam peccati: *Ibi ceciderunt, qui operantur iniquitatem.* Tua anima totaliter est depressa, subiecta, & inordinata, caro imperat spiritui, sensualitas regit voluntatem, voluntas rationi non obtemperat, ratio contradicit legi Divinæ. Tu voluntariè in hoc præcipitum te coniecisti. Et nonne hoc est esse stultum, insensatum, phreneticum? *Stulti, stulti aliquando sapite.* Et ita iudicio privati in bestias, immò in peius transmigratis: *Comparatus est iumentis insipientibus.*

X. Quod si vadas per campos, & hiemalitempore equum ascendis, si transeundus sit rivus, aut palus aliqua congelata, equus non sine trepidatione intrat, & prius pede experitur, num sine periculo transire possit, quod si vident gurgitem aliquem limosum, potius se permittet occidi, quam quod progrediatur, & intret, quod si calcari bus eum urgeas, pedem refert. Tu autem, qui iudicio, & ingenio præditus es, tu qui sapere deberes, stolidiores tuo mulo, ad primum ascensum unius loci cerebro carentis, qui te invitat, & sollicitat ut intres prostibula, domum luforiam, tu temerè intras, ita ut non cuncteris, verba nulla cum eo misceas, nullam adlibeas replicam, nullum facias periculum, num lateat aliquod præcipitum: *Comparatus es iumentis insipientibus, & deterior factus es illis.*

XI. Quin immò apud Deum minus quid es, quam omnia hæc, tu minus es omni eo, quod potest dici, concipi, cogitari, fingi. Viden ergo in quam abyssum humilitatis te debeas deicere, & quam meritò queas dicere cum urbe

Ierusalem: *Vide Domine, & considera, quoniam facta sum vilis.* Quamdiu es in statu peccati mortalis, in opinione Dei, in bilance iudicii eius, minor es quam tuus equus, canis, quam unus culex, acarus, cimex, immò minus es ipso nihilo. *Ne forte ad nihilum redigat me.*

Quantumvis, inquit Sanctus Paulus, facundiâ dotatus essem Angelicâ, quantumvis scientiam omnium haberem Doctorum, quamvis magnus essem Propheta; attamen si sim in pravo statu, si caream amore Dei, & proximi; ante Deum nihil sum. Nec hæc dicta sint hyperbolicè, hæc non sunt paradoxa, exaggerationes, sed sunt ipsamet veritas, & verba scripturæ. Video quod vir sis æquissimus, magnus politicus, consiliarius eminens, vir magnæ doctrinæ, prudens, iustus, iudiciosus, expertus in rebus mundanis, si sis tamen in statu peccati, apud Deum nihil es. Tu stultè tibi imaginaris, ac si Deus non auderet te destruere, eo quod eius multum interfit, quod caveat, ne tam nobilem creaturam perdat; sed vide, quæ so, an multum se angat, an magnam faciat iacturam, si muscæ in initio hiemis moriantur. Tu ante eum minus es, quam unica tantum musca; quod si in hoc statu devivas, ille minus curabit, quod te deturbet in infernum, quam quod muscas resuscitet.

PUNCTUM TERTIUM.

Deus illum odit, & primò quidem odio abominationis, secundò odio malevolentie.

Rr. 2.

XII.



Psal. 5.

Sap. 14.

v. 9.

Eccles. 12.

v. 5.

Proverb. 15.

v. 9.

XII. Et sane adhuc parum dixi, quia illæ bestiolarum non sunt objectum abominationis, Deus autem te odio infinito prosequi potest. Mi Deus inquit, bat Psaltes: *Odisi omnes, qui operantur iniquitatem.* Et Filius eius Salomon: *Odio sunt Deo impius, & iniquitas,* Odio malevolentiae, odio abominationis. Et Spiritus Sanctus: *Altissimus odio habet peccatores.* *Abominatio est Domino via impii.* Magna est antipathia inter ovem, & Lupum, inter Columbam, & accipitrem, inter hominem, & pantheram; & tamen hæc antipathia, & contrarietas non est tanta, quanta est inter Deum, & peccatorem. Tu non adeo execraris pestem, lepram, gangrenam, mortem, quam Deus abominetur peccatum. Nullus adeo horruit cimices, araneas, serpentes, bufones, quam Deus abhorreat, & abominetur peccatum.

Axioma est Philosophorum, quod contraria sibi invicem opposita, & vicina melius cognoscantur. Illud, quod contrariatur odio, quo Deus peccatum, & peccatorem persequitur, est amor, quo fertur in virtutem, & virtuosum. Amor, quo in virtutem fertur, est eius summa veritas, ineffabilis, incomprehensibilis; & hoc cognoscimus ex eo, quod minimam actionem meritoriam, huiusmodi frigida aqua egeno datū muneret præmio gloriæ cælestis. Verū odio, quo persequitur peccatorem in comparabiliter minus est, quia potius vult, ut abstineat à peccato, quam ut ali-quod opus bonum, qualecunque id sit faciat. Et esto per unum peccatum

mortale posses excellentissimam, & præstantissimam exercere virtutem, tu tamen impunè peccare non posses.

Romanorum Gesta recensent Filium Manlii Torquati, postquam hosti sine mandato supremi belli præfecti certamen & pugnam indixerat, quidem insignem reportasse victoriam, sed sibi funestam, & tragicam; cum enim totus gaudio, & iubilo refertus rediret, à concivibus applausum expectaret, parens eius pro lauro, capite eum per lictorem minui iussit. Ex quo liquet, quantum hic magnus miles, & politicus inobedientiam militarem in odio habuerit. At enim verò, peccatum magis Deo displicet. Verum quidem est, quod in quibusdam occasionibus, & necessitatibus urgentibus, aliqua permittat, quæ ab eo, & Ecclesia videntur prohibita, & hoc quando intrinsecè non sunt mala, quia cum in tali casu lex non obliget, & materia præcepti conferatur per illas occasiones, & necessitatem, non est peccatum lethale illa committere. Tales actus sunt, laborare die Dominico ex gravi paupertate, alterius surripere bona in extrema necessitate.

At si anima Christiana committat peccatum mortale, hoc est si ponat actionem, quæ intrinsecè, & indispensabiliter est mala, uti si periuret, blasphemet ad convertendum aliquem infidelem, Deus illam damnabit, qualemcunque intentionem bonam habeat, & qualiscunque effectus bonus ad illam sequatur. Quid dico ego, si anima Christiana tale quid faciat?



ciat, Deus illam damnabit? Ponamus, quod maximus Sanctus Ecclesiæ, qui fuit, vel unquam erit, peccat mortaliter, Deus eum damnabit. Ponamus, quod unus est maximis Sanctis Ecclesiæ, ex illuminatissimis, & ferventissimis viris periuret, mentiatur, & hoc ut convertantur omnes hæretici, qui sunt in Germania, Anglia, Gallia, vel omnes Mahumetani, qui sunt in Turcia, Persia, omnes Gentiles, qui sunt in Tartaria, & Indiis, & re ipsa omnes converteret per peccatum mortale, immo omnes eos faceret bonos Religiosos, attamen Deus, eum æternaliter damnabit. Ex hoc conclusissimum fit, plus esse abominationis in peccato, quam sit complacentiæ in omnibus illis actibus.

Vos scitis Herodem ad necem quævisse puerum Iesum, & in hunc effectum in varia loca suos destinasse satellites. Ponamus, quod unus eorum in via incidit in aliquem magnum Sanctorum, qui eum in Aegyptum deportavit, & ab eodem quæviverrit, unde veniret? Hicque respondisset ex Nazareth; si alter verò rursus institisset, quo iret, ille vero dixisset in Aegyptum. Satelles rursus petiisset, quis esset ille infans, ille verò reposuisset, illum non esse eum, qui natus est in Betlehem, & qui à Regibus adoratus fuit, & peierasset eum non esse eum, & se optare, ut cum Matre vivus à terra absorberetur, si portet eum, qui turbat Regnum Herodis; si inquam hic Sanctus hoc asserendo peccasset mortaliter, Deus eum bonum

non reperiisset. Et quid dico? Invenisset eum malum, & si fuisset ita mortuus, fuisset damnatus, non obstantibus omnibus excusationibus, quas attulisset dicendo, ego id egi ne tuam Divinam Maiestatem privarem tot gloriis, quas ex eius vita tibi provenient, tot serviciis, quæ tibi reddet, tot animabus, quæ tibi lucrabitur. Id feci ne mundum privarem tot miraculis, quæ patrabat, tot concionibus, quas habebat, tot bonis exemplis, quæ dabit. Ego id feci, ut salvarem vitam tui amantissimi Filii, & Matris eius tuæ sponsæ; esto inquam hæc omnia allegaret; nulla eum potest salvare intentio, ego nolo ut peccet mortaliter, quod si peccavit, irremissibiliter damnabitur: Viden, quid Deus fecisset huic magno sancto. Quomodo ergo tu putas te evasurum impunem, nec damnandum post decem, viginti, centum, & quidem enormia peccata patrata?

XIII. Tu hoc tibi non persuadebis, quod nempe impunitus manebis, dummodo apprehendas, odium quo Deus fertur, erga peccatores; quod nempe non sit tantum odium horroris, & abominationis, sed odium inimicitiae, & malevolentiae. Tantum peccatori vult malum, ut non sit capax, qui possit portare malum, quod tibi vult, nec tantum ei potest inferre malum, quantum meretur, ille vult ei malum infinitum, cum tamen ipse nequeat pœnam infinitam sensus tolerare, nec unquam poterit dici, quod Deus odium, & malevolentiam, quæ erga eum fertur, exhauriat.



Conclusio per Recapitulationem verborum  
Jeremia.

XIV. Audi Paulisper formidanda verba, quæ profert per Jeremiam, quia sunt compendium, & contentum omnium dictorum in hoc discursu. Non est anima mea ad populum istum: Ejice illos à facie mea, egrediantur: Quod si dixerint ad te, quo egrediemur? Dices ad eos, Hec dicit Dominus. Qui ad mortem, ad mortem, & qui ad gladium, ad gladium, & qui ad famem, ad famem, qui ad captivitatem, ad captivitatem. Visitabo super eos quatuor species, gladium ad occisionem, & canes ad lacerandum, & volatilia celi, & bestias terra ad devorandum. Viden primum effectum peccati nempe, quod Deus nos deserat, & abiiciat. Et si quærat, quo ibimus? Ille dicit, ite quod vultis, mea parum inter est, moriantur, qui moriuntur, evadant, qui evadunt &c. Nunc vide secundum effectum, nempe quod nos spernat: visitabo super eos &c. en tertium effectum, quod nempe nos abominetur, & persequatur.

Sacra scriptura nos docet, & experientia hoc demonstrat, quod mundus sit mare fluctuosum, plenum scopulis, & piratis, nemus, silva densa, referta latronibus, & belluis immanibus, campus scatens hostibus, qui nos bello impetunt, in hac vita nil aliud sunt quam retia, & pedicæ nobis structæ, nassæ, & laquei quavis ex parte tensi, pericula, & insidiæ nobis paratæ. Homo porro adeo miser, debilis, fragilis, nudus, inermis factus per peccatum Adæ, quid faciet sine speciali auxilio Dei, qui est unica anchora in hac navi-

gatione, unicum scutum in hoc bello, unus baculus, & fulcrum in hoc itinere, Quid poterit miser contra tot vires, & assultus? Quid aget hic Pygmæus contra tot Gigantes, hic cæcus inter tot laqueos, & anfractus, ac labyrinthos, hic inermis inter tot hostes crudeles? Ad quem confugies inter tot pericula? Quem consulens inter tot perplexitates? A quo expectes subsidium inter tot adversa?

An non erit velut navis inter fluctus sine gubernaculo, & Navarcho, velut infans in vasto nemore sine patre, & ductore, velut ovis errabunda inter lupos sine pastore, defensore, & lumine, & molosso. Quod si hæc omnia consideres, an sine angore, & timore queas esse in statu peccati mortalis? An in utramq; possis aurem dormire, dum scis, quod Divina iustitia vigilet instar virgæ Jeremiæ, ut te perdat? An possis quiescere sine anxietate, dum scis, quod Deus omnipotens sit tuus hostis? An bolum possis edere contentus, dum scis, quod hic oculus, hoc brachium hic furor, hic persecutor sit contra te? An possis cogitare quam per mutationem deplorandam fecisti, dum amisti gratiam Dei, dum scis, quod gladius, qui fuit evaginatus contra tuos inimicos, contra te exeratur, quod illi oculi, qui vigilant, ut defendant, modo vigilent, ut te destruant, hoc brachium, quod te potuit sustentare, te deiciat in terram, illud cor, quod nil aliud cogitavit pro te, nisi pacem, & amorem, nunc nil aliud mente volvat, quam dolores, & afflictiones pro te; tandem, quod ille, qui alias tuum fuit scutum, asylum, pro-

cap. 3.

v. 12.

Amos.

v. 1.

tes



cap. 9.  
v. 12.

Et or, nunc sit velut tineæ, ut te corro-  
dat, quasi putredo, ut te corrumpat,  
quasi leo ut te discerpat, prout tibi mi-  
nitatur per Oseam: Ego quasi tineæ Ephra-  
im, & quasi putredo domui Iuda, quasi lana  
& catulus Leonis?

Amos. 9.  
v. 1.

Quale habebis consilium, contra  
consilium Divinum, quale brachium  
contra brachium omnipotens, quale  
asylum, & refugium contra inimicam,  
qui nos ubique persequitur, & qui  
clamat per Amos: Omnes gladio in-  
terficiam, à primo usque ad ultimum,  
non erit fuga eis, & non salyabitur ex  
eis, qui fugerit, & quamvis fugerint us-

que ad centrum terræ, tamen ego eos  
extraham manu forti, quamvis sube-  
ant verticem montis Carmeli, ego ta-  
men eos insequar, & eos capiam,  
quamvis se mari mergant, ego tamen  
serpentibus mandabo, ut eos devo-  
rent, ego oculos meos in illos conii-  
ciam, non ut eos defendam, sed ut eos  
perdam. Deus loquitur, Deus mina-  
tur, Deus tonat. Quod si aliquis ad-  
hunc mugitum tonitru horrendi non  
evigilet, ille non solum dormiet, sed  
jam erit mortuus, & Deum roga-  
bo, ut eum resuscitet.

Amen.

# SERMO TRIGESIMVS TERTIVS PRO DOMINICA QVINTA POST PENTECOSTEN.

*Omni, qui irascitur fratri suo, reuserit iudicio Matt. 5.*

Peccatum in hoc mundo nos reddit odiosos sanctis, similes  
bestiis, mancipia Diaboli.

## EXORDIUM.

SANCTUS Augustinus, tractatu septi-  
mo in Ioannem codici Evangelio-  
rum tantam tribuit efficaciam, ut non  
animi tantum, sed & corporis mor-  
bos per illud posse pelli autumer, dum-  
modo cum fide adhibeatur. Et hæc

est causa, cur olim, & hodie plures  
Christiani soliti sint Evangelium Chri-  
sti secum portare, ut ita morbos Cor-  
poris pellerent per eius gestationem.  
Profectò quamvis Evangelium tam  
efficax sit ad pellendos morbos corpo-  
ris,



ris, efficacius erit ad pellendos animi, & ita est, quia multi ex unica lectione Evangelii conversi sunt. Et quamvis, omnia Evangelia tam efficacia sint, tamen hodiernum efficacius videtur præ aliis, quis enim non vitabit alia peccata si videat iram, tantam promereri poenam, ut irascens reus sit iudicii? Quod si id verum sit de ira, quis non conabitur vitare alia peccata graviora, si cognoscat quam sint nociva? Ego neminem credo esse, qui hoc considerat, & non convertatur, unde hodie ostendam quod peccatum nos reddat odiosos sanctis, similes bestiis, & mancipia Diaboli.

*Qui faciunt peccatum, hostes sunt animæ suæ. Tob. 12. v. 10.*

I. **S**icut Sanctus Paulus loquens in persona prædestinatorum ait: Si Deus pro nobis, quis contra nos? Si Deus iustificet, quis nos condemnet? Ita reprobi queunt dicere: Si Deus contra nos, quis pro nobis? Si Deus nos condemnet, quis nos iustificet? Quia peccatum non solum nos reddit in dispositos respectu Dei, sed & respectu omnium creaturarum, cæli, terræ, & inferni. Peccatum nos reddit odiosos cæli incolis, similes bestiis terræ, mancipia, & servos Diabolorum inferni. Itaque si sapimus, quam primum commissimus ex fragilitate humana peccatum, debemus illud per veram poenitentiam delere. Et quidem o facerrima Virgo, id debet fieri cum tuo succursu, quia tu non defendis peccatores obstinatos, sed esre-

fugium peccatorum poenitentium, & bellum moves iis, qui perseverant in peccatis, & manum porrigis iis, qui volunt ex iis resurgere. Igitur cum Ecclesiæ fiat invocatio: *Succurre cadenti surgere qui curat populo, Gabrielis ab ore, sumens illud Ave Maria gratia plena.*

## IDEA SERMONIS.

*Exordium. Sancti in hoc mundo zelant contra peccatum, multo magis in calo.*

II. **Z**elus gloriæ. Divinæ quodamque Sanctos in actiones adeo raras, & extraordinarias egit, ut nisi à Deo roboratæ, & confirmatæ essent in scriptura, Spiritus infirmi eas attribuerent vehementi indignationi, aut alteri passioni illicitæ, & inordinatæ. Moyses, dum quadam vice è monte descenderet, & inveniret populum adorantem vitulum aureum, dolore refertus exclamavit: *Si quis zelus gloriæ Dei, me sequatur;* & magna pars è Tribus Levi eum adivit iussa eius acceptura, cui ille hæc mandavit: totum campum circumquaque percurrite, & omnia obvia indifferenter mactate. Illi iussis eius parverunt, & omnes obvios gladio trucidarunt, amicos, consanguineos, confederatos, fratres, & quidem tam dirè, ut triginta mille homines inter necioni dederint. Hac clade edita, Moyses illis dixit: *Con-* Exod. 32. v. 28.  
*secrastis hodie manus vestras Domino.* Hic sanguis effusus ob vindictam Dei, erit, vobis oleum, & Chrisma, quæ vos in sacer-



sacerdotes consecrabunt, Manus vestra per hanc actionem sanctificata, erunt vera thuribula ad offerenda Deo sacrificia in odorem suavitatis. Et ita ab illo tempore sola tribus Levi est populo Dei sacerdotio honorata fuit.

Similiter in libro Numerorum refertur Phinees ex eadem Tribu sancto zelo actum, pugione confodisse in flagrantidelicto quendam Hebraeum, & quandam Madianitam peccato libidinis peccantes, eumque zelum manum ultricem Dei, quae iam in populum fundere furias coeperat stitisse. Praeterea Propheta Elias, Mathathias, Iudas Machabaeus, & alii magni sancti offensam Dei sancta ira accensi vindicarunt, quos Deus ideo aestimavit, laudavit, muneravit.

PUNCTVM PRIMVM.

*Per peccatum sumus odiosi sanctis. Probaturn primo scriptura, secundo patribus, tertioratione, quia amant Deum, & in se, ac aliis peccatum oderunt, quarto comparatione Abisai, quinto gratiarum actione.*

II. **A** Tenim verò, amor ardentissimus, & zelus ferventissimus, quo sancti inflammati fuerunt in hoc mundo, non est nisi glacies, & tepor respectu amoris, quo flagrant erga Deum in caelo, & zeli, quo erga eius gloriam ardent. Tu praesumis offendere Maiestatem Divinam, quia tibi imaginis, quod sancti, ob aliquod pensum precarium, quod quotidie iis pendis, te contra eius iustitiam defendent.

Bellè sane; dummodo illis Deus per suam misericordiam instillet illam cogitationem, si iis donet voluntatem, nam alias sunt tui inimici, & tibi malum mortis volunt, tanto te odio prosequuntur, quanto amore, & affectu flagrant erga Deum. Illi dicunt cum Davide: *Perfecto odio oderam illos, & inimici facti sunt mihi.* *Psalm. 138.*

Virgo sacerrima dicit in scriptura: *Ego Mater pulchra dilectionis, & timoris.* *Ecclesi. 24. v. 24.* dilectionis ergo probos, timoris erga improbos, Angeli, & sancti appellantur bellatores, & milites Dei, ergo bellum gerunt, non contra probos, quin potius iis suppetias ferunt, iis excubias agunt, eos protegunt, sed contra improbos. Hinc David: *Immitte Angelus Domini in circuitu mentium eum.* Hebraeus legit: *Contra malach, Adonai savit, liuveau, Castrametatur Angelus Domini.*

III. Et quidem Sanctus Gregorius huiusce rei causam assignat; cum enim, sancti sint uniti Deo, & absorpti, ac hausti ab essentia Divina, nil aliud possunt velle, quam ille velit, nil aliud amare, quam ille amet, in nullo alio delectari, quam in quo ipse delectetur, nil aliud odisse, quam quod ille odio prosequatur. Addit porro idem sanctus: Si quandoque contingat quod Virgo, & sancti se opponant irae Divinae, & precibus eius vindictam cohibeant; cum nemo eius irae resistere possit, id inde provenit, quod Deus illis inspirat, & dat voluntatem orandi pro nobis, quod nunquam fieret, si sequerentur instinctum, quo zelant honorem Dei.

S.

IV.

Num. 25.  
v. 18.

Exod. 32.  
v. 28.

Lib. 9. cap. 9.



IV. Oculi sunt in amore Duces. Sancti vident Deum clarè, & facie ad faciem, illi cognoscunt clarè, quam sit potens, magnus, bonus, dignus, qui ametur cui serviamus, obediamus, quem veneremur, & ideo necessario affectu, & amore in eum ducuntur, & feruntur, ita ut ab eius amore desistere non possint. O felicem, & optatam necessitatem? Hæc tantum in iis causat horrorem, & aversionem à peccato, quod Deo est contrarium, ut nil sit, quod non velint amittere, facere, tolerare, ut illud destrueretur, & annihilaretur.

Origenes intr e alias falsitates, sanctos non esse confirmatos in gratia, sed ab eadem, sicut & à beatitudine posse excidere. Dixit error hic est crassus; sed tamen si hoc esset verum, si sancti forent in periculo offendendi Deum, meo iudicio, nullus eorum esset, qui nō diceret: Mi Deus mecum fac quod vis, solum subduc me huic periculo. Tuā si ita lubet me priva gloriā, proscribe me è tuo paradiso, in abyssum me inferni deturba, patiar omnes ignes, & gehennas, quæ sunt, potius, quam sinas me labi in aliquod peccatum. Et quia peccatum oderunt non solum, nec principaliter ex amore concupiscentiæ, sed ex amore Dei, ita illud riment, & oderunt, non solum in se ipsis, sed & in aliis; & quidem tantum habent horrorem, & timorem, dum es in procinctu peccandi: ut si Virgo, tuus Angelus Custos, & alii Sancti possent impedire, ne in illud consentiret, dato, quod adhuc effectum, deberent necessario privari suā beatitudine,

& deliciis paradisi, & reverti ad hunc mundum, ac tolerare omnia tormenta, & martyria, quæ tolerarunt, omnia hæc libenter subirent, dum modò ita Deo luberet.

Peccatum adeo iis displicet, ut nisi status beatitudinis eos redderet imortales impassibiles, morituri essent præ tristitia, quando unicum solum patratur. Quando peietas, Deipara moreretur præ dolore, Angelus præ tristitia, & omnes Sancti præ displicentia, nisi beatitudo obstaret. David erat homo fragilis, sicut nos; sed tam intense amavit Deum, ut tantam conceperit displicentiam, quando patrabatur aliquod peccatum, ut pedes vix eum tulerint, sed totus factus fuerit pallidus, exhaustus, & anxietate deiectus. Scriptura hoc dicit, nec mentiri potest. *Ta. Psal. 118. bescere me fecit zelus, quia obliti sunt verba Psal. 38. tua inimici mei. Defectio tenuit me prope catoribus derelinentibus legem tuam. Qui oderunt te Domine, oderam, & super inimicos tuos tabescebam.*

Et sane Deiparæ, ac aliis Sanctis idem contingeret, dum peccas, si talium qualitatium capabiles forent, quomodo ergo tu putas, quod ob exiguas preces, quas ad eos fundis ex proprio amore, tibi propitii erunt? Plaltes ait, illos sibi magno honori ducere, quod laudent Deum, & celebrent eius elogia, interim tamen etiam eodem tempore magnam gloriam esse censent, quod suas promant querelas, suas iniurias vindicent, ac irā animati sint contra eos, qui illum offendunt. *Exaltationes Dei in gutture eorum, & gladii ancipites*



in manibus eorum, ad faciendam vindictam  
in nationibus, increpationes in populi.

Matt. 23. In parabola Evangelica, mox ut  
zizania apparuerunt in campo Patrisfa-  
milias, servi ei dixerunt: *Vis, imus, &  
colligimus ea?* Iuxta explicationem Sal-  
vatoris zizania significant perverfos,  
servi Angelos, & Sanctos. Quæote,  
observa eorum modum loquendi. *Vu-  
imus, & colligimus ea?* Non dicunt, sicut  
ne nobis ea evellere sed ut eamus ad  
ea evellenda; ut significant prompti-  
tudinem, quæ desiderant, & vellent era-  
dicare peccatores; nisi Deus eos impe-  
dideret, & hoc, ne triticum cum zizaniis  
eradicarent.

Regum 3. V. Agunt uti egit Abisai pro  
David. Hic Rex dum declinaret per-  
secutionem sui filii, obvium habuit  
quendam è suis subditis nomine Se-  
mei; hic homo in solentissimus statim  
cœpit Davidem conviciis fodicare, &  
lapidibus impetere. Abisai Davidis  
summus militiæ præfectus, iusto furo-  
re illi succensus, gladium evibravit,  
& dixit. Ergone liceat cani mortuo  
adeo impunè suum Regem, Dominum  
meum conviciis lacessere? Ego sta-  
time eum capite minuam, ut discat re-  
vereri suum principem, in quocunque  
tandem statu sit. Et id fecisset, nisi  
David clementiâ suâ Regiâ, & patien-  
tiâ solitâ eum absterruisset.

Tu facis sicut Semei, tu Deum  
tuum iniuriis, blasphemiiis afficis, tu  
eum persequeris. Et quises tu? Ho-  
mo, nihil, canis mortuus, vermis terræ,  
Sancti id vident, & iustè zelantes glo-  
riam sui principis, inflammantur irâ

contra te. *Ministros suos ignem urentem.*  
Eodem momento, quo in peccatum  
consensisti, illi te absorberent abyſſo,  
illi te contererent, ac in pulverem re-  
digerent, nisi Deus per suam clemen-  
tiam eos cohiberet, ira ut intercessio  
sanctorum pro nobis, sit effectus boni-  
tatis Divinæ.

Hæretici adeo sunt bardi, ut ima-  
ginentur sibi, quod dum nos rogamus  
Sanctos, ut placent iram Dei, nos San-  
ctos magis clementes esse agnoscamus,  
quam ipsum Deum. Et sane hic error  
nil omnino facit ad rem. Sancti nos in  
abyſſum præcipitent, quando sumus  
in pravo statu, nisi Deus illos contine-  
ret, quia magis zelant gloriam Dei,  
& ab illa plus utilitatis habent, quam  
à nobis. Quod si ergo Deum rogent  
pro nobis, id ideo est, quod nostram  
sperant emendationem, idque Deus  
iis inspirat, & illos urget, ut pro nobis  
intercedant.

VI. O mi Deus, & quam non  
hæc est pietas, misericordia, patientia  
invincibilis! Meritò cum Davide di-  
cere possumus. *Domine ut scuto bonæ  
voluntatis tuæ coronasti nos, nisi tu esses  
nobis umbra, & scutum, nos ipsi, qui  
tibi bellum movemus, sancti, & omnes  
creaturæ à nobis vindictam repeterent,  
sed, tu eos coerces, idque ex merâ tuâ  
pietate, & clementiâ. Scuto bonæ vo-  
luntatis. Et ideo sis semper benedictus.  
Constituebuntur tibi Domine omnia opera tuæ,  
& sancti tui benedicent tibi.* Tot mo-  
mentis, quot viximus in statu peccati  
mortalis, tot benedictiones, tot mille  
milliones laudum, & gratiarum actio-  
nes, immò quot possunt omnes Sancti,



& creaturæ, vos tibi grates pro tanto beneficio referant.

Sanctus Chrysostomus in homilia de Sancto Meletio Patriarcha Antiocheno refert, quod iniuste fuerit condemnatus per Imperatorem Valentem hæreticum Arrianum in exilium. Gubernator itaque Antiochenus iussa Imperatoris capeffens, eum in sua rheda extra urbem avexit; populus verò, qui tenerrimè amabat suum pastorem, lapidibus impetebat Gubernatorem.

Sanctus è contra eum pallio suo contextit, & se interiecit, ut eum ab impetu lapidum communiret. Bonus Deus idem facit, dum peccamus, nam nisi sub alis suæ protectionis nos foueret, sancti capita nostra reà, sua fulmina contrate evibrarent, ignis è cælo descenderet, ut nos consumeret, terra sese aperiret, ut nos hauriret, canes nos discerperent, serpentes nos intoxicarent.

### PUNCTVM SECVNDVM

*Per peccatum sumus primo similes belluis, probatur primo scripturà. secundo sanctis Patribus, tertio inductione. Secundo sumus belluis inferiores, probatur primo scripturà, secundo patribus, & rationibus, quas afferunt. tertio inductionibus, quarto comparationibus.*

VII. **D**ico, quod non solum sancti, sed & animalia nobis bellum moverent; nam ut dicit Vates

Regius: Homo cum in honore esset, comparatus est iumentis insipientibus. Homo *Psal. 48.*

dum esset imago Dei, eius vicerex in hoc mundo, Dominus creaturarum visibilibus, hanc gloriam non recognovit, suæ nobilitatis oblitus est, per peccatum se depressit, suam præminentiam amisit, & bestiis sese parem fecit. *Difficile est, inquit Sanctus Ioannes hom. 59 in Chrysostomus, hominem purum invenire; Ioann.* ac si diceret, reperire virum, qui completè, & perfecte sit homo, interius quoad animam, & exterius quoad corp⁹ reipsà, & nō apparenter, est valde difficile. Et profectò quotidie id evenire, cernimus, q̃ suo ævo contigisse testatur Sanctus Gregorius Nyssenus. Circulator quidam, ceu funambulo ut quæstū faceret, ex recreatione, quā spectantes perfundebat, ex arte suā ludicra desumptā, simiam docuit ad choros, & numerum citharæ saltare super funes, utque melius astum tegeret, habitu puellari eam induit, eamque larvā obduxit; & in scenam eam produxit, ac in numero spectante populo, ad choros eam saltare fecit. Omnes quotquot aderant saltationem puellulæ parvulæ adeo concinnam mirabantur, & velut prodigium eam proclamabant. Porò unus reliquis scitior, qui fraudē subodorabatur, in theatrum nonnullas nuces projecit: arenam verò, saltatrix suæ saltationis, ac funis oblita, larvam detraxit, nuces insequabatur, easque fregit, & exploravit. Admiratio desit in risum, & omnes viderunt eam esse puellam fictam, & veram simiam.

Quod si attentè rem consideres, videbis quotidie hunc lulum ludi. Est nonnemo, quem virum peierares honestis,



neſſimum, ſapientem, iudicioſum, atramen ſi penitus eum inſpicias, deprehendes, quod ſit beſtia larvata, beſtia, quæ reſcit, & exprimit hominem. Id in occasione aliqua cognosces, Ex oſtribus eorum cognosceſtis eos, Non indiges niſi nuce, exigua mortificatione, & contradictione, ut videatur quis ſit. Si vel in minimo eum offendas, minimum quid ei deneges, non eſt amplius homo, ſed leopardus, leo, & tigris. Origines advertit in ſacra ſcriptura hominem probum, vocari bis hominem. Homo, & homo natus eſt in ea, Homo de domo Iſrael, ut eum diſtinguat à peccatore, qui non eſt homo perfectè, ſimpliciter, & abſolutè, ſed eſt medius homo, beſtialis, larvatus, & iudicio hominum, rei ipſa autem, & coram Deo beſtia

VIII. Quod ſi inſeſteris uxorem alterius, aut aliquam aliam creaturam, ut eam in honores, ſcis ne quid re ipſa ſis, & coram Deo? Quid de te ſentit cælum? In cælo iudicant te eſſe equum, porcum Epicuri. Homo equus; Equi emiſſarii facti ſunt unusquisque ad uxorem proximi ſui. Quod ſi in corde tuo foveas venenum alicuius rancoris, invidiæ, odii, tu es vipera; & genimen viperarum. Genimina viperarum, ſi devotes viduas, & orphanos iniuſtè per artem rabalarum, fraudes, contractus iniuſtos, tu es rabidus lupus. Indices eius lupi veſperè. Famelici ſunt, & tota die famem patiuntur. Intriſecus autem ſunt lupi rapaces.

IX. At enim verò per peccatum non tantum ponimur in numero beſtiarum, ſed ſimus viliores belluis. Et ſane diſcertè, & ad vivam hoc ſcriptura

exprimit. Creator, dum proto parentibus noſtris dominium, ſuper beſtias concederet, uſus eſt verbo æquivoco; nam ubi nos habemus. Dominamini Gen. 1. piſcibus maris, & beſtiis terra, Hebræus v. 28. textus, qui utitur idiomate Divino habet Verdu, quod nomen eſt æquivocum, quia poteſt derivari à Rada, quod idem eſt ac Quiſcentia, Lamedè, hoc eſt, quod in coniugatione ſupprimat ultimam radicalem H, & ita facit imperativum, Rede Dominare, Redu Dominamini, vel derivari poteſt à Iurad, quod eſt imperfecti, & vocatur Deſectiva per. Iod, hoc eſt, quod in coniugatione in principio perdit radicalem Iod, & facit imperativum Red deſcende, Redu deſcendite. Quod ſi utrique adiungas litteram Vau, quæ eſt particula copulativa, faciet Verdu, & Dominamini, & deſcendite, ac ſi creator voluiſſet dicere, quod ſi fideliter meis mandatis obediatis, Dominamini beſtiis terra, omnibus superiores eritis; at ſi peccetis Deſcendite, iis eritis inferiores, viliores, abiectiores, magis deplorandi

X. Et ſanè Sanctus Chryſoſtomus egregiè dicit, quod ſi Leones, lupi, & aliæ belluæ immanes ſint crudeles, carnivoræ, gulofæ, & effroenes in ſua concupiſcentia, id tamen non vertiſis vitio, cum hoc ſit iis naturale, & non vitioſum. Verum dum tu his imperfectionibus laboras, illæ ſunt contra tuam naturam, illæ tibi vertuntur vitio, illæ tibi ſunt voluntariæ, adeoque in te magis abominandæ. Quod libet animal habet ſuam ſpecielem inclinationem. Leo eſt crudelis, lupus vorax, canis invidus, pavo ſuperbus, gallus laſcivus, vulpes aſtuta, ſimia



malitiosa. Verum in te omnia hæc vitia coniuncta reperiuntur, & in reperiuntur, cloaca, & congeries horum vitorum. Tu es chimera non imaginaria, & ficta, sed reipsa, & in effectu. Tu quoddam compositum es ex plurimis immanissimis belluis. Tu es iracundus velut leo, crudelis, sicut tigris, gulosus ut porcus, lascivus, ut gallus, pestilens ut draco. Et quasi non foret satis concipere, & imbibere tincturam vitiorum omnium animalium terrestrium, tu descendis in infernum, & tibi imprimis, blasphemias, invidiam, superbiam, obstinationem, impœnitentiam Dæmonum. Tu magna solertia conaris emendare pravas inclinationes horum animalium, quia sunt illis naturales, & in fundo eorum essentia radicata, & infixæ; tu cicuras leones, tigres mansuefacis, elephantem reddis mitem, velut oves, tu doces canes, ut concupiscentiam refrænent, & appetitus moderentur irascibiles; & quamvis canis sit sensualis, sicut tu, & tamen non præditus ratione, & iudicio, esto nō habeat liberum arbitrium, tamen suū appetitum cohibet per tuam cicurationem.

Quando canis est iuvenis, ille omnia arripit, quæ suo conveniunt appetitui, postquam tamen eum docuisti, quantumvis sit famelicus, attamen à ferculis gratis abstinet, ne fustibus excipiat. Ex hoc metu appetitum coercet. At enim verò, quid facis tu? Quid quæso agis tu creatura rationalis, voluntate, intellectu, libero arbitrio dotata. Quid agis tu, qui es Christia-

nus? Tu non possis addiscere, ut tuam concupiscentiam cohibeas, qui hoc doces tuum canem? Quomodo tu non abstineas ab ingluvie, helluationibus, lasciviis, choreis, non ex metu fustium, sed suppliciorum æternorum? Canis tuus non moderatur tantum appetitum concupiscibilem, sed & irascibilem. Dum sine causa eū verberas, contra te non insurgit, si tui similis esset, contra te rebellaret, se defenderet, & te invaderet.

At quia eiuses Dominus, ideo te deprimis, & humiliat ante te, nullam repetit vindictam, sed unam tantum edit vocem quætulosa. Tu è contra, qui adeo Deo es obligatus, tu contra eum insurgis, eum blasphemas, eum injuriis laceras, tu eum renegas, quamvis nec minimum malum tibi inferat, nec malum tibi verbum dicat, quin potius bonis repleat.

XI. Deinceps non possumus amplius dicere: *Comparatus est iumentis, & similis factus est illis*, sed *deterior factus est illis*. Nulla bellua plus bibit, quam appetat, vix unum aliud eiusdem speciei occidit, vel se ipsum enecat, quod tamen plures homines faciunt.

*Quo nemore unquam,  
Expiravit aper maioribus dentibus apri  
Africæ tigris agit, rabida cum tigride pa-*  
*ciæ,  
Foedera perpetua.*

Juvenal.

Nulla est bestia, quæ tot committat bestialitates, quam committant



tant Christiani, & hoc in ipso matrimonio.

XII. Sanctus Chrysostomus optime dicit; quis tam parum sit rationalis & sensu communi destitutus, qui induceret in palatium, vel conclave Regis unum porcum? Quomodo ergo tu tibi persuadeas, quod in cælo impij teo, in palatio Dei, in triclinio eius admittenda sit aliqua anima, vitiosior, immundior, bestialior ipsis belluis? *Foris canes, & impudici.* Addit Sanctus Gregorius Nyssenus: Quod si magistratus alicui pictori, vel sculptori mandasset, ut sculperet, aut depingeret statuam, vel effigiem Regis, si illum sculperet, vel depingeret turpiter, & deformiter, nonne Regem offenderet, & magnum promereretur supplicium, & esset in causa, quod illi, qui nunquam vidissent Regem, iudicaret eum esse edeo turpem, & deformem? Professio, & obligatio Christiani hæc est, ut sit imago Iesu Christi inquit Sanctus Paulus, ut illum in seipso, in sua vita, in suis verbis, operibus exprimat; quod si hæc imago sit monstruosa, turpis, tetra, annon est opprobrium, & dedecus sui exemplaris? Sicut portavimus imaginem terrestri, ita & portemus imaginem celestis.

Serm. de nomine Christiani.  
1. cor. 16.  
v. 49.

PUNCTVM TERTIVM.

Per peccatum sumus servi Diaboli, probatur primò scripturà, secundo patribus, tertio ratione, quarto experientia.

XIII. Immo plura sunt dicenda. Tu non tantum per peccatum redderis

odiosus sanctis, & sis similis belluis, immò ipsis peior, dum subdis te imperio, & tyrannidi Dæmonis. Sanctus Paulus dicit, & nos nimis sæpe id videmus, quod te tractet velut suum mancipium, pro libitu suo. Anima electa totaliter regitur à Sancto spiritu, & motionibus Divinæ gratiæ, & dicit cum eodem: Domine, quid me vis facere? E contra anima reproba omnino tradita est potestati Dæmonis, & eius voluntati consignata. Quod si velit, ut vadat ad popinam, vadit, si ad choreas, ad prostibulum, paratissima est. An vult ut arroganter respondeat suis parentibus, ut in uriis, & conviciis lacerat vicinos? En parata est. Ecce Lucifer in Evangelio vocetur princeps mundi? Apostolus insuper addit Dæmones esse rectores, & potestates mundi; XRATOPES, hoc est animarum mundanarum. Et hæc sunt minæ, quas Deus iis intentat sub metaphora Regis Aegypti: Tu inquit me non vis suspicere, & obedire velut tuo legitimo Domino, sed faciam, ut servias Tyranno crudeli, ut ita experimento discas, quata sit differentia inter meum dulce regimen, & eius dominium in humanum.

act. 9.

Ioanni. 12.  
Ephes. 6.  
v. 12.

XIV. Nam ut inquit Sanctus Hilarius; Omnis in quo peccati voluntas est, Deo vacuus est. Et ubi Deus non est, illic Diaboli locus est, qui insidians, atque obsidens, ubi adeundi oportunitatem habuerit, tanquam vacuum domum occupat, qua ei, Deo iam discedente, sit tradita. A quo quis superatus est, inquit. Petrus, eius & servus est. Quam primum anima con-

sen-



sentit in peccatum mortale Deus eam deserit, Diabolus verò, qui continuo vigilat, dum eam videt desertam, & derelictam, conatur eam expugnare, & intrare Et quidem iusto titulo.

XV. Nam iure Gentium, & lege apud omnes Nationes recepta, victus fit servus victoris, adeoque quam diu resistis eius tentationibus, es eo superior, nec te capere potest. Verum, dum liberè ei consentis, ille te expugnat, ille te debellat, & iugo suo subiicit, tu sis eius manceps, & servus.

3. Reg. 21.  
v, 20.

*A quo quis &c. Venundatus es, in-*  
quiebat Vates Elias ad Regem Achab,  
*ut faceres malum.* Tu coegisti misel-  
lum Naboth, ut iniuste vende et suam  
vineam, & ita venditus es, ita loqui-  
tur; quia si patres aliquam iniustitiam,  
vel aliquod peccatum, tu inis aliquem  
contractum tacitum, vel transactio-  
nem illicitam cum Dæmone. Da mihi  
illam voluptatem, illam recreatio-  
nem, illam summam pecuniæ, & tibi  
dabo meam animam, fac ut adversam  
partem periurio vincam, inimicos me-  
os hac vindicta subiugem, competen-  
tes mecum hoc beneficium, per simo-  
niam excludam, & tuum me vasallum  
facio.

XVI. Et sane experientia nimi-  
um monstrat, quod sis servus, & man-  
ceps Dæmonis. Tu quandoque ge-  
mis sub hac tyrannide, tu conaris illam  
excutere, tu propositum, vel velleita-  
tem habes hac miseriâ te expediendi,  
& tamen nunquam illo iugo te expe-  
dis, quia victus es, & te tenet capti-  
vum. Imminet quadragesima, adest

Pascha, tu aliquam audis concionem,  
quæ te Peaulisper tangit. Confiteri de-  
beo, inimico reconciliari, non viven-  
dum est instar Athei. Vicinus tuus  
morte obruitur subitaneâ, & statim au-  
res tibi tinniunt, & audis, si tibi id eve-  
niret, absq; ullo processu essem damna-  
tus. Hanc coquam mittere debeo, iu-  
bilæum instat. Viden quam bellam ha-  
beas occasionem te cum Deo concili-  
andi, & debita, quibus illi obstrictus  
sum diluendi. Sacerdotes ab omnibus  
absolvere possunt, nil restat, quam ut  
confitear, ut restituam aliena, ut satisfac-  
ciam huic pauperi, ut è pravo statu dis-  
cedam. Tu nil efficies, inquit ty-  
rannus, & Dominus, nil facies, quia  
ego omnia obstacula adhibebo, ego te  
tam arctè ligabo; ego faciam, ut illi  
pellici adeo adhæreas, & colligeris, ego  
faciam, ut tam fixè bonis illis immerfus  
sis, ut adeo sitias vindictam, ut te expe-  
dire non possis.

#### CONCLUSIO

*Comparatione ruina animarum de-*  
*structioni templi ex Chrysostomo, recas-*  
*pitulatio per lamentationes*  
*Ieremia.*

XVII. Sanctus Ieremias, dum  
iam sub oculos haberet miseras, quas  
prædixerat, & quod immineret destru-  
ctio Ierosolymæ, & templi, sufficientes,  
non invenit in suo capite lacrymas,  
quibus illas dignè deploraret. Ille  
præconio publico læcantari iussit la-  
mentationes, quæ corda emollirent  
sine



saxeæ, si quis eas attente, & spiritu pietatis, quo doratus fuit hic sanctus vates, audiret. Et sane magnam anam habes idem faciendi scribit sanctus Iohannes Chrysostomus ad quendam suum amicum, nomine Theodorum, qui in peccatum lapsus erat. Ego non conspicio ruinam templi materialis, ex petris, & lignis constructi, sed video destructionem templi spiritualis, & vivi, in quo maiestas Divina magis basilicæ, & deliciosè habitat, quam in cælo stellato. Non cerno, quod è templo auferantur imagines Cherubinorum fabricatorum ex lignis olivæ, non video arcam fœderis auro purissimo vestitam ex eo deportati, sed video, quod è templo spirituali absportetur assistentia Cherubinorum, & Angelorum custodum, & ex illo auferatur præsentia Filii Dei, qui est verum propitiatorum mundi. Non cerno quidem, quod hostis ex eo rapiat candelabra aurea ardentibus lampadibus ornata, sed quod privetur luminaribus cælestibus, quæ sanctus Spiritus per suam gratiam in illo accendit.

Non quidem conspicio altare thymiamatis, & in censi eversum, sed quod in ara tui cordis nullæ amplius preces Deo offerantur, quæ bonum spirent odorem, quin potius meræ ibi cernuntur distractiones, tui animi aberrationes cogitationes vanæ, & stultæ de mundo. Non quidem video, mensam panum propositionis, vacuum conquassaram, sed tuas manus elemosynis ad pascendos pauperes non repleas. Hæc Chrysostomus de lapsu miserabili sui amici Theodori.

XVIII. Et ego quoque o anime Christianæ, quæ lapsum estis in peccatum vos lugere, & deplorare debeo, ego iisdem lamentationibus, quibus Ieremias urbem infortunatam desistere queo: *Omnes amici eius spreverunt illam, facti sunt ei inimici.* Deipara, quæ alias fuit vestra mater, non agnoscit vos amplius tanquam suos infantes. Et qualis ipsi foret honor, esse matrem talium abortivorum? Ubi esses, si fuisses mortuus in statu gratiæ? Papæ, quam non esses felix. Angeli tuam animam, velut animam Lazari deportassent in sinum Abraham. Sancti tui amici tibi obvii processissent, & ad suum habitaculum te deduxissent. Quod si moriaris in hoc statu, sancti te abigent velut in dignum eorum consortio, Angeli refugient velut porcum Epicuri: *Qui nutriebantur in croceis, amplexati sunt stercora.* Tu pascebaris ferculis Regiis, tu comedisti panem Angelorum, tu toties pastus es carne Deificata Iesu, pretioso corpore Dei, & tamen non obstante, quod adeo honoratus esses, tu te mutasti in belluam immundam, in immunditiis, & spurcitiebus te infarcivisti: Quamvis non communicasses nisi semel; attamen tu deberes tibi cavere à tuis noxis.

Quid ergo non fiet, dum patebit, quod *Amplexati sunt stercora*, Quod si hæc specilla, seu conspicienda tuæ Passionis consuleres, quod si miseriam tuorum bonorum temporalium, quæ amas, immunditiem, & squalorem creaturarum, quas adoras, tu tibi ipse esses in horrore, tu moreris præteradio, & fastidio, tu videres, quod esses è numero



mero bestiarum brutissimarum, immundissimarum, foedissimarum, immò porcis ipsis turpiorem. Inimici tui hoc bene vident, sed te irrident. *Viderunt eam hostes, & deriserunt Sabbatha eius.* Irrident festivitates tuas, quas transigis in conviviis, deliciis, Choreis, ac aliis recreationibus sensualibus, ac si forent festa Bacchi, Priapi, vel Veneris. Irrident tuas confessiones, tuas communionem indignas, tuas devotiones exteriores, quæ non sunt nisi larvæ, & spectra devotionis. Tu te æstimas felicem, & putas te quiescere in centro quietis, eo, quod fortuna tibi arrideat. Pauculas habes opes, & tuæ proles sanæ sunt.

*Hostes deriserunt.* Spiritus maligni te irrident, sciunt quippe nil esse infelicius peccatore felici in hoc mundo. Tu tibi imaginaris, quod sis con-

tentus, & quietus futurus, dum illam puellam in tuas partes traxeris, dum illud officium emeris, postquam adieris illam hereditatem *Deriserunt.* Illi sciunt, quod concupiscentia, ambitio, avaritia nunquam dicant sufficit, sed quod semper plura, ac infinita quærant. Mihi crede, servituti adeo crudeli valedic, jugo adeo infami, & te indigno, te exime. *Ierusalem, Ierusalem convertere ad Dominum Deum tuum.* Solus Deus est tuus legitimus Dominus, ille solus est tuus Rex naturalis, ille solus te creavit, conservat, redemit, ille solus te debet possidere, illum solum tu debes adorare, amare, illi tantum ex toto corde servire, quia ille solus gloriam infinitam, beatitudinem cælestem tibi rependere potest

A M E N.





SERMO TRIGESIMUS QUARTUS.  
PRO DOMINICA  
SEXTA POST PENTECOSTEN.

Peccatum depauperat, deturpat, & cruciat  
animas.

*Misereor super turbam, quia non habent, quod manducant*  
*Marci 8.*

E X O R D I U M.

**Q**uestio exagitari potest, an liceat  
compati omnibus, qui non ha-  
bent, quod manducant, & qui-  
dem non videtur, quod debeamus iis  
compati, qui per nimiam ingluviem,  
luxum, intemperantiam ad incitas re-  
dacti sunt, cum enim illi per propriam  
culpam in illam egestatem sese conie-  
cerint, non videntur illi compassione  
digni. Verum, quamvis hoc ita sit,  
de iis, qui corporaliter sunt pauperes,  
nec habent cibos corporales, tamen  
magnâ compassione videntur illi digni,  
qui spiritualiter pauperes sunt, & om-  
nibus virtutibus orbari, ita ut nullum  
cibum spirituale comendendum ha-  
beant, & hoc, quia in illo statu non so-  
lum sunt pauperes, sed etiam valde  
cruciantur. Sed quinam sunt tales?  
Omnes illi, qui peccant; nam peccatum  
depauperare, deturpare, & cruciare  
animas eorum qui peccant, hac concio-  
ne ostendam.

*Qui faciunt peccatum, hostes sunt anima  
sua Tob. 12.*

**I. U**T in cordibus nostris generetur  
sanctum odium erga peccata,  
& pœnitentia adminus imperfecta,  
& non interessata, nos hisce diebus con-  
sideravimus, quomodo peccatum, nos  
reddat indispositos erga Deum, & cre-  
aturas; hodie itaque damna videbi-  
mus, quæ nobis infert, & quidem tria  
principalia, quæ erunt tria puncta no-  
stri discursus, primum nempe, quod  
nostras animas depauperet, & spoliet  
omnibus bonis, secundum, quod eas  
deturpet, omnemque arum decorem  
diluât, tertium, quod eas cruciet, ea-  
rumque quietem turbet.

Dum superbus Holofernes vellet  
obterere populum Bethuliensem, ca-  
sta, & generosa Judith hanc funestam  
tragœdiam impedivit per suum heroi-  
cum actum, quæ eius nomen æternitati



consecravit. O sacerrima virgo, tu per hanc devotam matronam designaris. Damna, quæ nobis infert peccatum, sunt incomparabiliter maiora, quam clades, quæ Holofernes afficere voluit urbem Bethuliam. Si tibi placet, oppone te hosti adeo crudeli tuorum miserorum famulorum, ut tibi dicere possimus, uti dixerunt Judith: *Tulatiua Israel, tu honorificent a populi nostri, vel sicut Angelus tibi dixit, Ave Maria.*

## IDEA SERMONIS.

*Exordium. Nihil timendum in hac vita, quam peccatum, quod spoliât, maculat, cruciat animam.*

II. **Q**Uædam nobilissima, sanctissima matrona nomine Olympias, Diaconissa Ecclesiæ Constantinopolitanae, quæ postquam cum marito suo Nebridio vixisset in virginitate, & suum tempus, curas, media, personam impendisset in opera pietatis, & misericordiæ, dum acri persecutione impeteretur ob veritatem, & iustitiam, epistolam scripsit ad suum venerandum prælatum, & patrem spiritualem sanctum Joannem Chrysostomum, eumque rogavit, Deo pro illo supplex fieret, & hanc gratiam postularet, ut Christiane, & patienter miseras suas tolerare posset. Sanctus porro Doctor inter alia sic ei respondit. Domina, tu falleris, dum mihi scribis, quod tuas recenseas calamitates, nam nullas habes, nec potes habere, nisi velis. Et

quam quæso calamitatem tibi quis inferre possit? An tua bona fisco addicent? Et quid hoc aliud est, quam quod tibi auferant tædiola pondera, & te liberent molestâ curâ ea conservandi, & ab obligatione illa bene expendendi? Dic solum, an verum thesaurum puta gratiam Divinam, tibi adimere queant? An te ex urbe, & domo tua proferibant? Et quid hoc aliud est, quam quod conspectura sis diversas provincias, de quo Deo conqueri nō potes, dum plures magno sumptu, ex mera curiositate eas lustrant? An te illuc relegare possint, ubi bonum tuum Deum invenire non queas? An te occidant? Et quid oro, hoc aliud est, quam quod paulò citius te cogant solvere aliquod debitum, quod tamen citius, vel tardius tibi solvendum est, & tibi inferant illam mortem, per quam intres in veram vitam, in vitam beatam, & immortalem? Quæso te, unius tantum, quod tibi dixi, & nunc repeto, confideres: *Vna tantum res est pertimescenda, peccatum, hoc verbum continuo vobis occinere, non destiti.* *Epist. ad Olympiada.*

Et merito hæc Sanctus hic prælatum pronunciavit: Peccatum magis timendum est, quam paupertas, quam exilium, quam mors. Timendum potius est, quam omnia mala, tanquam causa, radix, origo omnium malorum, quibus possumus involui; nam præterquam, quod nos reddat odiosos Deo, hostes sanctis, similes bestiis, mancipia Diaboli, uti vidimus heri, hoc discursu vobis ostendam, quod tria gravia damna nobis inferat, quod nos de pauperet, maculet, cruciet,

PUNC-



## PUNCTUM PRIMUM.

*Peccatum spoliat bonis acquisitis, quod probatur scripturâ, Patribus, ratione, secundo impedit acquirenda.*

III. **S**ANCTUS Apostolus Paulus scribens suo Charissimo Discipulo Timotheo, eumque instruens, quomodo cuicunque regulam suam præscribere debeat, qualiter Christiane in sua vocatione vivere possit, inquit: *Præcipe divitibus huius sæculi non superbi sapere.* Sanctus Chrysostomus sapienter observat, Apostolum non dicere tantum, *Præcipe divitibus*, sed divitibus huius mundi; quia duo sunt genera divitum: Nempe divitum huius mundi, & divitum mundi Christi Jesu. Similiter duo sunt species divitiarum, puta spiritualium, & temporalium. Temporales sunt aurum, argentum, census annui, hereditates, quas optime Salvator vocat fallaces, quia non dant id, quod promittunt; implent quidem scrinia, sed non corda, eum, qui illas possidet, non reddunt meliorem, sed sæpe peiorem, non satiant appetitum, sed eum acciunt, & augmentant, non quietant animum, sed eum magis turbant.

Veræ opes sunt divitiæ spirituales, & cælestes, Thesauri gratiarum, dona sancti spiritus, gratiæ infusæ, cumuli meritorum, quos anima corrogavit per frequentationem Sacramentorum, per praxin bonorum operum: Gloria, & divitiæ in domo eius canit Psalter loquens de iustis. Et sanctus Paulus: *Habemus The-*

*saurum in vasis fictilibus.* Peccatum porro mortale animabus omnem aufert The-saurum, omnes ei opes adimit, omnibus hisce bonis eam spoliât, & ad extremam egestatem reducit. Quod si homo iustus cedat foro, hoc est si peccet, & committat aliquot crimen, omnia eius bona opera oblivione sepelientur. Ita Deus per Ezechielem. *Si averterit se iustus à iustitia sua, & fecerit iniquitatem, omnes iustitiæ eius, quas fecerat, non recordabuntur,* & Salvator in Apocalypsi ad Episcopum Laodicæ: *Dicis, quia* Apo. 3. v. 17  
*dives sum, & nescis, quia pauper es, & cæcus, & nudus, & miser, & miserabilis.*

IV. Audiamus insuper Laurenrium Justinianum: *Vnius inquit peccati consensu immensas anima amittit homo divitias:* Insuper Seneca cuidam amico scribens, testatur urbem Lugdunensem suo tempore adeo fuisse magnificam, & opulentam, ut plurimæ domus palatia esse viderentur, & quælibet quamcunque urbem ornare, & ditare posset; Nililofecius, ignem unica nocte tantam edidisse stragem, ut die sequenti nemo videre potuerit, quo loco tam basilica urbs constructa fuerit, ita ut nonnisi nox inter tam vastam urbem, & campum cineribus oppletum, intercefferit. Et concludit. *Denique diutius illam tibi peruisse, quam periri narro.* En eius verba: *Multas civitates incendium vexavit, nullas abstulit &c.* Tot pulcherrima opera, quæ singula illustrare urbes singulas possent, una nox stravit, & in tantâ pace Lugdunum, quod ostendebatur in Gallia, quaritur: una nox interfuit inter urbem maximam, & nullam. Epist. 91.  
*Denique &c.*

Epist. ad  
Olympiast.

Psalm. III.  
2. Cor. 4.



V. Hoc damnum nequit conferri damno, quod peccatum mortale animæ infert. Et qualis amabó est comparatio inter quasdam merces aureas, & holosericas, aliqua ædificia marmorea, & lignea, & thesauros inæstimabiles gratiæ Divinæ, qui constiterunt pretioso sanguine Filii Dei? Habeat anima tot thesauros gratiarum, quot omnes sancti possiderunt, quot Christus Jesus potest promereri, si amor sensualis solum eius cor invadat, si consentiat alicui peccato mortali, quodcunque illud sit, omnes sunt destructi, & perdit. Inter animam ditissimam, & opulentissimam, & pauperrimam, quandoque tantum una nox, una hora, unum momentum interesse potest; solum mediatur unus consensus in peccatum.

VI. Nemo potest simul esse Dei amicus, & inimicus, dignus vitâ, & morte æterna. Minimus gradus gratiæ sanctificantis nos reddit Dei amicos, & dignos vitâ æterna. Econtra unicum peccatum mortale, nos constituit Dei inimicos, & dignos morte æterna, unde & consequitur gratiam, & peccatum mortale opponi, nec sese invicem comparari. Hinc id deplorandum est in hac materia, quod bona non tam facili ter acquirantur, quam amittantur, damna citius, quam nihil perficiuntur, & incipiunt, reparationes sensim fiunt. Urbs una nocte potest incinerari, non autem reparari, nam ad hoc plures requiruntur anni, & magni labores. *Quidquid longâ series multis laboribus, multâ Dei indulgentia struxit, id unus dies spargit, ac dissipat. Effet aliquod imbecillitatis no-*

*strasolatum, rerumque nostrarum, si tanta celeritate repararentur cuncta, quanta finiuntur. Nunc incrementa lentè exeunt, festinant in damnum.*

Una anima Christiana acquirit merita, & habitus virtutum per plurimum annorum spatium, per jejunia, elemosynas, orationes, pœnitentias, mortificationes, receptionem Sacramentorum. Verum, mox ut consentit in peccatum mortale, omnia illa, quæ sensim per tot labores, & tot bona opera acquisivit, amittit. Quomodo ergo nos non concipiamus odium, & indignationem contra maledictum peccatum?

Quadam die, funesta fama ad aures Darii Persarum detulerat, Athenienses occupatam urbem Sardicensem Lydiæ metropolim incinerasse. Rex ab hoc nuncium tantâ ira efferbuit, tantumque odium contra eos concepit, ut arcum manibus prensans tetenderit, & sagittam versùs cælum ei aculatus fuerit, dicens; Deus hanc mihi gratiam præsta, ut vindictam ab Atheniensibus repetam. Præterea, omni die mensæ assidenti, à quodam aulico, ter hæc altâ voce sibi ingeminari voluit; Serenissime, memento Atheniensium. Utinam apprehendere possemus horrenda damna, quæ nobis peccatum infert, sanè calentiissimas preces, quas ad Deum mittimus, ideo præcipuè funderemus, ut gratiam impetraremus, quâ vindictam ab hoc incendiario, ab hoc abortu naturæ, ab hoc hoste Dei, & hominum, repetere possemus.



VII. At enim verò, peccatum plura præstat; Nam non solum nos spoliari meritis habitis, sed & impedit, ne nova conquiramus. Adeo est detestabile in aliqua anima, ut hæc se ditare, non possit, nec unum obolum acquirere. Verum quidem est, quod preces, eleemosynæ, & alia bona opera in statu peccati mortalis facta, ad aliquid conducant, quodque aliquando possint, quamvis non semper, nec infallibiliter iram Dei ad aliquod tempus prorogare, obtinere auxilium, & gratiam faciendi pœnitentiam, misericordiam Dei attrahendi, ut convertamur, unde in statu disgratiæ non debent omitti, quin potius augeri; attamen gloriam essentialem, præmium æternum, nec in minimo promereri possunt.

I. Regum 4.  
v. 10.

Narrat liber primus Regum, quod postquam Infideles ceperunt Arcam fœderis, eamque in castra Philistæorum adduxissent, quædam è matronis Israelitarum gravis hoc funesto nuntio audito, tanto obruta fuerit dolore, ut ante tempus parturire inciperet, dumque feliciter masculum enixa esset, & ad stantes eam excitarent, ut spiritus resumeret, & lætaretur, eò quod jam liberata esset, Deusque illi filium donasset, illa nec minimum solaminis admittere voluit, quin immò, tota desolata ob arcam captam fuit, suamque prolem vocavit *Ichabod*, id est *Ingloriam*, & addidit: *Translata est gloria de Israel, quia capta est arca Dei.*

Gratia sanctificans est vera arca fœderis, nam per eam Deo reconciliati, & confœderati sumus; dum hac gratiæ es privatus, dolenter dicere potes:

*Translata est gloria de Israel.* Omnis tua gloria, omnes tui thesauri, omnia tua bona tibi ablata sunt. Quod si in hoc statu tu parias actiones masculinas, generosas, heroicas, & homines tibi dicant: Filium peperisti, tu non habes causam gaudendi, sed has insignes actiones debes vocare. *Ichabod*, id est, *Inglorias*, quia nec atomum gloriæ celestis tibi producere possunt.

## PUNCTUM SECUNDUM.

*Peccatum maculat animam probatur primo scriptura, secundo patribus, tertio experientia, quarto ratione, quinto comparationibus.*

VIII. **A** Nima Christiana per peccatum mortale adeo spoliata, necessario est deformis, & scæda, velut arbor sine foliis, rosetum sine rosis, astrum sine radiis, caput sine crinibus:

*Turpe pecus mutilum, turpis sine frondibus arbor*

*Et sine flore frutex, & sine crine caput.*

Nam gratia sanctificans non solum est thesaurus animæ, sed & est pulchritudo, lustrum, perfectio; ita ut anima, quæ hoc nitore est illustrata, adeo sit formosa, & elegans, ut oculos delectet creatoris, qui ad eam inquit: *Quā pulchra es amica mea! quā pulchra es!* Profecto nitor adamantis, ac aliarum gemmarum, fulgor stellarum, facies argentea Lunæ, splendor Solis, nec alia ulla pulchri-



chritudo quantumvis excellens tibi comparari potest. At enim verò, mox ut peccatum mortale, hanc animam tangit, statim eam maculat, deformat, & turpem, ac fœdam reddit.

IX. Hæc veritas in lege naturæ jam manifesta fuit? Nam unus ex amicis Job loquens de iis, qui Deum offendunt, huic viro sancto dixit: *Denigret pulchritudinem eius primogenita mors.* Et veluti duæ sunt vitæ in hoc mundo, vita nempe corporis, & vita animæ; Ita scriptura quoque agnoscit duo genera mortis, puta spiritualem, & corporalem. Spiritus est peccatum, temporalis, transitus ex hac vita. Porro antiquior ex his duabus est spiritualis; Nam anima Adami prius est mortua spiritualiter per peccatum, quam corpus damnatum in mundo fuerit, ad mortem temporalem. Prima mors spiritualis, animæ nitorem omnino diluit. Propheta Ieremias admirans elegantiam iustorum, quos vocat Nazareos, hoc est Deo consecratos, inquit: *Candidi facti sunt Nazarei eius, candidiores nive, nitidiores lacte, rubi, cundiores ebore, saphiro antiquo pulchriores.* Verum, dum similiter consideraret eos, qui hanc formam, gratiæ per peccatum mortale amiserunt dicebat: *Denigrata est facies eorum super carbones, & non sunt cogniti.*

Thren. 9.  
v. 9.

Ioel. 1. v. 17.

Vates Ioel ulterius progreditur, & inquit de iis, quod non solum omni venustate nudati sint, sed & quod computruerunt ut iumenta in stercore suo. Malachias eos etiam comparat fimo, & stercore, & hoc ut exprimat horrorem,

quem Deus concipit erga insolentias, & abusus, qui committuntur diebus festivis. *Dispergam super vultum vestrum stercorem solennitatum vestrarum.*

X. Sanctus Augustinus volens nos abstertere à peccatis venialibus, quæ tam libere committimus, inquit: *illis peccatis licet occidi animam non credamus, ita tamen eam velut quibusdam pustulis, & horrenda scabie deformem faciant, ut eam ad amplexus sponsi celestis, aut vix, aut cum grandi confusione venire permittant.* Quod si hæc faciant peccata venialia, à fortiori id agent mortalia, cum unicum solum sit plus odiosum, detestabile, & suppliciis dignum, quam decem millia venialium.

Aug. serm.  
93. de sanct.  
& hom. ult.  
tima ex so.

XI. Et quomodo amabo, peccatum non sit grandis macula coram Angelis, qui sunt adeo puri, & coram Deo, qui est ipsa puritas, cum sit odiosa fœditas coram ipsis hominibus imperfectioribus, & viciosisioribus? Vis ut tibi hoc ostendam? Viden, & accipe famulum, & ancillam in domo aliquius heri, ille amandatur ad agrum tempore pluvioso, domum redit totus lutosus, conspurcatus, madidus, an ideo infamis fiat? Sine parumper, ut veniat ad bonam societatem, & audacter loquatur. Ancilla iubetur, ut stabulum purget, manus, pedes, vestes fimo, & stercore perfusæ sunt, an propterea in publicum non audeat comparere? Ideo in ruborem detur?

Pona.



Ponamus postea illum famulum deprehendi in furto, & ideo eam dimitti, demus illam ancillam committere fornicationem, & utrum ferre, an oculos levare audeant? An cervice erectâ incedere præsumant? An non totâ vitâ erunt odiosi, humiliati, vilipensi, & infames? Quod si iis in quodam confortio dicas, ah, quam lutulenti tunc fuistis, nec minimo rubore afficientur; sed si iis dicas post viginti annos, tu commisisti furtum, tu fuisti imptægnata, statim pudefient, & præ mœrore morientur. Ex hoc confectum videmus vitium in hoc mundo, juxta mentem ipsorum, vitiosorum grandē maculam esse.

Axioma est Philosophicum, experiētiâ demonstratum, nempe quod quod major est perfectio, eò privatio etiam deformior sit, & quod creatura est excellentior, eò etiam corruptio horribilior sit. *Optimi corruptio pessima.* Pomum putridum gravius olet, quam lignum putrefactum, cadaver bestię magis fœtet pomo putrido, homo mortuus de, teriorē spirat olentiam, quam cadaver bestię. Gratia Dei qualitas est excellentissima, anima rationalis creatura nobilissima, & bellissima; unde privatio illius, corruptio hujus debet esse turpissima, deformissima, & odiosissima.

XII. Nescio an sciatis id, quod paucos ante annos in Hollandia accidisse ferunt. Amstelodamum est emporium celeberrimum in toto mundo. Mercator quidam maurus, ceu Aethiops, qui ibidem mercatorem agebat, captus fuit amore ejusdam Hollandę, illam duxit in uxorem, ex ea suscepit prolem nigram sicut ipse. Dūm Aethiops aliquamdiu negoriorum causâ abfuisset,

& hac ac illac fuisset profectus, dum quandoque domum rediret, infans, qui non nisi vultus candidos videre solebat, ad ejus conspectum consternabatur, clamabat, & sese abdebat, ac matrem inclamabat dicendo, mama, mama bestia venit. An meritò hæc dixit? Nonne ad risum videntes, & audientes concitasset? Hunc Aethiopem horruit, cum tamen esset ejus parens, & quidem adeo similes inter se, uti sunt duę guttę aquę.

Tu sane hunc infantem imitaris. Si sermo incidat de Diabolo, tu de eo loqueris cum contemptu, tu eum vocas nequam, Spiritum pravum, bestiam execrandam. Econtra Filium Dei asseris tuum esse Patrem. *Vos ex Patre Diabolo estis.* Tu similis ei es non minus, quā duę guttę aquę tu es niger, fœditus, monstruosus, ab abominabilis, nō minus quam ille; immo plus. Quid Diabolo nigredinem affricuit? Peccatum, unicum solum peccatum, peccatum cogitationis, vellismus erat, unica sola cogitatio Angelum in Diabolum mutavit. Tu commisisti plusquam quinquaginta peccata, ergo niger es sicut quinquaginta Diaboli, aut uno diabolo quinquagesies nigrior.

XIII. Quod si ad hanc veritatem te reflectas, si pulchritudinem animę in gratia constitutę, & fœditatem illius, quę est in peccato, videre posses, tu imitareris martem scythicam, ceu murem ponticum. Hic tam impense amat suum candorem, tam sollicitē conseruat suam puritatem, & nitorem, ut malit mori, quam in minimò contaminari. Venatores ex una parte cingunt ejus cavernam, ex altera patte obijciunt aggerem

Ioann. 8.  
v. 44.

Aug. serm.  
3. de sanct.  
& hom. ul.  
ima ex so.



Item quendam ex fimeto, & lato, ille prius irrumpit in lanceas, & hastas, quam ut currat in finem, & ita vitam suam salvet. Ille pro symbolo eligere potest: *Malo mori, quam fœdari.* Hinc ejus pelliculis tenerrima ornat regias summas ipsorum principum, & Monarcharum: *Beatus vir, qui inventus est sine macula.* Felix ille, qui in sua vita hanc regulam prædestinatorum pro maxima habet: *Malo mori quam fœdari, prius moriendum, quam peccandum.* Si mus ponticus in fimeto se abderet, contaminaretur quidem, sed interea evaderet cuspidatas hastas, & lanceas, quas venatores illi obiciunt.

### PUNCTVM TERTIVM

*Peccatum cruciat animam,  
probatum primo scriptura, secundo  
Patribus, tertio ratione.*

XIV. **E** Contra si vos fimeto peccati conspurcatis, sed & vos irrumpitis in cuspidem conscientię, quę vos continuo cruciat, & tormentat. Propheta hunc cruciatum comparat dolori, quem experitur femina parturiens. *Ece parturit in iusticiam, concepit dolorem, & peperit iniquitatem.* Tu quidem buccinis ad ludicra certamina descendis, tu te recreas, tu in ludos te effundis, verum hæc omnia speciosa videntur, sed intus aliter se habent, nam scis, quod intus, & in corde non nisi extremis labris gustes dulcedinem voluptatis, quę acerbitati conscientię, & timori mortis, apprehensionem judiciorum Dei commixta est. Ipsimet poetę hanc veritatem agnoverunt,

*Psal. 10.*

*Pœna autem vehemens, & multo severior illis*

*Quas aut seditius gravis invenit, aut Rhodamanibus*

*Nocte, dum suę gestare in pectore testem,*  
& Jurisconsulti: *Ex quo quis sceleratissimum consilium cepit, exinde quodam modo suam mentem punitus est.* Mox ut pravam elicit, actionem, aut aliquod peccatum mente concepisti, jam habes intra te partem adversam, qui contra te litigat, testem, qui nequit mentiri, judicem, quem nequis refellere, carnificem, quę nequis effugere, conscientiam, quę te accusat, quę contra te testatur, quę te condemnat, quę te torquet. Id Deus minuitur per Isaiam: *Ponam Babylonem in possessionem ericii.* Anima peccatrix est vera Babylon, filia confusions, tota turbata, & confusa in sua conscientia, in sua vita, in suis actionibus, in sua familia. Deus eam subiicit tyranni diericii, punctationum, & corrosionum synderisis, quę eam continuo lancinat.

*L. Divi  
marci cod.  
ad legem  
Iuliam.  
majestatis*

*Isaie. 14.  
v. 23.*

XV. Hinc Augustinus: *Iussisti Domine, & sic est, ut pœna sit sibi omnis inordinatus affectus.* Dicit *Iussisti*, quia hic infernus conscientię, est effectus iustitię Divinę, quę condemnat animam peccatricem ad hanc pœnam inevitabilem.

XVI. Et quidem iustissimè, nam inquit Iurisconsultus: æquissimum est, ut atrociora crimina puniantur in eo loco, in quo sunt commissa. Constat autem, quod primò, & principalius in corde peccata committantur, de eo enim, ut inquit Filius Dei exeunt prava cogitationes, homicidia, adulteria, fornicationes, furta, blasphemias, ergo in anima, & corde primo, & principaliter debent

*Capital.  
ss. famosis  
ff. de poenis*



beat puniri: Poena sit sibi inordinatus affectus.

Matth. 15.  
v. 19.

XVII. Et en aliam rationem huius veritatis. Omne id quod est inordinatum, est in statu violento, omne autem violentum cruciat. Quod si vel scintillam habeamus iudicii, sensus, quod nil sit adeo pacatum, tranquillum, deliciosum, jucundum, felix, quam anima, quæ est grata Deo, quæ affectus suos habet ordinatos, passiones attemperatas, quia est quidam paradysus terrestris, hortus deliciarum, convivium continuum. *Mens iusti iuge convivium.* E contra nil est adeo inquietum, infelix, in se turbatum, quam homo Dei inimicus. Is quidem potest ridere, joculari, hilarem se ostendere, gaudere, sed est risus sardonius, gaudium, quod non penetrat cor, nam anima ejus non est in suo loco naturali, quia est in statu violento, nec quiescere potest. Quamdiu brachiū est disruptum, tu non solum nil bene facere potes, sed et continuo doles, quia non est in tuo loco naturali. Status hominis naturalis in eo consistit, ut pars inferior sit subiecta parti superiori, caro spiritui, Spiritus rationi, ratio Deo. Quando una affectio inordinata hunc ordinem rumpit, quando passiones turbantur, quando caro, & sensualitas negant obedientiam debitam Spiritui, & Spiritus eam, quam debet rationi, anima est tota turbata, inordinata, diffracta, est in statu violento, & necessario est in quodam inferno. *Posuisti me contrarium tibi, & factus sum mihi inimicus gravis. Quis Deo restitit, & pacem habuit?*

Iob. 7.  
v. 20.  
Iob. 9. v. 4.

## CONCLUSIO.

Per recapitulationem, primo per comparisonem, secundo per lamentationem Ieremia.

XVIII. **N**unc Vides, qualem paupertatem, fœditatem, cruciatū tibi peccatum afferat. *Vaganti peccatrici, populo gravi iniquitate.* Mihi vide- *Isaia. 1.* or videre rusticum opibus terrenis turgidum, sed iudicio, & sensu communi inopem, unus ex vicinis eum ducit ad popinam, & ex amicitia, & liberalitate pro eo solvit, sed apparenter, & tantum ut eum decipiat, & in suas partes trahat, nam si parum hilarior sit, si tria, vel quatuor vitra vini ultra morem epotarit, eum rogat ut se vadem velit constituere in illo contractu inito, ut aliquam pecuniam velit dare ad censum, & hic misellus non audet denegare, ut pote alteram obligatus. Advocatur Notarius, & quia nil amplius agendum est, quam quod dicat ita, & subscribat, putat se nil agere; cum tamen interea appetit mediam mensuram vini, in magnum se conjicit debitum, omnia sua bona acquisita, & acquirenda obligat, immo suam personam obstringit pro solutione totius summae. Sed quid fit? Dum sensim pensio excrescit, suo damno experitur, quid egerit dum solutio ab eo repetitur, dū mobilia auferuntur, & omnia bona creditori adjudicantur, dumque quandoq; vult ire ad suum prædium, vel vineam, ut fructus de more colligat, hoc non permittitur, cum ejus bona iam vendita sint, ut creditoribus satisfiat. Et tandem manus in eum iniiciunt, & in carcerem detrudunt, ubi lacrymis suum errorem luget.



Tu imitaris hunc idiotam, cum tamē sapiens haberi velis. Tu putas te nil facere, quando patras peccatum mortale, & hoc ideo, quia est actio transeuns, nec advertis ad inconvenientia, quæ ex illo sequuntur. Anscis qualem jacturam incurras? Anscis, quid alienes? Quo te abdicēs? Maximo, ditissimo, pretiosissimo, nobilissimo in cælo, & in terra. Tibi hoc nihil esse videtur, quia ut periurium committatur, non oportet nisi ut levetur manus, ut subsignetur injustus contractus, duo tantum, vel tria oportet scribere verba. Sed anscias, quid hoc sit? Nil aliud, quam si tibi dicerem, ego nolo esse amplius Filius Dei, frater Christi, Sanctuarium sancti Spiritus, amicus Virginis, Angelorum socius, civis Sanctorum, heres paradisi, membrum vivum ecclesiæ. Quin potius volo esse Dei hostis, ejus partis desertor, objectum ejus iræ, inimicus Salvatoris, odiosus Virgini, & sanctis, membrum Antichristi, aurum Dæmonum. Ege cedo omnibus bonis spiritualibus, ac meritis huc usque acquisitis, ego me reddo mancipium Diaboli, confederatum hostibus Dei, eorum me tradō potestati, animam meam, & corpus ad carcerem obligo, me obstringo ad ignem æternum, oppigno meam legitimam paradisi, ut fruatur voluptate, & sine à me intento. Ego magis æstimo hanc voluptatem, potius gratificari volo illi perverso, parum argenti possidere, quam obtinere omnia bona, quæ mihi potest præstare.

XIX. Cogor itaque continuare meas elegias lugubres, lamentationes justissimas, & clamare cum Jeremia, & deplorare non devastationem urbis Je-

rusalem, sed ruinam animæ Christianæ quæ mortaliter peccavit: *Manum suam misit hostis ad omnia desiderabilia ejus, egressus est à Filia sion omnis decor ejus, disecit gaudium cordis nostri. Vanobis quia peccavimus; propterea moestum factum est cor nostrum.* Habes hic compendium mei discursus.

*Manum suam misit ad omnia desiderabilia ejus.* Hostis omnia tua pretiosa abstulit, jam sunt decem, quindecim, viginti anni, quibus frequentas sacramenta, virtutes exerces, missam quasi quotidie audis, quolibet mense communicas, stipem erogas, & aliis operibus pietatis, & charitatis vacas. O thesaurum gratiarum, ærarium bonorum operum, cumulum meritorum! Sed eheu. Unus perversus, unus satrapas Diaboli te trahit in consensum peccati, & statim omnia hæc bona amittis. O Horrendam jacturam? Nonne multo satius esset, quod in lemurem, & spectrum incidisses, quam in hunc abominabilem, qui tantam cladem edidit? Quid pretiosius virtutibus Theologicis, cardinalibus, donis Spiritus Sancti, filiatione Dei, iure ad gloriam cælestem? Fides in tua anima est extincta, spes omnino sopita, charitas mor tua, dona Spiritus sancti ablata, virtutes Cardinales destructæ, quod si aliqua remanserint, illæ non sunt supernaturales, & Divinæ, sed humanæ, & morales.

*Egressa est à Filia Sion omnis decor ejus:* Illa anima, quæ fuit adeo decora, ut videatur Deus non habere oculos, nisi ut eam intueantur: *Firmabo super te oculos,* nec habere os, nisi ut eam laudet: *Quam pulchra es amica mea, formosa mea, speciosa mea, facies tua decora,* cor  
nisi



nisi ut eam amet, *Apponis erga eum cor tuum*. Hæc anima totaliter est conspurcata, deformata, decolorata, odiosa, abominabilis, horribilis, execrabilis, *Egressus est à Filia Sion omnis decor ejus*. Dicit omnis decor, ut comprehendat nitorem animæ, & corporis. Dum fuisti in statu gratiæ, anima tua fuit adeo gratiosa, tam pulchra, & perfectæ, ut gratiæ, nitores, & perfectiones in corpus redundarint, & sese diffuderint. *Oculi tui columbarum*. Oculos habebas columbinos, simplices, modestos, plenos misericordiæ, & dulcedine, tu non respiciebas virtutes proximi, nisi ut eum honorares, vitia, nisi ut iis condoleres; nunc autem habes oculos vulturis, qui obtutus nullos emittunt, nisi ut proximum inficiant, cor tuum inquinant. Tu aliorum perfectiones non intueris, nisi ut eas illis inideas, non conspicias imperfectiones, nisi ut eas perstringas, nitores ejus non aspicias, nisi ut appetas, deformitates, nisi ut eas pungas. Sanctus pudor tingebat tuas genas, frontem, & oculos, nunc autem effrons es velut filia meretricis: Antea de te dicebatur: *Genæ tuæ sicut fragmen mali punici*. Nunc autem: *Erons meretricis facta est tibi, noluisse erubescere. Labia tua*. Erant velut *vitta coccinea*; non se aperiabant nisi ex amore Dei, aut charitate proximi, ut per calentes preces ligarent manus justitiæ Divinæ, aut ut vicinos nexu perfectæ amicitie colligarent. Nunc vero aperiuntur, ut blasphemant Sanctum Dei nomen, ut famam hominum lacerent, & proscindant. Antea caput tuum erat solum quoddam modestiæ, simplicitatis, & gravitatis Christianæ, nunc *caput tuum sicut carmelum*. Sed nunc in ipsis Ecclesiis magis Gyra-

tur, quam penula, seu index ventorum, non solum movetur ad quemlibet minimum strepitum transeuntis. Manus tuæ erant adeo innocentes, & puræ, ut magnâ fiduciâ eas ad Deum Levaveris: *Levans manus puras*; Nunc autem horres eas præsentare Deo, *quia sanguine plenasunt*, omnino maculatæ sunt in justitiis, rapinis, percussionibus, actionibus infamibus.

Tuum cor antea exæstuat ab consolationibus Spiritus Sancti, nunc autem refertum est funestis accidentibus: *Secundum multitudinem dolorum, consolationes tuæ latificaverunt animam meam*. Nunc autem inter ipsas summas delicias mærore refertum est. Potes nunc dicere. *Defecit gaudium meum*. Nul- lum amplius gaudium solidum habes, nullam veram quietem, nec ullum experiris diem prosperum, nullum gustas bolum, quinon habeat admixtum absinthium, Furie tuæ conscientie te diu, noctuque exagitant, passionibus tuæ inordinatæ misellum tuum cor dilaniant uti vultur promethei. Injuria illa, quâ intulisti illi orphano, illi viduæ, illi pauperi puellæ, est velut sanguis Abel, qui vindictam contra te clamat, & vindictâ à te per remorsus tuæ conscientie, repetit. Tu continuo times, ne in hac actione tu continuo anxiaris ne vincaris ab illo perverso, cui tã sæpe restitisti, tu continuo torqueris ne ille te prodar, & te ad vivum depingat, continuo tu gemis, quia ab illo non potes te expedire. In tua prosperitate vix dulcedinem gestas, quia scis, quod non diu durabunt, & quod Deus te spoliabit tuis bonis, quæ adeo insolentem te reddunt.

In tuis adversitatibus, es impatiens, fastidio.



fastidiosus, tetricus, tibi & aliis in supportabilis, quia nil reperis, quod te quietet. Extra te nil aliud est, quam adversa, intra te, nil nisi malitia. *[Non est quo ex eas, quia dura sunt, non est quo intres, quia mala sunt.]* In conversatione non es contentus, semper est aliquis, qui tuæ naturæ non conveniat, nec cui non inideas ex malitia, vel antipathia. Dum soluses, tristitiâ coniceris, quia in prava societate non potes lætari, eum tamē semper apud te sit, quem perversum esse nosti: *Cuiquam cum malo bene esse non potest, quisquis autem malus est, malè secum est.*

Tibi vivere molestum est, eò quod tuis votis frui nequeas. Tu mortem apprehendis tanquam finem tuarum deliciarum, tu times iudicium, tanquam sententiam tuæ condemnationis, tu consideras infernum, ad quem velut ad diem æ-

ternitatis lentè properas, tu respicis paradysum, tanquam divitem hereditatē, ad quam nullum ius habes. Hæc si non sentias, induratus es, stupefactus es, spiritualiter insensibilis, adeoque es in monumento inferni, suburbio damnationis.

Dicamus ergo cum Ieremia, quia maiorem causam habemus: *Va nobis quia peccavimus*, vā nobis, si deinceps peccemus. Mi Deus, Mi Deus, ne amplius hoc permittas, sed potius nos deduc ad mortem, immitte nobis quam tuncunque velis atrocem pœnam, solummodo nos à peccato præserva. Si hanc nobis gratiam præstes, nos te laudabimus, nos tibi grates referemus, nos te benedicemus, nos ex toto corde in cælo, in sæcula sæculorum te laudabimus.

Amen.

## SERMO VIGESIMVS QVINTVS.

Pro Dominica septima post Pentecosten.

Peccatum est causa afflictionum temporalium.

*Omnis arbor bona, bonos fructus facit Matth. 7.*

EXORDIVM.

**N**emo dubitat, quin malæ arbores mali etiā furculi sint. Mala utiq; fuit arbor lignum scientiæ boni, & mali, quia primos nostros parentes, eiecit ex paradiso, denudavit gratiâ iustificante, & iustitia originali, subiecit eos pœnalitatibus huius vitæ, Adamum vitæ laboriosæ, Evam doloribus partus, & tandem morti temporali. Et quamvis illa arbor sublata sit, nos tamen non debemus putare, quod furculi sint meliores, qui ex illa arbore processerunt, & pullularunt, nempe peccata æqualia,

quæ post peccatum originale committimus, non inquam putemus, quod sicut peccatum originale in protoparentibus nostris causa fuit, non solū mortis æternæ, & privationis gratiæ, ita etiā peccata æqualia, quæ nos committimus, tantum nos privent gratia, & reddant Dei inimicos, quia uti hac concione cum Auctore ostendam, peccatum est causa afflictionum temporalium, quia Deus ob illud punit in bonis, honore, & vitâ.

*Multa flagella peccatoris Psal. 31. v. 10.*

I. Damna



I. Damna spiritualia, quæ peccatum nobis inferunt, & de quibus egimus diebus antecedentibus, plusquam sufficientia sunt, ut nos moveant ad poenitentiam, & detestationem peccatorum commissorum, attamen, quia animæ mundanæ sunt totæ sensuales, nec ab aliis moventur, quam ab iis, quæ cadunt sub sensum, oportet hodie afflictiones temporales sub oculos ponere, quas Deus sapius immisit, & quotidie in pœnam peccatorum immittit, & quidem, primo personis privatis, secundo civitatibus, communitatibus, provinciis integris, quas aliquando affligit bellis, peste, fame ob peccata unius tantum hominis.

Et quidem, ô sacratissima, Virgo, Iustitia Dei fac frequenter mundum his flagellis involueret, nisi tu hoc impedires, nam tuus devotus famulus sanctus Dominicus quadam die conspexit tuum Filium summopere succensum, has tres lanceas suppliciorum dictorum evibrantem, te vero eius vindictam cohibentem, & per incantationem tuam eloquentiam, & intercessionem maternam eius indignationem suaviter placantem. Supplices te rogamus, ut has preces in gratiam eorum continues, qui ante tuos pedes iugiter prostrati, te cum Angelo salutant *Ave Maria*.

## IDEA SERMONIS.

### EXORDIUM.

*Iustitia Dei est timenda.*

II. **V**nus est non ultimis amorosis effectibus Divinæ misericordiæ erga homines est, quod eos fac tempestive moneat, & in mentem revocet, uti communiter assolet, rigores suæ Divinæ Iustitiæ. In hunc finem principaliter a-

mandare, & instruere consuevit suos Prophetas. Et quidem illi, qui non sunt abligrati nisi ad villas, regna particularia, provincias, sic orsi sunt tuas minas: *Onus Ninive, onus Babylonis, onus Aegypti*. At enim verò, quandoquidem Propheta Ieremias in mandatis habuit cunctis nationibus, & toti orbi supplicia per peccata promerita intimare, in exordio sic eum est affatus: Propheta, quid tu vides? *Virgam vigilantem ego video*. Iustitia Divina, quamvis quandoque sit virga lignea, quandoque ferrea, attamen semper est virga vigilans. In hoc mundo communiter est virga lignea, virga dulcis, & paterna, nam ea utitur, ut suaviter castiget suos filios, eorumque actiones pueriles emendet.

At enim in altero mundo est virga ferrea, velut loquitur in eodem loco Ieremias ahenum, vel olla bulliens, quæ conterit, comburit, tormentat, & cruciat animas reprobas per totam æternitatem. Semper porro est virga vigilans, quia oculos semper habet apertos, ut observet omnia peccata, quæ committuntur, nunquam obdormescit, sed assidue vigilat, ut infallibiliter puniat sine respectu personarum peccata, in hoc, vel in altero mundo. Alia versi propter *Virgam vigilantem*, legit, *Baculum amygdalinum*. Testatur Albertus Magnus Virgam, vel ramum amygdalinum cervicali impostum arcere somnum. Sit ut sit, nam non me vexo, an hoc verum sit, id solum scio, quod si anima Christiana semper secum haberet, vel ut melius dicam in suæ apprehensione hanc virgā amygdalinam, hanc virgam vigilantem, sane non ita dormitura foret in utramque aures, quando est in statu peccati mortalis. Porro



Porro ut somnum ab anima peccatrice arceam, & impediam ne obduretur in peccato, ego hodie peccatoribus offero hanc virgam amygdalinam, hanc virgā vigilantem, ei ubi oculos ponam afflictiones temporales, quas iustitia Divina in poenam suppliciorum decrevit. In duas vero eas divido classes, nempe in privatas, quas immittit hominibus privatis, & in publicas, quibus afficitur bes, & integras communitates, & hoc ob unicum tantum peccatum, & quidem tale, quod non videtur adeo enorme.

PUNCTVM PRIMVM.

*Deus puniuit personas particulares poenistemporalibus, in bonis Ezechiam, in honore Oziam, in vita Onan.*

4. Regum  
20. v. 12.  
Isaia. 39.  
v. 1.

III. **P**ORRO e millenis unū tantum huius rei exemplum adducam. Et primo quidem Rex Ezechias, qui parem non habuit in pietate, & ideo saepe laudatur in sacra scriptura, ob peccatum in bonis temporalibus punitus fuit. Ac dū morbo fatali decumberet, ab eo prodigiosè curatus fuit, in hunc quippè finem vatem expressè ad eum amandavit, utque eum de convalescentia securum redderet; cursum stitit astrorum, & solem retrogredi fecit. Tam conspicuus fuit, ut Berodach Rex Babyloniorum ad eum legatos ablegarit, qui munera ei offerrent, & ob sanitatem recuperatam ei congratularentur. Ille dum ita se honorari videret, inflari cœpit, & efferri, & ut suā maiestatem ostentaret, opes suas exposuit, & legatis his aurum, argentum, thymiamata, vasa pretiosa, suppellectilē opulentam, aulæ rara, & exquisita, quæ

in sua Regia, & scriniolis asseruabat ostendit. Et quidem certum est, utriusque tenent Tertullianus, Hieronymus, Ambrosius hoc peccatum non fuit unum è gravioribus, sed tantum peccatum vanæ gloriæ. Et quia Deus in suis servis maximam exigit perfectionem, & specialiter iis, qui illi valde obligati sunt, misit ad eum Isaiam, qui Dei iussu hæc ei dixit. Ecce hi legati in hanc advenerunt urbem? Hi sunt legati Regis Babyloniorum, qui ex parte ejus me visitarunt, ego iis ostendi meos thesauros, nec aliquid rari, vel pretiosi in aula mea iis occultavi. Viden, quam insigniter Rex Iudææ, princeps unus adeo Deo obligatus, hos legatos receperit. Pro eo, quod eos debueras ducere ad templum, iisque de prædicare Deum, & ejus Divinas perfectiones, & illos occupare in operibus Religiosis, quomodo in id incubuisti, ut iis ostentares tuos thesauros? Nunc quaeso vos sententiam Dei audite. Omnis tua suppellex expilabitur, omne aurum, & argentum, quod tui antecessores hucusque corrogarunt, & quidquid habes in aula tua, tibi auferetur, & in Babylonem unde illi legati venerunt deportabitur, & tu, cum tuis prolibus illuc captivus abduceris.

Lib. 4.  
in marcionem.  
Hieronymus: in hunc locum. Ambrosius, in Psalm. 118.

Nunc te compello: quomodo ergo stupore percellaris, quod ad incitas redigaris? lites, cessiones fori, cautiones, negotiorum iactura tuas facultates misit in Babylonem, hoc est in confusionem. An scis, quomodo evanuerint? Numerus tuarum prolium, & expensarum, ac onerum augmentatur, tua econtra fides, emptorum ad tuam officinam frequentia, annui proventus minuuntur, & quasi



& quasi annihilantur. An tu sis huiusce rei causa? Quando omnia tibi prosperè successerunt, tu fuisti superbus velut pavo, continuò tuam caudam rotasti, fastu turguisti, tuam magnificentiam, ostentasti; Deus autem, qui superbis resistit, ut te humiliaret, omnibus te spoliavit, & arma tibi ademit, quibus eum oppugnasti.

2. Paral.  
26.

IV. Secundo Deus Oziam punivit in honore. Hic Princeps regnare cœpit decimo sexto ætatis anno tam feliciter, & prosperè, ut plures, easque insignes reportarit victorias, ille exercitum tercentum mille virorum eduxit in campū, eum armis, pecuniā, commeatu abundè instruxit, ille tempore pacis, & belli adeo fuit fortunatus, ut fama ejus totum repleverit mundum. Dum adeo esset potens, & magnificus, cor ejus in ejus ruinam, teste scripturā elevatum est, ille munus sibi usurpavit, quod ei non conveniebat, ille sanctuarium intravit, thuribulum arripuit, ut Deo thus adoleret. Magnus sacerdos Azarias eum cohibiturus dixit: Serenissime, quantocius hinc abeas, hic tuus non est locus, hoc tuum non est officium, nam thuris adolatio solum sacerdotum, & Levitarū est. Ille hunc monitorem sprevit, & suæ inhæsit præsumptioni, & ex eodem tempore Dei ultrix manus eum invasit, lepra eum percussit, pudore, & confusione plenum eum è templo eiecit, è Regia, & metropoli eum proscripsit, totā vitā leprosus mansit, & in domo campestri vitam suam ab hominibus sequestratus transigere coactus fuit. Dumque viatores transeuntes, interrogarent, quis in illo habitaret leprosorio, responsum acceperunt, quod in illo habitaret Rex

Ochozias, qui Deum ambitione præsumptuosā offenderat.

V. Quoad pœnam vitæ sanctus Paulus testatur, quod si aliquis in priscā lege duobus, vel tribus testibus convinceretur aliquam legem Moysei daram violasse; morti addiceretur; & nequis diceret id fuisse factum ratione status, & ut posteris daretur exemplum, in lege naturæ legimus ultricem manum Dei nefandum crimen, quod onas Filius Patriarchæ Jacob contra finem matrimonii, qui est bonū prolis commiserat cū sua uxore morte tēporali punivisse, per quam funesto itinere transivit ad mortem æternam. *Eo, quod rem detestabilem faceret in flagranti crimine extinctus est.*

PVNCTVM SECVNDVM.

*Deus inflixit tria flagella ob unum peccatum, famem ob Saulis, pestem ob Davidis, malum successum in bello ob Achab. Hac tria flagella multis provinciis nostro tempore inflixit.*

VI. **A** Tenim verò id unum vel me maximè angit, quod videam in scriptura Deum ob unicum peccatum à quodam particulari patratum integras communitates ærumnis temporalibus involuisse. Considero itaque, quod eodem tempore visum fuerit, quod fame, peste, bello in populum animadverterit. Quoad famem, quandoque conspiciam quandam misellam matrem gravari tribus, vel quatuor parvulis, qui dum panē petunt, nil aliud expectare possunt, quā lacrymas, & aspectus compassionis. Vidimus quandoque miserum populum avidissimè appetiisse panem furtivum,

X x

aut

Heb. 10.  
v. 28.  
Gen. 38.  
v. 10.

Lib. 4.  
in marcio-  
nem. Hie-  
ron: in hūc  
locum. Am-  
bros. in Psal-  
118.



aut glandes, vel grana cannabis, cursitas se per campos, & herbis instar bestiarum se pavisse, ut vitam languidam sustentaret. At Deus ultra progreditur, ille aliquid dixit, quod ego non auderē dicere, nisi ille id prius dixisset, unde non debeo vereri, quod ego post eum illud dicam. Ille populo suo minatur, nec ejus minæ vanæ sunt. Dicit itaque, quod si ejus mandata non sit observaturus, quod famem adeo atrocem sit immisurus, ut domicella, quæ antea fuit, adeo tenera, & delicata, ut humeris famulorum se portari fecerit, tam dira fame coacta defectu aliorum ferculorum comederit illuviem secundinarū, quæ egrediuntur de medio feminum ejus & secundinam, cui infans in ejus utero involutus fuit, idque latenter, ne maritus suam partem haberet. Et annon meritò crines nobis arrigi deberent, ad solam nominationem peccati, quod justissimè tale supplicium promeretur?

VII. In peste, quæ grassante cogimur amittere consanguineos conjunctissimos, amicos intimissimos, quandoque conspectum fuit, & signanter. Mediolani tempore Sancti Caroli Borromæi parvulos ad ubera matris hærentes contagione mori. Miselli illi infantes fugebant ubera, sed nil attrahebant, ubi alias inveniebant refocillationem vitæ, tunc inveniebant mortem, inclamabant matres, sed illæ nil respondebant, utpote, quæ nec visū, nec vitam habebant. In bello cuncta impunè grassantur vitia, dissoluti, & perversi vexillis explicatis debacchantur, & anpullantur, virtuosi conculcantur, justitia vilipenditur, crudelitas exercetur, in bello nulla spectatur innocentia

infantū, nulla debilitas feminilis, nulla canities senum, nulla castitas Virginum, nulla sanctitas sacerdotum, auctoritas legum, majestas templorum, & ut verbo omnia dicam, bellum est mater famis, & avia pestis; nam pestis procedit à fame, fames vero à devastationibus, quæ in bello fiunt.

VIII. Postquam hæc consideravi, me cū sic discurre: Ergone fieri possit, quod Deus hominē creavit, primario ut eum talibus miseriis subiceret? Nequaquam, quia nimis bonus est, & nimium afficitur creaturis sibi charissimis, ut eas tot æumnis conficiat, si non sint reæ. Unde patet per peccatum ianuam apertam, & has miseras in mundum invectas. Et quidem invenio ex sacra Historia, quod Deus ob unicum peccatum, & quidem, quod non videbatur adeo enorme, integram communitatem uno ex his tribus flagellis affecerit. Et primo quidem secundus Liber Regum recenset tempore Davidis famem integro triennio populum Dei exercuisse. David ut eius causam cognosceret, oraculum consulvit, à quo audivit eam immisam ob fidem Gabaonitis factam à Saule violatam. En ergo rei eventum, uti eū liber Iosue commemorat. Postquam Gabaonitæ magnum progressum, & felicem successum armorum Iosue, & populi Israelitici intellexissent, dum iis se non posse resistere viderent, id consilii arripuerunt, quod postea Lysimachus suis dedit, nempe alligarent cuspidi hastæ pellem vulpis, aut leonis, casu quo illa esset nimis brevis, & viribus deficientibus ad stratagemā recurerent, induerent nempe vestes laceras, & tritos calceos, panes sumerent siccos, & mucidos, & ad Iosue tanquam

2. Regū. 21



Iosue. 9.

quam ablegati irent, ac dicerent: Potentissime Domine, per tua heroica facta cognovimus potentiam tui Dei, & benedictionem, quâ tuis armis favit, & quomodo in tui gratiam Regē Aegypti, & alios Reges obriverit, nos à nostra gente ad te ablegati sumus, ut tecum fœdus ineamus, si ira suæ visum fuerit majestati.

Placet dicebat Iosue, nisi forsan sitis Amorrhæi, quorum terram nobis Deus donavit, Nequaquam Domine replicabant, tales sumus; nam è partibus adeo remotis venimus, ut vestes, & calceos, quos in egressu novos induimus, jam ferme attriti sint, & hi panes muci, quos recentes in comœatam, dum abiremus, nobiscum sumpsimus, uti vides. Iosue simpliciter fidem iis adhibuit, credens eos sinceros, & veraces sicut ipse, & ideo fœdus cum iis statuit, & seriò promisit bellum iis nullum à se inferendum. Illi, qui quandoque dicunt, si nil aliud exigatur, quam extendere digitum, jam res est nostra, hic attenti sint. Quod si scias, quid sit levare digitos, tu potius eos dentibus discerperes, quam ut pejerares, etiam ob rem dubiam. Plurimo elapso tempore post hoc fœdus initum, nempe, post quatuor circiter sæcula, Saul Rex populi Dei creatus, exiguum scrupulum habuit, quod fœdus adeo antiquatum, & vetus violaret, nullum censuit esse crimen, si fidem infidelibus datam, mendaciis extortam frangeret, & ideo bellum contra eos movet, Deus porrò mortuo Saul revelavit hanc famē esse immissam ob periurium, & fidem Gabaonitis à Saul non servatam. David itaque eos adit, & humiliter sic

eos allocutus est. Qualem exigitis satisfactionem? Nos nullo respondebant indigemus auro, & argento, hanc perfidiam extirpatione memoriæ, & propaginis Saul ulcisci decrevimus. Tu septem ejus nobis consigna proles, quæ apud te sunt, ut eas in furcam agamus. David illos misit, patibulo eas appenderunt, & fames cessavit. *Ereione illatus est Deus terra post hac.*

IX. Secundo habemus quoque exemplum de peste. Historia omnibus nota est, & sæpius epulpitis, declamata, ego succinctè eam narrabo. Davidem quadam vice spiritus vanæ incesserat gloriæ, & ideo numerum eorum, qui armis ferendis pares essent, recensere voluit. Itaque contra suum summi Archistrategi, & consilii Bellici, populum numeravit, sed postea hujus errati illum pœnitui, ejusque veniam oravit. Sed quid effecit? Propheta Gad jussu Dei ad eum mittitur, & trium optionem ei dat, eligat nempe famem, pestem, aut bellum in pœnam sui peccati. Ille elegit pestem, quæ sexcentas, & decem mille animas depopulata est, per gladium Angeli à Deo missi.

X. Ultimo habemus cladem acceptam in bello. Iosue Dux populi Dei urbem Jericho arctâ obsidione cinxit, eamque adeo pressit, ut mœnia ad sonum tubarum solo æquata sint. Ille jussu Dei edicto proclamavit, omnia igne, & ferro vastarentur, nullâ quacunque re illâs servata. Res revera admiranda, sed tamen vera. Inter tot bellatores, in tam bella occasione se ditandi, & spoliis onerandi, unus solum fuit avarus, & inobediens, Achan quippe, dum in quadam domo, repertiisset palli-

2. Regum.  
20.

Iosue. 7.



pallium coccineum, & regulam auream, aliquotque massas argenti, sic secum ratiocinari cœpit. Me hercule nimia jactura foret, si hæc incinerarem, in necessitate iis uti potero. Et ita papilioni suæ illa invexit. Porro hic obiter observo, quod ubi textus Latinus testatur eū abstulisse regulam auream, Græcus apud septuaginta habeat linguam auream ut discatis, quod dum aliquid furamini, dum injustè alienum, aurum, argentum, hereditatem alterius detinetis, illud detentum, ac ablatum nil aliud esse, quam linguam, quæ vindictam, & justitiam contra vos clamat, quæ iram, & maledictionem Dei in vos, & familiam vestram deriuat.

Iosue expugnata urbe Iericho, dum urbem quandam nomine Hai oppugnare decrevisset, exploratores emisit, qui locum explorarent, qui reversi dixerunt: Serenissime Princeps, non meretur, ut totus exercitus eam cingat, est arx quædam prædonum, pro jentaculo sufficiet, manipulus militum solum illuc ablegandus est. Ille tres mille viros selectos expedit, iis in iussis dans, ut eam suæ potestatis facerent. Incolæ urbis erumpunt, & bonum numerum obsidentium trucidant, reliquis fugâ sublatis, ac ita generosam victoriam referunt. Phui, prohi dolor! Quid est hoc? Nos clangore buccinæ vastas expugnamus urbes, quomodo ergo urbem tam parva nos irrideat? Deum iratum esse oportet. Ille solo adstratus toto die ante arcam procumbit, capita cinere perfundit, & veniam rogat. Sed Quid Deus respondit? *Non ero ultra vobiscum, donec conteratis eum, qui huius sceleris rem est.* Iosue itaque statim

forte explorare eum, qui Deum offendit, conatur, & deprehenditur reus esse Achan ex tribu Iuda. Eum coram se citat, eum interrogat, dumque confessionem sceleris ab eo eliciisset, ejus congregat proles, pecora, suppellectilem, tugurium, & postquam eum lapidibus jussit obteri, omnia ejus igne hauriri jussit, *Et hoc modo aversus est furor Domini ab eis.*

X. Sed quid vobis recenseo bella, fames, pestes, ac alias ærumnas, quibus judicia Dei sæpe homines obrivunt? Quid in hunc finem quæro historias antiquas, siue sacras, siue profanas? Quid vobis narrem, quod urbe Samariæ oppressâ tā atrox defævierit fames, ut parum stercoreis columbini, venierit quinque argenteis, & femina proprios infantes devoravit? An non horrendissimos hujus justitiæ Divinæ effectus vidimus nostro sæculo, nostris diebus in confinibus, & quasi ante januas nostras, in Lotharingia, Campania, Picardia, comitatu libero Burgundiæ? An non conspeximus Parisiis nobiles harum Provinciarum, qui annuè decem mille libras numerabant ex proventibus ad incitas redactos esse, ut stipem rogent? Nonne visum est, quod canes, & infantes avidissimè vorarint carnes crudas equorum ex morbo defunctorum? Nonne conspeximus camiteria excubitoribus munita, ne vivi mortuos effoderent, eorumque ossa devorarent?

Noster Chirurgus Nancejæ nostris Patribus quadam vice funestum casum narravit, quam propriis oculis à se conspectum eadem die contestabatur. Heri inquebat, in tali domo venam cuidam inci-

4. Regum  
6. v. 25.

Iosue. 7.  
v. 13.



PUNCTVM TERTIVM.  
MORALE.

*Non punimur his flagellis, quia  
servamur aeternis, quae multò graviora  
sunt si comparentur primò poena pœnis,  
secundo culpa culpis, tertio persona  
personis, quarto status statui.*

XI. **A**T enim verò, aliquis mihi forsan  
dicet, ego alias multò graviora,  
& enormiora patravi, quam ea, quæ tu  
recenses tam atrociter fuisse punita, &  
quidem valde multa; interim Deo sint  
grates, nec minimâ affectus adhuc sum  
pœnâ, nec minimâ sum confectus affli-  
ctione, nec minimum sum passus in me-  
is bonis, honore, sanitate, vita, sed feli-  
citer evasi ærumnas belli, pestis, & famis.  
Quid dicis? Tu ob hoc gloriaris, quia  
ignoras veritatem quandam solidissi-  
mam, & utilissimam, quam Sanctus  
Paulus ad Corinthios scripsit. Iudæi e-  
rant homines stupidissimi, carnales, to-  
ti terrei, eos Deus in nullum alium fi-  
nem conservavit, quam ut essent figura  
populi Christiani. Hunc populum,  
quamdiu Divina observavit mandata,  
bonis terrestribus replevit: *Bona terra  
comedetis*. Econtrâ, ut ea transgressus est,  
peste, fame, bello uti vidimus in eum de-  
sæviit. Verum enim verò nos sumus in  
lege gratiæ, legè plane cælesti, & spiri-  
tuali. Quando nos exactè, & religiosè e-  
am servamus, ille non assoler bonis tem-  
poralibus nos munere, sed præmium  
nobis in altero mundo reservat.

Rursus, si adeo sumus pravi, ut eius le-  
ges violemus, eumque offendamus, ille  
ordinariè nos non punit temporaliter,

incidi, dumque sanguinem aliquamdiu  
asservatum, ut medico ostenderetur,  
in plateam effudissent, vidi quandam  
puellam honestè vestitam, ita ut non  
videretur esse pauper, sed honesti ci-  
vis filia, illum sanguinem colligentem,  
ac avidissimè sorbentem, non minus  
ac si vitellam ovi, aut ostream exfor-  
beret; adeo fames desæviit. Non-  
ne hoc vos horrore percellat? Inter  
omnes perfectiones Divinas, Deus su-  
am bonitatem, dulcedinem, & mise-  
ricordiam infinitam, vult majori fulgo-  
re radiare, & magis laudari, ac glo-  
rificari: *Constituimini Domino* quoniam  
bonus. Nihiloscius tamen ille  
tantum rigorem ostendit erga suas mi-  
seras creaturas, ut non solum illum  
exerceat, sed & narret in suis scrip-  
turis. Et quæso vos cur hoc? *μὴν  
χλωτταν χροστω*. Nil adeo immensi-  
tatem Bonitatis Divinæ manifestat,  
quam atrox punitio peccatorum. Pec-  
catum; cum sit tantum malum, cum  
sit offensa tam altæ, sanctæ, excellen-  
tis, amabilis bonitatis, & maiestatis,  
ut summam promeretur pœnam. Si  
nos lumen haberemus, quo cognos-  
cere possemus quid sit Deus, quanta sit  
eius bonitas, quid sit peccatum, quan-  
ta sit eius malitia, nos diceremus De-  
um esse Sanctissimum, iustissimum, a-  
dorandissimum, amabilissimum, dum  
hunc rigorem exercet, dum eius sup-  
plicia multò inferiora, multo dulciora,  
improportionata sint, respec-  
tu malitiæ, quam dicit  
offensa.





a. Thef.

sed cum crimina nostra sunt graviora, & suppliciiis digniora, ille nos pœnis, tormentis, & flammis servat æternis. *Qui non obediunt* inquit sancti Paulus scribens Theſſalonicenſibus *Evangelio, pœnas dabunt in interitu æternas.* Et ad Corinthios eodem capitulo bis dicit, quod supplicia temporalia, quibus diximus ludæos à Deo obtritros, tantum fuiffe umbras, imagines, figuras eorum, quæ manent, & expectant prapos Chriſtianos. An tu frontem exporrigas, quod poſt plurima patrata peccata, quæ necdum per pœnitentiam diluiſti, nullâ ad huc ſis pœnâ affectus? Tu reipſum fallis, tu te decipis, nam necdum evanuit, qui laqueum, & manicas manibus geſtat, necdum omnis ſol occubuit, merces tua te manet. Afflictiones, quas tibi recenſeo, quæque videntur tibi, adeo eſſe horrendæ, ſolû ſunt lineamenta, & exiguæ delineationes earum, quæ tibi ſunt præparatæ.

XII. Bellum, fames, peſtis, & aliæ afflictiones, de quibus egimus, non ſunt niſi guttulæ iræ Divinæ. *Stillavit ſuper nos maledictio*, illæ vero, quæ tibi manent in altero mundo, ſunt torrentes furoris ejus: *Spiritus ejus quaſi torrens inundans ad perdendas gentes in nihilum.* Illæ non ſunt niſi talitrum, *Manus Domini tetigit me*, hæ verò ſunt grando, fulmina: *Si acvero ut gladium fulgur meum, interficiet eos manus mea.* Illæ ſunt virgæ betulinæ, *Arguam eum in virga furorum*, illæ vero ſunt virgæ ferreæ: *Reges gentes in virga ferrea.* Illæ ſunt correptiones patris tranquilli: *Flagellat autem Filium, quem recipit*, illæ vero ſunt caſtigations judicis ſeveri. *Pluſcens Dominum, & habens furorem.* Illæ

ſunt punitiones, & ſolicitationes tenere alicuius amici, *Ego quos amo, arguo, & caſtigo*, hæc vero ſunt plagæ fœtales inimici: *Plagâ inimici percuffi te.* Illæ ſunt effectus Divinæ miſericordiæ: *Corripe me Domine non in furore*, hæc vero ſunt flagella, quæ Deus nobis immittit, ut cor abſtrahamus à bonis terrenis, ſicut trittratores paleas flagello ſeparant à granis: *Ego in flagella paratus ſum*, hæc vero ſunt dentes acuti, qui tranſigunt, & penetrant uſque ad animam: *Heu, heu Domine, pervenit gladius tuus uſque ad animam.*

XIII. Præterea peccata, quæ committimus, multò enormiora, veniâ indigniora, punitione digniora ſunt, utpote facta ex majori cognitione, ingratitudine, & malitiâ, quam culpæ veteris legis. Quod ſi puniverit Ezechiam eo quod abſque ſcandalo, ex mera, eaque exigua vanitate quâ theſauros ſuos oſtentavit, quid quæſo non faciet illis, qui ſcandalosè denudant, & oſtendant ſua brachia, & ubera, qui ſuco illiniunt verba, vultus ſtibus pingunt, capillos criſpant, genas poliunt, laſcivos diſcurſus trahunt, in geſtib⁹ ſunt leves, ut amorem alicujus venentur, & in junioribus, qui eos reſpiciunt, laſcivas cogitationes producant? Quod ſi Ozias totâ vitâ Leprâ percuffus fuerit, ideo ſolum, quod devotione indiſcretam un⁹ ſacerdoſtale arrogarit, Quomodo non tractabuntur illi, qui munus aſſumunt Episcopale, qui appellationes juſtas repellunt tanquâ abuſus, & impediunt, ne ſacerdotes virtuoſi ſuis officiis, & beneficiis, quæ per ſacrilegia execrabilia exercent, exuantur, quomodo ergo tu non punieris, qui famam ſacerdotum denigras, qui

Dan. 9.

v. 11.

Iſaia. 30.

v. 28.

Job. 19.

2. Deut.

32. v. 91.

2. Regum.

7. v. 14.

Apoc. 19.

v. 15.

Heb. 12.

v. 6.

Nahum. 1.

v. 2.

Apoc. 13.

v. 19.

Iſaia. 30.

Jerem. 10.

v. 24.

Pſal. 37.

v. 10.

Jerem. 4.



qui eorum functiones irrides, eorum devotionem turbas, per tuum mundum muliebrem, vestes pomposas, vul-tum fucatum. Tu magis es temerarius, quam Ozias, quia ille fuit Rex, tu plebeja, ille fuit princeps religiosus, tu indevota.

Templum Salomonis non fuit nisi figura, & umbrarum nostrarum Ecclesiarum. Chorus ecclesiæ, non est aliud, quam Sanctuarium, quod solis presbyteris fuit deputatum. Sanctus Ambrosius ex illo proseripit Imperatorem Theodosium, tu autem temerariè illū chorū intras, non ut adoleas incensum velut Ozias, sed ut illud recipias; Quod si Onan punitus sit morte subitanè in flagranti delicto, & statu damnationis, quia aliquem defectum cum propriâ uxore commisit; Qualem tu non expectes damnationem, qui facinorosa adeo abominanda committis, impuritates adeo dissonas contra naturam, brutalitates monstruosas cum feminis alienis? Quod si Deus immisit famem, & occidit septem proles Saul, eo quod iuramentum ab antecessoribus præstitum violarent, idque post quadringentos annos; Quid fiet illis, qui patrant tot perfidias, perjuriam, qui ementiuntur tot fraudes, qui tot falsæ testimonia comminiscuntur? Quod si Deus peste vasallos puniverit David quia ex vana gloria populum numeravit, quid non erit iis, qui populum perdunt, expilant viduas, & orphanos per fraudes, per cessiones fori, per monopola injusta, oppressiones tyrannicas?

Quod si Deus exercitui prosperos

subtrahit successus, & ob unicum furtum, quod leve videbatur, iusserit lapidari Achan, quid non faciet illis, qui tot, et tam enormia patrant? Achan inimicos spoliavit, tu furaris subditis tui Regis, tuo hospiti, tuo concivi. Achan violavit tantum edictum positivum, tu agis contra legem naturalem. Achan servavit id, quod debebat comburi, tu comburis id, quod deberet servari. Achan abstulit id, quod non omnibus poterat servire, tu vero auferis id, quod bonis est necessarium.

Quod si Deus non pepercit Ezechia, qui ei, & Reipublicæ tot servitia præstiterat, quomodo parcet ei, qui illum totâ vitâ offendit? Quod si non pepercit Ozia, qui laudatur in scriptura, eò quod illa fecisset, quæ Deo grata fuerunt, *Fecitque quod erat rectum in oculis Domini.* An parcet illi, qui transgressus est omnia ejus mandata? Ille non condonavit Onan nepoti magni sui servi Abraham, quomodo ergo condonabit illi, qui est nepos, & imitator illius, qui depra-datur viduas? Si non pepercit Saul, qui fuit Rex sui populi electus, & consecratus ejus mandato, quomodo parvo ignoscet Regulo, qui non est promotus, nisi per suam ambitionem? Quod si non respexerit David, qui fuit homo secundum ejus cor, quomodo suspiciet eum, qui semper fuit ejus hostis? Si non ignovit Achan, qui humiliter suam culpam est fassus, quomodo ignoscet illi, qui reticet sua peccata, & de iis non pœnitet? An minus te puniendum putas, eò quod vivas in lege gratia? An nescis Sanctum Petrum dicere, quod Deus



Rom. 10.  
v. 11.  
Psalm. 101.  
v. 28.

Deum non esse acceptorem personarum, uti testatur sanctus Petrus? An ignores sanctum Paulum asserere, quod Deus in puniendo non attendat ex qua natione, quis sit oriundus? An refugit, Deum uti perhibet David non esse mutabilem, sed semper manere eundem? Quod si adeo atrociter castigavit illa peccata, quæ nobis videntur esse tam exigua, & veniâ digna, quomodo non animadvertet in tua crimina adeo enormia, & execrabilia? Quod si irremissibiliter eos punit, qui peccarant in lege Moyfi adeo rudi, & imperfecta, ut Sanctus Augustinus dicat: *Inebat non iuvabat*; Quid non faciet eis, qui peccant in lege Christiana, in qua tot præbet gratias, lumina, sacramenta, auxilia? Quod si adeo severus fuit in hac vita, quæ est tempus veniæ; quid non faciet in altera vita, quæ est tempus Iustitiæ, & punitionis? Quod si adeo rigorosus sit in hoc mundo, qui est locus misericordiæ; Quid non ager in inferno, qui est locus iustitiæ, & vindictæ?

### CONCLUSIO

*Malum, & amarum est peccatum, ut inquit Ieremias.*

XVI. *S* cito ergo, & vide, quia malum, & amarum est reliquisset Dominum, & non esse timorem Dei apud te. Scito, & vide Nos quidem scimus per scripturam, & lumen rationis, quod peccatum mortale sit enorme malum, causa, & origo plurimum malorum; sed & nostris oculis idem conspeximus, & diebus nostris probavimus, & luximus, per bella, quæ tot populos fame enecarunt, domos exciderunt, templa profanarunt, provincias devastarunt, hæc ærumna, &

similes sunt effectus, & punitiones peccatorum. Iustitia Dei per Turnum oberrat mundum, tuus Turnus veniet. Auditores, vester Turnus veniet, nec scitis, quod vobis maneat; nam si id sciretis, crines vobis arrigerentur. *Calix in manu Domini vini meri plenus mixto.* Deus manu sua vindici gestat calicem quandam plenum vino absynthiaco, scyphum refertum aceto, illum nunc huc, nunc illuc effundit, in pedemontana Provincia, Caralonia, Germania; *Veruntamen fax ejus non est exinanita*, hic calix necdum est evacuatus, ad huc satis in eo continetur, ut vos affligere possit, quia in fundo calicis remanent fæces; & illud, quod est maximè amarum.

*Malum*, peccatum necessariò debet esse grande malum, & in eo latere debet enormis malignitas aliqua qualitas odiosa, aliqua in Iustitia monstruosa, quod Deusigne, & sanguine illud persequatur, odium, quo illud persequitur Deus, debet esse infinitum, & in comprehensibile, cum enim sit adeo misericors, nequiret ob unicum solum peccatum iustissimè tot populos pœnis adeo atrocibus plectere.

*Malum est, & amarum.* Cum peccatum sit causa tot acerbitatum, necessariò amarum esse debet. Quod si tu innocentem pestem, & absque ulla consideratione, & culpa induxisses, nonne valde agere hoc ferres? Tu non es Christianus, nisi firmiter credas peccatum mortale esse gravius malum peste. Peccatum lethale est causa pestis, sterilitatis, famis, & mortis, ergo gravius malum his quatuor esse debet. Causa continet proprietas, & qualitates sui effectus sive bonos, sive malos, idque eminenter. Nonne hæc

est



est consequentia, Medicus præscribit venæ sectionem, ut curetur febris, ordinat cauterium, ut defluções distrahantur, ergo febris est grauius malum, quam incisio venæ, & defluxio, quam cauterium? Ita similiter bona est consequentia, Deus, qui est ipsa met sapientia immittit pestem, & famem in remedium peccatorum, ergo peccatum est grauius malum peste, & fame. *Malum est, & amarum reliquisse te Dominum.*

*Et non esse timorem Dei apud te.* Timeamus Deum timeamus Deum, & placeamus ejus iram, si velimus obtinere misericordiam. Ille tria flagella immittit, ob tria genera peccatorum à nobis commissa. Bellum, quod proficiscitur ab hominibus immittit in poenam peccatorum, quæ commissum contra proximum, verbi gratia inimicitias, uluras, detractiones. Pestis, & alii morbi, qui veniunt è nostro corpore, infliguntur in

pœnam peccatorum, quæ commissum contra nos, ut est gula, ebrietas, libido. Fames, quæ venit ex parte Dei, immittitur ob peccata, quæ immediatè, & directè patravimus contra ipsum, utpote in devotio, blasphemiarum, perjuria. Faciamus itaque pœnitentiam per tria opera, quæ satisfaciant pro tribus generibus peccatorum, pro peccatis, erga proximum commissis per eleemosynas, & opera misericordiæ; per jejunia, & mortificationes carnis, pro peccatis commissis in nostrum corpus; per humiles, & ferventes preces pro peccatis directè commissis contra Deum. Hanc gratiam rogemus, & dicamus cum Ecclesia: *Cordibus nostris quasumus Domine gratiam tuam benignus infunde, ut peccata nostra castigatione voluntariâ cohibentes, temporaliter potius maceremur, quam suppliciis deputemur æternis, per Dominum nostrum Iesum &c.*

## SERMO TRIGESIMVS SEXTVS.

Pro Dominica octava post pentecosten.

Peccatum mortale mortem nostram reddit infelicitissimam.

*Quid faciam? Luca 16.*

EXORDIVM.

**P**Riscipuli prae foribus templi solebant inscribere illud decantatissimum dictum *Nosce te ipsum.* Si ego autem à vobis aliquam gratiam postulare deberem, illa esset hæc, ut quilibet ante fores mentis, & conscientiae suae scriberet hæc: *Quid faciam?* Hoc enim est sanum, & irreprehensibile verbum, quod maxime est necessarium, ut quis perveniat ad beatitudinem. Interroga ergo te ipsum sæpe *quid faciam?* Vt. salvari possim, ut salu-

rem obtineam? Et responde tibi. Nemo potest salvari, nisi perseveret finaliter in gratia Dei, & moriatur Dei amicus, quia ab illo momento pendet æternitas, quia si in illo momento fueris in gratia Dei, salvaberis, si vero fueris inimicus Dei damnaberis. Quid ergo factu opus, ut bonum momentum obtineas? Declinare à malo, & cavere peccatum, quia peccatum facit, ut mortem pessimam

Y y

habe-



habemus, uti hac concione cum Auctore ostendam.

*Mors peccatorum Pessima Psal. 33. v. 22.*

I. Postquam jam consideravimus, quomodo peccatum sit causa belli, pestis, et famis ac aliarum afflictionum, quibus quandoque premitur mundus, nunc ponderanda sunt mala æterna, quæ nobis adferri: porro ut rem apprehensione dignam bene apprehendamus, oportet quatuor considerationes instituire. Prima est, quod peccatum mortale faciet nos defungi pessima morte, secundo, quod nos exponat severitati, & rigori iudicii Divini, Tertiò, quod nos privet felicitate cæli, quarto, quod nos mitat ad æternitatem infelicem. Hodie itaque vates Regius, & Divus sanctus Bernardus nobis per tria argumenta efficacissima ostendent, mortem peccatorum esse pessimam. Addisco ex libro Genesis, quod Eva nostra prima mater fuerit vocata, mater viventium, & meo sensu id factum est ò sacerrima virgo ut à te distingueretur. Illa potuit quidem succurrere suis prolibus in vita, sed non in articulo mortis: Verum tu ò Beatissima Virgo & mater viventium, morientium, & mortuorum, tu tuis devotis assistis in vita, tu eos solaris in hora mortis, tu illis succurras post mortem in flammis expiatrix. Tibi ergo dicam cum uno magno tuo servitore: quæso te fac me tuum mancipium, ut sim sub tua tutela, ut participem aliquid de tuo privilegio, & ut suprema hora meæ vitæ, à qua dependet æternitas sit in tuis manibus, idque precor in honorem momenti felicitis Incarnationis Dei, in quo Filius Dei est factus homo, & tu mater Dei, uti Angelus ejus tibi promisit, dum te salutavit his verbis: *Ave Maria,*

## IDEA SERMONIS EXORDIVM.

*Videtur quod mors non sit poena peccati, explicatur quomodo sit poena, peccatum est centrum mortis.*

II. **S**tipendium peccati mors, stimulus mortis peccatum. Quod si sit aliquis, qui non est bene instructus in principiis fidei Catholicæ, & doctrina Theologica is difficulter calculum suum adjunget huic pronunciato sancti Apostoli Pauli. Aristoteles dicit, quod nomen sit definitio brevis, quæ incompendio continet essentiam, naturam, proprietates rei, cui imponitur. Si consideremus nomen, quod tres linguæ principales imposuerunt homini, videbimus quod tam in statu innocentie, quam post peccatum fuerit semper subiectus morti. Hebræis homo idem est ac metim similiter mortuus etiam apud eos idem significat ac metim, cum hac solum diversitate, ut quando metim significat hominem, scribatur cum *Scheva*, quæ sunt duo puncta, quorum unum ponitur super aliud: quando vero significat mortuum, tunc scribitur cum *Tserè*, quod significat duo puncta unum post aliud. Nec sine mysterio, ut nempe significetur inter homines vivos, & mortuos non esse magnam differentiam; nempe hanc, quid inter vivos, & mortuos solum interponantur duo puncta, quorum est unum supra aliud. Et quidem primum in nonnullis altero superius est. Vnum est Rex, alterum plebeus. Vnum est Dominus, aliud vasallus, unum est herus, homines differunt tagum in punctis. In natura, & literis initialibus sunt similes. Similiter quando erunt metim

Rom. 6.

v. 23.

I. Cor. 15.

v. 59.



merim secundum alteram significatio-  
nem, quando erunt mortui, tunc non  
amplius eorum nomen scribetur cum  
*Scheva*, sed cum *Tfere*, hoc est unū pun-  
ctum erit post aliud, quia nemo amplius  
erit Rex, nemo subditus, nemo Domi-  
nus, nemo servus, sed omnes in sepul-  
chris erunt æquales:

*Mors sceptrā ligonibus aequat.*

III. Apud Græcos porro homo signi-  
ficat *Beato*, hoc est mortalis, & inde de-  
ducitur *ambrosia*, quia credebant, quod  
redderet eos immortales, qui illā vesse-  
bantur. Latini dicunt Homo, quod du-  
plicem potest habere ethymologiam,  
quarum utraque significat hominem es-  
se corruptibilem, quia si *Homo* derive-  
tur ab *Homo*, Aristoteles statim dicit: *V-  
num quodque resolvitur in ea ex quibus cō-  
stat*, quod; quod libet naturaliter vadat  
ad locum sui originis, extra quem om-  
nia sunt velut in statu violento, adeoq;  
& in ipso statu innocentiae anima natura-  
liter tendit ad Deū, & cælū sua principia.

*Ignis est illi vigor, & celestis origo.*

Corpus ē contra vergit ad terram, ē qua  
est compositum. Et ideo possumus di-  
cere ante peccatum: *Terra es, & in ter-  
ram ibis*. Quod si homo deriveretur a ver-  
bo Græco. Quod idem est, tunc etiam  
insinuat, quod sit corruptibilis, quia  
in homine plura contraria reperiuntur,  
est enim compendium, & habitaculum  
quatuor primorū elementorum, aut ad-  
minus quatuor qualitatum elementari-  
arum; nam in eo est humidum radica-  
le, calor naturalis, humor biliosus, & me-  
lancholia, sanguis, & pituita, quæ con-  
stituunt micracosmum. Hinc aliquis di-  
cet, & inferet, quod hæc homini in mē-  
tem vocent suam corruptibilitatem, cū  
juxta axioma Philosophicum, omne id

quod componitur ex contrariis interi-  
ui sit subjectum, cum frigus, & calor,  
humiditas, & siccitas, etiam ante pecca-  
tum contraria fuerint.

*Frigida pugnabant calidis, humētia siccis*  
Ex quo patet, quod dum hi quatuor ho-  
stes in corpore humano continuo inter  
se pugnant, tandem per hoc bellum in-  
testinum debeat violari pax, quodque  
sensim calor naturalis consumat humi-  
dum radicale, adeoque vita abbreviatur,  
& tandem extingatur, quæ vita iuxta  
philosophum nil aliud est, quam *perma-  
sio caloris in humido*.

IV. Omnes has difficultates diluit  
Theologia respondens: Hominem, ut  
Scholæ loquuntur consideratum in pu-  
ris naturalibus sine ullo dono supernatu-  
rali esse naturaliter mortalem obratio-  
nes allegatas, non minus, quam alia ani-  
malia; cum tamen per beneficium cre-  
atoris, per privilegium particulare sta-  
tus innocentiae, & justitiæ originalis, dis-  
positione quadam admirabili conser-  
vandum fuisse in perpetuo vigore, & flo-  
re ætatis ac ditandum fuisse gratuito do-  
no immortalitatis: Nam creator in pa-  
radiso terrestri plantavit arborem mirā,  
arborem vitæ, vel ut legit textus Hebræ-  
us, *Heis Hacajim*, arborem vitarum; in  
qua nempe unitæ, & quasi infusæ fue-  
runt omnes virtutes, proprietates, &  
bonæ qualitates aliarum arborum. Ar-  
borem, quæ re ipsa fuit arbor arborum,  
planta plantarum, fructus fructuum, re-  
stauratio hominum, bonus delicatus,  
succus, & medulla terræ, quæ qualitates  
quatuor elemētates poterat coercere in  
bona temperie, vulnera humidi ra-  
dicalis restaurare, calorem natura-  
lem reparare, vices subire cibi, & po-  
tus, omnes defectus corporis humani



corrigen, vires debilitatas animare, vitam in pristinum vigorem, & florem reducere, & perfectam sanitatem conservare, donec assumeretur in calum absque mortis incurfione.

At enim verò, cum illi hoc donum datum fit sub conditione, si mandatum Dei observaret, quando malâ suâ sorte illud est transgressus, amisit hoc donum gratuitum, privatus est hac prerogativâ immortalitatis, ita ut hoc modo mors sit illi pœna, & stipendium peccati. Verissimè ergo dicit sanctus Paulus, quod mors sit stipendium peccati, nec enim mors ullum haberet aculeum, ejus sagitta non esset cuspidata, nec ullo modo aculeata, nisi homo peccasset. Et ita pro eo, quod latinus legit *stimulus mortis peccatum*, Græcus substituit *κέντρον δὲ θανάτου κομμερία*, centrum mortis est peccatum, mors itaque prodiit è peccato velut suo centro. Quando ipsa pervenit ad hominem, qui non habet peccatum, illa non sistit, quia non invenit suum centrū, sed transit, nec magnum damnum infert, amplius pura magis, quam elementa extra suum centrū, & multum vitæ cum est admittum habet: *Non videbit interitum, cum viderit sapientes morientes: Absorpta est mors in victoria, ubi est mors stimulus tuus?* Verū dum mors venit ad aliquem, qui est in statu peccati, tunc quiescit velut in suo centro, perpetuò ibi manet, est pura, nil vitæ habens admixtum; Et sicut omnes, aquæ fluunt ad mare, quod est earum elementum; ita & anima, quæ ex hoc mundo discedit è statu peccati, est diribitorium omnium mortum, civilis, corporalis, spiritalis, & æternæ. Hinc Bernardus explicans illa verba psaltis, *Mors*

*peccatorum pessima, insignem instituit gradationem: Mors in mundi amissione peior in carnis separatione, pessima in vermis duplici corrosione.* En itaque tria puncta mei discursus.

#### PUNCTVM PRIMVM.

*Mors peccatorum est mala in mundi, seu bonorum mundanorum amissione, probatur primo scripturâ, secundo Patribus, tertio rationibus, quarto comparationibus.*

V. Idem vates Regiualibi ait: *Ne timeas cum dives factus fueris homo, & cum multiplicata fuerit gloria domus ejus.* Dum vides aliquem, cui secunda arridet fortuna, qui ditatur, promovetur, qui annuos auget proventus, qui suam domum exaltat, qui eam illustrat, ne eum quæso admireris, ne ei invidas, ne eum ideo proclames beatum, quia si sit vir probus, se ipsum infelicem censebit, ut enim inquit Augustinus: *Nihil est infelicius felicitate peccantium.* Nil est miserabilius, quam si peccator floreat in hoc mundo. *Quoniam cum interierit non sumet omnia.* Ipsi tandem moriendum est, citius, vel serius, & maximam gustabit pœnam in morte, dum hæc bona adeo amara deferere debebit, & quæ ipse tantâ avaritiâ servavit.

VI. Idcirco inquit Sanctus Chrysostomus, quod Filius Dei in Evangelio compareret divitias spinis: si habeas spinam manu apertâ, illa non pungit; si autem manum comprimas, illa pungit, & elicit sanguinem, prædestinati quandoque providentia Dei inquit Sanctus Au-

*Psalm.*

*Psalm. 48.*

*v. 11.*

*1. Cor. 15.*

*v. 15.*

*Lucæ. 8.*

*v. 4.*

*gu-*



gustinus hoc permittit, ut ostendat inquit sanctus Augustinus, quod ipsa ea det illi, cui vult, verum ipsi has spinas habent in manu aperta, quia illas divitias voluntariè impendunt in servitium Dei, in pauperes, in sustentationem familiæ; hæ spinæ nec in minimo eos pungunt, nec sanguinem eliciunt, neque trahunt in peccata. *Libera me de sanguinibus.*

VII. At e contra, reprobi in hoc mundo habent has spinas manibus compressis, sentis eos cruciat, causant in iis mille curas, angores, scrupulos, inquietudines, pavores, & sicut in extremitate spinæ est cuspis quæ pungit; ita in possessione divitiarum finis, & ultimus usus affligit; *sine dolore* inquit Augustinus, *non amittitur, quod cum amore possidetur.* Tu valde angeris, & odis amittere involuntariè id cum oblectatione plurimum, quod injustè acquisivisti per oppressionem, & ruinam plurimum. Quando homo justus, & probus lecto fatali affixus jacet, totus mundus dolet, & ait rem esse dolendam, quod talis altor pauperum, tutor viduarum, Pater orphanorum, afflictorū consolator, oppressorum refugium moriatur. E contra, si avarus dives ultimæ lineæ admoveatur, nemo non gaudet, non enim amplius opprimit viduas, orphanos nō conculcabit, debiles nō subjugabit, elemosyna aliqua erogabitur in pauperes, stipendium solvetur famulis, & creditoribus satisfiet, presbyteris aliquid dabitur, Notarii lucrabuntur aliquid, dum ejus proventus annorabunt, factores attras vestes conficiendo, aliquid conquirant, toti mundo melius erit.

VII. *Divitias, quas devoravit, evomet.*  
Quādo sanguisuga se sanguine infarciit,

medici, ut eum eliciant, & minuant eam ponunt in cinere. Idem evenit diviti avaro, hic est quædam sanguisuga insatiabilis, ille per emptionem decretorum, & sententiarum, Monopolia, usuras pal-liatas, technas aulicas, sanguine pauperum se infarcivit. Dum hic veniet ad cineres tumbæ, sit tristis, & valde illubenter dimittit id, quod antea tam tenerè amarat; idque quia videt, quod divitias debeat linquere iis, qui summè latentur obejus mortem, ut opibus ejus possint frui, easque profusè elargiri, quas ipse tantâ avaritiâ, tot laboribus, tot peccatis acquisivit. Saul uti fasti regii commemorant, postquam a Deo iusta acceperat, cum valido exercitu moveret in patriam Amalæitarum, earumque Regionem plane devastaret, omnia in flamma, & ferro perderet, nullo homine servato, illam expeditionem aggre-ditur, summumque belli Archistrategum Agag in captivitate abstrahit. <sup>1. Regum. 15. v. 22.</sup> eique nescio, an ob rationem status, vel aliam causam vitam donat, omni populo prius occiso. Propheta Samuel nomine Dei eum acerrimè perstrinxit, dumque ante exercitum jussisset duci hunc principem infelicem, eum, uti factū fuerat aliis, in partes discerpi jussit. Agag, qui teste scriptura homo erat crassus, & obesus, quique hanc decretoriam sententiam non expectarat, suspirando dixit: *Siccine separat amara mors?* Mundus agit velut Saul, mors sicut Samuel. In impositione vectigalium, tributorum, onerum soli pauperes gravantur, & soli plebei discerpuntur, grandes vero divites, primarii elabuntur per fraudes, artem rabulariam, minas, aut alias vias. At enim verò ii coram Deo non

Y y

eximun-



eximuntur quia æque ac pauperes punctatim diffecabuntur, corpus ex una parte, anima ex altera, eximunt quidem se à substantia, sed non eximent se ab accidentibus mortis, & dicent cum Agag: *Siccine separat amara mors?* O mors, quæ es in humana! siccine me separas à meis opulentis prudiis, à meis basilicis ædificiis, à meis conclavibus tam pretiosis aulaeis, vestitis, à meis cubilibus tantâ suppellectile instructis, à meis hortis adeo deliciosis, à meis villis tam jucundis, & aliis creaturis, quas in hoc mundo adoravi? *Mors peccatorum mala in mundi amissione.*

PUNCTVM SECVNDVM.

*Peior in carnis separatione, probatur primo scriptura, secundo patribus, Tertio Historiis, quarto comparatione.*

*Eccles. 41.  
v. 1.*

VIII. **P**eor in carnis separatione. O mors, quam amara est memoria tuâ homini pacem habenti in substantiis suis, viro quieto &c. inquit Spiritus Sanctus. O quam acerba est mors homini, cui omnia in hoc mundo ad votum succedunt, qui affluit deliciis, qui suis appetitibus gratificatur, quid nil habet adversi? Quod si sola memoria mortis sit ei adeo amara, quid non erit de ejus præsentia adeo funesta, & inevitabili?

*Hom. 1. in  
ep. 2. ad cor*

IX. Egregiè inquit sanctus Chrysostomus: Tu nec in minimo angeris, quando te spoliās, & ex vis tuâ veste, maximè quando est trita, lacera, & dissuta, vel ut eam tradas sartori resarciendam, & resuendam, ut postea eâ commodius uti queas; at si aliquis vellet te exvere pelle, ille te magno afficeret cruciatu, quia pellis adhæret corpori, non vestis. Viri justī nullum sentiunt renitenciam, quod debeant se exuere suo corpore,

quia nec in minimo animæ eorum adhæret aut agglutinatum est; nam laboribus summè est attritum, abstinentiis, & vigiliis extenuatum, austeritatibus, & mortificationibus debilitatum, corpus iis oneri, & fastidio est. Hinc lætantur, dum eo exonerari debent, quia certam habent spem, quod sit reformandum, quod à Filio Dei pulchrius, sanius, agilius sit reddendum. *In pace in idipsum dormiam, & requiescam: Quoniam tu Domine in spe singulariter constituisti me. In malitia sua expelletur impius, sperat autē justus in morte sua.* Anima impii è suo corpore violenter ejicitur, cum dolore ab eo separatur, quia ei conglutinatur amore, & ideo debet separari à corpore, quod adeo amavit, suavitus est, adoravit.

*Psal. 4.  
proverb.  
14. v. 31*

X. Historiæ profanæ nos docent, quod dum quidam nobilis Hispanus nostro sæculo in venatione feram quandā insequeretur, & intra densum nemus vestigia ejus prosequeretur, quendam cantantem gratiosissimè, & suavissimè audierit: viam itaque iniiit, quam viderat tritiorem, tandem vidit quendam missellum prope quendam casam, leprâ omnino teñtū confidentem, manu habentem frustilla suæ carnis, quæ per ea dissolvebatur: quæ defluxerant. Primo intuitu summo horrore fuit perculsus putans se spectrū videre: sed Spiritus recolligens, gressus prosequitur, ad eum venit, eum comiter salutat, eum interrogat, quænam sit illa vox, quam audivit, an ipse cantaret? Imò inquit Domine, ego ipsemet cantavi, mea est illa vox, quæ audivisti. Et quomodo excipiebat nobilis tot ærumnis oppressus possis tam suaviter cantillare? Domine respondit, ego



ego considero inter me, & Deum nil aliud interponi, quam parietem quandam luteum, nempe meum corpus, dum hic paries ablatus, & dirutus fuerit, ego Deo unitus ero, dumque video quotidie hunc parietem magis, & magis labefactari, egolator, & præ gaudio canto. Contra sanctus Bonifacius Martyr, ad Germaniam, cujus est Apostolus à Gregorio secundo amandatus, quique floruit circa annum septingentesimum; in quadam epistola, quam ad quendam amicū dedit, memorat, quod egerit cum quodam, qui miraculose vitæ redditus fuerat, ab eoque audierit, quod post iudicium Dei, & pœnas inferni nil adeo timuerit, nec nil animam ejus adeo cruciarit dum ex hac vita migravit, quam quod videret suum corpus, cui iam sepulchrum aptatum erat. Estne possibile inquiebat illa anima, quod ego tam solida, fuerim, ut Deum meum amore hujus putridi cadaveris offenderim? Siccine ob hanc locam potui ludere meam salutem, & toties peccare? Ergone, ut hoc fimetum stercorearium, ego lectos molles, lintheamina subtilia, cibos delicatos præparavi? Ergone tantum potui gerere curam huius corporis, cui jam non dantur pro domo nisi septem pedes terræ, pro cubili, & conclavi tres, vel quatuor asseres, pro veste, lintheamen media ex parte tritum, pro sociis vermes, & pulveres?

XI. Fuit, cum viveret Antiochia inquit sanctus Chrysostomus, nos possumus dicere, in tali urbe nobilis quadam Domicella, quæ incolebat quandam domum conductam, & qua brevi discedere debuit. Hæc domus incommodissima erat, & ruinam minabatur, ad minimum ig-

nem, quid in ea excitabatur, tota fumo replebatur, ita ut nihil videre quis posset, & ubique nil esset nisi cloaca, & fimetum. Et tamen hæc Domicella adeo barda fuit, ut nil aliud cogitarit, quam hanc domum, in nil aliud incubuit, quæ ut eam refarciret, dealbaret, ornaret, & aulæis vestiret, illa omnes vires ad hoc applicuit, tot bona ad hoc impendit, tantum consumsit temporis in reficienda hac domo, ut seipsam negligeret, & sui ipsius negligeretur. Tu vidisses eam pallidam, macilentam, exhaustam, parcè comedentem, dormientem, malè vestitam. Nonne fuit stultissima, & stupidissima?

Hæc Domicella est tua anima, nobilissima, soror Angelorum, imago Dei, heres cæli, illa moratur in corpore velut domo, vel ut melius dicam, tanquam in casa, seu lugurio, quam conduxit precario, & è qua citò debet discedere. *Pe-*  
*lor est dispositio tabernaculi mei, non palat-*  
*rii.* Hæc domus molestissima, & summè incommoda est, ad minimum ignem iræ, vel concupiscentiæ, qui in ea accenditur, quia est tota tenebrosa, nil in ea est nisi fumus, nil vides, quia non apprehendis sequelas, & pravos affectus tuarum passionum; hæc domus corporis referta est spurcitiebus, & sordibus, ubique rimas agit, ille catharrus, qui defluit è capite, illa glarea, seu lapis, qui in renibus gignitur, illa defluxio, quæ decidit super pulmonem ruinam minatur; & tamen illa misella anima adeo pauper iudicio est, ut circa nil aliud occupetur, quam circa corpus, nil aliud cogitat, loquitur, agit, quam quomodo rimas huius domus reficiat illam

1. Pet. 1.  
v. 14.



illam paviat, trullo crustet, gyplo gypset, illam ornat, illustrat, coloribus tingit, & tantum tempus insumit, tantum auri impendit, ut sui ipsius obliviscatur, bona negligat opera, raro sumat cibos spirituales, sanctam scilicet Eucharistiam, nil aestimet suam salutem. An non hoc est serere spinas pro fine tuæ vitæ? Nonne hoc est reddere tuam mortem felicem, ob divortium quod inter te, & tuam carnem, quam adeo suaviatus es, intercedet? *Pejor in carnis separatione.*

PVNCTVM TERTIVM.

*Pessima in vermis duplicis corrosione, primo ob bona omissa, secundo ob mala commissa.*

1. Regū 15.  
XI. *Pessima in duplicis vermis corrosione.* Tertio, mors peccatorum est pessima ob remorsus conscientiae, qui illum rodent, ob bona opera neglecta, & prava commissa. Sanctus spiritus huiusce rei nobis in sancta scriptura egregiam ideam exhibet. Dum David per desertum declinaret persecutionem Saul, dirā fame cum suis pressus fuit; unde cum moneretur non procul inde hominē opulentū esse, qui ei summē erat obstrictus, quodque convivium domi suae instruxisset, eō quod oves ejus tonderentur, ille nonnullos servos ad eum ablegavit, qui nomine suo humiliter rogarent, huic ejus indigentiae succurreret & aliquam annonam mittere dignaretur. Hem, quid vultis vos? Quis est iste David? Scio ego, quod sit Filius Iesse? Quid nobis sit cum his petulantibus, & vagabundis servis, qui servitio Domini sui valedixerunt, & non nisi mihi caput obtundunt? David dum hoc responsum audiret, sancto cœpit zelo, & furore incendi, & quadringentis viris secum sumptis, hunc ingratum

adiit, ut eum internecioni daret. Et nisi Abigisai uxor Nabal matrona prudentior suo marito illicō Davidi occurrisset, & coram eo adstrata munera obtulisset, domus ejus devastata fuisset. Mane in sequenti, vino iam digesto, uxorem ejus suum erratum apervit, & iniuriam sub oculos posuit, quam Davidi irrogarat, & periculum in quod se coniecerat; ille vero ad huius auditum adeo consternatus, & percussus est, ut sanguis intra venas algerit, & ille stupefactus sit velut lapis, ita ut paucos dies extinctus sit: *Emortuum est cor ejus intrinsecus, & factus est quasi lapis.* Tu nosti, quam devinctus sis tuo Deo, tu scis quāta bona inestimabilia, gratias, generales, particulares, naturales, supernaturales in anima, & corpore tibi præstiterit. Non ignoras quoties, & quā instanter exiguam à te postulet gratiam, ut te convertas, aut illas mittas simultates, ab illis desistas injustis litibus, ebrietatibus. Ille ad te suos ablegat servos, puta prædicatores, qui te rogent [uti ego nomine ipsius de facto facio] & tamen tu eum repellis. O te ingratum; pro eo quod votis, & postulatis ejus deberes annuere, tu eum offendis, tu eum blasphemias, tu peccata patras, quæ ei infinitè displicent. Tu es unus Nabal stultus, tu à passionibus tuis ebrius es, tu malum non apprehendis, quod facis. Verum in hora mortis, cum tuæ passionēs erunt frigidae, & tui oculi aperti, tūc videbis majestatem ejus, quæ offendisti, tuā vilitatem, & indignitatem, tuorum criminum enormitatem. Ego tibi cogitandū linquo, in quo statu sis futurus, quando non videbis in te euntem parvulum pastorem, uti fuit David, sed Deum exer-



exercituum, non stipatum quadringentis viris, sed munitum milione Angelorum, & quidem non ut tuam domum destruat, sed ut tuam animam æternaliter damnet. Hoc est, quod tremorem incutit peccatori, inquit Gregorius, exitus ex hac vita eum trepidatione percellit, *Exire de corpore trepidat, & quem contempsisse se meminit, iudicem formidat.*

XII. Hoc verbum *Iudicem formidat*, mihi id crebro in memoriam revocat, quod vidi in carcere. Quod si intres carcerem, advertere potes incarceratos esse in duplici differentia, nonnulli in vincula acti sunt ob criminalia, quia nempe enorme scelus commiserunt, alii sunt vincti ob causam civilem, ut pauperes, debitores, aut cæsores lignorum ex Silva vetita. Revera valde differunt hi incarcerati. Incarceratus ob causam criminalem, conjectus est in profundam foveam, in quandam latebram inter tenebras, inter sordes, manichis, & compedibus est constrictus; Quamprimum minimum strepitum audit ad ianuam carceris, ille consternatur terrore, quia timet, ne adsit præfectus causarum criminalium, qui ei sententiam ferat, ne veniat lictor, qui laqueum collo induat. Alter vero, qui in carcerem conjectus est ob civilem causam, ille non est vinculis constrictus, ille est in loco lucido, in aula carceris, aut in cœlavi aliquo, ille potest ambulare. Quando audit pulsari ad januam, gaudet, quia sperat aliquem ad esse consanguineum, qui fidejubeat, vel solvat pro ipso, & quod veniat eum liberaturus.

Idem agitur cum animabus reprobis, & electis. Verum est, quod ambæ sint in corpore velut in carcere, nam Job

dixit: *circumdedit me carcere*, verum cum magna differentia. Anima reproba est rea, accusata, & convicta de crimine læsæ Majestatis, illa ligata, & vincta est funibus pravarum consuetudinum: *Funibus peccatorum suorum constringitur peccator*, tota immersa est sordibus, & immunditiei suorum criminum, illa nil cogitat nisi de cibo, potu, deliciis carnalibus, illa jacet in tenebris. Quod si loquaris de majestate Divina, de Divinis perfectionibus, de mysterio incarnationis, illa nil videt, nil audit. Quando Filius Dei pulsât ad ejus januam, Quando minimo morbo obruitur, quando mors ipsi intentatur, trepidat & timer, ne iudex eam veniat condemnaturus, quod Dæmones manus sint ei injecturi, eamque ad infernum abstrahuri.

Anima electa velut debitor ob debitum protopareitris in hunc carcerem conjecta est, ac ideo est in quodam conclavi superiori, & luminoso, nequaquam demersa in ventre, ac sordibus sensualitatis, illa ambulat, & sese exercet in contemplatione. Ita explicat sanctus Augustinus illa verba Davidis: *Perambulabam in innocentia cordis mei, in medio domus mee.* Quando symptomata morbi ad ejus portam pulsant, illa gaudet, putans adesse Filium Dei, qui fidejussit, & solvit pro ea, ut liberet eam ex illo carcere. Id testatur meus seraphicus Pater Franciscus, qui ultimæ lineæ admotus, magna cum confidentia dixit: *Educ de custodia animam meam, me expectant justi, donec retribuas mihi.* Id testatur *psal. 14.* sanctus Hilarion, qui fato proximus dixit: *ejus anima mea, egredere audacter ex hoc corpore, quid times, octaginta*



annis Deo servivisti; & ei præsentari timeas? Testetur, id sanctus Martinus, qui morti proximus spiritui maligno animosè dixit: Quid adstas cruenta bestia, abi hinc, nil hic agendum habes, nil funesti in me reperies.

Charissime, an idem dicere possis, an dicere possis in hora tuæ mortis: mi Deus, me expectant iusti, ut me muneres? Quid egisti purè ex amore Dei? Qualem elicuisti actionem virtuosam, excellentem, heroicam, perfectam, pro qua possis præmium postulare? An dicere possis: Sexaginta annis amavi bonum Deum, eique fideliter servivi? For- san dicere poteris, non numero triginta annos, menses, hebdomadas, dies, horas, quibus Deo servivi, sicut debui. An dicere possis Dæmonio, nil funesti in me reperies? For- san dicere poteris, sunt triginta, viginti, quadraginta anni, quibus Deum offendi, & Diabolo servio. Quia scis, quod Dæmon, plura ex suis operibus in te reperiet, nempe rancores, inimicitias, arrogantias, inobedientiam erga parentes, blasphemias, maledictiones, quæ sunt opera Diaboli?

## CONCLUSIO.

*In morte undique peccatori ob-  
jecta timoris Expenduntur  
verba Christi, Facite vobis  
amicos.*

¶ III. IN quonam tunc non eris timore? Quemnam non senties angorem, apprehensionem, illi resistendi, qui tamedeo offendisti? Imaginare tibi, quod sis in illo articulo, sicut quando-

que eris: Quocunque oculos conicias reperies objecta pavoris, timoris, & memoris. Si suspicias in cælum, vides Deum tuum iudicem; ille infinitè est potens, nec aliquis ei potest resistere, ille infinitam habet scientiam, ita ut nec minimum ei possis cælare defectum, ille infinitè est bonus, & hostis juratus tuorum criminum, ille infinitè est misericors, sed tu ejus misericordiæ es abusus, ille infinitus est, iustus, & tu infinita ei debes, ille est ipsa veritas, ille dicit nil coinquinatum intraturum in regnum cælorum, tu verò totus sordidus es. Quod si oculos conicias inferius, vides infernum, qui est præfurnium furni, in quo æternaliter debes jacere. Si respicias ad dextram, boni Angeli lugent tuum infortunium, deplorant tempus, quod insumpserunt te monèdo, & reprehendendo: *Curavimus Babylonem, & non est sanata, derelinquamus eam.*

Si respicias ad sinistram, vides Dæmones, qui urgent justitiam, qui sollicitant prolationem sententiæ, qui prætendunt tuam animam velut ad eos pertinentem, & quam iis toties donasti. Si oculos retroicias, tu post te relinquis mundum, & scis, quod nil amplius cum eo habeas agere, nec amplius tibi quid agendum cum ejus relationibus, novellis, delectationibus, ludis: *Nec opus, nec ratio, nec scientia erunt apud inferos, quo tu properas.* Si ante te respicias, tu vides tuos consanguineos, tuos amicos, qui injusto timore, quo meritò times te puniendum ob peccata patrata, nec minimum solatiū affundere possunt: *Non est quo exceas, quia dum sunt, non est quo intres, quia mala sunt.* Si temetipsum intres, tua conscientia ad repræsentationem



tionem scelerum parratorum atrociter suo remorsu te cruciat; illa tibi in mentem reducit omnes puellas à te defloratas, omnes viduas expilatas, & spoliatas bonis, & honore, omnes rusticos deceptos, & oppressos; peccata, quæ antea tibi videbantur esse parva velut grana arenæ, illa nunc tibi videntur magna velut montes, quia non amplius illa conspicit perspicilla fallacia tuarum passionum.

Extra te vides tuas opes, quas cogetis relinquare tuis prolibus degeneribus, ingratibus heredibus, qui eas prodigent. Si respicias præterita, lugebis bonas occasiones tam stultè amissas, quibus poteras tuam salutem lucrari. Utinam in missio-  
ne fuisset confessus, utinam à lite injusta destitisset, utinam pellicem ejecis-  
set, utinam devotior fuisset, jam enim mihi benè foret. Si Præsens spectes, videbis tuum corpus, quod tam delicate habuisti, quod erit fossa vermium, pars putredinis, tuam animam, quam adeo neglexisti, quæ sistetur coram tribunali tremendo Filii Dei. Si respicias futura, vides extensionem æternitatis interminabilis, & infelicitis; ad quam ibis, nunquam regressurus.

XIV. Quæ cum ita sint, rogo te, crede mihi, sequere consilium, quod tibi dedit Filius Dei in Evangelio; *Facite vobis amicos. Facite.* Deus non est contentus bonis propositis, byssinis verbis, sed vult opera, & effectus; *Opera enim illorum sequuntur illos; Reddit unicuique secundum opera sua.* Nunc fac, quæ tunc, fecisse velles; tunc velles, & optares te plures missas audivisse, parentibus obe-

dientem fuisse, extra proximum, clementem, pœnitentiam egisse. *Facite vobis.* Tu nimis multa facis, sed non tibi domus, quas tot impensis construis, lis, quam tam ferventer prosequeris, bona, quæ tam sollicitè contradis, sunt pro tuis heredibus. Eleemosinæ, quas erogas, injuriæ, quas remittis, missæ, quas audis, tibi manent. *Facite vobis amicos,* fac tibi amicum magnum illum Deum, ad quem vadis. Quomodo audebis te illi sistere, eum in faciem contueri, adesse familiaris, ab eo lautè haberi, cum tota vita ejus fueris inimicus?

Fac tibi amicum Jesum Christum, qui dicit in Evangelio: *Vos amici mei estis, si feceritis, quæ ego præcipio vobis:* Ille jubet, ut benefacias inimicis, ne ulli inferas injuriam, ne jures, sed sis patiens, & mitis. Fac, ut ejus sis amicus. Fac tibi Virginem amicam, fac, quæ debes in confraternitate Rosarii, scapularis, ac aliis sanctis confraternitatibus. Fac tibi amicos sanctos, eos cole, lege eorum vitas, honora eorum festis piis exercitiis. Fac tibi amicos pauperes, eos bonis, consilio, pecunia, servitio juva. Fac tibi amicas animas purgatorii, audi missam, fac eleemosynam pro illis. Si hæc feceris, dum ex hoc mundo ibis, ibis ad locum, ad quem præmisisti commeatum, in quo fecisti notitiam, ubi invenies amicos, qui te recipient in tabernacula æterna Amen.

—) (o) (—  
¶



# SERMO TRIGESIMUS SEPTIMUS.

Pro Dominica nona post Pentecosten.

*Peccatum nos exponit veritati, & severitati iudicii  
Divini.*

*Venient dies in te Luca 19.*

## E X O R D I U M.

**P**rofectò, Auditores non magis hodiernum Evangelium nobis perti-  
mescendum videtur, quàm tormentum  
quoddam explosum, aut hostis, qui bombar-  
dam quidem habet, sed pulvere caret, &  
globo, quia arbitramur hanc prædictio-  
nem Christi jam expletam in destru-  
ctione Jerusalem, unde videmur dicere,  
quod non venient dies isti in nos. Ve-  
rum meo sensu, si aliquid nos terret, est  
hoc Evangelium, video enim, quod illa,  
quæ prædicta sunt hodiè Judæis impæ-  
nitentibus, etià verificanda sint in om-  
nibus peccatoribus, qui vel hic in pecca-  
to mortali spiritualiter moriuntur, vel  
postea morientur in fine hujus vitæ, ut  
enim destructio Jerusalem est typus per-  
ditionis peccatorum, & sicut illius in-  
cola undequaque angustiati fuerunt  
ita & peccator undiquaque angustia-  
bitur, quia ut hodiè ostendā, peccatum  
mortale nos exponit justitiæ, & severita-  
ti Dei.

*Videbunt Filium hominis venientem in  
nube cum potestate magna, & majestate  
Luca 21, Matt. 24.*

I. Sanctus Apostolus Paulus volens  
Corinthios efficaciter trahere in fugam  
peccatorum, & praxin solidarum virtu-  
tum, in memoriam iis reducit hunc ar-  
ticulum fidei, qui unus est è primævis  
notionibus Christianismi, nempe, quod  
omnes quadam die comparebimus co-  
ram tribunali Dei, ut quilibet prout ges-  
sit in corpore, sive bona, sive mala reci-  
piat. Hoc est secundum è quatuor no-  
vissimis hominum, quod debemus con-  
siderare, ut concipiamus horrorem, &  
abominationem erga peccatum morta-  
le; quod nos exponit veritati, & seve-  
ritati iudicii Divini. Unica solum cir-  
cumstantia hujus iudicii, mihi aliquod  
solamen instillat, quod nempe Salvator  
nos judicabit quā homo, uti ipse ait in  
Evangelio: *Omne iudicium dedit Filio,*  
*quia Filius hominis est;* hoc est ô sacerri-  
ma Virgo, ille nos judicabit quatenus  
tuus est Filius, & qualem tu eum potes  
placare. Leges humanæ vetant femi-  
nis ne agant advocatas, & hoc forsitan id-  
eo, ne suis blanditiis corda emolliant ju-  
dicum. Verum tuus Filius, qui non  
nisi

2. Cor. 5.

7.  
2.



nisi coactè, & illubenter punit, qui desiderat placari, & ad misericordiam flecti, parcit, dum tu peroras pro peccatoribus poenitentibus, qui ad te recurrunt, uti nos humiliter facimus, dum coram eprostrati dicimus. AVE MARIA.

## IDEA SERMONIS

### EXORDIUM.

*Iustitia Dei est ejus veritas quadruplex, nempe essentia, cognitio- nis, locutionis, operationis, eas exercet in judicio, ut docet sanctus Joannes Apoc. primo.*

II. **D**Octores Theologiæ, qui suas sententias fundant in verbis sacrae scripturae proponunt hanc quaestionem, an nempe veritas, & iustitia in Deo sint eadem omnino perfectio, cum synonyma, & univoca sint in sacra scriptura. Angelicus sanctus Thomas expressè respondet affirmativè: *Iustitia Dei est ejus veritas*, & id probat diversis locis scripturae, in quibus veritas pro iustitia sumitur, & misericordiae opponitur, utpote effectus habens contrarios; ut videre est Psalmo vigesimo quarto, trigesimo nono, octuagesimo tertio, quarto, octavo, & centesimo decimo tertio, ac alibi. Verum, quid est veritas Dei? Quid significatur hoc verbo *veritas*? Ne interrogas velut Pilatus, qui à Christo rogavit, *Quid est veritas*? nec expectato responso abivit. Quatuor sunt species veritatis, veritas essentiae, veritas cognitionis, veritas verbi, & veritas operationis. Veritas essentiae,

quam Theologi vocant veritatem objectivam, quia est objectum intellectus, est convenientia creaturae, cum idea suae essentiae, quam creator ab aeterno in suo intellectu divino concepit. Nos discurrimus de operibus naturae conformiter ad convenientiam, & analogiam, quam reperimus in operibus artis, & rebus artificialibus.

Illa artificialia quippe dicimus esse vera, quae sunt conformia fini, quem artifex in sua idea juxta regulas artis concepit. Vna exigua Ecclesia in charta, vel cera delineata, non est vera Ecclesia, sicut est haec, in qua nunc praedico; quia idea Architecti, & regulae architecturae praescribunt templum debere esse ex lignis, vel lapidibus, aut alia materia in tantâ longitudine, latitudine, aut aliis dimensionibus, Ecclesia autem in cera delineata nil tale habet. Idem est in operibus naturae; idea naturae humanae, quam Deus concepit in suo intellectu Divino, praescribit, ut homo sit compositus ex corpore, sanguine, anima rationali, & ideo nos omnes sumus veri homines, quia sumus ita compositi. Homo pictus non est verus homo, quia nil veri corporis, sanguinis, carnis, aut sanguinis habet.

Veritas cognitionis, quam vocant formalem, eò quod intellectus eam informat, & vestiatur, est conformitas intellectus cum suo objecto; quod si concipias tuum maritum esse in templo eo tempore, quo est in popina, clarum est, nec indiget explicatione, quod cognitio tua non sit vera. Veritas verborum est conformitas dicti, cum cogitatione, & conceptu, si judices tuum vicinum esse probum, & dicas eum esse malum, menti-



mentiris, nec veritas in tuo dicto est, *Mentiri est contra mentem ire.* Veritas operationis, quæ alias vocatur fidelitas, est convenientia actionis cum promissione. Hæ quatuor veritates sunt perfectiones simpliciter simplices, hoc est non sunt mixtæ aliquâ imperfectione; adeoque æquæ sunt in Deo, ac in creaturis, immò in eo sunt prius, excellentius, eminentius. Et quidem in Deo est veritas essentiæ; nam si ideo inquit sanctus Thomas creaturæ sunt veræ veritate entis, quia aliquo modo sunt conformes essentiæ Divinæ, & ideæ, quam Deus habuit de iis ab æterno; à fortiori essentia Divina est vera, veritas prima, primitiva, radicalis, suprema, quia est forma exemplaris, idea, prototypum, principium omnis esse. Veritas itaque essentiæ in Deo, ut propriè loquamur, nil aliud est, quem ipsa Divina essentia, quatenus continet in se omnes perfectiones possibiles, & intelligibiles, & ita est regula, idea, exemplar totius esse.

Secundo est in Deo veritas cognitionis adeo certa, & infallibilis, ut nec in minimo falli possit, nam in nobis error, & falsitas procedit ex eo, quod noster intellectus vel nec percipiat nisi mediantibus sensibus, qui sæpe eum decipiunt per repræsentationem, vel nil cognoscat nisi per discursum, & ratiocinationem, quæ sæpe ex præmissis falsis falsum infert, adeoque falsa est, vel etiam sæpe infert falsum ex præmissis veris. Deus autem omnia cognoscit seipso, per unicum actum purissimum, simplicissimum,

simpliciorum actu, quo nos cognoscimus prima principia. Tertio reperitur in Deo veritas verborum, nam nunquam hæc deviant ab ejus mente, loquitur prout intelligit, nec potest mentiri, sicut non potest non esse Deus, adeo aversus est à mendacio, ut puniat omnes mendaces. *Est autem Deus verax. Impossibile est Deum mentiri.* Perdes omnes, qui loquuntur mendacium. Ultimo in Deo invenitur veritas operationis, quia nunquam violat promissâ: *Qua procedunt de labiis meis non faciam irrita.* Tanta est convenientia inter ejus dicta, & facta, ut ea sint synonyma in sacra scriptura: *Dabar, videamus hoc verbum, quod fecit Dominus.*

Hæ quatuor species veritatis, quas adoramus in Deo, sunt velut quatuor columnæ, quæ sustinent lectum ejus justitiæ, vel ut melius dicam, sunt quatuor consiliariæ, quæ sedent in ejus tribunali, & jus dicunt omnibus reis. Veritas essentiæ decedit casum juris, veritas cognitionis casum facti, veritas verborum pronunciat sententiam, veritas operationis eam exequitur. Et sanè, id ad stuporem benè docuit sanctus Joannes Evangelista, in quadam visione mystica, quam recenset in principio suæ Apocalypsis. Ille vidit verbum incarnatum Jesum Christum nostrum Salvatorem, ille habuit capillos albos instar civis, oculos scintillantes velut flammæ ignis, ex ore ejus prodibat gladius ex utraque parte acutus, *vox illius tanquam vox aquarum multarum*, quæ decurrunt in torrente: circumstantiæ hujus visionis

ad

1. Part. 9.  
16. art. 5.

Rom. 3. v.  
4. Heb. 6.  
v. 18.  
Psal. 88.

Cap. I. v. 13



ad vivum, exprimunt quatuor veritates, de quibus loquimur. Crines habet albos instar nivis, en veritatem essentiae. Oculi scintillant velut flammæ ignis; en veritatem cognitionis. Vocem habet susurrantem velut torrens, en veritatem operationis. Verbum de qualibet loquamur, & videbitis magnam differentiam inter Deum, & homines; quoad decisionem juris, quoad cognitionem facti, quoad prolationem sententiae, & ejus executionem.

## PVNCTVM PRIMVM.

*Veritas essentiae ostendet gravitatem peccati Divinis perfectionibus oppositi, quod significatur Apoc. primo, v. 14. Caput ejus, & Capilli candidi sicut nix.*

III. **P**rima differentia est, quod homines in hoc mundo saepe non judicent juxta gravitatem criminum, quia pro regula sententiarum habent leges, & edicta Principum, quæ juxta enormitatem scelerum non statuunt pœnas, sed juxta damnum, & ruinam, quam Reipublicæ inferunt. Herus, qui deflorat, & infamat ancillam gravius peccat, quàm ancilla, quæ committit furtum domesticum, & tamen iustitia humana gravius punit furtum ancillæ, quam adulterium heri. At in iustitia Divina ius dicitur iuxta gravitatem criminum, & hæc gravitas mensuratur iuxta oppositionem, quam habent peccata cum perfectionibus Divinis. Quærun Theologi, an iudicium universale futurum sit de die, vel nocte, nec quæstio

hucusque bene decisa est. Nos porro habemus ex scriptura in pluribus locis, quod tempus iudicii vocetur dies. Psalm. quadagesimo, & quadagesimo octavo vocatur dies mala, & alibi apertè vocatur dies Domini; nam quamvis sol sit obscurandus, & alia astra caligine obducenda, attamen illa dies lucidissima erit, & iudicium, illud fiet in magna claritate, alacritate, quæ procedet à corporibus gloriosis, claritate spirituali, nempe lumine interiori, quo nos cognoscemus perfectiones Divinas, & nostras imperfectiones. *Deus manifeste veniet; illuminabit abscondita tenebrarum.*

Diximus veritatem essentiae Divinae in Deo nil aliud esse, quam ipsam essentiam, quatenus est cumulus, & thesaurus omnium perfectionum conceptibilem. Verum quidem est, quod reprobi non sint visuri facie ad faciem essentiam Divinam, & eius perfectiones, sed tamen cognoscent clarè, & evidenter, quod essentia Divina sit infinitè perfecta, & dotata numero infinitarum perfectionum, videbunt esse oppositionem naturalem, nec essentiam infinitam inter Deum, & peccatores, inter eius perfectiones, & peccatum: *Mane astabo, & videbo, quoniam non Deus volens iniquitatem tu es.* Erit cum stabo ante tuum tribunal, id significat tò *Astabo*, & qualicunque hora id fiet, illa erit pro me matutina. Hebraei tempus matutinum vocant *Bobel*, quod derivatur à Bahal, & significat discernere, distinguere, quia mane, dum oritur aurora, incipimus ea discernere, quæ de nocte non vidimus.

Quam;



Quamdiu sumus in hoc mundo, degimus in tenebris, nos quidem audimus prædicari veritates fidei, sed eas non videmus. *Fides ex auditu.* Habemus fidem, sed non evidentiam. *Argumentum non apparentium.* Et ideo res fidei nos acriter non pungunt, eas parum apprehendimus, parvum, vel nullum effectum in nobis producunt. Verum, dum stabimus ante tribunal Dei dicere poterimus: *Sicut audivimus, sic vidimus.* Dum hoc mane orietur, tunc incipiemus videre, quæ tantum ex media parte credidimus, nos tunc ea apprehendemus veluti magni momenti, quæ nunc nobis non curanda apparent. *Cognoscetur Dominus judicium faciens.* Tunc clarè videbimus Deum esse infinitè potentem. Tunc videbimus, quanta sit audacia contra eum insurgere. Infinitè est sapiens, qualis ergo non erit stultitia ejus monita sprevisse? Est infinitè bonus, qualis ergo debet esse malitia ejus offensâ? Est immensus, ubique præsens, qualis ergo non erit impudentia tot levitates coram eo patrassè? Est infinitè justus, qualis ergo non erit temeritas ejus vindictas non timuisse? Est infinitè misericors, qualis ergo non erit cæcitas ejus gratias nō acquisivisse? Est infinitè liberalis, qualis ergo non erit ingratitudo ejus abusum esse beneficiis? Est infinitè perfectus, & ipsi est impossibilis, immodè impossibilissimum, quod grata habeat, approbet peccata, & minimam imperfectionem voluntariam impunitalinquat.

*Videbo, quoniam non Deus volens iniquitatem tu es,* videbimus tantam esse antipathiam, & contrarietatem inter Deum, & peccatorem, ut sese compati

non queant, & quidem minus, quam ignis, & aqua, lux, & tenebræ, forma, & privatio. *Neque habitabit juxta te malus lignus.* Hebræus legit *lo jegurtz, non hospitabitur.* Peccator nec per transennam poterit esse tecum. *Non resurgent impii in judicio.* Hebræus legit. *Lo jaimu, non stabunt, non subsistent.*

Hoc erit horrendissimum, maxime formidandum, insupportabile, Deo præsentari cum peccato, causam habebimus tremendi, præ horrore rigendi, dum videbimus solem offuscari, lunam tingui sanguine, stellas è cælo decidere, fulgura continuò corruscare, tonitrua suo boatu nos stupefacere, gladios ubique evibrari, terram tremere, mare inundare, animalia mugire, rugire; ululare, feras sylvestres è speluncis suis prodire, & totum mundum inverti. Quo non horrore percelleris, si unum tantum horum portentorum videas? Omnia videbis, nec de hoc dubites, verbum Dei non potest mentiri, tu illa videbis, & mille alia, quæ recenset, & præ timore arestes. *Arescentibus hominibus præ timore.* At enim verò, omnia hæc nihil erunt in comparatione puncti, quod tracto. Omnia hæc prodigia horrenda, *Initia sunt dolorum,* inquit noster Assertor. Id quod magis apprehendes, quod sufferre non poteris sine dolore inconceptibili, est coram Deo infinitè perfectio comparere cum minima imperfectione.

*Ecce venit Dominus exercituum inquit Propheta, & quis poterit cogitare diem adventum ejus?* Non dicit, *Quis vult,* sed *Quis poterit?* Adventus Filii Dei ad judicium ad eo erit formidandus animæ peccatrici, & tanto timore cruciabitur,



## PVNCTVM SECVNDVM.

*Oculi ejus tanquam flamma ignis. Veritas cognitionis, qua intemas radices actionum intuetur.*

IV. **S**ecunda veritas est, veritas cognitionis, quæ denotatur per oculos fulgurantes velut flamma ignis, quos sanctus Joannes Filium Dei conspexit habere. Quantumvis sis oculatissimus, tamen plura sunt, quæ oculos tuos subterfugiant, quia lumen, per quod vides, non est in tuo oculo, sed in objecto, & si lumen extinguatur, aut subducatur, objectum non videtur. Si autem lumen, per quod vides, foret in tuo oculo, & ex illo derivaretur, uti dicitur de Imperatore Tiberio, tu omnia videres etiam inter densissimas tenebras. In tribunalibus hominum, quamvis judices sint æqui, justi, irrefragabiles, docti, judiciosi, veri Areopagitæ; attamen queunt falli, quia non vident per lumen suis inditum, sed juxta informationem partium, testimonium depositionem. Deus vero habet lumen in suis oculis, oculi ejus coruscant sicut ignis, ex se, & per suam scientiam infinitam judicat, nec potest se fallere, aut falli. *De vulnere tuo iudicium meum prodeat.*

Hinc sanctus Augustinus devotissime dicit. *Tu scis Domine, unde veniat spiritus, ubi sit, & quo vadat, & utrum radix sit dulcis, an amara, de qua foris pulchra folia emittuntur; & non tantum intentionem; sed etiam radicis medullam intimam, discretissimam veritatis tue Luce colligis, numeras, contueris, consignas, cumque hac diligenter considero ingenti timore*

A a a

pertur-

bitur, eò quod illi debeat præsentari, ut sola consideratio hujus rei intolerabilis sit, quia non poterit subsistere in ejus præsentia. *Quis stabit ad videndum eum?* Filius insuper Dei sic nos monet: *Attendite vobis, ne corda vestra graventur crapula, & ebrietate, & curis hujus vite, ut digni habeamistare ante Filium hominis.* Non dicit, ut possitis evadere flamas inferni, societatem Dæmonum, carcerem tenebrosam, sed ut digni sitis, qui compareatis coram Filio hominis; nam reliqua supplicia collata angori, & pœnæ, quam experietur peccator, quod debeat fisci Deo infinito, puro, & sancto in peccato mortali nil sūt. Hoc fuit ostē, sū in visione sancto Joanni. Vidit Deum habentem caput instar senis, capillos albos sicut nix, & ad hujus conspectum adeo fuit contritus, ut ceciderit in terram velut mortuus.

Hic candor, qui est naturalis nivi, significat puritatem, sanctitatem, veritatem essentiae Divinæ, quæ consistit in hoc, quod nil habeat admixtum ex non esse, & ex nihilo. Cum peccator hoc viderit, clarè cognoscet hanc Divinam essentiam è diametro, & infinitè oppositi peccato, quod est horribile nihil, dumque videbit se maculatum peccato, non poterit subsistere ante Deum, videbit se esse indignum, ut Deus ei januas celi aperiat, & eum permittat intrare. Potius se abder in abyssum inferni, ibique libentius æternaliter permanebit, quam quod tam exiguo tempore sit coram Deo, vel cum minimo peccato. *Ibunt hi,*

*non dicit Proiciuntur, trahentur, sed Ibunt in supplicium æternum.*

num.

Psal. 9.

Psal. 2.

Luca. 23.

v. 34.

Luca. 24.

Malach. 3.  
v. 2.



perturbor; quia magna nobis est indita necessitas, iuste recteque vivendi, quippe qui omnia facimus ante oculos iudicis cuncta cernentis. Viden paulisper tulipas, rosas, narcissos in area plana, nil est adeo gratiosum, iucundum, coloratum, gratum oculis, sed paulisper intueri radicem, ex qua pullulant, quia nil est adeo terreum, distortum, ingratum, quam illa sit, viden illas betonicas, seu veronicas coronarias, aut lilia, nil est adeo odoriferum, sed olfac scapum, ceu caulim, & nil adeo malè olebit. Tu adstas altari, tu sacrum magna cum reverentia celebras, nil gratiosius; magis odoriferum, & acceptius Deo, & hominibus est illa actio. Quod si celebres eo sine tantum, ut capitellum lucreris, aut devotus habearis, nil est adeo vile, terrestre, & malè olens apud Deum, quam hæc prava intentio. Tu tuam privignam continuo objurgas, agitas, vexas, & hoc ut ejus emendes defectus, uti tu dicis, ô insignem radicem, ô sanctam intentionem! sed Deus oculo linceo intuetur medullam, ille videt, quod hæc inclinatio ad corrigendum, & imprecandum proveniat, ab aliqua aversione naturali, quam habent novercæ erga privignas. Tu bis, vel tercio accedis tuum Patrem spiritualem, apparenter, & ut tu judicas, ut ab illo instruaris, sed teipsa hoc fit, vel potest fieri ex sensualitate, adeo latente, & secreta, ut tu illam non discernas, sed Deus eam videre tantum possit.

Quando hæc considero, ingenti timore perturbor, video quod obligemur, nostra facere maxima cum cautela, intentione purissima, cum omnibus

circumstantiis requisitis, quia illa facimus. Ante oculos iudicis cuncta spectantis, qui omnia librat, omnia lustrat, ponderat, examinat, an non minimus navus in opere lateat.

### PUNCTUM TERTIUM

*Ex ore ejus gladius utrâque parte acutus. Vox locutionis, qua in divitibus, & pauperibus punit qualibet peccata; gravia, & levia, interna, & externa.*

V. E T sicut cognitio Divina semper est conformis veritati sui objecti, ita ejus, verba, & sententiæ, quas profert, sunt semper conformia veritati cognitionis. Sanctus Evangelista vidit ex ejus ore procedere gladium ex utrâque parte acutum. Justitia humana ex una tantum parte scindit, ponit solum reos debiles, parvos, pauperes, omni patrono carentes; magnis e contra divitibus, potentibus, qui patronos habent, parcit. Deus e contra ex utrâque parte scindit, ille neminem acceptat, sed omnes sive pauperes, sive divites, quos reos invenit, punit. Justitia humana tantum punit crimina exteriora. Iustitia vero Dei tam exteriora, quam interiora, dispositiones cordis, affectus, desideria, inclinationes voluntarias. Quod si abstulisses quinque solidos, homines te ob furtum quinque solidorum punirent, esto plus abstulisses, si plus invenisses; aut quia timebas, ne hoc adverteretur. Verum Deus punit ob illam summam, quam voluisti accipere. Homines puniunt tantum enormia scelera,



*Matth. 2.*  
*Mich. 2.*  
*v. 1.*  
*Matth. 25.*  
*Jerem. 1.*  
*v. 10.*  
 lera, quia De minimis non curat prator; Verum, iustitia Divina etiam punit minimos defectus, peccata venialia, verba otiosa, cogitationes inutiles. Iustitia humana punit peccata positiva, & non peccata omissionis, sed Deus utraque castigat, & damnat eos, qui occiderunt, & eos, qui permiserunt mori mendicum fame, eum non pascendo, aut pauperes languere inopia. Iustitia hominis tantum scindit ex una parte, quia occidit corpus, non animam, confiscat bona temporalia, non æterna, privat creaturis, non creatore. Ieremias clamat: *Hæu, Hæu Domine pervenit gladium tuum usque ad animam.* Et sanctus Iudas ait, ignem illum temporalem, qui consumpsit sodomitas in hac vita, fuisse initium ignis infernalis, quo comburentur in altera.

Verbum Dei semper est conforme ejus cognitioni, ille videt, quod in quolibet peccato sint duæ dissonantiæ, nempe aversio à Deo, & conversio ad creaturas, ideoque pœnâ duplici damnat peccatorem, pœnâ damni: *Discedito à me*, pœnâ sensus; *Itē in ignem æternum.* Ille scit quod peccator offendat majestatem infinitam, adeoque mereatur pœnam æternam, & quia non est capax pœnæ infinitæ in activitate, ideo eum damnat ad pœnam infinitam in æternitate.

PUNCTVM QVARTVM.

*Vox ejus tanquam vox aquarum multarum. Veritas operatio-  
 nis, quæ proleget sententiam exequitur.*

VI. Iustitia hominū saepe pronun-

tiat sententias, quæ non mandantur executioni, quia reus appellat, quia libellum porrigit supplicem, quia elabitur è carcere, quia princeps eum absolvit: Iustitia Dei nullam fert sententiam, quæ non mandetur infallibiliter executioni. *Opera manuum ejus veritas, & judicium.*

Veritas operationis in Deo est conformitas operum cum suis verbis. Vox ejus non est similis tonitru, quod tantum tonat, non sono campanæ, aut clangori tubarum, qui nullum producant effectum, sed torrenti, qui dum sævit, & strepitum edit, vastat, & proterit, ripas perrumpit, pavimenta, & vias stratas evertit, aggeres deiecit, & quævis obvia, perdit, conterit, & annihilat. *Vox ejus tanquam aquarum multarum.* Vox Dei idem agit, quod torrens, quam primum pronuntiat aliquam sententiam; statim eam exequitur. Reprobis dicet: *Ite maledicti*, & hoc dicendo eos præcipitabit; ita ut nulla creatura, neque in cælo, neque in terra, effectum horum verborum suspendere possit. Nil tunc juvabunt intercessio Deiparæ, preces sanctorum, actus submissionis, lacrymæ pœnitentiæ, proposita emendationis, orationes humiles, & ferventes, quæ revocare, minuire, suspendere, alterare illam sententiam per totam æternitatem sæculorum possint. *In æternum.* *Psalm. 118.*

*Domino permanet verbum tuum.*

(s) (o) (s)



## CONCLUSIO.

*Paraphrasis illorum verborum, tunc videbunt Filium hominis, &c.*

VII. *Tunc videbunt.* O Tunc, quam amarum es animabus mundanis, quæ non amant nisi *Nunc*, tempus præsens, futurum, quia tempus futurum iis est fatale, & funestum. *Videbunt.* Tunc vestra videbunt hypocryses, proditores, vestra cogitationes stultæ, vestra molitiones ambitiosas, peccata commissa in occulto, immundities, abominations, bestialitates. *Videbunt.* Tunc apparebunt vestra insignes occasiones, quas stultè elabi permistis, dum tamen iis salutem operari potuistis, inopes, quibus subvenire potuistis, prædicationes, quas potuistis audire, sacramenta, quæ recipere, indulgentias, quas lucrari, bonos, quos imitari potuistis. Quod si ego illi viduæ in illa lite opitularem manum porrexissem, si meum vicinum ægrotum visissem, si illam puellam levem, cohibissem, ego gratiam Dei promernissem. Si tali concioni interfuissem, dum ivi spatiatum, ego fuisset tactus, & emendatus, si ego tali fuisset confessus, qui me non novit, ego non fuisset absolutus.

*Videbunt.* Videbuntur probi, qui tecum vixerunt in eadem urbe, in eadem parochia, in eadem platea, ejusdem tecum conditionis, & status, ex eadem familia commorari, & sedere in aere, inter sanctos prope nostrum Salvatorem: *Obviam Christo in aera*, dum tu repes super terram inter reprobos apud Dæ-

mones. Hem dices, quis hoc putasset, quod illa paupercola femina, quæ tam parum habuit apparentiæ, quod ille opifex, qui videbatur esse adeo simplex, quod ille meus servus, quem tractavi velut vermem terræ, ad tantum evehendi fuissent honorem? Siccine ego, qui fui consiliarius, Thesaurarius, Abbas, qui adeo fui doctus, sapiens, judiciosus, in æstimatione mundi, sim vilis pensus? Tu mea paupercola ancilla, tu me prudentior fuisti; dum mea restitisti voluntati sensuali, mea importunitati impudenti, si tu votis meis annuisses, ego te perdidissem, tu mecum fuisses damnata; bene ergo fecisti, quæ meum servitium deserviris. Charissima mater, tua non est culpa, quod tecum non sim salvatus, tu sapius perstrinxisti meas vanitates, tu sapius me rogasti, ne conversarer amplius cum illo adulescente, qui me deturbavit in præcipitium. Amantissime parens, ego sine dolore te aspicere non possum, cheu, mea solum est culpa, meus est defectus, quod tecum non sim beatus, si ego tibi obedivissem, dum meas punivisti petulantias, dum jussisti, ut orarem, ut irem ad confessionem, ut vitarem prava consortia, jam salvus essem.

*Videbunt Filium hominis.* Quam non fuerunt exanimati, & consternati Filii Jacob, dum postquam suum fratrem Joseph tam malè tractassent, & vendidissent, coram eo constituti viderunt eum esse Protegem Ægypti, audiverunt ab ipso hæc verba: Ego sum frater Joseph, quem vendidisti in Ægyptum? In quonam non eris tu agnore, & apprehensione, quando videbis Filium Dei, quem toties offendisti, & contempnisti,



plisti, stipatum suis Angelis, in gloria sui Patris splendoribus radiantem in solio sue majestatis, in suo tribunali justitiæ sedentem, ut te damnet? Quomodo non eris exterritus, dum audies hæc verba: Ego sum tuus salvator, quem tu vendidisti pro uno imperiali, pro falso testimonio? Ego sum ille, quem tu ejecisti è corde tuo ob unam voluptatem bestialem, cujus vultum per tuas blasphemias prostitisti, quem per tuas acrolegias, & impudentias conculcasti? *Videbunt in quem transfixerunt.*

Joann. 19

*Filium hominis* Gaude: (alloquitur sanctus Augustinus animam electam: ) *qui nunc est tuus advocatus, tunc erit iudex tuus.* Ille tuum ius novit, ille scit puritatem tuarum intentionum, amorem tui cordis, sinceritatem tuorum affectuum erga se. Ille o virgines devotæ, qui modo est vester sponsus, tunc erit vester iudex, ille vobis tunc erit favorabilis, ille recordabitur deliciarum, quas eius amore spreveritis, mortificationum,

quas amplexatæ estis, persecutionum, quas amore eius tolerastis. *Filium hominis*, hoc est Filium virginis. Sed qualem non sentient dolorem, qui eius neglexerunt servitium, nam eius mater eum placasset, & eum tibi reddidisset propitium, & favorabilem, dummodò quotidie ejus recitasses coronam, si in confraternitate Rosarii, & monte Carmeli tuum fecisses?

*Venientem in nube.* Lectus eius iustitiæ erit nubes, ex ea fulmina, & grandines in reprobos pluet: *cum potestate magna*, potenter vindicabit iniurias, quas ei irrogasti, rigorosè suos hostes puniet, ita ut nemo illi resistere queat. *In nube*, nubes quæ destinabit, & stillabit roseum mel, dulcedinem, gratias, benedictiones in prædestinatos. *Cum potestate magna, & maiestate.* Hæc maiestas Divina, hic Rex cæli, & terræ regaliter tractabit suos amicos, illos replebit gaudiis, deliciis, opibus, & felicitatibus æternis. Amen.

## SERMO TRIGESIMUS OCTAVUS

Pro Dominica decima post Pentecosten.

Peccatum mortale nos privat felicitatibus cæli.

*Publicanus à longe stans, nolebat oculos ad cælum levare* Luca. 18.

### EXORDIUM.

V. V. Arias adducunt rationes sancti Patres, cur Publicanus noluerit,

id est non fuerit ausus ex verecundia, humilitate, & reverentia oculos in cælum levare.



levare, Ecce hoc? Nonne melius fuisset oculos in cælum levare, ut ita misericordiam consequeretur, & magis animaretur ad pœnitentiam, & contritionem eliciendam? Sanctus Chrysostomus responderet, cum oculos in cælum levare noluisse, *Quasi se indignum æstimans, qui cælum, ubi Deus gloriæ residet; respiceret, quare dimissis in terram oculis sese humiliabat. & merito, quia quomodo ille cælum auderet aspicere, qui nullam porportionem, & convenientiam cum cælo habet; publicanus erat peccator, & ideo oculos ad cælum sublevare non fuit ausus, quia peccatum mortale nos privat felicitatibus cæli, & nullo modo nos aptos relinquit, ut cum beatis in cælo habitare possimus, ut cum Auctore hac concione ostendam.*

*Domine quis habitabit in tabernaculo tuo, aut quis requiescet in monte sancto tuo? qui ingreditur sine macula, & operatur iustitiam, Psal. 14.*

II. In hac sententia formidanda, quam Filius Dei pronuntiabit in iudicio contra reprobos, duas pœnas possumus observare, pœnam damni, & pœnam sensus. Pœna damni, per quam eas longè à se abiicit, & à Regno cælorum proscribit, exprimitur hisce verbis, *Discedite a me*; pœna sensus, per quam eos condemnat ad flammam inferni, hisce, *In ignem æternum*. Prima eò est grandior, quò minus apprehenditur. Ut tamen eam apprehendatis, ego hunc discursum dividam in duo puncta. In primo conabimur per quasdam conjecturas cognoscere immensitatem bonorum, quæ sunt in cælo, ponderando locum in quo erimus, societatem, quæ

fruemur, actiones, quibus occupabimur. In secundo ostendam vobis per easdem ponderationes, quod dum committimus peccatum, nec vivimus in hoc mundo, sicut debemus, nulla sit apparentia, quod unquam illis bonis fruemur. Possumus viâ rectâ concedere ad cælum, sed tamen nequimus aliter intrare, quam per portam, hoc est per tuam sanctam mediationem, O sancta, & Benedicta Virgo. Id discite ab Ecclesia, quæ te quotidie in suis devotis præcibus vocat *Januam cæli*. Sicut Jesus descendens è cælo, per te voluit intrare mundum, ita nos in exitu ex hoc mundo te indigemus, ut cælo admittamur. Et hæc est causa, cur sperare debeamus, quod nempe sis porta omnibus ad te confugientibus patens. *Per viam cali portæ manes*. Pauperes, & divites, magni, & parvi, innocentes, & pœnitentes intrabunt in curiam cælestem, si ad te confugiant, sicut nos modo devotè facimus, te salutando: AVE MARIA.

## IDEA SERMONIS.

### EXORDIUM.

*Deus destinavit homini tres habitationes pro triplicis exercitio vite. pro vegetativa, sinum matris, pro sensitiva, hunc mundum, pro rationali, paradysum, & quanto secunda antecellit primam, tanto tertia secundam.*

II. Nonnulli Discipuli Aristotelis, dum



dum considerant magnam diversitatem actionum, quas exercemus in hoc mundo, ausi sunt adstruere; tres dari animas in homine, vegetativam, sensitivam, & rationalem. Et quidem hoc punctum in Philosophia bene deciderunt, & velut indubitatum habetur, quod esto homo non has tres animas in sua forma specifica, & essentia haberet; attamen eas contineat eminenter, & in virtute, ita ut omnes proprietates, & qualitates earum habeat, & distincte, ac diversis temporibus omnes earum actus eliciat. Ad hunc effectum Deus homini tres mansiones assignavit, ut particulariter has tres vitas exerceret, sinum matris, hunc mundum, & cælum empyreum. In sinu matris elicit actus vitæ vegetativæ, nam nutritur, & crescit velut plantæ, & natura eum præparat ad actiones vitæ sensitivæ, nam ideo format in eo sensus, & membra. In hoc mundo perfecte producit actus vitæ sensitivæ, quia videt, comedit, ambulat velut animalia, & gratia eum disponit ad vitam rationalem, & ideo in hunc finem in eo efformat facultates, & potentias. In cælo empyreo elicit actus vitæ rationalis, quia cognoscit, contempletur, amat, possidet Deum velut Angeli. Et sicut secunda mansio est incomparabiliter nobilior, commodior, optabilior primâ, nempe mansioni mundi, mansioni sinus materni; ita tertia est incomparabiliter nobilior, commodior, optabilior secundâ, nempe cælum empyreum mundo.

Supponamus, quod aliquis embryo in utero matris habeat usum rationis, & quod communicet ibi suos conceptus, & hæc anima loquatur, cum ani-

ma suæ matris, hoc inquam supponamus, nec erit dubium, quin anima matris eam sic affectur: charissima filia, Locust, in quo modo es, non est nisi miser carcer, attamen in hoc te solari debes, quod non diu sis in eo mansura, quia intra paucum tempus egredieris, & intrabis domum valde amplam, spatiosam, pulchram, commodam, & incomparabiliter magis gratam, quam sit locus in quo modo es. Tu commoraris in arcto ergastulo, in tenebris, in quodam antro, post tuam nativitatem incolles domum amplam, luminosam, & vigesies, centies, millies vastiorem locum habebis, quam sit locus, in quo modo es. Tunc ambulabis per conclavia, hortos, atria vasta, & spatiosa, areas, & campos latos, nunc sola es, nec cum alio, quam mecum agis. Post nativitatem tuam, cresces, ages cum aliis, conversaberis cum tuis fratribus te natu majoribus, cum aliis. Nunc solum crescis, & imperfecte nutritis, absque ulla voluptate, sensu, motu; sed cum edita fueris in lucem, tu usum habebis sensuum, tu videbis insignem solem, qui est in cælo, flores venustas, qui sunt in hortis, tu percipies musicas concinantes, tu comedes fercula delicata, fructus saporosos, dulces, sapidos, gratos ex omni genere.

Quod si mater hæc omnia loqueretur ad suam prolem, illa nil horum crederet, nec vellet exire ex hoc antro, diceret non esse aliam vitam, nec locum, quam eum, in quo est; aliam domum de qua est sermo, esse incertam, & dubiam, quod nos vocamus nativitatem, illa appellaret mortem, illa apprehenderet deliquia, & alia accidentia successiva



in suo ortu immensum sentiret dolo-  
rem, dum ex illa pelle, quæ eum cingit,  
exire deberet, non minus, quam nos  
valde cruciamur, dum nostrum corpus,  
& nostra bonâ deserimus, comprehen-  
dere nequiret, nec aliquis ei bene ex-  
plicare posset, quid sit lumen, sol, flores,  
horti, & quomodo omnia illa fiant, quia  
horum nil simile vidit, quidquid ei ma-  
ter diceret, reputaret somnia, & fabulas,  
ac figmenta, & tamen nos videmus ea  
esse verissima, & quamvis experientia  
ea non monstraret, tamen evidenter  
ratione naturali id demonstrare posse-  
mus, si polleret usu rationis, possemus  
namque ei dicere; si semper debeas  
concludi intra viscera tuæ matris, ecurr  
natura, quæ nil facit frustra, tibi efforma-  
ret membra, si nullum esset lumen, nul-  
lus sol, flores, cibi, ecurr haberes sensus,  
quos natura tibi dedit, ut posses frui his  
obiectis? cur haberes pedes, linguam,  
oculos, aures, si non deberes incedere,  
loqui, videre, audire?

Ecclesia, quæ est tua mater tibi dicit,  
quod hic mundus sit quoddam antrum  
cælo collatum valde arctum, dum exi-  
veris ex hoc carcere, quod sis ad mit-  
tendus cælo, quod infinitè est gran-  
dus, delitiosus, pulchrius, quam ter-  
ra, quod fruiturus sis conversatione  
Angelorum, lumine gloriæ, essentiâ  
Divinâ; quod eum sis visurus facie ad  
faciem, quod eo gaudebis, quod eum  
amabis, quodque eum perfectè possi-  
debis. Verum enim verò, tu hæc non  
credis, tu dicis, quid est cælum empyre-  
um, quid sunt Angeli, quid est lumen  
gloriæ, quid est essentia Dei? Tu putas  
quod hæc sint arces in aere fabricatæ,

& tamen sunt verissima, & quamvis ne-  
mo tibi bene possit explicare quid sint,  
quia nemo est in mundo, qui ea vidit;  
attamen reipsâ sunt, & existunt, & si ha-  
beas vel granum iudicii, validis argu-  
mentis tibi ostendere possumus, quid  
sunt. Tu habes intellectum, cuius ob-  
iectum sunt res merè spirituales, & à ma-  
teria separatæ, voluntatem, quæ nulla  
satiatur re finita, sed quæ infiniti capax  
est, inclinationem, quæ tendit ad vitam  
æternam, & durabilem; cum ergo nul-  
lum sit obiectum spirituale in hoc mun-  
do, nulla creatura infinita, nulla vita æ-  
terna; cum natura, & gratia nil faciant  
frustra, & illæ tibi dederint hunc intel-  
lectum, hanc voluntatem, hanc inclina-  
tionem, consequitur, quod debeas ha-  
bere alium locum post hanc vitam, lo-  
cum in quo tuæ potentiæ possunt repe-  
rire suum proprium obiectum, & exer-  
cere actus proprios suæ naturæ.

Homo itaque in sinu suæ matris vivit  
sicut planta, postea vero dum incipit ali-  
qualiter moveri, & sentiri, nascitur, & in  
hoc mundo perfectè sentit, & movetur,  
quod est proprium animalibus, dein in-  
cipit parum intelligere spiritualiter, &  
contemplari Deum, & intrat cælum, in  
quo vivit vitâ intellectuali, & perfectâ si-  
cut Angelus: *Erunt sicut Angeli Dei,*  
Ille exit è prima habitatione deficiente  
nutritione, sed urgentibus fortioribus  
sensibus, & motibus, quam unquam  
ante habuerit. E secundo egreditur de-  
ficiente sensu, & motu, sed robustiori spi-  
ritu, & ratione, quam unquam ante.  
Exitus è primo loco vocatur nativitas,  
è secundo similiter ab Ecclesia ortus  
appellatur: *Nativitas sanctorum*, quia  
exit,



exit, ut intret tertium locum gratiosior, excellentior, feliciorem, quam duo priora loca.

## PVNCTVM PRIMVM.

*Considerat locum, societatem, actiones beatorum. Locus primo est spatiosus, secundo purus, tertio ornatus. Societas beatorum est gratissima primò ob pulchritudinem corporum, secundo ob excellentiam animi, tertio ob dominium animæ in corpus. Actiones Beatorum sunt jucundissima, primo in intellectu visio Dei, secundo in voluntate fructio, & adimpletio omnium desideriorum, tertio in memoria recordatio, & laus à Deo bonorum operum.*

III. **T**Res circumstantiæ summè faciunt ad pulchritudinem, & amœnitatem unius domus, ut nempe sit ampla, munda, ornata, & variegata. Hortus tunc æstimatur, quando viæ sunt elegantes, largæ, longæ, ita ut exitus non videatur, quando semitæ non sunt luto-sæ, Petrosæ, quando in eo nullæ sunt sentes, si topiariis sit ornatus, arbores concinnæ, & eleganter per quincuncem digestæ, plures domuncula, planci, flores, & virores encausticè picti.

Magna est differentia, vel ut melius dicam, oppositio inter virtutem, & vitia. Vitium est via larga, strata, declivis, ducens ad abyssum, ad carcerem profundum, æctum, obscurum incommodum. Sancta Teresa quodam

die vidit locum in inferno sibi paratum, nisi Deus per suam misericordiam eam præservasset à peccatis, in quæ ejus naturalis inclinatio nimis levis eam agebat. Illa nobis ansam præbet, nobis imaginandi illum locum veluti quandam cavernam, & antrum, in quo quis sit reclusus, obstructus, conseptus, compressus, conquassatus, ita ut nec in minimo se movere possit ad accipiendum aliquid refrigerii, inter ardores ignis valdè ardentis, & insupportabilis. Virtus e contra est ascensus, & clivum, via arcta, & difficilis quidem ambulatu, sed ducens ad locum largum, sublimem, luminum, gratum, deliciosum, ad vivarium voluptatis, paradysum cælestem. Propheta Baruch non videtur posse invenire verba, quæ satis exprimant ejus vastitatem. *O Israel, quam magna est domus Dei, & ingens locus possessionis ejus. Magnus est, non habet finem excelsus, & immensus.*

Baruch. 3.  
v. 24.

Astronomi certò, & clarè cognoscunt magnitudinem stellarum, quas vides in cælo octavo in hieme, dum cælum valdè serenum est, & id ostendunt per demonstrationes evidentes, ita ut nulla sit, quæ non sit major totà terrâ, & eas distinguunt in sex diversas magnitudines. Illæ porrò, quæ sunt ex primæ, & magnitudine notabiliori, sunt centies, & septies majores totà terrâ, & tales sunt septemdecim. Illæ quæ sunt ex secunda classe, magnitudinis sunt vigesies quater, majoris terrâ, & tales sunt quadraginta quinque. Illæ, quæ sunt ex tertiâ classe, sunt sexagesies, & bis majores, & tales sunt ducentæ, & octo.

B b b

Illæ.



Illæ, quæ sunt ex quarta classe, sunt quinquagesies quater terrâ majores, & tales sunt sexaginta quatuor, illæ, quæ sunt ex quinta classe, sunt trigesies, & quinto majores terrâ, & tales sunt ducentæ septemdecim. Aliæ, quæ sunt ex sexta, & ultima classe, sunt decies octies majores terrâ, & firmamentum, in quo hæ stellæ sunt inclusa in circuitu, & superficiei convexa superat terram quingentis vicibus, quingentis decem mille leucis Germanicis. O admirabilem vastitatem, ô largum campum, ô longam viam, in qua possumus ambulare! Et tamen cælum empyreum incomparabiliter est majus, nam sicut globus cælestis, quo est altior, eo est vastior, & spatiosior, cælum empyreum maximum esse debet, cum inter hoc, & firmamentum interponantur adhuc duæ sphæræ cælestes, putà cælum crystallinum, & primum mobile.

IV. De ejus puritate audiamus, quid *Apoc. 2. v. 8.* dicat Apocalypsis: *Non intrabit in ea aliquid coinquinatum, ipsa civitas aurum mundum, fundamenta muri civitatis, omni lapide pretioso ornata.* Structura ejus tam gratiosâ varietate, crustis, & emblematis auri, & argenti picta est, ut nemo eam intueri possit, sol est adeo pulcher, ut Anaxagoras dixerit nil esse in mundo, quod eum contemplari possit. Firmamentum tam insigni varietate stellarum est distinctum, solum est pavimentum beatorum, & via domus cælestis. Quod si pavementum sit adeo elegans, splendidum, micans, variegatum, quid non erit dicendum de conignationibus, muris, columnis, & aliis aulis, suggrundiis, podiis?

V. Quod si locus sit deliciosus, profectò societas longè voluptuosior est. Triâ sunt, quæ aliquam societatem summè reddunt gratam, pulchritudo corporum, vivacitas animi, bona gratia corporis, & spiritus eorum, qui in illa sunt. In aliquo conventu sola elegantia vultus te fascinat, ut loqui non possis, in convivio, quod instituitur die festo, optimum condimentum, & oblectamentum est, si quis placidis, festivis, lepidisque discursibus, narrationibus convivas exhilarare possit. In una chorea, comœdia id nos delectat, si videamus dexteritatem saltatoris, aut actoris, quando dexterè, & concinnè mover, & flectit suum corpus, quando illud accommodat, & aptat rei, quam exhibere vult, verbo, quando gratiosos gestus edit. In cælo erimus in societate sanctorum, ubi corpora post resurrectionem stupenda pulchritudine erunt dotata. Tu tam sollicitè curas tuam pulchritudinem corporis, ergò eam quære, quam debes, ei procura pulchritudinem, non transitoriam, non fluxibilem, quæ cum tempore marcescit, quæ à morte, & vermibus consumeretur, sed pulchritudinem, durabilem, perfectam, & permanentem. Propheeta Isaias, dicit, quod post judicium, *Isaï 10. v. 26. Matt. 13. v. 43.* *Erit lux luna sicut lux solis, & lux solis erit septemplex sicut lux septem dierum.* Et Filius Dei dicit, *Iusti fulgebunt sicut sol in regno Patris eorum.* Et alibi, *Erunt sicut Angeli Dei.* Sanctus puer Celsus conspexit Angelum prope sanctam Julianam, sanctus Valerianus alium conspexit prope sanctam Cæciliam,



am, sanctus Romanus alium prope sanctum Laurentium, & ita fuerunt admirati, ut statim fidem amplexi sint, & Martyrium subire parati fuerint, sperantes, quod semper tam perfecta pulchritudine fruturi essent; Quid enim non hauriemus solatii, dum miliones eorum videbimus pulchritudinis tam diversæ, cum omnes juxta doctrinā sancti Thomæ specie differant?

V. Fruemur conversatione Sanctorum, & Angelorum, qui tanto ingenio, scientiā, eloquentiā sunt præditi, ut si maximi Doctores hujus mundi, & facundissimi oratores hujus mundi iis collati, nil aliud sint, quam balbutientes infantes, & rustici grossi, ac ignorantes. Nos erimus in societate Sanctorum, qui absoluti erunt Domini suorum corporum, qui cum iis facient, quidquid volent, qui unico momento ab oriente in occidentem, septentrione in meridiem concedere poterunt, qui è terra in cælum, è cælo in terram, uti volent, tam velociter, ac cogitant pergere, quibunt. *Ubi volet spiritus* inquit sanctus Augustinus, *protinus erit, & corpus.*

VI. Et quid faciemus in loco adeo delicioso, in tam grata societate? Occupabimur jucundissimis. Intellectus summè gaudebit, quia Deum videbit, eo delectabitur. O voluptatem, ô delectationem! ô supernam beatitudinem! Aristoteles ad verum gaudium dicit tria requiri, excellens objectum, potentiam vivam, & puram, ligamen inter objectum, & potentiam actum. In hac delectatione objectum est essentia Divina, quæ continet om-

ne bonum: *Ostendam tibi omne bonum,* animo concipe omnes creaturas possibiles, & imaginabiles, omnibus imperfectionibus eas denuda, exprime, & fac quintam essentiam ex earum bellis qualitatibus, excellentibus proprietatibus, perfectionibus optandis, Deus interim infinitus infinities iis major est. O quale est gaudium, quo afficitur quis ex fruitione hujus objecti! Intellectus, qui eo fruitur, est potentia viva, activa, immaterialis purus, unio, quæ inter Deum, & ipsum erit, est arctissimus omnium nexum nexus post unionem hypostaticam, uti statim videbimus.

VII. Et Deus, non tantum erit unitus intellectui beato, sed & voluntati cum omnibus potentiis animæ rationalis, omnibus facultatibus spiritus. Hinc Augustinus: *cum adhaesero tibi ex toto me, jam non erit labor, neque dolor,* & Sanctus Gregorius Nazianzenus Beatitudinē dicit *ἁγία τῶ ἀκρίως καὶ ἐκδι-  
λινῆς τριάδος.* Contemplatio sanctissimæ, & Regiæ Trinitatis, animam, illustrat, & sese totam, commiscet spiritui beato; immò omnes appetitus voluntatis erunt satiati, omnes inclinationes cordis erunt contentæ.

Greg. Naz.  
orat. 15.

VIII. Memoria delectabitur in remembrance omnium actionum illustrium præteritarum, nam Deus omnes reperet, & elogiis honorificis condecorabit. *Laus erit unicuique à Deo.* Nectar, & ambrosia animarum generosarum est gloria, tu adeo delectaris, si ab hominibus lauderis, ut nisi scias, id fieri adulatorie, nec seriò integrè, & totaliter non possis esse conten-

B b b 2

tus,



tus, nec tuum gaudium esse plenum, quia si non seridè te laudent, ut eorum laudatione delecteris, si ostendas eam esse gratam, te irridebunt. In cælo scis, quod Deus te laudet seridè, & verè, quia cognoscit, & perspectam habet veritatem, tu potes appetere illam eandem, & in ea delectari absque periculo ullius vanæ gloriæ, immò te ipsum laudare. *In Domino laudabitur anima mea;* Hebræus legit. *lthalel*, laudabit se, nam verbum est ultimæ conjugationis, quam vocant *lthpaël*, & Regula dicit, *lthpaël* in se factum reflectit agentis. Tu tuas laudes recensere potes, & consequenter tuum gaudium non erit incompletum, sed completum; *Gaudium vestrum sit plenum*, & hoc æternaliter, Viden quæ somagnum verbum, quod infinitum augmentum addit omni ei, quod est in cælo. Minimum epulum, & convivium, si æternaliter duret, nec unquam consumatur, & minuatur, infinitè appetibile est. Quid ergo non erit, cum fueris in viridario deliciarum, in domo voluptatis, quibus collata viridaria, & palatia, non sunt nisi exigui camini? Quale non erit gaudium frui honoratiori, deliciosiori, gratiori societate imaginabili, repleti, & inundari torrente voluptatis in anima, & corpore, intellectu, & voluntate, omnibus facultatibus, & potentiis? Esse certum, quod hic torrens nunquam sit exsiccandus, hæc societas nos delectatura, & recreatura sit per omnia sæcula, quod nunquam migraturi simus ex hoc loco quietis deliciarum: *O sancta Sion, ubi totum stat, & nihil fluit*? *O securum, & felicem statum, ubi nec dignitas typhum, nec inæqualitas Zelum, nec familiaritas con-*

*temptum, nec assiduitas fastidium, nec veritas odium parit*? *O beatam vitam, in qua est perpetuò flos juventutis, qui non marcescit, decor pulchritudinis, qui non tabescit, vigor sanctitatis, qui non hebescit, torrens voluptatis, qui non arescit, ardor charitatis, qui non tepescit.*

Felicitas sanctorum est grata, & certa, unus alio major, & proximior Deo est, quam alter, nec tamen hæc dignitas eos reddit arrogantes, in æquales sunt in gloria, & beatitudine, nec tamen idcirco invidia eos stimulat, quorundie simul agunt, nec tamen sese invicem contemnunt, continuò deliciantur, nec tamen ideo ullâ molestiâ afficiuntur, cognoscunt clarè, & narrant id quod cogitarunt; dixerunt, fecerunt in hoc mundo, unus contra alium dum vixerunt in hac vita, nec tamen ideo sibi succensent, vel adversantur. *O Beatam vitam &c.*

#### PUNCTVM SECVNDVM.

*Ex iisdem considerationibus probatur peccatorem obstinatum immerito sperare beatitudinem.* Ex primo, an qui toties peccavit obtinebit locum, quem Angelus unico peccato perdidit? Ex secundo, an coquinatus audebit sociari beatis, tam sanctis, & puris? Ex tertio, an Deus volet unum in æternum anima tam impura? secundo, an voluntatem contemnentium se faciet? tertio, quid laudabitur in peccatore, cum laus erit unicuique à Deo?

X. **A**T enim verò, quale non erit tormentum, infelicitas, mors, esse

*Psal. 33.*

*Lib.  
De  
mo  
Ber  
Ser  
vig  
Na*



esse privatum tali vita? Vos Charissimi Auditores eâ privabimini, nisi vos priveritis voluptatibus sensualibus. Vos certè arcebinini ab hac beatitudine, nisi vitam emendetis. Illæ rationes, quæ vobis ostendunt magnitudinem hujus gloriæ, eadem vobis monstrant, quod si vivatis sicut facitis, eandem sperare non queatis. Considera, an si ita vivas, sicut visis, ad cælum perventurus sis, quia si habeas sensum communem, dicēs. Si sim adeo perversus sicut modo sum, ego ad cælum non pertingam, nec id æquum est? Et quidem primo, in quo loco eris in cælo? An in loco Angelorum? Non, quia nulla anima cælo admittetur, nisi ut occupet sedem, quam unus Angelus per suam culpam amisit. Sanctus Anselmus, & Bernardus id evidenter, & fusè ostendunt, in compendium eorum discursus. Creator in initio mundi produxit magnum numerum spirituum Angelorum, qui urbem Regalem, in qua sedem suam Deus collocavit, incohererent, in eam tamen noluit eos admittere, nisi eam prius mererentur per actus humilitatis, amoris Dei, & submissionis, quo se ejus submitterent majestati; Verum dum tertia pars Angelorum ex superbia peccaret, Deus eos è cælo præcipitavit, & flammis æternis addixit; cum itaque videret plures sedes spirituum Angelicorum vacuas, homines ad beatitudinem creavit, ut ita ruinam hanc restauraret, & hierarchias cælestes instauraret, & compleret. *Ut adificensur muri jerusalem implevit ruinas.* Vbi Sanctus Bernardus. An indifferenter admittet homines, in illud beatitu-

*dinis templum, qui ne ipsos quidem Angelos indifferenter admittit? non discernet inter glebas, qui discrevit inter stellas? qualem putas hominem esse oportet, qui repudiati locum Angeli sortisatur plane immunem ab omni iniquitate?* Sanè si Gubernator provinciæ, vel arcis alicujus ob unicâ prodicionem exveretur, an unus in ejus locum sufficeretur, qui quinquaginta commisit? Non sanè. Idem ergo est in Deo, nam, qui ob unum peccatum Angelos ejecit, quomodo admittat homines, qui commiserunt plura?

X. Et quæso te, cum quibus eris in cælo, si Deus te intra illud admittat? An cum Virgine? an cum sancto Joseph, sancto Ioanne Baptista? An eris inter Martyres, Apostolos, Anachoretas, Virgines? An intra eorum societatem admittebis, an eorum gloriâ frueris, an eorum delicias, & gaudia participabis? Quid? Tu blasphemus, Apostata in fide, vindicativus, porcus Epicuri, frequentator cauponarum, oppressor viduarum admittaris, ad chorum sanctorum, qui fuerunt adeo devoti, humiles, patientes, casti, sobrii, charitativi? An adeo fores effrons, impudens, ut eorum te societati ingeras, & te iis immisceas? An tu nebulosus, blattro, ganeo, saltator, impurus, & levis, libertinus, te auderes societati sanctæ Agnetis, Agathæ, Cæciliæ, Catharinæ, quæ, adeo fuerunt castæ, modestæ, solitariae immiscere?

Tu quamvis vadas ad nuptias alicujus rustici, tamen scis quod debeas ad illas ire polita, compta, vestibus melioribus induta, & si mater tua illas tibi



nolit dare, dicit, nolo ire, malo hic manere, quam ad illas ire. Quid agitur in cælo? celebrantur nuptiæ, quas Pater æternus instituit suo Filio, & suis amicis. Hoc est, quod Salvator dicit in Evangelio, & sanctus Joannes in Apocalypsi: *Beatus, qui vocatus est ad nuptias Agni.* Non visitaque ire ad nuptias unius rustici, nisi sis bene ornata, quomodo ergo vis, quod tua anima, quæ tota est in composita per tuas passionibus, quæ est nigrior carbonibus, quæ est magis foetida, quam volutabrum porcorum, admittatur ad nuptias Regis cælestis? An sit matrona honesta, & proba in urbe, quæ semper secum puellam levem habere velit? An sit homo probus, qui semper vellet adesse uni venefico, proditori, aut alii perverso? Quomodo ergo tu velis, quod Filius Dei hanc injuriam irroget suæ matri, suæ Reginæ, sanctæ Margaritæ, & aliis virginibus, ut tu in earum sis comitatu? Tu inquam, quæ es filia vaga, puella levis? An putes, quod hoc dedecore afficiet sanctum Joannem, Stephanum, Martinum, ut æternaliter sis in eorum societate, tu qui es prædo, expilator, director boni publici, equus ad missarius, & porcus Epicuri?

XI. Sed quid facies in cælo, quando ibi eris, sicut speras? Qualis erit tua occupatio, tuum opus? Intellectus tuus videbit Deum, illo fruieris, illum intueberis facie ad faciem? sed, dic sodes, scisne, quid sit frui Deo? Hoc nil aliud est, quam quod Deus tibi immediate sit unitus, & conjunctus. Doctores id sciunt, nec à Theologis in dubium trahitur, quod nempe nulla species in-

tellectualis, aut alia qualitas interponatur inter beatum, & intellectum, & inter unionem inter Deum, & animam. Et quamvis lumen gloriæ disponat, elevet, confortet intellectum beatum, ut capax reddatur operationis Divinæ; atamen nulla creatura est fibula, vel ligamen unionem inter Deum, & animam connectens, quin potius ipsa essentia se ipsam insinuat, & serpit per omnes sinus, & anfractus animi, essentia sese applicat, unit, colligat, agglutinat intimè, immediate, profundè animæ independenter absque ulla creatura. Deus complectitur, & stringit animam valde arctè, ille sese includit in illa, ille cor conglutinat cordi, spiritum spiritui, essentiam essentiæ. An tu audeas hunc magnum Deum tam viliter, tam indignè, tam immundè per totam æternitatem hospitari? Si tu videres animam tuam in illo statu, in quo in statu peccati mortalis versatur, videres, quod adeo repleta sit sordibus, ut sit aqualiticus suum, cloaca hospitalis, sentina navis. Et tamen essentia non se conglutinat animæ, nec ei sese includit per unam horam, dē mensem, sed per millenos millones annorum. Quænam ergo hujus rei sit apparentia? Audi unum Gentilem, qui plus rationis, pietatis, & judicii te habet. *Quis sit summi bonus locus quæris? Animus, qui nisi sanctus, ac purus est, Deum non capit.* Deus in illo alias habitare nequit. Hinc Augustinus: *Virtus anima mea, intra in eam, & coapta eum tibi, ut possideas sine macula, & ruga.* Summe Deus, quandoquidem anima mea sit creata, occupa eam, eum tibi apta, & dispo-

Matt. 22.

v. 2.

Apoc. 19.

v. 9.

Esa.

n. 7.



dispone, eam tuæ Divinæ essentiaē para; quia eam non poteris possidere, si vel minima in ea sit macula. Quomodo ergo tu putes, quod hic magnus Deus sese tibi ostendet, & te beabit, hospitabiturque in tua anima, quæ est eloaca peccatorum, & sordium? O cæcitatem!

XII. Et in voluntate, quomodo eris dispositus? Illa erit contenta, & saturata: *Voluntatem timentium se faciet.* Deus omnes tuos appetitus quietabit, tua desideria complebit, quidquid volles, faciet, nil faciet, quod noles; nam alias non fores perfectè beatus; si enim aliquid contingeret te invito, non esses omnino contentus, & quod si non fores contentus, non fores perfectè beatus, cum beatitudo sit status perfectus, in quo omnia bona collecta sunt. Nunc vide paulisper, si vel scintillam rationis habeas, an possis sperare, quod Deus per totam æternitatem sit facturus tuam voluntatem, dum tu in tuæ vitæ potissimo tēpore, ejus voluntatem facere non vis? Quemam, quæso, est ejus voluntas? Id tibi dicet ejus Apostolus.

*1 Thess. 4. Hac est voluntas Dei, sanctificatio vestra.* Vult ut sitis sancti, ut vivatis Christianè, virtuosè, sanctè, tu vis, ut Deus per totam æternitatem impleat tuam voluntatem, & nil tibi deneget, quomodo ergo audeas per totam vitam illud facere, quod ipse non vult, quod ipsi infinitè displicet, quod summè abhorret? An hoc sit esse prædium judicio, & ratione?

XIII. Verbo, memoria sanctorum recordabitur insignium actionum ab iis gestarum. Beatitudo appellatur gloria, quia datur velut laus, gloria, mer-

ces, corona gloriæ, actionibus virtuosis, & heroicis. *Laus erit unicuique à Deo.* Deus panegyricum sanctorum faciet non solum in generali, sed cujusvis sancti glorias in particulari deprædicabit. *Unicuique.* Ille laudabit Apostolos ob labores exantlatos, ille celebrabit Martyrum patientiam, Religiosorum austeritates, Virginum puritatem. Quid autem in te laudare poterit? An dicet, talis fuit devotus, humilis, sobrius, patiens, liberalis erga egenos, zelus in cultu Divino? An talis Filia fuerit casta, modesta, sapiens inter homines, charitativa, reverens parentem, obediens matri? Quod si hoc diceret, nonnete in ruborem daret, cum tua conscientia tibi contrarium dicet, & totus hoc sciat mundus? sanè hoc nil aliud foret, quam si in aliqua chorea, aut conventu aulae, Rex manibus prensaret quendam nobilem, qui mille meticulosas, & viles, ac infames actiones fecisset, & diceret; videte Herculem hujus sæculi generosum virum, cor masculinum, & heroicum, validum instar gladii. Nisi hic nobilis, sit omnino truncus, præ pudore morietur, & dicet se à Rege irrideri, quod sit factus scopus, in quem omnes jacula sarcasmorum ejaculentur. Verum enim verò, quod si argumenta tam valida, & evidentia hoc non persuadeant, vincat vos sacra scriptura, quæ dicit; *Domine, quis habitabit in tabernaculo tuo, aut quis requiescet in monte sancto tuo?*

es) (o) (so

3



## CONCLUSIO.

*Ostenditur quam sit felix sors  
prædestinati.*

XIV. **D**Avid porro responderet: *Qui ingreditur sine macula, & operatur iustitiam.* Duo requirit, ut quis ingrediatur cælum, ut nempe quis evitet malum, & faciat bonum, abstineat à peccatis, & exerceat virtutes; nec enim unum sine alio sufficit. *Quis habitabit?* Quis nostrum erit tam felix, ut cælum inhabitaturus sit? An hic forsitan non nemo sit, qui adeo sit futurus felix, fortunatus, à Deo benedictus? si ego scirem unum solum in hoc auditorio adesse, si unicum solum præsentem esse cognoscerem, ego me felicem judicarem, quod in ejus præsentia prædicare possem, magni beneficii loco reponerem, quod aliquid conferre possem ad ejus profectum spiritualem, ego devotissimis osculis notarem, quidquid terigisset, suppellectilem, quâ fuisset usus, terram, quam calcasset, ego passionatè appeterem illum honorem, ut prope eum esse possem, ego ante pedes ejus me prosternerem, ego lacrymis tenellis eos perfunderem, ego non possem dicere quâ consideratione, contemplatione, admiratione ejus felicis sortis, ego ei congratularer. Ego ipsi dicerem, tuum est me instruere, loquere tu, & ego tacebo, non sum dignus, qui solvam corrigiam tuorum calceorum. Ergo ne tu à Deo adeo sis benedictus, ut aliquo die inter beatos commemoratus sis? O tuam felicem sortem! millies

es sit benedictus venter, qui te portavit, & ubera, quæ luxisti. Et quænam est illa felix mater, quæ edidit in mundum unum prædestinarum? Felices labores, quos insumpsit, te educando. O quam benè sunt impensi! Felix terra, quæ te sustinet, meritò floribus sterni deberet, pavementum, quod tuos gressus honorat aulæis, & tapetibus vestiri deberet.

Felicem aerem, quem hauris, meritò perfundendus omnibus perfumationibus Arabiæ esset. Felicem panem, quo vesceris, auro potabili, nectare, ambrosia, & quidquid thesauri pretiosi est in terra, eo est nutriendus, & tractandus. Et quid tu non mereris, qui es dignus Deo? *Invenit illos dignos se: millies, & infinities millies, benedicta sit tua vita sancta, & virtuosa, quæ te ad talem gloriam disposuit?* Benedicta tua felix mors, quæ tibi erit portus, ut intres vitam æternam; Benedictus, sit tuus intellectus, qui quondam clarè, & facie ad faciem essentiâ Divinâ contemplabitur, Benedicta sit tua volûtas, quæ eum amabit, & per æternitatè possidebit. Millies sit benedictum tuum sanctum caput, quod sancta Trinitas diademare gloriæ coronabit toto orbe spectante, benedictæ, & felices sint tuæ manus, quæ semper palmas insignia victoriæ gestabunt, benedicti sint tui pedes, quæ te ducent ad campos Elysijs, ad societatem Angelorum, Benedicta, & millies benedicta sint membra tui corporis, potentiæ tuæ animæ, facultates tui spiritus, quæ transfigentur, & penetrabuntur, replebuntur, saturabuntur omnibus deliciis, voluptatibus gloriæ, felicitatis, & beatitudinis

Sap. 3.



dinis æternæ. Hæc ego dicerem huic animæ electæ, si eam cognoscerem. Interim vobis omnibus dico Auditores, vobis, vobis, vobis, qui per gratiam Dei laborabunt, & se violentabunt, ut se expediant è statu peccati, suas passiones

doment, mandata Dei servant, & juxta Regulas Evangelii vivant: *Violenti rapiunt illud. Violenti rapiunt illud.* Deus, cui sit honor, gloria, laus, benedictio in sæcula sæculorum. hanc nobis gratiam præstet Amen.

## SERMO TRIGESIMUS NONUS.

Pro Dominica undecima post Pentecosten.

Peccatum mortale nos ducit ad æternitatem infelicem.

*Solutum est vinculum linguae ejus, & loquebatur rectè.*

### E X O R D I U M.

**Q**Vandoque quæstio est propo-  
sita, quid esset in orbe felicissi-  
mum, varii, varia proposuerunt,  
quæ felicissima esse judicarunt. Ego il-  
lum felicem, & beatum judico, qui non  
offendit in lingua, verè ille est felix, qui  
ita refrænat linguam suam, ut in nullo  
offendat. Sed cur hoc? Quia sum-  
mam infelicitatem evadit. Summa  
infelicitas est damnatio, & pœna gehem-  
næ, tum quia Deus est severus, Dæmon  
qui est carnifex crudelis, tum quia ho-  
mo, qui est reus, est debilis, tum quia  
pœna est pura æterna, & multa. Hæc  
damnatio incurritur per quodlibet pec-  
catum mortale, & quia facillimè delin-  
quimus in lingua, facilius quoque duci-  
mur per peccatum linguae, quam per  
ullum aliud ad damnationem, unde ille  
felicissimus est, qui facilius summam e-

vadit infelicitatem, quòd ne fiat, & ne  
dicere possimus, vā quia locutus sum,  
ideo cum Auctore ostendam, quanta sit  
pœna inferni, ut ita facilius difficulta-  
tem, coercendi linguam superemus.

*Discedite à me maledicti in ignem æter-  
num, Matt. 25.*

I. Quemadmodum consideratio æ-  
ternæ felicitatis, est acutus quidam sti-  
mulus impellens animas electas ad ex-  
ercitium virtutis, ita recordatio, & ap-  
prehensio æternarum miserationum est  
forte, & validum frænū, quo animæ  
mundanæ se refrænare, & cohibere de-  
beant, ut abstineant à peccatis, & dete-  
stentur commissā. Hoc est ultimum  
motivum excitans ad pœnitentiam,  
quod hodie à me vobis proponendum  
est. Sanctus Joannes Chrysostomus ait,  
quod misericordia agat ostiariam infer-



ni, nec ullum linquat intrare, à quo bene habita, & suaviata est. Idem de te dicere debemus, ô sanctissima, & Beatissima Virgo, Mater misericordiae, Infernus est status mortis, tu vero es nostra vita: Infernus est locus amarus; tu vero es nostra dulcedo; Infernus est locus desperatorum; tu vero es nostra spes. *Vita, dulcedo, & spes nostra salve.* Ut ergo praeservemur per tuam intercessionem ab aeternitate infelici, permitte, ut tibi praesentemus illam salutationem, quæ te disposuit, ut esses mater Dei, & misericordiae, AVE MARIA.

## IDEA SERMONIS.

*In sententia damnationis consideratur iudex, carnisfex, reus, pæna.*

**H**odie Auditores mei amantissimi ex iusta, & legitima causa possem dispensare in modo meo ordinario, quo methodicè tracto de meo argumento, & totam æconomiam mei discursus in certa puncta partior. Quomodo enim quis queat servare ordinem, dum agitur de loco misero, ubi nullus ordo, sed sempiternus horror inhabitat. At quia discursus, quem hodiè instituo, debet venire à Deo, qua autem, sunt verba sancti Pauli, à Deo sunt, ordinata sunt, ego hunc discursum in quatuor partes disperit. Ut autem per aliquam conjecturam cognoscamus, quam formidanda, & horrenda sit sententia damnationis, quæ in morte in omnes reprobos feretur, ego quatuor ejus circumstantias pondero; quæritatem

nempe iudicis, qui illam fert, qualitatem Dæmonis, qui eam exequitur, qualitatem rei, qui pœnas tolerat, qualitatem pœnarum, quæ infliguntur.

## PUNCTVM PRIMVM.

*Judex est Deus, cujus severitas probatur, quia est magnus, potens, sapiens, bonus.*

**III. I**lle qui sententiam fert est iudex supremus, justissimus, severissimus, rigorosissimus, immutabilis, inexorabilis, inimicus capitalis, & juratus implacabilis viciorum, cujus plurimum interest in hoc negotio, qui simul est iudex, & pars; verbo ut dicam, quidquid dici potest, Deus est iudex. Deus est in omnibus, quæ facit, in omni suo esse, in omnibus suis perfectionibus, tam in justitia, quam in misericordia infinitus, incomprehensibilis. inconceptibilis; *Quis novit potestatem iræ tuæ, & præ timore tuo iram tuam dinumerare?* Nemo est, qui possit comprehendere severitatem judiciorum Dei, nemo est, qui penetret causas, quæ eum bile inflammant, quia nemo comprehendere potest, quam magnæ, & multæ sint ejus perfectiones adorabiles, quas peccatum mortale offendit. Deus est magnus, ergo est timendus; est omnipotens, ergo est timendus; est summè sapiens, ergo est timendus; omnes hæ consequentiæ sunt legitimæ, & optimè deductæ, & quidem illatæ ex scriptura; maximus est, & formidandissimus; *Terribiliter magnificatus est.* Quod si sit magnus, nil facere potest quod non sit magnum, nam

opera.

Job 10.  
v. 22.  
Rom. 13.  
v. 1.

Psal. 89.  
v. 12.



operari sequitur esse, & inter operari, & esse semper est convenientia & proportio. Magna causa effectus nequit habere mediocres; magna sunt beneficia ejus liberalitatis, magnæ sunt ejus promissiones, & minæ, magna sunt ejus præmia, magna supplicia, quæ infligit.

Ecclesi. 1.

IV. Timendus est, quia est omnipotens: *Potens, & metuendus nimis*. Quando causa infinita vult aliquid destruere, illa illud potest annihilare, sicut illud è nihilo traxit. Deus est agens infinitum, infinitè potens, & activum. Vnde tibi pensandum linquo, quem non dolorem, quam non destructionem, quam non annihilationem producat in anima reproba, quando brachium suum cunctipotens in illam exierit, quando eam in suo furore conterit, quando eam destruit per tonitru, & fulmen suæ vindictæ? *Nolite timere eos* inquit Assertor, *qui corpus occidunt*, circa animam verò nihil possunt, illum timere, qui corpus, & animam potest mittere in gehennam. Præterea loquens per Isaïam de loco infelici, ad quem reprobi relegabuntur inquit, *Erit humus ejus in sulphur, & terra ejus in picem ardentem, nocte, & die non exstinguetur, in sempiternum ascendet fumus ejus, ut redigatur in nihilum*. Et per Ezechielem: *Nihil factus es, & eris in perpetuum*. Et quod admirabilius est, ille vivificat, & occidit; *Ego occidam, & ego vivere faciam*; nam ut aliquis continuò moriatur, eum vivificat, annihilando conseruat, ut æternaliter annihiletur. Quod autem non loquatur de afflictionibus hujus mundi pater, quia subdit: *Et non erit, qui de manu mea possit eruere*. O quanta est miseria esse,

Matth. 10.  
v. 28.Isaia 9.  
v. 40.Ezech. 2.  
v. 19.

Deut. 32.

& non esse simul? vivere, & continuò mori, simul conservari, & annihilari, Esse habere, ut continuò illud perdat, vivere ut aliquis moriatur! Hoc esse timendum inquit salvator: *qui potest perdere, hunc timere*.

V. Tercio timendus est, quia est infinitè sapiens: *Ece Domine, tu cognovisti omnia*. Ille perfectè cognoscit altitudinem incomprehensibilem suæ majestatis, quantum debeat honorari, amari, timeri, quam insolens sit temeritas eum offendere, quantum supplicium mereatur talis arrogantia. Infinitè est bonus, & ideo principaliter est timendus. Et quamvis videatur hoc esse paradoxum, tamen Spiritus sanctus infert hanc consequentiam: *Quis non timebit te Domine, quia solus pius es?*

Psal. 138.  
v. 4.

Et quidem principaliter non timeo, *Apo. 1. 2.* ejus potentiam, majestatem, justitiâ, sapientiam, sed ejus bonitatem. Infinitè est bonus, ergo directè, necessariò, infinitè ei contrariatur malitia. Essentialiter est bonus, ergo ex se, & conditio-  
*Sap. 5. v. 15* ne sui esse, debet se opponere peccato, quod est verum malum. *Accipiet ar-* maturam zelus illius. *πανοπλιον*. Zelus est amor ardens, & passionatus, amor, quæ debet suæ bonitati; & omnibus suis perfectionibus, eum cataphractâ armabit, ut eas defendat, & peccatorem, qui omnes eas offendit, puniat.

98) (0) (50)



## PVNCTVM SECVNDVM.

*Carnifex est Dæmon, qui est  
crudelis, fortis, infatigabilis, in-  
flexibilis.*

VI. **Q**uod si itaque bonitas Divina Deum obliget ut sententiâ severam pronunciet erga animam reprobam, malitia excitat Dæmonem, ut eam crudeliter exequatur. Ille bile, & irâ contra Deum exæstuat, & quia ei nil nocere potest, suum furorem evomit in misellam animam, quam habet in sua potestate. Velut enim panthera, dum non potest nocere homini, rabiem suam in ejus imaginem effundit, eamque reptam dilacerat, ita inquit sanctus Basilii, Dæmon suum furorem, quo prosequitur creatorem, in creaturam evomit.

VI. Executor est justitiæ fortis, & potens, unde quidquid potest, agit. Si exipias potestatem Dei, & Angelorum bonorum, nulla est potestas in mundo, quæ ei comparari potest, inquit sanctus vir Job. Et quid quæso quandoque non agit, quâdo ille se immiscet igni cælesti. *Immissiones per Angelos malos*, quando ex aere cum fulmine terram impetit? *Vocantur potestates aerea*? Saxa diffringit, metalla liquefacit, marmora conterit, & qualibet obvia destruit, cogita, quam dirè tractabit animam reprobam, quæ consignata fuerit ejus potestati. Est spiritus infatigabilis, qui nunquam exhauritur, qui nunquam obdormiscit, qui nunquam desistit à malè agendo, nunquam fatigatur, nec aliud facit. Commune fert adagium, Deus

me præservet ab homine, qui unum tantum agit, à fortiori itaque dicere debemus, Deus me præsevet à Dæmone, qui unicâ tantum re occupatur. Spiritus malignus aliam non habebit occupationem, exercitium, diversionem per totam æternitatem, quam ut animas damnatas cruciet, in hoc omnes ejus ibunt vires, exerentur nervi, omne robur collocabitur.

VII. Est spiritus inflexibilis, proprio inhærens cerebro, passionatus, & receptæ inseparabiliter insitens. Sanctus Chrysostomus ait; *Hostem habemus perpetuum, ac fœderis nescium.* Hostem habemus implacabilem, inexorabilem, qui nunquam fœdere pacis, aut armistitii illigari se sinit. Quando per milliones annorum te cruciarit, tu per aliquot dies feriatiorem, & quietem rogabis, sed ille nec unius diei, horæ, quadrantis, imò momenti cessationem, aut feriatiorem indulget idque per totam æternitatem. O me miserum! Vtinam mandata Dei servassem, nunquam meam voluntatem faciet Dæmon. Ego tam sæpius tuæ satisfeci voluntati, dum voluisti, ut irem ad cauponam, ad prostibulum, ad loca infamia. Quando voluisti ut me ulciscerer, ego id feci; ego toties tibi gratificatus sum, & tu in re tam exigua votis meis annuere non vis, tu quietem per quadrantem horæ, ut parum quiescam, non vis indulgere.

✠ (○) ✠



## PUNCTUM TERTIUM

*Homo, qui est Reus, est debilis-*  
*simus, quod probatur primo scriptu-*  
*râ, secundo Patribus, tertio ra-*  
*tionē.*

VIII. **E**T sanè Judex adeo severus, & rigorosus, carnifex adeo inhumanus, & inflexibilis sunt contra reum miserum, debilem, inermem, nudum, abjectum velut vermem terræ, ut meliori jure possit dicere, quam Iob: *Qua est enim fortitudo mea, ut sustineam? Ecce non est auxilium mihi in me.*

IX. Amici Dei inquit sanctus Isidorus, tantas habebunt vires, & robur, ut minimus eorum totam poterit excidere, & evertere terram; e contra reprobi ex inferno adeo erunt debiles, & languidi, ut non poterint vermiculum, qui eorum corpora corrodit, capere, & repellere:

X. Qualitas eadem, fortiorem impressionem facit in spiritu debili, & pusillanimi, quam in spiritu forti, & generoso. Eadem poena incomparabiliter est gravior corpori tenello, & delicato, quam robusto, & indurato; infanti, quam viro, feminæ, quam militi vigoroso, membro sauciato, & læso, quam sano, & integro. Supponamus, quod crus alicujus sit totum vulneratum, aut contractum per lapsum, adeo is erit sensibilis, ut nec minimum tactum sufferre possit, timebit quemlibet appropinquantem. In hac abyssu miseriarum, Reprobi sunt adeo delicati, languidi, & sensibiles, ut nil supportare queant, minimus dolor iis sit dolor

parturientis, ita ut seipso tolerare non possint. In anima erunt adeo tetrici, & impatientes, in corpore ita quassati, & læsi, ut videantur vas esse fictile, quod virgâ ferreâ contritum, in terram proicitur. *Reges eos in virgâ ferreâ, & tanquam vas figuli confringes eos: Comminuentur sicut conteritur lagena figuli contritione per valida.* *Psal. 2.*  
*Isaia 30.*  
*v. 14.*

## PUNCTUM QUARTUM.

*Pœna, quæ est pura, multa,*  
*æterna.*

XI. **N**ihilosecius anima adeo abjecta, corpus adeo debile, & delicatum, tormenta horrendissima tolerare debet, quæ quis concipere possit. Perversus Epulo duobus verbis hoc expressit, ille sapienter loquitur, quia experientia hoc didicit. Ille appellat infernum locum tormentorum, centrum, & elementum suppliciorum. *Ne veniant in hunc locum tormentorum.* Hæc duo verba propriissime qualiteratem, quantitatem, durationem harum poenarum exprimunt. Elementa in suo centro sunt pura, & habent suas qualitates in summo gradu, nil est, quod eos in minimo debilitet, vel minuat: Omnia elementa tendunt ad suum centrum, & undique congregantur, velut in eorum loco naturali, ibi sistunt, & quiescunt, quia nullum habent contrarium, quo turbentur, & oppugnentur. Et sicut in cælo deliciae sunt puræ, quia illud est locus eorum naturalis, & centrum, ita ut nec minimam habeant admixtam poenam, & tristitiam: *Absterget Deus omnem lacrymam;* ita & in inferno dolores sunt puri, absque

*Luca 15.*



ulla conjunctione, commixtione, spe minimæ consolationis, aut refocillationis miseræ animæ præstandæ. Deus nec minimam ejus audiet supplicam, nec in minimo animæ votis annuet, quæ in hoc mundo sanctam ejus noluit perficere voluntatem.

Nos videmus, quod damnatus Epulo obtinere non potuerit, ut ad se mitteretur Abraham, minimum non potuit obtinere, ne quidem guttam aquæ. Dolores sunt adeo vivi, acuti, ut summum verticem sensibilitatis attingant: sunt adeo grandes, ut magnus Doctor magno fundamento innixus dixerit, quod si pœna unius tantum damnati divisa foret, & distributa inter omnes homines mundi, unus plus pateretur, quam omnes Martyres, & qui ultimo supplicio affecti sunt, unquam tolerarint.

XII. Et quidem dolores adeo magni, in omnibus potentiis animæ, in omnibus membris corporis, in omnibus sensibus interioribus, & exterioribus, non erunt pauci, sed valde multi. Intellectus cognoscet præstantiam, & excellentiam bonorum amissorum. Videbis vilitatem, & nihilitatem creaturarum, quas adorasti, & ob quas tanta bona lussisti, & hæc cognitio summè te affliget. Memoria te cruciabit per recordationem insignium occasionum, quas habuisti, ut te posses salvare, & stultitiam, quâ eas elabi permisisisti, ut stoliditatibus, & nugis tuiste occupares. Voluntas tua rabie, & furore agitabitur præ stomacho contra eos, qui aliquid contulerunt ad tuam damnationem, tu sævis contra tuum socium, qui te duxit ad cauponam, contra illam puellam, quæ tibi blan-

dita est, contra illum dissolutum, qui te seduxit, contra tuum confessarium, qui tibi indigno non denegavit absolutionem, contra tuos parentes, qui te non castigarunt, contra teipsum, contra sanctos, contra omnes creaturas, & contra ipsum creatorem.

In parte inferiori animæ habebis passiones adeo vivas, & ferventes, appetitus sensuales adeo effroenatos, & violentos, quam unquam ante, nec in minimo iis satisfacere poteris. Quodlibet membrum corporis dolore quodam, & morbo particulari affligetur nullo excepto, & omnia immersa erunt stagno cuidam igneo, & sulphureo pessimè olenti, & fœtenti. Scriptura hoc dicit, unde vel id credendum, vel Christianismo renunciandum. Ignis erit adeo penetrans, ardens, vivus, intensus, ut ignes mundi illi collati, picti sint. Et sanè verissimum est, quod si hominem quendam extraheres ex inferno, eumque per aliquod tempus proiiceres in clibanum, in quo funduntur campanæ, totum vivum, & postea eum extraheres, & eum collocares super mensam, ubi esset ignis depictus, profectò ignis illius mensa pictus, ei non videretur esse adeò dulcis incomparatione ignis clibani, quam ignis clibani ei futurus sit, respectu flammæ infernalis.

Et ratio est evidens, da uni infanti sex mensium cultrum, vel pugionem, & suppone, quod hic infans hoc pugione aliquem leniter cædat, da eundem pugionem viro forti, & robusto, qui

Apoc. 2.

Dent. 31.  
v. 22.Jerem. 9.  
Sap. 5. v.  
18.



qui alium etiam cædat, an non dices, quod cæsis infantis plagam infliget, quæ picta sit, si comparetur cū plaga inflicta ab homine forti, & robusto? Ita sanè, nam infans paulisper tantum attigit, delibavit, sugillavit cutem, cæsis autem hominis profundè infixit mucrone, penetravit, lauciavit ad interiora usque, & exta, & viscera vulneravit. Idem est de nostro igne, & de igne inferni. Substantia ignis propriè non cruciat, sed ejus calor, & qualitates excessivæ, nam hæ sunt instrumenta substantiæ per quæ operatur, & agit. Verum ignis infernalis est instrumentum Dei, est gladius acutus, quo utitur, ut exerceat suam justitiam contra miserum reum, qui abusus est ejus misericordiæ. *Ignis succensus est in furore meo, & ardebit usque ad inferni novissima. En utrumque ignem, substantia nihil est contrarium, si acuerint fulgur gladium meum.*

An non jam dicetis, quod substantia ignis, qui est creatura, sit quasi manus infantis, quæ solum attingit corpus, si conferatur brachio validissimo, & terrifico creatoris, quod penetrat, & pervadit corpus, & animam, usque ad interiora, & viscera? *Heu, heu Domine, pervenit gladius tuus usque ad animam. Armabit creaturam ad ultionem inimicorum* inquit Sapiens: ac si diceret: Ignis hujus mundi est quasi infernis, qui non habet sufficiens robur, & vires, ut animam damnatam, juxta ejus demerita urat; verum creator per suam potentiam infinitam, per potentiam obedientialem creaturæ, supplebit ejus defectum, vi-

res ejus augebit, ejus activitatem armabit.

XIII. An unquam vidisti fundi campanam? Dum hoc metallum funditur super formam, si quinque, vel sex guttæ stillarent super nudum pedem, quem non sentires dolorem? Quale ergo non erit tormentum, si manus, pedes, brachia, caput, totum corpus, & anima, æternaliter, æternaliter, æternaliter immersæ essent illi clibano, in quo campana funditur? Ego, non satis hoc repetere possum, non satis queo hoc apprehendere. Hoc verbum nil aliud est, quam infinitum auctarium addere omnibus pœnis, quas hucusque recensui, & infinitis aliis, quas recensere non possum, uti ipsi Gentiles agnovērunt.

*Non mihi si lingua centum sint, ora que centum*

*Æneid, 6.*

*Omnia pœnarum percurrere nomina possem.*

Porro, ut aliqualem notitiam assequamur, supponamus, quod Deus dicat alicui diviti, qui vixit inter nos, & qui modo est damnatus. Tu pro eo, quod debuisses redimere tua peccata per elemosynam, te delectasti coacervando frumenta, eorum aspectu, & corrogatione in granario te recreasti, ego etiam granarium facere volo, sed non eo modo, quo tu, ego illud replere volo in gratiam tui, ego in uno modio volo accumulare omnia grana tritici, filiginis, speltæ, avenæ, farris. & aliorum frumentorum, quæ unquam fuerunt super terram à creatione mundi. Volo, ut una testudo unum granum

*Deut. 32.  
v. 22.*

*Jerem. 9.  
cap. 5. v.  
18.*



num accipiat; illudque deportet ad extremitatem mundi ad Antipodes, hucque revertatur; post reditum vero, ut vires reficiat debilitatas ex itinere, centum mille annis quiescat, & postea aliud granum accipiat, illudque deportet ad eosdem Antipodes, & ita successivè alia eò advehat. Et postquam omnia ista grana devexerit, tunc ego tibi condolebo, tunc misericordiam tibi faciam, & te ex inferno liberabo. An non putares hoc nil aliud esse, quam huic misero illudere? Tu nihilominus certò tibi persuadeas (cum nil verius sit) quod hic miser hanc gratiam summi beneficii loco habiturus esset, & ex toto corde Deo gratias acturus, & majori gaudio foret perfundendus, quam tu, si quis modo te eveheret ad solium Gallicum, & Monarchiam totius mundi; nam quamvis tanto tempore damnati in inferno mansissent, quantum testudo illa insumeret in illis granis asportandis, & centum mille annis diutius, nil fuisset factum, & reordiri deberent.

Hem Auditores, Hem Auditores, quid cogitatis? An hoc creditis? An sensum habeamus communem? Quod si hanc veritatem non credimus, cur venditamus nos esse Christianos? Vbi est nostra fides, ubi est nostra Religio? Si hoc credimus, ubi est noster sensus communis, quod non apprehendamus rem, quæ adeò est apprehensione digna? Magnum quoddam ingenium dixit, quod si attentè consideremus æternitatem, nos in stultos migraturos. Et quidem verum dixit. Alius addidit, cum non minori fun-

damento, nos esse stultos, ne fiamus stulti per considerationem æternitatis. Quod si aliquis mihi dicat: Pater Reverende, tu meherculè stultus es, tu nullum habes iudicium, tu nullam potes amittere rationem, nec fieri stultus, dum scis, quod sis in periculo æternæ damnationis, putarem, quod ei replicarem, tu rem acutegisti, tu verum dicis: *In æternum Domine, permanet verbum tuum.* Hæc verba Ecclesia nostro ori sæpè instillat, & ego dum cantantur, illa confidero. Mi Deus, verbum tuum semper manebit. En ergo verbum quoddam Dei. *Tribulatio, & angustia omni animæ facienti malum*, hoc verbum semper subsistet. En verbum unum Dei; *pars peccatoris, est stagnum ignis, & sulphuris ardentis*; hoc verbum Dei semper subsistet.

Psal. 118.

Rom. 1.

v. 9.

Apoc. 21.

Isaia 3

v. 14.

Matth.

Marc.

v. 44.

Apoc.

v. 10.

## CONCLUSIO.

*Continens primò scripturam, secundo Patres, tertio figuram, quarto historiam.*

XIV. **E**cclēsia meritò addit, *Gloria Patri, & Filio, & spiritui sancto.* Auditores gloria sit Patri, benedicamus, laudemus, glorificemus eum, grates ei referamus, eò quod miserit suum Filium, ut nos ab his tormentis liberaret; nam si ne hac misericordia, certò fuissetis damnati. Gloria sit Filio, qui nos per suam



suam mortem, & passionem redemit. Et profecto quam bene esset impenſa eius mors, si vel unicam ſolam è noſtris animabus liberaſſet, nam adeo illæ pœnæ ſunt horrendæ Auditores chariſſimi, amate, amate Jeſum, ſed ferventer, ex toto corde ob tantum beneficium. Et quid non debemus agere, ut coope-remur eius amori, & conemur animas liberare è periculo tanti mali? Gloria Spiritui ſancto, qui nobis has pœnas manifefſtavit. Eheu, tot ſunt in Tartaria, China qui nil de iis ſciunt, & tamen turmatim in illas labuntur. Tam ſæpe tibi ponuntur ſub oculis, tam ſeridò, tam certò, an ergo non eris bardus, ſi eas non coneris effugere? Ille dicit per Iſaim. *Quis ex vobis poterit habitare cum igne devorante, cum ardoribus inferni?* Ille dicit in ſancto Matthæo. *Ibunt nempe reprobi in ignem æternum, & in S. Marco vermis eorum non exſtinguetur, & ignis eorum non conſumetur.* Ille dicit in Apocalypſi, qui cruciabuntur in ſæcula ſæculorum.

XV. Ad hæc verba tam clara, tam certa, nil aliud poteſt responderi, quam quod Deus ſit bonus, Deus ſit miſericors. O te miſerum! An non vides, quod dum Deum facis miſericordem, facias eum mendacem? Dum *miſericordem aſſerere volumus* inquit Gregorius, *mendacem, quod nefas eſt, prædicamus.* Nunquid inquit Auguſtinus *erit falſus promiſſor, ut tu ſiſ impunitus peccator?* Miſericordia eius nullatenus ad- verſatur eius juſtitix, nec bonitas eius veritati, ille optime ſciet, quomodo has perfectiones coaptet, & miſericordiam ſuam exhibeat erga electos, qui eius ti-

muertunt juſtitiam, & ſuam juſtitiam erga obſtinatos, qui eius abuſi ſunt miſericordia. *Væ quibus exclamat Eufe- bius Emiſſenus, quibus hæc prius experienda ſunt, quam credenda.* Væ illis, qui prius, ibunt ad infernum, quam illum credant! Tu non credis illas pœnas, tu illas non times, tu nil facis, ut eas effugias, ſed quadam die eas probabis, & tunc erit nimis ſero.

Tu dicis, concionator bene poteſt clamare, ego tamen nec plus, nec minus faciam. Ille invehitur contra popinas, ludos, proſtibula, choreas, convivia, fraudes, ego tamen popinas frequento, ludam, helluabor, ſcottabor &c. Verum eſt Prædicator clamat, ſed erit, cum tu etiam clamabis, in clama- bis cum divite damnato: *Et ipſe clamans Luca 16. dixit, Pater Abraham, miſereri mei.* Tu clamabis non per miſſionem, & quadra- geſimam, ſed æternaliter, nec Deus plus, vel minus habet. Mihi compatere, nec amplius te offendam: *Fili recordare, Gen. 37. v. 22.*

XVI. Id tibi eveniet, quod eve- nit filiis Iacob: Illi nudaverunt ſuum fratrem Joſeph, illum miſerunt in ci- ſternam veterem, eum vendiderunt Iſ- maelitis, mœrore confecerunt ſuum miſerum parentem. Ruben eorum frater natu maiore eos rogavit, ne Joſe- pho aliquid nocimenti inferrent, illi eius monitiones ſpreverunt. Sed quid evenit? Dum à Deo caſtigarentur, & in Ægypto premerentur, Ruben iis in os obicit: *Nunquid non dixi vobis, nolite Gen. 42. v. 22. peccare in puerum, & non audistis? en ſano- guis eius exquiratur.* Deus vindictam re- perit. Vos teſtimonio veſtro falſo, con- tractu injuſto, mentita ſignatione, in- juſtâ

113.

11.  
9.  
oc. 21.

Iſaia 33.  
v. 14.  
Matth. 25.  
Marci 9.  
v. 44.  
Apoc. 20.  
v. 10.

Gen. 42.  
v. 22.




iustā appellatione, vel prolongatione  
processus nudastis innocentem. Tu  
crudeliter tractas innocentem tuam u-  
xorem, tu negligis tuas proles, tu reti-  
nes aliena; Parochus tibi dicit, *nolue  
peccare in Christum*. Ne iures, Filiole,  
ne tuis parentibus sis inobediens, tu  
perdes. Sed quid? Tu hoc non cre-  
dis. Sed quando hoc venerit, tunc  
tibi dicit, nonne dixi tibi, nonne te  
monui?

XVII. Imitare deberemus illum  
Religiosum, de quo mentionem facit  
Ioannes Climacus. Hic narrat, quod  
dum visitaret monasteria, invenerit  
quendam bonum, & devotum Laicum,  
qui in culina centum Religiosis, absque  
hospitibus advenientibus, quamvis nul-  
luseum juvaret, magna patientia, hu-  
militate, charitate, mansuetudine omnia  
pereggit, magna cum quiete, & recol-  
lectione animi, & continuo lacrymas  
sparsit. Sanctus Ioannes Climacus  
causam harum lacrymarum ab eo po-  
stulavit, qui ei respondit: Hic ignis in  
culina mihi in mentem revocat ignem  
infernalem, nec lacrymas cohibere pos-  
sum, quando cogito de miseris anima-  
bus, quæ in illo uruntur. Quando es  
prope ignem, tu deberes tuum digitum  
tam prope admove, quantum potes,

& hæc tecum loqui: Quod si deberem  
manum integro die in hoc igne tenere,  
quid non agerem? Quid non vellem  
deferere, quid non vellem pati, ut il-  
lum extrahere possem? Quomodo er-  
go ita vivam, ut corpus, & animam præ-  
cipitem in ignem atrociorē, non per  
unum diem, mensem, annum, sed in æ-  
ternum? Profecto mea iuramenta,  
meæ ebrietates, iniustitiæ in illum me ire  
cogent. Mi Deus, hanc mihi dona  
gratiam, ut ab illo præserver. Deberes  
rogare tuum confessorium, ut tibi in-  
jungeret hanc penitentiam, nempe ut  
tribus, vel quatuor vicibus in septimana  
dicas. *Descendant in infernum viventes,  
ne descendant morientes*. Illi, qui per co-  
gitationem sæpe ad eum descendant in  
vita, illi ad eum non descendant in  
morte, verum hic descensus serviet iis  
pro semita, per quam ascendent ad  
cognitionem beatitudinis animarum  
electarum, quæ liberæ erunt ab his mi-  
seriis, & quæ fruuntur deliciis, & felici-  
tatibus omnino contrariis, in loco fe-  
lici, ad quem nos conducat Pater, Fi-  
lius, & Spiritus sanctus

AMEN.





SERMO QUADRAGESIMUS.

PRO DOMINICA  
DUODECIMA POST PENTECOSTEN.

De peccatis venialibus.

*Magister quid faciendo vitam aternam possidebo? Luca 10.*

E X O R D I V M.

**R**evera Auditores magna est hæc quæstio; *Quid faciendo vitam aternam possidebo?* Sed quid Christus responderet ad eandem? *Diliges Dominum Deum tuum.* Sed quis est ille, qui diligit Deum? Ille ut alibi dicit idem Christus, qui servare eius mandata, & præcepta: *Si quis diligit me inquit Sermo- nes meos servabit.* Hoc est, mandata mea, & sic respondit adolescenti Matthæi decimo nono: *Si vis ad vitam ingredi serva mandata.* Hoc nobis omnibus dicit, ut nimirum servemus mandata, nec tantum mandata magna, ita ut non peccemus mortaliter; Sic enim certum est, quod non possimus venire ad cælum, sed quod simus ab eo excludendi, sed & vult, ut servemus mandata in minimo, quia Deus non est velut Prætor, qui non curat de minimis, quia potius minimas transgressiones à nobis caveri vult, ut ostendit Author in hac concione, ex parte Dei, ex parte peccati, ac ex aliis rationibus.

*Qui spernit modica, paulatim decidet Eccles. 19. v. 1.*

**I.** Hactenus dicta meo sensu sufficiunt, ut in nostris cordibus horrorem peccati mortalis, & detestationem commissi, generare possint. At, quia animæ devotæ nunquam peccatum mortale committunt, & ego iis magis obligatus sum, quam animabus mundanis, ego me obligatum sentio, ut de peccato veniali, quod est materia communis, quam in confessione afferunt loquar, & eis adferam motiva, quibus excitentur ad illa detestanda, quia commissa sunt, & ut propositum concipiant, nunquam alias illa committendi voluntarie, & deliberate. Hunc igitur discursum dividam in tria puncta. Primo itaque videbimus, quid sit peccatum veniale, & quod tres peccati venialis sint species, in secundo ponderabimus differentias inter peccatum mortale, & veniale, in tertio causas, cur debeamus veniale evitare.



O sacratissima Virgo, Fideles, ut inquit Concilium Tridentinum piè credunt, quod tu nullum unquam commiseris. Et ideo sanctus Iacobus in sua liturgia te vocat, beatissimam, immaculatam, irreprehensibilem. Et in canticis canticorum vocaris tora pulehra, tota pura, tora immaculata, hoc est exempta ab omni macula, tam mortali, quam veniali. Hinc tam fuisti potens, fortis, valida, ut Verbum Divinum è sinu adorandi sui Patris, intuum uterum Virginalem, quem benedicimus te salutando. Ave Maria, traxeris.

### IDEA SERMONIS.

*Exordium : Peccatum veniale non negligendum.*

**II.** *De minimis non curat Prator, parum pro nihilo reputatur.* Hæc & similia axiomata Iurisprudentiæ secularis, & Philosophiæ profanæ non approbantur, nec recipiuntur in doctrina morali Christiana, & iustitia Divina. Econtra noster Salvator dicit in sancto Matthæo : *Quicumque violaverit unum ex istis minimis, minimus vocabitur in regno caelorum.* Et loquens Scribis, & Phariseis, qui scrupulosissimi erant in observandis minimis ritibus, & tamen magis necessarios violabant, dicebat, tam magnas, quam parvas traditiones observandas. Et in Apocalypsi postquam Episcopum Ephesinū opera bona, patientiam, labores pro fide exantlatos deprædicasset, dicit, sed habeo adversum te, quod charitatem tuam primum reliquisti quod intelligendum est de peccato veniali.

Matth. 5.

Matth. 23.

### PUNCTUM PRIMUM.

*Peccatum veniale quid sit, & est triplex ex sancto Paulo, & Divo Thoma, magnum, mediocre, parvum, quod per lignum, fœnum, & stipulam significatur.*

**III.** *Peccatum appellatur veniale, quia citius, & facilius dimittitur, quam mortale. Leve quidem est, & parvum, sed hoc respectu, & in comparatione ad mortale, quia in se, in suo esse, & natura est quandoque magnum malum, & valde æstimandum. Dico quandoque, & non semper, quia sanctus Paulus nobis viam ad tradendam triplicem distinctionem peccati venialis tradit. Vide quælo quomodo loquatur hic Apostolus : Super fundamentum fidei nonnulli superstruunt aurum, argentum, & alios lapides pretiosos, hoc est virtutes solidas, actiones sanctas, & meritorias, opera bona perfecta, & hæc in iudicio Dei approbabitur, laudabuntur, munerabuntur. Alii super illud fundamentum ædificant lignum, fœnum, paleas, hoc est secundum explicationem sancti Thomæ peccata venialia ; Nam sicut lignum fœnum, paleas sunt esca ignis, ita peccata venialia nos ducunt ad ignem purgatorii. Porro, tres species peccatorum venialium sunt, magna scilicet, mediocria, & parva.*

1. Cor. 3.

12. 9. 89.  
art. 2.

Majora sunt, quæ patras à proposito, deliberatè, voluntariè, alia, quæ patras ex habitudine voluntaria, affectu affectato, & talia sunt illa generaliter quæ



quæ sunt tantum levia ex materia, verbi gratia mendacium iocosum, & officiosum, detrahare proximo, cum conviciari in re levi, vertere dorsum altari, loqui in Ecclesia sine necessitate, leve furtum, absque voluntate furandi plura, aliquem laudare ex vanitate, fallere tempus verbis otiosis, & conversationibus inutilibus. Hæc peccata significantur per lignum; quia sicut lignum tardius consumitur, ita anima, quæ hæc commisit, diutius manebit in igne purgatorii.

Mediocritia sunt, quæ committuntur sine pleno, & perfecto consensu, inadvertenter, inconsideratè, & huius generis sunt motus primo primitivæ, invidiæ, pravarum cogitationum, vindictæ, qui negligenter, reprimuntur, & hæc significantur per scænum, quod non diu manet in igne. Porro peccata venialia minima sunt, quæ committuntur ex infirmitate, & fragilitate humana, ut verbi gratiâ ex nimio zelo liberius corripere famulos delinquentes, aut ex nimia pusillanimitate connivere, vanam complacentiam habere, in operibus bonis, vanè gloriari ob laudes humanas, esse distractû involuntariè in oratione, sed tamen aliquo modo inculpabiliter. Et hæc denotantur per paleam, nam sicut palea est annexa grano frumenti, nec diu manet in igne, ita imperfectiones sunt conjunctæ bonis operibus, & citò expiantur, & purgantur per ignem purgatorii.

#### PUNCTUM SECUNDUM.

*Differentia inter mortale, & veniale.*

IV. **P**eccatum inquit sanctus Augustinus mortale uno ictu perimit; Serm. 29. de verbis Apost. veniale sensim, mortale unico ictu in nobis destruit gratiam Dei, veniale cuculos fodit, & lente eam exterminat, mortale est mors spiritualis, veniale est morbus, qui disponit, & ducit ad mortem, uti brevi videbimus.

V. Porro pro peccato veniali satisfacimus per pœnitentias mediocres, & ordinarias, sed pro mortali adhibere oportet pœnitentias rigorosas, humiles, preces ferventes, jejunia austera, & extraordinaria, magnas elemosynas, si media adsint. Audite sanctum Casarium Episcopum Arelatensem, qui vixit sexto sæculo. Nos quotidie quotidianos defectus diluimus, pervisitationem infirmorum, captivorum, reconciliationem inimicorum, jejuniorum præceptorum observantiam, lotionem pedum inimicorum, frequentationem vigiliarum nocturnarum in matutinis, erogationem elemosynarum in pauperes, qui domos nostras transeunt, condonationem injuriarum toties, quoties nobis inferuntur. Verum, hæc non sufficiunt, ut deleamus peccata mortalia, quia in hunc finem addendæ sunt lacrymæ, gemitus, prolixa, & continua jejunia, magnæ elemosynæ juxta nostrum posse, separatio voluntaria à communione Ecclesiæ, & comoratio diutina in tristitia, & lacrymis. Hom. 8.

VI. Peccatum mortale meretur pœnas æternas, veniale temporales, mortale nos ducit ad ignem inferni, veniale ad ignem purgatorii, ignem quidem eundem, sed cum hac



differentia, quod ignis inferni duret in æternum, temporalis per tempus, & idem est, si peccatum veniale quis habeat cum mortali, si ex hac vita defungatur, quia tunc punitur poena æterna: Intelligatis me bene, si devivatis in peccato mortali, privati gratia Dei, supposito quod simul habeatis peccatum veniale, puta mendacium leve, verbum otiosum, iram exiguum, dico hoc peccatum veniale puniendum poena æterna. Ita expresse docent sanctus Thomas, & Bonaventura, & ratio quam afferunt est tam clara, ut minimus Theologus eam capere queat: Peccatum veniale, in quo homo moritur, puniri debet post hanc vitam, nullum enim est, quantumvis parvum, quod impunitum maneat, hoc autem peccatum non punietur in purgatorio, suppono enim, quod moriatur in peccato mortali, ergo punietur in inferno. In inferno autem nulla est redemptio, nulla alleviatio, nulla diminutio poenæ.

Uterius, poena peccati tam diu durat, quam diu durat culpa, nam quamdiu aliquis est alligatus culpæ, tam diu est alligatus poenæ; Culpa porro venialis æternaliter manebit in anima damnata; Nam nulla est culpa, quæ non debeat deleri per voluntatem efficacem, quæ eam retractet, & doleat de ea actualiter, vel virtualiter; tantum autem abest, ut anima damnata velit retractare hoc peccatum, & de eo dolere, ut potius velit illud patrare, si posset; ergo illa culpa temper manebit, & consequenter poena; Cum culpa sit origo, & radix poenæ.

Verum enim verò, comparatione adeo familiari hoc illustrare debeo, ut parvus infans hoc capere possit. Da mihi aliquem, qui plagam habeat exiguum, aut vibicem in digito. Nil est in mundo, quod adeo faciliter curari possit, pauxillo unguenti, balsami sanatur, uno, vel altero die clauditur, quia vulnus non est lethale; Sed suppone ut talis moriatur cum illa plaga, quod gladio coreus transfigatur, statim postquam in digito illud vulnus recepit, nullum est dubium, quin vulnus, illud, quantumvis sit exiguum, curari non possit, sed tam diu mansurum sit, quamdiu manebit corpus; quod si corpus semper duraturum sit, vulnus etiam perpetuo durabit; Non quod ex natura sua sit insanabile, & incurabile, sed quia post mortem omnia remedia sunt inutilia.

Animæ in purgatorio vivunt vitæ gratiæ, & ideo peccata venialia, cum quibus ex hac vita discesserunt, possunt faciliter curari, nec puniuntur poenâ æterna, & balsamum pretiosi sanguinis, & merita Jesu Christi queunt utiliter applicari. Verum anima damnata, cum sit mortua spiritualiter, nec habeat principium vitæ, quæ est gratia Divina, & habeat propter peccatum veniale grave vulnus peccati mortalis, idcirco ob peccata venialia æternaliter punitur, nec ea unquam condonari queunt.

Nullus Christianus habens veram fidem, & spem bene fundatam peccat mortaliter. Hinc Augustinus. *Quæ Sem. 29. nullus bonæ fidei, & pei Christianus committit. de verb. mittit.* Et Tertullianus. *Nullus Christi Apost. c. 26.*

siannus

I. 2. quæst.  
89. art. 2. ad  
2. & 3. D.  
Bon. in 4.  
dist. 21. art.  
1. q. 1.



Athena go-  
ras in apolo-  
g. subint.

Christianus malus est, nisi hanc professionem simul-  
harint. Et Desinunt apud nos vocari Chri-  
stiani, qui mali sunt. Qui peccat ergo  
mortaliter Christianus tantum est no-  
mine, fictus, simulator. Sanctus Pau-  
lus supra dixit, quod aliqui super fun-  
damentum fidei ædificant aurum, ar-  
gentum, opera sancta, virtuosa, per-  
fecta, alii lignum, fœnum, paleas im-  
perfectionum, & peccatorum venia-  
lium. Duo itaque sunt genera Chri-  
stianorum, qui non dicit, quod ali-  
qui super fidem ædificant lutum, fi-  
mum, sordes peccatorum mortalium,  
quia verus fidelis nullum tale commit-  
tit, & ille, qui sollicitè curat puritatem  
suar animæ, & qui vult certam facere  
suam salutem, is quantum potest, evi-  
rat peccata venialia, idque ob varias ra-  
tiones.

### PUNCTUM TERTIUM.

*Rationes cur fugiendum veniale,  
primo: Ex parte Dei, quia displicet,  
secundo ex parte peccati, quod ali-  
quando ob aliquam circumstantiam  
est gravius, quam putamus. Tertio  
ex parte nostri, quia aliquando du-  
cit ad mortale, primo privatione  
gratiarum, secundo occasione, Ter-  
tio dispositione.*

VII. **P**rimo itaque vitari debet,  
quia displicet Deo. Annon  
hoc sufficit dicere Animæ, quæ sedet  
in bono loco? An aliquid addi debeat,  
ut absterreamur, ne à proposito, & de-  
liberate illa patremus? Displicet Deo,

adeoque est malum infinitum. Doctus,  
& devotus Gerson id tribus validis ra-  
tionibus sustinet, & probat, quod pec-  
catum veniale libere, & deliberate  
commisum, sit malum infinitum, &  
mereatur pœnam æternam, si consi-  
deretur secundum se, & in sua natura,  
non vero per accidens; Nam quod  
nunc, & actualiter non mereatur pœ-  
nam inferni, hoc tribuendum est mise-  
ricordiæ Dei, qui attentâ nostrâ fragi-  
litate, tantam nobis infligere pœnam  
noluit. Rationes istæ Gersoni videri  
possunt, ego eas omitto, ne prolixior  
sim. Solum adduco unum argumen-  
tum ex s. n. Anselmo, quod probat  
peccatum veniale deliberate commis-  
sum, esse enorme malum.

3. parte lect. 1.  
de vita spio-  
rituali con-  
clus.

Supponamus Deum creasse cen-  
tum mille mundos, & quod tu sis Mo-  
narcha, Princeps, & pacificus posses-  
sor eorundem; similiter quod detur  
aliquis Dæmon, qui sit tam potens in  
malè agendo, & destruendo, quam bo-  
nus Deus sit potens in bene agendo, &  
producendo, & quod hic Dæmon ad  
te dicat. Ego omnes hos mundos de-  
struere volo, nisi unicum leve menda-  
cium committas, si ei consentias, pec-  
cas, si non mentiaris, omnes hi mundi  
destruentur; in hoc casu potius per-  
mittenda est destructio, & excisio ho-  
rum mundorum, immò aliorum infi-  
nitorum, quam mentiendum. Ex  
quo consequitur, peccatum veniale esse  
valde grave malum, quia non est com-  
mittendum, ut infiniti mundi conser-  
ventur.

Sanctus Paulus ad Ephesios dicit:  
Nolite contristare spiritum sanctum.  
Et



*Ephes. 4.  
v. 30. 1. cap.  
5. v. 15.*

Et ad Thessalonicenses monet, ne destruamus sanctum Spiritum. Peccatum mortale extinguit in corde nostro sanctum Spiritum, veniale illum contristat. An sit aliquis palatinus in aula, qui vel in minimo, velit contristare suum principem? Quod si Rex suis diceret: Ego nolo, ne aliquis tangat tales fructus, vel flores in meo viridario, ne vel aliquis attingat mala armenia, tulipas, caryophillos, coronarias veronicas, an esset unicuique tantum aulicus, qui tam audax esset, ut unum fructum, aut florem decerperet, & diceret suæ Majestati, ego nil molitus sum contra tuam vitam, nec contra tuam coronam?

VIII. Ulterius, peccatum, quod nobis videtur esse leve, & veniale, & quod reipsa tale est, si consideretur præcise secundum se, potest fieri gravius, & enormius, quam putemus, ratione aliquis circumstantiæ, quæ illud vestit, & notabiliter aggravat, verbi gratia circumstantia quis, seu illud committentis, quando nimirum est una persona sublimis, quæ magnos favores, & gratias à Deo recepit, quæ plus obligatur eum amare, & ad perfectionem contendere, quam alii. Sic enim Nadab, & Abi morte puniuntur ob peccatum, quod videtur leve, quia erant Levitæ. Et sanctus Bernardus ait: *Nuga in ore secularium sunt nuga, in ore sacerdotum blasphemia.*

*Levit. 10.  
v. 1.*

Secunda causa est inclinatio nostri cordis, aut dispositio voluntatis, quod peccatum nempe leve queat fieri grave, ut si quis detrahat proximo in materia levi, sed cum intentione eius famam graviter lædendi, si quis aliquod

poma ex arbore decerpat, sed cum animo magnam quantitatem eorum auferendi, immò ipsam arborem, si adesset facultas. Quia Deus magis spectat cor, quam manum, intentionem, quam actionem, voluntatem, quam effectum. Quinimò sanctus Thomas vult affectionem, & ad hæsiōem ad bona propria, quæ non videntur esse nisi culpæ veniales, posse fieri peccata mortalia, si sint nimis excessivæ, & inordinatæ, ita ut quis in illis bonis ponat suum ultimum finem. Tertio, potest peccatum veniale fieri grave ratione scandalī, & mali exempli, ut si per peccatum veniale præbeas alteri animum peccandi mortaliter, ut si pertinaciter in te exigua disceptes contra tuum maritum, sciens, quod soleat blasphemare, si ei contradicatur.

Porro inter peccata venialia tria sunt principaliter, quæ vestita sunt circumstantiis nocivioribus, pestilentioribus, & pravioribus, ludus nempe, luxus vestium, lites ex pertinacia; & hæc ob plures causas deliberatè patramus, dant pravum exemplum proximo, eum præcipitant in plura peccata, nos conducunt, & nobis dant, & præbent occasionem peccatorum venialium in magno numero, motus iræ, exiguae excessus in refectiōe, verbum impatiens, tibi sæpe inconsiderate elabatur. Verum ad ludos imus voluntariè, & deliberate, vestes concinne aptamus, scienter attente, & cum reflexiōe, litem à proposito, & præmeditate incipimus, & prosequimur, cum applicatione animi, & cognitione causæ. Tu post prandium, totum tempus pomeridianum usque



que ad decimam noctis ludendo teris. Tu putas hoc nihil esse, quia habes quod apponas; Verum tua neptis, tuus cognatus, qui non habent proventus adeo opimos, sicut tu, exemplum à te sument, & ludere incipient, suamque familiam perdent. Non est nisi vanitas, quæ te pellit, ut te comas, & polias, & curiosè vestias; Verum appetitu vanitatis, tu es laqueus, stultæ juventuti lapidis scandali, objectum pravarum cogitationum. *Dum amantur vana, perpetrantur mala, pauca quidem à te, sed multa propter te.* Quod prætendis in illa lite, hoc tuum est; Veruntam parti adversæ præbes ansam plurium fraudum, peritiorum, falsitatum, inimicitiarum, odiorum, detractionum.

Quomodo ergo ludi, luxus, & processus sint indifferentes? Sunt titiones, sulphuratæ plurium malorum, quæ consequuntur. In ludo quippe perdis tempus, pecuniam, conscientiam, tu irasceris, iuras, blasphemias, tu te devoves Diabolo. Luxus vestium causa est, quod sumptus facias cum incommoda tuæ familiæ, quod infleris, & fastuurgeas, quod distraharis in tuis precibus, quod murmures contra sodales, impatiens sis erga domesticos. Hæc lis, quam proximo intentas ob exigua motiva, profectò non est exigua, quia in mille curas te conticit, in mille itinera Parisios usque te agit, producit aversiones, & dissensiones, & quandoque causa est ut testes subornentur, iudices contumpanentur, contractus serius initi fingantur, scripturæ falsificentur, & mille animæ damnentur. Verbo, quando peccatum tantum veniale est

ob levitatem materiæ, fit tamen mortale, si materia augmentetur, & crescat. Et quis tibi præscribere, quis præcisè, & infallibiliter tibi determinare, & discernere possit, quantum debeat excrescere, ut non maneat amplius peccatum veniale, & leve? Quis te asscurare potest, quod furando decem, vel duodecim peccas tantum venialiter, auferendo vero quindecim, vel viginti delinquas lethaliter?

IX. Immò dato, quod hoc peccatum tantum esset veniale ex se, & ex suis circumstantiis, attamen si committatur deliberatè, & à proposito, insensibiliter nos ducit, & vehit ad mortale; Quia peccatum est monstrum, & monstrum monstruosum, hoc est monstrum valde differens, ac difforme ab aliis. Nec sane res ita aguntur in moralibus, & actionibus humanis, sicut in natura, in qua monstra sunt sterilia ex admirabili quadam providentia Dei, non generant sibi simile, in natura animalia, quæ non sunt monstra, parva non producant magna, leunculi non producant leones, lepusculi lepores, parvi lupi lupos. At enim verò, in moralibus peccata, quæ sunt vere monstra, & partus contra naturam, generant alia peccata, & ipsa peccata levia, & venialia, sæpe producant mortalia, & hoc variis modis.

X. Peccatum veniale frigefacit charitatem, hoc est amorem, ut inquit sancti, quo Deum prosequimur; Etiam frigefacit amorem Dei erga nos, offendit oculos Divinos, ne nos oculo propitio notare possit, illi displicet, eum irritat, ita ut nobis non bene am-



plius velit, beneficia tanta non amplius præstet, gratias non amplius conferat adeo grandes, excellentes, pretiosas, copiosas sicut antè. Peccatum mortale nos privat eius gratia sanctificante, & habituali: Peccatum veniale gratis, & auxiliis actualibus. Et ita anima hoc robore destituta, hoc assistentiæ particulari privata, relicta suæ infirmitati, & debilitati naturali, facilliter succumbit, & quidem, quod lugendum est, ad primum insultum validæ tentationis.

Cap. 10.  
v. 16.

XI. Peccatum veniale aliquando nobis aufert occasiones operandi nostram salutem, & sæpe nos coniciit in occasiones, & pericula damnationis. Quidam adolescens in sancto Matthæo adiit nostrum Salvatorem, eumque interrogavit quid factu esset opus ad salutem æternam obtinendam? Filius Dei, cum ei dixisset observanda esse mandata; adhuc ulterius subiunxit; *Sivis perfectus esse, vade, & vende omnia, & da pauperibus, & sequere me.* Hic adolescens porro, qui omnia mandata jam observarat, tristis ab Assertore nostro discessit.

Lucæ 18.  
v. 16.

At enim verò, affectus ille, quo erga sua bona propria ferebatur, meo iudicio non fuit nisi ventralis, nam sanctus Marcus testatur, quod Filius Dei eum respexerit, eumque amarit, & tamen hic affectus eum privavit occasione operandi salutem; Ut enim salvari posset, debuit necessariò cognoscere Salvatorem, credere in Jesum Christum, recipere fidem, & doctrinam Evangelii, & ad hoc fuit vocatus, hæc eius fuit vocatio; Salvator noster

ei quippè dixerat: *Sequere me!* Ille verò totus tristis abiit; Utque ostenderet, quod hic defectus, qui ei videbatur levis, & exiguus, fuerit naufragium eius salutis, Jesus suspirando exclamavit: O quam difficile est diviti Salvati!

Tu die Dominico vadis spatia tum tempore concionis. An hoc sit peccatum mortale? Nequaquam. Verum, hæc ambulatio causâ esse potest, ut ligatus pedibus proiciaris in infernum. Potest esse, quod tua salus dependeat ab hac concione; Quod Deus à proposito eam destinavit, ut eâ tangereris, & convertereris.

Dina filia Jacob curiositate puellis sat familiari è domo patris exiit, non ut suam formam, quæ erat valde elegans, & excellens ostentaret, non ut ab aliquo adamareretur, aut suaviaretur, non ut adolescentes in sui concupiscentiam pelliceret, sed solum ut videret puellas illius regionis, quas nunquam antea viderat, ut videret, quomodo essent vestitæ, quales essent. Fatcor hanc curiositatem fuisse quidem venialem, sed effectus habuit tragicos, & funestos. Juvenis princeps eam solum vidit, eam concupivit, eam rapuit, eam defloravit. Hic raptus causa fuit, ut fratres Dinæ urbem inopinato aggredierentur, illam expugnarent, exciderent, & omnes incolas, ipsum etiam principem cum suo patre gladio deleverent, feminas, & puellas innocentes in servitutem abstraxerint, & omnia circumquaque devastarint. *Qui spernit modica, paulatim decidet.*

Gen. 24.  
v. 1.

XII. Verum quidem est, quod peccatum veniale in anima nostra tan-



nam non edit stragem, nec cladem adeo terrificam, quam mortale, verum est, quod non destruat gratiam sanctificantem, nec habitus virtutum infusarum, tamen talem edit quandoque cladem, & stragem, quod aliquo modo comparari potest maledictis effectibus mortalis. Illud non excæcat quidem intellectum, sed illum offuscat, voluntatem non quidem disturbat, sed liberum arbitrium debilitat, acuit sensualitatem, concupiscentiam accendit, & quod bene advertendum est, generat pravam habitum, qui si fiat fortis, potens, & violentus, parum refert quod productus sit per peccatum veniale, nec negligit producere effectus valde perniciosos.

Revoca in mentem domum aliquam, quæ ante hac magnificentissima, & commodissima fuit, & modò solo æquata sit, & omnino excisa. Quis hoc grande ædificium evertit, & solo æquavit? An forsitan machina bellica? Non, quia hæc communiter aliquas partes mœniorum delicit, aut aliquam rimam facit. Tu non credes, quod dicam, interim tamen verum est, initium huius stragis quandoque est minimus vermiculus, qui quandoque non est maior, quam sit media lenticula (est musca in ætate, & vocatur, *Tenerimus ligni vermiculus*) hic vermiculus alligat se trabi lignæ, ore suo, quod non est maius cuspidæ aciculæ, secum portat suum cultrum, malleum, ferram, cuneum, ille sensim arrodit hoc lignum, pulvere interim croceo instar auri, & commolito instar floris farinæ decidente; trabe jam excavatâ, sensim rimas agit, faber

itaque lignarius, qui trabi infidet, cadit, totum tectum, quod ei innititur, ubique est perpluvium, pluvia penetrat muros, & totum ædificium ruit. Tu oculos huc illucque voluis in Ecclesia, id nihil esse videtur, nec est aliud, quam motio oculorum, tu caput agitas, tu vides pompam unius puellæ, gratiositatem unius adolescentis, hoc objectum exercet tuum animum; Vel enim perstringis murmurando luxum, aut pravas concipis cogitationes, tuus animus excavatur, corroditur, penetratur, bonæ cogitationes destruuntur, & pro eo, quod deberes attendere missæ, aut cogitare de Deo, tu cogitas de mundo, & creaturis. Et ita, postquam amisisti reverentiam, quam debes domui Dei, dum aliquis ad te venit, velitque tecum fabulari, & nugari, tu aures præbes, illa detrahit suo marito, nutum, ancillam perstringit, idque sub prætextu consilii à te petendi; Postquam sermonem finivit de suis domesticis, illa detrahit suis consanguineis vicinis, huic, illi, tu consentis mendaciis, tu tuum addis, & gratiam Dei perdis.

*Qui timet Deum, nihil negligit. Unica* Eccles. 3. v. 19.  
minima scintilla grande sæpe caussat incendium, minimum vulnus in curabilem sæpe generat gangrænam, minima omisio diurnam sæpe producit litem. A iuramentis itur ad periuriam, à mendaciis officiosis ad perniciofa, à verbis ociosis ad facerías, à facerías ad verba inhonesta, à mendaciis levibus ad graves detractiones, à minimis furtis ad enormes ruinas. Filius tuus incipit furari pomum, postea pullos, dein



gallinas indicat, postea aves, tandem equos, & in fine evadit magnus fur. **E** contra, si tu evites peccata venialia, à potiori evitabis mortalia, si sis fidelis

in exercitio minorum virtutum, tu præstabis maiores, quæ tibi in hac vitamerebuntur gratiam, & in altera gloriam Amen.

## SERMO QUADRAGESIMUS PRIMUS.

# PRO DOMINICA DECIMA TERTIA POST PENTECOSTEN.

In primum præceptum Decalogi, de fide, prima virtute Theologica.

*Occurrerunt ei decem viri leprosi, qui steterunt à longè  
Luca 17.*

## E X O R D I U M.

**N**emo debet mirari, quod hi leprosi steterint à longè, levitici quippe decimo tertio mandatum est, ut leprosi habitent extra hominum societatem, eam potissimum ob causam, ne alios inficiant. Quod quidem semper est observatum, etiam ad nostra usque tempora; Dumque hoc intelligerent hodierni leprosi, non fuerunt ausi Christo appropinquare, sed steterunt à longè, dum sanitatem peterent. Quod si leprosi non sint tolerandi in hominum consortio, quanto minus pravi, qui alios contagione peccati inficiunt; Et utinam hi ab aliis longè semoti essent, sed quod dolendum est, ultro se aliis ingerunt, ut eos inficiant, & sunt non pauci. Præ reliquis autem sunt hæretici, quorum ser-

mo ut cancer serpit, quærens alios seducere, & iis suum errorem affricare; quod ne fiat, ostendam hodie cum Auctore veritatem nostræ fidei, ex modo miraculoso, quo est publicata.

*Ego sum Dominus Deus tuus, non habebis  
Deos alienos coram me. Exod. 20.*

**I.** **C**UM Propheta Jeremias mandatum acciperet à Deo prædicandi populo Israel, statim in principio insinuatum fuit ei, missionis scopum, & finem esse evellere, & plantare, destruere, & ædificare, idem sit omni Missionario, & hinc explicatio, mandatorum Dei utrique intentioni accuratè respondet, servit enim, ut cognoscamus vitia, ut illorum accusationem faciamus,



mus, in Confessione, & sic evellantur, fervit cognitioni virtutum, ut iis afficiamur, & consequenter radicentur in cordibus nostris; Mandatum primum obligat nos ad actus quatuor virtutum, fidei, spei, charitatis, & religionis. Prima est fidei, quia ut bene, & firmiter radiceretur, necessarium est considerare quot miraculis, & modis aliis captum humanum excedentibus, Apostoli eam, & consequenter cultum unius Dei super ruinas Idololatriæ fundarint, juxta illud. *Non habebis Deos alienos coram me.* Isaias, iter tuum in Ægyptum, O Virgo Sacratissima, prædicens subdit. *Ecce Dominus ascendet super nubem levem, & ingreditur Ægyptum, & commovebuntur simulacra Ægypti à facie eius.* Gratias immortales Deo ter optimo maximo, quo disponente videmus, & experimur prophetiam istam tam feliciter expletam. Ex Ægypto hujus mundi pulsa, & excommunicata sunt idola, eo ipso, quo Filius Dei illum ingredi dignatus est, gremio tuo omnis peccati experti tanquam nube levi portatus, destruere dignare, in cordibus nostris per gratiam filii tui idola omnis affectus vitiosi, & terreni, hac intentione salve, & Ave Maria.

### IDEA SERMONIS.

*Erat naturaliter impossibile, idololatriam destrui ab Apostolis, & substitui fidem Christianam. Primo quia hoc opus erat arduum. secundo, quia nulla ad hoc instrumenta. Tercio quia multa impedimenta.*

II. **Q**Uicumque luminis naturalis ductum, & machinas humanæ prudentiæ non dedignatur concedere, cogitur tres principaliores considerationes nos passim à proposito tum distrahere, tum prosecutionem eius dissuadere, vel planè omnem spem boni exitus evellere. Primum si res sit de se difficilis. Secundò, si destituti simus talentis, & instrumentis necessariis ad eius finem assequendum. Tertio, si graves, & notabiles oppositiones prævideamus. Nisi Apostoli omni iudicio privati fuerint, vel cælestis subsidii assecurationem habuerint, tres istæ considerationes necessariò suppressere debuerunt in ipsis, non solum voluntatem, sed & minimam etiam cogitationem tentandi extirpationem idololatriæ, & plantationem fidei.

### PUNCTUM PRIMUM.

*Opus erat arduum, primo scriptura, secundo Patribus. Tertio ratione, quia in hoc erat suspitio impietatis, ambitionis, seditionis, stultitiæ. Quarto exemplis, eorum qui nihil simile exequi potuerunt, nempe philosophi, Noe, Iacob, Ioseph, Moyses.*

III. **C**UM antiqui Prophete præviderint Adventū Filii Dei, & effectus incarnationis ejus, eò ipso prædixerunt eum in hoc mundo patraturum mirabilia extraordinaria, inaudita, nihil mirabilius, nihil magis extraordinariū, nihil cum possibili incompatibilis se-



cundum apparentiam, vel captum humanum, quam iste conatus Filii Dei, & Apostolorum eius. Orator Romanus non sine fundamento ait: rem fore planè incredibilem, nisi quotidiana experientia manifesta esset, quantum consuetudo paulatim invalescens sive in bonum, sive in malum imperium in nos acquirat, & exerceat absoluto quasi præscriptionis jure, ita ut meritò altera natura à Philosophis nuncupetur. Velle igitur universalem consuetudinem per omnia regna, & nationes huius mundi non receptam solum, sed & practicatam totaliter aboleri, est velle mundum universum invertere, & naturam ipsam denaturare.

Consideremus quæso, quo labore, qua potentia, vel auctoritate non indigeat is, qui in aliqua Civitate, oppido, Capitulo, vel Communitate etiam Rusticana, vel minimam mutationem intendit introducere? Quoties non debet audire, talem non habemus praxin, id nunquam apud nos fuit moris, novitates nullas admittimus, sed omnes abhorremus, & execramur? Quantæ ergò molis non fuit, velle evellere, vel eliminare non nudam, vel simplicem praxin, sed plurimas maximi momenti antiquissimas, & immemorabiles consuetudines, non in pago, non in oppido, non in civitate, aut Provincia, sed in omnibus regnis, & Nationibus totius Orbis terrarum, & quod caput erat in Romanis, apud quos tanquam oraculum erat axioma, *moribus antiquis Patres Romana, viresque*: Ipsa mutatio consuetudinis, etiam qua adjuvat utilitatem, novitate conturbat. Politicis regula prudentiæ est omnem

novitatem, quantumvis speciosam, & apparentem omni semper statui periculosa esse, quamvis nudè una consuetudo pro alia jam recepta etiam conformis, & correspondens illi suggereretur mutatione istam semper odiosam esse. A fortiori, quando introduci videntur aliæ contrariæ non solum, & oppositæ antiquis, sed etiam suspectæ de irreligione, ambitione, seditione, & stultitia; De irreligione quidem propter conatū eliminandi cultum Deorum, abrogandi sacrificia, altaria in planum redigendi, & templa Dianæ Ephesi, Appollinis Delphis, Jovis in Capitolio Romæ, persuadetur Deos istos esse dæmonia, oracula ipsorum mendacia, sacrificia esse sacrilegia, sacrificulos impostores. Diciturque Clodoveo, aliisque Regibus, *adæra, quod incendiisti, incende, quod adorasti*; Ecce quanta mutatio. Advertit S. Augustinus Romanos, qui non solum recipiebant, sed & colebant Deos cujuscunque Nationis sibi subjugatæ, nunquam tamen recepisse Deum Judæorum, ne abstraherentur à servitio, & cultu aliorum, hic tamen idem est Deus, qui ipsis proponitur adorandus cum execratione cuiuscunque alterius divinitatis, & quamvis populo Judaico certum sit eundem esse Deum, quem ipsi adorant, primâ tamen facie in multis discrepant Apostoli illum prædicantes ab ordinationibus ab ipso ante hæc datis. Abrogant enim plures observantias, & cæremonias ab ipso nec institutas, ut Circumcisionem, sacrificia animalium, festa azimorum, & huiusmodi, nonne hæc irreligionem, & impietatem redolent?



IV. De ambitionibus autem, proponitur enim homo, qui regem regum, Dominum Dominantium lese jactitat, qui Discipulis suis promittit, quod sedebunt super thronos judices universi.

*Matth. 19. v. 18. & unus illorum ait: Nescitis, quoniam Angelos judicabimus, quanto magis secularia? Signa efficacis rebellionis, quibus merito obiciunt illud: Hi omnes contra decreta Caesaris faciunt Regem alium, dicentes esse Iesum.*

De seditione etiam, nam si subtilissimus, & disertissimus aliquis Orator facundia sua conaretur familiam aliquam diffidiis ab invicem se iungere seminando discordias inter virum, & mulierem, parentes, & proles, excitando domesticos etiam contra Dominum, & Dominam, quamprimum adverteretur ipsius conatus, detegerentur iniqua molimina, & astutiae versi pellis eum ut lupum insequerentur. Apostoli autem nostri id ipsum tentant, non in una domo, civitate, communitate, vel republica, sed per omnes totius mundi nationes universim, nec in occulto, sed publice, generose. Nec inopinate, sed praevisio edicto publico: Non veni pacem mittere sed gladium, veni enim separare nudum a socio suo. Qui non odit Patrem, & Matrem suam, non potest meus esse discipulus. Hæc cum insonarent auribus Patrum, & Matrum familias, merito suis inculcarent, cavete ab huiusmodi impostoribus seditionis, Zizanarum seminatoribus, ut à mundi peste.

V. Quotquot fuerunt præcepta, seu Concilia Evangelica, tot fuerunt

stultitiæ indicia juxta humanam apparentiam, & Gentilium iudicium, Evangelium Gentibus stultitiam, exponebant se enim omni dissolutioni absque ullo remorsu conscientiae, vitæ ipsorum erat Conviciis, commestationibus, choreis, tripudiis, aliisque huiusmodi sensualitatibus, & carnalitatibus delectari, unicuseorum scopuserat divitiis, & dignitatibus magnificeri, omni possibili modo corporis commoditates quærere, ob quamcunque etiam levissimam iniuriam vindictas meditari. Hujusce farinae hominibus Apostolicam proponere doctrinam, nimirum, Fornicatio, & omnis immunditia nec nominetur in vobis, aut turpitudine, aut stultitiorum, aut scurrilitas quæ ad rem non pertinet. Omne verbum otiosum, quod locuti fuerint homines, reddent rationem de eo in die iudicii. Diligite inimicos vestros, benefacite his qui oderunt vos, & orate pro persecuentibus, & calumniantibus vos. Hoc inquam velle observari propter amorem hominis pendentis in ligno, idque cum periculo exilii, amissionis omnium bonorum temporalium, Officiorum, Dignitatum, immò & propriæ vitæ post atrocissima, ac intolerabilia tormenta; Nunquid est impossibilia tentare, & propriæ fatuitatis, vel delirii indicia quasi certa prodere? Gentibus stultitiam.

VI. Et ut manifestius pateat eiusmodi conatus, vires humanas prorsus excedere, adeoque irritos esse, quis unquam inter Gentiles Socrate sapientior, quem oracula sapientia omnes homines superare distabant, cuiusque consilia tanquam oracula æstimabantur?

*Matth. 19. v. 18. & unus illorum ait: Nescitis, quoniam Angelos judicabimus, quanto magis secularia? Signa efficacis rebellionis, quibus merito obiciunt illud: Hi omnes contra decreta Caesaris faciunt Regem alium, dicentes esse Iesum.*

*Act. 19. v. 7.*

*Matth. 10. v. 35. Luc. 14.*

*Ephes. 3.*

*Matth. 12.*

*v. 36.*

*Matth. 5.*

*v. 44.*



bantur? Quis unquam intelligentia, sapientia, facundia par fuit Platoni, qui non solum ipse divinus, sed & ipsi Dii, Platonica si loquerentur lingua locuturi æstimabantur? Quinam Legislatores unquam tanto iudicio, industria, & zelo ediderunt fulmina in vitia, & vitiosos, ut Imperatores Romani, quorum artes dicebant, *regere Imperio populos, & condere leges*. Sed quid omnes isti Philolophi, Oratores, Legislatores, cum omni hac prudentia, sapientia, industria, fervore unquam effecerunt? Ne vel minimum quidem viculum ad ullam unquam virtutem exercendam redegerunt: Quod si à prophanis ad sacra transeamus exempla, non deerit, unde miremur, & primum quidem incredulitatem, & duram cervicem hominum, qui Noe contemporanei erant: Videbant enim hominem justum, optimæ indolis, sedatum, iudicio plenum, nec poterant dubitare de ipsius sapientia, qui jam quingentesimum attigerat annum, nec toto illorum annorum tractu, vel minimo levitatis nota culpabilem invenerant. Minatur terribiliter iustitiæ divinæ ictibus feriendos, vident admirabilis artificii arcam, ab ipso fabricari, nec later ipsos id mandato Dei fieri, ut evaderet pericula diluvii, quæ toti universo, minabant, nec possunt eum fundamento, vel rationabiliter sibi imaginari, esse panicum aliquem terrorem, qui ipsis incutitur, vel actum aliquem fatuitatis, seu delirii, spatio enim centum annorum elaboratur, & perficitur arca, nec fatuo proprium est, vel solitum eundem actum, vel actionem tam diu

continuarè, tam acuratè perficere opus inceptum, vident omnis generis animantia ex omni parte totius mundi illuc confluere instinctu quasi aliquo secreto, non quidem naturæ, sed singularis providentiæ divinæ, ly enim *Baov*, vel *Noak*, indicant, quod spontaneæ, non adductæ, venerint ad Patriarcham. Interim perseverant omnes in incredulitate sua, ita, ut nequidem unus ipsi associetur, nullus cogitet de Pœnitentia, nec ipsi domestici, aut famuli ipsius; Tanta est hominum contumacia, tanta tarditas in aggrediendis, vel amplectendis iis, quæ sensualitati contrariantur, quæ eorum appetitui adversantur naturali.

Porro hæc eorum contumacia, impœnitentia, obduratio, vel exinde magis liquet, & elucescit, quod Noe quotidie eos exhortatus fuerit ad pœnitentiam, & emendationem vitæ, & quidem verbis adeo efficacibus, & moventibus, cum tantâ energia, & vivacitate, ut ipsa animantia, & lapides, si sensu polluisent, moveri, & flecti debuerint. Quot malleorum ictibus arcam pulsabat, tot ictibus eorum corda percutiebat; His tamen non obstantibus ipsi in itinere cæpto pergebant, scelera sceleribus accumulabant, & ad illas voces Noe tamquam immobiles lapides hærebant, & velut trunci carentes sensu, anima, vita, nullatenus flectebantur, & movebantur, ut de pœnitentia agenda considerarent, & de vita emendanda aguerent, aut voluptatis, vas deferrent, & iis se expedirent.



Et quantum ad peccatum, de quo Nobis sermo est, puta, Idololatriam, expertus est Iacob, quam difficile sit, illud evellere ubi radicatum est, passim in sacra scriptura dilectus, & electus nominetur, ab infantia enim vidit Deum in scala sibi promittentem continuam assistentiam, moratus est plusquam viginti annis in domo avunculi sui, quo tempore vidit, & cum stupore admiratus est Laban virtutes heroicæ huius viri, fatetur, & agnoscit se à Deo benedictum, se omni prosperitate, in omnibus gaudere propter servum Iacob, nec tamen potuerunt hæc omnia infidelem istum ab Idololatria sua convertere ad Deum verum. Nec minus infelix fuit filius eius Ioseph, qui non minus, quam octoginta annis Aulicus fuit Pharaonis, agnitus ab ipso Rege, & honoratus ut habens spiritum Dei, & donum prophetiæ, dictitabat ipsum Salvatorem mundi, constituens ipsum dominum domus suæ, & Principem omnis possessionis suæ, ut eruditet Principes eius, sicut semetipsum, & senes eius, prudentiam doceret, nec tamen hæc auctoritas, vel æstimatio tantæ personæ tam diuturnæ Idololatriæ vel in minimo nocuit. Nec mirum est, quod hi omnes nihil effecerint, quandoquidem Moyses, qui singulari privilegio admittebatur ad alloquium Dei, idque eà familiaritate, qua inter nos, amicus cum amico conversatur, qui in negotiis politicis huius mundi versatissimus erat, in aula Regia ab infantia educatus, cui commissa fuit conversio Aegypti, commissione tam absolutâ, ut exinde denominaretur

Deus Pharaonis, in quem finem tantæ plausibilia, & rara patravit miracula, ut nihil iis posset cum fundamento contradici, & tamen tam parum effecit, ut non solum, non averterit ipsos à servitio Idolorum, sed ne quidem triduanam potuit obtinere licentiam, ut vero Deo exiret offerre sacrificium, nihilominus filius Dei conatur introducere in Aegypto cultum suum, nec solum ibi, sed in universo terrarum orbe, medio Apostolico labore.

## PUNCTVM SECVNDVM.

*Nulla ad hoc instrumenta, immò contraria, quia erant Iudei, timidi, ignari, unius lingvæ pauci, dispersi.*

VII. Sed quibus talentis, vel donis naturalibus instruxit istos Apostolos ad efficiendam rem tantæ molis, rem quæ à tot, & tantis viris irritis omnibus omnium conatibus infecta remansit? Nullis omnino, sed potius e contrario, qualitates ipsorum, nec habebant ullam proportionem cum fine isto, adeo oppositæ sunt, ut non solum alios abstertere debeant, sed & ipsos met summo afficere tædio, adeoque avertere, & retrahere à prosecutione operis intenti. Sunt enim Iudæi, & volunt Romæ proponere hominem suæ nationis adorandum, sunt homines Idiotæ, plebæi, & volunt magnates, & sapientes huius seculi reddere subditos, non noverunt, nisi lingvæ vernaculam, & tamē instruere volunt omnes populos, sunt numero pauci, & intendunt



dant acquirere universum terrarum orbem, qui vel minimum versati sunt in historiis, satis adverterint, quanta tunc temporis erat antipathia inter populos, Romanum, & Iudaeum, cum quanto contemptu, sannis, & opprobriis à Romanis miseri Iudaei despiciebantur, epitheto enim ordinario dicebantur foetidi, ut enim exaggeretur rei cuiuscunque foetor intollerabilis, dicebatur foetre ut Iudaeus, ab aliis vocabantur venditores sulphuris, & ut magis in contumeliam cederet, dicebatur illud, *Iudaei, quorum cophinus, foenumque suppellex*, quasi dicerent, omnia ipsius mobilia consistere in cophino, quo expurgarent plateas Civitatum à sordibus, & foeno, in quo noctu quiescerent

Nec his obstantibus homines Iudaei natione conantur apud Romanos efficere, ut loco Martis, & Iovis adoretur homo Iudaeus, qui ab ipsismet Iudaeis suspensus est, nunquid hæc propositio omni sanæ menti, si saltem aliquid iudicii luminis habeat, potius à phantasta, vel hypocondriaco quovis procedere censebitur, quam à viro prudente? Et quamvis Iudaei non essent, sed omnes Romani, nunquam tamen ullus ipsorum habuit usum armorum, suntque animo tam pusillanimes, ut ad vocem ancillæ trepidantes dilectissimum Dominum, & Magistrum suum abnegarint, & deseruerint in extrema necessitate constitutum. Et quomodo domarent Imperium Romanorum, quod sibi subiugavit omnia cætera regna, cum sint homines nullâ politicâ honestate, utilitate, scientiâ,

eloquentiâ, vel intelligentiâ præditi, adeoque ubi vellent instruere Philosophos meritò replicaretur, *sus docet Minervam?*

Dato etiam, quod quilibet ipsorum sapientiam habeat Aristotelis, Demosthenis eloquentiam; Nonne omnes Galilaei sunt, & quomodo audier unusquisque linguâ suâ illos loquentes? Non novērunt nisi unam linguâ, quarum tamen sunt septuaginta duæ originales ad minus, absque aliis idiomatibus particulatibus, quæ in aequali numero sunt cum Provinciis, & civitatibus universi, quoniam ergo utentur interprete, ut intelligerentur ab omnibus his?

Tandem ne Hercules contra duos, sunt pauci, puta duodecim, vel tredecim ad summum, qui contradicant toti mundo, ipsum arguant erroris, & mendacij in materia, quæ ab omnibus passim susinetur, cum maximo zelo, & fervore, nimirum Religionis, & quod caput est, pro eo, quod solent alii bellatores, qui omnes vires suas colligunt, & coniungunt, ut cum maiori impetu, & feliciore effectu hostes suos aggrediantur; Hi, quantumvis timidi, imbelles, & pauci separant se ab invicem, ac disperguntur per omnes mundi nationes, unus enim Italiam, alius Persiam, Indias alter, Phrygia, & Aethiopia etiam suos accipiunt. Si prædicatio Evangelii esset inuentio humana, & collusio astute excogitata, nunquam à se invicem separati fuissent Apostoli, sed coniuncti mansissent, ut comelius, & facilius excogitata sua mendacia communicato semper consilio potuissent confirmare, & stabilire, cum



cum virtus unita sit fortior, nam quodcumque convincendi sunt imposturae homines, quos suspectos habemus falsitatis, separatim interrogantur, ut fecit Daniel Accusatoribus Susannae, ut superetur exercitus, vel cohors militum, optimum stratagemata est, & efficacissimum, si possit inter illos causari aliquod divortium, & quocumque praetextu fieri, ut ab invicem separentur, quod ipsum praedicavit Horatius. *Addito ad virtutem dolo, ut distraheret hostem, simulat fugam, singulosque prout sequi poterant, aggressus exceperat.* Apostoli praedicant in diversis locis, sermone uniformi, numero solum duodecim, disperguntur in omnes partes universi, adeoque optatissimum ludum hostibus ludunt.

PUNCTVM TERTIVM.

*Multa impedimenta ex parte sacerdotum, imperatorum, Doctorum, Magistratum, prudentium.*

VIII. Concipere igitur rem tam difficilem absque talentis, vel instrumentis necessariis ad intentum finem consequendum, qualitatibus contrariis, & omnino disproportionatis munitis, absque ulla ullius assistentia, profecto chimeram fabricare est, & Aethyropem lavare, esto nihil invenirent resistantiae. Quid igitur erit, si oppositiones extremas, & invincibiles experiantur?

Si pietas, si potentia, si scientia, si ratio, vel ulla aliorum experientia in hominibus vigeat, haec omnia

unanimes consensu, uno impetu opponunt sese tantae temeritatis conatibus; & primum quidem sacrificuli, ubi vident Christianismum professioni suae tam notabiliter derogare, *concitabunt Act. 13; in dubie, mulieres religiosas, & honestas, & v. 50. excitabunt persecutionem in Apostolos:* dicendo eos esse homines Apostatas, diabolico incitatos genio, ut ruinam servitij divini procurent, & quidquid mali ipsis venerit; virorum istorum impietati imputabunt, *si Tiberis ascendit si nil? no ascendit in arva, si calu sterit, si terra movit, si fames, si lues accidit, statim Christiani ad Leones conclamabuntur;* Imperatores Romani, Nero, Domitianus, Diocletianus, timentes coronas suas periclitari, praeparabunt rotas, acuent gladios, calum, & terram armabunt, mille suppliciorum genera excogitabunt, & quidquid crudelitas suggeret machinamenti, adhibebunt huiusmodi Imperij Rebellibus, noviq; Monarchae Praedicatoribus.

Philosophi, & Oratores huius saeculi Porphyrius, Celsus, Simmachus, Iulianus Apostata, & alij advertentes Religionem hanc novam manifeeste contradicere maximis in eorum scholis receptis, parabunt calamos, component libros ad disputationes, & declamationes sese acciagent, seminabunt pasquillos, Comœdiis, & huiusmodi publicis actionibus, huic sectae pro virili se opponent.

Magistratus, & Gubernatores Civitatum, & Provinciarum apprehendent hanc novitatem, fomitem fore seditionum, quibus, ut occurrant, edicta publicabunt, ut ea in ipsis quasi in cunabu-



nabulis supprimantur, contentum autem eorum erit, ut quicumque Religionem hanc fuerit amplexus, cuiuscunque qualitatis, aut conditionis sit, eo ipso excludatur, & privetur omni dignitate, & officio publico, & ad huiusmodi neptus imposterum censeatur, quod nulli horum permittatur emere, aut vendere, vel aliquo modo negotiari, in nullo iudicio audiantur, ut ibi aliquid petant, vel exigant iuridicè, ab ullo, ut omnibus permissum sit, & liberum, omnes, & singulos eorum accusare, & iudici præsentare, id poterit servus domino, uxor marito, proles parenti, ita ut in quocunque loco eos invenerint, licitè non solum, sed & impunè eos quocunque modo occidere possint. Ecce quanti cruciatus ex hac consideratione nascentur in corde hominis naturaliter inclinati ad ambitionem? Ecce libertatem, quæ nunquam ulli data est exercenda in patriciam. Cuiusque in animum venerit hanc doctrinam suscipiendi, quot repugnantia, quot aversiones, quas contradictiones opponent ratio naturalis, sensus communis, amor proprius? Dum proponitur fides in salvatorem, hominem vilem, & abiectum in ligno suspensum, quod aliquis homo prudens debeat credere ipsius discipulis scopos omnis disgratiæ, reiectus Indæorum, scoparios mundi, & quidem ita credere, ut post tres dies à confessione istius fidei quis miserè moriatur, miseras, uxorem, & proles deferens, parentes desolatos, amicos, & consanguineos omni honore privatos, sibi ipsa autem perpetuè

infamiae, fatuitatis, & impietatis notam indelebilem post mortem relinquat.

Si Apostoli, quorum hæc est intentio, vel minimum Iudicii habeant, facillimè omnes istas difficultates, opposiciones, & adeo innumera huiusmodi apprehendent, supposito enim quod Salvator noster non resurrexit, & prædicatio Evangelica sit aliquod ab ipsis excogitatum figmentum post eius mortem, quare saltem inter se non dicunt, ecce homo iste promiserat nobis tam sanctè se resurrecturum, fefellit nos, quare igitur hunc commendabimus? Quid prædicamus eum cum tanto periculo vitæ nostræ, seipsum non potuit iuvare, nos autem quomodo proteget? Seipsum adhuc vivens non potuit conservare, nos igitur quomodo iam mortuus, ex tot periculis poterit eripere? Ipse toto tempore vitæ suæ non convertit vel unicam nationem, quomodo ergo poterimus nos post eius mortem sola nominis ipsius prædicatione, totum universum lucrari? Præterea non adeo peregrinæ, vel raræ apud ipsos debent esse historiæ, cum velint esse Doctores totius mundi, quinsciant, quomodo excepti fuerint à Concivibus, & Contrariis suis Socrates, & Plato celeberrimi istius temporis viri, qui aliquam novitatem in Religione introducere attentabant, quomodo ergo non timent idem, & peius sibi eveniturum, qui cum sint extranei, conantur totaliter extirpare cultum Deorum, & pro eo uni Dei, & quidem Crucifixi cultum suggerere. Norunt quam



quam prona sit natura Iudæorum ad  
murmurationem, ad rebellionem,  
qualiter sapius exceperint suos Prophe-

*Num 16. 41.* tas, quomodo insurrexint contra Moy-  
sen, volentes eum lapidare, visis etiam  
tot miraculis, ab ipso patratiss in ipso-  
rummet gratiam, ducendo eos pede  
sicco per mare rubrum, impetrando ip-  
sis manna de cælo, & aquam e petra,

*Ierem. 18.* qualiter conspiraverint contra Ieremi-  
am, miserint in cisternam, nec ignora-  
re possunt persecutiones, quas passus  
est Elias, cum præsentissimo vitæ suæ  
periculo, & multò minus eos latere  
potest, quod nuper propriis oculis, vel  
saltem auribus perceperunt Ioannem  
Baptistam, vitum nobilem, in utero  
matris sanctificatum, testante Angelo  
Dei, habitum passim ut prophetam,  
eò ipso, quo regulum peccati alicuius  
coram toto mundo abominabilis, ar-  
guere cœpit, non solum nihil lucratum  
esse sed & ipsum capite vitam amisisse,  
ipsi quomodo ergo, qui homines idio-  
tæ, & incogniti sunt, unde audent spera-  
re se persuasuros Regibus, ut deserant  
fornicationes, Deos, quos hætenus a-  
dorarunt, pedibus conculcent? *Incende,*  
*quod adorasti, adora quod incendiisti.* Vel  
Apostoli erant præditi intellectu, vel  
non? Si sic, quare non præviderunt,  
& apprehenderunt istas difficultates?  
sin minus, quomodo illas superarunt?  
Vel habebant iudicium, & sensum  
communem, vel non? Si sic, quomodo  
attentarunt negotium, quod iuxta  
omnem humanam apparentiam nun-  
quam poterat in effectum redigi? Sin  
minus, quomodo tantum negotium  
sine executi?

## PUNCTVM QVARTVM

*Quam mirum quod id fecerint. Primò brevi  
tempore. Secundo mirabiliter. Tertio  
efficaciter. Quarto gloriose. Morale in eos,  
qui idololatriam suscitant. Primò in ani-  
mo indigna de Deo cogitantes. Secundo in  
corpore per ornatum muliebrem. In corde  
per inordinatum amorem creatura.*

IX. Quod autem sint illud exe-  
cuti, & quidem felicissimè, non solum  
videmus, sed & palpamus; idque  
brevisimo tempore, & gloriosissimè  
solâ divinâ assistentiâ muniti; nec po-  
test dici, Ecclesiam primitus propaga-  
tam esse armis, & autoritate Constan-  
tini, qui eam singularibus facinoribus  
prosecutus est, quia iam dudum, ante-  
quam coronaretur, diversi populi fi-  
dem amplexi erant, & cultus Deorum  
execrabantur, ipse enim primum venit  
ad imperium in principio quarti sæculi,  
nimirum anno 306 & Trophymus  
Rex Burgundiæ conversus est sæculo  
primo. Lucius Rex Angliæ secundo.  
Donaldus Rex Scotiæ seculo tertio.  
& Tertulianus, qui ducentis ad minus  
annis floruit ante Constantinum, asse-  
rit suo tempore in Gallia adoratum fu-  
isse filium Dei, nec solum ibi, sed & in  
Hispania, Anglia, Germania, in Ar-  
menia, Persia, Phrygia, & Lybia, in  
Mauritania, aliisque Prouinciis, ad quas  
Romanorum exercitus nondum per-

*Tertul. l.  
ad m. Iud:  
c. 7.*



Tertul.  
Apolo. c. 7.

Lib. 10.  
Epist. 97. ad  
Traianum.

Chrysost.  
hom. 16. in  
2. Cor.

Chrysost.  
hom. 7. in  
1. Cor.

venerant. Idem in apologia Gentilibus ait: *Externi sumus, & vestra omnia implevimus. Vrbes, Insulas, Castella, Municipia, Castra ipsa tribus, Decureas, Palatium, Senatum, Forum, sola vobis relinquitur templa.* Plinius secundus, qui eodem sæculo vixit, idem ferè in re insinuat Imperatori Traiano, his verbis: *Res mihi visa est digna consultatio, multi enim omnis ætatis, omnis ordinis, utriusque sexus in periculum vocantur, neque enim Civitates tantum, sed Vicos etiam, atque agros superstitionis istius contagio pervagata est.* Id ipsum etiam manifestum erat primo sæculo, nam Iudææ Gubernator, teste S. Chryl. Istone, quamprimum intellexit miracula, quæ filius Dei patrarat, Senatui Romano scripsit, hunc meritò Deorum numero adscribendum: *Quod ideo recusavit Senatus, quia ipso inscio, autoritate propriâ, Crucifixus iste se curabat adorari, quod indubiè singulari providentiâ divinâ contigit, ne propagatio fidei Imperatorum Romanorum autoritate facta videretur.* Ex quo manifestè liquet, & apparet, quod fides nostra propagata, & dilatata non sit armis, potentiâ, viribus, plurium exercituum in campum educatione, urbium everfione, regionum subigatione, coactione, multatione, & eorum qui illam amplecti volebant, in exilium eiectione, sed solum prædicatione facta per pauperes, rudes, idiotas, indoctos, ut ita miraculum magis appateret, & liqueret, quantum prodigium sit, quod ille parvus numerus, ita numerum superavit maio-

rem; quia ut ordinariè res contingunt, maior numerus à minori superari nequit, nisi armis, & ne hoc dictum frustra videatur.

Nonne ordinaria, inquit, rerum humanarum natura est, numerum maiorem excedere minorem, fortiores supplantare debiles, armatos superare nudos, doctos, & facundos confundere ignorantes, idiotas, & stupidos, leges veteres, & domesticas prædominari novis, & extraneis, eos, qui inclinationibus nostris abblandiuntur, plus nobis persuaderet, & facilius in suam mentem taderet, quam qui ijs contrariantur, vel contradicunt? hic autem omnia contrario modo procedunt. Imaginetur sibi quispiam duodecim milites se videre, qui nec galeâ, nec Thorace, nec gladio, seu bombardâ, aut ullo alio huiusmodi instrumento bellico muniti, vel ornati sunt, adeoque potius nomine, quam omine milites sint. Opponantur ijsdem centum millia virorum, quibus ad armaturam à planta pedis, usque ad verticem capitis nihil omnino deest, quorum nullus non sit cordatissimus, & ineundi certaminis, summè avidus. Si duodecim præfati inermes, tantum numerum armatorum auderent aggredi, nunquid meritò argui deberent infanz audaciæ, & temeritatis? nonne potius æstimandi essent phrænetici, quam generosi, nisi securi essent de assistentiâ divina infallibili? Quod sitam exiguus numerus multitudinem tam excessivam debellaret, quis non obstu-



obstupesceret ad tam inauditæ rei narrationem? Quid posset excogitari magis prodigiosum? Quid mirabilius? Nihilominus hoc faciunt Apostoli, non sunt, nisi numero duodecim, vel tredecim, nec aurum, nec argentum habentes, scientiâ, auctoritatē, assistentiâ humanâ prorsus destituti. Econtrâ verò adversarios habent non centum mille, sed plusquam centies centena millia, potentiâ, scientiâ, eloquentiâ, divitiis, auctoritatē, & generositate optimè munitos: Interim duodecim nostri Idiotæ tantam multitudinem hominum subiugare conantur, ijsque persuadere, ut mutent Religionem, opinionem, doctrinam, omnemque agendi modum. Multitudo autem succenditur irâ, & furore, arctius colligatur, & adunatur adinvicem, pro maiori defensione Deorum suorum, Regum, Legum, doctrinæ, Privilegiorum, & consuetudinum, quibus erant quasi inveterati, & inescati; & quod omnem admirationis modum auget, & superat, si miseri imbelles, hæc paupercula duodena tot millium millia, quantumvis imbellis superat, & convincit. Et quamvis comparatio unius numeri ad alterum tam inæqualis sit, si mansissent coniuncti, potuissent adhuc fortè aliquid attentare, sibi que mutuo subvenire, & hosti aliquantulum nocere, sed separantur, disperguntur in varias partes, exponunt se sicut oves in medio luporum, nec uniti potuissent superare, nisi corpus adversarij: Nunc autem superant spiritum, & cor, sibi subiugando, nec obstat, quod

difficilius vincatur spiritus, quam corpus, quia resolutiones cordis non tam facile penetrantur, vel ciunto ac arma ferrea. Videmus enim quotidianâ experientiâ, virum quempiam minimâ febriculâ deici, Corpusque ipsius lectulo affigi, sed omnes afflictiones huius mundi spiritum ipsius movere nequeunt, ut pravas inclinationes, & alia huiusmodi deserat. Non est ullus miles, qui non poterit facillimè tam thoracem, quam galeam suam penetrare, nec tamen ullus est, siue parens, siue amicus, vel consanguineus, nec Prædicator, nec Confessor, nec minax, nec promissa, quæ penetrare possint cor eius obstinatum, & voluntatem induratum vitiis, emolliere. Quis igitur satis mirabitur hos cæpauperculos captivasse tot superba ingenia, domuisse tot voluntates rebelles, non pugnandò, sed patiendò, non occidendò, sed moriendò, non dandò honores, non distribuendò divitias, sed promittendo contumelias, supplicia, miseras?

Cyrus Persarum Rex, conscribens militem Sparti, his utebatur promissis, quicumque me sequetur, si pedes sit faciam Equitem, si Eques sit, addam ipsi currus, si villas habeat, dabo ipsi pagos, si pagos habeat, dabo ei civitates, si civitates, dabo ei provincias, quantum ad aurum autem, illud ei non numerabitur, sed ponderabitur, quis non alliceretur huiusmodi promissis? Quis non sequeretur tantæ liberalitatis Regem? Nec mirum est, quod eum plurimi sint secuti.

Fili-



Filius autem Dei planè opposito procedit modo, qui vult venire post me, inquit, deferat, quidquid possidet, abneget semetipsum, tollat Crucem suam, nisi velit à discipulorum meorum numero excludi. Beati eritis, cum maledixerint vobis homines, omnem persecutionem patiemini, imò & ipsam vitam pro me cum morte commutabitis. Ve verum fatear, multum dispersi sunt hi duo sectatores conscribendi modi, & tanta differentia inter conscribentes, ut Cyrus tantus, ut manifestum est, Imperator, tam raris promissionibus suis Lacedæmonios nunquam potuerit allicere ad suum servitium. Pauperculus autem Salvator noster minitabundis, & rigorosis suis propositionibus, & quidem post mortem tam ignominiosam omnes nationes ad se trahit, non tantum milites, quales quærebat Cyrus, sed imperatores, non civitates, sed imperia, non ut cum aliis hominibus bellum gerat, sed ut extirpet, & debellet idola, quæ ipsi adorant, Cyrus conscribendo moritur, filius Dei moriendo conscribit, mors Cyri dissipat eius regnum, morte Iesu stabilitur ipsius regnum in omnibus Imperijs. Quis igitur non videat in illius potentia infirmitatem humanam, in infirmitate huius, potentiam divinam?

Reperamus quasi per compendium sparsim supra dicta, ut præferamus Doctorem iustitiæ, non ducibus militiæ, sed alijs Doctoribus, Socrates cum omni doctrina, & æstimatione sua vix tot discipulos ad se trahit, quot procos habet vel unica concubina, esto

unicam solum moralem, & naturalem virtutem doceret, filius Dei præcipit virtutes difficillimas, easque supernaturales, trahit post se, & Socratem, & concubinas cum multis millibus procorum. Plato politicam, & reformationem Reipublicæ, quam erat meditatus, ne unico quidem pago persuadere potuit, filius Dei suâ intro, duxit in omnes universi angulos. Imperatorum iussu, omnes Iuris consulti noctu dique sudarunt in compositione digestorum veterum, & novorum, Codicis, Institutionum, Authenticarum, & Novellarum constitutionum, nec tamen his omnibus, vel in unicam Provinciam pacem, & Iustitiam introduxerunt, quod erat principale ipsorum intentum, Salvator noster suo ævo in omnibus mundi regnis, utramque introduxit, conscripto vili Evangelii libello. *Orietur in diebus eius iustitia, & abundantia pacis.*

Noë Vir prudens, & iustus, in re, & æstimatione hominum iam à quingentis annis, adhortationibus, & prædicationibus per centum annos contrinxis, ne unicum quidem cor humanum movit, ut ingrederetur arcam ad salvandam vitam propriam, Salvator noster vix trigenario maior invitavit homines ad ingrediendum naviculam Crucis cum certo vitæ periculo, attrahit tamen ad se infinitatem discipulorum. Iacob spatio viginti annorum ne unicum Laban convertere potuit, Filius Dei integros populos convertit, & plurima millia hominum uno die prædicante



S. Petro. Joseph non lucratur Domi-  
nū suū unicū Pharaonem Regem, a-  
pud quem tamen in maxima est existi-  
matione, & honore, Piscatores tamen  
nostri Reges omnes lucrantur, etiam il-  
los, à quibus gravissimas persecutiones  
patiuntur. Moyses obtineri non potu-  
it licentiam triduanam, ut exiret sacri-  
ficare in deserto, quia timebant Aegyp-  
tii tribus istis diebus frustrari lucro, quo  
fruebantur præsentiis Israelitis, Apo-  
stoli ipsi smet Aegyptiis, & domos, &  
possessiones deserere persuadent, &  
exire in desertum, ut ibi vni, & vero  
Deo sacrificent. Tandem Deus om-  
nipotens tot miraculis in Aegypto pa-  
tratis in favorem populi sui, tot gratiis,  
& beneficiis ei præsitis in deserto, &  
terra promissionis, tot victoriis ejus  
virtute adeptis, tot Prophetis, ad eum  
missis, tot minis ei propositis non po-  
tuit impedire, quin intra centum an-  
nos in idolatriam sæpius relaberentur:  
Nostri autem duodecim miseri idiotæ,  
tam efficaciter à tam dedestabili pecca-  
to omnes homines retraxerunt in Ori-  
ente, Occidente, septentrione, & Me-  
ridie, in Asia, Africa, & Europa, ut nun-  
quam in illud relapsi sint spatio mille  
sexcentorum annorum.

XI. Tēpore, quo publicabatur Evan-  
gelium, ut tanti momenti negotiū si-  
nè efficacia ulla esset, misit & Sathan A-  
postolos suos per mundum, Philoso-  
phos subtilissimos, & quantum ad ho-  
minem exteriorē non exiguā virtute  
præditos, sub specie reformandi homi-  
nes, eosque reducendi, ad veram virtu-  
tum seminam, ut Apollonium, Thian-  
neum, Euphraten, demetrium, Muse-  
nium, & alios hujusmodi farinæ, unde

Juvenalis *Ingenium velox, audacia præ-  
dita, sermo promptus, & Isao torrentior.*  
Sed quid lucrati sunt in populis, cum in  
nullo, vel minimo orbis Angello reli-  
querint aliquod vestigium præsentis re-  
formationis? At Apostoli Filii Dei,  
quorū ingenium naturā tardum, mo-  
dus agendi exterior rusticus, & minim⁹  
gratiæ, sermo planè rudis, reforma-  
runt, & cicurarunt.

Nationes maximè barbaras,  
idque tam gloriosè, ut pro victoriæ  
hujus nota indelebili Roma mundi ca-  
put, facta sit caput Imperii Salvatoris no-  
stri. Imò Roma hæc, cui omnes totius  
orbis terrarum Monarchiæ incorpo-  
rata erant. Roma, quæ omnium dæmo-  
niorum erat receptaculum, & ultimum  
quasi effugium, ac singulare præsid-  
ium. Roma, à qua promanabant tan-  
quam fulgura, tot sanguivoma edicta  
contra discipulos Filii Dei, in qua acue-  
bantur fata persecutionum pro largio-  
ri melle facienda capitum Christiano-  
rum, in qua continebatur Pantheon,  
compendium omnium fallarum divi-  
nitatum: facta est tandem sedes Pon-  
tificis Christianorum, jam magis extē-  
sa, & exaltata in potentia sua, per divinā  
hanc legionem, idque incomparabi-  
lius, quam antea omnibus militum suo-  
rum exercitibus, quandoquidem pax,  
crux, & passiones Iesu longè maius Im-  
perium ei acquisiverint pacorum an-  
norum spatio, quam aquilæ hæroica  
facta, & arma Romanorum spatio sep-  
tingentorum annorum, & duodecim  
miseri Piscatores plus conquiesierint,  
quam Cæsares, Scipiones, Pompei, & a-  
lii hujusmodi authoritatis viri, adeo-  
que *larius præsidet Religione divinā, quā*

*Juvenal.  
Satyr 3.*

*S. Leo. S.  
Prosper*



*Dominatione terrena.* Et, *Roma caput mundi quidquid non possidet armis, religione tenet.* Idque non agnoscunt moderni A catholici non advertentes, quod eò ipso, quò negant primatum Cathedralæ S. Petri, gloriam triumphi Salvatoris nostri obscurant, trophæa ipsius invertant, & præcipuum diadema coronæ illius tollant. Supponamus civitatem quampiam legitimo Domino suo rebellem esse, ad quam Dominus ipse in propria persona ad obedientiam redigendam armata manu accedat, obsideat, invadat, & tandem vi, & impetu armorum sibi subiaget, succedat autem aliquis ex ejus familiaribus, & persuadeat, ut pro majori splendore victoriæ, ejusque æterna memoria domus civica, in qua solebant haberi congregationes, & conventus, ad dādos, acceptādos conceptus, rebellionum contra Regem, dominum suum legitimum, solo adæquetur, nec relinquatur ejus lapis supra lapidem, & ejus loco erigatur columna in forma pyramidis, quæ sit tanquam trophæum Victoriæ Regiæ, & in confusionem perpetuam rebellionis. Omnis homo rebellis erat Deo, eoque repudiato subdiderat se falsis diis, ingreditur Salvator mundum, ut eum sibi subjuget, quod feliciter expedivit operâ Apostolorum suorum, Roma erat tanquam domus Civica totius universi, in qua conveniebant Imperatores, Cōsules, Senatores, ut conspirarent spirarent contra Christianismum, Salvator noster in memoriam, & trophæum Victoriæ suæ destruxit Romam Gentilem, & loco ejus erexit Cathedralam S. Petri, quæ est columna, & firmamentum

veritatis. Reges hujus mundi erigunt columnas æneas, vel ferreas, quia Victores evadunt mediis instrumentis ferreis, vel æneis, Salvator noster Romæ erexit columnam veritatis, quia victrice veritate mendacium subjugavit.

Interrogo nunc quemcumque hominem prudentem, & arguo cum D. Augustino. Vel Apostoli receperunt à Deo talentum aliquod, & assistentiam particularem in ordine ad efficiendum tanti momenti negotium, vel non? Si non, quomodo absque ullo talento elaborarunt, quod nec Socrates, Plato, Seneca, Noe, Iacob, Ioseph, vel Moyses cum tot gratiis, & donis tum naturalibus, tum supernaturalibus efficere unquam potuerunt? Si receperint aliquam assistentiam divinam, Doctrina ergo, eorum celestis est, & Divina. Vel Deus communicavit illis donum linguarum, vel non? Si communicavit, locutus est ore, & sermone ipsorum, adeoque illis credendum est; sin minus, quomodo duodecim rustici ejusdem nationis exprimere potuerunt conceptus suos sexaginta duabus nationibus diversarum linguarum? Vel patrarunt miracula, vel non? Si sic, prædicant igitur veritatem, quia omnimodo impossibile est Deum vel minimo miraculo confirmare falsitatem si non patrarunt, omnium prodigiorum prodigium est absque miraculo effecisse, quod nec Moyses, nec ullus prophetarum tam multis, & variis efficere potuerant? Quis igitur non agnoscat Iesum Autorem esse naturæ, qui tot, & tanta fecit, quæ naturæ vires excedunt?

Quan-



XII. Quandoquidē ergo Dei Filius mediā Apostolorum operā hoc modo Idololatriam extirpaverit e cordibus hominum, ejusque loco inserverit primum hoc mandatum: *Vnum Deum adorabū*, cordi nobis debet esse salutis ista monitio, quam in sacra scriptura nobis dat. *Israel. si audieris me, non erit in te Deus recens. Movel me, ait Aug: in Psal. 80. quod dixit in te, non enim dixit, à te, quasi simulacrum forinsecus adhibitum: Sed in te, in corde tuo, in imaginē phantasmatis tui, in deceptione erroris tui Deum portabis, Deum tuum recentem remanens vetustus.* Adeoque gratia agit Sanctissimus Doctor, quia sublata sunt idola e templis nostris, utinam & sublata essent de Christianismo; erigitis enim illa de novo in Spiritu vestro, vel in carne, vel in corde, si defectu instructionis, vel negligendo sermones, doctrinas, aut exhortationes, credatis Deum Patrem esse hominem, naturam divinam esse corpoream, manibus, pedibus, aliisque membris corporalibus instructam. Profecto Idololatraz estis, quia quod concipitis, quod adoratis non Deus, sed Idolum est, adeoque Idololatraz pœnas non evaderis. Divus Augustinus si præsens foret, negaret facile idola omnia e templis nostris esse sublata, quia plurima adhuc subsistunt, & in Angulis, & in medio Ecclesiarum idola carnis, & vanitatis; *Filia composita circumornata ut similitudo templi.* Quæ os habent, & non loquentur &c. Faxit Deus, ut nec sermones habeant, quibus tempus, tam pretiosum ibi fabulando transigant, nec oculos habeant ad circumspiciendū, nec obtut<sup>9</sup> habeant, quos conjiciunt in illas; Sed, prò dolor, à

proposito exornant se, omnesque gestus suos ita disponunt expressè, ut adorentur, quod testabitur ipsarum conscientia. Nunquid omnes fateri debetis, quod si totus mundus cæcus esset, vel in tenebris constitutus, vix velletis vos ornari, immò cum summa negligentia necessarias etiam vestes adhiberetis? Nunquid verè desideratis videri, considerari, laudari, & videntes in stuporem quasi rapere? id est, optatis ut fideles vos honorent, non cogitent nisi de vobis, & vestro decore, ac ornatu, in eo loco, ad quem non deberent accedere, nisi purè, & unicè, ut adorent Salvatorem, de ipso cogitent, circa ipsum occupentur. Nonne hoc est esse idolum? Nonne hoc est, Dagon statuere prope arcam? Ingeniosa, sed malitiosa, immò & diabolica fuit inventio Imperatoris Diocletiani, quæ usus est, ut subditos suos obligaret ad Idolorum cultum, in omnibus enim locis publicis, foris, & plateis civitatis erexerat aliqua, eâ conditione, ut nulli permitteretur aliquid emere, vel vendere in publico, vel clanculo, quin prius adorassent, & exhibuissent Idolo cultum debitum, & exactum. Tentatio prægrandis erat, nihilominus Christi ani subducere se poterant vendendo, & emendo secretò in domibus suis particularibus: Sed evadere non possunt, quin occurrant ipsis Idola, de quibus nunc mihi sermo; obligantur enim adire Ecclesias, audire missā, assistere officio divino, & sic ubiq; inveniunt mulierculas, mūdane exornatas, quæ à proposito in omni loco conātur reperiri, sive apud altare, sive in scamnis elevatis, in Canonicorum choris, Religiosorum



claustris, tandem in omni loco, & angulo Idolum istud adorandum, & colendum se proponit.

Philipp. 3.  
Coloss. 3.

XIII. Si Creaturam quampiam amore inordinato contra praecepta Dei prosequaris, erigis Idolum in corde tuo; si per intemperantiam addictus se ebriati, non dico ego, sed S. Paulus, quod *Deus tibi venter sit*; si avaritiae deditus, aurum, & argentum Dii tui sunt, quia ejusdem testimonio, *avaritia est Idolorum servitus*. Si luxuriosus es, carnum colis Idolum, Idolum tua proles est, luctum proprium, ambitio, & affectus, vel appetitus acquirendi dignitates, & divitias per fas & nefas, *quidquid in dilectionis lance praeponderat, Deus est*, ait St. Augustinus: Id ipsum confirmant Tertullianus, & Origines, dum ajunt: Idololatra statuae argenteae, vel lapideae offert granum incensi, tu autem offers massae carnea, mulieri impudicae, quod longè majus, & pretiosius est, teneritudines, & affectus cordis tui, illae immolat Idolo bovem, vel ovem, tu autem sacrificas huic creaturae animam tuam, ejusque salutem, quae redempta est pretioso Filii Dei sanguine, ille genua flectit in honorem phantasmatis lignei, tu autem despectis ab eo, quod debes, ut condescendas objecto amato. Tu natura integer, justus, aequus, amicus reuerentis, sed ut complaceas magnati, quem adoras, ut ab blandiaris mulieri, quam diligis, poenitenti; quae tibi adheret, permittis te flecti, condemnando innocuum, impunitum dimittendo culpabilem, absolutionem impertiendo repugnante conscientia: praestaret flectere genua, quae naturam suam flexibilia sunt, quam conscientiam, & aequita-

tem justitiae, quae inflexibilia esse debent. *Amor enim omnes in se iraducit, & convertit affectus*. Quicumque Deum diligit, in illum refert, quidquid agit, quidquid loquitur, quidquid habet, quidquid est. Considera omnes cogitatus tuos, sermones, actiones, conatus quotidianos, & adverte omnia referri in Idolum, quod colis: vel enim referuntur in hoc lucrum, in hunc puerulum, in istam mulierculam, in hanc, vel aliam vanitatem, seu ambitionem, eadem cogitatione expergisceris, eadem indormiscis, nec aliam interdiu occuparis, ab illa exordium, & finem sumunt omnes tui discursus, nihil tibi in mundo tam charum est, quod non sacrifices promptissime, nulla est passio, seu inclinatio in te, quantumvis vehemens, quam non sis paratus suppressere, & mortificare in obsequium Idoli tui, flocci facis praecepta Dei, pessundas respectum parentibus debitum, surdescis ad eorum monita, & hortationes, rixaris cum amicis, & vicinis tuis, negligis, quae munus tui sunt, & ea, quae salutem tuam concernunt, nihili facis, lumini, & inspirationibus Spiritus Sanctus contumaciter resistis, ut obtemperes avaritiae tuae, ambitioni, sensui carnali, nullae sunt expensae tantae, nulli labores, nullae humiliationes, quas non subeas promptissime, ut obsequaris Idolo tuo, si Confessarius, si parentes, si amici ab eo te retrahere velint, quantumvis rationabiliter passionem tuam inordinatam extinguere, & a praesentissimo interitus periculo te eripere contradicis, *pro aris, & focis*, & ibi finem habet omnis amicitia, charitas & respectus, *amicus usque ad aras. Israel, si audieris me, non erit in te Deus*

Bern.

Deus



*Bern.*  
*Deus recens. Vnum cole Deum. Qui*  
verus, & unicus est, illi te dona, te cō-  
secra sine exceptione, hunc ama, hunc  
lauda, obsequere, time, servias ipsi ex  
corde, qui solus thesaurus, requies, vi-  
ta, gloria, honor, & felicitas est animæ,

& corporis, in tempore, & æternita-  
te, in terra, & in cælo, ubi te perfecte  
satiabit, & gaudio replebit frui-  
tio ne gloriæ suæ æternæ,

Amen.

## SERMO QVADRAGE- SIMVS SECVNDVS

Pro Dominica decima quarta post pentecosten.

Obligamus Deo nostro ad confirmationem fidei ejus,  
& destructionem idololatriæ.

*Nemo potest duobus Dominis servire Matt. 6:*

### E X O R D I U M.

**M**Ita videntur verba hujus the-  
matis: *Nemo potest duobus Domi-  
nis servire.* An non videmus  
quotidie, quod idem famulus, eadem  
ancilla inserviat duobus Dominis, puta  
marito, & uxori, duobus fratribus, Patri  
& filio? Nonne etiam quis servit duo-  
bus consulibus? Ita est Auditores, fate-  
or posse unum duobus famulari, & an-  
cillari, quando non sunt contrarii, quan-  
do opposita, & incompatibilia non  
præcipiunt, si hoc enim fiat, impossibile  
est, quod aliquis duobus Dominis ser-  
viat, sic autem est in proposito; Deus  
vult esse solus, nec ullam vult Deorum  
societatem, quia & soli competit ex na-

tura esse unicum, ita ut nullos patiatur,  
qui ejus Divinitatem suffurentur. Dein  
ipse mandat ea, quæ sunt contraria cum  
iis, quæ aliarum sectarum Dii præcipi-  
unt: Deus enim noster mandat, & præci-  
pit virtutes, Dii autem aliarum sectarum  
vitia, ut hodie cum Auctore nostro in  
hac concione ostendam.

*Ego sum Dominus Deus tuus, non habe-  
bis Deos alienos coram me Exod. 20.*

I. Da Domine quod jubes, & jube  
quod vis. Si unquam Filius Dei exau-  
dierit preces rogantium se, in eo profe-  
ctò id fecerit, ubi rogatur gratia pro e-  
xecutione primi præcepti, ibi enim pro-  
hibetur nobis idololatria, & obligamur



ad cultum unius Dei; quod per Moysen præcepit. per Apostolos suos adimplevit. Hæternâ consideravimus cum stupore miram, & inauditam ejus expeditionem, hodiè penitus inspiciendum restat, obligatio, quâ ei devincti restamus ex eo, quod hoc beneficio liberaverit nos à tam durâ, tam perniciosâ captivitate, cui similis nec fuit, nec erit unquam. Servitus tunc extremè deplorabilis est, quando circumstantias habet quatuor, primò si sit vilis, & abjecta indigna qualitate, & improporcionatâ cum conditione captivi, utpote, si Rex quispiam in servitutem redigeretur, non regis alicujus, sed culinarii, vel stabularii. Secundo, quando secum trahit aliquam infamiam, nimirum si captivus appliceretur vilibus, & inhonestis occupationibus, ut sunt expurgare stabula, latrinas, & hujusmodi. Tertiò si sit inhumana, quando nimirum cum tigorè, & crudelitate tractantur, ut sit damnatis ad triremes, quartò, quando est inevitabilis, nec ulla affulget modus evadendi, vel libertatem recuperandi. Servitus, quæ tenebat totum genus humanum in captivitate per peccatum idololatriæ, his sequentibus, circumstantiis aggravata erat, idque in summo, ut probabitur quatuor punctis sequentibus discursus. Et consequenter quod Salvator noster ab eâ nos tam feliciter, quam mirabiliter eripuit. Non minime tibi devincti sumus obligatione, sed verè maximâ, o piissimâ Virgo Maria, dicunt enim Apostolus, & verè, quod quicumque evidenter demonstrat aliquam veritatem, sufficienter omnes erro-

res, & inventiones ei oppositas falsitatis convincit, hinc quando Sol in Hemisphærio nostro radios suos ostendit, eò ipso noctis omnes tenebræ evanescunt, ut iis locum cedant, unde meritò tibi acceptam referimus extirpationem omnis idololatriæ, eò enim ipso, quod oriri fecisti nobis solem justitiæ, unicum, & verum Deum, cultum falsorum Deorum extrinxisi, tenebras paganismi, & infidelitatis mirabiliter dissipasti, adedque sis benedicta Ave Maria.

## DE A SERMONIS EXORDIUM.

*Unitas essentia Divina probatur primo ex parte Dei, qui est simplex supremus Dominus, infinitus, secundo ex parte mundi, tertio ex parte nostri.*

II. Prima, & principalis perfectio, quam fides catholica agnoscit, & adorat in maiestate Divina, est unitas essentia, *Credo in unum Deum*, audi Israel, *Deus tuus unus est*. Profectò præ gaudio exultabit cor nostrum, si consideremus rationes, quibus D. Thomas eam probat, idque eò magis, si perspicimus, quantum Dei intersit, quantum mundi, quantum nobis inde emolumentum proveniat. Ecce rationes sublimes, & claras Doctoris Angelici: simplicitas Divina, ejus supremitas, & infinitas ei nullū nunquā patiuntur sibi supremitas & infinitas nunquam patiuntur sibi parem, eique

Tri-



tribuunt necessariò & essentialiter prærogativam unitatis, simplicitas quidem, quia quodcumque sub uno, & eodem genere continentur plura individua, manifestè infertur, & irrefragabiliter ibi distinctionem esse, & compositionem essentia, & existentia, naturæ specificæ, & differentia individualis, atqui essentia Divina est simplicissima, purissima, maximè incomposita, minimè indivisibilis, quia si ibi esset aliqua compositio ex substantia, & accidente, vel genere, & differentia, seu essentia, & existentia, vel alia hujusmodi, sequeretur ibidem esse actum, & potentiam, non esse primum esse, nec primam causam, quia necessariò requireretur causa superior, quæ potentiam istam in actum deduceret, non esset supremus omnium existentium, imperium eius non esset absolutum, nec Dominium universale, quia æmulus, vel competitor aliquis posset eius ius cum ipso disputare, & in dubiū vocare, & si non posset superioritatem, & præ eminentiam prætendere, posset tamen æqualitatem, & independantiam. *Nec regna sociis ferre, nec tade quæcumque, omniūque potestas.*

*Impatiens consortii erunt.* Nisi Deus solus, & unicus esset, non foret perfectus, nec esset infinitus in omni genere perfectionis, deessent enim ipsi vel specificantes, vel individuantes alterum Deum, secundum quas ab hoc distingueretur. Universum hoc miserè gubernaretur, hi enim Dii diversas habentes naturas, discrepant etiam intellectu, voluntate, potentia, possent igitur diversi etiam esse conceptibus, & inclinationibus, unus vellet quod alter nollet, & e contra, unus enim haberet

affectum, & dilectionem pro hac creatura, alter e contra aversionem, & antipathiam, nec esset in hoc mundo talis ordinis pulchritudo, talis concordia, tam prudens oeconomia, tam admirabilis politia, nec tam firma, & tam bene disposita unanimitas, & coherentia elementorum, aliarumque creaturarum, quam à tot sæculis in iisdem cum stupore consideramus. *(cui esto.*

*Homero*

*Non bonares multi Domini, Rex uni.* Tandem cum Deus sit primum nostrum principium, & finis ultimus, obligamur eum colere, amare, servire, obedire ex intimo corde, quod nunquam perfectè fieret, si duo essent Dii, esse enim velut lapis duo habens centra, ut ferrum inter duos magnetes, ut famulus, qui duobus servit Dominis, Oraculum autem veritatis declaravit neminem posse duobus Dominis servire.

PUNCTVM PRIMVM.

*Idololatria est servitus primo vilis colens vilissimos dominos, secundo turpis cogens ad actus turpissimos.*

*Tertio crudelis, quarto inevitabilis.*

III. **C**onsideremus hic igitur à proposito, & admirabimur summo perè stultitias, & compatiemur miseriis, & cæcitati Idololatrarum, qui fuerunt prædecessores nostri, unus enim arripiebat lignum, & ex una ejus parte conficiebat scabellum, ex alia statuam, antequam genua flectebat eam adorans tanquam Deum suum, scui apprimè posset applicari illud Poetæ. *(gnum*

*Olim truncus eram ficulneus, inutile litem faber incertus scammum facere Maluit esse Deum.* *(tue Deūve,*  
Ecce



Ecce quanta cacitas ! Immediate fecit illam statuam propriis manibus, & ei dicit : à te factus sum. *Quis nescit, qualia demens Aegyptus portenta colverit, Crocodilum; serpentes adorabant, Oppida tota canes venerabantur, Porrum, & cepe nefans violare, aut frangere censebant, quos argutè Poeta irridet.*

*O Sanctas Gentes, quibus hac nascuntur in hortis*

*Numina.*

Maxima pars colebat Deos vitiorum patronos, Deas impudicas, monstra, & opprobria naturæ. Jovem, quem asserabant nunc assumere speciem tauri, jam aviculæ, alias quamcunque aliam formam, quam æstimabat hic, & nunc aptiorem esse, ut puellas accederet, & eò commodius carnis voluptatibus frueretur. Marrem, & Venerem, quas dicebant in adulterium lapsos, à Vulcano Veneris conjuge deprehensos, ac subtiliter illaqueatos ad aliorum deorum coronam tractos cum magna confusione, ut congregatis in unum diis risus, & lusus objectum essent. Adorabant Mercurium, quem æstimabant inter latrones maximè esse industrium, immò tantum abest, ut huiusmodi vitia horuerint, vel fugerint, quin potius, ut merito illis obiicit Sanctus Augustinus, ea repræsentarint publicè in theatris, docuerint in Scholis, decantarint in plateis, & foris. Nam Homerus in hymno, quem composuit in honorem Mercurii cecinit: *Tu habebis honorem super omnes Deos, quod in omnibus locis dicaris Monarchiarum Ecce crucem attendis. Nec te Deum tunc sese illis omnia Eune crepidis inferiora tuis; ajo te Eacida Romanos*

*vincere posse.* Adorabant Deos seductores, & impostores, quorum munus erat homines decipere oraculis, & sermonibus ambiguïs, ut contigit ambitioso Euno, cui oraculum prædixit, quod exaltandus esset super omnes contribulatos, & concives suos, quod verificatū fuit in effectū, quando patibulo affixus, omnia fuerunt crepidis ejus inferiora. Facile imaginabitur sibi quispiam solos Poetas huiusmodi Deos in libris suis celebrasse, eosque pro sua fingendi licentia, ejusmodi crimina iisdem imposuisse, ut determinatum aliquod objectum fabulosæ fictionis suæ haberent; fallitur tamen quicumque hoc sibi persuasum habet, non enim Poetæ, sed Senatus, Imperatores, & unanimiter totum reipublicæ corpus hos insignes Deos venerabatur, colebat obsequiis accuratissimis, & religiosissimis, quod testantur superba templorum ædificia, quæ ipsis ædificarunt, ut ibidem asservarentur monumenta vitiorum, ob quæ colebantur, totiusque vitæ ab illis transactæ, & sic Romæ in Capitolio cum magnæ veneratione asservabatur *Aegis* quod provenit à Græco αἰγῶν, id est, *Cerva*, quod confectum erat ex pelle cervina, in perpetuam memoriam illius cervæ, quæ Jovem lacte suo enutrivit, dum à Matre suâ absconderetur, ne periret, Patre suo Saturno eum ad mortem persequente. *Nunquid Capitolia Romanorum opera sunt Poetarum?* Ait St. Augustinus, ut templum dianæ Ephesi, Macnæ, Gazæ, Apollinis, Delphisi testantur festa, & sacrificia, quæ instituebant in eorum honorem, de quibus brevi fiet mentio. *Arma Jovis fugi-*

*Juvenal.  
satyr. 5.*

*Aug. tom.  
4. l. 1. de  
Consen. E.  
van. c. 23.*

*ens*



ens & regnis erat adeptis qui genus indo-  
cite & dispersum mentibus alia composuit  
legesque dedit latius que vocari maluit his  
quoniam latuisset totus in oris. Testatur  
universa Italia, quæ speciali cultu vene-  
ratur Saturnum Patrem deorum, &  
vocabatur *Latum*, à *latendo*, quia Deus  
iste latitavit aliquam diu in istis partibus,  
ut evaderet furorẽ Filii sui Jovis, eum  
persequentis. Non est fictio poetica,  
sed actio realis, quando alicui procura-  
tur mors, vel actualiter occiditur. Iu-  
lianus Apostata præcepit capite plecti  
duos nobilitate insignes Viros Ioannem,  
& Paulum, quia parvulum Idolum Jovis  
adorare tergiversabantur, & ut manife-  
stè appareat, quod & corpore, & mente  
Idola sua venerabantur, Amare flevit  
Michas dolenter inculans latrones, qui  
Deos ejus sustulerant, cum lacrymis  
objiciens eis, furati estis Deos, quos  
tantolabore, & industriâ mihi fabrica-  
vi, & adhuc quæritis insani, quare plo-  
rem?

IV. Omni Domino debetur honor  
juxta commune proverbium, addam e-  
go, qualis Dominus, talis honor: Sicut  
dii, quos adorabant, immundierant, &  
infames (ii enim sunt, quos scriptura  
nominat Spiritus immundos) obsequia,  
quæ iis præstabantur, cultus, & honor,  
qui iis exhibebatur, erant infames, &  
immundi. Chrysostomus, Tertullia-  
nus, Minucius, Felix, Lactantius objici-  
unt Gentilibus abominationes actio-  
num, quas patrabant in solemnitatibus,  
& sacrificiis deorum suorum, S. Augu-  
stinus refert, quod in festo Berecinthiæ,  
vel Gybele, quam æstimabant matrem  
deorum, coram ea tam absurda protule-

rint verba, actionesque tam lascivas, &  
turpes exercuerint, ut vix reperibilis es-  
set homo tam effrons, sive histrio, sive  
gyrovagus, qui non erubesceret ea exer-  
cere coram matre suâ, ipsi tamen ea pu-  
blicè, eructabant, & faciebant coram  
maxima multitudine populi utriusque  
sexus, & conditionis spectante, & audien-  
te utriusque sexus multitudine. Offen-  
derem absque dubio aures vestras, si re-  
ferrem id, quod adorabant in festo Bac-  
chi, testibus Eusebio, & Augustino, qui  
objicit ipsis, quod in festo ejusdem Dei,  
quem nominabant etiam alio nomine  
liber honestissimæ Matronæ, publicè ex-  
ercebant actiones tam impudicas, & in-  
verecundas, quod nulla sit meretrix sic  
effrons, quæ non verecundaretur hu-  
jusmodi publicè agere, quia & ipsa im-  
pudentia in tali casu meritò erubescere-  
ret.

Hiscæ actionibus intendebat divini-  
tatem sibi reddere propitiâ, ceremo-  
niæ istæ ipsis erant sacra: Vnde meri-  
tò obstupefscens Augustinus, *qualis, in-  
quit, sunt sacrilegia, si illa sint sacra?* &  
qualis fuerit vita eorum, qui ta-  
les colverunt Deos, consideret prudens,  
inventio fuit, sicut summè ingeniosa,  
ita & malitiosa in summo, quam exco-  
gitavit Sathan ad inducendum homi-  
nes, ut se prostituerent omni generi im-  
puritatis, absque ullo freno, remorsu,  
vel periculo exprobrationis, quomodo  
enim magis possent authorizari, vel ap-  
probari vitia, quam ea Canonizando,  
vel ut proprius loquar deificando, & a-  
sserendo hæc fuisse Deorum occupatio-  
nes, in his ipsis eos fuisse gloriatos, nec  
aliquid committi posse, vel agi ipsis gra-  
tias

lib. 2. de ci-  
vile. q. 6.  
1. & lib. 6.  
c. 10. lib. 2.  
de prepar.  
Evangel. 21

3. *Ancid.*  
*Judic. 1.*  
*lib. contra*  
*Gentes Ter-*  
*tull. in A-*  
*pol Minuti*  
*us Felix in*  
*octavio*  
*quotant l.*  
*6, c. 23.*

Aug. tom.  
4. l. 1. de  
Consen. E-  
van. c. 23.



cuius, quam ut solemnitates, & festa principaliora talibus celebrentur actionibus? Quomodo potuisset aliquis persuaderi ad honorandum parentes, qui adorabat Jovem patris sui Saturni persecutorem usque ad perditionem utriusque throni, & regni? Quis inimicis suis illatas condonaret injurias, cum adoranda proponatur Iuno, quæ integris sæculis reservarat vindicandam exigui momenti injuriam ab aliquo Trojano adolescente ei illatam? *Sava memorem Iunonis manet alia mentere postum iudicium Paris?* Potuisset nè speciosiores prætextum pro sua justificatione excogitare, immò pro glorificatione post commissas impuritates, quam illud, quo se excusabat quidam apud Terent: *Quod divos decuit, cur mihi turpe putem?*

Diui Cypr: Greg: Nazian: Ambr: Cyrillus, Athanasius, Lactant: & Aug: idem asserunt, & hoc argumentum fusi-  
us prosequuntur contra Gentiles. Gregorius Nazian: *Vt peccatum non solum crimine, sed etiam præclarum, ac divinum censeatur Cyprianus Fuit miseris, & religiosa delicta Ambrosius mysterium religionis est incentivum libidinis, qualis est vita sacrificantium, ubi colitur Deorum stuprum. Augustinus, quæ omnia servabit sapiens tanquam legibus iussa non tanquam Diis grata colebat, quod reprehendebat quod culpabat, adorabat.* Si Philosophi, & alii ingenio subtiliores agnoscebant vanitatem, & falsitatem istorum deorum, exinde non reddebantur minus culpabiles, nec magis virtuosius, ut enim Seneca à S. Augustino pro eo, ut abstererent homines ab huiusmodi errore, cuius ineptiam agnoscebant eò magis

illos confirmabant pravis suis exemplis. Superbus ille Philosophus contra superstitionem apud Tertull: post irrisi-  
onem caeremoniarum crudelium, & cultus impudici, quo colebantur dii, ait: hæc omnia sapiens servabit, tanquam legibus iusta, non tanquam Diis grata; & Paulò infra: postquam censurasset conjugia incestuosa Deorum, qui propriis, & Germanis jungebantur sororibus, ut Jupiter Iunoni, Mars Bellonæ, asserit, se eos non adorare Spiritu pietatis, sed magis, ut condescendat, & accommodet se usitatori istius temporis agendi modo. Quo, ut ait Augustinus se summè culpabilem reddidit agendo ob respectum humanum, quod lumine naturæ didicerat esse malum. Apostolus asserit, in pœnam hujus conniventia Deum illos dedisse in Spiritu reprobum, passionibus deditos in verem, cundis, & innaturalibus repletos omni malitiâ, iniquitate, avaritiâ, invidiâ, duplicitate, impuritate, immò absolute dominabantur illis superbia, arrogantia, contentio, detractio, inimicitia, infidelitas, impietas, immodestia, & quod plus est, omnes utriusque sexus totaliter dediti erant derestabili isti crimini, ob quod olim Deus Sodomam, & Gomorham perire fecit, idque tam impudenter, & publicè, ut dicere auderent, ipsum Jovem hac passione esse affectum.

V. Ecce quales fuerunt prædecessores nostri, ecce quales effemus absque beneficio inestimabili redemptionis nostræ, non est enim vitium farinæ, & conditionis homo, quantumvis misere, & abjectè, qui tam miserè, & tam crudeliter, tam inhumano tractetur mo-

Cyprian  
Epist. 1. ad  
Donat. Na-  
zian: in  
Sancta lu-  
mina Am-  
bros. lib. 1.  
de virg.  
Iul. Firtu  
lib. de error  
pro sana re-  
lig. Ambros.  
lib. 5. Agus-  
t. cap. 7. in  
Julian. At-  
thanas. at  
Cont. Gen-  
tes Lactant  
lib. 1. c. 10.  
Augustin  
tit. 2. de ci-  
vis. c. 6. 7.



modo, cum dæmon malitiosus, & infelix in summo sit, homines addixit servituti, non solum impiæ, & infami, sed simul inhumanæ, & crudeli. Aequò prolixior essem, si accuratè hic deducere crudelitates, & inhumanitates, quas in cultu deorum suorum committebant, legi possunt à curiosioribus apud Terull. in Apolog. ad Senatum Romanum D. Augustinum, & alios, sufficiat pronunc nobis scire, iis sacrificatos esse homines innocentes, qualis fuit Altianax Filius Hectoris natu major, Polyxena Filia Præmi, quorum funesta mors latè describitur à Seneca in Trojade sua.

Justin. c. 1.  
Apolo 9.  
lib. 4. c. 6.

Paulus Orosius, & Herodotus referunt, Persas in gratiarum actionem, pro beneficiis, quæ putabant se à Diis suis accepisse pro more vivos sepelire juvenes utriusque sexus, tam masculas, quàm femellas, ut fecit Amestris uxor Xerxis, quatuordecim Junioribus, & nobilibus utriusque sexus domicellis Persis, immò sæculo præterito, Mexicani priusquam illuminarentur luminè Fidei Catholicæ, singulis annis horribiliter centum 20000. personas mactabant, & immolabant Dæmoniis. Sed quis non horreat, & obstupefeat ad crudelitatem, & barbariem sacrificiorum, quas immolabant Idolo Moloch teste scriptura. Idolum hoc erat statua ænea, cui erant manus, & manicæ ad stuporem latæ, quibus immittebantur parvuli vivi, deinde submisso igne, donec candesceret, sic paulatim lento igne consumeabantur parvulæ, & innocentes istæ creaturæ, & ne parentes moverentur ad compassionem infantum vagitu, sacrificuli tympana pulsabant, ut isto strepitu repletæ

aures ipsorum, vagitus isti locum non invenirent vi organorum præoccupato, & inde locus iste, in quo diabolica ista sacrificia immolabantur in scriptura vocatur *Tophet*, ab hebraico *Toph*, latine tympanum, adhuc hodie dum videre est in civitate Arelatenſi duas columnas, quibus innixa fuit ara imolatrix hujusmodi infantum, quando S. Trophimus D. Pauli Discipulus illuc venit Evāgelium prædicaturus tantæ celebritatis, tantique nominis, & latitudinis erat hæc ara, ut ab ea denominata sit civitas *Arelas*, vel *Arelate*, quasi *aralata*.

Lev. 18. v.  
21. f. Re.  
gũ 2. v. 10  
Jerem. 22.  
v. 25.  
Psal. 105.  
v. 37.

VI. Et quod summè deplorandum est, impietates, & impuritates istæ, ac crudelitates, iam à quater mille annis mundum invaserant, totamque terram infecerant, immò & in multis partibus Judææ, ac Palæstinæ usque ad ipsas Hierosolymæ partes. Hic locus, in quo Iudæi isto modo infantes suos conflagrabant, appellatus est Gehennon, unde etiam derivata est Gehenna, quia vallis erat infantium Ennon propè Jerusalem, quod evidenter demonstrat difficillimum, vel si humano modo loquamur planè impossibile fuisse, homines à tantamiseria eripere. Hæsterna insinua- vi vobis ex fundamento, & demonstravi arduitatē huius operis ex eo, quod nullus ex antiquis Philosophis, nemo ex S. Patriarchis, aut Prophetis, ut potè Noe, Iacob, Ioseph, Moyses, vel in minimo terræ loco potuerunt hunc errorem corrigere, & nunc efficacius, & evidentiùs demonstro. Videamus differentiam inter Montes Sinai, & Calvaria, Creator mundi tradidit legem huic populo in monte Sinai, in hac lege pri-



num, quod præcipit, est fuga Idololat-  
triæ, non habebis coram me Deos alie-  
nos, & ut cum majori efficacia ab illa  
absterreantur, mens totius inflamma-  
tur cum tonitruis, tubis, & vocibus  
tam horrendis, ut populus quasi terro-  
re concussus, & consternatus Moyse  
dixerit, tu loquere nobis, non loquatur  
nobis Dominus, ne fortè moriamur.  
Attamen non obstante prohibitione  
tam expressâ, minis, ac terroribus ipso  
quasi instanti immediatè sequenti po-  
pulus adorat vitulum aureum, ante-  
quam Moyses descendat è monte, & sic  
sapius diuersis temporibus relapsus est  
contumaciter in idem vitium. Econ-  
trâ Salvator noster in monte Calvariæ  
silens crucifixus, humiliatus, illusus,  
patienter ferens mortem ignominio-  
sissimam extirpat Idololatriam pro sem-  
per, nec solum è Iudæa, & Palæstina, sed  
& ex omnibus Provinciis subiectis im-  
perio Romano, maximè Barbaris, & re-  
motissimis.

## PVNCTVM SECVNDVM.

*Probatur quantum astringamur  
ad gratitudinem, & bonum u-  
sum beneficii, quo Christus hac ser-  
uitute liberavit, Paraphrasis, verbo-  
rum sancti Petri vos autem  
genus electum &c.*

VII. **A**vdiamus igitur D. Petrum no-  
bis hæc dicentem, vos autem  
a. Pet. 2. 9. *genus electum, gens Sancta, populus acqui-  
sitionis, regale sacerdotium, ut virtutes an-*

*nuntietis, ejus, qui vos de tenebris vocavit,  
in admirabile lumen suum!*

Genus electum? quantum benefi-  
cium, quanta gratia, quam singularis  
favor?

Supponamus nos omnes certos esse,  
quod omnes naves, quæ Rupellâ disces-  
serant jam à quindecim annis, in Cana-  
riam, vel alium quemcunque locum, o-  
mnes ad unum naufragium passas, ego  
autem te impedierim, singulis annis, ne  
simul cum illis iter aggredereris, profe-  
cto tantum, ad minus obligationis ha-  
beres, te gratum erga me exhibendi, &  
toties te mihi specialiter devinctum de-  
beres agnoscere, quod naves interea  
temporis perierunt. Numera si potes,  
quod fuerint in hoc universo matres  
idololatræ, non solum à quindecim an-  
nis, sed à mille quingentis bis mille, sex-  
mille annis, totidem obligationibus  
Deo tuo devinctus manes; Anima tua  
poterat infundi, & tanquam navem  
quasi concendere, quamcunque ex ma-  
tribus istis, poteras esse Filius, vel pri-  
mæ mulieris idololatræ, vel secundæ,  
tertiæ, quartæ vel centesimæ, poteras  
esse unus ex illis infantibus, qui immo-  
lati fuerunt demoniis, & sic naufragium  
passi sunt salutis suæ, non in undis mari-  
nis, sed in ardente Rogo sacrificiorum  
qui eos consumpsit, Deus autem te cle-  
menter præservavit; ecce quantum ei  
obligaris? Genus electum, gens San-  
cta, elegit nos ut essemus Sancti. Sic  
separavit, te, à tam multis aliis, dubio  
procul ut vitam degas illorum vitæ dif-  
formem; atquid igitur serviet tibi vi-  
xisse extra consortium gentiliū, fuis-  
se incorporatum Ecclesiæ christianorū,  
refe-



refectum ejus sacramentis, pactum verbo Dei, habuisse mille modos, & media re sanctificandi, nisi ibidem vivas, sanctè & conformiter professioni, ac sanctitati Christianismi? Populus acquisitionis, quot labores non subiit Salvator noster, quæ non est perpeffus tormenta, quot humiliationes in se suscepit? quantam copiam sanguinis non effudit? quæ itinera non susceperunt Apostoli? quibus periculis non se exposuerunt? quot martyria ipsi? Quod martyres alii, diversa passionum genera, non tolerarunt, ut nos acquirerent Deo? Nonne ergo te injustitiæ arguas, dum id ipsum agnoscis, & nihilominus te totum alteri, vel mundo, carni, tibi ipsi, vel propriis sensualitatibus totum consecras?

VIII. *Regale sacerdotium* Pagani ut placarent Deos suos, vel in signum gratitudinis pro beneficiis, quæ sibi imaginabantur ab iis recepisse, offerebant sacrificia inhumana, sepeliendo vivos homines, eosque infantes. Verū autem Deus, aliud non petit, nisi ut offeratur ipsi sapius Filius ejus unicus Homo Deus sacrificio invento, tu autem mavis tempus terere nugando, quam accedere ad Mistæ sacrificium, eique offerre holocaustum desideratum. Non exigit ut, falsi Dii faciebant, ut immoles infantes tuos, sed ut eos sanctifices, non quod eos consummas, lento igne, sed accendas in illis, ignem amoris Divini, non quod illos occidas, sed in illis occidas vanitatem, ambitionem, avaritiam, & illis inculces contemptum splendoris, & bonorum hujus sæculi. *Pro annunciatione virtutes ejus*, non deest unde summis laudibus, honoribus, benedictioni-

bus, glorificationibus, & gratiarum actionibus prosequamur Salvatorem nostrum Iesum, propter expeditum tanti momenti negotium. Pater æternus, dicebat Samueli, quicumque me glorificaverit, glorificabo ipsum & ego, id est efficiam ut honore afficiatur ipse: quomodo magis glorificari, vel quod majus obsequium posset præstari Patri caelesti, nec adorabatur, nec agnoscebatur, in ullo loco totius orbis terrarum, nisi in exiguo angulo Iudææ, idque sat miserè, pro dolor nimis tepidè, Sathan hostis ipsius juratus, in vaserat thronum ei debitum, & in eo adorabatur pro ipso. Filius Dei Tyrannus hunc exthronisavit, & introduxit cultum unius veri Dei, tam feliciter, tam efficaciter, tam universaliter, ut & ipsi Mahumethani, Arabes, alium non colant, nec ipsimet Iudei, unquam à tempore, adventus Christi in idololatriam lapsi sunt. Quamvis ante illum nunquam in cultu veri Dei per centum annos stabiliter continuassent. Illi non sunt grati pro tanto beneficio. Simus ergo nos, & pro ipso, & pro nobis, nostrum est ipsum glorificare, qui tantopere glorificavit patrem suum, & Elogia ejus celebrare. *Annuncietis virtutes ejus*, & primo potètiā qua superavit Sathan fortem armatum, cumque eiecit, è mancipio huius mundi, cuius possessionem iam suscepit. Veteres noluerunt permittere, ut aliquis servo imponeret nomen Aristogytōn, eiusque socii, quia Salvatores erant Patriæ à Tyranno oppresso; quare ergo permittes ut famuli, & Domestici tui, ut Blebeus quispiam, abneget Salvatorem nostrum, Sanctissimāque



mortem, quam pro nobis, à tam dira Captiuitate redimendis subiit, ore blasphemo inhonorent.

Secundo prudentiam, & sapientiam, qua apervit astutias huius impostoris, quibus homines oraculis ambiguis, prædicationibus mendacibus, decipiebat, seducebat.

IX. Tertiò bonitatem, qua nos liberavit, à tanto malo, quantum erat idolorum cultus. Si quis te decipiat monerâ adulterinâ, mercibus, medicinis, contractibus fucatis, & falsis, vel quomodocunque viciatis, irasceris meritò, quia impostura est tibi notabiliter nociva, adeoque sumoperè displicet, & si quis huiusmodi fraudem tibi detegat, ipsi plurimum obligaberis. Deus thesaurus noster est felicitas nostra, remedium, honor, summum bonum, immò nobis omnia est; nunquid ergo sumus dolusest, fraus fraudum, omnium malorum pessimum, cunctarumque infelicitatum infelicissimum est, pro vero Deo habere Deos falsos, & adulterinos? quanta igitur, & insolubilis est obligatio, quâ Salvatori nostro devincti sumus cum errorem, & dolum tantum nobis aperuerit, *qui nos de tenebris vocavit in admirabile lumen*? Virtus inquit Seneca in me gloriosior, & maiori laude digna est, quam in Deo cuius natura est virtuosum esse, ego autem labore, & victoria passionum mearum, virtutem acquisivi; Ecce quibus tenebris tunc involutus erat mundus? Et hoc lumen

est, quo Filius Dei eum illustravit; *Sine me nihil potestis facere, non sumus sufficientes cogitare aliquid ex nobis, omnis sufficientia nostra ex Deo est, Deus virtutum, cuius est totum, quod est optimum.*

Cicero docet iniurias pro iniuriis esse reddendas, vim vi repellendam, calumnias calumniis compensandas, en tenebras, Lumen autem: *Diligite inimicos vestros: Vince in bono malum, non reddentes malum pro malo.* Gentilium Doctrina erat:

*O cives, cives, quarenda pecunia  
Primum est.  
Virtus post nummos.*

Verè doctrina tenebrarum; Lux vero docet; *Quærite primum regnum Dei.* Quis nostrum poterit sufficienter agnoscere, quis æquivalentes gratias agere Redemptori nostro, cuius ope, benignissimisque conatibus à tenebris eruti, ad lucem accessimus? Benedictus sis in Salvator, benedicant tibi Angeli, homines & omnia quæ sunt, laudent, glorificent in perpetuum. Auditores dilectissimi diligite Iesum, amate eum pro tanto beneficio, sed ex toto corde diligite, iterû dico, nec sufficienter repeti potest, diligamus Iesum, ex intimis medullis animæ, laudemus, benedicamus, adoremus, glorificemus Iesum, gratias agamus ei nunc & per infinita sæculorum myriades. Amen.



# SERMO QVADRAGE- SIMVS

## TERTIVS

Pro Dominica decima quinta post pentecosten.

Accepit omnes timor; & magnificabant Deum.

*De proprietatibus Fidei*

### EXORDIUM.

**S**anctus Pater Augustinus notans duo esse genera miraculorum, unum, quod intellectum rapit in admirationem, & alterum, quod præterea mouet, & allicit voluntatem ad operandum, quærit, quodnam genus miraculorum conueniens fuerit, ut Christus patraret ad fidem suam Divinam publicandam, & respondet, quod priora minime congruerint, non vero posteriora; quod si rationem huius quæras, dicit illam esse claram, eò quod fides cum sit circa obscura, dependeat ab imperio voluntatis: quæ intellectum debet mouere ad credendum. Verum meo iudicio alia adhuc potest dari ratio, quæ hæc nempe, quod cum fides Catholicorum debere esse viva, & non mortua; hoc est vestita bonis operibus, ille debuit patrare non tantum miracula, quæ allicerent tantum intellectum ad credendum, sed etiam voluntatem ad

amandum. Et hinc hodie videmus, quod turbæ non solum admiratæ sint, sed & Deum laudant; Vnde ostendâ hodie, quod fides nostra non solum debeat sistere in intellectu, sed et quod debeat opera bona habere adiuncta; hæc enim est eius proprietas.

*Ego sum Dominus Deus tuus, non habebis Deos alienos coram me, Exodi 21.*

I. Considerato in æstimabili favore, quem Filius Dei huic mundo exhibuit eum liberando, & mundando ab idololatria, eumque imbuendo fide, & cultu veri Dei, restat ut discamus, quænam sit vera fides, quænam ejus proprietates & qualitates. Non est cui melius eam assimilem, quam prodigioso isti duci, quo utebatur creator, ut populum Israel in terram promissionis deduceret: ut enim fides vera sit, requirit conditiones tres optimè expressas, per proprietates & qualitates istius ducis.

Primo



Primo erat Columna sic fides debet esse firma, certa, & inconcussa. Secundo hæc columna debet esse columna nubis, nam *in columna nubis loquebatur ad eos*. Sic fides obscura est, & credit quod non videt, cum sit *Argumentum non apparen-  
tium*. Tertio columna ista nubis non-  
ctumutabatur in ignem, & fides eodem  
modo iuncta charitati & bonis operi-  
bus, debet esse igneæ vivacitatis, & a-  
ctivitatis. Quandoquidem tractan-  
dum mihi sit de fide adversus infideles,  
nescio ad quem me potius vertam, &  
utilius, quam ad te ô Gloriosa & bene-  
dicta Virgo, cum Filii tui Sponsa sapius  
dicat *cunctas hæreses sola interemisti in u-  
niverso mundo*. Hinc ex corde dico ti-  
bi cum Ecclesia, & peto à te humillimè.  
*Dam mihi virtutem contra hostes, tuos, & i-  
deo dignare me laudare te Ave Maria.*

### PUNCTVM PRIMVM.

*Fides est columna, id est firma,  
quia fundata super Ecclesiam,  
quæ est Firmamentum veritatis, quod  
probatum contra hæreticos, &  
debet esse firma in no-  
bis.*

Prima proprietas fidei est, quod sit,  
ut columna firma, stabilis, immobilis, ir-  
refragabilis, hinc à Sancto Paulo Apo-  
stolo, dicitur substantia, basis, & susten-  
taculum, sperandorum. Ut autem  
tantæ firmitatis, & certitudinis sit, niti  
debet fundamento, summè stabili, &  
prorsus immobili; fundamentum vero

hoc aliud non est nisi Ecclesia, quæ teste  
Apostolo, ad Timotheū scribente dicit  
columna veritatis, hic nodus cordigus  
est, & difficultas difficultatum, quæ un-  
quam disputata fuerunt, inter catholi-  
cos & acatholicos, quæ bene explicatu,  
necesse est omnes hæreses, evanescere,  
& in nihilum redigi, vel dissolui, ut sit  
nivibus à facie Solis. Quæram ab ali-  
quo hæretico, quænam est regula fidei  
tuæ, quod fundamentum, cui nititur  
series, eorumque credes? Si quid ha-  
beat intelligentiæ, respondebit funda-  
mentum hoc esse verbum Dei; utique  
bonum; Sed quis te docuit verbum  
Dei, cum Deus tibi non loquatur facie  
ad faciem, & os ad os, ut fecit olim Moy-  
si & Apostolis? Docet me inquit illud  
scriptura sacra, non fido enim Hierony-  
mo, Chrysostomo, Ambrosio, vel Au-  
gustino, nec Beza, aut Calvino, quia Be-  
za, Lutherus, Calvinus Hieronymus,  
Chrysostomus, Augustinus, homines  
sunt, & omnis homo quantumvis San-  
ctus, homo manet, & consequenter mē-  
datio, & vanitati subjectus, qui me pos-  
set fallere, vel ipse falli; si ita res se ha-  
beat, jam demonstrabo tibi, luce meri-  
dianâ clarius, quod necessariò, ad ali-  
quem te referre debeas hominem, & si  
hominibus plane non fidas, non solum  
ignorabis quæ tibi credenda sunt, sed &  
nihil plane credes. Dicis te velle scrip-  
turam sacram, bene est, & ego ipsam vo-  
lo, & omnis sive Catholicus, sive hæreti-  
cus, quantumvis perversus seu versipel-  
lis, unquam vixerit in hoc mundo, scrip-  
turam se velle clamavit. Vnde scis Ge-  
nesin, Exodum, I. viticum, Evangelia  
Sanctorum Matthæi, Lucæ, & sancti, Io-  
annis,



annis, esse scripturam sacram, apparuit tibi Deus dicens, hic liber impressus in tali loco est verbum meum, scriptura mea? Ipsa Biblia non dicunt se esse scripturam sacram, & quamvis hoc assererent, exinde redderent se suspecta, cum nequeat quis testari in propria causa, vel, de se ipso testimonium perhibere; perversissimus liber, & absurdissimus hujus mundi; eodem modo posset se jactitare scripturam sacram, & verbum Dei, & tamen ei non crederetur. Hæretici Marrionitæ rejiciebant Pentateucum, vel quinque libros moysi. Manihei repudiabant Prophetas; Albigenes, psalmos, & totum vetus testamentum, Ebronitæ non recipiebant, nisi unicum Evangelium sancti Mathæi; Cerdonitæ unâ parte Evangelii Lucæ erant contenti. Lutherus expunxit librum Iob, Ecclesiasten, Epistolam Pauli ad Hebræos, Iacobi, & Iudæ, secundam Petri, duas optimas Ioannis, ejusque Apocalypsin, quales omnes Calvinus fateatur esse scripturam sacram: Besa nullam recipit partem Evangelii Sancti Ioannis, quod tamen Calvinus agnoscit esse Canonicum: nullus est in Bibliorum codice liber, qui non fuerit ab aliquo hæretico rejectus, & repudiatus, quomodo igitur persuadebis eis talem librum esse scripturam, cum scriptura istius mentionem non faciat? Unde tibi constat Evangelium sanctorum Marci, & Lucæ, qui solum discipuli fuerunt vera esse Evangelia, purum & inviciatum Dei verbum, econtra vero Evangelium sanctorum Bartholomei, & Thomæ, qui fuerunt Apostoli, sunt Evangelia, & dicta merè humana. Respondebis quia E-

vangelium Marci, & Lucæ verè sunt ab ipsismet conscripta, duo autem alia, nec à Bartholomeo, neque à Thoma scripta sunt, sed falsa sunt supposita. Id quidè verum est, unde tu hoc novisti? ubi in scriptura reperis hoc Evangelium verè, & legitimum, istud suppositum, & Apocriphum; nonne id docet Ecclesia? Non habet originalis unici libri Canonici, unde ergo tibi constat copias autenticas esse, & fideliter collectas? Nonne ad aliquem te referre debes, ut ab illo te eximas dubio? Demum supponamus te certò id scire, vel ex Bibliis, vel ex divina revelatione, hanc esse scripturam sacram; totum vetus testamentum traditum fuit à Deo in lingua Hebraica, aut Caldaica, novum testamentum in Hebraica, Græca, vel latina, præcipua pars mundi, nullam ex istis intelligit, non igitur aliqui videndum tibi est, qui illud tibi prælegat, prælegendo autem nunquit te fallere potest, vel ipse falli? quandoquidem futurus sit homo, nunquid facile tibi ponet unum *quid pro quo?* qui vel minimum versati sunt in lingua Hebraica, noverunt quanta sit affinitas, & similitudo, inter *Beib* & *Capb*, inter *Chimel* & *Nun*, inter *Dalet*, & *Resch*, inter *Zain*, & *Nun* finale &c. & prout facile unum scribitur, vel legitur pro alio, defectu advertentiæ, vel visus accurioris, vel ob præcipitantiam calami. Non ignorant etiam, quomodo mutando locum vel minimi punctuli, statim totius scripturæ sensus mutetur: quia inter *Schim*, quod vocant *Iamin*, & aliud quod appellant *Semol*, tantum est differentiâ unici puncti additi vel sinistrum, vel ad dexterum, pedimestius *Schim*, & interim maxima



maxima est differentia, inter significationes vocis una aut altera istarum litterarum scripta, ut in Psalmo 118. ubi habetur: *Principes persecuti sunt me gratis*, in Textu Hebraico per transpositionem unici puncti fiet *Scherim*, vel *Serim*, quorum unum significat *principes*, alterum *Cantores*: Sic dicetur *principes* persecuti sunt me, vel *Cantores* persecuti sunt me. idque non contingit solum in lingua Hebraica, sed etiam in omni alia, sufficit transpositio unius vocis, unius virgulæ, vel puncti, ut fiat sensus omnino contrarius, ut in latino.

*Porta patens esto nulli, claudatur honesto.*

Si ponatur virgula ante, vel post nulli, & in Gallico magna est differentia inter *Je cherche des perles à vendre*, & *Je cherche à vendre des perles*; Sufficit mutatio unici accentus, ut mutetur sensus totius sermonis. Sic in Græco tempore Nestorianorum, Catholici asseriebant virginem esse, Θεογονος id est matrem Dei; Hæretici autem dicebant eam Θεογεννη id est Filiam Dei, in latino maxima etiam est differentia inter *Leporem* & *Leporem*, & in Gallico *Voyle un Prêtre bien indigne*; & *Voyle un Prêtre bien indigne*. Sanior opinio inter Doctores Hebraicos tanquam certum tenet, quod quando vetus testamentum hominibus fuit datum à Deo, puncta Hebraica, necdum fuisse in usu: Scriptura autem Hebraica sine punctis tam insulsa est, ac foret latina, sine vocalibus. Ut pura si in latino poneretur solummodo *mem* conijcere deberemus an significaret *marem* id est masculinum *Merum*, *mirum*, *moram*, *morem*, *morum*, *murem*,

vel *murum*, eodem modo in Hebræo si *Daleth*, *Beth*, *Resch*, adjungantur duo *Camets* fiet *clavar*, quod vocem significat, si adjungantur duo *Segol*, fiet *Dever* quod significat pestem &c.

Supposito quod Deus Bibliorum codicem tradiderit, in ideomate Gallico, & dixerit liber hic impressus Genux, vel Rupellis, est mea scriptura, verbum meum; iterum dico & probo eam solum non esse regulam tuæ fidei, ita ut ad aliquem te debeas referre. Divus Petrus in illo ipso codice ait, quod in Epistolis Sancti Pauli, aliisque scripturis, multa contineantur intellectu difficilia, quibus ignorantes abutantur in propriam damnationem, observa propriam damnationem sunt igitur loca difficilia intellectu, quæ concernunt salutem, quandoquidem sit periculum damnationis, nonne tu forte unus es ex illis ignorantibus, quem hæc in damnationem trahant? In Bibliis multa continentur verba æquivoca, multæ voces duplicem habentes significationem, ut vox *Leo* quæ significat Salvatorem nostrum aliquando, alias significat Diabolum vel sanctum Marcum Evangelistam vel Imperatorem Neronem vel hominem Generosum, vel Avarum vel Colericum sunt etiam ibi Anagrammata, & Aenigmata quæ ab Hebreis dicuntur *Hehas* quibus loco primæ litteræ Alphabeti *Aleph*, ponunt ultimam *Tau*, & *Tau* pro *Aleph*, secundam *Beth*, penultimam *Schim* *Schim* pro *Beth* & sic consequenter sic *Rex Sesagb* bibet post eos & quomodo capta est *Sesagb* id est *Babel* quia ponunt *Schim* pro *Beth* & *Chaph* pro *Lamed*. In Bibliis multi textus, prima facie videntur con-

Apoc. 5.  
1. Pet. 5.  
Ezech. 11.  
2. Thim. 4.  
Proverb. 30.  
Prov. 28.  
Prov. 19.  
Eccl. 10.  
Jerem. 25.  
Eccl. 16.  
Eccl. cap. 5.  
v. 4.

con-



contrariari legi naturæ, rationi, & fidei. Apud Lucam ait Iesus, si quis venit ad me, & non odit Patrem, Matrem, Vxorē, Fratres, & Sorores, non potest meus esse discipulus. Ecclesiastes ait hominem, & brutum eundem habere finē, & conditionem utriusque esse æqualē. Mathæus inquit Filium Virginis diem iudicii ignorare.

In iisdem sunt loca diversa, quæ sibi ediamatro, & sibi contraria & opposita videntur, in libro Genesis enim dicitur Deus tentasse Abraham, Iacobus ait Deum neminem tentare; in Genesi dicit Patriarcha, se Deum vidisse facie ad faciem. Ioannes Apostolus ait, neminem unquam vidisse Dominum; Apud Mattheum ait Iesus Discipulis suis nihil portetis in via, ne quidem virgam. Apud Marcum dicit, nihil portent nisi virgam. Nuncautem amice, quisquis es, qui Spiritum Dei te habere jactitas, quomodo intelligis ista loca, quomodo combinabis contrarietates istas? Quod si non possis exte id facere, consulendus erit alius, & consequenter concedendum tibi est recurrendum esse ad Ecclesiam, ut ab ea docearis, quæ nam sit vera scriptura sacra, ut illa interpretus sit, transferendo eam è lingua in qua à Deo tradita est, in aliam tibi notam, ut explicentur loca difficiliora, sensus ambigui, vel æquivoci, Parabolæ Textus secundum apparentiam sibi contrariantes, & ea quæ ibidem, vel rationi vel fidei opponi existimat humana ratio. Recurrendum est inquam ad Ecclesiam quam Zacharias civitatem nuncupat veritatis, ad Ecclesiam quam quicumque non audierit habendus est ut Ethni-

cus & publicanus, ad Ecclesiam, cui Filius Dei ait, dabo tibi Spiritum veritatis, qui tecum permaneat in sempiternum; ad Ecclesiam Romanam, cui Paulus Apostolus attendite ad eos, qui faciunt dissensiones vel schismata, id est qui se à vobis separant, non serviunt enim Christo, sed ventri; ad Ecclesiam quæ est ut testatur idem Apostolus firmamentum, & columna veritatis, adeoque manet Ecclesiam esse columnam & basin cui firmissimè nititur fides nostra; sed ut immobilis est, tali fundamento innixa, eodem modo firmari immobiliter debet, ac radicari in cordibus nostris, id est certissimè & absque hæsitazione fidei articulis adhærere debes; Dicitur tibi, hæc refert Seneca Plutarchus, Aristoteles, si non credis parum refert: Si tamen allegetur scriptura sacra, certius esse tibi debet, quod illa dicit, iis quæ oculis vides vel manibus palpas. Certus es quod cras decima antemeridiana dies erit in, Majo futuram herbam super terram, in Junio dies non fore tam breves, quam in Decembri, hæc credis indubiè, & quare? Nisi quia Deus? sic disposuit, sic ordinavit; *Ordinatione tua perseverat Dies, fiat Lux: producat terra herbam virentem.* Atqui contenta in scriptura sacra cum majori firmitate, certitudine & infallibilitate disposuit, quam cursum astrorum, & productionem terræ; cum in Evangelio dicat, *facilius esset Calum & terram transire, quam unum apicem de lege cadere.* Et consequenter quandoquidem doceat scriptura, omnes fornicatores; Homicidas, Avaros, detractores, &c. non



1. ad chori.  
6.

possessuros Regnum Dei, nisi ab huiusmodi vitiis abstineas, certius est te damnandum, quam cras horâ decimâ futurum diem. Dico ab omnibus vitiis, si enim putes Luxuriosum tantum damnandum, cum isti vitio non sis addictus, Avaros autem extra periculû esse, quia tu es unus ex illis; Fides tua nō est benè firmata, sed facillat in corde tuo. *Non potest Evangelium ex parte consistere & ex parte nutare, aut enim utrumque; necesse est ut valeat, aut utrumque vim veritatis amittat, ait S. Cyprianus.* Si Luxuriosus damnatur quia Evangelium hoc dicit, profecto liber non erit avarus, cum & ille teste Evangelio damnetur, defectu huius firmitatis in fide nihil vel exiguum solidi in ea firmamus. Si columna non sit benè firmata, nutat ex omni parte, nec aliquid ei niti vel imponi potest. Si Architecti huius Templi vidissent aliquam ex ejus columnis nutantem in minimo, nunquam fuissent ausi ei imponere tectum, vel fornicem. Non edificas structuram perfectionis bonorum operum, super columnam fidei tuâ, quia facillat, & nutat aliquâ ex parte. Credis aliquos Articulos, sed sunt plures quibus non adhæres. Exponis in Marinis, vel aliis negotiis mille & plures aureos, quia exinde speras lucrum, decem vel duodecim percentum, non credis igitur filio Dei dicenti, quod quidquid aliquis dederit, vel reliquerit propter ipsum, centuplum accipiet; Si certus esses quod pro singulis juramentis, & blasphemis determinata persolvenda esset amenda, pro singulis injuriis, & contumeliis domesticis tuis illatis, per quinque, vel decem momen-

ta-digitum tuum in igne cruciandum esse, abstineres sine dubio. Non æstimas igitur certa esse, quæ habet scriptura, insontem non habebit Deus illum qui sumperit nomen Dei in vanum, quicumque dixerit fratri suo fatue, reus erit Gehennæ ignis, *probate si estis infide.*

Exod. 20.  
Matth. 5.

#### PUNCTVM SECVNDVM.

*Est columna nubis, Argumentum non apparentium. Primo scripturâ, secundo patribus. Tertia ratione, quarto exhortatione.*

Secunda proprietas fidei est, quod sic columna, nubis, *in columna nubis loquebatur ad eos*, obscura, tenebris involuta; Philosophorum gentilium est, nihil credere, nisi quod vident, Aristotelicum est Moysi objicere, *iste cornutus multa dicit sed nihil probat.* Phariseorum, Capharnaitarum, & Calvinistarum, toties usurpare illud, *quare & quomodo*, quare discipuli tui non lotis manibus manducant? Quomodo potest hic nobis carnem suam dare ad manducandum? Fidelis autem à Christo didicit, beatos esse, qui non viderunt & crediderunt, à S. Paulo Apostolo fidem esse argumentum non apparentium; à D. Gregorio fides est credere, quæ non vides; vere fidelis sentit cum Tertuliano. *Qui fidem quarit, rationem non quarit. Quid Athenis, & Ierosolymis, quid Academia, & Ecclesia? nostra institutio de porticu Salomonis est, qua monet, Deum in simplicitate cordis esse quæ-*  
rens-



*rendum.* Cum S. Augustino si ratio  
quaritur, non erit mirabile, si exemplum  
poscitur, non erit singulare, demus Deum  
aliquid posse facere quod nos fateamur non  
posse investigare. In huiusmodi rebus to-  
taratio facti, est potentia facientis, tota ra-  
tio dicti, est autoritas dicentis, & in his  
consistit ratio submissionis Spiritus,  
quam debemus veritatibus Catholicis,  
quia quo majori aliquis supra nos pol-  
let autoritate, eo majori nos excedit  
potentiâ, scientiâ, sapientiâ, experi-  
entiâ eo paucioribus verbis indiget, ut  
ut mentem suam nobis persuadeat. Me-  
dicus infirmo, tali laboras morbo, hoc  
remedium adhibendum est, & statum  
dicenti, acquiescit infirmus. Artifex  
thironi suo dicit taliter opus hoc expe-  
diendum est, & non ut tu incepisti;  
nec opus est ut rationibus prober veri-  
tatem doctrinæ suæ. Si autem medi-  
cus loquatur medico, Artifex artifice,  
adducendæ sunt rationes, quibus dicta  
sua confirmant. Si ego intendam vi-  
tium alicuius enormitatem persuadere,  
quia te non sum superior, sed servus hu-  
millimus, propositiones meas proba-  
re debeo autoritate scripturæ, sancto-  
rum patrum, exemplis, ratione, experi-  
entiâ, definire, & argumentari debeo  
disputandum mihi est de genere, specie  
circumstantiis, de medio extremitati-  
bus & inconvenientiis huius vitii, &  
mille alios modos persuadendi adhibe-  
re necesse est. Si autem Rex, vel par-  
lamentum quibus subes, virtutem præ-  
cipiant, vel vitium aliquod prohibeant,  
non est quod adhibeant rationem, ibi  
stat pro ratione voluntas, sufficit sic  
volo, sic iubeo, & hoc ideo, quia, quod

minor proportio est inter loquentem,  
& audientem, eò minorem conatum  
tenetur loquens adhibere, ut dicta sua  
prober, & audiens, facillius credere de-  
bet loquenti, atqui inter Deum & ho-  
minem est improportio, & inæquali-  
tas infinita cum Deus in infinitum nos  
excedat, potentiâ, sapientiâ, authorita-  
te, scientiâ, sufficit igitur pro omni ra-  
tione, quod sciamus hæc dicit Domi-  
nus, & tunc credendum nobis est sim-  
pliciter, absque investigatione ulla, vel  
hesitatione minima, circa veritatem  
dicti.

Quod si malignus Spiritus, menti  
tuæ ingereret curiosam aliquam cogita-  
tionem, vel dubietatem contra fidem,  
noli cum ipso disputare, nec rationes  
querere, quibus convincas, vel neces-  
sities intellectum tuum ad assentiendum  
veritati Christianæ, sed potius recurras  
promptissimè ad filium Dei dicens mi  
Redemptor, ignorans sum, mens mea  
intenebris jacet, tu autem vera Lux  
es, Sol Iustitiæ, sapientia increata, *im-  
mitte lucem tuam*, illumina tenebras me-  
as, me totum tibi confesco ad creden-  
dum ea, quæ mihi credenda proponis,  
per Ecclesiam sponsam tuam, & sic con-  
sequenter applica te aliis, diabolus e-  
nim superbus in summo, videns se de-  
spici, & quod non digneris ad eum at-  
tendere confusus recedit, cave præte-  
rea à conversatione cum personis, & le-  
ctione librorum quibus posses occasi-  
onem aliquam dare infidelitati, vel du-  
bietatibus in materia fidei, priusquam  
librum emas, vel legas, ostendatur pri-  
us vel Parocho, vel Confessario tuo, ne  
forte lateat in eo venenum aliquod quo  
inficia-



infiariis legendo. Plato olim dicebat corpus infici per os, animam per aures, addo ego etiam per oculos;

PUNCTVM TERTIVM.

*Fides est columna ignis, ardens  
charitate, & bonis operibus,  
Primo scripturâ, secundo Patri-  
bus, tertio ratione.*

**T**ertia fidei proprietas est, quod sit columna ignis ardens charitate, & bonis operibus. A catholicis hujus seculi ut eo liberius voluptatibus vacent, absque remorsu conscientiae docent, solam fidem nos salvare, bona opera non esse ad salutem necessaria, commissis omnibus possibilibus adulteriis, Latrociniiis homicidiis modo credas, satis esse Catholicos huic non assentiuntur speculative, licet multi inter ipsos id practicerent. Auditores mei in cathedram ascendendi ex parte Dei, ut docerem vos viam salutis, Deo dante hoc facio, & bene vobis, si mihi credatis, dico igitur Evangelium nos docere, fidem solam non sufficere ad salutem, vel esse in vera Ecclesia, & nihil mali facere, sed praeterea requiritur praxis bonorum operum supernaturalium conformium fidei nostrae, quae supernaturalis est, nisi enim abundaverit iustitia vestra plus quam scribarum, & Phariseorum, non intrabitis in regnum caelorum ait Salvator noster. Et Iacobus in Epistola Canonica quid proderit fratres mei si fidem quis dicat se habere opera

autem non habeat, numquid poterit fides salvare eum? Tu autem amice quae sunt opera bona quae tu facis, quae supernaturalia fidei tuae conformia quae facis plus quam Ethnicus, aut Phariseus? Lucraris panem tuum quotidianum laboras domi tuae, vel foris, ut fert occasio, proles tuas nutris, idem faciebant Ethnici, non abnegas Deum tuum, nec unquam legi Ethnicum ullum lovem abnegasse. Ingredieris interdum Ecclesiam, id fecit Evangelicus ille Phariseus, & melius quam tu, agebat enim Deo gratias pro acceptis beneficiis, tu autem sub sacrificio & vesperis, haeres innixus scamno tam mutus, & inutilis, quam ipsum: honoras matrem tuam id fecit & Plutarchus homo Gentilis, & utinam tantum suspicias tuam, quantum ille suam. Diligis benefactores tuos, sed ubinam reperitur animal tam ferum, ne dicam Ethnicum, quod idem non praestet, non committis adulterium, vel latrocinium, nec Phariseus ante memoratus, non sum sicut ceteri hominum raptores, adulteri. Crede mihi auditor mi, nisi aliud facias, periclitatur salus tua, facienda sunt opera conformia fidei tuae, supernaturalia, heroica, digna praemio, quod praetendimus labora ut panem tuum lucreris, sed Christiane, sed ut fidelem decet, offeras omni mane Deo tuo laborem istius diei, & ipsi per diem saepius repetitis jaculatoriis precibus cor tuum, dirige intentionem tuam, in & ad ipsum, educa proles tuas, non quia tuae sunt, sed quia membra Filii Dei.

Sal-



Salvatori nostro non sufficit, quod non jures per sacratissimum nomen suum, sed non jures omnino, nec satis est ipsi, quod venias ad templum, sed vult præterea, ut tempus ibidem piis, & christianis exercitiis transigas, actibus adorationum, gratiarum actionum, fidei, spei, & charitatis, non attendas qualiter hi, vel illi sint vestiti, nec sollicitus sis quid domi tuæ agatur, sed adores Salvatorem nostrum in admirabili Eucharistiæ sacramento, eum agnoscas, & reverearis ut Deum, Creatorem, Conservatorem, Redemptorem, & ultimum finem tuum, gratias agas pro beneficiis per totam vitam tuam tibi collatis, ea sigillatim, & seorsim recolendo, petas remissionem peccatorum tuorum, gratiam ejus, & amorem, ac fugam peccati. Non est contentus tecum licet matrem tuam honores, ut faciunt Ethnici, sed præterea vult ut idem præstes, & in simili honore, servatâ, proportionem, habeas novercam, amitam, matererem, Socrum Nurum, affinem &c. Nec sufficit ei quod abstineas ab actu adulterii, sed insuper, consulendum est Confessarius de modo evellendi perverfas illas cogitationes cordetuo, quomodo extinguendus ardor concupiscentiæ, quo caro tua inflammata est, ne lascivis oculis, ut soles, circumspicias & vageris, *Nam qui viderit Mulierem ad concupiscendam eam jam moechatus est*, non sufficit quod non occidas, sed & ipsa passio coleræ suppressenda est, ne afficias contumeliis, vel injurijs verbis uxorem, aut domesticos tuos, nam quicumque irascitur

fratri, vel proximo suo, aut injuriis afficit reus erit, Gehennæ ignis. Non sufficit quod diligas amicos tuos sed etiam inimici diligendi sunt eisque bene faciendum, sed quomodo illis benefacies quos non dignaris alloquio? Si non diligitis nisi amicos, quid facitis plus quam pagani & quale præmium dilectionis prætenditis, ait Salvator? cui respondet S. Chrysostomus, Iustinam Domine mi quod in Ethnicis tanquam imperfectionem repræhendis, id virtus esset in modernis Christianis, ut saltem amicos suos diligerent, iisque essent fideles, passim enim amicis invident, eos supplantando, supprimendo ubicunque possunt. Utinam, ait D. Augustinus, non essent Christiani ferociores, crudeliores, & magis Leonini quam ipsi Leones, nam Leo quantumvis ferox sit alibi, dum tamen revertitur ad Leuneulos suos omnem ferocitatem deponit & omnino mansuescit è Leone fit agnus, hic Pater autem familias, in cujus corde radicata deberet esse humanitas, Christianus cum sit id est Christi discipulus, mitis & mansuetus semper crudelis est, semper ferox, semper Leo, & intra, & extra domum, postquam totam impendit diem lenociniis, ebrietatibus, aliisque impudiciis, domum revertitur, & leone ferocior, jurat, blasphematur, uxorem percutit, proles dicit, domesticos contumeliis, Creatorem blasphemis enormiter afficit, omnia susque deque vertit. Si illi qui non sunt perfectiores Ethnicis & Publicanis, privandi sint mercede, quomodo



do potest aliquid sperare premij, vel quam potius pœnam expectabit, qui pardis, & Leonibus, immò dæmonibus crudelior est? Creditis in Deum ait S. Iacobus, & bene, sed si nihil aliud facitis, plus non facitis, quam *Dæmones*, qui *credunt, & contremiscunt*, creditis in Deum, sed eum non timetis, cum in Ecclesia ipso præsente committatis mille irreverentias, insolentias, impudicitias, creditis in Deum, & offenditis illum verbis blasphemis, & abnegativis, idque tam facilè, tam impunè iudicio vestro, ac si Deus stramineus esset. *Ostende mihi ex operibus*

*fidem tuam.* Certum est enim quod sicut Filii Israel ad terram promissionis pervenire non poterant, nisi duce divinitus datâ columnâ nubis, & ignis, sic vobis sequenda est via, quam præscribit dux fides, nimirum peccati fugam, bonorum operum praxin, observantiam mandatorum Dei, sacramentorum frequentationem, si tandem velitis ingredi terram promissionis, quæ est

Cælum Empireum

Amen.

es ) (o) ( so





SERMO QVADRAGESIMVS QVARTVS  
PRO DOMINICA  
DECIMA SEXTA POST PENTECOSTEN,

De spe in misericordia, & confidentia in providentia Dei.

*Cuius vestrum bos, aut asinus in puteum cadet, & non continuo extrahet eum?*  
Lucæ. 14.

E X O R D I U M.

**Q**Vis audiens hæc verba Dei suavissima, amplius desperet? quis in misericordia, & bonitate Dei non confidat? Si enim Deus ex eo quod Dominus bovem, & asinum, mox ut in puteum cadit, extrahat, inferre voluerit, quod à patiori ipse homines in puteum peccatorum, aut aliarum miseriarum lapsos extrahere soleat, profecto nemo est, quantumvis sit magnus peccator, quantumvis sit miserrimus, qui desperare audeat de Dei misericordia, & confidere in eius providentia. Nec enim illa verba thematis hoc solum monstrant, sed & vidimus eum fecisse, dum nos creavit, conservat, & redemit, dum omnia suaviter gubernat, & optimâ bonitate regit; de hac igitur spe, & confidentia occasione hodierni thematis agemus, & ostendemus, quam graviter peccent ii, qui Deo non fidunt, nec ab initio, nec quæque in finem, neque soli, sed creaturis, ita ut auxilium Dei non mereamur.

*Ego sum Dominus Deus tuus, non habebis Deos alienos coram me Exod. 20.*

**I.** **S**ecunda virtus, quæ nobis in hoc mandato præcipitur, est virtus spei. Verum ut hanc materiam magis reddamus universalem, & utilem toti mundo, iudico conveniens esse, ut non solum agam de spe in misericordia Dei, de qua peccatores nimium præsumunt, sed & principaliter de confidentia in eius providentia; & hoc per tria puncta. In primo videbimus, cui innitatur nostra confidentia; secundo errores, quos circa eam patramus, tertio in conventia, quæ inde sequuntur. O Sacratissima Virgo, nos à te hanc virtutem addiscere debemus. Tu compararis palmæ, quæ exaltatur, & vergit versus cælum: *Sicut palma exaltata sum in cales.* In nuptiis quidem canæ Galilææ videbatur Iesus repellere tuam supplicam, dum dicebat, *Nondum venit hora mea;* attamen id te non absterruit, quò min⁹ sperares in eius misericordia, & miseris suaderes, ut agerent id,



id, quidquid iis commendarent. Et quamvis nos per innumera nostra peccata meruerimus ab ipso repelli; attamen confidentiam non volumus ponere; quia nullum est dubium, quod assistat iis, qui tuo favore materno sublevantur, quam nos imploramus dicendo Ave Maria.

## IDEA SERMONIS. PVNCTVM PRIMVM.

*Fiducia in Deo fundatur primo in eius potentia, quam videmus in creatione, conservatione, redemptione mundi, secundo in eius sapientia, quæ disponit suaviter, & attingit foriter.*

*Tertio in eius bonitate.*

II. **C**onfidentia, quam sacra scriptura nobis tam instanter commendat, tribus perfectionibus innititur, quas fides catholica agnoscit, & sæpe in Deo adorat, velut eas, quæ providentiam divinam exequentur, potentiam nempe infinitam, sapientiam incomprehensibilem, bonitatem ineffabilem. Sanctus Paulus nobis primum fulcrum ostendit, dum dicit: Potens est autem Deus omnem gratiam abundare facere in vobis, ut in omnibus semper omnem sufficientiam habentes, abundetis in omne opus bonum. Deus est omnipotens, & illa, quæ contraria videntur, valde bene concordare potest, ille bene potest agere, ut bona opera exerceatis, non taliter, qualiter, sed abundanter, et perfectissimo modo, & quidem ita, ut semper, omni loco, in omni negotio, de vobis ea, quæ necessaria

sunt, ea παντα αυτοτε πασαι αυτες κρειται. Ut hæc verba Sancti Pauli verificemus, & nostra confidentia in fulcro cunctiarum potentiarum stabiliatur, velut in columna firma, immobili, & inconcussibili, oculos solum aperire debemus, & attendere ad effectus huius omnipotentiarum in creatione, conservatione, & redemptione.

In principio, quando creavit Deus cælum, & elementa, terra erat tota arida, nuda, sterilis, sicca, deserta, inhabitabilis, informis sine floribus, fructibus, arboribus, herbis, semine, horrore, & tenebris involuta. Verum creator fuit tam potens, ut omnes hos errores correxerit, ut hoc chaos sustulerit, & mille venustatibus eam decorarit, mox ut dixit: Fiat lux, producat terra. Statim namque visum est quoddam lumen fulgere, quod tenebras dissipavit, terram pinxit encausto gratioso florum, & herbarum ardentium, arbores produxit fructibus onustas, animalia specie diversa.

III. Quod si illo tempore vixisses, & vidisses productiones adeo mirabiles, dixisses, viden illustre opus, sed non diu durabit. Hæ creaturæ habent plane contrarias qualitates, una est calida, altera frigida, una sicca, alia humida. Et quomodo aliqua sit parentia, quod concordent, & longo tempore simul maneant? Bellum inter eas erit continuum, sese invicem destruent, corrumpent, annihilabunt. Aqua exstinguet ignem, ignis devorabit terram, terra consumet, & absorbebit aquam. Verum tunc contrarium factum est, quia vides, quod Deus per suam cunctipotentiam inter oppositionem



tionem harum qualitarum conserver, quod elementa in bona unione colligeret, quod reliquas creaturas, non obstante earum naturali antipathia, & oppositione concordat; quod eas vinciat, confederet, colligeret, coniungat, & compositione earum mixta componat.

*Frigida conveniunt calida, humentia siccis.*

IV. Sed quid cogitasses, quid dixisses, si Deus suum animum tibi aperuisset circa mysterium in carnationis? Quid dixisses, si tibi dixisset; ego quadam die producam hominem, qui substantia carebit propria? Quid dixisses, unum hominem propria viduatum substantia? Egone possit esse homo, qui non sit homo? Quod homo datur, qui nulla habeat accidentia, manifestam involuit contradictionem; nam homo est substantia, substantia est id, quod exle, & per propriam subsistit substantiam, hæc est differentia inter substantiam, & accidens, quod substantia subsistat per se accidens dependeat à substantia, Quin immò plus agam, efficiam, ut hic homo propriam non habeat existentiam, quid? Quomodo hoc possit fieri? Hoc esset producere unum esse, quod non haberet esse, esset esse in aëre tantum, & fictum, esset tantum esse, quod haberet esse in ideis, & in conceptibus agentis. Interim vide hominem, qui non habet propriam substantiam, qui non habet propriam existentiam; & tamen tantum abest, quod non sit nihil, accidens, homo imperfectus, sed sit perfectissimus, & excellentissimus hominū, homo Deus, qui nobilius subsistit per substantiam alteri, qui realius existit per existentiam verbi, & perfectius, quā si subsisteret in seipso.

Nunc quaeso vos ex hac insigni veritate, aliquam veritatem eruamus. Tu dicis mea domus est merum chaos, mea negotia sunt mera confusio, contractus, tutelæ, processus, cessiones fori, omnia mea proposita, fortunam pessumdederunt, & annihilarunt, & quod peius est, nil video lucis, nullum conspicio radium spei. Pater, Maritus, qui me protegere deberent, sunt mortui, creditores undique me premunt, debitores nil mihi solvunt, amici mei me deserunt, & produnt, consanguinei me nō juvant. Confide in Deo, te ipsum illi commenda, eius zela honorem, eius mandata tibi cordi sint, nam eius potentia est infinita, ille omnes hos defectus unico verbo emendare potest. *Solo sermone* inquit Sancta Agatha *restaurat universa*. Si semel dicas, *Fiat lux*, producat terra &c. tu lumen, & ductum reperies, ut tua reficere, & restaurare possis.

Quando omnia tibi succedunt ad votum, quando in tranquillo navigas mari, quando es in summitate rotæ, qui tibi hæc omnia præstat? Quis te in illo statu conservat? An tuus maritus, pater, amicus? An hoc putes? Non credo quod tam perversus sis Christianus, quod adeo sis ignorans, & idiota, ut credas, quod hoc faciant ex seipsis, propria virtute; non, quia id faciunt per gratiam, quam iis Deus donavit, ut iis tanquam instrumentis, ut tibi beneficiat. Et an Deus cum iis sit mortuus? An suam amisit potentiam, quia tuus maritus amisit vitam? An putas, quod ille sit velut illi perversi scribæ, qui non possunt unam extrahere plumam, quando omnes plumæ extra-



Etæ sunt, vel perditæ? Qui intulit viro tuo necem, nunquid abstulit Domino potestatem? Inquit Sanctus Augustinus. Potens est autem Deus omnem gratiam abundare facere in vobis, ut in omnibus omnem sufficientiam habentes, abundetis in omne opus bonum. Deus optime contraria potest concordare, ille ea, quæ videntur incompatibilia potest coniungere, ille potest facere, ut sufficiens habeas tempus rogandi Deum, ita tamen, ut nil desit tuis studiis, & laboribus; ille potest facere, ut magnas eroges eleemosynas, & tamen nil deficiat in familia, ille potest facere, ut sis integer, & incorruptibilis in tuo munere, & tamen tuus honor, & fama in nullo laedatur, ut sis humilis, & animosus, zelosus, & pacatus, prudens, velut serpens, & simplex, velut columba.

Tu dicis: Si ego non consentiam genio vitioso huius hominis, qui in magna est existimatione, si ego ei non serviam velut instrumentum, in eius actionibus pravis, & infamibus, si ego ei non sim obiectum, & illicium, Leno in voluptatibus in honestis, ille me deseret, quia fulcimentum est, & columna unica meæ fortunæ. Si non peierem, ut carius vendam, Si non adhibeam ad ulterinum pondus, Si non retineam petias ex panno, nihil lucrabor nec familiam meam sustentare potero. Apage, apage. An ergo tua familia non subsistat nisi per unum perversum? An tua fortuna non inicitur nisi peccato, hoc est, vacuo, & nihilo? Profecto hoc debile est fulcrum, misera subsistentia,

An non Iob dicit, Tabernaculum impiorum non sustinet? Et rursus, Elevati sunt ad modicum, & non subsistent? An non dicit Isaias, Rapietur sicut pulvis montium à facie

venti, & non subsistet? Dic cum devoto Machabæo, quomodo poterimus subsistere, nisi tu Deus noster nobis succurras? Et cum Davide. Firmamentum meum, & refugium meum es tu. 1. Mach. 5. v. 53. Psal. 70. v. 3.

Quando tua familia destituta erit omni subsistentia humana, illa firmius, & securius subsistet in Deo, & eius potentia infinita, Ego bene video, quid sit quod tuam prosterнат, & proterat confidentiam, tu nempe putas, quod potentia Dei nimias trahat moras in aggrediendo opere, tu non consideras, quod eius potentia non sit cæca, quod sit dotata sapientia admirabili, quod attingat omnia fortiter usque ad finem, quod omnia disponat suaviter. An non hoc sit omnia bene, & suaviter disponere ita linquere agere causas secundas, ac si non esset, prima, ac hæc nil ageret? Agere, quod causæ naturales agant necessario, liberæ liberè, contingentes fortuitò? An non hoc fortiter est assequi suum finem, facere, ut causæ fortuitæ, contingentes, liberæ non minus infalibiliter, deserviant ad illum finem, ac si essent naturales, & necessariæ? Quod tam effectivè eius voluntas adimpleatur, ac si ipse solus ageret sine earum ministerio? Eius consilio militant etiam qui repugnant. Tu velles, quod Deus quotidie tibi miracula faceret, tu millies noluisti eius divina custodire mandata, & velles quolibet momento violari leges naturæ, & ut eius creaturis violentia inferatur, ut tu præservareris à casibus, quos revolutiones mundi invehunt. Eius providentia ad hoc eum non obligat, & mirabilior illa evadit, quando omnia in bonum tuum disponit, absque eo, quod iura creaturarum astingantur.

De

Iob. 1. v. 2.  
Iob. 24.  
v. 24.  
Isaia. 13.  
v. 13.

Eze  
v. 13.  
17.  
6, 19

Psal

Psal.

Psal



De quodam Imperatore narrant, quod dum olim suos amicos, & familiares veller recreare, convivium opiparū instruxerit in alto oceano, dumq; orbes mundi apportarentur, illi qui sordidi erant, in mare proiciebantur. Convivæ, dū hæc viderent, obstupesciti inquebant: O qualis profusio! Quale damnum! Qualis non est iactura, ita perdere hos orbes argenteos, qui adeo utiles hominibus sunt? Arcanum non penetrarunt, Imperator circūqua; latentia iusserat expandi orbes retia, quæ omnes & scutellas continebant, dumq; convivio finito ad littus appellerent, viderunt omnia salva, insuper & plurimos pisces captos.

Magnus Deus comparat suam providentiam reti, *Extendam super te rete meū, nam eius providentia plena oculis est, velut rete. Quando adversa fortuna te, laceffit, tu iam te mersum putas, & omnia irrecuperabiliter perditā, quod iam iaceas in abyſſo. Veni in altitudinem maris. Fide Deo, & nihil perdes, providentia te, & domum tuam cingit. Sperantem in Domino misericordia circum dabit. Illa omnia colligit, omnia conservat, omnia cū usura, & auctario prosperitatis reddet.*

VI. Tu dicis, quod nullam haberes difficultatem sperandi in Deo, si iuste vixisses, sed quia tam sæpe eum offendiſti, tu iudicas te temerariū, & præsumptuosum, si aliquem favorem ab eo expectes cum propheta eius dicat, *Sacrificate sacrificium iustitiæ, & separe in Domino. Id non nego, sed & idem vates dicit. Sacrificium Deo (puta gravissimum) Spiritus contribulatus. Contritum, & humilitatum, et humilitatum Deus non despiciet. Quamvis magna, enormia, & multa sint*

tua peccata, si tamen offeras hoc Sacrificium, si detesteris commissā peccata, si vitam incipias novam, in Deo sperare debes, quia basis tuæ fiduciæ debet esse bonitas Dei, non tua probitas, eius misericordia, non tua iustitia, merita eius Filii, non tua. Et quamvis innumera sint tua scelera, tamen eius misericordia non est diminuta, eius bonitas non desinit esse infinita, merita Filii eius inexhausta,

## PUNCTVM SECVNDVM

*In eam peccamus primò, cum non soli Deo fidemus, secundo, cum non ab initio, tertio cum non firmiter usque in finem.*

VII. Non crediderim hic aliquem adesse, qui in Deo non confidat, attamen suspicor ad esse plures, qui in eo confidunt, sicut ipse mandat. Vult ut ab initio in eo fidamus, ut in eo solo incessanter, & indefetibiliter, in quo graviter delinquimus. *Maledictus inquit per Ieremiā Ierem. 17. homo, qui confidit in homine, & ponit carnem v. 5. brachium suum. Tu subiectus es huic maledicto, quia fidis tuo hero, tu inniteris ei carnaliter, quia tibi promissit, quod matrimonio diviti te jungere velit. Tu incurris hanc maledictionem, quia confidis in eo, qui est in magna exultatione, quia pro eo, diem sursum verſus ementiris, falsum das testimonium, agis monopolam, & alia peccata, & iniustitias committis. Tu fiduciam tuam collocas in tuis prolibus, sperans ab iis tuam fortunam provehendā, dum tale officium, tale beneficium, ad quod incapaces, affecti fuerint, quod tamen mediis illicitis iis procuras. Ponit carnem brachium suum. Tu nudas brachia, tua*



ubera, ut hac escâ adolescentem divitem allicias, ergo spem matrimonii tui in tua carne colloca. *Qui confidit in homine.* Tu homo es, quod si ergo in te confidas, tu subiaces huic maledictioni.

Sunt valde pauci, qui non partem suæ confidentiæ ponant in se ipsis, in proprio ingenio, scientia, pulchritudine, industriâ. Nec est minimus opifex, minimus servus, qui non fiduciam suam collocet in suo brachio, robore, arte, agilitate. Deus porro vult ut totâ fiduciam in eo colles, & non partem in te. Propheta non dicit, *Maledictus qui totam spem ponit in homine*, sed *spem suam*. Non dicit *In solo homine*, sed simpliciter *In homine*. Deus non verat ne labores, ut tuam vitam sustentet, ut tuam familiâ alas, sed non vult, ut fiduciam tuam colles in eo, & in tuo labore sed in eo, & in sua gratia. Vult ut labores sub ipso, & non æquè ac ipse, vult ut opereris tanquam eius instrumentum, & non tanquam eius sodalis. Tu quandoque dicis, *Ego, si Deus iuvet, feliciter hæc expediturum me sperem*. Sane hic modus loquendi ineptissimus est. Ut negotia tua feliciter expédiantur, non solum Deus debet cooperari, sed debet prevenire, oportet ut sit primus, nō secundus.

In philosophia dicitur, & experientia id monstrat, nempe, quod opera naturæ sint perfecta, & completa, quia sunt opus Intelligentiæ supremæ, Spiritus Divini, & infiniti: *Opus natura, opus Intelligentia non errantis*. Ego non credo, quod artifex quantumvis excellentissimus nidum possit construere adeo cōmodum, & aptum ad nutriendos, & educandos pullos, quam construat hirundo, aut Regulus. Quænam est huius

causa? Quia Deus nidificat per has exiles creaturas.

Filius Dei dicit in Evangelio, quod Rex Salomon in omni sua magnificentia, & pompâ nunquam habuerit veſtē tam affabrē, & concinnē factam, ac habet unicus flos, ceu lilium. Et quænam est huius rei causa? En eam. *Acu pictores, & sartores confecerunt vestes Salomonis, bonus autem Deus apravit, & consuit vestem huius floris. Fenum agri Matt. 6. Deus sic vestit.* Quod si tuæ actiones non vult, aut tendant ad gloriam Dei, & animæ tuæ salutem, ego nec capillitū pro iis dabo. Ut autem cedant in gloriam Dei, & tuam salutem debent esse supernaturales, quia nil naturale tam altum finem attingere potest, adeoque ut supernaturales sint, Deus eas per te velut instrumentum elicere debet, ita ut tantum sis instrumentum, quamvis liberum, & voluntarium, & non agens instrumentale.

Porro instrumenti est, non agere per se, nec per propriam virtutem, sed per motionem, & virtutem causæ principalis. Et hinc dum creator dignatur uti instrumento, omnis gloria, & bonus successus debet ipsi attribui, & non instrumento, quia ille non utitur instrumento ex indigentia, impotentia, necessitate sicut nos, sed ex affluentia suæ bonitatis, ex excessu suæ Charitatis, et ipse indifferens est ad illud adhibendū, vel non adhibendum, ad illud multum, vel parum usurpandum, & ideo potest dare victoriam, quando ei placet, & quidem tam facilliter, & gloriosè per pugnum militum, ac per ingentem exercitum, uti de illo dixit Rex Asa, dum pugnare deberet contra hostē, qui nu-

mera-



1. Paral. 14.  
v. 11.

merabat qui ingentos mille viros plus ipso. Non est apud te ulla distantia, utrum in paucis auxiliaris, an in pluribus. Tua negotia non sortiuntur felicem exitum, non cedunt ad gloriam Dei, & animæ tuæ salutem, quia tu non es instrumentum Dei, sed causa principalis. Ille non est, qui dat virtutem, & motionē tuis actio- nibus, sed tua ambitio, tua avaritia, tua sensualitas. Tu intras Religionem, non prius consulto Deo, an te vocarit. Tu matrimonium inis, nec perpendis, an hæc sit voluntas Dei. Tu litem alicui indicis, nec prius à Deo illuminari petis, ut cognoscas, an sit ad suam salu- tem.

Immo, quando tua negotia paulis- per succedunt, tu inflaris, ampullaris, tu illam gloriam tibi attribuis, quæ to- ra debetur Deo, quia tu es e numero eo- rum, de quibus dicit scriptura, quod confidant in propriâ virtute, in se ipsis, & quod inuitantur brachio suæ carnis. Tu committis simoniam, ut emas be- ficiū, tu sensuales inis familiaritates, ut hanc opulentiam adeas hereditatem, tu mediis uteris illicitis, ut hunc lucre- ris processum; remediis superstitiosis, ut recuperes sanitatem. Tu tuam, & tuorum negligis salutem, tu tuis mer- sus, & in volutuses negotiis, quia opti- mam partem tuæ fiduciæ collocas in tuo ingenio, industria, diligentia, pru- dentia, pro eo, q̄ te debeas totū com- mittere sapientissimæ providentiæ Dei.

VIII. Verum enim verò, quod si cō- mittas te Deo, hoc tunc prius facis, quā- do à toto mundo desideris, tunc recur- ris ad creatorem, quando destitueris à creaturis, Deus autem vult esse tuum

asylum, obiectum tuæ confidentiæ, non in defectu aliorum, sed ab initio. San- ctus Ioannes Chrysostomus, advertit, Divinā providentiā permittente Patri- archam Ioseph in vincula per calumni- as suæ, heræ coniectum, 1 duobus annis iis hæsisse. Sanctus Martinus, dum qua- dam vice flammis undiquaque cinctus esset, quæ eius cubile pervaserant, ad ia- nuam accurrit, ut tam evidens pericu- lum evaderet, verum dum eam aperire non posset, Dei opem inclamavit ut ab illo incendio liberaretur, sed postea se accusavit, & amare luxit, quod antequā confugisset ad Deum, eiusq; implora- set providentiā, proprias vires ex- periri voluerit. *Quarite primum regnum Dei.*

Similiter quodam tempore, dum no- stri Patres in confinibus Normandiæ ad missionem irent, quædam devota ma- trona, ut eos transeuntes vidit, unum eorum insecuta est, casum conscientiæ ei manifestatura. Hæc porro fuit mi- tella rustica, quæ innocentiam adhuc habebat baptismalem, uti ex eius dis- cursu erueret licebit. Hæc in angulo ca- sæ, ceu tugurii stramine se & degebat, & fila ducendo vitam sustentabat, par- temque panis pauperibus transeunti- bus in stipem erogabat. Porro hunc ca- sum illi Patri aperuit. Quadam die so- lenni summo mane surrexit, ut ad ma- rutinum in paro- hia celebrandū iret, dumque per campum procederet duos lupos iuxta se invicem cubantes con- spexit; ad quorum conspectum con- sternata, pedes relegit, & ad suum tugu- rium rediit. Verum in regressu, doluit, & seipsam increpavit, dicens: O me in- felicem, quæ in Deo non confido, usq; hanc

Hom. 6. in  
epist. ad Ti-  
m. 1. ren. 41.  
v. 1.

Matth. 6.  
v. 10.



hanc culpam puniret, accessit illos lupos, terramque prope eos deosculans dixit; Lupi Dei, Lupi Dei, si Deo placet, me devorate, si hoc illi non lubet, sinite, ut vadam ad parochiam. Lupi nil ei nocuerunt, sed illa transivit. Quæsiuit itaq; an non peccarit ob defectum confidentiæ. Me hercule Sancti aliter illustrati sunt, quam nos, & vident nostras culpas, ubi tamen nos putamus nos esse innocentissimos.

IX. Nos imitamur Sanctum Petrum, nos magnâ fiduciâ incipimus, sed in ipso fervore persecutionis fiducia nostra languere incipit, & deficit. Dum Sanctus Petrus cum Apostolis mare sulcasset, Filius Dei super aquas ambulavit, dumq; eos ad tantum miraculum consternatos videret, dixit, *Nolite timere, ego sum*, Sanctus Petrus statim excepit dicens: *Domine, si tu es, iube me venire ad te*, Veni, inquit, dicebat Christus, & statim coniecit se in mare, & audacter super aquas incescit; at dum ventus vehementior furere inciperet, ille timere coepit, & mergi, ac nisi Iesus eum manu pressasset, dicens: *Modica fidei, quare dubitasti?* Ille in profundum præcipitatus fuisset. Tu quoque non aliter facis, quia animosè, & generosè quandoque te das actionibus heroicis, & laudabilibus, quandoque proponis ingredi religionem, tendere ad Deum, domum illam deferere, relinquere illud officium, vel beneficium, quod tibi est occasio peccati, at enim verò minimus ventus te retardat, & revocat, unum maledictum, quid dicent? Minima tentatio minatum, unicus, vanus, & mundanus respectus te impedit. Non habes sufficientes vires corporis, & ani-

mi ut intres hanc religionem, tu ex illa, egredieris, & ita iudicaberis inconstans, & levis, si ex eas ex hac domo, tu perdes tuum stipendium, præmium tuis servitiis debitum, favorem illius Domini, vel Dominae, si illo officio te abdicēs, omnes, qui nunc te adorant, nec aspectu te dignabuntur, hunc timorem debes superare. Bono sis animo, tu ambularis super aquas, tu calcabis hoc furiosum elementum, tu mundum, eiusque contradictiones devinces. Tu non credes, quam fortis, & invincibilis ad hos omnes insultus sit una anima generosa, quæ firmiter adharet Iesu Christo. Da mihi animam, quæ totam se commisit Deo, quæ in eo solo, & non in se ipso, aut aliqua alia creatura fidit, illa patrabit miracula, ubi e contra, si fluctuemus, si vel parumper circa Divinam providentiam hæsitemus, non fortitemur finem bonum.

Sanctus Petrus, dum validus ventus sæviret, totaliter non diffidit, quia clamavit, *Salva me*, adhuc aliquam habuit confidentiam, quia Christus illi dixit, *Modica fidei*, sed quia dubitavit, coepit mergi. Ita, ita profecto sola causa, cur non ita potenter invenimur à Deo, cur non faciamus tam illustria opéra, quæ vellent per nos operari est, quia magnam habemus de eo diffidentiam. Visne, ut tibi ostendam, quod tua fiducia non innitatur Deo soli, sed multum innitatur tibi, & aliis creaturis? Supponamus, quod sis æger, & dicas tuo medico. Domine ego tibi fido, tu es vir probus, & expertus, ego sanitatem, & vitam meam tibi committo, nec vel in minimo dubitem, quod me negliges. Porro si hic tres uncias

tibi



tibi præscribat rhabbari, & tu dicas pharmacopolæ, duæ solum adhibendæ sunt, evacuatione indigeo. Si sibi dicat, hodie non est vena incidenda, quia est dies crisis, & tu opponas, ego hodie venam incidam, ut refrigerer, quia calidior sum, quam heri, & aliis diebus. Quid diceret medicus? Tu quidem dicis, quod te mihi committas, & quod me æstimes expertum, sed an non eos omnes irrides, quibus talia dicis?

Ita quoque nonnunquam dicis in tuis precibus. Mi Deus, ego me totum tibi committo, ego brachiis tuæ providentiæ me trado, at ille dicit in sacra scriptura, non jures, ne carius vendas, non ita anxie quæras bona mundana, nonnunquam aliquid temporis subduc, & te des precibus, ac Servitio Divino, confessioni, communioni, concionibus. Ne utaris superstitionibus, non mentiaris, ut litem vincas, non committas simoniam, ut obtineas illud beneficium, ne injustitias patres, ut assequaris illud officium, vel hereditatem, solve miseris creditoribus, operariis, servis, tu autem totum contrarium facis. Vade in malam horam, tu Deum irrides, dum dicis, quod te totum Deo committas, tu confidis in tuo ingenio, prudentia, industria, laboribus.

### PUNCTUM TERTIUM.

*Hinc fit, ut non mereamur tam præstans auxilium Dei, quod probatur primò scripturâ, secundo Patribus, tertio ratione, quarto comparatione.*

X. *Va dissolutis corde*, inquit Spiritus sanctus per os Sapientis, *qui non credunt Deo, & ideo non protegentur ab eo.* Væ incredulis, timidis, & meticulosis, qui nil generosi faciunt pro servitio Dei. In sancto Marco capite sexto lego unum verbum, quod meritò nostrum intellectum capere, & captivare deberet. Evangelista narrat, quod Christus *Non poterat ibi*, nempe in Nazareth *virtutes ullas facere.* Nonne Jesus est verus Deus, & omnipotens? Textus sacer non dicit, quod non noluit, sed quod *Non poterat ibi.* Sed in quo loco? In Nazareth, in dilecta sua patria. In Nazareth, ubi sanctus Gabriel dixerat nil Deo esse impossibile? In Nazareth, ubi Deus duo præcipua portenta patravit, nempe Hominem Deum, & Virginem Matrem? An in Nazareth plura non potuit facere miracula? Tantum hoc est paradoxum, ut ipsemet Christus miretur. Sanctus porro Marcus causam assignat; Quod nempe Deus non soleat miracula patrare in gratiam eorum, qui se reddunt indignos. Sed per quid redduntur indigni? Diffidentia eos reddit indignos, illa ligat manus omnipotentis Divinæ, illa cursum gratiarum particularium sistit. Jesus educatus fuit in Nazareth, concivese eum viderant in simplicitate suæ pueritiæ, in laboribus artis fabrilis, in officina sancti Joseph, illi nullam magnam de eo acceperunt æstimationem, illi eum vilipenderunt, in seipso confiderunt, & hoc modo miraculis, quæ alibi patravit, se indignos reddiderunt.

Eccl. 2. v. 15.



Cap. 11.  
monilis spi-  
ritual.

Econtrario idem Salvator quadam die hoc sanctæ Gertrudi dixit: Filia charissima, quando una anima se totam mihi committit, & firmiter sibi persuadet, quod ego possim, & velim fideliter ei succurrere, hæc virtus adeo mihi sit grata, ut rapiat meum cor, & suo modo violentiam inferat, quia ex una parte ansam habeo differendi eius petitionem, ob magnum gaudium, quo perfundor, quia video, quod sese mihi committat, & sua merita augeat per suam confidentiam, ex alia vero parte, ego non possum non succurrere ei, quia ad me confugit.

XI. Et hinc Ecclesia, dum postulat eius gratiam, eius protectionem, ei sub oculos ponit, quod solum in eo fidat, eum rogat, ut hanc confidentiam considerare dignetur: *Quæ in sola spe gratia celestis innititur, tua semper protectione muniatur: Deus qui conspicias, quia in nulla nostra actione confidimus.* Et sanctus Augustinus dicit: *Una spes, una fiducia, una firma promissio, misericordia tua.* Nam ut inquit Seneca, nil est quod aliquem magis devinciat, quam si ei fidamus, & nil nos magis retardat, quod aliquem juvemus, quam si nobis diffidat. *Fidelem si putaveris facies; Habita fides ipsam fidem obligat. Multi fallere docuerunt, dum falli timent.*

XII. Et nonne verum est, quod si tuus servus videat, quod ei non fidat, ex bono corde tibi non serviat, si tua ancilla videat, quod illi diffidas, tibi non sit fidelis? Quomodo ergo putes, quod Deus te velit fideliter juvare, dum videt, quod ei diffidas? Supponamus quod quidam nobilis dicat lux filia vi-

ginti annorum. Visne ut te in matrimonio collocem? Et illa respondeat, fac de me quod vis, colloca me, vel non, des mihi nobilem, advocatum, opificem, mercatorem, pauperem, mihi perinde id est, tibi tantum satisfacere volo, quidquid de me disposueris contenta sum, & hoc, quia tu ita vis. An non hic nobilis esset immanior Turca, Arabe si non esset sollicitus, ut filiam suam in bono matrimonio collocaret, & magno eam affectu prosequeretur? Illa mihi fudit inquit, illa non vult, nisi quod volo ego, constet quid quid velit, quidquid potero, hoc pro ea agam.

Viden paulisper unam animam, quæ dicat bono Deo, mi Deus, ego sum inops, & misella creatura, imprudens, indiscreta, stupida, ego nil possum, ego nil scio, ego nihil sum, omnia ludo si velim ex me agere, verum tu es meum refugium, mea spes, meum unicuique asilum, ego tuam gloriam semper spectare volo, ego volo semper tua servare mandata, tuum timorem, & amorem mihi commissis commendare, in meo statu, id tantum facere, quod tu jubes, & quoad expeditionem meorum propositorum, negotiorum, processuum, fortunarum, sanitatis, salutis, ego tibi fido, & mihi diffido, tu es ter bonus, ter sapiens, ut omnia feliciter gerantur, ure, seca, dispone de me, uti tibi placuerit, si ve velis, quod sim æger, sine quod sim sanus, dives, vel pauper, honoratus, vel despectus, afflictus, vel felix, sum contentus, omnia hæc mihi unum, & idem erunt. Ero beatus, & contentus, quia tua sancta voluntas in me, & meis adimpletur. Quod si hæc ani-

Ecclesiæ 3



anima non tantum illa proferat ore, sed ita sentiat in corde, an Deus illi non sit benedicturus? An non eius negotia sit gesturus, curam eius habiturus? Sane, Christianus non sit, qui aliter de hac sancta providentia sentiat.

mi

## CONCLUSIO.

*Paraphrasis verborum Ecclesiastici, Habe fiduciam in Domino &c.*

*Eccel. 3. v. 5.* XIII. **H**abe fiduciam in Domino, & ne innuarius prudentia tua, in omnibus viis tuis cogita illum, & ipse diriget gressus tuos. Habe fiduciam. Tu fidis uni amico, qui est ingratus Regis, qui tamen nunquam dixit fide mihi, & forsan potest esse, quod gratia exciderit, vel jam mortuus sit, aut quod animus mutarit, & amicitiam erga te exuerit; Quomodo ergo non fidas Deo, qui tamen evidenter suum amorem, qui nunquam potest extingui, erga te testatus est, qui nequit amittere suam potestatem, qui semper est idem, qui tam asseveranter, & affectuosè tibi dicit: *Non te deseram, neque derelinquam?* Tu non fidis tuo Deo, qui potest, qui scit, qui vult potenter te juvare, dummodo brachiis eius te committas.

Et quidem potest, quia est cuncti-potens, eius potentia est infinita. Quod si suscipias expeditionem quandam audacem, temerariam, & periculosam, ut pote duellum, raptum puellæ, in vasionem bonorum vicini, tu inniteris basilicujus magnatis, tu dicis, ille me

proteget, ille mihi obtinebit gratiam, faciet ut litem vincam. Quando autem elicienda est aliqua actio generosa pro Deo, & pro salute tuæ animæ, quando diviti etiam tantum vestigal imponendum est, quantum debet, quando condemnandus est is, qui litem intentat injustè, quando indigno absolutio est neganda, tu times, tu respicis personam. Quanam est causa, quod non dicas id de bono Deo, quod dicis de hoc magnate? Ille me proteget, ille faciet, ut vincam litem, quam hic dives mihi intentat, ille me munit contra eius vindictas? Deus tuus non est minus potens illo magnate, est infinitè potentior, & maior illo.

Est infinitè sapiens, ille bene sciet, quomodo tua deducat ad finem, ille destruet tuos inimicos, dic cum sancto Gamaliele: Vel tuæ actiones tendunt ad gloriam Dei, vel non? Si non, non debes optare, ut sortiantur effectum, si sic, bono sis animo, quia sortientur bonum finem, non permittet, ut de ipso dicatur, quod bene incepit, sed non bene consummarit, ille tanto est intellectu præditus, ille tot habet valla, tot propugnacula, tot cuniculos, tot aggeres in sua arce, tot milites sub suis signis, ut si sis in eius gratia, quidquid adhibebitur in tui ruinam, cessurum sit in tui conservationem, ut omnis illi, qui tibi movent bellum, mereant eius stipendio, ut tibi serviant.

Est infinitè bonus, nec per capillum potes de eo dubitare, jam insignes probationes huius rei tibi dedit, & tu in materia providentiæ debes formare discursum talem, qualem formavit san-



Etus Augustinus in materia prædestinationis: *An verd timendum est, ne tunc de se homo desperet, quando spes eius in Deo ponenda demonstratur, non autem desperaret, si eam in seipso superbissimus, & infelicissimus poneret?* Tutiores igitur vivimus, si solum Deo damus, non autem nos illi ex parte, & nobis ex parte committimus.

De prædest.  
sanct. cap.  
11. Et lib. de  
dono perse-  
verant. c. 5.  
Et 32.

Quod si aliquem haberes amicum in mundo, vel nonnullum intimum, & familiarem, dic mihi, si bonus successus tuorum negotiorum, tuæ fortunæ, tuæ salutis, tuæ felicitatis æternæ, & temporalis dependeret à bona voluntate huius amici, an non esses summe affecturatus? Quod si nihil illi constaret te reddere felicem, & beatum, si tantum constiteret hoc in eius voluntate, an non crederes, quod infallibiliter id esses facturum? Verum, an hic amicus tantum unquam affectum erga te contestatus sit, quantum tibi ostendit Filius Dei? An unquam centesimam eorum partem fecit, quæ fecit salvator? An vel solam guttam sanguinis pro te fudit?

Filius Dei tibi omnia dedit, quidquid habes in hoc mundo, ille dedit tibi suam vitam, pretiosum sanguinem, unde nil illi constabit, quod te facias beatum in hoc mundo, & in alio, ille id faciet infallibiliter, nisi illum impedias per tuam diffidentiam, & facias per excessum tuorum criminum, ut perdat suam bonam voluntatem, quam semper erga te ostendit. *Habe fiduciam.*

*In Domino.* Ille est Dominus, & hoc vult ostendere. Ille quandoque permittit, ut fluctibus circum quaque agiteris, ille diu sivit, ut ventileris litibus,

miseriis, paupertate, morbis, scrupulis, angoribus animi; Verum si totum te illi committas, cum omnia erunt desperata, cum nullum sit adfuturum remedium, dum in regula eris tuæ perditionis, in ora extrema ruinæ irreparabilis, ille istum faciet magistri, actum suæ providentiæ, ille te liberabit ad eius gloriam cum stupore totius mundi.

*Ne innitaris prudentia tuæ.* Hæc fulcrum, & basis est valde debilis, est asser, & tabula putrida, arundo fragilis, fundamentum arenosum, coram Deo agnosce, quod tua lux non sit, nisi nox, tua sapientia, non nisi stulticia, in tuis operibus eius ductum rogit, in initio, progressu, & fine eius misericordiam inclama.

*In omnibus viis tuis cogita illum.* In hoc graviter delinquimus, hic defectus, est causa omnium nostrorum defectuum, quod nempe tam sæpe, & firmiter non recurramus ad Deum. Tuus filius, qui scribere non scit, non tantum se committit magistro, quando incipit scribere juxta exemplar, sed nec ullum format characterem, nisi magister eius manum ducat, quia alias pro characterem formabit pedem muscæ. Nos magis inepti sumus, ut aliquid faciamus, quod sit pro nobis, quam infans sit habilis ad scribendum, qui nunquam scripsit: Unde, si velis, ut tua feliciter succedant, non sufficit, ut te committas Jesu in initio tuarum actionum, sed & frequenter in discursu, ita ut sæpe ad eum mentem eleves, intuitus affectuosos interiores in eum conicias, ei tuum cor reverenter offeras, eius gratiam. & lumen roges. Si hoc facias, *ipse diriget gressus*



*su tuo, ille in perplexitatibus te illustrabit, ille cor tuum in tentationibus solidabit, ille in periculis te tenebit, ille per suas vias te deducet, ille faciet, ut per*

*tuas actiones in hoc mundo obtineas gratiam, & in altero gloriam,*

*A M E N.*

SERMO QUADRAGESIMUS QUINTUS.

PRO DOMINICA

DECIMA SEPTIMA POST PENTECOSTEN.

De dilectione Dei,

*Diliges Dominum Deum tuum ex toto corde tuo.*

E X O R D I U M.

**V**ulgare proverbium est, quod amor descendat, & non ascendant. Et ita sanè experientia demonstrat quotidie in hominibus, nam videmus parentes magis diligere suas proles, quam proles diligant suos parentes; Siquidem parentes thesaurizant prolibus, thesauros, & opes iis corradunt, filii autem vix aliquid faciunt pro parentibus, immò sæpe eos persequuntur. Idem contingit in nobis respectu Dei; Nos omnes sumus filii eius, ille nos creavit, ille nos conservat, ille tenerrimè nos amavit, ille nobis immensos thesauros hic in terrâ, & in cælo corrogavit. Nos verò parum eum amamus, parum pro ipso facimus, immò per peccata eum persequimur. Sed quid factu opus, ut magnum hunc defectum in nobis corrigamus, & tenerrimè eum amare incipiamus? Nil aliud,

quam quod animo perpendamus nostram beatitudinem, omne nostrum bonum in hac vita consistere in amore Dei, & quod ipse nullo alio titulo, quantumvis magno magis gloriatur, quam quod sit dilectus hominum, hoc est, quod ab iis diligatur, & ideo omnibus modis nos obligat ad amorem suū, ut cum Auctore hac concione ostendamus.

*Ego sum Dominus Deus tuus, non habebis Deos alienos coram me. Exod. 20.*

*Diliges Dominum. Matth. 22.*

**I.** **E**GO quidem invenio in sacra scriptura, quod creatura rationalis plura obsequia teneatur pendere Divinæ majestati, eiusque perfectionibus Divinis, quod nempe debeat honorare eius potentiam, admirari sapientiam,



timere eius iustitiam, sperare in eius misericordia, obedire eius suprematui, submittere te eius providentiæ, sed non invenio in eadem, quod Deus iis, qui pensant ei hæc obsequia, promiserit bona æterna, & temporalia, nisi amore sincero, & cordiali ament eius bonitatem. *Neque oculus vidit inquit Apostolus, neque auris audivit, neque in cor hominis descendit, quæ preparavit Deus diligentibus se.* Et ideo Filius Dei venit in hunc mundum, ut nobis abundanter daret vitam, hoc est vitam æternam; Ut autem ad eam nos duceret, dixit. *Diliges Dominum Deum tuum.* Sanctus Paulus dicit hanc virtutem diffusam esse in cordibus nostris per Spiritum sanctum, qui datus est nobis. Verum & addere possumus, quod hic amor diffusus sit in tuo corpore O Sacra, & benedicta Virgo, nam Spiritus sanctus, qui est amor increatus, & personalis, ille principale opus suæ charitatis, mysterium ineffabile Incarnationis, in tuo utero virginali operatus est, ut tuus Angelus prædixit, quando te salutavit per hæc verba. *Ave Maria.*

## IDEA SERMONIS.

### PUNCTUM PRIMUM.

*Perfectio, & beatitudo nostra in calo consistit essentialiter in visione Dei, sed super terram consistit in amore.*

quæst. 3.  
art. 9.

II. **F**inis omnium creaturatum, quæ sunt in hoc mundo est homo.

Perfectio hominis est anima, anime perfectio est voluntas, perfectio voluntatis est amor, amoris perfectio nil est aliud, quam Deus. Finis ergo, & perfectio huius mundi est amor Dei. Et hinc Salvator noster, qui summe desiderat, quod omnia opera eius sint perfecta, tam sæpe, & tam ardentem in hoc mundo, hanc excellentem virtutem nobis commendat. Hæc est regina, forma, perfectio, vita omnium aliarum virtutum. Ego bene scio, quod sanctus Thomas loquens de beatitudine animarum beatarum, doceat illam, si præcise, consideretur, non consistere in eius amore, sed in visione, quodque beatitudo non sit actus voluntatis, sed intellectus, qui Deum clarè, & facie ad faciem vider, quod probat, primo ex scriptura, quæ quoties loquitur de beatitudine utitur termino luminis, visionis, & cognitionis, uti dicit Psalter: *Satiabor cum apparuerit gloria tua.* & Philippus, *ostende nobis Patrem, & sufficit nobis.* & sanctus Joannes, *Erimus ei similes, quia videbimus eum sicuti est.* Et Salvator in terminis expressis: *Hæc est vita æterna, ut cognoscant te verum Deum.*

Psalm. 16.  
v. 15.  
Ioan. 3. v. 2

Et ratio huius hæc est, quod nempe felicitas creaturæ rationalis consistat in acquisitione, & possessione summi boni, quod est ultimus finis. Propriè autem loquendo, hoc non est voluntas, quæ acquirit summum bonum, sed intellectus; Nam voluntas erga summum bonum duas tantum potest elicere operationes, nempe illud desiderare quando est absens, & in illo delectari, quando est præsens. Desiderium porro non est possessio, sed solum cogitatio, mo-



motio, & inclinatio erga summum bonum. Delectari autem, & gaudere in possessione, & fruitione huius boni, jam supponit illud esse acquisitum, quod fit per intellectum. Quinimodò fruitio, & delectatio, amoris, qui est in voluntate, non est essentia beatitudinis, sed solum effectus, passio ad eam sequens.

III. Verum enim verò, hanc litteram ad Theologorum senatum remittamus, ego interim scio, à nullo trahi in dubium, aliud longè esse de beatitudine in hac vita, quia illa principaliter consistit non in cognitione, sed in amore. Et quidem ante omnia necessarium est, quod id competat, & sit proprium summo bono, ut nunquam sit extra sphaeram illius, cuius est finis, sed potius, quod omnes ad eum possint pertinere, ac pervenire, quia alias inclinatio, quam nobis indidit natura, esset vana, & frustranea. Hoc admissio, non est muliercula in mundo quamvis simplicissima, quæ nō possit cum auxilio Divinæ gratiæ eum excellentissime amare, cum tamen pauci sint, qui eum videant. Sed quid dico pauci? Nemo est, qui in hac vita eum perfectè cognoscat.

Aristoteles quantumvis subtilissimoprædictus ingenio, & scientia suprema, debuit fateri, quod intellectus vivacissimus, limatissimus, politissimus, lucidissimus, transcendens respectu Divinorum sit velut noctua respectu lucis solaris. *Videbimus eum sicuti est.* Nos eum quidem videbimus, sed eum non videmus. De tempore huius vitæ dicitur. *En ipse stat post parietem, respiciens*

*per fenestras, prospiciens per cancellos.* Ille, qui stat ad fenestram clathratam, ceu conspicillum, & curiosè omnia observat, ille videt cuncta, quæ geruntur in platea, & omnia, quæ dicuntur audit; Quod si tu casu eas transeas, & oculos sub leves, tu bene vides, quod aliquis sit ad fenestram clathratam, sed nescies dicere, quis ille sit, quia per conspicillum solum vides aliquot radios visus eius.

Similiter, quamvis Deus sit invisibilis, nihilominus distinctè omnia videt, quæ in hoc mundo aguntur, ille audit omnia, quæ dicuntur, præsens est omnibus factis, & quamvis eum non videamus, tamen bene videmus, quod detur unus Deus, nos bene cernimus aliquot exigua delineamenta Divinarum eius perfectionum, quas creaturis communicavit; Verum non videmus eum in seipso, visio, quæ eum videmus non est intuitiva, sed abstractiva per species alienas, quas haurimus ex creaturis, vel per testimonium fidei, quæ eum nobis repræsentat meliori modo, quo potest, & consequenter, quamvis aliqualem habeamus cognitionem de Deo in hoc mundo; Attamen per illam eum non possidemus, sed solum possidemus unam ideam, imaginem, speciem intellectualem, quam formamus in nostro animo, ut nobis eum repræsentemus; Verum, quando amo Deum ex toto corde, ego ipsum possideo, ille ad me venit, ille in me habitat, ille unitus, & conjunctus est meæ animæ, non solum per gratiam, sed per divinam essentiam: *Si quis diligit me*



me, inquit, ad eum veniemus. & mansionem apud eum faciemus.

Quod si ergo perfectio, & beatitudo consistat in possessione Dei, qui est nostrum summum bonum, si cognitio, quam de eo habemus in hoc mundo, non det nobis eius possessionem, sed solum possessionem suæ ideæ, quam in nobis efformarat. Si amor, quo eum prosequimur, efficiat, ut ad nos veniat, & habitet in nobis, & donet nobis possessionem, & fruitionem sui in hac vita, antequam possit possideri, sequitur necessario, & per consequentiam infallibilem, quod nostra beatitudo, & perfectio in hac vita non consistat in cognitione, sed in amore Dei.

Admirare ergo sapientiam providentiæ Divinæ, suavitatem gubernationis eius, quod nostram perfectionem collocarit in actione tam dulci, tam delitiosa nostræ naturæ conformi, tam facile practicatorum ab omnibus Personis. Nam ut quis amet, non est necesse, ut sit dives, nobilis, sanus, robustus, doctus, ingeniosus, sed voluntarius. Et quis sit homo adeo miser, indoctus, qui non possit habere bonam voluntatem? Admirare bonitatem Dei, qui tam instanter nobis suam amorem commendavit, ne hoc facit, quia sua interest, quia nostris bonis indiget, multo minus, quia nostro eget amore; Sed id petit, ut simus perfecti, ut simus beati, ille cognoscit, in quonam consistat beatitudo, & felicitas huius vitæ, nempe in amore nostri cordis, ideo omni modo possibili ad eum nos urget, & sollicitat.

## PUNCTUM SECUNDUM.

*Ideo Deus omni modo nos obligat ad amorem suum, primò præcepto, secundo donis, tertio promissionibus, quarto minis, quinto vi, sexto Philtro.*

IV. **N**on possumus aliquod cor expugnare, nec efficaciter obligare ad aliquod opus, nisi uno ex sex dictis modis. Porro Deus omnes illos adhibuit, primò namque amorem præcepit. Diliges Dominum, in quem locum sanctus Augustinus: Quid mihi es? Miserere, ut loquar: Quid tibi sum ego, ut amari te jubeas à me? Et nisi faciam, miseris ingentes miseras, parva est ipsa miseria, si non amem te? Deus condole mihi, ignosce, si ego, qui pulvis sum, & cinis, audeam tibi loqui: Quid tibi hoc vult, ut jubeas mihi, quatenus te amem? Ergone subito mandetur, ut amet suum principem? Filio, ut suum Patrem? Sponsæ, ut suum Sponsum? Pars ut amet suum totum? Creatura, ut amet suum creatorem? Nonne tu meus es Princeps, Pater, Sponsus, totum, creator? Tu mihi magna minaris tormenta, nisi te amem. Et an in mundo sit maior miseria, quam te non amare? Nonne est miseria omnium miseriarum, & ante omnia fagiendum quod quis amore tuo sit privatus? O quanta est misericordia, quod jubeas, ut amem te? Profectò hæc permissio mihi magnus est honos, quæ alias magno mihi foret species piaculi, si hoc non permitteres. Quod si Rex alicui diceret aulico, stude



parumper, ego volo, ut me ames, volo, quod nos invicem amemus, an non es contentus? Quomodo non æstimaret hoc, & quanto id non sibi duceret honori & favori? Unus subditus non auderet dicere suo Principi, Serenissime, ego valde te diligo, quia sarcasmi, & irrisionibus notaretur, traduceretur ut bardus, ut incivilis. Vassallus quidem potest dicere Regi, ego honoro suam Majestatem, ego summo gaudio afficior, quod ei serviam, sed tamen dicere non auderet, ego eam amo. Interim dicere possum non solum sine temeritate, sed cum magno merito meo Deo, ego te amo, iminè ipse hoc permittit desiderium & illud amat. Inter alias infelicitates nostras, hæc non est minima, quod viliora, & indigniora magis curemus. Tu invenis plures christianos, qui postquam illuxit Dominicus dies, hodie est dies sancti Matthæi, cras sunt quatuor tempora, vel pascha audiendum est sacrum, jejunandum, præparatio instituenda ad communionem, nam ita jubet Ecclesia.

Matt. 12. v.  
38.

Interim pauci reperiuntur, immodò quasi nulli, qui dixerunt in sua vita, elicere debeo actum amoris Dei, cum tamen hoc sit mandatum Dei, quod magis obligat, quam mandatum Ecclesiæ; immodò *Hoc est primum, & maximum mandatum*, est præceptum affirmativum. Præcepta porro affirmativa sunt, quæ præcipiunt aliquam actionem, negativa, quæ aliquam vetant, ut impleamus negativum, nil est faciendum, sed solum aliquid omittendum, ita ut ob- servemus præcepta, non occides, non mœchaberis, non furtum facies, nil de-

bemus facere, sed sufficit, ut non occi- damus, non mœchemur, non furemur. Sed non est ita in affirmativis, quia, qui omittit illa, non implet, sed qui elicit aliquam actionem. Præceptum itaque de amando Deo est affirmativum, quod obligat ad actus formales, & expressos, quod si tibi id dicerem quod tradunt Theologi, tu mirareris, & dicta eorum judicares paradoxa, sed ii, qui amant Deum, illa judicant valde rationabilia, facilia, & justa, nam dicunt, quod hoc præceptum obliget quotidie, & semper; hoc est quod semper obligemur ad amorem actualem, vel virtualem, quod semper teneamur clicere actus amoris Dei, vel facere opera ex amore Dei præcepta, & id volunt exprimi, & significa- ri per hæc verba, *Diliges Dominum* Vide *Deum tuum ex toto corde tuo, ex tota ani-* Thom. 2. 2.  
*ma tua, & tota mente tua, ex totis viribus* quæst. 21,  
*tuis*, hoc est quod teneamur ei reservare art. 7. &  
omnes nostras cogitationes, passiones, præcipue  
affectiones, actiones; nam si in nostro 2. q. 100.  
animo admittamus aliquam cogitatio- art 10. in  
nem, si habeamus aliquod gaudium, ali- corp. & ad  
quam tristitiam, aliquam iram volun- 2.  
tariam, si loquamur aliquod verbum, si deliberatè & voluntariè aliquam actio- nem, quæ non tendat immediatè vel mediatè ad gloriam Dei, clarum est, quod eum non amemus ex toto corde, anima, cunctis cogitationibus, viribus, sed quod peccemus contra hoc præceptum, non quidem semper mortali- ter, sed sæpe venialiter.

Viden quid dicant hi magni Docto- res. Sed ad hoc exigenter plures di- scursus, & animi dociles, & pacati, ut hæc doctrina bene exponeretur. In-

Mmm terim



terim extra dubium est, quod hoc præceptum quandoque obliget, tu tamen de hoc nunquam cogitas. Tu quidem ad minus qualibet septimana mediam horam impendis in auditione missæ, & hoc ut obedias præcepto Ecclesiæ, quæ hoc mandat, & bene facis, immò si aliter faceres, offenderes Deum, sed dic fodes, unde venit, quod qualibet septimana, quolibet mense, quolibet anno non impendas medium quadrantem horæ in eliciendo actu amoris Dei, ut obedias huic mandato, quod Salvator proprio ore promulgavit? Crede mihi, & credes viro, qui desiderat tuam salutem ex toto corde, At propono hodie, quolibet die exiguum spatium temporis, puta medium quadrantem horæ impendere in exercitio amoris Dei, & quidem certe, & determinato præfixo tempore mane, vel vespere. Et hoc fieri potest ab omnibus indifferenter sine ulla difficultate, quia sufficit, ut eliciatur interius, sine flexione popliti, sine intermissione laboris, ita ut nemo hoc advertat.

Quod si quæras, quomodo hoc fieri debeat, respondebo, & dicam id, quod Sanctus Bernardus dixit in alia materia; *nec doceri potest nisi à donante, nec addisci potest nisi à suscipiente.* Quod si aliquis infans diceret, quid factu opus ut amem meam matrem? nemo id ei dicere posset. Possumus quidem exterius eum docere, quomodo debeat ei obedire, fervire, exterius honorare, sed non quomodo amare, quia amor est actio vitalis interior, quæ doceri non potest. Quod si aliquis infirmus diceret, quid

factu opus, ut reperiam mel' dulce? Nonne possemus ei dicere, oportet palatam habere bene sanum, & purgatum? Quomodo debemus Deum amare? Oportet bonam habere voluntatem erga eum. Hoc non docetur, sed exercetur; non exercetur verbis, sed opere. Sunt plures mulierculæ, quæ nesciunt dicere, quomodo debeamus amare Deum, & quid sit hic amor, & tamen bene amant Deum, quia habent bonam voluntatem, & tenellum affectum erga eum; *Nec doceri potest nisi à donante.*

Porro solius Dei est tibi eum donare. Totum quod tu potes facere est, ut cum ejus gratia te disponas, & renuncies omni eo, quidquid illi displicet, & affectu osè hunc amorem ab eo roges, eum petas à Spiritu Sancto, qui est amor increatus, eum flagites à Christo, tuum cor ponas ad ejus pedes, invoces Virginem, Sanctos Seraphinos, Sanctam Magdalenam, considera bonitatem Dei, ejus perfectiones infinitas, beneficia inestimabilia, quæ tibi contulit. Per hos, & similes actus disponimur, ut ab eo recipiamus motiones ad illum amorem. Ad hoc obligamur ex illo præcepto, *Diliges Deum tuum*, & quia videt nos esse mercenarios, qui nil facimus gratis, quod ad amorem cordis nostri sit proprium commodum.

*Vulgus amicitias, utilitate probat.*

Ille nos cumulat beneficiis, ut ita nos excitet ad illum amorem.

V. Sunt plures, quibus tam difficul-  
ter



ter potest satisfieri, ut Deus, quidquid illis fecerit, adhuc tamen eos contentare non possit: Quod si videant aliquem perverse insidere summitati rotæ fortunæ, murmurant contra Divinam providentiam. Quod si namque Deus horreat peccatum, cur non abomine- tur peccatorem, qui illud committit? Si autem eum abominetur, quomodo hominem adeo scelestum tot benefi- ciis compleat? Quomodo tot benedi- ctionibus eum, ejus domum, horrea, agros, negotia repleat? cur tamdiu eum servat in vivis? Sed apage cum his nugis; nam si omnes pravi deberent occi- di, ubi nam tu ante decem annos fuisses? Tu murmuras, quod tali peccatori tan- ta beneficia conferat, & tamen indignè ferres, si hoc tibi non faceret. Te allo- quor, qui es maximus peccatorum. Scias, quod illi pravo, qui eum offendit, beneficiat, sicut & tibi qui contra eum murmuras, ut ejus, & tuum cor tuere- tur, & hoc facto practicat illud consi- lium, quod nobis dat per sapientem, & suum Apostolum: *Si esurierit inimicus tuus cibazillum, si sitierit potum da illi et sic congeres carbones super caput ejus*; car- bones inquam, qui suum amorem ac- cendent. Quotquot beneficia tibi præ- stat, quotquot bolos comedis, quot- quot creaturæ Dei tibi serviunt, nil aliud sunt, quam carbones ardentes, quos congerit super caput tuum, ut te calefaciat in suo amore. Immo quid- quid de facto facit, id agit ut te tuere- tur, quidquid agit esca sunt, & illicia, ut te capiat.

VI. Et si parva sunt ista adjiciet mul-

tiō majora. Quod si tibi hæc videantur exigua, si tuum cor tibi præstantius vi- deatur, ille te certum reddit, quod cun- cta beneficia, quæ tibi præstitit, & quæ tibi quotidie præstat, nil aliud sint, quam arrhabones, & stipendia magno- rum bonorum, quæ tibi præparavit, & quæ tibi spondet, si eum ames. *Nec oculus quippe vidit, nec auris audivit, nec in cor hominis descenderunt, quæ præparavit Deus diligentibus se*, inquit Aposto- lus.

Porro ut aliquammodo ea percipias, ute- re discursu Sancti Augustini; oculos considerationis tuæ conjice per totum universum, viden omnia superba ædifi- cia, domos basilicas, conclavia opulen- ta, hortus deliciosos, avens gratiosas, flores diversorum colorum, fructus sa- perosos, dulces, gratos, conditos, omnis generis, varia delicata, & fra- grantia, vocum harmoniam, suppel- lectilem sumptuosam, canes, aves rapaces ad fallendum tempus. Deus est, qui omnia dat hominibus, sed quibus? Quis est, qui omnibus his bonis magis frui- tur? Blasphematores, perversi, impudi- ci, Athei, Turcæ, infideles, qui Deum non cognoscunt, aut Monarchæ Mun- di, qui ejus obliviscuntur, & qui eum incessanter offendunt. Porro si tot bona asservavit suis inimicis, quid non fa- ciet suis amicis? Si sit liberalis in dan- do, qualis non erit in munerando? Si sit benevolus iis, à quibus offenditur, qualis non erit à quibus amatur? Si sit munificus erga eos, quibus nil dat nisi poenas, quid non faciet iis, quibus tanta



promisit? In mentem revoca quidquid unquam vidisti, intellexisti, cogitasti, quidquid unquam magni, pretiosi, excellentis, opulenti, magnifici, deliciofi, eminentis potes optare, omnia nihil erunt collata bonis, quæ tibi Deus præparavit, si eum ames. *Nec oculus vidit.*

Et quid quæso est, quod æstimas in hoc mundo? quid est quod hic optas, ut sis contentus, & beatus? An ut habeas tantam scientiam, ingenium, quantum habuit Aristoteles, Plato, Sanctus Thomas? An subtilitatem, eloquentiam Ciceronis, Demosthenis, Isocratis? An venustatem, & gratiam Judith, Esther, Helenæ, & venustæ Paulæ? An sanitatem, & robur Nestoris? An vires, & fortunam Achillis, Herculis, Alexandri? Thesauros, & divitias Phocias, Cræsi, Salomonis? An delicias, & voluptates Heliogabuli, Cleopatæ, Sardanapali? An quid plus desiderare posses, quam sceptrum Gallicum? Regnum totius Europæ, Monarchiam totius Mundi? Verum antequam effluant quinquaginta, immò forsàn decem anni, tu habebis hæc omnia. Sive vis Deum amare, ejusque mandata observare, nam omnia præmissa possunt videri, narrari, optari, impossibile est autem ea videre, narrare, optare bona magna, quæ Deus promisit, & præparavit diligentibus se. *Nec oculus vidit.*

At enim verò tu illa spernis, quia illa non credis, & hoc est quod eum male

habet, dum fidem ejus verbis non adhibes. Tu imitaris Filios Israel, qui *pro nihilo habuerunt terram desiderabilem, non crediderunt verbo ejus, elevavit manum suam super eos.* Ille manum levat, minas intentas, eò quod promissis ejus non credas. Et nonne æmulatur & summè desideret amari, dum gladium jugulo nostro applicat, & dicit, ego te occidam, ego te amabo, nisi me ames? Et hoc non tantum dicit, sed & facit, ille nos æternaliter damnat nisi eum amemus; & ignis infernalis, qui videtur esse excessus suæ iræ, est effectus ejus amoris, & quidem adeo ardentis, ut zelolypus sis, zelolypiamque superet. Legge scripturam & reperiēs, quod quoties loquitur de hoc igne, illa eam attribuat zelotypiæ, & æmulationi, quam habes erga nos. *Ignis æmulatio, quæ consumptura, est adversarios: In igne zeli mei devorabitur terra.*

VII. Et quia plures sunt, qui non credunt pœnas inferni, nec eas timent utpote quæ sunt futura, & invisibiles, ille adhibet minas, stimulos, ut nos excitet ad hunc amorem; Nec hic loquor de illa amorosâ vi, de illa dulci violentia, quam ejus gratia in nobis exercet, de illa inquam gratia, quæ tantam in nos habet jurisdictionem, tam forti pollet efficacia, ut cor nostrum infallibiliter moveat. *A nullo corde duro respuitur, Heb. 10. v. quia idcirco datur, ut cordis duricies auferatur.* Sed dico, quod Deus nobis mandet, nosque cogat ad sui amorem, sicut cogimus puerum, ad amandum cibum, qui ei displicet. Soror Maria ab Incarnatione

27.  
Sophon. 2.  
v. 8. & 38.



natione, dum adhuc in matrimonio degeret, & Domina esset Achariensis, illa non demulsit, nec blandiebat prolibus, uti hodie fieri assolet, sed prudenter vestigiis insistebat Sancti Bernardi, illa sapius eas mortificabat, & filias grossis cibis enutriebat, ut eas Carmelitarum rigori assuefaceret, casu quo Deus, ad earum institutum eas vocaret, uti & contigit. Quod si aliqua quandoque aliquod ferculum refutaret, illa omnia ipsi subtrahebat, nec mensæ aliud intulit, quam illud, quod abhorrebat, & ita cogebatur ea comedere, appetitusque sensum iis assuefiebat.

Forſan Deus tecum idem agit, & tu illi gratias agere debes. Ille tibi abstulit tuum patrem, matrem, maritum, filium, amicum, bona, immò omne id, quod amasti in hoc mundo, quia eum non amas ut debes, quem super omnia amare teneris. Ille per suam providentiam subtraxit tibi omne id, quod tuum amorem fovere, & nutrire potest, ut dum cor humanum nequit esse sine amore, tu ad minus defectu alterius objecti eum ames, eique te inseparabiliter conglutinet. O magne Deus, & quid ulterius possis facere ut tibi devincias illud cor, quod tantoperè desideras? Per quam portam intrabis? Tu undequaque illud cingis, nec tamen se dat. Nec tua mandata adeo expressa, nec fides tuorum beneficiorum, nec promissiones Paradisi, nec minæ inferni, inscriptiones suppliciorum hanc animam induratum expugnare queunt. *Extremis morbis, extrema remedia.* Quando unus

amore captus omnia mediâ attentavit, sed in vanum, si arietem adhibere velit, ille confugit ad fascinum, ille componit Philtrum, ille præbet poculum amatorium, vel bolum incantantem. Christus eodem artificio utitur, ut nostram affectionem expugnet, viden eum in altari, in tabernaculo, viden hoc fascinum amoris, hoc philtrum naturale, vel ut melius dicam supernaturale. Dicitur, quòd ut philtrum, vel poculum amatorium reddatur potentius, & efficacius, ei debent immitti aliquæ guttæ sanguinis, vel particula carnis illius, qui amat. Ego hoc facio inquit noster Salvator, ego omnem meum sanguinem miscui huic poculo, ego huic philtro admiscebo non unam particulam, sed totam meam substantiam, corpus, animam, Divinitatem.

## CONCLUSIO.

*Praxis illius consilii, Argue, increpa, obsecra.*

VIII. Quid nunc dicitis Auditores, quid nunc cogitatis? An non judicatis, quod Deus post tanta artificia cornu strum debeat expugnare? Annon censestis, quod debeat amari, plusquam omne id, quod in cælo, & in terra amabile est? Et tamen nil est, quod nō magis ames, quam ipsum. *Amas* inquit optime Augustinus, *pecuniam* dicitur *avare*, ecce tibi dicit divina sapientia, *ama illum* tanquam pecuniam, indignum est, injuriosum est, ut pecunia sapientia comparetur, sed

Mmm 3 amori



*amori comparatur, video enim vos sic amare pecuniam, ut amore illius labores suscipiatis, &c.*

Et quid dico, quod Deus conquerratur, ed quod ames paucillum pecuniae plusquam Majestatem infinitam? Plus dicam, sed tamen verum, Videtur, quod ei administres materiam invidiae, ego fremo, & tremo, dum hoc dico, imo pra horrore algo, dum hoc cogito. Tu ansam ei praebes invidendi sudario tui colli, si capax foret. Eheu mi Deus, quid est hoc? Et quousque pervenimus? Et quomodo sua patientia tamdiu nos tollerare possit? Et sane si aliud peccatum in mundo non patrassemus, quam quod tale propositum foveas, profecto, id sufficeret, ut merito à calo, & terra annihilareris. Ille ipse methoc dicit; & ego id alias dicere non auderem; si quippe Deus non foret, tu ansam ei praebes, ut Sudario colli tui invideret. Nunquid obliviscetur virgo ornamenti sui, aut sponsa fascia pectoralis suae? Populus vero oblitus est mei diebus innumeris. Numquid sponsa collaris sui magnam curam gerit, nonne plusquam decies per diem de illo cogitat? Nonne dies integros transmittit, ut mei non recordetur? Nonne mei obliviscitur, ac si nihil esset? Parum dixi asserendo, quod minus ames Deum, quam parum argenti, puellam aliquam, bolum telae, quia nec in minimo eum amas, nec minimam scintillam amoris pro eo habes. Audi sanctum Joannem, ille non nisi sapienter loqui potest, ille est amatus Christi

1. Joan. 24. Discipulus. Qui dicit se nosse Deum, & Mandata ejus non custodit mendax est.

Tu hoc non cogitas, & tamen id bene scis. Ille prohibet tibi juramenta, rancoret, libidines, invidias, mendacia, furta, & tamen ea committis. Ergo eum non amas, nec minimam scintillam amoris pro eo habes. O miserabilem te, dum amore privatus es! Infelicitas Demonum in hoc consistit, & summa miseria est, quod privati sint amore Dei. Privatio amoris est character reproborum, arx inferni, villa damnationis. Inter te, & infernum non mediat nisi tenue filum tuae vitae. Morere quando vis, tuus processus factus est, tu sine ulteriori examine damnaberis, & hoc, quia nec scintillam amoris habes. Et an non rebellis es, quod nolis obedire mandato adeo suavi, ingratus quod non ames eum, qui adeo tibi est beneficus, stupidus, qui non traheris tot promissis, temerarius, qui non exanimaris tot minis insensibilis, qui tot afflictionibus non emendaris, induratus, qui tot fasciis, & illiciis non flecteris?

Tu revera habebis quod agas. Tu naturam dementare non potes, nec mendacem facere scripturam. Natura summi boni est unicum centrum, & satisfactio cordis, fac quidquid velis, vade, quod lubet, infarcire bonis, & deliciis, quia nunquam eris beatus, nec punctum verae felicitatis habebis, veri gaudii, quousque perfecte Deum amabis, & cunctum ad hoc disposueris, ut nolis non amare nisi Deum, & reliqua in vili habere, quod non velis nisi id, quid promovet ejus gloriam, nec fugere nisi peccatum. Versa, & reversa in dorsum, & in ventrem, & in latera, & dura



*dua sunt omnia & Deus solus requies.*

Tu habebis quod agas, scriptura nunquam mentietur, si namque beneficia, quæ tibi Deus confert non sint carbonēs ardentes, qui ejus amorem in te accendunt, erunt arifiones ignis, qui te comburent in inferno. Deus hoc avertat. At quia hic amor aded est tibi necessarius, nec tamen eum habere possis ex teipso, ferventer, humiliter, assidue eum à Deo roga, si sapias eum flagita à Deo, id adhuc semel repeto, & centies omnibus Christianis in particulari repetere vellem. Si velis salvari, frequenter hunc amorem roga. Dic cum sancto Augustino. *Serò te amavi bonitas æterna, serò te amavi, pulchritudo tam antiqua, & tam nova.* Verum præstat, & fatius est quod serò, quam nunquam. Ergo mi Deus te amo, ego te amo ex toto corde, ego tibi omnia bona opto. Sed quale bonum tibi optare possim? Quale bonum tibi dare queam, qui es abyssus, thesaurus, oceanus omnis boni in te ipso sufficientissimus, beatissimus, felicissimus, nullius egens? O mi Deus gaudeo, lætor, delector, quid adeo sis

perfectus, beatus in teipso, & quod nil tibi possit advenire. Gaudeo, lætor, quod nil tibi queam donare; nam si hoc possem, non esses omnino perfectus. Gaudeo ob laudes, quibus te afficiunt Angeli, & Spiritus beati. Gaudeo ob honorem, quem tibi pendit Beata Virgo; Gaudeo ob gloriam, à Sancta & sacra humanitate Christi; Gaudeo ob gloriam, delectationem, beatitudinem, quam sanctissimæ, adorandissimæ personæ sanctissimæ Trinitatis vobis invicem communicatis.

Et quia nil pro vobis facere possum, nisi addere gloriam aliquam accidentalem, & exteriorem, ego propono ab omni eo abstinere, quod vos offendit, & omne id facere, quod scivero tendere ad vestram gloriam, & anniti ut in proximo, & in omnibus meæ curæ commissis tuus amor, & servitium promoveatur. *En amote Domine, & si parum est amem validius, sed amem amplius;* quod si forsan te non amem, fac ut te amem. si enim hic fueris objectum mei amoris, in Cælo quoque objectum meæ vitæ, felicitatis, & gaudii eris, Amen.



# S E R M O

## QVADRAGESIMVS SEXTVS

pro Dominica decima octava post  
Pentecosten.

*De honore, quem ex virtute religionis debemus Ecclesiis. Transfretavit,  
& venit in civitatem suam Matt. 9.*

**A**uditores charissimi. Felix vestra foret civitas, si de ea dici posset. *Venit Iesus in civitatem suam.* Beatus enim populus ait David, Psal. 73. *cujus Dominus Deus ejus*, è contra infelix est illa civitas, cui dicitur, *vos non populus meus*, & ego non ero vester Deus, Osee Primo. Merito ergo gloriari posses, & gauderes, si de te dici posset, quod sis civitas, & urbs Christi. Sed dicis catholica sum urbs, & Christiana, in Orthodoxa, & avita religione, & fide constans. Verum hoc non sufficit, fides enim sine operibus mortua est, unde ut dicaris civitas Christi, debent in te relucere opera Christi, præcipuum porrò est, ut Zeles honorem Dei, & cultum Ecclesiarum, reverentia quippe erga ecclesias, est unum è præcipuis signis, unde possimus colligere, aliquam civitatem esse Christi, hinc dicitur de paralytico, quod *abierit coram omnibus in domum suam*, meo iudicio templum, *magnificans Deum*, de honore templis exhibendo agamin hac concione.

*Ego sum Dominus Deus tuus non habebis Deos alienos coram me*  
Exod. 2.

I. Virtus Religionis, quæ nobis quarto loco primo mandato præcipitur, ob-

ligat nos ad colendum ex toto corde summam, adorandissimam Majestatem divinam, non solum in seipso, sed & in omni eo, quod ad ipsum refertur. Ansam habeo in diversis occasionibus loquendi de reverentia, quam debemus sanctis, eorum reliquiis, Sacerdotibus, Religiosis, ac aliis particulariter Dei servitio dedicatis. Hodie solum agam de reverentia, quam debemus Ecclesiis, reverentia inquam, quæ hoc tempore adeo funesto, & deplorando adeo contemnitur, ut domus Dei videatur esse hara, forum publicum, aut alius ex locis prophanioribus,

Augustissimum templum, quod unquam Jesu consecratum fuit, est tuum cor virginale, & corpus immaculatum ò Sancta, & Benedicta Virgo:

*Domus pudici pectoris*

*Templum repente fit Dei.*

Pater æternus illud ædificavit per suam potentiam infinitam, Filius ejus ideam concepit per suam sapientiam incomprehensibilem, Spiritus sanctus illud sanctificavit, eique benedixit per suam bonitatem ineffabilem, ille inquam, volo dicere, misit sanctissimum Sacramentum, volo dicere corp<sup>9</sup> pretiosum, & adorabile Filii Dei in Mysterio incarnationis, uti tibi tuus Angelus prædixit, quando dixit, *Ave Maria.*



I. Virtus Religionis, quæ nobis quarto loco, primo mandato præcipitur, obligat nos ad colendum ex toto corde summam, adorandissimam majestatem divinam, non solum in seipso, sed & in omni eo, quod ad ipsum refertur. Ansam habeo in diversis occasionibus loquendi de reverentia, quæ debemus sanctis, eorum reliquiis, sacerdotibus, Religiosis, ac aliis particulariter Dei servitio dedicatis. Hodie solum agam de reverentia, quam debemus Ecclesiis, reverentia inquam, quæ hoc tempore adeo funesto, & deplorando modo contemnitur, ut domus Dei videatur esse hara, forum publicum, aut alius ex locis prophanioribus.

Augustissimum templum, quod unquam Jesu consecratum fuit, est tuum cor virginale, & corpus immaculatum O sancta, & Benedicta Virgo.

*Domus pudici pectoris  
Templum repente fit Dei.*

Pater æternus illud ædificavit per suam potentiam infinitam, Filius ejus id ipsum concepit per suam sapientiam incomprehensibilem, Spiritus Sanctus illud sanctificavit, eique benedixit per suam bonitatem ineffabilem, ille inquam volo dicere misit sanctissimum sacramentum, volo dicere corpus pretiosum, & adorabile Filii Dei in mysterio incarnationis, uti tibi tuus Angelus prædixit, quando dixit, *Ave Maria.*

II. Non mirum duntaxat, sed & incredibile foret nisi fides intercurreret, id quod scriptura, sacra, & Authores autentici de templo Salomonis referunt,

de multitudine operariorum, qui ibidem laborarunt; de impensis in eo factis, de vasis & utensilibus, in eo ad cultum Dei adhibitis. In tertio libro Regum, & secundo Paralipō. inventos esse cētum quinquaginta mille, & tria millia sexcentos ex quibus fecit Salomon septuaginta millia qui humeris onera portarunt, & octoginta millia, qui lapides in montibus caderent tria autem mille, & sexcentos præpositos operum populi. Omnes isti laboraverunt spatium septem annorum; ipsa materialia quæ pro fundamentis, adhibebantur, lapides erant pretiosi, singuli longitudinis viginti cubitorum, decem latitudinis, quinque altitudinis, quinque altitudinis, tam affabrè, & industriè conjuncti, ut vix appareret junctura, ita ut videretur potius unus lapis perfusus, quam plures conjuncti. Pavimentum erat e marmore albo, & omnia tabulis cedrinis vestita. Tabulatum autem hoc vestitum vel coopertum erat laminis auri mundissimi quæ affixæ fuerunt clavis aureis, nihilque erat in templo quod non auro regeretur. Erant etiam ibidem Cherubin de lignis olivarum decem cubitorum altitudinis, & tam admirabilis artificii ut merito dici potuissent *materiam superabat opus.* Tymiana quod coram Tabernaculo comburebatur preciosis compositum erat pulveribus aromatatis. Ideoque expressè prohibitum, ne hujusmodi suffitus usus esset in ullo alio quocunque loco. Sacerdos vel Levita ingrediens templum ut demungeret lampades in manu sua gestabat vas aureum repletum aquâ, ut in eo ex-

3. Reg. 6.

2. Paral.

pag. 7.

N n n

tingue-



tinguerentur emunctura; ne ullus ingratus odor in loco tam sancto excitaretur. Quis enumerabit numerum, vel aestimabit pretium vasorum, & utensilium, quæ ibidem serviebant. Joseph author gravis, & celebris inter Hebræos refert ibi fuisse viginti millia Turribulorum aureorum quadraginta millia argenteorum mensurarum, quales Moysè *Hin* vocantur, & *Assaron*, aurearum erant viginti millia, & duplicatus argentearum, Instrumentorum Muscorum, quæ nautæ, & cinnæ vocantur in usum hymnodiarum, ex electo quadraginta millia, Acerræ quoque aureæ, quibus odoramenta in templum inferri solent, erant numero viginti millia, & alia, quibus deferebatur ignis à magno altari in parvum intra templum situm, quinquaginta millia, Lancium item aurearum ad offerendam in eis similitam maceratam ad altare, octuaginta millia, duplum verò argentearum craterarum quoque in quibus similitam oleo subigebant, sexaginta millia aurearum & alterum tantum argentearum, Cantharorum autem vinariorum octuaginta millia & phialarum aurearum, millia decem, argentearum alterum tantum. Paratæ erant & vestes sacerdotales in usum Pontificum annueratis talaribus, & epomidibus, atque logio cum suis gemmis in universum simile. Stolas autem sacerdotales è bysso fieri curavit Rex cum decies mille zonis purpureis, & alias stolas byssinas Levitarum, hymnorum cantores numero ducenta millia. Quæ omnia confirmantur in scriptura sacra ubi videre est quātam David præparationem fecerit pro

exstructione templi, qui nihilominus post tot impensos labores, operarios, magnificentiam ad huc exclamat; *Ece ego in paupertate mea præparavi impensas domus Domini*; possibilene erit, quod tantus Deus in tam exigua, tam vili domuncula habitare dignetur? erubescō, & confundor super ejus vili ædificio. Rex magne, verè prudens, verè sapiens, multum profectò à Deo illustratus, si magnitudinem immensitatem, & infinitatem tantæ Majestatis agnoscis; quandoquidem omnes ius mundi divitiæ, & thesauri in unum redacti, & in eius obsequium impensæ, revera nihil essent respectu ejus, quod ipsi debemus.

III. Hoc autem primo templo à Chaldæis combusto, & destructo, Filiisque Israel à Rege Nabuchodonosor in Babylonem captivis abductis, postquā à captivitate liberati fuerunt in Palæstinam reversi clementia Regis Cyri, sufficiebat ipsis Deo immolare sacrificia, in altari erecto sub dio; sed suscitatur interim inter illos adolescens Aggæ nomine, quem Deus spiritu suo sancto replevit, & dono Prophetæ imponit sermones suos in ore ejus, mittitque ad contribulos suos, ut eos ad devotionem excitet, & ad reedificandum templum hortetur. Prophetæ hic ad duos populi superiores se convertit, Zorobabel Gubernatorem status, Josue summum Pontificem, qui præerat iis, quæ Religiois erant. *Factum est verbum Domini in manu Aggæ Prophetæ ad Zorobabel, Filium Salathiel, ducem Judæ, & ad Iesum, Filium Josedeih, sacerdotem magnum.* Et merito illos prius accedit

1. Paral. 28.

3. Regum: 3.

cap. 27.

Ch. 2.

Paral. 6. 18.

Isai.

Aggæ. 1.



dit eam in iis, quæ amore Dei sunt, superiores debeant esse primi, & alios bono exemplo præire. *Præveniant Principes.* Quando enim illi sincerè aliquid amplectuntur, & cum fervore, eò facilius movetur populus ad idem. Prius alloquitur Zorobabel, ne fortè Provinciarum Gubernatores, Principes, & Magistratus insurgant dicentes: quid nobis cum spiritualibus? temporalia nobis commissa sunt, quæ Religionem, & cultum Divinum concernunt, Ecclesiasticis relinquuntur. *Decere arbitramur Imperium nostrum, subditos nostros de Religione commonefacere.* & eos ad placendum Deo institueret, aiunt Imperatores Theodosius, & Valentinianus in suis constitutionibus.

IV. Providentia Divina speciali factum, quod Princeps iste vocatus sit Zorobabel, quasi *dispergens Babylonem* per allusionem ad ambitiosos illos, qui volentes elevare Turrim Babel, ut procurarent sibi reputationem, & nomen æternum in confusionem acti sunt, & dispersi in omnem terram. Qui cogitant exaltare domus suas, & sic nomen suum in hoc sæculo celebrare, obruuntur confusionibus; quia autem pro domo Dei laborant, cum felici expeditione, benedictionem reportant. Sacerdos magnus, qui cooperatur huic pio negotio, vocatur Iosue, vel Iesus, id est, Salvator, quia nihil animarum salutis utilius, quam curam gerere honoris, & ornamentorum Ecclesiæ Dei. Impii quidam Israelitæ, meditantes ædificare templum; à Deo horribili modo reiecti sunt, dum ait, *quæ est ista domus, quam ædificabitis, nomini meo?* Hac ele-

gerunt in abominationibus suis, quasi dicere t, quid ædificabitis mihi domum, erigendo ædificium materiale, cum destruat is abominabili, & scandalosa vita vestra vicinos, quos meritò ædificare deberetis? Econtrà verò Zorobabel & Iosue pietate, & virtute præclari, à Deo sollicitantur, ut ipsi templum ædificent. Signum est, quod non sitis in bono apud Deum prædicamento, qui negligitis domum Dei in locis, ubi melius possetis, ubi bona possidetis, relinquitis eam tecto aperto, & ruina minitante, vix pavimento stratum, pulveribus, & aranearum telis turpiter ornatum. Signum autem, quod in bona apud Deum sitis prædicamento, intendatque vobis benefacere, est si comunicet vobis Zelum, & fervorem pro mundi cæ ornamento, & decore domus suæ. Principalis, & potissima ratio, quam allegabat Propheta, ut Zorobabel, & Iosue incitaret ad affectuosam executionem Divinæ voluntatis erat, quod *magna foret gloria Domus istius novissima plus, quam prima.* Sed quomodo verificatur istud Prophetæ dictum, cum libro primo Esdræ dicatur, quod ædificato secundo templo Seniores, qui primum viderant, cum suspiriis, & gemitibus, deplorabant differentiam, & improprietatem huius templi cum illo, eò, quod nullo modo accederet ad magnitudinem, pulchritudinem, & divitias illius, quod antè viderant. Propheta autem illis respondet, *adhuc modicum est, & veniet desideratus eunclis gentibus, & implebo domum istam gloria, dicit Dominus exercituum.* Quasi diceret gloriam huius secundi templi in hoc

Aggai. cap.  
2, v. 10.

Aggai. cap.  
2, v. 8.

Isai. 66.

Isai. 66.



hoc consistere, quod ipse Messias illud præsentiam suam personaliter condecoraret. Quod argumentum efficacissimum est contra Iudeos qui negant Messiam venisse, argumentum quo, nec omnes simul Rabbini in unum congregati, satisfacere possent, Aggeus, & Malachias enim, quos tamquam veros, & magnos Prophetas agnoscunt, & recipiunt, prædicunt Messiam venturum in templum ad Zorobabel idificatum, atqui templum istud jam dudum destructum est, ita ut nec lapis manserit super lapidem, ergo Messias de facto venit, & ingressus est aliquando templum istud, vel Prophetice quæ id prædixerunt falsæ sunt. Marmor, lassis, Porphyris, Aurum, Argentum, Lapides pretiosi, industriæ operatorum altitudo & latitudo admirabilis templi Salomonis tribuebant ei multum splendorem, sed omnis ista gloria nulla fuit, respectu illius, quam contulit Messias templo Zorobabel, præsentiam suam, quando præsentatus fuit in festo purificationis, quando inventus est inter Doctores ibidem disputans, quando predicavit in eo, & Miracula patravit, quando patrem suum cælestem ibidem adorabat. Audio dicere quandoquidem verum sit, Ecclesiarum nostrarum nullam tam abjectam, nullam tam vitam, vel humilem, quæ non sit incomparabiliter gloriosior, honore & respectu multo dignior, quam unquam fuerint templa Salomonis, vel Zorobabel, Majestas Divina in templo Salomonis tantum erat umbraticè, & figuraliter, in nostris autem est realiter, verè personaliter, & corporaliter. Iesus in

templo, Zorobabel non fuit præsens nisi semel in die purificationis in nostris autem quotidie præsens est, per Divinum adorabile, tremendum, Augustissimum sacrificium, quando offerebatur in templo veteri, amictus erat carne mortali, in similitudinem peccati subiectis omnibus naturæ nostræ miseriis, dum autem in nostris offertur Ecclesiis, gloriâ patris æterni vestitus, & ornatus omnibus divinitatis perfectionibus, excellentissimus est. *Tunc ex parte homo, nunc per omnia Deus.* In templo Zorobabel fuit aliquando spatium triginta trium annorum, tantum quasi per transennam, in nostris est continuo noctu dique non per spatium, triginta trium quadraginta quinquaginta vel centum annorum, sed usque ad consummationem seculi, & in nostris propriè templis intelligendum est verificatum esse illud patris æterni pronuntiatum, *erunt Oculi mei & cor meum ibi in sempiternum. Hic est Filius meus dilectus in quo mihi bene complacuit.* Quod si Propheta determinatus, specialiter missus sit omnemque suam impenderit eloquentiam, ut populum induceret ad edificationem templi in quod Messias in terdum, erat ingressurus, Si Salomon tot impensis tanto numero artificum, tantum thesaurum profudit, ut exstrueret templum, in quo Majestas divina habitaret umbraticè & figuraliter, quantæ eloquentiæ orator, quantæ virtutis non exigeretur Propheta, qui populo Christiano, honorem & respectum, templis nostris debitum, debite exponeret & inculcarer; quas non deberemus adhibere impensas, qua lucra vel solitudine



tudine non deberent ornari, vel condecorari.

V. Si unica solum in toto Christianismo esset Ecclesia, vellem ipsius pavementum, stratum esse Marmore, Rubinis, Adamantibus, Smaragdis, & omnis generis lapide pretioso; non sufficeret mihi muros ejus laminis aureis esse rectos, sed totos Aureos vellem. Nunc autem cum tantus sit numerus earum per totum terrarum urbem diffusus, moraliter impossibile est, in singulis servare magnificentiam debitam; utinam tamen hoc ad minus fieret ut in congrua servarentur munditia & honestate. Auditores mei non raro contingit vobis liberales porrigere manus certis Ecclesiis in civitatibus sitis, bene sit & laudabiliter, sed quid movet vos, ut misellis Ecclesiis hinc inde in pagis, ubi bona vestra habetis non etiā vel minimo linteolo subveniat, *oportet enim hoc facere est illa non omittere?* Filius Dei aequē realiter præsens est aequē adorabilis est in pauperculis istis locis, ac in magnificē & superbē constructis. Si Regi serviretur Parisiis in vasibus aureis, jura autem lignes, nimia esset in æqualitas & proportio. In civitatibus altaribus imponuntur candelabra argentea, ut in iis ardeant candelæ, in pagis adorabile Christi corpus imponitur citoria æneo pretiosissimus ejus sanguis, in calice Stanneo, qui minus mundus est, Cantharo, cuiusvis casinarii in civitatibus sunt Casulæ, stola, super pelliciā, triginta, quattuoraginta & quinquaginta aureorum; in puge autem, vix invenietur prisera & clumbis Cusula. Alba vel stola tam lacera,

tam in munda, ut cuique honesto, commiserationem pareant. Longe plus meriti inde refertur si pauperculis hujusmodi locis, succurratur quia minus intercurrit amoris propinquitus propriæ minus propriæ quaestitionis minusque sit ibi pervulum vanitatis. liberalem te ostendis erga hoc in particulari Monasterium, quare? Quia ibi habes forte filiam, vel filium, aut fortasse confessarium ut dicitur, hæc vel illa tale ornamentum dedit, ecce, quam insignis est pietate. Splendor & Ecclesiarum magnificentia, multum facit ad excetandam in populo, magnā divinæ magnitudinis existimationem respectum & reverentiam erga res sacras, Rusticani autem homines passim idiotæ ingenio catus radioces, sensibus exterioribus potissimum diriguntur, adeoque magis indident pompa & splendore isto exteriore, ut debitam divinæ Majestatis concipiant æstimationem quam oppidani qui melius sunt instructi subtiliori præditi ingenio.

#### PUNCTVM SECVNDVM.

*Quomodo propanantur primo generaliter, secundo specialiter, per superbiam, per scandalum, per luxuriam, per invidiam, per avaritiam, per idololatriam, per immodestiam, per sacrilegia.*

VI. **S** Ed adquit servit tanta cura & sollicitudo quid faciunt tot impen-



penſæ, ut ædificentur, & exornentur Eccleſiæ, niſi Deus ibidem glorificetur? non glorificatur autem, ſed de-honoratur, & offenditur, ſi illud de vo-bis poſſit verificari. *Domus mea, Do-mus orationis vocabitur, vos autem feciſtis eam ſpeluncam latronum, Domus mea* Eccleſia eſt Domus Dei, qua abutitur quicumque aliquid agit in ea, quod non ſpectat ad ſervitium Dei, ea abutitur, quicumque ibi dormit, fabulatur, am-bulat, vel hæret absque oratione, vel attentione ad Divina, immò in templo Salomonis, ne minimam irreverentiã poterat Chriſtus Salvator noſter pati, quia non ſinebat, ut quisquam transfer-ret vas per templum.

*Domus orationis vocabitur; Eccleſia* Domus orationis eſt, prophanat il-lam igitur, quicumque aſtitat ibi ali-quid, vel adducit quidquid cum orati-one ſtare non poteſt, vel fidelium ibi-dem orantium devotionem intertur-bare, ut puta, ſi tam impetuoſi clamo-res excitentur, ut in forotumultus, a-lii, vel canes, vel pueros illuc adducen-do, quia non ſolum offende-batur Jeſuſ iſi, qui in templo vende-bant per avaritiam, ſed & illis, qui ibidem eme-bant Spiritu Religionis, idque ideo, quia ſtrepitus iſtius negotiationis plurimas in orantibus diſtractiones cauſabant.

Eccleſia eſt domus Dei, Domus ora-tionis, crimen igitur eſt deſtabile eam facere ſpeluncam latronum: *Vos au-tem feciſtis eam ſpeluncam latronum:* Speluncam ait, quia avaritia vendito-rum occulta, & palliata erat; ego au-tem dico, vos feciſtis eam theatrum la-tronum, prophanatur enim, & de ho-

noratur, & tollitur honor Deo debi-tus, committiturque ibidem pecca-tum apertè, invercundè ante faciem u-niverſi.

VII. Theatrum ſuperbiæ. Loque-batur olim per Prophetam Iſaiam Do-minus; *Gloriam meam alteri non dabo, ſed ego eripiam, ait, ſuperbus.* De ſtan-ti facit gloriam ſuam, ut creaturæ com-municanda non ſentiat, tu autem il-lam eripere conaris per ornamento-rum tuorum vanitatem. Jeſus abſcon-dit ſe in Euchariftia ſub ſpecie buccel-læ panis, ut eo confidentius ipſum ac-cedamus, ſi enim in forma ſibi con-naturali, & ordinaria ſe nobis præſen-taret, ſplendore gloriæ ſuæ nos ob-fuſcaret, ita ut præ timore coram tan-ta majeſtate concideremus, nec eſſet, qui auderet ipſum, vel accedere, vel contemplarii levicula autem aſſiſtenti-bus, licet non ore, corde, & affectu ta-men inſufurrat, ne detineamini in con-ſideratione huius ſacramenti, ubi nihil apparet, niſi fruſtum panis; ad me po-tius convertantur oculi veſtri, & plus delectationis, ac voluptatis inde refe-rent, ſi contemplantur decorem vul-tus mei, capillorum, & ornamento-rum, quæ rarâ indiſtriâ, & proporti-one concinnata aſpicientium oculos, & mentis in ſtuporem rapiunt.

VIII. Illis meritò convenit illud Ieremiæ, *poſuerunt offendicula ſua in Domo, in qua invocatum eſt nomen me-um, polluerunt eam.* Si aliquis pedicis, retibus, vel aliis quibus cunque inſidiis conaretur comprehendere apros, cer-vos, vel alia quæcuſque huius farinæ animalia, quæ Rex uſui, & récreationis ſuæ

Marc. ii.  
16.

Iſai. 42. 3.

Aug.  
Serm. 2.  
v. 6.  
de temp.

Ierem. 7.  
30.

Matth. 23.  
153.



ruæ singulariter vult reservata depræ-  
 hensus, & convictus, non impunè pro-  
 fectò id fecisset: Et si alius pedicam  
 imponeret in loco, vel transitu aliquo  
 publico, quem ii, qui speciali Regis  
 servitio deputari sunt, continuo terere  
 debent, ut sua obeant munia, non dam-  
 naretur ad triremes, nec brevem aut  
 lenem aliquem subiret mortem, sed  
 dirissemis, atrocissimis cruciatibus,  
 criminis tanti pœnas lueret. Si filia  
 aliqua publicis in tripudiis, vel comœ-  
 diis more mundano sit exornata, sit-  
 que fomes concupiscentiæ; coram  
 Deo sumopeè culpabilis est, cum ta-  
 men iocus iste, non sit nisi nemus, in  
 quo versantur, Apri, Cervi, animæ bru-  
 tales, servi Dei autem huiusmodi loca  
 non frequentant: Si tamen cum ejus-  
 modi splendore, & vano ornatu ad  
 Ecclesiam veniat, si altare accedat, si  
 chorum sacerdotum, sive Religiosorum  
 ingrediatur etiam tempore officii Divi-  
 ni, pedicas ponit servis Dei, est obje-  
 ctum iniquarum cogitationum, in loco  
 quem homines justī vitare non pos-  
 sunt. *Occidit in domo vitæ ait, S. Augu-  
 stinus & Domum Dei transire facit in Do-  
 mum fornicationum.* Contingere po-  
 test, quod inter præsentēs, varii varios  
 commiserint actus, fornicationis adu-  
 lterii, tempore quo in Cathedra ad vos  
 sermonem habeo, si enim aliquoties  
 puellas, vel mulieres oculo libidinoso,  
 & animo concupiscenti aspexerint, to-  
 tidem commiserunt vel adulteria, vel  
 fornicationē. *Qui viderit mulierem ad-  
 concupiscendum eam, jam machatus est e-  
 nim in corde suo, Nō serpantur cogitatio-  
 nes suas, Oculi per resquarum formi-*

*cantes quis scit an non hic vendantur  
 columbæ, an non veniant aliqui ex-  
 pressè, ut virgines vel in verbo capi-  
 ant, vel ut invicem tempus, & lo-  
 cum conventiculorum assignent? Quā  
 execrabilis impudentia est, in domo  
 Dei patrare, quod vel vilissimus ho-  
 muncio, non pateretur in sua? Si con-  
 cubinam, vel meretricem aliquam in-  
 sequeris usque ad Domum alicujus ho-  
 nesti viri, tustibus absque dubio insi-  
 gniter te reciperet. Tu autem effrons  
 huiusmodi bestias usque ad domum  
 Dei persequeris. Miror inquit S. Chry-  
 sostomus quod lateres ē parietibus in-  
 capita vestra sacrilega, & criminosa  
 non delabantur, & quis capiat in tan-  
 ta malitia toleranda divina longanimitas  
 immensitatem?*

Præterea quot non causantur teme-  
 rariis iudicia, quod invidia, quot ze-  
 lotyleiæ, quot murmura altarum con-  
 tra istā, est enim inquit, Bertha  
 gloriosa, & superba nimis, his enim  
 se ornamentis circumdedit hodiē, ut  
 semihī ostentaret parem, quo tamen  
 plurimum statum suum excedit, unde  
 enim habet ut illum continuet, nisi  
 vel furto, vel alio turpi lucro id effi-  
 ciat?

*Eccisū eam spelūeam latronum.*  
 Avaritiā sacerdotum impiorum, qui  
 non celebrant, nec assistunt officio  
 Divino nisi mediante certo stipendio,  
 qui non vacant excipiendis confessio-  
 nibus, nisi ob motiva lucri tempora-  
 lis. Quam appellabimus simoniam  
 mentalem, si hæc non sit, quid enim  
 aliud est hoc, quam vendere colum-  
 bam

Aug.  
 Serm. 2.  
 v. 6.  
 de tempore.

rem. 7.  
 30.

Matt. 5.  
 m. 15, 19.



bam, vendere gratias, & dona Spiritus Sancti? nunquid idem, faciunt quod perfidus iste, qui dicebat, quid vultis mihi dare?

*Speluncam latronum.* Idololatriā mulierum infantes suos gestantium; nunquid tanquam idolum colis infantem tuum, dum nihil cogitas, affectas, nisi ipsum, ipse sit unicum occupationum tuarum obiectum, nec solum id à te sed ab aliis eodem modo fieri affectas. Ideo enim curiosissimè vestitum, & ornatum confers ad Ecclesiam, ut ibidem confideretur, cum stupore alii abblondantur, & in eum tendant cogitationes, quæ circa Deum versari deberent? Ecentumsexaginta octo horis, quæ unā septimanā comprehenduntur, mediam ad summum tribuis Deo, si inter his sacro die Dominicā, eoque tempore cor tuum ad huc magis implicatum, & occupatum est, circa fatuam hanc Creaturam, quam circa Deum; si Deum diligeres, pro ut obligaris, si non habeas famulam, quæ domi prolem conseruet, custodiendam eam traderes vicinæ tuæ, idem obsequium ipsi reciprocè præstitura, quando sacrificio missæ ei assistendum foret.

*Speluncam latronum* imam destitit, & insolentiis, quæ committuntur quando assistitur sacramentis Baptismi, vel Matrimonii, strepitus, stultiloquio, nugis, cacchinnis, osculis, inter utriusque sexus patrinos, Sponsum, & Sponsam in Ecclesia iram Dei elicitis in vos, & prolem, unde similia à parochis nullo modo deberent permitti; Sed objiciet aliquis, quod ipsimet sacerdo-

tes dum celebrant primitias, osculentur de more suas commatres. Qui sunt autem isti sacerdotes, nisi forte idiota aliquis, qui nunquam, vel superficiteus sacram scripturam aspexit? Instabit fortè allegans illud Pauli: *Salutate invicem in osculo sancto*, verum est, sed inter viros, mulieres, & mulieres, ideoque, ut, bene advertit S. August. Seorsim sedebant in Ecclesiis, nec hodie unquam virgo vel mulier in qua pudor aliquo modo adhuc viget, id permittet, nisi fortè hinc inde effrons aliqua, quæ pudorem omnem invecunde absterfit.

*Spelunca latronum* per sacrilegia. & abusus sacramentorum, per confessiones, & Communiones indignas, Scis ne quid sit sacrilegium? Vnum est ex iis peccatis, quæ coram Deo maxime abominabilia sunt, & difficillimè remissionem impetrant: Si latro aliquis, furaretur in Ecclesia paramentum altaris, Ciborium, vel calicem, nunquid statim exclamares? O impium, o sacrilegum, comburatur. Tu autem plus mali facis dum ipsa prophanas Sacramenta. Et si id tibi nihil videatur, Phariscum agis, quia jurat per aurum templi, gravè crimen committit; qui autem per templum jurat, nullo modo peccat; Insensati inquit Salvator, nonne templum Sanctius est auro, cum aurum non sanctificetur nisi propter templum? Quare Sacrilegum est furari ornamentum? Quia spectat ad altare: quare illud dicitur sacrum, quod ad altare spectat? quia altare sacrificio deservit: quare sanctum, & tremendum est sacrificium, quia



quia in eo offertur pretiosissimum corpus Salvatoris nostri Iesu Christi. Corpus igitur, res sanctissima, sacratissima, Augustissima est in tota Ecclesia, tu autem illam prophanas tuis sacrilegiis. Mulierculæ passim illudunt sacramentis, iisque utuntur omnino pertransennam; Vigies spatiounius anni frequentabunt confessionem, & communionem intrepidè ulla contritione, devotione, vel dispositione, solum ut placeant Confessario, ut habeantur pro devotis, & piis animabus. Plebæis, postquam per integrum annum in omni genere peccatorum, tanquam in cloaca fordium sese volutarunt usque ad hebdomadam sanctam, sufficit illa obiter sacerdoti narrare, recitare aliquot Rosaria, vel officia Dei paræ, & sic impudenter, & cum violenti quasi impetu, ut ait, S. Cyprianus, accedunt ad communionem.

#### PUNCTVM TERTIVM.

*Hæc prophanatio dissuadetur rationibus, primò ex parte Christi, secundò ex parte nostri, tertio Reipublicæ.*

IX. **Q**uotandem se recipiet Salvator noster, ut liber sit à persecutionibus nostris? offenditur in aulis Regū, & Principum, in officinis, in plateis, in foris, in militum exercitiis, in domibus particularibus, nihil restat, nisi ut in domo sua tutus maneat, quandoquidem *Domus sua unicuique tutissimum refugium, ac spectaculum sit.* Maxima injuria est, quæ homini irrogari potest, & si

gnum juratæ hostilitatis est, si æquæ addomum propriam illum persequaris: & hic est locus, in quo Iesus gravissimè offenditur, non enim offenditur in carceribus per superbiam, in choreis per avaritiam, in solitudine per invidiam, in palatiis per luxuriam, per Symoniam in officinis, nec per sacrilegium in popinis, & his omnibus offenditur quotidie in domo propria? Potestne excogitari irrationabilior injustitia, quam quod templum sit asy- lus, & locus immunitatis pro omnibus aliis, excepto Domino loci; si fur, latro, vel parricida, quantumvis execrabilis ad Ecclesiam fugiat, ibidem securus est, si autem Iesus, qui ipsa innocentia est, in illa reperitur, persecutionem non evadit, in Choro, & Altari est tanquam in throno proprio, ut in loco majestatis, & gloriæ, tu autem impudenter ibidem exerces actus hostilitatis inhumaniter tractans tantam personam, horribile committens sacrilegium, quando sacrificas, vel communicas in statu disgratiæ. Nunquid summè deplorandū est, mi Deus, quod ne minimus angulus tibi restet, in quo sis securus, ne vel unicum altare in hac Ecclesia, in hac civitate, Provinciâ, in hoc Regno, vel mundo?

Et tamen adhuc impunè ista à nobis patrari existimamus? Filius Dei, quem Isaias prædixit nullo rigore, vel turbulentiâ contra quemquam usurum, Filius Dei, quem Ieremias asseruit futurum mansuetum, ut agnellum coram spoliantibus se, Iesus, qui ait, discite à me, quia mitis, sum & humilis corde, Iesus qui ne vel in minimo



conquestus est contra crucifigentes se, qui pro illis oravit, eorumque delictum excusavit, nunquam visus est irasci per totam vitam suam, nisi salomodo bis, idque semper contra peccatum istud, quod tam parvi aestimatis, nimirum contra irreverentias Ecclesiæ. Tunc temporis Hierosolimis, teste Iosepho, vigeant in palatiis tot iniustitiæ, tot fraudes in officinis, tot odia, invidia, detractiones in domibus civium, tot ebrietates in tabernis, & popinis, tot impuritates in Lupanariis, & tamen Iesus non apprehendit flagellum, nisi contra negotiantes in templo, qui ibi vendebant, vel emebant victimas pro sacrificiis. Quod si offendatur illis, qui actiones faciunt, quæ saltem alibi permixtæ, & laudabiles essent, quid non faciet contra illas, quæ nullibi licitæ, nec tolerabiles sunt? Si irascatur agentibus ea, quæ ad servitium Dei referuntur, quomodo agetur cum illis, qui cultum Dei dehonoraunt, interturbant?

X. *Mensas nummulariorum evertit, evertit fortunas, familias, respublicas immittit bella, pestem, famem, & alia mala in pœnam excessuum. Propter hoc prohibiti sunt cali super vos, ne darent rorem, & terra, ne daret germen suum, & paulo supra: seminastis multum, & intulisti parum, & hoc ideo, quia Deus non benedixit domui vestræ, qui contemptui habetis domum ipsius. Ponite corda vestra super vias vestras, considerate modum vestrum agendi, & videbitis, quam sit irrationabilis, quantum defleat à semita recta, habitatis in domibus laqueatis, & domus ista des-*

serta, solliciti enim estis, ut domus vestra bene sint rectæ, interius, & exterius, tam quo ad ornatum, quam ad necessitatem optime compaginatæ, quis autem curat de domo Dei, quæ in hoc, vel illo pago sita est, cujus rectum sine tegulis per lucidum parietes diffusi, pavimenta dissoluta, ostia sine repagulis? Vultis omnia mobilia vestra non solum honesta, sed curiosa esse, lintheamina vestra alba, & nitida in summo, quis autem vestrum suis unquam mandavit domesticis mundare candelabra, lavare lintheamina, deponere pulveres Ecclesiæ Parochialis. In domibus vestris non toleratis vel minimum strepitum, nec exiguum immuditiem, vel fætores; in domo autem Dei ambulatis, quasi in porticu cujusvis palatii, in eam adducitis & pueros, & canes, quorum repletur ejulatibus, & ululatibus, fedatur sordibus, repletur fætoribus; unde merito vobis timendum esset, quod contigit Imperatori Alexandro apud Baroniū anno 912. qui iusto Dei iudicio subitanea percussus morte obiit, quia recto capite templum ingrediebatur. Quod Heliodoro volenti thesaurum templi attingere, qui semimortuus in terram corruir, ibique exspirasset, nisi à suis promptissime inde fuisset elatus; Quod Pompeio, quia violata immunitate templi Ierosolomitani; nulla impofterum in omnibus negotiis suis usus est prospera fortuna, sed in Pherfalico bello devictus, militibus ejus, in terra versus Ierusalem facie cæsi corruerunt, ipse autem, ut notum est, miserè periit.

Vos autem huiusmodi temporali  
pœna

Agg. i.

2. Mach. 5.



pœna luere non estis digni, quia quot-  
annis reprehenduntur irreverentiâ, &  
insolentiâ, quas in Ecclesiis committi-  
tis, sed frustra, nihilefficiunt prædica-  
tiones, monitiones, & exhortationes,  
frustraneæ sunt, & inutiles, induramini  
sicut cor Pharaonis; interim omnia  
vobis ad nutum succedunt, divites vobis  
obtingent messes, & vindemiæ; pin-  
guibus gaudebitis beneficiis, dignitati-  
bus, & officiis lucrativis, quia digni  
non estis largitione paterna, reserva-  
tur vobis furor Dei, *in labore hominum  
non sunt, & cum hominibus non flagella-  
buntur, in labore Daemonum, & cum Dæ-  
monibus flagellabuntur*, ait, S. Bernardus  
indicia horum sunt evidentiâ, Deus e-  
nim vobis laxat habenas, tanquam re-  
probis; additis peccatum peccato, pla-  
teæ confitæ sunt locis infamibus popi-  
næ repletæ sunt blasphemiiis & dissolu-  
tionibus, civitas redundat lusoribus, &  
nugatoribus, nec est, qui cogitet istos a-  
bulus corrigere hinc verificatur in vo-  
bis illud, *aufferetur Zelus meus à te, non  
ultra irascar tibi*.

XI. Domine, deexi decorem domus  
tua, quid, auditores mei, noceret vo-  
bis curare decorem parochiæ, ubi Do-  
minus vobis bona dedit, si interdum  
Tobalia, Alba, superpellicia mundaretis,  
casulas, & alia ornamenta lacera re-  
pararetis? Quid periculi, quid mole-  
stia oriretur religiosæ civitatum, si vicinorum  
pagorum corporalia mundarent & Amylo  
roborarent, prout faciunt corporali-  
bus Ecclesiæ propriæ, quia tamen æquè bene,  
ac idem consecratur Iesus in Ecclesiis  
ruralibus, ac in civitatibus, si ungula  
Monasteria Monialium

singulis annis duas duodenas corpora-  
lium debitè præpararent, paucis id fie-  
ret expensis, & serviretur Ecclesiis, ad  
quatuor, quinque milliaria circumfisis,  
id insinuate filiabus vestris Religiosis, ut  
ostendatis vos diligere decorem do-  
mus Dei.

XII. Dilexi decorem domus tua ne  
perdas eum impiis, Deus, animam meam.  
Sermo optimè connexionis, & legiti-  
mæ consequentiæ signum est, quod De-  
us te salvandum censeat, dum Zelum  
pro gloria domus suæ tibi concedit;  
Bernardinus de Mendoza, Frater Epif-  
copi Avilæ, æternæ damnationis reus  
erat propter certum peccatum, cui ad-  
dictus erat, conversus autem, & salva-  
tus fuit, quia domum suam Deiparæ  
consecravit, ut ex ea exstrueretur Ec-  
clesia. Quia David intendebat ædifica-  
re Domino templum, promissum fuit  
ei per Natan Prophetam Sceptrum  
Regale à domo ejus non tollendum;  
Salomoni templum ædificanti apparuit  
Deus, & promisit orationum suarum  
exauditionem. Zorobabel, qui destru-  
ctum reædificavit, per Prophetam Ag-  
geum promisit Deus electorum nume-  
ro adscribendum. Idem fiet vobis, si  
Zelum, si amorem, si pietatem pro do-  
mo Dei habeatis, eruet vos è luto  
peccatorum, familiæ vestræ benedicet  
multipliciter, preces vestras exaudiet,  
vos autem recipiet in consortium, &  
sodalitatem animarum, quas præde-  
stinavit, & elegit in templo caele-  
stis paradisi.

*Libera in  
vita S. Te-  
resa l. 2.  
cap. 12.*





# SERMO QVADRAGESIMVS,

## SEPTIMVS.

Pro Dominica decima nona post Pentecosten.

De juramento, & blasphemia.

*Amice, quomodo huc intrasti. Matt. 22.*

### E X O R D I U M.

**N**VLLum est dubiū, Auditores, quin gravissimè is peccarit, qui intravit ad nuptias non habens vestem nuptialem; quomodo ergò ei non succensuit? Quomodo non signa iracundiæ ostendit; quomodo non juravit, quod eum graviter esset puniturus, quod tamen ipse in mente habebat? Profectò ad hoc sufficientem ansam habuisset, cum enim esset despectus ab iis, qui servos eius ceperant, & contumeliis affectos occiderant, & hic insuper ita imparatus accederet, causam habuit irascendi, & eum acriter excipiendi. Quod si hoc evenisset, in quas non voces contumeliosas, & blasphemias erupissemus? Quomodo cælum, & terram non miscuissemus nostris maledicentiis, & blasphemis? Quomodo contra ipsum Deum non fuisset impatientes facti? Exemplum nobis dare voluit, ne absque causa, aut utilitate juraremus, & ne in blasphemias unquā prorumperemus, quia illicitū hoc est;

hac occasione hodie ostendam, in quibus circumstantiis juramentum sit licitum, & quantum peccatum sit blasphemia.

*Non assumes nomen Dei tui in vanum*  
Exodi 20.

I. Primum præceptum obligat nos ad redditionem eorum, quæ Deo nostro debemus cogitatione, & affectu, secundum prohibet ne dehonoremus, & prophanemus sanctissimum nomen eius sermone, transgredimur autem præceptum hoc principaliter juramento, & blasphemia. *Oleum effusum nomen tuum;* Elogium, quod filio suo dilectissimo in canticis amoris tribuit sacratissima Virgo. Irreverenter, & absque respectu tractans nomen Dei mille maledictiones capite suo ingerit, debito autem honore, & respectu pronuntianti nomen lesu, oleum effusum est, remedium suavissimum, antidotum contra omne genus afflictionum, cuius nominis etymologiam complevit in cruce, non solum

per



per misericordiam erga nos, sed per honorem & respectum ergate, à qua sibi impositum habebat, *vocabis nomen ejus Iesum*, hoc est, quod insinuavit tibi Angelus è verbis expressis, postquam salutavit his verbis, *Ave Maria.*

## IDEA SERMONIS.

### EXORDIUM.

*Licet aliquando jurare.*

### PUNCTVM PRIMVM.

*De juramento, primò, quid sit, secundò, quotuplex, tertio, quas conditiones requirat, quarto cur frequens sit vitandum.*

II. Dicit forsitan aliquis, mi Pater, videris velle instituire actionem contraluratores, estne ergò juramentum essentialiter malum? Nonne interdum & in certis circumstantiis licitum est jurare? Maximè, cum scriptura sacra id permittat, & approbet, sancti practicarint, Deus ipse illius exemplum præbuerit. Propheta Ieremias id permittit, dū ait; *Jurabis, vivit Dominus, in veritate, & justitia, & judicio.* David ait, *laudabuntur omnes, qui jurant in eo.* Angeli sancti, Patriarchæ, Prophetæ, Apostoli aliquando jurarunt. Angelus in Apoc. Levat manus in Cælum, jurans perviventem in secula seculorum, quod post judicium nullum amplius erit tempus; in Genesi Patriarcha Abraham ait Regi Sodomorum, levo manus ad celsissimam Majestatem Dei, qui possidet Cælum, & terram. In libris Regum Propheta Helyas inquit per Deum vivum, qui hic præsens est, &c. In Epistola ad Galatas Paulus fidelibus,

hæc dico vobis coram Deo, & non mentior, Deus ipse, cujus minimum verbum cælo, & terra firmitus est, nihil inveniens se majus, dignatur per se, & per vitam suam jurare, ut in psalmo celeberrimo, quem singulis Dominicis decantamus, *juravit Dominus, & non pernitebit eum.*

III. Absolutè loquendo verum est, juramentum hoc modo circumstantionatum non esse peccatum quidem veniale, sed potius actus virtutis est, & meritorius, actus virtutis Religionis, cujus munus est Deo, divinisque perfectionibus honorem, & obsequia reddere debita. Si juramentum debite fiat, eo colitur immensitas Dei, scientia ejus, & veritas infinita, cum vocatur in testem sermonum nostrorum, agnoscimus eum ubique suis adesse creaturis, omnes earum actiones perspicere, omnia, quæ ubique dicuntur, & aguntur, intelligere, & scire, ipsum esse veritatem summam, & infallibilem, totiusque veracitatis fontem, & originem cujus authoritati nitatur, & comprobetur omnis sermo verax. Plures sunt juramentorum species, sed ne forte memoriam vestram obruam, tres solum distinguo cum Theologis, ut sunt *Affertorium, Promissorium, Execratorium.* Affertorium est, quando aliud assertitur, si ve præsens sit, si ve præteritum, vocando Deum in testem asserti, putà, dicendo per Deum, hoc tibi dico coram Deo, vel allegando creaturam aliquam, in qua Divina bonitas, vel potentia specialiter relucet, vel ad eum singulariter refertur, ut cum dicis per animam meam, per diem, qui nos illuminat, per ignem istum, sic ait Salyator noster, quod jura-

Genes. 22.  
Ierem. 22.  
Luc. 1. 73.  
Psalm. 109.

Ieremia. 4.  
v. 2.  
Psalm. 62.  
v. 12.  
Apoc. 10.  
Gen. 14.  
2. Reg. 17.  
Gal. 1.  
v. 20.



re per cœlum sit jurare per thronum Dei; jurare per terram, sit jurare per scabellum pedum ejus.

Alterum promissorium est, cum juramento affirmas aliquid facere, vel omittere, ut. vg. tali tempore debitori tuo satisfacere, hoc opus tali die expedire. Statutis Regalibus te acuratè accommodare, in officio judicis, Ad vocari, Procuratoris, fideliter supremo Judici veritatem referre, in iis, quæ concernunt læsionem, vel aliquam hujusmodi visitationem, si negotium tibi, tanquam experto committatur. Perjurus es, si taliter jures sine intentione satisfaciendi, expediendi opus, vel si scias te incapacem, si negligas statuta, quibus te obligasti, vel quæ alias promissisti in rebus magni momenti.

Execratorium juramentum est, quando aliquis in affirmationem sermonis sui, non solum Deum vocat in testem, sed etiam in vindicem mendacii, si veritati parcas, ut putâ, dicendo, Deus me puniat, hoc momento moriar, præfocet me pestis, nunquam egrediar de hoc loco, æternaliter priver visione Dei, tollat me Diabolus, nisi hoc sit verum. Idem est, ac si dicas, mentiar, volo, ut Deus permittat, quod moriar, Diabolus me tollat &c.

Hinc non rarè contingit Dominum id, quod nobis imprecari sumus, permittere, pro ut Nicephorus Calixtus refert de tribus, qui Narcissum Episcopum adulterii falsò accusarunt, eorum unus juravit se velle mori, si veritatem non diceret, alter eadem conditione se velle cõburi, tertius excœcari voluit, nisi vera esset accusatio deposita. Primus subitanea morte interiit, alter tam domo sua casu decidente scintilla ex lampade

succenssa, combustus est, tertius pœna utriusque commotus, culpam agnovit, adeoque amarè delicta sua deploravit, ut lachrimis urentibus visum amiserit.

IV. Beatus Ignatius in Univeritate Complutensi Studiosus, paulò post conversionem suam eleëmofinam emendicabat à comite Joanne Luciano pio, & devoto sacerdote, unus autem præcipulus Urbis civibus sinistrè, & falsò informatus, virum sanctum temerè judicans, sacerdoti ait, Eleëmofinas colligis pro homine isto? qui si ullus unquam mereretur comburi, quod si verum non sit, volo ipse ego adustione interire. Eodem die acceptis novis recens nato infante Hispaniæ nuntiis, ut festivos ignes præpararet, conscendit domus suæ turrim, in qua conservabatur pulvis tormentarius, Deo permittente, scintilla ignis in pulverem labitur, quem unâ cum homine succensit, & consumpsit. Jeremias Propheta præscribit nobis conditiones, quæ comitari debent Juramentum, ne fatale, sed licitum sit, & meritotum, *jurabis, ait, vivit Dominus, in veritate, & justitia, & judicio.*

Primò quidem in veritate, quæ circumstantia tam absolutè necessaria est, ut ea deficiente, sis perjurus, quamvis tantum aciculam concerneret. Iterum dico, quamvis tantum aciculam concerneret, non est enim in hoc peccati genere, ut in aliis, ubi levitas materiæ peccatum facit veniale, ut furari duos obulos, in die jejunii mane summere bolum cibi, hic autem levitas materiæ peccati gravitatem non minuit, sed malitiam auget. In majorem enim contemptum Dei cedit, abusus

Jerem. 4.

Id. l.  
senten.  
31. 22.  
Bern.  
modo  
vinen  
serm. 3.  
retent  
quacu  
arte. 2.  
3.  
Augu  
Epist.  
ad Al



authoritatis ejus, eumque in testem vocare mendacii ob rem levem, & frivolum, nec solum non debet vetari hujusmodi juramentum, quando sit mendacium expresse, & formale, sed etiam, quando sophisticum & palliatum, Sophisticum autem, vel palliatum appello sermones ambiguos, equivocos, & duplices significatione, revera enim sunt fallaciae, & astutiae, quibus proximus illuditur, & decipitur; non ingens malitia est sanctissimum, & tremendum Dei nomen adhibere, & autoritatem ipsius infallibilem allegare ad decipiendos homines? Nam quacunque arte verborum quis juret, Deus, qui conscientiae testis est, verba sic accipit, sicut ille, cui juratur, intelligit: teste SS. Isidoro, & Bernardo, *quacunque arte verborum quis juret, Deus, qui conscientiae testis est, verba sic accipit, sicut ille, cui juratur, intelligit.* Quod confirmat S. Augustinus, *non ambigo, non secundum verbum jurantis, sed secundum expectationem illius, cui juratur, fidem jurantis impleri; unde perituri sunt, qui servatis verbis expectationem eorum, quibus juratum est, deceperunt.* Vnde sequitur eos excludi à Regno Dei, illum autem salvari, teste propheta, *qui jurat proximo suo, & non decipit.* Prophetae historiae testantur Deum etiam inter Gentiles in hac vita mendacia hujusmodi palliata severè puniisse. Stobeus refert Archerimum Cydiae reservandam tradidisse summam pecuniae, paulò autem post cum pecuniis indigeret, eas repetit, depositarius vero sciens nullos inter fuisse testes, aut alio modo depositum posse probari, illud negat, Archerimus citat eum coram iudice, refertque se ad illius juramen-

tum, Cydias, quantumvis Gentilis, horret perjurium, licet per falsam solum divinitatem juraret, hinc excogitat hujusmodi stratagema, pecuniam depositam reponit in baculo vacuo, cui innitens incedebat, se infirmum, & debilem simulando, cum autem præstandum esset juramentum, & manus Aræ imponenda, adversario suo baculum tam diu tenendum tradidit, donec ceremonias suas absolvisset, quo facto, jurat se ab Archerimo mummos quidem in deposito accipisse, sed etiam probè, & exactè restituisse, Archerimus tam splendido mendacio ira succensus baculum, quem tenebat, in terram projicit, quo fracto, detecta fuit fraus, & astutia Cydiae, qui postea cum à civibus suis exinde ob tantum perfidiam, tot contumeliis, illusionibus, ac fannis affectus fuit, ut præ impatientia, & furore illas ulterius sufferri nesciens, sibi ipsi violentas manus injecit.

Secundò jurandum est in justitia, ne fiat cum intentione decipiendi proximum, vel eum inducendi in aliquod peccatum, nec cum promissione alicujus mali, ut judaei effecerant, promittentes nec bibere, neque comedere, donec Paulum interfecissent, ut si jures te hanc, vel istam injuriam vindicaturum, te malum pro malo redditurum, te parentes nunquam bono oculo aspecturum, te aliquem locum turpitudinis, vel alicujus alterius pravae actionis exercenda gratia accessurum, si cum juramento peccatum committere promittens, juramentum peccatum est, non obligaris tamen stare promissis. Tertiò circumstantionatum debet esse juramentum iudicio, id est, ob rem magni momenti,

ut

Isid. l. 2.  
sententi. c.  
31. 21. f.  
Bern. de  
modo bene  
vivendi  
serm. 32. &  
retentus c.  
quacunque  
arte. 22. &  
5.  
August.  
Epist. 14.  
ad Alipsum



ut sic quis citetur coram legitimo iudice, vel quando promittis consocio tuo fidelitatem, iurare enim leviter, & propter causam nullius momenti, esto non sit peccatum mortale, quando comitatem habet veritatem, pessima tamen est consuetudo, quæ plurimorum inconvenientium causa est.

V. Maximam irreverentia est, & signum exigui respectus erga Deum vocare illum in testem pro re futili, ut si pedissequi Regis in atrio Palatii colludentes ad iudicandum de omnibus eorum tricis, & negotiis, vel rixis inter ludendum occurrentibus, Regem interpellarent, indubie in poenam temeritatis suæ insignibus exciperentur fustibus. Præterea volo, ut iuramenta comitetur, & timor Dei, & veracitas pueri, & domestici vestri, audientes vos toties iurare, maledictum istum habitum acquirerent, & cum non habeant tantam conscientie curam, quantam habetis vos, sapissimè etiam falsa iuramentis affirmabunt, & vos pro iis luere debebitis.

Tandem esto, non habeas ullo modo voluntatem iurandi contra veritatem, si tamen iurandi consuetudinè assumes, facile, & inadvertenter interdum falsum iurabis. *Falsa juratio exitiosa, vera juratio periculosa, nulla juratio secunda*, ait, S. August. Hinc non licet tibi habitum iurandi acquirere ex eo, quod Deus, & sancti eius interdum iuraverint, ait S. Ambros. *his verbis noluit dominus iurare, ne peiores, iuravit ipse Dominus, quia non poenitebit eum, juret ergo quem sacramenti sui poenitere non potest. Tu vero noli usurpare exemplum iurandi, qui implendi iuramenti non habes potestatem* Quàdocumq; Deus, Angelus, vel sanctus eius iuraverint, semper fuit ob gravem causam, tu autem iuras

propter nugas, rem nullius momenti, sed non advertis, quantam injuria afficias Filium Dei, & quantam deroges respectui, & submissioni ipsi debitæ pro omni ratione efficaci, qua possemus à jurandi consuetudine abstergeri, sufficiat hoc Salvatoris nostri pronuntiatum. *Hec autem dico vobis, nolite omnino iurare. Vir multum iurans replebitur iniquitate, & non discedet à domo ejus plaga.*

#### PUNCTVM SECVNDVM.

*Blasphemia damnatur, primò scriptura, secundò Patribus, tertio rationibus. Quia blasphemus est peior Latrone, Homicida, Hæreticis, Turcis, Paganis, Iudeis, Tortoribus Christi, Dragonibus, Canefurioso, Dæmonibus.*

SI animæ Christianæ, quibus propria salus adhuc aliquo modo cordi est, diligenter curare debent, ut ab omni iuramento abstineant, à potiori cavendum est illis à blasphemia, quod vitium adeo detestabile est, ut honestiores, & justiores in scriptura sacra illud vix audeant nominare, cum omnia circa Iob adhuc prosperè agerentur, ejusque proles, diebus, & conviviis alternatim repetitis inter se amicitiam fovebant: at quia huiusmodi conventiones multis peccatis occasionem sæpè tribuunt, vir sanctus pro illis quotidie sacrificium offerrebat, *ne fortè*, inquit, *peccaverint Filii mei, & benedixerint Deo*: Sed dicet vestrum aliquis, an Deo benedicendo etiam peccemus? Respondeo prophetam, nomen benedictionis posuisse, quia maledictionis non, pen nigrium horrebat. Judæis tam execrandum erat illud vitium, ut quandocumque in-

Homi  
popula  
An:io  
fine.

Monas  
eod. de  
ricis &  
nichai.



Homil. 1. ad  
populum  
An: iocha in  
fine.

intelligerent, aut audirent aliquam blasphemiam, lacerabant vestimenta sua, ut ostenderent se non velle esse participes criminis tam enormis, quia illud sum opere execrabantur, & detestabantur. Non suaderem tibi toties scindere vestimenta tua, quoties audis blasphemias, nimis sæpe id faciendum tibi foret hoc moderno, & depravato sæculo, nec auderem tibi suadere quod. D. Chrysostomus suavit suis auditoribus; quandoque audieris inquit monstrum aliquod naturæ blasphemare, in signem impingas ei alapam & sanctificabitur manus tua actione ista, obsequium, quod Deo præstabis hoc faciendo, erit tanquam oleum sacrum & unctio Sancta, qua consecrabitur manus tua. Non auderem inquam hoc tibi suadere, nisi circa illos, qui curæ tuæ commissi sunt. Si puer, si famulus tuus blasphemus sit, nec alapis, nec fustibus parcas, nec displicebit iste motus iræ Deo, sed meritorius erit, & si alios audias blasphemantes qui non sunt tibi subditi, scindat ad minus cor tuum displicentia tantæ iniquitatis, nec nocerebit signo aliquo externo displicentiam demonstrare. Insolentem charitative adhortare, excellentissimam Dei maiestatem, in corde tuo adora, ut a te saltem aliquo honesto, & religioso reparetur iniuria, quam passus est à blasphemo, ut avertatur vindicta Dei, quam blasphemia promeruit: Quod enim in divinam Religionem committitur, in omnium fertur iniuriam.

Monach.  
eod. de hare.  
tica & Ma-  
nichais.

VII. Blasphemus est peior latrone, honor enim incomparabiliter prævalet bonis fortunæ, Latro directe solum tollit bona creaturæ, blas-

phemus aurem, quantum in se est, directe tollit honorē, & gloriam creatori. Si peccaverit vir in virum, placari ei potest Deus, 3. c. 1. si autem in Dominum peccaverit vir; quā orabit pro eo? <sup>1. Reg. 2. 27.  
4. Reg. 18. 15  
2. Paralip.</sup>

Sennacherib Assyriorum Rex, colit Idola, cælū dissimulat, iniusto titulo invadit principales Civitatis Iudeæ; Deus tolerat, obligat pium Regem Ezechiam evacuare thesaurum templi, ut ab ipso emat pacem extorquet etiam ab eodem ipsius auri laminas, quibus vestitæ erant templi portæ, & Deus non contradicit, violat pacem illam nefarie & civitatem Ierosolymitanam obsidione præmit, & Deus silet. Sed ubi ore blasphemus Deum Israël tangit, cælum tantæ iniuriæ impatiens, Angelum mittit, qui in una nocte centum octaginta quinque millia militum in exercitu eius civitatem Lachis obsidente interficit, civitatem obsessam confusus deserit, in Niniven reversus, à propriis proli- bus in templo Deorum suorum, miseriam, & criminibus suis dignam mortem retulit.

Blasphemus est peior homicida, quod Theologis certū est, ac à Doctore Angelico concluditur, & probatur, cuius ratio non solum evidenter demonstrat malitiam blasphemæ excedere homicidium, sed etiam patricidium, hoc enim modo discurret. Morbus corporalis eò periculosior est, quò magis, & propinquius afficit cors, in quo residet principium vite, sic & peccatum eò enormius est, quò immediatius attingit Deum, qui principium est & fons vitæ spiritualis, at qui blasphemus directe & immediatè attingit Deum, homicida vero, solū offendit Deum in obliquo

D. Tho. 2. 2.  
2. 1. Art. 3.  
in corp. c. 2.  
ad 1. & 15.  
2. 2. 73. 4.



& quasi præter intentionem suam; blasphemus autem à proposito, & vellet homicida, quantum in se est, si posset, satisfacere passioni suæ, etiam sine offenso Dei;

2. Reg. 12.  
v. 14.

VIII. David Rex committit adulterium, præcipit homicidium iniustissimum, quamprimum culpam suam agnoscit in spiritu humilitatis, & corde contrito à Propheta Natan audit, Dominus trans tulit peccatum tuum, veruntamen quoniam blasphemare fecisti, inimicos Domini, propter verbum hoc filius, qui natus est tibi, morte morietur.

Blasphemus peior est Hæretico, plurimi enim inter illos peccant ex mera ignorantia, ab infantia, in falsa ista Religione enutriti, sese in verâ Ecclesia esse existimant, putantq; res suas bene agi hinc aliquo modo videntur excusabiles; tu autem peccas causa cognita, nec ignorare potes, quantum facinus sit nomen Dei blasphemare, dicitur enim tibi in Confessionibus, à Prædicatoribus, ab aliis amicis, parentibus tuis tam affectuosè; quo igitur prætextu, qua larva excusabis temeritatem tuam?

Blasphemus peior est Turcis, non negant enim Mahometem Prophetam suum, nec blasphemant eum, loquuntur de illo cum maxima semper veneratione, imò si aliquis inter ipsos contumeliosis uteretur verbis contra Salvatorem nostrum, non evaderet manus iustitiæ, esto non agnoscant illum, nisi ut prophetam magnum; Tu autem qui pro certo scis eum esse Dei filium & Redemptorem tuum, non erubescis blasphemias, & contumelias augustissimam, & infinitam eius Maiestatem afficere.

Blasphemus peior est Paganis, Pagani enim, ut minimum illustrati lumine naturæ, vel cognoscunt, vel coniiciunt se habere verum aliquem Deum, & exinde multis affectionibus honoris, & respectus eius maiestatem prosequuntur. Nabuchodonosor Rex ubi vidit Deum Israël, tres pueros in fornace ignis ardentis illesos conservasse ait, *Daniel. 3. A me ergo positum est hoc decretum, ut omnis populus tribus, & lingua, quacunque locuta fuerint blasphemum contra Deum ipsorum, dispereat & domus eius vastetur.*

Blasphemus peior est Iudæis, sententiam hanc profert disertissimus, & doctissimus Philo unus ex ipsis; *Iura. Lib. Beduul. inquit, consideret, quam purus sit anima, corpore, lingua illa ab iniquitatibus, hoc à piaculis, hac à malidicentia, nefas est enim per os, quo profertur nomen illud Sanctissimum, quidquam turpe progredi.*

Blasphemus peior est tortoribus Christi, teste S. August. dum ait, non minus ego dico gravius peccant qui blasphemant Christum regnantem in cœlis, quam qui crucifixerunt ambulantem in terris. Si infligeret alapam, vel fuste exciperet Præsidentem Aulæ, quando in plateis, vel ruri ambulat, graviter puniretur, si autem id faceret insolens aliquis, quando actualiter munus suum exercet, Liliis, coloribus, & purpura Regis ornatus, crimen illud absque dubio longè enormius, & incomparabiliter maiori pœna dignum censeretur. Tortores crucifixerunt Salvatorem nostrum, viatorem in similitudine carnis peccati, infirmum, passibilem, mortalem, & expositum omnibus miseriis naturæ nostræ, nunc autem residet in Cœlo Empyreo, in gloria



ria patris, à dextris Omnipotentis, sedens super Cherubin in throno Maiestatis suæ, circumdatus Angelis, & Archangelis, dono immortalitatis clarus, in actuali administratione, & moderatione Cœli, & terræ, nonne summæ esse impudentiæ, temeritatis, & malitiæ arguendus, qui ipsi in faciem spueret, blasphemis, & contumelijs afficeret?

Blasphemus peior est Draconibus, serpentibus, aliisque huius farinae bestiis, Propheta venenata hæc animalia invitatur ad laudem Dei, *Serpentes & volucres pennate, dracones, & omnes abyssi*, & quamvis nec ore, nec mente id facere possint, laudant ipsum tamen suo modo; tu autem rationalis creatura intelligentia, intellectu, lingua, & sermone aptissimis ad laudandum, & glorificandum Deum prædita, pro laude eructas, & evomis in eum virus desperati furoris, execrandæ malitiæ.

Blasphemus peior est cane furio, fo, canis enim respicit Dominum suum, nec contra ipsum rabiem suam convertit, nec mordet, nec ullum aliud ipsi infert; tu autem miselle rabiem tuam exeris, & exerces, frendens, & spiumans in Augustissimam Maiestatem legitimi, ac supremi Domini tui.

Blasphemus peior est Dæmonibus, si reus aliquis ad mortem condemnatus sit, & prolata sententia, iudicem suum iniustitiæ accuset, aliisque contumelijs afficiat, patienter toleratur, tribuiturque extremæ iustitiæ, & passioni ortæ ex mortis apprehensione, si autem captivus aliquis, secundum condemnatus, tempore, quo examinatur, si Præsi-

di inferret iniurias, vel contumelijs cum aggrediretur verbis, id maximæ fatuitatis, audaciæ, ac temeritatis foret, quod Diabolus nomen Dei sanctissimum blasphematur, mirum non est, cum rigor suppliciorum illum ad desperationem adiget, sententia ipsius læta est, absque spe remedii, vel revocationis; Sed tu homo Christiane, tu Catholicus, qui nihil, vel exiguum pateris, nondum condemnatus, adhuc expectans ab ote, & beneplacito filii Dei decretum definitivum, & irrevocabile æternitatis felicitis, vel infelicitatis æternæ, quod tu in tali statu audeas Deo & iudici tuo iniurias, & contumelias inferre, rabies est plus, quam Diabolica, plus quam monstrosa phrenesis. Tu, mi auditor, esto in propria tua causa iudex, si enim ignoscis latronibus, Homicidis, Parricidis, Hæreticis, Turcis, Paganis, Iudæis, Tortoribus, Serpentibus, Draconibus, Canibus furiosis, ac Dæmonibus, locum non esse in Regno Dei, negare non potes, quin & tu, qui his omnibus peior ex dictis comprobaris, ab eo certissimè sis excludendus.

## CONCLUSIO.

*Paraphrasis verborum Christi: Sic sermo vestere, scilicet, est, quod autem amplius est, à malo est.*

X. Esto igitur sapiens, intellige, & exequere monitum Salvatoris nostri, *Sic sermo vester, est, est, non, non, quando aliquid affirmandum est, sufficiat* Matt. 5.

PPP 2 tibi



tibi dicere, sic est, vel sic non est; nec addas, volo mori, vel nolo exire de hoc loco &c. *Quod autem amplius est, à malo est.* Si per iuramentum aliquid addatur, effectus est malæ causæ, & à malo est.

Malum istud procedit interdum ab incredulitate audientis, sed nunquid incredulitas illius fidem tuam evacuat? Si nolit credere, viderit, vel omittat.; ipsius incredulitas non debet te reddere Deo inobedientem, si non iures, ipse non credit, si iuras, Deum offendis; quidnam ex his duobus magis timendum sit, ipse iudica.

*A malo est,* quod sæpissimè provenit à mala fide tua, quia conscientia tibi dicat te non esse dignum, cuius simplici sermoni credatur. *Excusatio non petita, accusatio est manifesta.* Si iures non requisitus, suspectam reddis probitatem tuam, & ostendis tibi non esse fideandum, nisi iuraveris, & per consequens te mendacio subiectum esse, si autem mendacio addictus es, malus es, si malus, tibi credendum non est, etiam quando iuras.

*A malo est.* Non rarò provenit hoc malum à maledicta lingua tua, quæ est quasi bestia indomita, teste S. Iacobo, nec unquam domabis eam, ait S. Chrysostomus, nisi domesticis tuis libertatem facias te reprehendendi; Sicut fera in antro suo iacens, si advertat pluribus se circumdari canibus, prodire non audet: eodem modo effrænata lingua tua, si advertat eam ab uxore, proliis, vel famulis tuis reprehendam, non audebit excedere limites honestatis, & timoris Dei.

*A malo est.* Aliquando provenit hoc malum à pravo aliquo habitu, quem acquisivisti repetitis multis actibus, quam non superabit, nisi specialiter tibi ipsi inuigiles, nisi subeas linguarum penitentiam; pro singulis iuramentis da pauperi Eleemosinam, ora unum Ave Maria, linguam tuam denti, bus comprime, evellas capillum è capite tuo, ut suader S. Augustinus; *violencia penitendi, inquit, cedat consuetudo iurandi.* Salutare hoc consilium ridiculum tibi videtur, sed in inferno per habitudinem illam pravam constitutus te illud sprevisse deplorabis. Potestne sanari periculosus, & inveteratus morbus aliquis absque venæsectione, si ne medicina dicta, vel aliquo alio remedio? Putasne iniquam illam consuetudinem evellere absque labore, penitentia, conatu, vel violentia? Virgis, & fustibus noli parcere, si filii tui iurent, ne tam pravo habitu insanabiliter afficiantur; magna mihi consolationi est, si examinanti adolescentem, an non iuraverit, respódeatur, laudes sint Deo, ab isto vitio planè exemptus sum; sed quare? Quia, cum parvulus essem, si solum per fidem meam iurassem, virgis mater mea sanguinè à corpusculo meo expressisset; & hoc est esse matrem verè piam verè prudentem, & hoc est amare proles suas, sicut oportet.

*A malo est.* Sed dicit aliquis vestrum, id facio in vehementi, & primo motu cholæræ meæ, quo tamen non excusatur, id enim esset atramento se lavare, & dupliciter culpabilis est, & quia cholericus, & quia blasphemus; quod si non corrigatur, exprobetur etiam Deo colæ;



Psal. 94.

choleram, & bilem aliquando moveri; sed iustam, sed rationalem, sed adorabilem, & si in ira tua iures, iurabit & ipse in sua; Quibus iuravi in ira mea, si introibunt in requiem meam.

A, malo est, hoc est, A maligno est, malum illud à Diabolo oritur, qui odio, & invidia fremens contra Deum lætatur, quod te vel ut instrumento uti possit, ut Deum contumeliis, & iniuriis afficiat.

A, malo est id est, hoc malum oritur à Spiritu maligno, qui ardet invidia contra te, & gaudet, ut hoc filo te alligatum teneat. Tibi ipsimet ab blanditis, &, ais in corde tuo, non sum fur, neque luxuriosus, quotidie inter sum sacro missæ sacrificio; Sathan istis nundatur, sed sufficit ei, quod hac solà pravâ habitudine te sibi subiectum retineat, & in statû damnationis.

A, Malo est, hoc est maligno est, huius mali causa est spiritus malignus, qui te criminalem, infelicem, & inimicum Dei, ut ipse est, efficere conatur socium, & participem suarum miserationum, & pœnarum. Obiectum odii æterni, Deo, Angelis, eiusque sanctis; audi, quid Spiritus Sanctus per os Pauli ad Rom. Ioannis in Apo. & alibi loquatur: Tribulatio, angustia, anathema, ex com-

municatio, reprobatio, Damnatio, maledictio æterna, ex parte Dei, Deiparæ, omniumque sanctorum, omnibus, qui abnegant Deum. O infelices! qui negatis eum, à quo habetis omne bonum? O detestabiles! qui maledicitis ei, qui omni benedictione dignissimus est? O abominabiles, qui blasphematis mortem Iesu, quam passus est, ut vobis donaret vitam? Anathema, excommunicatio, reprobatio, damnatio, maledictio æterna blasphemis omnibus, falsariis, sperioris, falsis testibus, nisi convertantur, & pœnitentiam agant. Mi Deus corrige, & converte illos, illumina mentem eorum, ut agnoscant, quantum perpetrent malum, & abyssum perditionis cui se immergunt, præsta per gratiam tuam, ut pro omnibus blasphemis & maledictionibus, tibi unquam uspiam irrogatis, tot millia millionum, & infinitæ benedictiones, Laudes, Elogia honorum, gratiarum actiones, & sanctæ acclamationes tibi eliciantur à Sacratissima salvatoris nostri humanitate, à Gloriosissima Virgine Matre, Angelis, Sanctis, omnibusque creaturis, nunc, & per infinitas sæculorum myriades,  
Amen.

ad Rom. 2.  
9. Apoc. 21.





SERMO QVADRAGESIMVS OCTAVS  
**PRO DOMINICA**  
 VIGESIMA POST PENTECOSTEN.

De observantia Dominicæ.

*Nisi signa, & prodigia videritis, non creditis. Ioann. 4.*

E X O R D I U M.

**M**erito nobis terrorem iniicere deberet responsio illa Domini, quæ Regulo in hodierno Evangelio exprobat incredulitatem signa desideranti. Si enim reprehenditur, qui ante signum non vidit, quomodo non reprehenduntur, qui post quam viderunt signa, adhuc tamen non volunt credere, vel aliter vivunt, quam credant? Profectò quod Christus Regulo dixit, nobis potest dicere maximè, quando sumus in templis, iam audivimus multa signa in sacra scriptura, in sacris historiis quibus Deus illos punivit, qui festos dies utinon colunt, non exhibent: iam vidimus, & scimus, quod Deus illos velut strictè observat, quod illos muneret, qui illos observant, illos puniat, qui eosdem violant, & tamen nos nò desistimus à peccatis in illis templis patrandis, irreverenter in illis nos habemus, porro ne amplius redarguamur, hodie cum auctore ostendam, quod sacra templa venerari debeamus,

*Memento, ut dum Sabbati sanctifices.*  
*Exod. 20.*

1. **I**n finita, & excellentissima Dei Maiestas tanto honore, & cultu digna est, quod meritò omnis creatura sine fine, sine pausa, absque interruptione eius adorationi, amoris, laudi, glorificationi vacaret: Sed quia diversa huius miseræ vitæ necessitates, & occupationes non permittunt tam continuo nobis & semper actualiter spiritualibus actionibus applicari, Deus unicuique nobis in septimana instituit diem, nimirum Dominicam, quam sibi voluit sacram, totamque suo servitio applicari. Ut melius materiam istam pertractem, verba thematis mei singula, singulis punctis mei discursus explanabo. A te Piissima Virgo rarum habemus exemplum pietatis, & obedientiæ, quæ teste vitæ tue Hieronimo grapho, consuetudinem habebas singulis annis ascendendi Hierosolymam ad celebrandum



dum festum in ea, & in domo Dei. Ascendentibus illis Hierosolyma secundum consuetudinem. Ibas ut honorares Patrem æternum, filius tuus te tibi honoravit ostendens publicè se tibi subditum, & omnibus inclinationibus maternæ voluntatis tuæ promptissimè accommodatum, honoret igitur & nunc te, nobisque dona, quæ per te petimus, concedat. Ave Maria.

## IDEA SERMONIS.

*Tribus Punctis pensantur hæc tria verba:  
Memento ut diem Sabbathi sanctifices.*

### PUNCTVM PRIMVM.

*Memoria est res valde mirabilis  
quoad multa valde commoda vitæ ci-  
vili necessaria, ergò cultui divino  
mancipari debet.*

II. **Q** Vicunque cum reflexione, & attentione, proprietates, & meritæ ponderabit, in dubiè fatebitur, inter omnia naturæ dona, ea cū creatore participamus, vitæ civili nihil, utilius commodius, nihil magis admirabile, magisque necessarium esse memoria tam intellectuâli, quam sensitivâ. Huius facultatis quasi miraculum consistit in pluribus punctis; primò, quod conservet species, seu perfectas imagines, & similitudines infinitarum rerum, quas interdum vidimus, vel intelleximus. Et quævis oculos claudas, scis nihilominus, qualiter Sol, Luna,

Stellæ constituta sint, & qualiter inter se differunt hæc astra; habes igitur eorum imaginem in memoria tua. Idem dic de igne, aqua, terra, auro, argento, stanno, ære, aliisque metallis, de denario, solido, capitello, scuto, aliisque monetis, de lactuca brassica, aliisque herbis, rosa, clariophilo, cæterisque floribus, de ficu, pomo, cerafo, & eiusmodi fructibus, de pruno, fraxino, fago, Orno, cæterisque arboribus; de Gallina, noctua, pica, Hirundine, Alaudâ, cæterisque avibus, de carpione Barbo Trutta, Mustela, aliisque piscibus; De Musca, eruca Teredine, Tinea, Blattæ, Convolvulo, aliisque insectis; de Equo, Bove, Cane, Cervo, Apro, cæterisque animantibus. Habes adminus speciem unius ex individuis istarum specierum, & infinitas alias mihi innominabiles. Habes species, non unius viri, vel mulieris, nec duorum vel trium, sed ingentis numeri, quam in diversis locis vidisti, Idæas accuratissimas plurimorum ædificiorum Aularum, Cubiculorum, Hypocaustorum, Hortorum, Ecclesiarum, Camporum, Pratorum, Civitatum, Urbium, Oppidorum, Pagorum, in quibus fuisti; habes etiam species omnium mobilium, quibus aliquando & usus, vel alios uti vidisti, ut puta Sedis, Scamni, Mensæ, Scutellæ, Orbis, Togæ, Pilei, Calcei, &c. quod horum omnium imagines habear, exinde pater, quod scias, qualiter ista omnia sint facta, & ea possis describere, ac de iis in conversationibus discurre, quod tamē nō posses de phœnice, Crocodilo, Salamandra, & aliis creaturis, quas nūquam vidisti;

hoc



II. Hoc memoriae miraculum, non solum continet similitudines omnium istarum rerum, sed etiam nomina illis imposita, quod mirum est, à præcedenti multum differens; quia surdus, & mutus à nativitate habet quidem in mente sua species canis, equi, & aliorum, quæ vidit, ignorat tamen illorum nomina; tu autem habes in thesauro memoriae tuæ nomina istarum creaturarum, & millia vocum aliarum, Gallici, latini sermonis, absque quorum notitia non posses aliis mentem tuam apperire. Nec desunt, qui perfectissimè calleant quatuor, quinque, & plures linguas; Græcam, Latinam, Gallicam, Germanicam, Italicam & Hispanicam, quarum qualibet ad minus continet tria millia vocum; tales igitur habent ultra duodecim, vel quindecim millia vocum, suntque omnes istæ affectæ suis generibus, figuris, declinationibus, casibus, numeris, singulari, & plurali, aliisque formalitatibus, & proprietatibus Grammaticis; aliqui periti sunt in Rhetorica, Philosophia, Theologia, Mathesi, Medicina, & Iuris prudentia, habentque in memoria sua recondita omnia Secreta, Regulas, singula principia maximè omnium istarum scientiarum. De Sancto Antonino Archi Episcopo Florentino refertur, quod cum recipiendus esset, tanquam novitius ad ordinem S. Dominici, memoriter recitare potuit totum Ius Canonicum tribus insignibus voluminibus comprehensum.

Miramur quod pictores, & sculp-

tores in minimo spatio depingere, & sculpere possint homines magnæ Staturæ, Ciuitates, Provincias; prout Anulo Regis Pyrii, insculpæ erant novem Mulsæ, & Appollo in medio earum, & tamen pictores isti nunquam repræsentant totam prototypi sui magnitudinem, nec Civitatum extensionem. Hinc potius mirandum esset, quod personæ, quas cognoscitis, Cubicula, Domus, Civitates, Suburbia, & alia loca, quæ sæpius vidistis, in memoria vestra depicta sint secundum omnem figuram extensionum, longitudinem, latitudinem, altitudinem, aliasque dimensiones, optimè enim recordaris Ecclesiam Parisiensem divæ Virgini sacram, maiorem esse tua parochiali, & oppidum, in quo natus es, magnitudine multum excedi à civitate Parisiensi. Patrum tuum maiorem esse tuo Nepote, & quod magis est, omnes istas species tot hominum, nobilium, vocum, Civitatum, Pagerum, & quæ repræsentant singula secundum suas dimensiones proprias, corporales, esse que omnes tamen continet in determinata parte capitis, memoria enim in capite propriam sedem habet, quia læso pede, manu, vel alio membro, non læditur memoria, si tamen patiatur caput in certo loco, vel perditur, vel saltem diminuitur. Pictores, & sculptores pro tacti, facile repræsentabunt colores, & figuras nullo tamen modo qualitates aliarum creaturarum, quas effingunt; depingat enim tibi pictor aliquis etiam expertissimus

in



In tabula vocem meam, depingat mellis dulcedinem, calorem ignis, Balsami suavitatem; memoria autem tam insignis est artifex, pictura tam excellens, ut non solum exprimat colores & sensibilia communia, sed & voces, odores, sapores, temperamenta, situs, durationes, aliasque circumstantias et qualitates mille creaturarum, in mediis enim tenebris dignoscis parentem tuum penes vocem suam, chariopilum, vel rosam penes odorem, sulphur penes foetorem, mel ex dulcedine, absinthium ex amaritudine, ignem a calore, aquam ex humiditate, quia nimirum recordaris te omnes istas qualitates ante hac sensisse.

Et quod magis hic mirabile non solum, sed & maxime commodum, res omnes istae in memoria, cum tam insigni sunt ordine, & dispositione prout a parte rei sunt in semetipsis, vel prout reperiuntur in aliquo libro; recitas enim ex memoria orationem dominicam, salutationem Angelicam, Symbolum Apostolicum, septem psalmos poenitentiales, officium Beatæ Virginis, aliasque preces prout in libris precum jacent, recitas memoriter duos, tres, quatuor libros aeneidos, vel alterius poësis, id est septingentos, octingentos, & plures versus, suo ordine, numerare potes civitates, pagos, qui reperiuntur inter Parisios & Lugdunum, & sic de aliis ejusmodi, civitates illas & versus tam distinctè cognoscis in mente tua, ac a parte rei illos vidisti, vel legisti, sunt & aliae species quae absq;

ullo certo ordine in memoria resistent, ut sunt Ideæ & nomina personarum, quas novisti & mille aliarum rerum quas olim vidisti, ut pilei, chiroteca, calcei, poma, &c. ac memoria tam accurata tam prompta & obediens est, ut ad minimum voluntatis nutum, ut ex infinito specierum & imaginum numero, quas suo complectitur sinu, eas quas eligis præ cæteris promptissime tibi prodet, aliis in altissimo silentio, & quiete remanentibus, quamprimum enim vis, repræsentat tibi personam & nomen parentis tui quem habes Parisiis, amici, quem reliquisti Lugduni. Suggestit tibi primos versus aeneidos, arma virumque cano. Conticuere omnes. Postquam res Asia: at Regina Gravi. Vel prima verba seu versus psalmorum, & non alios: Beatus vir; Quare fremuerunt gentes; Domine quod multiplicati; Cum invocarem.

Et hæc facultas animæ vitæ nostræ tam necessaria est, ut absque illa nec ars, nec scientia, neque justitia, nulla scriptura, nullumque commercium inter homines subsisteret; quomodo enim juvenis alias addiscere posset opificium, studiosus acquirere scientiam, si eo ipso obliviscerentur doctrinæ a Magistro traditæ? Quomodo posset administrari justitia sine depositione testium, quomodo autem deponebant testes, nisi recordarentur eorum quæ viderunt vel intellexerunt? Quomodo formares litteras in charta? Quomodo exprimeres verba, nisi ea præ haberes in mente? Quomodo cognosceres



sceres parentem, uxorem, proles, si non haberes eorum idæas memoria impressas.

Tandem nisi essemus præditi intellectu, similes indubie essemus brutis, & nisi haberemus memoriam, essemus illis deteriores. Canis enim agnoscit Dominum, Domum, domesticos, imò & vestigia Domini sui, tu autem memoria destitutus nec Dominum nec famulum, nec virum nec uxorem, nec proles aut domum agnosceres. Qua igitur adoratione, submissione, amore, teneritudine, recognitione, gratiarum actione, non sumus adstricti Majestati divinæ, à qua tam mirabilem, tam utilem tam necessariam accepimus facultatem? merito hanc memoriam sæpè alloquimur dicendo, *noli oblivisci omnes retributiones ejus*. Si doceas, Dei recordari deberemus quoties aliquod bonum nobis confert, toties profecto id fieri deberet, quoties respiramus, ut ait Nazianz. quia respiratio effectus est bonitatis ipsius. Sed quia naturæ nostræ fragilitas & negotiorum quibus occupatur hæc vita nostra diversitas, id non permittit, unum singulis Septimanis determinavit diem, ut in eo specialiter, recordandis beneficiis ab ipso nobis collatis totis simus.



## PUNCTVM SECVNDVM

*Dies septima nempe Dominica, impendi debet in rememorandis Dei beneficiis primo creationis, cujus mysteria sunt addiscenda, Meditanda, Honoranda: Secundo Redemptionis. Tertio Sanctificationis.*

V. Dies est quietis, diem Sabbathi. Iudæis erat Sabbathum, Christianis autem juxta instructionem filii Dei & Apostolorum institutionem dies Dominica est, quia isto die, opera principaliora quæ Sanctissimæ Trinitati attribuantur, facta sunt. Creatio appropriatur Patri, Redemptio filio, Sanctificatio Spiritui Sancto, Dominica dies est, qua cepit Deus creare mundum; Dominica est, qua Salvator noster ingressus est mundum, natus de virgine; Dominica est qua Spiritus Sanctus descendit super Apostolos ut sanctificaret mundum. Hæc tria opera incomparabilia, ineffabilia, merito sunt objectum discursuum, pietatis & meditationum nostrarum, diebus Dominicis.

Primo quidem creatio, nihil enim justius, nil rationi magis consonum, nihil homine dignius, ne dicam Christiano, quam considerare opera Dei, seorsim in particulari unum post alterum ea contemplari, excellentiam admirari, gratiarum actiones, benedictiones & laudes referre.

Si

Psal. 7

Psal. 1



Si composuisses librum floribus Rhetoricis confutum, pulcherrimisq; ingenii acuminibus ornatum, displiceret indubiè tibi, si nullus amicorum tuorum, eum dignaretur pervoluere, & industrias in eo componendo adhibitas obferuare; si tabulam, si vas aureum, affabre factum, si Palatium, vel aliud rarum & excellens ac mirabilis artificii ædificium peperisset ingenium tuum, non parum contristaret te, si nullus illud aspicere dignaretur, multo minus admirari. Mundus hic liber est admirabilis, ut ait S. Anthonius, quem Deus omnium hominum oculis exposuit, ut in eo legatur 'pulchritudo' & diversitas omnium creaturarum, potentia, sapientia, bonitas & aliæ Creatoris perfectiones; nos autem in illo legere non dignamur. Mundus est opus Dei, tanto ingenio, Sapientia, industria præparatum, elaboratum, ut etiam minima creatura, objectum esse possit admirationis non solum nobis sed & Angelis, nec tamen dignamur illud contemplari, pulchritudinem admirari, artificem laudare, glorificare. Non sic agebat David, licet enim incumberet regimen tanti regni, hoc nitebatur nihilominus sæpius in meditandis operibus Dei ut ipse in psalmis sparsim fateatur, *Memor sui operum Domini, quia memor ero ab initio mirabilium tuorum, & meditabor in omnibus operibus tuis, & in adinventionibus tuis exercebor; Meditatus sum in omnibus operibus tuis, & in factis manuum tuarum meditabar.*

Psal. 76. 12.

Psal. 14. 2.

VI. Adverte in omnibus, non solum in genere, & confuso, sed etiam in particulari & seorsim. *Qui operit cælum nubibus & parat terra pluviam, qui dat nivem sicut Lanam. Educit ventos de thesauris suis.* Et merito quia si Dominus aliquis ad convivium te invitat, non sufficit tibi in principio & fine ejus gratias agere, sed etiam ad singula fercula quæ tibi apponit, specialiter gratias agis. A potiori meretur Deus recognitionem, & gratiarum actionem in particulari, pro singulis creaturis quas obsequiis & sustentationi nostræ destinavit, quod manifeste probatur hac inductione, Moyses enim refert, quod in principio Deus solum creavit cælum & terram. Cælum sine lumine, terram nudam & desertam. Supposito quod Deus te creasset in terra hac nuda, vel cum usu rationis, sed sine brachiis vel tibiis, id enim poterat, sicut vermes sine illis creavit, nec plus tibi quam illis debebat, vidensque te mediis in tenebris constitutum, dixisset, accendam facem qua illumineris, adeoque creasset solem in medio firmamenti, cum quanto stupore & admiratione contemplatus fuisses hoc astrum, ejusque opificem? Supponamus denuo creatorem viso quod Globus igneus iste tibi foret importunus tuique destructivus suis ardoribus, si continuo supra caput tuum maneret, abscondisset eum sub terra, & ne illo abscondito in tenebris esses, cælo affixisset Lunam & Stellæ, quarum lumen magis temperatum est, in quantum stuporem fuisses raptus vidento



dendo tot insignes candelas; Sequenti die orto sole præcepisset Deus terræ producere miram florum varietatem, herbasque virentes amoenissimas, exclamasses profecto, Deus meus, Deus meus & Dominus meus, quantus est iste decor, quanta pulchritudo, quanta amœnitas? Postmodum creasset arbores dulcissimis & pulcherrimis fructibus onustas, quæ non solum in admirationem te rapuissent, sed & movissent ad penitentiorem considerationem iis velle appropinquare, non potuisses autem quia brachiis & tibiis frustratus, has autem tibi dedisset omnes, absque dubio possibiles tibi gratiarum actiones retulisses, his arboribus vicinior factus incepisses fructuum amœnitate vellicari eosque appetere, nequivisses tamen attingere, brachiis & manibus carens, has tibi dedisset & absque ullo dolore manus dividisset in plures digitos, ut eo commodius fructus illos decerperes. Postea produxisset iterum pruna, pira, poma, ficus, & alias mille species obsonii gustu & sapore diversissimas, pro hyeme, pro æstate, pro sanitatis tempore, pro tempore infirmitatis; mille cibos delectissimos & exquisitissimos, Rosas, carophilos, Lyliam, mirram, Rosmarinum, aliaque Ligna aromatica pro recreatione odoratus, Linarias, alaudes, philomelas, ut te recrearent cantu suo, Canes pro custodia Domus tuæ & recreationibus in venatione, Equos qui te de loco in

locum portarent, si Deus omnes istas creaturas aliasque huiusmodi innumeras in tua præsentia produxisset, unam post alteram, quomodo fuisses miratus bonitatem, suavitatem, teneritudinem, liberalitatem providentiæ divinæ, nunquid dixisses cum Phericide, Deum creando Mundum se totum in amorem transformasse, vel cum Davide, *quam magnificata sunt opera tua Domine? Omnia in sapientia fecisti.* Quo affectu & respectu non fuisses prosecutus tantum benefactorem, quas non egisses ipsi gratias pro singulis etiam creaturis in particulari? De facto non minus ipsi obligaris sed multo magis, tractavit enim te à Principe? Si quis Rusticum vel plæbeum hominem invitet ad prandium, nihil id causet molestiæ, non parantur cibi à proposito, nec aliquid mutatur insolito mensam sternendi modo, si tamen nobilis aliquis vel vir alicujus notæ expectatur, paratur non solum cubile; sed mensa nitidius, accuratius sternitur, & omnia in conclavi parantur, quæ ad decorem spectare censentur, priusquam introducantur; si Deus te creasset primo & ante omnes creaturas, easque postmodum produxisset in tua præsentia, tractasset te ut plæbeum, nunc autem



autem dignius te habuit & ut nobilem seu Principem, ornavit enim domum, stravit Mensam, cibos præparavit, priusquam te induceret in Domum huius mundi, die igitur Dominico totus sis in considerandis ejus operibus, prudentia, sapientia, bonitate, tam particulariter ac fuisses ipse præsentem, & solum in gratiam tui, omnia ista præparasset.

VII. Sunt tamen longe alia mysteria quæ merito essent objecta pietatis & devotionis nostræ, adeoque nos obligarent diebus Dominicæ, suntque mysteria redemptionis nostræ, quæ nobis discenda, meditanda, & quotidiana recolenda sunt. Primò discenda, pudor enim esset, & negligentia sanguineis Lacrymis deploranda, si petenti, à plerisque Christianis quid sit festum Pentecostes, Paschæ, &c. non scirent quid respondere. Audite quid de illis dicat Doctor Angelicus D. Thomas, *Post tempus gratia revelata, tam majores quam minores tenentur habere fidem explicitam de Mysteriis Christi præcipuè quantum ad ea, quæ communiter in Ecclesia solemnizantur & publice proponuntur, sicut sunt articuli Incarnationis de quibus supra dictum est, quæst. 1. Art. 8. nempe Conceptionem Christi de spiritu sancto, ejus Nativitatem ex virgine, ejus passionem, mortem, Sepulturam, resurrectionem, Ascensionem, ejus adventum ad Iudicium. Et iterum: post tempus gratia divulgata tenentur omnes ad explicitè credendum Mysterium Trinitatis,*

D. Tho. 2.  
2. quæst. 2.  
Art. 7. in corp.

2. 2. quæst. 1. Art. 7. in corp.

*ris, quia Mysterium Incarnationis explicitè credi non potest sine fide Trinitatis. Idem sentit Seraphicus Doctor S. Bonaventura dum ait, Non sufficit modo alicui qui habet usum rationis, in generali credere 3. dist. 2. Redemptorem & Remuneratorem, adeo 9. 3. enim notitia quorundam articulorum manifesta est, quod nullus habens usum rationis ignoret, nisi omnino negligat, & contemnat Dei cultum, & salutem suam.*

VIII. Sollicitus igitur esse debes illa discendi tuosque docendi; nec solum hoc, sed præterea sunt tibi ruminanda & meditanda, ut eorum inquiras causas, effectus, circumstantias, habeasque libros qui de illis tractent. Nunquid stoliditas, cæcitas & deordinatio execranda est, videre in familiis omnia optime composita & disposita, quæ ad mobilia, ad domus commoditates desiderantur, nullum tamen ibi reperiri librum spirituale, quo interdum refici possit, anima, sed potius Historiæ, Comediæ, & alia hujusmodi Lubrica, quæ domesticos & proles intoxicant, eorumque animas inficiendo perdunt, cum legentes ab solutionis incapaces reddunt.

Comparanda sunt vobis opera Spiritualia Granatensis, meditationes de Ponte, vitæ sanctorum conscriptæ per P. Ribadencira, qui optime explicant Mystéria sacra, ut illa legatis vel ab aliquo vestrorum prælegantur. Celebratur Dominicus dies, quia in eo capit Deus mun-

Primo die-  
rum om-  
nium, quo  
manifestatur  
di Ful.



di creationem, Primitiæ autem salvatoris in opere nostræ Redemptionis, æquali honore dignæ sunt, cum Primitiis creatoris in mundi productione, adeoque occupari potest utiliter, anima Christiana tempore Sacri vel vesperarum, interdum recolendo primitias, id est primas actiones salvatoris nostri Iesu. Hoc modo mi Salvator, adoro & veneror primum momentū vitæ tuæ divino-humanæ, motum & primum pulsus cordis tui, primam elevationem mentis tuæ ad patrem cœlestem, primum effusionis tuæ amorem erga Deum, erga purissimam Virginem & piissimum matrem tuam, erga nos, contractum quem fecisti in primo illo instanti, cum Deo patre tuo ratione Redemptionis humanæ, hujus esse desidero particeps, ab eo quæso ne excludar, illum accepto pro justitia mea originali, *In qua voluntate sanctificati sumus.* Adoro primam communicationem gratiæ, extra matrem tuam factam animæ S. Ioannis Baptistæ. Adoro primum ingressum tuum in mundum, in Stabulo Bethlemítico primam respirationem pulmonum tuorum. O felicem aream hujus stabuli omnibus Arabiæ aromatibus & odoribus merito præponendum, adoro primos aspectus, quibus dignatus es creaturas visibiles; primas quas fudisti Lacrymas, utinam præsens cor meum ibi fuisset, ut in illud distillando omni munditia fuisset imbutum, Adoro primos ejulatus infantinos, primam applicationem ad virginea

ubera Matris per quæ distillabat virgo cor, animam, & amorem suum, quæ coram te, omnibus hujus mundi thesauris præcellent. Adoro primos manuum tuarum motus, primam Sacratissimi sanguinis tui guttā in circumcisione fusi, primum risum quem in cunabilis tacens elicuisti, primam vocem, qua virginem sacram appellasti matrem tuam. Quantus honor, quæ gloria, quantum gaudium huic virgini? Si mater tua sum, ait, indubiè, ergo filius meus es qui filius est Dei, osculer igitur te filium meum, & adorem te ut filium Dei. *felicia prorsus oscula labiis impressa Latantis.*

Bernardus.

IX. Adoro primos gressus tuos in hac terra millies & millies millenis cordis affectibus illos coosculor, & omnes alios quos unquam uspiam in hoc mundo posuisti; adoro primum sudorem qui egressus est è benedicta facie tua omni Balsamo pretiosiorè, da mihi vel guttulam, ut eo saucium cor meum sanetur. Adoro primos labores, Miraculum primum, primam prædicationem, primam mortificationem quam unquam subiisti, adoro primam contradictionem, persecutionem, ignominiam, supplicium primum quod unquam passus es, adoro primum instans vitæ gloriøsæ quæ frueris, ab ingressu tuo in cœlum.

Alias adorari poterunt cogitationes,  
Ser-



Sermones, actiones, passionis, Salvatoris in aliis ejus vitæ periculis.

Adoranda etiam est sanctissima persona Sancti Spiritus in opere sanctificationis, cum gratiarum actione pro Zelo quem tribuit Apostolis fortitudine data Martyribus, lumine communicato Evangelistis aliisque Doctoribus; puritate, quam virginibus, directione & consolatione, quam elargitus est viris, Remissione quam tribuit peccatoribus pœnitentibus, sanctitate, perseverantia, quam donat omnibus sanctis.

### PUNCTUM TERTIUM.

*Dies Dominica sanctificanda primo faciendo bonum. Secundo abstinendo ab operibus civilibus, & malis.*

Hæc sunt quibus occupari debes diebus Dominicis, ut te conformes intentionibus salvatoris & Ecclesiæ, præceptum enim hoc & affirmativum & negativum simul est, prohibet enim opera servilia & præcipit sanctificationem diei, ut nimirum impendatur piis operibus & actionibus memoratis, in-

ternè, tempore officii, externè autem lectione librorum spiritualium, visitatione pauperum infirmorum, captivorum, qui omnes sunt membra salvatoris, atque actus religionis, ut asserit S. Iacobus: instructione domesticorum tuorum in Mysteriis fidei, præceptis Dei, praxi virtutum, susceptione sacramentorum & auditione verbi Dei. D. Chrysostomus, ait: Dominicam dictam diem panis, quia in eo Christiani sumebant panem Angelorum, Eucharistiam, diem lucis, quia in eo recipere debes lumen & directionem in prædicationibus & lectionibus catholicis, Lectione spirituali & Meditatione. Hinc si notabilem partem Dominicæ, tempore officii transigas in consultandis vel præparandis scripturis processum, sub prætextu quod non sint opera servilia, nisi id fiat ex motivo charitatis; vel ut succurratur pauperibus, viduis, vel aliis, non peccas quidem contra præceptum negativum, prohibens opera servilia, sed non adimplet tamen, ex alio præceptum affirmativum quo præcipitive significatur, ut nimirum transigens diem istum operibus piis, & sanctis, unde conqueritur Deus per Ezechielem prophetam, *irritaverunt me Domus Israël, violaverunt Sabbatha mea vehementer.* Ezech. 10. 13.

XI. Hæc objectio te concernit, si vendendo, emendo, aliisque hujusmodi



20 27.

Paul 1. ad

Thim. 4.8.

Matth. 6.

modi negotiis servilibus & mercenariis dies festivos transiges. Sed obicies mihi, nisi vendam ego, vendet alius, emptores ordinarios meos isto modo perdum, & ego & proles meæ peribimus fame. Sed non advertis, quod promittat tibi Deus per Ezechielem Prophetam, *Præcepta mea quaecum fecerit homo vivet in eis*, & quæ ait Paulus discipulo suo Theimotio, *pietas ad omnia utilis est, promissionem habens vitæ quæ nunc est & futura*, & Psalmista, *Nisi dominus edificaverit domum, in vanum laboraverunt, qui aedificant eam.* & Matthæus, *ne solliciti sitis animæ vestræ quid edatis, aut corpori vestro quid induamini, quarite primum Regnum Dei &c.* Si enim unquam querendum est regnum Dei, id diebus maxime Dominicis & festivis faciendum est; & quia id non facis, cætera tibi non adjiciuntur; Spirituale contemnis pro temporali, adeoque miser & pauper es in hoc & altero mundo; *Illud irritaverunt me, violaverunt Sabbatha mea vehementer, specialiter concernit illos, qui diebus Dominicis & festivis potius quam feriabilibus, dediti sunt ebrietatibus, blasphemii, impietatibus, dissolutionibus, Patres familias in popinis, aliisque locis inhonestis, Juvenes & adolescentulæ, in Lusibus & Choreis, deambulationibus & conversationibus stultis.*

Dominica dies videtur esse cloaca totius Septimanæ, nam quia tibi non va-

cat per Septimanam Deum offendere, id specialiter reservas in diem Dominicam, adeoque non amplius est dies Domini, sed dies Diaboli, suntque festa nostra non sanctis, sed Baccho, Cereri & Veneri solemnia. Dæmones olim cum non possent fidelium pietatem & devotionem festis diebus exercitam pati, obsessorum corpora deferebant, nunc autem pro dolor soluti sunt, & corda Christianorum ita possident, ut porcos Geracenorum, ut præcipitent illos in lacum mille actionum brutalium & tandem in Stagnum ignis & Sulphuris, æternæque damnationis. Horribile est quomodo de hujus solemnitatibus nostris hujus mundi loquatur Deus, *Solemnitates vestras odit anima mea & a-* <sup>Isaia 1. 14.</sup> <sup>Malach. 2.</sup> <sup>5.</sup>  
*libi Sterius solemnitarum vestrarum.* Festa patrocinii, quæ celebratis choreis & tripudiis, confraternitates & hujusmodi, quibus sat is est mane interfuisse sacrificio Missæ, ut postea reliquo diei tempore indulgeant genio: præterea peregrinationes, in quibus adolescentes cum adolescentulis & tempus & iter nequiter nugando terunt, abominationes sunt coram Deo; sunt tamen peregrinationes, confraternitates & festa dedicationis & Patrocinii sanctissime instituta Deoque gratissima, modo celebrentur, ut in primitiva solebant Ecclesia. Theodorus Episcopus in Mesopotamia id testatur his verbis; *funt apud nos, modeste, caste temperantia plena festivitates, non ille* <sup>Theod. lib. 8. de curatione</sup> <sup>sub finem</sup> <sup>Anno 439.</sup>  
*quidem*



quidem, mero delibata, non commessionibus  
leves, nō cachinnis solutē, sed divinis canticis  
personandis, sacrisq; sermonibus audiendis  
intenta, in quibus, ad Deum preces non sine  
sanctis lacrymis, ac suspiriis submitun-  
tur.

Dicamus igitur cum Propheta; *conver-  
tere anima mea in requiem tuam.* Convertere,  
desere peccatum, consecra te Deo, præfer-  
tim diebus Dominicis in hunc finem insti-  
tutis, dicitur enim dies Domini, si enim  
tibi, tuisque negotiis aliis diebus vacasti,  
hoc saltem die Dio ejusque servitio va-  
ces.

Terra & omnia quæ in illa sunt Domini  
sunt, mundus & omnia quæ complectitur,  
imperio ejus subjaceant, secundum pro-  
phetam Regium dicentem, *Domini est  
terra & plenitudo ejus.* Nihilominus Cre-  
ator etiam ante Incarnationem, unam so-  
lum partem elegit ex omnibus, quam sibi  
voluit specialiter appropriatam, sic inter  
provincias sedegit Palestinam inter popu-  
los Judaicam; inter duodecim tribus Le-  
viticam inter ædificia Templum; inter ani-  
mantia, primogenita: inter fructus terræ,  
primitias; inter dies hebdomadæ, septi-  
mum; furtum igitur, est & usurpatio boni  
alieni, ac species sacrilegii hunc diem ipsi  
surripere & actionibus prophanis appli-  
care; *Convertere*, & desere modum agendi  
tam irrationabilem.

*Convertere anima mea.* Diebus feriali-  
bus pro aliis, vel pro corpore tuo laboras,  
labora igitur die Dominico pro te & pro  
anima tua; mercator es, & compactus exe-  
gisti tota septimana creditoribus & debi-  
toribus tuis, nunc redde Deo tuo ratio-  
nem actionum tuarum. Sartor es, per  
totam septimanam vestimenta & oña-

menta parasti hominibus utriusque fe-  
xus, hodiè para, quibus ornatur anima  
tua. Faber ferrarius es, ferrum igne &  
lima expurgasti, nunc lima & expurga cor  
tuum. Agricola es, in excolenda & elabo-  
randa terra totus fuisti, per decursum heb-  
domadæ, similem conatum adhibe ad mi-  
nus hodie in excolenda conscientia tua.

Judex es, aliis processus fecisti, nunc fac *L. dies fe-  
tibi judices & punias crimina propria.* Of-  
ficio tuum est curare, ut reddatur suum, *stos Eod. de  
feriis lib.  
3. titu. 12.  
Imperato-  
res Leo &  
Anthemi.*  
fac igitur Deo ut reddatur honor hodiè i-  
psi debitus: non permittis, quod plæbeo  
tollatur vel minima pars suorum bonorum,  
ne permittas, etiam quod surripiatur Deo  
pars diei, qui totus ipsi consecrandus est.  
Obedias legi codicis, quæ sic habet, *dies  
festos majestatis altissima dedicatos nullis  
volumus voluptatibus occupari:* fac ut o-  
lim Esdras quæ videns adherentes Jero-  
solymam in die festo fructus, pisces, vi-  
num & alia vendibilia, acriter eos repræ-  
hendit, portas civitatis occludi curavit,  
vigilias constituit, quibus arcerentur ab  
ingressu, cumque adverteret, negotiato-  
res illos extra portas sua venalia exponere,  
ulterius illos pelli curavit, pro hoc ergo  
inquit, *memento mei Deus meus & parce* *2. Esdras  
23. 22.*  
*mibi secundum multitudinem miserationum  
tuarum.* Signum verè conversionis est, me-  
diumque efficax ad obtinendam remis-  
sionem peccatorum, si festa exacte serves,  
& observari facias; *convertere anima  
mea.*

*In requiem*, nonnè magni laboris est  
satisfacere præcepto tam suavi, alii Do-  
mini urgent, & cogunt famulos suos ad  
labores, Dominus autem noster ait fa-  
mulus suis, nolo filii mei destructionem  
vel mortem vestram, laborate, quiescite,

Rrr

in me



Isaia 58.

in me tanquam in cordis nostri centro & verâ animæ vestræ requie, quiescite. Per prophetam diem istum vocat *Sabbathum delicatum*, delitiæ illius sunt conversari nobiscum, sint igitur & nostræ, conversari cum illo.

Quia Dominus benefecit tibi, institutus dies Dominicus, ut eo melius & commodius Deo gratias agamus, pro beneficiis tam in genere quam specie nobis collatis, quia nos creavit, conservavit, redemit, quia præservavit à mille periculis mortis, infirmitatis, afflictionum, disgratiarum, mille occasionibus peccandi, eripuit animam meam de morte, oculos meos à lacrymis, pedes meos à lapsu. Si enim gratissimus pro beneficiis acceptis, obligamus eum ad nova præstanda. *Benedixit diei septimo*, in vigilia Sabbathi, manna pluebat de cælo pro duobus diebus, E contra autem apud Ezechielem, postquam dixerat, *Sabbatha mea violaverunt vehementer*, *Ezech. 20.* subdit, dixi ergo ut effunderem furorem meum super eos & consumerem eos. Con-

querimur, quod anni moderni non sint tam fertiles quam olim, oneramus multifariam, quia Deus nos visitat sicut ipsum colimus, tunc enim festa minora melius servabantur & eum majori devotione quam nunc Dominicæ, tunc Dominicæ solemnitus quam nunc Pascha; Audivi nuper à Seniculo quodam se ante octoginta annos agricolæ cohabitasse, qui tam exactus erat Dominicæ observator, ut noluerit quidem permittere aliquam fieri inter domesticos mentionem operum aliis diebus exercendorum, sic fac & similes erunt prosperitates tuæ prosperitatibus illorum, impende tempus fideliter, quod servitio DEI dicatum est, & ipse benedicet tempori, quod tibi pro familiæ tuæ sustentatione assignavit, fac opus DEI die festo ipse tuum faciet die feriali & in supero faciet te olim transire à figura ad veritatem, ab umbra ad lucem, à symbolo ad realitatem à requie temporali hujus vitæ, ad requiem æternam gloriæ, quam vobis ex corde faciam.

## S E R M O

### QUADRAGESIMUS NONUS.

*De obligatione parentum erga proles.*

*Pro Dominica vigesima prima post Pentecosten.*

*Simile est Regnum cælorum Domini Regi, qui voluit rationem ponere. Matth. 16.*

**H**anc parabolam Dominus proposuit, ex occasione, quod proposito præcepto, de correctione fraterna, si peccaverit in te frater tuus, dicitur Petrus ab Christo interrogasset, quoties peccabit in

me frater meus, & remittam ei usque septies? Et dixit, quod quotiescunq, in nos peccat frater noster, debeamus illi remittere, si velimus, quod Deus vobis nostra peccata remittat. Quod si hoc præceptum concernat



cernat omnes, vel maximè concernere, dicendum est, parentes, quia illi vel maximè irascuntur, conturbantur & commoven-  
tur, dum proles turpis minata, immò quandoque punita non se emendant, sed in pristina peccata & defectus sæpè relabuntur, Deus ergo non vult, ut irascantur, & illis non ignoscamus, quantumvis sæpius relabuntur, quin potius vult, ut illos corripiant suaviter, pacatè, tranquillè illosque educant in timore Dei, ut hodie cum Auctore ostendam.

*Honora patrem tuum & matrem tuam,  
ut sis longævus super terram.*

Exodi 20.

I. **U**T præcepta primæ tabulæ, immediate versantur circa honorem & cultum Deo debitum, ita præcepta secundæ, immediatè respiciunt salutem & utilitatem hominum, charitatem & iustitiam erga proximum commendant, ut singulis facientibus, quod sui muneris & officii, status & conditionis est, familiæ & communivitatis fidelium, ut par est, ordinatè regantur. Prima obligatio est, qua tenentur parentes erga proles quam docet S. Paulus pacis eritque subiectum huius prædicationis. Nullus unquam huic obligationi tam probè respondit, actu O sacratissima Virgo, matres aliæ excedere possunt in sollicitudine erga proles in amore, quo eas prosequuntur, in laudibus quibus eas extollunt; tu autem non poteras, nimis sollicita esse pro tuo filio, cum thesaurus sit cæli & terræ, nec poteras excedere amando, amore infinito dignum, nec laudando, quem omnino creatura laudare non sufficit unde & milies millenis vicibus sinum virginalem benedicimus & lauda-

mus, qui gessit tantum actalem fructum, dicentes cum Archangelo Ave Maria.

Idea Sermonis.

## PUNCTUM PRIMUM.

*Parentes debent filiis alimenta, primò, Scriptura, secundò, Patribus, tertio, Ratione, quarto, Instructione pro patribus, pro filiis.*

II. **P**Aulus Apostolus ad Ephesios & Colossenses scribens, triplicem as-  
signat obligationem parentum erga filios, *Ephes. 6. 4. Colos. 3. 21.*  
dum ait: *Patres nolite ad iracundiam provocare filios vestros, sed educate illos in disciplina, & correctione Domini; in quibus consistet totus meus discursus.*

Theologi quærun, quandoquidem præceperit Creator, hominibus decem præcepta, ut magis ordinatam ducerent vitam, & in iis tam instanter filiis præceperit respectum erga parentes, cur non eadè occasione præceperit vicissim parentibus, obligationem quæ habent proles suas nutriendi & educandi. Respondet D. Chrysost. pro  
omnibus necessarium non fuisse, pro ut e-  
tiam Lyncurgus in edictis suis non consti-  
tuit poenam particularem contra parricidas; quia non poterat sibi imaginari, futurum unquam filium, tam degeneris naturæ, qui vitam eriperet ei, à quo suam propriam haberet, sic supremus Legislator, superfluum iudicavit, insinuare parentibus amorem erga filios, & sollicitudinem adhibendam, in eorum educatione cum non videatur ullus reperibilis homo tam expertus naturalis instinctus, tam hostis proprii sanguinis, qui non curet, & conetur conservare vitam quam dedit. Unde infert Apostolus legitimè eum, qui  
suorum curam non habet, & maximè domesticorum fidem negasse, & infideli deterriorem.



quia non solum negat leges Christianismi, sed & ipsam naturam, transgrediturq; leges & principia, quæ omnium hominum cordibus tam firmiter impressit. Quod si juxta verba filij Dei, qui non sunt perfectiores Ethnicis, non intrabunt in regnum cælorum, quænam restabit spes ad salutem iis, qui infideli sunt deteriores, imo multo crudeliores sunt, feris & bestiis silvestribus, unde conqueritur Deus apud Jeremiam Prophetam

*Thren. 4. 3. Lamia nudaverunt mammam lactaverunt catulos suos, filia populi mei crudelia ut Struthio. Struthio enim ut notum, est animal voracissimum quidquid proponitur, digerit ejus stomachus, sive æs, sive stannum vel argentum, digerit omnia, cæterum erga pullos suos, ferocissima est, & ut testatur Job, derelinquit ova sua in terra obliviscitur quod*

*Job. 39. 13. pes conculcet ea, aut bestia agri conterat, duratur ad filios suos, quasi non sint sui. Tu paterfamilias idem facis vorax, gulosus, ferox ut hæc avis, argentum, ferrum, stannum consumis. linteamina divendis, ut sufficias expensis excessuum tuorum, sufficit tibi, procreare proles, negligens earum educationem genio indulges, parvuli autem tui moriuntur fame, plorant, ingemiscunt, secundum Mich. 1. Micheam faciam plantum quasi struthiorum, Hebraice quasi filij struthiorum.*

Facis contra mentem Salvatoris, dicens non esse bonum tollere panem filiis, & dare canibus, bona tua consumis in popinis, quibus enutriendi essent filij tui per totam septimanam, devoras uno die Dominico cum adulatoribus, & aliis ineptis sociis, qui toti sunt in vitiis ut

canes; catelli edunt de micis, quæ cadunt de mensa. adeoque feliciores sunt prolibus tuis, quibus nec micæ concedis, si sufficeret tibi domi tuæ epulari, & uxor & filij tui, colligerent ad minus micæ, & saltem illis pascerentur aliquo modo. Sunt alij, qui ab obligatione ista prima recedunt, dispositione plane opposita prodigalitati nimirum spiritu avaritiæ & insatiabilis cupiditatis, tam excessive enim adhæret aliquis interdum bonis temporalibus, ut vix possit vel minimum exponere, pro honesta & necessaria educatione suorum, obliviscitur quod pes conculcet ea, aut bestia agri conterat. non considerat quod tanta inopia multum producat mali, & necessitas magistra sit ferocitatis, quod contemptus prolium, & indigentia in quam relinquuntur perditionem, & temporalem & spirituales forte causabit, adeoque pes conculcabit eos, aut bestia agri conteret. Filia videt se à patre neglectam, cogitur ad servitium apud exteros, labitur in manus hominis impudentis & vitæ lascivæ, adeoque seducitur, perditur: Adolescens paternos deserit lares, ut sub alieno tecto, necessariam reperiat sustentationem, quam ipsi paterna avaritia denegat, irruit in consortium pravum, cum malo malus fit, à justitia apprehenditur cum sui & suorum publica confusione; duratur ad filios suos quasi non sint sui. Et his merito obiicit sanctus Augustinus, servas imaginem Cesaris impressam in nummis, & non servas imaginem creatoris impressam in animis, & Philosophus moralis: Monstrabo tibi amatorium sine medicamine, sine ullius venefica carimine si vis.

Seneca.



*fr. vis amari, ama.* Amor ignis est, qui ignem gignit, suo te passim habere dilectionem pro filiis tuis, quia non potest degenerare naturam, sed nullo id signo exteriori demonstras; non sunt enim in corde tuo ut videam quid agatur, si quid præceperis, addiscunt contumelias si reprehendis, subdis maledictiones, nunquam de Deo, nunquam de salute ipsis loqueris. Non exponeres capitellum pro comparatione pædagogii Christiani, Granatensis vel alterius libri pij & ipsos liberalissime consecras Diabolo, si vel vitrum frangant vel minimum quid perdant, hinc arbitrantur se non amari, sed exosos esse offenduntur, & concipiunt contra te adversiones.

III. *Nolite ad iracundiam provocare filios: Ephes. 6. 4. vestros. pro ly iracundiam ad Colossens. Coloss. 3. 21. ses ponitur ly indignationem.* Quod proprie significat passionem illam quam affuimus, si videamus nos æstimari indignos alicujus favoris, vel minus dignos aliis, unde eruenda vobis est insignis instructio pro directione familia, nimirum si velis amorent & obsequia à filiis tuis ac inter alios pacem & concordiam urgere prudenter & circumspèctè cavendum est ne majorem affectum ostendas uni præceteris, quia particularitates gignunt partialitates, sunt enim poma discordiarum incentiva dissensionum, emulationum & rancoris, nimia affectio quam Jacob ostendit filio suo Joseph, causa fuit infidiarum & persecutionum, quas passus est à fratrum suorum invidia.

Aprologorum autoritate & experien-

tia manifestum est quod sol æquinoctium faciens quando nimirum æqualiter dividit Hemispherium, magnam causat aeris temperiem his & apud Antipodes ut sit in Martio & Semptembri, nos ornat floribus illos datat fructibus; dum autem ingreditur domum cancri seu Capricorni & accedit solstitium, ut sit in Junio & Decembri, tanta oritur in utroque semimundo aeris intemperies ut nos his præ frigore intolerabiliter constingamur, illi nimio caloris æstu diffluant.

Paterfamilias est sicut sol in domo sua, prout sol est paterfamilias hujus mundi, si inæqualiter distribuas cor & affectus tuos, dissensionem & deordinationem, in familia tua causabis. Si familiarius & confidentius agas cum uno ex filiis tuis, sequitur in domo intemperies unus nimis calidus, in amore, alter nimis est tepidus & frigidus iste adulatur & eblanditur bibi dilationibus interdum etiam falsis ut affectum foveat quem ei demonstras, alter contra concipit aversionem contra te, existimans quod nullam habeas per ipso inclinationem. Ardentius amas primogenitam, & efficaciter appetis ei divitias & dignitates, hinc in familia & vita tua tot deordinationes, ideo misellus natus minor detruditur in statum Ecclesiasticum pro quo nullam habet inclinationem, illum ab ingressu Religionis arces ad quam à Deo vocatus est. Medio tutissimus ibis præstat in medio proolum tuarum sis, sicut centrum in medio linearum, amorum favores æqualiter inter illas distribuas, imo & bona temporalia, quantum leges & patriæ consuetudines ferunt.



IV. Non est quod per hunc discursum excusatos velim filios, qui sub prætextu, quod à parentibus non diligantur, debitum iis respectum subtrahunt, talis enim monet Apostolus parentibus obediendum esse qualefcunque tandem sint, modo nihil præcipiant contra legem Dei aut Ecclesiæ, S. Petrus mandat servis ut obediant præpositis & Dominis suis, etiam discipulis, à fortiori tenentur filij obedire parentibus suis, sed de hochisce dieb<sup>9</sup> specialem instituemus discursum, transeamus igitur ad secundam obligationem.

### PUNCTUM SECUNDUM

*Debent eis documenta. Primò Scriptura  
Secundo Patribus, Tertio rationibus.*

*Quartò exemplis. Quintò  
Instructionibus.*

**C**UM Eliseus Propheta ascenderet in Bethlehem appropinquaret civitatem, filij aliqui protervi & male educati cucurrerunt post ipsum clamitantes, *ascende Calue ascende Calue.* Vis Dei Zelo iustitæ animatus convertit se ad illos cum maledictione, & ecce Deus urfos mittit è proximo deserto, qui illorum quadraginta duos devorant. Quærunt hic interpretes sancti, cur Propheta non impetrauerit ignem de cælo ad consumendum istos pueros, sicut alias fecerat Magister ejus Elias militibus, qui volebant eum apprehendere, cur potius urfos quam alias quascunque feras. Cur non lupos cum illis ordinarie pueros terrere soleamus: Respondent Doctores sancti, id factum fuisse habitantibus Bethleemitis in cautelam, & ut mors filiorum fieret disciplina parentum, teste sancto Augusti-

4. Reg. 2. 23.

4. Reg. 2.  
20.

Serm. 224.  
de temp.

no. Ursus mirabilem habet proprietatem inter cætera animalia, fœtum enim suum bis quasi gignit, quia post partum immediate, est quasi massa carnis omnino informis, absque oculis, auribus &c. ideoque tamdiu illum lingua sua lingit, donec paulatim incipiant apparere ocelli, auricula & cætera membra organizari. Hoc animal imitare, quamprimum enim infans tuus hunc mundum ingreditur massa carnis informis est, summe ignorans, rudis, absque ulla devotione vel civilitate, ad omne vitium proclivis, formari igitur debet lingua, instrui & ad virtutem moveri, delenda sunt vitia & imperfectiones quas originale peccatum in eo causavit, & sic paulatim fiet filius Dei, fructus benedictionis tandem aperientur intellectus oculi ejus, aures obedienciæ, manus bonorum operum formabuntur, & quia cives Bethleemitici hoc neglexerint, urfis puniri sunt, quasi diceret, si ad modum urforum filios vestros formassetis, non meruissent ab urfis devorari juxta Prophetæ maledictionem.

Multum interest, ut tempestive provideant parentes filiis suis de salutari disciplina, dico tempestive, quia ut ait S. Dorotheus quando filius tuus parvulus est, mollis est ut cera, susceptivus, cujuscunque impressionis, sive bonæ sive malæ est ut ramunculus, qui ancus ratur ad nutum tuum, vel ad vitium vel ad virtutem, si autem excreverit in arborem, facilius rumpitur, quam flectatur. Habitatores Insularum Majoricæ & Minoricæ, præ cæteris industrii fuerunt antiquitus & periti in arte sagittandi, cujus rationem reddit Florus dum ait, *Cibum puer à matre non accipit,*

Lib. 66.  
Exhorta  
tionum  
Leonem  
lium c.  
Tom. 5. l  
blioth. P  
rum.

Daniel



accipit ; nisi quem ipsa monstrante percussit , nulli enim puero dabatur jentaculum nisi panem quem petierat à longe sibi monstratum sagitta percussisset , si etiam moderno tempore pueris non daretur jentaculum nisi curvis genuflexionibus & devotis orationibus , si non admitterentur ad nocturnam requiem , nisi prævia lectione Lytaniarum , si à parentibus interdum ducerentur ad Hospitalia , cum ipsis visitarent captivos , sic etiam cum illis crederet pietas & charitas. Basillius Imperator ait , se tot exhortationes ad filium edocendum distasse , ut quem naturalis lex ipsi devixerat , rationalis amplius devinceret , ne filius plus atri quam patri deberet , quibus probatur quod si prædicto modo parentes erga filios se gererent duplici titulo illos devincerent sibi , quibus non essent esse & bene esse , naturale & supernaturale , membra corporis & salutem animæ. Deinde instructiones , quibus nos illos imbuitis , multo efficaciores sunt , diutius hærent , & vivatius imprimuntur menti , quam ullæ aliæ , quia amore ipsos prosequimini , & affectus naturales illorum erga nos , efficiunt ut altiores radices figant , sic si pingatur in vitro , hoc igni imponitur , ut eo solidior , & perfectioris durationis sit pictura , sic ignis amoris filialis facit , ut colores virtutum , quibus filios vestros exornatis , diutius eorum memoriæ inhæreant.

V. Horum insignia nobis refert exempla Scriptura sacra & Ecclesiastica historia , formosa & casta Susanna viriliter

restitit prosecutionibus , & minis lascivis , ac impuris seniorum qui eam sollicitabant , maluitque infamiae notam subire coram universo mundo , carnificisque manibus subiici , quam vel unum peccatum mortale committere , cujus rationem allegat ibidem textus Danielis 13. quia parentes instruxerunt eam à juventute , non in vanitatibus hujus seculi , sed in amore divino , & obedientia mandatorum Dei.

Corpore parvula , virtute & sanctitate magna Agnes , cum à teneris unguiculis se Domino consecrasset , insignis adolescens præfecti Romani filius eam conjugio sibi copulari desiderans pro responso retulit , *discede à me pabulum mortis , quia jam ab alio amatore præventa sum.* Mater Doctor Edmundi Archiepiscopus Cantuariensis , maxima cura & solitudine tenerum adhuc filiolum suum induxit , ad actus pietatis & mortificationis , invitans eum diebus veneris , ad jejunium in pane & aqua , utque hoc libentius faceret , sequenti die præcedens jejunium , aliis lauticiis recompensabat : mittens linteamina munda ad collegium , in quo commensalis erat , addebat Ciliciola moriens legavit ei tanquam monile prætiosum.

Qua ipsa in nuda carne usa fuerat ordinarie , tantum in eo causavit affectum erga Deiparam , ut resolverit , vovere castitatem in honorem gloriosissimæ virginis. Unde duos annulos argenteos parati curavit quorum unum immisit digito imaginis B Virginis alterum suo , qui adhuc defæcto inest ,

Lib. 66.  
Exhortationum ad  
Leonem filium c. 6.  
Tom. 5. biblioth. Patrum.

Daniel. 13.



ineft, nam & digitus & tota manus corpusque integrum permanfit & aſſervatur in Abbazia Pontiginiana, & in memoriam pietatis quam ab infantia exercuit, non pauci infantes, qui ſine Baptiſmo ex hoc mundo deceſſerunt, apud ipſius tumbam, & vitam & Baptiſmum ſuſcipiunt.

VI. Alix D. Bernardi mater ſex genuit prolis maſculas, ſœmellam unam, quaſi eo ipſo, quo ſe gravidam advertit, quotidie ſacraſſimè virgini commendabat, hoc facite & vos mulierculæ, adjungite ſæpius communionem, ſed digne, ut ſic influat Jeſus benedictione, fructui corporis veſtri ei que tandem ad ſacrum Baptiſmatis fontem pervenire concedat, præſervatq; nos à parvulis, quibus ſtatus ille expoſitus eſt. Quamvis nobiles eſſent, educabat illos cibus graſſioribus, ut ſic paulatim imbiberent aſtutitatem. Omnes facti ſunt religioſi, & natu minor inter illos, Nivar nuncupatus, in effectu demonſtravit, quantum ſibi profuiſſent maternæ inſtructiones. Cum enim foris cum conſodalibus ſuis luderet, unus è ſtatribus exi-gens, ut ordinem ziſtertienſem aſſumeret, ait inde Nivar ingredimur religionem, teque hæredem relinquimus omnis poſſeſſionis noſtræ, ipſe autem, tam ingenioſe concordate inquit hæc cenne parutio à vobis facta eſt? vos rapitis cælum mihi relicta terra, nimis inæquales ſunt portiones, nolite vobis perſuadere, quod minorennis cum ſim, cor minus heroicum ſit mihi quam vobis, & de facto paucis poſt diebus fratres ſuos ſecutus dedit & ipſe nomen religioni, in qua ſanctam vitam ut cœpit

finivit. Hujus tam præclari effectus, gloriam tribuit matri & hiſtoria & judicium Dei. Præ cæteris autem notabile eſt! Exemplum ſancti, cui ſuccedit Rex noſter non ſolum ſanguinis, nominis, ſceptri, ſed & virtutis, cum eſſet parvulus, Planeta Regina ejus mater, in gremio ſuo ipſum geſtans, hæc ſæpius repetebat, fili mi, elige tibi mortem potius quam peccatum, præſtat enim mori quam offendere Deum, & hanc maximam ei tam feliciter inculcavit, ut nunquam in vita ſua Deum offenderit mortaliter. Nonne optime imitareris Reginam hanc, quando puerulum tuum in ſinu geris, vel uberibus lactas, mille ſtultitiis per diem eum alloqueris, verbis omnino vanis & inutilibus, nulla facta mentione Dei, oporteret paulatim de illo loqui, ut puto, mi filiolo, amabiſſime ſumme bonum Deum noſtrum, eriſſe ſervus fidelis Jeſu, ſi hoc feceris eris dilectus mihi præ cæteris, ſi unquam illud offendas, non agnoſcam te ut filium meum, ſed abortivum, væ ori tuo, ſi unquam applicetur aliis quam laudibus divinis, ſi ſcirem id futurum, ex nunc impoſterum non applicaretur verbis meis, apagè cum oculis tuis, ſi unquam apertiſſe debeant vanitatibus ab mundi ſtultitiis, ſi id mihi imaginarer, ex nunc vellem eos eruere, mi dulciſſime, mori potius quam peccare. Sed dicis nimis parvulus eſt non intelligit quid dicam, concedo, perge nihilominus, intelligit enim te Deus, qui videbit & cor, & bonam voluntatem tuam, ſuppoſito quod Rex adeo lucraretur corda ſuorum ſubditorum, eos liberando ab oneribus ordi-



ordinariis, ita ut ab omnibus, etiam nutriticibus exinde laudetur, adeoque sapissime, infantibus ubera sugentibus dicerent, mi suaviolo, volo ut aliquando sis insignis & fidelis Regi nostro servus, & omnes gutta lactis, quibus nunc educaris, mutantur in sanguinem, pro ipsius obsequio, fundendum. Nonne exinde glorificaretur Rex, & extranei ista, ista passim obaudientes obstupescerent ad tantam Regis commendationem, ab ipsis plebæis, imo & ipse Rex si id audiret, vel intelligeret fieri, non exiguam exinde complacentiam fumeret. Rex autem Regum, qui nos liberavit à iugo crudelissimæ servitutis, nunquid is plura meretur? Quando tres pueri in fornacæ ignis ardentis, & Propheta Regius David, invitant solem, lunam, stellas, volucres, pisces & reliqua animantia, ad laudandum & benedicendum Deum, creaturæ istæ irrationales, non intelligunt quid velint, nec tamen frustra est invitatio, quia id faciendū nos ipsi excitamur ad laudandum Deum, sic & tu excitando filiolum tuum, ut Deum aliquando amet, te ipsum inflammas, ut eum de facto diligas.

Quod si assuevias sermonibus divinis cum ipso miscendis dum parvulus est, continuabis cum etiam factus fuerit grandævus, maximus enim abusus est in mundo, specialiter in domibus magnatum, quod primi colores quibus intinguntur parvuli non sunt nisi vanitates, nugæ & stultitiæ, nihil audiunt nisi de amoribus conjugii, emulationibus mundanæ gloriæ & ambitionis. Juvenulæ docentur denudare ubera, & brachia &c. si expectes igitur consolationem aliquam à filiis tuis, cum adoleverint, gloriam

coram Deo, coram hominibus honorem imbuas illos tempestive, tinctura & coloribus virtutum, cura ut inscribantur confraternitati Rosarij, orationibus mane & vesperi vacent, tempus diebus Dominicis & Festivis, lectione Historiarum sacrarum, vel alterius libri pij terent. sapissime nudato capite pauperibus elemosynam porrigunt, ut suspicere discant personam Salvatoris in mendicante.

Et ut præcepta ac instructiones vestræ plus habeant efficacitæ & energię, non sufficiat vobis, eos instruxisse verbo, sed superaddite exemplo. *Longum iter per præcepta, breve & efficax per exempla.* Si velis, ut puer tuus discat ambulare, non uteris multis præceptis vel instructionibus, dicendo quod unum pedem debeat alteri antepone, & sic deinceps, sed statim incipis praticare, cum ipso gradiendo & ambulando, fac similiter, quandocunque est genu flectendum, orandum, legendum in libro pio, ne dixeris, ora, lege, vel flecte genua, sed simul cum ipso facies, dicendo oremus, flectamus genua, legamus &c.

### PUNCTUM TERTIUM.

*Debent correctionem. Probatur hoc exemplo Heræ & Saræ.*

VII. **Q**UOD si exempla vestra, plique documenta imitari noluerint, fac juxta monitionem Apostoli adhibe correctionem, quod si neglexeris, punieris, ipsemet, & quidem rigorosissime.



Quis enim paterfamilias non contremiscat, si modo Christianus est, & Scripturæ sacræ fidem adhibet, si consideret horrendam punitionem, quam immisit Deus toti populo propter negligentiam unius Patris? In primo enim libro Regum, Heli bonus seneculus duos habebat filios discolos, lascivos, indevotos, scandalosos Ophny & Pineas, quos reprehendit interdum dicendo, *quare facitis res huiusmodi quas audio, nolite filij mei, non enim est bona fama quam audio, si peccaverit vir in virum, placari ei potest Deus, si autem in Dominum peccaverit vir, quis orabit pro eo?*

1. Reg. 2.

VIII. Aliud non poterat in illis efficere, nec severius punire, erant enim duo adolescentes & robusti, ipse senex nonaginta duorum annorum & caligaverant oculi ejus, nec poterat videre, articulus erat & præ senectute ac imbecillitate totus impotens, sedili quasi affixus. Nihilominus venit vir Dei ad Heli & ait ad eum, *hec dicit Dominus, nuncquid non aperte revelatus sum Domui patris tui, cum essent in Aegypto in domo Pharaonis, & elegi eum ex omnibus tribubus Israël, mihi in Sacerdotem, ut ascenderet ad Altare meum & adoleret mihi incensum &c. Quare calce abiecasti victimam meam & munera mea quæ præcepi ut offerentur in templo & magis honorasti filios tuos quam me, propterea ait Dominus Deus Israël, &c. videbis æmulum tuum in templo in universis prosperis Israël, & non erit senex in domo tua omnibus diebus, &c. deficient oculi tui & tabescet anima tua, & pars magna domus tue morietur cum ad virilem ætatem venerit.*

1. Reg. 2. 27.

Hoc autem erit tibi signum quod venturum est duobus filiis tuis Ophny & Pineas in die uno morientur ambo. Et iterum dicit per Prophetam Samuelem, *Ecce faciam verbum, quod quicumque audierit timuere amba aures ejus, judicaturus sum domum ejus in æternum propter iniquitatem, eo quod moverat indignè agere filios suos, & non corripuerit eos.*

1. Reg. 3.

IX. Et contigerunt omnia ad literam, misit enim Deus exercitum Philistinorum, qui interfecit triginta milia virorum de populo Israël, Arcam fœderis, quæ totus thesaurus & gloria Israël erat, cæperunt infideles, & inter alios ceciderunt filij discoli Ophny & Pineas, Senex autem auditis hisce tristibus nuntiis corruit in terram, & confregit. Potuisset quidem respondere, filios meos reprehendi, monui pro viribus quid alterius fecissem, percutere non poteram, ego nonagenarium major, istos Juvenes vegetos, robustos, nec insequi poteram visu cæcutiens, debilis, & infirmus, si forte fuissent. Hisce tamen excusationibus non utitur, sed humiliter ait: *Dominus est, quod bonum est in oculis suis faciet.* Nonne multo culpabilior es illo, qui scis vel saltem scire debes quod si filia tua toties os ad os, sola cum solo viro loquatur qualiscunque tandem sit, id non fieri absque peccatis, si non in effectu saltem affectu, nihilominus stultè illa permittis. Ignosce quod ita loquar, istum enim loquendi modum exprimit zelus quem habeo pro honore familiæ tuæ & filiæ tuæ salute. Idiota es, nonne apprehendere potes & debes alias ejusdem farinae

Genes.

Gall. 4.



farinæ & sexus filias, similibus dispositio-  
nibus praviis tandem perditus? permit-  
tis eam exire solam, tibi que persuade-  
ri, quod contionis audiendi gratia,  
ad vespertas vel confessionem egredia-  
tur, desuntne tibi pedes, ut eam se-  
quaris? nunquid habes oculos ut ei in-  
vigiles confidentes qui expiscari pos-  
sunt, quo vadat, quos frequentet, à qui-  
bus soleat visitari? Nec artidicus nec  
imbecillis nec cæcus es ut erat Heli,  
nec maiorem securitatem habes, de  
prolium tuarum probitate, quam Sara  
uxor Abrahæ, quæ cum vidisset filium  
Agar ludentem cum filio suo Isaac, ince-  
pit invigilare quid agerent, Apostolus  
autem dicit, quod Ismaël persequeretur  
Isaac, & appositè, iniquum enim lu-  
debant Iudam, qui vere persecutio erat,  
nam ab Ismaële malitiam disciebat Isaac,  
in quo cum deprehensi essent à Sara,  
& Agar & filium ejus è domo ejici cu-  
ravit. Illam imitare, invigila tuis, ut  
si forte cum vicinis, diversis sexus col-  
ludant, loca secretiora quærant, illos  
cohibeas, & magis præstat, cum sibi  
similibus in sexu ludos agant: & ma-  
gis invigilandum adhuc est, ut post  
textum vel septimum annum non con-  
dormiant, nec mittas filias tuas ad scho-  
las viroium, possem cum diversos E-  
piscopos nominare, qui id prohibue-  
runt in Gallia, sub pœna Excommuni-  
cationis ipso facto propter summè funesta  
& deploranda inconvenientia, quæ inde  
oriuntur, si Pædagogum habeat filia tua,  
nunquam castiger illum nec in loco secre-  
to vel solitatio eam instruat, sed in cubili  
tuo, te præsentè, vel saltem alio teste; res

enim periculo plena est, solam cum solo  
conversari.

## CONCLUSIO.

*Salus infantium est lucrum parentum,  
ex Hieronymo.*

X. **C**oncludamus, hoc S. Hieronymi  
dicto, *salus infantium, est lucrum  
parentum*; si procures filiorum tuorum sa-  
lutem, amorem & naturales teneritudi-  
nes, temperando, ut corrigantur si deli-  
querint & magis eos relinquere in pauper-  
tate, & humiliori conditione, quam eos  
mala fide ditare & exaltare, veniet super  
te benedictio Dei quæ promissa est Abra-  
hæ, cui dictum est, quia mihi fidelis exti-  
tisti non parcens filio tuo propter me, be-  
nedictus eris in familia tua, & prospere  
agentur omnia circa posteros tuos. Econ-  
trario si egeris ut Heli, punieris cum illo,  
ut supra insinuavimus, nec obligat te  
Deus, cum tanta districtione, sed ut admi-  
nus castiges illos, si non blasphemii, si  
discoli sint; in Ecclesiis se inhonestè ge-  
rant, Tabernis & albis dissolutionibus sint  
addicti: Deus tam instanter mandat ut fi-  
lij tui te honorent; quare igitur non præ-  
ciperes, ut & ipsi reddant honorem de-  
bitum? punit illos severe, si tibi non  
obediant cur igitur non castigabis eos si  
ipsi non fuerint obedientes? non peper-  
cit filio suo unico dilectissimo, inno-  
centissimo, amabilissimo prætulit sa-  
lutem vestram vitæ illius; cur igitur  
parcis filio tuo quia naturæ abortivum est,  
intemperantiæ, dissolutioni, & ut verbo  
Sss 2 totum

Genes. 21.

Gall. 4. 29.

Deuterom.

21. 9.



totum dicam, omni vitro addictus est? Cur parvulo exponis & tuam & ipsius salutem ut magnus fiat in hoc mundo?

*Salus infantium lucrum est parentum.*

Si filii tui salutem suam operentur, lucraris conscientie quietem; si prudentes sint & virtuosus, non est unde inquieteris.

*Ecclesi. 11.*

Lucrum est, lucraberis honorem & reputationem inter homines, quia in filiis cognoscitur vir causa in effectibus, originale in copia, dominus in famulo, saltem ordinariè.

*Lucrum est parentum,* lucraberis affectum & laudes filiorum, dum etiam post obitum tuum, gloriabuntur se habuisse, patrem tam pium, tam conscientiosum, matrem tanta charitate præditam.

*Lucrum est,* lucraberis Cælum, dicit enim Apostolus, quod mulier christiana, quæ bene regit familiam suam proles educando in amore & timore Dei, *salvabitur in generatione filiorum.* Quanta erit gloria Patriarchæ Abraham, cum pare-

re cum filio suo Isaac, Isaac cum Jacob, Jacob cum delicto suo Joseph, matrem Machabæorum sanctus Simphorosam, & Felicitatem, cum septem filiis suis quos ad Martyrium adhortando, cælo genuerunt illis associaveris. Eva dicebat *posse di hominem per Deum*, Tu dices, *posse di Deum per hominem*, Filius dicet *gloria patri, gloria patri æterno*, qui mihi providit de patre tam exemplari, tantæ vigilantie, sollicitudinis & virtutis. Pater inquit, & filio, Gloria Filio æterno, qui mihi filios dedit, tam sagaces, tam voluntarios tam obediētes, mater dicet, & Spiritui sancto, Gloria sancto Spiritui, cujus inspiratione tantam reperi in filiabus meis castitatem, modestiam devotionem. Parentes & filii, concertabūt vocibus, ut simul & unanimiter intonent per omnem æternitatem, cum inexplicabili amore Dei & exultationibus gaudiosissimis, gloria Patri & Filio & Spiritui sancto, nunc & per infinita secula Amen.

*1. ad Tim.  
2. 15.*





# SERMO

## QUINQUAGESIMUS.

Pro Dominica vigesima secunda post Pentecosten.

*De magno damno, quod inferunt parentes prolibus, dum impediunt eas ab ingressu in religionem, ad quam sunt vocatæ.*

Non respicis personam hominum. Matth. 22.

**M**erito deberent parentes respicere personas hominum, ut nempe proles suas quæ vocatæ sunt à Deo, non impediant ab ingressu in religionem, quia si proles, quas putant aptiores & meliores pro mundo impediunt à religionis ingressu, & eas quæ sunt ineptiores, ad religionem cogant, sciant quod graviter peccent in Deum, quia in antiqua lege scriptum est, quod meliora debeant Deo sacrificari & immolari, atque imperfecta à Deo arceri, unde bene considerent parentes, ne proles, quas à Deo vocatas ad religionem norunt, non impediunt, quia idem esset ac illud, quod Deo immolari debet à sacrificio ejus auferre, & impedire ne hoc offeratur, unde ne hoc faciant, ostendam cum Auctore, quam gravè sit peccatum, proles, ne religionem ingrediantur.

**I.** **H**er ex parte sanctus Paulus docuit omnes parentes obligari, ut suas proles nutrant, & educant in timore Dei: Verum sacri interpretes sapienter advertunt iis dici; *Educate illos, & non ditare;* Enim verò, appetitus inordinatus, quo per corruptionem naturæ homines desiderant suas proles ditare, & magnas extruere domos, causa est, ut in hac materia tres maximos, & nocivissimos errores commit-

tant. Primus est, si natu major & filius, aut habilior à Deo vocatur ad statum religiosum, eundem impediunt, quantum possint, ita, ut in causa sint, quod damnetur in mundo, ubi alias in porta monasterii salvaretur. Secundus est quod natu minores aut eos, quos magis imperfectos, inhabiles in naturalibus judicent, cogant ad statum Ecclesiasticum, Ego hos duos abusus vestræ salutis adeo nocivos, & contrarios gloriæ Dei deicere decrevi, & quidem hodie sub oculis vobis ponam magnam injuriam, quam irrogatis vestris prolibus, dum eas impeditis à sequela vocationis divinæ, quæ ad religionem reformatam vocatæ sunt.

O sancta Virgo, Benedicta sancta Anna tua mater totum contrarium fecit, illa in templo in teneris annis te Dei servitio mancipavit, in eo tu emisisti tria vota, quæ animæ religiosæ in professione sua emittunt: & quidem edidisti votum virginittatis, uti ex responsione, quam dedisti angelo cognoscimus votum paupertatis, uti ostendisti in Purificatione, dum Deo sacrificium pauperum obtulisti: Votum obedientiæ, uti significasti: dum matrimonium iniisti contra inclinationem, qui amasti solitudinem, ut superioribus obedi-



diret. Hic status sublimis, & altus te disposuit ad divinam maternitatem, & ut reciperes ex parte Dei illam salutationem solemnem, quate Angelus salutavit dicens: *Ave Maria.*

### Idea Sermonis.

### PUNCTUM PRIMUM.

*Religio est status Deo gratissimus, probatur primò Scripturà, secundo Ratione, tertio Patribus.*

Matth. 19.

II. **P**orro ut vobis monstrem magnam injuriam, quam infertis vestris prolibus, dum eas impeditis, quando sunt vocata à Deo in religionem, solum mihi ostendere incumbit, quod eas præpediatis à statu, & vita Deo valde grata, & salutaria, & maxime congrua, & proficua. Legimus apud divum Matthæum Petrum hæc Christo dixisse: *Ecce nos reliquimus omnia & secuti sumus te, quid ergo erit nobis?* Profecto res hæc primò stupenda videtur, quod unus Apostolus, & quidem primus, qui loquitur nomine omnium, & qui jam pluribus mensibus studuit in schola Filii Dei proponat hanc quæstionem. Ergone Petrus serviat Christo ob mercedem? ergone sequatur Salvatorem ex alio motivo, quam ex motivo amoris Dei? An non sanctus Paulus dixit: *Charitas non querit quæ sua sunt?* An ignoravit id quod postea dixit Augustinus: *Hæc est vera pietas, gratis amare Deum?*

Dum aliquis se addixit servitio alicujus Magnatis non solet cum eo pacisci de salario, sed se committit ejus munificentia, &

liberalitati, hic autem S. Petrus videtur velle pacisci cum Salvatore. Nonne antea dixerat, quod in ore haberet verba vitæ, & quidem æternæ? quid autem non libenter homo donet, quid non relinquat, ut suam vitam conservet? *Cuncta, quæ habet homo dabit pro anima suâ;* quid ergo non dabit, ut habeat vitam æternam.

Et ut verbo omnia dicam Petrus sibi contradicere videtur, *Relinquimus omnia, & secuti sumus te.* Si filius Dei sit thesaurus, abyssus oceanus omnium bonorum nunquid ille nil reliquit, sed potius omnia acquisivit, qui acquisivit & possidet nostrum Salvatorem? An majus præmium acquirere, sperare, præendere possimus? Eminentissimus Cajetanus doctè has difficultates diluit, & valde aptè advertit, quod ante hæc verba Petri quidam nobilis adolescens dixerit filio Dei: *quid faciendo vitam æternam possidebo? si vis ad vitam ingredi serva mandata: Hæc omnia servavi à juventute mea, quid adhuc mihi deest? si vis perfectus esse, vade, vende omnia, quæ habes, & da pauperibus.*

Sanctus Petrus igitur timens se huic consilio paruisse, hanc objectionem proponit: Domine, tu huic adolescenti dixisti ad perfectionem requiri ut omnia vendantur, & erogentur in pauperes, quid ergo erit nobis qui nostra non vendidimus, nec aliquid in pauperes erogavimus, sed solū omnia reliquimus, ut te sequeremur? ergo id quod perfectius est, omisimus. Sed quid respondit filius Dei: Vos melius fecistis omnia relinquendo, ad hoc promptè obediretis vocationi meæ, & me sequeremini, quanquam si moras traxistis,

Matth.



xistis, & pauperibus elargiendo, quia, *amen amen dico vobis, vos qui reliquistis omnia, sedebitis super thronos judicantes duodecim tribus Israel.* Ex quo aperte liquet, quod res sanctior, perfectior, laudabilior, magis meritoria, gravior Deo sit imitari religionem, quam manere in mundo, ut aliquis elemosynas det, & opera charitatis exercent; non nemo est, qui perfectius sequatur filium Dei, & omnia exactius deserat, quam boni religiosi.

Nil in hoc mundo est gratius, deletabilius voluptatibus carnis, bonis terrenis, honoribus mundanis; At verò religiosi adeò à quibuslibet deliciis sensualibus avulsi sunt, ut sese obligarint nec minimam cogitationem, vel per unicum momentum voluntariò admittere. An non hoc est, se reddere dignissimos hoc promisso Salvatoris: *Beati mundi corde, quoniam ipsi Deum videbunt.* Religiosi bonis terrenis etiam minimis se adeò denudant, & ad tantam paupertatem se adstringunt, ut nec minimi dominium habeant. Religiosus licet nihil donare, recipere, de nihilo disponere potest ex se, ita ut nil sit in mundo, quantumvis minimum, de acu, de palea &c. licet quid facere possit; nam si sint subditi indigent licentia expressâ vel tacita superiorum, si sint superiores v.g. Priores, Abates, Provinciales indigent licentiâ Communitatis, aut Generalis. Nonne hoc est se reddere dignissimum hac promissione; *Beati pauperes spiritu quoniam ipsorum est regnum cœlorum?* Quoad honores, & dignitates tu adeò scrupulosus, ut in mûdo teneas tuam præcedentiam, adeò acuratus es in prælatio-

ne, & præmentia, ut si aliquis te postponat (sed quid dico postponat) si te conferat alicui, qui sit inferior te, tu adeò tangeris, ut per quinque vel sex dies turbatus sis. Tu dicis, sicinè me æstimet, quem mihi comparat? Etenim in religione contemptus dignitatum, humilitas christiana tam heroicè viget, ut filia regis pro sociâ habeat filiam sutoris, pauperrima, vilissima soror par sit nobilissimæ, illustrissimæ Comitissæ, Marchionissæ, Principissæ gaudet, si postponatur filiæ Sartoris. In hoc consistit earum ambitio, ut sint infimæ, vilissimæ, contentissimæ, humillimæ, & tamen hoc est se reddere dignissimum hoc promisso; *omnis qui se humiliat, exaltabitur.*

Porro, quamvis aliquis renuntiaverit delicijs, divitijs, honoribus; attamen dicere non potest, reliquimus omnia, sed principaliter aliquis debet relinquere seipsum, quod est difficilius, inquit Salvator, & hoc fit perfectius in statu religioso, quam in ullo alio. Enimverò seipsum relinquere est renuntiare propriæ voluntati, propriis cupiditatibus, appetitibus, affectionibus, & inclinationibus particularibus. Religiosi autem per votum obedientiæ sese relinquunt. Nam si superior mandet eloquentissimo Concionatori totius Galliæ, ut tota vita lateat in sua cellula, ille hoc talentum tam libenter debet abscondere, quam libenter lucraretur mille animas. Si Prælata mandet uni Principissæ, ut interserviat coquæ, ut se submittat rotariæ & religiøsæ tam vili, quam

Matth. 5.



L. 2. de  
Bapt. q. 1.

quam in mundo nec respicere dignaretur, & illa libenter hoc faciet, nonne leipsam relinquet, & in veritate dicere poterit, Ecce reliqui omnia, & secuta sum te. *Et secuti sumus te.* Omnes Christiani, cum obligentur sequi Christum Jesum ex professione fidei Christianæ, quia ut testatur verbis expressis & claris sanctus Basilus, Christianus irrevocabili pacto ad hoc se adstrinxit, ut Christum sequatur in omnibus, quod est Deo integre & perfecte invocare.

III. At enim verò, ut perfecte cognoscamus quantum hic status, & perfectio sit grata Deo, solum oportet considerare magnum præmium, quo illi afficiuntur, qui huic statui se mancipant, nam præter vitam æternam, quam iis promittit, iis reservat thesaurum in cælo, præter centuplum hujus vitæ; hoc est, præter consolationes interiores, & spirituales delicias, quæ centies plus valent, quam voluptates, quas reliquerunt, promittit, quod coassumet eos, ad honorificentissimum munus, ad eminentissimam dignitatem, officium nempe Judicis, quod illi pater donavit: *Sedebitis & vos super sedes duodecim.*

Beda in  
Nat. S. Be-  
ned.

IV. Porro confirmemus hoc ex Partibus, & imprimis agmen ducat Venerabilis Beda, qui inquit: *duo sunt Ordines Electorum in judicio futuro, unus judicantium cum Domino, de quibus hoc loco memorat, qui reliquerunt omnia, & secuti sunt illum; alius judicandorum à Domino, qui non quidem omnia sua pariter reliquerunt, sed de his tamen, quæ habebant quotidianas eleemosynas dare Christi pauperibus statuerunt.* præterea ejusdem animi est sanctus Augustinus, nam di-

sputans contra eos qui asseriebant omnes Christianos esse obligatos, ad propria bona relinquenda, ille distinguit duo genera justorum in Ecclesia, unum eorum, qui suas facultates relinquunt ex amore Dei, alterum eorum, qui eas servant, familiam suam alant & Eleemosynas faciant, & hos non dicit esse judicatos cum Christo.

Non sedebunt quidem cum Christo Aug. Epist. sublimiter judicaturi, sed ad ipsius dexteram stabunt, 89. ad miseriam corditer judicandi. Hilari. Similiter S. Gregorius qui non minus quam venerabilis Beda, vestigiis S. Augustini insistit, dicit.

Quisquis stimulo divini amoris excitatus hic possessa reliquerit, illis proculdubio culmen judiciaria potestatis obtinebit. ut simul tunc judex cum judice veniat, qui nunc consideratione judicii spontanea se paupertate castigat. Greg. I. 10. Moral. Et Paulo post, alij judicantur & pereunt, alij non judicantur & regnant, alij non judicantur & damnantur, alij judicantur & salvantur. Prioris generis sunt fideles avari, quibus Judex dicet: *Esurivi, & non dedistis mihi manducare.* Secundi generis sunt infideles quibus dictum est in Evangelio, qui non credit jam judicatus est, nam ob infidelitatem processus jam est formatus, cum enim nil peccarint in fide, nec in lege Salvatoris non examinabuntur, sicut Princeps subditos non damnat, absque formatione processus, cum tamen hostes puniat & perdat, nullo formato processu. Tertij generis sunt seculares qui redemerunt sua peccata per eleemosynas, quibus dicet: *Esurivi & dedistis mihi manducare.* Ultimi sunt

Greg.  
Moral.  
30. li.  
cap.  
25.

Gen

Ber  
30.



sunt quibus dicit, vos qui reliquistis omnia, qui cum auctore suo etiam iudices veniunt, de quibus Salomon, cum de sponso Ecclesie loqueretur dicit, nobilis in portu vir ejus quando sederit cum Senatoribus terra. Sicut enim non judicantur & pereunt, qui, suadente perfidia, legem temere contemnunt, ita non judicantur, qui suadente pietate, ultra divinæ legis præcepta proferunt.

Greg. l. 10.  
Moral. cap. 30. lib. 26.  
cap. 24. &  
25.

Aug. Epist.  
9. ad  
Dila.

# PUNCTUM SECUNDUM.

Est status operande salutis aptissimus, primo, quoad præteritum, quia ibi sit poenitentia de peccatis commissis, secundo, quoad præsens, quia ibi declinatur à malo, & sit bonum, tertio, quoad futurum, quia ibi vitatur mors improvisa & mala, primo Epitome predictorum ex D. Bernardo, unde filii debent sequi hanc vocatorem, etiam in vitis parentibus.

V. Idem ostendit secunda veritas proposita, quod nempe status religiosus non solum sit Deo gratus, sed etiam salutis nostre proficiuus. Qui vult salvari, debet cogitare præterita, præsentia, futura. Quoad præterita, debet per poenitentiam peccata commissis dolere; nam multi possunt dicere cum David: Delicta juventutis meæ, & ignorantias meas ne memineris, sensus enim, & cogitatio humani cordis prona sunt in malum ab adolescentia sua. Quoad præsentia debet facere bonum, & fugere malum. Quoad futura debet se præparare ad bonam mortem, ut cælum introire possit. S. Bernardus monet, ut secedamus, à mundo, & confugiamus ad claustrum: Fugite de medio Babylonis, fugite, & salvate animas vestras, convolate ad urbes refugii, ubi pos-

Gen. 3.

Bern. Serm.  
30. de Con-

itis, & de præteritis poenitentiam agere, & versione ad in præsentem obtinere gratiam, & futuram ad Clericos gloriam fiducialiter præstolari. Luc. 13. 3.

Filius DEI clare nobis dicit in Evangelio; Nisi poenitentiam egeritis, omnes peribitis. Sancti valde bene observant, quod non tantum dicat, nisi poeniteatis, sed nisi poenitentiam egeritis. Differunt poenitere, converti, & poenitentiam agere, quia inquit Propheta, postquam me convertisti, egi poenitentiam, & hoc faciendum est, ne pereamus. Et quidem non debemus agere poenitentiam talem, qualem, sed quæ correspondeat peccatis, eorum gravitati, & numero. Poenitentia inquit sanctus Jordanus, non debet esse minor ipsis peccatis. Alto vulnere longa & diligens medicina non desit, poenitentia, erimine minor non sit. Putasne dominum cito posse placari, cujus templum sacrilega contagione violasti? orare oportet intensius & rogare noctes vigiliis, & fletibus ducere, stratos solo adharere, cineri & cilicio volutari, &c.

Cypr. de lapsis.

An tu putes quod DEUS, postquam profanasti tuam animam, quæ estejus templum, tam cito possit placari. Ferventer ad eum debes fundere preces, vigilare, jejunare, portare cilicium, cubare humi, vestibus incedere vilibus, mortificationibusque aliis premere carnem. Et ita docent Tertullianus, sanctus Gregorius Nazianzenus, Augustinus, Cæsarius, quod si sententiæ sanctorum Patrum veræ sunt, uti certum est, cum loquantur Spiritu DEI, & alii etiam Patres hoc asserant, si ita habeat usus, & praxis, omnium Christianorum jam à ducentis, & mille annis, si hæc poenitentia sit unicum medium, quo possimus salvari post peccatum, & recuperare gratiam

T t t

amif.



amissam, si tam pauci sint, qui hanc gratiam non amittant, & qui post baptismum non peccent, annon concludere debemus, quod pauci sint, qui in mundo salventur à quo omnino hæc pœnitentia videtur proscripta? Nonne inferre debemus, quod status Religiosus sit quasi unica tabula, ad quam confugere possimus, ut appellamus ad partem salutis, post naufragium, & jacturam universalem, quâ reliqui omnes pereunt?

Enim vero, si observes habitum, vitam, & exercitia Religiosorum, videbis quod Religio nil aliud sit, quam publica & solennis professio pœnitentiæ, quam praxis continua humiliationum, austeritatum, & mortificationum, quas Scriptura, & sancti Patres ad perfectam pœnitentiam exigunt, videbimus, quod hoc nil aliud sit facere tota vita, quam id quod fecerunt pœnitentes primitivæ Ecclesiæ per aliquot tantum annos, videbimus inquam, quod hoc nil aliud sit, quam renuntiare omnibus voluptatibus sensualitatis, recreationibus, & stultitiis mundi, delitiis carnis, conviviis, ludis, choreis, comœdiis, recreationibus, & aliis commoditatibus, quas tam anxie caro desiderat.

Cernemus, quod hoc nil aliud sit, quam esse semper infirmum in clauetro, indui sacco, medietate anni jejunare, abstinere à carne, ac aliis cibis exquisitis, noctis optimam partem transigere in laudibus DEI, propriam nec in minimo habere voluntatem, continuo subijci alteri. Et sane hoc genus vitæ est pœnitentia adeo DEO grata, est satisfactio adeo efficax, ad solvendas pœnas peccatorum, & diluenda omnia debita, ita ut ubi in primitivæ ecclesiæ non promitte-

batur pœnitentibus remissio peccatorum nonnisi post absolutam pœnitentiam, illa detur Religiosis in principio, & in die professionis eorundem, nam præterquam quod Ecclesiæ iis donet Indulgentiam plenariam in forma Jubilæi, sanctus Thomas asserit, donatio, qua te ipsum donas intrando Religionem, & propositum, quo resolvis omnes subire auctoritates, est actio adeo virtuosa, heroica, generosa, & meritoria, ut in hoc die præter indulgentiam plenariam, quam obtines sine concessione sancti Petri, tu recipias secundum baptismum, & obtineas integrâ abolitionem, & remissionem omnium tuorum criminum.

Porro ut hoc clarius cognoscas, & evidenter comprehendas, quomodo status Religiosus sit maxima satisfactio, quam rigidissima pœnitentia potest præstare, quantumvis sit publica, & solennis, uti olim fieri assolebat, considerare oportet, quod omnes pœnitentiæ, quæ nobis possunt imponi, quantumvis sint rigida, & longa, omnes illæ extinguantur, & annihilentur, & remittantur, quando facis professionem in Religione quantumvis mitigatissima, quæ est in Ecclesiâ DEI, dummodo non sit omnino deformata, quod si emisisti votum intrandi religionem, tu illud non potes commutare sine dispensatione Papæ, in opus aliud quodcunque bonum, nobile excellens, & heroicum.

Ego hujus rei duo tantum volo adducere exempla sed valde authentica & consideranda. Primum refertur canone Per tuas. In hoc capite Innocentius Tertius cuidam Ecclesiastico, qui postquam votum emisisset de intranda Reli-

22. q. 129.  
art. 3. ad 3.

De voto &  
voti remif-  
sionis lib. 3. tit.  
43. cap. 10.  
cap. admo-  
nere 33. 42.

gione



gione, nominatus esset Gebennensis, ei suavisit, ut resignato Episcopatu adimpleret suum votum. *Ut si tuam desideras sanare conscientiam, regimen resignes ecclesie memoratae, ac reddas altissimo votatua.*

Aliud exemplum refertur in decreto Gratiani, ubi Stephanus Papa hujus nominis quintus, qui eodem saeculo vixit, & qui miraculis claruit, scripsit cuidam magno nobili Astulpho, eique ob peccatum quoddam enorme commissum, nempe quia uxorem suam ex mera zelotypia occiderat, imposuit hanc poenitentiam. Tu non gustabis coctos cibos, tu vinum, & ficeram non bibes excepto die Paschatis, & nativitatibus, tu tota vita jejunabis in pane, & aqua, tu dies tuos transiges in vigiliis, precibus, & eleemosynis, tu in Ecclesia separatus eris ab aliis Christianis, tu humiliter sedebis retro ostium, tu magna submissione te commendabis precibus eorum, qui intrant, tu ad coelibatum adstrictus eris perpetuum, tu a sacra abstinere communionem excepta hora mortis, quae eam recipies per modum viatici, si te dignum reddas per tuas actiones, & haec est singularis gratia, quam tibi facio ut veniam obtineas. Et postea subjunxit, quod si tamen loco harum poenitentiarum velis intrare religionem, & submittere obedientiam alicujus Abbatis, aut alterius superioris, id tibi fas sit. Ex quo inquit Glossa conclusissimum evadit, quod quaelibet poenitentiae & austeritates vitae, quas jurasti, aut quae tibi impositae sunt per tuos confessarios, Episcopos, aut Papam, desinant obligare, extinguantur per ingressum in religionem, eo quod statutus Religiosus, sit saluberrima, sanctissima, & perfectissima poenitentia.

Nos debemus credere, quod magna pars bonorum Religiosorum, qui sunt in hac urbe, non intrarint Religionem, ut recuperarent Innocentiam, & gratiam baptismalem, sed ut eam conservarent, & augerent. Illa porro conservatur per fugam mali, & augetur per praxin bonorum operum. *Declina a malo, & fac bonum.* Et hoc quod difficulter sit in mundo, faciliter adimpletur in Religione. Quod si DEUS nobis aperiret oculos, uti fecit sancto Antonio, nos videremus mundum plenum laqueis, & clamaremus cum illo. Eheu, quis poterit, eos evadere? Nos diceremus cum David: *Funes peccatorum circumplexi sunt me.* Ubique laquei, casses, pedicae, escae peccatorum positae sunt, domi, in plateis, in prosperitate, in adversitate. Tuus maritus tibi quandoque est laqueus per suas dissolutiones, & scelera, quorum te reddit complicem. Probes tibi sunt casses avaritiae, ambitionis, affectionis ad bona terrena, ut eas possis ditare, & promovere. Famuli tibi praebent ansam impatientiae, irae per suas negligentias, petulantias, inobedientias. Consanguinei tui tibi dant occasionem dissensionum, odij contentionum, processuum per injustitias, diversiones, occupationes, detentiones tuorum bonorum. Tui vicini tibi sunt ansa invidiae, superbiae, vanitatis, luxum per cupiditatem, quam visis esse par, aut eos anteire. Societates sunt tibi laqueus, quia te faciunt labi in mendacia, detractiones, calumnias, aut ad minus jactantias, vanas glorias, respectus humanos, condemnationes illicitas. Tui amici tibi dant escam intemperantiae, dissolutionum, per convivium, ubi sensualitas capitur per fercula delicata.



Verbo sacra scriptura nos certos reddit, quod totus mundus sit positus in maligno, quod quidquid est in eo nil aliud sit, quam concupiscentia oculorum, carnis & superbiæ vitia, hoc est avaritia, luxuria, ambitio. Nonne est difficile ne dicā impossibile, habitare in loco humido, & non esse subiectum defluxionibus, agere & vivere inter peste correptos, nec infici, degere inter carbones, nec denigrari, esse inter flammās, nec comburi, inter serpentes, & non lædi? *Nulla securitas est* inquit sanctus Hieronymus *vicino serpente dormire: Nemo inquit sanctus Cyprianus diutius est periculo proximus. Lubrica spes est* inquit sanctus Augustinus, *quæ inter sementa peccati salvari se sperat.*

Verum sacra Religio est urbs Segor, in quā amici Dei effugiunt incendium Sodomæ, est civitas refugii in qua evadimus persecutiones, & tela nostrorum inimicorum, est paradysus terrestris, in quo nil est, quod nobis non sit proficuum, quod nos non ducat ad virtutes, quod nos non elevet ad Deum. In mundo sunt milleni, qui te impediunt, & avertunt à servitio Dei, & praxi bonorum operum. Oportet temporalibus incumbere, videre, ut contentetur maribus, vel uxor, alere, & instruere proles, servis agenda præscribere, iis invigilare, litem prosequi, colere agros, providere domui, examinare debita activa, & passiva, & millenis aliis distineri negotiis, quæ spiritū occupant, cor distrahunt, tempus cōsumunt, & à devotione impediūt. Scio quidem, quod omnia hæc possint fieri cum merito, si referantur ad Deum, sed & corrupto hoc seculo valdè difficile est, quia communiter tu contrahis matrimonium non vocatus à Deo, sed ex amore

illicito, aut dispositione vili, aut imperfecta. Tu non servis Deo vi status, quia tuus status te ad eum non refert, quod si non sis multum sollicitus, ut tuæ actiones ad eum dirigantur, & fiant ex amore ejus per rectam intentionem actualem, vel virtualem, fit ut tantum fiant actiones morales, & humanæ, quæ nullum præmium pro altera vita merentur.

Econtra in Religione servis Deo modo perfectissimo, & in cunctis occupationibus, quia nil aliud habes, quod agas, nil est quod te impedit, nullum est quod tuum cor dividat, Meditatio, orationes vocales, missa, psalmodia, & alia exercitia spiritualia sibi vendicant maximam partem temporis, porro quod alias actiones concernit, quæ ex natura sua indifferentes sunt, uti refectio, recreatio, dormitio, labor corporalis, illæ sunt cum merito, quia vi status Deo es dedicatus, & sunt ex obedientia, & præcepto regulæ. Præterea in mundo, ubi degis inter vitiosos, & mundanos, nec inter virtuosos, & spirituales? si sis inter vitiosos, & velis esse virtuosus, pateris persecutiones, irrideris, scopus es scommatum, dicitur, quod habeas Spiritum contradictionis, quod non scias, qualiter vivendum sit, quod sis scrupulosus, superstitiosus, hypocrita, devorator imaginum, misanthropos: oportet constantem, & firmum esse in bonis propositis, ne cedas his violentiis, & rapiaris à torrente.

Quod si sis inter spirituales, & exerceas aliquā virtutem heroicam, omnes te admirantur, laudant, te canonizant, unde necesse est aliquem bene esse imbutum in humilitate, ne ad vanitatem defluas. Verum in sancta Religione nil est, quod te divertat à virtutibus, omnia te juvant,



te ducunt, obligant, regulæ præscribunt methodum, superiores te manuducunt, confratres te exhortantur, eorū bona exemplate confundunt, & sancta æmulatione te fodiant, minimæ virtutes, quas exerceas in religione, in sæculo viderentur esse miraculum, minimæ imperfectiones mundanorum in Religioso essent enormia scelera.

Et ex hoc oritur tertium bonum, nempe quod in Religione communiter sancta derivamus mortem. Ecclesia in litanis vult ut duo rogemus, & quidem in eadem materia maximi momenti. Vult itaque ut sani rogemus hoc modo. *A subitanea, & improvisa morte libera nos Domine.* Quando verò sumus infirmi dicit, *A mala morte libera eum Domine.* Porro in religione omni hoc metu exempti sumus; quia valde rarò audis, quod unus Religiosus moriatur morte subitaneâ, & quamvis morte subitaneâ morerentur, tamen illa eos inopinatò non invaderet, quia possunt mori morte subitaneâ, sed non inopinata, quia illam præmeditantur, ad illam quotidie se præparant, & dum ex morbo moriuntur, nil aliud cõgitandum habent, quam de Deo, quam de eorum salute: nil est, quod eos ab hoc impediatur, nullam habent causam tristitiæ, timoris, indignationis, apprehensionis, non habent ad lectum maritum, vel uxorem, quæ doleat & lamentetur, quod amittat charam consortem, nullas habent proles quæ lugeant, & gemant, quod relinquantur orphani, servos, qui sollicitent suum stipendium, notarios, qui scribant testamentum vel codicillum, mercatores qui petant sibi commendari emptoribus, debitores, qui conqueruntur nec dum datam apocham,

creditores, qui minantur se decretum obtenturos, quo immittantur in bona hereditatem non æquè divisam, Religiosi his omnibus incommoditatibus exempti sunt, non affliguntur, quod debeant separari à mundo, quem jam diu deseruerunt, non anguntur, quod debeant migrare è corpore tamdiu mortificato, & exhausto quodque iis est tantum oneri, non sunt solliciti ut instituant confessionem generalem, quam fecerunt singulis annis, & potius bis, quam semel; nulla iis facienda est restitutio, nulli revidendi libri acceptorum, nullum gerendum aut expediendum negotium, non timent comparere coram Filio Dei, qui est eorum Magister, dulcis Sponsus, Pater benignus, fidelis & magnificus remunerator.

Hinc exclamavit sanctus Bernardus. *Nec Spiritus oranti, nec à corpore exeunti à cella in cœlum, longa vel difficilis via invenitur, à cella enim in cœlum sæpe ascenditur, vix unquā à cella in infernum descenditur sicut cœlum, & cella in nomine valde conveniunt, ita magna est affinitas inter actiones, & occupationes utriusque, quia quis occupatur circa Deum aliquis ei unitur, eum laudat, amat, glorificat tam in cœlo, quam in cella, quia Angeli sancti sæpe deserunt cœlum ut visitent cellas, ac æque libenter habitant in cella, quam in cœlo. E cellula in infernum vix ulla est via, nullus, vel pauci admodum ex illa in eundem descendunt, verum ex eadem in cœlum via est brevis, facilis & plana, Religiosi sæpe ad illud ascendunt in vita per meditationes, & post mortem per ductum Angeli.*

Idem sanctus Bernardus in illa verba: *Querenti bonas Margaritas inquit in religio-*



*ligione homo vivit purius, cadit rarius, surgit velocius, incedit cautius irroratur frequentius, quiescit securius, moritur fiducius, purgatur citius, premiatur copiosius.*

In domo Dei in Religione, Religiosi vivunt sanctius, quam in mundo, oratio mentalis, lectio spiritualis, bona exempla, quæ vident, solitudo, & separatio à mundo illos stimulant ad devotionem, *cadunt rarius*, quia non habent occasionem, nec tam fortes tentationes, & uberiores gratias.

*Surgunt velocius*, peccant ex fragilitate, & ideo citius surgunt, examen, quod bis de die instituunt, capitula, quæ servantur in septimana, frequentes confessiones eos elevat, & corrigunt.

*Incedunt cautius*, vigilantia superiorum, Regulæ & constitutiones, timor ne scandalizet proximum, eos continent intra limites virtutis, & suæ obligationis.

*Irrorantur frequentius*, gratiâ & rore cœlesti per frequentes conferentias, visitationes, exhortationes, communiones, & exercitia spiritualia.

*Quiescunt securius*, sunt exempti molestiis processuum, negotiationum, curarum domesticarum, & aliorum negotiorum temporalium.

*Moriuntur fiducius*, dum sunt infirmi servitur iis velut principibus, semper iis aliquis adest, qui iis ministret charitative affectuosè, libenter, potius venderent superiores calices, quam quod sinant iis aliquid deesse. Sacramenta iis administrantur, & quotidie ea suscipere possunt.

*Purgantur citius*, non veniunt ad purgatorium, vel si veniant, non diu in illo morantur, quia in hoc mundo satisfecerunt,

lucrati sunt indulgentias in morte, in monasteriis pro iis preces funduntur.

*Premiuntur copiosius*, quia plura habuerunt merita, & gratiam in terra ideo etiam copiosiori donantur gloria in cœlo.

Quod si ergo velis adeo injurius esse tuis prolibus, easque à tanto bono impedire, à statu adeo Deo grato, professione adeo proficua eorum saluti à vita tam sancta, morte adeo felici, tu non debes ægrè ferre, ut tibi id dicant cum magno respectu, quod Moyses dixit in simili: Ille qui dicit suo Patri, & Matri, ego vos non cognosco, ille servat verbum Dei; & quod dixit salvator in Evangelio: si quis venit ad me, & non odit Patrem suum, & Matrem, non potest meus esse Discipulus. Porro sanctus Chrysostomus doctè advertit, *Deut. 33. v. 9.* quod postquam Paulus mandasset infantibus obedirent parentibus, adjunxit, *Luca. 19. v. 26.* In Domino, hoc est ac si obedirent nostro *Luca. 9. v. 19.* Salvatori. Porro Salvator nunquam mandat, ut non pareamus vocationi Divinæ, & hoc tibi probare possum ex eo, quod dum quendam ad sui sequelam vocasset, & ille prius voluisset ire, ut sepeliret suum parentem, id ægrè tulerit. Hinc inquit sanctus Gregorius: *Quos adversarios in via Dei patimur, odiendo, & nesciendo fugiamus.* Illis oportet proponere dictum sancti Bernardi, quod nempe ob solum Deum non teneamur obedire parentibus, & illud Hieronymi, si Deus te vocet ad perfectionem Religiosam, si pater tuus jaceat in limine ostii, ut te impediat, te illum calca, & vade.

Insuper illud, quod sponsa sacra dixit, principaliter intelligi debet in materia salu-



salutis, quia in illa verificatur illud vetus  
adagium, charitas incipit à seipso. Et  
qualis est melior, & magis ordinata cha-  
ritas, quam è profundo Mari suis flucti-  
bus, & ventis agitato, pleno scopulis, re-  
ferro Pyratibus, naufragiis exposito discede-

re, ut quis confugiat ad portum salutis  
promontorium bonæ spei, asilum salu-  
tis, paradysum terrestrem, arcem, antica-  
mera cœli, ad quod nos conducat  
Pater, Filius & Spiritus  
sanctus Amen.

## S E R M O

### QUINQUAGESIMUS PRIMUS.

*Pro Dominica vigesima tertia post Pentecosten.*

De gravi damno, quod inferunt parentes Filiis, cum sine vocatione  
eos cogunt ad statum Ecclesiasticum.

*Domine filia mea modo defuncta est, sed veni &c. Matth. 9.*

**A**Rchy sinagogum istum nos hodie  
meritissimè velut legis nostræ Do-  
ctorem audimus Auditores. Do-  
cet enim parentes unum documentum,  
& quidem valde necessarium. In lege ve-  
teri scriptum reperimus, quod Deus in sa-  
crificio oblationes perfectas sibi tantum  
offerri voluerit, vetuerit verò imperfe-  
ctas. Et hinc cum filia ejus esset mortua in  
peccato, ille eam ad eum non adduxit, sed  
voluit ut prius ad illam veniret, eamque  
resuscitaret. Hoc documentum maxi-  
mi momenti deberent addiscere paren-  
tes, ne scilicet proles imperfectas, vitio-  
sas, in peccatis, & sceleribus mortuas co-  
gant ad statum Ecclesiasticum, maximè  
si non sint vocatæ, sed prius eas studeant  
resuscitare, ut scilicet in pietate, scientia  
ac aliis necessariis imbuantur, nam alias  
iis maximam injuriam irrogant, ut hodie  
ostendam.

*Honora patrem tuum, & matrem tuam.*  
Exod. 20.

I. Velut desiderium ardens, quod natu-  
ra corrupta pluribus patribus familias  
indidit, ut suum stemma perennent in cau-  
sa est, ut natum majorem filium, vel nepo-  
tem senioremp impediant ab ingressu  
Religionis quando sunt ad eam à Deo  
vocati, ita hæc eadem ambitio in causa  
est, ut natum secundos filios, vel nepotes  
ineptiores cogant sine vocatione Dei ad  
statum Ecclesiasticum, & hoc absq; ulla  
cōsideratione, præmeditatione inconve-  
nientium quæ sequuntur, & quod quan-  
doque iis dicetur: *Elevans assisti me,* &  
id quod sanctus Paulus dicit: *Educate il-  
los, & non elevate.* Porro, ut de hac ma-  
teria fructuosè agamus, & ex ea utilita-  
tem eliciamus parentibus, & filiis, ego  
hunc discursum in tria puncta dispartiar.  
Et quidem primo ostendam damnum  
grave



grave, quod oritur ex assumptione status Ecclesiastici sine vocatione, secundo signa, ex quibus innotescat, an aliquis sit vocatus, tertio injuria, quam irrogant parentes prolibus, dum eas ad illum statum cogunt.

Filius Dei dixit in Evangelio: *Nemo venit ad me, nisi pater meus traxerit illum.* Quod sibi promoveas tuos filios ad dignitates, & functiones Ecclesiasticas sine tractione, & vocatione Dei, tu non vadis ad tuum salvatorem, nec ad tuam salutem, sed ad tuam ruinam, & illud dictum prophete in te verificabitur: *Dejecisti eos dum elevarentur.* O sancta, & benedicta virgo, tu cognovisti hanc doctrinam, antequam Filius tuus eam publicasset in mundo, ideo dixisti in tuis canticis: *Trabe me post te,* & hoc fecit tam fortiter, feliciter, sublimiter, ut te ad eminentissimam dignitatem, quam pura creatura possit obtinere in celo, aut in terra elevarit, ad maternitatem namque Divinam, quam ejus legatus tibi obtulit, quando te salutavit hisce verbis, *Ave Maria.*

### Idea Sermonis.

*Exordium: Paulus enumerans virtutes necessarias Episcopis id etiam intelligit de Sacerdotibus.*

1. Tit. v. 1.  
1. Tim. 3.  
v. 2.

II. **V**eritas indubitata, & certa est in Theologia positiva, quod Paulus scribens ad suos Discipulos Titum, & Timotheum, & dicens Episcopum debere esse irreprehensibilem, sobrium, castum, charitativum, non solum intendat docere qualitates, quibus debet esse præditus Episcopus, sed etiam sacerdotes. Porro hoc patet primo, quod

tempore sancti Pauli & pluribus annis, hoc nomen Presbyter & Episcopus, Synonima, & omnino idem fuerunt, ut constat ex actibus Apostolorum, Epistola ad Philipenses & aliis locis. Præterea id constat ex eo, quod dum S. Paulus in iisdem Epistolis ad Timotheum & Titum, sermonem instituisset, de Episcopis, & virtutibus, quibus debent esse præditi, immediate post loquitur de Diaconis, eorumque qualitatibus. Nec sane veri simile est, quod neglectis Sacerdotibus, solum voluerit docere Episcopos & Diaconos, unde Sacerdotes nomine Episcoporum comprehendit. Tertio tandem, exinde hoc conficitur, quod postquam scripisset ad suum Discipulum Titum: *Reliquite Crete.*

Ex quo fit, quod per Episcopum & Presbyterum idem intelligat. Porro in supradictis locis, non dicit, decens est, convenit, sed *Oportet*, quod significat necessitatem & obligationem, qua Episcopi & Sacerdotes debeant tales esse, quales ipse describit.

### PUNCTUM PRIMUM

*Quam periculosum sit fieri sacerdotem sine vocatione, probatur primo scriptura, secundo patribus, tertio rationibus, quarto exemplis.*

III. **V**erum enim vero tot conditiones, tot egregias dotes, tot excellentes qualitates, in iis requisivit, ut scribens ad Corinthios difficile judicaret, vel unum solum invenire, qui illas omnes qualitates haberet. Postquam dixisset quod populus debeat respicere sacerdotes, tanquam Ministros Christi, & dispensato-

res



res sacramentorum divinorum subjun-  
xit. *Hic jam queritur inter dispensato-  
res, ut fidelis quis inveniat, ac si dice-  
ret, verum labor in hoc est, ut invenia-  
mus unum fidelem; non dicit, ut fideles  
aliqui sed ut fidelis quis* ille advertebat

Salvator ante hac iisdem ferme terminis  
idem dixerit. *Quis putas est fidelis servus*

*et prudens, quem constituit Dominus su-  
per familiam suam? Nota quod dicat,  
quem constituit Dominus. Quod si sit  
difficile, reperire bonos, post tamen ipse  
met Deus vocavit & confirmavit; Nonne  
erit valde difficile, ne dicam impossibile,  
reperire bonos, qui se intruserunt? Hinc  
ipse met plangit per Jeremiam: Non mitte-  
bam Prophetas & ipsi currebant, non loque-  
bar ad eos, & ipsi prophetabant; Illi festi-  
nant ad ordines, currunt ad beneficia cura-  
ta, prædicant à me non vocati nec missi, &  
infra: Vos estis onus Domini, projiciam vos  
dicit Dominus. Ille dixit ad Apostolos: Non  
vos me elegeris, sed ego elegi vos, ut seratis  
& fructum faciatis, & fructus vester maneat.*

*Tu in munere parochiali, tu in officio prædicatoris, non facies magnum  
fructum, vel si eum facias, non erit magnus,  
si à Deo non sis vocatus. Et quidem tem-  
pore S. Pauli, & veritas adeo manifesta  
fuit, & indubitata, ut Apostolus eam sup-  
posuerit tanquam usitatam, notam, &  
non disputatam: Nec quisquam sumat (non  
dicit sumat) sibi honorem sed qui vo-  
catur à Deo tanquam Aaron.*

IV. In hunc locum dicit S. Augusti-  
nus. *Locus superior, sine quo populus regi  
non potest, & si id administraretur, tamen  
indecenter appetitur. Et S. Gregorius Ma-  
gnus; Virtutibus pollens, coactus ad Re-  
par. cap. 9. gimen veniat, virtutibus vacuis, nec co-  
actus accedat.* Præterea S. Bernardus in-

struens Papam Eugenium, quomodo se  
debeat habere, in distributione benefi-  
ciorum, inquit *Alius pro alio, alius forte  
et pro se rogat: pro quo rogaris sit susce-  
ptus, qui rogat pro se, jam judicatus est, nec  
interest per se, ac per alium quis roget.*

V. Et sane cæcitas maxima, & abu-  
sus haud tollerandus viget nostro ævo,  
non vocatos ad sacerdotium promovendi.  
Quod si adolescens quidam à Deo vo-  
catus velit fieri laicus, in quadam Reli-  
gione, quædam puella velit admitti in  
numerus conversarum, sunt tot dela-  
tiones, tot instantiæ, tot consultationes,  
examinationes, informationes, si in-  
quam, tot requirantur conditiones, tot  
præmittantur preces communionis, si  
uno vel altero anno debeant servare no-  
vitiatum & videatur, nam sint vocati à  
Deo, num habeant condiciones necessa-  
rias, si inquam dicatur, si intrent Religio-  
nem non vocati, non salvabuntur; quo-  
modo inquam, non erit res indignissima  
ut, dum aliquis, petit sacerdotium, paro-  
chiam, facultatem audiendi confessio-  
nes, nullæ permittantur consultationes,  
nullum examen, num id petant Deo in-  
spirante, sed minime motioni interiori,  
quam putant veniri à Spiritu sancto,  
cum tamen proveniat ex proprio motu,  
aut à Spiritu maligno, credatur? Nonne  
hoc est deplorandum, dum tam leviter  
admittuntur, eo quod apparenter vide-  
antur illa munera assumere ut serviant  
Ecclesiæ, cum tamen re ipsa id fiat, ut lau-  
te vivant, ut deliciis fruantur, reliquis  
præferantur? Nonne res misera est, quod  
nemo timeat se damnandum, si non sit  
vocatus, quod nullus præmittatur novi-  
tius, ut prius necessaria scientia in-  
buantur & requisitas qualitates habeant



Epist. 76.  
ad Aurelium  
Episcopum

Cap. A  
Subd. desti-  
na. 23.

cum tamen status Sacerdotalis Prælatu-  
ra, incomparabiliter sit eminentior, æ-  
stimabilior, periculosior, dignior, mayo-  
rem sanctitatem & perfectionem exi-  
gens, quam status laicorum in quacun-  
que Religione. S. Augustinus loquens  
de quodam Monacho nomine Donato,  
qui postquam egressus esset, & Clericus  
fieri volet, dixit, eum nequaquā ad Cle-  
ricatum promovendum esse, hæc ad-  
dens: *Cum ex his qui in Monasterio per-  
manent, non nisi probationes atque melio-  
res in Clerum assumere soleamus: cum ali-  
quando etiam bonus Monachus vix bo-  
num Clericum faciet.* Præterea in Conci-  
lio habito sub S. Sylvestro Papa, & rela-  
to in decreto declaratur, quod Abbas,  
non Clericus, sit inferior, non solum E-  
piscopo, Sacerdote, Diacono, sed & mi-  
nimo Clerico inferior.

Ille, qui est laicus in aliquo conven-  
tu, is deputatur ad colendum hortum,  
ad pinsendum, velei dantur claves por-  
tæ. Sorori conversæ committitur cura  
lotionis, vel culina. Religiosus cujuscun-  
que ordinis non tenetur nisi ut tendat  
ad propriam perfectionem: Ille vero  
qui promovetur ad officium Sacerdota-  
te vel Pastoralis, ille obligatur, ad procu-  
randam perfectionem infinitorum  
mundorum, ad colendam vineam Spiri-  
tualem filii Dei ad conficiendum panem  
Angelorum, ad habendas claves cœli, ad  
dealbandas conscientias.

Religiosus latet in suo monasterio, in-  
firmus jacet in sua cellula, constitutus ex-  
tra occasiones peccatorum, si peccet, nul-  
lum scandalizat, aut valde gravat. E con-  
tra, Sacerdos Dei in medio mundi, inter  
ipsas occasiones, mille laqueis expositus,

si cadat, ejus crimen nequit esse secre-  
tum, sed secum trahit magnum nume-  
rum animarum debiliū, quæ peccant  
cum malo exemplo tractæ. Quod si Re-  
ligiosus ex fragilitate humana cadat, si  
sit humilis, & confidens suo superiori, ei  
suum lapsum denuntiet, mittitur ad lo-  
cum quinquaginta leucis ab illo loco dis-  
sit, abstrahitur ab occasionibus facili-  
ter reformatur & renovatur. Verum Pres-  
byter secularis alligatus est suo benefi-  
cio, suo muneri, suæ familiæ, suæ curæ, si  
illa velit deserere quid dicent? quid co-  
gitabunt? quo ibit? quid faciat? quid  
erit ei? magna vis, & extrema violentia  
adhibenda est, ut se resolvere possit, ad eā  
deserenda. Nonne ergo satius est non  
se mancipare professioni adeo eminenti,  
æstimandæ periculosæ, ex proprio motu  
absque certitudine de vocatione Dei?

Enim verò, non debemus nobis ob-  
ducere palpum, eo quod speremus &  
prætexamus, pro bono publico nos  
magnum fructum reportaturos, nam fi-  
lius Dei supra dixit nullum fructum pos-  
se referri in Ecclesia Dei, nisi ab eo ele-  
ctus sit: *Elegi vos ut fructum afferatis,* &  
quænam quæso est causa, quod tot  
sint prædicationes, exhortationes  
Catechismi, & tamen tam pauci  
convertantur, & vitam suam emen-  
dent? S. Petrus tria millia in una præ-  
dicatione convertit. Quomodo ergo,  
cum verbum Dei adeo sit efficax  
tam pauci convertantur? id non prove-  
nit principaliter ex indispositione  
auditorum, nam jî quos sanctus Pe-  
trus convertit fuerunt indispositi, erant  
enim Judæi, qui filium Dei crucifixe-  
rant,

Cau-



Causa itaque est, quod plures blaterent & tonent in suggestu, pauci verò prædicent : *Quomodo invocabunt in quem non crediderunt ? Quomodo credent sine prædicante ? Quomodo prædicabunt nisi mittantur ?* non dicit quomodo bene prædicabunt, sed absolute quomodo prædicabunt. Loqui in suggestu sicut ordinariè fit, nil aliud est quam declamare, perorare, & non prædicare. Prædicare est loqui nomine Dei, annuntiare ejus verbum, non taliter qualiter, sed ea ejus missione, & ablegatione : *Ecce dedi verba mea in ore tuo, ecce constitui te super gentes, ut evellas, destruas, ædifices, plantes ; Ut radicitus evellantur spinæ vitiorum, & faciliter plantentur habitus virtutum, non satis est proferre verbum Dei, sed necesse est, ut ille eadem immittat ori nostro, ut ille suo Spiritu nos animet, ut ille nobis utatur, tanquam suo instrumento, ut per nos loquatur, quæ non facit, nisi nos mittat.*

Rom. 10. 14.

Dicere, & facere, apud Deum idem sunt, & quando loquitur sive per se, sive per alios, facit quod dicit : *Dixit & facta sunt.* Quando super hostiam dicit, *Hoc est corpus meum*, ille producit suum corpus, quando per nos prædicat, ille in cordibus auditorum id operatur, quod per os nostrum loquitur. Quod si ab eo non sumus missi, nos quidem possumus proferre ejus verba, sed ille non loquetur per nos, sunt verba arida, mortua, & inefficacia, & tam parum efficimus, quam efficit laicus proferens verba

consecrationis, quia quidem sunt verba Sacramentalia, sed cum non dicantur Sacramentaliter nil proferunt. Si homo plebeius narret Regem talia mandasse, ille quidem recenset mandatum Regis, nemo tamen hoc æstimat. Verum si ablegetur unus Præco qui edictum publicet, quilibet illud suscipit.

Et quidem non solum non proficimus aliis, sed & ipsis simul ac nobis nocemus ; nam introtrudimur in domum Dei, ejusque functiones quas non vult à nobis, dumq; ei sumus oneri, projicit nos à se : *Vos estis onus Domini, proficiam vos dicit Dominus, & ita rejei, in magnos labimur errores, & per prævum nostrum exemplum, & negligentiam infinitas animas præcipitamus.* Quando DEUS nos non vocavit, ille nobis non dat talenta necessaria, ad functiones, quas exercere debemus, uti statim videbimus. Et quomodo aliquis eas benè exercere possit, si talenta non habeat ? quomodo possumus salvari, nisi functiones benè exerceamus ? *Tota ratio, inquit Tertulli, damnationis est perversa administratio conditionis. Qui non intrat per ostium, fur est, & latro.* Fur postquam intravit domum, ille non agit negotia patris familias, sed omnia perdit, & vastat, qui non vocatur, intrudit se in aliquod beneficium, aut curam animarum, ille non intravit per portam, adeoque est fur, & latro, & omnia pordet, uti Salvator dixit.

VI. Quod si exempla plus valeant, quam verba, nos habemus authenti-



ea, & efficacia, quæ nobis ostendunt, quod nemo debeat esse tam temerarius, ut sine vocatione particulari, quantumvis sit sanctus, & perfectus sibi sumat prædicationem Verbi Dei, & regimen animarum. S. Gregor: Nazianz: ex stemmate fuit sanctissimo ab incunabulis, in virtutibus educatus, scientiis imbutus, dotatus fuit ingenio subtili, judicio præstantissimo, facundia efficaci, & movente, & nihilominus cum omnibus his se indignum sacerdotio judicavit. Sed desertum intravit, & plures annos in exercitiis spiritualibus, jejuniis, precibus, meditatione, lectione S. Scripturæ, & Patrum transmisit, & ex eo, non nisi coactus exivit, nec Clericus, aut Sacerdos est factus, nisi iussus, & adactus. Idem antea fecerant Sanctus Basilius, Chrysostomus.

S. Joannes Baptista, postquam esset designatus Præcursor per os alicujus Prophetæ, qui diu ante ipsum vixit, postquam Angelus disertè testatus fuisset eum huic mundo datum, ut illud officium exerceret, postquam parenti ejus linguæ usum restituisset, ut suum dictum confirmaret, Tu puer præbis ad dandam scientiam; attamen maximum tempus vitæ transmisit in eremo, silentio, solitudine, & non nisi nova jussione, particulari missione jussus, illud munus assumpsit. Factum est verbum Domini super Iohannem in deserto.

*Malach. 3.  
Luc. 1. v.  
16.*

est, ipsemet Filius DEI, qui missus est è cælo in mundum, ut esset ejus lumen triginta annos vitam ducendo virtuosam, & sanctam plane incognitus, sequestratus ab hominibus consumpsit, ut hoc modo se præpararet ad prædicationem Evangelii. Porro post triginta annos in vita solitaria transactos ad illud munus dignus declaratus est. Quod si audiam loqui cum Ruperto dicam. Eum per testimonium Sancti Joannis, qui testatus est eum fuisse Messiam in mundum missum per vocem Patris æterni, qui declaravit eum esse suum filium, objectum suæ complacentiæ per descensum sancti Spiritus, qui apparuit super eum in forma columbæ graditatus, & Doctor creatus fuit, & tamen hoc non obstante desertum intravit, ut poenitentiam extraordinariam ageret. Imo post tot præparationes, testimonia, approbationes, non incepit prædicare in sua Patria Nazaret, nisi prius probata suæ vocatione, & productis literis suæ missionis; nam postquam intravit synagogam, ille assumpsit vetus testamentum, eoque aperto prælegit verba Isaïæ: Spiritus Domini super me, ad evangelizandum pauperibus. *Luc. 4. 16. v. 1.* misit me, & postea adjunxit: Hodie completa est hac scriptura in auribus vestris.

Hoc exemplum admirandum Salvatoris tantum valuit inprimis Christianis, ut Prælati, & Pastores Ecclesiæ, ordinariè eligerentur per designationem, & deputationem cœ-

VII. Sed quod magis admirandum



lestem: DEUS significavit suam esse mentem, ut talis eligeretur, id inquam, Deus significavit, aut per revelationem factam Episcopo, aut per signum exterius columbæ, aut per columnam igneam, quæ apparebat super caput Ordinandi, uti observant sanctus Chrysostomus, Theophylactus, & alii.

Chrys in  
Epist. 1. ad  
Timoth. c.  
18.  
1. Tim. 14.

Heb. 5. v. 4.

Et ita ordinati fuerunt sanctus Timotheus, Alexander Comanensis, Ambrosius, Athanasius, Fabianus, Gregorius, Nicolaus. Et in hoc sensu Sanctus Chrysostomus, & alii explicant hæc verba S. Pauli: *Noli negligere gratiam, quæ est in te per Prophetiam cum impositione manuum Presbyteri.* Et ad hoc propositum faciunt verba, quæ ipsemet Paulus scripsit ad Hebræos, *Nec quisquam sumat sibi honorem, sed qui vocatur à Deo tanquam Aaron.* Nam velut Aaron fuit electus à Deo, & Presbyter designatus, quando minimum putavit, & hoc per celebre miraculum, dum virga ejus floruit, & amygdala nocte produxit ita in primitiva Ecclesia Prælati ordinariè particulariter à DEO eligebantur.

## PUNCTUM SECUNDUM.

*Quibus notis cognoscamus nos non vocari à Deo. Primò si adsit intentio terrena, secundò vita præcedens vitiosa, tertio, si non adsint talenta.*

VIII. **E**T quamvis difficile est cognoscere quis possit, an vocatus sit à DEO, nihilominus sunt quædam signa valde evidentiæ & quasi infallibilia, per quæ hoc cognosci possit. Et quidem primò, si ambiamus Sacerdotium, aut prælaturam ex motivo vili, & mundano, signum est aliquem à DEO non vocari. Axioma Theologorum est sæpius repetitum in summa sancti Thomæ quod *Secundum ordinem agentium, sit et ordo finium.*

Primùm principium, & ultimus finis alicujus actionis sunt ejusdem qualitatis, conditionis, ordinis, sibi correspondent, & assimilantur. Quod si principium sit divinum, & supernaturalis, finis quoque talis erit; econtrà, si finis sit humanus, & temporalis, principium quoque tale erit: *Quæ à Deo sunt, ordinata sunt.* Et an non sit abominanda confusio, horrenda inordinatio altissimam dignitatem mundi referre ad finem sordidum, & vilem? assumere sacerdotium velut opus, quo vita sustentetur? an non sit res execranda habere eandem intentionem celebrandi sacrificium tremendum quam habet famulus sutoris, qui conficit par calceorum, ut quinque, vel sex solidos lucretur? Nonne res est horrenda thronum tremendum sacerdotii, qui nos sublevari supra reges, & nos facit Judices Monarcharum usurpari tanquam scabellum per quod scandit ad zenith fortunæ temporalis? An non res execranda est referre cælum ad terram, panem Angelorum ad ventris, verbum



DEI ad laudem hominum, curam animarum ad quietem & delicias corporis, hoc est an non res execranda sit, quod aliquis velit esse Pastor, Sacerdos, Prædicator, ex motivo & intentione secreta ut sublevetur in mundo, refulgeat, ut velit habere beneficium, ad hoc ut delitiose vivat, fiat dives, satisfaciatur suo appetitui, voluptuatur, & epuletur?

1. Thes. 1. v.  
7.

Sanctus Paulus dicit ad Thessalonicenses: *Non vocavit nos DEUS in immunditiam, sed in sanctificationem.* Quod si in aliquo negotio quæramus commoditates carnis, opes terrenas, honores mundi, DEUS non est author talis negotii, sed amor proprius vel potius Diabolicus, qui hoc modo nos vult perdere: *Vocavit nos Deus in sanctificationem.* Quando DEUS nos vocat ad sacerdotium, ille nobis instillat ardens desiderium acquirendi sanctitatem, nos consecrandi, & totos mancipandi servitio DEI, procurandi ejus gloriam. Nos consideramus essentiam DEI esse Majestatem adeo altam, nohilem, excellentem, perfectam, immensam, infinitam, ita ut propriè loquendo nullum aliud sit esse, quam hoc divinum, quod meditatur subsistere, quod cælum, terra, homines, Angeli, & omnes creaturæ, essent bene collocatæ, si destruerentur & liquescerent ob ejus gloriam, & quod non sit satis, quod aliquis eum amet, ei serviat, nisi suum esse, & vitam propter ejus amorem. Ad hanc considerationem, nos optaremus consumi & annihilari, æmulari, ejus supre-

mitati, sanctitati, justitiæ, magnitudini, immensitati, & aliis perfectionibus divinis.

Ex altera parte videmus, quod nos sumus insufficientissimi, incapacissimi, ut eum digne honoremus. Et quavis, ut inquit, Propheta Jsaïas, omnia ligna libani, & omnes arbores silvarum in toto mundo traderentur Vulcano, & omnes creaturæ in ejus gloria, velut holocausta comburerentur, attamen hoc homagium nihil esset, si comparetur ejus merito. Hic finis & motivum Religionis, debet esse unica causa, cur velimus esse Sacerdotes, ut nempe ei offeramus hostiam quæ sit digna ejus Majestate, nempe corpus pretiosum Filii, qui correspondit nobilitati, excellentiæ, sanctitati, & dignitati, suæ Majestatis divinæ. Ex quo conficitur, quod si hæc & similia motiva, in tuo corde non accendant desiderium sacerdotium assumendi, nemo tibi vere dicere posset. *Magister adest, & vocat te*, nam DEUS te non vocat, sed ambitio, avaritia, sensualitas, amor tuorum parentum, aut aliqua alia consideratio humana, quod tu non putares.

IX. Similiter indicium est te non vocari à DEO, si statim postquam pœnites, postquam vitam deseris dissolutam, voluntatem habeas sacerdotium suscipiendi *qui vocatur à DEO tan-* Numer. 22  
*quam Aaron.* Vocatio Aaron fuit 7.  
agnita & corroborata, per testimonium miraculosum suæ virgæ, quæ dum collocata fuisset in tabernaculo,  
in



in præsentia DEI protulit flores, & fructus Amygdalarum.

Quod si commiseris aliquod peccatum mortale, periurii, avaritiæ, libidinis, gulæ, tunc non est satis, quod aliquando in præsentia DEI, sub sacra communione, tuum cor concipiat aliquod bonum propositum vitam emendandi, quia id nil est aliud quam flores, requiruntur ergo fructus Amygdalini, fructus emendationis, poenitentiae, quia sanctus Joannes inquit, *Fructus dignos poenitentiae. Dignos hoc est* inquit Gregorius, quæ correspondeant gravitati, multitudini, varietati peccatorum vitæ antea actæ.

Hoc sensu sanctus Gregorius explicat verba S. Pauli. Hic magnus Apostolus volens docere suum discipulum qualitates, quas debet habere promovendas, ad Episcopatum, vel Sacerdotium, inter alia sic dicit. *Non Neovitum* in quem locum, sic inquit sanctus Gregorius. *Inter neovitos deputamus, qui in sancta conversatione, (viden, quod non dicat tantum in fide,) adhuc est novus.*

Porro id comparatione declarat multis recentibus constructis non statim ædificium superstruimus, arbores quæ debent præcidi, non adhibentur ad fabricam, navis non committitur ei qui nunquam fuit in mari, idem sanctus, scribens Regi Childeberto ait, an velis exercitum ei committere, qui nunquam portavit arma? Et postea scribens Episcopo Januario inquit: *Qui post acceptum sacrum ordinem lapsus in peccatum fuerit, sacro ordine ita careat, ut ad altaris ministerium ulterius non accedat.* Et hoc dixit ex præscri-

pto canonico. Et Paulo post subdit eos tantum esse ordinandos, nisi eos perdere velimus, si eorum vita continens in annis plurimis fuerit, si studium lectionis, si eleemosyna amorem habuerunt.

Vel enim tua vita præterita perversa & vitiosa, fuit cognita & publica, vel secreta & particularis? Si primum, prius purganda est infamia, quæ aliquo modo est irregularitas naturalis. Et quale quæso non esset scandalum, si videremus eum ad altare, vel sedentem in confessionalis, qui semper vixit in bello, prostribulis popinis, & domibus luforiis? In primitiva ecclesia talis non fuisset tam faciliter absolutus, illi fuisset denegata communio. Concilium Tridentinum peccantibus publice, publicam esse imponendam poenitentiam decernit. Quomodo ergo tu pro eo quod obedias huic mandato, pro eo quod facias poenitentiam post vitam scandalosam, suscipis sacros ordines? Et qualis hæc non est confusio, impudentia contemptus rerum sacrarum, vilipensio DEI? Quod si tua peccata fuerint occulta & secreta, tu prius per poenitentiam secretam debes eam diluere, te debes dare orationi, emendationi tuæ vitæ per aliquod annos, nam quomodo posses alios stimulare ad virtutes, quas nunquam exercuisti? Quomodo posses esse magister qui nunquam fuisti discipulus? Quomodo posses docere qui nunquam didicisti? Quomodo posses esse belli dux qui nunquam fuisti miles? Quomodo potes scire quod habeas donum castitatis, temperantiæ, humilitatis, charitatis, & aliarum virtutum, si non diu illas practicasti?

Deff. 24. 4.  
3. de reform.

X. Et



Matth. 25.

4.

Levit. 21.

17. Greg. I.

X. Et hoc est tertium signum, ex quo colligis quod non sis vocatus à DEO ad sacerdotium, quando non habes dona & talenta necessaria ut illud suscipere possis. Paterfamilias apud D. Matthæum vocavit servos suos, & tradidit eis bona sua. Quod si tibi DEUS non dederit ingenium, scientiam, iudicium, continentiam & alia dona quæ necessaria sunt, ut sit quis bonus Sacerdos & Parochus, signum est quod non sit vocatus. Hoc sensu intelligendum est, id quod DEUS dixit ad Moysen juxta explicationem Gregorii titulo nativitatis habebant jus ad sacerdotium, *qui habuerit maculam, non offert panes DEO suo nec accedet ad ministerium ejus: Si cæcus fuerit si lippus, si claudus, si fracto pede, manu, si gibbus.* Cæcus inquit S. Greg. est idem ac ignorans, Lippus idem est ac ille qui habet faciem Spiritus naturaliter acutam ac penetrantem, sed per humorem voluptatum sensualium, alteratum & obfuscatum. Claudus idem est acis, qui Spiritu est debilis, vel qui ob pravum aliquem habitum nequit recte incedere, nec præparare per viam perfectionis. Gibbus idem est ac curvatus per avaritiam, à bonis transitoriis. Omnia inquit Sapiens ad DEUM in sapientia fecisti. Paterfamilias qui vel parum habet prudentiæ, non promovebit filium suum ad advocaturam, si balbutiat, ille non efficeret illum Medicum, si sit parum iudiciosus, non mittet eum ad militiam, si sit claudus, vel mancus. Jesus est ipsa sapientia, te non destinabit ad statum Ecclesiasticum multo minus ad prælaturam, si non habeas ingenium, scientiam, prudentiam virtutes, quas adeo excellens ministerium requirit, & nisi sis qualifi-

catus cave ne te ingeras, quantum vis tui parentes & amici instant.

## PUNCTUM TERTIUM.

*Parentes qui filios intrudunt in sacros ordines, peccant primo in DEUM, secundo in Ecclesiam, tertio in suam familiam*

XI. **V**ide ergo tuam cæcitatem & injustitiam tui modi agendi. Vide magnā injustitiā quā erogas tuo Deo, ejus Ecclesiæ, tuæ familiæ, & tibi ipsi, dum tuum infantem intrudis in sacros ordines & officia Ecclesiastica, ad quæ non est vocatus. Tu ex servitio DEI facis opificium, in ejus domo catinam ex ejus throno unum scabellum, ejus Majestate plebeium. Tu dicis in te ipso tres habeo filios, unus mihi debet esse sutor, unus sartor tertius Presbyter, sumptus impendam, ut eum sustentem in studiis. Et cur quæso vis ut sit Sacerdos? ut possit vivere, ut recitando Missam possit lucrari quinque solidos. An non ergo vis ut vitam suam lucretur velut frater ejus? Quod si tuus vicinus, in suo tecto canallem quendam construeret, è quo aquæ in tuam aream deflueret, tu hoc non patereris, tu eum in Jus vocares, tu actionem illi tentares. Tu non permittis ut tua area aquam recipiat à domo tui vicini: Quomodo ergo tu vis ut domus DEI sit quædam piscina, inquam tuam aquam effundas? Quod si habeas aliquam prolem deformem, à natura inhabilem pinguem, obesum, monstruosam, gibbosam, luscum, illam judicas mundo ineptam, & ad statum Ecclesiasticum eam cogis. Si habeas filiam turpem, stupidam, tardam



tardam, illam debet habere Deus, illa recludenda est in Monasterio Ecclesia est Domus Dei, altare est thronus Regalis, in quo homagia à nobis recipit, in quo nobis aures præbet, in quo nostras supplicas accipit, tu autem ex eo facis scabellum, ut tuæ proles altius scandant, quam possint per earum conditionem, & ingenium scandere. Tu filium natu minorem mittis ad altare, ut ita alios dicit, & per humeros altaris subleuet. Nullus est plebejus, aut opifex adeò vilis, qui non possit admittere vel non admittere unum servum, unum tyronem, quem ei vis donare; & tamen Deus Ter Optimus Maximus, sive libenter, sive illubenter, intra aulam suam cogitur admittere tanquam ministrum sui status, procerem suæ coronæ, præfectum ærarii illum ex tuis prolibus quam ei vis donare, & hoc, quia ad nihil aliud apta est.

*Matth. 5.* Christus in Evangelio dicit ad sacerdotes, *vos estis Sal terra, vos estis lux mundi, vasa pretiosa, & selecta*, Magnates in suis mensis habent sal candidum, in suis tabulis cæreos, in suis abbacis vasa argentea. Opifices communes habent sal chrisium, candelas sebacias, vasa fictilia. Tu supremæ & adorandissimæ majestati, das sal nigrum instar carbonis, candelam ex seba, porcorum vas lutium ac si esset vilissimus rotarius. Quod si tu videres animam tui filii qui est Ecclesiasticus, quia tu ita vis, qui suas dissolutiones non reliquit, sed tanti eas tegit, ne cogatur ad statum religiosum, tu illum cernereres esse carbonem nigrum, sebatium & pinguem, totum lutosum & terreum.

XII. Verum Enim verò vos convincere debet. Hem Domine, an claves tuorum

thesaurorum, committas huic juveni, quem facis canonicum? Hem, Domicella an tuas uniones adamantes, torques aureas illi fidas? Quomodo ergo velis, ut ei dentur claves cœli, dum sit Sacerdos, quomodo vis ut ei committatur thesaurus filii Dei, animæ nempe quarum una sola est adeo chara & pretiosa ut omnia sua pro unica daret. *Inventa una pretiosa dedit omnia sua?*

Adolescens vigintiquinque annorum, qui eo usque fuit saltator, lusor, spectator comœdiarum, frequentator popinarum, puellarum & scœminarum, leno, aptus sit ut audiat confessiones earum, earum sit director in via spiritali, eas doceat orationem mentalem, rusticus doceat obligationes suas, populo persuadens virtutes, quas nunquam practicavit? Quod si aliquod beneficium, aut cura animarum sese præsentet tuis filiis, tu statim interrogas, an sint pingues, quantos habent reditus, nec quæris, quot sint animæ, quæ possint perdi, & quas possint Christo lucrari? sicine ergo bene vivat, ut alias tuas proles dices & promoveas, tu infinitas miscellas animas redemptas pretioso sanguine filii Dei, in periculum damnationis conjicias? An commodum temporale, quod ex hoc beneficio colligere potes, sit dignum, quot conferatur saluti unius tantum animæ, quæ æternaliter deplorabit suam damnationem, ob ignorantiam, negligentiam, pravum exemplum tui filii?

XIII. Et dum aliorum animas perdit non salvabit suam, quia in Judicio ei dicitur; *Erit anima tua pro anima illius*. At tu hoc non curas, & solum inspectas, quomodo satisfacias tuæ avaritiæ & ambitioni. Sed tibi optime, & clarissime



ostendere possum, quod patrimonium pauperum, aut ut melius dicam JESU Christi, si misceatur cum hereditate tuorum filiorum, hanc sit annihilaturum & destrueturum. Videmus namque quod omnes domus Galliæ, à maxima usque ad minima, in perniciem adductæ sint, postquam bona Ecclesiastica ad se traxerunt. Videmus quod avaritia filiorum Heli in totam familiam, & caput sui parentes maledictionem Dei derivavit. Audiamus quid roget David: *Qui dixerunt, hereditate possideamus san-*  
*ctuarium Dei, Deus meus pone illos ut ro-*  
*tam, & sicut stipulam arte faciem venti,*  
*sicut ignis qui comburit silvam.* Possum clare vobis id ostendere, quod dixit Alexander suæ matri Olympiæ quod nempe vita hominis, nullo beneficio possit compensari. Si hoc sit de vita, quid non erit de salute animæ, cujus periculum incurrit tuus filius, quando non vocatus à Deo, sit Presbyter aut curatus, Deus dicit per Oseam, *Regnaverunt & non ex me, iratus est furor meus in eos.*

Ose. 8. 4.

Matth. 23.

Chrysost.

Homil. 60.

ad popul.

Antioch.

Faciliter tibi demonstrare possum quod filius Dei plures maledicti ones evomat in scribas & phariseos in unico tantum capite, quam in totum mundum, per totum Evangelium. Adducere possum Angelum, qui ostensa phiala S. Francisco dixit, animam sacerdotis puriorem esse debere, quam illa aqua in phiala contenta. Quod si juxta S. Chrysostomum manus Sacerdotis qua toties tractat carnem venerandam Christi, lingua, quæ totius bibit sanguinem pretiosum, debeat esse purior radiis solis. Quomodo non debemus esse solliciti antequam sacerdotes fiamus? *Quo-*  
*non oportet esse puriorem tali fruente sacræ-*

ficio, quo solaris radio non splendidiorem, manum carnem hanc dividens ligam, quæ tremendo, nimis sanguine rubescit. Hinc plures sancti qui ut vitam duxerunt Angelicam noluerunt hanc acceptare dignitatem nec esse sacerdotes puta S. Antonius, S. Benedictus, S. Franciscus Assisias, S. Franciscus à Paulo. Quod si tuus filius habeat plura pingua beneficia, forte faciet uti Oza, si sit pauper, forte aget ut Nadab, & Abihu; tandem qualiscunq; sit periculum est, ne faciat tanquam Ophny & Pineas. Dum Oza videret arcam fœderis casui proximam ob titubationem animalium, quæ eam vehebant, manus applicuit, ut eam sustentaret, & statim morte repentina percussus cecidit. S. Chrysostomus censet eum punitum, eo quod animalibus, arcam vehendam commisit; quam propriis humeris portare debuisset. Similiter punientur prelati, & Pastores, si curam suam committant Vicariis tardis, ignorantibus, mercenariis, stupidis velut bestis, ut ipsi interim laute vivant.

Dum Nadab, & Abihu, aliquam ceremoniam omitterent, puta, dum pro igne sacro, ignem prophanum adhiberent, quamvis essent filii Aaron, nepotes Moysis qui cum Deo ore tenus loquebatur, & manus ejus ultrices ligabat, quamvis Deus per sacrificia, quæ pro aliis peccatoribus offerebantur placari solerent, tamen à Deo graviter puniti sunt: *Egressus*  
*ignis à Domino devoravit eos.* Quod si tuus filius, pro igne sacro, amoris Dei, & cæli divinæ gloriæ admittat in suum cor ignem prophanum, si non recitet Missam, nisi ut lucretur quinque folios, si non frequentet chorum, nisi ob distributiones, si solum audiat confessiones quant ex in-

tentione

Sess. 25.  
7. de  
mat.Tom. 3.  
quest. in 1.  
Paralyt.

Levit. 13. 20.



Sess. 25. cap.  
7. de refor.  
mat.

tentione vili & terrestri, vindictam cœli incurret, & hinc quamvis tu sis devotus, & indolis bonæ, & hoc quamvis minus faciat, quam Ophny & Pineas, quos scriptura vocat, *filios Belial, sive Iugo*, filios rebelles inobedientes & refractarios. Canones sacri interdunt Sacerdotibus popinas domus luforias, & alia loca prophana, venationem, curam rerū temporalium, in ædibus magnatum; ipsi commendant, ut portent habitum decentem & modestum, tonsuram, capillos abscessos, togam longam; Concilium Tridentinum, omnino eis interdicit, augere conditionem & fortunam parentum, ex redditibus beneficiorum, cujuscunque licet sint conditionis: *Omnino eis interdicit, ne ex redditibus Ecclesia consanguineos familiaresve suas augere studeant.* Idem omnibus Presbyteris mandat, quibus animatum cura incumbit instructionem populi, Dominici & festivi solemnitatibus, mysteria fidei, virtutes christianas, quas praticare, & vitia quæ vitare oportet. Quod si tuus filius non obediat huic mandato, erit filius Belial, velut Ophny & Pineas, absterrebit populum à devotione, erit objectum iræ divinæ, erit causa, per suam negligentiam aut pravam exemplum damnationis infinitarum animarum.

Tuæ aliæ proles, quæ cum eo bonis Ecclesiasticis fructæ sunt, clamabunt cum illo in inferno uti dicit S. Cyprianus: *Non nos perdidimus, perdidit nos paterne perfidia, parentes habuimus peremptores:* Tu hoc non curas dummodo sublimetur & dicet suos fratres. Tu ob id non augeris, dummodo tuum inten-

sum habeas, agat de reliquo cum Deo ut vult. Tu facis uti fecit quondam dæmon cum nostro Salvatore ille ipsum duxit supra penaculum templi eique dixit. *Mitte te deorsum:* Tu elevas tuum filium ad sublimitatem unius Abbatæ Prioratus, Pastoris, nec prius informaris an sit vocatus à Deo an habeat virtutes & talenta necessaria. Dumque tam sublimiter ascendit caput ejus non patietur vertiginem, tuque ipsi dices, mitte te deorsum, da te avaritiæ, ale familiam, curam tuorum parentum. Quoad obligationem tui muneris, quoad curam quam habes visitandi tuas oves, pauperes alendi, infirmos visitandi ignorantes instruendi, quoad rationem quam debet reddere, fac uti potes illa ad me non spectant. Profecto si sapiat, ille tibi non credet, sed cum filio Dei respondebit: *Scriptum est non tentabis Dominum Deum tuum.*

Tentare Deum nil aliud est, quam quærere miraculum superfluum finem sine mediis, messem sine seminatione, præmium sine labore, quod si desideres sublevari ad dignitates Ecclesiasticas, ut acquiras beneficium habens annexam curam animatum, non tentes Deum, nec speres salvari si non satisfacias tuæ obligationi, si actualiter non resideas, si in propria persona non labores, sed damnaberis, si per tuam negligentiam unica solum anima damnetur, quod si necdum sis ordinatus, eave ne beneficium acceptes non vocatus, sed his vel ter servas exercitia spiritualia, sub directione viri



docti, prudentis, pii, devoti. Et totam tuam vitam præteritam aperi, ei omnes angulos, implexus tuæ animæ repera, ei manifesta omnes tuas inclinationes, humores, habitudines, intentiones, quod si hic tibi dicat te à Deo non esse vocatum, non acceptes beneficium, quia alias damna-beris, quod si dicat te vocatum, benefi-cium accepta, quia Deus tibi dabit talen-

ta necessaria. *Vocavit servos suos & tra-didit illis bona sua, vocabis me & ego re-spondebo tibi, operi manuum tuarum por-riges dexteram.* Si tua vocatio sit opus Dei ille tibi dabit gratias ut satisfacias tuæ obligationi. Hic habebis benedictio-nem, & magnum præmium in cælo.

## S E R M O

### QUINQUAGESIMUS SECUNDUS.

Pro Dominica vigesima quarta post Pentecosten.

*De obligatione prolium erga parentes.*

Cum videritis abominationem desolationis, qui legit, intelligat.

Matth. 24.

QUamvis Christus in hodierno Evan-gelio moneat omnes, ut dum vide-rint abominationem desolationis intel-ligant, attamen ego hodie cum tempus breve sit solas proles monere, & hortari volo, ut cum viderint abominationem desolationis, hoc est, cum viderint sup-plicia, & maledictiones, quas Deus sub-minavit contra omnes illos filios, & fi-lias, ac proles, quæ, suos parentes non amant, quæ eos non honorant, eos non timent, dum eos inquam viderint, lege-rint, vel audierint intelligant, hoc est, sibi dictas putent, & ad eas directas; sic enim addiscent suas obligationes erga suos pa-rentes, & illas adimplendo, evitabunt horrorem illorum signorum, quæ in ho-dierno Evangelio recensentur; quod ut si-

at, ego hodie agam cum Auctore de debi-to, & obligatione quam proles erga pa-rentes habent.

I. Dicimus legislator hoc quarto præ-cepto nobis ostendit illud esse maxime æstimandum, & monstrat se maximo te-neri desiderio, ut exactè impleatur nam ideo non solum vult illud esse primum in secunda tabula, sed & observantibus illud promittit mercedem, & præmium: Por-rò, ut hanc materiam debito ordine tra-ctemus, eamque omnibus utilem redda-mus, nos ponderabimus, primò, tria de-bita, quæ tenentur proles exhibere pa-rentibus, secundo, tria motiva, quæ eas ad hoc excitent, tertio, tria monita pro parentibus. Et quia, ô sanctissi-ma Virgo, nullus unquam fuit, qui



qui hoc præceptum tam exactè implevit, quam tuus filius, dum hîc in terra tibi fuit omnino subjectus, subditus, obediens, tuę voluntati planè oblatu; nunc etiam, dum est in cælo, te honorat, colit, *nil negans te honorat*, non abjiciet te, quando intercedis pro miseris peccatoribus, qui ad te confugiunt, & te salutant. Ave Maria.

Idea Sermonis.

*Sermo complectitur tria debita filiorum, tria motiva ad hoc, tria monita pro parentibus.*

PUNCTUM I.

*Debita filiorum, primò honor, secundo amor, tertio obedientia.*

*Inf. quibus modis Jus patris servatur.*

II. Verum quidem est, quod Justinianus in suis Institutionibus, & post eum alii Jurisconsulti ostendat varias vias, per quas possit filius familias emancipari, & dominium in ea acquirendi, quæ lucratur; Attamen nulla est lex Civilis, nulla potestas humana, quæ possit proles eximere in hac vita ab obligatione naturali honorandi parentes, & hoc est primum debitum tam expresse, & formaliter his verbis legis præceptum, quodque Spiritus S. sapius commendat in sacra Scriptura.

Decalogus itaque in Exordio ita inquit: *honora patrem tuum & matrem tuam*; & Ecclesiasticus: *honora patrem tuum ex toto corde tuo*; & Venerabilis Tobias inter alias instructiones, quas filio suo limini vitæ suę admotus dedit, hanc ei seriò inculcavit, *honora matrem tuam usque ad finem vitæ tuæ*, & Spiritus S. hanc rationem dat: *Memento, quoniam nisi per illos natus non fuisset, & retribue illis, quomodo & ille, tibi. Parentes nostri sunt imagines Dei, & post*

Deum fontes, & principia vitæ nostræ, organa & instrumenta, quibus usus est, ut nobis daret esse, illudque conservaret. Auctoritas parentum est radius paternitatis Dei, unde eos debemus honorare, qualescunque sint. Quamvis tuus parens sit perversus, perjurus, ebriosus, indevotus, dissipator, attamen est tuus pater, principium tuæ vitæ, instrumentum Dei, imago ejus paternitatis. Sapiens dicit, honora eum ex toto corde tuo, quia hic honor principalis, & magis essentialiter consistit in honore interiori. Et hinc in tuo corde debes æstimare tuum parentem, bonam de eo habere opinionem, eum agnoscere superiorem, revereri, & venerari ejus auctoritatem, velut rem sanctam, & divinam, erga eum habere timorem filialem. Et quia interiora tua nequit cognoscere; tu teneris signis exterioribus hunc honorem manifestare, ei loqui reverenter, signa reverentiæ ei exhibere, depositione pilei transeuntem colere, de eo honorificè coram aliis loqui, nil facere, quod cedat in minimam ejus irreverentiam, & despectum, uti egit ille Priscus apud Plutarchum. Huic dum diceretur, quod ejus parens de eo male loqueretur, respondit, non malè de me loqueretur, nisi ego malè agerem. Regina Bethsabæe non fuit orta ex stemmate regali, sed ex vili prosapia, primò nupta gregario militi, & tamen sapiens Salomon ejus filius, quantumvis esset maximus, & potentissimus Monarcha: attamen sedens pro tribunali ad dexteram throni jussit extrui regalem, in quo matrem sedere voluit, dumque mater adveniret, ille è solio surrexit, & ad pedes ejus se prostravit: *Venit Bethsabæe ad regem Salomonem, & surrexit in occursum ejus, adoravit*

3. Reg. v. 19.



ravitque eum, sedit super thronum suum, posuitque est thronus matri Regis, quæ sedit ad dextram ejus.

*Psal. 44.*

Hic sapiens Rex fuit figura nostri Salvatoris. Hic cum esset Rex regum, & Deus majestatis infinitæ, non designatus est in terra se subicere suæ sanctæ matri, eamque elevare, & recipere ad suam dextram in cælo: *Astitit Regina à dextris tuis.* Ut honores tuos parentes, tu debes eos consulere, antequam rem alicujus momenti incipias, puta, dum matrimonium vis inire, nomen dare militiæ, litem intentare, iter capere, tu eorum debes petere consilium, illud sequi, nam sic ostendis, quod æstimes eorum prudentiam, & Deus ideo te benedicet.

Junior Tobias magna benedictione fuit affectus, Angelus eum comitatus est, eum à cunctis periculis liberavit, divitiis cumulavit, prosperitatibus in ejus itinere replevit, quia jussu patris exequabatur. Contra prodigo illi filio malè successit, quod contra voluntatem Patris in exterarum regiones profectus sit, nam omnia sua bona prodegit, & ad tantam paupertatem & miseriam est redactus, ut desiderarit filiquas porcorum, nec tamen famem solari potuerit.

Porro Experientia nos docet Xenodochia Parisiis, Burdigalæ, & in aliis civitatibus referta esse ægris adolescentibus, qui contra voluntatem parentum peregrinationem aggressi sunt, & nomen militæ dederunt.

Et quidem contra hanc primam obligationem peccant primò proles, quæ in animo contemnunt parentes, nec eos plusquam nihil æstimate, qui erubescunt, quod sint eorum filii, qui eos nolunt agnoscere, eò quod sint pauperes, vel iis inferiores. Se-

cundo contra hoc delinquit, qui illis injurias irrogant, eos nominibus contumeliosis appellant, qui iis maledicunt, cõvitiis proscindunt, hostibus tradunt, vitia præterita objiciunt. Tertiò contra hoc peccant, qui eos verberant, tridunt, qui iis minas intendant, manum levant, qui dentibus contra eos ringunt, noctu grassantur, pravas societates frequentant, in tabernis potitant contra eorum prohibitionem.

III. Secundum debitum, quod iis reddere tenetur, est amor; nam si juxta Platonem sit crudelitas, & species homicidii non amare suum amicum; si sit ingratitude, & actus contra naturam, non redamare extraneum; Si sanctus Paulus dicat amorem proximi esse debitum, quod nunquã satis potest impleri, *Nemini quicquam de Beatis, nisi ut invicem diligatis*; Si Sapiens dicat, Amicũ antiquũ non esse dimittendũ: an non sit injustitia monstruosa, ingratitude major quam contra naturam, species homicidii non redamare parentes, qui tam cordialiter, & sincerè te amarunt? *Probat. Eccl. 9. 14. rio dilectionis est exhibitio operis. Non diligamus sermone, & lingua, sed opere & veritate. Eccl. 3. 9.* Noli itaque sistere in meris ceremoniis, non sis tantum contentus protestationibus, dicendo, quod eos ames, sed hoc monstra effectu. Quando sunt senes, & tui fratres, vel sorores nolint eos alere, & ad domũ suam admittere, tu gratiæ loco reponas, quod habeas tantum beneficium hoc faciendi. Quæso te, ne sis irrationabilior animalibus irrationabilibus, tu homo es, & ut talis debes habere humanitatẽ. Tu Christianus, & in hac materiã, ut talis debes habere charitatẽ, noli minus esse charitatis, quã ciconiæ, quæ suos parentes in senectute alunt.

Noli minorem habere pietatem, quam illa filia Gentilis, cujus historia notissima qui.

2. 2. 9. 2.  
art. 9. a.  
Coloss. 3.  
20 Eph.

Epist. 10.  
ad Gna.



quidem est, sed tamen insignis, & ob suam pulchritudinem reddita celebris. Apud Romanos itaq; contigit quendam ob crimen condemnari ad mortem, & quidem in carcere per famem; ejus itaque filia, quæ erat uxorata, & quæ habuit prolem, rogavit præfectum carceris, ut ei permitteret parenti suo ultimas obligationes reddere, & in tali miseria eū quotidie consolari, hæc justa petitio ei non fuit denegata sub hac conditione, ut nil cibi parenti præbeat, & ita sententiā judicis elidat, & ne clam aliquid obsonii afferri posset, exactè eam lustrabat. Postquā advenisset decimus dies, qui est famelicis fatalis, dum eum nō videret mori, observatum est, quod filia parēti ubera sugenda præbuerit. Hæc ingemosa pietas ad aures Judicis fuit delata, qui huic filix vitam & libertatem parenti tanquam præmium charitatis donavit. Hic observa, quod habuerit prolem, quā lacte privavit, ut illud parenti daret. Et hic actus præbet mihi ansam solvendi quandam objectionē, quam cōmuniter objicere soletis, habeo proles, timeo, ne egestatē patiantur, cum prævideo earum non possum alere parentes. Inquirunt Theologi, an parentibus & prolibus in eadem necessitate vitæ constitutis prius debeam succurrere parentibus, quam prolibus? D. Thomas respondet affirmativè, idque ob beneficium recepta.

IV. D. Paulus dicit; *filii obedite parentibus*, sed addit, *in Domino*. Nā si aliquid præcipiāt cōtra mandata Dei, aut te velint abstertere ab ejus servitio, audi S. Bernardū: *Si matrē diligis, desere ipsam, ne si Christum deseras, ut maneat cum ipsa propter te pereat & ipsa, alioquin male vixerunt de te, quæ te peperit, si propter te; quomodo enim non perit, quæ ipsum, quem peperit, peremit?* Quidem magna est impietas contemnere parentes,

sed magna pietas est eos cōtemnere propter Christum. Ille qui dixit, *honorā patrem, & matrem*, etiam dixit: *Qui amat patrem & matrem plus quam me, non est me dignus*. Verūm si licita præcipiant, debet eis obedire, quia sunt tui superiores, principia tui esse, causarum superiorum est, inferioribus dare virtutem, & motionem, operatio est Authoris illius, qui est principium esse, & hujus operationis est principalis causa. Quod si servus teneatur obedire Domino ob exiguum alimentū, quod recipit, & exiguum salarium, quod expectat, quomodo non debent obedire proles matri, quæ eas ex propria substantia aluit, & patri, qui tanta debet facere, ut eas hæredes institueret. *Qui timet Dominum, honorat parentes, & quasi Dominis servit, & his, qui eos genuerunt.* Eccl. 3. v. 8.

Et tandē, id quod nobis præcipiunt, non est tam difficile, quam illud, quod Jonadab præcepit Rechabitis suis filiis. Propheta Jeremias jussu Dei, ut eorum obedientiam tentaret vinum eis generosum obtulit gustandum. Absit, inquebant, hoc à nobis, nam parens ante mortem nobis mandavit, ne nos, & nostri posterū unquā gustarent vinum, domos non incoherent, sed in agris velut Anachoretæ in tentoriis degeremus, & ita exactè parenti obedire. *Ier. 35. v. 18.* runt, & idcirco à Deo sunt laudati, & præmio affecti. Hi sanè in die judicii te condemnabunt, nam vixerunt in lege Mosai- ca, lege rudi & imperfecta, tu autem es in lege gratiæ, quæ perfectior est. Tua mater tibi non prohibet potum vini, sed ne te inebries, non vult ne habites in domo, sed ne frequentes popinas. Tuus parens non vult, ut vitam ducas anachoreticam, sed ut vites pravas societates. Et hoc sanè non est difficilius, quàm id, quod Jacob præcepit

cepit



Gen. 27.

cepit filio suo Joseph, huic mandavit, ut fratres suos in agro quæreretur, & videretur quid agerent. Joseph sciebat, quod fratres invidia acti contra ipsum sævirent, quod ejus virgē insidiarentur, quod optimam occasionem haberent, si eum in vasto deserto, in agro solum reperirent, his non obstantibus, quum nesciret ubi essent, ivit, & totus solus per desertum inter feras crudeles eos quaesivit, & periculo mortis se exposuit. Et quid fecit Deus? hac obedientia cæca usus est, ut eum elevarer, & in mundo magnificaret. A fratribus fuit venditus, & quia has miseras incurrit per obedientiam patri exhibitam factus est Prorex vasti regni, Gubernator Ægypti, Erarii Prefectus, Dominus, & superior fratrū.

Gen. 22.

V. At enim verò obedientia Isaac magis heroica fuit, cujus pater Abraham eū ante auroram excitavit, surge Isaac, eamus ad campum, Deo sacrificemus. Isaac porro non replicavit, hem amantissime pater, cur tam mane surgam, annon dies sat longa est, ut sacrificemus? non dixit, Pater meus senex est, qui dormire non potest, nescit juvenes quiete indigere. Præcipit illi, ut iter instituat trium dierum, dumque post tres dies ad pedem cujusdam montis pervenirent, ille exoneravit bestiam, quæ ligna sacrificiū imposuit humeris Isaac, & cum eo montem ascendit, cū ita porgeret, Isaac dixit ad patrem, en ligna & ignem, sed ubi est víctima sacrificiū? fili mi, ne te hoc cruciet, quia Deus providebit; & postquam venisset ad verticem montis, erexit ibi altare, struem lignorum posuit, deinde oculos in filium conjecit, dixit: Charissime fili, tu debes esse víctima, ego te immolare debeo & statim, nulla interposita mora, in holocaustum consumere, quia Deus mihi

sic mandavit. Quid tu non fecisses, quid non dixisses in tali casu? Tu dixisses, ergone tu, qui meus patēs es, me velis strangulare? tu ne qui tam tenerē me amasti, habebas animam, & vires, ut tuas manus intinguas in sanguine filii tui? ut me unicū tuum filium adeo tibi charum, radicem tuę posteritatis, eum qui tibi semper obedivit, qui nunquam tua violavit mandata, velis neci dare? nisi tam inopinato me eduxisses, si me monuisses, ego me disposuissem, ego valedixissem matri & consanguineis. Tu dices Deum ita jussisse, hæc sunt mera verba, senectus te ratione privavit. Tu omnia & infinita similia dixisses, tu parentem tibi reliquisses & fugam tibi consulisses. Interim Isaac nihil horum dixit aut fecit Isaac in flore suę ætatis (erat enim viginti quinque tantum annorum, spem habens vitę longevę, nam ejus parens numerabat centum viginti quinque annos) potens resistere patri, fugam se salvare, absque injuria ullius, promptē obedivit patri, & dixit: quia Deus sic jubet, & tu ita vis, ego contentissimus sum, occide me, combure, redige in cineres, consume, ille ipsemet struem ascendit, ne ejus parens, qui erat senex, eū oporteret supra struem projicere. Postquam cum strangulasset, dico, strangulasset, quia non voluit eū decapitare, uti solet cōmuniter depingi, sed strangulare velut agniculū parvum: *arripuit gladiū ut immolaret*, Hebræus legit *Lischoleth* ad jugulandū filium suū. Postquam verò esset sub strue, dixit, amantissime pater, alliga me si placet, vinci pedes, manus, ne inter dolores & in morte idem aliquos gestus indecentes, aliquos mores incompósitos, quia víctima, quæ Deo offertur, debet esse cōposita & perfecta.

PUN-

Coloss.

Gen. 22. 19.



## PUNCTUM SECUNDUM.

*Motiva primò ex parte Dei, secundo ex parte parentum, nempe dolores matris, labores utriusque, tertio ex parte filiorum.*

VI. At enim verò, ut bene proles suas obligationes incipiant addiscere, & eas exequi sanctus Paulus tres causas affert.

Coloss. 1.

Primam allegat his verbis, *Hoc enim placitum est in Domino*, Et quidem hoc est adeo evidens, ut ipsimet gentiles in tenebris suorum errorum hoc agnoverint, hinc ita inquit Euripides: *Quicumque honorat suos parentes in hac vita, in vita, & in morte, est Dei amicus.* Id clarè videmus per magnas benedictiones, & singulares favores, quos præstitit prolebus reverentibus, & obedientibus. Exempla de Sem, & Japhet sunt communia, & decantatissima, verum enim verò an mihi credatis, si dicam Deum per ipsos infideles miracula præstitisse ad significandum; quomodo hæc pietas erga parentes ipsi sit grata, & accepta? Aristoteles in libro de Mirandis orbis, & in compendio Philosophiæ, quod Alexandro magno inscripsit celeberrimus refert. In pluribus regionibus orbis, & principaliter in Sicilia sunt montes quidam, qui continuo flammæ, & ignem evomunt: Tertullianus, & S. Pacianus censent eos esse campos inferni. Et quidem subinde adeo sæviunt, & tantum torrentem ignis, sulphuris, aluminis, & carbonum ardentium effundunt, ut omnia oppida vicina, & quævis obvia vastent. Contigit itaque quadam vice hunc torrentem ignitum suis limitibus excurrere, & de monte descendere, quod dum incolæ vi-

cini viderent, fugam arripuerunt, ut ita vitam salvarent. Inter eos erat quidam seniculus infirmus, & exhaustus, qui dum non posset fugere, suum filium vocavit, & ab eo in hac extrema necessitate subsidium postulavit. Filius, qui inter primos jam effugerat, & jam multum processerat, non multum curavit periculum mortis, cui se expositurus erat, sed revertens patrem in humeros sumpsit; ô miram rem, dum hoc onere pressus pergere non posset, ab hoc torrente cinctus fuit, sed absque ullo periculo, nam Deo permittente ignis iis fuit propitius, & in duas partes se divisit, & hoc modo pietatem hujus filij veneratus est, & eos, qui præcurrerant, corripuit.

VII. Econtrà impietas filij est adeo abominanda apud Deum, ut hanc sententiam in filios, qui non solum percuterent, aut occiderent parentes, sed & qui iis maledicerent: *Qui maledixerit patri, vel matri, morte moriatur.* <sup>Exo. 22. v. 26.</sup> Sed quid dico, qui maledixerit? quinimo hæc sententia in eos fulminatur qui iis notabiliter refractarij, & inobedientes erunt. En verba textus sacri: *Si genuerit homo filium contumacem, & protervum, qui non audiat patris, aut matris imperium, & coercitus obedire contemserit, apprehendent eum, & ducent ad Seniores civitatis illius, & ad portam Iudicij, dicentque adeos: filius noster iste protervus, & contumax est, monita nostra audire contemnit, commensationibus vacat, & luxuria, atque conviciis: lapidibus eum obruet populus civitatis.* Nam hæc rebellio est peccatum crudelitatis, & crudelitas est tam abominabilis apud Deum, ut eam erga bestias vetuerit, ut hoc modo in populo in abominatione haberetur: *si ambulant, inquit,*

<sup>Exo. 22. v. 26.</sup>

<sup>Deut. 21. v. 18.</sup>

Yyy

per



*per viam in arbore, vel in terra nidum avis inveneris, & matrem pullis, vel ovis desuper incubantem, non tenebis eam cum filiis, sed abire patieris, captos tenens filios, ut bene sit tibi, & longo vivas tempore.* Amor, quo avis fertur erga pullos, detinet eam in nido, adeoque species crudelitatis est non facere, ut ob hunc amorem capiatur, & fiat captiva. Quid ergo erit, si pulli sint mali, & crucient matrem? Quid ergo non erit, si proles affligat vitam, & acceleret mortem ei; à quo vitam accepit? an non crudelitas, & barbaries sit inaudita facere, ut dolores, quos tua mater sustinuit te pariendo, quod amor, & affectio, quam habuit te alendo, & educando sit causa, quod tu sis carnifex, qui eam cruciet, tyrannus qui ejus vitam abbreviet, vipera, quæ ejus viscera corrodat?

VIII. Hoc sanè non est consilium, quod tibi dat Spiritus sanctus per Ecclesiasticum: *Genitus matris tue, ne obliviscaris.* Et per Tobiam: *Memor esse debes, quæ, & quanta pericula passa sit propter te in utero suo.* Et quidem meritò, *Hoc anim,* ut inquit Paulus, *justum est.*

Quæso te, paulisper considera gemitus, angustias, dolores, cruciatus, invaliditates, quas tua mater sustinuit, dum te in utero, quem Plato vocat, *Metropolim malorum*, gestavit, paulisper recogita, quos dolores, anxietates, pericula, & timores mortis sustinuerit te edendo in lucem. Spiritus S. volens exprimere, & significare magnitudinem alicujus doloris, eum comparat dolori parturientis, dolores, ut parturientis. Animo volve, quot non perpessa fuit noctes inquietas, insomnes, laboriosas, incommodas, molestas, ut te nutrirer? Viden, quoties non somnum

interruperit, quietem turbavit, ut te lactaret? quoties non tibi illa: (sunt verba Ambrosij:) *cibum, quem voluit, non accepit, tibi, quem noluit accepit, tibi vigilavit, tibi flevit, & tu illam egere patieris?* Viden paulisper, quot non clamores, lacrymas, molestias, importunitates, maculationes tolerarit, dum te in sinu habuit, teque lactavit?

Quæso te paulisper in animum revoca curas, sollicitudines, vigilias, itinera, processus, labores, quos tuus miser pater pertulerit, ut exiguas opes tibi conservaret, & corrogaret? Deus volens affligere filios Pharaonis per Moysen ad hunc Regem dixit: *In hac vice, mittam plagas meas in cor tuum.* Quandoquidem parentes ament proles suas, velut propria viscera, tu non potes vicem rependere affectu, quem erga te habuerunt, nec tua viscera tantum erga eos habere poterunt, quotiescunque vel in minimo malè habuisti, illa fuerunt infirma, dum benè tibi fuit, illa gaudio inundarunt, dum non fuisti bene contentus, illa summè cruciata fuerunt; quomodo ergò post tot testimonia affectuum tu pro possibilitate tua eos non ames, consoles, & eorum votis satisfacias? quomodo posses eos contristari, & molestare? Nonne hoc est esse crudeliorem tigre, & magis monstrosius monstro?

IX. Quod si tuum debitum, tuæ obligationes tam magnæ te non moveant ad minus te flectat amor tuus proprius, proprium tuum commodum, promissa, quæ tibi Deus fecit. *Mandatum*, inquit Paulus, *Eph. 6. prima in promissione, ille tibi promittit longam, & felicem vitam; nam ut inquit S. Thomas, qui beneficium agnoscit, 2. 2. q. 122. meretur, ut beneficium contineretur, & ab. 5. ad 4.*



*augeatur.* Filius, qui recognoscit, quod vitam acceperit à parentibus, meretur, ut illa conservetur, & producat. Quod si videamus nonnullos filios obedientes, & morigeratos mori in pueritia, id fit ex singulari providentia Dei, qui eorum obedientiam munerat, & pro vita caduca donat æternam. *Raptus est, ne malitia mutaret intellectum ejus:* Et *Isaias, A facie malitie collectus est iustus.* Vel Deus tales filios è medio tollit, ne videant afflictiones publicas, quæ eorum tempore eventuræ erant. S. Aug. Deum rogavit, ut ex hoc mundo tolleretur, ne clades per Wandalos infligendas videre posset.

Sanctus Paulus ad Timotheum scribens ait. *Pietas ad omnia utilis est.* Hæc virtus non solum promeretur longam vitam, sed & servit, ut quaslibet gratias, & favores à DEO obtineamus, sanitatem animæ, & corporis, prosperitatem felicem, copiam bonorum temporalium, si conducant ad spiritualia. Sapiens longè antè dixit: *Sicut qui thesaurizat, ita & qui honorificat matrem suam, qui honorat patrem suum jucundabitur in filiis, & in die orationis sue exaudiatur.* In opere, & sermone, & patientia honora patrem tuum, ut superveniat tibi benedictio ab eo, & benedictio illius in novissimo maneat; Benedictio patris firmat domos filiorum, maledictio matris eradicat fundamenta. Itaque ex his liquet eum non solum esse maledictum à DEO, qui parentes occidit, qui verberat, male tractat suam matrem, sed & qui notabiliter eos offendit. Redeat vobis in mentem, factum enorme Cham, hic irrisit suum pa-

trem, hujus proles fuerunt maledictæ, ejus posteritas fuit reprobata à Deo. ejus nepotes sunt facti Idololatæ, Josua jussu Dei eos prostravit, & obtulit, quinimo quotidie videmus inobedientes parentibus in posteritate maledicti, quia habent proles refractarias, dissolutas, vitiosas, quæ talionem iis rependunt.

Recordemini Absolonis, hic bellum movit suo parenti, hic crinibus arbori implexus hæsit, & miserabiliter tribus lanceis transfixus fuit. Videmus quotidie, quod ij, qui ultimo supplicio afficiuntur, semè omnes fateantur initium facinorum, & criminum sumsisse à rebellione erga parentes. In mentem revocate id, quod tempore S. Augustini, contigit, quodque hic sanctus Doctor recenset, velut propriis oculis à se visum, quodque notavit in libro, quem tanquam Apologiam scripsit pro Christianis adversus Paganos, adeoque nisi esset verum, non illud recenseret, velut publicum, & toti mundo manifestum, non enim adeo temerarius esset: narrat igitur hic sanctus pater, quod Cæsareæ in Cappadocia, quædam matrona decem prolibus gravata septem masculis, & tribus foemellis marito orbata fuit. Hæ proles nullam condolentiam

cum matre afflictæ habuerunt, sed in summo ei molestæ fuerunt, una petiit pecuniam, ut par esse posset sodalibus, alia vestimenta rogavit juxta conditionem, ut ajebat, suæ qualitatis, nonne hæc miseria viduæ adeo afflictæ maxima fuit? nonne præstaret inter leopardos vivere? Quadam itaque die, dum atrocius torqueretur, & exagitaretur, mater eas diris vovere cæpit; & en statim

Ex. 19.  
v. 14.

2. Tim. 4.  
v. 8.

Ecc. 3. 5.

ph. 6.

2. q. 122.  
7. 5. ad 4.

Aug. l. 22.  
de Civit.  
c. 8. prope  
finem.



convulsionibus tam atris oppressæ fuerunt, ut continuò cunctis artibus tremuerint, in quocunque loco essent, & quidem tam miserabiliter, ut horrorem inceserint cunctis spectantibus. Et quandoquidem fuerint ex honesta familia fuerunt objectum viduæ, condolentia, & compassio totius urbis. dumque hanc compassionem sufferre non possent à suis concivibus è patria exiverunt, totum peragrarunt imperium Romanum, & instar Cain vagabundi oberrarunt. Et quidem Deus ita justè permisit, ut sint exemplum omnibus prolibus inobedientibus, dumque interrogatum fuisset, cur ita tremere, responsum fuit, id provenisse à manu ultrice Dei, dum quæreretur, quænam esset causa tam horrendi tremoris dictum est, quod fuerint molestæ matri, & ab hac diris devotæ. Duæ ex his miseris prolibus, una nomine Paulus, alia Paula, seu Pauladias venerunt ad urbem cujus S. Augustinus fuit Episcopus cum admiratione omnium sed per reliquias S. Stephani ab illo morbo curatæ fuerunt. In mentem vobis redeat id, quod recenset Sanctus Bonaventura. Hic narrat de quodam bono cive, quod postquam magno labore nonnullum exiguum præcentum lucratus fuisset, ille se voluntarie depauperavit, ut filium unicum, quem habebat alicui matronæ matrimonio jungeret. Hic filius in principio suum patrem honoravit, prout debuit, sed sensum, ejus uxor hunc amorem filialem in eo remisit, & tandem totaliter extinxit, quod revera, & hodie communiter fit. Tu habes domi tuæ tuam pauperem matrem senem, debilem, surdam, infirmam, fateor aliqualem habes erga

eam affectum, tu nolles ei aliquam injuriam irrogare, quia sanguis non potest mentiri. Verum tua uxor, quæ putat eam ad se nil pertinere, quæque non vidit angustias, quas pro te passus est in tua absentia, eam molestat, affligit, persequitur, ejus vitam illi objicit, panem ei invidet, bolos numerat, ea utitur velut ancilla, vellet eam centum pedibus sub terram defossam, eo, quod non possit amplius laborare, & quidem fateor, quod id non faciat ex tua jussione, & quod illa principaliter punietur, & forsitan in hac vita, an forte Deus ex sua justa sententia permittet, ut habeat nurum, quæ idem ipsi faciet. At enim vedò, nisi tu attendas, nisi ejus feritatem coerceas, non evitabis supplicium prolium ingratarum, & rebellium, hic itaque filius, natura filiali exuta, velut bubulus naso suspensio permisit se duci ab humoribus vitiosæ fœminæ, dumque ejus pater filium, & nurum visitaret, aliquid refocillationis apud eos capiturus, non nisi fabas ei apposuerunt, & iis delictati sunt. Quadam die hic miser homo fame pressus cibum petiit, & non nisi legumina sunt ei apposita, cumq; senex hic domo discessisset, fœmina marito dixit, agedum, hunc ferculis lautis nos distendamus, quia ille senex nos non amplius turbabit. Maritus dum caponem assatum, quem in arca absconderat, adferre vellet, & arcam aperiret, vidit caponem in bufonem mutatum, qui in faciem ejus insiliit, illi se agglutinavit tam fortiter, ut nunquam eum abstrahere potuerit, & ita huic misero adhæsit usque ad finem vitæ, quem, & postea sat miserum habuit.

S. Bonavent.  
ven. tom. 7.  
lib. de 10.  
præcept.  
serm. 5. qui  
est de 4.  
præcept.



*Exempla sunt omnium tormenta pauperum.* Deus quandoq; hujusmodi supplicia publica in terrorem filiorum immittit, ut sciant tormenta, quæ expectanda habent, si parentes contemnant, si iis arroganter respondeant, si eos non consolentur, nec iis assistant in eorum senectute, si in morbo nimis diu differant, quo minus iis Sacramenta administrentur, si eos impediant, ne condant testamentum, si legata pia eorum non adimpleant, vel alio modo eos offendant.

PUNCTUM TERTIUM.

*Monita pro parentibus, primum erga Deum, secundum erga filios, tertium erga seipso.*

X. Mandata Dei duabus tabulis comprehenduntur, uti scitis, prima tabula continet debitum hominis erga Deum, secunda erga proximum. Doctores Hebraei ex Traditione docent hoc quantum contineri partim in prima, partim in secunda tabula. Prima continet hoc, *honora patrem tuum, secunda, & matrem tuam, ut sis longævus super terram*, ut discamus, nos prius honorare debere matrem celestem, deinde terrestrem. Deo ergo tuo redde illum honorem, amorem, obedientiam, quam exigis à tuis prolibus, ne tibi obijciat: *Si ego pater, ubi honor meus.* filios enutrivit, & exaltavi, ipsi vero spreverunt me, & genti peccatrici, semini nequam, filiis sceleratis, reliquerunt Dominum, blasphemaverunt Sanctum Israel. Si tuus filius te maledicet, & injuriis te lacessat, si te falsarium appellet, si tibi dicat, pater ego te abnegi, quid non cogitares, quid non diceres? nonne diceres, quod mereatur exhereditari? imò, nam ita leges civiles ordinant:

*Bis septem ex causis exhaeres filius esto, Si Patrem feriat, & maledicat ei.*

Tu blasphemas tuum Deum, tu illum abnegas, tu pejerando eum vocas falsum testem: *Nonne ipse est pater tuus, qui fecit, & creavit te?* Tu vis, ut proles tuæ te honorent, mane, & vesperi te saluent, in matrimonii contractum, processum, opificii tyrocinio, & alio negotio alicujus momenti te consulant, ut tibi obediant, in omnibus te ament, tibi laborent, tuæ negotia peragant; Ergo idem fac Patri celesti, sapius eum in tuo corde adora, ei mane, & vesperi flecte genua, eum in omnibus tuis consule, inflammeris ejus amore, ejus gloriam zela, ejus mandatis adeo justis, æquis, facilibus, paucis, proficuis hominibus obtempera, præsta ei omne servitium, quod potes juxta tuum statum, in id totus sit, ut totus mundus, & ante omnia tuæ proles eum cognoscant, honorent, ament, ei obediant, sapius loquere de Deo, de divinis perfectionibus, de providentia circa tuam familiam, de infortuniis, à quibus te per suam misericordiam præservavit, de mysteriis vitæ, & Passionis Christi, doce tuas proles rudimenta fidei nostræ, magnam reverentiam erga res sacras, Sacerdotes, Religiosos, Crucem, imagines Sanctorum, doce eas modestiam, & silentium servare in Ecclesia, magnam estimationem de amore Dei, & illis, qui ei serviunt, magnū affectum erga paupertatem, humilitatem, mortificationem, tolerantiam injuriarum.

XI. Quando te offendunt, ne iis maledicas, ne eas tradas dæmolo, sed assuesce, ut dicas; rogo Deum, tibi benedicat, vado, ego te committo misericordiæ Vir-

Yyy 3 ginis,

Malach. 1.  
6.  
Isa. 1.



*Sermo quinquages. secund. pro Domin. viges. quart. post Pentecosten.*

ginis, illavos reddat probas, & sapientes, nec dæmon vos efficiat vitiosas, & pravas. Porro ante omnia cave, ne per verba, aut opera iis præbeas malum exemplum, nunquam in præsentia earum significes existimationem tuam de mundo, bonis terrenis, rebus caducis, & transitoriis, sed potius earum contemptum; nam si audiant, quod maledicas tuæ uxori, quod eam injuriis oneres, verba inhonesta proferas, proximo detrahas, & maledicas, si videant, quod voluptatibus te des, quod sis avarus, ambitiosus, te imitabuntur.

Num. 26. 10. Audi scripturam: *Grande miraculum factum est, ut Chore pereunte, non perirent filii ejus.* Si parens sit blasphemus, magnum miraculum est, si filii non sint tales, si pater frequentet cauponas prodigium est, si filii non sint ebriosi, si mater sit vana, portentum est, si filia non sint tales; Si enim parentes præbeant filiis pravam exemplum, eorum peccata propagantur, & è familia in familiam transeunt.

XII. Quando tuæ proles peccant, tu timere debes id factum esse per tuam causam, aut negligentiam, vel pravam exemplum. Tu debes imitari Patriarcham Jacob, Job, S. Monicam. Hunc sanctum Patriarcham persequabatur ejus frater Esau, hic enim ejecit è domo, & patria paterna, Jacob serviit suo avunculo La-

bān, velut mancipium ultra quatuordecim annos, diu, noctuque, illo tempore vigilavit, laboravit, attamen hi omnes labores illi dulces, & tolerandi videbantur. Verum, dum ejus filii inciperent offendere Deum, dolores ejus initium sumserunt. *Ruben primogenitus meus principium doloris mei, ascendisti cubile patris tui.*

Gen. 49. 3.

Sanctus vir Job timens, ne proles peccarent, dum diebus sese invicem ad convivium invitarent, Deo sacrificia obtulit, ut ejus iram placaret, ejusque justitiæ satisfaceret. Sancta Monica cum videret filium suum vitiis esse immersum amarè ante crucifixum flevit, misericordiam ei rogavit, pœnitentiam pro eo egit. Tu imitare hos sanctos, quando proles tuæ sunt perverse, dum Deum offendunt, movearis magis, quam si temporaliter affligaris, audi pro iis Missam, pro iis offer Patri æterno corpus adorandum, & sanguinè pretiosum Filii Dei qui immolatur in altari, eroga elemosynas, jejunia, fac alia bona opera, eorum criminibus expiandis. Quod si ita te habeas erga tuas proles, facies eas proles Dei, fructus benedictos, cohæredes Jesu Christi, consortes, & sodales tecum in possessione regni cœlestis.


Amen.

*Finis Dominicalis.*













# SERMONES

de

SANCTIS,

quos Ecclesia per annum colit,

## SERMO LIII.

Pro Festo Sancti Andreæ Apostoli.

De Honorandis Patribus Spiritualibus & Sacerdotibus.

*Relictis retibus secuti sunt eum. Matth. 9.*

### EXORDIUM.

**M**irum alicui forsan videri posset, quòd Christus elegerit in Apostolos homines viles, & rudes piscatores, non enim per hoc se vilem & abjectum ac contemptibilem mundo reddidit: Mundus solum honorat sapientes, nobiles, potentes, & in vili habet rudes, impotentes & ignobiles; hoc est, quod in Christo peritringebat Iulianus Apostata, quòd rudes piscatores in discipulos & Apostolos elegisset; sed tamen postea clamare coactus fuit, *vicisti Galilae.* cur hoc? verum quidem est, quòd Christus viles piscatores & pauperes elegerit, sed eos exivit, & elevavit ad supernam dignitatem, & Apostolatium, ac sacerdotium, ut nempe essent nostri Patres spirituales, qui in Christo Iesu nos genuerunt; hoc voluit à nobis considerari &

observari, non verò quòd antea fuerint viles & rudes piscatores, nam si hoc consideremus, iudicabimus eos omni honore esse dignos, qualescunque tandem illi sint ac fuerint, uti doctè ostenditur in hac concione.

*Honora patrem tuum & matrem tuam,  
ut sis longævus super terram.*  
Exod. 20.

**I.** Quod si obligemur honorare patres carnales, magis obligati sumus honorare spirituales, nam sicut illi dederunt nobis esse, ita hi dederunt bonum esse; sicut illi dederunt nobis vitam naturalem; ita hi dederunt nobis vitam supernaturalem & divinam. Illis, qui honorant parentes carnales, promittit vitam super terram longævam, illis verò, qui obediunt patribus spiritualibus, spondet vitam longævam in cælo. Porro ut vos doceam, quomodo obedire & honorare



eos debeat, uti decet, ego hunc discursum in duo dividam puncta; in primo ostendam contra hæreticos huius temporis, quod ministerium sacerdotum, quavis pravorum, sit efficax, ex quo deducemus in secundo puncto, quod sint honorandi. Et sicut Eucharistia est extensio & propagatio mysterii incarnationis, ita character, quem ordo sacerdotii in sacerdotibus producit, est, ô sacratissima virgo, imago & imitatio tuæ divinæ maternitatis, Tu pronunciando hæc quinque verba, *Fiat mihi secundum verbum tuum*, genuisti corpus Iesu per operationem Spiritus Sancti. Sacerdos quoque illud producit in Altari, operatione divinâ proferendo quinque verba. Et quia gratia eum ostendendi ad gloriam Dei, & profectum animarum à te procedere debet, idè eam humiliter rogamus resalutando cum Angelo, dicendo *Ave Maria*.

### Idea Sermonis.

#### EXORDIUM.

*Argumenta hereticorum dicentium, ministerium mali sacerdotis esse infructuosum.*

II. **Q**UOD si consideremus superficiè exteriori verbi Dei, & primâ apparentiam rationis humanæ, nos videbimus quandam habere verisimilitudinem errorem illum hæreticorum, quod dicunt, quod sacerdotes pravi amittant gratiam sui ministerii, quodque eorum preces sint inutiles, sacramenta inefficacia, doctrinæ non debeant acceptari, functiones nullius valoris; nam Deus loquens per Esaiam de sacerdotibus antiquæ legis dixit. *Quo mihi multitudinem victimarum vestrarum, incensum abomi-*

Esaiæ. l. v.  
m.

*natio est mihi, cum extenderitis manus vestras, avertam oculos meos à vobis, & cum multiplicaveritis orationem, non exaudiam, manus enim vestra sanguine plena sunt. Præterea Salvator noster dicit in Evangelio: Nunquid colligunt de spinis uvas, aut de tribulis ficus? Et rursus apud Esaiam: Ad quem respiciam, nisi ad pauperculum, & contritum spiritu, & trementem sermones meos, qui immolat bovem, quasi qui interficiat virum, qui mactat pecus, quasi qui excerebret canem? Hæc omnia elegerunt in abominationibus suis.*

Matth. 7.

Esaiæ 66.

Præterea nemo est ad eò peregrinus in Schola Aristotelis, qui non sæpè hanc maximam ore verset; *Nemo dat, quod non habet*; Sacerdos ergò, qui est in peccato mortali, qui non habet spiritum Sanctum, qui est privatus gratiâ divinâ, qui manceps, & servus est diaboli, quomodo dare possit spiritum sanctum, gratiam Dei, virtutes infusas, quibus caret? an mortuus suscitare queat mortuum, captivus catenis vinctus alium liberare captivum? Quomodo is, qui totus est congelatus, possit alium, qui præ frigore firmè est mortuus, calefacere? Quomodo pauper possit alium ditare pauperem? Quomodo ille, qui est in fundo abyssi, possit suum extrahere socium? Hæc est quotidiana cantilena hæreticorum; Si Sacerdotes essent probi, & nobis bono prælucere exemplo, nos in Ecclesiam intraremus, sed quia sunt ambitiosi, avari, indevoti, libidinosi, scandalosi, idè eos non curamus. Hoc est judicare temerè, hæc communis est calumnia, & impostura gravissima.

Hæreticus imitatur Neronem, & cum eo contendit suam occidere matrem; nam totus in eo est, quomodo proscin-

dat



dat & extinguere possit Ecclesiam. Hic perversus Imperator, dum videret Leones, Leopardos, & alias ferocissimas belluas revereri sanctos Martyres, qui iis obiciebantur, & quasi pietate ac ratione præditæ essent, eosdem suspicere ac venerari, ille induit sanctos Martyres pelle lupi, leonis, aut alterius animalis sylvatici, eosq; objecit canibus, ut ii putantes eos esse feras, frustratim eos discerperet.

Hæretici benè vident, quòd Christiani singulari aliqua veneratione prosequantur statum Ecclesiasticum, & quòd naturali quodam horrore vereantur in unctos Domini manus injicere, idèd suo astu sacerdotes induunt pelle ferarum sylvaticarum, & imaginantur sibi, quòd sint apri, lupi, leopardi, voluptuosi, crudeles, truculenti, indomabiles, implacabiles, ut populus Christianus audacius suos dentes caninos detractionum in eos immittat,

Et qualis amabò hæc est consequentia, sunt aliqui sacerdotes perversi, Ergò omnes sunt tales; Sacerdotium nihil est, Ergò Ecclesia eorum non est vera Ecclesia. Hæc illatio huic similis est: Beza est Sodomita, & ille posteris sui memoriam reliquit in versibus de amore, Ergò omnes ministri sunt Sodomitæ, & psalmi, quos composuerunt, nihil valent. Idem hoc est, ac si inferrem: Inter discipulos fuit unus fur, lâtro, sacrilegus, perversus, Ergò omnes Apostoli tales fuerunt, & Apostolatus nil valet. Herodiades conjugata fuit adultera, Ergò omnes fœminæ sunt adulteræ, & matrimonium nil valet. In racemia borri sunt quædam uvæ putridæ, in caula & ovili sunt aliquæ scabiosæ oves, Ergò omnes uvæ sunt putridæ, Ergò omnes oves sunt scabiosæ, Ergò vites omnes sunt extir-

pandæ, & caulæ omnes excidendæ.

Dic sodes, an nullus ministellus sit perversus? cave sis hoc dicas. Quod si scires, quid agant in occulto, profectò videres, quòd nò omne id, quod lucet, aurum sit; & quòd, quando radix fidei est cariosa, possit habere nihilominus aliqua folia virentia, sed nullos fructus salutare. Supponi volo, nullum dari ministellum prævum, sed quid sit hoc, qualis sit hæc comparatio, & stupor respectu tot Ecclesiasticorū. Tu magis observas vicia uni sacerdotis, quàm vitam inculpatam tot Benedictinorum, Carmelitarum, Dominicanorum, Minoritarum, Carthusianorum, Augustinianorum, Iesuitarum & aliorum Religiosorum, qui sunt in mūdo; Numenta, si potes, ministellos, & Ecclesiasticos in qualibet diœcesi, & videbis uni ministro ad minus correspondere quingentos sacerdotes. Et sanè non est mirum, quòd facilius reperire sit aliquè malum in tanto numero, quàm in exiguo pugno ministro; in vase vel corbe pomorum citius unū reperies putridū, quàm in scutella, in qua tantum quinque vel sex poma sunt.

Quod si aliqua Regina in sua crumena haberet quingentos ducatos, vel aureos, & inter eos unus vel alter esset tantum adulterinus, vel concisus, an equis vel coquus, qui quinque vel sex aureos tantum in sua bursa haberet, meritò hanc Principissam exagitare posset, & dicere, ego ditior te sum, quia non nisi probam monetam in mea bursa habeo? Ecclesia similis est magnæ Reginae, illa numerat plures Ecclesiasticos bonos, virtuosos, devotos, pretiosos, quàm si unus vel alter malus in tanto numero reperiat, an hoc sit aliquid miri? Synagoga Calviniana est velut stabulum, & coquina, quia non fiunt hæretici, nisi ob



carnem vel ventrem, quinque vel sex tantum habet in sua bursa, hoc est, in quolibet provincia quinque vel sex tantum ministros, quale ergo sit prodigium, quod contineant, quod non sint scandalosi, perversi?

PRIMUM PUNCTUM.

*Contrarium probatur primo scriptura, secundo rationibus, tertio Patribus, quarto responsione ad argumenta, quinto comparationibus.*

III. **A**T supponamus, omnes sacerdotes esse malos, quod tamen nunquam fuit, at tamen eorum ministerium non desinit esse dignum honore, eorum sacrificia non maculantur, sacramenta eorum sunt valida, preces acceptabiles, auctoritas legitima, doctrina salutaris, consilia, & monitiones proficuae. Scribae & Pharisei, qui sub Herode vivebant Ierosolymis, fuerunt perversi, arrogantes, vitiosi, & tamen cognoverunt, & locum annunciarent, in quo Christus debebat nasci. Caiphas fuit pravus, ambitiosus, politicus, & tamen, ut verbo dicam, hic Caiphas vaticinatus est, & dixit veritatem. *Quia erat Pontifex anni illius.* Scribae & Pharisei tempore, quo vivebat Christus, erant hypocritae, avari, genimina viperarum, & tamen Salvator dicit: *Quaecunque dixerunt, facite.*

IV. Potestas administrandi sacramenta, & faciendi alias functiones Ecclesiasticas est gratia gratuita, quae nulli datur ex debito, non secus ac donum Prophetiae, sed in bonum commune, unde non debet amitti ob peccatum sacerdotis. Quando Prophetae vitiosi in die iudicii

dicent ad nostrum Christum; nonne prophetavimus, & plura miracula in nomine tuo fecimus, ille iis dicet; *Nescio prophetiam vestram, nescio virtutes vestras, nescio vos.* Rex non amittit suam auctoritatem, Iudex suam jurisdictionem, paterfamilias suam potestatem in familiam per unum peccatum. Apostoli praeceperunt, obedientiam praestari Regibus papae, & tyrannis, Dominis etiam discipulis, inquit Sanctus Petrus; cum tamen haec auctoritates potius deberent amitti in poenam peccati, quam potestas sacerdotalis, cum homines magis ambiant & appetant auctoritatem Regalem, quam dignitatem sacerdotalem.

Ex Divo Ioanne capite tertio dicitur Iesus baptizasse, capite vero quarto dicitur, quod non baptizaret. Quomodo haec subsistunt? si baptizavit, quomodo non baptizavit? si non baptizavit, quomodo baptizavit? Sanctus Augustinus respondet, cum non baptizasse per seipsum, sed per suos discipulos, & sive per se, sive per alios baptizet, cum tamen esse, qui baptizat: *Petrus baptizet, hic est qui baptizat; Paulus baptizet, hic est qui baptizat; Indas baptizet, hic est qui baptizat.* Actionum Hierarchicarum in administratione Sacramentorum causa principalis est Iesus, sacerdos vero est tantum instrumentum, & ita in unitate influxus uterque concurret, ut idem omnino influxus sit.

Quando filius Dei pedes discipulorum lavit, dixit: *ita & vos faciatis.* Similiter quando aliquem consecrat in sacerdotem, & dat potestatem faciendi actionem hierarchicam, non dicit, *ita faciatis*, sed *Hoc facite*, quia est eadem causa principalis, eadem victima, idem sacrificium, eadem.

Matth. 7.

C. 3. V. 22.

cap. 4. v. 2.

Tract. 6. in Ioann. ante medium.

Matth. 2.

Ioann. 21. v. 21.

Matth. 23. v. 20.

Hom. ad po.



eadem missa, quam ipse obtulit in ultima  
cœna. Quando sacerdos absolvit, &  
profert hæc verba: Ego te absolvo, ille  
loquitur in persona Christi, vel potius  
Christus loquitur in persona sui vicarii,  
Salvator est, qui illa profert per os ejus.  
Actio præterea hierarchica & admini-  
stratio sacramentorum est adeò nobilis,  
excellens, & adeò propria filio Dei, ut si  
Salvator adhuc esset in statu merendi, &  
viator, hæc actio esset meritum infinitum.  
Et reipsa est actio, quæ est digni-  
tatis infinita, tanquam actio Hominis  
Dei.

Hom. 60.  
ad populū.

V. Insigniter Sanctus Chrysostomus:  
*cum sacerdotem videris offerentem, ne ut  
sacerdotem esse putes hoc facientem, sed  
Christi manum invisibiliter extensam.* Ne  
ad id attendas, quod tantum fit exterius,  
& in oculis populi, sed oculos fidei & a-  
nimi conjice in manum invisibilem su-  
perni sacerdotis, qui omnia, quæ fiunt  
in missa, operatur per suum instrumen-  
tum, ille rogat Deum per suam Ecclesiā,  
ille consecrat, ille benedicit populo; &  
ideò debemus assistere missæ, admini-  
strationi baptismi, contractui matrimo-  
nii, & aliis sacramentis, cum timore, re-  
spectu, reverentia, pietate, animo recol-  
lecto, quia Iesus est, qui illa administrat.

Si vixisses eo tempore, quo Sanctus  
Carolus vixit, & fuisses præsens, quando  
ille sacra operabatur ad altare, quando  
baptizabat, & advertisses, quòd oculos  
in te conficeret, & te contempleretur,  
an ausus fuisses irreverentias & insolentias  
committere? Tu debes credere, quòd  
Iesus copulet hos conjuges, quòd Iesus  
baptizet hunc infantem, dicat hanc mis-  
sam, te intueatur, contempletur, atten-  
tè te consideret, distinctè, particulariter,

ac sine me præter te adesset, quomodo  
ergò tu exerceas insolentias, & in hac ac-  
tione sacra te geris, ac si esset actio pro-  
fana, ac si Salvator Sacramenta non ad-  
ministraret, nam si hoc non esset verum,  
jam inquit Augustinus, essent diversa ba-  
ptismata, juxta diversitatem meritorum  
baptizantium, & dicere deberemus: *Ego  
sum Pauli, ego verò Cepha*, & essent in Ec-  
clesia schismata ac divisiones, quæ tanto  
zelo Apostolus perstringit, Sanctus Am-  
brosius addit; si sacerdos, quia est pec-  
cator, te non posset absolvere, ergò &  
tuus minister te nequiret baptizare, &  
consequenter dubius esses, an fores ba-  
ptizatus, nam nescis, an sit peccator, vel  
non: valor itaque baptismi & aliorum  
sacramentorum non dependet ab instru-  
mento, sed à causa principali.

VI. Et ex hoc capite oritur differentia  
inter sacrificia nostra & sacrificia priscæ  
legis. Deus quandoque holocausta an-  
tiqua repudiavit, & oblationes & victi-  
mas legis Mosaicæ non accepit, quia  
sacerdotes eas proprio nomine offere-  
bant, vel nomine Reipublicæ, à qua e-  
rant depurati & hinc quia Sacerdotes  
sæpè, & tota Respublica, à maximo us-  
que ad minimum, esset subjecta maledi-  
ctioni peccati; *A planta pedis usque ad*  
*verticem non est in eo sanitas.* idè eorum  
sacrificia non admittebantur. Verum  
nunc in lege gratiæ sacerdotes omnes  
suas preces dirigunt ad patrem æternum  
in nomine sui filii innocentissimi, Sanctis-  
simi, Deo gratissimi, & idè oculo eas  
notat benigno, & dignæ sunt, quæ ad-  
mittantur.

Esaiæ 1.  
v. 6.

VII. Et quidem verum est, quòd ex  
spinis nequeamus colligere uvas, nec ex  
tribulis ficus, sed tamen benè aliquando  
possu-



possumus colligere uvas super spinetum; nam quandoque contingit, inquit Sanctus Augustinus, quod truncus vitis sit adeo fecundus, & suos palmites adeo dilatat, & in altum protendat, ut eos distendat super unum dumum, aut spinam, quæ inserta est muro, adeoque racemus sit super spinetum quidem, non tamen ab eo sit productum. Quod si itaque casu te contingat illac transire, & in ambulare, ut animum non nihil relaxes, tu uvam decerpis, nec advertis, quod sit super spinetum, tu colligis racemum relicta spinâ, racemus te recreat, & inter calores diurnos refrigerat, spina verò paulo post ardoribus ignis objicietur.

Icanr. 14.

In mentem tibi redeat, quod salvator se compareret viti; *Ego sum vitis vera*. Ille nobis protulit fructus suæ passionis, & merita sui sanguinis per applicationem sacramentorum. Quod si casu eveniat, sacerdotem esse spinam, non tamen ob hoc omittit, quin tibi det hunc fructum, quia sacerdos non producit illum tanquam causa principalis, sed Christus eum profert & donat. Tu cape racemum, nec spinam spectes; quia forsân spina, quæ dat fructum, conjicietur in ignem æternum, sed fructus tibi semper proficiuus erit. *Cave spinam, cape uvam, non de spina, sed de vite nascentē, tibi porrigitur uvæ alimentū, spina servatur flamma tormentū.*

VIII. Et idè nemo dat id quod non habet, velut causa principalis, sed non tanquā causa instrumentalis, quia ut talis sæpè possumus dare, quod nō habemus. Calamus dat chartæ literas, periodos, sensus integros, quos non habet. Penicillus, qui efformat imaginem, dat telæ lineamenta oculorum, pedum, manuum & aliorum membrorum, quæ non ha-

bet. Scalprum, quod lapidem scalpit & cælat, illi dat figuram quadratam, cum ramen illud sit acutum. Servus pauper tibi dat pecuniam sui domini. Et ita verum quidem est, quod sacerdos non habet gratiam Dei, eam tamen dare potest, velut organum Filii Dei. Ille quidem inops est in meritis, sed in mandatis habet distribuendi merita Salvatoris; ille non habet quidem spiritum in se, sed agit tanquam ejus instrumentum.

IX. Deus Moyse non loquebatur nisi per rubum ardentem, nec per hoc desit ejus commissio esse bona, aut missio legitima. Similiter quamvis sacerdos, qui te docet, esset tot repletus imperfectionibus, quot rubus habet spinas, si tot esset infectus passionibus, si inflammatus in scintillis concupiscentiarum, quot sentes & scintillas habet senticetum ardens, tamen Deus non desinet per eum loqui, & si tu velis ejus audire verbum, erit tibi proficiuum. Narrat Regum liber, quod Deus in deserto Eliæ cibos submiserit per corvum, aliâ autem vice per angelum, nec tamen legimus, quod Propheta dixerit, nolo ego dapes admittere ab hoc turpi venditore extorum, an non sit Angelus in cælo, qui mihi panem & dapes ferat? Ille non spectavit Angelum, neque corvum, sed ad eum solum attendit, qui eos miserat. Quando tu hominem probum mittis ad altare, mittis Angelum; sacerdos porrò malus est velut corvus avium cloaca; & tamen est idem Deus, qui eos misit, est idem sacramentum, quod administrant, eadem gratia, quam donant.

Elisæus quantumvis mortuus, tamen tangendo alium mortuum eum resuscitavit, cum tamen seipsum vitæ non reddiderit.

3. Regum.  
4.4. Regum.  
13.

cap. 6.



diderit. Filius Dei cæco visum restituit, liniendo ejus oculos butiro. Quod si con-  
jectus esses in vincula ob crimē læsæ Ma-  
jestatis, & Rex sententiam absolutoriam  
tibi mitteret per nuncium perversissimū,  
aut si tibi idem Rex officium vel benefi-  
cium contulisset, & literas ad te portaret  
nuncius turpissimus, maculatissimus,  
summus nequam, an tu hanc gratiam re-  
cusares? quomodo ergo repudies veniā  
tuorum peccatorum, benedictiones cœ-  
lestes sub prætectu, quod sacerdos, qui  
tibi eam portat, non habeat animam  
mundam? Medicus infirmus & debilis  
adhuc te sanat, ille in corpore tantum est  
infirmus, & te curat per suam scientiam.  
Sacerdos est peccator per suam volunta-  
tem, ille te absolvit per suum caracte-  
rem; & sanè parū interest terræ, num  
semen in ea spargatur per manum candi-  
dam & puram, an per manum sordidam  
& immundam; parū interest horto,  
num aqua, quæ irrigat ejus flores, fluat  
per aquæ ductum argenteum, aut cana-  
lem plumbeum; parū interfuit Ninive,  
quod ei prædicaverit Jonas inobediēs, aut  
Daniel innocens, dumodo se cōverteret.

## PUNCTUM SECUNDUM.

*Sacerdotes honorandi, qualescunq; sint.*  
Probatur primò scriptura, secundo Patri-  
bus, tertio ratione, quarto exemplis, primò  
Salomonis, Secundo Constantini, Tertio  
Roberti Regis, Quarto Henrici imperato-  
ris, Quinto Antonii, Sexto Francisci, Se-  
primò Catharina Senensis, Octavo Alexan-  
dri Magni, Nonò Dei morale pro  
sacerdotibus.

X. **L**iber primus Regum recēset, quòd  
quinque mille Bethsemitas morbi  
fatales fustulerint, Eò quòd vidiſſent ar-  
cam Domini. Interpretes admirantur

hanc severitatem, & meo sensu non sine  
causa, quale fuit piaculum intuitus arcæ,  
ut tam graviter puniri mererit? Alia  
versio hoc dubium enodat. Eò quòd de-  
spexissent arcam Domini. Arcam ceperant  
Philistæi, qui eandem collocarant in Al-  
tari falsorum Deorum propè idolum Da-  
gon, & hanc ob causam Bethsamitæ eam  
despexerunt, nec amplius tanti æstimā-  
runt, sed habuerūt velut rem profanam.  
Similiter quamvis Ecclesiasticus sit in po-  
testate Dæmonis in statu peccati morta-  
lis, non tamen per hoc amittit suam con-  
secrationem, si ergo eum non reverearis,  
time, ne graviter sis puniendus.

XI. Audiamus Ius Canonicum: *Ab-* Canone.  
ablit. 11.  
quæst. 3.  
Autherius  
Papa.  
*ſit, ut quicquam ſiniſtrum de his arbitre-*  
*mur, qui corpus Chriſti ſacro ore conſciunt,*  
*per quos nos Chriſtiani ſumus, qui claves*  
*regni cœli habentes, ante judicii diem judi-*  
*cant.* Hos non ſpernamus, qui nobis ape-  
riunt januas cœli, qui nos eripiunt à ca-  
ptivitate Diaboli, qui judicant Reges,  
eos, quos Propheta Malachias vocat An-  
gelos, quos ipſe Deus appellat Deos, quia  
ſunt Vice Reges, officiales ſuæ coronæ,  
miniſtri ſtatus, ærarii præfecti, caduca-  
tores mandatorum ejus, legati ſuæ Ma-  
jeſtatis, mediatores inter Deum & homi-  
nes, qui annunciant voluntatem Dei ho-  
minibus, qui vota eorum Deo præſen-  
tant. *Quid mirum, inquit Gregorius, ſi*  
*illos veſtra pietas dignetur honorare, quibus*  
*in ſuo eloquio honorem tribuēs, eos, aut An-*  
*gelos, aut Deos, ipſe etiam appellat Deus?*  
*Applicabitur ad Deos, Diis nō detrahes. Id*  
*intelligit, ſubdit Gregori⁹, de ſacerdotibus.*  
Honoramus, inquit Chryſoſtomus, Le-  
gatos Regū, quāvis Ethnicorū, & infide-  
lium, quomodo ergo eos nō veneremur,  
quos Rex Regū ad nos ablegat? *Legatione*  
*pro*

Malach. 2.  
v. 7.

lib. 4. epiſt.  
ad Mauri-  
Imperat.  
Exod. 22.  
v. 8. & 28.

Regum.

Regum.

cap. 6.



2. Cor. 5. v.  
20.

Hebr. 5. v. 1.

Deut. 17. v.  
12.

3. Reg. 2. v.  
26.

Baron.  
apud Spō-  
dan. anno  
543.

1004.

*pro Christo fungimur.* Quando aliquā æ-  
rumnā conficeris publicā vel privatā, tu  
curas dici missas, tu te commendas pre-  
cibus sacerdotum, illi pro te intercedunt,  
*Pro hominibus constituitur in his, quæ sunt  
ad Deum.* Deus aures iis non præbet be-  
nevolas, ille nos rejicit, eorum preces  
non exaudit, tu hoc miraris, & tamen tu  
ipse in causā es. Quando Deus illos ad  
te ablegavit, ut suam tibi annuntiarent  
voluntatem, ut te à tuis crapulis, à tuis  
usuris, à tuis vanitatibus abstraherent, tu  
eos non audivisti, ac si non dixisset in  
Deuteronomio: *Qui sacerdoti non obe-  
dierit, morte condemnetur.* Quid ergo  
non fiet illi, qui eos consternit, irridet,  
detractionibus & conviciis proscindit?

XII. Ut in cordibus nostris magnus  
respectus erga sacerdotes, nonnulli ad-  
ferunt vel exemplum Salomonis, sapien-  
tissimi Regis, qui dixit ad Abjathar: *E-  
quidem vir mortis es, sed hodie te non inter-  
ficiam, quia portasti arcam Domini Dei  
tui:* vel exemplum Constantini Magni,  
qui in Concilio Nicæno non voluit fede-  
re, nisi postquam omnes Episcopi jam  
sedissent, & unus ei mandasset, ut fede-  
ret, & dein in sede humiliori se posuit.  
Dumque ei plures præsentarentur libelli  
supplices contra Ecclesiasticos, ille o-  
mnes haud lectos Vulcani consignavit,  
& ad eum, qui eos præsentabat, conver-  
sus dixit: Presbyterorum est judicare  
Imperatores, non vero Imperatorum  
judicare & condemnare presbyteros. Et  
quod me attinet, si viderem aliquem sa-  
cerdotem peccantem, ego pallio meo  
Regi cum tegere vellem, ne videretur.

XIII. Alii addunt exemplum devoti  
Regis Franciæ Roberti, Filii Hugonis  
Capetii, qui dum videret in quadam sy-

nodo Episcoporum Lambertum Episco-  
pum Lingonensem pedes habere pensile  
in aëre ob parvitatem vel gravem  
molem corporis, à longè quæsivit sca-  
bellum, illudque magna cum reverentia  
pedibus Episcopi substravit. Alii addu-  
cunt exemplum Henrici Regis Germa-  
norum, qui dum post victoriam glorio-  
sam obrentam & devictum Tyrannum  
Lombardorum, interesset cuidam concilio,  
quod Francofurti fuit celebratum,  
antequam Episcopis loqueretur, se in ter-  
ram prostravit, quousque Archiepisco-  
pus, præses concilii, ei mandasset, ut sur-  
geret.

XIV. Alii afferunt exemplum Sancti  
Anthonii, qui, ut refert Sanctus Atha-  
nasius, summè sacerdotes veneratus est,  
illius inquam Anthonii, qui fuit Patriar-  
cha millenorum Anachoretarum, qui vi-  
xerunt velut Angeli, illius magni Antho-  
nii, cujus amicitiam Imperatores maxi-  
mæ gratiæ loco reponabant; cui feræ syl-  
vestres obediērunt, ad cujus nomen Dæ-  
mones consternabantur, cujus vita San-  
ctum Augustinum ac tot alios convertit;  
hic inquam magnus Anthonius ad eò ho-  
noravit sacerdotes, ut si vel minimus ei  
obvius fieret, ille genua flecteret, nec  
surgeret nisi prius receptā benedictione.

XV. Alii producunt Seraphicum Pa-  
trem Sanctum Franciscum, qui non fuit  
ausus, ut se sacerdotem ordinari permit-  
teret, quique dixit, quod si sacerdotem  
& Angelum obvium haberet, se citius &  
lubentius osculaturum manus sacerdo-  
tis, quàm Angeli. Alii adjungunt San-  
ctam Catharinam Senensem, quæ vesti-  
gia sacerdotum de osculari solebat.

XVI. Alii tandem in majorem con-  
fusionem Christianorum iis proponunt,  
& fa-

anno  
1005.

Ioseph  
11. ca  
anti  
Iud.

22. N

sep. 1



Ioseph. lib.  
11. cap. 2.  
antiquit.  
Iud.

& factum admirabile Regis Pagani. Recenset Iosephus, quòd Alexandro Magno fastu turgido & insolenti ob viatorias obrentas, & felicem successum armorum Ierosolymam intranti, obuius processerit Iudas summus sacerdos, habitu indutus Pontificali, caterva magna Levitarum stipatus. Alexandrum verò ad ejus conspectum fastum posuisse, crudelitatem misisse, equo descendisse, ejus genibus se adstravisse, & vexilla, quæ rubebant & rubicunda erant, qui est color bellicus & sanguinis, mutasse in insignia candida, templum intrasse, sacrificia obtulisse, & omnibus postularis sacerdotis annuisse. Dumque Parmenio summè admiraretur, & causam postularer, responsum velut dignum magnitudine sui nominis & generositate sui animi, dignum inquam, quod stylo adamantino sculptum in cordibus mereretur insculpi, ego non adoravi sacerdotem, sed Deum, à quo est sacerdos.

12. Num.

XVII. Ego hæc & similia exempla nolo adducere, sed solum exemplum illius, qui nequit fallere, & qui est exemplar & regula omnis certitudinis. Quando Deus cogitur punire peccatum alicujus sacerdotis, ille hoc non facit palam & publicè, sed clam & occultè, ita ut nemo scire possit à quo sit punitus, & hoc ne ex supplicio aliquem quis defectum iis affricet. In libro Numerorum Aaron, ejusque soror Maria idem peccatum patrant, contra suum fratrem Moysen murrant, nec tamen eodem modo puniuntur. Maria spectante toto populo fuit punita, & leprâ in vultu percussa. Aaron verò quia erat Sacerdos Dei, clam fuit punitus in tabernaculo. Præterea in libro Levitici, Nadab & Abiu Levitæ &

cap. 10.

nepotes Moysis habitu induti sacerdotali offerendo sacrificium, quendam defectum commiserunt contra ritus præscriptos, verum ignis altaris impetivit eos, & extinxit: At enim tanta cautela & circumspeditione hoc factum est, ut nec filum vestis carbasinæ, quâ amicti erant, cum tamen carbasus subtilis sit verum pabulum ignis, undè mortui visi sunt vestiti suo habitu, ut nemo judicaret eos esse punitos à Deo, sed apoplexia tactos, vel alio genere mortis occubuisse, tantam curam gerit Deus suorum Sacerdotum.

Tertio libro Regum Deus in vatem inobedientem leonem misit, qui eum præfocaret, sed & leoni præcepit, ne corpus dilaniaret Propheta, sed illud custodiret, donec aliquis veniret, qui illud terræ mandaret, ut ita nemo videret, illud à cælo punitum. 3. Regum 13.

XVIII. Sabac Rex Persarum & Artaxerxes cognominatus Lingomanus, nobiles delinquentes læsione vestium personâ illas puniebant. Magnus porro Deus contrarium agit, nam dum Ecclesiasticus delinquit, punit personam illæsis vestibus eorumque honore servato. Tu idem fac, & tuum Creatorem imitere. Quando recitas historiam, vel narras erratum alicujus religiosi aut Sacerdotis, parce vestibus, honora ecclesiam, recente factum reticendo conditionem personæ. Et sane nonne est res merito lugenda, quod Sacerdotes, qui incomparabiliter veneratione digniores sunt Sacerdotibus præcæ legis, minimus opifex, simplicissimus piscator, stupidissimus rusticus, qui eos non traducat sub prætextu, quod nonnulli sint vitiosi. Dato quod hoc ita sit, an ad te spectet de iis loqui?

b



loqui? An tu iudex illorum sis? Tu ne sis sapientior Salomone, nobilior Constantino, Illustrior Regibus, devotior Sancto Antonio, ardentior Sancto Francisco, innocentior Sancta Catharina, major Alexandro, divinior & magis zelans honorem divinum ipso Deo. An nescis, quod Cham filius degener maledictionem in se derivavit, quia suum patrem irrisit? An nescis pueros devoratos ab urso, eò quod injuriâ exiguâ prosciderunt Prophetam Elisæum? An ignoras, quod Dathan & Abiran terrâ hausti sint, eò quod murmurârunt contra suum Prælatum? An te latet, quod Deus dixerit per suum vatem, cave ne meos sacerdotes tanges, quod Iesus dixerit, qui vos tangit, tangit pupillam oculi mei, quod Apostolus dicat, qui resistit potestati superiorum, resistit Deo, & acquirit damnationem.

*Morale pro sacerdotibus.*

XIX. **I**Ta charissimi Patres, Domini venerabilis Cleri, videamus, ne vel minimam præbeamus ansam hujus temeritatis, ut nempe per nostras indevotiones, immodestias, irreverentias intra Ecclesias, conversationes nimis familiares cum fœminis, simus causa irreverentiarum & parvi respectus, quo hoc sæculum prosequitur nostram vocationem: *quomodo obscuratum est aurum, mutatus est color optimus?* quod devenit ille splendor, illa lux, illa coruscatio, quæ aliàs in statu Ecclesiastico resplenduit, ille honor, ille respectus, illa reverentia, ille timor filialis, quo in primitiva Ecclesia fideles sacerdotes prosequiebantur? quid causa est, quod omnia illa evanuerint, & obscurata sint? causa est, quod tunc sacer-

dotes non videbantur, nisi in altaribus & suggestibus, nunc verò eos reperire est in popinis, comœdiis, domibus aleatoriiis, societatibus mundanis. *Dispersi sunt omnes lapides sanctuarii in capite omnium platearum.*

Recordemini, quod nobis dicentibus in missa *Dominus vobiscum* non respondeatur, *Et tecum sed & cum spiritu tuo*, ut discamus, quod debeamus esse totus spiritus, & planè spirituales; quod nil deceat in nobis esse corporei, materialis, carnalis, quod advertit Sanctus Ioannes Chrysostomus. Quondam pro peccato unius sacerdotis offerebatur idem sacrificium, quod offerebatur pro peccatis totius populi, ut significetur, quod non rarè unicum tantùm peccatum unius sacerdotis coram Deo tam grave sit, ac plura peccata unius populi; similiter quod Sanctus Bernardus dicat, nugæ, quæ in ore secularium, sunt nugæ, in ore sacerdotis esse blasphemias.

In mentem vobis redeat, quod quædam devota anima apud Dionysium Carthusianum viderit pœnas purgatorii, & in eo paucos conspexerit Ecclesiasticos, quia audivit omnes salvari, si suæ obligationi satisficiant, aut damnentur, si in hoc deficiant. Eorum virtutes & vitia nequeunt esse mediocria. Sunt, inquit Sanctus Augustinus, similes illis imaginibus, quarum aliquæ fuerunt in summo gradu bonæ, aliæ in summo gradu malæ. Protoparens noster post peccatum nuditatem suam texit foliis ficus. Similiter dum seculares peccant, volunt obtegere sua malefacta, & ea pallio pravorum sacerdotum contegunt. Iesus nobis dicit: *Vos estis lux mundi*. Fœmina gravis sæpè læditur per fœtorem cande-

Psal. 109.  
v. 15,  
Zach. 2,  
v. 8.  
Rom. 15,

Thren. 4.  
v. 2,

Ier. 24. 7. 39



candelæ extinctæ. Nihil est, quodd frequentius enecet infantes Ecclesiæ in sinu hujus sacræ sponsæ, quod sæpius eos ex ejus visceribus extrahat per Apostasiam, quàm pravus odor alicujus Ecclesiastici vitiosus. Nos sumus sal terræ, sal educitur ex aqua, si aquæ rursus immitatur, vel uniatur, dissolvitur, & perdit proprietatem, quæ præservat à corruptione. *Aquæ multi populi multi, omnis Pontifex ex hominibus assumptus.* Sacerdos à plebe est separatus per consecrationem, quando se immiscet sæcularibus, & nimis sæpè cum illis conversatur, amittit suam auctoritatem, quâ polluit præservandâ corruptione peccatorum. *Ad nihilum valet ultra.*

Quando pavo in gyro suam ocellatam caudam ostendit, quando suas preciosas pennas monstrat, reliquæ aves eam suspiciunt, & quendam respectum naturalem erga eum habent. At quamprimùm suos thesauros celat, si aliis se immisceat, si epulis porcorum sese ingerat, nullus est pullus adeò parvus, qui nonumat animum eum fodicandi & irritandi.

Quando sacerdotem non videmus nisi in altari, choro, confessionali, omnes eum reverentur & suspiciunt, verùm si post officium divinum sese nugis hominum mundanorum, si à sua nobilitate degenerans frequentet popinas, ludos & recreationes mundi, nullus est rusticus adeò vilis, qui debitum respectum

erga eum non perdat, & qui ei non incipiat detrahare. Et quamvis vocemur presbyteri sæculares, hoc tamen idè non fit, quasi nobis fas sit, vitam ducere sæcularem, sed quia sumus iudices & directores sæcularium, & ut distinguamur ab Abbatibus, qui sunt iudices & superiores Regularium, non secus ac aliquis vocatur Præfectus in criminalibus, non quodd possit esse facinorosus, sed quia facinorosorum est iudex.

Nos sumus iudices aliorum, sed Deus est iudex noster, ille regit, abscondit, dissimulat nostros defectus; verùm eosdem accuratiùs examinabit, severiùs judicabit, & rigorosius puniet. Quæso te, Salvator Iesus, magne Pontifex animarum, ne permittas, ne tibi aniam demus, ne permittas, quodd dici queat, *ut populus, sic sacerdos.* Tu es nostra hereditas, tu es nostra fors, nostra legitima, nostra possessio, dum clericatui adscripti sumus, diximus; *Dominus pars hereditatis meæ.* Ne permittas, quodd dici de nobis queat. *Hereditas nostra versa est ad alienos;* & quodd ad alios magis pertineat, quàm ad nos; ne quæso finas, ut parvuli infantes in sacra communione sæpius, devotius, fructuosius te ament, honorèt, recipiant, quàm nos. Fac ô bone Iesu, & hanc nobis da gratiam, ut

*Te nostra Iesu vox sonet,  
nostrique mores exprimant,  
te nostra corda diligant  
nunc & per omne sæculum. Amen.*





# S E R M O

## QVINQVAGESIMVS QVARTVS

Pro Feflo immaculatæ conceptionis.

De obligatione Dominorum erga fervos.

*Liber generationis Iefu Chrifti Filii David. Matth. 1.*

### EXORDIUM.

**Q**uodfi attentius considerem genealogiam Iefu Chrifti, video illam effe valdè diverfam à genealogia aliorum Regum & Principum, in horum genealogia nemo promovetur ad folium, nemo donatur fceptro, nifi fit ex eadem familia & fanguine oriundus, & fuccedat vel in linea recta aut obliqua; ita, ut nulli admittantur fervi, pauperes, opilioes, opifices, at verò in Genealogia Chrifti totum contrarium evenit; nam in ea inveniuntur Reges, Principes, divites, fed & plebei, pauperes, opifices, imò fervi, & quidem meo fenfu non fine myfterio, ut Deus oftenderet & doceret in Genealogia Chrifti, & eorum, qui verè à Chrifto per fpiritualem propagationem & fidem descendunt, non tantum refpici illos, qui regunt, gubernant, aliis præfunt, fed & inferiorum maximè fervorum, & famulorum, ut fciant nempe Domini, quam obligationem habeant erga fervos, & quomodo illos in fucceffione ad regnū tanquam fratres fuos reputare debeant, de hac itaque obligatione hāc die cum Auctore in præfenti difcurfu agemus.

*Honora patrem & matrem tuam, ut fis longævus fuper terram. Exod. 20.*

**I.** Tanta debet intercedere bona correfpondentia & charitas inter fideles, ut superiores tenello & paterno amore profequantur inferiores, & inferiores ac fubditi refpectu & fubmiffione filiali ferantur erga superiores. Unde, quantumvis quartum præceptum, fi nudum corticem literæ fpectemus, quartum præceptum agat de obligatione reciproca parentum erga proles, & prolium erga parentes, attamen juxta fenfum & fignificationem intentam à Deo hoc præceptum etiam intelligitur de obligationibus fervorum & ancillarū erga Dominos ac Dominas, ac vice verſā, Dominorū & Dominarū erga fervos & ancillas. Nulla unquam, ò facerrima virgo, fuit fuperioritas excellentior & fublimer, quā tua. Tua auctoritas fuit adeò nobilis, eminens, digna, divina, ut Rex Regum fuam à te quafi feudatariam acceperit. Longo tempore fuit filius patris æterni, antequam tuus, efferet filius: attamen eodem tempore, quo incepit ejus fervus, etiam incepit tuus effe fubditus. *Erat fubditus tibi.* Et quidem quamdiu in hac

D. Ioa.  
v. 8.

I. P. I.  
Art. 4.



in hac vita vixit, adeo perfecte tuam studuit adimplere voluntatem, & tam stabilem huius indolem contraxit, ut & in cœlo adhuc illam indolem servet, & tuas preces audiat, quas fundis pro miseris peccatoribus, qui ad tuum confugiunt subsidium, uti nos confugimus, te devote salutando; *Ave Maria.*

IDEA SERMONIS.

*An inter Christianos debeant esse servi?*

EXORDIUM.

D. Ioann. 3. v. 8.

**D**ilectus Christi discipulus Sanctus Ioannes Evangelista loquens de incarnatione, & motivis valde urgentibus, quæ verbum divinum induxerunt ad hoc mysterium complendum & perficiendum, dicit, quod dignatus sit descendere in hanc vallem, & nostram assumere naturam, ut ita nempe repararet opera Dei, opera destrueret diaboli, effectus annihilaret peccati, & nos restitueret iuri & privilegiis, quæ habuimus in sæculo auri innocentiae & iustitiae originalis. Porro inter incommoditates temporales, quas peccatum mundo attulit, unum nostrae inclinationi naturali gravius, molestius, terribilius & magis contrarium fuit servitus, & subiectio. Et quidem verum est, quod juxta Theologiam explicatam à Sancto Thoma, in statu innocentiae fuissent superiores, cum ibi fuisset diversitas, inæqualitas ætatis, sexus, animorum, scientiae, virtutis, sed tamen superioritas illa debebat esse dulcis, paterna, amorosa, condolens & non auster, tyrannica, imperiosa, arrogans; superioritas directiva, non dominativa, suavis, non imperativa, politica, non de-

spotica, utilis & proficua, & non molesta ac gravis. Sanctus Pater Augustinus optime observat, quod Dominus Deus ante peccatum solum homini concesserit imperium super pisces, aves & quadrupedia, & reliqua animalia, & non super homines: *Præsit piscibus maris, volatilibus cœli, & non hominibus; hominem rationalem factum ad imaginem suam, noluit nisi irrationalibus dominari, non hominem homini, sed hominem pecori.* Et hæc est causa, uti idem Sanctus adjungit, & etiam observat Sanctus Ioannes Chrysostomus, quod *primi iussi pastores pecorum, magis quam Reges hominum constituti sunt.*

Lib. 19. de civit. c. 15.

Hom. 29. in Gen.

Et profecto si veritatem dicere velimus, non nisi post peccatū Cham, quem justus Noë cum sua posteritate in pœnā irrisionis paternæ condemnans nomen, & verbum mancipii, & servi invenio. Iesus itaque venit, ut destrueret effectus peccati, & in nobis prærogativas & jura status innocentiae reproduceret, & ejus intentio fuit, ne inter Christianos, ut propriè loquamur, essent servi, aut si inter eos servi essent, ne crudeliter, imperiosè, & velut mancipēs tractentur, sed civiliter, amicabiliter, velut fratres, ita ut inter servos ac dominos detur mutua servitus, vel ut melius dicam, assistentia, obsequia, & officia reciproca charitatis.

Gen. 9. v. 29.

PUNCTUM PRIMUM.

*Exhortatio ad Dominos pro charitate in servos. Probatur primò scriptura, secundo Patribus, tertio rationibus, primò ex parte Dei, secundo ex parte servorum, quia sunt homines sicut tu, fratres tui, fratres Christi, pœnitentiam agentes. Tertio ex parte tui spiritualiter, temporaliter: quartò ex*



parte familia. Quarto exemplis, primò Naaman, secundo Petri à Luxenburgo, tertio Sancti Martini, quarto Sancti Pauli, quinto Angeli, sexto Christi.

III. **A**T enim Assertor noster in nocte suæ mortis, quando testamentum condidit, & suam voluntatem diserte declaravit, expresse dixit: *Reges gentium dominantur eorum, vos autem non sic.* Prævidit, quòd in sua Ecclesia futuri erant Reges, & Principes, & ideo dixit: Ego nolo Reges Christiani imitentur Imperatores Ethnicorum, qui prætendunt dominari, & imperare suis vassallis, sed volo ut illis præeant, & illos regant. Et à fortiori hoc intelligit de superioribus subalternis. Ulterius sanctus Petrus Apostolus, loquens de Prælati Ecclesiasticis, ait: *Non dominantes gregi, sed forma sacri gregis:* non solum dixit, quòd debeant esse idea, prototypon, exemplar, sed forma gregis, nam forma sese communicat, sese dat, sese liberaliter omnibus subjectis, quorum est forma, largitur. Et Sanctus Paulus, postquam hortatus esset servos, ut sincere, cum affectione, timore Domini suis serviant, hæc dixit heris, *Et vos Domini eadem facite illis.*

IV. Hinc optimè dicit Augustinus: *In domo iusti viventis (imò verorum Christianorum) ex fide etiam qui imperant, serviunt eis, quibus videntur imperare; nec enim dominandi cupiditate imperant, sed officio consulendi, nec principandi superbia, sed providendi misericordia.* Idem Sanctus Pater advertit, quòd juxta regulas humilitatis Christianæ, *magis debent patres, quod dominantur servi, to-*

*lerare, quàm quòd serviunt.* Et rursus de ibid, iustis, de quibus scriptura facit mentionem, inquit: *Qui veri patres familiæ sunt, omnibus in familia sua tanquam filiis ad consulendum, & promerendum Deum consulunt.* Veri iusti servos habent velut filios, & iis in spiritualibus, & negotiis animæ non minus, quàm filiis provident. Et ab hoc dicit derivari nomen patrisfamiliæ, quò in iustiores libenter honorantur; quia sunt patresfamiliæ, non magistrifamiliæ.

Hoc verbum Familia derivatur à *Famulus*. Quod si verus sis paterfamiliæ, inquit Sanctus Augustinus, tu in id eris, ut tui famuli serviant Deo, & lucentur paradysum, ac si essent tui filii. Et sanè summè necessarium est, ut illis suo tempore, in principio, quando vobis servire incipiunt, & vestro servitio se tradunt, inculcetis, & opportunè subindè repetatis hanc doctrinam: Charissime id scias velim, quòd te potius conducam, ut servias Deo, quàm mihi, non ita faciliter ignovero offensas, quas irrogaveris Deo, quàm quas irrogaveris mihi. Volo ut salutem tuam cures, Deum genuflexus manè & vespere adores, cave sis ne jures, quia, si juraveris, non tibi credam, cave, ne verba proferas impudica, volo quolibet mense confitearis. Tu quandoque infantibus & prolibus adesse, curam gerere officinæ debes, & tuos famulos ac ancillas mittere ad concionem. Tu satis scis, & illi valde rudes sunt, tu loco Concionis potes legere Græcæ, vel alium librum spiritualem; illi autem legere non sciunt.

V. Et nonné hoc æquum est, magis spectant ad Deum, quàm ad te, adeoque



que magis obligantur servire Deo, quàm tibi, nec debent tibi servire, nisi ex amore Dei: *mei enim*, inquit, *servi sunt, ne affligas eos per potentiam*, quod si aliquis ex tuis amicis tibi dedisset servum, tu ex respectu illius servum illum æstimares. Tuus servus spectat ad Deum, est æquè creatura illius, ac tu. Hoc est, quod considerabat Iob: *Nunquid non in utero fecit me, qui & illum operatus est?*

VI. Tu eodem modo productus es, quo ille, ex nihilo extractus sicut ipse, idem creator, qui te formavit, ille & formavit eundem, non minus est opus Dei, quàm tu. Sed quid dico opus Dei? Est ejus filius per adoptionem. Sanctus Chromarius Martyr, præfectus Romæ, postquàm omnia sua mancipia convertisset, & baptizari fecisset, eos libertati reddidit, dicens; Nunc es filius Dei, non ergò decet, ut sis mancipium hominis. Et profectò res valdè indecens est, quòd tractes illum servum, velut mancipium, & ad remos damnatum, velut bestiam, qui est filius Dei, & cohærenter tuus frater. Sanctus Paulus scribens cuidam illustri nobili Colossensi nomine Philemoni in favorem ejus mancipii Onesimi ait: Ego tibi remitto tuum servum, quem converti, ne eum deinceps tractes ut mancipium, sed velut tuum fratrem. Quin immò tu nobilis, quantum vis sis nobilis & illustris, tu tuum servum debes habere, velut tuum fratrem, regeneratum eodem baptismo in eodem sinu Ecclesiæ, redemptum eodem sanguine, participantem eadem sacramenta, eodem spiritu sanctificatum, eodem corpore adorando vescentem. Sed

quid dico tuus frater? inquit Sanctus Chrysostomus. Ille est frater Iesu, filius ejusdem patris, ad eandem gloriam vocatus, coheres ejusdem regni. Ille pœnitet & patitur cum Iesu, ille meretur regnare, & glorificari cum illo. Et annon tibi videntur, magnam, & meritoriam agere pœnitentiam, si sua agant, sicut oportet, interim dum alii toto die mensæ assident, helluantur, deliciis diffluent, voluptuantur, dormiunt, ludunt, exspatiantur, quando volunt, illis tantum reliquæ maneat, semper instant vestigiis dominorum, capite nudato, ita ut suam mentem aperire non audeant, in seram incumbere noctem, summo surgere manè, alterius semper subijci voluntati, mille actiones contra propriam facere inclinationem, pendere à nutu tertii, quarti, à Domino, à Domiella, ab ejus patre, matre, infantibus? quod si has mortificationes virtuosè & ex amore Dei tolerare sciant, dicam, quòd nullus sit Religiosus, qui rigidiores toleret.

Unus Laicus Religiosus ubique honoratur, & quidem in ipsis palatiis magnatum, ille habet suas horas, quibus quiescat, & ferietur, non habet nisi superiorem, cui satisfaciat, nulli alteri subditus est, si labores suos subeat & mortificationes, suscipitur velut Sanctus, si sit infirmus, servitur ei tanquam Principi, tantò diligitur affectu, ut potius calices venderentur, quàm ut quid ei deesse patiantur. Verùm miselli servi ubique humiliantur, contemnuntur, conculcantur, irridentur, & tractantur velut scoparii domus. Pœnitent in hoc mundo, hic habent

Chrysost.  
hom. 22.  
in Epist. ad  
Ephes.

Levit. 25.

v. 42.

Iob. 31.

v. 15.



habent suum purgatorium, nec verò simile est, quòd diu in purgatorio post hanc vitam sint manfuri.

VII. Te ad cœlum anteibunt, Namque in cœlo erunt, tu eorum auxilium implorabis, & si eos malè tractaveris, Deus non permittet, ut tibi succurrant, sicut non permisit, ut Lazarus guttam aquæ daret diviti, qui ei micas panis in hac vita negârat. Nec hæc ego dico, ut aduler, & palpum obtrudam vestris famulis, sed Iesus est, qui vos monet, qui-que vobis hoc salutare monitum tradit: *Facite vobis amicos de māmmona iniquitatis, ut cum defeceritis, recipiant vos in aeterna tabernacula.* Affectum servorum & pauperum vobis conciliate, ut post hanc vitam cœlo vos admittant.

VIII. Et sanè de vestro etiam agitur commodò temporali, si eos benè & laute tractetis, quia eorum cor lucrabimini, & quodsi illud lucrati fueritis, omnia lucrati estis; cor est arx & castellum in homine, illò expugnatò, omnia reliqua levi negotio obtinebuntur. Quodsi servus tuus tibi fuerit affectus, & te amet, plus uno die faciet, quàm aliàs intra unā septimanam; quodsi geras curam ejus salutis, ille amorem & timorem Dei habebit, omnia facit voluntariè, & hilari-ter, uti inculcat Sanctus Paulus. Quodsi timeat Deum, ille timebit Deum offendere te offendendo, ille sollicitus erit, & anxius, ne lædat suam conscientiam, tua bona, & famam, ille nunquam deerit obedientiæ, honori, fidelitati, quam tibi debet.

IX. Sanctus Ephrem Diaconus Edesenus narrât, cuidam honesto civi fuisse famulum quendam, qui fuit alter Ioseph, adedò conscientiosus, & fidelis suo Do-

mino, ut hic ejus fidelitati omnia commiserit. Hic servus devotione quadam tactus, aut pravo consilio instigatus, aut sinistro casu pulsus in eremum concedere, & albo religiosorum sese adnumerare decrevit. Herus ejus illubenter famulum adedò sedulum & fidelem amittens, omni modo hoc ei dissuadere tentavit, sed frustra. Paucis elapsis annis hic miser religiosus eremum, & vitam monasticam pertæsus suum herum repetiit, morbum suum ei detexit, domo ejus admitti petiit, & pristino servitio, & muneri restitui, spondens sedulio-rem & fidelio-rem operam, quàm antè. Sed quid ad hæc herus? Absit hoc à me, si vota Deo tuo omnipotenti & immortalis facta violasti, quomodo ego à te mihi homini mortali, peccatori fidem & fidelitatem queam polliceri? Religiosus ad hanc objurgationem, tanquam repentino fulmine percussus, totus pudibundus ad suam cellulam rediit. Et quidem hic civis fundatissimè discurret: Nam si servi non sint fideles Deo, multò minùse- runt suis Dominis; si perjuriis, blasphemiiis, ob nihil offendant Deum, multò magis id facient ob lucrum, & pecuniam quàm tibi auferunt, vel quam sperant ex eo si te prodant.

X. Præterea si sint perversi, illi proli- bus tuis sua vitia affricabunt, & colore scelerum eos tingent; nam illæ à servis tuis addiscent levitates, petulantias, imprecationes, & servi omnibus domesticis pravas suas inclinationes instillabunt, & maledictionem Dei in tuam familiam derivabunt: Econtrà si sint virtuosus Deus tuæ domui ob eos benedicet, sicut benedixit domui Laban ob Iacob; domui Putiphar ob Ioseph, domui Nebuchodonoso-

Lib. 93. de  
Præca. Spi-  
ritui Præ-  
cepto: 36.

4. Reg.  
v. 13.



for propter Daniele, domui Assueri propter Mardocheum, Iunioris Principis VVandalorû propter Sanctum Paulinum. Immo quandoque unus probus famulus, una devota ancilla, est tota benedictio, & salus domus.

XI. Id contestatur Naaman supremus præfectus Regis Syriæ. Hic leprâ infectus, doloribus corporis conficiebatur, ancilla vilis quam domi alebat, spiritus sumpsit hæc heræ suæ dicendi: Utinam, quanvis id mihi multo constaret, Dominus meus concederet in meam patriam, quia in illâ degit vates Elisæus, qui certò certius eum curabit. Naaman his verbis innixus proficiscitur Samariam, & Propheta ei mandat, ut lavetur septies in Iordane. Verum dum hic totus bile inflammatus spreto illo mandato rediret, servi ejus illi dixerunt: *Pater, & si rem grandem tibi dixisset propheta, certò facere debueras, quantò magis quia nunc dixit tibi, lavare, & mundaberis?* Ille fidem iis adhibuit, lavit se, & sanitati restitutus exit. Viden quomodo hic Archistrategus Syriæ, Dominus tantus, permittat à vili mancipio hoc sibi consilium suggeri. Ille adeò fuit affabilis erga servos, ut eum patrem nuncuparint: *Pater, & si rem grandem dixisset tibi, ille consilio eorum, contrà propriam opinionem acquievit, & profectum fecit.*

XII. Beatissimus ille Petrus Luxemburgensis, sanguine ortus Regio, Merensium Archiepiscopus, Cardinalis adeò Sanctus, ut quatuor millia miracula pro Feste immaculatæ Conceptionis patrarit, ultimæ lineæ, & morti admotus (quando nimirum Sancti magis illustrati sunt, cum tunc lumini Gloriæ sint viciniore) omnes servos advocavit, cos-

que rogavit, num contenti essent, dein humillimè veniam ab eis rogavit, eò quod illos non appellasset suos fratres, & coram iis pœnitentiam subiit valde atrocem, & à quolibet flagris excipi voluit.

XIII. Sanctus Martinus non solum Episcopus, baptizatus, sed & cathecumenus, & sub signis Imperatoris militans suavissimè eos suaviatus est, & cum iis velut propriis fratribus egit. Sanctus Paulus postquam in tertio cœlo addidicisset modum perfectæ vivendi, literas expressas dedit ad quendam nobilem, & quidem contrà morem propriâ manu signatas, epistolam integram, epistolam quæ numeratur inter libros canonicos, epistolam in quâ non solum adhibuit opes suæ Rhetoricæ naturalis & acquiratæ, sed thesauros eloquentiæ Sancti Spiritus quem possidebat, & qui scripturas canonicas dictavit, hoc inquam epistolium dedit ad Philemonem, ut ei commendaret mancipium & quidem fugitivum, quod Dominum suum spoliaret. Hunc servum, quia Christianum, vocavit suum amantissimum, suum fratrem, suum filium, & sua viscera. Sic itaque scripsit ad hunc nobilem: mihi imputa ejus erratum, suscipe illum sicut me, habe illum ut tuum fratrem *in carne, & in Domino*. Tanta res est digna fidei, conformis sanctitati, & humilitati Christianæ curam habere servorum.

XIV. Sacer Geneseos liber commemorat Angelum binis vicibus de cœlo descendisse, ut miscellam ancillam Agar in silvâ oberrantem consolaretur, ut ei suam obligationem remonstraret, eamque hortaretur, ut ad domum sui Heri Abrahæ rediret, essetque humilior quam antè. Sed quale exemplum efficacius &



Ioan. 13.

magis authenticum possum adducere, quam exemplum Iesu: Ille quâdam vice dixit ad Apostolos: *vos vocatis me magister & Domine, & bene dicitis, sum etenim*: verum ego, *Non dicam vos servos, sed amicos*. Et iterum: *Non venit ministrari* (puta Filius hominis) *sed ministrare*. Sed quomodo hoc subsistit? An non Maria, Martha, mulieres devotæ quæ cum sequebantur illi serviverunt? Audi, ille hoc admisit, non tanquam debita obligatoria, & servitia necessaria, sed tanquam charitatis & misericordiæ, quæ alicui exhibemus in necessitate. Si ita fores dispositus erga tuos servos, mehercule non ita eos tractares, sicut modo tractas, rependeres eis officia charitatis & iustitiæ Christianæ, quæ eis debes, & hoc tribus modis, nempe corde, verbis, opere, ut hoc puncto dicam.

## PUNCTUM SECUNDUM.

**D**Ebita Dominorum in servos, primo corde, secundo ore, tertio opere. Invektiva in Dominos qui seducunt ancillas suas, Primo ex parte ancillæ, secundo Domini, tertio peccati. Monita pro servis.

2. Cor. 13.

XV. Et quidem primò officia charitatis & iustitiæ Christianæ eis teneris exhibere, quia sunt tui servi, & proximi, ad quos amandos velut teipsum, obligat lex naturæ: Sunt Christiani, sicut & tu, lex autem Christi obligat ut amemus omnes Christianos amore benevolentiae. Si charitatem non habeas, inquit S. Paulus, nihiles: Charitas porro non est amor concupiscentiæ, spectans proprium lucrum & commodum; unde si veram charitatem habeas, non solum amabis eos, quando sunt dextri, robusti, for-

tes, sani, sed & quando sunt stupidi, debiles, rudes, infirmi. Erunt tibi sicut bono Evangelico Centurioni fuit charus & pretiosus servus ejus, quamvis infirmus, & paralyticus, qui est morbus incurabilis: *Erat illi pretiosus*. Ille amicos ad Christum ablegavit, ille ipsemet eum adivit.

Matth. 8.

XVI. Si hanc charitatem erga eum habeas, tu non dedignaberis ut eum instruas vel instrui facias, in cognitione, timore, & amore Dei, tu eum mittes ad conciones, ancillas tuas ad doctrinam Christianam, ad tuum confessarium. Tu eos per te vel alios docebis mysteria Trinitatis, Incarnationis, Eucharistiæ, mandata Dei, quomodo debeant confiteri, manè & vespere orare: *Qui misericordiam habet, docet, & erudit, quasi pastor gregem suum*. Et quidem observare licet, quod Apostoli in suis epistolis canonice in id magis incubuerint ut servos instruerent quam quoscunque alios. Sanctus Petrus eos instruit epistolâ suâ secundâ: Sanctus Paulus primâ epistolâ ad Corinthios capite septimo, ad Ephesios sexto, ad Colossenses tertio, ad Hebræos decimo tertio, primâ ad Timotheum sexto, ad Titum secundo.

Ephes. 6.

Proverb. 29.

Eccles. 18, v. 23.

XVII. Sanctus Chrysostomus egregiè dicit, nil esse miri quod servi sint virtuosissimi, nam nullus laborat ut instruantur in virtutibus: Domini solum in id sunt ut serviant: cum tamen proles qui habent suos parentes, præceptores, pedagogos, qui iis invigilant, qui iis non permittunt libertatem eundi quô lubet, qui eos plurium annorum spatio ad pietatem, honestatem, bonos mores erudiant & assuefaciunt, proles, inquam, quas



quas à dissolutionibus, petulantis, levitatibus deberet abstergere consideratio nativitatis, conditionis, familiæ, quos deberet coercere timor parentum, hoc non obstante sese vix coercere queant à levitatibus & dissolutionibus; quid ergo inquit os aureum miri est, quod famuli quibus nemo invigilat, quos nemo instruit, quos nemo arguit, punit, docet, in vitia ruant? Tu quidem subinde eos increpas, sed id agis ob proprium lucrum, *Remittentes minas*, dum eorum transgressionibus tibi sunt nocivæ, eos perstringis, sed bile inflammatus, fulminando, minando, blasphemando, imprecando, maledicendo, tonando: *Qui conturbat domum suam possidebit ventos*. Quando taliter servos increpas, non possides nisi ventos, quia famuli verbis compositis tibi respondent, coram te compositè segerunt, verum mox ut tergum vertisti, os distorquent, te irrident, petulantias exercent, & quis est hujus rei causa? Correctio importuna est medicina, si sæpius detur infirmo, vix aliquid operatur, quia stomachus jam iis assuetus est. Ita quoque est cum correctione, si sæpius & fermè semper tuos famulos objurges, tu eos tuis clamoribus stupefacis, dicunt id esse panem quotidianum, & correctio nullum habet effectum in iis: *Ab assuetis non fit passio*.

XVIII. Quoad opera: Tu debes in id incumbere ut tua familia sit quidam microcosmus, debes imitari Deum, qui in hoc mundo, qui est velut quædam familia, omnia disponit in numero, pondere, & mensurâ. In numero, ne nimirum ob luxum & ambitionem debeas habere plures famulos, quam conveniat tuo

statui, & modestiæ christianæ. In numero, ne avaritia causa sit, ut pauciores habeas quam sit necessarium. Quando famuli sunt nimis multi, sunt desides, unus impedit alterum, unus alterius servitio se ingerit, tu non bene illis solvis. Si verò sint nimis pauci, obruuntur, obiter omnia faciunt & festinanter, tu conquereris, & illi etiam, non habent tempus rogandi Deum ut evadant probi; sunt instrumenta viva: Iuxta Aristotelem, instrumenta debent esse regulata, definita, proportionata operi: Si sint nimis multi sese impediunt & sibi nocent, si sint nimis pauci, non possunt bene sese juvare. In pondere, ut omnia nimirum domi tuæ fiant ordinatè, ut nimirum cuncta disponas, distribuas, & munera, officia des juxta cuiusque merita, uti videmus à creatore elementa collocari in illo loco quem quodlibet ex naturâ suâ exigit, ita ut nobiliora & leviora possint in loco superiori, ignobiliora & magis gravia & materialia, in loco infimo, & centro terræ. Tu verò eos amas tenerius, iis domi tuæ præ reliquis faves, non qui id merentur, sed qui melius sciunt fingere, simulare, adulari, qui omnia ad te deferunt, qui tuis melius se sciunt accommodare imperfectionibus, & hoc profectò non est bilancem justitiæ rectè tenere, & omnia disponere in pondere.

In mensurâ, hoc est ut onera & labores quos iis imponis, viribus, talentis, capacitati cuiuscunque sint conformes, & commensurati, ut stipendium respondeat laboribus, diligentia temporis quo tibi servierunt. Nec te excusatum coram Deo putes, si iis non solvas stipendium labori eorum æquale &

Lib. 1. Po.  
lit. c. 8 &  
Lib. 7. c. 1.



convenient, quia sunt pauperes, derelicti, nescientes quo confugere possint. Dic sodes, an si emeris frumenta, ligna, stannum à quodam misello, qui necessitate coactus illa vendit intrà medietatem prætii quo valent, an immunis fores à peccato, & obligatione restituendi? Tu sudores famulorum tuorum emis intrà medietatem iusti prætii quo valent reipsa, & in opinione prudentum, quomodo ergo putes te coram Deo iustificatum? An te impunem mansurum putes, si eos tractes velut mancipia, si eos pascas velut relegatos ad triremes, aut velut canes? si iis non des plus quam promiseris, si eos per minas impedias ne ad alium Dominum transeant, apud quem pinguius salarium essent reperturi? An te culpæ expertem censeas, si iis stipendium retineas, vel illud minuas, quia aliquid amissum est, eorum curæ non commissum. Tu non es certus, quod eam rem furati sint, sed tamen es certus quod iis debeas stipendium. Quomodo ergo debitum certum possis retinere per compensationem debiti incerti? Audi quid jubeat Deus: *Non morabitur apud te opus mercenarii usque manè, eadem die reddes ei pretium laboris sui ante solis occasum, quia pauper est, ne clamet ad Dominum & reputetur tibi in peccatum.* Tu ad duos vel tres annos differs solutionem stipendii, nec solvis tuis ancillis, & per hanc moram in causâ es quod emant apud mercatorem credito, & quidem carius, quam si emerent numeratâ pecuniâ, & adhuc te excusatum putes? An adhuc hoc non obstante omni septimanâ communices, & scœmina proba haberi velis?

Levit 19.v.  
13.  
Deut. 24.  
v. 14.

*Invectiva in Dominos qui seducunt ancillas.*

XIX. **V**erum enim verò, quòd si tantum piaculum sit exiguam summam tuæ ancillæ retinere, quale non erit horribile & execrandum scelus, illud ei auferre, quod ei in hoc mundo carius & pretiosius esse deberet, nempe honor & pudicitia? ô te misellam filiam, ô orphanam pauperulam, ô misellam desolatam! illa miseriis temporis, fame, necessitate, inopiâ, velut navis fluctibus agitata ad tuam confugit domum, sperans quod in eâ tanquam in portu secura delitescere posset, sed delusa invenit Charybdim. Illa naufragium & jacturam facit illius, à quo eam fors adversa præservavit. Quid quæso misella faciet post tantam jacturam? Tu illam ad voluptatem pellexisti, tu ei funem vitiorum porrexisti, illa si permittatur, committet decem, centum, millena peccata, quæ tibi imputabuntur, & hoc idèò, quia eorum es causa, tu princeps es & primus motor quod tot peccata cogitatione, verbo, opere patret. Satiùs ei fuisset intrare in antrum Leonum, quam in tuam domum; melius ei fuisset si incidisset in tygrim vel Leopardum, qui eam dilaniasset, & discerpisset, perdidisset siquidem tunc tantum vitam caducam & fluxibilem, ubi nunc per tuam culpam amisit corpus, animam, salutem, honorem, gratiam Dei, quietem conscientie, jus ad vitam æternam.

XX. Tu qui ejus es Dominus, qui ei suam obligationem ostendere deberes, qui ejus deberes Zelare honorem, qui deberes esse pater, & hoc quia vocaris pater-



paterfamilias, quomodo auctoritate tibi à Deo concessa tam turpiter abuteris? *Non est potestas nisi à Deo*, adeòque tu illam à Deo habes, & consequenter hæc potestas est res sacra, emanatio, & participatio superioritatis Dei, ita ut sub hoc respectu ancillæ tuæ te debeant revereri, & honorare. Quomodò ergò tu rem adeò sacram profanas, & eam committis unam ex magis infamibus, execrandis, perversis actionibus, quam quis possit concipere, nempe quod polluas & contamines simplicitatem & puritatem pauperis innocentis?

XXI. Et ubi est fides publica? ubi est jus gentium? ubi est respectus quem debes legibus divinis & humanis? Quid si ancilla tua tibi clepsisset aurum aut argenteum scyphum ut egestati suæ matris succurreret, quid quæso diceres? Tu in eam debacchareris, tu tonares, fulminares, convitiis & contumeliis nescio qualibus eam obrueres. Tu eam cogeres ambulare in jus, tu eam curares in carcerem conjici, & in exemplum aliorum puniri. Quid? Illane ausa fuit committere furtum domesticum? Quid ultra non attentabit? ubi erimus tuti si non sumus securi in nostrâ domo? sed ad sis parumper, quare tu gravius delinquis, dum non ex necessitate, paupertate, sed merâ voluptate illectus bestiali, vis illam spoliare pretiosiori thesauro, quam sit omne argentum & aurum totius mundi? An tu adeò temerarius sis ut eam exuas illo, quod tot prudentes puellæ prætulerunt propriæ vitæ, & virgo virginum tanti fecit, ut maluerit non esse mater Dei, quam illo carere? An te putes impunitum mansurum? An ita stolidus sis, ut credas Patrem orphanorum, iustissi-

mum, & formidandum vindicem oppressionum tyrannicarum, hoc non ægrè sit laturus. Leges humanæ non magnam faciunt differentiam inter peccata Dominorum erga servos, & servorum erga dominos, quia utraque graviter puniunt: sed leges divinæ, idem non faciunt, inquit Sanctus Chrysostomus, quamvis enim fores princeps, quamvis fores Rex, si tamen opprimas servos, tu gravius punieris quam aliquis, & quidem vilissimus: *Exiguè conceditur misericordia, potentes potenter Tormenta patientur, non est acceptio personarum apud Deum*, coram eo, in ejus tribunali nullus est Dominus, princeps, Rex, quia omnes apud eum sunt servi, plebei, mancipia. Si sis potens, potenter tua crimina puniet, si sis servus nullam excusationem afferre poteris, quam admittat. Dicere haud poteris, ego quidem tale patravi peccatum, sed illubenter id feci, jussus à Domino, tu tuo damno jussu supremi Domini invitus damnaberis.

XXII. Et quæso te, quis majus habet jus tibi imperandi, Creator an creatura? quod si Dominus tuus aliquid tibi præciperet contra jussum Regis, an tu obligareris ei obedire? quomodo ergo ausis ei obedire contra mandatum Dei? cui magis obligaris an Deo vel homini mortali? an forsitan tuus Dominus te creavit, redemit, pro te sanguinem suum fudit? Dominus sustentat tuum corpus, sed Deus propriam vitam ex amore erga te profudit. Herus tibi dat panem & cibos ad nutriendum corpus, sed Iesus te nutrit pane Angelorum, carne pretiosa, & adorandâ. Dominus tuus te lætat bellis promissis, ille tibi montes pollicetur aureos, casu quo ejus consentias libidini

Hom. 22  
in Epist. ad  
Ephes.



bestiali. O simplex & misella, an non simplex es, si ejus fidem præbeas pollicitationibus? an non vidisti plures alias quæ tam speciosis promissis deceptæ in mille miseras sunt prolapsæ? postquam te defloraverit, te irridebit, & è domo pellet. Ostende te sapientiore esse, quam ipse putet. Tam audacter, & generosè primæ ejus sollicitationi resiste, ut alterâ vice non ausit redire, quod si ad impura te sollicitet, veniam abeundi roga. Quantumvis sit levis & perversus, attamen bonam de te concipiet opinionem, & te suspiciet, quia virtus ubique se conspicuam reddit, ubique suspiciuntur illi, quos constat esse in gratiâ Dei; illos meritò judicamus fideles esse hominibus, qui fideles sunt Deo. David non nisi vilis fuit opilio, Saul magnus Rex, & tamen hic timuit Davidem, quia erat justus, ipse vero perversus. Patriarcha Ioseph alienigena, & mancipium fuit in domo Putipharis, & tamen quia judicabatur timere Deum, ideo in tanta estimatione, & gratia fuit apud suum Dominum. Tu eum imitare, & potius eligas innocenter calumniis traduci, in profundissimum deturbari carcerem, periculum incurrere vitæ, quam adulterium committere, & sollicitationibus tui heri parere. Verum Deo dante cras ex fundamento de servis loquemur.

*Conclusio per recapitulationem.*

XXIII. **C**oncludamus itaque, & compendio, ac per recapitulationem eorum omnium, quæ in hoc discursu diximus, Dominos instruamus: si verus sis Christianus, hoc est verus discipulus IESU, ejus regulis & axiomatibus credens, tu debes suaviare tuos fa-

mulos, tu teneriter debes eos diligere, ac eos reverenter suspicere, sunt quippe imagines Dei, ejus effigies affabrè sculpta, figuræ divinitatis ejus, imagines factæ non per pictorem mortalem sed per manem cunctipotentem Creatoris in tela nobilissima & excellentissima, sunt membra Christi insita, & inserta ejus corpori, ejus spiritu animata, ejus carne nutrita, ejus caractere signata, ejus gratia sanctificata. Sunt templa spiritus sancti; immò sanctus Paulus declarat, quod eorum corpora sint domicilium, & sanctuarium ejusdem spiritus: *membra vestra templum sunt spiritus sancti*; tu tamen nō magis curas eos, quam si essent mancipia, pagani, bestię irracionales.

1. Cor. 6.  
v. 19.

*Videte ne contemnatis, Angeli enim eorum, semper vident faciem patris.* Angeli custodes tanti eos æstimant, ut ad Deum certatim eorum preces, & bona opera deferant. *Ambitioso* inquit sanctus Hilarius *famulari*. Si erga eos sis crudelis, & inhumanus offendis eorum Angelos.

Sunt instrumenta viva, & animata tuorum propositorum, affectu tibi conjuncti si fuerint utiliores erunt, quod si sint probi, & te ament, illi curam habebunt tuarum prolium, illi virtutis ideam illis instillabunt, & honorem habebis coram Deo, & hominibus, dicetur talis Dominus, talis servus. Tandem ama eos, ut te ament, ignis ignem accendit, amor amorem reciprocum producit.

*hoc non fit verbis, Marce ut ameris ama.*

Quod si eos ames, id monstra effectui, nec iis præcipias aliquid mali, vel difficile, ne iis verba des dura & ignominiosa.

sa.



fa. An tu ita fecifti, an tu talis fecifti? ita loquendum eft mancipiis gentilibus, & non fratribus Christianis. Eos perfringe charitative, & non imprecando, falus eorum tibi curæ fit, nec negligas interim corporum fanitatem, Et quamvis fint te inferiores, attamen tu eorum es confervus, & cum iis fervis Deo, ille tibi eadem menfura remetietur, quâ menfus es iis. Si erga eos fueris feverus, ille tibi feverus erit, rigorofus, & implacabilis in iudicio: uti directè affert in Sancto Matthæo. Tu fperas quod te falvabit, & quod tibi futurus fit mifericors, fed meliori iure mifericordiam præftabit tuis famulis & ancillis, quia eorum peccata, attentâ eorundem ruditate, ignorantia, infirmitate magis excufabilia funt. Et quia per fuam vitam humilem, & laboriofam pœnitentiam agunt, dicere poffunt cum prophe-

ta: vide humilitatem meam, & laborem meum, & dimitte univerfa delicta mea. Matth. 23.

Erunt objectum favorum & benedictionum Dei, *venite benedicti*. Et cur agis ut fint objectum tuarum injuriarum, & maledictionum? erunt Reges in cœlo, cur ego eos hic tractas velut mancipia? erunt fimiles Archangelis, cur ergo eos vilipendis velut bestias. Tecum in nuptiis Agni convivabuntur, ergo debes conari, ut reddantur capaces qui dignè participant in facris feftis fponfaliorum Sacram Euchariftiam. Nunc debes hic inferius id incipere, quod poftea cum iis facies per totam æternitatem feculorum fuperius in cœlo, in quo vos invicem amabitis, vos invicem beatificabitis, & excitabitis ad amandum, benedicendum, laudandum & glorificandum fupremū Dominum per omnia fecula feculorum Amen.

## S E R M O QVINQVAGESIMVS QVINTVS pro Feflo Sancti Thomæ Apoftoli.

De debito fervorum erga Dominos.

*Noli effe incredulus fed fidelis. Joann. 20.*

**P**rofecto hæc verba, quæ Chriftus hodie dixit sancto Apoftolo Thomæ plurimis hominibus adhuc hodie dici poffunt, fpecialiter tamen famulis, & Ancillis, Noli effe incredulus fed fidelis. Plures famuli, & Ancillæ funt increduli, quia putât fuum statum fervilem effe vilem, contemptibilem, & inhonorificum. Sed illos moneo hodie ne fint increduli, ne hoc credant, fed potius veniant, & tangant, quam excellens fit conditio & ftatus fervilis, quomodo nem-

pe Deus fit auctor illius, & fit merces fervorum, & fervitus fit via fecuriffima, qua itur ad cœlum. Etiam plures eorum funt infideles, quia fuum officium ritè non faciunt; His hodie dico, nolite effe increduli, fed fideles, hoc eft, facite veftrum officium ficut debetis, quod qualiter fieri oporteat oftendemus in hac concione, maxime puncto fecundo.

*Servi obedite Dominis veftris Carnalibus cum timore, & tremore, in fimplicitate cordis veftri ficut Chrifto. Ephel. 6. v. 5.*

I. Histo-



I. Historia græca nobis recenset, quod cum quidam advena insignem politiam conspexisset, quæ urbem Spartanorum illustrem reddebat, attonitus exclamavit: O beatam urbem, quæ superiores habes qui tam feliciter sciunt regere. Porro princeps Theopompus cum hæc audiret, ex eo potius urbem felicem esse deprædicandam dicebat, quod cives haberet, qui tam accuratè obedire scirent. Quo ad me, si ego interrogarer, quomodo familiæ Christianæ ritè institui, & beari possent, ego utriusque opinionem conjungere ac connectere vellem, ac dicere, ad felicitatem familiæ requiri ut superiores norint bene præesse, & subditi bene obedire.

Et quidem heri explicavimus obligationem Dominorum erga servos, hodie declarabo obligationem servorum erga Dominos, & quidem per tria puncta. Primo puncto declarabo existimationem, quam servi debent habere erga suos Dominos, in secundo, qualiter & quomodo debeant se habere; in tertio adferam motiva, quæ ad hoc debeant illos incitare. Primam conditionem status, quam in Evangelio, ô facerrima, & beatissima Virgo assumpstisti, fuit conditio, & status ancillæ: *Ecce ancilla Domini*. Nos honorem illum habemus, quod recum hanc dignitatem dividere possimus, dum hominibus obedimus, nam sanctus Paulus nos docet, quod debeamus servire *sicut servi Christi* reverenter, humiliter, ex animo, ac si serviremus filio Dei, & hoc ideo, ut honoremus & imitemur admirabilissimam ejus humilitatem, per quam dignatus est formam servi assumere in sinu tuo virginali, cui benedicimus te salutando, *Ave Maria*.

## Idea Sermonis.

### PUNCTUM PRIMUM.

**E**xcellentia conditionis servilis ostenditur primo, quia Deus est auctor illius, & hoc probatur inductione in mundo naturali, Ecclesiastico, civili, rationibus, Nam sic Deus probat suam potentiam, sapientiam, bonitatem, secundo est ejus exemplar, tertio est merces, nam servitus est via securior, felicior ad cælum.

II. Quoniam magistri vitæ spiritualis communiter dicunt, ad hoc ut reddamur perfecti in nostra vocatione multum referre, ut magnam de ea concipiamus æstimationem, & famuli excitentur, ut obligationi suæ satis faciant, ego primo puncto ostendam nobilitatem, excellentiam vocationis eorundem, & hoc primo, quod eorum conditionis auctor sit Deus, secundo quod servi in hoc Deum imitentur & sequantur, tertio quod eorum status nos ad Deum ducat; hoc est dicere, quod Deus status servilis sit auctor, forma exemplaris, merces & ultimus finis. Deus itaque status servilis est auctor. Quod si attentè considerare velimus processus admirabiles providentiæ divinæ in productione, & conservatione Creaturarum, nos videbimus, quod ejus opera non sint conflata ex partibus, & speciebus omnino disparatis, sed ex partibus valde concinnis, quæ libi invicem sunt annexæ, correspondentes, sese invicem respicientes, colligatæ, à se invicem dependentes, & subordinatæ. *Quæ à Deo sunt, ordinata sunt*. Enimvero hanc doctrinam sancti Pauli inductione quadam deducta ex eisdem quæ videmus in mundo naturali, Ecclesiastico, civili, & politico elucidare possumus.



mus. Scimus quod in mundo naturali globi cœlestes, & astra fixa Dominium perpetuum habent in elementa, corpora mixta, plantas, animalia, & alia corpora sublunaria, irrigant terram, præfunt fluxibus, & refluxibus maris, producant metalla, formant in aere meteo-  
ra, vivificant plantas, concurrunt ad generationem, & conservationem animalium: *Sol, & homo generant hominem.* Quod si è terra scandamus ad firmamentum, nos discemus à Sancto Dionysio quod celsissimæ hierarchiæ Angelorum purgent, illuminent, ducant, perficiant inferiores. Similiter in ordine gratiæ, & mundo Ecclesiastico parochiani subijciuntur parochis, parochi Archypresbiteris, Archypresbiteri Episcopis, Episcopi Archiepiscopis, Archiepiscopi Papæ. Tandem in mundo reipublicæ civilis Reges imperant gubernatoribus provinciarum; gubernatores magistratui urbium, magistratus civibus, cives famulis. Et hoc est quod dicit Isaias, nempe quod Deus tribus digitis sustentet hanc molem terræ, hoc est Deus tres divinas perfectiones, potentiam suam infinitam, sapientiam incomprehensibilem, bonitatem ineffabilem adhibet non solum in creatione, sed & in conservatione, & gubernatione mundi.

III. Ostendit suam potentiam, & magnitudinem majestatis, quia illud est signum majestatis regiæ, quod habeat principes sibi subjectos, in hoc consistit honor, & eminentia monarchiæ, quod habeat Reges Vasallos. Quomodo ergo Deus posset vocari Rex Regum, nisi haberet Reges sibi subjectos. Quomodo esset Dominus Dominantium, nisi Dominis imperaret? quomodo posse-

mus illi dicere, *Terribilis es ei qui aufert spiritum principum terribilis apud Reges terra, nisi principes & monarchæ terræ ei subicerentur?*

Ostendit suam sapientiam in eo, quod admirabili œconomia coarctet & componat creaturas, quæ dotatae sunt qualitatibus, humoribus, inclinationibus non solum disparatis, sed contrariis, & oppositis. Ille novit harmoniam concordare gratissimam, ille eas ritè coordinat, componit, unam ad alteram refert, ille gubernat inferiores per superiores, ignobiliores per nobiliores, grossiores per subtiliores, imperfectiores per perfectiores.

Manifestam facit suam bonitatem in hoc, quod superioribus communicet suam potentiam, & jurisdictionem, quæ est una ex preciosioribus gemmis suæ coronæ, una & ex præcipuis prædiis sui domini, ille dignatur eos assumere secum in gubernatione inferiorum, quas facillime se ipso regere & gubernare posset. Et sanè hæc servis evidenter monstrant, quod eorum conditio sit opus Dei, dispositio suæ providentiæ, effectus suæ potentiæ, sapientiæ & bonitatis infinitæ, effectus qui procedit à tribus causis adeo nobilibus, excellentibus, dignis, divinis, ut nobilior, excellentior, dignior dari non possit.

IV. Adeo dignus & excellens est status servitutis, ut filius Dei desiderans esse servus, nec hoc valens assequi in natura divina, & increata, dignatus fuerit assumere hominem, & incarnari in utero virginis, ut dum sibi copularet nostram naturam, etiam qualitatem servitutis, quæ ei inseparabiliter & essentialiter connexa est sibi uniret. Hoc est quod



Philipp. 2.  
v. 6.

docere nos voluit ejus Apostolus: *Hoc enim sentite in vobis, quod & in Christo Iesu qui cum in forma Dei esset, non rapinam arbitratu est, esse se aequalem Deo, sed semetipsum exinanivit formam servi accipiens, formam non apparenter, sed re ipsa, essentiam, & qualitatem servi eo modo quo in forma Dei essentialiter, & substantialiter Deus erat. Et hoc reipsa in effectu monstravit: Proprietas servi est non propriam facere voluntatem, sed alienam, servire Domino, & ad hujus increpationes tacere. Iesus autem dicit: Descendi de caelo non ut faciam voluntatem meam, sed voluntatem ejus qui misit me: Filius hominis non venit ministrari sed ministrare: Factus sum sicut homo non audiens & non habens in ore suo redargutiones.*

Ioannis 6.  
v. 36.  
Matth. 20.  
v. 28.  
Psal. 37.

Isaia 43.

Officium servi est inservire mensae, lavare pedes familiae, idem quoque fecit Iesus in ultimâ cenâ. Servi est everrere domum, & sordes è domo efferre super fimum: Idem quoque egit filius Dei, ipse everrit Ecclesiam quæ est domus Dei, & omnes sordes super se portavit. *Posuit in eo iniquitates omnium nostrum.* Liquet ergo quod honoraverit vestrum statum, quia dignatus est officia ejus exercere. Quod si Rex ageret musicum, medicum, pictorem, nemo est qui non duceret honori si talem artem profiteatur. Et sicut Poëta Christianus testatur de Iesu quod

*Pœnam vestivit honore  
Ipsaque Sanctificans in se tormenta beavit.*

Ita quoque nos possumus & debemus dicere quod in se evexerit, dignificarit, sanctificarit, Deificarit Conditionem

servilem. Ille ejus est honor, gloria, Idæa, & exemplar.

VI. Ille est ejus finis & merces: *erit merces operi tuo.* Non est status in quo tam faciliter quis operari queat salutem quam in statu servili. Quando adolescens quidam aut puella sese volunt devovere Deo & aliquem statum assumere ut illi serviant, plures instituuntur preces, plura adhibentur consilia, & informationes, ut possint cognoscere quam sint vocatio Dei. Enimverò famuli & ancillæ non indigent tot consultationibus, quia certi sunt quod Deus eos collocarit in tali statu, quodque ejus voluntas sit, ut in illo maneat. Sanctus Paulus exhortans Christianos, ne quotidie instabiles sint & mutabiles, sed ut permancant in sua vocatione constantes; ille non hortatur quoslibet in particulari ut in sua vocatione maneat, sed tantum servos: Postquam enim monuisset quilibet maneret in sua vocatione, ad quam fuit vocatus, non addidit: Si sis rex, præsidens, consiliarius, persiste in hac vocatione, sed si sis vocatus ad servitutem, sta in eadem: *Servus vocatus es, non sit tibi cura*, quia sæpe contingit quod Deus te non vocet ad regnum, honores, opes, dignitates Ecclesiasticas vel seculares, sed tua præsumptio, avaritia, ambitio tuorum parentum vel agnatorum, vel si Deus forsan ad hæc te vocavit, id fortè factum est ut te reprobet, judicet & puniat peccata tua vel parentum tuorum.

Enimverò ordinariè ad servitutem, vilitatem, subjectionem. Deus te vocat & quidem per suam providentiam, prædestinationem, intentionem & voluntatem te salvandi. Ita legimus in Scriptu-

1. Reg.  
8.

1. Cor.  
v. 10.

1. Cor. 7.



2. Regum  
8.

râ quod Deum pœnituerit quod Saulem  
evexerit ad regnum, hinc dixit ad Sa-  
muelelem: Pœnitet me quod constitue-  
rim Saul Regem populi mei. Imperium  
fecit, ut imperaret. Antea erat inno-  
cens instar infantis unius anni, sed post-  
quam ad solium evectus fuit, migravit in  
perversum & dolosum instar vulpis.  
Nunquam econtrâ legimus in sacris lit-  
teris, quod Deum pœnituerit quod ali-  
quem posuerit in statu servili, immò  
contrarium Sanctus Paulus aperte testa-  
tur, *sed etsi potes si es liber magis, utere ser-  
vitate.* Non est quippe status in mundo  
in quo possis fieri gravior Deo quam sta-  
tus servitutis.

1. Cor. 7.  
V. 10.

VII. Hic status est via certior, re-  
ctior, faciliior ad cœlum. Hoc paucis  
verbis per tres insignes comparationes  
docuit Sanctus Iob. *Homo natus ad la-  
borem sicut avis ad volatum.* Est via cer-  
tior & remotior ab omni periculo. Avis  
quæ volitat per aëra, non adeo faciliter  
in laqueos & casses aucupis incidit, quam  
illa quæ allicitur per aliquam escam aut  
illicium aut carnes in fineto aut cloaca.  
Servi & plebei qui occupantur continuo  
aliquo honesto opere ut vitam susten-  
tent, non sunt adeo expositi tentationi-  
bus mundi, carnis, diaboli, ac illi, qui  
sunt otiosi, qui otio ac deliciis diffluunt.  
Sanctus Hieronymus ad quendam ami-  
cum scribens ait: *Facito semper aliquid,  
ut inveniat te diabolus occupatum.* Dum  
continuo operibus servilibus vacas, non  
habes tempus aures præbendi suggestio-  
nibus diaboli, tua caro fatigata & mace-  
rata per labores non tam faciliter rebel-  
lat.

Tu via rectiori pergis ad cœlum. Pro

eo quod vulgata, *sicut avis ad volatum*,  
alia littera habet sicut *Aquila*, aut *sicut  
pulli aquila ad volandum.* Alianus testa-  
tur esse quandam differentiam inter a-  
quilam & alias aves, dum versus cœlum  
volant. Nam Aquila velocissimè & a-  
gilissimè & rectissima ad cœlum volat,  
reliquæ vero oblique, transversim &  
quasi retrovolantes. Magnates & di-  
vites cœlum quidem intrant, si bene vi-  
vant, sed communiter distortè, quia  
maxima pars transit per purgatorium  
vel ob peccata patrata in conquirendis  
opibus, vel iis conservandis, aut quia ni-  
mio affectu bonis terrenis adhæserunt.  
Econtrâ servi probi in hoc mundo pœ-  
nitentiam agunt. Nam vita eorum hu-  
milis & laboriosa, & pœnitentia con-  
tinua quæ satisfacit iustitiæ divinæ &  
diluit pœnam per peccata promeri-  
tam.

VIII. Etenim nulla est pœnitentia  
faciliior & sublimior quam magnus fer-  
vor in amore Dei. Pro illis verbis, *si-  
cut avis ad volandum*, alius substituit, *si-  
cut filii ignis*, ac si diceret: Sicut scintil-  
læ ignis ascendunt sursum, ita servi qui  
laborant cum illis conditionibus, quas  
iis sanctus Paulus præscribit, & de qui-  
bus nos paulo post agemus, habent ma-  
jorem commoditatem, quod sint fer-  
ventes in amore Dei, & quod opera  
sua faciant ex hoc sancto motivo:  
Pater siquidem Familias, nisi sit sum-  
mè negligens & socors, in omnibus  
suis lucrum & augmentum suæ fa-  
miliæ spectat. Et hic est unicus &  
principalis ejus finis, & ideo in omnibus  
suis actionibus nullum habet amorem



Dei, & consequenter nullum meritum, & miser famulus, qui nihil aliud acquirit in hoc mundo quam alimenta corporis & quidem simplicia & grossa, ille facilius potest suas actiones elicere ex gloria Dei & ex intentione obediendi divinæ voluntati.

### PUNCTUM SECUNDUM.

*Debita servorum. Primum servire fideliter. Secundo libenter, tertio humiliter.*

IX. **S**anctus Apostolus Paulus docens in variis suis Epistolis principaliter vero in ea quam scripsit ad Ephesios & Colossenses qualiter debeant pensum servitutis pendere Dominis, sic ait: *Servi obedite Dominis carnalibus cum timore ac tremore in simplicitate cordis vestri, sicut Christo non ad oculum. Serviētes quasi hominibus placentes, sed ut servi Christi, facientes voluntatem Dei ex animo, cum bona voluntate servientes sicut Domino non hominibus, scientes unusquisque quodcumque fecerit bonum, hoc recipiet à Domino, sive servus, sive liber.*

Ephes. 6.  
v. 5.  
Coloss. 3.

Quando Sanctus Paulus ter dicit: *Sicut Christo: ut servi Christi, sicut Domino*, ille tres exprimit qualitates quibus vestra obedientia vestita esse debet. Primo debetis servire coram Iesu, & in ejus præsentia adeòque fideliter: Secundò ex amore Iesu, adeòque sincerè, Tertiò tanquam servus ipsius Christi, adeòque humiliter.

Et quidem primò fideliter, ut possitis dicere cum illa Spartanà, quæ dum conduceretur, & interrogaretur quid posset, animosè respondit, scio esse fidelis: hæc est optima qualitas quam possitis

habere, hoc est optimum specimen quod possitis edere, nempe quod sitis fideles, fideles ex corde & animo, ut nempe tantam curam habeatis negotia vestrorum Dominorum promovendi, ac si vestra essent: ut sitis fideles linguâ, ne domestica foras divulgetis, ne facta, dicta, viduum in aprium producat, ne dissensiones concitatis per delationem quifquiliarum referendo ad heram facta Domini, nec ad herum dicta heræ, omnia denuntiando focero, focruui, nurui, novercæ, concitando heram contra ancillas, ancillas contra heram. Ut sitis fideles in opere: *Non fraudantes*, inquit Sanctus Paulus: Vatablus legit, *non suffurantes vos quovēre*. Non solum debes abstinerere à magnis furtis, sed etiam à furtis parvis, quibus nonnulli nunc clepunt duos obolos, nunc quatuor teruncios, sub prætextu quod parum semper auferant. *Non fraudantes, sed in omnibus bonam fidem ostendentes*, nec unquam permittere ut alii famuli, vel proles aliquid ex frumento, vino, cibis, fructibus, lignis, quæ tibi concredita sunt, suffurentur.

Ut sitis fideles toto corpore, ut omnia vestra membra sedulò impendatis in omne id, quod scitis hero vestro esse proficuum, absque eo quod tempus alienis occupationibus teratis antequam tibi iussa dentur, etiam Domino absente: *In simplicitate cordis vestri, non ad oculum servientes.*

Ne imitemini Gietzi famulum Prophetæ Elisæi. Postquam huic vati munera ingentia Archistrategus Regis Syriæ, Naaman nomine, præsentasset, ob magnum beneficium quo per eundem à leprâ miraculosè curatus erat, & hic va-

Tit. 2. v. 10

Ephes.

4. Reg. 5.  
v. 24.



4. Reg. 5.  
v. 24.

tes, cui simonia in summâ abominatione erat, illa admittere non voluiffet, mox ut Naaman pedem urbe extulerat, Gietzi sic fecum difcurrere cœpit: Oedipol, herus meus magnum damnum incurrit, dum tot dona ab homine opulentiffimo optimo corde oblata reiecit, & curru conscenfo, eum confeutus est: Naaman vix eum perceperat, & in terram descendens ei obviam proceffit. Hem quid novi adfers, quid à me petis? Domine, herus meus ad te me amandavit, rogans ut aliquid ei pecuniæ subminiſtrare velis, ut hoſpites qui jam jam advenierunt excipere poſſit. Libentiſſimè excepit Naaman, eique plus dedit quam poſtularat, adjiciens ſuppellectilem pretioſam. Poſtquam veſperi domum rediſſet, vates cum rogavit: Hem Gietzi, unde venis? Domine, unde venirem, domo non exivi. Quid? An tu domo non es egreſſus? Cur peccatum peccato addens es mentitus? Non, non ſolum domo es egreſſus, ſed & civitate: Spiritus meus tecum fuit cum Archiſtrategus tibi obviuſ iret, & vidi quidquid inter vos geſtum eſt. Tu munera amiſiſti à Naaman, & ideo tu & tua poſteritas in ſempiternum leprâ percuffa lugebit. Hæc verba ſtatim efficacia fuerunt, & eodem inſtanti Gietzi horrendâ leprâ percuffus fuit. Idem ſæpè tu facis licet non advertas, quando nempe pecuniam & alia tuo Domino auferſ, & illa expendis in crepundia, commeaſationes, cupedias, & alia huiusmodi, dum ea quæ tibi commiſſa ſunt per tuam negligentiam corumpuntur, tu putas neminem hoc ſcire: Verum ſupremus Dominus hoc videt, Spiritus Dei tibi eſt præſens, fœditas ſpiritualis peccati animæ tuæ aggluti-

nata eſt, lepra, quæ eſt morbus incurabilis animam tuam invaſit, nec eſt phar-macum ſpirituale quod te poſſit curare, niſi reſtituas, quod tamen non facies, nec Confeſſarius ab onere reſtitutionis per abſolutionem te liberabit: *Nondimittitur peccatum niſi reſtituatur ablatum.* Hæc furta, nequitia, hæc fraudes te obligant ad reſtitutionem, tu quidem hæc nauci ducis, tu ea non confiteris, vel ſi ea confitearis, confiteris ea tantum dimidiatè, & factum minuendo, tu in feſto Paſchatis muras confeſſarium, ut nullus ſciat quod tam parum te emendes, tu moreris in hoc ſtatu, & fœditas peccati continuò & in æternum tibi adhæret. Quando occaſio exercendi hanc nequitiam ſeſe tibi offerret in conſpectu heri, an eam exerceres? Enim verò Deus continuò tibi adest, ille oculos in te habet defixos, ille attentè te conſiderat, quomodo ergo id audeſ facere in ejus præſentiâ, quod non faceres in præſentiâ hominis mortalis? Time potiùs damnationem æternam, quam timeas ſuſtes & alapas; ſervi fideliter, quia ſervis coram Deo.

X. Servi ſincere & ex animo, quia ſervis, aut debes ſervire ex amore Dei. Quod ſi ſervias ex amore Dei, non ſervies nec obedies tuo Domino cum aliquid tibi mandabit contra voluntatem Dei, non portabis literas amatorias, aut munuſcula ad pellicem. Nec te fallas tus, quaſo, quia coram Deo nō es excuſatus, quamvis dicas: ego quidem feci actionem turpem, ſed juſſus à Domino, nam tuus Dominus ob juſſionem, & tu ob obedientiam præſtitam damnaberis: ſicut enim famulus qui juſſus ab ſummo aulae præfecto ut aliquid faciat contra



Regem vel servitium suæ majestatis, non foret excusatus quamvis diceret, Domini mei, qui servus est Regis, jussu hoc feci, sed cum omnibus suis excusationibus ageretur in crucem vel in rotam, ita & tecum fieret. Et hinc attendere debes & videre, num Dominus tuus tibi aliquid præcipiat, quod faciliter contingere potest, contra legem Dei vel præcepta Ecclesiæ, ut si mandet die festo labores, vadas spatiatum, missam negligas, & hoc quamvis id non faceret ex contemptu Ecclesiæ, sed ex avaritiâ aut alio motivo, nam si obedias, peccas; & quamvis Ecclesia non præcipiat, ut post unam aut alteram vicem ejus servitio te expedias, & alium Dominum quæras, quia forsân adesse potest aliqua causa vel necessitas, quam tu ignores; si tamen id soleat facere, expectandum est tempus quando erit pacatus & bene dispositus, & dicere ei: Domine, sit venia verbo, si aliquid proponam: Confessarii me acriter perstringunt quando diebus festis laboro, minantur se absolutionem mihi negaturos, supplex oro, ne deinceps hoc mihi imponas, alias tuum servitium deserere debeo, etiamsi hoc fieri debeat in fine anni.

Quid si tibi aliquid præcipiat contra mandata Dei, ut nempe perjures, duelum inecas, proximum contumeliis & convitiis impetas, in libidinem consensias, potius moriendum tibi est, quam vel semel obediendum. Dicere debes cum Sancto Petro: *An iustum sit hominibus magis obedire quam Deo?* Imitari debes illum militem qui Duci Ioab afferenti, *quare non confodisti eum cum terrâ, & ego dedissem tibi decem argenti siclos &*

*unum balteum*, Respondit. *Si appenderes in manibus meis mille argenteos, nequam mitterem manum meam in filium Regis: Audientibus enim nobis præcepit Rex tibi, custode mihi puerum Absalom.* Verum si herus tibi aliquid præcipiat quod non sit contra mandatum Dei & Ecclesiæ, tu obedire debes non invitè, repugnanter, illubenter, coactè, murmurando, conquerendo, sed lubenter, voluntariè, lætanter, spontè, ex animo, *ex bonâ voluntate*, non ex necessitate, inquit Sanctus Paulus, quæ diversis terminis exprimit, ut illa magis inculcet, & esse necessaria ostendat.

XI. Præterea non solum obedire debetis ex amore Iesu, sed quasi obediretis Iesu, cum honore, respectu, reverentiâ, timore: *Cum timore, & tremore*, inquit Sanctus Paulus, *Servi Dominos suos omni honore dignos arbitrentur.*

Nota dignos. Honor quo eos afficis non est honor gratuitus aut supererogatorius, sed honor debitus, & obligatorius. Tu eum illis debes, illi eum promerentur, illi eo sunt digni non solum dum sunt boni & pacati, sed etiam cum sunt perversi & crudes: *Etiam discipulis*, inquit S. Petrus, quia eorum autoritas, est emanatio, imago & expressio superioritatis divinæ, hanc autem honorandam esse in quocunque subiecto constat, sicut honorandus est vice Rex, sive sit dives sive pauper, doctus vel indoctus, lacer, vel splendide vestitus, quia ejus munus est participatio, radius, corrvatio, & emanatio Regiæ autoritatis.

Quamvis tuus herus sit devotus vel indevotus, virtuosus vel vitiosus, attamen est tuus Dominus superior, ejus potestas

2. Reg. 18.  
v. 12.

1. Reg. 2  
v. 5.

AA. 5. v. 29.



teſtas eſt à Deo, quidquid autem à Deo eſt, meretur honorari, ſuſpici, amari, tractari & recipi cum reverentiâ. *Omni honore dignos*, honore interiori, quia in tuo hero & horâ debes conſiderare perſonam Chriſti Ieſu, in te ipſo debes excuſare eorum defectus, & ſupportare eorum imperfectiones. Honore exteriori, ne iis arroganter reſpondeas, ne eos abſentes irrideas, ne eorum defectus propales, ſed ſemper honorificè de iis loquaris, & quidquid ad eos ſpectat reverearis. Saul injuſtè perſequebatur David, & quamvis David jam eſſet à Deo designatus & conſecratus Rex, & Saul reprobatus: Nihilò ſeciùs quia Saul actu habenas regni adminiſtrabat, David dolendo proſecutus eſt exiguum defectum, quamvis bonâ intentione, erga eum commiſſum. Dum David inſidias Saul, qui ex invidia ejus vitæ inſidiabatur, declinaret, & in quodam antro lateret, Saul nil ſciens de Davide, idem intravit. David ut oſtenderet ſe nil malè velle Regi, quodque eum levi negotio vitâ exuere potuiſſet, dummodò voluiſſet, latenter oram chlamydis ejus præcidit, & quamvis hæc res nec capillitio digna videretur, attamen valde ob hoc doluit, & *Percuſſit cor ſuum David, eò quod abſciidiſſet oram Chlamydis Saul.*

Hæc præi porro ex traditione ſe didiciſſe affirmant, quod David in ſupremâ ætate in pœnam hujus delicti tanto rigore algerit, ut nullis ſtragulis & tegumentis caleſcieri potuerit, uti diſertè ſacra ſcriptura teſtatur. Ex quo liquet quantâ veneratione proſequi debeamus omnine id, quod ad ſuperiores ſpectat.

## PUNCTUM TERTIUM.

*Motiva, Primum ex parte Dei, ſecundum Domini, Tertium ſervi.*

XII. **N**E blaſphemetur nomen Dei, & doctrina Chriſti. Sanctus Paulus tibi inculcat hanc doctrinam, ne per tuam inobedientiam des anſam, quod aliquis malè loquatur de Chriſto, ejusque doctrinâ. Quod ſi illa quæ tuæ ſunt concredita curæ corrumpantur, tu alios oneras, & cauſa es, quod eorum fidei committantur, quod ſi duas horas inſumis in aliquâ legatione, quam potuiſſes perficere per quadrantem horæ, tu es in cauſâ quod tuus Dominus blaſphemet, quod tua hera fiat impatiens, quod domeſtici in convicia & maledicentias prorumpant, immò quod ipſa ſacra ſacramenta, & verbum Dei in vanum & irreverenter pronuntient, eo quod tu ſacramenta frequentes, nec ſis melior ac probior ipſis, ac ideo peccare, & tu quoque es culpabilis, & illius peccati particeps, quia es in cauſâ.

At enim verò, ſi tuæ ſatisfaceres obligationi, ſi eſſis virtuoſus, Deus multum honoraretur, & ejus nomen valde glorificaretur. Quod ſi magnates ament & ſerviant Deo, nil eſt miri, quia ſunt ei valde devincti, ab eo proſperitatibus repleti ſunt, lumen & cognitionem ſufficientem habent. Verum ſi tu ſis devotus & virtuoſus, ſi tu ſedulò & paciſicè domi tuæ obligationi ſatisfacias, ſi tu inſtruas infantes in amore ac timore Dei, ſi tempus ſuperfluum precibus impendas, ſi tu inquam hæc facias, qui ingenio & animo prædi-



præditus es exiguo, qui ex providentiâ Dei pauper es, & humilis, tuus amor erit minus interressatus, erit magis purus, heroicus, meritorius, tu ornamentum es doctrinæ Iesu: *ut doctrinam salvatoris nostri Dei ornent in omnibus.*

XIII. Tu si hæc facis, omnibus qui in domo sunt præluces bono exemplo, tu bonum spargis odorem per totam urbem; nam ut dixit quidam Sanctus Prælati nostri ordinis, qui cum suis famulis conferentias spirituales habuit, opifices, artifices, servi, sunt potissima pars civitatis, & tales ordinariè non sumunt exemplum nisi à sibi similibus; si videant unum Episcopum, Canonicum, Religiosum, modestum, compositum, dicunt id iis competere, id esse eorum obligationis, professionis: inquiunt, ego non sum Episcopus, Canonicus, Religiosus. At verò si videant unum famulum, anellam, coquum, unum qui est à cubili, devotum, virtuosum, conscientiosum, illi moventur, nullam habent excusationem, sunt convicti, & plus hauriunt utilitatis ex hoc exemplo, quam ex prædicatione: *verba movent, exemplatrabunt*, inquitbat Sanctus Maximus mancipium Vandalorum in Africâ, qui suos conservos Sanctos Martinianum & Saturninum convertit ad fidem, & causa fuit ut martyrium tolerarent.

Pratum spirituale recenset, quod quidam devotus religiosus nomine Ioannes, qui postea fuit discipulus Abbatis Ammonis per duodecim annos maximâ charitate, & sinceritate servierit cuidam infirmo, à quo toto illo tempore nec unicum dulce habuit verbum, quin potius durè habitus fuit. Hic ingratus socius fato admotus, plures Anachoretas

ad se accersit, & suo famulo ad se vocato, eum manibus prensavit, dicens, vale, vale, vale: Et deinde ad adstantes conversus eum maximo affectu iis commendavit dicens: videte Angelum, non hominem, quia spatio duodecim annorum quibus mihi servivit infirmo maximâ promptitudine & affectu, nec unum verbum bonum à me habuit.

XIV. Tu iis similis eris, tu eris eorum sodalis, tu particeps eris eorum coronæ, dummodo eorum virtutes imiteris: *A Domino recipies retributionem hereditatis.* Si tibi laboranti in auri vel argenti fodinâ aliquis diceret, charissime tu multum laboras & parum lucraris, superius alia auri fodina est, in eâ fodias & labores, nam ibi nullam senties pœnam, & multò plus lucraberis, an non expers rationis fores, si ejus monitis non acquiesceres? Sanctus Paulus tibi dicit: Si tantum tuo Domino famuleris intuitu lucrari, & salarii temporalis, tu parum lucraris, ergo meliorem partem elige, muta intentionem & finem, & lucraberis thesauros, coronas, & proemia æterna.

Vel tuus herus & hora sunt probi & pii, vel non? Si ita, tu debes sæpe dicere: Mi Deus non sum dignus ut tibi serviam, ego nihil sum, ego amore tui meo Domino servire volo, satis magnus est mihi honor & gloria quod serviam servis tuis, ego cibos volo parare, cubiculum verere, negotiis mei heri invigilare, ut meus Dominus & Domina tempus habeant frequentandi ecclesias, te honorandi, pauperes visitandi, si tu idem facies, omnium bonorum operum quæ faciunt particeps eris. Sanctus Augustinus testatur Sanctum Paulum custodientem vestes eorum qui lapidarunt Sanctum

Ste-

Viêt. Vti  
cent Lib. 1.  
de Perse-  
cut: Van-  
dal:

Ephel. 6  
v. 9.



Stephanum, per manus omnium eundem lapidasse: Ille omnium peccatorum quæ illi patrabant reus erat: à fortiori si tu tuæ obligationi satisfacias, ut tuus herus & hora possint vacare piis operibus, in merita eorum participabis: Æqua pars erit descendenti ad prælium, & remanenti ad sarcinas.

Quod si sint pravi & vitiosi, debes in iis honorare auctoritatem Dei, oportet sincerè laborare ut eorum iussionibus obedias, sic enim liberaberis panem in sudore vultus tui, libenter debes iis servire, ut eos tuo bono exemplo convertas, & lucreris: Virtus quippe tam efficaç est, ut ipsis hostibus in amore & admiratione sit, virtus nescio quale imperium, quale robur naturale habeat fascinandipia corda quamvis duriora & rebellia. Citius aut serius tua fidelitas innotescet, tua diligentia & probitas manifesta fiet, æstimaberis, honoraberis, & preciosè conservaberis. Tu in domo ages velut parvus Dominus, uti vidimus in Iosepho, Eleazaro ac pluribus aliis, uti observat Sanctus Ioannes Chrysostomus Homiliâ quadragesimâ in epistola ad Titum.

# CONCLUSIO.

## Monita pro Dominis.

XV. **C**oncludamus cum sancto Paulo instruendo Dominos, ut nemo sit qui utilitatem non hauriat ex hac concione. Hic Sanctus, postquam servis inculcasset obligationem & debitum suum erga Dominos, postea adjunxit: *Et vos Domini eadem facite illis, scientes quia illorum & vester est Dominus in cœlis, & personarum acceptio non est apud*

*Deum.* Tu vicem servis redde: Quod si non sint servi & famuli uti nostro ævo esse solent, sed sint mancipia, ego idem tibi non audebo dicere, solum id tibi dicam, quod quondam dictum est cuidam Religioso impatienti. Carlomannus filius nati major Caroli Martelli, & frater Pepini Galliarum Regis, personâ dissimulatâ cum quodam fideliori servo concesserat ad montem Cassinum, ibidem ad aures Abbatis admitti rogavit, & ei adstratus dixit: Abba, en coram te miserum homicidam (occiderat paganos in bello justissimo) peccatis referunt qui misericordiam flagitat, ego pauperculus sum Francus, huc ex patriâ meâ veni, ut pœnitere possim & mea scelera expiare in hoc monasterio, dummodo me admittere placeat. Abbas eum cum socio recepit. Novitiatu absoluto, & professione emissâ, missus est ad culinam ut coquo serviret, & quia artem coquinariam nunquam addidicerat, plures loccismos commisit, nam melius sciverat vibrare gladium, quam vertere veru. Coquus itaque in scholâ patientiæ parum versatus, & quis, inquit, hunc nebulonem ad me misit, quis hunc asinum mihi adjunxit, & ei alapam insignem impexit. Quid ad hæc Sanctus Princeps? Totus affabilis respōdit, charissime Deus tibi ignoscat. Aliâ vice calce ejus dorsum fortiter impetivit, cui Sanctus idem precatus dixit, charissime parcat tibi Deus. Verum cum eum molestare non desisteret, servus Sancti in impatientiam prorumpens dixit: Scisne amantissime, quem tam durè habeas? Is est Carlomannus frater Regis Galliarum. Tuus servus exemplo hujus regis edoctus, debet addiscere ut patienter tolleret

Baron. An.  
no 747.

Ephes. 6.  
v. 9.



Hom. 76.  
in 1. ad  
Tim.

leret injurias, convicia, contumelias, quibus à te afficitur, idque in pœnam peccatorum patratorum. Verum supremo judicii die, cum eum videris inter Beatos tibi dicetur: An non nosti eum qui tibi servivit? Is quem vilipendisti est princeps non Franciæ, sed cœli, est filius Dei, Frater Iesu. Ego tibi dicam cum sancto Chrysostomo: Ad minus id fac bono Deo, qui est tuus Dominus, quod velles à tuis famulis tibi fieri. Servus tuus obligatur revereri auctoritatem, quam in eum habes, quia est expressio, imaginatio superioritatis Dei. Si imago est digna honore, multò magis cultum merebitur prototypon, si effigies regis sit honoranda, multò magis erit honorandus Rex. Potest fieri quod tuo servo non sis major, quod in bonis fortunæ, naturæ, gratiæ tibi sit æqualis, forsitan melioris conditionis est quàm tu: Est homo sicut tu, redemptus sicut tu, Christianus, filius ecclesiæ, participans sacramenta, ad gloriam & forsân sublimiorem, quàm tu prædestinatus. Deus naturâ est dotatus infinities sublimiori & nobiliori quàm tu, famulus tuus non est tuum opus, tu eum non creasti, ante mundum fuit possibilis sicut tu; tu es creatura Dei, hic tibi donavit corpus, animam, esse, & omnia alia necessaria. Tu contra nil aliud das servo tuo quam parvum victum, & satis simplicem, tu ei das vestes laceras, cibos grossos. Deus verò te lautè nu-

trit, delicatè te tractat, ille in abundantia, dat tibi vestes, cibos, domos, suppellectilem, hereditatem. Tu uteris tuo servo in instruendis prolibus, Deus verò pro te dedit filium suum unicum, amantissimum, perfectissimum, objectum suæ complacentiæ: *Ut servum redimeret, filio suo non pepercit.* Tu famulo exiguum tantum spondes salarium, frustillum argenti, Deus verò tibi promittit & præparat pro præmio bona infinita, & incomprehensibilia; tu vis ut servus tuus tibi serviat fideliter, ex animo, reverenter, cum tu tamen nolis servire tuo Deo. Et ubi quæso est justitia, ratio, æquitas, sensus communis, judicium? Quæso te clama cum Davide non solum ore, sed corde ex affectu, & effectu: *O Domine quia* Psal. 115.  
*ego servus tuus, ego servus tuus, ego servus tuus & filius ancillæ tuæ.* Ego sum servus tuus in ordine naturæ per creationem, nam sum filius tuæ creaturæ, quæ ex naturâ suâ est mancipium creatoris. Ego sum servus tuus in ordine gratiæ, per redemptionem quia me redemisti. Ego sum servus tuus per optionem liberam & voluntariam quâ ego eligo hanc nobilem qualitatem, qualitatem quam magis æstimo quam quidquid possim acquirere, & possidere in hoc mundo: Nam esse tuum servum est esse liberum, tibi obedire est esse magnum, te amare est esse beatum, tibi servire regnare est, Amen.





# S E R M O

## QVINQVAGESIMVS SEXTVS

### Pro Festo Nativitatis Domini.

#### De Inimicitia

*Novissime diebus illis locutus est nobis in filio. Heb. 1.*

#### EXORDIUM.

**Q**UOD Deus olim promisit, nempe se daturum populo Prophetam quem audire possent, uti legere licet Deuteronomio decimo octavo, id hodie opere complevit dum verbum humanam naturam assumpsit; ut enim exponunt Divus Petrus actuum tertio, & Sanctus Stephanus actuum septimo, Christus est propheta qui similis nobis hodie apparuit, dum carne nostrâ vestitus est; hunc misit Deus ut loquatur nobis omnia, quæ Deus illi præcepit ut loqueretur.

Quis ergo hoc sacro die adeo sit effrons, ut illum nolit audire? Nemo sanè. Eja ergo ad eam hunc concionatorem, & quid nobis hac primâ vice concionetur audiamus. Et quidem quamvis variâ documenta tradat, nos hodie tantum unum audiemus. Natus est infans nudus, parvulus qui nulli potest nocere, nullum lædere, nullum offendere, quod tamen meritò debuisset facere, quando quidem omnes ex naturâ fuerimus filii iræ. Quid ergo infantili personâ docere voluit? Nil aliud, quam quod omnes inimicitias debeamus deponere, nam &

ideo canunt Angeli: *Et in terrâ pax hominibus bonæ voluntatis.* De inimicitia seponendâ agam hoc sermone.

*Non occides. Exodi 20.*

**I.** Merito dicit *Non occides*, nec reipsâ nec per voluntatem, quia homicidia actualiter & reipsâ commissâ sunt rara, homicidia verò volutate patrata sunt innumera. Nihil est cõmunius in mundo quam inimicitia. Hinc Sanctus Ioannes: *2. Ioann. 2. Omnis qui odit fratrem suum homicida est.* V. 15. Porro ut utiliter hanc materiam tractemus, ego hunc discursum dividam in duo puncta, in primo examinabimus causas quæ solent inimicitias generare & fouere, in secundo indagabimus motiva quæ nos excitent ad illas in cordibus nostris suffocandas. Et quidem una è principalioribus est, imitatio tuæ magnæ charitatis ô Sacerrima virgo: Tu es sacrum illud ferculum quod mysticus Salomon ex materiâ incorruptibili fabricavit, ut in eo commorari posset. *Ferculum fecit sibi rex Salomon de Lignis Libani.* Porro id magis excellens est & admirandum in hoc ferculo, quod *media* ejus, hoc est juxta versionem septuaginta. *Interiora ejus charitate constravit.* Tua



sancta anima quæ est in hoc ferculo, est tota ornata charitate. Medium huius sacri ferculi est tuus uterus immaculatus, & charitas Divina, Spiritus Sanctus, qui est amor personalis qui fecundâs sinum virginalem formavit Sacrosanctam humanitatem, ut in eâ sedere posset verus Salomon, sapientia æterna, ita tibi prædixit Angelus dum te salutavit hisce verbis *Ave Maria*.

### Idea Sermonis.

### EXORDIUM.

*Vindicta fuit semper prohibita.*

II. **Q**Uamvis filius Dei dixerit, Matthæi Sexto *Audistis, quia dictum est antiquis, Amabis proximum tuum, & odio habebis inimicum tuum* & Ioannis decimo tertio, *mandatum novum do vobis ut diligatis invicem*. Attamen inde non conficitur, quod præceptum de condonandis inimicis & dilectione eorundem adeo sit proprium legi Evangelicæ ut non fuerit in lege Mosaica & Naturæ, uti docent Pagani ac moderni Doctores probiores ac eruditiores. Iobo qui vixit in lege naturæ, Deus dixit: *Cum lapidibus regionum pactum tuum*. Dicitur lapis quia ledit pedem: *Pactum quasi pacis actus*. Ac si diceret: ego volo quod pacem & amicitiam colas etiam cum iis qui te actu offendent. Non dicit simpliciter *cum lapidibus* sed *cum lapidibus regionum*. Et ex hac re devenio in notitiam arcani cuiusdam insignis, curiosi & conspicui: Alludit ad maledictum morem, qui quandoque vixit apud Arabes, inter quos Sanctus Iob vivebat. De hoc more Arabico & inhumano mentionem facit Ulpianus in Digestis. Ille narrat

quod Arabes suo adhuc ævo commiserint quoddam Crimen, quod Græcè appellatur *σποπλικμὸν* ὁ δὲ τῆς σποπλικμῆς *quod est jaculari*, hoc est, quando hi habebant aliquem hostem, tunc plures lapides in ejus agro seu prædio congerebant, & hæ erant quasi litteræ provocatoriæ aut indictio belli, per quam Domino agri denunciabant, quod si tam audax futurus esset, quod colere agrum auderet, illi lapidibus eum obruebant. *Cum lapidibus regionum pactum tuum*, hoc est, ego volo ut fœdere amicitiae coalescat, & pacem ineatis non solum cum iis, qui vos alias offenderunt, sed etiam eos qui vos de facto offendent, vobis insidias struant, & jugulum vestrum petunt. Præterea in lege Mosaicâ dicit: *Si occideris bovem inimici tui aut asinum errantem* Exod. 23. v 4. *duc ad eum, si videris asinum odientis te jacere sub onere, non pertransibis sed sublevaris cum eo*.

Beneficia, gratias, favores, quos suis hostibus præstiterunt Aristides, Phocion, Socrates, Lycurgus & alii, sunt communes & frequenter decantati. Et ideo in iis me non detineo. Quod filius Dei dixerit: *mandatum novum do vobis*, Hoc novum nil aliud significat, juxta modum loquendi Hæbreorum, quibus novum idem est ac excellens, quam quod iis dederit mandatum excellentissimum. *Cantate Domino canticum novum*. Vel secundo est novum effectivè, velut *Pallida mors* inquit sanctus Augustinus & Beda, quia charitas reddit hominem totum novum, renovat & reformat omnia ejus interiora. Vel tertio, eo quod Christiani illud mandatum debeant servare ex toto corde & ex fine plane novo: Quod debeant amare proximum non ex inclinatione

Iob. 5.

I. sunt quædam. S. ff. de extraordin. Crimin.



tionem naturali, fed ex charitate fupernaturali & amore Dei. Veldicitur quarto mandatum novum, eo quod quando filius Dei venit in mundum, illud fuerit omnino inveteratum & quali oblivione feptum, & illud falvator renovavit, unde non dixit: vos legiftis effe fcriptum fed audiftis quod fit dictum. Et fane Deus nunquam præcipit odium inimicorum & verba illa falvatoris funt deſumpta ex capite decimo nono Levitici ubi ſolum dicit; *tu amabis amicum tuum ſicut teipſum*, nec addit, tu odio habebis inimicum tuum, fed Scribæ & Pharifæi illum textum perperam intellexerunt, & falſam inſulerunt confequentiam: Si obligemur amare amicos, econtrario nos inimicum odiſſe debemus. Contra hanc confequentiam Ieſus inquit: *Ego autem dico, diligite inimicos veſtros*. Porro ut huic obligationi ſatisfaciamus, primo conſiderare debemus, quam ſint cauſæ, quæ inimicitias gignant & foveant.

### PUNCTUM PRIMUM.

*Quatuor ſunt matres quæ generant inimicitias. Prima eſt antipathia naturalis. Secunda ſuſpicio temeraria. Tertia amicitia inordinata; Quarta avaritia. Similiter quatuor ſunt nutrices quæ inimicitias alunt, primo ſuperbia; ſecundo conſcientia erronea, tertio negligentia Confefſarii; quarto lingua adulatorix.*

III. **P**rima itaque mater quæ nutrit inimicitiam eſt antipathia naturalis. Sunt homines qui genios habent adeo contrarios, complexionem adeo adverſas & diſconvenientes Humores & inclinationes adeo differentes, ut ſit qua-

ſi impoſſibile, naturaliter loquendo, quod poſſint convenire & coaleſcere in unum. Eſt quidam naturæ hilaris, lætæ, promptæ, activæ, jucundæ, gratioſæ; Econtrario alius eſt tetricus, melancholicus, taciturnus, modestus, gravis, & in hoc caſu nil eſt melius, quam quod ſeparentur; quod ſi hoc nequeat fieri, ut ſi ſint duo conjuges, duo fratres in eadem familia, duo cives in eadem urbe, platea, gratia debes vincere, & corrigere naturam. Verum quidem eſt, quod omnino hæc antipathia non poſſit ſopiri, quod hæc repugnantia, & contrarietas humerum omnino nequeat extingui, & ſuffocari; Attamen aliud eſt pati tentationem, aliud ei conſentire; Nam quando te ipſum potes vincere, & hanc averſionem ſubjugare, & pacifice vivere cum proximo ex amore Dei, qui hoc mandat, tu multum mereris, & quotidie materiam habes pretioſas texendi corollas, quibus in cælo coronaberis.

IV. Secundo ſæpe judicia temeraria inimicitias producant. Sunt animi, qui adeo ſunt delicati; ſenſibiles ad minimum deſpectum quod omnia perperam interpretentur, unum verbum quod alicui incautè excidit, unica narratio malè intellecta, omiſſio unius ceremoniæ ex oblivione facta, in aliquo conventu illos ſummè affligit & putant ea à propoſito eſſe facta. Porro hæc imperfectio faciliter emendari poteſt, dummodò quis exignam ſibi inferat violentiam. Vegetius agens de re militari omnibus belli ducibus & officialibus quoddam conſilium ſalutare præſcribit, ut dum miles educendus eſt in aciem, ita acies formetur, ut ſol perſtringat oculos hoſtiles, ſic enim obſcurebuntur, & fa-



cilius expugnabuntur. Hoc fecit Philippus Augustus Galliarum Rex in illâ celebri victoriâ contra Imperatorem. Idem oportet agere cum eo qui tibi malè vult, ut ejus voluntatem subjuges: Oportet ejus convincere intellectum, simul loqui, tuos ei aperire sensus, illud elucidare de quo dubitas, reddere eum capax veritatis capiendæ, & te ipsum explicare. Et quia sunt nonnulli qui vel ex superbiâ vel timiditate nolunt vel forsân non audent primò adire proximos, iis liberè loqui & mentè suam explicare, solem veritatis oculis ejus injicere, mediator in hoc casu adhibendus est, nempe amicus utriusque, homo prudens, charitativus, pastor, concionator, confessarius qui loquatur utrique, eos conciliet, & uniat, *legationem mittit rogans ea quæ pacis sunt.*

V. Sed quis crederet quod ignis aliquando generet glaciem, pax producat bellum, amicitia inimicitias. Est amicus tibi qui te nimium amat, qui tibi suum dolorem & arcana communicat, tu in cognitionem devenis genii ejus, tu ejus incipis nosse passiones, tu te declaras inimicum alicujus, qui antehac tibi fuit amicus quique in minimo te non offendit, & hoc quia tuus amicus ei malè vult. Nonne hoc idem est quod dissuadet Spiritus Sanctus: *Noli pro amico inimicus fieri proximo.* Titus Livius rem insignem narrat, quæ aptissimè nostro convenit proposito: Recenset igitur, quod dum Capuani bellum gererent adversus Samnites, Legatos Romam miserint, qui cum Romanis fœdus inirent, & suppetias contra Samnites flagitarent. Dum hæc Capuanorum postulatio Senatui proponeretur, deliberare cœperunt,

quid faciendum, nam ex unâ parte fœdus esse sancendum cum Capuanis suadebat commodum Reipublicæ Romanæ inde accessurum, ob quod illud necessarium esse judicabant, ex alterâ verò parte Samnites fœdere essent illigati cum Romanis, adeoque subsidiarias copias mittere non possent sine violatione illius fœderis: Respublica per Consules Legatis Capuensibus hunc in modum responderi jussit: *Auxilio vos, amici, Senatus dignos existimat, sed ita vobiscum amicitiam institui par est, ne quæ vetus amicitia dissolvatur: Itaque arma Deos prius violatura, quam homines vobis negamus, Legatos sicut fas est ad socios mittemus, ne quæ vobis injuria fiat.*

Viden quomodo Romani nos doceant hanc lectionem, viden quid fieri oporteat dum amicum habes, cavere debes ne amicitia, quam cum eo contraxisti, duas inimicitias generet, illum si ejus passioni condescendas, si sub Labaro rancoris ejus militare incipias, pro conservando amico adsciscis tibi duos inimicos, pro eo quod conserves unum amicum, tibi concilias duos inimicos, nempe eum quem tuus amicus persequitur, & Deum quem per hoc medium offendis. Imitari itaque debes Romanos, passionem tui amici debes sopire, & pacem novam stabilire.

VI. Verum enim vero communior causa inimicitiarum & dissensionum est affectus inordinatus quo prosequimur bona terrena. Quidam Heraclitus rogatus à concivibus, dignaretur discursum facere, eosque ad pacem exhortari & media proponere quæ eam firmiter stabilirent & firmarent, vitrum parumque farinæ accepit & illud levavit, significare

Eccles 6.

Plutarch.  
in Trac de  
nimia Lo-  
quelâ.



ficare volens, quod si exiguo contenti, forent & superflua præciderent, nullum inter eos bellum futurum. Poëta fabulantur Bellonam esse Megaram quandam & unam è furiis infernalibus, quæ Zizania seminat inter familias & poma discordiarum inter regna projicit

*Quæ solet unanimes armare in prælia fratres*

*Atque odii versare domos.*

Verum apage cum his nugis, inquit Sanctus Chrysostomus, nam non est alia Megara, Bellona, Eumenides quæ facem dissensionum accendit, quam hæ duæ furix *Meum ac Tuum*. Et ille meo iudicio rem acu tetigit, qui amorem mundanorum comparavit amori canum in macello. Tu audis quandoque in macello duos vel tres canes simul colludentes, qui nesciret eos esse animalia, is putaret quod essent amicissimi, colludunt, concumbunt, si unum irrites vel fodices, omnes latrant. Sed quid factu opus, ut hanc amicitiam diffingas apparentem? fac ut lano os illis objiciat, nam ilico sese non amplius cognoscunt, ringunt contra se invicem, sese mordent, & impetunt, ac si nunquam ante sese vidissent, nam quilibet totum os habere vult. Talis ordinariæ est amicitia mūdana, quamdiu nil dividendum est inter duos consanguineos vel vicinos, optime conveniunt, nil fit nisi visitationes mutux, complementa, obsequiorum decorationes, servus ejus sum, totus sum vester, disponat de me, prout libet.

Verum si dividenda sit hæreditas parentis vel patris inter duos fratres, quod unus vicinorum aliquid prætedat ex bonis alterius, nulla amplius cernetur consanguinitas, nulla amicitia, non audiun-

tur nisi querelæ, murmuraciones, maledictiones, injuriæ, detractiões, simulationes, dissensiones. *O maledictum meum ac tuum frigidum illud verbum.*

VII. Post has quatuor matres quæ generant inimicitias, proderunt quatuor nutrices quæ eas fovēt ac alunt: Prima est superbia; quoad me, dicit superbus, ego nullum volo illi malum, sed primus esse nolo qui eiloquar, eum nolo salutare, meum erga eum affectum significare nolo, quia nimis redderetur ex hoc clatus, nimium fieret arrogans, ac foris, dicit quod ansam quæram eum conveniendi, quod eum timeam, ille me offendit, ille est me junior, ego ipso major sum, ipsius est veniam rogare, & ad me venire. O te superbum? An nescis quod Deus superbis resistit? An Deus tecum hoc modo egit? Nonne tu eum offendiisti? Nonne tu es junior & minor? Nonne tu ei collatus, es nihil? Nonne hoc non obstante ille per suas inspirationes te quærit, ille suam tibi obrulit amicitiam, ille bene scit quod facilitas quâ alias tibi ignovit, tibi præbuerit ansam eum liberius offendendi, & tamen non omisit quod minus te quæreret, quomodo ergo tu amore ejus non quæris eum, qui tibi est similis?

VIII. Secundò nobis ipsis palpum obducimus, nos ipsos decipimus & conscientiam erroneam formamus. Ego sum ex albo confratrum Rosarii, ego qualibet prima Dominicâ mensis communico, ego quotidie recito Rosarium. Sed audi parumper: Dic quæso an ille subsistat coram Deo, qui illud negligit, quod est essentiale in Christiano, quod est basis & fundamētum Religionis catholicæ nempe charitatē? Nonne rationē de hoc  
exi ger



exiget à confessorio timido & meticulo-  
so? Nonne is per suam negligentiam hu-  
jus peccati reus est?

Matth. 5. IX. Nos accusamus nos apud ipsum  
quod cum proximo contenderimus &  
tamen ille non interrogat, an rursus a-  
micitiae fœdere coaluerimus, ille per  
ignorantiam, vel complacentiam vobis  
condescendit, ille per timiditatem ad-  
mittit primam excusationem quam ad-  
fert pœnitens, cur non reconcilietur, ille  
indigno impendit absolutionem, ille  
non attendit ad mandatum Christi in e-  
vangelio dicentis: *Si ergo offers munus*  
*tuum ad altare, & ibi recordatus fueris,*  
*quia frater tuus habet aliquid aduersum te,*  
*relinque ibi munus tuum ad altare, & prius*  
*reconciliare fratri tuo.* Unde à potiori non  
debes admitti ad confessionem, & parti-  
cipationem sacramentorum, quam diu  
in corde tuo vel minimus rancor contra  
proximum manserit.

Insuper ad odii fomentum multum  
conferunt adulatores, susurriones, dela-  
tores, qui sunt pestes reipublicæ, folles  
dissensionum, incendiarii animarum, du-  
plices lingua, linguam habentes serpen-  
tinam, linguæ cuspidata, bicipites & cer-  
beri inferni, qui ut gratis helluari ac  
compotare possint, in turbida piscaria-  
qua, in gratia totius esse mundi, omnia  
ab hoc ad illum deferunt, omnia quæ sci-  
unt narrant, illi privignam proscindunt  
in præsentia novercæ, illi huic detrahunt  
coram privignis, præstaret urbem refer-  
tam esse Leopardis, Leonibus, spectris,  
quam similibus, quia illa caveremus, ef-  
fugeremus, januam clauderemus, illos  
chalube arceremus. Verum hæc spe-  
ctra, Leopardi, ubique se ingerunt, col-  
lis incedunt erectis, sunt medulla con-

versationum, sunt condimentum dis-  
cursuum humanorum, sed interius dete-  
stabiles, & abominabiles Deo. *Susur-*  
*rones Deo odibiles, vocat illos antrono-*  
*sticè peccatores: Vir peccator conturba-*  
*bit amicos, & in medio pacem habentium*  
*imittit inimicitias,* quia reus est infini-  
torum scelerum. Hic maritus, hæc u-  
xor, hic cognatus, hæc cognata, hic vi-  
cinus, hæc vicina, qui bene conveniunt  
à se, per tuas murmurationes, adulation-  
es divisi, ac separati sunt, dumque mu-  
tuo se odio prosequuntur peccant, de-  
trahendo, injurias evomendo, sibi invi-  
cem damna inferendo, horum peccato-  
rum cum sis particeps tu manus sangui-  
nolētas, & culpabiles habes coram Deo,  
& reus eris omnium peccatorum, quæ  
patiuntur in dissensionibus quas tu ac-  
cendisti.

#### PUNCTUM SECUNDUM.

*Remedia. Primum Christi præceptum,*  
*secundum nostrum bonum, & quidem pri-*  
*imum honestum, secundum jucundum,*  
*tertium utile temporaliter, quar-*  
*tum spiritualiter.*

X. **F**ilius Dei omnes has inordinatio-  
nes vetat per hoc celebre manda-  
tum: *Ego autem dico vobis diligite inimi-*  
*cos vestros. Orate pro persequentibus, &*  
*calumniantibus vos, bene facite his qui ode-*  
*runt vos.* Ponderemus quæso hæc ver-  
ba. Ille à nobis pro inimicis postulat  
cor, & manus. *Diligite inimicos ve-*  
*stros,* non dicit relinque eos, quales sunt,  
indifferens sis erga eos, nec bene aut ma-  
le iis facias, sed dilige eos, benefac iis,  
opta iis bonum, saluta eos, quando sis  
iis obviis. Sed ora pro iis non tantum,  
qui te ante hac persecuti sunt, sed & pro  
iis

Rom. 7.  
v. 30.

Eccles. 28.

Matth. 5.  
v. 44.



his qui te modo persequuntur, qui tuam famam dilacerant, vident an sis bonus & probus Christianus, si non audias aliquoties missam si non recites quandoque Rosarium, si non instituas novendialem devotionem pro iis, qui contra te litigant, uti fecit Beatus Cæsar Buzi: Huic quadam vice relatum fuit ordinem ejus sacrum à quodam perverso detractionibus dilacerari, & quid egit? ille inquit hac viâ me lucratus est, quia ob hoc quod Deum in communi pro eo oraturus essem, jam pro eo preces fundam speciales.

*Orate*, non dicit orate Deum, sed orate, ut orationem ad Deum & homines comprehendat, uti Parisiis nostro ævo devotus ille frater Antonius egit.

Quidam huic in publico alapam impexit, quid frater Antonius? ut suam obligationem manifestaret, interrogavit & indagavit quisnam esset ille homo, ille alienigena, quid ei negotii hic Parisiis agendum? & cum januæ magnatum ei ob sanctitatem suam paterent, ostiatim maximo affectu negotia hujus extranei commendavit, ita ut ad finem optatum illa perducerentur, unde quidam minister ad eum dixit; tu multum debes fratri Antonio, quia sine ejus ope in magno versabaris discrimine, dumque audiret & intelligeret quis esset ille frater Antonius, intellexit, quod ei impexisset alapam, tunc cum assuit, ad pedes ejus se prostravit, veniam rogavit, & vitam suam emendavit. Hunc imitari debetis, dum vester parens, maritus, aut cognatus in gratia sunt & possint juvare inimicum, tunc illos debes rogare & opportunè sollicitare. *Orate*.

*Benefacite*; & quid illis benefacias si eos

non salutes, si bono verbo eos nolis dignari? quæso ne te fallas, non sufficit dicere, ego nil ei opto mali, quod illi desidero, mihi evenire velim, quia officium charitatis & urbanitatis ei rependere debes, quæ aliis ejusdem conditionis aut qui in eodem gradu cum eo tibi conjuncti sunt, reddis.

XI. *Ego autem dico vobis. Vobis*. Id tibi dico, idque ob tuum bonum, bonum honestum, bonum delectabile, bonum proficuum. Nescio profecto quisnam sit error, qui plurimum animos effuscavit, dum sibi imaginantur esse quandam meticulositatem, defectum animi generosi, pati, & injuriam irrogatam condonare. Sed apage cum his nugis, experimento siquidem constat animos infirmiores, personas timidiores veluti feminas, pueros esse magis sensibiles, impatientes ad injurias, & magis difficiles ad ignoscendum. Hinc poëta.

*Nam vindicta nemo magis gaudet quam femina.*

Quidam devotus & doctus ordinis Seraphici Religiosus, qui præclara commentaria in sanctum Lucam edidit Didacus nempe Stella testatur, quod in vita sua plures quidem viderit feminas frequenter recitantes Rosarium, in pauperes liberales, sæpe confitentes, sed paucas conspexerit, quæ generosè injurias juxta mandata legis Christianæ ignoscerent & quæ in officinâ cordis aliquot scintillas odii non asservarent contra eos à quibus læsæ erant.

Sanctus Augustinus ingenio fuit præditus clarissimo, ille acutè ac validè argumentabatur contra gentiles qui injuriarum condonationem esse timiditatem Reipublicæ nocivam, & corde ge-



neroso indignam afferebant. Hinc hoc dilem̃ate eos agitavit. *Quomodo ergo Cæsari administratori Reipublica mores ejus extollens ait Cicero, quod nihil oblivisci so-leret nisi injurias; dicebat enim hoc tam magnus laudator, aut tam magnus adulator; sed si laudator, ergo talem Cæsar nove-rat; si verò adulator, ergo talem esse debere ostendebat principem civitatis qualem il-lum fallaciter prædicabat.* Quod si me-ticulosi sit animi, & noxium Reipublicæ ignoscere injurias & benefacere inimi-cis, cur ergo Cæsar hoc egit? cur Cæsar ille qui primum imperium mundi fun-davit, ille qui forti brachio contra tor-rentem armorum & opinionum, quæ sese ei obstacula objiciebant, pugnavit, illæ Cæsar, qui subjugando totum orbem omnibus terrori fuit, injurias condona-vit, & inimicis benefecit? Cicero quip-pe laudans eum quod rursus erexisset sta-tuas Pompei, addit eum erexisse statuas inimici, & ita magnanimitatem suam prodidisse.

In alio loco eum summè laudat, quod optimè calleat non artem memoriæ sed artem oblivionis, qua omnes injurias se-peliebat. Vel Cicero vera loquitur vel non, vel vere laudat Cæsarem, vel ei adu-latur, si vere, ergo Cæsar validus ille Martis filius injuriarum oblitus est, si adulando eum prædicavit, ergo orator Romanus monstravit cor generosum, administratorem Reipublicæ debere ob-livisci injuriarum, & condonare. Enim-vero quia exempla Christiana magis mo-vent animos nostros quam gesta infide-lium, audite quæso legem celeberrimi imperatoris qui floruit in Ecclesia Theo-dolii puta magni, Arcadii & Honorii quæ lex interta est juri civili, & quæ in eo

resplendet, velut stella in firmamento, & quæ filice aureo in omnibus probis animabus meretur insculpi. Audite ita-que quomodo hi magni viri loquantur: *Si quis modestiæ nescius aut pudoris igna-rus improbo petulantique maledictò nomi-na nostra crediderit lacessanda, eum pœ-na nolumus subjacere, id enim si ex levi-tate processerit, contemnendum; si ex infa-nia, miseratione dignissimum; si ex injuriâ, remittendum, & hoc quia sumus Chri-stiani.* Optime sciebant hi magni mo-narchæ esse verissimum illud Senecæ: Magnus est animus, qui more magnæ feræ latratus minorum canum securus exaudit. Sciebant proprium esse leonis parcere & non exacerbare erga canes, Reges debere esse similes Regi apum, qui caret aculeo, animas generosas non sumere vindictam, ut ostendant se hoc posse.

XII. Verum enimvero quia plebs non movetur gloria & honore, sydus e-jus polare, & cynosura, magnes cordis eorum est voluptas & utilitas, lucrum & gaudium.

*Vulgus amicitias utilitate probat.*

Ideo probandum mihi est condonatio-nem esse actionem suavem & delectabi-lem, & sane aliam hujus probationem nolo, quam vestram propriam experien-tiam. Dic sedes an non verum est, quod dum ego te operasti, dum cultulat libenter, ignovisti, dumque cum omni-bus perfectam renovasti amicitia, quod sentias te esse pacatum & quietum? non-ne experiris quod haud ferendo onere exoneratus sis? nonne sentis tuum cor copioso felle, quod acerbitate illud re-pleverat evacuatum sit? nam si aliquem

L. Vnica,  
Cod. Si  
quis impe-  
ratori ma-  
ledixerit,

1. Reg.

Orat pro  
Ligario.



hostem habeas, tu continuo cruciaris, tu foves viperam, quæ cor tuum continuo rodit, omnes prosperitates quæ tibi obveniunt sunt afflictiones tui spiritus, omne id, quod ad eum spectat te torquet ac veluti equuleus & gehenna affligit; si ipsius memoria occurrat jam intolerabiliter tormentaris, imo dato, quod tuæ passioni condescenderis & aliquam excrucieris vindictam, quos tamen postea non experiris remorsus, terrores panicos, ac inconvenientia? bella Abigail sapienter dixit Davidi: *non erit tibi in singulorum & scrupulum cordis*. Serenissime, si tuæ condescendas iræ, si vindictam conceptam repetas, tu scrupulos & remorsus conscientie experieris, Sinderesis obmurmurabit, quod limites excefferis iustitiæ vindicativæ, quod sub prætextu zeli satisfeceris tuæ passioni. *Ne sit tibi in singultum*. Illa exigua voluptas qua iræ satisfacis, qua vindictam ab hoste repetis causa erit millenorum singultuum, & plus quam semel dolebis. *Omne agens patitur*, duo quidem montes non sibi occurrunt, bene tamen duo homines, nescis quo adhuc egebis, is, quem putas esse debilem, ille forsan potentissimus erit ut te lædat & tibi nocet.

XIII. Et qualis quæso est utilitas, quod per litem te perdas, quod per distractionem te confumas, quod per calumnias te destruas, quod te comburas, ut animos caraciacis, *in invicem ne detis videte ne ab invicem consumamini*. Nonne melius foret si tuum proximum videres per beneficia eumque tibi conciliare & devincires, *concordia minima res crescunt, discordia maxima dilabuntur*. Prisci pingebant cornu Amalthææ in manu pacis,

& hoc quia pax omnia bona ubertim donat. Vos scitis factum illud illustre antiqui Regis Sciluri; hic pluribus proli- bus dives dum fataliter decumbens eos testamento hæredes instituere veller, testamentum iis reliquit pacem, & unionem fraternam, tanquam preciosissimum thesaurum quem iis legare poterat. Omnes itaque ad se vocavit, & fascem virgarum collectarum accipiens eam dedit majori natu frangendam, dumque eam frangere non posset, eandem dedit secundo, qui cum eandem etiam diffringere nequiret, eandem dedit tertio, quarto, quinto, & sic consequenter omnibus. Tandem ipse eandem accepit eandemque dissolvit & levi negotio diffregit unam virgam post aliam; & hanc lectionem suis filiis dedit. Vos charissimi filii mei vidistis, quod quamdiu virgæ hæ colligatæ fuerunt, nullus vestrum, quamvis fueritis multi, juvenes, robusti, sani, eas frangere potuerit; verum nunc dum sunt separatæ, ego solus, qui sum senex, debilis, infirmus, eas levi negotio fregi. Idem vobiscum erit, quamdiu eritis uniti, & concordēs, nulla bella, nullæ lites, morbi, adversi casus, vestram familiam perdere poterunt; verum si semel dividamini, si pomum discordiarum semel inter vos projectum fuerit, minima infelicitas hanc familiam destruet & perdet.

XIV. Enim vero, si motivis honoris, voluptatis, utilitatis temporalis non flectamini, ad minus moveat vos utilitas spiritualis, & salus vestrarum animarum vos cogat, quia optimum medium diluendi vestra debita sine relictione alicujus



pœnæ. Iustitiæ Dei persolvendæ est, dimittere debitum iis, à quibus sumus offensi, maximæ, certissimæ & plenariæ indulgentiæ, quas lucrari potes, est injurias condonare illatas, levissima & certissima via ad cœlum est amare ex toto corde illos, qui nobis male faciunt & volunt. Et sane nil aliud exigitur, quam ut aperiāmus novum testamentum & textus scripturæ inveniamus. *Dimittite* inquit Iesus & *dimittimini, date, & dabitur vobis.* Illi qui aliquoties legunt opera sancti Augustini, sciunt Sanctam Monicam ejus matrem dotatam fuisse cunctis virtutibus quas aliquis in una sancta desiderare potest, illa fuit devota, quotidie audivit sacrum, illa fuit sapiens & prudens & sua prudentia lucrata est suum maritum patricium, illum convertit ad fidem, illa adeo fuit casta, ut linguæ maximè obtretractrices & viperinæ nil in ea invenerint non solum non reprehensione, sed nec calumniâ dignum. Adeo servivit & zelavit gloriam Dei & salutem animarum ut suum fuerit insecuta filium per mare, per terram, Romam, ad ostia Tyberina, Mediolanum, ut eum ab errore Manichæorum, cui erat immersus reduceret.

Omnes sciunt, quod aqua Baptismatis sancti Augustini scaturierit è fonte lachrymarum, quas mater ejus fudit coram Deo pro ejus conversione. His omnibus dotibus sancta Monica præcelluit. Verum enim vero dum sanctus Augustinus aquila Doctorum, orator adeo facundus pro anima suæ matris oravit, quando ante Thronum Dei egit, ut gratiam illi obtineret & à pœnis purgatorii liberaret, casu quo in illis esset, non allegavit ejus devotionem, quot tot au-

dierit sacra, ejus non adduxit castitatem, prudentiam, zelum gloriæ divinæ, conversionem non solum patris sed & propriam, verbo, reliquis virtutibus omis- sis, solum allegavit voluntariam condonationem injuriarum. O mi optime Deus, inquebat, bene scio quod mea paupercula mater vitam duxerit Christianam, & tua observavit mandata, attamen non ignoro, quod tua egeat misericordia, quia *va etiam laudabili vita si eam absque misericordia discasseris.* Ut autem te flectam ad præstandam ei gratiam, ego aliud non adducam motivum, quam quod tibi constet, eam fuisse misericordem, & quod libenter ignoverit, adeoque obli-geris, ob tuum verbum, ô verbum æternum, ei veniam facere. Magne Deus quid vis facere meæ matri? An misericordiam, vel justitiam? misericordiam? illam rogavi, illam ex toto corde flagito. An justitiam? sum contentus, sed an non est justum, quod aliquis stet promissis? tu misericordiam facienti misericordiam promissisti, mea mater semper illam exercuit, ergo ex justitia eam ipsi præstare teneris.

Tu idem mi amantissime Auditor dicere potes, si adducas tuas gloriosissimas victorias ignoscendi ex toto corde, omnibus, qui te offenderunt, nam supposito, quod postquam exiveris ex hac concione, & adieris tuum inimicum, & cum eo in te reconcilias ex amore Dei, & ita post octo vel quindecim dies mortuus fueris, quid est, quod timendum habeas post actionem adeo heroicam in judicio Dei? an forsan tua peccata, quæ valde multa sunt? Sane merito ob ea timere debes, at si filius Dei hæc formidandam contra te pronunciârit sen-



rentiam, Ite, maledicti in ignem æternum, nonne merito poffes dicere, appello mi Domine, quia pro iis non eft ignis inferni, qui in fuo corde foverunt ignem amoris Dei, & ignem extinxerunt inimicitarum? Ego à tuo verbo appello ad fcripturam, à tua fententia, ad tuam promiffionem, à tua iuftitia ad tuam veritatem, à te, ad te ipfum. Nonne adeo fæpe promiffifti in Evangelio, quod eadem menfura nobis metieris, quâ fuimus menfuraliis? quod nobis ignofces, fi ignoverimus? Hoc nobis prædicatum eft, ex parte tua de hoc affecurati fumus, tu fcis, quod illo die poft concionem detestatus fuerim mea peccata, quod confeffus fuerim, quod omnibus inimicis meis me reconciliaverim, quod omnes injurias mihi illatas ante pedes crucifixi pofue-

rim. Ego pro inimicis rogavi, ego bene illis volui, ego amore tui illis benefeci, cur ergo mihi non facias mifericordiam?

Nullum eft dubium, quin Salvator verbis fuis ftabit, quin promiffa fua fit fervaturus, & obligatum fe agnoverit, ut tibi ignofcat, & te paradifo donet. Contra, quamvis omnes indulgentias fueris lucratus miffionis, indulgentias rofarii, fcapularis, chordæ, omnia jubilæa, quæ largitus eft Pontifex in Anno fancto, quamvis filius Dei proprio ore tibi dediffet condonationem adeo generalem, indulgentias adeo plenarias, ficut dedit sanctæ Magdalænæ, fi moriaris fovens vel minimum rancorem contra unum; tu damnaberis: Deus te custodiat, & fuam pacem tibi donet.

# S E R M O

## QVINQVAGESIMVS SEPTIMVS

### pro Feflo Sancti Stephani Protomartyris

#### De Ira.

*Pofuifti in capite ejus coronam de lapide pretiofo. Pfal. 10.*

#### EXORDIUM.

**R**efert Plinius lib. 37. capite nominis fulmineas reperiri gemmas quas vocant ceratias vel fulmineas, easque affert diligenter requiri à magis Parthorum. Quis non videt fulmina quam plurima in Sanctum Stephanum emiffa? Nonne ergo plures in eo dicemus reperiri gemmas & quidem fulmi-

neas? Lapidem in eum projectos effemuratos in gemmas, & quidem pretiofas? Ita omnino ego credo. Eamus ergo ad Sanctum Stephanum & queramus in eo gemmas illas, & quidem maximo ftudio, quia nobis valde proderunt. Stephanus latine coronam fignificat; coronemus ergo Stephanum non lapidibus, ut Iudæi, fed gemmis. Et quia dies breves funt ideo non queramus plures gemmas,



sed unam tantum, nempe ejus mansuetudinem, & clementiam erga lapidatores, quos verbis duris non est aggressus, sed pacifice pro iis rogavit, de ira igitur agemus hac concione.

*Non occides. Exod 20.*

**H**Oc est quintum mandatum, quod Deus dedit Iudæis & hominibus in lege Mosaica, quod & Filius Dei in lege Evangelica injunxit Christianis. *Ego autem vobis dico: Quicumque irascitur fratri suo, reus erit gehennæ.* Et quia noster Salvator est vera idea & prototypus animarum electarum & habemus insuper ex sacra scriptura, quod ipse aliquando iratus fuerit, apparet & videtur quod imitatio ejus in hoc puncto non solum sit actio licita, sed virtuosa, laudabilis, & meritoria. Primo ut hanc difficultatem clare enodemus & eam reddamus vobis proficuam, ego hunc discursum in tria puncta dividam. In primo quæremus, an fuerit ira in Christo; in secundo indagabimus diversitatem iræ Christi & nostræ; in tertio remedia contra nostram. O sacra virgo tua imitatio est unum è suavis & salutaribus remediis, una est columba mea: Columba mea: Se non habet, rostro non lædit, alis se defendit, inquit Sanctus Augustinus. In tuum cor nunquam ulla gutta fellis contra aliquem intravit, nullum verbum mordax unquam è tuo ore excidit, tua vindicta nil aliud est, quam extendere alas tuæ protectionis, ut cooperias illos, qui ad eas confugiunt, uti nos facimus te devote salutando *Ave*

*Maria.*

## Idea Sermoris.

### PUNCTUM PRIMUM.

*In Deo non est proprie ira, Christus homo habuit iram, & quomodo.*

**II. D**omine, orabat David, ne in furore tuo arguas me neque in ira tua corripas me. Nos sæpe recitamus hæc verba, sed distracte, & animum ad eorum significatum non applicando, quia si vel paulisper animum adverteremus nos stupore repleremini, & nos sancta curiositate acti, illa intelligere conaremur, ne in Deo id ponerent quod in creatura culpabile & vitiosum est. An noster Dominus Iesus Christus agatur furore? An subiectus sit alicui passioni? An sanguis ejus ebulliat in venis? An ejus oculi scintillent, nares fumigent, os impuget, facies inflammeretur, totus expallescat, animus in suis functionibus alteretur, turbetur, & ex sua temperie ejiciatur, quæ omnia sunt effectus, & vera symptomata iræ? Apud Stoicos post varias disputationes, hoc fuit velut indubitatum pronunciatum habitum: In virum sapientem non cadunt passiones animi, & tamen nil frequentius reperio in scriptura, quam quod minetur iram, furorem, indignationem Dei. *Iratus est furore Dominus, ira Dei ascendit super illos: Indignatio tua exhibit aurum meum.*

Enim vero in nostro salvatore duæ naturæ distinguendæ sapienter sunt, una est increata, æterna, divina, quam ante omnia secula accepit à tuo Patre, altera est creata, temporalis humana, quam



quam habuit à virgine in plenitudine temporis. In natura divina omnia habet communia cum Patre & Spiritu Sancto, unde conficitur, quod quærere, an in Iesu detur ira, idem est, ac interrogare, an in Patre, Filio, Spiritu Sancto illa detur? Theologi porro negativè respondent; cum enim hæc divina majestas sit purissima, simplicissima, compositionis expers, immutabilis, invariabilis, nulli potest esse subiecta mutationi vel alterationi. Homerus & alii Poetæ finxerunt Deos habitare in monte Olympi ὀλύμπια δώματ' ἔχοντες, ut significarent, quod sicut vertex illius montis, est celsior, & sublimior ipsa media regione aëris, adeoque nesciat tempestates, ventos, tonitrua, pluvias, aut alias injurias aëris, ita ut in illo sit perpetua tranquillitas, & serenitas, ita hæc divina majestas adeo semota sit à via, & contagione rerum corporalium, ut semper sit pacata, & tranquilla. Equidem advertendum est, quod Spiritus Sanctus in scriptura volens condescendere nostræ infirmitati, balbutire cum nostra ruditate, & se accomodare nostro imperfecto modo loquendi, & intelligendi, attribuat Deo plura, quæ ipsi proprie non competant. Sed solum analogice, proportionaliter, figurative, ut videntur in creaturis, & uti dicit Theologia positiva ἀνθρώποις ὁμοιωθεὶς, vel ut loquitur Theologia Scholastica effectum, non affectum, producit effectus, non habet passiones, ille habet formam, non materiam, virtutem & perfectionem, non defectum & imperfectionem. Sanctus Augustinus doctè & gratiose id declarat. Hic Sanctus Pa-

ter agens de patientia quæ est virtus contraria iræ, & quæ supponit aliquam passionem, cum patientia dicatur à patiundo, ostendit eam sicut nec alias passiones esse in Deo, cum tantum in eo sit id quod est perfectum, excellens, laudabile in iis.

Sed Dei patientia qualis, & quanta sit, quem nihil patientem, nec tamen impatientem, imo patientissimum dicimus, verbis explicare quis possit? Ineffabilis ergo est illa patientia, sicut zelus ejus, sicut ira ejus, & si quid ejusmodi est, nam si tanquam nostra illa cogitemus, in illo nulla sunt, nihil enim horum nos sine molestia sentimus, absit autem, ut impassibilem Dei naturam perpeti ullam molestiam sufficemur, sicut ergo zelat sine aliquo livore, irascitur sine perturbatione, misereatur sine dolore, pœnitet eum sine aliqujus pravitatis corruptione, ita est patientis sine ulla passione. Ejus ira itaque nil aliud est, quam justitia ejus adorandissima, quæ sic vocatur, eo quod habeat effectum, & non imperfectionem, & defectum quem ira habet. Ira inflammatus repetit vindictam cum fervore & exacerbatione: Deus vero punit peccata pacatè & tranquillè. Tu autem cum tranquillitate judicas.

Tom. 4.  
lib. 6. de  
patien. c. 1.

Sap. 12

Porro inter duo hæc differentia intercedit, quod furor diu duret, ac sit permanens, ira vero transiens & momentanea.

Ira,



*Ira, furor brevis est.*

Hinc quando David dixit, Domine, ne in furore tuo, quoniam sagittæ tuæ infixæ sunt mihi, dicere voluit, inquit Sanctus Augustinus: Quandoquidem me punire velis in hoc mundo per afflictiones, quibus me involvis, ne me punias in inferno, in quo exerces tuum furorem, tuam vindictam, quæ diu durat & est æterna, nec me emendes in purgatorio, in quo exerces tuam iram tuam vindictam, quæ est brevis & temporalis. Sit ut sit, siue Deus puniat æternaliter, vel temporaliter, siue in hoc, siue in alio mundo, ille punit sine commotione, sine alteratione, turbatione, sed quietè, tranquillè, pacificè, cum amore & dulcedine incredibili. Unde confectum manet in Iesu, quâ est Deus proprie loquendo nullam dari iram, furorem aut aliam passionem.

III. Quod si eum consideremus, quatenus est homo, dicam cum Theologis, homo est, humani nil à se alienum putat, dicam nullum esse dubium, quin passionem nostræ animæ, amor, odium, ira, gaudium, tristitia, desiderium, passio in eo quatenus est homo succedat, secluis tamen imperfectionibus, quas habens post peccatum originale in illo fuerint. Etiam ipse, inquit Sanctus Augustinus, in forma servi, agere vitam dignatus humanam, sed nullum habes omnino peccatū, adhibuit eas ubi adhibendas esse iudicavit. Neque enim in quo verum erat hominis corpus & verus hominis animus passus erat humanus affectus. Et paulo inferius; & Hos motus certa dispensationis gratia, ita cum voluit suscepit animo humano, sicut cum voluit factus est homo, & infra: Habemus eas ex humana conditionis infirmi-

tate, nec sic Dominus Iesus, cuius & infirmitas fuit ex potestate.

Quod si consideremus has passiones in se ipsis, secundum suam essentiam, & ejus finem, tunc non sunt pravae, sed sunt dona naturæ, quæ creator nobis dedit, tanquam organa, & instrumenta, ut evitemus malum, & acquiramus bonum. Enimverò hanc insignem Theologicam doctrinam comparatione naturali, sed viva, & clara illustrare debeo. Animo nobis fingite, hominem his passionibus præditum esse velut currum, à quatuor vel sex equis vectum, cum passiones in homine id sint quod equi in curru ad proficiendum vel deficiendum in bono, ad bonum amplectendum, malum vitandum. Et quomodo amabo ferri possemus in bonum, nisi illud desideraremus, quomodo illud conservaremus, nisi de eo habito gauderemus, & delectaremur? Quomodo malum evitaremus, nisi illud absens timeremus, & illud præsens oderemus? Et hic per transennam moneo, omnes nos habere ansam nos humiliandi, & non superbiendi, quia sunt aliqui, qui ex sua natura, nullam quasi passionem habent, quia genium habent adeo insensibilem, frigidum, immobilem, ut dum aliquem vident aliqua passione commoveri, illi insensentur, & se perfectos putent, dum talibus alterationibus non sunt subiecti: Verum quidem est, quod non committas gratia mala, sed nec etiam magna facis bona; quia non est magna virtus carere passionibus, sed eas moderari & vincere. Non est pondus, inquit, Sanctus Ambrosius, vera virtutis insensibilitas cordis, & valde insana per stuporem membra sunt, quæ sentire dolorem incisa non possunt.

Rom. 7.  
V. 31.

Lib. 14. de  
civit. c. 9.



Rom. 7.  
v. 31.

*Sunt.* Et S. Augustinus, *si talis est àn-  
drea, ut animum contingere possit ullus  
affectus, quis hunc stuporem non omnibus  
virtutis iudicet esse priorem? Incompositi si-  
ne affectione, sine fœdere, sine misericor-  
dia.* Tu es velut currus, in quo nun-  
quam equi junguntur, qui nunquam ve-  
hitur, usurpatur, volvitur, qui nun-  
quam progreditur, vel movetur, sed  
qui semper in atrio otiosus manet.

Et profecto passionēs nostræ animæ  
valde bene comparantur equis, quia  
sunt bestiales & resident in parte animali  
& inferiore hominis, & non in superiori  
& rationali. Nos videmus, quod canes &  
alia animalia sint subiecta amorī, odio,  
invidiæ, iræ, & quia sunt brutales, ideo  
indigent vectore. Et sicut currus qui  
vehitur à sex equis, habet duos rheda-  
rios, unum qui insidet equis anteriori-  
bus, & principalem qui insidet postre-  
mis, & sicut rhedarius minus principa-  
lis, attendit ut caveat à fossis, sepibus,  
& pravis viis, ut ab illis deflectat, prin-  
cipalis vero moderatur, ut equos flectat  
pro libitu, ita in homine ratio est rhe-  
darius minus principalis, cuius est dete-  
gere vias, prævidere accidentia, diffi-  
cultates & inconvenientia, quæ occur-  
rere queunt, si eamus per talem, aut ta-  
lem viam, si tale opus aggrediamur, &  
voluntas est principalis rhedarius, qui  
habenas ducit, qui intemum flectit,  
inflectit in quamcunque partem  
vult, ut & illi mandet, ut suæ obligatio-  
ni satisfaciatur. Intellectus itaque p-  
ienter iudicat, voluntas prudenter &  
iste gubernat. Isti equi nobis sunt uti-  
les, hæc passionēs sunt quidem bonæ, &

laudabiles, sed valde turbatæ sunt per  
peccatum originale.

Supponamus quod iter agas proli-  
xum per pagos & tuus rhedarius in pran-  
dio in aliquo die bacchanaliorum, inci-  
derit in aliquem notum, qui in diverso-  
rio eum ad largiorem haustum, quam  
solebat, invitavit, vix conficies millia-  
re, & veredarius obdormiscit, princi-  
palis est ebrius, & hilaris, sed per vinum  
debilitatus, equi qui bene quieverunt &  
pasti opiparè sunt validi, & vigiles. Ve-  
redarius non attendit ad vias, princi-  
palis continuo equos cædit, & calcaribus  
adigit, habenas non moderatur, equi  
pernicissimè volant, tu es in loco mon-  
toso, tu es inter rupes, inter præcipitia,  
ego cogitandum tibi relinquo quid de  
hac misella rheda expectandum sit, & de  
iis qui illa vehuntur, de equis, de rhe-  
dariis an non omnia præcipitia ruant &  
conquassanda sint?

Talis sane est homo sine gratia Dei.  
Intellectus est obscuratus, & cæcus, vo-  
luntas est ebria & infarcita per amorem  
bonorum carnalium & terrestrium, pas-  
siones sunt vivæ & fortes, quæ assiduo  
recalcitrant. Viden paulisper munda-  
num destitutum gratia Dei, qui passio-  
nibus suis fræna laxat, vide in quæ præ-  
cipitia & foveas non ruat? Tu dicis in-  
tellectum ejus obdormiscere, quod ejus  
iudicium, ratione sensus communis  
non attendant ad præcipitia, obstacula,  
sinistros eventus, qui in executione pro-  
positi sese objicient. Et quoniam ejus  
actiones non attingent? Hæc virgo rapi-  
enda est, illa puella defloranda, duel-  
lo certandum. Et quid quæso tandè erit.  
Quo perveniet? dormit, ejus voluntas  
est



est ebria, nil curat dummodo progrediatur, suas passiones incessanter cedit, & stimulat. Et vobis cogitandum relinquo, quid non debeat expectare, & an non possit dicere id, quod quidam dixit, qui cum equum scandisset indomitum, & perniciosissime eo vectus per campos volaret, absque eo quod habenas moderaretur, interrogatus, quo iret tam perniciousiter? respondit, illuc quo feror.

IV. Passiones Christi huiusce conditionis non fuerunt, ille eas habuit absque ulla imperfectione, habuit illas subiectas & subditas, ille eas refrænavit, ut ipsi servirent ad nutum, ut illas excitaret, moderaretur, pacaret, quando & ubi volebat, & hæc est causa cur sancti simpliciter non audeant eas vocare passiones παθήματα, quia hoc verbum denotat, quod anima, quæ illas habet, patiatur, anima vero Christi non patiebatur, sed agebat. Et sane aliquo novo verbo egeremus, ad has passiones significandas, quam diu sunt in anima Christi, & quia Patres illud non invenerunt, ideo eas vocarunt propassiones, uti etiam vocatur pronomen, eo quod subeat vices nominis. Habuit ergo Christus majus imperium in suas passiones, & incomparabiliter magis absolutum, quam primus homo in statu innocentia. In eo fuerunt perfectiones, organa & instrumenta naturalia, quibus sanctè usus est ut aliquod bonum procuraret & malum effugeret. Et ita recenset nobis sacra historia, quod dum templum intraret, & in eo mercaturam agi inveniret, ira accensus fuerit, mensas nummulariorum everterit, & eos velut canes abegerit. An nos eum possimus in hoc imitari, & dare queat ira, quæ non sit peccatum, & quæ

non debeamus confiteri? Immo, absolute loquendo, quia irasci non est vitium, & imperfectio, sed virtus & opus meritorium, dummodo ira vestita sit cunctis circumstantiis necessariis, & sint, velut iratus est Iesus: *Irascimini & nolite peccare.* Verum enim vero, quia sumus fragiles, & imperfecti, qui non possumus uti hoc gladio, & cultro absque periculo damni, omnibus bene consideratis melius est non irasci, sed sibi ab ira temperare?

Psalm. 4.

#### PUNCTUM SECUNDUM.

*Differentia inter iram Christi, & nostram, Primo, quod nostra nos prævenit, non ipsum, Secundo, quod ira Christi est, sine felle amaritudinis; nostra autem non sic.*

V. Ira porro Christi duabus est vestita conditionibus, quibus nostra communiter caret, & ideo ira ejus est valde virtuosa, & laudabilis. Ira Christi eum non prævenit, quia eam habet, quando, & modo, & tam diu quam vult. In Evangelio dicitur, quod *turbavit semetipsum.* Et in horto oliveti *cepit pavere & tædere,* nec legimus de eo, quod ante illud tempus pavere cœperit, quamvis in anima ejus esset objectum timoris. Ira nunquam turbavit usum rationis in eo, nunquam eum offuscavit, nec in minimo intellectum obscuravit, illa nec in minimo immutavit, quo minus prudenter ageret & circumspiceret.

In Apocalypsi Sanctus Ioannes conspexit salvatorem solio insidentem, è quo prodibant fulgura, tonitrua, fulmina, quibus supplicia designabatur, quæ Deus in peccatores immisit. Sed & particulariter advertit, quod septem lampades arden-

Cap. 9.



ardentes confpexerit ante hunc thronū, ut fignificaret Deum non punire fuos hoftes, more Andabatarum, nec eum procedere ad vindictam inconfideratē, iram non turbare nec impedire in minimo functiones rationis, iuftitiam ejus non eſſe cœcam, velut iuftitiam hominū, quæ oculos habet velatos, fed eam eſſe velut ſceptrum, quod apud Egyptios fignificabat auctoritatem regalem, & in ſummitate oculum apertum habebat. Virga ejus inquit Ieremias eſt virga vigilans, quæ oculos habet apertos, ut videat, ubi & quomodo cædat. Ira ejus eſt zelus, non paſſio, zelus, quo zelat honorem Patris, zelus juſtiſſimus, rationabiliſſimus, adorandiſſimus.

Econtra noſtra ira ordinariē eſt cœca, inconfiderata, ſtupefacta, illa oculos offuſcat animi, judicium pervertit, rationem obtenebrat, *Turbatus eſt a furore oculus meus.* Et quando tenebras animæ immittit cauſa eſt, quod non ſciamus quid agamus, & quod nil boni faciamus. *Qui ambulat in tenebris nescit quo vadit.* Ariſtoteles meritiſſime noſtram iram cani domum cuſtodienti comparat.

Hic canis ordinariē, cum minimum audit ſtrepitum ad portam latrat, & pulſantem mordere vult, & hoc antequam videat quis pullet, unde & ſuum Dominum allatrat, dumque cum intrantem videt, & cognoscit, totus fit pudibundus, & quod latratum eſt, abſimiliter noſtra ira malè mortificat, ſæpe per præcipitationem inſurgit contra eos, qui non ſunt culpabiles, aut eos, qui non voluerunt nos adeo obligare. Tu offendendo ad lapidem te lædis, & en ſtatim diris eum devoves, qui cum poſuit, &

forſan mater tua non vellet ut malediceret ob opes totius mundi. Tu vitrum inconfiderate effundis, & cauſam in aliū derivas, qui illud à proprio loco amovit, cum tamen tu fortè id feciſti. Tua ira non eſt bona, non eſt ſimilis iræ Ieſu, illa prævenit & turbat judicium, illa actiones præcipitat, tu illi ſubijceris, & non illa tibi. Et hinc ſi ſapias, ſi mille actiones velis clicere, quæ tibi noceant, tu illi nunquam obedies, nil facies, nil dices, quamdiu in te erit.

*Qui non moderabitur iram*

*Inſectum volet eſſe, dolor quod ſuaſerit  
& mens.*

Quidquid dicis, quidquid agis in ira non eſt benefactum & quamvis prodiceres aurum, quamvis patrareſ miracula, attamen nil curantur, quia attribuntur tuæ paſſioni, non tibi, ſcimus ebrium non eſſe capacem quod vel minimum benefaciat, & dicat. Et hinc lex civilis ſic ſtatuit: *Quidquid calore iracundie, aut fit, aut dicitur, non prius ratum eſt, quam* 2. quid-  
quid ff. de  
regul. iur.

perſeverantia apparuerit judicium animi adſuiſſe; itaque brevi reverſa mulier nec divertiffe videtur. Nonne ſæpe poenitent te dicta & facta in ira? ne ergo illi amplius credas, cum tam ſæpe te deceperit: Ego quidem ſcio quod hoc valde ſit difficile, quodque Sanctus Auguſtinus dicat. Nulla iracenti ira ſua videtur injuſta, nam qui irascitur, putat, ſe cauſam habere juſtiſſimam, eos vero, quibus irascitur injuſtiſſimam.

Sed ego id vobis dicā, quod Phocion dixit ſuis concivibus. Fama detulerat ad Athenienſes mortem magni Alexandri, Athenienſes qui erant calidi, & ebulliebant



bant insurgere, & arma corripere contra Macedones volebant; optime in-  
 quiebat Phocion, præstolemur paulis-  
 per nuntium claudicantem, quia forsân  
 nobis aliquid impositum est; quod si  
 Alexander non sit mortuus, quid non  
 patiemur ob hanc iram stultam, quomo-  
 do postea non pœnitebimus? Quod si  
 nunc sit mortuus, etiam erit mortuus  
 cras, perendina die, post octo dies, cum-  
 que nullum sit inconveniens paulisper  
 rem hanc differre, & ex præcipitatione  
 magnum cervicibus nostris damnum in-  
 cumbit, suadeo ut iram paulisper pre-  
 mamus. Idem ego vobis dico. Ille,  
 cui irasceris, vel erravit, vel non? Si non,  
 eccur ergo ei irasceris? Si ita; paulisper  
 expecta, veritas est filia temporis, illa  
 omnia tibi detegit, error hodie com-  
 missus, cras quoque committetur, &  
 cras fructuosius corrigetur, quam ho-  
 die: *Potest ira dilata exerceri, non potest  
 exercita revocari.*

Hoc mihi dicas, quod injuria tibi ir-  
 rogata nimis magna sit, & quod nimium  
 sis læsus, & quod iram coercere non  
 possis, & à blasphemis & maledictioni-  
 bus te continere, quia Seneca quantum-  
 vis Philosophus gentilis, ille hoc sibi di-  
 suadet. Saluberrimum & optimum est,  
 inquit, prævenire adventum vitiorum,  
 ad quæ videmus nos inclinatos, & tem-  
 pestivè impedimenta objicere, & ita ani-  
 mam nostram in occasione urgente mun-  
 nire, & in illatione injuriæ inopinatæ, &  
 extraordinariæ vallare, ut cor illam non  
 sentiat, vel si ira tua suscitata sit, illam in  
 fundo animæ continere, ne exterius se  
 insinuet. Hic conatus, inquit, non est  
 omnino impossibilis, & pluribus exem-

plis memorandis hoc probare possem.  
 Regem Cambysem ebrietati deditum  
 dum Priaspes unus ex intimioribus ejus  
 amicis ferventer rogaret, tali vitio absti-  
 neret, & animum sumeret ei confiden-  
 ter & suaviter demonstrandi, quam hoc  
 vitium dedecet principem, in quem  
 omnes subditi oculos defixos habent,  
 Tyrannus respondit, ego testatum fa-  
 ciam, quod vapores vini illius, quod  
 habeo in corpore, nec in minimo offus-  
 cent rationem, usumque ejusdem, quod-  
 que non minus ebrius quam sobrius, vi-  
 tæ & manuum compos sim. Hinc pau-  
 cis post diebus vino se copiosiori opple-  
 vit, quam unquam ante, & adscito ad se  
 infelici ejus amico cum suo filio, ille jus-  
 sit filium cubili egrederetur, & duobus  
 vel tribus passibus ante januam apertam  
 expectaret, & manus ac brachia capiti  
 imposeret, & sic cor detegeret, & ita  
 immobilis staret. Hoc facto arcum &  
 sagittam arripuit, eaque directè cor illius  
 juvenis petiit, dumque jam in terra ja-  
 cens palpitaret, cum Priaspe accurrit,  
 & dum plagam magis dilataisset, & ape-  
 ruisset, ille Sagittam cordi infixam ei  
 monstravit, dicendo, quid tibi videtur?  
 nonne quamvis bene potus usum ma-  
 nuum habui? Immo inquebat hic infe-  
 lix, nec ipse Apollo scopum melius at-  
 tingeret. Quid dicis, quid cogitas?

Hic misellus parens erat gentilis, lu-  
 mine vero cecilitates non erat, gra-  
 tias illæ quas tu habes, non habuit, si  
 unquam ansam irascendi habuit, eam  
 habuit in hoc casu. Cambyses Rex tan-  
 tum erat mortalis, vel ut melius dicam  
 tyrannus, vermiculus terræ, injuria  
 quam hic miser devorare debuit, fuit  
 gra-



graviffima, excedens omnes limites, tyrannus eam irrogavit, ex fine injuftiffimo. Et tamen hic miffellus fuum principem tanta profequebatur reverentia, ut illum non perfrinxerit, diris non devoverit, conviciorum plaustris non oneravit, quin immo nec Regi, nec ejus aulicis verbo obmurmuravit, aut aliquod fignum impatientiæ, vel quod hanc injuriam fentiat, oftenderit, fed eum laudavit, celebravit, & miraculum feciffe dixit.

Ubi es tu Chriftiane, tu qui gratiam habes cognofcendi verum Deum, qui ejus habes auxilium, qui minimis tantum afficeris injuriis, tu centies, & milies per annum bile inflammari, contra altiffimam, & adorandiffimam divinam Majeftatem, contra Regem cæli, optimum, tranquilliffimum, beneficentiffimum, tu in eum infurgis, quamvis non fit caufa tui tædii, moleftiæ, & tamen eum convitiis laceras, blafphemias, abnegas. An non vides fupremo die judicii te ab hoc gentili condemnandum? & quamvis Deus caufa foret tuæ viæ, tamen id juftiffimè faceret, & non haberet anfam aliud faciendi quam quod fecit David. *Obmutui & aperui os meum, quoniam tu fecifti.* Quod fi fapias, quando es iratus, tu non folum abftinebis à verbis pravis, fed etiam à bonis, & à indifferentibus, fi abfolutè neceffaria non fint. Et miraberis Elifæum, Ioram Rex Ifrael, Iofaphat Rex Judææ, & Rex Idumææ fœdere icfo Meia Regi Moabitarum per Fecialem bellum denunciant, eò quod tributum, quod fingulis annis debebat Regibus Ifrael pendere cunctaretur. Cumque hi tres

Reges castris fixis in quodam deserto extrema penuria militibus, & equis potandis laborarent, Ioram qui principalis auctor hujus belli erat, lamentari, & clamare cœpit, cheu, cheumi Deus, antu tres Reges congregasti, ut fiant præda Moabitibus? Iofaphat princeps devotus & virtuosus clamabat; an non hic prope fit aliquis verus Propheta Dei, qui nobis in hac extrema penuria succurrere queat? Quilibet dicebat, non procul hinc moratur vates Elifæus, qui Eliæ à dapibus fervit, omnes itaque nulla interposita mora eum adeunt. Ioram erat Princeps perversus & vitiosus filius parentum perversiffimorum. Elifæus postquam eum in focietate Iofaphat principis devoti & pii vidiffet, bile inflammatus, & zelo juftitiæ erga eum succensus dixit. Quid mihi tecum fit ô Rex Ifrael? quomodo nos duo fimul stare poterimus? vade ad fallos prophetas tui patris & matris, ego proteftor, quod nifi fpectarem pietatem Regis Iofaphat, nec oculo te dignari vellem. Et tamen pofttea iis fignificavit quid deberent agere, ut aquam habere poffent. Hic tamen advertite, quod, quamdiu jufta ira commotus, & accensus fuit, hæc oracula pronunciare noluerit, nec hos reges inftruere, quousque pacatus efferet; tunc dixit ad adftantes: Adducite mihi cantorem regalem, qui fuo gratiofo cantu iram meam fedet. Ille optime fciebat illud quod Regius cantor decantaverat, nempe animam aliqua paffione commotam non effer capax illuminationum cœleftium. *Turbati funt & moti funt, omnis fapientia eorum devorata eſt;* fciebat illud, quod pofttea dixit Apoftolus,

Pfal. 71.



*ira viri Dei iustitiam non operatur.* Iraque tantum ad Iesum & Mariam spectat, aliquod opus bonum facere in fervore iræ, quia in iis non moderatur habenas, in iis non imperat, non dominatur, in iis scit, quis jus habeat, quis non, quis sit culpabilis, quis inculpabilis, & in iis nec ullum punctum iustitiæ transilit.

VIII. Præterea adhuc est alia differentia inter iram Christi, & nostram, ira ipsius nunquam respargitur amaritudine, nunquam exercetur per spiritum vindictæ, nam si nobis succenseat, si nos puniat, id non facit ex odio malevolentia, sed ex amore vel zelo iustitiæ. Sanctus Spiritus plus dicit unico verbo, quam ego possem dicere integrâ concione, ille uno verbo duas differentias assignat, quæ inter nostram & ejus iram intercedunt, ille ejus iram comparat cornibus monocerotis: *Cornua monocerotis cornua ejus.* Nostra vero est similis cornibus bovis. Primo ut dixi duæ inter monocerotem & bovem sunt differentia. Prima est quod monoceros sic fauciet, ut videat ubi fauciet, quia oculos habet super cornua, bos vero videre nequit, ubi lædat, quia oculos habet infra cornua. Præterea quando monoceros vulnerat, ille simul sanat, quia ut sciunt naturalistæ, cornua ejus sunt medicinalia, sunt antidota contra venenum, cum tamen illa bovis sint venenata, & vulnus infligant lethale. Filius Dei est velut monoceros, quia clarè videt, quomodo percutiat, non punit nisi prius præmeditatus fuerit tempus, modum, personas quas vult castigare. *Virgam vigilantem ego video.* Ille vulnerat, non ut perdat, sed ut sanet, non ex odio, sed

ex amore; *Ego occidam, & ego vivere faciam, percutiam, & ego sanabo.* Tulaborem & dolorem consideras, ut tradas eos in manus tuas.

Magne Deus, dum tu hominibus afflictiones & ærumnas immittis, tu prius eas consideras & examinas, tu eas diligenter libras, ut nec unciam plus dones, quam oporteat. *In lachrymis, in mensura.*

Dumque afflictiones immittis hoc non facis, ut eos perdas, aut iis damnum inferas, sed ut tradas eos in manus tuas, ut satisfaciant suæ obligationi, & restituantur tuæ gratiæ. Tuladis velut monoceros, tui ictus sunt favores, tuæ fauciationes sunt antidota, tu exerceas aliquem sicut columba, sine felle, sine rancore, sine amaritudine, Amor servit, Christus servit, sine felle servit, more columbino, non corvino. At enim nostra indignatio longe alia est, est ira viperina, interius venenata, bile affecta nigrâ, quando indignamur nos sumus pleni aversione, odio, exacerbatione, contra proximum; quin immo malignitas hujus viperæ est tanta, ut quandoque suum venenum evomat contra bonitatem infinitam majestatis divinæ. Nonne hæc tua ordinaria excusatio est, si nemo me offendat, ego nunquam amplius blasphemabo? hoc nil aliud est, quam se levare cum anchora. Qualis quæso est hæc excusatio, ego blasphemus in ira? Si dupliciter peccas, peccato iræ & peccato blasphemæ. Quod si duo attrienses servi, aut à pedibus invicem contenderent, & unus accederet Domini, accideret, Domine tu es nequam, nebulo, furcifer, & vellet se excusare, quod



quod ea dixisset in cholera, cur non obstante hac excusatione condemnaretur? quid ergo facis?

### PUNCTUM TERTIUM.

*Remedia nostra ira, Primum preservativum, secundum curativum, Tertium completens utrumque.*

IX. **E**T quale habebimus remedium adversus passionem adeo irrationabilem, malignam & nocivam? Ego in sancto Petro tria principalia invenio. Primum est auferre causam, evellere radicem, hoc est affectionem inordinatam versus bona temporalia, aut quamvis aliam creaturam. Et sane in morbis spiritualibus aliter loquendum est, quam in corporalibus. Medici experti & docti docent, quod & scripsit Fernelius, febres interpolatas, puta tertianas, quartanas, aut quæ in sua acceptione variantur, non semper curari phlebotomiis, & has ordinarie esse nocivas, sicut & incisionem venæ. Et quidem primaria causa, inquit Fernelius, harum febrium interpolatarum est humor biliosus, qui ordinariè non est intra grandes venas, sed intra mesaraicas, unde quando incidis venam, & emittis sanguinem, & non extrahis hunc humorem, quia hic non est intra illas venas, sed potius infers damnum & efficis ut quartana vel tertiana mutetur in continuam. Quia humor biliosus, qui est extra venas, forte in eas intrabit, ne illa vacuæ relinquantur.

Secundo dicunt alii medici, quod in cut in magno mundo aër est inter nos, & elementum ignis, ut calorem temperet, ita in microcosmo, sanguis qui instar aë-

ris est calidus, & humidus, est quasi frænnum humori bilioso: Sanguis est frænnum bilis, quæ ex se est calida, adeoque hujus activitatem retundit, & impedit ne magnum damnum faciat, unde si nimium extrahas sanguinem in his febribus, tu debilitas naturam, tu frænnum bilis laxas: ego hoc Senatui medicorum disputandum relinquo, & solum dico in morbis animæ, de quibus hodie ago, totum contrarium evenire. Febris nostra, inquit Sanctus Ambrosius iracundia est. Cholera non est febris continua velut rancor, sed interpolata, quæ aliquam quietem indulget, & in suis accessibus remittit, nec enim continuo sumus in cholera, & fermento, sed subinde & causa hujus febris in interiori latet, plane contraria est febre exteriori, quia est intus, & in corde. Et hoc est in quo vos decipitis, dum causam vestrarum passionum aliis affricatis, & non vobis dicitis, utinam mihi sicut illi foret, si haberem maritum sobrium, moderatum, nunquam irascerer, sed si ita permaneat quid apud eum agere possim, non potero me cohibere, si non haberem filium adeo inobedientem, & dissolutum, interim alter Iob esse deberem, & chalybeum habere pectus, ne patientiam amitterem, si non essem implicatus hac lite, nunquam bile inflammarer, quia si parti adversæ occurram, sanguis mihi semper ebullit.

Falleris, falleris charissime, nec maritus, nec filius nec processus sunt in causa tuæ iræ, sed tu, fode & lustra tua interiora, & videbis quod nulla alia causa sit, quam tua impatientia, & immortificatio. amor proprius, prava consuetudo.



Ap. Gra-  
tian, cap.  
iræ caus. 12.  
quest. 3.

X. Secundo, sanguis non est frænum huius bilis, sed stimulus, & illicium, affectio & cupiditas pecuniæ est titio & fomes huius iræ. Sanctus Ambrosius explicans illa verba Christi ad Apostolos: Nolite portare argentum, neque virgam, addit hanc causam, *ut & incentiva litis & instrumenta eriperet ultionis*, ut ita essent velut oves in medio luporum. Quidam antiquus nomine Collus, plura vitra & vasa fictilia in præsentia amici diffingens dicebat, ego proclivis sum in bilem, ego me cohibere non potero, si famuli aliquod frangant, & ideo malo iis carere, quam occasione eorum bile inflammari. Ego non tibi suadeo, nec id vellem ut omne illud destruas & frangas, quod tibi potest esse occasio iræ, sed volo, ut illa evellas è tuo corde, & ad tempus te iis prives. Imitare hunc priscum, hic ut patienter toleraret repulsas, quas passurus erat in postulatione eleemosynæ, priusquam hanc artem inciperet, sæpe stipem rogavit à statuis. Ita quoque tu ut asuecas ad patienter ferenda adversa, quæ tibi occurrunt invito, aliquoties illa facias, solve debita creditoribus, illud argentum rubiginosum, quod est in tuis scriniis, dona, tuæ sorori illam partem de, quam adeo appetit, illi qui minor te est locum cede, alias si tuas passionem non mortificaveris, si affectibus tuis indulseris, in hora mortis tuæ reperies, dicam terrificam peccatorum, quæ commisisti, thesaurum iræ, & suppliciorum, quæ promeruisti, & dices obstupefactus: *Quis novit potestatem iræ tuæ, & præ timore tuo, iram tuam dinumerare?*

XI. Nunc vides, quomodo debeas prævenire iram tuam antequam veniat, & eam extinguere vel moderari, quando fuerit accensa. Tui venti per tuam gratiam Deus multum possunt. *Fulgura in plurima fecit, educit ventos de thesauris suis.*

O insignem comparisonem! tu in æstate videbis quandoque densam nubem, quæ cælum tegit, solem obscurat, in meridie noctem invexit, tu præfagis pluviam, quæ in ea latet, grunit, strepit, reboat, & totum consternat mundum, fulgura incessanter coruscant. Et quid quæso facit bonus Deus, ut hanc tempestatem dissipet? Educit ventos de thesauris suis: Dulcem Favonium emittit è suis thesauris, lenem ventum qui illas nubes dispergat, qui illam tempestatem sedet, & solem in medio cælo plantet, & ita hæc tempestas resolvitur in lenem pluviam, quæ terram irrigat, campos fecundat, prata vivificat, arbores restaurat, animalia potat, & mille commoda adferat. Quod si proximus tuus tibi succensus sit, ille est velut nubes, ille tempestate & furore repletus est, sol rationis in eo offuscatus est, nocte obscura involutus est, grunit, murmurat, tonat, reboat, velut fulmen, oculi ejus scintillant, ille minas intentat, minatur se periturum, illa facturum, quæ dicit, ~~et plus se facturum~~, nil minus se facturum, omnia everfurus putatur.

Si tu itaque habeas animam, quæ in bono loco residet, tu faciliter dissipabis illam nubem, & facies ut magnum illi & tibi bonum ex hoc resuletur. Sed quomodo



Prov. 15.

modo hoc facies? Tuum cor debet esse thesaurus Dei, cum dulci verbo frange iram. *Responsio mollis frangit iram.* Sicut Favonius dissipat nubes, non debes obmurmurare quamdiu fulminat, non debes resistere, obloqui, *Non reddentes malum pro malo, maledictum pro maledicto.* Debes te excusare, & veniam rogare etiam culpæ, quam non commisisti, quamprimum animus ejus fuerit pacatus, & cholera sedata, intrabit in se ipsum, mirabitur tuam patientiam, agnoscet suum errorem, detestabitur suam stultitiam, confundetur, humiliabitur, & amabit te plus quam ante.

Ioan. 12.

XII. Verum enimvero optimum remedium contra iram, & alias passiones est gratia Dei, profecto crasse erramus, quod illam sæpius & ferventius non postulamus. Noster Salvator cum esset Deus, non habuit necesse, ut eam postulareret, & tamen ut nobis exemplum præberet, instante passione sua dixit: *Nunc anima mea turbata est, & quid dicam?* pater salviifica ex hac hora. Eum imitare, quando animus tuus fuerit turbatus, prosterne te ante filium Dei, ab eo contra tentationem veniam roga, pete lumen & juvamen ad actionem quam facere vis, committe te ipsi, ad hoc ut hæc tempestas sedetur, agnosce, quod ex te nil queas. *Domine vim patior, Domine salva nos perimus;* quod si non sis in tentatione, cum roga, cum sua re, exerce virtutes ei gratas, ut tibi adest, dum tentaberis lubinde hæc insignia verba S. Pauli animo volve; *patientia vobis necessaria est, ut facientes Dei voluntatem, reportetis promissiones.*

Hebr. 10.  
v. 36.

## CONCLUSIO.

*Paraphrasis in illa verba Apost.*

Patientia vobis.

XIII. **N**ecessaria est. Virginitas est virtus insignis, & Deo grata, sed tamen non est necessaria, quia potes salvari in matrimonio, potest fieri, ut elemosyna tibi non sit necessaria, eo quod sis pauper, edendum tibi forte non est necessarium, quia es infirmus, sed patientia simpliciter & absolute in quocunque statu & conditione, virginali, maritali, sive sis pauper, sive dives, sive sanus sive infirmus, absolute necessaria est.

*Vobis:* Devotio est necessaria Sacerdotibus, paupertas Fratribus minoribus, solitudo Carthusianis, abstinencia Minimis, zelus animarum prædicatoribus, sed vobis charissimi patientia maxime necessaria est. Religiosi uni tantum rei applicantur, uni tantum vacant, unum tantum curant, quomodo nempe placeant Deo, & Prælato obediant, verum vos qui estis in mundo, qui cum tot & tantis conversamini, *qui turbamini erga plurima,* qui humores & inclinationes habetis adeo contrarias, qui tot occupationibus distrahimini, si per gratiam Dei patientia non sitis muniti, millies per diem peccabitis.

*Vobis:* Obedientia est necessaria vobis erga Prælatos, preces erga parentes, misericordia erga egenos, sed patientia vobis ipsis necessaria est.

*Ut facientes Dei voluntatem:* Scitisne, quæ sit voluntas Dei: *alter alterius onera portate.* Si patientiam non habueris, nullum sufferre poteris, nec alius supportabit te, tu non valebis aliorum supportare



1. Thess. 4.

tare imperfectiones, nec alii tuas, tu cum nullo convenies, nec ullus tecum, tu semper eris tetricus, morosus, melancholicus, hypochondriacus. *Hæc est voluntas Dei sanctificatio vestra.* In quonam consistit sanctitas, & soliditas virtutum? An ut sæpius comunices? Non; quia amor proprius necdum est mortificatus, in qua tamen consistit sanctitas, & soliditas virtutum. An ut recites rosarium? Non, quia invenies mulierculas, qui illud centies qualibet septimana recitant; quid ergo? ut sis similis Iesu, qui talem pro nobis sustinuit contradictionem, qui dixit, *discite à me, quia mitis sum, & humilis corde.*

Matth. 22.

*Reportetis repromissiones.* Quod si sis patiens, promissiones Dei in te implebuntur, & primo quidem in hoc mundo, ille dixit, à mitibus possidendam terram: animipacati, patientes, tempera-

ti, negotia, & quidem meliori cum successu expediunt, quam animi turbulenti, & impetuoosi. Fabius Maximus plus egit contra Carthagenenses sua patientia quam Scipio per sua arma. *Unus homo nobis cunctando restituit rem. Repromissiones in altera vita: In patientia vestra possidebitis animas vestras.* Tu infinitas evitabis blasphemias, injurias, maledictiones, quæ tuam salutem in discrimen adducent, tu minues pœnas debitas peccatis, immo injuria, convitia, contumelia, quas pateris amore Dei, sunt pœnitentiæ, & satisfactiones pro tuis peccatis. Tu per patientiam exerces humilitatem, charitatem erga proximum, resignationem in voluntate Dei, & innumeras alias virtutes, quæ in te augebunt gratiam Dei, & gloriam ejus tibi acquirant. Amen.

## S E R M O

### QVINQVAGESIMVS OCTAVVS

pro Festo S. Ioannis Apostoli & Evangelistæ.

De homicidio spirituali, quod est scandalum.

*Quid ad te? tu me sequere* Joan. 21.

#### EXORDIUM.

**M**ira cuiuspiam videbuntur illa verba Salvatoris nostri ad Petrum? Ergone ad Petrum nil spectat Ioannes, ergone Petro nulla sit cura de Ioanne? Nonne Petro dixerat Christus, quod esset Petra, & super eam petram esset ædificatura Ecclesiam suam? per verba illa fuit Pe-

tro promissa superioritas in Ecclesia, ut omnes sancti Patres colligunt. Hoc admisso, an ergo Petrus nullam curam habet de suo subdito? Quod si unicuique Deus mandavit de proximo suo, multo magis id censendum est esse præceptum Prælatis, cum ipsi rationem reddituri sunt de suis subditis. Christus his verbis quidem insinuare voluit, ne curiose alio-



aliorum vitas scrutemur, hoc enim ſæpe nequit fieri ſine peccato, ſed tamen noluit ne omnino proximi curam mitteremus, quia potius ejus ſalutem curaremus, uti ipſe in hoc Evangelio declarat. Ille ſi Petro dixiſſet, quo genere mortis fuiſſet moriturus, & quod reliquis martyrio affectis ipſe Ioannes diu ſuperviveturuſſet, reliquos Apoſtolos ſcandalizaſſet, & partialem aliquomodo ſe offendiſſet, & quia ſcandalum in prælatiſ eſt potens, ideo Petrum ab illo diſcurſu divertit; de ſcandalo agemus hac con-  
 cione.

*Non occides. Exod. 20.*

I. **Q**uemadmodum anima rationalis eſt in comparabiliter excellentior & nobilior corpore, ita homicidium ſpirituale nocivius, & pernicioſius corpore eſt. Ego eum qui ſcandalum præbet, homicidam voco ſpiritualem, cum ipſemet Sanctus Paulus ad Corinthios ſcribens aſſerat, ſcandalizantem proximum, eſſe in cauſa, quod ejus frater Chriſtianus, pro quibus filius Dei mortuus eſt, peribit. Porro tribus punctis de hoc vitio agam. Primo videbimus, quid ſit ſcandalum, ſecundo videbimus quorum ſcandala nociviora ſint, tertio damna, quæ ex eo ſequuntur. O ſacra-  
 tiſſima virgo, in ſacris canticis hæc de te dicuntur. *Emiſſiones tue paradifus malorum puniceorum cum pumorum fructibus, cypri cum nardo.* Tu neminem unquam ſcandalizaſti, tu omnes eos egregie in bono ædificaſti, qui tecum eg-  
 runt, vel qui reſpexerunt ad tuas actiones, geſtus, converſationes exteriores, vitam, reſpexerunt, ita ut non ſolum

produxerint bonorum operum Deo gratiſſimos cum pomorum fructibus, ſed etiam quod ubique ſparſerint odores bonorum exemplorum hominibus, maxime proficuorum. *Cypri cum nardo,* nam vas alium non poteſt ſpirare odorem, quam ſpiret liquor quo repletus eſt, tu vero repleta es gratia, ita enim ſalutando teſtatuſ eſt Angeluſ, cum dixit, *Ave Maria.*

Idea Sermo iſ.

EXORDIUM.

*Mulum cavere debemus, ne scandalizemus proximum.*

II. **P**orro ut clare cognoſcamuſ, quantum teneamur, ut eſt poſſibile, non ſolum evitare, quodlibet peccatum & malum in ſe, ſed etiam, ut inquit, Apoſtoluſ, omne illud quod habet ſpeciem mali, oportet advertere, & ſupponere tria principia, quæ quilibet vel parvo ingenio prædituſ, faciliter capiet, niſi experientiam negare velit, quam tamen quotidie ante facieſ & oculoſ habemus. Primum eſt, de quo & aliaſ diximus, quod ſicut creator ſuam omnipotentiam monſtravit in mundi creatione, dum eum è nihilo produxit, ſuam ſapientiam in œconomia ejuſdem operiſ, dum nil produxit ex partibuſ ſeparatiſ, & improporcionatiſ, ſed ex partibuſ unitiſ proportionatiſ, inſigni ordine diſpoſitiſ, quarum una correfpondet ac concinit alteri, & quæ à ſe invicem dependent; nam cœlum reſpicit terram, ut eam irriget, & ſuiſ benigniſ, ac propitiis aſpectibuſ dignetur, terra reſpicit cœlum, ut ab hoc influxuſ neceſſarioſ

i Cor. 8.

Cant. 4.



ad suam productionem recipiat, substantia respicit sua accidentia, velut organa & instrumenta suarum operationum, accidentia respiciunt suam substantiam tanquam matrem à qua emanarunt, instar granarii è quo mutua accipiunt semina eorum quæ producunt.

Elementa quamvis sint contraria, tamen mutuam correspondentiam eamque naturalem habent, unde colligantur, secum invicem agunt, negotiantur, commodum seponunt privatum, ut per compositionem mixtorum bonum universi promoveant.

At enimvero, quod videmus in hoc mundo naturali & physico illud dicere possumus, dari in mundo civili & politico, hoc est in Monarchiis, rebus publicis, familiis, religionibus, & aliis communitatibus Societatis humanæ; nam exceptis sapientibus, qui valde pauci sunt, si comparentur aliis, nullus est, qui non sit pars alicujus totius, membrum alicujus corporis, Rex aut subditus, consul aut civis, Dominus aut servus, ex quo conficitur, quod unus ad alterum referatur, quod inter eos detur mutua actio, & reactio, quod omnes se invicem respiciant, hic alteri donet, alius ab alio recipiat.

Præterea nos docet experientia, quod homines nunquam contententur illo, quod sunt, sed quod semper ad altiora aspirent, nos sæpe respicimus eos, qui sunt supra nos, nos ambitione & invidia sollicitamur, dum eorum excellentiam videmus, nos appetimus illis esse similes, & quia actio est nobilissimum opus essentia; nec possumus esse id quod sunt, nos conamur facere quid agunt. *Imitari* inquit Aristoteles, *instum est homini-*

*bis à pueris, & in hoc differunt à cæteris animalibus.* Hoc est opus, quod homines addiscunt & imitantur à tenellis unguiculis, ut nempe imitentur alios, & in hoc differunt, ab aliis animalibus, sola simiâ exceptâ. Et quia quantumvis aliquis sit excellens, & nobilis, tamen adhuc habet alios, qui sunt ipso superiores. Ita quantumvis aliquis sit vilis & abjectus tamen adhuc habet aliquem se inferiorem. Nos omnes plurium conspectui expositi sumus, nos subjecti sumus, imitationi, considerationi aliorum.

Tertio quandoquidem homines communiter ob corruptionem naturæ, sunt magis inclinativi ad vitia quam virtutes, ideo magis imitantur actiones pravorum, quam bonorum, unde violentiam nobis inferre debemus; ut ascendamus ad virtutes, cum tamen pernici cursu feramur ad foveam vitiorum. Hæc consideratio nos obligat, ut omnia nostra verba, omnes nostras actiones circumspicere, & præmeditare faciamus, ne ulli pravam præbeamus exemplum, nec ullum scandalizemus, qui ad nos attendit, velut ad exemplar.

### PUNCTUM PRIMUM.

*Declaratur quid sit scandalum, & traditur ejus definitio ex divo Thoma.*

III. **P**orro ut hoc vitium unicuique declaremus, sciendum est, quod peccatum alicujus narrare, illud publicare, & propalare mundo, non est scandalizare, sed inhonorare, ac diffamare. Scandalum enim uti definit S. Thomas, & post eum omnis schola, est *dictum vel factum minus rectum, prædens alicui occasionem ruinae.* Ut autem perfecte hanc definitionem cognoscamus, oportet omnes

Lib. de  
poet. c. 4.

1. Cor. 13.  
v. 33.

Psal. 12.

2. 2. quæst.  
3. art. 13.



1. Cor. 15.  
v. 33.

Plal. 129.

omnes ejus particulas examinare. Scandalum quandoque est dictum, nam corpus inficitur, inquit Plato, per os, anima per aures, & S. Paulus qui profanos non solet citare, ad hoc propositum allegat illud dictum poetæ græci: *Corrum-punt bonos mores colloquia prava.* David labia timebat perversa, non quod timeret per ea suum honorem destruendum, sed quod anima per ea gratiâ divina esset privanda. *Domine libera animam meam à labiis iniquis, & à lingua dolosa: Sagitta potentis acuta cum carbonibus desolatoris.*

Tu apertè quidem non loqueris contra fidem, ita ut possit tibi affricari nota Atheismi, vel hæresis, sed tu dicis, talia, & talia contra nostram fidem, quis posset objicere, infideles talia proponunt argumenta. *Lingua dolosa.* Tu non quidem aperte tuum vicinum excitas ad dissensiones, sed subtiliter, & palliate: miror quod illa possis perferre, tu nimis es patiens, pedibus suis te conculcabit, talia, & talia de te dicens. *Lingua dolosa.* Tu non profers verba manifeste inhonestâ, sed æquivoca, ambigua, larvata. *Lingua dolosa.* Talia verba ordinarie sunt nociviora aliis, sunt *Sagitta potentis acuta.* Quo Sagitta est acutior, eò profundius penetrat cor. Cuspis vero cacuminis, & subtilitatis, quæ est in his verbis, facit, ut facilius imaginationem intrer, & in ea diutius hæreat. Sunt hæc verba carbonēs ardentes, qui consumunt, & perdunt puritatem, charitatem, simplicitatem animarum Christianarum, cum carbonibus desolatoris.

IV. *Dictum, vel factum,* non dicit actio & operatio, sed factum, hoc est quod jam factum est, omne id quod po-

test esse laqueus, & petra offensionis, si illud in domo asserves est scandalum, & tu es scandalosus. Illæ tabulæ, & statuæ nudæ, illi libri obscœni, comœdiæ, carmina impura. *Vel factum.* In hoc verbo etiam comprehenditur, omisso, ut si omittas actionem quæ impedit offensionem Dei, quam potes facere, nec tamen facis. Ita Christus quamvis non tene-retur solvere tributum, tamen illud solvit, ne scandalizaret. Ob eandem causam virgo circumcidit filium, eum obtulit in templo, se submittit legi purificationis, qua non tenebatur, ne aliis præberet pravam exemplum. Præterea Sanctus Paulus testatur, quod antiqui Philosophi, postquam cognitum lumine naturæ verum lumen reliquis gentibus non communicarunt, ut eos ab idololatria retraherent, iram Dei incurrerint, & omnium peccatorum participes facti sint, quæ populus defectu hujus cognitionis parravit. Tu ergo reus peccati efficeris, si tuum pœnitentem qui choreas, & comœdias frequentat, quem scis vanitatibus esse deditum, non reprehendis, quia cum scandalizas, nam dicit, hæc non sunt peccata, quia confessarius non mereprehendit. Tu peccas peccato scandali, si permittas quod rustici diebus festivis tempore sacri frequentent popinas, & domos luforias, idem est, si eos non accuses, non punias, nec procures, ut emendentur, tu peccas peccato scandali, si permittas quod officinæ diebus Dominicis & Festis sint apertæ vel quasi apertæ.

V. *Minus rectum.* Hæc particula denotat, quod actio bona & meritoria à Deo, vel ab Ecclesia præcepta, non debeat omitti, esto tuus proximus sit inde

Matth. 17.  
Rom. 2.  
v. 13. & 52.



Tertull de  
de veland.  
Virgin.  
hom. 7. in  
Ezech.

2. 2. quest.  
93. art. 7.

scandalizandus, quia hoc est scandalum pharisaicum, passivum, non activum, acceptum non datum, quia, ut inquit, Tertullianus: *Bonares neminem scandalizant, nisi malam mentem agnoscant, malum suum, qui de tali bono scandalizantur.* Et Sanctus Gregorius: *Si de veritate scandalum nascitur, utilius nasci scandalum permittitur, quam veritas deseratur.* Verum si actio sit bona, & laudabilis, sed non praecepta, an debeat omitti, si ex ea scandalum oriatur? Sanctus Thomas doctè subdistinctione responder: Vel proximus tuus scandalizatur ex tuo opere malitiosè & ex spiritu contradictionis, vel ex ignorantia aut infirmitate: Si malitiosè, tu bonum opus non debes omittere, quia illius est culpa quod peccet, non tua, ille facit velut Pharisei, qui malitiosè scandalizabantur ex concionibus Christi, & eas irridebant, prave interpretabantur, sed Christum hoc nil movit, nec ideo suas conciones omisit. Quod si scandalizetur ex ignorantia, vel infirmitate, praestat ut opus tuum facias secretè, vel ad aliquod tempus differas, quam ut occasionem praebeas proximo tuo peccandi.

1. Cor. 8.  
v. 12.

Rom. 4.  
v. 20.

Prisci gravissimè puniverunt quendam senatorem Romanum, eo quod in praesentia filiae cum uxore minus pudicè se habuisset. *Peccantes in fratres, inquit Paulus, & percutientes conscientiam eorum infirmam, in Christum peccatis: quapropter si esca scandalizat fratrem meum non manducabo carnem in aeternum, ne fratrem meum scandalizem, & alibi: noli propter escam destruere opus Dei, omnia quidem sunt munda, sed malum est homini, qui per offendiculum manducat.*

VI. Supponamus quod denudatio uberum, sit actio indifferens, nam certum est, quod non sit praecepta, immo est *factum minus rectum*, quia non tendit in Deum, quia non facis illud opus ex amore Dei, immo certo scis, quod sit fomes, & illicium plurimum pravarum cogitationum, lapis scandali animabus debilibus & infirmis, ubi est tua charitas tuus amor ergo Deum & proximum? noli propter carnem destruere opus Dei, noli sinu tuo illum perdere, pro quo Christus mortuus est.

Dic sodes, quid potius eliges, quid magis amabis, an nunquam comedere carnes, vel tuam carnem monstrare? Sanctus Paulus dicit, *carnem non manducabo in aeternum.* An hoc tu eligas? non. Interim Sanctus Thomas dicit, quod dupliciter aliqua res scadalosa esse possit, primo per intentionem agentis, secundo per conditionem operis. Quod si intentionem habeas aliquem inducendi ad peccatum, etsi re ipsa hoc non fiat, vel quia quem vis inducere, resistit tentationi, vel ex alio capite, tu adhuc peccato scandali peccas. Econtra, quamvis habeas bonam intentionem, si tamen opus facias ex se inductivum, & allektivum ad peccatum, tu reus es omnium peccatorum, quae subsequuntur. Quod si scieris vestes eorum, qui peste laborarunt, publice portares, ita ut illi, qui iis approximant, peste corripentur, nonne causa eorum mortis fores? An excusareris, si diceres, te hoc non intendisse? tu has vestes emisti, quia vili pretio vernerunt? tu nil mali intendis, quod proferas illa verba levia, sed solum ob recreationem: Non nisi vanitas est, quod ubera

2. 2. quest.  
43. art. 1.  
art. 9.

Matth

Mat



ubera tua denudas, hoc non obstante res est contagiosa, quæ pestem spirituales peccatorum spargit, Et quamvis unicuique tantum animum inficeret, tu reus mortis fores.

Matth. 23. VII. Tu putas actionem nullam esse scandalosam, nisi quæ publicè fit in publica platea. Et tamen Salvator dicit in sancto Matthæo: *Qui scandalizaverit unum.* Tu dicis solæ animæ debiles, qui tentantur per talem actionem, per talia verba fluctuant, animæ vero fortes, & in virtutibus radicatæ, nec in minimo moventur. Quid inde. Iesus dicit: *Unum de pupillis.* Sanctus Paulus addit: *Percutientes conscientiam eorum infirmam in Christum peccatis.* Filius Dei addit. *Va mundo à scandalis.* Ita loquitur, quia mundus plenus scandalis est. Et an aliquis in mundo sit, qui non proximo suo præbeat ansam peccati mortalis, vel venialis?

PUNCTUM SECUNDUM.

*Periculosius scandalizant proximum, primo superiores, secundo seniores, tertio mulieres.*

Matth. 5. VIII. ET quidem superiores sunt lux mundi, uti eos Salvator vocat: Fulciti vero eorū exemplo & ductu insistant, superiorum exempla, actiones sunt visibiles, evidentes, publicæ sicut lumen. *Silumen quod in te est, tenebræ sint, ipsa tenebræ quantæ erunt?* Adeo erunt grandes, & horrendæ, ut nec eloquentissimi verbis quasi divinis id eloqui posse videantur. Quod si superiores, sacerdotes, Patres familias, qui nil possunt facere, nisi palam, & coram toto mundo, tam impudenter, & audacter

peccent, quales non abominationes committent particulares qui plura possunt patrare, etiamsi nemo sit qui eos observet.

Orat. 39. Sanctus Gregorius Nazianzenus, & ante eum Sanctus Cyprianus dignis lachrymis persecuti sunt miseriam antiquorum idololatrarum, qui vitia deificaverunt, & in numerum Deorum retulerunt homines perverissimos, & vitiosissimos. Non potuerunt magis autorisare & stabilire vitia, quam quod non solum illa non excusarent, sed & persuaderent: *Ut peccatum,* inquit Sanctus Gregorius, *non solum crimine careat, sed etiam divinum censeatur.* Sathan hoc stratagemate, & astu utitur, quamvis modo aliquali diverso, ille quantum possibile est, in hoc est, ut Ecclesiastici, Prælati, Magistratus, sint vitiosi, & scandalosi, ut ita plebs, & inferiores eos non dedignentur, nec sibi dedecori ducant, imitari qui sunt ipsis superiores, & qui in scriptura Dei fortes intitulantur: *Dei fortes terre vehementer elevati sunt.* Illi dicunt id quod quidam priscus poeta cecinit.

*Quod divos decuit, cur mihi turpe putem?*

Et hinc, dum populus Israel Deum offenderet peccando cum filiabus Moabitæ, & adorando Idola Beel-Phegor, Deus Moysi dixit: Tolle cunctos principes populi, & suspende eos contra solem in patibulis, ut avertatur furor meus ab Israel. Notanter hic animadvertendum est, quod dicat *cunctos*. Sed quomodo hoc? omnis populus quidem non peccarat, & tamen voluit omnes primarios puniri, quia hi omnes peccarant, vel pravo exemplo vel



vel quia aliorum peccata non impedi-  
runt. Ille dicit: Suspende eos contra  
solem, ut eorum pœna ac supplicium  
sit æque manifestum ac eorum crimen.  
Ille dicit, *ut avertatur*, non minus ac in  
Genesi post sacrificium Noe dicitur. *O-*  
*doratusque est Dominus odorem suavitatis,*  
*nequaquam maledicam terræ.* Sup-  
plicium majorum est ipsi velut sacrifi-  
cium suavis odoris, ille magnam exin-  
de delectationem haurit, quod eos ri-  
gide in aliorum puniat exemplum; Et  
hoc ob nullum alium finem, quam quia  
ejus honor reparatur per illud medium.  
Hæc sane est differentia inter superiores  
& inferiores, quod subditi proximum  
potissime scandalizent per peccata com-  
missionis, superiores vero eosdem etiam  
scandalizant, per peccatum omissionis,  
quia eorum tolerantia, & permissio ac  
silentium est causa, quod subditi libe-  
rius peccent, & diutius sine scrupulo in  
eorum peccatis permaneant, nam di-  
cunt in se ipsis, si ego in tali opere pec-  
carem, meus Dominus, meus Pastor,  
meus Confessarius me reprehenderet.

IX. Præterea seniores in familia, in  
aliqua religione, in aliqua communitate  
serio invigilare debet ad proprias actio-  
nes, nam juniores in eos respiciunt ve-  
lut in speculum suæ vitæ, illi credunt iis  
impune esse licitum, quod viri adeo lon-  
gavi faciunt, persuasum sibi habent,  
quod habeant plus scientiæ, prudentiæ,  
experientiæ, quam alii, melius bonum  
& malum cognoscunt, & quo proxi-  
mius suo fini approximant, eo ferven-  
tius virtutes exercere, & peccata evita-  
re debent. Hoc fuit inter alia prin-  
cipalissimum motivum Eleazari, cur po-

tius voluerit subire mortem quam com-  
mittere aliquod peccatum. Veneran-  
dus hic senex qui jam incanuerat in ser-  
vitio Dei ad mortem condemnabatur,  
nisi comederet cibos lege Dei vetitos,  
ejus amicissimi compassionem falsa moti,  
in aurem ipsi latenter ingrefferunt; quod  
si nolit cibos vetitos manducare, ad mi-  
nus simula, quod eos comedas.

Et an pures, quod sit adeo severus, &  
quod velit quod sis adeo austerus. An-  
ne sit tam grave peccatum libare cibum  
ore, & illum statim rursus expuere? sed  
quid ille, apage tu prave consiliarie,  
tuum consilium nimis est perniciosum,  
& quale non foret exemplum junioribus  
urbis, si dicatur, quod Eleazarus vir no-  
naginta annorum vitam infamem morti  
gloriosæ prætulit? Quid non dicent  
cum audient, quod vir adeo decrepitu,  
ut pauxillum vitæ corruptibilis, quam  
tamen serius, vel tardius amittere de-  
bet, legem Dei transgressus fuerit? po-  
tius damner, quam tam pravum exem-  
plum committam.

X. Enim verò superiores & senes  
non possunt esse scandalosi nisi per sua  
verba, & actiones, at scæminæ ordina-  
riè sunt scandalosæ per omnia, quæ ha-  
bent, per omnia quæ faciunt, per omnia  
quæ sunt. Hoc intendit Spiritus San-  
ctus cum dixit: *Virginem ne conspicias,*  
*ne forte scandalizeris in decore illius.* Quæ-  
so vos nō perlocum, & risum hæc verba  
suscipiat, prout sæpe facitis, sed cum  
respectu & reverentia, quotiescunq; de  
Deo loquimur, debemus nos dimitte-  
re usque ad centrum terræ, ut ejus ver-  
ba veneremur & adoremus: *Inveni, in-*  
*quit, mulierem morte amariorum.* Non  
dicit



Ecclef. 7.

dicit fœminam procacem, elatam, superbam, vanam, impudicam, sed absolute fœminam. Non dicit eam esse amarā viris lascivis, levibus, dissolutis, vel adolescentibus, sed generaliter & indifferenter, & quidem amarā, & amariorē morte. Sancta Irene quamvis fuerit casta & modesta, tamen amarior morte suo direttore spirituale fuit. David magnus fuit Propheta, homo secundum cor Dei, & tamen fœmina quidem ei amarior morte fuit.

Salomon idea fuit sapientiæ, & tamen mulier ei morte amarior fuit. Sanctus Martinianus, Iacobus Eremita, Frater Iacobus Guerinus viri fuerunt austerissimi, & pœnitentes, & tamen fœminis amarior morte fuit. Et ut significet, quod loquatur de sapientibus, & devotis, ille inquit, *melior est iniquitas viri, quam*

Ecclef. 4.2.  
v. 14.

*mulier benefaciens*, ac si diceret, malitia, prava conversatio viri dissoluti, & pravi, non est tam periculosa, quam pravitās & conversatio fœminæ virtuosæ. Et hic est verus sensus horum verborum, quia ante dixit. Ne sis frequens in conversatione mulierum, quia sicut vestis generat tineam, ita fœmina virum inducit in peccatum. Et sanctus Basilus huius rei causam assignat. *Mulier* dicitur à molliendo, quia quidquid in ea est, hoc est fœmininum, molle, allektivum, attractivum, fascinativum, ejus aspectus, vestes, gestus, incessus, facies, sola præsentia, ejus, risus, cantus, verba, aspectus emolliunt, flectunt, sunt suspecti & nocivi.

Et hinc fœmina virtuosa; quæ Christum amat, cui gloria Dei cordi est, quantum potest abstinere à publico, quin po-

tius quantum est possibile se domi recludit & recondit. Illa non exit nisi corpore velato, & ex urgente necessitate. Et quidem Tertullianus ulterius procedit, nec permittit, ut adeo altari appropinquet dum missa dicitur, sicut facit, quando chorum intrat religiosorum & sacerdotum horas divinas cantantium, nec intret Ecclesiam vultu detecto & nudato, quin potius te rogat, ne sine necessitate domesticis, & parentibus se monstret. Omnes inquit in te ætates periclitantur, quia cuilibet ætati, sexui, conditioni occasio ruinæ esse potest. Sancta Aglai fuit objectum tentationis Sancto Bonifacio suo cauponi. Thamar suo Fratri Iudæ, Herodias suo affini Herodi, alia Thamar filia David suo Fratri Ammon, sancta Dymna proprio parenti, & fœminæ, de quibus mentionem facit Sanctus Paulus, suis sodalibus.

De veland.  
virg. c. 13.

Gen. 38. v.  
6, Marci. 6.  
v. 17.  
2. Reg. 15.  
v. 1.  
Rom. 1.

Et quidem verum, quod id sapius fiat, sine tua culpa, & voluntate, sed tamen Sanctus Chrysostomus dicit, quod sicut paterfamilias graviter succenset homicidæ sui filii, ita ut non solum illum puniat sed & in partes diffingat cultrum quamvis innocentem, quo eum occidit; ita & sathan dum te velut instrumento utitur, quo occidat infantes Dei, dum te adhibet velut escam, & illicium, ut in tui concupiscentiam exardescant, absque tua intentione, Deus quandoque bile inflammatur, & in furore suæ indignationis te castigat temporaliter, quia fuisti instrumentum quo usus est Dæmon

Ad Neophy. os.

tantum damnum inferendo.

13(0)31

i

PUN.



## PUNCTUM TERTIUM.

*Argumenta ad dissuadendum scandalum, primo ex parte Dei, secundo proximi, Tertio nostri.*

XI. **S** Acri Canones atroci, & proluxa Pœnitentia castigant sacerdotem, qui sub tremendo mysterio Missæ permittit per suam negligentiam aliquam guttam sanguinis cadi. Nemo id facit voluntarie, quia si hoc fieret, id te summo dolore afficeret. Et tamen si ex parte tua minima interveniat negligentia, tu pœnæ subjaces ordinariæ. At enim vero videtur, quod animæ Christianæ sint cariores & multo pretiosiores sanguine Christi immaculato & divino, quia ille suum sanguinem dedit, effudit, sparsit, conculcari voluit in plateis Ierusalem pro redemptione animarum dilectarum. Et hinc tibi considerandum relinquæ pœnitentiam, pœnam, objurgationes, quas ab eo expectare debeas, si per tuum pravum exemplum, negligentiam, sinas quandam animam labi in cloacam peccatorum, & damnationem æternam. Ille ansam habebit dicendi, id quod Albertus magnus dixit suo discipulo. Hic magnus naturæ indagator quandam statuat fabricaret ligneam, quo arcano mirabili subinde voces articulatæ formabat. Ejus discipulus Sanctus Thomas arcani ignarus, dum quadam die in ejus cubili esset, audiretque hanc statuat loquentem, ejusque verba intelligeret, consternatus ex motu primo, primo ei calcem impegit, eamque diffregit. Magister ejus, qui ibidem latebat, & hanc actionem videbat, prostravit, & dixit, Fili charissime, quid fecisti, tu opus trigin-

ta annorum uno die diffregisti. Iesus triginta tribus annis laboravit pro illa anima, quam tu sollicitas ad peccatum, ille pro ea homo factus est, ille in terra vixit, prædicavit, jejunavit, sudavit & mortem pro ea est passus. Ille omni conatu, decem, viginti, triginta annis corrogavit in suo corde thesauros gratiarum, & meritorum per suas inspirationes, frequentationes sacramentorum, preces, meditationes, eleemosynas, & bona opera, tu consensum si ab ea elicias in peccatum, facit ut omnes suas perdat opes, & fiat pauperior Iro. Et qualis unquam tempestas in mari tantam jacturam causavit? quænam grando in campis & vineis unquâ talem stragem edidit? quale incendium unquam in urbe tale intulit damnum;

XII. Et quamvis in ea solum destrueres unicum gradum gratiæ, attamen majus ei inferres damnum, quam si ejus incinerares domum, si ejus omnia destrueres bona, si ejus famam extingueres, si ejus tolleres vitam, quia cum privas re incomparabiliter nobiliori, excellentiori, preciosiori, & optabiliiori, quam omnia alia sint. Qualibet afflictio, quæ animæ obvenit illa est ejus asylum, consolatio, spes dummodo sit bene cum Deo. Sublatis parentibus Deus est Pater Orphanorum, Deus mortuis maritis est defensor viduarum, ablatis bonis, Deus est Thesaurus Pauperum, si morbus invadat, Deus est medicina infirmorum, sed si animam privas Deo per consensum in aliquod peccatum, tu unico momento adimis ei suum patrem, protectorem, medicinam, Thesaurum, refugium in persecutionibus, remedium in adver-



adversitatibus, consilium in perplexitatibus, succursum in ejus morbis, tranquillitatem, & levamen omnium ejus acerbitatum. Ille, qui aufert sepem hor-  
ti, janua domus, propugnacula & val-  
la urbis, annon sit causa omnium da-  
mnorum, cladium, stragum, inimicitia-  
rum, quæ exercentur? Tu si Deum ani-  
mæ uniadimas, ei auferis suum scutum,  
sepem, propugnaculum, defensionem,  
quia ivimici catervatim in eam irruent.

*Quæ data portarunt.*

Dicentes, *Deus dereliquit eum, persequimini & comprehendite.* Erañon causa es  
omnium horum damnorum, & ruina-  
rum? An non punieris ob omnia illa pec-  
cata quæ anima patratu est per incli-  
nationem, & funem quem ei dedisti, pec-  
cata, quæ hæc anima committeret vel per  
tuam sollicitationem, vel per tuum pra-  
vum exemplum, infallibiliter punientur,  
vel in inferno, vel in purgatorio. Si in  
inferno, tu eris causa, quod hæc anima  
particularem patietur dolorem, per mil-  
lenos annos, immo sine fine. O misel-  
lam & infelicem? ô misellam infortuna-  
tam? Si in purgatorio, tu causa eris,  
quod anima chara Deo, Sponsa Christi,  
Filia Mariæ, Soror Angelorum per plu-  
rimos dies arsurat in igne Salvator qua-  
dam vice apparuit Sanctæ Terefiæ, eique  
revelavit, quod egerrimè & moleste fer-  
ret, quod illa executionem voluntatis a-  
licujus nobilis, qui parvum legatum fe-  
cerat differret, eumque è purgatorio non  
liberandum, quousque ejus voluntas ad-  
impleta fuerit, eique dixit: Tu non per-  
pendis, quod anima meo sanguine re-  
dempta jaceat in pœnis purgatorii per  
tuam negligentiam.

Libera in  
vita Sanctæ  
Terefiæ, lib.  
2. c. 2.

# CONCLUSIO.

XIII. **T**U dices cum Berengario. *Ho-  
die in die apparitionis sue appa-  
rabit mihi Dominus meus Iesus Christus  
propter pœnitentiam, ut spero ad gloriam,  
vel propter alios, ut timeo ad pœnam.* Ille  
contagione suæ hæresis plures animas  
perverterat, sed conversus & pœnitens,  
abjurato errore & contritione elicitâ,  
dum ultimæ lineæ esset ad mortus anno  
millesimo vigesimo quarto, ipso die Epi-  
phanîæ, quam apparitionem vocamus,  
ipse ejulans exclamare cœpit: Hodie in  
die &c. certo tibi persuadeas, quod in  
articulo mortis tuæ, te nil magis anget,  
& cruciabit, quod te magis in despera-  
tionem aget, quam memoria animarum  
per tuam negligentiam perditarum.  
Tunc agnosces veritatem, & senties pra-  
vitatem, & atrocitatem horum formi-  
dandorum verborum. *Va homini illi per  
quem scandalum venit.*

Tu videbis omnes gratias, quas Deus  
fecit animabus, quas tu perdidisti, omnia  
merita, quæ acquisiverant, omnia quæ  
Christus fecit, & passus est pro earum sa-  
lute, quodque tu hæc omnia bona de-  
struxeris ob centones, Tunc suspirando  
apud te dices: *perit frater pro quo Chri-  
stus mortuus est, quis ei refundet innocen-  
tem sanguinem, quis ei restituet pretium  
quo nos emit? Va, va homini illi.* Melius  
tibi foret si mola collo tuo appensa in  
mare fuisses projectus.

Tu videbis nobilitatem, excellētiam,  
pretium & valorem animarum, quas  
perdidisti, hoc augebit tuam tristitiam,  
ac si mola cor tuum comprimeret. Tu  
conspicies magnum numerum peccato-  
rum, quorum fuisti causa. Tu videbis,  
quod



quod illa puella, quam tu incitasti, ut clam auferret aliqua patri, ut ea tibi daret, pravam consuetudinem induerit, & postea suffurata fuerit vicinis, nec minimum restituerit. Tu videbis, quod illa ancilla, quam tu induxisti in peccatum, postea lapsa fuerit in alia, quod prolem necarit, scelus in confessione reticuerit, & milles sacrilege communicarit. Tu videbis, quod proles tuo exemplo edocta didicerint jurare, inolescere, vanitatis se dare, videbis quod nepotes & neptes tuæ, pronepotes, abnepotes, usque ad tertiam & quartam generationem, hoc ipsum edocta fuerint, ita ut omnium eorum scelera tibi sint imputanda.

Hic aspectus te præcipitabit in profundum desperationis. *Demergatur in profundum maris.* Vir quidam probus nostri temporis, qui cum opinione sanctitatis moruus est Parisiis, non obstante, quod plures annos transegisset in sancta vita, & actiones heroicas charitatis excellentissimæ elicuisset, nomine Dominus Bertaut, morte instante summo pere cruciatus fuit, quod semel imperialem adulterinum uni pauperi in elemosynam fuisset elargitus, quamvis id jam confessus fuisset & austeram poenitentiam diluisset. Hic vobis considerandum linquo, in qua non anxietate vos constituendi sitis, quando vobis sub oculos ponentur tot verba falsa, gestus affectati, tot promissa falsa, quibus animas perdidistis? Eheu dicetis? Si lex Dei sanciverit, ut is qui offendit proximum reddat oculum pro oculo, dentem pro dente, annon ego debeam dare animam pro tali, vel tali, quorum animas perdidisti?

*Va homini illi, va homini illi per quem*

*scandalum venit, quod si occidisses quinque vel septem equos vel oves tui vicini, nunquid obligareris toridem restituere?*

Tu tuo pravo exemplo, verbis otiosis & indiscretis, negligentia tua, plures animas ad Christum spectantes perdidisti, nonne ergo æquum est ut coneris illi lucrari plures instruendo tuos domesticos, famulos, operarios, demonstrando illi puellæ periculum & damnum, quod incurrit, illum juvenem amando, media & pecunias suppeditando, ut poenitentes puellæ sustententur, in domo refugii, in conventu sanctæ Magdalenæ, & mille aliis modis, quos Spiritus Sanctus iis suggerit, qui eum orant, & qui ei sunt fideles?

O mi Salvator Iesù, zelator animarum, tua bonitas est major, quam sit nostra malitia, tu potentior es ad restaurandum, quam nos ad destruendum, & devastandum, omnia sicut per te facta sunt, ita etiam per te queunt refici, & restaurari. Tu es verus Zerobabel, qui templum Dei reedificasti, tu es pius Samaritanus, qui curas plagas illius miselli fauciati, Tu es filius virginis, qui venisti ut quæreres & salvares amissa. Tu resuscitasti te ipsum, tu alios etiam resuscitare potes. Tu repara per tuam misericordiam, si placet, ea quæ nos destruximus, Tu eleva ea, quæ nos fecimus cadere, tu repara quæ nos devastavimus, tu sana, quæ nos fauciavimus, Tu quære quod nos dissipavimus, Tu salva, quod nos perdidimus, resuscita animas quas nos occidimus, ut dicere possimus cum iis in Evangelio: *Hic est vere Salvator mundi*, & ut nos ansant habeamus tibi gratias agendi, te laudandi, te benedicendi & semper glorificandi. Amen.

SERMO

P. Amelot.  
in vit.  
P. Contarini.



# S E R M O

## QVINQVAGESIMVS NONVS

pro Festo Circumcisionis.

De Luxuria.

*Consummati sunt dies octo ut circumcideretur puer. Lucæ 7.*

### EXORDIUM.

**P**Acatus fuit hominis status ante peccatum, caro enim subiciebatur spiritui, spiritus rationi, ratio voluntati, voluntas Deo, antequam enim Adam peccasset, maxima fuit in homine tranquillitas, & quies, verum post peccatum status ille felix mutatus fuit in maximam turbationem, & irrequietudinem, ut regnum hominis jam desolatum sit, & in eo maxima vigeant jurgia, & bella, quia caro concupiscit adversum spiritum, & spiritus rebellis est Deo, ita ut illud bonum quod volumus agere, non possumus, unde & clamat Apostolus: *Infelix ego homo, quis me liberabit de morte corporis*: Et quis Auditores nos liberabit, ab hac rebellionem? Circumcisio spiritualis. Præcipua rebellio, & quæ nobis plurimum negotii facessit, est rebellio partium genitalium adversus spiritum, hanc maximè deplorant viri spirituales, & circumcisio, ut ad illam potissimum tollendam videretur esse instituta, ideo fiebat in illa parte. Ab hoc nos hodie incipiemus, & illas partes cir-

cumcidere conabimur, ad hoc nos movebit hodiernus sermo, si motiva consideremus, quam abominabile vitium luxuria sit.

*Non machaberis. Exod. 20.*

**I**Profecto res stupenda est, quod Apostolus Paulus scribens ad Ephesios, more militum videatur totus cataphractus, & primo loquatur de cingulo, seu balteo: *Frates inquit, galeam salutis assumite, induite lorica[m] iustitiae in omnibus sumentes scutum fidei, & gladium spiritus, quod est verbum Dei, sed ante omnia ne obliviscamini cinguli, quo renes cingatis. State succinti lumbos vestros.* Et sane ille, qui nescit cingulum esse symbolum castitatis, hæc res paradoxa videretur: Lumbos præcingimus, cum carnis luxuriam per continentiam coarctamus, inquit S. Gregorius: Dum ergo Apostolus nos monet ut ante omnia cingulo nos cingamus, ille nobis commendat sextum præceptum, quo tenemur amare puritatem quæ cōtraria est vitio quod vetatur. Et quidem tria vobis in hoc

Ephes. 6.  
v. 14.



discursu ostendam. Primo causa, naturam & effectus hujus peccati. Secundo quam sit abominabile, Tertio remedia quæ contra illud militant. Et sane unum ex efficacioribus est tua assistentia & intercessio o Sancta & Benedicta Maria. Ecclesia frequenter te non solum nuncupat, virginem virginum sed & ipsam virginitatem: Sancta & immaculata virginitas; ut nempe discamus, quod sicut nemo albus sine albedine, dulcis sine dulcedine, sanctus sine sanctitate, ita quoque animæ Christianæ nequeunt esse castæ & puræ sine tuis influentiis virginalibus. Da itaque si placet nobis hanc virtutem Angelicam & ad hunc finem admitte verba Angelica, *Ave Maria*.

### Idea Sermonis.

*Concio explicat de luxuria visionem  
Apocalypsis. c. 17.*

II. **D**ilectus discipulus Filii Dei recenset nobis visionem, quam conspexit in Insula Patmos, ad quam ob confessionem fidei relegatus erat, visionem revera ænigmaticam, & mysteriosam, in qua vivis coloribus depingit, causas, naturam, species, circumstantias, & effectus vitii abominabilis quod hodie perstringere decrevi. Vidit itaque faminam bestię insidentem monstruosæ, quæ septem habebat capita, & decem cornua. Hæc famina basilicè fuit exulta, purpura induta velut Regina, rubinis & adamantibus corruscans, in manu habebat scyphum aureum abominatione plenum, & in ejus fronte litteris majusculis hoc inscriptum habebat mysterium.

### PUNCTUM PRIMUM.

*Causa, natura, effectus, luxuria. Causa sunt femina, otium, Damon. Nam femina sedet super bestiam, hæc habet capita septem, nempe septem species hujus vitii, decem cornua, quia offendit decem præcepta, primum, secundum, tertium, quartum, quintum, septimum, octavum.*

III. **H**æc femina nil aliud est, quam peccatum luxurie, quia idem Sanctus Paulus dicit, quod sit mater fornicationum. Et Spiritus Sanctus hoc vitium repræsentat in forma femina, quia femina communiter sunt ejus causa, occasio, vel fomes. Illa sedet, quia nil est quod magis generet hoc peccatū, quam otiositas, commoditas, inertia animi, & corporis

*Otia si tollas periere cupidinis arcus,  
Quæritur Aegisthus, quare sit factus adulter?*

*In promptu causa est, desidiosus erat.*  
Epictetus interrogatus quid esset amor? Respondit: occupatio otiosorum. Spiritus insuper Sanctus describens aliquem amoribus irretitum, inquit, *otiosorum negotium mulier stulta, & clamosa, plena illecebris nihil omnino sciens sedet in foribus domus suæ, ut vocaret transeuntes.* Præterea sedet, ut discamus nil esse, quod magis nutriet hanc tentationem, & nos exponat periculo in illud peccatum consentiendi, quam quando aliquis sedet, & sese componit, ut auscultet propositiones, & suggestiones tentatoris. Et hoc ad vivum hoc disticho significatur.

*Hoc facies, facies videris cum veneris  
ante*

*Ne sedeas, sed em, ne percas per eas*

Idem

Proverb. 9.



Ecclef. 9.

Idem omnino dicit Spiritus Sanctus. *Cum muliere alienigena ne sedeas omnino: colloquium enim illius quasi ignis exardescet.*

Osee 5.

Tertio sedet, quia nullus est chorus vitiorum, in quo facilius quis sedeat, quam in hoc, tempore brevissimo habitum contrahimus, & illi assuescimus, cum sit incantatio, & calamus viscosus, attrahens quidquid potest. *Non dabunt, inquit, Oseeas cogitationes suas, ut revertantur ad Dominum, quia spiritus fornicationum in medio eorum.*

IV. Hæc femina insidet bestiae, id est, diabolo. Asmodæus vices subit jumenti, aut vehis, vel currus, ut eam in ruinam vehat. Formam habet bestiae, quia hoc vitium totaliter est bestiale, terreste, & homine indignum. In ira, invidia, ambitione adhuc parum rationis relucet, sed luxuria est actio porcorum, luxuria transformat homines, eosque transfert ad prædicamentum brutorum.

V. Hoc monstrum insuper habet septem capita, hoc est, sunt septem species, quibus possum peccare in hoc genere luxuriæ; sunt septem circumstantiæ, non tantum aggravantes, sed & speciem mutant, ac varia nomina tribuentes; possumus quippe Deum in hac materia tam actu interno, quam externo septem modis offendere, qui explicandi sunt in confessione. Primus est simplex fornicatio inter solutam & solutum; Secundus est adulterium, Tertius est stuprum, hoc est, peccatum cum virgine. Quartum est incestus, quintus est raptus, quando vi rapitur puella, vel quando ejus consensus extorquetur promissionibus fal-

sis, blanditiis, fraudibus, persuasionebus, quæ metui æquivalent. Sextus est sacrilegium cum persona voto castitatis obstricta. Septimus est peccatum contra naturam, quod adeo est abominandum ut non mereatur nominari; cum tamen sæpe committatur inter conjugatos.

Recordemini quæso, quod Sancta Brigitta, quodam die in extasi rapta viderit plures Ecclesiasticos ob horas non rite recitatas, & plures conjugatos ob abusum matrimonii in inferno ardere. Scias Sanctum Augustinum dicere, quod tam bene possis te inebriare ex vino proprio, quam ex alieno. In mentem revoca, quod Onan gravissime à Deo fuerit punitus, *eo quod rem detestabilem faceret.* Confessarii hac in re sunt valde cauti, & merito, prædicatores de hoc vitio non audent mullitare, *eloquia Domini, eloquia casta.* Quod si te ipsum non juves, si non confitearis absque eo quod interrogeris, in periculo es, quod computresces in tuo stercore usque ad horam mortis.

Serm. 19.  
de diversis.

V. Decem cornua hujus monstruosi animalis sunt decem jacula, quæ hoc vitium solet emittere contra decem præcepta. Libidinosus namque, ut suis passionibus gratificetur ex decem præceptis finetum facit. Non est excessus, abominatio, malitia, in cujus scopum album, vel ut melius dicam nigrum hæc sagitta non collimet. Unus quippe committit speciem idololatriæ contra præceptum primum. Et quamvis, ut inquit Terrullianus non adores statuem marmoream vel ligneam, tamen adoras colossum carneum. Tu quidem non offers incensa aut profumationes



tionem Arabiæ, sed tamen incensas tuas cogitationes, verba, affectionem, servitia. Tu quidem non immolas hircum, agnum, vitulum, sed tu sacrificas tuam animam, quæ est pretiosior cunctis thesauris mundi.

Plato loquens de hoc vitio verbum utricum Christiano dignum protulit, ille namque illud appellavit *ἀνιδέον* hoc est Anti-Christum, Anti-Deum, nam hoc peccatū continuo pugnat contra Deum, continuo occupat cor hominis, quod deberet esse mansio Dei, & in quo Deus libentius habitat, quam in firmamento, & ita Deum è sua domo pellit, è suo throno eum ejicit, in sede ejus regali se collocat. Hoc est, nil aliud voluit dicere Sanctus Petrus: *Oculos habentes plenos adulterii, & incessabilis delicti*: Et meo sensu hæc verissima sunt, quia nescio an sit peccator, qui tam sæpe, tam assidue offendat Deum, quam is, qui se prostituit huic maledictæ passioni, talis peccat diu, noctuque, in urbe & in agro, in labore, in quiete, & fortè sæpe unico die committit viginti peccata mortalia, si nempe voluntarie, & deliberatè viginti cogitationibus inhonestis inhæreat & consentiat. Quod si vigesies concupiscat maritaram, vigesies committit adulterium, quod si concupiscat consanguineas, committit viginti incestus. Immo in somno offendit Deum, si habeat somnia, & illusiones inhonestas, quibus præcedenti die per cogitationes inhonestas dedit ansam, vel si post somnum illis delectetur, & ita incessanter, assidue nulla interposita mora offendit.

VI. Quoad mendacia & perjuria, quæ sunt contra secundum & octavum

præceptum, hæc quotidianus libidinofus sunt panis, nam pro regulâ maxima status habent, si aliquam misellam possint seducere filiam, & promissis falsis eam allicere, sicut pueri alliciuntur nucibus. Lex magis authentica in extravagantibus est amor. Ita Tibullus

*Ne jurare time, Veneris perjuria venti  
irrita per terras, & freta longa ferent.*

Adolescens ille jurat per omnem suam fidem, se devovet omnibus Dæmonibus, suam partem cœli tibi addicet, Si te derelicturus sit, & alteri adhæsurus, jurat, quod sanguinem pro te fundet, verum si concupiscentiæ suæ satisfecerit, ille Deum, & te irridebit, quod si post peccatum commissum oriatur aliqua suspicio, & reprehendatur, quot non committit perjuriam, execrationes, imprecationes, quoties se non devovet Diabolo, ut neget aliquid veritatis subesse.

VII. Contra tertium præceptum peccat, quia violat dies festos, & dominicos, ille eos transigit in levitatibus, dissolutionibus, choreis, osculis, suaviatationibus, non venit ad Sacrum, nisi ut videat, vel videatur. Tempore missæ parochialis, vesperarum, concionis, in absentia parentum vel mariti occasionem quærunt se videndi, conveniendi, & sollicitandi ad peccatum.

VIII. Quod si condemnant & vilipendant obedientiam & honorem erga Deum, tibi cogitandum relinquo, an curaturi sint alios homines? putasne an respectum & obedientiam erga parentes sint cordi sumpturi?

Quæso te, paulisper propositum illud insanum illius miselli perdit in Jeremia, qui



qui per amorem destructus est, confidera: *Desperavi, nequaquam faciam, adamavi quippe alienum, & ambulabo post eum.* Profecto hic modus loquendi stultus est, non me permittam impediri, ego cum volo videre, ego ei volo loqui, ego cum volo amare: Optime, sed scias velim, quod tuus honos in discrimen adducitur, digito ab omnibus notaberis, fabula eris plebis, nil loquuntur nisi de tuis levitatibus. Quod si ita te jactes ob affectum, erga honorem, verus honor tibi curæ esse debet, *nequaquam faciam.* Verum agitur de tua salute, tu incurris periculum damnationis æternæ & damnaberis, si in hoc statu moriaris, absque ullo processu de te actum est, ergo æternitatem apprehendere debes: *Nequaquam faciam.* Verum tuus confessorius tibi negabit absolutionem, quod si eam tibi impertiat, tecum damnabitur, quia quoties agis cum illo adolescente, tu es in occasione proxima peccandi, unde timere debes, ne absolutio tibi negetur. *Nequaquam faciam.* At enim vero ille qui cruciat & torquet matrem suam, ille incurrit maledictionem Dei. Tua mater tabescit præ mæore, dum videt quomodo regeris. Tuus pater moritur præ tristitia, unde debes condolere, *Nequaquam faciam.* Tu in horas tuam totam familiam, tu stemmati tuo perpetuam inuris ignominiam, tu omnium amicorum tuorum in te derivas odium, & malevolentiam, hæc considerare debes. *Nequaquam faciam.* Quod si parentes adolescentis te reperiant cum eo, illi tibi injuriam aliquam inferent, vel etiam vulnus infligent lethale, non permittent, ut te ducat, non est tua conditionis, melius quis potest

emergere è ripa, quam è fundo. *Nequaquam faciam.* Viden quod forma sine ulla qualitate sit esca sine hamo, quæ nil capit, sed quæ potius capitur, quando ille à te illud obtinuerit, id quod omnibus thesauris mundi nequis recuperare, ille suum affectum à te ad aliam transferet. Illa byssina verba, ut promissionibus ornata, illa promissa selecta, tot juramentis confirmata, juramenta illa perjura evanescent & anni labuntur. Et ideo non debet iis fides adhiberi. *Nequaquam faciam.* Et quamvis te ducat in uxorem, tamen tibi non fidet, tua nimia facilitas ei præbebit ansam zelotypiæ, per experientiam debes ostendere quod plus sapias quam ipse putet; *desperavi. Nequaquam faciam.* O Te miseram & infelicem? Tu ne desperes? Ita, desperas per oblivionem, quâ sepelis Deum per contemptum ejus consiliorum, auctoritatis paternæ & maternæ, tu concipis resolutiones pravas, & paradoxas, tu ruis in excessus horribiles & præternaturales, ut gratificeris huic passioni, tu committis cædes, maleficia, crudelitates execrandas, tu convolas ad secundas nuptias per necem illius conjugis, quem tibi Deus & Ecclesia donavit. Tu adhibes medicinas, ut abortum procures, & infamiam evites, tu animam & corpus occidis miselli embryonis, qui necdum est bene formatus, tu venenum paras ut ipsos parentes occidas, qui impedire possent hujus phrenesis completionem.

Cicero testatur, quod apud antiquos mulier convicta de adulterio, etiam fuerit convicta de homicidio, vel de collusione viricidii, quia nil est adeo violentum, quod nos posset agere in resolutione



nes, adeo extremas, quam hæc concupiscentia effrœnis. Quod si non committantur dicti excessus contra quintum præceptum, ad minus committantur contra illud, dissensiones, odia, rancores, invidiæ, zelotypiæ. Nam si hominem semel occuparit hæc passio, jam actum est de negotiatione, de officina, de lite, de œconomia & familia. Quamprimum Dido depercit Æneam, nil amplius actum est de murificanda Carthagine, nec de munitionibus ejus perficiendis.

*Semiputata manet frondosa vitis in ulmo*

Æneid. 54.

*Non coepta assurgunt turres, non arma juventus*

*exercet, pendent opera interrupta minaque*

*murorum ingentes aquataque machina cælo.*

Uxor nequit amplius tolerare otium sui mariti, nil lucratur & tamen expensæ sunt multæ, illa plangit, angitur, murmurat, gemit, murmurat, virum non habeo, non est maritus, est leno, Arabs, veneficus, maritus non potest pati querelas illius, quam tantum amat media ex parte, quia suum amorem dividit, tota die sunt in fermento, non audiuntur nisi rixæ, imprecationes, maledictiones. Et quales ibi non sunt suspiciones, judicia temeraria, zelotypiæ & pavici timores, quos habet maritus de sua uxore, eo quod sit nimis agilis, hilaris, levis, affabilis & gratiosa, urbana.

IX. Post hæc porro veniunt furta, & injustitiæ, quas committis occasione adulterii, dum es in causa, quod proles legitima defraudetur sua legitima, & ea

donetur prolibus supposititiis & adulterinis. Magnas committis injustitias, ut possis amicitiam illam fovere, quæ sese tibi tantum insinuavit. Dona committunt montes, munuscula, quæ vulgo vocantur *presens*, tanquam illa, quæ comprehendant illos quibus dantur. Ignis, infernus, fœmina sunt tria, inquit Spiritus sanctus, quæ sunt insatiabilia, & quæ nunquam dicunt satis est: *Putens altus* est, qui nequit repleri, expilandi sunt parentes, auferendum est vicinis, ut hæc concubina in deliciis & voluptatibus foveatur. Et hoc significat ornatus hujus fœminæ apocalyptica, quæ ornata est purpura, lapidibus pretiosis sculpta, in fronte scriptum habes *mysterium*. Quod si videamus puellam vel fœminam plebejam, cujus parêtes vel maritus non vivunt ex propriis redditibus, gestare vestes holosericas, pallas argento, aut auro intertextas, colore pretiosissimo tinctas, dicere potes *mysterium*, quia necesse est, quod furtum parret, quod alicui illa furripiantur, & quod hæc fœmina in sua manu portet scyphum auro abominationis plenum. Et quidem in principio omnia sunt aurea, byssina, non audiuntur nisi suaviatones, basiationes, verba affectata, promissa speciosa, oblationes servitorum, in principio nil est nisi amicitia, & benevolentia sincera, nam te amat tanquam suam sororem, nil cogitat mali, ille tibi condoleat, ille ægre fert humorem tui mariti, qui est tyrannus, eamque detestatur.

*Parturiunt montes nascetur ridiculus mus.*

Quæso te ne unquam credas, quia hæc verba fucata sunt, velut vestigia limacis

corr.



corruscantis instar argenti, & non sunt nisi spuma oris, ille vult tibi servire instar Patris, matris, tutoris, mariti, immo vult tibi esse omnia, vult tuum agere procuratorem, vult tuos monere debitores, tuis solvere creditoribus, tuam prosequi litem, tuas proponere querelas, injuriam tibi factam ulcisci, nunquam te deserere, sed solum sunt verba aurea, & in hoc scypho aureo bibere debes abominationem.

### PUNCTUM SECUNDUM.

*Habebat poculum aureum plenum abominatione, quia abominabile est hoc vitium Deo Patri Christo, Spiritui Sancto, Angelis Sanctis, hominibus hujus mundi, ipsi etiam luxurioso.*

**X.** Hoc peccatum in abominatione est Patri aeterno, qui in punitionem illius immisit diluvium, quem poenituit fecisse hominem, qui totum universum detestatus est, qui voluit suum opus destruere, qui igne cœlesti, quatuor hausit villas, & urbes totius mundi florentissimas & bellissimas, qui viginti quatuor mille animas in poenam hujus delicti occidit.

**XI.** Hoc peccatum in abominatione est nostro Salvatori nam hic adeo illud horret, ut ipsemet contra illud decertare voluerit. Verum quidem est, quod ut vobis daret animum, & in se ipso vires nostrarum tentationum experiretur, in hoc mundo voluerit probare omnes insultus quibus invadimur, nam permisit se à Sathana tentari peccato gulae, vanæ gloriae, ambitionis, avaritiæ,

at à libidine nunquam legitur fuisse tentatus, nec minimam scintillam illius tentationis sensit. Apostolus quidem dicit *tentatum per omnia*, sed addit *absque peccato*, hoc est, concupiscentia, quæ à concilio Tridentino vocatur peccatum, eo quod sit effectus peccati originalis, & dispositio ad peccatum actuale. Et ita non solum in se, immo nec in Apostolis suis voluit hujus peccati tentationem permittere.

Ego quidem lego in Evangelio, quod ante adventum Spiritus Sancti fuerint nonnullis vitiis objecti, & quod Salvator noster eos patiēter supportarit, quod dissimularit ambitionem filiorum Zebedæi, avaritiam proditoris Iudæ, iram eorum qui voluerunt, ut immitteret ignem cœlestem in Samaritanos, desidium Sancti Petri in horto dormientis, infidelitatem Sancti Thomæ, sed nullibi invenio, quod vel unum Apostolum luxuriosum permiserit vel dissimularit. *Pascitur inter lilia*, nam ille non conversatur nisi cum personis castis, quin imò nec suspicio hujus vitii, unquam gloriam sui nominis adussit, quia quamvis accusatus fuerit quod esset heluo & ebrius, seductor populi, transgressor legis Mosaicæ, attamen adeo occasiones hujus peccati vitavit, ita se & suos sensus intra limites honestatis coercuit, ut nunquam minimus nævus impuditiæ ei potuerit affricari, nam adeo hoc vitium abominabile est.

**XII.** Propterea hoc vitium abominatur Spiritus Sanctus, qui est ipsa puritas, amor cœlestis, & divinus qui est Spiritus in proprietate suæ personæ. Ille abhorret omnem carnalitatem, velut id,



Gen. 6.

quod è diametro naturæ ejus oppositum est: *Non permanebit spiritus meus in homine quia caro est.*

XIII. Similiter hoc vitium Angelis in execratione est, nam hoc peccatum nunquam committitur sine amissione duarum animarum, quæ Angelis charissimæ sunt, illis Angelis qui gaudent in conversatione unius peccatoris, qui contristantur, quando una anima perditur. Tu committendo libidinem contristas, offendis tuum & illius personæ Angelum, quam inducis ad peccatum.

XIV. Ulterius in abominatione es Sanctis, qui nil non fecerunt, passi sunt, tentarunt, reliquerunt, ut hoc vitium extingueret, & conservarent puritatem. Sancta Sanctorum repudiavit dignitatem maternitatis Dei in casu, quo eam sine læsione virginitatis habere non posset. Sanctus Martinianus prius se projecit in mare, seque commisit prudentiæ divinæ, quam quod solus degeret cum filia, quæ ad Insulam confugerat, in qua ipse vivebat. Sanctus Benedictus dum tentatione valida carnis quadam vice oppugnaretur, nudum inter sentes se volutavit, ita ut sponsus de hac sancta anima dicere posset, *sicut lilium inter spinas. Clavus clavum pellit.* Punctiones harum spinarum retundent aculeos, & cuspides concupiscentiæ. Sanctus Bernardus unicum intuitum inconsideratum & subitaneum fœminæ insilitione in stagnū congelatum, in quo tam diu permansit, quo usque hic calor naturalis quasi extinctus fuit, punivit.

Sanctus Franciscus has sensuabilitatis flammæ, quas Sathan in ejus corpore accendit, volutando se nudum inter nives extinxit. Sanctus Ignatius aquæ fri-

gidæ se immisit, ut unum qui in gurgite impudiciæ, in quo miserabiliter peribat, liberaret. Cardinalis Baronius, dum formidanda tentatione urgeretur, cimicem tam diu dentibus contrivit, quousque hoc fœtore hostem dæmonem fugaret.

Et sicut Angelus Raphael eum fugavit per alium odorem, ita & sæculo nostro quandoque fecit celebris ille Carmelita discalceatus Pater Dominicus à Iesu Maria. Anno sexcentissimo Cajanus Arabum Rex in Italiam irruperat, & urbem Friaulensem ceperat; filiæ Ducissæ Romildæ ne deflorarentur à militibus, pullos occiderunt gallinarum eoque ad ubera infra indusium appendebant, qui dum putrefacti tetrum postea exhalarent odorem, omnes milites, qui ad eas accedebant, fugerunt, dumque crederent illum fœtorem iis fuisse naturalem, & ordinarium, eas intactas reliquerunt, postea vero in præmium castitatis, una matrimonio juncta est Imperatori Germanorum, altera Bavarorum Duci. Idem narratur de quibusdam aliis religiosis. Præterea Anno octingentesimo septuagesimo Sancta Ebba Abbatissa monasterii Collingheimensis in Scotia generosum actum, dignum, qui stylo adamantino in templo æternitatis sculptatur, elicit; dum enim timeret ne defloraretur à Danis, qui Regionem illam devastabantur, nares & superiora labra sibi præcidit, & eloquentia sancta omnibus monialibus idem suavit, ut ita milites ab illo vitio abstereretur. Idem narratur de Abbatissa, & Religiosis, quæ olim fuerunt Iecani, nunc autem sunt in monte Pessulano. O quam formosæ & bellæ fuerunt hæ sanctæ virgines adeo muti-



mutilata? profecto deformitas hæc eas reddidit gratas confpectui divini fponfi, & Angelorum. Domicella Sanchez Carrilla Cordubenfis filia fpiritualis Patris Aquilæ, in hyeme fe immifit in vas aquæ frigidæ in quo magnum morbum contraxit.

Maria Coronnel comitiffa Hifpaniæ revera hoc nomine infigni Maria digniffima, & corona immortalis merito redimenda, in flore fuæ ætatis in regione calentiſſima, complexionis calidiſſimæ, marito diu abfente, ut furioſos inſultus hujus vitii repelleret, & hos ardores reprimeret, accepit titionem ignis, eumque carni nudæ admovit, & ita non minus promeruit, per fortem reſiſtentiam, qua huic voluptati reſtitit, quam per violentiam doloris, quem in hac uſtione toleravit. Idem fecit in Italia Beata Angela à Fulgineo tertii inſtituti Sancti Frãcifci & noſtro ævo in Gallia Domicella Chantal. Quomodo ergo tu qui minimæ ſuccumbis tentationi, cum iſdem ſperes eundem paradifum? quomodo tu præſumas Societati admitti Sanctorum in cœlo, & gloria beatitudinis donari, qui habes animum maculatiſſimum fœditatibus peccati, quas ipſi ſumme execrantur.

XV. Inſuper hoc vitium in abominatione eſt hominibus, quia in vili habentur ii, qui huic vitio ſerviunt, nam qui illud peccatum cõmittere volunt, quærunt latebras, & tenebras, & velut nullus datur fumus ſine igne, nullus ignis ſine fumo, ita non datur ignis amoris illiciti, ſine fumo infamiæ & dedecoris, adeoque illud peccatum cito vel ſero in apricum prodit. Ignis, Tuſſis, Lumen tria ſunt, quæ nequeunt celari.

*Quis enim celaverit ignem?*

*Lumine qui ſemper proditur ipſe ſuo.*

Gloria ſexus fæminei eſt virtus caſtittatis, ſi ambias honorem, debes habere hanc virtutem. Et quamvis ſis ſuperba, avara, invida, iracunda, ignava, tamen ſi ſis caſta, tu es fæmina honorata, æſtimata in mundo, tu incedis capite elevato. Et dato, quod habeas omnes alias virtutes, in ſummo gradu, ſi tamen vel minimo nævo hujus vitii ſis reſperſa, tu non amplius es fæmina honeſta, ſed mundo abominabilis.

XIV. Ultimò, libidinoſus ſe ipſum abominatur; nam poſtquam condeſcendit ſuæ paſſioni ille ſe ipſum abhorret, dum vidit, quod ob minimam voluptatem, & quidem momentaneam, ſe tributarium reddidit, millenorum remorſum & cruciatuum conſcientiæ, tentationum & aculeorum impudicitæ, quæ occupant ejus ſpiritum, ejusque cordi lacerant, quod obligetur ad reſtitutiones, quas nunquam poteſt facere, quod ad ignominiam perpetuam, quæ denigrat ejus honorem, & morbos infames deductus ſit, & quod magis dolendum eſt, dum ſe videt obligatum ad toleranda aſperrima tormenta & ſupplicia atrociffima alterius vitæ.

### PUNCTUM TERTIUM.

*Remedia. Primum conſideratio malorum. Secundum fuga abuſus ſenſuum, converſationum, diſpoſitionum, affectionum, occaſionum. Tertium oratio.*

XVII. **I** Deo ſubjecto & vaſallo huic paſſioni, illud conſilium dare vellem,



vellem, quod quondam dedit morio quidam Francisco primo, nam stultus quandoque bene consultit. Rex consiliarios status in senatum convocaverat, deliberaturus, quænam via papiam versus ineunda consultius esset. Porro consultoribus in diversa abeuntibus, & quibusdam non suadentibus illuc eundum esse per Rhetorum patriam, aliis per Pedemontum, aliis per Massiliam, Morio qui retrotaperem latens, hæc omnia audiebat, postquam omnes è conclavi abiissent exclamare cœpit consultares per quam viam Papiam eundum esset, & non per quam redeundum. Et eventus monstravit hoc consilium fuisse salutare, quia Rex captus est, & bene edoctus rediit. Quod si tentatio tuum cor aggrediatur, ne deliberes, ne consulas, qualia debes adhibere media, ut ei gratifices, quomodo possis sollicitare illam puellam, quo modo ejus animum expugnare possis, quomodo illam queas invenire solam, quomodo possis habere occasionem ut satisfacias tuæ bestiali concupiscentiæ, sed potius deliberare debes, quomodo possis effugere inconvenientia, quæ inde sequuntur, periculum ne à marito, vel ejus Patre deprehenderis, restitutionem ad quam obligaberis, potentiam spiritus maligni, & regnum peccati, quod sibi dominabitur, & damnationem æternam, ad quam curris, nam audi verba illius qui non potest mentiri: *Hoc autem scitote inquit Sanctus Paulus, quod omnis fornicator, aut avarus, aut immundus non habet partem in regno Christi & Dei.*

Ephes. 5.

XVIII. Idem Apostolus aliud dat remedium valde potens, ad fugiendum

hoc peccatum: *Fugite inquit fornicationem*, non dicit, pugna cum tentatione, 1. Cor. 6. sed fuge. Oportet in hoc prælio pugnare velut Parthi, qui pugnare solebant fugiendo.

*Si fugias veneris prælia tutus eris.*

Fuge aspectus, curiositatem oculorum, inconsideratos intuitus: *Oculus meus depradatus est animam meam. Pepigi fœdus cum oculis meis ne cogitarem de virgine.* David devictus est per unicum aspectum temerarium. Tu ergo in templo genu flecto esse in eo loco, è quo non possis videre eos qui intrant, & exeunt, E domo tua abige illas picturas inhonestas, illas tabulas nudas, quod si sint tabulæ Sacræ, fac ut earum nuditas tegatur.

Thren. 3.  
v. 51. Iob.  
31. v. 1.

*Si nescis oculi sunt in amore duces.*

Et quamvis illi forsân te non lædant, forte tamen possunt lædere unum è tuis domesticis, vel alios, qui te veniunt visitatum, amove illos libros obscœnos, tragœdias amorosas, libros Ovidii de amore projice in ignem, alias, quamvis tu eas non legas, tamen reus eris peccatorum, quæ patrabuntur ab iis, qui eas legunt.

Devita garrulos, confabulationes, vanas laudes, adulationes, discursus amorosos, verba inhonesta, fuge inquam talia velut cantum Sirenium, quæ non cantant nisi ut te incantent, quæ te non incantant, nisi te ut perdant, responde illis torve & morosè. Fuge inquam verba inhonesta, cantiones amorosas, qui



qui sunt venti Meridionales, qui accendunt ignem infernalem.

Fuge familiaritates sensuales, nugas & jocos impuros, libertates immodestas; recorderis Sancti Ludovici Archiepiscopi Tholosatis, consanguinei Sancti Ludovici Regis, filii natu majoris Caroli Secundi Siciliae Regis, hic enim adhuc saecularis, dum in captivitate Barcinonae degeret, cum mater cum post tam diuturnam absentiam videret, eumque osculari veller, hic Sanctus Princeps hoc osculum repudiavit & admittere noluit. Et quid, dicebat illa, hoc sibi vult? An nescis quod sim tua mater? Ita respondit, sed & scio te esse saeculinam. Recorderis illius quod literis consignatum est in Chronicis ordinum Religiosorum. Religiosus ordinis cujusdam, quem nominare possem, cum manum alicujus puellae tetigisset, saecularis quidam qui hoc vidit, illud ad ejus Praelatum detulit. Hic dum hanc immodestiam perstringeret, & hic subditus se excusaret, quod nec ipse, nec illa aliquid mali cogitasset, eo quod ipsa esset adeo casta, devota, sapiens, ille respondit, nil est adeo purum quam aqua, quae omnia mundat, & nil est magis liccum quam terra, quod si haec duo elementa se tangant, causant coenum & lutum. Illa oscula amorosa, illae familiaritates sensuales, laedunt insignem amorem puritatis, & te mille impuris cogitationibus commaculant, sensum tuum cor emolliunt, & ad actiones disponunt, & quandoque indignius, turpius, gravius castitatem perdunt coram Deo, quam is non apud homines, quam si amitteretur per adulterium.

Post peccatum Adae nostra caro est corrupta. Duo poma putrida, si vel in minimo se tangant, putrefiunt. Puella vel foemina quamvis Christiana & casta, a nemine, quisquis ille sit, permittet se tangi vel in facie, collo aut manibus, & hoc sive sit consanguineus, sive frater sive Sodalis, vel quantumvis notus, quod in suo sano sensu intelligi volo.

Fuge & non accepta munera, capiunt illos qui illa acceptant, dona frangunt montes, quamdiu Atalanta cucurrit, fuit casta & victoriosa, sed mox ut incipit colligere poma aurea, quae illi in via objiciebantur, victoriam & castitatem amisit.

*Munera crede mihi vincunt hominesque Deosque*

Fuge conversationes suspectas, amicitias familiares, colloquia cum sola, discursus, qui habentur in latebris, vel absque testibus. Recorderis, quod Apostoli summè demirati fuerint, dum Iesum in patente campo contra morem solum cum Samaritana colloquentem viderunt. Recorderis, quod Sanctus Augustinus consanguineam suam noluerit secum morari, quod Sanctus Carolus propriae sorori loqui noluerit, quod omnibus subditis inculcarit, ne, quantum possibile est, fratres cum sororibus post septennium in eodem lecto cubare permitterent, & sanè si tu scires incestus, scandala, tragœdias, quae ex hoc orta sunt, revera tibi crines arrigerentur.

Fuge ebrietatem, immò ipsum vinum, quantum potes, nec vinum permittas tuis prolibus, quia est venenum juven-



PROV. 31. V.  
4.

juventuti, sulphur & fomes libidinis. *Luxuriosares vinum*, inquit sapiens. Esto illud iis non dones, tamen idè non desinent bene se habere; in omnibus sola consuetudo valet, natura contentatur omni eo, quod ipsi datur. Si in aqua educuntur, illa iis erit salubrior, quàm vinum. In duobus, inquit S. Hieronymus, præstat, quod malè valeat stomacho, quàm animæ. Ita quidem irridebis hoc monitum, sed irride spiritum sanctum, qui valdè illud monitum commendat. *Noli Regibus ô Lamuel, noli Regibus dare vinum.*

Fuge affectiones particulares, & quælibet inclinatio ad aliquam personam, quæ non est tui sexus, debet tibi esse suspecta. Amor primò est spiritualis; secundò sensualis; dein carnalis, & in fine brutalis. Sancta Teresa de seipsa in sua vita narrat, quod annos habens decem, vel duodecim aliquibus benè affecta fuerit, non ex libidine, aut sensualitate, sed ex complexione naturæ. Naturalia si benè temperata sint, ordinariè habent inclinationem ad complacentiam, nihil intercurrit sensualitatis, nullum osculum, nulla impuritas, nulla familiaritas, immodestia, non fuit nisi inclinatio, & affectio particularis, & tamen Deus ei quadam die monstravit locum ei in inferno preparatum, nisi per infinitam suam misericordiam eam præservasset à periculis, in quæ hæc dispositio illam agebat. Illa dixit, quod postquam vidit

illas pœnas, nullum esse tormentum, quod non lubenter subire vellet, ut posset animam ab illo periculo liberare: Et rogat omnes quotquot sunt, velint vitare illam occasionem. In hoc negotio maximum secretum in hoc consistit, quod vincamus fugiendo, ut nempe exeamus, si ita necessarium sit, ut exeamus domo, platea, villa, provincia, si ita necessarium sit, immo ex ipso mundo, ut concludamus nos intra quatuor muros in monasterio.

Tandem oportet ire ad aliquem locum, sed ad meliorem non poteris ire, quàm cum Magdalena, ad pedes Christi. Si sis maniceps huius vitii, humilia te ante Iesum, agnosce tuas miseras, & ejus potentiam, qua te potest resuscitare, plora, geme, suspira in ejus præsentia, ei declara, quod forditates, immunditiam, peccata, miseriæ, debilitates, nihil sint tuum opus, & quod ex te tantum possis labi in peccata, & in nihilum, è quo es educatus, & quod ipse solus sit sanctus, ipsa Sanctitas, puritas, innocentia, & hinc Psalter dicit: *De stercore erigens pauperem.* Honora puritatem conceptionis immaculatæ virginis, puritatem in qua est concepta, in qua concepit, & peperit Salvatorem, roga ut de ea possis participare purificatam conscientiam per gratiam sui filii, ut purus & mundus corde eum videre possis: Beati mundo corde, quoniam ipsi Deum vident. Amen.

Cap. 22.  
vitz.





# SERMO

## SEXAGESIMVS

Pro Feflo Epiphaniæ Domini.

De Excellentia Virginitatis contrariæ libidini.

*Videntes autem Stellam gaviſi ſunt gaudio magno valde. Matth. 2.*

### EXORDIUM.

**Q**UOD ſi Magi gaudio magno gaviſi ſint, revera nos etiam gaudio magno gaudere debemus, ſiquidem per, & in Magis nobis etiam Stella apparuit, & de tenebris nos vocavit Deus in admirabile lumen ſuum, & cœpimus fieri Chriſtiani hoc eſt ſapientes, & illuminati, qui antea eramus Ethnici, id eſt omnium errorum tenebris involuti, unde & hodierna ſolemnitas maxima pompâ ſemper celebrata fuit; ut autem majorem anſam gaudendi habeamus, videbimus qualis ſtella nobis illuxerit. Et quidem meo ſenſu hodie Magi didicerunt ejuſ matrem fuiſſe virginem, Joſephum vero tantum ejuſ Patrem putatitium, unde cognoverunt quantis in tenebris ipſi Ethnici verſabantur, de quibus inquit Apoſtolus ad Rom. primo; quod traditi ſint à Deo in deſideria cordis in immundiciam, & paſſiones ignominie, hoc eſt, libidines pudendas nam ſœminæ eorum mutaverunt naturalem uſum in uſum contra naturam, & proſtibula apud eos vigeant, & in ipſo Fano Virginis Corinthi, erant pluſquam mille meretrices. Hodie vero nobis ſtella apparuit docens virginitatem eſſe maximum, & præſtantiffimum donum Deoque gra-

tiſſimum, uti in hoc Sermone hodie oſtendemus.

*Non Mœchaberis. Exod. 20.*

**I. Q**Uæ heri nobis dixit liber Apocalypſeos de abominationibus peccati libidinis, meo ſenſu efficaciffima ſunt ad honorem ejuſdem gignendum etiam in animabus maxime à naturâ deſectentibus; verum illa, quæ in bono loco ſedent, deberent cognoscere turpitudinem, & ſœditatem hujus vitii per pulchritudinem, & excellentiam virginitatis, quæ eſt ei contraria, nam dicitur in philoſophia, quod contraria juxta ſe poſita magis eluceſcant. In hac miſſione ego omnibus debitor ſum nec ſolum debeo conari, ut convertam peccatores, ſed etiam debeo ſanctificare, & perficere animas electas, & particulariter Virgines Chriſtianas, quæ ut inquit ſanctus Cyprianus ſunt illuſtrior portio gregis Chriſtianorum. Præmia, quæ merentur per hanc excellenſem virtutem, fructus ſunt ſuorum ſeminum, effectus ſuorum bonorum exemplorum, productiones tuorum influxuum ô ſancta, & benedicta virgo. Propheta Regius dixit, quod omnes animæ, quæ DEO conſecrant ſuam virginitatem te ſe

1  
quan-



Psal. 44.

quuntur, & fiant tibi à cubiculis. *Adducentur Regi Virgines post eam.* Nec mirum est, quod virgines, qui sunt Angeli terræ ambiant sibi reddere homagium cum Angelus cæli, & quidem unus è nobilioribus maximo sibi honori duxerit te prosternendi ante suos pedes, & te saluandi *Ave Maria.*

## Idea Sermonis.

*Virginitas comparatur lilio, & quatuor punctis consideramus ejus plantationem, irrigationem, culturam, fecundationem.*

II. In illo insigni libro, qui ob excellentiam sui styli intitulatur cantica canticorum, sapientissimus Salomon dum describeret venâ subtili castos & divinos amores Jesu erga suam sponsam, ut ostenderet amorem illum quo prosequabatur suam dilectissimam, non esse tantum amorem benevolentia, sed etiam delectationis, & complacentia; ille comparavit Ecclesiam fertili, & gratioso horto, & Jesum principi adolescentiori, qui spaciabatur in suo horto ut animum recrearet, & se delectaret insigni odore florum gratiosorum. *Hortus conclusus soror mea sponsa.* In hac areola spiritali tulipæ sunt Patriarchæ, holotropia sunt Apostoli, rosæ purpuratæ Martyres cario-phylla pralati, & confessores, verum lilia sunt Virgines. Verum enim verò sicut Dominus quidam, quando intrat hortum, ambulando considerat attente omnes flores, & delectatur eorum venustate, elegantia, varietate prælusti colorum, & communiter hæret circa illos, qui ei magis placent, illos decerpit, ut

sapius eos contempletur, ut tincturam, & colorem consideret, & excellentem eorum decorem admiretur, eorum suavi odore fruatur, & manibus eos portet ad ostentationem, vel delicias. Ita non absimiliter Jesus; cum enim amore infinito amet omnes virtutes animarum electarum, quæ sunt fideles in servitio vocationis, ad quam sunt vocati; attamen, quod singulariter notandum est, ille intuitus conicit fixiores, affectus habet ardentiores, delectationes magis particulares circa insignem florem lilium, hoc est versus puritatem, & viam Angelicam virtutum Christianarum, quare sponsus cum loqueretur de aliis floribus dicit sponsum venisse non solum, *ut afficeret si florissent*, sed & loquendo de lilio flore, dicit, quod eo delectetur, quod inter lilia cubet, & pascatur, quod, venit in suum hortum ut ea colligat, decerpit, manu gestet, iis delectetur, ea reponat in sinu, & medio corde. *Descendit in hortum suum ad areolam aromatum, ut lilia colligat: Pascitur inter lilia.*

Cant. 2.  
v. 16.

Cant. 6. v. 1.

Doctus, & devotus Esdras DEUM orans sic rogavit: *Dominator Domine ex omnibus floribus orbis, tu elegisti tibi lilium unum.* Et sane tu videbis, quod merito Jesus particulariter eligat hunc insignem florem, & mecum admiraberis ejus excellentiam, si mecum consideres quatuor puncta, quomodo plantetur, irrigetur, colatur, fecundetur.

## PUNCTUM PRIMUM.

*Pensat primo, quis plantaverit hoc lilium? Beata Maria. Secundo ubi? In eodem fundo, quo Christus. Tertio quando? In instanti Incarnationis. Quarto, Quomodo? preferendo hunc florem æternitati Divina.*

III, Por-



III. Porro Beata virgo hunc florem plantavit in areola Ecclesiæ, quia illa prima est, quæ vexillum virginittatis in Ecclesia statuit, & eam DEO consecravitt seque obligavit perpetuo voto eam servandi: *Primus discendi ardor*, inquit Ambrosius, est nobilitas Magistri. Philippus Macedo DEO gratias egitt, quod filium habuerit Magnum Alexandrum, & quod hic Magistrum habuerit Aristotelem. In schola puritatis sumus sub ferula non Aristotelis, non Platonis, Socratis, sancti Thomæ Scoti, sed Matris DEI.

Quod si Regina consentiente Rege, immo ipsius jussu Magistrum se faceret in schola, & laborem assumeret instruendi nonnullas filias, nonne qualibet magno sibi honori duceret, si admitteretur ad illam scholam, & in numero discipularum recenseretur? Profecto ad eam non admitterentur nisi nobilissimæ domesticæ, Comitissæ, Marchionissæ, Principissæ, & verosimile est, quod doctrinam, & artem traditura esset insignissimam, & utilissimam. Serenissima Regina Angelorum, Imperatrix coeli, & terræ, sponsa Patris, Mater Filii, templum, & sanctuarium Spiritus sancti, quæ mundo lumen æternum effudit, cui tradita est tutela & gubernatio Jesu Christi, illa DEO consentiente, & inspirante scholam elegit, illa tradit virginittatem, illa prælegit doctrinam mundo usque ad illa tempora incognitam. Et annon sit Magnus honos in illam scholam admitti, nonne est credibile, quod puellæ, quæ sub ipsa student, sint particulariter electæ, & amatæ à DEO? An non debeamus concludere, quod virginittas sit utilissima, quod hic flos lilium, sit excellentissi-

mus, & pretiosissimus, & hoc, quia nulla alia manu, quam Matris DEI?

IV. Hic flos est plantatus in ipso fundo, in ipsa areola, in ipso corpore, & anima, in ipso corde, in ipso sinu, quem intravit Filius DEI flos, & germen Patris æterni, in eodem loco, in quo conceptus est Jesus Christus, in ipso folio in quo sedit. Hic flos est ejus prodomus, designator diversorum, qui ei hospitium eligit, & præparat, est ultima dispositio, quæ ornat, polit, illustrat, tapetibus, & aulæis vestit sinum, & cor Mariæ in quo Jesus debet suscipi, & commorari.

V. Primum verbum, quod Maria protulit in toto Evangelio, primum, & ultimum verbum, quod protulit in illo sacro colloquio, quod habuit cum Angelo, in quo agebatur de opere adeo serio, in quo tractabatur de incarnatione Verbi, de salute hominum, de redemptione Mundi, de instituenda Matre DEI, primum, & ultimum, inquam in hoc colloquio Verbum, quod illa protulit, immo omnia quasi, quæ in illo dixit, concernebant virginittatem. In negotio tanti momenti, in occasione adeo opportuna, in Legatione tam celebri, quales erant cogitationes hujus spiritus virginalis, hujus ingenii illustrati, hujus animi coruscantis, Angelici, transcendentis? Quid quæso hæc virgo adeo judiciofa, sapiens, provida, à DEO illustrata Legato Patris æterni, qui expressè venit, ut negotium maximi momenti cum illa tractaret? Hic nuntius cœlestis suspensus hæret, & ab ejus ore pendet, Angeli silent, & expectant, ipsemet DEUS ejus responsum præstolatur. Et quid illa dicet? Quid loquetur, de conservatio-



Luc. 1.

ne suæ virginitatis : *Quomodo fiet istud?*

Porro hic flos adeo DEO est acceptus, & ælimatus à Maria, ut ad tempus differat Incarnationem verbi, ad hoc ut eum in mundo plantare possit. O mi DEUS, quod si hanc veritatem bene ponderarent, & addiscerent Christiani, quomodo non claustra replerentur? Quomodo monasteria in hoc mundo & sedes Angelorum in altero non essent refertæ? Quod si haberemus lumen bene penetrandi hanc veritatem, an sit possibile, quod aliquis vellet amittere suam virginitatem, ego non dixerim ob aliquam voluptatem, aut lucrum temporale, sed ob omnes delicias, opes, & felicitates cœli? Incarnatio verbi est mysterium adeo grande, augustum, optabile, vita Jesu est vita adeo chara, pretiosa, nobilis, excelsa, Divina, ut unicum tantum momentum hujus vitæ incomparabiliter excedat vitam omnium hominum, & Angelorum immo tota æternitas vitarum illarum. Et tamen per providentiam DEI mysterium incarnationis retardatum est, ut hæc puritas in mundo plantaretur. Propositum quo Maria voluit suam servare virginitatem causa fuit, ut plura momenta vitæ, quæ Jesus habere poterat ei subtraherentur, quod sancta humanitas Christi non fuerit tam citò creata, beatificata Deificata, quam hoc DEUS voluerit.

Angelus ablegatus in hunc finem ad virginem fuit, ut ejus consensum obtineret, & si consensisset ad primum nuntium hujus Angeli cœlestis, Incarnatio statim fuisset executioni mandata, & Jesus cepisset vivere. Et cur quæso dilulit

suum consensum? Cur opus tanti momenti retardavit? Statim in initio Angelus sufficienter voluntatem DEI manifestavit, nempe, quod velit Filium incarnari, quod agatur de redemptione mundi, de salute hominum, quod ille, qui homo fiet, sit Filius altissimi, & regnaturus sit in æternum.

Et profectò tumdiu jam mundus inspiravit ad illud mysterium, Patriarchæ, & Prophetæ clamando, & gemendo illud flagitarunt, homines hujus operis dilationem luxerunt, ipsamet ardentem, & ferventer ejus accelerationem rogabat: *Veni Domine & noli tardare, utinam disrumperes cœlos, & descenderes.* Ecce ergo illa moratur, cur suum non præbet consensum in hoc opus, quod ab ejus verbo dependet. Ecce inquit Bernardus offertur tibi pretium redemptionis nostre, statim delectabimur si consentis, responde verbum, quod terra, quod inferi, quod expectant, & superi, ipse quoque omnium Rex, & Dominus; *Quantum concupivit decorem tuum, tantum desiderat & responsionis assensum.* Ecce ergo moras nectis? Cur nos tamdiu languere permittis? Ecce cursum beneficii tam optabilis retardas? Sola virginitas ei cordi est, ad minimam suspicionem hujus floris perdendi trepidat.

Verum enim verò, quandoquidem Angelus ejus cognoverit genium, ejus penetrarit inclinationem, nec potuerit ignorare affectum, quo ferebatur erga puritatem, sed præviderit, eam angendam, ecce statim in initio ei non declarat opus hoc executioni mandandum sine læsione virginitatis? DEUS, qui omnia novit, bene providit, quod non esset

consensu-

Hom. 4. sicut permissus est.



confensura ad primum affultum, quo ejus virginitas impetebatur, sed quod informationem eſſet acceptura de modo, & quod hoc myſterium eſſet retardatura, cur ergo non dat in mandatis huic legato, cur non jubet huic Angelo, ut ſtatim in principio virginem informaret? Cur non ſtatim ei dixit, tu concipies, & paries filium, ſed abſque detrimento tuæ virginitatis? DEUS voluit, ut Beata virgo hunc florem lilii plantaret in mundo in illo pretioſo momento incarnationis, quo virginitas Mariæ fuit annuntiata univerſo, eodem tempore, quo Meſſias venturus erat.

Quod ſi Angelus in initio hoc ei declaraffet, ſi dixiſſet, paries, ſed ſine jactura virginitatis, illa ſtatim conſenſiſſet, nec dixiſſet; quomodo fiet illud, cum ſit obſtricta voto caſtitaris? Et quamvis nos equidem bene ſciwiſſemus, quod fuiſſet virgo, tamen non ſciwiſſemus, quod habuiſſet votum virginitatis. Sed an non humilitas ejus hoc ſecretum mundo occultare potuiſſet? Ne quaquam, Deus noluit hoc permittere, nam potius voluit retardari myſterium incarnationis, & vitam hominis DEI, ut amor, quo ferebatur erga ſuam puritatem, quam humilitas abſcondiſſet, innoteſceret, & ideo noluit, ut ſtatim in initio Angelus modum hujus myſterii illi declararet, ut inquam amor erga puritatem cogeret illam interrogare, *Quomodo fiet iſtud?* Ut mundus diſcat ab ore ejus virginali, quod illa, quæ eſt electa in matrem DEI, votum emiſerit virginitatis, ut homines diſcant, hanc vitam DEO eſſe gratiſſimam, virginitatem eſſe adeo pretioſam,

& charam ſanctæ virginis, ut illam maternitati DEI prætulerit.

VI. Et hunc florem lilii adeo amavit, & zelavit, ut filiū DEI noluſſet acceptare velut fructum benedictum ſui uteri, niſi ſub conditione, ne amitteret florem ſuæ virginitatis. Ex his quaſo te paulisper collige tuum exiguum judicium, admirare tuam imprudentiam, exiguitatem tui ſpiritus, & fidei: Tu perdis hanc pretioſam gemmam, tu jacturâ facis tuæ puritatis ob exiguam voluptatem, ob exiguum lucellum, ut uni nebuloni ſatisfacias. Virgo vero illum theſaurum noluit perdere, ob maternitatem DEI, ut eſſet Regina Angelorum, & hominum, nam poſtquam Angelus eam certam reddidit quod eſſet futura Mater DEI illæſa ejus puritate, per obumbrationem Spiritus ſancti, illa reſpondit, placet, conſentio, ſed ſub conditione adjecit & non aliter.

### PUNCTUM SECUNDUM.

*Irrigatus eſt ſanguine ſanctorum, Patriarcharum, Prophetarum, & aliorum ordinum.*

VII. Poſtquam verò hic inſignis ſlos lilii eſſet allatus, & ſeminatus in mundo per manum adeo nobilem, & excellentem, quis eſt quaſo, qui ſibi probro ducat, quod eum irriget, & colat? Quando incipio evolvere Hiſtorias Eccleſiaſticas invenio hunc florem irrigatum ſanguine iſtoſtriſſimarum perſonarum, quæ unquam in mundo floruerunt, nam ex omnibus Hierarchiis eccleſiæ militantis fuerunt ſancti, qui ſuum ſanguinē



pro conservando ejus virore fuderunt, nam in quolibet ordine est unus, vel plures celeberrimus Martyr, qui libenter mortem subivit, vel pro conservanda illa puritate, vel quia eam aliis suavit, & consuluit, vel quia ex horto mundi voluit evellere zizania impudicitiae, quae hunc sacrum florem suffocant.

Et quidem in ordine Patriarcharum habemus sanctum Zachariam Patrem sancti Joannis Baptistae, qui à Judæis occisus est ob testimonium, quo virginitatem Mariæ non obstante ejus partu asseruit. In ordine Prophetarum viget sanctus Joannes Baptista capite minutus ab Herode, quia incestum ejus cum Herodiade perstrinxit. In ordine Apostolorum in carcerem conjecti sunt, & demum morte affecti sunt sancti Petrus & Paulus, quia duobus aulicis Neronis virginitatem persuaserunt. In ordine Evangelistarum viget sanctus Matthæus, qui DEO sacrificium immolans, & ipse DEO victima virginitatis oblatu fuit jussu Hirtaci Regis Æthiopiæ, eo quod coram eo laudasset virginitatem, & Iphigeniæ ejus nepti suavisset, ut suam virginitatem DEO consecraret. In ordine Pontificum habemus sanctum Cajum, qui à Diocletiano fuit Martyrio affectus, eo quod ejus neptem sanctam Susannam stimularit, fideliter votum virginitatis DEO factum servaret.

In ordine Episcoporum coruscat sanctus Stanislaus Episcopus Cracoviensis qui per manum sacrilegam, & impiam Regis Boleslai, qui ab eo perstrictus fuit ob impudicitiam, quâ toto Regno scandalo fuit. Fulget quoque in eodem sanctus Lambertus Episcopus Leodiensis, qui jussu Alpaidis necatus fuit, eo

quod liberè reprehenderit adulteriam patrata cum Rege Pipino. Micat quoque sanctus Fridericus, qui ab eadem velut alterâ impia & crudeli Judith fuit occisus, quia Sanctus perstringebat ejus Matrimonium incestuosum cum Imperatore Friderico.

In ordine sacerdotum splendet sanctus Gerbertus, qui prope Antuerpiam dissectus fuit per satellites Regis Hybernorum, eo quod sanctæ Pympnæ dissuaserit, ne bestiali passioni parentis annueret, qui volebat ei nubere.

In ordine Clericorum radiat sanctus Ariolus, qui dum Mediolani obligationem Ecclesiasticorum quoad celibatum contra hæresim Nicolaitarum animosè propugnaret, per famulos Guidonis Archiepiscopi schismatici crudeliter fuit necatus, aures, nares, labia superiora, manus dextra præcisa, effossi oculi, lingua per lictorem extracta, & demum capite minutus.

Quoad virgines, quæ proprio cruore hunc sanguinem irrigarunt, & quæ mortem Matrimonii pratulerunt, habemus innumeras, Agnetes, Agathas, Susannas, Reginas, Margaritas, quæ illustriores sunt.

#### PUNCTUM TERTIUM.

*Cultura per Studium Doctorum, & monita sanctorum Patrum pro cultura, & conservatione virginitatis. Primo ex Augustino, ut virgines fugiant superbiam, Secundo ex Ambrosio, ut fugiant aspectus virorum, Tertio ex Chrysostomo, ut avaritiam, quarto ex Divo Thoma, ut musica instrumenta.*

VIII. **V**elut Martyres fuderunt sanguinem, ut irrigarent hunc florem,



ita sancti Doctores, & praelati Ecclesie suos sudores, labores, industrias, vigilias contulerunt, ut eum colerent, & conservarent. Quod si laborem velis impendere evolendi eorum libros, tu videbis, quod sint quasi diversi hortulani, qui areolas Ecclesie inter se diviserunt, ita ut quilibet in id totus fuerit, quomodo suum excoleret. Nonnulli magis alicui flori in particulari affectu fuere, ita ut unus hunc, alter illum excolendum sumpserit. Verum omnes conspirarunt, & concertarunt, quis melius insignem florem lilii excoleret. Omnes cum emulatione studuerunt, quomodo illum conservarent, & propagarent, omnes impenderunt suum ingenium, scientiam, callum, linguam, quomodo laudarent, & instruerent virgines. Sanctus Cyprianus integro libro virginibus modum vivendi, & sese vestiendi conscripsit. Sanctus Ambrosius exaravit libros in laudem Patriarcharum, Tertullianus integro libro animavit Martyres. Sanctus Chrysostomus librum composuit de sacerdotio ad instructionem Presbyterorum, sanctus Augustinus idem fecit de conjugatis.

Enimvero omnes Doctores unanimiter composuerunt vel homilias, vel epistolas, vel libros, vel volumina integra de laude virginittis, & ad instruendas Virgines. Sanctus Ambrosius composuit tres libros, de virginibus, sanctus Augustinus unum de sancta virginittate, unum itidem sanctus Basilius, unum sanctus Chrysostomus, sanctus Gregorius Nissenus unum de vera & incorruptibili virginittate, Tertullianus unum de virginittate, & unum, quomodo debeant esse velate.

IX. Quæso vos construamus prædium rurale spirituale, & brevi compendio principalia monita, & consilia, quæ hi sacri hortulani dederunt excolendo, conservando, propagando huic flori lustrenus. Sanctus Augustinus dicit quod lilium sit unus ex altissimis floribus unius areæ, magis expositus ventis, adeoque quod debeat profundiores radices figere, ne alias cadat & flaccescat. Virginitas cum sit unum ex præstantioribus donis Ecclesie, magis exposita est agitationibus ventorum vanitatis, & nisi sit radicata, & stabilita in humilitate, breviter teretur; quod si omnes illi, qui honorem suum prostituerunt, statim examinent suam conscientiam, illi invenient, quod principalis causa eorum lapsus sit defectus humilitatis, præsumptio, ambitio, vel vana gloria.

Quando Scriptura significare vult aliquam puellam amisisse suam virginittatem, illa dicit, quod sit humiliata, quia DEUS lapsum illum permittit, ut eam humiliet, & deprimat. Sanctus Augustinus ad hoc propositum citat illa verba spiritus sancti: *Quanto major es, humilia te in omnibus, & coram DEO invenies gratiam*, & inquit, *mensura humilitatis unicuique data est ex mensura magnitudinis*. Quo eminentior es in virginittate corporis, eo eminentior etiam esse debes in humilitate spiritus. Et magnus hic sanctus dicit, quod debeas quidem præferre statum virginittatis statui matrimoniali, sed non te alicui conjugatæ, quia aliud donum forsan habere poterit, quod te reddatur illustrior, quia forsan est disposita ad Martyrium, tu non forsan pluribus est ornata virtutibus, quæ quamvis minus mobiles sint in qualitate, ta-

Cap. 3. de  
sancta vir-  
ginit.



men pretiosiores esse possunt in quantitate.

Inter animas Christianas, inquit sanctus Augustinus aliquæ sunt, quæ valde paucas habent gratias, sed tamen sunt excellentes, & heroicæ, aliæ è contra virtutes habent ignobiliores, sed valde multas. Argentum quidem est minus pretiosum, quam sit aurum, sed magna quantitas argenti excedit parvam quantitatem auri. Et quamvis conjugata in nulla alia virtute esset eminens, tamen ejus humilitas sine virginitate est DEO gravior, quam sit tua virginitas sine humilitate inquit sanctus Bernardus, quamvis sis virgo non tamen non solum te debes præferre in tuo corde alicui conjugatæ, sed nec alicui quæ per consensum in peccatum amisit suam virginitatem, quia in ista humiliatione, in quam eam peccatum præcipitavit, potest esse eminentior, & gravior DEO, quam tu in spiritu presumptionis & vanitatis, quem tibi dat tua virginitas. Præterea dico tibi cum sancto Augustino, quod quamvis non sis lapsa, sicut aliæ, non debeas tamen considerare, quod sis iis fortior, & generosior, sed quia DEUS per suam meram misericordiam non permisit te tam fortiter tentari sicut illas, aut quia gratiam habuisti efficacem, & potentiozem. *Quidquid mali ipso custodiente non commutitis tanquam remissum ab illo deputate &c. de viribus vestris expertis cavete, ne inflemini, de inexpertis cavete ne inflemini, de inexpertis orate ne supra quam potestis ferre tentemini. Existimate aliquos in occulto superiores quibus estis in manifesto meliores, cogitate sponsum vestrum equalem patri, subditum Matri, in cælis dominantem, in terris ser-*

*vientem, createm omnia, creatum inter omnia.*

Cogita quod DEUS tibi condonarit illa peccata quæ non commisisti, quia nisi te præservasset tu in illa fuisses prolapsus. Nec efferaris ob præterita, sed potius time ob futura; noli superbire, quod periculo fueris exposita, nec tamen fueris devicta, quia hoc est effectus divinæ misericordiæ, adeoque ansam habes diffidendi tibi, & rogandi DEUM, ut tibi gratiam det, ne tenteris ultra tuas vires. Cogita coram DEO, & in interiori plures esse meliores, quam tu sis, esto in exteriori, & coram mundo te viliores sint. In mentem revoca humilitatem tui sponsi, qui obediit suo Patri, & se subjecit suæ Matri, ille regnabat in cælo, & erat humilis in terra, ille præerat Angelis, & serviebat hominibus, ille erat Creator mundi, & tamen in mundo creati voluit. Recorderis dicti sapientis quod nemo possit esse continens, nisi hoc illi dederit DEUS, memineris illius sententiæ Apostoli Petri: *Superbis resistit nempe DEUS, humilibus dat gratiam.* Non est satis quod corpus tuum consecres Jelu, sed & tuum spiritum ejus Spiritui devovere debes. Spiritus porro DEI non magis quiescit super spiritum superbum, & arrogantem, quam possit habitare in corpore impuro, & sensuali, DEUS enim dixit in Genesi: *Non permanebit Spiritus meus in homine, quia caro est, Et per Isaiam: Super quem requiescit Spiritus meus, nisi super humilem & super trementem sermones meos?*

Verbo, humilitas adeo necessaria est ad conservationem virginitatis, ut sanctus Augustinus in libro quem composuit



fuit in laudem virginitatis, quique continet quinquaginta sex capita solum in quinquaginta agat de laudibus virginitatis, in reliquis tringinta de humilitate.

X. Sanctus Ambrosius Pater Spirituallis sancti Augustini aliud nobis dat consilium valde salutare, & utile pro conservatione hujus floris, dicit quod debeamus illum munire forti sepimento, & solida obfirmare sera, ne aliquis possit appropinquare. Liliū nostrorum hor- torum est flos adeo tenellus, & delicatus, ut si non bene foveatur, statim marcescat. Virtus insuper castitatis est magis tene- ra, illa perdit suum insignem odorem & colorem, illa marcescit non solum ad mi- nimum attractum, sed & ad minimum affectum, per minimum tactum, familia- ritatem, simplicia oscula cujuscunque, cujuscunque, quodbis repeto, & vellem repetere centies, ne mihi dicere possis, est homo probus, est adeo devotus, & spiritualis, nil mali cogitat, habet bonam intentionem, est meus proximus consan- guineus, meus frater Germanus, uteri- nus, est puella ejusdem mecum sexus, sit quisquis velit, tuum cor maculatur. Pu- ritas animæ tuæ est velut vitrum Vene- tum, & velut speculum quod tam sæpe consulis; DEUS vult, quod illud consu- lendo recorderis quotidie hujus consilii, quod tibi do: quod si hoc speculum sæ- pius tangas, osculeris, si habitu illi aliquis approximet, sive sit fœmina, vir, puel- la, puer, infans, ejus nitorem maculat. Castitas porro est tenerior hoc speculo, & lilio, nam per solum amorem, & con- versationem per simplex verbum infi- citur. Virgo quæ pura vult manere, debet evitare conversationes, Discursus

vanos, nugatorios, jocosos, petulan- tes, familiaritatem cum aliquo solo. Sic- ut liliū inter spinas. Non minus quam flos inter spinas omnem ad se ac- cessum debet arcere, summè debet esse cauta. Esse incivilem in hoc puncto est sancta, & summa civilitas, & urbanitas. Trepidare inquit Ambrosius virginum *Ambr. lib. 2. in Lu- cam.* est, & ad omnes viri ingressus pavere, om- nes viri affatus vereri. Nota omnes, non solum dicit quod trepidare debeat ad ingressum alicujus impudici, disso- luti, trepidantis, levis, sed omnes in- gressus etiam virtuosos, modesti, sapien- tis, spiritualis, cœlestis, si fiat solius cum solo.

Addit sanctus Bernardus: Solent D. Bernar. *in illud qua- cum audis- set.* virgines, quæ verè sunt virgines, sem- per esse pavidæ, & ut cavenda fugiant, etiam tuta pertimescere, veræ virgines timent sicut columbæ, timent incessan- ter sicut folia arborum, & ut effugiant id quod timendum est, timent id quod timendum non est: puella illa devota de qua facit Severus Sulpitius mentionem fuit vera virgo, verum liliū inter spi- nas, nam ut servaret suum insignem can- dorem puritatis, illa sepimento se mu- nivit, & in clausura vixit. Sanctus Martinus, qui rogatus erat ab Impera- toribus, ut eam possent visitare, hoc permittere voluit, sed illa instanter ro- gavit, ne in hoc dispensare vellet, ne alii, idem postea tentarent, ille ejus petitioni anhuic, & modestiam ejus laudavit.

XI. Sanctus Joannes Chrysostomus alius hortulanus spiritualis tertium addit consilium valde salutare, & necessarium. Ille dicit quod magna sollicitudine li-  
m lium



lium præservandum sit à moribus & ro-  
sionibus talparum. Nam si hoc animal  
vel semel arodat radicem nostri floris  
marcescit, & suum virorem perdit. Tal-  
pa est Symbolum avaritiæ, quia illa o-  
mnino terræ involuta est, omnino à terra  
tecta, non tangit, non sentit, non gustat  
nisi terram, & terrestria. Radix florum  
spiritualium est intentio, quod si avari-  
tia corrumpat intentionem tuæ puritatis,  
amittit suum virorem, & meritum. Quod  
si virginitatem tantum serves ob lucrum  
temporale, ob prætensiones viles & ter-  
restres, ut sis dives, nemini subiectus, ut  
tota vita sis tui juris, ut onera evites ma-  
trimonii, quia non invenis parem, vel ta-  
lem sicut velles, tunc tua virginitas apud  
DEUM non erit magni meriti. Vir-  
ginitatem oportet servare per intentio-  
nes Christianas, utpote, quia DEO est  
grata, quia Christus est virgo, quia te  
reddis similiorem ejus Matri, ne dividas  
tuum cor inter Jesum & maritum, & Je-  
sus totum tuum cor possideat, ut habeas  
meliorem occasionem serviendi DEO,  
utpote expedita ab oneribus & negotiis  
matrimonii.

Quinque illæ virgines fatuæ, quarum  
mentionem Jesus facit in Evangelio huic  
consilio non paruerunt, nam virginita-  
tem quidem servarunt, sed cor suum per-  
miserunt corrodì à talpa avaritiæ; lam-  
pades virginitatis earum quidem nite-  
bant, & erant mundæ, sed non ardebant,  
quia non aderat ignis amoris, & defi-  
ciebat oleum misericordiæ versus  
proximum.

Quod si liceat servo & discipulo, lo-  
qui post suos Magistros & Dominos  
suamque aperire mentem, ego dicerem,  
quod lilia in hortis parumper flaccescant

ad tonitru, lilia vero in Ecclesia sint deli-  
catoria, utpote quorum nitor aliquando  
per cantum hebetetur, unde ego confu-  
lerem, ne illi, qui præsunt monasteriis  
virginum in earum Ecclesiis Musicam  
non permittant. Etenim meas exiguas ra-  
tiones, prima, quia tuæ celebriores fun-  
datrices sancta Clara & Theresia, eam in  
suis ordinibus non introduxerunt, secun-  
do, quidquid facimus, debet tende-  
re ad gloriam DEI, gloria porrò ejus  
exterior consistit in hoc, ut ei serviamus,  
eum amemus, ei obediamus, ego  
autem nullatenus video, quomo-  
do melius eum cognoscamus, eum  
amemus, ei obediamus per musicam.  
Dices per eam attrahi populum ad Eccle-  
siam, id non nego, sed hoc nil aliud est,  
quam quod plures, qui in paschate aut  
aliis diebus festis, irent ad cathedralem,  
aut parochialem Ecclesiam audituri can-  
tum Gregorianum, qui nihil sonat pro-  
fanum, aures demulsuri & sese oblecta-  
turi vadant, ut audiant inflectiones  
vocum, & Chromas puellarum. Dices  
præterea quod hic cantus sæpe elevet  
corda ad DEUM, aliquorum concedo,  
sed corde eorum quæ ea ita elevat,  
solum ad devotionem sensibilem quæ  
non est solida, & hic plures sunt quam  
decem, talis autem devotio potius alligat,  
& affigit cor creaturæ. Ipsa expe-  
rientia namque nos docuit quod hæ vo-  
ces blandæ, molliant, incantent & im-  
puras adferant cogitationes. Tertio  
Cantatrices insigniores melius habendæ  
sunt, oportet cum iis dispensare in fre-  
quentatione matutini & aliis observan-  
tiis regularibus, ne rauæ sint in matuti-  
nis tenebrosis aut festo paschatis, verbo,  
dum aliæ religiosæ sub canone missæ sese  
occupant.



Ioan. 4.

Lib. 10.  
Confess.  
cap. 33. 2.  
2. q. 92. a.  
2.

occupant actibus adorationum, amorum, oblationum, submissionum, gratiarum actionum illæ occupantur, ut suum tonum addiscant, citharas temperent, voces aptent, inspiciant quid cantandum sit. Salvator porro dixit DEUM esse Spiritum, qui principaliter in Spiritu adoratur. Et sanctus Augustinus de se ipso fateretur, quod dum sapius moveretur & tangeretur per cantum, quam ea quæ cantabantur, cognoverit, quod plus peccarit, quam meruerit. Addit sanctus Thomas quod musica potius moveat ad delectationem quam ad devotionem.

## PUNCTUM QUARTUM.

*Virginitatis fecunditas primo producit Martyres, secundo ordines religiosos, tertio Christum.*

XII. **Q**UOD si magnum desiderium habeas hæc consilia sequendi, & hanc puritatem colendæ multum fructum afferet. Et quamvis magna sit convenientia, similitudo, proportio, inter lilium & virgines, tamen etiam intercedit magna differentia. Lilia habent insignia folia sed nullos fructus, sunt ornatus hortorum, sed non Thesaurus. Lilia vero spiritualia habent folia, & fructus sunt ornatus & garæ ecclesiæ, sunt pulchræ & fecundæ. Ego vobis dicere possum cum sancto Ambrosio, quod hæc virtus gignat Martyres. *Non ideo laudabilis virginitas quia in Martyribus invenitur, sed quia ipsa Martyres facit, & hoc non quod virginitas perpetua sit Martyrium non cruentum, minus horrendum. Et atrox cruento, sed quod sit Martyrium longius & molestius: Illo ni-*

*mirum, quo membra caduntur, horrore quidem mitius, sed dururnitate molestius.* Et in hoc sunt Martyres, quia virgines illæ, quæ firmæ, & immobiles manserunt in sancto suo proposito inter insultus tentationum ad fidem, & desiderium Martyrii eos converterunt, qui eas ad malum sollicitarunt, vel eos qui illas irriterunt aut cruciarunt, aut qui illas respuerunt. Sic sanctus Cyprianus Nicomediensis adhuc paganus & magus conversus fuit per sanctam virginem Justinam, ita quoque conversus fuit Advocatus Theophilus per sanctam Dorotheam, quinquaginta Philosophi per sanctam Chatharinam, sanctus Valerianus per sanctam Cœciliam.

XIII. Possem præterea dicere, quod virginitas sit mater ordinum Religiosorum, nam sancti Patriarchæ, qui ordines & communitates religiosas instituerunt, vel reformarunt, fuerunt omnes quasi virgines. Ita legimus de sancto Benedicto, Brunone, Bernardo, Romualdo, Norberto, Stephano Grandmontano Dominico, Francisco Assisiæ, Francisco de Paula, Phillippo Nerio, Cardinale Berullo, sancta Clara, sancta Catharina Senensi Terefia. Verum ut omnia uno verbo comprehendamus dicere oportet, quod virginitas sit adeo fecunda ut produxerit ipsum Sanctum sanctorum, ut genuerit Jesum. Ejus fecunditas par est fecunditati Patris omnipotentis quia concepit, donavit mundo eundem filium, idem verbum, eundem DEUM, quem Pater æternus in suo sinu infinito & divino concepit. Hic conceptus est sancti Chrysostomi, nam super illa verba: *Quomodo fiet istud, quoniam vi-*



rum non cognosco? Ille dicit, id ideo futurum, quia votum emisit virginitatis: & in alia homilia relata à Metaphraste ait: *Cum enim beata Maria supra omnem naturam humanam castitatem servaret, propterea Christum Dominum in ventre concepit.* Illa omnibus virtutibus eminentibus, excellentibus, & quidem in summo gradu ornata fuit, verum nisi fuisset virgo, reliquæ non fuissent sufficientes, quæ allexissent & attraxissent filium ad ejus sinum.

Præterea sunt plures sancti, qui per praxin virtutum magis insignium & celebrium, quas quis optare posset, maxime conspicui fuere, quis in charitate magis excelluit, quam pulchra Rebecca? illa aquam hausura ad quendam puteum iverat, dumque casu illuc veniret homo quidam incognitus & peregrinus. Plures camelos ducens, isque eam rogaret ut pauxillum aquæ ex ejus hydria bibere posset, illa dixit, bibe quantum vis, quia non tantum te, sed & tuos camelos potabo. Nonne in hoc magnam suam charitatem ostendit? Quis fuit austerior Judith? Illa vidua erat juven-  
cula, opibus turgentissima, argento, prædiis, suppellectile ditissima, & tamen scriptura testatur, quod per totam vitam civilem portavit, semper jejunavit exceptis solemnioribus festis; illa sequestrata vixit, & in summitate domus assidue DEUM rogavit, nonne hoc est esemortificatum?

Quenam fuit patientior quam Sara conjux junioris Tobie? una ancillarum in ejus præsentia eam calumniis, convitiis, maledicentiis fodicabat, verum bona illa matrona non rependebat vices, nullas referebat injurias, nullo ver-

bo remurmurabat, nec in minimo querebatur hanc insolentiam non perstringebat, nullum ei malum optabat, sed patienti animo omnia concoquebat, & paulisper ad oratoriam secedens, desolatum suum cor DEO offerebat, suamque ætumnam ei proponebat; nonne hoc est esse patientem? quanam fuit humilior Esther? illa maximo imperavit Monarchæ, quem unquam vidit mundus, nullum scio principem potentior, quam fuerit Asuerus ejus maritus, ille centum & viginti septem provincias sibi subditas numeravit, nulla Regina unquam cordi sui mariti adeo dominata est, quam Esther occupavit cor sui mariti, illa o-  
mnes hujusmodi eminentias pedibus  
calcavit, illa has dignitates non magis æstimavit quam pulverem, & stercus, & eas velut sinum in horrore habuit. Et quæ nam fuit devotior Annâ Prophetisâ? Illa teste Evangelista diu noctuque mansit in templo, illa DEO continuo servivit à vigesimo quarto anno ætatis usque ad mortem. Et nihilominus hæc scemina adeo devotæ, humiles, patientes, Austere, Charitatuæ, non attraxerunt filium DEI in earum sinum, nec illæ huic consecraverunt suam virginitatem, sed Maria tantum ejus corrapuit, illa solum eum fascina-  
vit, & alexit per dulcia illicia suæ puritatis.

### CONCLUSIO.

Peroratur primo ad impudicos,  
secundo ad virgines.

XIV. Quæ cum ita sint quomodo tu non magis æstimes hanc virtutem, nec animas illa dotatas æstimes? an tu sis tam impudens, & temerarius, ut per petulantias, verba lasciva, aspectus impudicos, Desideria sensualia, & impura, eas

cont-

Gen 29.  
v. 14.

Judith. 8.  
v. 1.

Tob. 3. v. 9.

Luc. 2. 36.



contaminare audeas? an post hæc patra-  
ta audeas sperare patrocinium Beatæ  
Virginis? an non timeas ejus incurere  
maledictionem, eo quod virginem im-  
pedias ne intret Religionem, ut suam  
confervec virginitatem? an non verearis  
iram Dei, eo quod puellam aut fœmi-  
nam Christianam induxeris in peccatum?  
supponamus â te commissum crimen  
morte dignum, & quod aliqualem ha-  
beas spem, quod Regina â Rege tibi sit  
gratiam obtentura, ac in hunc finem, in-  
terim dum Parisiis te detines, ambulatum  
vadas ad hortum Reginæ, hortulanus ve-  
ro quam primum intrest tibi dicat: Regi-  
na maxime æstimat flores, tenacissime eos  
amat, præ reliquis tamen lilia; tanto  
amoris excessu illa prosequitur, ut pro-  
priis manibus illa voluerit plantare, quo-  
tidie illa irriget, illa colat, tamque solcite  
illa curat, ut quam primum unus vel â lon-  
ge ei approximat, timeat, & è fenestra Cu-  
biculi clames, ne his floribus appro-  
pinquet; si certissimo scires, quod verum  
diceret, & tu pergeres ad aream liliorum,  
ut illa decerperes, & ea spectante illa  
evelleres, maculares, quid de te dicere-  
tur? ubi esset tuum iudicium?

An ulla dici potest adesse apparentia,  
quod apud Regem pro te intercessura sit?  
idem re ipsa facis, & quidem in materia  
majoris momenti, tu reus es læsæ maje-  
statis, tu tot patraſti blasphemias, ebric-  
tates, perjurias, tu eges gratia Reginæ cæ-  
lorum, tecum est actum nisi ipsa pro te  
intercedat, & veniam tibi obtineat. & an  
tu ei ansâ prebeas ut pro te oret? tu scis,  
quod unice amet omnes animas virtuo-  
sas, principaliter tamen virgines quæ sunt  
lilia Ecclesiæ:

*Qui pascis inter lilia  
Septus Choreis virginum.*

Tu scis quod tanto affectu feratur er-  
ga puritatem, & ipsamet illam planta-  
verit in area ecclesiæ, quod illam inceſ-  
santer irriget suis influentiis virginali-  
bus, quod adeo zelet illa lilia, & tam soli-  
cita sit erga illa, ut quam primum unus  
adolescens levis appropinquat ad hæc li-  
lia, mater Dei pro illis timeat, & vereatur  
ne hic flos decerpatur, aut ne ejus puritas  
inficiatur per aliquod verbum inhone-  
stum, quomodo quæſo tu adeo sis impu-  
dens ut audeas unum sanæ virgini tollere?  
quomodo iis dissuades ne in monasterio  
cum filio Dei Sponsalia ineant?

XV. Ultimo ad vos ô virgines Chri-  
stianæ sermo meus dirigitur, vobis spi-  
ritus sanctus applicuit illa verba: *florete  
flores quasi lilium, date odorem, frondete  
in gratiam, benedicite Dominum in operi-  
bus suis. Ebores.* Vos estis flores ecclesiæ,  
ornatus, & delitiæ areæ Jesu, *florete* bonis  
operibus, actibus pietatis, humilitatis,  
charitatis, & misericordiæ. *sicut lilium*  
loquitur de vobis & non dicit *sicut lilia*  
sed *sicut lilium*. vos debetis esse unani-  
mes, tam strictim conjunctæ, tam sanctæ  
& inseparabiliter vinculo charitatis col-  
ligatæ, ut unicum lilium esse videamini.

*Date odorem* ne tantum castæ sitis in  
corde, & in animo, nec dicite, fateor,  
quod parum sim liberior in conversatio-  
ne mea, ego subinde jocofum profero  
verbum, nolim vocari devotaria, Begui-  
nas sufficit quod re ipsa devota sim. Apa-  
ge his nugis. Sanctus Paulus dicit: *provi-  
dentes bona non solum coram Deo, sed  
etiam coram hominibus.* & Christus: *sic  
luceat lux vestra coram hominibus.* & spi-  
ritus



ritus sanctus: *date odorem*. bonus odor vestrae modestiae solitudinis, sapientiae, taciturnitatis spargatur per totam urbem. *frondete in gratia*. castitas sine gratia est velut flos sine virore, vigore, elegantiâ, sed est flos languidus, totus flaccidus, est virtus moralis, & humana, non supernaturalis & meritoria. *Benedicite dominum in operibus suis*. Deo agite gratias, ei benedicite, quod hunc Thesaurum adhuc habeatis, quia semel amissus, nunquam

amplius recuperatur. sunt eminentissimi sancti in caelo, magni iusti in terra, qui eum vellent habere sicut tu, ut Deo gratum munus offerrent. quod si illi consecres hunc florem, si illum integrum & purum conserves usque ad ultimum suspirium vitae, tu habebis aureolam particularem, tu eris in choro sanctarum Virginum, in areola liliorum Archangelorum, in numero eorum, *qui sequuntur Agnum quocumque ierit. Amen.*

## SERMO SEXAGESIMVS PRIMVS Pro Festo purificationis B. M. V.

Contra vana ornamenta foeminarum quæ sunt esca libidinis.

*Tulerunt illum in Ierusalem, ut sisterent eum Domino.* Lucæ 2. capite.

### EXORDIUM.

**P**ostquam Rex Ezechias legatis Babyloniorum ostendisset suos Thesauros, aromata, pigmenta, & quid. quid pretiosi habuit prædixit Propheta totum illum thesaurum ob eam ostentationem à Rege Babyloniorum diripiendum, uti legitur quarto Regum vigesimo. Beata virgo cautior in hoc fuit. quamvis esset *mulier amicta sole* & portaret maximum thesaurum in suis ulnis, attamen hunc thesaurum abscondit, nec voluit apparere quod esset mater Dei, sed potius humillimo vestita induta intravit Ierosolymam, & significavit se quasi unam esse ex aliis puerperis, nam alias si splendide vestita fuisset, non obtulisset oblationem pauperum, sed divitum. magnum & plusquam Regum thesaurum gestant virgines, sed in vasis fictilibus, sed quid faciendum est ut is conservetur in iis

& in aliis. imitari debent hodie Beatam virginem humili, & Christiano vestitu ire ad ecclesiam, prodire in publicum, sic enim illud Vas fictile non ostentando hunc thesaurum virginittatis in se & in aliis conservabunt, è contra si per vanos ornatus illud ostendent non ibunt in spiritu in templum, quin potius graviter Deum offendent, & hunc thesaurum in se & in aliis amittent, de quo agemus hoc sermone.

*Non Mœchaberis* Exod. 20.

**I.** **H**oc verbum, consensus, non solum significat crimen illius qui voluntarie delectatur sensualiter, & aule peccare, absque eo quod exterius peccet, sed & peccatum eorum, qui consentiunt & concurrunt ad hoc, ut alii habeant prava desideria, & cogitationes immundas & lascivas; talia sunt peccata foeminarum, & puellarum, quæ per vana & mult-



mundana ornamenta & per pigmenta, fucos, sunt illicia concupiscentiæ. Ut ab hoc abusu vos absteineam ego argumenta adducam primo eruta ex parte Dei, secundo ex parte proximi, tertio ex parte vestri. quando Salvator locutus est de virginibus sub metaphora liliorum, dicit Salomonem in tota magnificentia gloriæ suæ non fuisse tam venuste ornatum, sicut est unus ex his floribus. Et quidem principaliter de te locutus est non sacratissima virgo, quia tu es *sicut lilium inter spinas*. ille dicit, quod hi flores non neant ut induantur, sed quod pater cœlestis eos vestiatur, per quod significare voluit, quod quamvis tu negligas ornatus vanos, & superfluos; attamen corpus tuum dotatum sit quadam pulchritudine perfecta, pulchritudine quæ non pungit, nec stimulos addit, uti facit pulchritudo puel- larum, quæ ideo comparantur spinis, *inter spinas; sic amica mea inter filias*, quia potius insinuat, quod instillet puritatem in eos, qui te respiciunt, & ita monstrat, quod in ipso corpore & exteriori homine sis gratia plena; hunc tibi dedit titulum Angelus, qui te salutavit hisce verbis; Ave Maria.

## Idea Sermonis.

*Deus diligenter observat vana ornamenta mulierum.*

II. **V**Anitates mundanæ in tam malo prædicamento sunt apud Deum, ut juxta Prophetam Regium horreat, & abominetur non solum eos qui iis afficiuntur, sed & qui eas considerant, & inutiliter contemplantur: *edisti observantes vanitates supervacue*, expresse dicit *observantes supervacue*, quia non pro-

hibemur eas velut stultas admirari, contemnere, reprehendere, corrigere, & condemnare. & hinc tu idem fac, & magno studio conare, ut eas observando particulariter condemnes, & graviter punias. De quodam principe nostri ævi narratur quod cuilibet obvio quantumvis audacissimo incussit formidinem, quia dum alicui occurreret, hunc tam fixe intuebatur, ut à capite usque ad calcem eum metiretur, ita ut nil esset in ejus capite, vestibus, gestibus, corpore, quod non observaret, ita Deus vobiscum agit meæ domicellæ. Dum proditis in publicum, vel venitis ad ecclesiam, vos vultis videri, vos in hunc finem vos politis, & sane sufficienter conspicimini, vos videmini, & de hoc nullatenus dubitetis; rerum vos conspicimini ab oculis à quibus non putatis. Deus obtutus suos tam fixè, attentè, & distinctè idque à vertice usque ad calcem in vos conjicit, ita ut non sit capillus in vestro capite, acus in vitta ceu reticulo crinali, plica in vestra stola, palla, calantica & alio mundo muliebri, ut nullus sit motus in vestris gestibus, quem non videat, consideret, & observet, ut vos puniat.

Postquam David considerasset rigorem justitiæ Divinæ ad visum judiciorum tam formidandorum terrore concussus est, & extra se actus scripsit: *si iniquitates observaveris Domine, Domine quis sustinebit?* quod si intelligas propriam significationem hujus nominis *observare*, videbis nil aliud esse, quam indagare, explorare, lustrare, cominus intueri. in tota scriptura non invenies, quod id Deus faciat aliis peccatis, quam vanitati: Sanctus vir Job. dixit: *scribis*



*Iob. 13. 26. scribis contra me amaritudines, & consumere me vis peccatis adolescentiæ meæ: posuisti in remota pedem meum, & observasti omnes semitas meas, & vestigia pedum meorum considerasti: peccata adolescentiæ suæ non erant impudiciæ, pepigi fœdus cum oculis meis, ut non cogitarem de virgine; nec erant avaritia, si comedi buccellam meam solus; nec quæcunque alia, sicut ex dictis apparet quæ de vita sua pronuntiat, nam nihil esse poterant quam vanitates exiguæ: Audite minas Dei & videbitis quam exacte animadvertat & distincte attendat etiam minimas fœminarum vanitates, nec breviter eas puniat, pro eo quod elevatae sunt filie Sion, & ambulaverunt extento collo, & nutibus oculorum ibant, & plaudebant, & composito gradu incedebant, decalvavit Dominus verticem, verticem filiarum Sion, & Dominus crinem earum nudabit: in Die illa auferet Dominus ornamentum calceamentorum, & luculas, & torques, & morilia, & armillas, & mitras, & discriminalia, & periscelides, & murenulas, & obfactoria, & annulos & gemmas in fronte pendentes, & mutatoria, & palliola, & linteamina, & acus, & specula, & syndones, & vittas, & teristia, & erit pro suavi odore fœtor, & pro zona funiculus, & pro crispanti crine calvitium, & pro fascia pectoris cilicium.*

## PUNCTUM PRIMUM.

*Vanus ornatus improbatur primo Argumentis ex parte Dei, primo quia sic corripuit Deum, secundo quia mendacii arguunt, tertio quia de throno dejiciunt, quarto quia sunt ei ini-*

*mice.*

III. **Q**uod si hæc dixerit fœminis Israelitarum, quibus solitus est

promittere eminentias ac felicitates temporales in præmium virtutum earum, quid non faciet fœminis Christianis, quæ ex sua professione tenentur contemnere gloriam mundi, & honorare opprobria Christi? quid quæso non faciet fœminis Christianis, quibus dicit Apostolus, *glor. I. Cor. 6. rificate & portate Deum in corpore vestro? v. 10.* viden quomodo loquatur Apostolus: *Dicit in corpore & non tantum in anima.* tu pro eo quod portes Deum in corpore, portas pompam diaboli: ita Chrilostomus. *circa margaritarum cultum insania, est pompa sathanica.*

*Glorificate Deum.* tu eum inhonoras. crispare capillos, vultum stibio pingere, cothurnis incedere nil est aliud, quam velle opus Dei corrigere, & defectum in eo arguere, hoc nil aliud est, quam dicere: tu me non satis perfecte formasti, unde oportet, ut me reformem, tu non satis grandem, coloratam, hominibus gratiosam me fecisti, unde ego melius id volo facere quam tu. omnes Patres Ecclesiæ unanimiter conspirant, ut exaggerent temeritatem, quam committes, dum vis taxare Auctorem naturæ, omnes quasi in iisdem terminis conqueruntur, ex quo apparet quod idem sit spiritus, qui per diversa organa loquitur:

*De habitu Virgin.*

Et quidem primus prodeat sanctus Cyprianus, qui sic inquit. quod si aliquis pictor celeberrimus aliquam imaginem delineasset, & jam supremam manum admovisset, veniret autem alius multo imperitior, & novos adferret colores, nova duceret lineamenta, nonne hoc esse illum pictorem ostendere, eum irritare, ejus bilem accendere, ejus opus tanquam imperfectum censurare? vos scitis quod.

Postquam Apelles incepisset quandam



dam imaginem, quæ debebat esse caput suæ indultrix, & ante ejus completionem vita defunctus fuisset, nec unicus pictor in toto mundo ausus fuerit manum in illam picturam mittere, non obstante quod maximum præmium iis promitteretur. Quomodo ergo tu sis adeo temerarius, ut velis in te reformare opus DEI jam perfectum, ac si nec dum esset ad perfectionem deductum? *Opus DEI est omne* inquit Tertullianus *quod nascitur*, diaboli vero quodcumque mutatur. Et alio tractatu sic satur. *Quis corpus monstraret mutare, nisi qui & hominis Spiritum malitia transfiguravit*, ille indubitate ejusmodi ingenia concinnavit, ut in nobis quodammodo manus DEO inferret; *Quod nascitur opus DEI est*, ergo quod fingitur diaboli negotium est: *Divino operi Sathane ingenia superducere quam scelestum est.*

IV. Argentum vivum & alia, quæ intrant compositionem stibii, & cerusæ paulatim cerebrum penetrant, & organa spirituum lædunt. Noster Salvator dicit: *Non potes unum capillum album facere aut nigrum*: Nemo nec minimum suæ staturæ adijere potest: Quomodo ergo tu mendacii audeas arguere ipsam veritatem, dum dicis: ergo adijciam, addam meæ staturæ, ego me altiolem faciam per cothurnos ego crinibus alium colorem inducam, mediante pulvere ego ex nigris eos faciam fulvos & cur quæso hoc?

V. Tu dicis ex sola vanitate ut placeam mundo, verum ut propriè in lingua latina hoc exprimam, id nil aliud est, quam velle occupare thronum DEI, eum solio suo ejigere, & in sede ejus se collocare.

Thronus Augustissimus, locus deliciosissimus, quem Deus potest habere in terra est cor humanum, unicum tributum quod DEUS ab hominibus sibi pendit, ob tot bona, quæ iis præstitit est ut de eo cogitemus, ut ejus perfectiones admiremur, ut nostra corda ejus amore repleamus. Tu hanc gloriam ei vis adimere, hac voluptate eum privare, tu vis, ut alii occupentur circa te, ut de te cogitent, te admirentur, te ament, te laudent, & hoc pro eo quod deberent cogitare de DEO, eum admirari, laudare, & amare; & hoc vis fieri ab iis, qui DEUM laudare & amare præ aliis obligantur.

Omnia peccata mortalia bellum movent omnipotenti, reliqua tamen DEO concedunt aliquod armistitium, hostilitatem suam per aliquod tempus ponunt, in aliquibus locis, aliquibus temporibus ab armis cessant, quamvis sint in habitu, non tamen sunt in actu. Cessant ab hostilitate sua in templo, sub precibus, & aliis operibus piis. Et quis quæso avarus sit adeo insatiabilis, ut ipso Festo Paschatis, aliquem contractum usurarium, vel injustum ineat? Quis vindicativus sit adeo desperatus, ut velit occidere in ipsa Ecclesia? Quis libidinosus adeos effrons ut velit cogitationes lascivas admittere sub ipsa communione? Sola vanitas operum bellum DEO indicit, illa contra eum certat, illa eum persequitur, in locis, diebus, actionibus sanctioribus, in die paschatis, in die natiuitatis, in templo, & quidem tunc cum jam sedes in scamno communicantium tua vanitas eum offendit actualiter expresse, & quidem magis audacter quam aliis temporibus.

Tertul. de cultu scem.  
Cap. 5 vel secundum aliam editionem  
Cap. 3.

Mat. 5. v.  
36.



Pompa tuarum vestium, ubera tua nuda distrahunt assistentes, & eos, qui orant DEUM, eos, qui volunt communicare, eos, qui audiunt tuam confessionem, eos qui tibi dant communionem, omnes hos separas à DEO, ut observent unum cadaver. Viden quæso illum pauperem opificem, qui forsan ab octo diebus de DEO non cogitavit, qui totâ septimanâ nil oravit, qui non nisi diebus dominicis precatur, hic venit ad templum, ad sacrum cum bona intentione & bona voluntate, ut DEUM ferventer oret, tu ei in templo occurris, fulgor tuarum vestium ejus oculos perstringit, cor ejus replet, devotionem ejus dissipat, & pro eo, quod occupetur circa DEUM, occupatur circa creaturam. Viden quæso misellum peccatorem, qui DEUM toto anno offendit.

DEUS sperans ejus conversionem maxima patientia eum toleravit, cum toto anno diu noctuque in altari maxima misericordia eum expectavit. Si unquam eum debeat expugnare, ejusq; cor lucrari hoc est in ipso festo paschatis, in ipsa sacra communione. Hic peccator jam est dispositus ad conversionem, jam est præparatus, hic intime confitetur, hoc festo venit ad sacrum ut communicet, in platea, vel templo tu illi occurris, ille videt tua ubera nudata, ejus bonum propositum, quod recenter germinavit, & est tenellum instar violæ in Martio ad primum radium hujus solis marcescit, vel ut melius dicam hujus lunæ funesta. Ego non loquor de tuo animo, sed de tuis vestibus, quæ sæpius variantur, quam luna, ille oculos in te conijcit, te concupiscit, adulterium committit in corde, ille indigne communicat, & suum

acatorem recipit ad damnationem. Viden amabò unum hominem devotum, & spiritualement, quia aliquo festo Beatæ virginis multum laboravit, ut aliquam devotionem haurire potuerit, die antecedente jejunavit, mane surrexit, actioni vacavit mentali: librum legit spiritualement, vadit ad confessionem, communionem, concionem, tua forma, tua pompa ejus animum sauciant, imaginationem habet vivam & delicatam, toto tempore matutino pro eo quod deberet & posset cogitare de DEO, omnes vires adhibet ut repellat, & vincat has pravas cogitationes, quæ eum infestant, quia homines sunt homines, non Angeli, & quantumvis sint casti, spirituales, interiores, mortificati, perfecti, attamen sunt compositi ex carne, & sanguine, habent sensualitatem, & sunt expositi tentationi, & esto essent Angeli, tamen nescio, an, si te videant tibi loquantur, tecum conversentur, non passuri sint aliquam tentationem. Tertullianus in illa verba videntes filij Dei

VI. Et quidem isti ornatus sunt, ut placeas mundo, ut ab æstimeris, lauderis, & ameris, sed quid inquit Paulus: *adhuc hominibus placent, DEI SERVUS non essem.* Et sanctus Jacobus: *Amicitia mundi est inimicitia DEO.* Et Salvator noster maledictus qui laudatur ab ho-

*Tert. de habitu mulier C. 2. Gen. 6.*

*Gal. 6. v. 16.*

*Luc. 9. v. 4.*

*Luc. 6. v. 26.*

*minibus,*



inimicus. Profecto si rem attentius considerem, hi textus salutem meam in periculo versare significant, invenio quippe hoc officium prædicatoris esse unam ex periculosis functionibus, quæ sunt in mundo. Ego allaborare debeo ut vos per meas conciones proficiatis, nam vix vobis proderunt, vix ex iis proficietis, si haud gravatè illas auiscultetis, vos eas gravatè audietis, si benevolentiam vestrum non lucter. Nisi sim gratus, non sum in vestra benevolentia. Sanctus Paulus dicit, *Si hominibus placerem, Christus servus non essem*, Christus dicit, *Vae mihi*, si ab hominibus lauder, sanctus Jacobus ait, si sim in benevolentia mundi, sum inimicus DEI; ô Patres venerandi, quam miseri, & infelices non sumus, si ut gloriam mundi, laudem, & amicitiam venemur, simus adeo curiosi, & cum mundanis adeo familiares, si tantum tempus infumamus in poliendis, & ornandis nostris discursibus, quantum impendunt puellæ in poliendo vultu, & crinibus crispandis. Mi DEUS, tu mihi prohibes ne vener amicitiam mundi, hoc est vitiosorū, reproborum tuorū inimicorum. Vis autem ut gratiam comparem tuorum servorum, iustorum, & prædestinatorum. Da mihi illam gratiam ut vitia tanto zelo perstringam, ut mundanorum odium.

Iam derivem, ut virtutes Christianas & Apostolicas doceam, ut ita tuis servis placeam. Dic quæso tu blandiloque, cui tanto labore conaris placere? An servis DEI, vel mundi? à quo vis æstimari & laudari? Tantum abest ut servus DEI propter hoc te æstimet, & laudet, ac amet, ut potius te aspectu non dignetur, & te contemnat, irideat,

detestetur, quotidie DEUM roget, ne te amplius respiciat.

*Visum fovendo contegat  
ne vanitates hauriat*

*Averte oculos meos ne videant vanitatem.* Quod si te respiciat, si te æstimet, si te amet, quia omnibus antecellis, jam non est amplius servus DEI. Sanctus Bernardus propriæ sorori, quæ à longe venerat cum visura, loqui non voluit, & hoc tantum, quia vane fuit ornata. Quinimo nec eam aspectu suo dignatus est, quod si ergo non prætendas nisi suscipi, laudari, amari à mundo, nō es ancilla Christi, sed involveris illa maledictione Evangelica: *Vae illi, qui laudatur ab hominibus.* Tu declaras te Christi hostem. Et quomodo non esses ejus inimicus cum tantam stragem edas?

## PUNCTUM SECUNDUM.

*Argumenta ex parte proximi, primo scriptura, secundo patribus, tertio ratione.*

VII. Verum enimvero interim dum tot animæ DEO adeo charæ, & pretiosæ perduntur, tu nil mali intendis, nec minimam pateris tentationem, tu potius velles millies mori, quam vel minimam impuram admittere cogitationem. Perbelle interim tu illas perdis per tuum ornatum, & factum, & plures tentantur pravis cogitationibus, iis delectantur, consentiunt, & damnantur. Ubi est obedientia quam debes huic mandato: *Diliges proximum sicut te ipsum*? Ubi est detestatio qua debemus abominari peccatum, quatenus est



offensa DEI? An forte peccata quæ alii patrant non sint offensa DEI sicut nostra? Sanctus Dominicus, & alii magni sancti, an non æque deplorarunt peccata aliena, ac propria? quod si timeas tantum peccata propria, tu ea tantum times ex amore proprio. Sed vide, & audi id, quod dicit sanctus Augustinus: *Quem vis contemnere* (hoc est quam tam libere perdis) *pretium ejus attende, & cum morte Christi, totum mundum appende.*

Tu dicis quod non intendas animas perdere, credo hoc & id non nego, interim tamen re ipsa perduntur, & per tuam culpam. Ante excusatum putes, eo, quod non habeas intentionem? an ille, qui horreo pleno frugibus, armamentario pleno pulvere intrato ignem iniiceret causa non diceretur magni incendiarii? Audi decisionem juris: *Eos, qui negligenter ignem habuerint potes furarios eff. de sribus cedi, vel flagellis jubere*, imo talem juste in furcam ageret. Et sane palea, & sulphur non adeo faciliter concipiunt ignem elementarem quam cor humanum ignem infernalem concupiscentiæ. Tu in publico sine ulla necessitate, utilitate, sed ex sola vanitate portas hunc ignem infernalem. Fastus inquit Tertullianus est titio naturalis, *Naturalis invitator libidinis.*

VIII. Quis non videt, quod non sis excusanda ab obligatione & pœna ob tot damna, & peccata quæ inde sequuntur? Sanctus Ambrosius non solum non permittit uni scemina ut se ornet, & poliat prodeatque in publicum ea intentione ut videatur, sed & scemina, ceu puellæ Christianæ hæc verba formalia dicit:

*Ambrosii lib. 1. Non facile vultus ejus in adolescentis oculis incurrat, nuptiali velamine tecta sit, ne*

*vel fortuitis occurribus pateat ad vulnus, vel alienum, vel suum, sed utrumque suum vulnus est.*

Tu præcise ea intentione vadis ad plateas, templa, choras ut adolescentibus obvia fias, ille autem non vult ut casu iis occurras, ne eos in periculum adducas, & præbeas materiam tentationis. Fœmina casta, & christiana nunquam exiit e suo cubiculo, nec permittet aliquem in illud intrare, nisi omnino vestita sit. Unde nec decens, nec honestum est, quod aliquæ se conspiciendas præbeant, iis, qui sunt à pedibus, à cubiculo, domesticis, dum ubera, collum, brachium sunt denudata, quod balneent in aliquo balneo, in quo ab aliquo possunt audiri, aut videri, vel præbere coram viris lac parvulis fugentibus, nisi omnia bene tegantur, & cooperiantur. Et quamvis tu non agiteris pravis cogitationibus, sed alius ad tui aspectum iis vulneretur, vulnus tuum est. Tu illud per tuam negligentiam inflixisti, nec es excusabilis, sed culpabilis.

Sanctus Chrysostomus ulterius pergit, & inquit. *Et si nullum pulchritudine sua potuerit vulnerare, dabit tamen extrema supplicia, paravit quippe virtus, temperavit venenum.* Chrys. hom. 17. in Matt.

IX. Et sane ejus ratio convincens est: sit aliquis perversus homo, qui venenum tuo vitro, vel scutellæ iniiciat, quamvis casu fiat, ut ex scutella non comedas, vel ex vitro non bibas, vel si comedas, aut bibas, ob naturalem vigorem, aut robur id tibi non noceat, vel quia antidotum mane contra venenum sumpsisisti nonne æque coram DEO est reus homicidii, ac si mortuus esses. Tu aptas cerussam, sibi ut vultum pingas, tu te ornas,



ornas, tu ubera denudas, ut corda hominum allicias, tu vadis hac intentione ad Ecclesiam, aut loca publica, quamvis nemo te videat, quamvis nemo hoc venenū sumat, immo illi, qui te vident nō laxantur, quia sunt genii fortis, & frigidi, aut quia in suis precibus mane bonum propositum formarunt, an non æque culpabilis es, ac si omnes vulnerasses? Profecto deinceps nulla verba impudica nullæ cantiones inhonestæ audiri deberent, quia ut inquit Plato Corpus inficitur per os, anima per aures. Nemo crederet, quantum verba impudica noceant saluti hominum, cum tamen pauci illa confiteantur sicut oportet, pauci scrupulum sibi de iis faciunt, & multi judicant ea non esse nisi lusum infantum. Si obligationi nostræ satis faceremus, nos his oribus infamibus communionem negare deberemus. Et qualem habet apparentiam, quod corpus immaculatum, hunc sanguinem pretiosum Jesu imponamus his sepulchris infernalibus, his oribus foetentibus, qui quotidie fordescunt & commaculantur? Jesus de iis conqueritur: *Que utilitas in sanguine meo, dum descendo in corruptionem?*

Quando contingit unum verbum lascivum inconsiderate proferri, & imprimi uni animæ, quæ tenax est talium impressionum, quæ habet imaginationem vivam, quæ huiusque fuit immaculata, in corde, & operibus suis, quoad pravos effectus manens tota vita, & omnia peccata tibi imputabuntur. Quod si illud proferat in præsentia decem personarum, tu potes esse in causa, quod decem animæ perdantur. Et quamvis hoc non fieret, attamen propter hoc

non desineres esse culpabilis, quia ut inquit Chrysostomus, tu aptasti venenum, sagittam eiacularus es, tu struxisti laqueos quibus plures perduntur. Idem dicendum est de picturis impuris, de comædiis inhonestis, de cantilenis impudicis & aliis illiciis lubricis: *Va qui trahitis Cap. 5. v. 17. iniquitatem in vinculis vanitatis inquit Jsaías.*

## PUNCTUM TERTIUM.

*Argumenta ex parte fæminarum, primo quia ex hac superbia oriuntur multa vitia, nempe inde votio, avaritia, prodigalitas, luxuria, invidia, ira, otiositas, scandalum.*

X. **O** Insignem comparisonem! quid dicitis vos domicellæ de illo, qui cum in Paschate confiteretur dixit: Reverende Pater ego me accuso quod abstulerim unum capistrum, confessarius qui solum juxta dicta judicabat, quia ad alia non habet jus, nulla eum increpatione perstrinxit sed solum dixit: Charissime debes illud restituere & non amplius facere, furari malum est, prosequere tuam confessionem. Ita, sed non dixit quod loco capistri dissolvisset equum, cumque despoliasset, an ejus Confessio fuit bona? An non decepit DEUM, Confessarium & seipsum. Tu ejus modum agendi irrides, cum tamen idem facias, tu dicis confessario, Reverende Pater accuso me, quod fuerim nimis superbus, confessarius qui omnia in meliorem partem interpretatur non credit, nisi quod ex vanitate peccaris, & ideo nil tibi dicit, nihil tibi imponit, sed



te dimittit & ne pergas, inquit. Et hinc dicis, esse superbum non est peccatum, quia confessarius me objurgasset, si superbia foret peccatum. Tu confiteris quod abstuleris capistrum, sed non id quod inde secutum est. Hæc catena aurea, illud monile, illi torques sunt illud capistrum, ita sunt capistrum, quod te stringit quodque te strangulabit aliquo die. Non dicis quid inde secutum sit.

X. Tu non dicis quod tres vel quatuor horas infumas in tui oratione & politione, non dicis quod impediaris per hoc à precibus, à præparatione ad communionem, quod per hoc distraharis cogitationibus vanis, & inutilibus in oratione, quod tuum cor totum ponas in te & in tua vanitate prætensâ, & non in tuo Deo, bonitate infinita.

Tu non dicis quod debeas etiam clam surripere patri & matri ut hunc fastum foveas, non dicis quod sis in causa, quod ideo ancillæ trahantur in suspicionem, non dicis quod ut tuum fastum maritus conservet debeat exugere sanguinem pauperum, quod debita non solvat.

Quod si sis paupercula, tu vendis verum honorem, ut hunc falsum honorem veneris, tu illum prostituisti illi nebuloni, ut te potire queas. Si sis dives, tot facis impensas in has vanitates, ut elemosinas vix dare possis, & filium DEI mori finas ut ornes & nutrias hoc cadaver.

Tu non dicis quod his vanitatibus jungas attractivos aspectus, risus incompósitos, fictos gestus verba lasciva, ita ut per hos affectatos mores spem præbeas quinquaginta levibus adolescentibus illud à te obtinendi, quod nec uni convenit, & sis in causa quod prava desideria longo tempore in corde foveant.

Tu non dicis quod in templo oculo invido spectes puellam, & quidem talem quam putas ornatus vestiri, quam ejus status exigit, dumque ejus bona nequis diripere, dente canino dilaceras ejus famam. Tu non dicis quod si vel minimus nævus aspergatur tuo collari, si desit unica acicula, in mille maledictiones prorumpas. Tu non dicis quod hic ornatus sit tibi occasio, quod quinquaginta vicibus debeas te consulere in speculo, huc illucque currere, apparenter tantum ire ad Ecclesiam ut roges Deum, reipsa tamen ut ostentes tuam pulchritudinem prætensam, quod vadas ad confessionem, apparenter ut instruaris reipsa tamen ut videaris. Tu non dicis, quod quamvis tu habeas media fovendi hanc ambitionem, sit alia, quæ te vult imitari, nec hæc media habet, & tamen velit tibi æquiparari, & alia similiter plures nolunt minus facere, ut hoc exemplo duarum, vel trium superbarum, tota civitas, & vicinia turbetur.

### CONCLUSIO.

*Ex Divo Bernardo considerat primo, unde venis, secundo ubi sis, tertio quo vadis. Disce à Tertulliano, quæ ornamenta tibi conveniant.*

XII **U**T has omnes stultitias deseras adhibe tres considerationes, quas sanctus Bernardus tibi dat: *Considera unde venis, & erubescas ubi sis, & ingemiscas, quo vadis, & contremiscas unde venis?* Tu descendis ab Eva, tu hæreditasti ejus sexum, defectus, pœnas. Fœmina fuit janua, per quam diabolus intravit in mundum. Illa dedit fructum vetitum, illa prima fuit prævaricatrix legis divinæ. Fœmina induxit ad peccatum, quod Dæmon



Dæmon solus non fuit aufus tentare; illa destruxit hominem, qui fuit imago DEI, illa in caufa fuit, ut filius DEI debuerit morte ignominiofa in cruce affici. An ergo poft hos errores illa velit effe faftuofa? An putas quod non participes culpas primæ fœminæ? Profectò nimium in te experiris effectus funeftos, incommoditates, dum uterum fers, dolores partus, fubjectionem mariti. Cum feras pœnam, fine dubio culpas commiffi. *Vivit fententia DEI fuper sexum iftum in hoc feculo, vivat & reatas neceffe eft.*

Verum enim vero fi pœnalitates peccati alieni non adeo te humiliant at minus propriam tuam coercebunt temeritatem, quod fi dicas te nullum habere peccatum, mentiris inquit, fânctus Joannes: *Si dixerimus quoniam peccatum non habemus veritas in nobis non eft.* Quod fi habeas peccata, nec de iis pœniteas, ætæum eft de te. *Nifi pœnitentiam egeritis peribitis.* Pœnitentia porro, ut DEO fit accepta, debet effe humilis: *Cor contritum & humiliatum DEUS non deſpiciet.*

Et quomodo quæſo cor contritum & humiliatum poſſit formari & conſervari in habitu faftuoſo? Audi fânctum Cyprianum: *An, illa ingemifcit & plangit cui vacat cultum pretioſa veſtis aſſumere, nec indumentum Chriſti quod perdidit cogitare? Tu licet veſtes ſericas & indumenta peregrina induas, nuda es, auro te licet & margaritis condecores, hinc Chriſti decore deformis es.*

Quod ſi tuus parens vel avus moriatur, tu ponis veſtes coloratas, & induis atas; tu amiſiſti tuam animam illa mor-

tua eſt per peccatum, quomodo ergo per pœnitentiam illi non parentas nec funeralia celebras, ſed æque faſtuofa es, ac ante? hæc vanitas veſtium faſtuofarum eſt adeo contraria veræ diſpoſitioni, quam debet habere anima verè pœnitens ut fânctus Carolus Borromæus hanc legem condiderit, *Mulierum confeſſiones non audiantur, quæ ceruſſata veniunt, quæ fucis utuntur, quæ ex auribus geſtant monilia, quæ levibus & vanis ornamentis, aliſve ſimilibus laſciviis compræ accedunt, & ut ſemel omnia dicam, quæ veſtes modeſtas non habent, cum cogitare debeant, quod ante Tribunal & iudicium DEI ſui ſe ſiſtant, & quaſi peccatrices miſericordiam & veniam ſuppliciter imploraturæ veniant.*

XIII. Et an hic ſit habitus & indumentum unius rei? Quod ſi velis tua deplorare peccata, an non aliquis te irritabit, dum vides inquit Chryſoſtomus, ex eodem corde procedere has lachrymas & hanc ambitionem? Et quamvis nunquam aliquod patraſſes peccatum, attamen in periculo es, quod illa ſis commiſſurus, tu es in loco pleno laqueorum & retium, in valle lachrymarum, in terra miſeriarum. Et qualis ſit ſpes quod poſſis elabi ſine auxilio cœleſti? quale porro habes medium.

Illud impetrandi ſine oratione? O quem poſſis exorare adeo faſtuofa & elata? An filium DEI? ſi ſis è numero mundanorum, tantum abeſt, quod admittet tuas preces, & illas præſentet Deo ſuo patri, ut ſuam interceſſionem tuæ orationi adjungat, ut à contrario in longiori, affectuoſiori, & ferventiori oratione, quam fecit in nocte ſuæ mortis, in momen-

Joñ 5. v. 8.

Luc. 13.

Pſal. 50.



Ioan. 17.

momento sui sacrificii, in introitu sacrificii cruenti expresse dixerit, *non pro mundo rogo*. An sis de mundo, vide bene, attende, cave ne ampulleris. Ille dicit, *si de mundo essetis, mundus quod suum est diligeret*, mundus te amat ob tuos ornatus, & hoc ideo, quia tu te ornas, ut mundo placeas. *Non pro mundo rogo, sed pro iis, quos dedisti mihi de mundo non sunt, sicut & ego non sum de mundo.*

XIV. Quod si tam viliter tracteris in hac vita, quæ est tempus misericordiæ, quid putas futurum in altera, tum tempus futurum est severitatis, & iustitiæ? *Considera quo vadis, & contremisces*, Quales non experieris angores, terrores, horrendas conclusiones, dum coram severo iudice Christo debebis sisti? an audeas comparere coram illo cum his genis ceruissatis, crinibus adulterinis, cum istis mitris acupictis? Ille pro suo te non agnosceret, inquit sanctus Augustinus, ille te talem non formavit.

In magno speculo exemplorum legimus quandum devotam matronam DEUM rogasse frequenter, dignaretur sibi revelare, quid in suo sexu maximè displiceret divinæ Majestati, ut illud vitare posset, tandem quadam vice vidit animam cuiusdam Comitissæ, quæ ei valdè familiaris fuerat à gryphis Ocemoniacis acriter cruciati, dumque hæc mi-

sella anima coram sua sodali traheretur, horribiliter exclamare cœpit. Eheu ô me misellam! Ego fui casta, sobria, & eleemosynaria, ego solum damnata sum ob meos vanos ornatus, & quod pejus est per illos.

XV. Ut hæc omnia in commoda evadas sequere consilium, quod tibi dat Tertullianus: accipe ornatus, quos tibi præbet Apostolus, vel ut melius dicam ora Jesum, ut tibi illos donet, ille est, qui te fecit, qui tibi dedit esse, illius est te perficere, & tuum esse finire, & complere. Roga ut tibi det fulgorem charitatis, carbasum puritatis, ceruissam candoris, & sinceritatis christianæ, nimium sancti pudoris, in aures fidei, & obedientiæ verbi DEI, gemmas & uniones perfecti amoris cum omnibus, adaman-tes generosæ constantiæ contrà impudentes, & leves adolescentes, catenas aureas, & torques obedientiæ ergà superiores, armillas eleemosynarum, & operum misericordiæ. Taliter pigmentata Deum habebitis amatorem, sic eritis objectum non amoris stulti, & hominis insani, qui vult vos perdere; sed compacentiæ, benevolentæ, & liberalitatis

Dei omnipotentis, qui vos æternaliter beabit.

Amen.



# SERMO

## SEXAGESIMVS SECVNDVS.

### Pro Festo Sancti Matthiae Apostoli.

### CONTRA CHOREAS

Saltus, comœdias, atq; alias mundi ineptias Libidinis incentivæ.

*Transite ad me omnes qui laboratis & onerati estis, & ego reficiam vos.*

Matthæi 11.

#### EXORDIUM.

**H**Yæna sermonem humanum inter pastorum stabula solet imitari, nomenque alicujus addiscere quem advocatum foras laceret ut testatur Plinius Lib. 8. cap. 30. Hyænæ similis est mundus, quia ipse imitatur nostri supremi pastoris Christi vocem, & loquendi modum, ut ita incautos homines ad se evocatos perimat. & invitat nos Dominus in hodierno evangelio ad suum suavissimum jugum his verbis: *Venite ad me omnes &c.* sed hanc eandem vocem imitatur mundus & clamat per voluptuosos: *Venite & fruamur bonis quæ sunt, & utamur creaturâ tanquam in juventute celeriter: vino pretioso & unguentis nos impleamus, & non pretereant nos flos temporis &c.* Sapientiæ secundo. Verû attentos & consideratos nos esse oportet, & videre cujus vocem hodie audiamus, an Christi dissuadentis chorearum saltationes, ac varias mundi voluptates, an verò mundi eas persuadentis. Nos in hoc concione contra hanc mundi persuasionem agemus, & ostendemus invitationem ad hujusmodi esse fallacem.

*Non Mæchaberis. Nec corpore eris, nec assensu lascivus. Exod. 20.*

**I.** **D**Ei Filius cum venisset in mundum, ut amoris Dei celestem adferret ignem, ut in Evangelio inquit; Spiritus malignus, Simia atq; hostis ejus capitalis conatu suo omni allaborat, ut infernalem sensualis atq; inhonesti amoris ignem accendat: Hunc in finem, inter alia media choreas, saltus, atq; alias invenit reperitq; exorbitantias, quas reprobi appellant humanitates aut urbanitates; & S. Augustinus *lugendas* vocat *letitias*, quod lubricitatis ignis fomentum ac flammæ devorantis titio sunt, à quo luxuriosi in omnium sæculorum protensionem torquebuntur.

Ad evitandas hæc dementias motivum efficacius, quod habere possumus, tuum est, ô Sacra Virgo, bonum exemplum, figurata es per Sanctam illam Virginem, quæ in S. Literis inquebat. *Nunquam cum ludentibus me miscui.* Honorable magis epithetum in cœlesti hac divinæ Maternitatis tuæ prædictione tibi datum est, te absconditam, seclusam appellare, *Ecce virgo concipiet*, Hebr. *Ha alma*.



Solitudo namque tuum extabat elementum, centrum deliciæ; in hac te Angelus reperit, eum verbis hisce te salutaret: *Ave Maria.*

### Idea Sermonis.

#### *Exordium. Argumenta mundanorum pro choreis.*

II. **F**ateri oportet, Domini, quod prolixo tempore coram Deo considerarim, in corde ponderans, ultrum hoc subiectum tractare valerem, ac plures rationes, optimæ, apparenter, Spiritui meo se obtulerunt, intentum istud dissuadentes.

Primum suscipere, ut quis à recreationibus mundanis homines avertat, quæ tot post sæcula sunt in usu, ac præscriptionis acquisisse jus videntur; est me ingratum efficere, tædiosum, importunum, Auditoribus meis odiosum; est homines à vitæ hujus dulcoribus velle avertere, dulcoribus, quibus aded sunt affixi, ut, Tertulliano teste, plures effici noluerint Christiani, metu potius, ne recreationibus hisce privarentur, quam martyrii timore.

Deindè, suscipere est impossibile, est tempus meum ac laborem deperdere, est contra ventum ac maris fluxus velificare; homines mundani sunt expediti: clament Prædicatores, quantum velint, nec plus fiet, nec minus: *Caperunt hæc facere, nec desistent à cogitationibus suis, donec opere compleant.*

Tertiò denique non solum impossibile vobis est illas devincere, sed nec convincere poteritis; ut enim idem Tertullianus inquit, hominum sensualitas ingeniosa admodum est, ut rationes adinventiat, argumenta formet, quò suo in jure fetueatur, eloquens valde, ut causam agat, quam cum passione affectat.

Quodnam delictum est procedere ad saltus, cum sodalibus conversari, personam obducere, chartis atque aleis ludere, assistere comœdiis? Levamina curarum sunt innocua, nemini infertur opprobrium, ut quis se recreet, haud est prohibitum.

Religiosus non sum, uxorem ducere intendendo, includi velut Carmelita nolo; nichoreas ac saltationes frequentem, ceupræsidarius miles deserat.

Recreationes hæc in lege Divinâ prohibitas esse non cerno, Dei neque Ecclesiæ mandata hac de te loquuntur; silet Confessarius, novit me illas frequentare, absolvo cunctis Dominicis, & adhuc ultrà, ludam quantumvis, ac sex licet quod diebus horas lusui impendam, Communionem permittit. Sanctus Augustinus pari delectatione est usus; Auditoribus suis ajebat; Nil mihi videtur dulcius, quàm in conclavi esse occlusum, Sacram legere Scripturam, ejus indagare intellectum, in quiete ac silentio illius gustare dulcorem. At quid, hic vobis existam tædiosus, correctionibus meis animos vestros perturbabo, ac tempus in carpendis viris, quæ plures haud evitant, deperdam. Verum me deterret Evangelium; Sanctus Paulus mihi occurrat: Insta, argue, obsecra, importune, à veritate quamvis habeant aversionem.

Apud S. Matthæum lege, servum qui talentum, nè illud perderet veritus, haud impendit, à Domino suo esse condemnatum, dicebat ei Dominus: *Erogatorem te passueram, non exortorem; quare non dedisti pecuniam meam, & cum usuris exegissem eam.* Non de prædicationis meæ profectu, aut si veritatem non divulgâro, rationem sum redditurus,

Veri-

hom. 25.  
Exod. 50.  
circa mœd.



Veritas est Orthodoxa magniq; momenti, a mundanis huiusmodi recreationibus Christianis abstinendum esse; quod omni methodo, ad veritatem Catholicam demonstrandam, probare nitor, nempe Scripturis, Patribus, Conciliis, Ecclesiae primitivae practica, exemplis, rationibus, experientia.

PUNCTUM UNICUM.

*Punctum unicum: Chorea & Ludi improbantur: Primo Scriptura. Secundo patribus; Tercio conciliis; Quarto praxi primitivae Ecclesiae; Quinto exemplo; Sexto rationibus; Primo ob sanctitatem ad quam tenemur; Secundo ob vitia quae inde oriuntur; Tercio ob periculum concupiscentiae; Quarto quia perit ibi devotio; Quinto laeditur charitas; Sexto poenitentiae Spiritus extinguatur; Septimo respondetur ad argumenta mundanorum; Octavo experientia.*

III. **E**cclēsiae filiis Scriptura mandat gravitatem ac modestiam Christianam: In populo gravi laudabo te. Modestia vestra nota sit omnibus. Nec quicquam adeo repugnat, ac indecentes, hi stolidique motus, qui in saltibus contingunt. Filii mundi huius tripudiant, capiuntque voluptatem, inquit sanctus homo Jobus: Infantes eorum exultant lufibus, tenent tympanum & cytharam. gaudent ad sonitum organi, ducunt in bonis dies suos, & in puncto ad inferna descendunt.

Non inquit, se invicem trucidant, configunt, conqueruntur, inebriantur, futilia proloquuntur; verum lusu delectantur, ad sonitum tympani ac cytharae gaudent, & in momento descendunt ad inferas. Non, ait, cadunt, sed descendunt, ut iis os obstruat, qui cum Deo conten-

dere non cessant & expetunt, An agitare choros, aut ad choreas procedere sit lethale?

Dum Patres vitia reprehendunt, dicere non solent, mortale, veniale peccatum est; sufficere namque Christiano debet, nosse, actionem quampiam Deo displicere, ut abstineat, eamque detestetur: Et plura sunt peccata, quae non nisi venialia reputantur, ac nihilominus sunt gradus, per quos in tartara mortales descendunt, aut ob circumstantias, quae veneno illa inficiunt, vel quod ad alia graviora delicta deducant, aut divinis succursibus & gratiis Dei actualibus nos privant, quae maxime nobis necessariae, ut bono in statu servemur, nec traditionibus succumbamus.

Spiritus Sanctus in Ecclesiastico ait: *Averte oculos tuos a muliere compta, ubi* Eccles. 9. v. 8. *prohibet, ne videatis, & tamen ad saltus properas, ut feminas ejusmodi conspicias, sive ut conspiciaris. Va! qui consurgitis manē ad ebrietatem sectandam, ait* *Propheta Isaias, Cythara & Lyra, & tympanum, & tybia, & vinum in conviviis vestris, &c. propterea aperuit Infernus os* Esai. 5. v. 11. *suum, absque ullo termino. Et propheta Amos: Va! qui comeditis agnum de grege, & vitulos de medio armenti, qui canitis ad vocem Psalterii, bibentes vinum in phialis, ingredientibus pompaticē domum Israël.* Amos. 6. v. 4. *Et Propheta Michaeas: Va! qui cogitatis inutilia. Et benedictus Salvator noster: Amen dico vobis, de omni verbo otiosos, quod locuti fuerint homines, reddent rationem de eo in die iudicii. Va! vobis divitibus, qui habetis hic consolationem vestram. Va! qui ridetis.* Matth. 12. v. 36. Luc. 6.

Ut quis se recreet, prohibitum non est, at nota, dum Scriptura de lœtitiâ loquitur, semper adjungere in Domino, Le-



*Psal. 1. v. 1.* *temini iusti in Domino. Exultate iusti*  
*Habac. 3.* *in Domino. Exultabo in Deo salutari meo.*  
*v. 18.* *Gaudete in Domino semper. & scribens ad*  
*Phil. 4.* *Ephesios: Fornicatio nec nominetur in*  
*v. 2.* *vobis, aut scurrilitas, aut stultiloquium,*  
*Eph. 5. v. 6.* *sicut decet Sanctos. Nec fraudulentas per-*  
 mittite adulationes, dum inquit, non  
 esse grande malum; hæc etenim in eos,  
 qui Deo non obsequuntur, ejus iram  
 attrahunt. *Nemo vos seducat, inanibus*  
*verbis; propter hæc enim venit, græcè*  
*ἐξηται, ira Dei in filios dissidentia. Ibid.*  
*Paucis, Ecclesiasticus ait, Cor sapientum*  
*ubi tristitia, & cor stultorum ubi letitia.*  
*Eccles. 7.* *In quæ S. Augustinus. An stultis Deus*  
*v. 5.* *dabit regna cælorum? quibus autem non*  
*Serm. 19.* *est daturus regna cælorum, quid illis re-*  
*de verbis* *stat, nisi poena gehennarum? Non alios,*  
*Apos.* *quàm vosmet ipsos, expeto testes, an-*  
 non ad convivia, saltus, ac conventus  
 mundanos pomposè proceditis? ut vo-  
 bis ad sonitum barbitus complacentis?  
 ut hilariter epulemini? rideatis? appe-  
 titui satisfiat? An non ibi cogitationes  
 inutiles, verba otiosa, joci, stultitiæ, fa-  
 cetiæ, turpia ac scæda verba? aut æqui-

IV. Sanctus Chrysostomus in hæc  
*hom. 17. in* *Sancti Pauli verba, Nec scurrilitas, aut*  
*Epist. ad* *stultiloquium, evidenter demonstrat,*  
*Ephes.* *Christianum, de salute suâ sollicitum,*  
 non assuefieri verbis jocosis, quæ vos fa-  
 cetiarum nomine coloratis; ordinariè  
 vanitatis proferuntur Spiritu, ut videamini  
 nobiles, dextri, agiles, sodalium re-  
 creativi. Inter facta dicta subintrant scæ-  
 da, non expressè quidem, ast æquivocè,  
 intellectu duplicia; efficiuntq; & au-  
 dientes iis adhæreant subtilitatem suspi-  
 cientes.

Sæpiusculè immiscentur dicteria, ve-

xationes ob proximi imperfectionem;  
 Si præsto est, confunditur, indignatur,  
 conticescat licet; si absens, eidem refer-  
 tur, irascitur, vindictam meditatur. Dis-  
 sensionum hæc sunt incentiva, rixarum,  
 odiorum, inimicitiarum, duellorum.

Post jocos, in res sacras dicta jaciun-  
 tur, in Confessionem Prædicationum,  
 Imagines, Ecclesiæ cæremonias, Reli-  
 giosos; verba Scripturæ immiscentur,  
 Sanctissima quævè in Ecclesiâ sunt augu-  
 sta, prophanantur; servi, famulæq; &  
 alii minoris ingenii isthæc audientes,  
 quam sacris de rebus concepère opinio-  
 nem, venerationem earumq; æstimatio-  
 nem deperdunt; eas ceu prophana, com-  
 munia, indifferentia, ac parvi momenti  
 reputant; in statum, insensibilitatis, atq;  
 obturationis incidunt, aded ut perfun-  
 ctorie confiteantur, communicent,  
 Deum deprecantur, Sermonibus inter-  
 sint.

Idem S. Chrysostomus cùm percepisset  
 instructas fuisse choreas, atq; Auditorum  
 suorum quosdam iis interfuisse, *Tom. 1.*  
*Hom. 2. de* *quosdam iis interfuisse, David &*  
 quamprimùm Cathedram conscendit, *David &*  
 acriter in abusus hujusmodi invehit, *Saul in ini-*  
*tio.* *acriter in abusus hujusmodi invehit, Saul in ini-*  
 atq; inter alia retulit: Si nossem, qui de-  
 mentis hisce se præsentis stitissent, de  
 Ecclesiâ expellerem, formidandis eos as-  
 sistere Mysteriis haud permetterem, easq;  
 ineptias diaboli appellat pompas. Et ali-  
 bi notat, in nuptiis Patriarcharum Jacobi, *hom. 56.*  
*in Gen.* *Maac, Abraham, Tobia, aliorumq; San-*  
 ctorum, quos Scriptura recenset, nullam  
 chorearum ac similium dementiarum  
 fieri mentionem; nuptias quoq; eorum  
 benedixit Deus; ac vos crebrius in male-  
 dictionis ejus anathemata inciditis, quod  
 vestra mille peccatorum, quæ perpetratis,  
 sunt occasiones.

S. Augu-



S. Augustinus loquens de foeminis, tempus diebus festivis in stultiis alias impudicis choreis perdentibus, inquit, Melius foeminae eorum lanam facerent, quam quod tota die impudice saltarent. Et alibi ait, Melius est arare, quam saltare, aulamq; saltatoriam, nuncupat turpissimam diaboli caveam; & licet tripudiantes in Ecclesia sint Christiani, extra eam sunt Pagani.

Tertullianus & S. Cyprianus longo ante S. Augustinum tempore vixerunt, & per consequens Apostolis viciniore, judicaverunt, vanitates has ita Christianismo esse contrarias, ut integra ad ea damnandum volumina conscripserint, atq; ut demonstrarent se non solum de Paganorum loqui spectaculis, ubi homicidia, & publicae fiebant impudicitiae. Tertullianus objectionem, qua uti consuevistis, adfert: Nil ibi fit mali, nihil refertur inhonesti, respondet; Qui hostem intoxicare vult, non felli aut absynthio venenum permiscet, at in juscule bene condito, aut dulci ac delicato parat faetno.

V. Non solum Sancti particulari, sed & Synodi atque integra Concilia hac delectamenta improbaverunt in Trullo canonem 51. Patres Constantinopoli post sextam Synodum congregati, sub poena depositionis Clericorum & Laicorum excommunicatione illa prohibent. Concilium Lerida Canone ultimo, sub Papa Joanne II. Anno quingentesimo vigesimo quarto habitum pronuntiat, Christianum non decere Choreas, ne quidem in nuptiis ac solennitate matrimoniali.

VI. In primitiva quoq; ecclesia Christiani ab Apostolis aut eorum discipulis instructi, omnino abstinerunt. En, ut Ethnici parentes suos Christianos apud

Minutium Felicem Advocatum Romanum deplorabant: Vos vero suspensi ac solliciti, honestis voluptatibus abstinetis, non spectacula visitis, non pompis interestis, convivia publica sine vobis, non floribus caput necitis, non corpus odoribus honestatis. *Minutius Felix in Octavio; vivebat sub Imperatore Severo, initio 3. ser.*

Quod commune adeo ac notorium erat, ut referente Tertulliano Christiani ab aliis in hoc dignoscebantur, quod ineptiis hisce nunquam assisterent. Et quod id ex obligatione factum ex eo apparet, quod, ut idem Tertullianus ait, Pagani complures Christiani effici recusarint, metu potius ne oblectamentis hisce privarentur, quam apprehensione Martyrii.

VII. Primavi hi Christicolae in Scriptura legerant, devotam Saram Junioris Tobiae conjugem, Dei in magna afflictione sua auxilium implorasse, atque ei exhibuisse, quod nunquam cum ludentibus se misererit, neque cum iis, qui in levitate ambulant, participem se praeberit. Norant de Scriptura JESUM saepius Tob. 3. v. 17. plorasse, risisse nunquam; nec unquam subrisisse, aut verbum protulisse jocosum, ut S. Basilius notavit. Et S. Chrysostomus in memoriam nobis revocat, post Christi passionem Sanctorum neminem unquam risisse, posteaquam mortales Salvatorem necarunt, criminis Deicidii culpabiles. Haec est voluntas Dei sancti- I. Thess. 4. ficatio vestra, Vocavit nos Deus in sancti- v. 3. v. 7. ficationem, vocatis sanctis, Elegit nos in Rom. 7. ipso ante mundi constitutionem, ut essemus Eph. 1. v. 4. Sancti. Pacem sequimini & sanctimoniam, Heb. 12. sine qua nemo videbit Deum.

VIII. Dicitis mihi, Non sum ego JE- SUS, Sanctus non sum, nec fieri expeto,



sufficit mihi salvari, ut Sanctus sim nō obligor. Non obligāris esse sanctus, inquis? falleris: S. Paulus ait: *Hec est voluntas Dei sanctificatio vestra.* Vocatio tua est esse sanctum. *Elegit nos Deus in JESU Christo, antē saecula, ut essemus sancti & immaculati.* Et ad Hebræos: *Pacem inquire & Sanctitatem, sine qua nemo videbit Deum.* An non Dei voluntatem perficere obligati sumus? vocationem nostram amplecti, & esse fideles?

Salvari vis, nec Sanctus esse curas, duo sunt impossibilia. Non es Christus, at Christianus es. & hac in qualitate obligaris, cui ipse, vivere, agere, loqui: Servus ejus es, sequi eum teneris; discipulus es, imitari eum debes; unum de membris ejus es, Spiritu ejus animari debes; In vitæ metā nobis dicebat: *Exemplum dedi vobis, ut, quemadmodum ego feci, ita & vos faciatis:* Apostolus ejus nobis inquit: *Qui spiritum JESU Christi non habet, ejus non est;* An salvari quis potest, si ad JESUM Christum minū pertineat? Qui non habet spiritum Christi, hic non est ejus, Cum baptismatis undā ablutus es, dementiis hisce abrenunciasti, promissis te oppignorasti has diaboli pompas fugere; si reincidentis, perfidus es, falsarius, infidus. Nī baptizatus fores, baptismo careres, nī eas evitaturum te addiceres; Quī tibi communicatio, Baptismo præcellentior, porrigi potest? Quonam pacto absolvi vales, voluntatem habens falsificandi promissa JESU Christo solenniter ore Patrini coram Ecclesiæ facie facta, & ad quæ Sacramentorum retulisti participationem? Sanē Confessarius te minū absolvet, nisi obligationis sit immemor, aut Magistro suo infidelis; demonstrabit tibi, choreas hasce similesque conventus

seminaria esse vitiorū, mille delictorū formularia; ut enim inquit S. Chrysostomus, si uxoratus es, causa extat, quod alienas expetas, tuam despicias, nec ei faveas; atque illamet te dedignatur, alios enim te meliores est conspiciata.

IX. Si viduus exitis, cum hisce ineptiis assistis, à domo tuā abes; domesticis tuis minū invigilas, depravantur servi, filiæ famulæque loquacitate multā tempus fallunt, negotia tua non perficiuntur.

Si juvenis, contemplaris ac filias concupiscis, in corde tuo infernalem ac diabolicum succendis ignem, ad pudibundos ac degeneres actus te propellentem; verba profers dissoluta, aut æquivoca, vexationes, proximiq; contemptus, querelarum titiones, duellorum, dissensionum atque immortalium inimicitiarum.

Si filia es, juvenes concupiscis, aut ad eorum fabulas attendis, admiraris te respici, adamari; invidiā in consodales torqueris, quia te pulchriores, excellentiores sunt ac magis venustula. In Evangelio JESUS ait: *Qui viderit mulierem ad concupiscendum eam, jam moechatus est illam in corde suo:* & Tertullianus addit: *Videre, & videri velle, ejusdem libidinis est.*

X. Post originale peccatum, filii ac filia, viri & scemina sibi invicem aded periculosa extant, ut non nisi oculi ictus inconsideratē jactus, obiter, momentaneē, in viā aut ipsā quoq; Ecclesiā, ad magnum quoddam incendium suscitandum sufficiat: testis Salomon, David, testis, qui aiebat:

*Et vidi, & perii, sic me malus abstulit error.*

Quantò grandius extabis damnū, cum



Eccleſ. 19.  
v. 11.

cum fœminas juxta te conſpicias, non defunctoriè at fixè, ad libitum, binis ac ternis horis? affabiles, blandas, benè compas, feſtivas, elaboratis geſtibus, chorearum motu, cum in cantationum tubâ ſenſibus adulantur, & ad lubricitatem provocant? *Multi ſpeciem mulieris admirati, ait per os Sapientis Spiritus Sanctus, reprobi facti ſunt.*

XI. Et ſis, quiſcunque velis, tempus adeò pretioſum, irrevocabile, ad ſalutem tibi conſeſſum, magno emendum pretio, deperdis, cujus vel quadrans pro animabus in Purgatorio patientibus optimè impenderetur.

cap. II.  
de Speſta.

Extinguis in te Spiritum pietatis, charitatis ac pœnitentiæ, devotionis Spiritum: Optimè Tertullianus *Deus præcepit Spiritum Sanctum, ut potè pro natura ſua bono tenerum & delicatum, cum tranquillitate & lenitate, & quiete, & pace tractare.* Devotionis Spiritus ceu odoriferum eſt baſſamum, velut eſſentia aquæ vivæ; nil facilè adeò evaneſcit, non niſi unâ diſſolutionis horâ opus eſt, ut pietatis Spiritus, pluribus ſeptimanis meditatione atq; oratione collectus, abigatur. Nunquam ad Choreas aut Comœdias de Deo aut rebus divinis fit ſermo, nec de pietate aut perſonis devotis, ordinariè fit jocose, ac computu ad libitum.

XI. Proximi quoque charitas ibi notabiliter læditur, non invidiis ſolùm, querelis, duellis, inimicitias ac diſſenſionibus immortalibus, qua crebrò maledicentiis & detractationibus, progenerantur; ſed & impenſis ac profuſionibus, quæ ibi ſiunt, unè ſolamen miſeris eſſe poſſet. Propheta Amos ait: *Va! qui comeditis, agnum de grege, bibentes vinum in phialis, &*

*non compatiebantur ſuper contritione Joſeph.* Amos 6.  
v. 6.

Baſilius Imperator, Macedoniensis dictus, lautum Curia ſuæ Principibus atq; Optimatibus inſtruxit convivium; conjecerat prius in vincula filium proprium, coronæ hæredem, Leonem ſapientem dictum, innocentiffimum Principem; falſè verò calumniis Theodori Santabereni calumniis de parricidio accuſatum; jam ſeptem effluxerant anni, cum in carcere putreſcebat, dum medium celebrabatur convivium, Pſittacus in aulâ, ſive inſtructus, ſive divinæ providentiæ inſtinctu, lugubri voce, linguâ patriâ exclamavit: *ai ai nûzie λέων*, Ah, ah, Domine Leo: Obſtupefacti convivæ edendi perdidit appetitum, ceu ſtatua hæſerunt immobiles, ex oculis lachrymarum quantitas diſtillabat: Quid rerum, Domini, agitur, inquit Imperator? quis vos detinet? ecur non editis? Quomodo manducare absque conſuſione horribili poterimus, conſpicientes animal hoc irrationale nobis ingerere obligationem noſtram ac nos reprehendere hîc liberi ſumus in luxu ac gaudio, dum filius tuus Princeps in tetra captivatis foſſâ detinetur. Nôſtis, tot orphanos, tot alios pauperes deſolatos, Dei filios, ac Salvatoris membra, eſſe nudos frigore perire, fame mori, nec eis aſſiſtitur, pecunia in ludicris oblectamenti inſumitur. Quanam iſthæc inſenſibilitas? ubi fraternæ charitas? ubi Chriſtiana compaſſio: ubi miſericordiæ viſcera, quæ habere debent Prædeſtinati? *Induimini, ſicut electi Dei, viſcera miſericordiæ.* Coloff. 3.

XII. Ubinâ pœnitentiæ Spiritus eſt, qui toto vitæ veſtræ tempore corda penetrare deberet, jugiter quæ infinita Majeſtatis offen-



Lucæ 13.

offensam vobis obijcere? Qui Regis personam, quam læsisset, præstolaretur, an in risum diffunderetur? Mortis Dei causa sumus, Deus loco nostri occisus est, paricidii hujus complices sumus, & immergemur vanis mundi oblectamentis? Nil adeo compunctionis spiritui contrarium ac hæc dissolutiones, pænitentia ad salutem præcisè necessaria est, dicente Salvatore, *Nisi pænitentiam egeritis, omnes simul peribitis*, Dulciorem, faciliorem, magisque salutarem peccatorum transactæ vitæ pænitentiam facere poteritis, quam oblectationibus hisce ac lusuibus, ob Dei amorem, vos privando: pænitentia hæc sanitatem non tollit, bona haud immittit, familiæ non obest, neque negotiis vestris obstitit.

XIII. Ergo oblectare se, culpâ non caret? non: prohibitum haud est subinde se recreare; ut relaxetur spiritus ac reparetur; verum cum quopiam tui sexus, at honestè, modestè, rarò, atque ex necessitate, ut defatigata mens vivida magis meliusq; disposita in seriis nostræ professionis ad Dei servitium efficiatur, *Hoc autem dico secundum indulgentiam, non secundum imperium*; ut enim benè Chrysostomus ponderat, quis unquam hominum spiritu magis intenso rebus seriis, ac S. Paulus se addixit? Quis ampliore se recreandi causam habuit, ac magnus hic Apostolus? Trium annorum decursu in conversione animarum desudârat, die ac nocte, plorans, prædicans, exhortans, publicè ac privatim, in Ecclesiis ac domibus fideles instruens, *Per triennium, nocte, & die, non cessavi cum lachrymis monens unumquemque vestrum, publicè, & per domos*, Post tot defatigationes, lachrymas, vigilias, sollicitudines

Act. 20.  
v. 31.

pro omnibus Ecclesiis, oblectamenti loco castigat corpus suum, atque id metu nè reprobis fiat. Non inquit præ timore, nè sanctus sim, nec Apostolatu dignus; verum ne damnationem incurram. Non ait, nè reprobis fiam, ni corpus castigem, sed nisi post prædicationem corpus in servitutem redigam. Miser homo, quam meticulosus es? à baptismo delictum non patrâsti, incessanter divino in obsequio laborâsti, ac te reprobari imaginâris, nisi corpus castiges? Domella Domicella hæc non est scrupulosa adeo neque ceu timida, ac multa aliâs peccata commiserat, haud magna Deo servitia exhibuerat, corpus non castigarat recreationibus tempus terit, nec damnationem veretur, quod ejus oblectamenta sunt spiritus relaxationes S. Chrysostomus eodem, quo S. Paulus, timore angebatur: Crede mihi, inquit, in magnâ salutis meæ apprehensione existo, quandoquidem dum precor ploroque pro aliis, tempus mihi deficit, ut pro me suspirem.

XIV. Verum oblectamenti mei ergo non fit, neque ad Deum offendendum ad choreas procedo, idè est, quod nudato incedens pectore, gratiosè inibi saliens, diviti pro legitimo matrimonio sponso jungar. Itaque non appetis, ut qui tibi de parte provideat, Paranympheus sit Deus? vis, ut caro sit, mundus, vanitas, dementia? Maritus, quem attrahere prætendis, an non demens foret, si inescari se sinat ac intercipi ad appetitum pauculæ carnis, elaboratos gestus, ac pulchritudinem effictam?

Falleris, ad hujusmodi loca, ut nubant, juvenes nō vadunt, sed ut fœminas decipiant, adamant, verborum lenociniis fallant, nasu aduncò suspendant, ut in vestri præ-



præſentia alias cavillent, ac vosmet in præſentia reliquarum. Si benè viſu-  
bere, nube ſapienti, induſtro, & homo  
ingenio pollens libentius ſapientem,  
modeſtam, incluſam, quàm ſaltatricem,  
mutabilem, marcidis fruſtibus ſimilem,  
quingenta dierum ſpatio expoſitis  
vento.

XV. Verùm dum mandatorum Dei  
atque Eccleſiæ reminiſcor, Deum ſolùm  
adorabis, non reperio choreas, ſaltatio-  
nes, aut comœdias eſſe prohibitas? Sic  
indies ſe inebrians, avarus nemini da-  
mnum inferens, at mirè propriis affixus  
bonis dicere valeret, non invenio ebrie-  
tatem aut avaritiam in Dei præceptis eſ-  
ſe prohibitam; contrà prima duo ac  
principalia agitur præcepta, quæ Syno-  
pſis extant cæterorum, ut ait JESUS:  
*Diligas Deum tuum ex toto corde tuo, &  
proximum ſicut te ipſum.*

Præcepta hæc nos obligant, id non  
niſi Deum, aut quod ad eum attinet, dili-  
gamus, non gaudium, triſtitiā aut aliam  
quàm pro eo, aut ejus ſervitio habeamus,  
non niſi de ipſo, aut quod ad ipſum refer-  
tur, cogitemus, non niſi pro eo, aut quod  
ad ejus vergit gloriam, agamus; & tu  
mihi author eris, intereſſe choreis non  
fore contrà Deum? de Deo ibi non co-  
gitatur, nulla ergà Deum ibi affectione  
moveris, nil ibi contingit quod ad glo-  
riam Dei nec mediatè nec immediatè  
tendat: tu mihi perſuadebis, pecunias à  
te pro Fidicinibus, Comœdis, Cocis ex-  
penſas, notabiliter ſcilicet familiam te-  
nuem ſolaturas? An id eſt amare proxi-  
mum ſicut ſeipſum, in ſuperſuas impen-  
dere delicias, quod ab incommoditate  
maximæque miſeriæ avertere eum poſ-  
ſet?

XVI. Qui igitur ſilet Confefſor, ac  
me abſolvit? Undè eſt, quod Caſuiſta  
ejusmodi mihi retulit, malum ideò me  
non patrare, choreasque ac comœdias  
actiones eſſe indifferentes? An opinaris  
Dei in judicio eſſe excuſatus, ſi homini  
adulatori potiùs, tibi in ſecreto loquenti,  
nullam dictorum adferenti probam,  
quàm Prædicatoribus, nullam niſi veri-  
tatis intereſſe habentibus, in publico ſer-  
mocinantibus de Paſtore tuo Epifcopo,  
Deo, dicta ſua è Bibliorum textu, Patri-  
bus ac Conciliis probantibus adhibeas  
fidem? Nunquid verum eſt Caſuiſtam  
hunc nullum tibi Scripturæ aut Conci-  
liorum attuliſſe textum? Annon verum  
eſt, eum nunquam pro concione dixiſſe,  
nec publicè unquam prolaturum, quod  
in aurem tibi inſuſurrat?

Putasne ad Dei tribunal te fore excu-  
ſatum, ſi potiùs novo Caſuiſtæ, inclina-  
tionibus tuis addictò, quàm S. Auguſti-  
no, S. Chryſoſtomo, S. Cypriano, aliisq;  
Eccleſiæ Patribus, tibi non blandienti-  
bus, quod operà tuâ non egent, fidem ad-  
hibeas? Patribus, de quibus in Sacro  
Miſſæ officio dicitur; *Vos eſtis Lux mun-  
di*: Patribus, Scripturam nocte dieque  
legentibus ac meditantibus, qui ejus in-  
tellectum à Spiritu Sancto accepere, qui  
nobis à Deo ſunt miſſi, quò ejus aperi-  
rent intelligentiam, haſq; dementias acri-  
ter inſectarentur?

Paucis, ſupponamus Theologos  
omnes, Patres ac Scripturam dicere, in-  
eptias hæc indifferentes eſſe, quod nun-  
quam dixere, nec dicturi ſunt; verùm  
eſto, dixerint ſpeculativè, non verum eſt  
dicere in particulari & hypotheſi; ut enim  
inquit Plato, ac poſt ipſum S. Thomas,  
nil adeò facilè, quàm morales quaſtiones



ac casus resolvere conscientiarum, dum in Thesi secundum Theoriam in genere ac specie considerantur, quod actio moralis nec bona, nec mala, aut in specie indifferens est, nisi per relationem, quam ad objectum habet, prout bonum, malum est, aut indifferens; At nil difficile adeo, quam in particulari ac hypothesi easdem resolvere quaestiones; actio enim in individuo bona non solum est per objectum, sed per circumstantiarum omnium requisitarum coadunationes, nec bonae circumstantiae absentia, aut repertio malae vitiosam reddere debet actionem, quae de se bona foret aut indifferens: *Bonum ex integra causa, malum ex quolibet defectu.*

Unde Casuista iste magnam absque imprudentia ac temeritate horribili affirmare nequit, malum minimè perpetrare vos, dum ad jocos, saltus ac choreas properatis; non perfectè loci, temporis, modi, ac personarum praesentium circumstantias cognoscit; ac praecipue ni certò cordis vestri, soli Deo cogniti, dispositionem agnoscat, *Inscrutabile cor hominis, & quis cognoscet illud?*

Casuista iste an securum te reddere potest in ludo non habiturum te ad avaritiam affectionem, non vanitatem, nec in fodalitiis hisce mundanis invidiam? non vanam in te aut filiam durantibus choreis complacentiam? In mundo peccata externa graviaque damnantur, Deus severius judicat, rigorosius spiritualia condemnat peccata, peccata demonum, idololatram esse sui, horrendè sibi atque interesse proprio affigi.

Casuista hic an affirmare potest juvenem quandam filiam non intra se dicturam, Dominatilis, vetula, devota, frequenter communicans, sapius com-

dias adit; nil atque iis mali inest. Exemplum vestrum ei audaciam addit, ac juvenis quispiam eandem concupiscet.

Novi adferre vos posse, ac saepius alias adferre objectiones, ut damnandas has mundi consuetudines approbetis. Ut enim dixit Tertullianus, dum oblectamento cuipiam aut temporali afficimur emolumento, passio nostra apta nimis est atque ingeniosa, ut speciosa reperiatur argumenta, falsosque ad adulandum splendores; sic avari, vindicativi, perduelles, ebrii rationes mille plausibiles ad colorandam justificandamque passionem suam allegabunt; ac licet ad eas minimè respondere possitis, condemnatis, ac pari modo ipsi vos condemnant: sicut actualiter vituperio digni, ita & vos, atque in divino iudicio cunctae rationes hae, argumenta speciosa, causa praeclara, quae merces in favorem carnis, ac mundi exponunt, ceu araneorum tela subtiliter texta eritis, at quae minimo flatu dissipantur; cuncta etenim haec argumenta non adeo solida sunt atque irrefragabilia, ut Caelum & Terra, nec Caelum & Terra sunt tam solida ac unum Scripturae verbum aut syllaba. Facilius est caelum & terram transire, quam unum apicem de lege cadere. Unde plus momenti in nos unus Scripturae textus habere debet, quam omnes humanae rationes. Plures senis citavi.

XVII. Et si experientia, stultorum magistra, in sapientum animos aliquid potest; exquire ab omnibus Deo dicatis, à Religiosis inquire omnibus, qui olim in mundo extiterunt, an non generali suam in Confessione doluerint, ac se Choreis interfuisse accusarint? Cum quis è fodalibus vestris ad mortem decumbat, petite ab eo, an non ibi se fuisse doleat, nec metuat

Luc. 26.  
v. 17.



metuat in die iudicii esse reprehendendus; & ne ambages queramus, vosmet hæc confiteri nōtis; non enim arguentem præfocare potestis conscientiam; verū confitemini Deum ac Confessarium irridentes, cum aliās, dum occasio se præsentabit, redeundi habeatis voluntatem; Si adeo temerarii estis, ut absque vestri accusatione peccata fateamini, non eo usque estis, quod sine confessione mori velitis. Fateamini veritatem, an finitis choreis absq; dolore ac contritione mori vultis? Oblectamenta itaque innocua non sunt, de eo enim, quod inculpabile est, minimè quis poenitet; Confessarius itaque, qui ne doleatis efficit, officio non fungitur; non enim de Confessionali dimittere vos debet, nisi in statu, quo divino vos vult iudicio præsentari.

XVIII. In vitâ B. Magdalena de Pazzi à Patre Dominico de JESU Carmelitâ discalceato conscriptâ refertur, *cap. 20. vita*, Dominum nostrum die quadam in extasi sat amplum animarum Religiosarum numerum monstrasse, horrendis in flammis ardentium; in illud infinite deplorandum ceciderant infortunium, quod recreationibus à Religione datis fuerant abusæ; Oculi ejus in duos lachrymarum torrentes versi sunt, planctusque tristes adeo ac lamentabiles fuerant, ut adstantibus lachrymas excierint. Hoc in planctu voce lugubri aiebat: O animæ Religiosæ, miserabiles! ô miseria extrema! Quod in sanctam recreationem Religiosis permissum, animæ mortem eis causat, horrendamq; damnationis æternæ penam infert!

Et si Historia hæc vobis videatur recte, S. Dominici lege vitam; conspicietis spiritum malignum sancto isti Pa-

triarchæ locum, ubi post refectionem Religiosi ejus colloquebantur, monstrasse, ac gloriabundum dixisse, multum eo in loco sese lucrari. Religiosi erant Ordinis sacrati atque austeri, Ordinis in suo adhuc exordio, ac primo fervore; Religiosi erant sub Patriarchâ, eorum superiore, sub sancti, tamque magni sancti conductu.

Et aula, ubi juvenum ac filiarum sic congregatio; ubi oculi invicem conjiciuntur lascivi; ubi de gulâ sermo instituitur; ubi vanitatis, invidiæ, contemptus proximi cogitationes formantur; ubi odia, querelæ, duella progenerantur; aula, inquam, hæc annon Diaboli erit aula; foedior, impurior, immunditiarum plenior ac hara porcorum!

Deferamus hosce controversos, ô animæ electæ, ac cum Tertulliano dicamus: *Vicibus disposita res est.* Omnium rerum est vicissitudo, mundani suis fruuntur oblectamentis, & vos affligimini; Discipulis id JESUS prædixit: *Mundus gaudet*, ait, *vos vero contristabimini*, tristeminigitur in solitudine, dum mundani tripudiant; ut vice versâ, dum ipsi tristabuntur, vos exultetis; oblectamenta eorum vana sunt & frivola, solida vestra erunt ac vera; gaudii illorum obiectum misera quædam est creatura, vestri, Creator futurus est, verus Ocennus omnisque boni Abyssus; gaudia mille amaritudinibus mixta sunt, invidiæ, æmulationum, timoris, diffidentiæ, aliarumque passionum; vestra pura erunt sine ullâ acoris mixturâ; oblectamenta eorum aliquot durant horis, diebus, aut annis; sine carebunt vestra, absque pausâ erunt, ac sine ullâ diminutione in extensionem omnium sæculorum, Amen.



# SERMO

## SEXAGESIMVS TERTIVS,

Pro Festo Sancti Iosephi.

### DE LVXVRIA SPIRITVALI,

quæ est Superbia.

*Ioseph fili David noli timere Matth. I.*

#### EXORDIUM.

**M**Eo iudicio non sine magno mysterio Angelus compellans Iosephum nomine Filii David, rem enim magnam ei persuadere voluit, ut nimirum conjugem gravidam, nec tamen à se cognitam constanter retineret & nequaquam, ubi jam moliebatur relinqueret. Sed quo argumento Angelus rem adeò difficilem ei suavit? Non alio nisi insinuando ei ingenitam nobilitatem David, quasi dicat, memento nobilitatis tuæ, & regii sanguinis, nec illi hanc ignominiam notam inure hic habent omnes nobiles, immò omnes christiani stimulum ad humilitatem cum enim omnes simus nobiles utpote facti in baptismo filii Dei non debemus superbire, nec unus supra alterum efferri: Hinc Augustinus Sermonem de mente Domini; *Admonentur hic divites, vel genere nobiles secundum seculum, cum christiani facti fuerint non superbire adversus pauperes, quoniam simul dicunt Deo Pater noster quod non possunt pie, ac vere dicere nisi se fratres esse agnoscant.* Quæ cum ita sint hodie cum Auctore de superbia vitanda agemus.

*Non Machaberis. Nec corpore eris, nec assensu lascivus.*

**Q**uemadmodum ex corpore atque animâ sumus compositi, duobus mandata hæc modis transgredi possumus, atque in duas luxuriæ species cadere, corporalem aut spiritualem; luxuria corporalis carnale peccatum est, corpus fœdans; Spiritus Superbia est, animam maculans, ac quæ effecit, ut in Scripturâ Sacra Dæmones appellati sint Spiritus immundi. Cuncta filii Dei verba divina sunt atque adoranda; verum illa, quæ sæpius protulit, chariora nobis ac pretiosiora esse debent; ejusmodi est præclara illa maxima, quam tantâ cum affectione mundo publicavit: *Qui se exaltat humiliabitur, & qui se humiliat exaltabitur.*

Propositio hæc duas continet ac demonstrat veritates, quas duobus discursus mei punctis perpendere, ac præclaro Sacra Scripturæ exemplo verificare debeo.

Primum visuri sumus, quod is, qui se exaltat, humilietur;

Deinde, quod, qui se humiliat, exaltetur.

Sita



Si ita est, ut est verissimum, concludendum est, quod extremè te, ô Sacra Virgo, humiliaveris, cum sublimiter adeò te videamus exaltatam; Dei filius tibi dixit: *Ascende superius*; Quia in postremo semper loco te collocasti; & hoc est, quod in amoris tui cantico agebas, *Nardus mea dedit odorem*, & in illo laudis, *Respexit humilitatem ancilla sua*. *Digna plane, quam respiceret Dominus, cujus odore suavissimo, ab eterno illo paterni sinus attraheretur accubitu*; D. Bern. Humilitas tua tantum potuit in Filium Dei, ut de adorando Patris sui gremio in tuum Virginalium sinum, illum detraxeris, quem benedicimus te salutando, *Ave MARIA*.

## Idea Sermonis.

Exordium. *Mirum quod Lucifer peccare potuerit. A. Ejus peccatum continet omnes species superbie, & vitia, quæ ex ea oriuntur. B.*

II. **I**N Angelis suis reperit pravitatem, ait Sanctus homo Job. Mirum est, quod alias in stuporem me rapuit, cernere Spiritus Angelicos, atque ipsum Luciferum, præcipuum, nobiliorem, magis illuminatum, omnibus præcellentem, in peccatum incidisse, ac divinæ Majestati extitisse rebelles. Quicumque lethale peccatum committit, in cæcitate est Spiritus, perversum est ejus iudicium, in Syncope ac defectu ratio, *In tenebris est, & in tenebris ambulat.*

Omnis peccans ignorans. In Lucifero non fuit ignorantia, tenebræ aut cæcitas, filius erat lucis, Intelligentia separata, corruscanti Spiritu; scientiâ ac sapientiâ perfectissimâ dotatus, plenus sapientiâ, & *perfectus decore, in deliciis Paradisi fuisti,*

Qui lumen adeò grande obscurari, evanescere, atq; in tenebras poterat mutari?

Ac dein ad quam speciem aut peccati genus ejus reduci potest crimen? dixere nonnulli luxuriæ fuisse delictum, innitentes verbis Geneseos, ubi dicitur, *Videntes filii Dei filias hominum, quod essent pulchre*, pulchritudine earum fuisse infascinosos. Verum Angeli carnem non habent, corpore carent, Spiritus puri sunt, ab omni materiâ exempti, qui ad nullam sensualem delectationem directos habere queunt affectus; ac licet corpore præditi essent, quod S. Bernardi tempore nec dum decisum erat & incertum, primum in eis aut homine peccatum carnis esse nequibat, non poterat esse luxuriæ, gulæ, aut simile quoddam; peccata namque sensuaria non nisi rebellionem contra Spiritum committuntur: rebellio carnis contra Spiritum, effectus est ac punitio rebellionis Spiritus contra Deum; Spiritus itaque contra Deum per Spirituale delictum erigitur, prius quam caro contra Spiritum vitio sensuali insurgat. S. Augustinus ait Luciferum in peccatum cecidisse invidiæ, hocq; peccatum homine indignum esse. cum Diaboli sit vitium, Avertat, inquit, Deus hanc pestem à cordibus hominum, nedum Christianorum; vitium diaboli est; non enim diabolo dicitur, ut damnetur, furtum fecisti, adulterium commisisti, sed homini invidisti, *Lib. de Sancta virginitate, & de doctrina Christiana.*

Alii opinati sunt, odii in homines ac malevolentia fuisse crimen, aut discordiæ ac contentionis cum Spiritibus reliquis, quod in Apocalypsi dicatur, *Draco cum complicibus suis præliabatur cum S. Michaële ejusque sequacibus; & quod*



Joann. 3.

Salvator apud S. Joannem dicat, ille homicida erat ab initio voluntate & affectu. Verum duæ hæ passionēs invidiæ ac malevolentia cordis humani aut angelici primæ affectiones esse nequeunt; odium enim efficit, ut malum, bono quod amamus, contrarium destruatur; invidia ob alterius bonum est tristitia, quod nobis imaginamur nostrā diminuerē gloriā; Itaque invidia ac malevolentia inordinatum in nobis gloriæ aut boni cuiuspiam finiti ac creati amorem præsupponunt.

Cuncti Doctores unanimiter tenent, crimen ejus superbiæ extitisse peccatum, quo Creatori similis esse desideravit, partiri cum ipso, in Omnipotentis residere throno. Verum hæc opinio magnis non caret difficultatibus; objici enim potest; Aut Deus esse per essentiam & naturaliter affectabat, aut per gratiam & participationem: Si per gratiam & participationem, non erat hic peccatum, erat ejus vocatio, *Ego dixi Dii estis. Efficiamini divine consortes nature.*

Dicere, quod similis esse Deo appetierit per naturam & essentiam, nulla hic est apparentia, contra inclinationem foret naturæ, quæ conservationem sui esse desiderat, quæ vè generis aut speciei mutationem, spe aliam excellentiorem obtinendi, prætereundum nequit.

Aut dignitas, quam Lucifer affectabat, erat similem esse Deo per imitationem, aut ei æqualem extare ac sodalem: non ut ei æqualis foret ac socius, rei impossibilis foret pretensio, gravis error id solum cogitare; Nōrat bene id Angelus, non ita ceciderat intellectus, ut rei adeo evidentis esset ignarus; non tam depravata erat voluntatis, ut rem ita impossibilem affecta-

re vellet. Quod si Deo tantum similis esse appetierit, rem licitam, virtuosam, meritoriam intendit ac perfectam, *similes ei erimus, quoniam videbimus eum, sicuti est, creaturæ enim perfectio in similitudine ac conformitate cum Creatore consistit; v. 48.* *Estote perfecti, sicut & Pater vester.*

Cunctæ hæ difficultates sunt grandes, at his non obstantibus, veteris ac novi Testamenti Scriptura docet, Luciferum & Angelos complures superbiæ commisisse peccatum; esse Deo similes voluisse. Angelis peccantibus non pepercit Deus, ait S. Petrus, *Initium omnis peccati superbia*, inquit Sapiens. Ex superbiâ sumplit initium omnis perditio. Si superbus est Sacerdos, eandem cum diabolo condemnationem est habiturus, ait S. Paulus, *Nē in superbiā elatus, in judicium incidat diaboli. Similis ero Altissimo*, aiebat apud Isaiam Lucifer.

III. Agedum ut noscamus, quoniam pacto id contigerit, & allegatorum supra Doctorum opiniones concordentur; Seraphicus Pater S. Bonaventura nos commonefacit, Luciferi peccatum tribus in statibus gradibusq; considerari posse: aut in dispositione suā atque initio, vel in consummatione ac complemento, aut in obstinatione suā & obduratione; fuerit id quopiam temporis spatium ac successivè, aut solo momento, pluribus instantibus æquivalente. Peccatum, quod tribus hisce in statibus patravit, omnes superbiæ species complectitur, cunctaq; delicta, quæ stolonum instar vitio huic capitali adjunguntur, quod ex doctrinā Scripturæ ac Patrum demonstrabo.

Primum, inquit S. Augustinus, superbiā tumidus, & propriæ potestatis delatio.

de gen. ad  
literam.



*Exech. 28.* Statione corruptus animum in contem-  
plandâ pulchritudine suâ, in suspiciendis  
perfectionibus suis occupabat, *Elevatum est cor tuum in decore tuo.* Hoc core jus  
inflavit, elevans eum suprà se, æstimatione ac suimet opinione ipsum inebriavit,  
exin obtenebrari inceptit, aut suo in intel-  
lectu obscurari; Dispositio hæc vana  
appellatur complacentia. Ac veluti venu-  
stas expetit videri, inferioribus eam An-  
gelis exhibuit, ait S. Bernardus, *Voluit lu-  
cere non ardere*, apparatu excellentiæ suæ  
usus, ut cuncti in se oculos deflecterent,  
ac perfectiones suas admirarentur, desi-  
deravit, *Videbam Sathanam sicut fulgur*,  
proprium fulguris est coruscare, & en-  
totum, achæc superbiæ species ostenta-  
tio vana appellatur.

Et quoniam præcellentia omnis ho-  
norem meretur, à reliquis voluit hono-  
rari, laudari ac glorificari ab eis desidera-  
bat, ut homagium sibi redderent, *Glo-  
ria est clara cum laude notitia*, inquit S.  
Ambrosius; & hi elationis rami, vana  
gloria, sive encomium mundanum ap-  
pellantur.

Atque ut cæteros ad se extollendum  
incitaret, seipsum laudibus extulit, signi-  
ficans eis amplissima animi sui decreta,  
præaltas negotiorum se ac generosas  
prætendere partes, se promovere se velle  
atque elevare, omnesque, qui sibi paritu-  
ri essent, promoturum, *Ascendam, exal-  
tabo solum meum.* Vana erat jactantia.

*i. p. q. 63. in corp.* Post hoc ait S. Thomas. Solus sibi bea-  
titudinis propriæ objectum esse deside-  
rabat, obligari volebat, ut aliundè mu-  
tuam sumeret felicitatem suam, videba-  
tur sibi sat decorus, excellens, perfectus,  
ad finem suum completus; velut Deus  
sibi met sufficit, nullibi complementum

sui esse emendicans. Intolerabilis erat  
arrogantia.

Aut si agnovit beatitudinem suam esse  
supernaturalem, ultimum ejus finem so-  
lum esse Deum, atque in ipso felicitatis  
suæ objectum esse quærendum; propriis  
viribus obtinere nitebatur, ait S. Tho-  
mas, beatitudinem non Dei gratiâ, at  
perfectionibus suis naturalibus obtine-  
re peroptabat; *Illud appetit, ad quod per-  
venisset, si scetisset.* Temeraria erat præ-  
sumptio. *cap. 4. de casu de diabol.*

Deniq; exæcatus omnino, stupidus,  
per peccatum insensatus, *Perdidisti sa-  
pientiam in decore tuo*, impossibile affe-  
ctavit, ceu Deus esse desideravit, exaltare  
thronum suum divinum, imperii summi  
tenere ejus, independens, reliquis omni-  
bus imperare, cuncti pro beatitudinis  
objecto forent contenti se contemplari  
ac suspicere, *Similis ero Altissimo.* S. Mi-  
chaël, animi ejus decreto resistens, appel-  
lavit eum, *Quis ut Deus?* Ambitio erat  
arrogans. *Exech. 28.*

Has superbiæ species alia sequeban-  
tur peccata, progenies & maledictæ hu-  
jus viperæ abortus: Ingratitudo imma-  
nis, dum, ut semet suasque perfectiones  
suspiciendo, animum occupabat, non  
referendo grates ei, qui hæc ipsi donârit:  
Odium in Deum, qui eum damnârat:  
Ira & contentio cum S. Michaële, sibi  
resistente: Invidia in homines, prædesti-  
natos ut suum occupent locum: Luxuria  
spiritualis, de inordinato suimet amore,  
& sic de peccatis reliquis, de quibus  
paulò antè Doctores. Ea propter il-  
lum Ezechiel Propheta plurimum pecca-  
torum arguit, *In multitudine iniquitatum  
tuarum polluxisti sanctificationem tuam.*  
*Primum in unoquoque genere est causa &  
mensura.* *cap. 3.*



Iob 41.

*mensura reliquorum. Ipse est Rex super omnes filios Superbia.*

Cum quis aliquem suæ conditionis esse vult, notam ei turalem præbet, suum eidem characterem imprimit, genus suum suasq; dispositiones illi communicat, vitiorum suorum omnium colore ipsum tingit. An hujus è Scripturâ petendum lubet videre exemplum? Repertio equidem in Bibliis exempla plura eorum, qui se exaltârunt & humiliati sunt, ut Pharaon, Holofernes, Aman, Antiochus. Plures comperio, qui se humiliârunt, & exaltati sunt, ut Joseph, Judith, Esther, Dei Mater: Ast illorum, qui cum exaltati sunt humiliati, ac post humiliati sint exaltati, rara adeo exempla sunt, ut non nisi unicum, idq; celebre ac notabile comperiam; Nabuchodonosor est; historia refertur in Daniele estq; admodum ad propositum, cum quicquid de eo in sensu literali dicitur, Patres in sensu allegorico de Lucifero explicant.

cap. 4.

## PUNCTUM PRIMUM.

*Luciferum imitatus est Nabuchodonosor, & hujus exemplo superbus incidit in vanam complacentiam in ostentationem, vanam gloriam, jactantiam, arrogantiam, præsumptionem, ambitionem: sic exaltatus humiliatur, Primo temporaliter & apud homines, Secundo spiritualiter, quia incidit in vitia quæ ex septem speciebus superbiae procedunt; Primo in invidiam; Secundo in prodigalitatem; Tertio in instantiam; Quarto iram, Quinto in gratitudinem, Sexto luxuriam, Septimo avaritiam.*

IV. Sanctus Propheta inquit, Superbum hunc Regem in Palatii sui

aulâ obambulasse, Curia magnificentiâ ac Babylonis amplitudinem, actutum superbiâ inflatum dixisse: *Nonne hæc est Babylon magna, quam ego ædificavi in robore fortitudinis meæ, in domum regni?* Annon hisce in verbis foetidum Luciferi halitum conspicitis? quod verba, tot superbiae species: *Deambulabat in aula,* en vanam complacentiam: *Nonne hæc est?* en vanam ostentationem; *Babylon magna?* vana gloria, frivola laus: *Quam ego:* en jactantiam; *Ædificavi;* en arrogantiam: *In robore fortitudinis;* en præsumptionem, *in domum regni,* en ambitionem. Prima est,

V. Vana complacentia, *Deambulabat* superbus in semetipso deambulat, contemplatur perfectiones suas, intuetur se quoque in decore admiratur, ut in plumis Pavo, animi sui vigorem considerat, bellam corporis sui constitutionem, extractionis suæ nobilitatem, vestium fulgorem, splendorem domus, operum suorum perfectionem; in deliberato substituit proposito, sibi complacet, delectatur, cogitationibus hisce ceu baneo reficitur; instar obambulantis, & auram captantis. David hoc de peccato se purgat, cum ait: *Neque ambulavi in magnis, neque in mirabilibus super me.* Exinde altera superbiae species prodit, vana ostentatio.

VI. Dum se operaque sua suspicit, ut totus ea videat mundus, contempletur, extollat, digito monstrentur, exoptat, dicaturque *Hic est,* en illum?

Quam



*Quàm pulchrum est digito monstrari,  
& dicier, hic est!*

Si aliqua in arte præcellit, scientiam suam arbitratur inutilem, si id alii ignorent, *Vult scire, ut sciatur*, ait sanctus Bernardus.

*Scire tuum nihil est, nisi te scire hoc sciat  
alter.*

Similes est, generosa facta per universum vult divulgari; si artifex, opera sua vult ut suspiciantur; si Paterfamilias, ut laudibus proles evehantur; si spiritualis est filia, ut ejus devotio celebretur.

Verus humilis instar plantæ est, quæ *tristis arbor* appellatur, non dehiscunt ejus flores ac folia, nec opulentas merces, nisi obscurâ de nocte exponit. Verus humilis in occulto quantum ei possibile, virtutes practicat, *in abscondito*; Non agere se aliquid æstimat superbus, nihil esse, nisi suspiciatur. Videri vult, cognosci, in mundo celebrari in vitâ, post mortem.

Si librum imprimit, non vult latere Authorem. Si quid fundat, vult, ut omnes pulsantur campanæ, & sæpius quidem, ut quis sit, sciatur. Si Ecclesiæ vilem Calicem aut tritum pannum offert, vult ibidem sua locari Insignia, aut nomen.

Constantinus magnus videns Imperatorem Trajanum ad omnes Palatii partes suum incidisse nomen faceret *Herbam muralem* illum appellavit.

Demosthenes inaudiens famulam consodali suæ dicentem, Ecce hunc, ecce Demosthenem! protulit, illâ se die studiorum accepisse recompensationem. Quæ temeritas?

VII. Tertio loco sequitur vana laus frivolaque gloria. Vult ut sibi, suisque

operibus epitheta tribuantur magnifica, laudes ac honorum elogia; Darius appellari se voluit Regem magnum: Constantinus Imperator æternus cognominari voluit, loco, quod ei diceretur: Vestra Majestas, dicebatur ipsi: Vestra Æternitas; magnus Turca se inscribit Imperatorum Imperatorem. Si Dominam tantum vocas, quæ puellam se autumat, aut puellam quæ sibi Dominarum celeberrima videtur; Si inquis: Domine, loco perillustis Domine; cuncta sunt deperdita, fidei naufragium facis, accessus in ædem ultra non conceditur. Quarto loco se sistit.

VIII. Vana jactantia: Nec plus nec minus, inquit Plutarchus, velut qui extremâ fame laborat, alterius cibi defectu propriam carnem vorat; Sic, qui extremâ laudum fame conficitur, dum ab aliis minus laudatur, seipsum laudat, non nisi de se sermones miscet, historiæ, à se actarum, relatione aures vobis animum. que perturbat, de ipsismet gloriatur peccatis. Detestabile coram DEO peccatum, gravius, quam de quo se quis jactat. Contemptus est formalis, de non commissis se jactitat criminibus: *Pudet non esse impudentem.*

IX. Hanc arrogantia sequitur, quâ id, quod non præstitistis, vobis arrogatis & attribuitis: Ego, ait Nabuchodonosor, hanc Babylon ædificavi. Hallucinatur, non extruxit ipse, exornavit. Belus fuit, aut Nembroth.

X. *Quam ædificavi in robore fortitudinis meæ.* Quæ præsumptio? Quis stolidus loquendi modus? Anima humilis diceret in debilitate fortitudinis meæ. Humili nil impossibile; diffidens enim sibi, divinæ assistentiæ confidit; superbo



nil impossibile videtur; præsumit de robore suo: at fallitur, fulcrum est arundineum.

XI. Ambitio tandem malignum hoc opus coronat; amplam hanc urbem Regiam vult esse sedem; Urbs hæc ultrà duo in circuitu milliaria continens, non nisi Palatium ejus est atque Aula, reliqua mundi omnia dominium suum ac Regnum. Superbus cunctis præminere vult, oleum esse ac chrisma sodalium, imperare ubique præsumit. Dum hæc cogitaret, ecce vocem de cælo: *Tibi dicitur Nabuchodonosor Rex: Regnum tuum transibit à te, & ab hominibus ejicient te, & cum bestiis & feris erit habitatio tua, fœnum quasi bos comedes, & septem tempora mutantur super te, ut scias, quod dominetur excelsus super regnum hominum, & cuicumque voluerit, det illud.* Dictum, factum; cerebrum ejus mox immutatum est, hypochondriacus effectus est, imaginationis ejus species adeo turbatae fuerunt & alteræ, ut sibi imaginaretur bestiam se esse: Sunt Doctores, qui tenent Dæmonis ipsum potestati fuisse traditum, ac diabolum ejus pervertisse judicium, sensusq; communes; quatuor itaq; incepit reptare pedibus, privatus est Regno, ab Aula Urbeq; expulsus est, voluntas ejus brutalis est effecta. *Fœnum ut bos comedit: Ungues ejus quasi avium: Capilli ejus in similitudinem aquilarum, aut, ut septuaginta volunt, Leonum crevere, αἱ τρίχες αὐτῆς ὡλεόντων,* corpus ejus injuriis temporum fuit expositum, ac rore cæli infectum est, atque id omne septem annorum decursu.

XII. An non conspicias eum admo-

dum esse humiliatum? Punizio superbiorum est ordinaria; Jesus enim mentiti nequit, qui dixit: *Qui se exaltat, humiliabitur*: Si superbis, infallibiter humiliaberis.

Quod prætendis, haud obtinebis: virtutis umbra est honor, si per campos procedis, sole oculis observante, semper te umbra sequetur, ac velis nolis post te decurret: At, si terga, ut umbram respicias, soli obvertis, fugiet. Si in cunctis animi decretis, cogitationibus, affectibus, negotiis justitiæ solem, DEI gloriam, animæ tuæ salutem, oculis obijcias, referes honorem, undique sequetur, cum in deserti extrema te absconderis, ibi te reperiet gloria, honoraberis: At si à DEO te avertas ut adhareas creaturæ, honores ac dignitates mundanas, in gloriæ DEI præjudicium, ambias, contemneris, umbram tuam nullo unquam tempore assequeris, vero carebis honore, *Gloria est clara cum laude notitia.* S. Ambros.

Cognosci poteris, non laudari & æstimari; nihil adeo hominibus displicet atque inacceptum est, quam Narcissus se suspiciens, se reputans, ac semet adorans, nihil adeo foedum, horridum, detestandum, detestandum, abominandum, quam qui videri expetit, de se suisque verba miscens, seipsum laudans atque extollens. Noscitur, non omne, quod splendet, esse aurum, Erronum est, in theato, de iis, quæ norunt, apparatu uti verborum mercatorum vilium, in viarum compitis exponere merces; magni atque opulenti Mercatores in cavernis ocellis pretiosas condunt merces; ter-



re aurifodinis abundantes nec flores in superficie, producant aut virorem, velpa non mellificantes clariorem apibombum edunt, maiorem pavulirivibus, quam flamina, strepitum edunt, in palude rana improba clamoribus obtundit aures, dum interim piscis in vivario obmutescit: Vasis vacui, cum resonat, signum extat. Dux quidam Lotharingicus Doctori, sermonem de pluribus suis qualitatibus inchoanti subtiliter respondit: *Plus titularum, minus literarum.* Superbus, non temporaliter solum, sed & spiritualiter humiliabitur. Quanam peccato major humiliatio? Ad magnum peccatorum cumulum inclinatus est superbus, vitiorum namque Rex est superbia, magnum post se comitatum trahens. *Superbi inique agebant usquequaque.*

Psal. 118.

XIII. In vanæ complacentiæ sequela, invidiæ, fastidio, ac contemptui alterius est subiectus: *Cor fere datum est ei.* Pulchra S. Bernardi explicatio est in hæc verba: *Singularis ferus depastus est eam.*

Superbus est, appellatus Aper: unum se reputat, phœnicem, singularem, talis vult reputari: *Erraverunt in solitudine, in inaquoso,* ait Psalmista, *Solitudo hæc superborum est, quia solos se reputant, solos sese appetunt reputari,* ait sanctus Bernardus.

Si quis eos in perfectione etsi exigua, aut alterius accessu comparet, si de virtute eadem alius prædicetur, tabelcunt zelo: ferus hic aper in Domini vineam impetum facit, communitates, Resp. Religiones devastat.

XIV. Vana ostentatio prodigalitatis causa existit. Nabuchodonosori dice-

batur: *Regnum tuum transibit à te:* Et superbus virtutum Regno exutus est, de quo dicitur: *Regnum DEI intrà vos est.*

Operum bonorum deperdis merita, si ea facis, ut ab hominibus videaris: Eleemosynam elargiris, ut æstimeris charitativus: ut confessario placeas, communicas: verba suffers pungentia, ut patiens habeatis. In hoc mundo recipis mercedem, velut Ezechias thesaurorum in Babyloniorum præsentia, faciens apparatus, illos DEI permissione deperdidit.

Plinius refert certas in Africa familias adeo maleficas esse ac pestilentes, ut si quæ inter eas florem quempiam laudet, flaccescat: Si arborem, confestim arefcat, si personam, laudibus interimat: Et in Sclavonia esse venenum adeo præsens ac præpotens, ut si deferentes attente contemplantur infantes eos occidant. Nil opus est in Africam, aut Sclavoniam, ad familias ejusmodi reperiendas, se conferre, Urbis hujus plateæ similibus personis sunt refertæ. Si in animæ horto virtutis cujusdam florem plantas, si quod opus bonum, ut videaris ac laudaris progignis, mox cuncta pereunt. *Videte,* ait Salvator, *ne opera vestra faciatis coram hominibus, ut videantur ab eis.*

Ut flores pestiferæ huic familiæ omni occultantur, si bonum aliquod externum opus facere teneris, frivolum intentio gloriam interior non præsumat. *Ita sit bonum opus in publico, ut intentio maneat in occulto, Depradari enim desiderat, qui thesaurum publice in via portat.*

Hom. 12. in  
Evangel.

Greg.

XV. Laudem mundanam inconstantia sequitur ac spiritus levitas, in bonis



exercitiis instabilitas. In deserto Nabuchodonosor frigori ac calori erat expositus, vento & pluvia, aliisque temporum injuriis: hodiè tibi plausibilia occurrent, cras parvum quoddam occurret infortunium, fridigi ut glacies erunt, nec dignus reputaberis quod canibus obijciaris. Spiritus tuus, qui non nisi per laudes movetur, ceu culminis pinnula versatilis est, & inconstans. Sol de se ipso lumen habens, illud haud perdit, neque mutat unquam; Luna splendore carens, nisi à sole respiciatur, nunc plena est, modo decrescens: Si non nisi ad laudem quæ tibi datur, devotionem obtines, diurnalis erit ac mutabilis.

XVI. Vana jactantia choleram ac dissensiones adfert: miserabilis Rex hic capillos habuit quasi Leoninos, ajunt septuaginta Interpretes. Nullum adeò superbum, nec magis cholicum animal ut Leo extat, Inter superbos semper jurgia sunt. Cum gloriaris evidentibus mendaciis ac palpabilibus, semper, qui contradicat, reperitur, aut, quod virtuosus est, tuasque sufferre, nequit imposturas; Aut quia, ceu tu, superbus extat, gloriaque tuæ invidet. Nulla reperitur volucris, vocem adeò ingratham habens, ut Pavo, dum rotat: Discursus nullus ita odiosus est, quivè magis audientium animos torqueat, ac superbi loquacitas, non nisi de se verba facientis, sufferre non vis, ut tibi contradicatur, irascaris, ac grandes in choras querelas.

XVII. Arrogantiam consequitur ingratitude, & gratiarum DEI abusus, *Rore cæli corpus ejus infectum est.* Quænam isthæc loquendiratio? Roris celestis consuetudo haud est, ut foedet, ve-

rum expurget ac debet: Lintea ceraque rore redduntur candida è contra, miserum hunc Regem foedavit. Quod abluit, ditat, aliasque animas justificat, id deturpat, evertit ac superbum condemnat; DEI sibi gratis adaptans, non eas, ceu ab ipso procedentes, agnoscit, nec grates refert; elatior efficitur, ingratitudine suâ se efficit indignum.

XVIII. Præsumptio luxuriæ causa est. *Fœnum, ut bos, comedit. Omnis caro fœnum.* Superbus carnalis ac voluptatum, ceu taurus, efficitur mancipium, de robore tuo præsumis, reris te intrepidum, generosum ac constantem, ut tam citò cor tuum, quam honorem quis referrat; in occasionem te conijcis, ibidem detineris, perseveras: ut tua puniatur præsumptio, ac debilitatem agnoscas, suam Deus subtrahet gratiâ, ut cadas permittet.

XIX. Paucis ambitio avaritiæ mater est. Crescunt ei ungues, quasi avium. Ut quis imperet aliis, dignitates adipiscatur, ad officia promoveatur, honestati convenienter vivat, officii sui conservet statum, aliis oportet esse ditiores, hunc in effectum rapinæ usurpantur, pauperum sanguis exsugitur, serpens in draconem non mutatur, ni plures vorarit serpentes. S. Paulus Thimotheo scribens, loco quod dicat, ut divitibus præcipiatur, nè sint avari, ait: *Præcipe divitibus hujus sæculi, non sublimè sapere.*

2. Timoth. 6.

Tanquam prudens Medicus, ad mali radicem, quam extirpare vult, accedit. Tibi videris hoc cœmpto statu, beneficio tali prognato obtento, rem benè gessisse? An vi pollet intellectus, virtute, prudentiâ, castitatis dono ad servandam continentiam, sacerdotibus necessariam?

Si vir-

Dan. 4. v. 3.

Proverb. 13.  
v. 10.

v. 17.



Si virtutibus hisce ac reliquis omnibus sit præditus, non vides ambitionem hanc, desiderium hoc in mille iniustitiis, simonias, falsitates, perfidias, & alias avaritiæ progenies te detrusurum, ut illa DEI maledictio te apprehensura sit: *Vae qui congregat avaritiam malam domui suæ, ut sit in excelsis nidus ejus.*

*Mat. 2. v. 9.*

PUNCTUM SECUNDUM.

*Nabuchodonosor conversus humiliatur. Ejus exemplo tres actus humilitatis exercendi. Sunt à nobis humiliati exaltabimur tripliciter sicut Nabuchodonosor.*

XX. **Q**ui sicutus es errantem, sequere pœnitentem. Daniel, qui prædicatoris instar, Prophetæ, ac velut spiritualis Nabuchodonosoris Pater erat, præcatus est pro ipso DEUM, jejunavit, pœnitentiam egit, eleemosynas pro Rege hoc procuravit, conversionem ejus ac stabilitatem à DEO obtinuit; bonam ei DEUS mentem reddidit, ad se rediit, miseriam agnovit, in cœlum oculos levavit, ternos veræ humilitatis actus exercuit, quos imitari debes, si cum DEO in gratiam redire velis, ac ceu Rex hic exaltari.

Primum inquit: *Altissimo benedixi, & viventem in sempiternum laudavi & glorificavi.* Fac ut idem, honorem DEO ac gloriam ob bonum omne, quod in te est, attribue. Dic cum S. Paulo: *Gratiâ DEI sum id, quod sum. Fortitudo mea & laus mea Dominus.* Dic, ut in Missa sacerdos: *Gloria in excelsis DEO, & in terra pax hominibus.* Si sapiens sis, ait Bernardus, ne appelles; si sortem

*Pf. 117. v. 14*

hanc non arripis, si in conversione tua ac virtutum practica, quam DEO debes, tibi gloriam attribuis, pace carebis; Dic, ut David: *Gloria mea, & exaltans caput meum.* Tu solus laus mea, gloria, fortitudo mea; de memetipso non nisi debilitas sum atque infirmitas. Dic, ut Baruch & Daniel: *Tibi Domine, justitia, nobis autem confusio.* Tibi, mi DEUS honor & gloria, quod justus es ac sanctus, justitia his, ipsaque sanctitas, nobis verò confusio, verecundia & humiliatio. Dic, ut Ecclesia: *DEUS virtutum, cujus est totum, quod est optimum, totum, totum.* DEUS, qui conspicias, quia ex nulla nostra virtute subsistimus. DEUS, qui conspicias omni nos virtute destitui. Magne DEUS, omne bonum, quod in nobis est, de te est: totum, de te totum, nulla ex nobis virtute subsistimus.

*Psal. 3. 4.*

*Baruch. 1. v. 15.*

*Dan. 9. v. 2.*

XXI. Huic veritati si benè es innixus, proximo tuo in culpam, quantumvis graveniatque enormem incidente, non inflaberis, non irridebis, non torvè aspicias, nec contemnes, cum S. Paulo in-  
quies: Quis te discernit à peccatore hoc magno? DEI misericordia? Quid habes, quod non recepisti? Si autem recepisti, quid gloriaris? Dicetis, ut Augustinus: Agnosce gratiam DEI, cui debes, & quod non admisti; nullum enim peccatum facit homo, quod non possit facere alter homo, si desit Rector, à quo factus est homo, verum Sancti virtutis suæ gloriam omnem DEO attribuunt, atque ut S. Augustinus, ipsis consulit, DEO ob peccatorum, quæ non commisere, remissionem obligatos se autumant; commississent enim, ni

*1. Cor. 4. v. 7*

*Augu. hom. 23. & 50.*



DEUS misericordiae favore impediisset. Ni hæc perpenderis, permittet DEUS ut in manifestum quoddam peccatum incidas, ut aperiatur, & sanetur, aut secretam tuam superbiam puniat, quo id, quod agnovit Nabuchodonosor, recognoscas. *Omnes habitatores terre, apud eum in nihilum reputati sunt.* Vide, quid si, respectu universi, totus Orbis in DEI præsentia nihilum est; itaque parum, parum, parva benè pars nihili es: nihil adeo vile, abjectum ac despectibile est, quam nihilum: nec pulchritudo, nec bonitas, aut qualitas est, quibus commendati queat. Nihilū nihil facit, nil valet, nil meretur; ac quicquid de nobis ipsis habemus, debilitas est, ignorantia, peccatum & nihil. Hac veritate vobis persuasa, nullam vestri æstimationem habituri estis, nō vobis complacere, laudari detrectabitis, nullum vobis attribuetis bonum, non de robore vestro, cum non nisi fragilitas sit, nec ulli imperare præsumetis. Demeritis mortem homo, à patibulo redemptus, si ob vestem in eleemosynam sibi datam superbiret, an non ridendus foret? Si nunquam nisi solum mortale patraßes, de cruce mala redemptus es, verecundari debes, ceu de patibulo ereptus; & nunquid arrogans superbum atque insupportabile est, & talenta aliquot, quæ DEUS tibi eleemosynæ loco tribuit, cristas erigere? *In nihilum reputati sunt.*

XXII. Quæcunque in vos irruet afflictio, contumelia, dedecus, procellus, paupertas, infirmitas, persecutio, ut conversus Rex noster, sic & vos dicetis: *Omnes viæ ejus judicia,*

*Dan. 4.*

*Gen. 42. 21. ut filii Jacob: Merito hæc patimur, quia*

*peccavimus, ut David: Justus es, Domine, & rectum judicium tuum. Ut Sancti juvenes in fornace: Omnia, quæ fecisti nobis, in vero judicio fecisti, quia peccavimus tibi. Ut felix ille in cruce latro. Digna factus recipimus.*

*Luc. 23. 41.*

XXIII. Si vos ita humiliatis, ut Nabuchodonosor, eosdem, quos ejus, humilitas vestra sortietur effectus: Dictum est, quod ad bonum redierit sensum; causa subest: nam, ut verum fatear, nemo ita intellectu destituitur, ac superbus de se præsumens, DEI atque Angelorum judicio subest, ut hominum judicio subsunt deliri. *Si quis putat se aliquid esse, cum nihil sit, ipse se seducit,* ait S. Paulus.

*Gal. 6. v. 3.*

Major pars eorum, qui in stultorum palatiis habitant, non nisi in solo hoc puncto delirant, quod esse se putant, qui non sunt. Reperies ibi hominem, qui dimidia tecum hora sapienter de magni momenti rebus ceu in mundo prudentissimus, discurret: At post dicit tibi: En stolidum illum juvenem, bene illusum, arbitratur se esse Angelum Gabrielem, & ego, qui DEUS Pater sum, ipsum non ablegavi. Altes officio suo satisfacit, ego sum Papa. debitum mihi non reddit honorem: Omne ejus delirium in eo consistit, quod arbitretur se esse, quod non est, Papam esse, Deum esse Patrem; Sic & nos coram DEO & Angelis desipimus, cum arbitramur nos esse aliquid; nihil enim sumus: humilis ab hac dementia exemptus est; quod si ante superbiit, vere eloqui potest: *Sensus meus reversus est ad me. Et figura mea reversa est ad me.* Superbus omnino deformatus est atque incōm-



incompositus, anima ejus passionibus agitatur, inordinatis motibus corpus, caput cœu culminis, pinnula versatilis rotatur, incessanter oculos volvit, ut exploret, an respiciatur, honoretur, utrum è primariis quispiam sibi assistat; ut videat aut ex invidia, aut fastu, vestimenta, constitutiones agendi modum; lingua ejus in garrulitates effusa est; gestus incessus, verba elatos humores suos produnt, foetidos Luciferi anhelitus atq; influentias contagiosas redolent. Verum humilem si conspiciatis, vos ædificat, gestus habet modestos, compositos, recollectos. *Discite à me, quia mitis sum, & humilis corde, & invenietis requiem animabus vestris*, inquiebat Discipulis Salvator. Interna humilis tranquilla sunt, externa bene ordinata, oculi ejus continentur, exactè & ad unguem agit, verba ejus sedata, quicquid in ipso extat, DEI, quo abundat, Spiritum sapit, & cor vestrum ad modestiam ac virtutem incitat; namque, ut Nabuchodonosor, dicere potest, *Ad honorem Regni decoremque pervenit*. Virtutis Regnum, Regnum, de quo dictum: *Regnum DEI intra vos est*: Regnum, de quo Salvator: *Quærite primum Regnum DEI*: Pœnitens humilis Regnum hoc recuperat; Apostolus enim nos edocet DEUM superbis resistere, humilibus autem dare gratiam. S. Augustinus nos informat, gratias DEI velut cœli esse rores, denatant, ait, de tumore collis ad humilitatem vallis, *August. S. Bernardus* inquit: Sola virtus humilitatis est laxa reparatio constitutis, addendum charitatis, sobrietatis, aliarumque virtutum.

## CONCLUSIO.

*Paraphrasis verborum Ecclesiastici  
quanto magnus es, humilia te  
in omnibus.*

XXIV. **A**udiamus igitur, atque in praxin redigamus salutarem illâ Spiritus sancti admonitionem: *Quanto Eccl. 3. 20.*  
*magnus es, humilia te in omnibus*, ac si dicere voluisset: Si pro sapia minor es, fortunâ, conditione, virtute tenuior, nil opus, ut tibi persuadeatur humilitas, plusquam sufficientissimum in temet subjectum habes. *Humiliatio tua in medio tui. Mich. 6. 14.*  
Superbus existens, monstrum videris. Nil monstruosum adeo, nil magis DEO ac hominibus odiosum, ac pauper superbus. *Pauperem superbum odit anima mea. Eccl. 25. 4.*  
Si bonis temporalibus, spiritu, virtute aut merito destitutus superbis. Simia es in editum conscendens, toxico inflatus Bufo, stultus opinans se Monarcham. Quod si humilis, commendare tibi humilitatem non videtur necesse: verum si dignitate præcellis, quo major, debes esse humilior. Amplus es coram mundo, in divitiis amplius, in honoribus, præeminentiis: humilis sic, ac time: *Quod al. Luc. 16. 13.*  
*tum est hominibus, abominatio est ante DEUM*. Non semper ex gratia fit, at sæpe per reprobationem, ut honoribus bonisque temporalibus diteris. *Judi. Sap. 6. 6.*  
*cium durissimum his, qui præ sunt, fiet*. Si coram DEO ac spiritualiter magnus es, si longo tempore DEO servivisti, tanto plures gratias, virtutes ac merita possides; perdes, si humilis extes, magnoque erit detrimento, thesauros adeo pretiosos deperdere. *Quanto magnus es.*

XXV. Hu



*Serm. 37. in  
Cant.*

XXV. *Humilia te*, quod si diceret: Magnifica te, exalta te; excusare te poteris, laboris plenum esse opus, reperiri difficultates, oppositiones, ut quis sese humiliet. Cum angustam transis portam, nè metue, si, quantum potes, te inclinas, ait S Bernardus. Verum si tantillum te erigas, impingis, sic est de anima; minima elevatio metuenda; at nil verendum, si quantum vales, te demittas.

XXVI. *Humilia te in omnibus*, sis humilis in cogitationibus. P. Magister Avila inquit. Non esse nos humiles, ni vivaciter, quid ex nobis ipsis in DEI præsencia simus, apprehendamus: De naturæ corruptione coram eo ceu viaræ fordes, quæ vermes alunt, extamus, vel-

ut apostemata continuo pus ac foetorem suppurantia, uti cloaca, intolerabilem foetorem incessanter exhalans; Si fidem facis, in verbis te humilia, cum scias te nihil esse, si te extollis, ac laudari desideras, est mendacem esse ac hypocritam. Humilia te in actionibus, postremum semper locum cape; id tibi inquit Salvator, cujuscunque demum conditionis existas. Si ex officio teneris esse in edito, corde, atque affectu exta in imo. *Recumbe in novissimo loco*; cave tibi ab his honorum scopulis, qui reprobos figunt: ac certò noris, sententiam hanc Filii DEI citius aut tardius verificandam. *Qui se exaltat humiliabitur, & qui se humiliat, exaltabitur.* Amen.

## S E R M O

### SEXAGESIMVS QVARTVS

Pro Festo Annuntiationis Deiparæ.

DE FVRTO.

*Regnabit in domo Iacob. Lucæ. i.*

#### EXORDIUM.

**M**erito quis mirari posset, & interrogare, cur Archangelus dicat, quod Christus regnaturus sit in domo Jacob? Annon alii Sancti in antiquo Testamento fuere, in quibus præclariore eluxere virtutes, quàm in Jacob? Ita sane, fuit ibi Abraham, fuit Isaac, Noe, David, qui fuit vir secundum cor DEI, ac alii plures. Cur ergo non dicitur,

quod in eorum domo regnaturus sit? Jacob interpretatur supplantator, & notare potest eum, qui ita supplantat bona temporalia studio justitiæ, ut aliena rapere, & retinere nolit. Talis fuit Christus, qui nil alterius accipere, & retinere voluit, hinc ut hanc justitiam doceret, dixit: *Reddite, quæ sunt Cæsaris, Cæsari, & quæ sunt DEI, DEO*; & cum non teneretur solvere tributum, tamen illud solvit. Si tu velis regnare cum Christo



Christo in domo Jacob, si velis eum imitari, debes supplantare bona temporalia, & ita illa contemnere, ut nunquam rem proximi accipere vel retinere velis. De hoc agam hac concione.

Non furtum facies. *Bona alterius non rapies nec sciens retinebis.*

**I.** Septimum hoc est præceptum, cui jungendum est decimum: Bona proximi tui non concupisces.

Exo 20.

Ut fundamentaliter duo hæc Præcepta tractentur, atque ut bene, quidnam furtum sit, declaretur, primum considerare oportet, quæ ejus causa, deinde quæ essentia ac natura, tum quis proprius ejus effectus. Ordinaria causa est avaritia. Essentia ac natura, injuria est proximi bono illata. Effectus proprius est obligatio ad restitutionem. Virtus ex adverso in Filio tuo ac te, o sanctissima Virgo, honoranda est. Filius tuus justitiæ sol appellatur, *Ex te ortus est Sol justitiæ Christus DEUS noster.* Ecclesia suis in devotionibus te nominat *Speculum justitiæ.* Filius tuus Sol est, quia de semetipso omnes virtutis hujus perfectiones atque excellentias possidet: Tu Speculum es; ab ipso namque recipis, quæ in te, gratiæ ejus auxilio, imitari debemus, quam imploramus te salutando, AVE MARIA.

Idea Sermonis.

*Concio complectitur causam, essentiam, proprium effectum furti.*

PUNCTUM PRIMUM.

*Furti causa est avaritia, quæ vocatur radix malorum, ob tria: Primo quia occulta. Secundo, quia nutrit omnes ramos arboris, nempe omnia vitia, tertio quia difficile evellitur.*

**III.** *R*adix omnium malorum est cupiditas. Loco verbi hujus, cupiditas, in Græco est φιλοζυγία, amor argenti. Radix est malorum omnium, inquit Apostolus S. Paulus discipulo suo Timotheo scribens. Angelicus S. Thomas, in Commentario super hunc locum, & alii sancti dicunt, optime ad propositum comparasse S. Paulum avaritiam radici arboris, tres ob causas: quia occulta est, quia omnes arboris ramos nutrit, quia difficile evellitur. Truncus ac rami arboris visui sunt expositi, cum refecare vis, nil adeo visibile, radix occulta est tota, atque in terra sepulta. Non est vitium, quod periculosius nostram cognitionem lateat, ac crimen avaritiæ: *Obscurentur oculi eorum, ne videant, & dorsum eorum semper incurva.* En deplorabilem statum atque infelicem avari conditionem! curvam omnino animam gestat, in hæc inferiora ac terrestria semper propensam atque obscuratos Spiritus oculos & excecatos. Sancti talpæ illum comparant, terra undique cingitur, non nisi terram sentit, terram degustat, tangit, neque oculos, nisi in mortis horâ aperit: idem avaro evenit, anima ejus omnino terræ inhærens, non nisi de terra cogitat, loquitur, non affectionem aliam, sermonem atque occupationem, quam pro terrâ habet: quodvè perniciosius est, miseriam suam minus conspiciit.

Cum blasphemus, ebriosus, aut similis peccator alius noxas eluit, primum quod agit, est suam patefacere debilitatem: De centum avaris, peccata consentibus, vix unus se accusat. Cum in perjuros, luxuriosos, vindictæ avidos fit invectio, ii, qui vitiiis hisce detinentur, aiunt intra

r

sc, hæ



se, hæc invecitivæ in me diriguntur. Cum in avaritiam quis verba facit, nemo inquit, me hoc concernit, passio isthæc prudentiæ larva se contegit, providentiæ, necessitatis, obligationis ad familiam, posteritatis, magnum mihi onus incumbit, multi sunt filii aut nepotes, eorum quivis quinque aut sex est habiturus, obligor, ut prospiciam, sapiens Prov. 28. 11. sibi videtur vir dives, providentia haud est inhibita, & si quandoque vos terrenis affixos animadvertitis, grande id malum non esse ducitis, vobis blandimini, dicitisq; intrâ vos, non rapio, nulli injuriam infero, si nossem alterius me detinere bona, media confurgerem nocte promptus ad restituendum, non perpendis, quod inquit Salvator: Marc. 10. 13. Quam difficile, qui pecunias habent, in Regnum DEI introibunt? Non ait, qui prædantur, sed qui pecunias habent, atque in iis confidunt. Dum Spiritus sanctus inquit. Nihil est iniquius, quam amare pecuniam, non ait, rapere sed amare. Distinguens sanctus Paulus à furto avaritiam, non solum dicit fures, sed avaros nunquam DEI Regnum possessuros. Neque fures, neque rapaces, neque avari Regnum DEI possidebunt. Idem Apostolus dixit: Radix malorum omnium est pecuniæ amor. Sanctus quoque Eucherius dixit: Magna est affinitas vitii cum divitiis, quod avaritia nutrit, fovet, ac reliqua vitia sustentat; nutrit illa indevolutionem atq; in DEI servitio pigritiam, obiter ac distractionibus referti manè.

2. Cor. 6.

IV. Sacro interestis: Sermoni aut instructionibus nō assistitis, non nisi bis, aut ter in anno communicatis, ut filios in pietate ac devotione instruatis, nil vobis

cura est, semper namque obcurritatis, processibus aliisq; negotiis intricati estis, fovet illa superbiam, S. Paulus discipulo suo indicat: *Præcipe divitibus huius sæculi, non superbe sapere.* Cum avaritia bona quæ iam tibi concessit, videri vis, ubique præminere. In multitudine divitiarum suarum gloriantur, ab omnibus timeri vis, non permittere, ut voluntati tuæ tantillum resistatur. *Dives effabatur rigide.* Si quis alius pari tecum passu ambulat, eique velut tibi fortuna faveat, æmularis, rabie ac maledicentia in ipsum concitaris. *Dives injustè egit, & fremet: pauper autem læsus tacebit,* Eccles. 13. 3. malum ei procuras, sufferre id non vult, en te mox in dissensionibus, atque inimicitiiis immortalibus. *Divitia à dividendo,* divisionum namque causa sunt, si, qui ad te pertinent, cupiditati tuæ non correspondent, si vitrum diffingunt, aut obolum perdant, ira commoveris, mala iis imprecaris, sanctum Dei nomen blasphemias. *Conturbat domum suam, qui seclatur avaritiam.* Avaritia luxuriam, intemperantiam atque ebrietatem nutrit, quia media suppeditat, quæ in popina, prostibulo, taberna luforia, aliisq; in locis depravatis consumuntur, pro solvendi.

1 Tim. 6. 17.

Psalm. 51. 9.

Prov. 13. 24.

Eccles. 13. 3.

Prov. 13. 27.

V. Ecquæ apparentia radicem evellere profundius terræ infixam? Quo pacto sanctificabitur homo, vitiorum mancipium? Quisnam eum convertet? An Dei misericordia? Avaritia impedit, quo minus illam misericordiæ operibus promereri queat, ac Danielis sequi consilium. *Peccata tua eleemosynis redime.* Quisnam eum convertet? Decrepitæ ætatis infirmitas, passiones alias omnes refrigerans ac moderans? At inflammatur illæ ad ætatis mensuram, Ecquis eum convertet?

An



An prædicationes? Quænam sanctiores, potentiores, efficaciores Salvatoris nostri prædicationibus? Et Pharisei explodebant, erant enim avari, sacra refert Historia. At præterea furtorum causa est avaritia, ad restitutionem obligant rapta, ac non nisi raro atque ad dimidium fit restitutio. Veritati huic ad stipulaberis, si furti definitionem una mecum enuclees. Nostri Doctores ajunt, esse arripere, retinere, aut alterius bono, contra possidentis voluntatem inferre damnum. *Acceptio*, aut *retentio*, aut *damnificatio rei alienæ*, invito Domino.

## PUNCTUM SECUNDUM.

*Natura, & definitio sunt, rapinae, malignitas rapinarum, quæ sunt in foro, quia sunt inevitabiles, penales, monstruose, scandalose.*

**E**st arripere vel per temetipsum, aut alios, secreto furtim aut aperte exigendo, recipiendo, sive tuis permittendo, ut postulent aut accipiant, quæ tibi minus competunt: Velut si quinquaginta aut sexaginta, ob servitium, mercaturam, expendis solidos, pro justitiæ actu triginta non valente, si exigere finis famulum, quod ei non debetur.

VI. *Acceptio aut retentio*: Ac si in Patris aut Antecessorum bona, male parva successisses, famulis, mercatoribus, artificibus, creditoribus quædam debeas, si quæ alter deperdidit, reperisti, ea retinens, furtum perpetras: *Non multum interest, quoad periculum animæ, injuste detinere, ac invadere alienum*, ait Papa Innocent. III. in Conc. Lateran. *Et refertur capitulo sepe contingit, de restitutione spoliatorum.* Haud magna pro

animæ damnatione acceptionem inter ac retentionem differentia subest.

Si confessario dicas, nunc aureos decem Coronatos abripere mens est, postquam quindenarii effluxerint dies, hæc immutata erit voluntas, an absolutionis fores capax? Nil minus, nisi propediem, dum potes, restituas: accipere & retinere in eodem prohibita sunt præcepto: *Bona alterius non rapies, nec retinebis*, non restituere furtum est æque criminale, ac rapere, ut & proximi bonis inferre damnum, veluti.

VII. Dum ad venationem properans fruges destruis, si in officium, magistrum aut exercitium, cujus incapax es, te ingeris: si Advocatus existens, Judex, Procurator, Notarius, Medicus, Chirurgus, Apothecarius, ignorantia aut negligentia notabili, causa extas, ut quis suis in processibus, bonis, sanitate detrimentum patiatur, committis.

VIII. Spirituale alterius aut temporale bonum, si vicini depopularis ædes, prædator habueris, ad satisfactionem obligaris. Horrende animam ejus devastasti, in ejus corde thesauros gratiæ DEI, ad nefas illum sollicitando, deturbasti, nec facis reflexionem, minus cogitas, ut miserum hunc infelicem ad bonam semitam reducas.

In definitione additur: Invito Domino, id est, sine consensu ejus omnimodè libero ac voluntario, licet enim consentiat, si aliter fieri peroptet, si ejus consensus extortus, coactus est, & involuntarius, secundum quid: à furto haud excusaris. Cum pauper hic, ut bona ac brevipotiat justitia, sive ob interesse argenti, quod ei ad usuram mutuo dedisti, dona tibi offert, cum amulus tuus in



processu, ubi das manus, una tecum convenit, ac tu medietatem concedis, quam justè prætereundum valebat, litigando atque ob impensas fatigatus. Cum subditis imponis opera vectigalis, atque illa mandas, ad quæ non obligantur, dicas licet, quod libentes peragant, coram Deo non excusatus es, nam ut vere juris consultus inquit: *Velle non creditur, qui obsequitur imperio patris aut domini*, ac præterea nihil consensui tam contrarium, quam vis atque metus, *l. nihil. ff. eodem tit. D. Th. 2. 2. q. 66. art. 8. ad 3. ac Poëta*,

— — — *Quicumque potentior orat,  
Cogit, & in blando vis latet imperio.*

X. Nota vim, aut metum, itaque si exiguum quis tibi aut villico tributum exsolvat, quod injustum expavescat processum, quem intentaturus es: Si ruricola tuus vasallus in matrimonium famulo tuo nihil possidenti filiam locat, Si quis diei operas tibi pro mercede impendat, nec integre solvatur, eo quod formidandus es, harum actionum consensus haud liber est ac voluntarius, minus palliatæ hæc injustitiæ, quæ à mundi Magnatibus, aut in Palatiis per justitiæ ministros fiunt, coram DEO justificatæ sunt. è contrario autem simplici furto circumstantiam addunt speciem mutantem, quæ rapina appellatur.

Seff. 29.

probl. 9. 14.

Aristoteles bellam proponit quaestionem, petitque, cur veteres Legislatores majorem in eos, qui in loco publico, quam qui in privatis ædibus furarentur, poenam statuerint? aitque, tempore suo eum, qui in civium domiciliis prædabatur, non nisi ad duplum persolven-

dum fuisse damnatum, sitriginta abstulerat coronatos, reddebat sexaginta, si quadram unam binas reddebat: Verum, qui pileum, pallium, indusium in foro, balneis, thermis, aut aliis publicis in locis rapiebat, morte fuisse multatum.

Philosophus quatuor subnectit rationes.

Primum, in ædibus diversa habes, bona tua custodientia, quæ fures arcent, muros, portas oclusas, cistas, invigilantes domesticos. In foro quasi soles tantum oculos habes, si eos tantillum deflectis, à fure diurno quædam subtrahuntur.

Deinde, non recipis in domum tuam, nisi qui arident, quorum tibi nota fidelitas, alias in damnum tuum vergit. In thermas, aut alium in locum publicum omnes promiscuè ingrediuntur, honestus cum latrone, habitu similes ac vestimentis.

Tum qui in domicilio spoliatur, bona solum deperdit, at cui pileus, aut vestis publico in loco abripitur, confunditur, exploditur.

Denique in foro dispolians non privato tantum, sed & toti Reip. injuriam infert, proclamata, diffamata est Civitas.

XI. Extrahamus à præclaris hisce luminibus profectum: Curia cancelli loca sunt publica, cum Ulpianus Jurisconsultos appellet *Sacerdotes juris*, *L. i. ff. de justitia & jure*. Et in Deuteronomio textus sacer habet: *DEI judicium est*. Nulla adeo inevitabilis, sensibilis, degenerans, scandalosa, criminalis, digna animadversione injuria est, quam injusti-

Dent. i. 17.



August. 4.  
de Civ. Dei  
6.4.

injustitiæ, in justitiâ commissæ, Forum  
à furando, ait Columella. Remotâ  
justitiâ, Quid sunt regna, nisi magna  
latrocinia?

Primum, In ædibus canem alere  
potes, qui eam tueatur, in thermis, aut  
foro servum res tuas custodientem; in  
itinere bonum equum ac velocem, quo-  
cum latrones secure declines: Verum  
rabulas evitare minus potes, necessario  
in eorum manus incides, commercia  
ac reliqua societatis humanæ negotia ad  
id te astringunt.

XII. Deinde, si à quopiam tua in æde  
dispoliaris, pecuniarum nonnihil tibi  
abreptum est, injuriam illatam, ne con-  
fundaris, occultare potes, dum per fal-  
si testis malitiam, perfidiam aut negli-  
gentiam Advocati, Procuratoris astu-  
tiam, Judicis corruptionem causa cadis,  
non bona solum deperdis, sed & con-  
fusio tibi est publice damnari, displicet  
tibi indies æmulum contueris superbien-  
tem actrophæa tuis despoliis erigentem.

XIII. Quæ monstruosa perfidia? DEI  
te hoc in officium providentia colloca-  
vit, ut altare sis libertatis, gratiæ portus,  
asylum, refugium, caput bonæ spei mi-  
serabilium atque oppressorum, & tu eis  
scopulus es conquassationis fortuna-  
rum, bonorum, honoris, salutis, ob  
conceptum erga te odium atque indigna-  
tionem.

Causa existis, quod ab impiis atque in-  
fidelibus diffametur Ecclesia, causa es,  
ut dicant: En Religionem præclaram,  
eorum Evangelium non nisi charitatem  
resonat, ostendit justitiam, æquitatem,  
misericordiam, & qui sapientes illorum  
appellantur, sunt lupi rapaces, suam

ajunt Ecclesiam assimilari columbæ, &  
ipsi velut milvi prædantur.

### PUNCTUM TERTIUM.

*Furti effectus, obligatio ad restitutio-  
nem, de qua explicantur articuli Di-  
vi Thomæ.*

XIV. **U**T confusiones hæc, similesq;  
alias abomineris, consideres  
velim, vitium hoc in plurima te vitia  
absque remedio ullo atque irreparabi-  
liter, & in damnationem æternam præ-  
cipitem agere. Ratio videns est, non est  
peccatum sicuti alia quæ plangere, con-  
fiteri ac de iis agere debemus peniten-  
tiam hoc autem insuper ad restitutio-  
nem obligat; En, quæ non rudioris in-  
genii Doctores quidam efferunt? Sed  
sanctus Thomas, S. Bonaventura, aliis-  
que nominatiores Theologi: In arti-  
culo primò docet, restitutionem esse  
actum justitiæ commutativæ, ac per  
consequens fieri debet redditio, pro-  
portio, æqualitas rapta inter ea resti-  
tuenda, inter illatum damnum, ac,  
quam facis, reparationem. In justitia  
vindictiva, si è pura misericordia tan-  
tillum rigoris legum relaxas, si pœnæ  
gravitatem cum illa criminis non pon-  
deras, DEI misericordia tuam facile  
excusatam habebit: verum in justitia  
commutativa, si quinquaginta rapueris  
coronatos, ac non nisi quadraginta quin-  
que restituas, semper fur extas.

In secundo articulo concludit, resti-  
tutionem ad salutem necessariam esse.  
Multum est dicere, cum de salute agi-  
tur, absque hoc penitentia inutilis



exiit; Confessio adulterina est, absolutio nulla, necessitas adeò absoluta, ut nihil excusare te valeat, quam sola impossibilitas. Verum ad reddendum omne quod alterius est, conditione mea ac statu deijciar? obligaris, cum fortunam tuam stabilieris, illam proximi destruens, an non plusquam rationi consonum, ut alterius, tui licet ruina, redintegres? innocentis conditio nunquid melior esse debet illa criminosa?

At religiosus sum professus: Pius V. gravibus pœnis multavit eum, qui debitis obrutus religionem ingrederetur, ejusque professionem. *Ipsa facto* nullam declaravit. A Clemente VIII. Decretum hoc nonnihil mitigatum est, atque immutatum quoad professionis nullitatem, non quantum ad pœnas impositas. Doctores inquiunt, obligari religiosum ad petendam à superiori licentiam, ut honesto cuipiam exercitio se dedere queat, ut lucretur, unde debita persolvat.

Verum, absque mei diffamatione restituere non valebo, cui namque restitutionem, perspiciet sibi à me illatam esse injuriam, ac me proclamabit. Hoc casu fideli amico, confessorio tradere oportet, qui personam minus nominando reddant, qui acceptum ferant, tibi exhibeant, ut certo noris te coram DEO ab hac obligatione esse exemptum: obligatione adeo stricta, ut neque Episcopus, nec Papa, nec Concilium valeat tecum dispensare. Non Ecclesia, quæ absolvere, ac nodos potest dissolvere Gordios, vota, quantumvis solennia, peccata sint licet magis enormia, quantum ad culpam ac pœ-

nam; ab obligatione hac te liberare potis non est. Mors ipsa matrimonium consummatum dissolvens haud te eximit, si à Sancto resuscitareris, ut uxorem reciperes, obligatus non fores, verum ad solvenda debita tuisque hæredibus, in tui defectu, id faciendum incumbit.

Concludunt Theologi *D. Thom. 2. 2. q. 62. art. 7.* non solum qui furatur, aut injuriam infert, sed &, qui influnt ac cooperantur injuriæ ac damno, quod proximo infertur, ad restitutionem obligari, ut receptatores, seu furum hospites, de quibus in lege civili: *Pessimum genus receptatorum.* Præcipitur, ut perinde puniantur atque latrones. *l. 1. ff. de receptatoribus.* Velut & falsi testes, ac diem falso literis subscribentes, contractuum falsorum effectores, Advocati, Procuratores, consulentes, ac processum, quem norunt esse injustum, prosequentes, aut qui negligentia notabili causam extant, ut eorum clientes causam justam deperdant: Notarii, ignorantia aut malitia testatoris intentionem mutantes.

Quarto loco docent, *D. Th. præceptum* isthoc omni tempore, semper, *ubi supra art. 8.* incessanter obligare, non enim solum præceptum est affirmativum, restitutionem præcipiens, sed & negativum, retentionem inhibens, ac ceu tale facris in bibliis terminis negativis ordinarie expressum, *Non remanebit merces operarii apud te, usque mane. Lev. 19. Rem. 13.* *mini quidquam debeatis.*

Proprium est præceptorum negativorum semper & ubique obligare. Lessius societatis JESU *lib. 2. de justitia Cap. 12. dub. 1. et 2.*



ria & jure, aliique Doctores ajunt te continuo peccare actualiter, non solum quod semper in habitu es, sed & in actu peccati continuo. Laxiores inquirunt, verum est, te ad minus toties delinquere, quoties cogitatio supervenit, ut solvas, satisfacias, restituas, ac cum potes, non praestas.

En quare S. Paulus dixerit, avaritiam non solum tentationem esse, sed & Sathanae pedicam, hoc enim vitium sub potentia sua te detinet, atque in damnationis statu, ob difficultatem laxandi habenas, atque evomendi, quod devorasti.

Glutinosa sunt terrae bona, inquit S. Bernardus, fortiter adeo manibus adhaerentia, ut separari nequeant, semper aliquid residui haeret; de centum personis ad restitutionem obligatis, ad minus nonaginta non integre praestabunt.

Cunctae restitutiones, quae sunt, si ve sit capitellum, quod servus Domino abripuit, magni atque insignes praedones, qui impetum fecere in plebem concussionibus ac tyrannicis oppressio-  
 nis, sunt Leonis instar. Divites eguerunt, Hebraice habetur Kephirin, Leones, nunquam praedam, quam ungibus Leo arripuit, auferes, aut dimittet, conditionem suam, ac proventus imminuere pudet, extenuare mensam, culinam, equos. Effedum, de domus luxu, ac vestium pompa quid demere: magni laboris opus, ut quae in copia abstulere, minutim reddant, haereditatis male partae fructus restituere, pauperi pro interesse bonorum, quae pluribus annis detinuerunt,

satisfacere.

## CONCLUSIO.

*Exhortatio ad vitandum furtum, & faciendam restitutionem, primo scriptura. Secundo patribus tertio rationibus ex parte patris Christi, Spiritus sancti, animae nostrae Sathanae filiorum, quarto comparatione, quinto exemplis.*

XV. **E**Menda in melius, ne fureris, nemini injuriam infer, ne peccatum ad restitutionem obligans admitte, aut enim illa facies aut non: Si ita, peccatum contraxisti ac obligationem absque utilitate tua ulla, cum principale atque interesse restituere oporteat, sin minus, cum possis, actum est de te, perditus es aeternum. *Vae, qui congregat avaritiam malam domui suae, ut sit in excelsis nidus ejus, lapis de pariete clamabit, ait Propheta. Avaritiam Hab. 2. 9.* inquit malam, est namque parsimonia laudabilis ac meritoria, cum rem parsimonia auges, ut eleemosynas pro DEI amore elargiaris. *Vae! quia lapis de pariete clamabit, quot tuis in aedibus, de pauperum sanguine camentatis, lapides extant, quot vestris in cistis pecuniae aliaeque res male partae existunt, tot sunt voces justitiam inclamantes, ac vindictam in te exigentes, ac sine restitutione absolutus esses ac liber opinaris?* Audi S. Augustinum: *Si res aliena, propter quam peccatum est, reddi possit, & non redditur, poenitentia non agitur, sed simulatur.* *Epist. 54. ad Macedoniam.*

XVI. An pluri tantillum argenti, quam amorem DEO debitum aestimabis, quam ejus amicitiam gratiasve, quae bona haec retinendo deperdis? Ubi respe-



respectus ac submissio, quam sanctæ ejus voluntati debes, ubi obedientia divinis ejus præceptis debita? Ubinam sunt promissa tot facta vicibus, cuncta potius amittere velle, quam eum offendere? Libentius eum offendis, quam ut pecuniæ nonnihil è manibus dimittas, ubi sunt tot ipsi factæ protestationes. Super omnia eum amandi, modicum flavæ terræ plus diligis, quam infinitam DEI Majestatem.

XVII. Ubinam Christiani nomen est, quod gloriæ tibi ducis? Ubi Evangelium, quod profiteris? Ubi fides, quam hisce Jesu verbis debes: *Omnis ex vobis, qui non renuntiat omnibus, quæ possidet, non potest meus esse discipulus. Vae vobis divitibus, quia habetis consolationem vestram.* Ubi conformitas atque imitatio, exemplis à Jesu nobis relictis debita? Dives cum esset, pauper factus est. Non pauper solum, sed indigus: Terræ bonis se privando, eorum miseriam, infelicitatem ac contemptum proposuit, *Carendo vilis fecit*, ait S. Augustinus, visum dedit cæcis, loquelam mutis, infirmis sanitatem, vitam mortuis, egeno nulli divitias largitus est, charitatem exhibuit quidem, divitias haud dedit: verorum enim ejus discipulorum nota est paupertas, non divitiæ, cumque ad eos divites efficiendos pauper est factus, fuit, ut illos in paupertate non divitiis faceret divites. Propter nos egenus factus est, ut ejus inopia divites essemus: & vobis divites esse collibet? *Qui amat divitias fructum non capiet ex eis.*

XVIII. Ubi fides, his sanctus Spiritus verbis adhibenda: *Qui amat divitias, fructum non referet. Nihil est iniquius, quam amare pecuniam, hic enim & ani-*

*mam suam venalem habet.* Animam, DEI imaginem, Angelorum forem, omnium creaturarum Reginam, adeo pretiose redemptam; propriam illam vitam Jesus præposuit, ait, *Quid prodest homini, si universum mundum lucretur, anima vero suæ detrimentum patiatur?* Et vos non astimatis, animam damnationi oppignoratis, ut tota ardeat viva, in omnem æternitatem, ob caduca ac perentia bona?

An sufferre valebis ignem? cape experimentum, vivo digitum adhihe carboni, quid non dares, ne flammæ has sentire, non dico die uno, sed horâ unâ, quadrante solo? paucula bona reddere non vis, & tamen redimerent te, ne in millions annorum & millones arderes?

XIX. O quantum Sathanam exhilaras, quantos ei cachinnos exsuscitas, ut sic te explodat, quod tyrannidi suæ tradaris, ac pro tantillo te ipsi divendas? *Venundatus es, id faceres malum.* Idem, ac si ei diceres: Oppignoro tibi, in hypothecam trado animam meam, cedo tibi illam, remitto ac transfero: Sim tuum usque mancipium, parti, quæ mihi de Paradiso est, renuncio, æterni Patris donationi, filiationi adoptivæ, redemptioni ac Filii meritis, gratis Spiritus sancti, Virginis patrocinio ac favori, Angelorum amicitia, sanctorum societati, quieti conscientia. In pravo potius statu continuè subsistam, à syncretis torquebor furtis, centena committam peccata, in confitendo fiam negligens, sacrilegia in confessione perpetrabo, Creatorem meum, ceu Judas, indigne sumam, bonorum operum meorum omnium meritum deperdam, murmuris ac complurium odii ero obiectum,



Stum, fame, tristitiâ, indignatione per-  
eant, sim damnationis eorum causâ ob  
rancorem, quem erga me ferunt, & hæ-  
redem. malè parâ nunquam restituen-  
tium, horror extem atque abominatio  
Dei & hominum, libentius cuncta hæc  
aliaque mille inconvenientia incurram,  
quàm ut debita exsolvam, viduæ isti sa-  
tisfaciam, processum hunc injustum de-  
feram, ad hoc, quòd injustè possideo, bo-  
num restitnam.

XX. Pro quibus id conservas? pro fi-  
liis? qui fortè non sunt, nec erunt, aut  
forsitan tui haud sunt, pro filiis aut nepo-  
tibus ingratiss, perfidis, grates tibi non  
reddituris, qui tui obliviscuntur, in sepul-  
turâ tuâ exultabunt, ac profusè cuncta  
absument, quæ modo sollicitè coacervas;  
qui insurgent alius in alium in litium  
impensis, consumunt & illa, quæ aliundè  
hæreditârunt, his injustè acquisitis opi-  
bus ac injustè retentis perdituri, maledi-  
ctionem sibi toti; familiæ provocabunt.

XXI. Fac, ceu piscis ille, Scolopandra  
dictus, qui cum primùm piscatoris hamo  
se interceptum sentit, promptè illicò &  
escam simul & hamum evomit, sicque  
effugit. Hamus, quo te Sathan inuncat,  
peccatum est, esca, quâ te pascit, est malè  
acquisitum alterius bonum, hamum lu-  
bens non escam evomere velles, à pecca-  
to te liberare, alterius bona retinere;  
quod omninò est impossibile.

XXII. Fac, ut nostro sæculo prædives  
ille Inda, qui finito sermone suos arri-  
piens thesauros, atque iis, quos fraudâ-  
rat, distribuens, aiebat: *Pereant mihi, nè  
ego peream*, perdam bona hæc, nè anima  
perdatur. *Pereant mihi*, bona hæc terrena  
sunt, nè ego peream, anima mea de Cælo  
provenit; Bona hæc transitoria, anima

mea immortalis; Bona hæc hinc remane-  
bunt, animam referam; Hæredum meo-  
rum sunt pro solo me anima mea est; Bo-  
na hæc, grandia licet usquequaq, vera nò  
sunt, cum tot malignos, ea possidentes,  
bonos haud efficiant; veræ non sunt di-  
vitæ, nec opulentos nec contentos red-  
dunt possidentes. *Tam deest avaro, quod  
habet, quàm quod non habet*, relinquere  
illa tempore suo cogor, velim nolim,  
absque merito, melius nunc voluntariè  
ac meritoriè defero.

Fac, velut in Evangelio Zacheus, sta-  
turâ puillus, promptè, perfectè, gaudens  
testituit; ne præstoleris, ut testamento  
reddas, morte prævenieris, Notarius  
ponet unum *qui pro quo*; Testamenti tui  
minutum occultabit, non exequuntur  
hæredes, in suo, ceu tu, testamento, ut sa-  
tis fiat, mandabunt, plus de salute tua cu-  
ræ ac de temet non habituri.

Fac, uti Zachæus perfectè, dicens:  
*Ecce dimidium bonorum meorum do pau-  
peribus, & si quid aliquem defraudavi,  
reddo quadruplum*; Ut damno atque in-  
teresse illorum, quos fraudavi, malim ut  
habeant de meo, quàm ego de hoc, quod  
ad illos attinet. Cumque parva potuerim  
patrasse furta; quæ personis iisdem, qui-  
bus abrepta, restitui nequeant, dimidium  
bonorum meorum do pauperibus.

Fac, ceu Christianus, ac pro Dei amo-  
re, ut Apostoli præcepto pateas, dicentis:  
*Readite ergo omnibus debita, & JESU as-* Rom. 13.  
*serentis: Reddite, quæ sunt Cæsaris, Cæsa-*  
*ri.* Si ita agis, non ex odio aut invitè fa- Matth. 22.  
cturus es, sed, Zachæi instar, gaudens. *su-*  
*scepit illum gaudens.* Si ita ages, de animâ  
tuâ, totâq, familiâ dicetur, Hodie salus ac  
benedictio Dei huic domui facta est,

Amen.

s

SER-



# SERMO

## SEXAGESIMVS QVINTVS

### Pro Festo Sanctorum Apostolorum Philippi & Iacobi.

### DE PECCATIS

Quo

Committuntur in Aulâ.

*Domine ostende nobis Patrem, & sufficit nobis. Ioann. 14.*

## EXORDIUM.

**V**Erni hujus temporis amœnitas & omnis generis florum undique pullulantium suavitas jure meritò animos nostros erigere debet, ut ad cœlum suspiremus, & modum investigemus, quomodo ad cœlestem patriam pervenire possimus, & dicere cum Philippo, *quomodo possumus viam scire*, scilicet ad patriam illam cœlestem, amœnissimam, jucundissimam perveniendi. Et quamvis omnes Catholici meritò deberent hodie incipere, & sollicitè quærere, quænam sit via, quâ itur ad astra, tamen ante alios meritò hoc debent facere judices, advocati, & ii, qui in Curiis versantur, quia illi sunt in periculosiore statu declinandi à via, illi ergò meritò dicere debent, *quomodo possumus viam scire*. Et quærere cum Davide: *Domine quis habitabit in tabernaculo tuo, aut quis requiescit in Monte sancto tuo*: Et cum eodem respondere: *Qui operatur justitiam, qui non egit dolum in lingua sua, videbunt viam esse, si operentur justitiam*. De hac agemus hoc sermone.

*Non furtum facies, Exod. 20.*

**I.** Quidam Demosthenis æmulus, cum Oratorem hunc, magnam, ob præclaros discursuum successus, ac-

quisiisse famam conspiceret, die quodam ad societatem non vulgarem eidem objecit, dicta ejus olere lucernam, ac si diceret, elaborata nimis esse; Sapienter respondisse fertur; Metuerem sanè, nî præmeditatè ac studiosè de Reip. negotiis verba Atheniensium populo facerem. Advocatus erat eloquentissimus, quip̄lebi dicturus erat: hodiernâ luce indifertissimus comparet Orator, cui coram Advocatis, iudicibus, Magistratu perorare incumbit: illi non nisi Atheniensibus dicendum, mihi Christianis, illi Reip. negotia, mihi provincia animarum, salutis, æternitatis demandatur: Verùm quid profati debeam, valdè mihi perpendendum, insufficientissimum me ad id muneris comperio, nî Filii tui gratia, ô sacra Virgo, mihi præsto sit; à S. Joanne peccatorum vocatur Advocatus, *Si quis peccaverit, Advocatum habemus apud Patrem*. Et Ecclesia in te eandem agnoscit qualitatem, *Eja ergo Advocata nostra*: Ipse ad Deum Patrem suum nostram agit causam, tu apud Verbum incarnatum; Ille causam orat, Patri latus ac sacrata vulnera exhibens; tu dilectæ maternum petus & ubera: *Filius ostendit Patri latus & vulnera; Filio ostendit Mater petus & ubera*; nec potest esse repulsa, ubi tot ac tanta sunt amoris insignia; Pater nihil de-

negat



negat Filio, nec Filius Matri, neque tu unquam miseris animabus poenitentibus, quæ ad pedes tuos confugiunt, ut devotè facimus nos verbis te Angelicis salutantes, Ave MARIA.

Idea Sermonis.

Laudes virtutis justitiæ.

II. **IUSTUS** Dominus, & justitiæ dilexit, Ps. 10. Domine, qui habitabit in tabernaculo tuo, aut quis requiescet in monte sancto tuo? qui ingreditur sine maculâ, & operatur justitiæ. Verum id est, Domini, nullam Deo magis acceptam virtutem, Reip. utiliore, ac vobis proficuum magis atque honorabilem in praxin redigere noveritis, quàm si dignè ac Christianè in justitiæ administratione officio fungamini, Diligit Dominus portas Sion super omnia tabernacula Jacob. Qui scripturæ notitiâ pollent, nôrunt antiquitus ad populû Dei, Auditoria fori, palatia, audientias, justitiæ tribunalia in portis urbium fuisse celebrata: Nobilis in portis vir ejus, cùm sederit cum Senatoribus terræ: Non confundetur, cùm loquatur inimicis suis in portâ. Plus diligit Deus Septa ac Basilicas, quam reliquas Urbis domos omnes, id est, acceptior ei est bona justitiæ administratio, quàm cæteræ virtutes in ædibus privatis ac particularibus practicatæ.

Dixere veteres, Themidem est Astræam, justitiæ & æquitatem utrumque Dei cingere latus, ceu ejusdem delicias, easque intimas suas; At Plutarchus eorum dicta corrigens, ac veri instar Christiani loquens in Tractatu quem confecit, ut probaret Principem debere sapientem esse, prudenter ait, non solum

dicendum esse, Deum justitiæ inter & æquitatem residere, sed ipsummet Justitiæ esse & æquitatem. Benè; dicit enim JCT. in 1. Reg. Juris in Digestis: *Regula est, quæ rem, quæ est, breviter enarrat, non ut ex regula jus sumatur, sed ut ex jure quod est, regula fiat*: Leges justitiæ & æquitatem haud faciunt, ast ipsam supponunt, explicant ac mandant: Deus est prima omnis recti regula, lex æterna & essentialis, radix ac justitiæ totius origo: & velut in divinâ suâ essentiâ perfectiones possibiles omnes atq; imaginabiles continet, justitiæ eminenter virtutes cunctas complectitur:

Εν τῇ δικαιοσύνῃ συγκαταβάσαι πάντας ἀγέλῃ.  
Justitia in sese, virtutes continet omnes;

Proprium & hoc illi inter alias virtutes atq; excellens est, quod non solum in profectum ac particulare eam possidentis, tendat ornamentum, sed & ad universale ac generale totius Reip. bonum. ἀποτρεπον ἀγαθόν, ait Plato. Justinianus in principio Institutionum fateretur, Coronas Regias ac Majestates Imperiales non minùs jurisprudentiâ, quam vi ac robore armorum protegi: & Leo atque Antonius Imperatores, hominum præcellentissimi ajunt, Advocatos, qui benè officio funguntur, atque à fortiori judices. Non minus providere generi humano, quàm se prællis ac vulneribus patriam parentesque defenderent, L. Advocati, Cod. de Advocatis diversorum judicum. Cùm motivo, ac Christianâ è charitate id præstant, merentur, ut ad honorem eorum dicatur, quod Imperator Anastasius de temporis sui Advocatis proferebat: *Laudabile vi-  
teque hominum necessarium Advocatio-  
nis officium, maxime principalibus præ-*



miis oportet remunerari, L. laudabile, Cod.  
de Advocatis diversorum judicum.

Benè inquit, Laudabile officium oportet remunerari; quid enim laudabilius, gloriosius ac recompensatione dignius iudice, ab omnibus æstimato, verè incorrupto, inviolabili, juris Ecclesiæ protectore Patre orphanorum, viduarum defensore, bonorum scuto, flagello maleq; viventium terrore? *Qui imperio nil minus, quàm imperium cogitat, qui se civibus datum arbitrator, non sibi cives; quem prodeuntem certatim velut beneficium, ac salutare numen aspiciunt; inter amorem, timoremq; medii & alternis judiciis ambigentes dominum solutent, an patrem.* *Pj* *Psalm 46. 10.* *fortes terræ vehementer elevati sunt, Verum, ut privatio tantò functionior est ac deploranda, quantò forma ei opposita excellentior est ac perfectior: optimi corruptio pessima; Justitia virtus adeò nobilis ac pretiosa est, docet Scriptura, experientia demonstrat, ac tribus in punctis exhibebo: nil coram Deo esse criminiosius, Reip. perniciosius, sibi met ipsi inimicum magis, ac iudex injustus. Admonitiones meæ præservativa sunt remedia, non curativa: ad prævenendum malis futuris, non ad præterita corrigendum; ecquis enim ignorat Urbis hujus Palatium in totâ Europâ celebre semper extitisse, Themidis templum, fidei Catholicæ propugnaculum, oppressorum asylum, omnibus alibi jus obtinere non valentibus altare securissimum; Ac de urbe hac, quod de Caji Aquilii tribunali Cicero protulit, dici potest: Certè aut apud eos, qui hic adsunt, veritas valebit, aut ex hoc loco repulsa, ubi consistat, reperire non poterit. Cicero or. pro Quintio.*

## PUNCTUM PRIMUM.

*Argumenta ex parte Dei, contra injustitiam Judicum quia judicantur primo infallibiliter, Secundo exactè, Tertiò severe.*

III. **Q**ui populorum scripsere mores, docent in Aethiopiâ in Confistoriis vacuum semper retineri sedem elevatam ac magnificè adornatam: Dum causa inquiritur, ajunt illam esse Dei, invisibiliter descendens, ac concilio assistentis. A Regio id didicere Propheta, qui ait: *Deus stetit in Synagoga Deorum, Psalm 81. 2.* in medio autem Deos dijudicat.

Loco vocabuli, *Deorum*, in Hebræo est *Eloim judicum*; & apparet loqui eum de iudicibus, cum adjungat, *usquequò judicatis iniquitatem?*

Ac vobis declarat, Domino, si officio desitis, infallibilis, exactius, ac severius, plusquàm reliquos, Deum vos judicaturum, *Deos dijudicat.*

Deum Judices judicare asserit; Ecquod in hoc mirum, ecquæ novitas? An non totum terrarum orbem judicat Deus? Scriptura specialiter de peccatis loquitur magis, ac alia, enormibus, ut est pauperum vexatio, oppressio debiliū, ac similibus, vindictam divinam in clamantibus, ut magè severius, atque in hac etiam vitâ sæpius puniat, ut dicitur *Gen. 15. 14.* & alibi: *Horrendè & citò apparebit vobis. Sap.* Quod & ipsi agnovère Ethnici; Virgilius namque atrocium recensens criminum multitudinem, quæ exquisitis in Inferno suppliciis torquentur, cum patricidis Advocatos locat & Procuratores, qui suos fraudarunt clientes:

*Pulsatusne parès, aut frans in vexa cliētis,*  
ac si dicere voluisset, fraudare sibi commissos crimen æquè magnum ac dignum esse poenâ, id est patrem aut matrem excipere verberibus. In quod Servius: *Su cliētis.*



clientes quasi colentes dicuntur, patroni quasi patres censendi sunt.

Pauperum est oppressio, omnibusque injustior; etenim si orbis potentissimus me supprimat, ad justitiam recuro: aut si à justitiâ opprimat, quò confugiam? non nisi ad Deum? cum omnibus igitur depressis loquar: *judicet Dominus*: vindictæ spiritu id desiderare haud licet, aut infallibiliter per suam adorandam & adamandâ justitiam præstabit, *Deus dijudicat, ego justitias judicabo*. Uti Assuerus de crudeli

Esther. 16.

Aman dixit, populum Dei opprimere volente, dicet, abutitur potentiâ sibi à me datâ, honore quem ei exhibui; ut subditos meos opprimat; meam in hoc coronam lædit, & insuper plura, conqueritur ambitiosum hunc opprimere voluisse

Esther. 7. 8.

Reginam, *Etiam Reginam, me presente, vult opprimere*. Cavete vobis, Domini, ne hoc attëtetis, si sapiis, nè JESUS de vobis dicere possit: *Reginam volunt opprimere*. Provocationes ceu abusus, grandes sunt abusus si non appositè, congruenter & ad rem sint: Si facilè recipitis, ni condemnatis ac puniatis, Ecclesiam Reginam, ejusque Sponsum JESUM opprimitis; Si in corde fenestra foret, ut veterum non nemo peroptavit, cerneretis me plùs quàm binis vicibus Deo optimo restitisse, hæc vobis non dicendo, nec dicerem ni Deus optimus me ad id obligaret, urgeret, astringeret; Solus ipse verba hæc in os meum pro salute vestrà reponit, cum indignus hoc munere fungor; in pluribus Diocesibus; vidi verè ubique quod conquerantur pravos Sacerdotes omnium ferè confusionem harum causas extare: defertur ad Episcopum: atque ipse ego hac usq; audaciâ, Reverendissime Domine, Quâ ratione in vestrà Diocesi talem suffertis Curatum, qui tot scandalorum

causa existit? Quid vis faciam? appellationes ceu abusus ligant manus, oportet tot habere processus, quo mali meâ in Diocesi Sacerdotes extant. Absque mendacio affirmare possum: Monasterii cuiusdam in Campaniâ Prior mihi aliàs retulit, quòd cum Religiosorum uni ob culpam pœnitentiam trium Pater ac totidem Ave injunxisset, appellavit velut de abusu Religiosus; Verum quidem causâ eum cecidisse, at in litis sumptus mille Coronatos Abbas impendit. Solum unum inconveniens quod infinita inter alia contingere potest, proponam: at inconveniens in infinitum alia producens, quodq; sanguinem nobis exprimere vuleret. Fingamus Parochum ignorantem, ebriosum, suâ in Parochiâ, velit nolit Episcopus, commorantem, aut quod melius nôrat ac practicabat formalitates litium captiosarum, aut ejus Episcopus appellationem metuens & obcurstationem, nec non causâ decidendi periculum appetere eum non audebat: *Si iste Curatus baptizando pueros, non pronuntiet aliqua verba essentialia, vel propter ebrietatem, vel per ignorantiam, pueri non erunt baptizati: Si aliquis ex his pueris suscipiat Ordines sacros, non fiet Sacerdos; Si suscipiat Episcopatum, non erit Episcopus: omnes, quibus conferet Sacerdotium, nō erunt Sacerdotes, omnes quos isti absolvent, non valide absolventur, & si moriatur post peccatū mortale cum solâ attritione damnabitur, quia character Sacerdotalis & Episcopalis supponit characterem baptismalem, quem puer ille non recepit*. Cuncta hæc latinè proferuntur, quod plebi veritatū hujusmodi capax non est, ac nisi credimus, comburantur libri omnes, atq; occludatur omnia Theologiae Gymnasia; hoc namq; ibidem absq; ullâ controversiâ docetur.



Et quod ampliùs est, conqueritur Deus, quod injustitiis vestris non solum ejus subditis atque Ecclesiæ suæ inferatis; sed & sibi metipsi, ac sacrato ejus nomini: Vendiderunt pro argento justum, & pauperem pro calcea, pro exiguo dono, ac sacrum nomē meum violarunt.

Cum in officia recepti estis, Ordinationes Regias custodiendi juramentum præstistis: Ni secundum leges, at rationationes vestras ac particulares affectus judicetis, multiplicationis processuum ac ruinæ plurimorum causa extatis, qui præjudiciis confidenter, in fine decretorum vestrorum varietate deceptos se comperiunt. Quis non videt Ordinationibus id esse contrarium? Si vobis attribuitis impensarum aut beneficiorum dispositionem; Si plura, pro causâ, quæ solo definitivo expediri potest, interlocutoria datis decreta; Ordinationes infringitis.

VI. Coram Deo falsarii estis, perjuri, fœdisfragi, ac sanctissimi nominis ejus prophanatores: vester erit judex simul & cliens, *Deus dijudicat*. Alio modo vos quàm reliquos judicaturus est: *Deus stetit*, judicum proprium est sedere, mos hic apud Nationes omnes & omni tempore fuit observatus, ut in Proverbiorum libro cernere licet, *Nobilis in portis vir ejus, quando sederit cum senatoribus*, & in his JESU verbis: *Sedebitis es vos judicantes duodecim Tribus Israël*, Hanc omnes alios judicaturus formalitatem servat Deus, *Cum sederit filius hominis in sede majestatis*.

Verum, quando processum facit iudicibus eorumque adhaerentibus, surgit, stat erectus, *Deus stetit in Synagoga Deorum*. Qui litigantium causas excipit, dormire potest aut obdormire, negligenter

& ad dimidietatem usque advertere; Qui erectus consistit, vigilantiori est iudicio, vigorem spiritus habet ampliorē, plus attentionis & applicationis ad id, quod agit. Erigitur Deus vos judicans, id est, exactè vos examinat, de puncto in punctum perferutatur, rigorosè pronunciat, nil non integrè advertit, nihil elabifinit, non magnas solum injustitias ac nequitias damnat; ast & defectus minores, artes captiosas, protensiones & languores justitiæ, dilationes superfluas, moras, quæ partes gravant, atque ob negligentiam vestram incommodant, *In medio Deus dijudicat*, id est, non connivet, nunquam æquitatis medium deserit, ut ad vanas vestras ac frivolas excusationes condescendat, *Inexcusabilis es, ô homo, qui alium judicas*.

V. Objicitis: opprimor negotiis, vix respirare queo, diffringitur mihi caput, fatigantur spiritus vitales, ac cædio conficiuntur, nec tempus nec vires suppetunt, ut cuncta inspiciam, omnes perlegam scripturas, cum attentione percipiam, & omnes Partium causas, Advocatorum motiva examinem, *Inexcusabilis es*.

Legum vestrarum textus vos condemnat: Melius est pauca benè agere, quàm multis interesse periculosè, *In authenticis, Collat. 4. de tabellionibus novella constitutione 44. c. parag. 3.*

Etiā, at ni ita parum expediam, artificio utar, parumper merebor, charo sunt pretio officia, argenti mei interesse non recipiam. Sanctus vobis Salvianus replicat *Lib. 4. de gubernat. Dei. Ad hoc honor à paucis emitur, ut multorum vastatione solvatur: reddunt clientes miseri dignitatum pretia, quas non emunt, commercium nesciunt,*

Prov. 31.

23.

Matth. 10.

12.



*nesciunt, solutionem sciunt: ut pauci illustrentur, mundus evertitur.*

Ut vos purgetis, dicitis: Si male hunc processum expedii, jus tribui cui negandum, non ex malitiâ aut proprio interesse, ex compassione actum est; Eques hic, à me damnatus, ut solvat impensas, esse non debuerat; aut divitiis abundat, prolibus caret; pars ejus adversa pauper est opifex, magnam habet alendam familiam, nec habet, undè enutriat, *Inexcusabilis es.*

Eccur judicem agis ita laxum, mollem, flexibilem, ut à minima tentatrice vince te sinas? à pauculâ pietate, incantatione, fallacibus mulieris astutæ lachrymis, quæplorare solita cum lubet?

*Ut flerent, oculos erudire suos.*

Non præsidet bonis partium, judex es, ut jus suum cuique tribuas: & cum nobilis centum mille possideat Coronatos, nec infantes, parsque ejus adversa filios quinquaginta, nec obulum habeat: Si eques jure gaudent, pauperi neque de principali neque impensis vel obulum adjudicare vales; Deus est in lege præcipiens: *Non misereberis pauperis in judicio.*

Imò verò ad expedienda eorum negotia, jura tuenda, ut ab oppressionibus caveatur, non ut alterius bona eis adjudicentur. En bellam misericordiam, nè quinque de bonis tuis solidos pietate tuâ non obstante, pauperi huic erogares; & eidem quinquaginta libras aut coronatos de bonis alterius contra fas omne assignas?

Ut te protegas, inquis: Confessarius meus homo est gnavus, ob hæc omnia haud me reprehendit, absolvit, communionem minus negat? Qui te increparet, dum te non manifestas? aut si mentem

patefacis, expositionis ambage sinuosam reddis justitiam, ut magnum te Sanctum esse juraret; aut si aperte effaris, Confessarium adis mercenarium, qui magno sibi honori ducit, quod eum adeas; & obligationi suæ satisfacere non audeat, metuens nè agendi cursum deperdat. Tantum abest, ut te Deus excuset, atque idcirco à te puniendo desistat, id ipsum Dei quoad te, punitio est; Si tibi exhibere misericordiam vellet, ad bonum te Confessarium dirigeret, qui te reduceret; Verum quod graviter eum offenderis, adire te Confessarium sinit tibi similem; malignus es judex temporalis, judicem malignum spiritualem reperis: damnasti iniquè, inutiliter absolveris; ecquid scio, forsan invicem collusistis: *Manus manum fricat?*

Confitenti tibi blanditur, ambabus vos invicem manibus apprehenditis, eja adjuvemus alterum alter, ut damnemur, simul ad tartara properemus. Cuncta hæc severissimè, exactissimè atque inexcusabiliter judicabit Deus, processum facturus judicibus omnibus, summis ac subalternis, spiritualibus & temporalibus, *Deus stetit in Synagogâ Deorum, in medio autem Deos judicat.*

## PUNCTUM SECUNDUM.

*Argumenta ex parte proximi, quia injustitia, fori est pernitiosa plusquam naufragium, quam latrocinium, quam homicidium.*

VI. CUM Creator Moyli Prophetæ populi sui regimen dedisset, ac munus justitiam administrandi, in manus ei dedit virgam; quamdiu Prophetæ sceptrum hoc tenebat erectum, prodigiola erat



erat virga, quæ contremiscere fecit Regem Pharaonem, maris divisit fluctus, per medias undas transitum populo effecit; manna de cælo ut plueret causavit, de petrâ cristallinâ aquæ fontem produxit; alia mille prodigia est operatus. Verum dum Propheta idem virgam hanc dejecit in terram, serpens horribilis exsiliit, cuncta devorans.

Professio vestra, Domini, Regiæ potentie emanatio est, per Sceptrum representata; dum virga hæc in terram non declinat, reproba ac Pharaonica hominum corda contremiscere facit; dispergit ac procul dissipat sinistrorum accidentium fluctus; oppressionum undas populum securè pertransire facit; de Cælo in homines millium benedictionum manna attrahit.

Verum, si virgultum hoc dejiciatis in terram, si non nisi motivis atque obinteresse terrenum potentiâ utamini, efficietur draco, veneno, malignitate, astutiâ, plicati eritis ac ceu serpentes replicati. Nihil Reip. adeo perniciosum, quam injustitia, quæ potentiâ armatur, misero amplius verenda populo, quam naufragium, patrocinium, ac homicidium.

VII. Referunt Naturalistæ parvum in mari esse piscem, à Græcis *Echineis*, à Latinis *Remoram* appellatum. Parvum hoc animal tres admirabiles, at perniciosas habet proprietates: Ad maleficia servit, atque ut processus incantationibus ac fortilegiis prolongentur: *Veneficiis insamnis est*, & *judiciorum ac litium mora*, ait Plinius *Lib. 9. cap. 25.* & addit: *præterea dicunt, hanc esse vim ejus asseruati in sale, ut aurum, quod in altissimos puteos incidit, admotus extrahat.* Tertiò inquit *lib. 32. cap. 1.* appellari *Remoram*, quod per

incantationem secretam, medio in mari navigia sistat, ac mirabilem recenseat experientiam. Ait, Imperatoris Caligulæ, dum Romam cum navali exercitu reverteretur, turrem in petram in medio mari hæsisse immobilem; per hunc pisciculum ei subnexum.

Nil in naturâ melius litigatoris improbi, ac pisciculus hic *Remora*, proprietates mihi representat, justitiæ curias sistit, suisque artificiorum incantationibus, retardationibus, dilationibus reiteratis quindenis exoptatum processum finem moratur. Si crumena tua, fontis instar, foret profunda, dum Rabula hic duo salis habeat grana, infallibiliter exhauriet, ut fundum conspiciatis. Etsi familia vestra, ceu navigium divitiis ac prosperitatibus refertum, in procelloso mundi hujus mari feliciter decurreret, si litigator improbus se inserat, si processus nequam domui vestræ se affigat; cæptorum vestrorum cursum ac negotiorum omnium progressum sistet: Eapropter JESUS nobis consulit evitare processus, quantum possibile: *Ei, qui vult tecum in judicio contendere, & tunicam tuam tollere, dimitte ei* *Matth. 5. 41.* *& pallium.* Et in S. Luca inquit: *Qui auferit, quæ tua sunt, nè repetas.* *Luc. 6.*

VIII. Consilium hoc est saluberri-  
mum, non pro spiritali solùm, sed & pro  
temporali. Si sequeris, si prætensionum  
tuarum partem dimittis, ut cum proximo  
concordes, temporis quamplurimum,  
quod aliàs erat perdendum, redimes, ac  
sumptibus parces: familiam tuam à nau-  
fragii discrimine, in quod tuam ob con-  
tumaciam, processus persequendo, inci-  
dere poterat, liberabis; Remora enim  
non nisi navigia sistit; Litigator in fun-  
dum mergit, fortunam tuam evertit, do-  
mum



num tuam depopulatur, spoliatur, prædatur. Et S. Chrysostomus non sine ratione dixit injustitias, quæ in administratione justitiæ committuntur, durioris esse digestionis, injurias, crudeles, immanes, coram Deo magis criminales, quàm furtiva, prædas, grassationes. Jurisconsultus ait, tria esse furtorum genera: *Improbum, improbius, improbißimum*. In legis glossâ habetur *sic expilasse, verbo improbius, Cod. ex quibus causis infamia irrogatur*.

*Improbum*. Est, cum clanculum res quasdam proximo subtrahis. *Improbius*, crimen est, quod appellatur *expilata hæreditatis, vel rerum amotarum*: cum quis de successione, post mortem testatoris, antè testamenti publicationem, dum nemo particularem hæreditatis gerit curam, quædam rapit, ut, si fœmina pecunias, linteamina, atque alia mobilia ad defunctum maritum pertinentia abripit. *Improbißimum* est rapina, latrocinium, cum vis additur furto. Baldus hæc distinguens benè equidem dixit, at non omnia, addi oportebat & quartum, quod improbißimum excedit, est, dum convicem, vicinum, consanguineum, quod cuncti vident, ac nôrunt, ut sua tibi det bona injustè compellis. Mercator in sylvis spoliatus, grandem suffert injustitiam, *furtum improbißimum*. Verùm, ut optimè S. Chrysostomus ponderat, si possibile est, se tuetur, si eques fugit, prædonem hunc in justitiæ manus aliquando casurum sperat, post eum non conspiciens amplius, tempore doloris sensum mitigante, obliviscitur: Ast si justitia latrocinio vacat, necesse est, agat quod volet, bona deperdet, antè oculos licet diripiantur; ipse licet porrigere cogatur; ac fateatur admodum ea propter se teneri obligatum;

sperare nequit, ut prædonem aliquando videat pendentem, sed in dignitatibus elevatum; singulis illum diebus in-tuetur, ac spoliis suis insolescentem.

Adhæc, spoliatus in sylvis, non nisi bona sua deperdit; hic bonus ille homo bona, quietem, familiæ curam, ac tempus deperdit, tempus, inquam, quod minùs perpendis; injustitiam formalem facere nolles: ast in terendo tempore occuparis, aut in surgendo ac laborando segnises, aut compluribus implicaris negotiis, causa extas, ut partes procul distantes, quarum est ad alendam familiam colere terram, quod uxorem ac proles manuum labore sustentent, magnas in hospitiiis impensas facere cogantur, octo, quindecim diebus, imò & tribus septimanis suspenduntur; an non id furtum opinaris? Qui spoliatur in sylvis, aut navigium in mari deperdit, non nisi semel aut binis vicibus contingit; hic nunquam finis imponitur, semper inchoandum, progressus in infinitum, conclusio processus unius, semen est alterius, *finis unius mali, gradus est futuri*. Non nisi isthæc remoræ sunt super remoras, supplices libelli, Senatus consulti interpretationes.

Novi equidem sæpius id à partium provenire malitiâ, causas suas perorantium; at compertum mihi quoque, Domini, plurimùm vos posse in tollendo hoc abusu: si has rabularum supplicas serio rejiceretis, si ad dispendia eos damnaretis, corrigeretis, punctiones ejusmodi formidarent; bonitate vestrà abutuntur, audaces ad appellandum extant, quod facilis eis detur accessus. Ne de vobis spargatur, quod Ludovico XI. Morio quidam dicit: Princeps hic diffi-



De 24. 17.

cilem se exhibebat, ut homicidæ gratiam petenti præstaret; tertium namque interfecisti; Domine, replicavit Sannio, ignosce, non nisi unum occidit, tu binos alios, si primum in rotam agi homicidam mandasses, sequentia duo homicidia non patraffet. Melius cum Jobo fieret: *Conterebam, inquit, molas iniqui, & de dentibus illius auferebam prædam.*

Non sufficit, ut ab hoc nequam homine præda injustè detenta auferatur, excutiendi sunt ei dentes, ut nunquam ultrò remordeat, multa adeò gravis eadem imponenda est, ut deinceps ad captiosas litium artes prosequendas mediis careat.

IX. Cum Propheta Elias ex parte Dei Regem Achab, ob injustitiam erga pauperem Naboth commissam, increparet, ait illi: *Occidisti, insuper & possedisti.* Nota, *Insuper*, bonum illum hominem interemisti, atque insuper ejus vineam possides. Homicidium in genere suo ac specie gravius furto crimen est, ac nihilominus Deus amplius hîc furtum exaggerat, quia plurium circumstantiarum respectu, bonorum alterius invasio ac pauperum oppressio homicidium transcendit, in uno instanti fit homicidium, injusta possessio integris durat annis ac sæculis. Homicidium ordinariè fit in impetui, primo cujusdam passionis motu: injusta possessio sensibus quietis, proposito deliberato: Homicida simul non nisi unum quempiam occidit, cum homini bono insultas eumque opprimis, sæpius illum mori compellis, ipsum, uxorem, filios, fame, pauperie, confusione, displicentiâ, indignatione enecas; insuper & spirituali morte interimis, amaritudinibus, vindictæ cupidine, inimicitiiis immortalibus in te conceptis ac reserva-

tis, quæ de patre ad filios transeunt in tertiam usque & quartam generationem.

Homicida cæ de perpetrâ dolet, horret, in continuo versatur terrore, verum cum bonum hominem evertisti, non doles, ejus miseria ad compassionem te non permovet, gloriaris, erectis ambulas cristis, crimen tuum veniâ incapax reddis, imò veniâ incapax. Atque hoc tertium est punctum, quocum ad vivum pungeris, nimis sensibilis existas. Veraloquor, Aud. extremo salutis vestræ desiderio te ne or, ac magno labore conficior.

### PUNCTUM TERTIUM.

*Argumenta ex parte Iudicum, quæ obligantur ad restitutionem.*

X. **V**ERUM si eorum de numero es, de quibus toto hoc discursu egimus, si Actuarius es, Apparitor, Secretarius, Procurator, Advocatus, Consiliarius injustus, actum est. Alte Reverende Domine, Tuæ hæ sunt oviculæ, tenere illas ac cum passione adamas, noctu diuque cogitas, qui sanctificare illas queas, at salvare non poteris. Altius ne levabo vocem ac cælorum Regi audebo loqui, ego, qui non nisi terræ sum vermiculus? Salvator mi, pretiosæ tibi hæ sunt animæ, sanguinem pro eis effudisti, mortem, ut eis vitam merereris, sustinuisti, at dicere ausifim, salvare eas non valebis, non, secundum ordinatum justitiæ ac misericordiæ tuæ cursum salvare non poteris, ut tuum loquitur Evangelium, sic & ego, *Non poterat ibi multas virtutes facere.*

Marc. 6. 5.

Ecquis ordinarius justitiæ ac misericordiæ Dei cursus existit? Est condonare peccata per Ecclesiæ claves, per Sacramentalem absolutionem, vel in re, vel in voto, non alia via est, Age, nemo est Sacerdos.



Sacerdotum, nullus Episcopus, Papa, qui validè absolvere te queat, ni bona alterius, quæ iniquè possides, restituas; ni damna omnia, omniumque processuum à te malè inchoatis, malè prosequutis, malè judicatis, aut culpâ tuâ deperditis, refundas, nil, nisi impossibilitas tecum dispensare potest. Ecce in quem labyrinthum, pedicas, atque abyssum te conjeceris? Ubinam omnes, quibus injuriam intulisti, reperies? Quonam pacto te resolves, ut reditus diminuas hæreditatem vendas, equos atque effeda oppignores, ut aliorum bona restituas, ac conscientiam exoneret? De tot injustitiis facientibus, ubinam locorum quis integram eos facere restitutionem conspexit? Adulatores comperies, tibi dicturos, non obligari te, ut fortunâ exidas, quò abrepta aliis bona restituas, dicturi quidem: at non Deus, alterius fortunam, ut erigeres tuam, evertisti, ecurr tuam non diminueres, ut illam ipsius repares? *Dentem pro dente, oculum pro oculo*; Audi igitur Prophetam tibi occinentem: *Nunc Reges intelligite, erudimini, qui judicatis terram*: Reges, id est, iudices; Reges namque erant iudices: regnare & judicare in Scripturâ sunt synonyma, intelligite.

### CONCLUSIO.

*Salutaria documenta pro Iudicibus per paraphrasim verborum Spalini: Nunc Reges intelligite, erudimini, qui judicatis terram.*

**XI.** **C**onsiderate quam Deo, proximo, ac vobismetipsis, injuriam committendâ, injuriam inferatis: *Non est vestrum, sed Dei judicium*. Commisere illi jus estis ac locum tenentes, ex par-

te ipsius jura datis; Si proditoriè justitiam administratis, Optimo Deo cujus vices agitis, calamitatis causam tribuent. Pauper hic, ut cum uxore ac liberis residuum dierum quietè transigeret, pauca bona acquisierat, *Intelligite*, perpendite ipsum noctu egisse excubias, quoties laborârit, sudarit, interfecerit, jejunarit, ut emendo ac vendendo aliquem nummum lucraretur, unico calami ductu hæc ipsa cuncta subducitis, atque ita rapiendo magnam animæ stragem infertis, Dei gratiam, Spiritus Sancti dona, virtutes infusas, filiationem adoptivam, conscientia quietem, jus ad vitam æternam evertitis.

*Erudimini*, in quaestione juris efficiamini sapientes atque intelligentes, in omnibus, quæ vestrum concernunt officium, nunquam Notarii, Procuratoris, Advocati, Judicis, incapaces adite Officium, ne cogitetis, excusari vos coram Deo, dicentes: Verum est, causa exto, quod hic & ille, qui causa bona gaudebant, eadem ceciderint, non data opéra factum, ejusmodi legem, consuetudinem, formalitatem ignoravi, hæc ipsa ignorantia te haud excusabit, peccatum est, crassa ignorantia, vincibilis, culpabilis, *Quia tu repulisti scientiam, repellam* *Osee. 4. 6.* te, ait sacer textus. Ac jus civile, Imperitia culpe annumeratur &: Ignorantia juris non excusat, parag. Imperitia instit. del. Aquila l. liberorum. ff. de iis, qui notantur infamia. Cum in jurisprudentiam incumbere debuisses, nequitiis te dedisti, duobus aut tribus Codicis titulis acquiescis in his Plittaci instar te exerces, Doctor aut Licentiatas promoveris, Consiliarii statum coemis, en præclarum dignumque judicem! an non consultû bona,



fortunam, hominum vitam Arbitri huius iudicio submittere? Qui te, ignorantiam tuam habens perspectam, creavit Doctorem, se damnat. Pater tuus ære iudicatum tibi parans, aut resignans se damnat; Confessarius te absolvens damnatur; damnatis ejusmodi officium exercendo, & ad damni omnis atque interesse, quod tuam ob inscitiam parti obvenit, restitutionem teneris, *Erudimini.*

In quaestione facti nē partium aut participantium confide dictis, vide, an quod asserunt, probent; nē litis fidas expositori, vide, annon plus aut minus dicat; non fide primo exiguae rationis in mentem tibi venientis splendori; vide ac pondera, quæ suis in scriptis Advocati ponunt motiva, Fac, ceu Job: Pater eram, inquit, pauperum, & causam, quam nesciebam, diligentissimè investigabam. Optimum imiteris Deum, qui priusquam Sodomitas puniret, aiebat: Descendam, & videbo, utrum clamorem, qui venit ad me, opere compleverint. Si litis expositor extes, vide atque ipse partes omnes examina, nē amanuensi fidas, negligens esse potest, aut corruptus, aut parti adhærens, *Erudimini, qui iudicatis terram.*

*Servite Domino.* In omnibus sæculis, ab ipsis quoque Ethnicis observatum est, devotiores iudices fuisse æquiores; Areopagitæ, qui totius universi nec non omnium sæculorum opinione, bonis cum iudicibus laude certarunt, religiosi adeo erant, ut eorum devotio velut in superstitionem abierit, *Quasi superstitiones vos video*, aiebat eis S. Paulus, iudicium intellectus actio est, animæ pupilla est intellectus, qui absque prævio lumi-

ne nil cernere potest, & à quonam, nisi Deo mutuū lumen desumer?

Et quonam pacto lumen mutuabis ab ipso, nisi gratis ejus suffultus? nī illas crebro, humiliter, instanter expetas? Quare, priusquam ad Curiam te conferas, indies coram Deo te prosterne humiliter; debilitatem, insufficientiam tuam, atque imprudentiam agnosce, nec absque ejus lumine & assistentiā quicquam te posse fatearis; gratiam ejus, lumen conductum, ac S. ejus Spiritum exquirere, ut debito ad gloriam ejus, salutemque tuam satisfacere queas; recita *Veni Creator*, aut similes ejusmodi preces; *Emitte lucem tuam. Cum defecerit virtus mea, ne derelinquas me. Servite Domino in timore.* Bona ad iudicandum dispositio est, non esse temerarium, ac timidum, nē passiones, amor proprius, imprudentia, aut particularis affectio nos decipiant.

Doctus Urbis hujus Jurisconsultus, *Gregorius Tolosanus*, qui de Rep. libros conscripsit, benè observavit, quod, cum dicitur iudicem esse corruptum, metaphoricè aut per similitudinem id referri, de virginibus sumptam, quæ corrumpi se sinunt, ac reputationem, salutem, & quod in orbe pretiosius habent, perdunt.

Nōstis, contrā tentationes melius non existere vallum, quàm timorem; *Trepidare, virginum est*, ait S. Ambrosius; & S. Bernardus: *Solent virgines, quæ veræ sunt virgines, semper esse pavida; ita & iudex. Domine, quis habitabit in tabernaculo tuo? Qui ingreditur sine macula, & operatur justitiam,*  
*Amen.*



# SERMO

## SEXAGESIMVS SEXTVS

Pro Festo Inventionis Sanctæ Crucis.

### DE DETRACTIONE

*Erat homo ex Phariseis Nicodemus nominis, Ioann. 3.*

#### EXORDIUM.

**D**Ivus Chrysostomus & Theophilactus, dum quaruntur Nicodemus venerit ad Jesum non de die, sed de nocte, respondet id esse factum ob timorem Judæorum; nam ejusmodi Principes multos fuisse, qui crediderunt in Christum, sed non sunt ausi eum confiteri ob timorem Judæorum. Testis est idem Joannes capite duodecimo, de quibus ait: *Dilexerunt enim hominum gloriam magis, quam gloriam Dei*, quod extra dubium gravissimum est peccatum, sed hic quæri potest, cur Evangelista hoc non exprefferit? cur solum dixit: *Erat homo ex Phariseis, Princeps Judæorum*. Cur non explicuit expresse, quod id fecerit ex timore? Magnam prudentiam ostendit Evangelista, antequam enim illa scriberet, verbis suis fecit stateram, & franos posuit ore suo rectos; noluit expresse & clarè illi detrahere, & sufficienter illum describit, expresse dicendo, *Princeps Judæorum*. Occasione hujus ostendam hodie, quod debeamus verbis nostris ponere stateram, hoc est, illa

bene examinare, ne proximi famam lædamus.

*Non falsum testimonium dices.*

Exod. 20.

**I.** Legislator divinus in hoc præcepto octavo injurias nobis omnes quas bonis, honori, reputationi, aut proximi personæ linguæ exorbitantiâ, inferre possumus, inhibet, saluti nostræ periculosa magis atque in mundo usitator, detractio est ac maledicentia. Hoc in discursu visuri estis primùm vitii hujus naturam; deindè malignos ejus effectus, ac tandem remedia. Efficacior ac facilius tua est imitatio, ô sacrata Virgo, in Canticis tibi loquitur sponsus: *Labia tua, vita coccinea*; nunquam enim nisi charitatis ad dilectionis verba protulisti: effice amabo, ut labia tua vita sint coccinea, ut preces tuæ ferventes atque amorosæ ligent sistantque Filii tui manus, nè eas ad puniendos excessus nostrasque maledicas linguas protendat; humiliter te deprecamur, pedibus tuis nos prosternentes, cum Angelo te salutande, *Ave MARIA*.



## Idea Sermonis.

Exordium. *Spiritus sanctus nobis commendat custodiam lingua.*

II. **Q**Uantumvis fidei lumen incomparabiliter nobilius sit, præcellentius ac rationis; bina tamen hæc lumina ejusdem causæ effectus sunt, duæ de patre eodem filia, invicem æquales, crebrò conveniunt, atque ad eandem conspiciendam veritatem sibi occurrunt. Interrogatus veterum quispiam, quænam formidanda magis sit bestia? Sapienter respondit: Inter domesticos adulator, inter feras obrectator; in hoc cum S. Jacobo Apostolo convenit, qui sua in epistola inquit: *Omnes enim natura bestiarum, & volucrum, & serpentium, & ceterorum domantur & domita sunt à naturâ humanâ: linguam autem nullus hominum domare potest, inquietum malum, plena veneno mortifero.*

Benè observavit S. Hieronymus non dixisse eum, quod nemo eam domare valeat, sed *Nullus hominum*: Dei gratia illam domare potest, uti & Spiritus Sanctus, sæpiusque eam misericordiâ suâ frænât. In Scripturâ salutaria nobis ad eam domandam præbet documenta, non enim loquendo de præcepto nobis imposito ponderandorum verborum, nullius proferendi nisi diligenter perpenſi, *Verbis tuis facito stateram*, vult, ut linguam frænemus, & *franos ori tuo rectos*, *ibid.* Et ut ut bestia hæc constricta sit fræno, non effugiat, vult ut occludatur, & ostium antepondere mandat, *ostium circumstantia labiis meis*, & ne quisquam hanc portam aperire præsumat, serâ firmari præcipit, *facito ori tuo ostia & seras*, Et ne serâ hæc unco falsâque clavi queat

aperiri, vult ut & sigillo obfirmetur, ut olim ad ingressum cavernæ leonum in Babyloniâ, *Quia dabit super labia mea signaculum certum, ut non cadam ab ipsis, & lingua mea perdat me.* Et quia sigillum hoc dimoveri posset, vigilibus continuò custodiri imperat, *Pone, Domine, custodiam ori meo. Posui ori meo custodiam.*

En captivum diligenter custoditum, aut, ut melius dicam, bestiam indomitam admodum inclusam. Qualismam ea lingua bestia est, quod adeò diligenter debeat custodiri? An leo est, tygris, aut leopardus? Bestia non vulgaris est, monstrum est crudele ac metuendum. Recensens Propheta Isaïas principum peccatorum nos damnantium catalogum, & quæ peccatores in Infernum detrudunt, ait, loquens de infelicis illis sedibus, *Erit cubile draconum, & occurrent demonia, onocentauris, ibi cubavit lamia.*

Dion Chrysostomus in historia Libiæ ait, Lamias monstra esse, vultu ac pectore fœmineo, tres in ore dentium ordines habentia, ceu leonum, partem corporis reliquam in draconis exire caudam. Aristoteles & Plinius de simili mostro in Aethiopia, dicto Manticora faciunt mentionem, *Arist. lib. 2. histor. animal. cap. 1. Plinius lib. 8. cap. 21.*

## PUNCTUM PRIMUM.

*DetraCTORIS explicatur genium & ingenium, comparatur lamia & detrahit sub specie veritatis petendi consilii.*

III. **N**il opus in Aethiopiam se conferre, nec prolixum conficere iter

Iacob. 3.

Ecc. 28.  
29.

Psal. 140.

Ecc. 28. 29.



iter, ut monstri hujus forma conspiciatur, refertus est mundus. Detractores sunt per hanc Manticoram aut Lamiam ad vivum representati. Primum facie est muliebri, decora apparentia, speciosi excusationis prætexus non desunt ad maledicentiam suam colorandam ac confirmandam. Quidam ajunt, verum est, certi cujusdam vitium revelavi, sed mentitus non sum, pura veritas est, meum non est inventum, quidam talis suismet oculis conspexit; non ego primus hunc sermonem exorsus sum, indignarer sanè si primus hac de re verba ordire, nil nisi, postquam inaudii, protuli ad protestationem eorum, qui id sanè nōrant. En verè excusationem præclaram; ac si calumniam inter ac detractionem non foret differentia.

Calumnia, ait S. Thomas 2. 2. q. 68. art. 3. est falsè inculcare proximum peccati ab illo non commissi; Detractio est declarare peccatum commissum, aut notabilem in ipso imperfectionem: Verum est, calumniam peccatum esse enormius, tetrius, injustius, at detractio etiam peccatum est. Ne fallaris, etsi quod refertur, sit verissimum, quod oculis tuis conspexeris, si occultum est ac patefacis, detractor es. Attende, quod pejus est, cum voluerit quisquam suffodere famam proximi, dicit: Re manifestâ, compluribus notâ, nec calari queat, ac de illa loqueris, peccatum lethale haud est: re verò existentè secretâ, paucis cognitâ, si ignorantibus reves, contrâ charitatem ac justitiam delinquis, ad restitu-

tionem obligaris, naturæ lumen, ac JESU maxima hanc te veritatem edocet: Quod tibi non vis fieri, alteri ne feceris. Si filiatua, aut soror, sive parentes in delictum incidissent, ac vicinus suismet oculis conspexisset, an libenter si revelaret cerneret? audiens autem publicando pro excusatione dicat: Inventum meum non est, fraudem non committo, talis id vidit, an non ægrè ferres? Cur igitur alteri facis, quod tibi fieri non vis? En pravam mundi consuetudinem, ait S. Chrysostomus, cum quis proximi nomen evertere intendit, inquit: Ignoscat mihi Deus, nolui malum ei inferre, non author sum, quo coëmi pretio, eodem tibi deven-do. Si malum aliud non agis, id capax est ad te perdendum, atque ad inferos detrudendum, Hoc dixit de illo, Deus ignosce mihi, noli me de hoc discutere, auditionis debeo rationem. Si nihil aliud mali operaremur, hoc idoneum esset ad perdendos nos, & in gehennam mittendos, Chrysost. homil. 21. in Epist. ad Hebr. Audite reprobationem à Prophetâ datam: *Sedens adversus fratrem tuum loquebaris*, non, inquit, mendacia aut calumnias loquebaris, sed adversus eum. Psal. 49.

IV. Alii se aliter tegunt, delicta alterius proximo, amico aut patri spirituali petendi consilii causâ detegunt, effectualiter pruritu linguæ, dicacitatis atque occultæ superbix spiritu, per impotentiam nihil celandi, per malignam inclinationem aliorum auribus, quod nōrunt, insusurrandi, *Cor fatui, quasi vas confra-*  
ctum.



*Eccl. 21. 17.* Etum; Plenus rimarum sum, hac illas perfluo.

Profectò nisi quis remedium adhibere nòrit, aut malo cuiuspiam obviare, excepto, quod prudenti ac fideli personæ, quæ in secreto habeat, reveles; hoc in casu absque detractiōis metu potes ac debes, velut si domesticorum quispiam, aut alius ædes tuas frequentans ac mala te sollicitet, potes ac debes parentibus seu dominis referre, ut expellatur. At si malo, absquē eo quod proximi vitium detegas, adhibere remedium valueris, aperiendo detrahis. *Corripe proximum inter te & ipsum*, inquit Salvator. In Theologiā quæstio proponitur, an ad explicandam peccati circumstantiam, in confessione criminis patefacere complicem possis ac debeas? v. g. cum consobrinā deliquisti, nec non nisi solam illam habes, aperiendo Confessori consanguineæ crimen manifestas; utrum ad id patefaciendum obligaris? Respondent: Si copiam Confessarii habeas, adeundum esse Confessorem, cui persona illa sit incognita, quod si præter eum, qui personæ habet notitiam, alter non extet, hoc casu inquirunt posse te pro illâ vice eam celare circumstantiam, ac dicere, cum virgine quadam, aut consanguinearum unâ peccavi, donec Confessario illam minùs agnoscenti ut aperias sit occasio; Ratio est: Præcepta positiva duobus concurrentibus, cum unâ simul servari nequeunt, non destruunt naturalia, ac naturale potius quàm positivum observandum. Præceptum inhibens ne proximi reputatio lædatur, est naturale, ut peccata cum circumstantiis in confessione ma-

nifestes, positivum est, undè si crimen absque famæ alterius læsione declarare nequeas, celandum potius, nisi necessariò, ut remedium peccato adhibeas, complex, ut dictum, sit aperiendus: ut, in peccati occasione existens, cum personâ in malo telactante, aut quam tu in malo enutris, cohabitans, Confessori, licet personam agnoscenti, quodad occasionem declinandam te obliget, detegendum est, hoc namque in casu bonum ac salus animæ proximi famæ præferenda. Et exindè, quàm impertinentes eorum sint confessiones, qui, ut veniale quod commisere proferant, sex septemve proximi lethalia patefaciunt, cognosces: ut indignationem quandam fateantur, ebrietatem ac blasphemias mariti ancillæ furtum, declarant.

V. Maligniores alii existunt, ut Lamiæ ac Syrenes, fœminæ vocem imitantes, incantatorio cantu te fascinant, sed ut ceu Crocodilus lachrymis, te dilacerent, ac devorent. Similant, quæ de proximo referunt, fieri ex compassione, sed meræ sunt passiones, velut Sagittarius, qui priusquàm arcum exoneret, pectori admovet, quò fortiùs sagittas emitat. Sanctus Bernardus nativo eos colore depingit *Serm. 24. in Cant. Videas premiti alta suspiria, vultu mæsto, demissis superciliis, voce plagenti emitti maledictionem: & tanto persuasibilior, quanto creditur ab iis qui audiunt corde non avido, & magis condolenti affectu, quàm malitiose proferri, &c.* Dicebat Salvator discipulis: Cave te eos, qui veniunt ad vos in vestimentis ovium, intrinsicè autem sunt



sunt lupi rapaces. Absentem laudibus efferunt, mox voce balantes imitantur oves: Mæ, mæ, sed dolendum est, ei servio, sui ipsius admodum obliviscitur, cum dolore profero, non ut detrahā, causa haud sum, quod hoc & illud non evitarit, crebrò ipsum admonui, *venena propinant melle condita.* Facies scæmæ, morsus leonis.

PUNCTUM SECUNDUM.

*Effectus detractionis, quæ occidit detractorem, audientem, absentem obligat ad restitutionem.*

VI. **M**onstrum hoc tres in ore dentium habet ordines: detractionis peccatum ternos ictus, tria vulnera infligit, mortem tribus personis infert: primum detractori, vitam ei gratiæ surripit, spiritualiter mori facit, in rebus enim magni momenti detractionis mortale est, citra dubium hoc. Casuistæ ac Theologi affirmant omnes. Scriptura testatur. Dicitur in rebus magni momenti detractionis, cum id, quod notabiliter proximi famam lædit, etsi verum, si secretum, revelas, ut dicere de Sacerdote aut Religioso indebita eum hora in suspectam intrasse domum, de Judice, injuste adhæsisse parti, de virgine, impudicitia, furto aut ebrietati esse addictam, de quodam, non esse legitimum patrem aut matrem ejus, de veneficio suspectum: peccatum est mortale, animam occidens, quod ex sancto Paulo probatur: *Neque fures, neque avari, neque maledici regnum DEI possidebunt.* Et in Epistola ad Romanos, peccatorum, quibus Gentiles subijiebantur, à Chri-

stianis vitandorum catalogum recensens, cuncta simpliciter nominat, verum de detractoribus loquens, ait: *detractores DEO odibiles,* coram eo abominabiles, mortale igitur peccatum est, quia DEO nos reddit odibiles, ac Paradisi nobis portas occludit: ratio est evidens: An non in re gravi furtum lethale peccatum est? Ecquis dubitat? Detractionis furtum est admodum notabile, injustum, damnosum, melius est bonum nomen, quam divitiæ multæ, ait Sapiens. Et Spiritus sanctus, qui in scriptura nunquam nobis præcipit, ut divitiarum habeamus curam, vult, ut bonam famam tueamur. *Curam habe de bono nomine.* Eccl. 1. 25. Laudibus effert Judith, quod vitam duxerit adeo irreprehensibilem, ut linguæ viperinæ eam lædere non valuerint. Unde boni nominis fama charior multoque pretiosior est, omnibus mundi divitiis. Ecquis vir cum primis honestus non libentius ferret, ut sibi rescaretur crumena, incenderetur domus, villa everteretur, quam ut autoritatis patitur jacturam? Atqui hoc fit effræcta tua lingua. Concludunt Theologi detractionem peccatum esse furto gravius, quod rem auferat pretiosiore. Lege S. Thomam Theologorum antesignanum, 2. 2. q. 73. art. 2. in corp. & concludere ipsum videbis detractionem peccatum esse mortiferum.

Quæres, e. c. Videbis hominem ad dictum jamentis, blasphemias, detractionibus, inconsiderate nonnunquam id facit, temere, incaute, an lethaliter delinquit? Cum distinctione. Theologia respondet, aut emendatio ei cura est, aut non; Si ab aliquo tempore, ab ultimâ confessione emendare se resolvit, di-



ligentiam adhibet, si reincident penitentiam agit, tunc, si ex diuturno habitu iuramentum aliquod aut detractio excidat, mortale non est, quia non omnino ei voluntarium est, verum, si non curat, si nullam pravam emendandi consuetudines diligentiam adhibet, quoties jurat, aut in rebus alicujus momenti detrahit, temere licet atque inconsiderate mortaliter peccat, licet enim verba ejusmodi non omnino sint ei voluntaria, in causa eorum sibi voluntaria extant. Quod per Jurisconsultorum decisionem quandam ad nostrum propositum explicari potest. Justinianus in suis Institutis §. *Ceterum instit. si quadrupes pauperiem fecisse dicatur* & l. *ex hac lege ff. eodem tit.* inquit: Si canem alis mordere solitum, ursum, leonem, aut bestiam aliam, nisi curam habeas, ut diligenter custodias, addamnum omne atque interesse obligaris: At, si caveas semper includis, aut alligas, ac te ignorante aliquando effugiat, addamnum refarciendum minus teneris. Lingua tua bestia est effrænis atque indomita, quod vidimus. *Linguam nullus hominum domare potest*, si ad eam cohibendam ac frænandam invigiles, & quandoque primo motu in blasphemiam aut detractiorem prorumpat, à mortali potest excusari, non enim nec in se nec causa est voluntarium, At, si eam pervagari finis, fræna laxes, ad cuncta reparanda damna teneris, etsi non plena voluntate tua effundatur.

VII. *Qui sibi nequam, cui bonus erit?* Si detrahens se ipsum interimat, ne cogites, quod aliis parcat. Alterum vulnus audienti infligit, ac si bis deni simul extent, totidem perimit, sanctus namque Tho-

mas loco supra citato, 2. 2. q. 75. art. 24. docet Superiores, Patres familias, Dominos, Dominaeque obligari ad increpandos sibi subditos cum detrahunt, ut inhibeant, corrigant, & si detrahentis non es superior, ejus te complicem ac criminis participem reddis, si libenter audis, tibi perplaces, verbum quoddam ad id proferes, signis tibi arridere demonstras, causa extas, ut promoveatur discursus, aut, cum potes, absentem non defendis.

VIII. Quod ex S. Pauli dictis probat D. Thomas, quod digni sunt morte, non solum qui talia agunt sed etiam qui consentiunt facientibus. Ac Propheta acriter reprehendit non eos solum, qui cum latronibus furantur, sed & eorum consolantes. *Si videbas furem, currebas cum eo.* Rom. 8. Psal. 48.

IX. Et sanctus Bernardus ambigit, quisnam damnabilior sit, an detractor, aut detrahentem audiens. *Detrahere, aut detrahentem audire, quid horum sit damnabilius, non facile dixerim, lib. 3. de consider. cap. 13. & alibi.* Et insuper ait: *Detractor & detractiōnis auditor uterque diabolū portat, ille in ore, iste in aure.*

X. Si proximi conflagraret domus, an non charitate ad minus ut ei succurras, & aquam apportes, obligatus fores? amplius detractiōne quam domus deperditur, hæ rapinæ magis pertimescendæ. *Ecce, quantus ignis quam magnam sylvam incendit? & lingua ignis est.* Iac. 3. Quando cum sodalibus versaris, qui detrahunt, ad horum unum obligaris: primum reprehendere detractorem, si ejus superior extas, si cum mendacio alterius famam denigrat, monstrare, factum esse, quod profert. *Detrahentem secreto proximo suo, hunc persequabar.* Iob. 29. 17. *Conterebam molas in-*



*Las iniqui, & de dentibus illius auferbam  
predam.* Si, quod refert verum est, ex-  
culare absentem, dicendo, non omnia  
quæ sparguntur esse credenda, linguas re-  
periri maledicas, plures fama clarere abs-  
que effectu, mutare discunt: de aliquo  
maledici verbo discursus interrumpendi  
sumere occasionem, de Turcico loqui  
bello, aut, quod satius, deserere sodali-  
tium, negotii cuiusdam prætextum su-  
mere, si nihil horum potest tacere, fa-  
ciem exhibere severam, cum viderit bla-  
terationes suas minus esse gratas, eru-  
bescet, ac filere deinceps addiscet. *Ventus  
Proo. 25. 23 aquilo dissipat pluvias, & facies tristis lin-  
guam detrahentem.*

Sanctus Hieronymus Nepotiano scri-  
bens alia id comparatione explicat, sagi-  
ta in duram emissâ petram in ejaculan-  
tem retorquetur, detractio telum est, si  
in auditorem durum incidat, mala illi-  
benter audientem, fletu detrahit. *Disceat detractor non libenter detrahere,  
dum te videt, non libenter audire.* Verum  
si afficeris, indagas, Symbolumque tuum  
adfers, si id jam nosse te simulas, ut libe-  
rius ac sine scrupulo promoveatur detra-  
ctio, æque reus es, animam occidis. Et en-  
bino demortuos.

XI. Tertius efferri huius monstri den-  
tium ordo in miseram absentem exacui-  
tur, nec mordet solum, at homicidio tri-  
plici vitam aufert. Tres habemus vi-  
tas, naturalem, spirituales ac civilem,  
naturalis, est unio animæ cum corpore,  
spiritualis unio gratiæ cum anima, ci-  
vilis est hominis unio cum concivibus,  
ac bonum inter se invicem nomen ac  
fama, maledicus subinde prima, sæpe  
altera, tertia semper te vita privat.

In ædibus, quas ad usum operarum  
frequentare solebas, te describit, bonam  
de te conceptam opinionem ut deper-  
das efficit, ac manu, ore & lingua te mi-  
nus esse fidelem, addictum te esse furtis,  
ingluvici, loquacitati, haud ulta tibi  
confident, appropinquare non audes.  
Annaon hoc est, tibi, familiæque tuæ  
refecare guttur, quam hoc usu nutriebas?

*Si mordeat serpens in silentio, nihil mi-  
nus eo habet, qui occulte detrahit.* Ni. *Ecc. 10. 11.*  
hilominus subito aut sero in lucem pro-  
dit, absenti à te facta detractio refertur:  
indignatur, meditatur vindictam, diu-  
turno desiderium hoc tempore exco-  
quit, sic dispositus moritur, damnatur.

Et tertiam insuper ei mortem infero.  
Cum bona opinio, quam alter de altero  
concepit, commerciorum inter nos ca-  
mentum sit ac nodus, famam proximi  
denigrando, societatem ei humanam in-  
accessam reddis & invidiosam, vitam ei  
civilem eripis, ad satisfactiones impossi-  
biles te obligas.

XII. Et ecce tibi draconis caudam,  
cui maledicentiæ monstrum confine exi-  
stit. Quod in dracone metuendum  
magis, ejus in cauda plicæ sunt ac repli-  
cæ, cum te circumvolvitur, adeo arcte ab  
eo constringeris, ut evadere nequeas:  
& quod in detractioe periculosius ex-  
tat, est quod ad restitutionem te oppi-  
gnorat, ad honoris ac boni reparatio-  
nem, tibi factu quasi impossibilem, te  
obligat, in labyrinthum in extricabilem  
te injicit.

Maledicentiæ jaculum confestim evi-  
bratur, non sic revocatur, volat irrevoca-  
bile verbum.



Fama non est instar nuntii, debilitatur  
is, currendo, hæc, quò plus procedit, au-  
getur ac vires capit, *ἡ τὰ πλεονεχία  
πρὸς τὴν δόξαν.*

*Fama malum, quonon aliud volocius  
ullum,  
Mobilitate viget, viresque acquirit  
eundo.*

Instar globulorum nivis de Alpibus  
rotantium, ceu rivuli grandia efficientes  
flumina; ut ignis scintillulæ, initio nihil  
apparentes magnum causantes incen-  
dium. Virginem te cum prava societa-  
te, aut in domo suspecta conspexisse ais;  
Ast non credere te, quod mala intentio-  
ne factum, alius post idem recensens, il-  
lud ast adjunctionem illam tollet, aper-  
te pronuntiabit, pravæ junctam societati  
fuisse conspectam. Alius, visam fuisse,  
quod malum patrarit, alter, prægnan-  
tem esse, ac denique binos ptogenuisse:  
Primum mobile es, ac detractionum ha-  
rum incendiarius; ejus reparaturus ho-  
norem, ubi quibuscum locutus es repe-  
ries? ubi, qui post te id sparsere: Ac  
reperias licet, quonam pacto impressam  
proximo existimationem pravam ejus de  
capite tolles? *Ingenia hominum primi te-  
nacissima*, aiebat optime veterum non-  
nemo, hominum lingua Achillis lanceæ  
comparari nequeunt, non facile inflit-  
tum sanat vulnus. Et sanetur, remane-  
bit cicatrix dicebat Medicus, Alexandri  
assentator. Veteres non ineptum de hoc  
fecere apologum, retulerunt aquam, i-  
gnem ac famam simul adornasse iter, ac  
dixisse: Ubinam locorum ac quonam  
signo, dum separabimur, nos iterum a-

gnosceremus? respondisse aquam, ubi scir-  
pos visuri estis, semper reperiar, ignis,  
ubi fumos: Fama, detinete me diligen-  
ter, semel perditâ inveniar nunquam.  
Sapiens ait: *Quæ viderunt oculi tui, ne  
proferas cito in iurgio, ne postea emendare  
non possis, cum dehonestaveris amicum* Prov. 8.  
tuum.

Primum, si proximum calumniatus  
es, falsumque crimen à te fictum, aut  
quod conjecturis temerariis inconside-  
rate suspicatus es, adeundus is, quo cum  
verba fecisti, dicendumque non ita rem  
se habere, errasse te: quodvè tutum  
magis, rogandus cui detractum, ut tibi  
ignoscat, ut à restitutionis obligatione te  
eximat, ni fecerit (omnium Doctorum  
judicio approbata est veritas) ad hono-  
ris ejus reparationem te obligari, alias  
ne Papa quidem absolvere te valebit.

Deinde, si relatum à te crimen verum  
esset, at secretum, æque ad reparationem  
teneris, non, ut te mentitum esse decla-  
res, at tale de tali prolatum, non adhi-  
bendam esse fidem, pravas in mundo re-  
periri linguas, aut detractioni æquipol-  
lenter laudandus. Si judicas hæc for-  
mulas bene esse animadvertendas, ac  
crimen pro vero habendum, quodvè re-  
stitutionis ergo id agas, penè nescitur,  
quid agendum, uti & si famosos compo-  
suisti libellos, cantiones diffamatorias,  
prudenter confessarii informationem ex-  
quire. Ecce in quem detrahendo laby-  
rinthum te præcipites, cum Doctores  
cuncti fatigentur, ut expediens te servan-  
di medium indagent, atque interim re-  
stituendus est honor ablaesus, ni fiat, ve-  
nia est nulla, valida absolutio nulla; nec  
honor solum, sed & expensæ, damna at-  
que



que interefle, à maledicentia tua oborta, funt refarcienda.

PUNCTUM TERTIUM.

*Remedia à Spiritu fancto commendata nempe habere ſtateram examinis, frænum humilitatis, oſtium charitatis, ſeram timoris, cuſtodiam providentiæ, ſignaculum imitationis Chriſti.*

XIII. **A**N non horrenda hæc tibi videntur præcipitia? Spiritus ſancti ſequere conſilium, cuncta verba tua, priuſquam proferas, in æqua ſtatera ponderes, linguam ceu beſtiam indomitam conſtringe, partam ori ac ſeram ei ſuperimpone, ſigillum ſeræ admove, ac cuſtodiam pone. Statera, in qua verba ponderanda ſunt, eſt Judicium DEI, in memoriam revocando, cuncta ibi exactiſſime ponderanda, examinanda, judicanda, puniendi eſſe aut compenſanda, de omni verbo otioſo in judicio reddenda erit ratio, quædè amplius de iis, quæ proximum diſſamant, honorem abripiunt, ac diſſenſionum formularia exiſtunt? Spiritus ſanctus, inquit Sapiens, calliditatum atque injuſtitiarum hoſtis eſt, interiora hominis ſcrutatur, ſpecioſos prætextus ac vanas allegationes non admittet. *Benignus eſt Spiritus ſapientiæ, & non liberabit maledicum à labris ſuis, quoniam renum illius teſtis eſt DEUS, & cordis illius ſcrutator eſt verus, & lingua exauditor.*

XIV. Frænum ori apponendum eſt humilitas, quæ nos retrogredi facit conſideratione criminum noſtrorum, atque impedit, quo minus proximum cenſura notemus. Annon plurima in nobis arguenda ſunt? *Si dixerimus, quia pecca-*

*tum non habemus, ipſi nos ſedacimus, & veritas in nobis non eſt, ait S. Joannes.*

Proximi quamvis peccata apparenter ſive & in ſubſtantia tuis ſint graviora, forſitan in DEI judicio ac veritate quoad circumſtantias tua extant majora, cum lumine ampliori ac mali notiçiâ, ardore & ad delectationis affectum majore, præviis majoribus DEI beneficiis, ſint commiſſa.

Salvator Scribas ac Phariſæos, qui forminam in adulterio deprehenſam, zelo commoti damnabant, inſtruere volens, dixit ad eos: Qui peccatum non habet, primus in illam lapidem mittat. S. Auguſtinus lib. 8. de adulterinis conjugiiſ, cap. 14. notat, non dicere eum, qui adulterii peccato non infectus eſt, ſed absolute, qui peccatum non habet, ab omni ſiquidem crimine exemptum eſſe oportet eum, qui judicaturus ac proximum damnaturus eſt.

XV. Oſtium ad vitia proximi occultanda eſt charitas, quæ, ut ſanctus ait Apoſtolus, operit multitudinem peccatorum. Mater filiam amans, quoad poteſt, ejus excuſat ac minuit defectus: Si nigra eſt, ſuſcam dicit: Si gibboſa, aliquantulum curvam pronunciat. Si proximum, prout obligaris, adamas, imperfectiones ejus excuſabis, ſi avarus eſt, œconomum dices: Si prodigus, eſſe liberalem: Si cholericus, zelolum,

*Ut lateat vitium proximitate boni.*

Quod ſi ita charitativus es, DEI, qui ipſa eſt charitas, gratiam obtinebis. Devotus Abbas montis Sinay Anaſtaſius, qui circa ſexcentiſimum octogefimum vixit annum, refert, tempore ſuo, in certo Monafterio, extiſſe Religioſum, quem valde æſtimabant imperfe-

ctum.



Atum, frequenter in jejuniis monasterii secum dispensabat, ut noctu ad Officium surgeret, & laboriosa alia exercitia obiret, in agone mortis, non horrebat apprehendebat nihil, hilaris extabat ac lætus, invisit eum Abbas, dixitque: Quid cogitas, mi frater? Religiosus, qui, ut tu, laxus exiit, an absque metu esse potest? in angustiis extas, in quibus & sancti timore concutiebantur, ac nil metuis? DEUS, inquit ille, Angelum submisit, qui saluum me fore annuntiavit, vult enim stare promissis, dicens: *Nolite judicare, & non judicabimini, demittite, & dimittetur vobis*, verum quidem, me communitatis functiones subinde, aut quod bene non valuerim, aut ob exiguum negligentiam effugisse, sed ad minus virtute hac præditus eram, ut aliorum indignationes ac contemptus patienter sufferrem, ignoscebam lubens, neminem judicabam, omnium excusabam defectus, revelavitque mihi DEUS, me haud judicandum, veniamque obtenturum.

XVI. Sera timor est, iudicii divini secreta perpendens. Sat temporis ad mortem tibi superest, fragilitatis in te sat, ut peccatorum te maximum conspicias. Quis Luciferum dixisset fore Dæmonem? Saulem à DEO electum, ac ceu biennis infans innocuum fore reprobum? Nicolaum de septem primis Diaconis unum, Spiritu sancto plenum Hæresiarcham futurum? Quod Origenes, Tertullianus, Pelagius in ejusmodi deliria inciderint? *Qui periculose iusti sumus, sub securitate semper ignoscimus*, inquit Cassiodorus.

XVII. Custodia portæ huic apponenda, prudentia est apertis semper oculis,

prævisio infortunii, à detractioe pro manaturi. *Sufurro coinquinabit animam suam, & in omnibus odio habebitur. Ceu Lycanthropos vitaberis, rideant quantumvis astantes, & applaudant, eorum quivis arbitrabitur te, dum aberunt, tantundem de se spargere posse, quod ceu canis rabidus sis formidandus. Multis terribilis, caveto multos. Vae qui spernis, nonne & ipse sperneris?* Omnes irrides, à cunctis explodendus: ut in mendaciis mille deprehendaris te exponis, contumeliis mille afficeris.

Sanctus Chrysostomus, *homil. 3. ad populum*. inquit, culpabilem peccatorum te audientium reddis, si homines in sodalitia honesti sunt præsentis, causa es quod superbiant proximi vitia percipientes, æstimabunt non ita se ut illos esse vitiosos: si scelerati presto sunt, lætantur, in vitiis confirmantur, obdurantur in malo, cogitantes non se solos esse, habere sibi in sceleribus pares.

Sæpe in consortio absentis reperitur amicus, tuos de amico sensus explorans: ejusdem se tecum humoris esse fingit, postquam omnia effutieris, alteri denunciat, binos acquirit inimicos, qui nonnunquam nocere tibi poterunt, cujus opera egebimus, ignoramus, non montes at homines conveniunt.

XVIII. Si cuncta hæc te minus concernunt, ad minus exemplum Jesu te commoveat. Sigillum id est portæ huic apponendum: *Poneme, ait ut signaculum*. In historia tripartita recensent, devotum religiosum, Pambo dictum, silentium adeo profundum, austerum, adeoque invincibile observasse, ut opinarentur ferinum, sobrie admodum loquebatur, & iis quidem, qui se invisebant.

Theo-



Theophilus Episcopus eum invisens, spiritualement instructionem ab eo expectavit. Domine, effatus est, si à meo non edificaris silentio, nec verbis. Jesus silentio suo in omnibus vitæ suæ mysteriis nos instruit, Incarnatio in medio noctis silentio perficitur. *Dum medium silentium tenerent omnia.* Ab infantia ne verbum quidem Regibus est locutus: in vita non nisi pro gloria Patris, aut hominum salute os aperuit: in passione comparatur ovi, *Sicut ovis coram tondente se obmutescet,* non se justificat, ad falsas accusationes non respondet, adeo obmu-

tescit, ut præses miraretur vehementer. In Eucharistia dicere potest. *Factus sum sicut homo non audiens, & non habens in ore suo redargutiones,* ad hæreticorum blasphemias silet, ad malorum Catholicorum injurias, silentium adeo profundum servat, ut exprobrationi huic se videatur exponere, *Os habent, & non loquentur.* Auditor mi, nisi hoc Jesu Christi exemplo instruaris atque ædificeris, minus id hisce meis sermonibus fiet, ac propterea foret in vanum, si ultra sermonem protraherem: Ito in Pace, Amen.

# S E R M O

## SEXAGESIMVS SEPTIMVS

Pro Feste sancti Joannis <sup>Baptistæ</sup> ~~Apostolici~~

### DE PRIMO SATISFACTIONIS OPERE,

quod est Oratio.

*Apertum est illico os, & lingua ejus & loquebatur benedicens DEUM.*  
Luc. 1.

#### EXORDIUM.

**M**ultorum hodie ora & linguæ aperiuntur, sed non ut orent, & benedicant DEUM, quin potius ut sese invicem animent ad nugas hoc die excitandas, ut sese recreent, ut vadant spatium, cant ad popinam, choreas, ad campum. Multorum linguæ aperiuntur, ut detrahant proximo, ut eum diris devoveant conviciis, & contumeliis proscindant. Sed hoc sic sanctus Zacharias, hic enim aperuit os, & linguam suam, ut DEUM oret, gratiam sibi det Joannem imitandi, Joannes idem est

ac gratia, si gratiam DEI velis, debes orare, per orationem enim gratia, & quodlibet aliud à DEO impetratur. Occasione hac agam hodie & ostendam, quales conditiones debeat habere oratio, ut sit efficax, & fructuosa, nimirum ut sit humilis, fervens, & perseverans.

*Omne debitum dimisi tibi, quoniam rogasti me.* Matth. 18. 32.

**I.** Hucusque de primis duabus sacramenti poenitentiae partibus sermonem instituimus, contritionis adferendo motiva, ac peccata in confessione depo-



deponenda vobis explicando: Restat nunc, ut quæ ad tertiam partem attinent, opera nempe satisfactoria, ut sunt Oratio, jejunium & eleemosyna, deducamus. Oratio ad cunctas functiones digne tractandas adeo necessaria est, ut hæc primum præmittenda, & ad te, o S. Virgo, dirigenda sit: Sponsus tuus in cant. ait: *Odor vestimentorum tuorum sicut odor thuris.* Per vestimenta intelliguntur actiones tuæ exteriores: Thus in sacris literis Symbolum est orationis, vestimenta tua thure fumigata erant, id est, quod in ipsa exteriorum actionum occupatione, internè altissima ac perfectioris practica fueris recollecta: In cælo habitum virtutū omnium, quas habuisti in terris, recondidisti, ast orationis ac sanctæ charitatis virtutem, ædum atque exercitium continuū retinisti, exerce obsecro, illos in favorem ad te clamantium, exerce charitatem tuam pro nobis orando, qui tibi decantamus devote, *Ave Maria.*

### Idea Sermonis.

Exordium. *Christus oratur à nobis, orat pro nobis & in nobis: unde ejus oratio est exemplar nostræ.*

III. CERTUM est ex sententia atque universalī omnium sacræ scripturæ interpretum consensu, plures Prophetæ Regū Psalmos, non de ipso met, ne quidem in sensu literalī, neque de ulla persona alia, quam verbo Incarnato Jesu Christo Domino nostro intelligi posse, ut Psalmus 21. qui verbis à Salvatore in Cruce prolatis incipit: *DEUS meus, DEUS meus, ut quid me dereliquisti?* Ubi adjungit: *Foderunt manus meas, & pedes meos.* Et Psalmus 68. ubi inquit: *Dede-*

*runt in escam meam fel, & in siti mea potaverunt me aceto.* Et nihilominus iisdem in Psalmis plura contineri verba conspiciamus, quæ personæ adeo innocenti, sanctæ, impeccabili, divinæ, ut Jesus Christus est Dominus noster, adaptari queunt, ut cum dicit: *Deus meus, tu cognovisti insipientiam meam, & delicta mea à te non sunt abscondita.*

III. Incomparabilis S. Augustinus in Psalm. 85. sub initium, ad declarandam hanc difficultatem sapienter nos erudit, quod Jesus *Oratur à nobis, orat pro nobis, orat in nobis.* Oratur à nobis, est namque Deus Patri æqualis, consubstantialis, coæternus, thesaurus, oceanus, ac bonorum omnium abyssus, principium atq; omnis creaturæ finis, qui ex semetipso, auctoritate propria, atque independentē ab omni alio plures conferre gratias potest. Orat pro nobis: S. Joannes id affirmat, dicens, quod Advocatum habemus apud Patrem Jesum Christum Dominum nostrum, & S. Paulus inquit, quod interpellat pro nobis. Atq; id tres ob causas principales: Ad humilitatis suæ probam, muneris sui exercitium, exemplum fidelium. In argumentum, in officium, in exemplum, inquit Ecclesiæ Patres.

Ceu Pater & ipse Deus est, verum, velut nos homo est *Homo est, humani nihil à se alienum putat:* Aequalis Patri est secundum divinitatem, minor Patre, secundum humanitatem: ceu Deus est, orare non debet, velut homo, complura ei pro se suisque petenda sunt, corporis sui gloria, nominis exaltatio, hominum salus.

Deinde Sacerdos est: id David affirmat. *Tu es Sacerdos in æternum secundum ordinem Melchisedech.* Episcopus est, asserit Petrus. *Conversi estis ad Pastorem & Epi-*

1. Joan. 2. 2.

Rom. 8. 34.

ps. 109.

1. Pet. 2.



et Episcopum animarum vestrarum. Superius est Pontifex : S. Paulus refert: *Habentes Pontificem magnum, qui penetravit caelos, JESUM filium Dei.* Proprium Sacerdotis, Episcopi, Pontificis summi officium est Deum inter & homines esse mediatorem : Dei gratias hominibus distribuere, desideria atque hominum preces Deo offerre, *Omnis Pontifex ex hominibus assumptus pro hominibus constituitur in his quae sunt ad Deum.*

Tum idea est, speculum ac praedestinatorum Princeps, suo eos exemplo, quidquid ad eorum salutem attinet faciendum, instruens, *Exemplum dedi vobis;* & quoniam oratio ex utilioribus ac magis necessariis Christianae vitae functionibus una est, exempla authentica ac notabilia dare voluit. Ecce quam obrem, ut notavit S. Augustinus, elata crebro voce oravit; *Poterat Dominus noster si hoc opus esset, orare silentio, sed ita se Patri exhibere voluit precatorem, ut meminisset nostrum se esse Doctorem :* proinde eam quam fecit orationem pro nobis, notam fecit & nobis, *Tract. 104. in Joan. sub medium.*

Orat & in nobis, & per nos; est enim caput nostrum, nos ejus membra : inde est, quod in Scriptura miseriarum nostrarum atque imperfectionum, seu propriae suae forent, mentionem faciat, ac pro nobis auxilium ac misericordiam, velut pro se, imploret; Unde sequitur, in orationibus nostris, ut exaudiamur, nihil nos petere debere, nisi quod pro se peteret JESUS nunquam petiit, nec petet unquam pro se neque suis mundi amplitudines, divitias terrae, carnis delicias, expetere igitur à Deo, seu ejus membra, amorem ipsius, timorem, gratiam, condignum, ac virtutes ei placitas, atque seu

ipse expetere oportet. Apostolus ejus nos informat ejus preces tribus semper circumstantiis fuisse concomitatas, quae nostrae, ut perfectae sint, condiri debent; *In diebus carnis suae,* ait S. Paulus, *preces supplicationesque offerens cum lachrymis et clamore valido exauditus est pro sua reverentia.* Primum precari oportet cum humilitate; dein cum fervore; ac tandem cum perseverantia : *Pro sua reverentia: ecce humilitas: Cum lachrymis et clamore valido, ecce fervor: In diebus carnis suae, ecce perseverantia.*

### PUNCTUM PRIMUM.

*Prima orationis conditio est humilitas interior, secunda exterior, probatur primo scriptura, secundo exemplis, tertio patribus, quarto ratione.*

IV. **C**UM humilitate ac reverentia interiori & exteriori orandum est: Interior consistit in profunda humilitatione atque annihilatione animae in conspectu Dei, admodum aestimare ac vivere altitudinem Majestatis ejus, sui esse excellentiam, perfectionum immensitatem apprehendere oportet: humilitatem nostram atque infirmitatem, vivum earum habere sensum, agnoscere nos ejus alloquio, quive ei praesentes sistamur indignissimos, velut S. Patriarcha Abraham, qui dicebat : *Loquar ad Dominum cum sim pulvis et cinis,* ut Daniel Propheta. *Gen. 18. 27.* *Non in justificationibus nostris, prosternimus nos ante faciem tuam, sed in miserationibus tuis multis,* ut Eccle. *Dan. 9. 18.* *sua, quae in Missa precatur: Misericordiae tuae remediis fragilitas nostra subsistat, ut quae sua conditione atteritur, tua clementia*



reparetur, per Dominum nostrum, Feriā  
 4. quatuor temporum Septembris. Magnā  
 in hoc culpam committimus, in Ecclesi-  
 am venimus ceu grande Deo servitium  
 exhibituri, cumque paululum oraverim-  
 us aut devotē, cuncta nobis debere  
 Deum opinamur, quasi multa pro eo  
 praestitsemus, accedere oportet ceu  
 pauper mendicus ad divitem, ut elemo-  
 synam expetamus, velut infirmus aut vul-  
 neribus plenus ad Medicum, ut sanemur,  
 ceu criminis reus ad iudicem, ad gratiam  
 ac veniam postulandam, ac dicere cum S.  
 Augustino, Tu misericors, ego miser, tu  
 medicus, ego aeger, tu ditissimus, ego  
 pauper. Cum vivo sensu extremae neces-  
 sitatis ob ejus assistentiam, accedere opor-  
 tet, firmiter credendo, servitium omne,  
 quod ei exhibemus, aut reddere possumus,  
 adoratio ac cultus omnis quem altissimi  
 praestant Cherubini nihil quidem ad glo-  
 ria ejus augmentum ac beatitudinem es-  
 sentialem addere posse, *Neque enim fontis*  
*se quisquam dicat profuisse, si biberit, vellu-*  
*ci, si viderit, ait Sanctus Augustinus.* Po-  
 puli fuere quondam rudes adeo ac stupi-  
 di, qui sibi imaginabantur egere solem  
 vaporibus terrae, quibus renovaretur,  
 ideoque multum iis obligari, imperti-  
 nens error, contrarium experientia de-  
 monstrat: terrā vapores Solē versus emit-  
 tente, terrā non Soli prodest, in pluviam  
 hi resolvuntur, nec Solem conspergunt,  
 at terram, atq; ut propriē loquamur, non  
 terra vapores emittit, ast Sol attrahit si  
 post pluvii fiant, terram humectent, ac  
 foecundent, id omne Soli debet. Viderur  
 tibi Deus multum obstrictus esse, dum ei  
 supplicas aut inservis, quod ei sis utilitati:  
 falleris, adeundo Ecclesiam, has tibi Deus  
 cogitationes, ac voluntatem inspirat, si

mentem in eum elevas, ipse attrahit, *Adda-*  
*periat Dominus cor vestrum,* Si vocaliter <sup>2. Mach. 1. 4</sup>  
 oras labia ipse aperit, *Domine labia mea*  
*aperies,* Si ei supplices offers preces, ipse <sup>Ps. 50.</sup>  
 tibi indit hasque omnes tibi gratias exhi-  
 bet non pro se, ast pro te, non in commo-  
 dum proprium, at salutem tuam, non per  
 indigentiam, sed abundantiam, per bo-  
 nitatis, charitatis ac misericordiae exces-  
 sum: firmiter id credendum, atque ex  
 apprehensione hac in terrae centrum, sed  
 & in nihili nostri abyssum nos demittere  
 oportet.

V. Ab hac interiori dispositione reve-  
 rentia procedit exterior, qua cum in Dei  
 praesentia se quis ante eum inclinat, sub-  
 mittit, prosternitque, genua flectun-  
 tur, quod si fieri nequit situ ad minus  
 humili, modesto ac reverenti se ha-  
 bendum. Humilitas isthac exterior  
 honori, quem Deo debemus, adeo  
 propria ac conveniens existit, ut Spiri-  
 tus sancti linguā, textu nempe He-  
 braico, adorationis actus his semper  
 terminis exprimatur, demittere se, in-  
 clinare, coram Deo se prosternere,  
 Ischtakah. Situs hic ab iis, qui Dei  
 placare iram atque ab eo impetrare vo-  
 luerunt misericordiam, in praxin est  
 redactus.

VI. Justus Loth coram Angelo ex par-  
 te Dei sibi loquente prostratus, Urbem  
 Segor, ut Sodoma evaderet incendium,  
 obtinuit: Urbs hac in ejus gratiam à  
 conflagratione fuit exempta: cumque  
 Angelus, ut in textu Latino continetur,  
 ei diceret *Suscepi preces tus*, in Graeco <sup>Gen. 29. 23</sup>  
 habetur *ἰδὼν μὲν τὸ πρόσωπόν σου*, situm  
 tuum admiratus sum: ut doceret humi-  
 lem hunc situm, ut quae petierat impe-  
 trasset, ei fuisse adjumento. Sic Josue  
 ac



Iosua. 7.

Judith. 9.

ac populi Seniores placare volentes Deum, qui infaustos exercitui obpeccatum Achan dabat successus, cinere conaspererunt capita, ac longo multum tempore antè Arcam humi fuere prostrati. Sic generosa Judith, ut Dei obtineret gratiam, ut heroici facinoris à se patrandi prosperum impetraret successum, in Oratorio coram Deo se prostravit, cilicium inducit, ac cinere conpersi caput; Magnus Sanctus Carolus Borromæus, ut pestis ab urbe Mediolanensis, cujus erat Episcopus, flagellum averteret, pulvere caput suum ac Primariorum Urbis conpersit, atque unà cum processione per urbem nudis pedibus, amictu funebri laqueo ceu criminis reus collum implicitus incescit; Sanctus Chrysostomus refert S. Jacobum Minorem assiduitate precum genibus collum obduxisse, *Hom. 5. in Matth.* Idem de Sancta Tarilla & Æmiliana scribit S. Gregorius. Quodque majori admiratione dignum est, Sanctus Sanctorum Salvator noster, omnipotens quantumvis Deus, æqualis ac consubstantialis Patri, cum tamen quà homo eo sit minor, orans in horto pronus cecidit in terram.

VII. Ob quod Sanctus Cæsarius Arelatensis Episcopus jure queritur: dicens *Hom. 30. Prostravit se misericordia, non miseria; Sanctus humiliatur, non iniquitas, inclinat se innocentia, non malitia; Judex humi provolvitur, ac criminis reus indecore erigitur?* Et S. Chrysostomus in *Psal. 4.* Cum Magnati loquimur, ut id fiat ad unguem, nitimur, gestus componimus ad vestes, corporis

motus attendimus, ut nil sit, quod ei displiceat; si Deo loquimur, oscitamus, caput ceu culminis pinnula versatilis invertimus, vulturis oculos gestamus. S. Ambrosius *lib. 3. de virgin. irreverentiam* eorum, qui magnos in Ecclesiâ tussiendo atque exspuendo sine necessitate strepitus edunt, atque hac ratione aliorum devotionem turbando exaggerat, refertque ad hoc propositum, boni Presbyteri historiam, qui unà cum populo Deum orans, dum in precibus ranarum clamoribus turbaretur, eis ut obmutescerent, impetravit, ac siluere. Et Christiani, inquit, in Dei domo non tacent, ast garriunt, ac ceu in æstu vehementi obstrepunt.

VIII. Verum est, Deum esse Spiritum, ac principaliter spiritus nostri humilitatem cordis exigere affectum: ast è corpore atque animâ sumus compositi, ab ipso utraque recepimus, ambo ad reddendum ei homagium atque obsequium impendenda sunt: Cùm demissè genua flectimus, aut coram Dei prosternimur, id amplitudinem ejus atque excellentiam testatur: demissio nostra, miseria, indigentia, indignitas nostra, originis vilitas, *Loquar ad Dominum, cùm sim pulvis & cinis*, quod ortus noster de terrâ sit, peccatorum onus nos obruat, atque ad Deum, ad solamen referendum accedamus, *Venite ad me omnes*; & humiles hi corporis situs humilitatem nostram atque interiorem excitant devotionem.

Sicut ex adverso situs fastuosus, corporis cultus, splendor ac vestium pompa multum precibus obest, cor inflat, distra-



distrahit atque animam dissipat, à Deo nos atque à nobis Majestatem suam divinam elongat, efficit, ut amicè nos munda recipiat, nec benignis ad oculos respiciat, exaudiatque libenter. Cùm Scriptura inquit Deum se precibus nostris inclinare, ait, quòd *Prope est invocantibus eum, Inclina aurem tuam.* Eadem scriptura nobis declarat, quod elevata ac secundum mundum gloriosa respiciat, *Alta à longè cognoscit.*

*Montes Gelboë, nec ros nec pluvia veniant super vos, neque sint agri primitiarum, Hebraicè oblationum,* 2. Reg. I. 21. David eis imprecatur. Quanam montes hi, ut à Propheta sic maledicantur, commiserè? Rationem subdit, *Quia ibi abjectus est clypeus fortium, clypeus Saul, quasi non esset unctus oleo,* Saul ibi scutum perdidit ac vitam, Jonathas ejus filius ibi occubuit, omnisque exercitus ejus dissipatus est; Montes hi non extirpè causa, nihil ad id cooperati sunt: Verùm David ad Saulis mortem persen ticebat, tanto ad Jonatham ejusque exercitum ferebatur affectu, ut ob tristitiæ excessum in montes hos innocuos suam effuderit indignationem. Absque comparatione, majori in Christianos fertur amore Deus, ac in Saulem ac Jonatham David; magis de animarum perditione, quàm in exercitus ejus deletione tristatur. Conquereris, te in Ecclesia carere devotione, nullam habere teneritudinem, aut fervorem, semper te aridum atque internè siccam, cælum tibi æneum videri ac ferreum, rorem in anima tua non spargere, non posse te, ceu alii, facere hos oblationis actus, sacrificia

hæc interiora: *Montes Gelboë*, hi vanitatis montes id causant, crispatis hi crines, pretiosa hæc collaria, operis Phrygii superfluitas, de multo ac serico confectæ tunica præpediunt: *Ibi ceciderunt fortes Israel*, pluribus hæc Christianis animabus extiterunt pedicæ, plures virtute præditi, his fuere perdit; *Clypeus Saul, quasi non esset unctus oleo*: nonnulli velut Saul coronam gestantes, sacræ ac divinæ unctione sanctificati, ibi scutum ac castitatis balteum perdidērunt: cape experimentum, ac verum esse comperies, mundana hæc tolle, simpliciter ut Christiana modestia exigit te vestito, tuo in oratorio Deum precare, ubi Spiritum ad mundi vanitates effundendi anam non habes, nec videndi, aut visum esse, situ humili ac modesto preces funde, cor tuum facilius in Deum ferri, atque inseparabilius eidem affigi conspicias, ac devotius orabis, cæli rorem abundantius recipies, quemadmodum S. Paulus refert, unam ex causis, cur homo Deus à Patre fuerit exauditus, fuisse, quod magnâ cum spiritus humilitate, reverentiâ profunda, ac corporis demissione orârit, *Exauditus est pro suâ reverentiâ.*

## PUNCTUM SECUNDUM.

*Secunda conditio est fervor orandum. Primo scriptura, secundo patribus, tertio rationibus, quarto comparationibus nautarum, quinto pauperum.*

**C**um lachrymis & clamore valido, ad testificandum cordis sui in oratione fervorem.

Ob-



Obfervare licet in Scriptura facra, fæ-  
pillinæ ac quali femper, cum dicitur  
quenquam cum clamore Deum oraffe,  
facrum addere textum, fuiffe exauditum  
velut in Pfal. 3. 16. 17. 29. 30. 33. 54. & 119.  
aliifque fexcentis Scripturæ locis, &  
promittit exprefse Deus Pfalmo 90.  
*Clamabit ad me, & ego exaudiam eum.*  
Quid eft clamando precari Deum? eftne  
elatâ clamare voce? Non; Moyfes enim  
orans ne verbum proferebat, & ei dici-  
tur, *Clamas ad me. In auribus Dei, defi-*  
*derium vehemens, clamor magnus*, ait S.  
Bernardus.

Eccur arbitraris, quod Deus tam diu  
interdum preces noftras exaudire fufpen-  
dat? ut *defiderio noftra*, ait S. Auguftinus  
*inflammet*, Sicut fi velles implere ali-  
quem finem, & nôfti quàm magnum eft  
quod dabitur, extendis finem &c. Sic  
Deus differendo extendit defiderium, de-  
siderando extendit animum, extendendo  
facit capaciorem, *Tract. 1. in 1. Joan.*  
*Pete, quare, infta, petendo & querendo,*  
*crescis ut capias, fcrvat tibi Deus quod non*  
*vult citò dare, ut & tu difcas magna ma-*  
*gnè defiderare. Aug. tom. 10. fer. 5. de ver-*  
*bis Domini.* Si eleemofynam elargiri  
vellem pauperi, ifque mihi crumenam,  
quæ non nifi folidi recipiendi capax fo-  
ret, offerret, non nifi folidum acceptu-  
rus effet, aperire amplius oporteret, ac  
plures obtineret; Capacitas animæ ejus  
defiderium atque affectio eft, fi gratia-  
rum defiderium eft exiguum, paucas ob-  
tinebis, differt Deus, ut te exaudiat,  
quò in te donorum ejus æftimationem  
augeas, quâ amplificatâ, crefcit defideri-  
um atque inflammatur, ac defiderium  
incensum expandit ac cor dilatat. Dicere  
confueverunt, non magni rem effe valo-

ris, nî benè petatur, atque illa favore eò  
majori expetendam effe, quantò no-  
biliores ac pretiofiores; Et quid amore Dei,  
ejusque gratiâ, & animæ noftræ falute  
pretiofius extat? Cum non nifi corde di-  
midio, laxè ac tepidè precamur, non ma-  
gni quas petimus Dei gratias æftimamus,  
atque ita nos reddimus indignos.

IX. Ratio cur Deum negligentè im-  
ploramus, nec magnoperè exaudiri ap-  
petimus eft, quod extremam mifericor-  
diæ ejus indigentiam non apprehendi-  
mus. ceu indifferens nec magni momenti  
negotium perpendimus. Firmiter crede-  
re oportet, fi nobis non mifereatur, mife-  
rabiliores omnibus futuri fumus creatu-  
ris. Ignoramus, an juventutis delicta no-  
bis dimiferit Deus, an unquam de iis con-  
tritionem, quam requirit Deus legiti-  
mam, fupernaturalem; omnibus circum-  
ftantiis abfolutam elicerimus; ac licet  
noſſemus, an cor noſtrum fuperciâ, vana-  
tate fecretâ, proprio amore, aut vitiofis  
difpofitionibus aliis, quæ coram Deo nos  
reddunt abominabiles, fit refertum. Ac fi  
certo nobis conſtaret nos bono in ſtatu  
confiſtere, quid evenire nobis queat, ne-  
ſcitur, vitro fragiliores ſumus, arundine  
debiliores verſatili culminis pinnulâ mu-  
tabiliores, quid de nobis erit, ſi noſtri non  
mifereatur Deus? Nunquid igitur inceſ-  
ſanter ex corde nobis dicendum: *Non*  
*ſecundum peccata noſtra facias nobis.*  
*Adjuvanos Deus ſalutaris noſter; ſine*  
*gratiæ tuæ aſſiſtentiâ, in nobis non*  
*nifi imperfectio eſt, vitium, fœdor, cor-*  
*ruptio;*

*Sine tuo numine*  
*Nihil eſt in homine,*  
*Nihil eſt innoxium.*

X. *Qui neſcit orare, aſcendat mare. An*



non unquam in tempestate maris impetuosa ac in extremo vitæ discrimine extitistis? Reminiscere, quomodo Deum depreceris? pari semper modo eum obsecra, atque infallibiliter salvaberis. En, ut nautæ in huiusmodi casu precentur, divæque Virginis ac Sanctorum opem implorent! in majori salutis nostræ versamur periculo; nunc vanitatis tubine extollimur, modò in tristitiæ abyssum depressi, illi non nisi duobus aut ternis ventis exagitantur, nos plus quam senis: tentatione superbæ, avaritiæ, invidiæ, luxuriæ, aliisque passionibus: mortem inter atque ipsos non nisi asser est exiguus, me inter atque infernum non nisi voluntas mea, asser illo fragilior: hoc sibi relicto diu conservatur; voluntate mea unico saltem die authorâ sibi relicta, in horrenda rueret præcipitia, perdereturque! Magis sanè ad nos regendos incapaces sumus eo, qui mare nunquam conscendit, ad navim in tempestate per scopulos ac voragines dirigendam, iudicem te constituo, an non rogandus Deus, exoranda Virgo sacrata ac sancti toto cordis affectu?

XI. Sed mare non conscendamus, commoremur in terrâ, non adeò procul nos conferamus, subsistamus hic, ut precari discamus Deum. Hac in Urbe amplius est bonorum Regentium numerus, excellentium Rhetoricæ Christianæ Magistrorum; ast ineptus valdè discipulus exto, non benè Lectionem addisco: Pauperes hi sunt, qui eleemosynam petendo, licet minus cogitemus, præclaras præbent

instructiones: cùm nōrunt mane summo celebrari Sacrum quod plurimi conveniunt, haud morantur in lecto, prope diem exsurgunt, ad Ecclesiam festinantes: pari modo reliquis dormientibus ad preces exsurge, vividus magis ac liber tunc ad orationem fundendam est Spiritus: omnes pervagantur Ecclesias, ubi indulgentias esse noverunt, ubi divites ac charitativi conveniunt, illuc sanè se conferunt; quod si pedibus inniti nequeunt, eò prorepunt, aut deferri se curant, pariter ad amicos Dei sanctos te confer, meritis divites extant, plurimum apud Dei Filium potentes, ad Virginem Deiparam, ad Sanctum Josephum Dei nutritium, ad Sanctum Joannem Baptistam cognatum ejus atque amicum accede, vulnera sua ac plagas detegunt; Quod si iis carent, simulant ac fingunt, ut ad misericordiam homines commoveant. Non sanè opus nobis, ut fingamus, aut simulemus, nimium quantum iis in animâ abundamus: agnoscere coram plagas debemus, & ad misericordiæ ejus prospectum exponere: *Ego vir videns paupertatem meam*: Domine Deus meus, tu conspicias, quod non nisi caligo sim, debilitas, pauperies ac miseria, ab ortu meo ignorantiam habeo, nihilum ac peccatum.

XII. Licet complures sint pauperes, idiotæ ac simplices, verba, rationes atque argumenta ad nos commovendos, ut misericordiam persuadeant, sufficientia reperiunt, ut eleemosynam extorqueant; Domina mea, miserere mei, adeò charitatem exerces, porrige mihi de  
eice.



eleemosynis tuis denarium , non eris in-  
dè pauperior ; Deum pro te totâ virâ de-  
precabor , miser orphanus sum , à pa-  
triâ meâ centum leucis peregrinus , bel-  
licis oppressus tumultibus ab illâ cedere  
sum coactus , exhibe ob Dei amorem mi-  
hi charitatem , per sanctam Salvatoris  
passionem , ex amore bonæ Virginis , ma-  
tris S. Annæ . Ecce tot ad petendam  
eleemosynam verba comperiunt , & nos  
ad orandum Deum haud invenimus ? co-  
ram Deo obmutescimus ? magno eleemo-  
synæ obtinendæ desiderio flagrant , ac  
nos dimidiâ solûm è parte quærimus , o-  
portet , ut necessitas nostra nobis sugge-  
rat verba : Sacra Virgo , tam bona es , dul-  
cis , pia , clemens , peccatorum es refugi-  
um , consolatio afflictorum , misericordiæ  
mater , *Non est auditum à seculo , quen-  
quam ad tuâ recurrentem suffragia , à te  
derelictum : ne primus ego sim , qui reji-  
ciar , Illos tuos misericordes oculos ad nos  
converte , exules filios Evi : Missa es , ut  
ruinas ab ipsâ factas repares . An miser  
peccator , ad pedes tuos recurrens , in tam  
bono asylo perdetur ? ora pro me ob  
S. Iosephi , S. Annæ , S. Elizabethæ ,  
dilecti Filii tui amorem ; Si eum diligis ,  
ejus promovere gloriam debes , ac ne  
probrio afficiatur , curare , idque in me  
fiet , nî ejus amorem habuero ac timo-  
rem . Mi Salvator pronuntiasti : Veni-  
te ad me omnes , qui laboratis & onerati  
estis . Non est opus benè habentibus  
Medico , sed malè habentibus . Veni  
querere , & salvum facere , quod perierat .  
*Qui venit ad me , non ejiciam foras : Ad  
te per tuam invitationem venio , extre-  
mè sum æger , ne rejicias me , quod ex-  
peto , potentia tuæ ac bonitatis infini-  
tæ respectu parum est , Non multum**

*est omnipotenti Deo , qui plus valet ,  
quàm petimus , aut intelligimus , Aug.*  
Dimidia orationi hora impensa , ver-  
bis à devotione , quæ animæ lingua ex-  
tat , conceptis , quàm tres precum ho-  
ræ erit conducibilior , si non , quid loqua-  
ris , cogites .

### PUNCTUM TERTIUM.

*Tertia conditio est perseverantia , pro-  
batur , primo scriptura , secundo patribus ,  
Tertio oratione , quarto responsione  
ad objecta .*

XIII. **S** Alomon orationem fundebat  
duabus conditionibus primis as-  
sociatam , continentiam is à Deo cum  
humilitate ac fervore petebat : demisse  
illam expetiit , cognovit namque ac  
fessus est , non de semetipso , verum à  
Deo solo habere posse , ferventer ex  
cordis intimo postulavit , *Ex totis  
precordiis , ut scivi , quoniam aliter  
non possem esse continens , nisi Deus det :  
Adii Dominum , & deprecatus sum  
illum ex totis precordiis meis , Sap. 8.2.*  
Et nihilominus , quod admirandum ,  
exauditus haud fuit , castitatem mi-  
nus obtinuit : verum ex adverso ceube-  
stia immunda in voluptatum suarum tur-  
pium cœno , in atate decrepitâ se volu-  
tavit : contigit id , quod tertiâ oratio-  
nis conditione carebat , perseveran-  
tiâ nimirum , semel aut bis fuerat de-  
precatus , nec sufficebat , ad finem  
usque continuare oportuerat , consilium  
est à vero Salomone Salvatore nostro da-  
tum : *Oportet semper orare , & nunquam* Luc. 24. 16  
*desicere .*



Ac posteaquam iudicii extremi rigorem prædicasset ac severitatem, Discursum conclusit, dicens: *Vigilate itaque omni tempore orantes*, Non religionis solum aut Presbyteris, verum Christicolis omnibus loquebatur, occasiones, quas habituri eramus; nôrat, nostra cujusdam momenti negotia, & inquit: *Sine intermissione orate*, & post eum Apostolus: sine intermissione orate, id est, longo quoad possibile est tempore.

Perseverantia est, ob quam Chanaanæ à Dei Filio liberationem filix obtinuit, ut notavit S. Chrysost. *Hom. 5. in Matth. Marc. 7. 25.* Cum humilitate internâ precabatur, non nisi canem se esse recognoscens; cum humilitate externâ. Refert S. Marcus, quod se ad Salvatoris pedes cum Spiritus fervore ac vocis contentione prostravit, *Clamavit*: rejiciebat eam Dei Filius, videbatur eam audire nolle, canem appellans: verum illa luctavit cum eo, ac victoriam importunitate retulit. Qui pro vitæ hujus necessitatibus orationem fundit, quandoque exauditur, subindè rejicitur; aut ex misericordiâ semper; Medicus enim perspectum habet, quid ægro sit conducibile: verum fideliter in oratione persistens ad petendam Dei gratiam, ut ejus valeat custodire præcepta, ac Paradysum mereri, infallibiliter exauditur; Deus enim id promissit, nec fallere veritas potest, ait magnus sanctus Prosper, Fideliter supplicans Deo pro necessitatibus hujus vitæ, & misericorditer non auditur, quid enim infirmo sit utile magis novit Medicus, quàm ægrotus: Si autem id postulat, quod Deus præcipit, & promittit, fiet omninò quod poscit, quia accipit charitas, quod parat veritas,

XVI. Magister ejus Sanctus Augustinus rationem reddit, cur à nobis Deus hanc exigat perseverantiam, non ex paritate, nec voluntatis bonæ defectu id contingit, *Cum aliquandò tardius dat, commendat dona, non negat; diu desiderata dulcius obtinentur, citò autem data vilesunt*, Ser. 5. de verbis Domini.

XVII. Oportet itaque semper orare, & nunquã deficere. Quid ad prolixius orandū tibi obstaculo est? per otium tibi non licet, pluribus implicaris negotiis ac negotiis admodū urgentibus. *Nunquã deficere*, id ad benè precandum Deum te impellere debet; quò seria magis negotia, ut felicem sortiantur successum, perquàm necessarium est. Quænam apparentia, ut absque conductu secunde succedant? absque Lumine? & à quo id recipiendum, nisi à Patre Luminum, & ubi, nisi in oratione? Negotiis detineris? falleris, non nisi unum idque magni momenti negotium tibi agendum est; animæ salus, negotium negotiorum, *Vestrum negotium* 1. Thess. 4. 11. agatis, in suis Apostoli Constitutionibus dicebant lib. 2. *Constit. Apost. cap. 61.* studia, simileque alias actiones esse accessorias, opera minus principalia, & accidentalialia ἐπὶ πρῶτα, ac proprium Christiani negotium esse Dei obsequium, animæque salutem, ἐργον δὲ θεοῦ ἐστὶν. Per otium tibi orare non licet? Eccur non? Ad prandendum ac cœnandum, & pro reliquis corporis necessitatibus tibi suppetit tempus, cur minus pro animæ reparatione? anima quid corpore minus est? æquè necessarium orare Deum ad agendam salutem, quàm ad vitam servandam capere quietem, tempus deficit ad rogandum Deum? Crede sufficientissimum tibi esse, si benè impendas. *Non parum temporis habemus,*

sed



*fed multum perdimus, nec inopes ejus, fed prodigi fumus, Senec. de brevit. vite: Re- feca vifitationes fuperfluas, otiofa verba, converfationes atque inutiles difcurfus, recreationes atque oblectamenta munda- na, omne poft occupationes neceffa- rias reftans tempus ad precandum Deum infume: fi quarta horæ pars, aut dimidia tibi refidua, ac libera eft, recita coro- nam aut ejus partem, quinque Pater ad quinque vulnerum honorem, S. Virginis Litanias, ac benedicet te DEUS. Anita negotiis oppreffus es, ut ne quartam ho- ræ partem ad orandum DEUM reperire valeas? Ad minus laborando cor ad DEUM crebro per orationes jaculato- rias eleva, de tempore in tempus eum adora, ab illo amorem, gratiam pete ac conductum, aciculam pone in veftè ad memoriam continuandam, ufque dum affluas.*

*Oportet femper orare. Quid eft, quod ad orandum DEUM obftaculo tibi effe queat? grandis peccator es, valde eum offendifti: Nunquam defiffere, idem eft, ac fi diceret: admodum pauper fum, non ita crebro eleemofyna expetenda, infir- mitate gravi laboro, ad Medicum haud recurrendum, nimis vulneratus exto, non adeundus Chyrurgus. Venite ad me omnes, qui onerati eftis, ait Salvator, ut me ad liberandum vos precemini, ut vo- his fuccurram, fint grandia licet, enor- mia, numero plurima peccata veftèra, fi dolore intimo tangimini, fi liberari vis, medium hoc aut motivum melius eft ad obtinendam DEI mifericordiam. Hoc faciebat David: Inops & pauper fum ego. Hoc publicanus agebat: DEUS propiti- us efto mihi peccatori. Hoc nobis ab Ecclefia*

*proponitur: Peccatores, te rogamus, audi nos.*

*Oportet femper orare. Quid ad Deum precandum te morabitur? ariditates atq; interiores ficcitates? Nunquam deficere. Ob id longo magis tempore magisq; af- fectuose rogandus Deus Salvatoris ex- emplo, qui triftitia adeo grandi oppref- fus, ut in agoniam fuerit reductus, tanta ariditate, ut fe compararit testæ. Aruit tanquam testæ virtus mea, factus in agoniam prolixius orabat. Preceftuæ id temporis funt meritoria magis ac Deo grata, mi- nus proprii in te amoris eft. Si dulcoribus his, teneritudinibus, ac fenfibilibus de- votionibus abundas, non mirum fi Deum preceris, hifce efceis alliceris. Aft hoc in faftidio atque internis derelictionibus confiftens, devotio tua purior extat.*

*Oportet femper orare. Quidnam te im- pediet? Non exaudit te Deus, percipere non videtur, te rejicit ac fe elongat, tanto petiifti tempore non bona peritura, fed virtutes, bonaque fpiritualia, nec obtines: Nunquam deficere. Hoc tibi perfeveran- di anfam præbet, atque ut diutius magis- que ferventer ores, cum tantum exaudi- tionem differt, fignum eft donum quod tibi daturus eft, excellentiffimum effe ac pretioffimum, etfi rejicere te ac degenerare videatur, te confpicit, intelligit, juxta te eft, perplacent ei devotiones tuæ, fi tar- dat, caufæ fubfunt, ut patientiam tuam exerceat, defiderium inflammet, perfe- verantiam probet, meritum augeat, fi fufcines, perfeveras, fi importunus extas, citius aut ferius exaudiet, porriget ma- num, defideria complebit, fuam hac in vita dabit gratiam, in altera glo- riam. Amen.*

*Pfal. 11.*



**SERMO**  
**SEXAGESIMVS OCTAVVS**  
 Pro Fetto sanctorum Apostolorum Petri, & Pauli.  
**DE JEJUNIO,**  
 ac sanctæ quadragesimæ Institutione.  
*Tu es Christus filius DEI vivi. Matth. 16.*

**EXORDIUM.**

**V**Ocem gratiose & suaviter canentem esse gratum nemo ignorat, fiet autem gravior, si ei accinas cithara, vel alio instrumento. Hinc David, ut speciosam valde DEO laudem caneret, cantilenæ suæ addidit citharam, Psalmo 42. Confitebor tibi in cithara DEUS, DEUS meus. Pulchra hodie fuit confessio sancti Petri, quam in hodierno Evangelio Christo suo dedit, verum fuit tantum vocalis, non instrumentalis, non fuit vox citharædi. Teste Beda, Remigio & aliis in illum locum, cantus citharæ significat carnis mortificationem. Non admodum sane difficile est DEUM confiteri voce, sed cum cithara confiteri, inter flagella, tormenta, mortificationes, hoc uti majoris est suavitatis, ita & meriti. Petrus hoc sciens in cithara, hoc est cruce voluit DEUM confiteri. Tu etiam ut confessio tua gravior sit DEO, non confitearis DEUM tantum vocaliter, sed in cithara, hoc est mortificatione carnis: Caro porro optime mortificatur per jejunium, de

quo agam ideo in hac concione, insinuando virtutes, quæ adjungi debent jejunio, ut gratum sit.

*Convertimini ad me in toto corde vestro, in jejunio, & fletu, & planctu.*  
Joel. 2. 14.

**I.** Sanctus Archangelus Raphaël, venerando loquens Tobiae, dicebat, orationem nostram ut celos penetret ac DEO grata existat, duabus alis jejunio & eleemosyna debere sublevari: *Bona est oratio cum jejunio & eleemosyna.* Universalis in Ecclesia jejunium, solennius ac continuum est illud sanctæ Quadragesimæ: Quapropter non inconueniens mihi videtur ex fundamento id tractare, ut exacte deinceps ac religiose id servandi constantes atque inviolabiles capiatis resolutiones, ac si culpa vestra violaveritis, doleatis. Primum itaque his in discursibus strictas jejunandi obligationes visuri sumus, dein dispositiones ac virtutis praxin, jejunium concomitantes audituri.

Ate illas, ô Virgo sacratissima, ad discere ac recipere convenit. In Canticis di-



cis dicebas: *Ascendam in montem Myrrhae, & ad collem thuris*: Myrrha in Scriptura mortificationis est symbolum, orationis hyeroglyphicum est incensum, quam diu in terris commorata es, vita tua non nisi jejunium extitit perenne, continua Spiritus in DEUM elevatio & applicatio, idque his in exercitiis, in austeritatum rigore, in fervore orationum, in quibus coeli te Legatus comperit, te salutans, *Ave Maria*.

Idea Sermonis.

*Institutio & obligatio jejunii Quadragesimalis probatur & commendatur, primo Scriptura, secundo Patribus & Conciliis, tertio Rationibus, quarto Responsione ad objectiones carnalium. Nempe, quod jejunium non nocet sanitati. Et quamvis noceret, esset licitum, quinto Exemplis.*

II. **I**lli, qui adeo sensuales extant, ut oris oblectamenta Ecclesiae anteponant praeceptis, in cecitate adeo horribili ac deploranda miseria existunt, ut Spiritus sanctus, quod corpore carens plorare non posset, oculos ac lachrymas ab Apostolo mutuas sumpsit, ut infelicitatem adeo extremam, ut meretur, deploraret. *Multi ambulant*, inquit S. Paulus, *quos saepe dicebam vobis, nunc autem & flens dico, inimicos crucis Christi, quorum DEUS venter est, quorum finis interitus, & gloria in confusione ipsorum. Interitus sane aeternus, non puerorum lusus est, animae concernit salutem. Ciborum abstinentia ac quadragesimale jejunium non simplex consilium est, supererogationis opus, praeceptum est opus obligationis, praeceptum est à DEO Ecclesiae datum. Ad Romanos scribit S. Paulus:*

Phil. 3. 18.

*Omnis anima potestatibus sublimioribus subdita sit, non est enim potestas, nisi à Deo, quae ordinata sunt, itaque, qui resistit potestati, Dei ordinationi resistit, qui autem resistunt, ipsi sibi damnationem acquirunt. Et ad Hebraeos inquit: Obedite Praepositis vestris, & subjacete eis, ipsi enim pervigilant, quasi rationem pro animabus vestris reddituri. Quam admirandum respectum, quam submissionem vult, ut Pastoribus exhibeamus, subjacete eis, ὑπακούετε, id est, humiliemini, prosternite vos, coram ipsis in terram provolvamini: non sic loquitur, dum de honore atque obedientia filiorum, quam parentibus debent, inquit. Clamare non desinant Haeretici, Quadragesimam hominum esse praeceptum, sic: at non dicitis mandasse DEUM, ut hominibus obediamus? Cum filio praecepis, ut talem in locum se conferat, ejusmodi perficiat opus, an non merebitur favorem respondendo: Pater mi, DEUS, non es, homo es, praecepta hominis tua sunt verba, DEO obsequendum, in DEO mandatis ejusque verbo talem adeundum esse locum, simile opus peragendum haud reperto. Non: at in Scriptura legitur, Patri ac Matri obedientiam esse praestandam. Age, DEUS idem, filio, tibi ut pareat, mandans, idemmet in Scriptura aequè expresse atque instanter praecepit, ut Ecclesiae obedientia praestetur. *Qui Ecclesiam, ait, non audierit, sit tibi sicut Ethnicus & Publicanus. Ethnici Deum haud cognoscentes, an non damnabuntur? Equis ambigit? S. Paulus id Thessalonicensibus scribit: In flamma ignis dant is vincti ambis, qui non novērunt Deum. S. Joannes in Apoc. Incrudelis, pars illorum erit in stagno ardenti**

Rom. 13. 12

Hebr. 13. 17.

Matt. 17. 17

Apoc. 21. 8.



*igne & sulphure, quod est mors secunda.*  
*In Evangelio Salvator: Qui non credide-*  
*rit, condemnabitur.* An vobis constat,  
 si Ecclesiæ non pareatis, aque certo ac  
 Ethnicis vos esse damnandos? Jam non  
 jejunare, si legitime non excuseris, est  
 Ecclesiæ inobedientem esse, est præcep-  
 tum transgredi Apostolicum, Apostoli-  
 cum dico mandatum, non enim hodie in-  
 stitutus hic ordo est, non Episcopi, nec  
 temporis illius Papæ jejunium præcepe-  
 re Quadragesimale, Jesu ii sunt Apostoli,  
 aut, ut melius eloquar, per Apostolos  
 Jesus.

III. Ad veritatem hanc veterum au-  
 thoritate Patrum probandam, integras  
 huc deferre oporteret Bibliothecas:  
 verum, quod dicat Jesus, in ore duorum  
 aut trium testium stare omne verbum,  
 tria quatuorve, trium mundi partium  
 Africa, Europæ & Asiæ testimonia ad-  
 ducam, ubi clare visuri estis, in Ecclesia  
 primitiva, quatuor primis durantibus  
 sæculis, non quadragesimam solum ef-  
 se celebratam, cum adhuc sermones su-  
 persint, quos de die in diem instituere  
 Patres, velut S. Chrysostomi *Tom. 1.*  
*Homil. in Gen. S. Augustini, Serm. 64. &*  
*seq. de tempore:* Sed & indubitatum fuisse,  
 peccatum ac in Quadragesima non jeju-  
 nare præcepti esse transgressionem. In  
 Africa quartum Carthaginense Conci-  
 lium, cui S. Augustinus interfuit, inquit:  
 Clericus omnis, absque inevitabili ne-  
 cessitate jejunium frangens deponatur,  
*Canone 63.* Tertullianus in errorem  
 Montani lapsus, volentis tres institui  
 Quadragesimas, in Catholicos, quos  
 sensuales appellas ac brutales quod ter-  
 nas hasce Quadragesimas observare re-

nuerint, librum conscripsit: ubi obje-  
 ctionem ab iis sibi factam refert, extra  
 Quadragesimam nempe ab Apostolis  
 ordinatam, cum à sponsa Ecclesia in  
 morte ac passione sublatu esset spon-  
 sus, reliquas Quadrag. voluntarias esse  
 ac devotionis, quodve Apostoli præter  
 hanc aliam non imposuerint Quadra-  
 gesimam, *Tertull. de jejunio, contra*  
*Psychicos cap. 1. & 13.* Idem in Euro-  
 pa ait S. Hieronymus, de Montanista-  
 rum enim novitate loquens, ait tres il-  
 los observasse Quadragesimas, quasi  
 tres passi fuissent Salvatore: verum  
 nos, inquit, secundum Apostolicam  
 traditionem, non nisi unam servamus,  
 non quod toto jejunare anno vetatum  
 esse opinemur, excepto à Paschate usque  
 ad Pentecosten: sed aliquod aliud sit ne-  
 cessitate, aliud voluntate munus offerre,  
*cap. 54. ad Marcellam.*

In Asia sanctus Basilus expresse de  
 hoc verba faciens, ait. Et exercitus,  
 viatores, nautæ, & negotiatores jejunii  
 edictum cum gaudio excipiant, *Orat.*  
*2. de jejunio.* Concilium Gangrense  
 in Paphlagonia ordinavit, ut qui absque  
 necessitate corporali jejunium per tra-  
 ditionem acceptum, & ab Ecclesia ob-  
 servatum, ratione utens, violaret, sit ana-  
 thema, *Concil. Gang. 19. circa annum*  
*774.* Et sanctus Gregorius Nazianzenus  
 Præfectum nomine Gelusum reprehen-  
 dens, ei dicit, jejunium dispensando in-  
 juriam legibus inferens, qui divinas con-  
 temnens observabis humanas? *Epist. 74.*  
 Atque ut noveritis, quam jejunarint  
 austere, legendus est sanctus Chrysosto-  
 mus, dicens à vino illos abstinuisse, *Ho-*  
*mil. 6. ad pop. sub finem.* Concilium



Laodicense, in Phrygia, sub sancto Silvestro c. 50. docens Xerophagias observatas, id est, abstinuisse non à carnibus solum, ovis, piscibus, sed & fructibus, nisi fuerint exsiccati: non abdicanda est, inquit, à Quadragesima quinta ultimæ septimanæ feria, nec dedecoranda Quadragesima, aut utendum Xerophagiis, Quadragesimâ tota jejunandum. Et Tertullianus contra *Psychicos*, cap. 1. Observamus Xerophagias, carnibus abstinemus, jusculis, ac pomis recentibus, nihil edimus, aut bibimus quod vinum redolet. Atque ut noscamus, quàm religiosas hæc observantias custodierint exactè, legenda sunt martyris S. Fructuosi Tarragonensis Episcopi acta, apud Surium 21. Januarii. & Baron. ann. 261. Ibi visuri estis, qui magnus hic Sanctus è carcere ad mortem prodiens ut vivus combureretur, cum de more parum vini aromatici, ut animum ac vigorem conciperet, ei præstaretur, abnuvit dicens: Nondum bibendi aut edendi tempus est, sollemniter in carcere quartæ feriæ stationem observamus, totius namque anni decursu omnibus Mercurii diebus jejunabant, quòd die illâ Sacerdotes ac Pharisei concilium inerint, ut Salvatorem dolo tenerent atque occiderent; Et tu ipsâ in Quadragesimâ non jejunabis? & cum ebrius fueris, atque inturpitudinibus ac deliciis sensualibus te volutâris, die jovis sancto ad Communionem accedere præsumes?

IV. Non strictum nimis jejunii præceptum comperies, si parum quid tibi sit intellectus, ut rationes, quæ Apostolos

atque Ecclesiam, ut Quadragesimam ordinârint, induxerunt, perpendas. Id factum primò, ad commemorandum atque honorandum Salvatoris in deserto quadraginta dierum spatio secessum ac poenitentiam; honorandum, inquam, per imitationem, pro posse nostro exiguo; S. enim Paulus dixit prædestinatos debere ipsi fieri conformes. Et ipsemet apud S. Joannem inquit servos suos se sequi atque imitari debere, ut secum aliquando cœlorum regno potiantur, In quo eum sequi atque imitari? non prædicando aut miracula patrando, at jejunando, ac pro Dei amore patiando: Apostolus ejus expressè declarat: *Exhibeamus nos sicut Dei ministros in jejunis, vigiliis, laboribus, & aliis virtutum exercitiis*, Nota, in jejunis, non semel, aut bis in anno, ut subindè faciunt Hæretici, verum compluribus diebus, ut Salvator, exemplo nobis præluens.

Deindè instituta est Quadragesima pro conversione animarum, ad conscientias nostras à peccatorum sordibus per poenitentiam purificandas, atque hac sanctificatione nos ad Dei Filium in Eucharistia dignè recipiendum disponamus. Propheta Joël ait ad veram conversionem utilissimum esse jejunium, *Convertimini ad me in jejunio, in fletu & in planctu.*

Ad hæc Quadragesima instituitur ad celebranda parentalia, exequias ac dolorem anniversarium ob Salvatoris mortem. Spiritus Sanctus funeralia à conviviis distinguit, *Melius est, inquit, ire ad domum luctus, quàm ad domum convi-*



Matth. 9. 15 *Matth. 9. 15* vii. Conquerentes vice quadam Scribæ ac Pharisei Filio Dei, quod Discipuli ejus minimè jejunarent, respondit: *Nunquid possunt filii Sponsi lugere, quàm- diu cum illis est Sponsus? Venient autem dies, cum auferretur ab eis Sponsus, & tunc jejunabunt.* Ecclesia Sponsi sui in Quadragesima mortem deplorat, quæ circa id tempus contigit; an non benè filiis mandat, ut matri se conforment, ut dum dolet, tristentur, ut secum poenitentiam agant, ut, dum Sponsi sui in crucem acti absentiam deflet, illi jejunent?

V. Dixit S. Paulus in principio, gulosos suo de ventre formare Deum, suntque eloquentissimi ac zelosi, ut industriè pro defensione suâ causam agant; Pugnant pro aris & focis, pro Deo suo ac culinâ configunt. Epicuri conqueritur discipulus, à proprii amoris partibus consistens, atq; ut se justificet replicans, quòd dum jejunat, non benè adedò dormiat, quòd ægrè ad prandium sumendum præstoletur undecimam, vitæ nos dominos haud esse, abstinentiam ac reliquas austeritates debilitare corpus, sanitati officere, progenerare infirmitates, abbreviare vitam, ac per consequens jejunare, aliasque assumere mortificationes, esse contrà naturam agere, ac sui ipsius existerè homicidam. *Responde stulto secundum stultitiam ejus, ne sapiens sibi videatur.*

Cùm jejunas, benè dormire nequis: credo equidem, idedò jejunium est institutum, ne longo tempore dormias, atque ut ad orandum, aliaque Christiani exercitia sis expeditior. Undecimam expectare nequis, consueque jejunare tibi diffi-

cilè accidit? Sit ita, & arbitraris jejunia hunc in finem esse, ut tibi præbeant oblectamenta? an non potius, ut te affligant? non igitur adire Paradysum appetis, nì via holoserica extet, nì rosis ac floribus sit strata? Et ubinam Christianismi lex, mortificationis lex ac crucis? Et quid sibi volunt Sancti Petri verba: *Christus passus est pro nobis, vobis relinquens exemplum, ut sequamini vestigia ejus?* Et illa Sancti Pauli: *Si compatimur, conregnabimus, ac cum eo glorificabimur.* Et Salvatoris illa: *Qui vult venire post me, abneget semetipsum ac sequatur me.* Luc. 9.

Annon præclarum foret militem conspicere dicentem: Nolo hisce morari in campis, non ita hic velut in patriâ atque hospitio tractor, semper expectandus fistulæ ferreæ ictus, vigilandum noctu ad agendas excubias, sufferendum est armorum onus. *Quid armorum refugis pondus & asperitatem, delicate miles?* diceret Sanctus Bernardus. *Omnis, qui in agone contendit, ab omnibus se abstinet: & illi quidem, ut corruptibilem coronam accipiant, nos verò incorruptam.* Abstinentiam inquis evertere corpus, abbreviare vitam? Ecclesia, jus Canonicum, boni Medici, ratio, experientia contrarium docent: Ecclesia in oratione Sabbathi primi Quadragessimæ, inquit: *Ut hoc solemne jejunium, quod animabus corporibusque sanandis, salubriter institutum est.* Et in Gratiani decreto habetur, *Cap. quidquid & c. legimus de consecr. distinct. 5. complures podagrâ & articulari morbo laborantes, & abstinentes, coactâ hac diatâ fuisse sanatos.* Omnes boni Medici tibi occinent, si ob jejunium unus infirma-



firmatur, quinquaginta propter intemperantiam pereunt. Doctus Fernellius asserit, lib. 3. *Methodic.* II. lib. 1. *de morborum causis* c. 14. ægitudines plurimas incurabiles solo sanari jejunio. Ratio evidens est, quia, ut alibi Fernellius inquit, omnis cibus, quantumvis bonus, qualitatem quandam habet malignam, ac dispositioni nostræ contrariam, aut ad minus fræcem nonnullam nobis officientem, *Et teritur, & teritur.* Et licet aliæ morborum causæ, ut aëris intemperies, atque influentiæ astrorum quandoque magis sint activæ, nihilominus isthæc longiori tempore in corpore remanet, adhæretque viciniùs, majori robore in id pollet, atque ampliorem vitiosorum ac peccantium humorum materiam subministrat. *Jejunium vero, ait Athanas.* Lib. de virginit. post initium. morbos sanat, distillationes corporis exsiccat, demones fugat, cor mundum efficit, corpus sanctificat, ad thronum Dei hominem sistit. Adhæc per experientiam noscitur, magis sobrios atque abstinentes Religiosos, austeritate confectos, ordinariè vitam protrahere: S. Martinus octoginta & uno vixit annis, rigidam continuò vitam agens. S. Maurillus Episcopus octoginta & decem. S. Hieronymus centum. S. Antonius centum ac quinque, S. Pacomius centum & decem. S. Arsenius & S. Romualdus, eorum quivis centum viginti, vixit annis. Posteriori sæculo S. Carolus Boromæus ab ætate minori catharum contraxit, qui eum valdè molestabat, taliter abstinentiis eum exsiccat, ut ab eo liber omninò evaserit, ut adhuc Mediolani proverbium floreat, Catharorum remedium S. Caroli Recipe, be-

nè laborare atque abstinere. Ac sæculo nostro devotissimus & sanctissimus Prælatus Alanus de Solminiaco, Episcopus, qui anno 1660. è vivis excessit, cum aliquot annis pane & aquâ vitam sustentasset, viginti post annis indies unicam sumpsit refectionem, absque carne, ovis, piscibus, pane, herbis, leguminibus, paucâ aquâ rubra pro potu contentus, singulis diebus hora secunda manè surgens, quatuor horis mentaliter orabat, continuè suam invisit Diœcesin, sæpe numero visitatione durante binis de die vicibus prædicando, ac nihilominus in complures annos vitam protraxit.

Audite experientiam à Sacra Scriptura allatam: Cum Nabuchodonosor Rex Palæstinam intercepisset, captivum duxit in Babyloniam nobilissimæ juventutis florem, atque inter cæteros Danielem, Ananiam, Azariam, Misælem: honorarios inter Ephœbos enutriti illos præcepit, ut nulla in eis esset macula, sed formâ decori, constituitque eis Rex annonam per singulos dies de cibis suis, & de vino, undè bibebat ipse, ut enutriti tribus annis, postea starent in conspectu Regis. Ipsi ad jejunia assueti, bonam hanc consuetudinem noluerunt perdere, rogâruntque Eunuchorum Præpositum, ne lautè adeò tractarentur, ut sine-ret eos jejunare secundum consuetudinem. Ita: Sed timeo ego Dominum meum Regem, qui constituit vobis cibum & potum, qui si viderit vultus vestros macilentiores præ cæteris adolescentibus corvis vestris, condemnabit caput meum Regi. Tenta nos, obsecramus, servos tuos diebus decem, & dentur nobis



nobis legumina ad vescendum, & aqua ad libendum, & contemplare vultus nostros, & vultus puerorum, qui vescuntur cibo regio, & sicut videris facies cum servis tuis. Qui audito sermone huiusmodi tentavit eos diebus decem, & apparuerunt vultus eorum meliores & corpulentiores præ omnibus pueris. Hic admirari licet providentiam DEI, & abstinentiæ efficaciam. Ex quo sanctus Athanasius, *lib. de virgin. post initium*, concludit: *Si accedant aliqui, & dicant tibi, ne frequenter jejunes, ne imbecillior fias, ne credas illis, nec auscultes; per istos enim inimicus hac suggerit.*

Sic indies cernitur in claustris, Religiosos communibus cibis esse contentos, ac vegetos effici, cum alii singularitatibus dediti conspiciuntur esse valetudinarii. Dat gratiam cuius sua invocatione DEUS: Capucini peculiarem paupertatis habent gratiam: Minimi, abstinentiæ, Carthusiani solitudinis gratia donantur, gratiam ajo, cum cordis lætitia rigores hosce perferendi. Ita cum Christianorum sit vocatio abstinere in Quadragesima, immiscet DEUS juniorum cibis, nescio quam dulcedinem, ut æque contenti sint atque incolumes, ac Hæretici, & Catholici sensuales.

In Chronica Ordinis Cisterciensium refertur, certo quodam in Monasterio exacter rigorem Régulæ, jejunium ac ciborum abstinentiam imperantis fuisse observatum, cumque Religiosus quidam, stomachi prætendens debilitatem, particulares sibi præparari cibos face-

ret, die quodam cum reliquis mensæ affluens, vidit sanctam DEI Matrem, duabus aliis Virginibus associatam, in manu vasculum admirabili succo plenum gestantem, quem cum cochleari in cuspisvis Religiosi portionem infudit, cumque ad sensualem hunc Religiosum venisset, eo relicto pertransiit, quod cum obstupefceret, inquit ipsa: Non decet, ut hac fruaris dulcedine, cum non contentus sis communitatis esculentis.

Verum supponamus jejunando debilitari sanitatem, quenquam abbreviandæ vitæ discrimini se exponere, annon jejunare permissum? Profectò, Ecclesia dulcis ac pia Mater, filiorum infirmitatibus condescendens, ni absque damno notabili fieri queat, ad jejunium illos haud obligat: at quempiam jejunare non posse, vigilare, cilicium aliasque austeritates perferre, cum Directoris sapientis consilio ad incitas redigendam carnem, præcipue cum recalcitrat, bonus Theologus nunquam dicturus est, nec dicet unquam Doctor bonus, licet probabiliter quis crederet poenitentiam ejusmodi corpus debilitaturas. *Vim vi repellere licet*, Si caro spiritui resistit, atque escis suis, ut vitam perdat æternam efficere nititur, ecurr anima resistere non valebit, & aliquantulum vitam abbreviare temporalem? Si caro offensiva arripit arma, cur non anima apprehendere queat defensiva, ac dicere, velut Anachoreta Evagrius. *Quiescat illa, & ego quiescam?* Si animal hoc recalcitret, quare severitatem adhibere, atque avenam subtrahere non licebit, ac cum S. Hilarione apud S. Hieron. dicere:



dicere: Ego, aselle, faciam ut non calcitres, ego de paleis & fove conficiam.

In Jurisprudētia praelata movetur ad propositum meum apta quæstio: e. c. Domus tua, mea contingua incenditur, vereor, ne si augeatur incendium, ignis in meam prorepat, hoc casu an ut ædes tuas dejiciam, diruamque, mihi licitum? ac si id egero, an ad restitutionem teneor, an actioni locus erit, quam *Legis Aquilæ* appellant, ut damnum reparetur? Dubitarunt Doctores quidam, ac dixere, Urbis Magistratui, ut domum ad impediendam flammis viam, diruant esse permittum, non ita privato. Nihilominus Ulpianus post Servium aliosque Doctores, decidere, hoc in casu dejicere me ædes tuas posse, quod si actionem intentes, exceptiones ad defensiones proponere valebo, rationes, quas adferunt, peremptoriæ sunt ac relevantes. Primum ait Ulpianus, domum tuam, ne mea conflagret, dejiciendo justus mihi ac rationabilis metus, non invidia ducor aut malevolentia, aut desiderio quod meum conservandi idque jure defensionis justæ, ut glossa ait: Justo metu ductus, ne ad se ignis perveniret, vicinas ædes intercidit. l. si quis fumo. §. quod dicitur, ff. ad legem Aquiliam.

*Tunc mea res agitur, paries cum proximus ardet.*

Deinde, ait idem, cum ædem tuam flagrantem dejicio, damnum tibi non infertur, etenim de se flammis absumentum foret. Nullam injuriam aut damnum dedisse videtur, æque peritu-

rus ædibus. l. si alius, §. est & alia quæstio ff. quod vi, aut clam. Quoad hoc subjectum, dico idem. In ætatis es flore, in juventutis aut virilitatis ardoribus, lubricitatis ignem corpus tuum concipit, concupiscentiæ æstus id inflamat,

*Et mollis flamma medullas,  
Et cæco carperis igni.*

Nihil corpori tuo vicinius est anima, si augeatur ignis, timendum, ne venereo ardori consentiat, ac ne in flammam inde ruat infernales. Quid factura? Debet sane ac justissime potest non corpus quidem destruere, verum evertere, debilitare, ac jejuniis aliisque mortificationibus macerare, id agendo, injustitiam haud committit, ne oppressionem tyrannicam. *Justo metu ducta*, vicinas ædes intercidit:

*Tunc sua res agitur.*

Metus ejus admodum rationi conformis est, si ingluvie corpus foveat, ab igne hoc temporali in flammam perennes deturbabit. Ac deinde ei injuriam non infert, æque perituris ædibus. Oportet quoque, ut, ni anima corpus mortificet, pereat, illamque lubricitatis ardor infamibus morbis destruat: gula, ebrietas, alique excessus, & exorbitantiæ debilitabunt magis, vitamque abbreviabunt, plusquam cætera austeritates, ac non modo anima corpori, id jejunare faciens, nullam injuriam infert, verum hoc sibi devincit, à poenis rebellionibus promeritis eximit, nihil enim adeo DELiram sedat, nec vindictæ flagel-



flagella avertit, ut jejunium aliæque corporis macerationes, è vera conversatione ac compunctione cordis procedentes.

VI. Testes Ninivitarum. Horrendum, non tanto lumine ac spiritu Hæreticos, ut miserabiles Pagani, esse præditos; Jure Dei Filius dicet, quòd in judicii die ingentem hanc insurgent, eamque sint damnaturi. Non eis prædicat Jonas, ut jejunent, ciliciis induantur, pœnitentiam agant, at solum inquit: *Quadragesima dies, & Ninive subvertetur.* Ac nihilominus Gentiles cuncti lumine illo præditi erant, ut cognoscerent, ad placandum Deum jejunio opus esse ac pœnitentiâ. Jejunium adeò generale atque austerum publicavêre, ut à maximo usque ad minimum, à Rege ad Opificem, imò & bestiaribus diebus, totidemque noctibus, absque cibo ac potu, jejunio corpus affligerint. Si talia præciperet Ecclesia, obgannirent Hæretici, atque inhumanam proclamarent, & nihilominus Creator edictum hoc approbat, ac jejunantium peccata dimittit. Paucis, si austeritates mortem accelerant, Anachoretas veteres, magnamque primorum Christianorum partem, indies penè solo pane & aqua se enutrientiù damnare oportebit, insuper & Capucinos omnes, Recollectos, Carmelitas discalceatos, Minimos, Benedictinos, Carthusianos, carnem nuditate, vigiliis, abstinentiis, ciliciis, aliisque pœnitentiæ operibus macerantes: Oportebit damnare Salvatorem, qui noctu in Olivarum monte pervigilerat, atque adeò pœnitentiarum rigoribus corpus affligerat, ut triginta extans annorum, quinquagesimum attigisse annum opi-

narentur. *Quinquaginta annos nondum habes.* Ac nihilominus ejus Apostolus cum affectione nos hortatur, ut ipsius imitemur exemplum. *Exhibeamus nosmetipsos sicut Dei ministros, in multa patientia, in longanimitate & suavitate, in verbo veritatis, in castitate, in jejniis, in charitate non ficta.* Ioann. 8. 57.  
2. Cor. 6. 4.

## PUNCTUM SECUNDUM.

*Virtutes jejunio socianda patientia, mansuetudo, verbum veritatis, castitas, charitas.*

VII. **E**CCE virtutes ac dispositiones jejunio sociandas, quadragesimali tempore, ut S. Matris Ecclesiæ intentionibus conformemur, in praxin redigendas. Sacri temporis hujus initio inquit: *Deus, qui Ecclesiam tuam annua quadragesimali observatione purificas; Quadragesima purgatio est generalis à JESU toti mystico corpori ordinata.* Plura exercitia ac virtutum practicæ ad purgationem hanc concurrunt, jejunia, vigilia, solitudo, silentium, preces, Elemosynæ, *Exhibeamus nos sicut Dei ministros.*

VIII. *In multa patientia.* Dicis jejunium te observare non posse, quod foemina es prægans, aut nutrix, fructui tuo nocitura: Ita ait S. Chrysostomus *hom. 12. ad populum*, Deus te excusat: ast aliud jejunium expetit, ut ab ira abstineas; abstinentia hæc fructui, quem portas, injuriam haud infert: è contrà nimium ardens cholera multum ei nocere potest, atque efficere, ut sine Baptismo obeat.

IX. *In longanimitate & suavitate; Deo tibi*



Ann. 3 57.

Cor. 6. 4.

tibi in iudicio dicente, eccur minùs jejunaſti? forte respondebis: Stomachi debilitate laboravi, hemigrania fui ſubjectus: Equidem, ſi vera proſariſ, excuſationem hanc recipiet Deus, aſt quidnam reſponſurus es, dum replicabit: & quam ob rem non indulgiſti inimico? cur odium in pectore ſervaviſti? Si dulce proximo verbum fuiſſes locutus eum ſalutando, an oris exinde tormina aut capitis debilitatem eſſes perpeſſus?

X. *In verbo veritatis.* Infirmus es, præcipitur tibi, ut carnes edas, obedi Medico ac Confefſori, aſt de prohibitis ſumere noli: Vereor admodum, nè plures hac in urbe reperiantur Veneris Sancto die edentes, non illam quidem coctam, at crudam humanam carnem, per maledicentiam ac detractiõnem, ita loquitur Scriptura, *Dum appropiant ſuper me nocentes, ut edant carnes meas*, ait Propheta *Pſal. 26. 2.* Regius. Et Sanctus Job. *Quare perſequimini me, & carnibus meis ſaturamini?* Ducis tibi conſcientiæ in fruſtum carnis animalis demortui inſigere dentem, nec ſerupulo angeris, vivam proximi carnem calumniis ac murmuratiõibus dilacerans? Horres linguam occiſo animantis ſanguine madefacere, illam tamen tam impudenter perjuriis ac blaſphemiis pretioſo Agni immaculati ſanguine humectare non vereris? Satiùs foret in Quadrageſima agnum manducare, quam vel ſemel blaſphemare.

XI. *In caſtitate.* Non ore ſolùm jejuna, non tantùm hoc Deum offendit, omnia corporis tui membra jejurent: oculi, tactus, cogitationes laſcivæ cibi

ſunt carnales, ſemper ac præcipuè in Quadrageſima ſunt prohibiti: qui non jejuna, unum per diem tantummodò crimen committit, qui cogitationibus impuris conſentit, plura ſubinde quàm decem patrat.

XI. *In charitate non ficta.* Omnes SS. Patres inquirunt, non modò ad affligendum corpus inſtitutum eſſe jejunium, ſed ad ſolandos pauperes, ad eleemoſynas elargiendas, viſitandos inſirmos, aliaque charitatis ac miſericordiæ opera exercenda: *Fiat reſectio pauperis, abſtinentia jejnantis.* Aut in Quadrageſima jejunas, aut non: Si jejunes, pauperibus dandum, quod in coena eras conſumpturus; Sin minùs, cùm DEO per abſtinentiam honorem non exhibeas, per corporalem aut ſpiritualem miſericordiam præſta. Ingenioſum valdè ac Chriſtianum Veteris cujusdam reperio inventum, ægrè ſervata ab aliis jejunia colebat, pauperem ut unà ſecum ederet, invitavit, dicebatque, ſi DEI Filius in iudicio mihi dicturus eſt, Quare adeò manè jentaculum ſumpſiſti? dicam, unà mecum id ſumpſiſti: Fac, ut ipſe, forſan quædam ægritudinis incommoditas quoad jejunium tecum diſpenſat, aſt metuis, ne ipſe tibi blandiaris, pauperi cuidam inſirmo jentaculum ablega, ut dicere tibi queat Salva- tor: *Eſurivi, & dediſti mihi manducare.* In jejunio, in charitate; Sic ex charitate adverſus proximum, adverſus DEUM, non per motiva terreſtria jejunandum eſt. In Evangelio nobis DEI Filius inquit, *Cùm jejunas, faciem tuam lava*, id eſt, intentionem purifica, ne jejunes panis buccellati placentalis,

ut



ut bellè valeas, necut avarus, quò im-  
penſis parcas, ac crumenam farcias:  
verùm Chriſtiani obſerva jejuniũ, ut  
Eccleſiæ obedias, plura pauperibus be-  
nefaciendi media habeas, complura  
opera bona præſtes, ſpiritus ut ad pre-  
candũ fit promptior, juſtitia DEI

ſatisfacias, JESU morti condoleas, ad  
Paſchatis Communionem te diſponas,  
ut JESU in deſerto jejuniũ imite-  
ris, ut ejus in terra pœnitentiis associa-  
tus, cum illo in Cœlis voluptatis  
torrente ſatiari merearis,

Amen.



# S E R M O

## SEXAGESIMUS NONUS

pro Festo Sancti Jacobi Apostoli.

De Eleemosyna.

*Accessit ad eum Mater filiorum Zebedei Matth. 22.*

## EXORDIUM.

**F**estivitates Sanctorum esse institutas, ut eos imitemur, in dubium trahi nequit. Agimus hodie festum Sancti Jacobi, illud optimè celebrabimus, si conemur esse fratres Jacobi, Jacob. Genes. 25. est nomen, quod dedit Isaac filio suo, qui in ortu suo tenebat plantam fratris sui Esau, & significat supplantatorem bonorum temporalium: Verùm Esau Genes. 27. illud nomen in malam partem traxit, volens illud esse deceptorem. Nos ergo debemus esse Jacobi primo modo, non secundo: erimus autem tales, si supplantemus bona temporalia, illa consternamus, & spernamus largas eleemosynas elargiendo, non erimus autem in secundo sensu, si non decipiamus, hoc est, si illas non elargiamur ex bonis alienis, sed ex propriis. Occasione hujus agam hodie de Eleemosyna, ostendendo, quod illa fieri debeat ab omnibus electis & iis qui volunt videre Deum, & quod facienda sit ex propriis bonis, & non alienis.

*Peccata tua eleemosynis redime.*

Daniel. 4.

**I.** Tertium Satisfactionis opus peccatorum nostrorum debita exsolvens, Dei iram placans, ac preces nostras ad ipsum conscendere faciens, praxis est

misericiordiæ; cùm virtus hæc in aliquibus naturalis sit atque humana, Supernaturalis in aliis ac divina; conducit ejus perpendere circumstantias, ut meritoria sit ac perfecta. In binis hoc Prædicationibus efficiemus. In hodierna visuri sumus, quis, de quo, & quomodo Eleemosynam sit factururus. Si verum est, quod inquit Scriptura, Deum esse misericordiam, jure misericordiæ vocaris mater, ô sacratissima Virgo, cum sis Dei para. Afficiuntur matres iis, qui ejus filios adamant, actu teneritudinibus atque affectionibus peculiaribus ad animas misericordiæ virtutem diligentes, moveris; Cumque nobis apud Sapientem inquis: *A generationibus meis implemini, ut fecundi ad misericordiæ opera reddamur, nos exhortaris: Hoc est, quod per Filii tui gratiam, quam te salutando imploramus, præstare nitimur, Ave MARIA.*

Idea Sermonis.

## EXORDIUM.

*Deus precipiendo Eleemosynam ostendit suam potentiam, sapientiam, bonitatem, providentiam.*

**II.** *Beatus homo, quem tu erudieris, Domine, & de lege tua docueris eum. Declaratio sermonum tuorum illuminat, & intellectum dat parvulis. Sacra hæc Regii Prophetæ verba, atque alia mil-*



le similia, in Psalmis resonantia, subiectum nobis cum S. Augustino præbent dicendi, quod *Thronus imperantis, est cathedra erudentis*; Non aliâ probatione, quàm præcepto nobis dato opus, ut in egenos simus misericordes; Si enim vita æterna in Dei cognitione sita est, ut ipse inquit, hoc charitatis præceptum non faciliorem solùm ac tutiorem vitæ æternæ viam, in qua Deum de facie ad faciem sumus visuri, nobis exhibet, sed & vitæ illius attributa incomprehensibilia, ac perfectiones divinas commonstrat.

Cùm Eleemosynam nobis præcipit Deus, potentiam suam, jurisdictionem summam, atque in omnes terræ divitias ac possessiones, quorum Dominus est & proprietarius, dominium absolutum demonstrat: Sequestre tantum prætorii, vectigalium redemptores, villici ejus ac dispensatores: nos coactores sumus, œconomi, thesaurarii: *Homo quidam erat dives, qui habebat villicum.* Dominus quispian se Villæ magistrum demonstrat, dum eam possidenti mandare valet, tot frumenti mensuras da huic, isti tantum hordei porrige. Cum ad te pauperes dirigit Deus, habesque ad ipsos succurrendum media, præcepta isthæc sunt, ab eo data, ut amicis suis bona ad se pertinentia distribuas.

III. Exhibet sapientiam. Rex aut Status Minister intellectum suum patefacit, prudentiam atque industriam, dum jacentia erigit commercia, ut ditescat Regnum; Inventiones reperit, vias faciles accommodas in negotium longè distitas mittendi Provincias, ut quæ subditis deficiunt, adferatur; ac quibus abundant

divendant: Quid à Cælo terrâ magis diffitum est? quid terræ amplius necessarium, ac bona cælestia? quod itaque commercium magis optandum, at plûs difficile, ac negotiatio Cælum inter ac terram. En, si lubet, admitandam Sapientiæ Dei inventionem; numulariam in mundo mensam instruxit, quâ mediante efficere potes, ut quæ in terris bona possides, habeat Cælum, gratiasque millies pretiosiores, quàm id, quod illuc ablegasti, recipias; Pauperes sunt *Numularii Christi*, inquit Sanctus Salvianus.

IV. Bonitatem atque amorem gratuitum demonstrat. Testamur affectionem iis, qui nobis exhibere valent obsequia, aut esse adjumento, magnatibus, divitibus, potentibus, quive cæteris auctoritate præstant; Dei Filius aliter planè agit, teneritudinem ac peculiarem in pauperes personas miserabiles, ac derelictas habet inclinationem. Provinciæ cujusdam Gubernatore iter adornante, si pauperes Urbis commendaret Magnatibus, diceretque: Domine Præsident, curam habet processus hujus viduæ; Domine Thesaurarius, orphanum illum vicinum tibi commendo; Quæ bonitas, diceretur, quæ pietas? quis charitatis excessus? Hoc est, quod Dei Filius, priusquam è mundo migraret, egit; in vigilia mortis extrans nostrum cuiusvis pauperes commendavit omnes, Domine Canonice, Consiliarie Tibi dixit: Quid quid infirmo huic, captivo isti præstiteris, mihi feceris. An non id est suam declarare bonitatem? Exhibet adhuc.



V. Providentiam, ex malo bonum, de tenebris lucem, aquam de petra, de tribulatione auxilium elicere valentem, *Auxilium*, de tribulatione. Bonum adeo Patrem familias agit, ut inutilia magis, magisq; abjecta vilia contempta ac contemptibilia veliterigere, paupertatem, miseriam, infirmitatem sublevare atque incommoditatem. Si quis Ethnico, aut alteri cuiuspiam infideli diceret: Viden, miserum hunc, qui visum deperdidit, qui oculorum lumine, seu digito, privatus est, qui ne binos quidem absque baculi conductu formare novit passus, ad quemvis occursum offendentem? Viden hunc alterum, claris ac pellucidis præditum oculis? cæcus hunc deducit. Vides hunc paralyticum, in lecto extensum, ceu statua immobilem, omnibus membris captum, nec manus; nec pedes movere valentem? Vides alium hunc incolumem, hilarem, robustum, benè dispositum, inquieti status? Est paralyticus hic, qui eum procul asportat. Conspicis miserum istum panniculamentis omnino confectum, non nisi eleemosynis se nutriendum, incubantem stramini, ab insectis corrosum? Conspicis hunc Comitum, Marchionem, qui in effredo devehitur, amplo comitatu stipatum, auro ac holoserico vestitum? Pauper hic eum sustentat, nutrit, ditat. Gentilis hic crederet nihil, exploderet, delirium nuncuparet; nihilominus pura veritas est: cæcus hic luminibus præditum deducit ad Cælum; Paralyticus hic ad Paradisum portat robustum; divitem pauper hic locupletat; hic etenim per illustres, dives, incolumis, clarè videns, per charitatem erga pauperem, cæ-

cum ac paralyticum exercitam, omnibus bonis repletus deportatur in Paradisum; Quam admiranda Dei providentia? *Beatus homo, quem tu erudieris, ut mitiges ei à diebus malis.*

Fortunatus millies ac felix ille, cui Deus cognoscendas dat & apprehendendas hasce veritates, easque benè in praxin redigit; Deus ipsi clemens ac mitis est in iudicio futurus; in die illa, quam Scriptura malam nuncupat, *In diem mala liberabit eum Dominus.* Iudicis sententia ei gratiosa erit ac favorabilis; cum honoris elogio ei diceret: *Esurivi, & dedisti mihi manducare &c.* Verba JESU breviter ac Laconica; at fecunda & emphatica, Si patienter hodiernam & castignam luce Sermonem audieritis, conspicietis, quod paucis vos edocebit JESUS, Quis, de quo, quomodo, cui, quando ac quo in statu illa facienda.

### PUNCTUM PRIMUM.

*Eleemosyna facienda est ab omnibus electis, probatur primo scriptura, secundo Patribus, tertio rationibus quarto exemplo Hedvigis, Amadei.*

VI. Quis eleemosynam debet elargiri? Christiani omnes, qui Cæli Regnum quandoque obtenturos se sperant. Nolo probationem aliam, quam illam JESU sententiam in favorem electorum ac reprobos pronunciandam: *Venite, dedistis; Ite, non dedistis.* Omnes aut salvantur, quod eleemosynam dederint, aut



ob non datam damnantur : ad quod tamen cuncti obligabantur. Et in eodem cap. 25. *Sancti Matthæi* totam Ecclesiam congregationi decem virginum comparat, quarum aliæ ad nuptias admittuntur, quod in lampadibus oleum habuerint, aliæ abinde sunt exclusæ, quod illo caruerint.

VII. Unde S. Chrysostomus concludit, quod illæ, quæ virgines erant, id est, aliis peccatis carentes, Cælo exclusæ sunt, quod eleemosynam non fecerint; à fortiori, qui peccata commiserunt, nec eleemosynis redemerunt, sunt damnandi.

Homil.  
22, in Jo.  
ann.

Addit : Colligamus ergo hoc oleum, si cum sponso ingredi volumus, impossibile est, inquam, & si innumera facias, sine eleemosyna, vel cælestis Regni vestibulum attingere, *Ibid.* S. Augustinus in eodem sensu decem virginum parabolam explicans, inquit : Cum vitam examinas, te opinaris innocentem ; inde provenit, quod non nisi ab extrâ apparens, actus, aut verba exteriora consideras. *Quis*

Psal. 15.

*ascendet in montem Domini*, ait Propheta Regius, non solum inquit : *Innocens manibus*, in actionibus irreprehensibilis, sed & *mundo corde*; & Spiritus S. *Quis gloriabitur mundum se habere cor?* In quod S. Augustinus : Quantumlibet proficias, sperabis in misericordiam ; non si sententia sine misericordia prolata fuerit, in quolibet quod damnet inveniet, in *Psal. 147*. Hoc est quod perpendebat David ; cum enim dixisset, *Si iniquitates observaveris, quis sustinebit?* consolando se ac misericordiam effagitando subnectit : *Apud Dominum misericordia.* Age S. Jacobus nobis declarat, quod iudicium sine misericordia ei fiet, qui non fecerit misericordiam ; quare peccatum est, si fiat, & S. Ambrosius

Lib. 1. of  
fic. c. 51.

non absque ratione dixit : Grandis culpa, si sciente te fidelis egeat ; si scias enim sine sumptu esse, tamen laborare, ærumnam perpeti, qui præsertim egere erubescat. Cum in Evangelio Dei Filius inquit : *Nisi abundaverit justitia vestra plus quam Scribarum ac Phariseorum, non intrabitis in Regnum Celorum*, evidens est, per verbum, *justitia*, intelligere eleemosynam ; paulò namque post ait : *Ne justitiam vestram faciatis coram hominibus, ut videamini ab eis* ; eleemosynam igitur in secreto des, ut sinistra nesciat, quid faciat dextera.

Itaque nobis declarat, plures quam egerint Pharisei, à nobis eleemosynas esse dandas, aliàs Regno celorum nos privandos. Sanctus Chrysostomus inquit : Tamen decimas omnium dabant ter in anno, absque primitiis, & primogenitis, & remissione in anno jubilæi ; si hi quidem mediam partem dabant, nihil magni operabatur ; quid tu facies, qui nec decimam partem dare pauperibus unquam cogitasti ; quare non injuria, paucos fore salvos quidem dicebat, & hoc ipsum est, quod etiam ego magnâ voce proclamo. Ille super quem debet abundare justitia tua, decimas dat, tu autem ne vigesimam das ; quomodo superabis eum, cui non æquaris ; præcidite ergo, & deputate aliquid fixum, vel ex annuis fructibus, vel ex quotidianis quæstibus vestris. *August.*

Homil.  
65, in  
Matth.

in Psal.  
146.

An sine charitate salvari quis potest ? id est, absque amando Deum, & ab ipso amari ? ac dilectus ejus Discipulus nobis occinit, *si quis possederit bona hujus mundi, & videns fratrem suum necessitatem pati, & clauserit viscera misericordie ab eo, quomodo charitas Dei manet in illo ?* Non dicit,

1. Ti.  
37.  
1. Co.  
26.



dicir, videns fratrem suum in extrema necessitate, sed simpliciter: *innecessitate*; Error itaque est credere, præceptum de eleemofyna non obligare, nisi proximo in necessitate constituto; sed & impartienda, cum momenti alicujus ac consideranda necessitas extat. Divitibus hujus sæculi præcipe, faciliè tribuere, communicare, inquit S. Paulus.

1. Tim. 6. VIII. Et alibi rationem adfert; Nos  
17. *membra sumus corporis mystici IESU*; Si  
1. Cor. 12. *quid patitur unum membrum, compatiuntur & alia membra*, omnia concurrunt  
26. ad illud solandum; Si spina pedi infixæ est, curvat se dorsum, aperiuntur oculi, & ubi lateat inquirunt, admoveatur manus, ut extrahatur; & si aliter fieret, monstrosum quid foret ac immane. A fortiori in corpore Ecclesiæ, cujus caput JESUS Christus, & Spiritus Sanctus anima, membra sese invicem consolari ac servire sincerâ & cordiali charitate obligata sunt.

S. Petrus Sancti Pauli dicta confirmat, tertiamque rationem addit, nempe, quod velut corporis membra facultatem quandam vitalem, potentiam aliquam sensitivam aut vegetativam habentia pro se eam non possident, sed & pro reliquis membris omnibus: vident oculi, pro corpore toto aures audiunt, os cibum manducat, stomachus illum recipit ac digerit, jecur ac cor sanguinem efficiunt ac spiritus, ut partibus reliquis distribuant; ita divitiæ omnes, talenta omnia, dona, gratiæ, quas à Deo accepimus, non pro nobis solis; ast ut opitemur, serviamus, ac proximum consolemur; non Domini sumus aut proprietarii, verum œconomus, cellarii, dispensatores; ac si in luxum,

dissolutiones, & alias superfluas expensas insumimus; contra Domini, qui ea nobis largitus est, intentionem agimus; *Hospitales invicem sine murmuratione*, ut 1. Pet. 4. 9 *nusquisque sicut accepit gratiam in alterutrum illam administrantes, sicut boni dispensatores multiformis gratiæ Dei.*

Sanctus Augustinus te admonet. De Homil. um hunc tibi honorem ac prærogativam 7. & 50. contulisse, quod aliis te præferat, facultatem tibi elargitur ac permissionem accipiendi bonorum primum in manus datum, quidquid ad personæ tuæ familiæque sustentationem attinet, te obligans solum residuum aliis præbendi. Si cœconomus panem omnem pro se retineret, ac vinum, nec filiis aut servis secundum Patris fam. ordinationem porrigere vellet, puniretur amovereturque: Si fideliter distribuatur, salarium sibi promissum meretur. Potestas atque authoritas, quæ præditus es, tibi à Deo data, ut viduam hanc, oppressum hunc orphanum tuearis. Intellectus, scientia, atque industria, quæ in te vigent, tibi impartita, ut rusticolæ huic succurras; Divitias has, quas possides, à Deo accepisti, id cœconomus, post honestam sustentationem tuam, pauperibus communices; Ni feceris, tibi, quod servo Evangelico nequam, dicit: Cur pecunias meas non bene distribuisti? Si fideliter hoc officio fungeris, dicet tibi: *Euge serve bone & fidelis, entra in gaudium Domini tui.*

IX. Ejusmodi fuit Sancta Hedviggis, Poloniæ ac Silesiæ Dux, quæ tantum pauperes ac pauperiem adamavit, ut non ad placitum biberet, ni pauper prius prælibasset, non ipsi cibis videbatur sapidus, ni pauper gustasset: panis frusta pauperibus



in eleemosynam data charè emebat, ac ceu magnas delicias edebat : Hospitalia à se exstructa ac dotata visitans, ceu singulorum mater infirmos solabatur; nosse enim eorum necessitatem aiebat, contemplari vulnera, intelligere illorum appetitum, plenè iis satisfacere : ipsamet propria manu suà, manu dignà quæ Sceptrum gerat, non Poloniæ solum, sed totius Universi, buccellas in os ingerebat, leprosus licet, canerosus fuerit atque aspectu horridus putridusque; ejus gremium scabiosorum erat pulvinar quos ceu mater mundabat: talia agebat, quæ cor faciunt resillire, si quis imaginatione tantum percurrat. Domicellæ ejus sive pedisequæ horrores istos ac factores sufferre non valentes, conqueiebantur ei ac dicebant : Certè, Domina, te interimis, cur nobis haud parcis ? non magnanimæ ita ut tu sumus; subridens respondit : Bono animo filix, bono animo; Ecquam securitatem opinamini nos habituras, cum JESUS judicaturus Orbem Sanctis Panegyricum hunc exhibebit : *Infirmus eram, & visitastis me.* Ita sanè respondebo, ita Salvator mi, invisimus te; hoc signum, quod filix meæ cordolium sapius sint perpeffæ, ac dimovere me sint conatæ. Hicillas vidisses Domicellas ferme plura quàm Dominam præstantes. Sancta hæc optimè callebat, quæ filio dixit Tobias; *Magnam fiduciam habebimus ad Tob. 4 12. Deum, si fecerimus eleemosynam.*

X. Sic beatus Amedæus Sabaudix Dux Magnati loquens ad venationem prope-ranti, ac canes suos venaticos expetenti, amplum miserorum numerum ei exhibuit, dicens: en venaticos meos, his Cælum capio.

Ac ævo nostro Maria Godina, sanctissi-

mam agens vitam, annonæ tempore fumenta in ditione sua coemit ad usque modios quingentos; Mercatoribus ea volentibus emere, petiit, quantum sibi pro modio essent da'uri: Quicquid rationabiliter petieris. Et illa: an tantundem ac alii persolveris: Ita, & adhuc ultrà. Redite manè, si lubet, & magnum pauperum eis numerum monstravit; & en, inquit, Mercatores, qui plura persolvunt, Regna mihi Cælorum offerunt. Indies complurimos sartores, aliosq; artifices habebat, suis pro pauperibus laborantes. Omnes sua in Parochia ægri quot diebus suum retulere jusculum, luculenta obsonia, aliasque provisiones necessarias.

Et Domina de Cognac faciebat idem, atque in instanti dum vita defungeretur, auditum in ejus cōclavi cōcentus Angelici.

Ita sanè: at obijciatis: Ego pauper sum ipsemet, eleemosynis egeo; Religiosus exto, votum emisî pauperatis; nihil in mea habeo dispositione. In Religione moraris? Annon bona ante ingressum habuisti? An pauperibus nil erogare valueras? An libere effabor, quod sentio? Præclara admodum nostro ævo juvenis cujusdam vocatio, à S. Malo in Britannia exiit: abundabat divitiis, cunctas Hospitali ac pauperibus distribuebat, post Religionem centum ab inde Leucis ingressus, nè à comparibus ob hanc liberalitatem honore afficeretur, aut à coætaneorum visitatione molestaretur. Decem millia scutorum possides, illa in Monasterium inferis, intentionem non judicabo; si id contingit, ut videaris, ameris, atq; ut dicatur: tam magnam hic pecuniæ vim intulit; tibi non JESU dedisti. Si Loco tui forem ego, tria aut quatuor millia Monasterio, reliqua pauperibus per terram re-

ptan-



Matth.  
19.

plantibus offerrem. Temporis huius Hæretici statum Religiosum explodunt dicentes: humanam esse inventionem. Cardinalis Bellarminus aliiq; Theologi agentes contra eos, his præcipuè JESU verbis utuntur, *Si vis perfectus esse, vende omnia quæ habes, & da pauperibus*, Non ait, *Da* Consanguineis.

Si Religionem intrans divitibus relinquis bona amico, non nisi dimidiâ tantum parte hoc JESU consilium in praxin redigis, non integrè es perfectus. Ut verus sis pauper Evangelicus, priusquam professionem facis, vende bona, tribue eleemosynas, Ita sentit Sanctus Augustinus, *serm. 35. de verbis Domini.*

# PUNCTUM SECUNDUM.

*Eleemosyna facienda est ex bonis propriis, non alienis, Probatur primo scriptura, secundo patribus, tertio rationibus.*

XI. *Esurivi, & dedistis mihi.* Non ait: *Reddidistis*, sed: *dedistis*; non enim afficitur eleemosynas de bonis furto sublati, aut injustè acquisitis; Cum aliorum possides bona, & cujus illa sint, ignoras neq; nosse potes, ende illis eleemosynas facere bonum est. Verùm si, ad quem pertineant, noveris, ac reddere vel per te met aut alium valeas, si pauperibus elargiaris aut Ecclesiæ porrigas; illusio est te à peccato haud eximens: Minus ratum habet Deus, quin potius admodum horret, quod hic atq; ibi rapias, quòd falso ad vendendum pondo utaris, despolies orphanos, ac viduas, ut eleemosynam porrigas.

*Qui offert sacrificium ex substantia pauperum, quasi qui victimat filium in conspectu Patris sui*, ait S. Spiritus per os Sapientis, Et

in Proverb. libro, *Honora Deum de tua substantia, & de primitiis frugum tuarum da pauperibus*, Et per Prophetam Isaiam: *Frangere esurienti panem.* Tuum dixit, non alienum, ait S. Hieronymus.

XII. Eleemosyna aquæ comparatur, quod peccata obliteret, ut aqua exstinguit ignem. Aqua pura sordes abluit, sordida magis inquinat. Si argentum pauperi datum rapinis collectum, aut injustitiâ est collectum, peccata non tollit, sed augeat, ac magis magisq; coinquinat, ait idem S. Hier. Et Sanctus Augustinus: Pauper, cui Eleemosynam porrigis, latatur, Deumq; pro te exorat, cui verò abstulisti, plorat ac vindictam clamat: quis horum citius exaudietur? Et alibi Sanctus idem ait: Si pauperem sustentas, Dei Filium lactas, & Dei Filium spoliās, cum pauperem excorias.

XIII. Ac dein magnus hic Doctor rationibus te convincit: Cum in jus vocat latronem, quite spoliavit in sylvis, si prædæ partem cum iudice dividat, ut ejus favorem acquirat, & is acceptet, quid dices? quid cogitabis? O nebulo! ô detestandè major prædante prædator est; injustitiam hanc approbare non poteris, injustissimus sis licet ac nequam, & Deum illam committere velle autumas? dives evasisti pauperum rapinis, contractibus usurariis, tehnis atque artibus litium captiosis, falso pondere ac mensurâ; partem Dei Filio iudici tuo porrigis, ut eum quasi corumpas, ne te condemnet! Impie, Deum injustitiam, quam approbare non vales, committere vis? Nolit tibi talem pingere Deum, noli collocare in templo cordis tui tale idolum. Non est talis Deus tuus, qualis non debes esse nec tu. Ipse Poëta Ethnicus impietatem hanc deplorat:

Et



Et ecce vocatur.

*Iuppiter in nostra parte pradamq; rapina.*  
 Ut sis in via Cælum versus, non sufficit fa-  
 cere bonum, à malo declinandum est,  
*Declina à malo, & fac bonum.* Zachæus se  
 convertens dimidium bonorum dedit  
 pauperibus, sed si quid aliquem defrau-  
 darat, reddebat quadruplum. Exsolve  
 Mercatoribus debita, opificibus, debito-  
 ribus; famulis promissum solve salarium,  
 pauperi huic agricolæ, ob damna atque  
 interesse huius malè intentati, aut judica-  
 ti processus satisfac, ac post Eleemofy-  
 nam Deo gratam feceris. At Christianè fa-  
 cienda; cum dispositionibus omnibus ad  
 virtuosam ac meritoriam actionem ne-  
 cessariis præstanda est.

### PUNCTUM TERTIUM.

*Facienda est exercendo varias virtutes,*  
*numpè misericordiam, benignitatem, humani-*  
*tatem, modestiam, patientiam,*  
*charitatem.*

**S**ANCTUS Paulus his eas verbis delineat:  
*Induite vos, sicut electi Dei, viscera miseri-*  
*cordia, benignitatem, humilitatem, mode-*  
*stiam, patientiam. Super omnia autem hæc, cha-*  
*ritatem habete, quod est vinculum perfectionis.*

*Viscera misericordia.* Cum teneritudi-  
 ne, commiseratione, misericordiæ  
 visceribus eleemosyna est facienda. Ani-  
 ma est, spiritus, forma, virtutis huius  
 essentia, misericors, misero corde, per chari-  
 tatis sympathiam misericordes ipsa nos  
 reddi: **JESUS** non dicet, Pauper eram, mi-  
 selicuseram, sitivi; per placet namque ei, si  
 cuivis proximorum miseriæ atque incom-  
 moditatis in particulari compatiatur. Ne-  
 cessitatibus sanctorum communicantes, Non

inquit Sanctus Paulus *Opitulantes, sed com-*  
*municantes.* Desiderat namque, ut dolori-  
 bus atque afflictionibus proximi compa-  
 tiamur; Ea propter utilissimum est, ut in  
 persona eleemosynam elargiaris, visites  
 infirmos, in hospitalia ac carceres ingre-  
 diaris, aspectus miseriarum alterius emol-  
 lit cor, & ad miserationem excitat. Consi-  
 lium est à Spiritu Sancto nobis intimatum:  
 Non desis plorantibus in consolatione, &  
 cum lugentibus ambula, Non te pigeat vi-  
 sitare infirmum; ex his enim in dilectione 3.  
 firmaberis.

*Segnius irritant animum demissa per*  
*aures,*

*Quàm quæ, sunt oculis subjecta fidelibus;*  
*Et quæ.*

*Ipse sibi subdit Spectator, canit Poëta.*

Et Sanctus Bernardus: *Pulgo dicitur, quod*  
*non videt oculus, cor non dolet:* Eundem na-  
 tura sensum visui ac lachrymis destituit;  
 facilius enim conspectas à nobis miseras,  
 quàm auditu perceptas deploramus; Ve-  
 lut Dei Filius juxta Lazari sepulchrum  
 plorabat; sic & dum pauperem conspicias  
 infirmum, paleæ pavillo incubantem,  
 ventis in granario expositum, cum tribus  
 quatuorve prolibus omninò nudis, sine  
 pane, ligno, pecunia, auxilio, cor tuum  
 magis sit tenerum, atque ei, ut S. Paulus  
 mandat, eleemosynam de misericordiæ vi-  
 sceribus elargiris; *viscera misericordia.*

**XIV.** Deindè, cum dulcedine, mansue-  
 tudine, bonitate, affabilitate, affectionis ac  
 benevolentia testibus; abstinendum ab  
 exprobratione: Cur patriam tuam deseris?  
 Cur non laboras? Cur rationem non habu-  
 isti bonorum? quare impensis minus pe-  
 percisti; indies ad hanc portam extas. Plus ei  
 doloris per receptam confusionem causa-  
 ris,

Rom. 12.  
13.

1. Co  
8, 13



ris, quàm voluptatis obeleemosynam por-  
rectam. Plus causæ optimus haberet Deus,  
ut in nos invecivis hisce insurgeret, nec  
facit, *Dat omnibus affluenter, & non impro-  
perat*, ait S. Iacobus.

XV. Tum, cum humilitate interna, nos  
existimando indignos, qui Deo eleemo-  
synam erogemus; quicquid agimus, in-  
comparatione ejus, quod agendum erat,  
nihil est; *Et nos debemus pro fratribus ani-  
mas ponere*. Cum quis Magnum à nobis  
quidquam petit, subnectimus: plurimum  
nobis exhibes, Domine; honoris id peten-  
do, ac servitii deinceps ei exhibendi occa-  
sionem; ac deinde exultatio prætendi-  
tur, nos minus ea præstitisse, quæ debuera-  
mus; Plus nobis Deus, quàm meremur, ho-  
noris exhibet: eleemosynam expetere sub-  
missione pauperum; nos eam in favoris  
huius recognitionem ac sensum elargiri  
debemus.

XVI. S. Paulus addit *Modestiam*; etenim  
ipsius ævo Christiani adeò in liberalitate  
fuerunt excessivi, ut necessum fuerit eo-  
rum parumper mitigare fervorem, *mode-  
stus, quasi modum tenens*. Non ut aliis sit re-  
missio, vobis autem tribulatio, sed ut sit æ-  
qualitas; En quid Corinthiis mandet.

Non sic intelligo, ut pauperibus ad eo-  
rum placitum dando vos reddatis indigos;  
id solum desidero, ut æqualitatem quan-  
dam inter eos, quos Ecclesia nascens, Evan-  
gelii professio, hæreditatis ejusdem spes  
fratres reddidit ac socios, conspiciam. A  
perfectione hac modò ad modum elonga-  
ti sumus; in aliam conjicimur extremita-  
tem, veremur, ne sub pedibus terra defici-  
at, ita ne quid nobis desit, metuimus, benè  
nobis foret, si quod necessarium nobis at-  
que utile est essemus contenti, ait S. Augu-  
stinus, Multa superflua habemus, si non ni-

sine necessaria teneamus; nam si inania quæ-  
ramus, nihil sufficit: quærite, quod sufficit  
operi Dei, in *Psal. 147*. At si vanitates quæ-  
ramus & superfluitates, nihil nobis sufficit;  
pauca necessaria sunt operi Dei in nobis, id  
est, corpori nostro; sed nihil potest suffice-  
re operi hominis, id est ejus cupiditati; re-  
scindite in vobis opera hominis, & habe-  
bitis, unde in ejus necessitate operi Dei  
assistatis.

XVII. Patientia quoque exercenda non  
solum patienter ferendo Hospitalium fœ-  
torem, disgustus ac naturæ repugnantias  
sed & pauperum murmur, dum conque-  
runtur te non satis esse charitativum, te  
habere personarum acceptionem, de iis qui  
non egent succurrere; excusandi sunt; pau-  
peries ac miseria amarore eos replet, impa-  
tientes reddit ac mali humoris.

XVIII. Paucis charitatem exerce; absque  
hac actio tua coram Deo nullius valoris est  
atque æstimationis; si eleemosynam ob  
ejus amorem facias, nihil mereris; si ita,  
promptè fac, gaudenter, bono è corde ac  
favore; pinguedo hæc est ac sacrificii me-  
dulla: cum plus bonæ voluntatis tibi est,  
ac potentia & effectus; cum dando soli-  
dum, optares esse Imperialem, ac dares li-  
benter si præsto foret; dando jusculum in-  
firmo, velles ut potabili mixtum esset au-  
ro, ac margaritis dilutis; quod pro dilecto  
tuo sit Salvatore benedicto, qui merere-  
tur, ut in frustra se quis diffindi sinat, atque  
ex omnibus mundi thesauris massa pro mi-  
nimi membrorum ejus servitio.

#### CONCLUSIO.

*Ex Augustino: vide quid emas, quanti,  
quando.*

XIX. **F**iniamus cum præclaris hisce S.  
Augustini verbis: Fratres, exer-  
cere misericordiam, non est aliud



vinculum charitatis, non est aliud vehiculum, quo perducamur in hac vita ad patriam, *In Psal. 102.* Et paulò infra subnequit: *Vide quid emas? quanti emas? quando emas? emis Regnum Cælorum: & quam vili emas attende, tantum tibi valet, quantum habere poteris; & nò est emendi tēpus, nisi in hac vita.*

*Vide, quid emas.* Quis favor extremus! quæ incomparabilis felicitas, siagnoscere possumus, Paradisum esse venalem, argento Cælorum Regna posse emi, vitam æternam, Dei fruitionem? Ni permitteret Deus, an vel semel id cogitare liceret? an non Simonia foret? Ite divites, ite, si damnati estis, bene impendistis, Sathan vos irrisurus est: ô stolidos! dimidiam bonorū partem obtulissent, ut triginta aut quadraginta annos vitæ comparassent, & vitæ afflictionibus, morbis, ac miseriis contextæ; & ut annorum myriades vitæ felicissimæ, ter beatæ emerent, expendere eā noluerūt.

XX Nec dicas: Merx adeò pretiosa charè dividitur, nec aurum, nec argentum, nec gemæ mihi sunt ut illam coëmam; *Vide quanti emas, quam vili pretio emas, tantum tibi valet, quantum habere poteris:* Haustus aquæ frigidæ, exigua duo minuta vile servitium pauperi exhibitum, si aliis careas, hæc merces istas acquirere valebunt.

Marc.  
14.7.

Salvator Apostolis loquens paupertatem profitentibus, & qui prius quam cuncta desererent, non nisi naviculam, ac retia diffracta possidebant, inquit: *Pauperes semper habetis vobiscum, & cum volueritis, potestis illis benefacere.* Non ait, potestis illis dare, sed potestis benefacere, plures enim dare nequeunt, verū omnes benefacere possunt. Sunt, qui pauperes extant, id est, auxilio egentes, consilio, informatione, virtute, vix reperitur, qui in aliqua harum ne-

cessitatum eis assistere nequeat. Visitare infirmos potes, etsi quod des nò habeas, consolari illos vales, sternere lectum, ad confessionem hortari, aliud quodpiam exhibere servitium: visitare captivos, tabellariū agere, supplices pro iis deferre libellos potes. Non dicet Dei Filius: Condimenta nò attulistis mihi, de carcere me haud redemistis; sed: non visitastis me, ut inexcusabiles sitis. Conjugata es, magnas de mariti bonis eleemosynas distribuere tibi minus licet, at permissum eaq; bona stipulerit, servire, socero ac Novercæ decrepitis atq; infirmis, cū respectu ac teneritudine ob Dei amorem, opem ferre, blandiri. Pedisse quæ es, integræ famæ virgo, de Domini tui bonis contrà ejus voluntatem erogare pauperibus stipem, non eleemosyna, furtum foret: At charitas futura, si miseræ subvenias ancillæ, eamque soleris.

Consiliarius es, Advocatus, Procurator, multos filios bona pauca numeras, at gratiâ polles, pauperem hanc viduam, orphanum hunc, agricolam istum, similesque alias personas, quas rejicit mundus, consilio ac servitio adjuvare potes.

In fidei mysteriis aliisq; ad salutem necessariis domesticos, vicinos, pauperes eleemosynam conquirentes instruere vales. Mihi videtur, nos hoc in puncto admodū deficere; de centum pauperibus ædes tuas ad petendam stipem adeuntibus, vix duo futuri, quibuscum de eorum salute agas; nihilominus optima est eleemosyna, corporali illa excellentior, quantum anima corpore præstantior, Cælum terrâ, Gratia Dei argento aut pane, Creator creaturâ est nobilior: Misellus sexaginta aut octoginta annorum senecio eleemosynam à te expetit, sex jam effluxere menses cum pec-

cata



cata deposuit, fors manè uno mortuus in lecto deprehendetur, an non charitatis erit, ad Confessarium tuum aut alium eum adduci eū curare, ut confiteatur? Præteritis annis bajulus quidam aquarum, Parisiis extans, cum Dominica Luce confessus fuisset ac devotè communicasset, post prandium in Hospitali eum reperimus tanto zelo ac fervore instruente infirmos, ut erumperet: Quid hic, diximus, bone vir agis? Patres mei, hi miselli Prædicationes adire nequeunt, refero ipsis, quæ ex Concone retinui. Id Dominicis omnibus agebat; Quid nos, Domini, cogitamus? Cælum rapiunt Idiotæ, ac nos nostra cum scientia ad Infernum properamus.

Homil. 1. & 50. Inimicus tuus bipedum nequissimus est, injuriam omnium maximam tibi infert, virtutis inops est. O præclara atque excellens Eleemolyna, si illam ei procuras; procurabis si culpam ei remittas, salutes, amicitiam redintegres. Scitote, fratres mei, ait S. Augustinus post medium, binas reperiri eleemolynas, cordis unam, marisupii alteram. Quandoque ob hanc excusare te potes, non ob illam. Cordis eleemolyna est inimicis ignoscere, cordialiter proximum amare, pauperum misereri, dolere non præsto esse, undè queant adjuvari, compassione erga eos moveri, precari Deum, ut divitum non nemo eis opem ferat. Non solum Salvator inquit: *Date, & dabitur vobis*: ait primum ait: *Dimittite, & dimittetur vobis*. Ecce, quàm facili bonoq; pretio Cælorum Regna emere valeatis, *Vide quid emas, quanti emas?*

XXI. Quando emas. Non est emendi tempus, nisi in hac vita. Ne ut fatuæ Virgines agas. Nota JESUM eodem in sermone &

cap. eod. 25. Sancti Matthæi, de judicio politemo ac Virginum decem parabola instituere discursum. Conspexit fideles è suis discursibus eleemolynam ceu magni momenti rem agnituros, ait prævidebat plures dispensaturos, spe alleetos, pia in morte Legata facturos. Ad illas reprobandas inquit, Virgines fatuas olei provisionem facere neglexisse, usque dum sponso obviam procedere jubebantur; cumq; irent emere, clausa est janua, & fuerunt reprobata. Prudentes potius imitare Virgines, oleum maturè compara, ne morte præveniaris; ac recordare, in Salomonis Templo, ut quis Sanctuarium ingrederetur, duas è lignis Olivæ constructas referare portas oportebat; Portæ istæ taliter erant junctæ atq; invicem connexæ, ut nulla absq; altera posset moveri, adaperiens primam referabat secundam, qui hanc occludebat, obserabat primam. Templum hoc Ecclesiæ erat figura, Sanctuarium Cæli Empirei, ubi JESUS ceu fœderis Arca in medio Cherubinorum residet, symbolum extabat. Ut quis Cælum ingrediatur, binas Olivæ oportet referare portas; binæ nobis misericordiæ sunt necessariæ: Illa Dei ad nos; Væ vitæ laudabili, si Deus absq; misericordia examinet, ait S. Augustinus: Nostra ad proximum: *judicium sine misericordia ei, qui non fecerit misericordiam*, inquit S. Jacobus. Binæ hæ misericordiæ ita sunt dispositæ, altera alteri ita inæxa, ut qui unam, occludat & alteram, unam referans & alteram adaperiat: Si proximo cordis occludas portam, & Deus Cæli quoq; januam tibi obfirmabit; Si misericordiæ viscera proximo expandas, & tibi sua Deus; *Beati misericordes quoniam ipsi misericordiam consequentur. Amen.*



# S E R M O

## SEPTUAGESIMUS

pro Festo Sanctæ Annæ.

Subjecti ejusdem continuatio.

### CVI, QUO TEMPORE, ET QVO

in Statu Eleemosynæ elargienda.

*Simile est regnum cælorum thesauro abscondito in agro. Matth. 13.*

EXORDIUM.

**L**iquando audimus unum, qui dicat, si thesaurum invenirem, ego me beatissimum, & felicissimum reputarem, quia revera tota vita satis haberem. Et quid si, Auditores, ego vobis thesaurum ostendam, per quem felicissimi, & beatissimi esse possitis? En vobis S. Annam matrem ditissimam thesauro onustam, hujus si filii sitis, thesaurum invenistis, ac felicissimi eritis. Sed quomodo? Juxta Sanctum Joannem Damascenum, Anna idem est ac gratia; igitur qui Annam habet, thesaurum habet, quia gratia Dei thesaurus est, de quo Sapient. 7. dicitur: *Infinitus enim thesaurus est hominibus, quo qui usi sunt, participes facti sunt amicitia Dei.* Quisquis igitur Annam habet, hoc est divinam gratiam, ille habet magnum thesaurum. Sed quomodo illam acquiramus? Per elargitionem eleemosynæ; per illum enim peccata redimere possumus, & consequenter gratiam divinam acquirere, & ita thesaurum nobis in coelo thesaurizare. Agam igitur hodie de eleemosynâ, & ostendam quod sit facienda Christo, & ut thesaurum gloriæ acquiramus, quod facienda sit in Statu gratiæ.

*Peccata tua Eleemosynis redime.*

Daniel. 4.

**L**oco istorum præcellentium verborum, quæ capite 6. S. Lucæ continentur, *Estote misericordes, sicut Pater vester cælestis misericors est, ut sitis filii Altissimi:* S. Matthæus eundem sermonem cap. 5. referens inquit: *Estote perfecti, sicut Pater vester cælestis perfectus est.* Ut doceret, si filii Dei esse dilecti velimus, non sufficeret taliter qualiter misericordes nos esse; sed perfectos esse oportere; charitatem nostram omnibus circumstantiis & requisitis ad perfectam misericordiam conditionibus debere esse associatam. Hesternâ Luce de tribus primis conditionibus agebamus, hodiè de totidem aliis sermonem instituemus, considerando cui, quo tempore, atque in quo statu elargienda sit eleemosynâ. Si pyxis aromatica, ubi diebus aliquot grana moschi aut ambre servantur, suaveolentiam postmodum retinet, ac longo tempore placidissimè exhalat odorem; Ecquod mirum, ait Sanctus Bernardus, viscera tua benedicta & immaculata, ô Sacra Virgo, non nisi respirare dulcedinè, quod misericordiæ Patet longo ad eod tempore ibidem sit commoratus, usque præclaræ virtutis



tutis hujus perfectionem communicari; exindè sæpè adeò Ecclesia Matrem misericordie appellat; indè in cunctis te necessitatibus suis ac miseriis implorat; indè ad pedum throni gratiæ tuæ humiliter prosternimus, Ave MARIA.

## Idea Sermonis.

## EXORDIUM.

*Indigentia & dependentia est proprietas creaturæ. Mira bonitas Christi, qui suam independentiam exiit, & dependere ac indigere voluit in pauperibus.*

II. **Q**uemadmodum Apostolus S. Paulus Areopagæ Atheniensibus prædicans; dixit propriū esse Dei nullius egere, *Nō indigens aliquo, cum det omnibus;* ita ex opposito dicendū, creaturæ partitionem, qualitātē ei propriē, naturaliter & essentialiter convenientem; indigentiam esse ac dependentiam; conditio hæc omni necessariò creaturæ convenit, omni tempore, sibi soli; tam propria illi est ac particularis, *propria in quarto modo, omni, semper soli.* Cum Philosophi jaciunt fortem, ut creaturæ cuivis de cathedra sua tribuant progressum, ajunt, nonnullas esse substantias, accidentia alias, inter substantias quasdam corporales, ceteras non item. Inter corporeas quasdam viventes, alias minus &c. Verū nunquam ajunt quasdam dependentes, non alias. Nulla est creaturæ, quæ non indigens, non inter aequaliter solum consistentes, sed & possibiles inter atque imaginabiles. Intellectus humanus aut Angelicus nullam concipere potest creaturā, à Creatore non dependentem: dependentem, inquam, in omnibus suis partibus, in

omni quicquid est, quicquid habet, in omni quod in illa est.

Omne, quod in homine est, substantia non est, accidentibus subjacet; quicquid in eo est; corporale non est, anima Spiritualis est; omne quod anima est, finitum non est; desideria habet, appetitus, atque inclinationes quodammodo infinitas; verū quicquid in homine ac creatura qualibet est, dependens est. Quodve admirabile est, quò creatura major est, eminentior, hoc succursum ampliorem, aliarumque assistentiam accipit. In ordine naturæ plantæ pro conservatione sua non nisi elementis opus habent; animantia nobiliora plantis atque elementis indigent; elementis homo, plantis, atque animalibus opus habet.

In politia atque ordine societatis humanæ, major magisque elevatus Rex est; & opus habet infinitis vassallis, famulis, Status Ministris, Officialibus, tributis, vectigalibus, armis, exercitibus; quæis agricola minimus facillè carere potest. In ordine gratiæ nobilissima ac creaturarum omnium splendidissima, sacra est humanitas: hæc adeò dependens est, ut ad eam conservandam non solum generali concursu atque universali, quem creaturis omnibus præbet Deus, opus habeat, sed & particulari assistentiâ Verbi eam portantis, sustinentis, eam sua in hypothese ligatam continens. Et creaturæ adeò intrinseca est dependentia, taliter inserta atque in esse suo cæmentata, ut extet inseparabilis: dissolvi facillè queunt accidentia à substantia, ut in Eucharistiæ Sacramento, substantia propriā suā substantiā atque existentiā potest exui, ut in Incarnatione, secundum Doctoris Angelici doctrinā, verū



à creatura, quæ ei inest, dependentia præscidi nequit: Verbum Humanitati suæ sanctitatem suam, gloriam, personam bene communicare potuit; at impossibile suam ei communicare independentiam.

Tertio loco dependentia hæc atq; indigentia prælegatum est creaturæ adeò proprium, ut sit velut character ac nota; & si ita dici queat, distinctio specifica, *Deus meus es tu*; Psalmista cum hæc pronunciaisset, non subjungit, quia omnipotens es, infinitè sapiens; sed inquit, Deus meus es tu, quoniam bonorum meorum non eges.

Psal. 15.

Quod adeò verum, ut quamvis in Sanctissima TRINITATE duæ productæ sint personæ ac procedentes, una ab altera non dependeat: Filius ac Spiritus sanctus esse recipiunt & quicquid possident, aut sine indigentia, sine inferioritate, sine dependentia. Vide, obsecro, Dei bonitatem, ac unà mecum admirare incomprehensibile liberalitatis ejus prodigium, ac si displiceret sibi re quapiam gaudere, cujus nobiscū non faceret partitionem; non valens nobis suam communicare independentiam, quod ejus capaces non sumus, exspoliare voluit, ab hominum regimine dependere, Virginis appendere mammillæ, sub Fabri Lignarii esse conductu, Imperatoris obedire edicto; & quod majus est, Caput nostrum fieri dignatus est, ac sua nos efficere membra, submittere se, penuriam pati, sufferre, nobis ac per nos obedire. Nullum majus donum præstare Deus posset hominibus, quàm ut Verbum suum, per quod condidit omnia, faceret illis caput, & illos ei tanquam membra coaptaret.]

August.  
in Præfat. in  
Psal. 85.

Hoc ipsi magna est humiliatio, nobis ampla Superioritas; magna ipsius est demissio; quia cum ab omni æternitate pleni-

tudo esset, oceanus, thesaurus, cornu copie bonorum omnium, factus est pauperrimus, Lib. 4. ad Eccles. nim notat S. Salvanus: Sunt quibus etsi cathol. desint multa, non desunt omnia; Christus solus est cui nihil est quod in omni genere humano non desit; nullus frigore ac nuditate torquetur, cum quo ille non algeat; solus cum esurientibus esurit; solus cum sitientibus sitit; omnis egestuosus pro se tantum, & in se eget; solus tantummodò Christus est, qui in omnium pauperum universitate medicet; Ut S. nctus ejus Apostolus, & ipse dicit: *Quis infirmatur, & ego non infirmor? Quis scandalizatur, & ego dolore non percellor?* Ut antiquus ille, dicere & ipse potest:

*Quoscunque casus fleveris, flebis meos;  
Sua quemque tantum, me omnium clades  
premit.*

Non dixit S. Paulo: Persequeris servos meos, fideles meos, membra mea: sed, me persequeris, cum Ecclesiam persequeretur. In judicio dicere: *Esurivi, infirmus eram.*

### PUNCTUM PRIMUM.

*Eleemosyna facienda Christo, id est, pauperibus membris, primo scriptura, secundo patribus, tertio sex Considerationibus circa Christi verba Esurivi, & dedisti.*

III. Id magnæ nobis est superioritatis; hoc enim causat, quod Pater æternus nos respiciat, benedicat, ceu Filii ejus membra favoribus repleat, amat nos in illo, & ex amore ejus, *Benedixit nos in omni benedictione Spirituali in Christo.* Favore omnes, quibus nos Pater æternus prosequitur, ceu sibi



sibi factos æstimat JESUS, sibi met congratulatur, agnoscit, evahit, grates agit, *Accipit dona in hominibus*, & gratias omnes, quas à Deo exquirimus, si exaudiri volumus pro eo, ac per eum postulemus.

Inde provenit, ut, quas erogamus elemosynas, nulli, nisi JESU impartiendas esse, id est, proximis ex amore ejus, ac quasi ejus, membrorum; Si ita agimus, charitas nostra ei acceptior est futura, nobisque meritoria magis, quàm si propria ejus personæ illam exhiberemus. Si in aureo sæculo, in quo JESUS egit in mundo, visibilis, extitisses, an non raprus fuisses, si eum domi tuæ excepisses, elemosynam porrexisses, servitium præstitisses, eum ad mensam recipiendo?

IV. Amplius mereberis, si pauperi Servitium exhibeas, ait S. Chrysostomus; ad amabilis namq; faciei ejus splendor, bonæ suæ gratiæ attractus, qui intuentium oculos ac corda ad se rapiebant, ac dulci constringebant violentia eam desiderandi ac benè faciendi: At si in pauperis personâ omninò dilacerati, squallidi, foetentis; vix hærentis ossibus, ulcerosi bona ei præstes, fide magis vivâ polles, charitas tua generosior est, non ibi proprius viget amor. In extremi judicii die non mentio erit servitorum sibi exhibitorum aut negatorum, at solum eorum, quæ membris ejus quis exhibuerit, aut recusat. Grandius malum est, pauperem suis ex ædibus depellere, quam si eum in tuas haud recipis, spoliare eum injustè, quàm ipsum nudum minus vestire; Non conqueritur de Nazarænis JESUS, quod se de patriâ expulerint, nec de judæis, à quibus in Passione fuit exspoliatus; verùm Christicolis, qui pauperes haud collegerunt aut vestierunt, dicit:

*Hospes eram, & non recepistis me; Matthæo, Zachæo, S. Marthæ, atque aliis ad dextram suam assistentibus: Esurivi, & dedistis mihi manducare.* Respondebit ipsis: *Quando tibi charitatem hanc omnem exhibuimus?* Sancto Matthæo dicturus videtur: in conversionis tuæ die convivium mihi adornasti, *Fecit illi convivium*; Sancto Zachæo: In domum me recepisti, *Excepit eum gaudens; Sanctæ Marthæ: In Castellum me suscepisti, magna mihi cum diligentia ministrasti, Mulier quædam, Martha nomine, satagebat &c.* Non, hæc ob officia principaliter eos non laudabit, at dicit: *Quod uni ex minimis meis fecistis.* Pluris namque æstimat membris suis, quàm sibi met facta. Favor hic aded nobis est grandis, magna aded misericordia, miranda aded sui humiliatio, cum in pauperis se locum ponere ac charitates nostras, tantquam sibi factas, recipere dignatur, quod admirabuntur Sancti: *Quando esurire te aut sitire conspeximus?*

V. Si ita in judicii die loquuntur, non ideo fit, quod ignorent pauperibus præstita JESU esse exhibita: verum id excessivæ ita ac mirabilis dignationis JESU admiratione proferunt. Cunctæ ejus verba expendamus. Primum inquit: *Quod uni ex minimis meis fecistis:* principaliter pauperes intelligit, cum de fame ac siti laborantibus sermonem instituat. Admiranda Igitur stulticia est, extreme ipsi displicens, si bona tua, ut facis, adulatoribus, detractoribus, dissolutis, mensæ amicis, nullas tibi grates referentibus distribuas, aut, ut filios locupletes, consanguineos eleves atque extollas, ut habeant unde in luxu, deliciis ac dissolutionibus vitam agant, impendas, dum interim Salvator tuus,

unde



Homil.  
80. in  
Matth.  
Luc. 16.  
9.

unde in pauperum persona nutriatur, nil possidet. Nonne hac est magna iniustitia, ut habeat unde luxurietur filius tuus, & non habeat unde sustentetur Dominus tuus ait S. Augustinus; Ut habeat, inquit, unde luxurietur; mereri namque potes, si charitatis ac misericordiae ipiritu filiis aut consanguineis, unde pro qualitate sua in modestia ac frugalitate Christiana, non in luxu atque ambitione mundana degant, legas. Cum bona tuais præbes, eleemosynæ loco danda sunt, ac velut JESU Christi membris; dicit enim, *Quod uni ex minimis meis fratribus fecistis*, id est, ait S. Chrysostomus, Christianis, qui per Baptismum ac Communionem fratres sunt JESU, ac præcipue, quod elargiris ac bonis præstas hominibus, qui propriè magis JESU fratres sunt. Apud S. Lucam inquit: *Facite vobis amicos de mammona iniquitatis, ut cum defeceritis, recipiant vos in æterna tabernacula*. Itaque illic esse supponit, ut vos recipiant; Pauperibus igitur virtute præditis consultius eleemosyna tribuitur; pauperi huic opifici, viduæ huic miseræ, Deum amanti, nec se nutrire valenti.

*Mihi fecistis.* Si ex compassione naturali eleemosynam præbes, non Christiana est charitas, aut virtus moralis; si per ostentationem, ut habearis liberalis, est vanitas; si, eò quod de eadem patriâ oriundus est pauper, professionis ejusdem, paris conditionis, miles, mercator, ac tu fuisti & defacto es, est eleemosynam elargiri homini, militi, mercatori, non JESU. Ob amorem JESU exhibere oportet, quod pauper de membris suis unum est. Cre-dis, Eleemosynam dando, potum aquæ fri-

gidæ, te mercedem non perditurum. Qui id nosti? ESUS dixit. *Quisquis potum dederit vobis calicem aquæ, quia Christi estis; amen dico vobis, non perdet mercedem*. Nam: Verum id, sed addit: *In nomine Discipuli.* Marci 9. Matth. 10. 42.

S. Stephanus Sacri Ordinis Magnimontani Patriarcha, Ordinis sui Superioribus mandavit, ut, premente inediâ non emitterent de Conventu macilentos, nec habentes in Urbe cognatos; ne, inquit, ex pietate atque humana commiseratione, aut ob respectum parentelæ detur, aut solùm pietatis Spiritu, charitatis, Religionis, ceu Dei servis; aliàs non dicet IESUS: *Mihi fecistis*, sed Consanguineis ac naturæ.

Pari modo si eleemosynam porrigis, ut in recompensationem temporalia tibi Deus bona præbeat, divitem messem, ac vindemiam, non tibi dicet IESUS: *Mihi fecisti*: non pro IESU facis, at pro teipso, non ut Christianus, verum ceu judæus exhibes; non eleemosyna, aut avaritia est. Verum equidem, amplas charitatem exercentibus Deum donare divitias ac mundi prosperitates, ceu arrhas, præludia, ac bonorum æternorum, quæ iis parat, prælibamen, atque ut charitatis opera sibi probari demonstret: Verum id crebrò haud facit, metuens, nè boni motivis adeò vilibus ac terrenis bona opera in praxin redigant.

Non inquit: Servis meis, fidelibus, membris meis; *Sed mihi*; Unde in persona pauperis IESUM considerare debemus, eodem cum respectu ténueritudine amicitia intima cum paupere ceu IESU agendû.

Imperatrix Richisa Lotharii II. Conjux, ut refert Baronius ann. 1338. pauperum



perum abluibat pedes, capillis tergebat,  
atque ut Magdalena illos IESU deoscula-  
batur, quod dicturus est: *Mihi feci-*  
*stis.*

## PUNCTUM SECUNDUM.

*Eleemosyna faciendâ per totam vitam,  
non differenda in mortem per testamen-  
tum: quod probatur septem ratio-  
nibus.*

VI. Paucis, inquit: *Quamdiu mi-*  
*hi fecistis*, quod nos, etiam in adverten-  
tes, & alterum discursus nostri punctum  
deducit, edocetque.

Toto vitæ tempore eleemosynam esse  
faciendam; Si mediis abundamus, evi-  
tandus quorundam abusus ac deceptio,  
eleemosynam non facientium, aut sanè  
admodum parcè, sub prætextu, se in te-  
stamenti magnam pecuniæ vim pauperi-  
bus legaturos, Hospitale erecturos, aut  
dotaturos, amplam Ecclesiæ huic aut  
Monasterio isti fundationem esse factu-  
ros; Fraus est Cacodæmonis; vanâ hac  
illudere tibi meditatur.

Miser homo! an non conspicias mor-  
te subitanâ te præveniri posse, quâ testa-  
mentum condere impediatis, quæ &  
præclara hæc animi decreta est dissipatu-  
ra? Non prospicis te in mortis lecto de-  
cumbentem à Cognatis aliisque cingen-  
dum, qui testamentum impediunt, & ad  
hunc effectum spe à morbo convalescen-  
di tibi blandiuntur: præcavebunt, ut ne-  
mo, qui ad bona egenis danda te incitâ-  
re valeat, lectum adeat.

Si testamentum ordinas, Notarius po-  
net unum *quid pro quo*; ac pennæ ductu

bona, quibus jure debentur, abripiet,  
hæredes tui pium occultabunt codicil-  
lum, ubi alicujus formalitatis defectu ir-  
ritum reddere atque invalidum conabun-  
tur, aut ad exequendum erunt negligentes.  
An non ævo nostro Tolosæ Eccle-  
siasticum conspeximus, qui testamento  
viginti mille Francorum hæredem ordi-  
narat Hospitale, testamento benè condi-  
to: Consanguinei, velut Vlysses quidam  
forenses, viis non dicam quibus, taliter  
causam agebant, ut impenderit licet Xe-  
nodochoi Præses in processu francos vi-  
ginti mille, tandem in fine causa cecidit.  
En præclarum Legatum! Melius age,  
Sanctum imitare Laurentium, sapiens ac  
providus is extitit, thesauros Ecclesiæ  
custodiebat, prævidens quod post mor-  
tem suam tyranni eos essent invasuri, plu-  
ribus illos pauperibus distribuit, ut ab hac  
multitudine consumpti, ignoraret præ-  
dator, quorsum devenissent. *Dispersit,  
dedit pauperibus. Quàm profundum spi-*  
*ritualis viri, & quàm cœlestè consilium, ne*  
*& egenis consuleret, & multitudine consu-*  
*mente, quæ dederat, invenire non posset,*  
*quod raperet persecutor, S. Maxim. homil.*  
*de S. Laurentio.*

Si in massa Ecclesiæ aut Xenodochio  
præbes, proximi affines, qui parvi sæpè  
tyranni extant, quicquid possunt ad se  
trahentes, prædam hanc postallatrabunt,  
ac litium astutiis pauperibus abripiunt: si  
in partes dividis ac disperdis, pauperi  
huic florenum, alteri imperialem: le-  
curior tua erit eleemosyna, non habe-  
bunt consanguinei ansam allatrandi, ac  
rapiendi.

Ac postmodum nullo existente tuo in  
testamento defectu, ultimâ voluntate tuâ  
cc integrè



integritate completâ, eleemosyna modò præstita incomparabiliter perfectior, Deoq; erit acceptior, majorisq; meriti, ac quam testamento condis.

Interiora tua explores velim, fundum ac cordis tui dispositione benè examina; probabilissime videbis, cur mortis ad bona distribuenda horam expectes, causam esse, quod iis corde sis affixus: ægrè te expolias ac manus vacuas: avaritia tua atq; exigua in Dei providentiam fiducia sub foundationis faciendæ prætextu se occultat; ac nihilominus id, quod principaliter Deus exigit, est, ne bonis perituris cor apponas, ut mortifices avaritiam, in ejus, atque in ejus Providentia confidas.

Si modò quod commodum tibi est atque utile, cui afficeris, elargiaris, Deum magis, quam te ipsum amas; Si non nisi in mortis agone facis DEUM magis ac hæredes amas, aut ut melius eloquar, te ipsum plùs quam hæredes adamas. Ob vanitatem forsan ita procedis, est ut nomen tibi concilies perenne, ut de te post mortem spargatur: talis Dominus id fundavit: Eequid scio, forsitan in affines vindictæ spiritu id agis? displicuere tibi, bona iis quæ offenserunt legare non vis. Ex aliorum hæredum defectu Ecclesiæ das aut pauperibus. An Cœli Imperatorem cor minus nobile ac generosum, quam terrenum habere opinaris? Hic in legibus civilibus repudiat successionem defuncti, à quo ex animositate ac consanguineorum contemptu hæres est constitutus.

Eleemosyna quartæ partis Coronati, quam modò erogas, magis Deo probatur, plus meritoria est coram ipso, quam in morte centum aurei duplones Hispanici: ipsemet nos hoc edocet: cum bonam illam

viduam duo minuta in templum iniecisse LUC. 21. vidisset, plùs illâ dedisse affirmavit, quam divites magnam auri atque argenti vim offerentes, quia omnem victum suum, quæ habuit largita est; illi verò, ex abundantia sibi!

Quod durante vitâ tribuis, cupidini auferis; poteris enim cogitare, quandoq; tibi utile aut necessarium fore: quod in morte facis, inutile tibi est ac superfluum; semè non ultra tuum est, tecum deferre nequis.

Quod in morte erogas, ordinariè non nisi opus consilii est ac supererogationis; Eleemosynam, quam pauperibus fame atque inedia pereuntibus exhibes, sæpè præcepti est ac strictæ obligationis. Non in iudicio tibi dicit JESUS: argenteam Ecclesiæ meæ lampadem non dedisti, nec Phrygii operis paramenta obtulisti; sed: *Item male dixisti, esurivi, & non dedisti mihi manducare.*

Cum in testamento legas quinquaginta Coronatos, aut totidem aureos duplones Hispanicos, non nisi unum virtutis actum exerces; Si hodie pauperi quindenarium das nummum Gallicum, cum affectione ac dispositione mille, si necesse foret, ipsi tribuendi; cras eadem cum dispositione tantundem; septimanâ sequenti tantundem, sic ad usque quinquaginta virtutis actus facis, ac eorum quilibet æquè meritorius est ac coram Deo pretiosus, quam donum quinquaginta Coronatorum, quod per Notarium in ultimam voluntatem tuam designas. Non, quod utilissimum non sit æquè ac necessarium, testamentum condendo aliquid pauperibus legare; nam, ut S. Chrysostomus inquit, In devotio est atque ingratitudo monstrosa in servitorum recompensationem legare famulis, nec in



beneficiorum recognitionem Salvatori : sed melius extet maturè facere, aut ad minus confiteri oportet, prius quàm testamentum condas, ut bono in statu sis ac cum merito.

### PUNCTUM TERTIUM.

*Facienda in statu gratiæ primò scriptura, secundo patribus, tertio Rationibus.*

VII. **A**Tque hoc postremum est consilium, quod in Eleemosynæ praxi præbeo, nempe ut salutaris extet, in gratiæ statu fieri oportere. Author vobis sum, quod si ex fragilitate humana in mortale delictum incideritis, ac convertere vos desideretis, atque ut misericordiæ oculis vos respiciat Deus, ac de peccato eripiat, pauperi misericordiam exhibueritis, ac de miseria levaveritis; charitas isthæc ad veram vos conversionem disponit: aut in dissolutionibus, atque in statu peccati perseverare velle, ac cogitare magnas vestras eleemosynas vos infallibiliter salvaturos, est enormiter decipi, est ignorare principia, ac primas Christianismi notitias. Admirabilis est Textus sacer, nè unum quidem verbum reperire licet quod mysteriosum non sit ac significativum: in iudicio extremo dicet IESUS ad eos, qui ad dextram erunt, Esurivi, &c. his qui ad sinistram: Non dedistis mihi manducare &c. Ibunt hi in supplicium æternum. Videtur adungere debuisse: & illi in vitam æternam? non ita loquitur, at: & iusti in vitam æternam; quia, ut quis salvetur, non sufficit ad manducandum dare Salvatori, iustum esse oportet, bona hæc opera in gratiæ statu, sanctitatis ac iustitiæ, facienda, serviamus illi in sanctitate & iustitiâ.

VIII. Sancti Augustini tempore ho-

mines reperiebantur vitiosi ac mundani, qui in errore versabantur, dicebantque, quod quis, in peccatis etiam ad mortem usque perseverans, dum modo eleemosynas largiretur, salvus foret; atque ad blandiendum sibi, ita argumentabantur: Sanctus Jacobus inquit: *iudicium sine misericordia ei, qui non fecerit misericordiam*; Ergò ab opposito, quisquis misericordiam fecerit, illam consequetur. S. August. Lib. 21. de Civit. cap. ult. Et post ipsum S. Gregorius Lib. 12. moral. cap. 23. & lib. 19. cap. 20. & parte 3. Pastoral. cap. 21. Et secundum Concil. Cabilon. Canon. 36. ipsis respondet: Omnino, qui fecerit misericordiam illam consequetur, sed qui plenè fecerit ac perfectè; & vera misericordia à se ipsa incipit: *Miserere anima tua plebi* Eccl. 30. *Deo*, Et alibi: *Qui sibi nequam, cui bonus erit?* Si manu dextrâ eleemosynam Eccl. 14. pauperi tribuas, sinistrâ alium pugione lædas, an misericors appellaberis? Animæ tuæ decem aut duodecim per delictum vulnera infligis, putas te misericordem, pro quo piam argento aut panis parte pauperi datâ? *Si distribuero in cibos pauperum omnes facultates meas, si charitatem* 1. Cor. 13. *Dei ac proximi non habuero, nihil sum,* ait sept. de sanctus Paulus, Et sanctus Augustinus tempore loquens de iis, qui in Ecclesia panem, vinum, atque oleum Deo offerunt, Non est hoc maximum, ait, & perfectum donum, quod Deus desiderat, *hoc requirit, quod redemit*, id est, amorem tuum, & animam tuam. Ad Cain non respexit; quia offerebat Deo aliquid suum, & non seipsum, Rem suam tribuit Domino, & seipsum peccato: hoc quod minus est obrulit auctori, & quod magis est, servavit iniquitati, ait S. Gregorius, & S. Chrysostomus: qui cap. 20. Chri-



Christum diligit in Christiano, hoc animo ei porrigit eleemosynam, quo accedit ad Christum, non quo vult recedere impunitus à Christo.

IX. Hoc sensu propriè, non in bonorum temporalium distributione hoc intelligi proverbium debet: Caritas benè ordinata incipit à seipsa: IESVS dicit: *Quod uni ex minimis meis non fecistis*; Vnus quidam defuisset; si crudelis esset in teipsum, eris erga IESVM. Misera anima tua tota est famelica: nec suum ei porrigis cibum, sanctam Eucharistiam dignè ac bono in statu receptam. Pauperibus vestimenta præbes, & animam tuam Dei gratia spoli-  
as. Captivos visitas, atque animam tuam diaboli mancipium facis? Scribens S. Paulus Corinthiis Macedonensium Christianorum eis charitatem exhibet, Et si pauperrimi forent, in eleemosynis erogandis liberalissimi fuerunt, ultra posse faciebant, ac nos magna cum instantia deprecati sunt, ut eorum susciperemus charitatem, atque in Hierusalem distribuere pauperibus: At quod in eorum sacrificio notandum magis est, quod *semetipsos dederunt primum Domino* IESV Christo, ut vos ad se imitandos commoverent.

### CONCLUSIO.

#### *Motiva ad supradicta.*

X. Considera Eleemosynam in Scriptura appellari iustitiam, *Dispersit, dedit pauperibus, iustitia ejus manet. Attendite, ne iustitiam vestram faciatis coram hominibus*; ut enim benè fiat, iustum atque in gratiæ statu esse oportet. Et quemadmodum iustitia virtutum omnium est congregatio.

#### *Iustitia in sese virtutes continet omnes.*

Cunctæ virtutes ad misericordiam nos obligant, omnes motiva nobis ac dispositiones ad illam benè faciendam præbent. Vivificate ergo fidem supra magnam fiduciam, quam in iudicio Eleemosyna est datura. Dives, qui aliàs Deum offendit, nec eleemosynas distribuit, magis incredulus est, atque omnium in mundo stultissimus; aut iudicii severitatem ac rigorem credit, aut non credit; si non credit, an non infidelis est; veritatibus ad eò authenticis fidem non adhibens? si credit, an non delirus est, quod redimere se valens, haud faciat?

Idem qui dixit, quòd in iudicio arescent homines: præ timore, & quòd montibus sint dicturi: *Cadite super nos*: IESVS idem eodem in Evangelio, eadem cum certitudine dixit, se iis, qui ad dexteram fuerint, dicturum: *Venite benedicti Patris mei, Esurivi, & dedistis mihi manducare.*

Si carceri mancipato diceret diviti; cras ad rotam damnaberis, aut vivus combureris, at bonorum tuorum medietate redimere te poteris; nō faceret, aut fidem tibi non adhiberet, aut omnium foret stultissimus: Te edocet fides, quod Eleemosynis disponere te valeas ad obtinendam à Deo veræ conversionis gratiam, ad evitandas perennes flammæ, nè ita amens sis aut incredulus, ut facias nihil, *Noli esse incredulus, sed fidelis.*

Vivifica in Deo spem, atque in ejus providentia fiduciam; cum tam crebrò ac tanta cū asseveratione dicat Scriptura: *Beatus vir, qui confidit in Domino, non confundetur.*

Spes, quam in bonis terræ figis, incertissima



tiffima eft, ac malè fundata. Ignis fcintilla villam tibi incendere potelt, referare ciftas famulus, malignus familiam tuam ruinare proceffus; fi fpem tuam ac thefauros in Cœlo locas, nec ignis ibi, nec fures, nec rabulæ illuc deventuri: cuniculis Cœlum haud eft obnoxium, minis ac fcalis impugnari nequit: *Altiffimum pofuifti refugium tuum; non accedet ad te malum.* Dic, ut fanctus Paulus: *Qui autem administrat fermen fementanti, & panem ad manducandum præftabit.* Dic, velut Comes Gilbertus, Pater S. Caroli Borromæi, dum amplas elargiretur eleemofynas, amicorum nonnemo replicans, filios tuos, inquit, relinques vacuos, refpondit, Deus meus non dērit.

Vivificam charitatem ac Dei amorem amare, eft bonū velle, Quodnam Deo præftare poterimus bonum? illi, qui thefaurus, oceanus, bonique omnis eft abyffus?

Incomparabilis nobis præftitus favor eft, gratia inæftimabilis, dignatum fuiſſe, ſuum in locum ſubſtituere pauperes, ſua eos efficere membra, ceu ſibi, quod illis facimus, æſtimare factum, nobis dare potentiam in eorum perſona ſibi benefacere.

Quod ſi crebrò cum ſpiritu ac virtutum harum diſpoſitionibus Eleemoſynam tribueritis, ſacræ hæ praxes erunt flores, maragritæ ac gemmæ Coronæ gloriæ, caput veſtrum in cuncta ſæcula decorantes in Cœlis. *Amen.*

## S E R M O

### SEPTVAGESIMVS PRIMVS

pro feſto ſancti Laurentii Martyris.

### CONTRA RESPECTUS HUMANOS,

Præctiæ ſatiſfactionis operibus ſe opponentes.

*Qui mihi miniſtrat, me ſequatur, Ioann. 12.*

#### EXORDIUM.

**N**emo eſt, Auditores, qui dum ſe tradit ſervitio alicujus Domini, prius non interroget, quod ſit ejus officium, munus, functio: & ſanè ſtulus ille reputaretur, qui dum ſervitio ſe alicujus Domini tradit, neſciret, quænam eſſent ejus functiones & obligationes. Omnes nos Chriſtiani ſumus ſervi Dei, & Chriſti, pauci tamen ſunt, qui agnoſcant ſuam obligationem & functionem. Chriſtus porro illam nos docet dicens: *qui mihi miniſtrat me ſequatur*, ac ſi diceret, obligatio eorum, qui ſervi mei ſunt, in hoc confi-

ſtit, ut me ſequantur, ut me imitentur, non mundum, non carnem, non Diabolum, non terrenas voluptates, ſed me. Porro in quonam hæc imitatio potiffimum conſiſtit? Ut imitemur ſingularitatem Dei in bono, nec ab hac ſingularitate deſiſtamus, eſto, mundus nos irrideat & ſingulares reputer, ſicut Laurentius ab hac non deſtitit, etſi graviffima ob id tormenta ſuſtinere debuerit. Oſtendam igitur hodiè, quod non debeamus curare diſcretia hominum ſed ſequi Chriſtum, eſto propterea velut ſingulares traduamur.



*Nolite diligere mundum, neque ea, quæ  
in mundo sunt.* 1. Joan. 2.15.

atque ornamenta: de quâ tam crebrò  
Ecclesia,

**P**oenitentia interior, ac cordis  
conversio, pacem ac reconcilia-  
tionem cum Deo inchoans, ipsum  
inter ac nos, solo gratiæ ejus motu ac li-  
beri nostri arbitrii consensu efficitur: Ve-  
rùm preces, jejunia & eleemolynæ, quæ  
tertiam Sacramenti hujus partem com-  
ponunt, vix, quin mundo innotescant,  
in praxin redigi queunt; & si segnes ac  
timidi extamus, speciosum, ut nobiscum  
dispensamus, prætendimus impedimen-  
tum, ac, quæ legitima videtur, excusa-  
tionem: metus est apparendi singula-  
rem, atque aliter degere ac reliqui affo-  
lent.

Cùm virtus obstaculo huic contraria,  
in duorum vitiorum, quæ ejus in limini-  
bus sita, medio consistat, impugnanda  
sunt ambo, ac discursus hic in puncta duo  
dividendus: Primum eos impetit, qui  
vitiosam ac damnabilem affectant singu-  
laritatem: Alterum, qui virtuosam ac  
laudabilem arripiunt.

Superiori aded conditione dotata es,  
O sacra Virgo, ut per excellentiam ab  
Ecclesia appellaris

*Virgo singularis,  
inter omnes mitis.*

Quia, ut intimus tuus S. Bernardus inquit,  
omnes virtutes singulares invenies in  
MARIA; virtutes tuæ omnes non tan-  
tùm illis aliorum erant communes; aut  
excellentes altioresque Sanctorum  
perfectiones prætergressæ, cùm divi-  
næ maternitatis tuæ prælegata fuerint

*Nec primam similem visa es, nec ha-  
bere sequentem.*

Hoc est, quod in mulieribus te bene-  
dictam effecit, dicente Angelo, hinc te  
verbis salutando: *Ave MARIA.*

II. *Similis ero Altissimo.* Propheta  
Ezechiel non absque ratione de apostata  
hoc Angelo dixit, arrogantiam ejus atque  
ambitionem sibi eripuisse intellectum: Al-  
tissimo, ait, fieri velle similem; duo hæc  
verba sibi contra dicunt, quod, cùm per  
essentiam Deus sit altissimus, ei nihil simi-  
le esse queat. Nomina essentiam ac rei  
cujusvis naturam exprimunt; unum de  
ordinariis magis nominibus, privativè  
ab aliis, epithetum est Altissimi; & parti-  
culariter in celebri illâ Legatione, quæ  
nulli unquam contigit, pro negotiorum  
omnium maximo, Mysterio nempe In-  
carnationis Filii Dei; Filius Dei Altissimi  
vocabitur, aiebat Virgini Angelus; &:  
*Virtus Altissimi obumbrabit tibi.* In Bibliis  
quidem reperies quosdam Salvatores fuisse  
appellatos, ut Josephum ac Josue: In-  
venies nonnullos ibidem appellari Deos,  
*Ego dixi Dii estis;* Aut nunquam reperies,  
quod Altissimi fuerint appellati; Deus  
solus hanc possidet qualitatem; *Tu solus  
Altissimus super omnem terram,* ait illi Ps. 82. 9.  
sanctus Propheta. Altissimus est, quod  
esse suum sit transcendens, superlativum,  
superessentiale, supereminens omni esse,  
infinîtè super omne, quod ipse non est,  
elevatum; sepeperatus & exemptus ab omni  
materia, permissione & compositione,  
elongatus atque infinîtè distans, non ab  
omni



omni solùm esse creato, physico & metaphyfico; sed & ab omni conceptione: non positus sub aliqua specie, nec sub ullo genere comprehensus: relatione caret atque analogiâ, ipsum inter & creaturam nil commune, neque univocum; ut Sancti tam crebrò ei dicant: *Domine quis similis tibi?* atque inter Angelos sanctus Michael, ad confundendum Luciferum: *Quis, ut Deus?* Et sanctus Dionysius docet, non oportere simpliciter dicere, Deum esse potentem, sapientem, bonum, sed potentissimum, sapientissimum, optimum, id est, quod supra omnem sit potentiam, sapientiam, bonitatem, non actualiter solùm & existenter, sed & possibiliter & conceptibiliter. Et alibi homo hic Apostolicus inquit: Deum creaturarum suarum omnium perfectiones in se complecti, verùm excellenter atque eminenter, *ἐξονησάμενος, separatè.*

III. Annon id quoadmodo est cum Deo perfectionem ipsi adedò propriam velle partiri? an nō est imitari Luciferum, velle esse singularem? Ordinaria hæc est animarum peccantium excusatio, quæ seridò se convertere nolunt, nec veram agere pœnitentiam, qualem hucusque Scriptura sacra, ac sancti Patres nobis depinxerunt. Ut hoc modo pœnitentia agatur, non ultrà ad modum; quod ajunt, degendum, abdicare oportet, vana ornamenta, visitationes superfluas ac societates mundanas declinare; choreæ, saltationes, luforiæ tabernæ, popinæ, comedix, aliæque mundi oblectamenta sunt evitanda; commorari in ædibus, negotiis suis vacare, invigilare familiæ necesse est; pietatis, & charitatis operibus pro virili se dedere; ac reliquæ functio-

nes, à sancto Ioanne Baptista appellatæ digni fructus pœnitentiæ, sunt obeundæ. quonam pacto id agere, ne quis singularis notetur? nec sapientior nec melior aliis sum, viâ Regiæ magis tutæ, anfractus ac devia perlapè in præcipitia ducunt. Si aliter ac sodales mei egero, ecquid dicent? irridebor, habebor extravagans, melancholicus, Antipodum me spiritu agi proclamabunt, quod plura me nosce putem atque agere, quàm reliqui; si minus extraordinariè me vestiam, nū Libertinus sim, aut minus in sodalitiis liber; si in splendore ac luxu, ut qui conditionis meæ, vixero, superstitiosus, reformatus, hypocrita appellabor. Consuetudines modò vigentes perantiquæ sunt, hominumque memoriam excedunt, præscriptionis iure gaudent: ac licet leges atque observantiæ forent contrariæ, posteriorum practicis abrogarentur;

*Cum fueris Roma, Romano vivito more.*

#### PUNCTUM PRIMUM.

*Singularitas vitiosa improbatur primò scriptura, secundo Patribus, tertio Ratione.*

IV. **D**Uobus diversis modis singularitatem desiderare possumus: aut cum dispositionibus vitiosis ac reprehensibilibus, ac virtuosis ac meritoriis; aut vanitatis spiritu, aut spiritu sanctitatis. Per vanitatis spiritum; nam ut ait S. Augustinus, ac post ipsum sanctus Thomas, 2. 2. q. 162. art. 1. ad 2. *Superbia est appetitus propria excellentia; Superbire, quasi superire: Superbia maledictus Sathanæ*



Si hanc habitus est, quo cum excellere ac præcellere miteris, pereximius esse aut videri affectas, incomparabilis, tuo in statu, conditione, professione Phoenix, & unicus: Si Machærophorum agis, Hercules esse vis aut Achilles: si Magistratui præfides, Cato; si Mitratus, Demosthenes; si Opifex, aptissimus non ob amorem Dei ejusque gloriam, sed amore tuimet, ac satisfactionis tuæ ergo, ut in corde dicere queas:

*Non sum sicut ceteri hominum*, ut radias ac scintilles ceu Lucifer, & objectum sis visus & hominum admiratio, velut ille Angelorum esse desideravit. *Voluit lucere, non ardere, ait D. Bern. Psal. 13. 14.* De vitio hoc intelliguntur Prophetæ Regii verba: *Singularis ferus depastus est eam*, secundum sancti Bernardi explicationem, *serm. 1. de multiplicatione septem panum.* Nil adeo vineam depopulatur ac vastat, ac ferus Aper, ait hunc in locum Theodoretus; neque enim sufficit ei vorare uvas, verum & eradicat ac sepes exterminat: ambitionis est Symbolum; Gallico enim idiomate vocatur *sangler*, ac si diceretur *Singular* Græcè *μόνος*, *singularis ferus*; parum namque in probatulo est, perplacet ei solitudo: ac superbus singularis esse vult, æqualem ac socium non admittit; unde prodeunt invidiæ, odia, similitudines, dissensiones, ac studium ambiguum, familiarum & Reip. ruina. Si tibi imaginariis quempiam esse tui similem, aut ad præminentiam tuam prætentam tantillum accedere, sufferre nequis, zelo atque æmulatione pungeris, præ stomacho furore incenderis, ejus diminuis famam, honorem denigras, processum, aut aliud quid malignum ei suscitās.

VI. Idem S. Bernardus *de gradibus humilit. Grad. 5.* commonefacit, ferum hunc Aprum, vitium hocce in Religiosas quandoque Communitates se ingerere; omnibus suis, iisque nativis id coloribus depingit; ast per otium ejus recensere verba haud licet; sufficit ab ipso, ac Patribus aliis Spiritualibus addiscere, omnem in benè ordinatâ Communitate singularitatem mortificationem omnem, poenitentiam, austeritatem, devotionem particularem, extraordinariam, irregularem esse nobis debere suspectam; præcipuè cum exterior est ac publica, quando communibus nos observantiis avertit, nec voluntati aut Superiorum directioni submissa est, vanitatis secretæ periculum est, præsumptionis nostrimet, fallaciæ dæmonis, ac millæ casuum, qui contingere possunt, *Hi sunt, qui segregant semetipsos, Iuda 5. 19.*

VII. Fugite, inquit S. Bernardus, angulos propriæ voluntatis, in angulis fordes sunt; fugite obstinationem, & nequissimum vitium singularitatis, *S. Bern. ubi supra.* ordinariè ibi plùs immunditiarum est, minùs luminis, in angulis, in conclavibus interioribus, tela aranæa texunt, ubi furunculi occultantur; particularitates progenerant partes, murmuris causæ sunt ac judiciorum temerariorum, cordis producant inflationem, proprium amorem nutriunt, contumaciam atque obstinationem suffulciant, efficiunt ut arroganter dicamus: *singulariter sum ego donec transeam.*



PUNCTUM SECUNDUM.

*Singularitas bona laudatur primo scriptura, secundo Patribus, tertio Rationibus, quarto Exemplis, quinto Responsionibus ad rationes contrarias.*

VIII. **D**ixi, si in Communitate benè ordinata commoreris; nam si in mundo es, aut inordinatò Sodalitio, abusus est aliorum luxus atque exorbitantias sequi velle; discipulus es Filii Dei, atque ipse dixit eis Ioan. 17. *De mundo non sunt; Si in mundo sunt, de mundo non sunt; per dilectum suum dixit. Nolite diligere mundum, neque ea, quæ in mundo sunt per Apostolum dixit: Nolite conformari huic saculo; tu dicis: conformare quis se mundo debet, & S. Paulus inquit: Nolite, Cavete. ad Galathas inquit, non debere nos habere sympathiam nec fœdus cum mundo, id est cum iis, qui mundanè vivunt, non plùs ac cum mortuis vivi, ac cum mortuis mortui, miki mundus crucifixus est & ego mundo, Gal. 6.*

IX. Mundus, inquit S. Thomas in ep. Iac. non mundus, sed mundos inquinat; ergò qui manet in mundo, quomodo mundus. Et S. Eucherius Consobrinò scribens: Caveamus, ne secundùm errores, aut parva aliorum exempla nos dirigamus; ecquam in die iudicii de consuetudine, aut multitudine adferemus excusationem, cùm in particulari quilibet examinandus sit ac iudicandus? aliorum defectus ceu opproprium, non ut exemplum perpendas.

X. Homo es, sapiens, Christianus; qualitates hæ munire te debent, nè pravorum exemplis; ceu torrente aliquo in

malorum fluentia abripiaris; Non ad rationem, sed ad similitudinem vivimus, pecudum more sequentes antecedentem gregem; pergentes non quàm eundum est, sed quàm itur, Senec. Lib. de beata vita.

Nil ita erroneum ac vulgi opinio, nil corruptum adeò ac perversum, quàm humanum est iudicium; perpauci, in quo vera consistat virtus, nò vult, atque inter eos, quibus id perspectum, pauci admodum secundùm hanc notitiam degunt, perpauci qui non cantillant

. . . . . Vide meliora, proboque;

. . . . . deteriora sequor.

Eorum namque passiones iudicium ipsis pervertit, accorruptit actiones; atque hæ consuetudines istas formant progenerantque; ut Seneca dicat: *Non ita benè cum rebus humanis agitur, ut quæ meliora sunt, pluribus placeant. Argumentum pessimi turba est, quæramus quid optimum factu sit, non quid usitatissimum, Senec. ubi suprà.* Ut quis rem quandam nullius esse valoris cognoscat, est cùm major hominum pars illam amplectitur. Si plures in abyssum se præcipitent, an sapientiæ actus foret, & non potius amentię, illuc te solam hanc ob causam deturbare, quod aliis non melior extes, ac ceu ipsi & te acturum? *Væ tibi flumen maris humani, quamdiu non siccaberis? quousque volves Eva filios in mare magnum & formidolosum, quod vix transeant, qui lignum conscenderint? Aug. 1. Confess. cap. 16.*

Refert Eulèb. usq. in villa Eliopolis Ægypti Solis Sacerdotes nutriti fuisse taurum, cuius pili naturaliter in vicem erant inversi, ad significandum Solem particularem sequi motum, illi aliorum cœlestium gloriæ motui adversum; Sic vitam diri-

dd

gere



gere sapiens debet, per principia iis, qui mundum sequuntur contraria: à fortiori Christianus; in Baptismo atque aliis Sacramentis est sanctificatus, obligatur esse sanctus, ejus hæc vocatio est, artificium

Rom. 1.7. ac professio, *vocatis sanctis, vocavit nos Deus in sanctificationem: vos autem genus electum, gens sancta.* Sanctum esse segregatum, electum, ab aliis separatum. Sanctum esse & esse de vulgari, duo oppositi sunt termini, *quod Deus sanctificavit, tu commune nò dixeris.* Christiani judicaturi sunt mundum, ait S. Paulus. 1. ad Corinth.

1. Theff. 4.7. *De hoc modo judicabunt;* undè nec actionum mundi, consuetudinum, ac modi vivendi complices esse debent.

XI. Verùm an non evitanda singularitas? ita, illam quam proprio Marte, ac vanitatis spiritu eligis; non eam, quam de voluntate Dei ac sanctitatis spiritu acceptas. Cùm sanctus Franciscus capucio ac veste villosâ indutus Assisium peteret: quando S. Simeon, dictus Salius ad se contemnendum fingeat stultum: Cùm sanctus Ignatius Loyla, nobilis Eques, habitum cum mendici mutaret pannicamentis, cum inter parvulos, ceu ex ipsis unus, Catechismo assideret; actiones hæ erant admodum novæ, peregrinæ, extraordinariæ; magnæ singularitatis erant. An & reprehensibiles erant? Viæ Regiæ ac magis tritæ plus extant securæ; ita in viis terræ, non in via Cœli, nec in virtutis practica.

XII. Cùm agitur de vita beata, non eadem velut in aliis viis sumendæ sunt regulæ; Non eadem hæc, quæ in cæteris peregrinationibus conditio est. In illis comprehensus aliquis limes, & interrogati incolæ non patiuntur; hæc tritissima

quæque & celeberrima via maximè decipit, *Senec. lib. de vita beata.* Verùm, quid ad propositum citare Senecam opus? cùm id verbis adeò expresfis dicat Saviour. *Lata porta est, & spatiosa via, quæ ducit ad perditionem, & multi sunt, qui intrant per eam. Quàm angusta porta & arcta via est, quæ ducit ad vitam, & pauci sunt, qui inveniunt eam!*

Matth. 7.  
15.

Verùm, si ordinariis hominum vestigiis non insistam, ut arctius vitæ genus amplectar; si Deum serò ac manè deprecer, sacramenta frequentem, sodalitia fugiam, visitem Xenodochia, ecquid dicetur? serupulosus habebor, endymio, eroque ludibrio: Ecquis te explodet? Libertini, impii, Athei; Deus, Angeli, piraestimabunt te ac laudabunt. An non magnus tibi honor ab iis vituperari, qui vituperio sunt digni? An non indies dicis, mundum de tribus hominum inimicis esse unum? an salutem tuam, Deique servitium præ metu discursuum ac cachinnationis hostium, es neglecturus? Nondum felix es, si nondû te turba irriserit; si beatus esse vis, hoc cogita, primum contemnere, ab aliis omnibus contemni, *Sen. L. de moribus.* Idem est; ac si diceret: Nolo esse bonus Gallus, aut in Regis servitio fidus, præ metu nò à Turcis irridear. Fac omne, quod voles, in pedicas, quas declinatorum te opinaberis, propediem aut tardè incides, maledicorum obsecrationes nò evasurus. Os mundo obstruere nequis; Si in te virtutes, quibus obgannire queat, haut reperit, de vitiis tuis loquendi ansum sumet, ambitionem tuam, ignaviam, avaritiam, prodigalitem, impatientiam, molliciem carpet: quod si contempnas, dictæ in venerationem vertentur. Ipsa

Liber-



Libertinorum conscientia, quæ labia eorum damnant, ut suspiciat, compelletur; Pietas fulgetra jacet, sancto terrore animas amoris sui minis susceptibiles percellentia, atque ipsa ab iis, qui primùm eam reprobabant, laudibus evehitur. Ac præsupposito verè te contemni, quis bonorum hominum unquam id non perpeffus est? Tobias, Job, S. Homobonus, an non suis ab uxoribus, ceu simplices atque idiotæ, fuerunt exploti? An non S. Carolus à mundanis, quod integer nimis, & sensibus suis affixus circumferebatur? S. Chrysostomus ceu nimùm austerus? Grenada & Avila velut scrupulosi habebantur? Et quod notatu dignum, Sanctus Sanctorum JESUS Christus Dominus noster, habitus est ut morio, conviviorum amicus, blasphemator, magus, opprobriis atque ignominiiis oppletus.

Quantùm ad id, quod dicis, consuetudinem obtinere vim Legis, præcedentes abrogantem: primùm, Tertullianus tibi respondet: Hoc exigit veritas cui nihil præscribere potest, non spacium temporum, non patrocina personarum, non privilegia regionum, Christus se veritatem, non consuetudinem vocat. *Tertull. lib. de velandis virg.* Deindè, æternitatis tuæ processus non secundùm consuetudinem Parisiensem, aut Pictaviensem, sed secundùm maximas Christianas in judicii die formabitur: in processibus, ubi de bonis terrenis agitur, ordinariè quis consuetudinem citans admittitur: at non sic coram Deo, cum mundi consuetudines à Prædicatoribus, ceu deputatis à Deo Commissariis, ad illas reformandas ablegatis, contestatæ fuerint semper ac disputatæ.

Atque etiam secundùm jus Civile, non

tam spectandum est, quid Romæ factum sit, quàm quid fieri debeat. *L. sed licet. ff. de officio præsidis.* Consuetudinis ususve longævi non levis auctoritas est, verùm non usque adeo sui valitura momento, ut aut rationem vincat, aut legem. *L. consuetudinis. Cod. quæ sit longa consuetudo.*

Si universitas ad unum redit, magis admittitur eum posse convenire & conveniri, cum jus omnium in eum reciderit. *L. sicut mancipium. ff. quod cujuscunque universitatis nomine.* Ita supposito, quòd natura nostra contagio in urbe, familia, sodalitia tuo virtutem ac veritatem extinxerit; supposito, quòd existas solus, bonis adhuc sensibus vicens, sat roboris cum Dei gratia habet, ut illas contra mundi insultus tuearis; Sæculorum namque omnium ac sapientum jura tenes, in hoc Ecclesiæ totius ac Dei ipsiusmet Agens extas. Olim exercitum integrum per simplicem militem delevit. Promittit per *2. Reg. 23.* Isaiam, quod unicus homo solus mille sit prostraturus: Si ipsi adhæres, dabit tibi *Is. 17.* frontem æneam, ac diamantinam, ut multitudini resistas. Non, veritas ac virtus, Deo laudes, non è mundo totaliter sunt proscriptæ; Nôsti complures ejusdem status, qualitatibus, conditionis non sinere se deferri in torrentem; in spiritu pœnitentiæ ac solitudinis degere, in frugalitate, modestia, & humilitate Christiana, & semper æstimari, honorari, suspici.

Nôrunt Dei Filium dixisse, qui me erubuerit coram hominibus, non monstrando quòd meus sit servus, meæ adhæreat parti, causam meam tueatur, erubescam & ego eum coram Patre, & Angelis. Apud S. Matthæum dixit, opera nostra debere aliis prælucere exemplo, ut glorificent Deum.



Deum, eorum auctoritatem; neque in hoc vanitas est; dicente S. Gregorio, ita sit opus in publico, ut intentio maneat in occulto, solam Dei gloriam, non hominum laudes ac favores prætendat.

### CONCLUSIO.

*Per rationes conglobatas.*

**XIII.** **I**Taque audacter tuus vivendi modus innotescat, servum te esse Dei.

Evangelii lumen, non maximas ac sæculi consuetudines vitæ tuæ regulas esse demonstra negotiationem tuam, mensam, mobilia, habitum, non ad mundi modum, sed secundum modestiam, ac frugalitatem Christianam moderare.

Primum, cum hoc modo quinque aut sex mensibus vixeris, non ultrâ missitabunt, non videbitur amplius extraneum, nec novum quid apparebit, dicent istius modi tuum esse humorem ac consuetudinem, nemo ad peccatum te incitare audebit, in Ecclesia aut processione nemo tibi loqui, te præsentem maledicere nemo, & sic de aliis.

Deindè, plures ad hoc vitæ genus virtutum exemplis pertrahes.

*Verba movent, exempla trahunt.*

Tum si visò bono tuo exemplo minùs proficiant, vita tua ipsis processum est factura, atque in iudicii die condemnabit; vult namque Deus, ut videant ac iustas fateantur esse pœnas, quas merentur, quod eadem in Ecclesia, villa, conditione, fortuna, quâ tu, Christianè non vixerint.

Adhæc, virtus tua magis erit heroica, nobilis, meritoria, radians, ceu fax in obscuræ ac tenebræ noctis medio coruscans; velut in terra Husitarum pietas Jobi, inter Chaldæos Abrahami, Lothi in Sodomis, Josephi in Ægypto, in Persia Danielis, Tobia in Syria, cum irent omnes ad vitulos aureos.

Paucis, sodalium tuorum complures offendunt Deum, hoc cum ardentius diligere debes, servire fidelius, ferventior ac pro ejus gloria zelosior, ut aliorum repares suppleasque defectu; sic gratias omnes, quas ipsis præbuisse Deus, recipies solus, benedictiones suam ob negligentiam deperditas coacervabis, præparatas ipsis merebre coronas, coronas caput tuum decorantes, gloriosumque in beatorum consortio in sæculorum omnium extensionem efficientes. Amen.





## S E R M O

SEPTUAGESIMUS SECVNDVS  
pro festo Assumptionis Deiparæ.

QUOMODO AFFLICTIONES  
recipiendæ.

*Maria optimam partem elegit, quæ non auferetur ab eâ. Luc. 10.*

## E X O R D I U M.

**N**ON dubitem quin multi sint, qui dicant, utinam optimam partem eligere possem, utinam scirem, quænam sit optima pars, profectò statim illam eligerem, & beatum, ac felicem me reputarem, si scirem, quænam sit optima pars. Sed quid diceres, si ego tibi dicerè, quænam sit optima pars, quinimò & ostenderem, quod eam facilius, & absque ullo impendio, & sumptibus eligere posses? Annon mihi fores obligatus? Ego itaque eam tibi aperiàm, & dico eam non esse, quod vadas ad eremum, & solitudinem, quod te des vitæ monasticæ, quod carnem maceres, cilicium gestes, flagris quotidianè te cædas, vitam agas contemplativam, & continua meditatione sublimium te occupes, quod ad Indos pergas, & missionarius fias, non inquam hæc optima pars est, sed optima pars est, quod te commendes Divinæ voluntati; & omnia à manu ejus suscipias, sic cum Martha non turbaberis, non eris sollicita, sed cum Maria sedebis ad pedes ejus, semper eris tecta, quieta, & in Domino gaudebis, hoc unum est necessarium; & hoc facies, si cogites omnia mala pœnam esse à Deo. Id hodie ostendam.

*Omnia, quæ fecisti nobis, Domine, in vero judicio fecisti; quia peccavimus tibi. Daniel. 3.*

**I.** SACRUM Concilium Tridentinum sapienter nos instruxit, è melioribus satisfactionibus, quas ob peccatorum reatum offerre Deo possumus, esse, ut quas nobis immittit pœnas æquo animo suscipiamus, ac patienter toleremus, dicamusque cum S. Azaria: *Omnia quæ fecisti nobis, Domine, in vero judicio fecisti; quia peccavimus tibi.* Ut salutare hoc documentum in praxin redigamus, multum refert à veritate quapiam Catholica convinci, quam hoc in discursu vobis exhibebo; nempe afflictiones omnes, quæ nobis quomodo libet hac in vita contingunt, à paterna Dei manu provenire. Salutarius, quod hoc in subiecto arripere possumus, consilium est, ad te, O sacratissima Virgo, recurrere; indies in Ecclesiæ devotionibus afflictorum diceris Consolatrix: omnes vitæ hujus afflictiones acorem simul & amarorem deperdunt, si sacrati Nominis tui lacearo illas condire noverimus, tibi magnâ cum fiducia dulcia hæc & gratiosa verba decantaverimus, *Ave MARIA.*



## IDEA SERMONIS.

## EXORDIUM.

*Semper gaudendum in Domino ; quia  
omnia mala pœna sunt ab eo.*

II. **G**audete in Domino semper, iterum dico gaudete, ait sanctus Paulus scribens ad Philippenses 44. Qui numerare posset stellas Cœli, pisces maris, plantas terræ, infortunia ac vitæ humanæ incommoditates numerare posset: addeò grandi, ut moralis Philosophus edicatur: Stratagemata naturæ est, a nativitatæ instanti hominem rationis usu privasse. Si in vitæ initio se cognosceret infans, ac futura prævideret, in hunc modum lachrymarum vallem, exilii locum, infortunii carcerem, miseriarum gurgitem intrare nollet. *Homo natus de muliere, & ob hoc cum metu ; repletur multis miseriis, ob hoc cum fletu.* Bern. Conceptio hominis est facinorosa, vita ejus incerta semper, mors inevitabilis. O necessitas abjecta nascendi, vivendi misera, dura moriendi! *Sidon. Apollin.* Equis recensere posset? quis numerare solum posset corporis ejus infirmitates, animæ passiones, spiritus labores, persecutiones inimicorum, amicorum perfidiam, zelum consanguineorum, vicinorum contradictiones, debitorum de bonis cessionem, importunitatem creditorum, decretorum suorum inversionem, calumnias invidorum, de præterito displicentiam, fastidium de præsentis, metus futurorum, vitæ suæ labores. convulsionem ac mortis futuræ dolores; & post hæc omnia, S. Paulus nobis inquit: *semper gaudete.* Et si proditoriè unicus viduæ filius occidatur, novellus stirpis suæ exortus, senectutis suæ baculus, omnis spei suæ fulcrum, an illam gaudere oportebit?

*Quis nisi mentis inops matrem de fœnere nati*

*Flere vetet?*

*Gaudete in Domino semper.* Et si crudelis infirmitas nos diu noctuque torqueat, ac nos mensibus atque annis integris morte omnino vivâ languescere facit; an gaudendum? *Quicumque parte aliqua corporis dolent, & dolorem non sentiunt, eis mens agrotat,* ait Aphorismus Hippocratis: & S. Ambrosius: Non est pondus veræ virtutis insensibilitas cordis, & valde insana per stuporem membra sunt, quæ sentire dolorem incisa non possunt: Apostolus inquit: *Gaudete;* verum addit: *in Domino:* non persuadere vult nobis, ut naturæ in laboribus spiritus aut corporis renunciemus, nec amaritudines ejus persentiscamus; sed gaudeamus divinum respiciendo principium, unde prodeunt, & salutares quos producere possunt effectus. Antè omnia, m. Lucili, discite gaudere, agebat Seneca; Lectio hæc in Senecæ schola non addiscitur, non in Academia Zenonis, nec in Philosophiæ Aristotelis; Sæcæ hæc omnes non habent maximas sat potentes atque efficaces ad effectum addeò admirabilem in cordibus nostris producendum: Scientia hæc non nisi in Ecclesiæ addiscitur universitate; fides Catholica principio quodam gaudet, quod benè apprehensum haud insensibiles nos reddit, sed patientes, consolatos, atque in afflictionum acerbissimarum sensu contentos; Obligat illa nos ad credendum, omnia quæ in mundo eveniunt, omnia, peccato excepto, omnia pervenire de manu Dei, ac quod à tam amica Dei manu procedit, non nisi libenter ab animâ, quæ in bono statu existat, suscipi posse, ac debere. Haud difficile



Acite nobis accidit credere accidentia illa, quæ à causa quapiam naturali aut fortuita procedunt, ut infirmitates, sterilitas, tempestates, incendia: at, quæ à causis liberis ac voluntariis, peccato atque hominum malitia ortum habent, ægrè nobis persuademus; Ea propter bonis veritatem hanc probationibus stabilire oportet: afflictiones, quæ à Dæmonis hostilitate, aut malignitate hominum nobis accidunt, providentiæ Dei, nec nõ adorandæ atq; amandæ ejus voluntatis esse objecta. Nota diligenter, atque in omnibus meis discursibus recorderis, quod dico, peccati effectus, non peccatum. Prohibet Deus peccatum, abhorret, destatur, castigat: aut cruces, afflictiones, egestates inde provenientes, ipsas vult Deus, approbat & ordinat, non quantum pænæ sunt, sed media utilia, atque ad bonum aliquem finem necessaria. Quod ex Scripturâ, Patribus, unanimi Ecclesiæ consensu, rationibus evidentibus, Sanctorum practica demonstro.

PUNCTUM UNICUM.

*Hoc probatur, primò Scriptura, secundò Patribus, tertio sensu Ecclesiæ, quarto Ratione, quinto Comparatione, sexto Instructionibus, septimò Exemplis, sancti Lupi, sancti Iob, Davidis Christi.*

III. Sanctus Spiritus in Ecclesiastico inquit: *Bona & mala, vita & mors, paupertas & honestas à Deo sunt. Eccl. 11. 14.* Ac per Prophetam Amos: *An erit malum in civitate, quod non fecerit Dominus? Amos. 3. 6.* intelligit de malo pænæ, non culpæ. Atque in Esaia dicit Deus: *Ego*

*Dominus formans lucem, & creans tenebras, faciens pacem & creans malum, Isa. 45. 7.*

Dicens, creo tenebras & malum; cogitationes nostras prævenit, atque errorem, qui in spiritum nostrum subingreditur potis foret, corrigit. Afflictiones ceteræ sunt privationes, non per actionem directam ac positivam, sed per bonorum ac formarum, eis oppositarum, subtractionem; velut tenebræ ob solis absentiam contingunt, quo ab hemisphærio nostro subducto, lumine privatur aer.

In Genesis libro, à fratribus divenditus sanctus Patriarcha Joseph, & mancipium factus in Aegypto, vindictæ loco eis dicebat: *Non vestro consilio, sed Dei voluntate huc missus sum.* Libro 3. R. Ro-Gen. 45. 8. boam in spiritus exccationem collapsus, consilium sapientum contempsit, mancipium stultè respondens, causa eis fuit rebellionis; *Et non acquievit Rex populo, quoniam aversatus fuerat eum Dominus. Jeroboam ac populus insurrexere in ipsum. Textus sacer hæc omnia tribuit vindictæ Dei, infelicem hunc Regem punire volens, ob peccata Salomonis Patris ejus, Ecce ego scindam Regnum de manu Salomonis, & dabo tibi decem tribus.* 3. R. 8. 12. 31.

In Esaia dicitur: *Non est aversus furor Domini, sed adhuc manus ejus extenta, & elevabit signum in nationibus procul, & stabilabit ad eum de sinibus terræ.* Et ibidem Rex hic appellatur Virga Domini, atque instrumentum iræ ejus, *Assur virga furoris mei.* Et capite decimo tertio Deus sanctos Cyri ac Darii milites appellat, quod ejus decretis ad Babylonios puniendos serviére, *Ego mandavi sancti-Isa. 45. 13. 31. ficatis me.* Dominus exercituum præ-



*Præcepit militia belli.* Et in Jeremia Deus nominat Nabuchodonosorem servum suum, id est, executorem, ac justitiæ suæ ministrum, *Ecce ego mittam & assumam Nabuchodonosor Regem Babylonis servum meum, veniensque percutiet terram Aegypti.* Et Rex Senacherib omnino barbarus hanc agnovit veritatem; obsidens enim civitatem Hierusalem dicebat Judæis: *Nunquid sine voluntate Domini ascendi ad locum istum?*

Ecquæ unquam tolerantia causæ magis injustæ, malignæ, diabolicæ, effectus exitit, quam mors & passio Salvatoris nostri? quis innocentius unquam ac contumeliosius, ac ipse, passus est? ac nihilominus sanctus Petrus, cum Spiritum sanctum recepisset, in Pentecostes die inquit: *Hunc definito consilio, & præscientia Dei traditum.* Et paulò post, coram omni Ecclesiâ de eodem Salvatore loquens, ait, quòd *Herodes & Pilatus cum Gentibus & populis Israel convenerunt in sanctum tuum puerum IESUM, facere, quacunque manus tua & consilium tuum decreverunt fieri. Facere; pravæ hominum voluntatis effectus est; fieri, sanctissimæ voluntatis atque ordinationis divinæ objectum est.*

IV. Ecclesiæ Patres, qui Spiritus sancti lumen, ut intelligerent Scripturas, acceperunt, in hoc omnes puncto conveniunt. S. Petrus Apostolus libro primo recognitionum S. Clementis, ita discipulo suo loquitur: Qui credit summi Dei providentiâ gubernari mundum, non debet quidquam de his, quæ quovis modo accidunt, aspernanter accipere, certus, quod justitia Dei etiam quæ superflua videntur, aut contraria in unoquoque negotio

opportuno exitu competentique disponat. *S. Clementis Libro. 1. recognit.*

S. Gregorius Magnus, eadem in Sede locatus, eundem tenet sermonem: *Magna est, inquit, consolatio in eo, quod displicet, quod in illo ordinante erga nos agitur, cui nihil nisi justum placet. Si ergo iusta Deo placere novimus, pati autem nulla, nisi quæ Deo placuerint, possumus, iusta sunt cuncta, quæ patimur, & valde injustum est, si de iusta passione murmuramus, Greg. Lib. 2. Moral. cap. 12.*

S. quoque Augustinus hanc nobis monitionem præbet: Quidquid hic accidit contra voluntatem nostram, noveris non accidere nisi de voluntate Dei, de providentia ipsius, de ordine ipsius, de nutu ipsius, de legibus ipsius; etsi nos non intelligimus, quare fiat. *August. in Ps. 148.* Ita, de legibus ipsius, cum & post S. Augustinum universa id teneat Ecclesia: *Deus, qui animam famuli tui, hodierna die, de hoc seculo migrare iussisti.*

Quandò corpus filii tui aut mariti defuncti hac in Ecclesia extat, ut sepeliatur; Ecclesia, quæ errare nequit, cum Spiritu S. organum sit, & veritatis columna, in oratione Missæ, quæ est augustissima, sententia ac divina ejus actio, dixit: Deus, qui animam famuli tui, hodiernâ die, de hoc seculo migrare iussisti; Verum maritus meus proditoriè interfectus est, *Migrare iussisti.* Filius meus injustè falsæ testium subornationum depositione ad mortem damnatus est, *Migrare iussisti.* Frater meus veneficæ maleficiis, ejus ossa exsiccantis, ac duorum aut trium annorum decursu languere facientis, ex hac vita decessit, *Migrare iussisti.*

V. Quod



V. Quod exiguo spiritui nostro laborem creat, quodque impetu hac in re imaginationem nostram invadit, inde est, quod sensus noster tenuis non sat solutus sit, imaginatio nostra non satis subtilis atque acuta extet, ut distinguat inter malitiam actionis, & effectum ab eadem actione prodeuntē, ad fatendum, quod à malitia Deus abhorreat, illam detestetur, ac puniat: ac velit, approbet, & ad bonum quendam finem effectum destinet. Verum anima fide ac cæli lumine illustrata harum rerū duarum distinctionem & abstractionem commodē facere potest. En judicem malefactorum benē meritum condemnantem, supponamus justitiæ ministrum discessisse, aut esse absentem, nec quenquam reperiri, qui ejus officio fungi velit, nisi imprudentem nonnullum, capitalem patientis hostem, qui vē particulari quo eum prosequitur odio motus, ejus se fere carnificem præsentat: hoc in casu judex ac tortor criminis reum morti tradunt; Judex intentione laudabilissimā, vitiosā, meritoriā; Lictor ex inclinatione vituperio dignissimā, vitiosā, immeritoria; mors patientis, intellige, quod à judicis ordinatione procedat, optimæ causæ effectus est; quoad à carnificis malevolentia prodit, pessimæ causæ effectus est; tortori judex non nisi posse morale ac civile in hunc criminis reum exequendi tradit: Creaturis omnibus, quæ officere nobis possunt, posse physicum ac reale

Rom. 13. Deus, *Non est potestas nisi à Deo. Non haberes potestatem adversum me ullā, nisi tibi*  
 14.  
 Joan. 19. *datum esset desuper*, dicebat Pilato Salvator.

11.

Aut si aliam expetis comparationem: En tabulam ad pingendum paratam, victor Lazari depingere funeralia inten-

dit; famulorum nonnemo ex ineptia aut indignatione maculam illuc grandem injicit, atramentarium in velum effudens; ar pictor artifex adeo excellens est, hæc ipsi macula commodē deservit, supra caput delineat cum corpore, brachiis ac manibus; hac labe funebrem Marthæ vestem exprimit. Hoc in casu famuli culparetur iracundia, ac magistri admirarentur industriam; nigredo hæc, subaudi, quod à servo procedat, labes est; quantum Domini proposito deservit, est color; displicet ei, in quantum rabiei famuli effectus est; honorabilis ei est, quatenus subiectum est, ut sua cernatur industria; Pari-ter ignominia, infirmitas, paupertas, ac reliqua pœnæ mala quæ patimur, in quantum à creaturæ cujusdam malitia procedunt, causæ odiosæ ac detestandæ effectus sunt; quod de voluntate ac Dei ordinatione prodeunt, sanctissimæ atque adornandæ causæ effectus non nisi optimus esse potest, acceptatione effectus extant: & causæ adeo bonæ effectus non nisi optimus esse potest, acceptatione atque amore dignissimus. Ut enim inquit Salvator, non potest arbor bona malos fructus facere; Ea propter in cunctis afflictionibus nostris magnam adhibere diligentiam oportet, id cogitationes nostras à causarum secundarum voluntate, ordinariè malā deflectamus, ac causæ primæ voluntatem, semper optimam, quæ vè non nisi bonum velle potest, respiciamus.

Si quis tibi diceret: non pridem conspexi lucem per aërem diffusam, quæ obscurum illum reddidit ac tenebrosum; albedinem conspexi applicatam parieti, quæ eum, ceu carbones, denigravit; calorē perlenſi me velut glacies refrigeran-



tem: Dices sanè: en mèdacia grandia; omni impossibilitate impossibilia hæc sunt; nò valebit obscurū quid reddere lumē, nec denigrare albedo, nec calor frigefacere; cūm Lucis essentia sit illuminare, albedinis facere album, calefacere caloris; propriū magis atque essentiale Deo est velle ac bonum facere, quā Soli producere lumen, balsamo bonum exhalare odorem, nivialbum existerē, lumini illustrare, calefacere calori: *Θεὸς φύσις ἀγαθοποιεῖν*, ait Synesius: E. Seneca ut ut est Paganus, *Qua est Diis causa benefaciendi? natura.* Quod adeò verūm, ut si Judas, malus dives, aut alius damnatus voluntatis perversæ non foret, hancq; veritatem cognosceret, contentissimus esset quod puniatur; cūm id velit Deus, diceret: optimum, me hīc esse, in his morari flammis, hæc perpeti tormenta: *Puniri non est malum, sed fieri dignum poena.*

VII. Sic magnum illud in vita humana secretum, verum nostrorū omnium dolorum lenimen, remedium dulcius laborum spiritus, est, ut vivē hanc nobis persuadeamus veritatem, cum judicio ac voluntate divina in omnibus ejus consiliis nos conformemus, quidquid evenierit, de bona ipsius manu suscipiamus, ut à sua incomprehensibili Sapientia ordinarum, adorandæ ejus providentiæ œconomiam revereamur, ordines ac summæ jurisdictionis ejus dispositionem acceptemus. Praxis hæc afflictiones nostras incomparabiliter dulciores reddit ac breviores, quā si contrā stimulum calcitrare meditemur. In Beotia ajunt flumen esse, in quo pisces aurei ac rutilantis coloris apparent; ab aquis autem extractos, bellum hunc splendorem perdere, nec nisi colorem pisci-

um ordinarium præ se ferre. Si cruces & adversitates extrā voluntatem ac providentiam Dei, quæ radix atque origo earum extat, consideremus, suum habent amarorem, disgustum, spinasque naturales; verūm si in illa bonitate æterna, atque ordinatione Dei, ad bonum aliquod illas destinantis, respiciamus, aureæ nobis apparebunt, supportabiles videbuntur ac salutares.

Supposito habere te filium benè moratum, ac naturæ docilis: cūm eum ob levem quendam defectum à se commissum castigas, non movetur, non plorat, non murmurat, non conatur effugere, patienter flagra sustinet, miserabiliter te respicit, manum percutientem deosculatur; per acto opere, cum virgas dejicis in terram, recolligit, exosculatur, in certo ponit loco, ut aliā tibi deserviat, cūm bonum videtur.

Si tygridis cor tibi sit, ac viscera Leopardi, virtus hæc te mitem reddet, iram placabit, benevolentiam sibi tuam captabit, prolem hanc plūs quā oculi tui pupillam ad amares. An opinaris Deum minūs esse misericordem, atque flectatur, hominibus magis difficilem? Nebulo ille, qui tuum occidit maritum, qui tecum injustè litigat, honorem tibi ac bona rapiens, virga est, quā cœlestis Pater tuus ad te castigandum utitur; an bene agere vis, atque ex flagris hisce utilitatem excerpere? nē discrucieris, ne velut maligni filii dum puniuntur exclames, ne viis obliquis atque injustis de manibus Dei evadere tentes, amabiliter eum respice, humiliter grates age, patienter ejus præstolare misericordiam, magnum reputa favorem, quod paterno amoris affectu corripere



te dignatus sit: Mi Deus, sinistram manum tuam toto è corde deosculor, revereor atque adoro justitiam tuam me castigare dignatam, *Corripe me, Domine, in misericordia*, tempore tam longo ac rigorosè, ut tibi placuerit, corripe, *Hic ure, hic seca, modo in æternum parcas*: Ac postmodum, si virgam, quacum te castigavit Deus in terram dejiciat, si qui te persecutus est in miseriam incidat, & infortunium, erige illum, recollige, fer ei opem, reddere pro malo bonum, pro malevolentia charitatem; Dei placabis iram, ejus mereberis gratiam, veniamque impetabis.

VIII. Sic omnibus contigit sanctis, ac cõtentissimi sunt reperti. In Historia Ecclesiastica refertur, quod anno Domini quadringentesimo quinquagesimo primo Attila Hunnorum Rex, nominatus Flagellũ Dei, cum vastasset Orientem, perruperit in Occidentem, Provincias omnes perdens ac devastans; in Franciam appulit, ac pluribus victoriis obtentis urbem Trekarum - - - in Campania obsedit.

Sanctus Lupus Urbis Episcopus videns solis viribus humanis furiosæ huic bestię resisti non posse, aut auxilium recurrit divinum, cumque sua in Ecclesia publicas preces ac pœnitentias instituisset, ornamentis Pontificalibus se inducit, unà cum Clero Barbaro huic obviam processit, ac sancta audaciâ sic eum alloquitur: Quis es tu, qui Reges, debellas, populos suppressis, ac Provincias reddis desolatas? Ego sum, inquit Attila, Flagellum Dei.

Eja, ait sanctus Præsul, benè veneris,

O Dei mei flagellũ, ingredi in Urbem, & fac, quicquid justissima tua atque adoranda providentia tibi permiserit Deus.

Præclara hæc verba Tygridè hanc reddidè inermem, in urbem omni cū exercitu ingressus aversum suscepit iter, ne læso vel uno. Infortunia omnia, hac in vita nobis à Deo immissa vel permessa, ejus sunt flagella, quæ corda nostra à bonis hisce terrenis ac transitoriis avertat, ut à grano palea separatur. An ut propediem absque tuo damno transeant, expetis? aperto illa corde ceu Deo flagella, justitiæ suæ ac paternæ providentiæ suscipito; firmiter crede haud ea tibi nocitura, atque obiectum bonæ hujusmodi ac sanctæ voluntatis non posse esse nisi optimum, justissimum, acceptabilissimum.

IX. Erat hæc cogitatio ac practica sancti viri Job, qui in fortunæ everfione benedicens Deum dicebat: *Dominus dedit, Dominus abstulit, sicut Domino placuit, ita factum est, sit nomen Domini benedictum*. Non ait: *sicut Domino placuit, ita fecerunt*, sed: *Ita factum est*: bonorum ejus perditio, domus ruina, filiorum mors non casu fortuito, aut per naturales atque involuntarias causas contingere; ast dæmonum ac militum malitiâ atque obstinatione, eum despoliantium & ipse Dei beneplacito cuncta tribuit. Non inquit: Deus mihi dedit, & diabolus abstulit; Sed Deus sustulit; Sathan etenim absque Dei permissione ovium suarum minimam attingere non fuit ausus, & ne sui quidem capitos capillum.

Quod aded firmiter tenet, quod cum prædones ipsi pecora adduxissent,



Job. 19. *Simul venerunt Latrones ejus.* Quod à  
 12. Deo non voluntatem pravam, à rapien-  
 dipotentiam acceperint. Velut Scriptu-  
 ra inquit, *Spiritus Domini malum excru-*  
 1. Reg. 18. *ciasse Saulem.* Suprà quod S. Gregori-  
 10. us inquit, *lib. 2. Moral. c. 9. Spiritus Do-*  
 mini appellatur malus, ob desiderium su-  
 um malignum; appellatur spiritus Domi-  
 ni, ob potentiam à Deo receptam; *Spí-*  
*ritus Domini malus irruebat in Saul.* Ecce  
*unus idemque Spiritus & Domini appellatur,*  
*& malus; Domini, per licentiam potestatis*  
*iusta; malus per desiderium voluntatis ini-*  
*que.*

X. In hac quoque lectione prædesti-  
 natorum benè instructus erat David: *Ob-*  
 1. Ps. 38. 10. *mutui, & non aperui os meum, quoniam tu*  
*fecisti: amove à me plagas tuas.* Quæcun-  
 que mihi afflictio obvenit, audaciam  
 solum labia aperiendi non assumo, ut exi-  
 guam formem querelam, aut verbum im-  
 patiens, vocem non nisi ad benedicen-  
 dum te habeo, & ut laudes tuæ resonent,  
 sciens, omnia velut ab omnis boni scatu-  
 rigine de te provenire, nec à sinistra ac-  
 cipiendum, quod dextra porrigit. Si ad  
 usque mortem à Saule persecutus sum, *tu*  
*fecisti;* Si à Palatio meo ac Civitate Regia  
 per proprium filium Absalonem sum ex-  
 pulsus, *tu fecisti;* Si injuriâ affectus, ac  
 per Semei impetitus sum lapidibus, *tu fe-*  
 1. Ps. 37. *cisti.* Et alibi: *Sagitta tua infixæ sunt mihi,*  
*& confirmasti super me manum tuam:* Præ-  
 clara comparatio! In jurisprudentia quæ-  
 ritur: si in bestiam ejaculatus es sagittam,  
 vulnerata ad mortem erit: at non in eo-  
 dem instanti moritur; profugit; ac me-  
 dio abinde milliari intercipio ego, ad

quem spectabit? an ad eum, qui læsit,  
 aut qui intercepti? Justinianus respondet  
 §. *Illud. Quæstum est instituit. de rerum di-*  
*visione, & acquirendo earum dominio,* Illi-  
 us est, qui apprehendit. Afflictiones à  
 Deo nobis immissæ, sagittæ sunt saluta-  
 res, quas velut in feras, ut suo nos inferat  
 servitio, ejaculatur Deus, *Ut tradas eos*  
*in manus tuas. Sagitta tua infixæ sunt mi-*  
*hi:* Ast malum est, quod à Deo læsi, si-  
 namus, ut alius nos capiat. Aeger es, at-  
 que ut saneris, ad veneficam, aut ad su-  
 perstitiosum accurrens remedium; perdi-  
 disti quidpiam, ablegas ad Incantatorem,  
 ut quisnam sustulerit, nosse queas: Inti-  
 matus tibi processus est, ut evincas, ju-  
 stitiæ cuipiam ministro te prosterneis. Vul-  
 neravit te bonus Deus, at diabolus te ra-  
 pit. Non ita David; à Deo læsus, non fu-  
 giebat: non remedia malo pejora, vias  
 injustas aut illicitas, ut ab afflictionibus  
 immunis foret, indagabat: ad sacros mi-  
 sericordiæ Dei pedes, ut de manu læden-  
 te se, sanaretur, se prosternebat: *Sagitta*  
*tua infixæ sunt mihi, & confirmasti super me*  
*manum tuam.*

XI. Verum nihil præclarius exemplo  
 Sancti Sanctorum: Sancto ait Petro in  
 Olivarum horto defendere se volenti: *Ca-*  
*licem, quem dedit mihi pater, non vis, ut*  
*bibam illum?* ab illorum malitia, qui  
 hunc sibi amaritudinis calicem parabant,  
 visum avertit, ut non nisi sanctissimam ac  
 dilectissimam Patris sui præsentantis re-  
 spiceret voluntatem. Si, ut ipse, ageres,  
 infirmitatum aliarumque afflictionum  
 tuarum amores admodum dulcescerent.  
 Imagineris tibi parvulum quendam, cui,  
 ut à magna liberetur febris, medicinam  
 sumere



sumere opus; mox, ut Apothecarius in conclave subintrat, vociferatur, plorat, nè quidem aspectu eum dignatur, ad parietem se se convertit: accedit pater ejus, dicitque: Apage cum Apothecario hoc, filium meum affligente; Age, anime mi, deliciæ meæ, an non aliquid ob amorem mei facturus es? cape parvulam hanc potiunculam, ut sanitati restituaris, amabo te, saccari habebis globulos, perbellam tibi vestem coëcinam, ibis unâ cum sodalibus tuis lusum dum convalueris. Recipit à parentis manu infans, quod Apothecario abnuerat. Processus hic injustus tibi intentatus, crimen hoc nequiter tibi impositum, homicidium illud in mariti tui personam commissum; potio non nihil amara est, at salutaris admodum, si bene sumatur: ut bene sumas, nè rabulam istum, calumniatorem hunc, latronem illum respice, Apothecarius est, qui aloës tibi poculum præsentat, verte cogitationum tuarum visum versus Deum bonum, Patrem tuum coelestem, hanc tibi medicinam offerentem; si libenter sumas, globulos tibi saccaro conditos interiores promittit consolationes, exaltaturæ tibi coelestis vestem adornabit, splendore ac gloriâ dotatum corpus, unâ cum Bearis ad Elysijs Empyreï Cœli campos expansiaberis: dicigitur carni crucem recusanti: *Calicem, quem dedit mihi Pater, non vis, ut bibam illum: dedit mihi Pater:*

CONCLUSIO.

*Dispositiones, cum quibus recipienda sunt cruces; nempe timor, confidentia, honor in Deum.*

XII. **T**erna hæc verba tres exprimunt conditiones, quibus cum adversa à Deo immissa sunt recipienda: Timorem, Confidentiam, Honorem. *Dedit*, est Deus, qui afflictiones immitit, undè si eum non revereamur, formidandus; *mihî*, non *contra me*, nobis, pro bono nostro, salute nostrâ, nisi nos, ut immitat, præbeamus ansam; *Pater*, non desinit esse pater, ac per consequens, licet afflixerit, honore dignus. *Timeat Deum omnis terra*, ait Psalmista, quoniam ipse dixit, & facta sunt, &c. Ps. 32. quod omnia, quæ in mundo sunt; ejus creaturæ sunt, sub eo stipendium merentur, inserviunt, dispositæ sunt, paratæ ad vindicandum offensas, quæ in ejus Majestatem committuntur.

In quod S. Augustinus inquit: *Fera sævit; Deum time. Serpens insidiatur; Deum time. Odit te homo; Deum time; Impugnat te diabolus; Deum time. Tota creatura sub illo est, quem juberis timere; cupidinem nocendi potest habere creatura, propriam potestatem verò habere non potest, si ille non dat. Aug. conc. 2. in Psal. 32. Si dat, in bonum tuum vergit.*

In ipso confide, plus habet affectionis in te, quàm tu in filios. Apothecarius pro filio medicinam componens, non modò caver, ut nil quod noceat immisceat, sed & Pharmacœon salutare; nil nisi quod præcise necessarium est addit; est enim amarum. Sic Propheta de bono Deo inquit: *Tu laborem & dolorem consideras, cum mensura magna que consideratione portionem parat, Potum dabis in*

Ps. 9. 35.  
Ps. 79. 6.  
Sap. 12.  
18.



Sapiens, Tu cum tranquillitate judicas, & cum magna reverentia disponis nobis, Videor mihi videre Chirurgum, qui juniori Principi incisurus venam, aut cucurbitulas admoturus cautè ac cum metu agit, nè plùs quàm oportet sanguinis extrahat; Pari modo se habet Deus ergà nos, nunquam plùs nos affligit, quàm sua infinita sibi sapientia dictat esse necessarium; atque id facit, non ut perdat, sed ut sanet, non inimici jactus est, sed Patris amabilis: *dedit mihi Pater*: honorandus est non solùm, cùm blanditur, sed & cùm affligit; quòd semper Pater sit; Honora igitur primùm tuis in afflictionibus summam ejus jurisdictionem: artifex an non operis sui Dominus est, causa sui effectus, creaturæ Creator? an aliquàm oviculæ tuæ injuriam infers, vellere eam exspolians, pellem detrahens, deglubens, Si bona tibi auferat Deus, filios, honorem, vitam, non aliâ ratione prævia, quam ut supremum Dominii sui jus exerceat, nulla te injuria afficeret, nil aliud proferre posses, quam quòd miser Hely: Deus est Dominus, jus habet faciendi, quod bonum sibi videtur. *Multiplicabit vul-*

*Iob. 9, 17. nera mea etiam sine causa.*

Honora quoque ejus amplitudinem: adeò amplus est, nobilis, excellens, adeò amore dignus ac respectu, ut licet bona non communicet, honorari mereatur. Servitium ei debetur, licet non nisi ictus sint præstolandi. Cùm processus tuus est deperditus, hæreditas effecta gracilis, domus concremata, fœdata reputatio, per Prophetam occinit tibi Deus, *Ego Dominus creans malum*. O beatum servum, cujus emendationi Dominus instat, cui

dignatur irasci, quẽ admonendi dissimulatione non decipit, *Tertullianus*.

Reverere ejus bonitatem; Annon admiranda bonitas est, pietas excessiva, si per intemperantiam aut impuritatem in ægritudinem incideris, in paupertatem ob exorbitantias ac dissolutiones; in infamiam ac dedecus tuas ob fraudes? Ægritudo hæc, paupertas, infamia, satisfactoria pro te ac meritoria est, si patienter sustines; cum resignatione in Dei providentiam, & ejus amorem.

Honora justiciam: tam crebrò eum offendisti, ejus læsisti honorem, tot tantæque contra ejus egisti voluntatem; an non æquum, ut & tu lædaris: honor tuus debilitetur? ut plura contra voluntatem tuam, injustè etiam atque injuria sufferas? an non tibi, ut sancto isti dicendum, *Dan. 3. Domine Deus, justus es in omnibus, quæ fecisti nobis; peccavimus enim recedentes à te*. Sic justiciam exercens misericordia in nos utitur.

De toto corde tuo igitur ipsam honora, ac gratias age, quòd te hoc in mûdo paternè castigare dignetur, ne in alio æternùm ac severè puniat: Ceu amicos te tractat, Moysen, Aaron & Samuelem: *DEVS tu propitiuss fuisti eis, & ulciscens in omnes adinventiones eorum, Ps. 98. 8*. Dic ei, ceu S. Bernardus: Volo, irascaris mihi, Pater misericordiarum, sed illa ira, qua corrigis devium, non qua extrudis devia; non enim cùm nescio, sed eum scio te iratum, tunc maximè confide propitium, *Bern.* Justitia ejus virgæ Moyse comparatur: cùm eam S. Propheta jaceret in terram, mutabatur in serpentem; cùm resumeret, sceptrum erat prodigiosum, emol-



emolliens petras, aquas inde educens, Ægypti Regnum delolavit, transitum in promissionis terram aperuit. Cum iustitiæ virga Deus haud utitur, nec illam ad temporaliter nos castigandos arripere dignatur, serpens in nos efficitur, ad sævitiam atque infernalis Draconis nos furias reservat: at cum manu apprehen-

dere illam dignatur, ac paternè nos corrigere, est, ut durum pectus nostrum emolliat, ab oculis pœnitentiæ lachrymas eliciat, dæmonis in nos imperium evertat, ut viam adaperiat ac planam reddat, vi dulci ad intrandum in Promissionis Cœlum nos feliciter compellat, Amen.

# S E R M O

## SEPTUAGESIMUS TERTIUS pro festo sancti Bartholomæi Apostoli.

### DE PERFECTIONE CHRISTIANI erga Deum, proximum, ac seipsum.

*Pellem pro pelle, & cuncta, quæ habet homo, dabit pro anima sua.*  
Job. 1.

#### EXORDIUM.

**N**Eminem hic credo, Auditores, adesse, qui non libenter vellet ingredi cœlum, neminem partem adesse, qui in hoc totus non sit, quomodo viam versus cœlum possit inire, & januam cœlestem reperire? Sed quid agendum, ut eam possis intrare? Christus notat arctam esse viam, & portam angustam, per quam intrare debemus; ut illam plures intrarent, posuerunt cristatas galeas, elatum verticem, gibbos auro & argento, refertos, thesauros sæculi, mundi honores, dicentes, Ecce nos reliquimus omnia, alii ulterius ca-

put, brachium, humerus, sanctos Bartholomæus hodiè quoque pellem. Quod si ergo tu velis etiam intrare per illam angustam portam, debes exuere pellem. Hoc tempore dies sunt caniculares, in quibus ponim⁹ vestes, ita tu debes amore Dei ardere & ponere vestes quas soles portare in hyeme, nempe odii erga Deū, erga proximum, ad hoc te movebit, si consideres quod sis filius secundo debes ponere pellem delicatam carnis, ut induas pellem, quam dedit Deus post peccatum Adæ & Evæ, hoc est tunicam pelliceam mortificationis & pœnitentiæ, omnia necessaria rescindendo, ita ut Severus erga te sis, uti ostendam hac concione.



*Estote perfecti, sicut & Pater vester  
coelestis perfectus est.  
Marth. 5.*

**I.** **D**icebat in Evangelio Dei Filius se in mundum venisse, non solum ut peccatores converteret, sed & eos sanctificaret, redderetq; perfectos: *Ego veni, ut vitam habeant, & abundantius habeant*: Viri Apostolici, quos in Missionem ablegat, id. præstare debent: S. Paulus jubet, ut Sacramentum Scripturæ, non solum ut peccatrices animas reprehendant & corrigant, sed ut perfectas eas efficiant, atque ad opera bona propensas. Hoc est, cui binis in Prædicationibus mihi insudandum, ut exhibeam vobis, perfectionem, quæ Christianum suis in dispositionibus atque actionibus præditum esse decet. Hodienâ luce monstrabo, filium eum corde in Deum, matris in proximum, iudicis erga seipsum debere esse dotatum.

Tria hæc, O Sacratissima Virgo, semper observasti; eapropter, cum in mortis tuæ horâ te vocavit Deus, ut merita in terris acquisita tuis te invitationibus vocavit: *Veni de Libano, veni sponsa mea, veni coronaberis. Cant. 4. 8.* Coronaberis; filialem namque ac perfectum in Deum amorem habuisti. Coronaberis; proximo enim charitatis maternæ obsequia præstitisti. Coronaberis; etenim rigorosas in te exercuisti austeritates; triplicem hanc in te Coronam devotione cordis, ac verbis Angelicis veneramur. *Ave MARIA.*

## IDEA SERMONIS. EXORDIUM.

*Iudei erant servi, nos filii.*

**II.** **N**on accepisti spiritum servitutis, iterum in timore, sed accepisti spiritum adoptionis Filiorum. *Ve-* Rom. 8.  
rum id; hæc judaicum inter ac populum Christianum differentia, quod populus judaicus cum Fidem ac Religionem, mediante Moyse, recepisset, servili præditus erat Spiritu, corde in Deum mancipii ac mercenarii: Populus Christianus, cum mediatione JESU filii Dei legem retulisset ac Religionem, cor gestat filiale, Deo se dicat, non ceu Domino servus, sed Patri Filius; Spiritus hic filialis, Christianæ Religionis adeo familiaris extat, ut ceu fundus ejus sit, substantia, nodus, ac Judex supremus; Religio namque à religando appellatur colligat enim nos Deoque unit; nullus etenim cum Deo nobis est nexus, nullum ad favores ejus ac benedictiones jus, nisi in quantum adoptivi sumus, adjuncti ac JESU affocitæ; prædestinatio nostra suæ affixa est, insita atque inserta, *Benedixit nos omni benedictione Eph. 1. 4. spirituali in Christo, elegit nos in ipso.*

Agedum prædestinatus est ipse, non primario ac principaliter ad visionem Dei, ad gloriam ac beatitudinem cælestem, verum, ad filiationem naturalem; prædestinatio Filii Mariæ elegit eum, ac prædeterminavit ut sit Filius Dei per naturam, *prædestinatus est filius Dei.* Ita nos Rom. 8. 4.  
Dei gratiam non recipimus, ad gloriam non nisi per filiationis jus admittimur: In ordine naturæ creat homines, nutrit, regit, atque ut DEUS gubernat: In ordine gratiæ prædestinat; justifi-



juſtificat, atque Electos ceu Pater filios ſibi chariſſimos, adoptivos atque unico Filio ſociatos glorificat. Sic quoque conſpicimus nos non niſi generationis viâ Eccleſiam adire, *Niſi quis renatus*, ac ſi quis Baptiſmum adminiſtrans dicat: Baptizo te in nomine primæ, ſecundæ, tertiæ perſonæ ſanctæ TRINITATIS; In nomine Creatoris, Redemptoris, Sanctificatoris; invalidum foret Sacramentum: generationis divinæ faciendæ mentio, paternitatis ac filiationis, ad demonſtrandum, nos à Cælo non reſpici, approbari, favore excipi, niſi in quantum filii Dei, cohæredes JESU, ad dignitatis Filii participationem admiſſi; ſpes noſtra omnis precesque ſuper hæc verba fundantur: *Pater noſter*.

## PUNCTUM PRIMUM.

**D**ebemus Deo amorem filialem non mercenarium. Primò ſcriptura, ſecundò Patribus, tertio Rationibus, quartò Exemplis, quinto Inſtructionibus. Primò petendus à Deo amor dilectionis, ſecundò exercendus.

III. Edocet id nos, amorem Deo debitum, ceu à Chriſtianis, amorem eſſe filialem, id eſt, gratuitum ac benevolentia debere eſſe amorem. Opinaris te admodum exiſtere virtuoſum, atque in eminenti perfectionis eſſe gradu, ſi dicas: valdè Deo obligor, ex toto corde ipſum diligam, creavit me, nutrit ac conſervat, in ſervitium noſtramque commoditatem tot pereximios flores produxit, tot ſapidos fructus, tot cibos bonos, pecora, aliasque creaturas; à tali me vitæ periculo eripuit, litem me vincere effecit, à magnâ infirmitate me extraxit, filios promovit: Non mala hæc quidem diſpoſitio eſt, ad aliquid utilis extat, ad amplio-

rem nos perfectionem deducere valet: Verùm ſi aliud nil ſit, imperfecta admodum, impura, inculta, Chriſtiano indigna eſt diſpoſitio.

IV. S. Paulus clamat ad Corinthios, I. Cor. 13. *Si charitatem non habuero, nihil ſum, nihil mihi prodeſt*: Et cum Theologiæ Doct̃or S. Thomas 2. 2. q. 23. a. 1. de charitate agit, prima quam promovet veritas, à cunctis approbata Doct̃oribus eſt, charitatem non eſſe concupiſcentiæ amorem ac mercenarium, ſed amicitia ac benevolentia, amorem per quem Deum amas, non quod tibi bonus, ſed quod bonus in ſe; non quod te obligat, aſt quia meretur; non intuitu tui tuæque ſatisfactionis, at ſui divinarumque ſuarum perfectionum.

Verus amor ſeiſpſo contentus eſt, ait S. Bernardus, quicquid amando præten- dit, amare eſt. Comparatur igni, qui non agit niſi ut excrescat, ac magis magisque in flammis augeatur. Ac S. Auguſtinus de devotione loquens ſerm. 234. de tempore cap. 3. ait: Hæc eſt vera pietas, amare Deum gratis; nam diabolus hoc beato Job, neſciens quid in illo intus ageretur, magnum crimen objecit: *Nunquid Job gratis colit Deum?* Si quærit diabolus fingere quod non eſt, quantò magis obijcere quod eſt?

V. Deum amore proſequeris, quod te nutrit, in ſanitate conſervat, creaturas ad tui obſequium deſtinat; en ſane perfectionem magnam! habes unde gloriaris. Id eſt, æquè ac Socrates, Plato, Epicte- tus, ac Seneca agnoſcis; Deum aliquo modo amore naturali, atque ob gratitudinem amabant.

Deum amas, quod tibi benefacit, id eſt, quod nō plus quam canes, ſerpentes,



leones, affæque feræ degenerâsti: amat te canis tibi; fidelis extat, ob panis fructum, quod ei objicis: Visi sunt serpentes, nutritores suos adamantes, atque ob illorum defensionem zelantes: Conspicisti leones, qui quod spina è pede fuerit extracta, de venatione sua benefactorem alentes: indies cernimus feras, quæ ob bonum aliquod sibi præstitum cicurantur ac mitescunt.

Diligis Deum, quod prosperitatibus te cumulat, id est, quod cum velut servum, pecora, ac hæreditatem amas: Dicis: En bonum famulum! valde ei afficior, in tali occasione contra insultantes adversarios me tuitus est, anxie mea ob bona sollicitus, fideliter, quidquid ad me attinet, custodit: En equum heroicum, en pecudum gregem fecundum, pingue pratum, agrum fertilem, uberem vineam quotannis tantum ex illa utilitatis percipio. Similiter inquis: Sanè bonum hunc Deum amare teneor, in tali discrimine à morte me præservavit, gratiam mihi hæc & illa obtinendi præbuit; *Cui assimilâstis me & inadaquâstis, & comparâstis me?* An non aliâ in Deo amare bonitatē erubescis, quàm illam in servo ac hæreditate adamatam? non affici in Deum motivo alio, quàm quo erga pecus ac tantillū terræ afficeris?

Non amas Deum, quàm ob bona tibi exhibita, id est, bona tibi præstita pluris ac ipsummet æstimas, *propter quod unumquodque reale, & illud magis*; non ipsum super omnia, non ut vult redamas; aut, ut melius ac propriè magis eloquar, non amas, commoditates tuas amas, te ipsum amas.

VI. Sancti juvenes, Ananias, Azarias, Mizaël aliter Deum diligebant: minitabatur eis Nabuchodonosor Rex, se in-

flagrantem eos fornacem, nī idolum adorarent, injecturos: Ecce, responderunt ei, *Deus noster, quem colimus, potest eripere nos de camino ignis ardentis, & de manibus tuis, o Rex, liberare; Quod si noluerit, notum tibi sit, Rex, quia Deos tuos non colimus, & statuam auream, quam erexisti, non adoramus.* Sic venerabilis Tobias ac S. Job non in prosperitate solum, sed & in afflictione ex corde toto amabant Deum, eumque venerabantur, in captivitate alter, alter in rerum omniū egestate. Ita magnus S. Ludovicus cum Crucis suscepisset insignia, ad terram sanctam inquirendam, nec succederet, reversus denud, peste correptus, priusquam moreretur, filio dixit: Cōmendo tibi, ut Deum ex toto corde tuo diligas. Sic quoque Charitas tempore suo in præcellentis Domina formā comparuit, in manibus ignitabulum, ac refertam aquâ urnam gestans, ac dicens ea se deferre ad incendendum Paradisum, ac flammās infernales extinguendas, id est, etsi merendus non foret Paradisus, nec evitandus Infernus, nō tamē adamare Deum vera cessaret charitas.

VII. Non quod prohibitum, ob bona temporalia accepta, aut recipienda amare Deum; ad id tenemur; verum non ibi sistendum, non solam hanc considerationem unicum, primum ac principale amoris nostri motivum esse oportet; diffidendum sibi, ac quem in Deum habere arbitramur amorem, verendum, ne naturalis extet amor, impurus, imperfectus. Cum peteret à S. Petro Jesus: *Simon Joannis diligis me plus his*: respondere non fuit ausus: *Etiam Domine, tu scis, quia diligote te*: sed *quia amo te*; bina inter hæc verba differentia est, ut notavit S. Augustinus; Crebrò in parte inferiori animæ

Dan. 3. 17.

refi-



residet amor, quandoque non nisi naturæ ac sympathiæ inclinatio est, passio ac teneritudinis affectio, in oblectamento nostro aut utilitate, quam recipimus, fundata: amor electionis est dilectio; *Diligere quasi diligere*: Judicii atque æstimationis amor est, benevolentia ac bonæ in aliquem voluntatis est affectio, in notitiâ, quam suis de meritis quis obtinet, fundata. Quandoque Deo benè dicere possumus, *Amo te*, cum teneritudinem quandam ac sensibilem ad eum habemus affectum; at difficulter noscitur, an cum veritate dicamus, *Diligam te*; ipsum amore benevolentia ac charitatis supernaturalis diligentes; Eapropter crebro cum humilitate, fervore, importunitate expetere illū oportet, ac sapius obtestari, ut amoris sui nobis elargiatur puritatem, cor ab omni prætensionis interesse expurgatum, spiritum rectum directè, sine reflexione ad nos, in ipsum tendentem, sapius hæc ejaculando sagittas: *Diligam te, Domine: Cor mundum crea in me, Deus: Spiritum rectum innova.*

Atque ut amor noster purificetur, quod charitas perfecta servilem expellit timorem, ad supererogationis opera affici oportet, opera, quæ ordinariæ amoris motivo plus quàm timoris in praxin rediguntur, cum Deo ceu mancipia agimus. Cum quid à nobis expetit, nō virgam in manibus semper gestet, ac minitetur infernum, haud quicquam agere curamus: Dominicâ luce non nisi uni sacro, ac quoad possibile brevissimo interesse lubet, & si dimidio horæ quadrante audiendum est, jam ne Ecclesia in caput tuum corruat, vereris ad eò ibi commorari pertimescis. Salutare equidem vis inimicum; Confessarius namque tuus ad id te

obligat; at non benefacere, Turcæ libentius id obsequii præstares. Nulli desiderio aut cogitationi carnali consentire equidem vis, quod hac tunc in Infernum: at aliis in similia consentientibus, etiam sciente te ac vidente, id minùs te concernit. Ah! testari hoc est, quod Deum taliter qualiter ames, non tamen ames. Ut monstres te filiali ac benevolentia eum amore complecti, plura quæ ei placitura nōsti agenda sunt; licet ad hæc sub pœnâ te non constringat; boni infantis instar, cui haud sufficit exequi, quæ pater sibi præcepit; mancipii hoc opus est; at cuncta peragit, quæ in commodum aut patris honorem vergere posse opinatur.

#### PUNCTUM SECUNDUM.

**D**ebemus proximo affectum & servitium maternum. Primò Scriptura, secundo Patribus, tertio Rationibus, quarto Exemplis, quinto Instructionibus.

VIII. Si pietas nos obligat, ad exhibendum Deo amorem ac servitium, ceu bonus filius patri, commendat nobis charitas, ut proximis obsequia præstemus, ceu filiis mater. Cum alteri, à quo recompensam diffidis, obsequium ut exhibeas, te exorant, inquis: Ad hoc minùs obstringor, ejus non ago servum. Deciperis, falleris; maximas Christianismi ignoras; Religio Christiana te proximorum omnium esse servum obligat. Omnino tu Consiliarie, Prænobilis, Comes, Marchio, Christiana te obligat Religio, ut Artificis hujus, rusticæ, Orphani servum te paratum exhibeas: *Non servili conditione, sed Christi redemptione: non necessitate, sed charitate*, inquit Sanctus Augustinus. An non Evangelium atque Apostolorum recipis Epistolas? Si minùs; Christianus non es,



nihil mihi tecum negotii intercedit: si acceptas, ne prorumpere: En Prædicatorem difficilia exigentem; Ast dicito: Dei Filius atque Apostoli magnam à nobis perfectionem requirunt: en eorum preceptum: Loquens Ecclesiæ Salvator, in qua Principes ac Reges futuros noscebat, in mortis suæ vigilia dicebat: *Reges gentium dominantur eorum, & qui majores sunt, potestatem exercent in eos: non ita erit inter vos, sed qui major est in vobis, fiat sicut minor, & qui præcessor est, sicut ministrator.* Non, inquit, *sicut minister*, sed *sicut ministrator*, non qualitatem solum ac conditionem ministri, verum functiones habeat atque exercitia ministratoris; effectivè & actualiter serviat. Et sanctus Petrus fidelibus inquit: *Subditi estote pro amore Dei omni humanae creaturae.* Et sanctus Paulus ad Galathas: *Per charitatem spiritus servite in viam.* Et ad Ephes. cum præcepisset servis, obedire Dominis, sicut Jesu Christo, cum sinceritate ac simplicitate cordis, adjungit: *Et vos Domini eadem facite illis.* Quod anam dedit sancto Augustino dicendi: In domo justi ex fide viventis, etiam qui imperant, servant iis, quibus imperare videntur; nec enim dominandi cupiditate imperant, sed officio consulendi, nec principandi superbia, sed providendi misericordia. *19. de civit. cap. 14.* atque in domo Dei, quæ est Ecclesia, hanc praxin cernimus; Summus enim Pontifex, qui est Paterfam. in Bullis se vocat servum servorum Dei.

IX. Ratio à sancto Paulo allegata, ut servos ad obediendum Dominis induceret, dominos omnesque alios, ut proximo cum charitate serviant, obligat, *sicut Christo, sicut servi Christi.* Ecclesia Jesu

Christi est sponsa, atque in hac qualitate est Regina; & hoc est, quod inquit David. *Affirmo Regina à dextris tuis.* Et Isaias ei dicit: *Reges ministrabunt tibi.*

*Psal. 44.  
Isa. 68. 10.*

Ecclesia est mysticum JESU corpus, quam plus corpore suo naturali dilexit; non enim de tortoribus Cruci se affigentibus est conquestus, sed de Saule tantum Ecclesiam persequente; Christiani omnes hujus corporis membra sunt, quodve ipsis sit, sibi factum æstimat. Non benè dixisset Magdalena, servitiam exhibebo Jesu, corpus ejus deificatum venerabor; non ita ejus pedes, manus, brachia, aliaque in particulari membra; thymiamate coram Phariseis unxit pedes Jesu, tanta devotione, ut totum in sepulchro corpus ungere voluerit.

X. Si Ecclesiæ honorem, respectum affectionem debes atque obsequium, cuncta hæc officia fidelibus ceu corporis hujus membris, ac toti hujus partibus debes; non es nobilior atque excellentior Apostolis, Angelis, Angelorum Rege atque Apostolorum, & admodum se dimisere, ut obsequia fidelibus præstarent. Sanctus Paulus ad Corinthios ait: *Prædicamus Jesum Christum Dominum nostrum, nos autem servos vestros per Jesum.* Eadem Prædicatio, fides eadem, idem Evangelium annuncians Jesum esse Dominum nostrum, Prædicatio eadem, eadem fides, Evangelium idem sanctum Paulum ministratorem nostrum esse declarat. Et ad Hebr. ait, quod cœlestes Spiritus Angeli. *Omnes sunt administratores* *Hebr. I. 14.* Spiritus propter eos, qui hereditatem capiunt salutis. Et ad Philippenfes mandat, ut proximos nostros omnes ceu superiores agnoscamus, Jesu Christi proponens exemplum, qui cum in forma Dei esset,

exina-



exinanivit semetipsum formam servi accipiens: forma, non vult dicere solam apparentiam ac figuram exteriorē, sed veritatem, essentiam, conditionem, ac servi officium: ut, cum dicit: *Cum in forma Dei esset*, id est, realitate, essentia, & qualitate. Et in effectu, velut in S. Matthæo refertur, Ecclesiæ servivit, eam expurgavit, sordes ejus in se suscipiens, vitam dans pro fidelibus. Exiguum proximo exhibere servitium recusas, libellum ejus supplicem signare, judicatum exequi, ejus agere causam renuis; Amplius pro eo fecit Jesus, impendit non laborem modò, servitia, sudores, sed & propriam vitam profudit.

XI. Sanctus Paulus pronuntiavit, proximo serviendum esse non ex ignavia aut animi abiectione, aut ex charitate atque amore Dei. Charitas bene ordinata, cuncta quæ peragit, bene ordinat, non ut servi tui sis famulus te obligat, sed ut proximis servias, ac secundum posse tuum, quantum conditio tua ac qualitas permittit, assistas, idque affectuosè ac cordialiter, velut filiis serviens atque assistens non desinit esse mater ac filiis superior, cuncta eorum infortunia persentiscit, de eorum prosperitate bonaque fortuna extremè lata, *Gaudere cum gaudentibus, flere cum flentibus, id ipsum invicem sentientes*, defectus atque imperfectiones eorum cooperit, si conterege nequit, excusat, ac quantum potest diminuit, non vitiis illorum inclinationibus morigeratur ac condescendit, defudat ac pro ipsis colligit divitias. Sancti Apostoli nos edocent ita in proximis esse dispositos, de eorum prosperitate lætari, tristari ob infortunia, sensui eorum se accommodare, culpas, quas

committunt, occultare; *Charitas operis* 1. Petr. 4. 9. *multitudinem peccatorum*, humoribus eorum non inordinatis morem gerere, ferre imperfectiones, pietatis ac misericordiae viscera in eos deferre; *Unusquisque proximo suo placeat in bonum, ad edificationem*; etenim Christus non sibi placuit. *Dignè ambuletis vocatione qua vocati estis, cum patientia, supportantes invicem in charitate. Induite vos, sicut electi Dei, viscera misericordia, benignitatem, humilitatem, patientiam, hospitales invicem, sine murmuratione, unusquisque sicut accepit gratiam, in alterutrum illam administrantes sicut boni dispensatores.* Ephes. 4. 1. Col. 3. 13. 1. Petr. 4. 9.

### PUNCTUM TERTIUM.

**D**ebemus nobis severitatem judicis. *Primo Scriptura, secundo Patribus, tertio Rationibus, quarto Exemplis, quinto Instructionibus.*

XII. Verum in nos sacrum quandam rigorem judicis ac severitatem exercere oportet; hoc est, quod à nobis exigit Deus, ut peccata dimittat, atque in gratiam recipiat; tam sæpè per Prophetas inquit: *Facite justitiam & judicium.* Et David cum humilitate demonstrat ita se egisse, ut ab injustis inimicorum persecutionibus mereretur esse liber, *Feci judicium & justitiam, non tradas me calumniantibus me.*

S. Job, aliique Prophetae innocentissimi licet, justissimi ac sanctissimi, justitiæ divinæ severitatem cognoscentes dicebant: *Mi Deus, non intres in judicium cum servo tuo.* Verum S. Bernardus salutare nobis consilium suggerit, quod & ipse usurpabat: *An secretum quoddam nosse vis, ne in mortis horâ judicaris?*



Bonum iudicium, quod me illi districto  
divinoque iudicio subducit & abscondit;  
volo vultui iræ iudicatus præsentari, non  
iudicandus, *serm. 55. in Cant.* Propheta  
ejus nos edocet, quod non confurget du-  
plex tribulatio: *Alia versio habet: Non*  
*iudicat Deus bis in idipsum:* Et Aposto-  
lus ejus inquit: *Spiritualis homo omnia*  
*dijudicat, & ipse a nemine iudicatur.* Ver-  
bum hoc: *Spiritualis homo*, notare me  
facit, in quolibet nostrum duos esse ho-  
mines: Sensualem unum, spiritualementer  
alterum, vetus homo ac novus, exterior  
homo atque interior, homo peccator &  
homo Christianus; Primus est corpus  
nostrum facultatibus & passionibus ani-  
malibus informatum; Alter, spiritus no-  
ster motibus ac gratiæ luminibus guber-  
natum. De primo loquitur David, dum  
suis in precibus toties ait: *Ab homine*  
*iniquo & dolofo erue me. Eripe me, Domi-*  
*ne, ab homine malo.* Injustus est ac mali-  
gnus; ad se etenim cuncta refert, non nisi  
propriam querit satisfactionem, omnis  
nequitie fermentum in se continet, in-  
clinatus est, atque ad omnis generis vitia  
dispositus, ad hæc, quantum ei possibile,  
nos sollicitat, *Caro concupiscit adversus*  
*spiritum.* Abstinete vos à carnalibus desi-  
deriis, quæ militant adversus animam;  
versipelle est & aptum, ad recipiendas  
inventiones mille, ut injustitias palliet,  
ac necessitatis, conservandæ sanitatis, ac  
sui ipsius homicidii prætextu sensualita-  
tes occultet; continuò spiritui ac virtuti  
bellum infert: Nisi spiritualis homo bo-  
no iudicio magnæque justitiæ polleat, nisi  
illuminatus à Deo sit, ut artificia callidi  
hujus detegat, animumque suum ostendat  
ac severe illum reprimat, vitiorum

suorum nos efficit complices, læsa Ma-  
jestatis divinæ reos, mortis æternæ fon-  
tes. Ac supposito tandem, salutem no-  
stram minus periclitari, an non sufficit  
hominem hunc sensualem Dei hostem  
esse capitalem, in ipsum continuò insur-  
gentem? Inclinationes ejus omnes semi-  
na esse rebellionis? Indè est, quòd Deum  
amantes, ejusque gloriæ zelosi, sacro  
quodam desiderio animentur, quò in se-  
metipsis perduellis hujus ausus ac ma-  
chinamenta vindicent.

XIII. Et per experientiam conspi-  
cimus, innocentiores pœnitentias agere  
maiores, quemadmodum egere Vir san-  
ctus Job, Jeremias Propheta, S. Joannes  
Baptista, Apostolus S. Paulus, S. Jacobus  
minor, ac primitivæ Ecclesiæ Christiani,  
sacrarumque Communitatum Religiosi  
penè omnes.

Id nos edocet, quod veluti Judex, cri-  
minis reos mandat in carcerem, eorum  
bona publicat, & ad mortis pœnas dam-  
nat; pariter ut de salute nostra simus se-  
curi, nec ob carnis rebellionem propi-  
umque amorem in perditionis discrimi-  
ne versemur, solitariè, in spiritu pauper-  
tatis, ac mortificationis vivendum; id  
est, evitandæ societates mundanæ, visita-  
tiones supervacaneæ, juvenum ac filia-  
rum conventus, tripudia, saltationes, co-  
mediæ; domi se continere, ac secundum  
conditionem labore spiritus aut corpo-  
ris occupari, luxus ac superfluitas ve-  
stium, comitatus, ædium, mobiliū, edu-  
liorum, ut in frugalitate ac humilitate  
Christiana vivamus, rescindendus; deli-  
ciæ ac recreationes, non nisi ad satisfa-  
ctionem nostram, non ad sanitatis in Dei  
servitio necessariæ conservationem tend-

Nabum i. 9.

1. Cor. 11.

Psal. 41.

Psal. 139. 2.

Gal. 3. 17.

1. Petr. 2. 11.



dentes, amovenda. Et angelium sacrum hæc nobis commendat. Sanctus Paulus ad Colossenses: *Mortui estis, & vita vestra abscondita est cum Christo in Deo.*  
*Gal. 3. 3.*  
*Luc. 6.* Salvator in S. Luca: *Va vobis divitibus, qui habetis hic consolationem vestram.* Et rursus ejus Apostolus: *Qui Christi sunt, carnem suam crucifixerunt cum vitiiis & concupiscentiis. Semper mortificationem Jesu circumferentes.* Si tibi in hoc minimum exigi videtur, sacra hæc Divi Francisci verba sæpè ab illo prolata, non Religiosis solum, sed & omnibus ad Cælum anhelantibus inculcata consideres velim ac rumines.

*Conclusio per paraphrasin verborum  
 S. Francisci.*

**M**agna promissimus, majora promissa sunt nobis; illa servemus, ad ista curramus: voluptas brevis, æterna supplicia: labor modicus, gloria infinita: multorum vocatio, paucorum electio: omnium justa retributio. Quot verba, tot instructiones.

*Magna promissimus.* In Baptismo secundum Evangelii maximas vivere promissimus; declarat id Spiritus sanctus, non ambigendum est. Baptizati non solum tenentur ad legem divinam, sed Evangelicam, *Trid. sess. 7. can. de Bapt.* En primum Evangelii præceptum, omnium maximum, sæpè à Christianismi fundatore publicatum: *Diliges Deum tuum ex toto corde tuo, ex tota anima tua, ex tota mente tua, & ex omnibus viribus tuis:* Estne ex toto corde amare Deum, ut tibi benefaciat? Non ei servire, nisi te pro-

spirationibus cumulet? ad minimum tibi obveniens infortunium ab ejus recedere servitio? tanto pro mundi hujus divitiis flagrare desiderio, nec minimo pro Dei obsequio ardore tangi?

Estne Deum ex toto corde amare, ex potentiis tuis omnibus, atque internis facultatibus, tantà in eos, qui te offenderunt, irâ ferri, nec zelo in eos duci, qui Deum ad iracundiam commovent? Si filius tuus læditur, si canis, sufferre nequis, si Deus, ejusque servi, non moveris? An ex totâ mente Deum amare est, manè ac vesperi nonnihil ejus recordari, atque id ob persolutionem? An ex viribus tuis omnibus eum diligere est, totâ die ejus oblivisci? Non alium habere cogitationum, desideriorum, actionum, ac decretorum finem præfixum, quàm propriam satisfactionem? fortunarum stabilitatem? filiorum locupletationem? ingeniosum esse atque in domus negotiis industrium, ad Dei obsequium, ejusque gloriam promovendam insensibilem?

En sæpè à novæ legis fundatore reiteratum Evangelii præceptum: *Man datum novum do vobis, ut quemadmodum ego dilexi vos, ita & vos invicem diligatis.* Fide bonâ refer, huicne præcepto pares? Dei Filius cum esset dives, amore nostri pauper effectus est, nec pauper solum, sed & *Egenus*; nôsti tot famelicos extare pauperes, frigore seminectos, scabie arrosos, qui de superfluitatibus tuis abundanter refici possent; tu verò in luxu vivis & deliciis; lusu, tripudiis, comædiis, mobilibus bonis



minùs necessariis bona consumis? Tringenta trium annorum decursu desudavit Jesus, cunctas pro nobis diffudit venas, nec quinque aut senis passibus ad visitandum infirmum progredi, nec viduæ huic pauperi atque orphano ferre opem dignaris?

En crebro à Dei Filio prolatum ac repetitum Evangelii præceptum: *Qui vult venire post me, renunciet omnibus, quæ possidet, abneget semetipsum, & tollat crucem suam*, alias non poterit meus esse discipulus. Estne ex cordis affectu renunciare omnibus, quæ possides, obstinatè litigare? proximum quatuor aut quinque annis, ut obcurset, tantillam ob rem, efficere? Estne abnegare semetipsum, indies sufferre Crucem, ut appetitui satisfacias, non permittere ut voluntati tuæ tantillum quis resistat, quicquid corpus affligit, aut spiritui molestiam creat, cum mortem effugere? Ecce quàm procul distes, ut cor filii habeas erga Deum, matris erga proximum, judicis erga te ipsum? ac nihilominus in Baptismo promissisti: *Magna promissimus*.

*Majora promissa sunt nobis*. Si filiali in Deum amore ducis, hæredem te suum constituet, bona tibi promittit, quæ oculus non vidit, nec auris audivit, nec in cor hominis descendit; mundi amplitudinem suspicis, terræ miraris divitias, festivas ædium structuras, officia, beneficia, munia, dignitates; videri queunt: Alexandri extollis victorias, Cæsaris gloriam, Croesi thesauros, Heliogabali delicias, dum recensentur percipiunt aures; Plura à Deo tibi promissa, quicquid lubet exopta, honores, possessiones, voluptates honestas imaginabiles, majores tibi parat Deus; invisibilia namque bona,

imperceptibilia, ac quæ exoptare possis, promittit, si filii erga eum corde ducis.

Si erga proximum pectus habueris maternum, addixit, quod veluti pia mater ob filiorum prosperitatem æquè ac de sua lætatur, sic & te quoque per amoris reflexionem ob gloriam ac Sanctorum omnium beatitudinem ac de propria tua gavisurum.

Si judicis in te cor gestaveris, temetipsum judicando ac castigando, promittit te non judicandum, *Si nosmetipsos diligimus, non utique judicemur*. In illo die formidando, in quo Cœli columnæ trepidabunt, Imperatores ac terræ Monarchæ metu concutientur cum tremore damnationis fulmen præstolantes, tu absque timore futurus es, solidè securus, à judice non nisi approbationes, encomia ac benedictiones auditurus, *Venite benedicti. Magna promissimus: majora promissa sunt nobis*.

*Illa servemus, ad ista curramus*. Nostra servemus promissa, infallibiliter sua observabit Deus, *Dominus Deus tuus, ipse est Deus fortis & fidelis, custodiens pactum & misericordiam diligentibus se*. Sacer cum textus ob firmitatem deprædicat ac fidelitatem, teque ob perfidiam arguit, *Generatio perversa est, & infidelis filius*. En, ut de iis, qui suis vel semel tantum non stant promissis, conquereris; tuis in afflictionibus, confessionibus ac communionibus toties Deo addixisti seriam vitæ emendationem, nec servas? perpende, quæ in Cœlo vitupereris, perfidus habearis ac falsarius, quomodo corripendus ac post hanc vitam sis castigandus.

*Voluptas brevis, æterna supplicia. Labor modicus, gloria infinita. Multorum vocatio, paucorum electio*. Plures ad vitam hanc æter-

Matt 16. 24.  
Luc 9. 23.  
Luc 14. 27.  
& 23.

1 Cor. 11.

Deut. 7. 9.

Deut. 32. 20.



æternam, Catholicam fidem, perfectionē Christianā sunt vocati, pauci huic parent vocationi, pauci conformes vocationi degunt, pauci in debita ei fide adusque perseverant. Beati millies, ac millies felices, qui paucis hisce annumerabuntur; reddet enim Deus unicuique secundum

opera sua, *omnium justa retributio.* Qui obligationi suæ, quoad Deum, proximum ac seipsum defuerit, arguetur, confundetur, reprobabitur ac horrendè punietur: Qui extiterit fidelis, referet encomia, divitias, incomprehensibiles delicias, æternas atque infinitas. *Amen.*

## SERMO SEPTVAGESIMVS QUARTUS.

*Pro Festo Nativitatis Deiparæ,*

# DE PERFECTIONE

Christiani in suis actionibus.

*Beatus homo, qui audit me, & qui vigilat ad fores meas  
quotidie. Prov. 8.*

**G**Enesis 27. legimus, quomodo illi gemini fratres Jacob & Esau certarint pro benedictione parentis brevi morituri. Esau abiit in sylvam ferinam allaturus patri, isto matris consilio festinavit afferre arietem e grege optimum & à matre coctum, sicut noverat ipsum libenter vesci, obtulit parenti, atque ita benedictionem obtinuit. Nos omnes desideramus benedictionem habere Dei, utpote nobiliorem & efficaciorē; sed quomodo illam consequemur: Si audiamus & evigilemus ad fores Deiparæ quotidie, inspiciamus ejus vitam, actiones, quid ipsa Deo obtulerit, & qualiter ipsa juxta sanctos Patres perfectissima modo fecit cum omnibus circumstantiis, requisitis, in quantitate necessaria, ita ut nunquam à bonis operibus cessarit, sed vigilans, dormiens opera meritoria elicuerit. Tuique si benedi-

ctionem Dei obtinere velis, consilio ejus tua opera perfectissimo modo fac, sic enim benedictionem Dei obtinebis. Hoc ostendere intendo hac concione.

*Estote perfecti sicut & Pater vester cælestis perfectus est. Matth. 5.*

I. Hesternâ luce Christiani quoad seipsum perfectionem consideravimus, quodve in hoc consistat, ut filii corde erga Deum, matris erga proximum, judicis in semetipsum præditus extet: Hodie actionum ejus perfectio consideranda, ac quod in hoc primum sita, ut dispositiones habeat internas, sanctas ac perfectas; deinde cum exterioribus circumstantiis convenientibus. Denique in quantitate requisita ac necessaria, dicente Filio Dei: *Omnis arbor bona, bonos fructus facit.* Si vera hæc maxima, ut est verissima, omnium optima, quæ fuere unquam, arbor es, o Sacratissima Virga,



quia optimum, pretiosissimum, atque excellentissimum, qui unquam fuit, aut esse possit, protulisti fructum; fructum sublimem, ut eum Propheta Isaias appellat, fecunditatis divinæ fructum, æterni Patris Filium, benedictum ventris tui fructum, quem adoramus te salutando, *Ave Maria.*

## IDEA SERMONIS.

### PUNCTUM PRIMUM.

**A**ctiones nostra debent fieri cum dispositionibus interioribus, perfectis. Primo Scriptura, secundo Patribus, tertio Ratione, quarto Comparatione, quinto Exemplis, sexto Instructionibus.

II. Cum Deus sit Spiritus, cui exhibenda servitia, ac præsertim in spiritu honorandus, ut ab ejus Filio Samaritanæ dicebatur; Anima solidas acquirere volens virtutes, ac magnum in perfectionis semitâ facere progressum, singulariter curare debet, ut suis in actionibus sanctas pro possibili ac perfectas interiores habeat dispositiones. Evidenter id cernere licet in eo, quod dum Scriptura virtutum mentionem facit, cor ac spiritum semper expetit: De humilitate ait David: *Humiles spiritum salvabit.* De Penitentia, *Sanat contritos corde.* De paupertate: *Beati pauperes spiritu;* & ut inquit S. Bernardus, *Pauperes non necessitate miserabiles, sed laudabili voluntate.* Ac generaliter loquens Spiritus sanctus de virtutis actibus sub metaphora victimarum, vult, ut sacrificia Deo voluntaria, holocausta medullata offeramus, hostias viventes,

*Voluntarie sacrificabo tibi, Holocausta medullata offeram tibi. Exhibeatis corpora vestra hostiam viventem, Deo placentem. Absque eo quod intrinsecus lateat, Cant. 4. 1. & 3.* Deus pensat corda, non opera: affectum ponderat, non censum: non respicit quantum, sed ex quanto.

III. Inde est, quod Sanctus Gregorius, alique Patres tam crebrò repetant, Deum pensare corda, non opera, magis sibi bonam placere voluntatem, quam effectum. Et S. Paulus cum dixisset, Unusquisque secundum proprium laborem mercedem accipiet, Doctor Angelicus *Leit. 2. in cap. 3. prima ad Corinth.* nos commonefacit, actionem virtuosam gloriæ essentialis, accidentalis ac diminutionis poenæ meritoriam esse posse; quo laboriosior est, & magis assilgens, penas in Purgatorio pro delictis perferendas amplius diminuit; quo proximum melius ædificat, aut Deo animas lucratur, gaudii ac gloriæ accidentalis plus meritoria est, non ita remunerationis essentialis scilicet gloriæ, nisi per Dei amorem, quo cum facta est, Actio humilis magno cum Dei amore exercita coram Deo præciosior est actione præcellenti exigua cum dispositione peractâ; charitas namque virtutum anima est ac forma; Et quemadmodum pluris æstimatur homuncio sapientiâ præditus, ac magnæ molis colossus, hebes ac stupidus: veluti Nanus quispiam Elephante nobilior est, hic corporis mole; ille animâ præstantior; sic virtus ac perexigua actio majore cum fervore atque interiori spiritu practicata, extraordinariâ atque eminenti actione minori cum amore in

præ-

*Psalm. 37.  
Psalm. 146.*

*Psalm. 51. 8.  
Psalm. 63. 15.  
Rom. 12. 1.*



praxin redactâ, multò amplius est meritoria.

IV. Sic amorem Dei architecturæ cuidam machinæ Tympanum dictæ, possumus comparare: cum prægrandis tibi monstratur campana in altum tollenda, vix quinquaginta illam viros in editam turrim levare posse diceret; ac nihilominus commoda adeò hæc machina est atque ingeniosè fabricata, ut de terra pondus illud, ac facili quidem negotio elevet.

Plures Sanctos, conditionis vilis ac demissæ, communes atque ordinarias egisse operationes conspeximus, cum dispositionibus tamen internis ferventibus ac virtuosis, & perfectissimis ac Sanctos evasisse, ut SS. Isidorus, ac Leobonus, Agricola; S. Deodatus veteramentarius; S. Servulus, pauper Romæ mendicus; S. Maxima in Africa mancipium: S. Blandina Lugdunensis famula.

Hoc nos edocere debet primùm, ne inflemur, ne nos ipsos æstimemus, ne ob bona opera quæ egimus, magna quantumvis, heroica ac numero plurima, aliis nos præferamus. Qui noscitur, forsan materiale multum, formale parum per habent; externæ multum internæ dispositionis parum; multum apparentiæ, parum soliditatis; coram mundo splendoris multum, parum meriti coram Deo.

Deindè, ne proximum spernamus, ne temerè illum judicemus, ne damnemus, atque in corde eum dedignemur, etsi non tot opera bona peragat; forsan unum quoddam è suis, ob magnas dispositiones multò pretiosius est, quam quæ laxè atque imperfectè à nobis commissæ sunt. Leæna cæteris animantibus sibi exprobrantibus, quòd non nisi unum pul-

lum eniteretur, respondit: Verum id quidem, ast produco Leonem. Solus humilitatis actus à Publicano in Templo elicitus in Dei conspectu ac iudicii divini trutina plus valuit, ac Pharisei jejunia, aliæque ejus opera valere.

Alter fructuosus est donis paucioribus, sed potioribus ait S. Augustinus, alter inferioribus, sed pluribus, & quem admodum ista vel coæquantur, vel distinguantur inter se, in accipiendis honoribus æternis, quis hominum audeat judicare? *Lib. de virginit. cap. 44.*

Hæc S. Augustini verba ad actiones magis sanctas ac perfectas quoad possibile, movere nos debent, atque operibus nostris animam, spiritum ac virtutis, quam exercemus, formam conferre; Sicut in corpore humano qualibet pars duas habet formas, partialem unam, quæ membro cuivis propria ac particularis est, ut forma manus, oculi, cordis, hepatis; generalem alteram & universalem, animam nempe, quæ informat, animat, membraque omnia vivificat; sic in virtutum compage vitæque Christiana virtus qualibet spiritum suum ac perfectionem habet particularem: charitas informat omnes, & ad finem ultimum Dei sc. gloriam dirigit. Ac per consequens ut excellenter opera nostra fiant ac cum omni perfectione quam Christiana moralis charitas à nobis requirit, præter amoris Dei motum, qui nos illuc applicare debet, actionum cuivis spiritus ac dispositio particularis virtutis, quam practicamus, adhibendus est. exemp. grat. preces peragenda magna cum attentione, applicatione spiritus, cum respectu atque apprehensione amplitudinis & excellentiæ infinitæ illius, cui loquimur:



Missæ assistendum non corpore solum, sed in meditatione passionis Filii Dei, faciendū actus adorationis, compassionis erga Salvatorem, gratiarum actionis pro beneficiis, oblationis sui ceu veræ justitiæ victimæ, aliæque similes devotiones obeundæ.

Erga proximum, cum respectu atque amore filiali Superioribus, velut Salvatore Jesu Christo, obediendum, ut nobis commendat S. Paulus; pauperi eleemosynam largiri, non ex compassione naturali, non quia compatriota noster, aut ejusdem nobiscum professionis, sed quod Filii Dei est membrum: amplectendæ sunt pœnitentiæ atque austeritates cum spiritus compunctione, zelo justitiæ Dei, odio peccati ac carnis: atque in cunctis actionibus nostris desiderio teneri milles plus agendi quàm præstamus: Adorando Deum, vellem in nihili mei centrum me dejicere; faciendo eleemosynam, vellem, ut hoc in juscūlo aurum foret potabile, ac margaritæ, cū dilecto meo offeratur: pœnitentiam agendo, pro peccatorum expiatione ad ultimam usque guttam sanguinem profundero paratus forem.

#### PUNCTUM SECUNDUM.

**A**ctiones nostra debent fieri cum circumstantiis exterioribus requisitis, quod probatur rationibus. Primo ex parte Dei, secundo proximi, tertio nostri, quarto circumstantiarum. quis, quid, ubi, &c. quæ addunt bonitatem operi, quod offenditur exemplis Scripturæ.

V. Attamen in errorem illorum inciderenon oportet, qui sub prætextu, quòd internum essentia sit ac virtutis forma,

exterioribus observantias, ut nullius valoris ac parvi momenti contemnunt; Orare Deum mentaliter volo, inquit, in conclavi orationes fundere, perfectiorum suarum magnam concipere ideam atque æstimationem, internè me recomendare Deo, ac separatim instituire examen: Quid opus Rosarium recitare, vespers ac summo Sacro assistere, ad orandum vespers unà cum meis Deum ipsos convocare, infirmos ac captivos visitare, alia devotionis aut charitatis externæ opera præstare, *multum per omnem modum?*

Ex corpore atque anima compositus es, utrumque à Deo recepisti, ad ejus obsequium & hominagium impendenda sunt; si fervore magno ac dispositione interiori benè perfectæ careas, excusationis ibi non nihil esse potest, potenti gratiâ opus, magnâ spiritus contentione, circumspeditione multâ ac vigilantia; si quis illi officio desit, veniâ mage dignus videtur defectus; verum plus reprehensibilis es, ac grandem testaris negligentiâ, si Deo actionibus externis, quæ sunt faciliores, satisfacere rectas, ac defectus magis est damnosus, proximo ac Communitati perniciosus.

Cum virtutem exterius absque virtutis spiritu practicas, non nisi tibi injuriam inferis, proximo ad minus dato virtutis exemplo prodes, si nullum ob pietatem aliamque virtutem interiorem tibi deficientem præmium refers, propter charitatem bonamque ædificationem præbitam relaturus es; quòd si nec hoc nec illud præstas, bis culpabilem te reddis.

Observantiæ exterioribus istæ non aliis modò, sed & nobismet profunt; serviunt ut interna ceu arborem cortex, con-

ser-



servant. Si practicæ virtutum exteriori affuevimus, si casu in peccatum labamur, ac bonorum interiorum naufragi evadamus, erubescimus externa omittendo exercitia, atque illa continuantes, devotio resuscitatur, atque à peccato, ne merita ac bonarum actionum fructus deperdantur, relevamur.

VI. Ac postmodum licet exterius non nisi virtutis sit accessorium, nihilominus multum ad pretii incrementum ac boni operis meritum valet. Si cum reflexione sacram perlegis scripturam, ordinariè eam exteriores actionis virtuosæ circumstantias exaggerare perspicies; quia notabiliter valorem gloriamque operis augent.

*Quis? Quid? Ubi? Quibus auxiliis?*

*Cur? Quomodo? Quando?*

*Quis.* Circumstantia est personæ agentis. Centurio cum Dei Filio dixisset: *Tantum dic verbo, & sanabitur puer meus.* Respondit Salvator: Tantam fidem se non invenisse in Israël; & nihilominus videtur leprosus, quem paulo antè, ut in eodem capitulo habetur, sanaverat, majori fide præditus fuisse, credens, non verbo ejus solum sed voluntate sanari se ab eo posse, *Si vis, potes me mundare.* Exaggerat Dei Filius Centurionis fidem; quia Eques erat ac Nobilis; velut & post S. Martini charitatem, *Martinus adhuc catechumenus hac me veste contegit.* Nobilis, generosus es, ac perillustis, pauperes visitas & captivos, Sanctissimum comitatis Sacramentum, vespertinà cum domesticis Deum precaris, eminens Qualitas tua valorem virtutisque tuæ pretium non parum adauget. S. Bernardus *Epist. 1.13. ad Sophiam* scribens ait: Non est quidam personarum acceptio apud Deum: nescio tamen quo pacto

virtus in nobilibus plus placet, fortè quia plus claret:

Aut si persona non adeò sublimis est conditionis, facti circumstantia meritum ejus extollere potest. Sic vidua illa pauper in Templum non nisi binos proiciens obulos, magis ac divites pecuniæ plurimum injicientes, fuit æstimata; etenim se privavit, quo egebat, & illi, quod superfluum erat, offerebant. In Religionem Deo Optimo filium offers deforem; ad statum Ecclesiasticum filium ingenii tardioris, incultum moribus destinas; En sanè præclarum munus! ast filium formæ decorum, boni ingenii ac judicii, & eruditione clarum; & filiam habens formosam, aptam, gratiosam; dicendum tibi foret, en hi Deo apti sunt, pulchrius illi semper, melius atque excellentius offerendum. Cum pauperi nullam jusculi aut carnis partem resiliam porrigis, aliquid præstas; verum si de primo ac meliori, ut meretur, tradas, majus referes meritum. In prænobili quadam domo, à Deo benedicta praxin hanc conspeximus: dum mensæ accumbebant, ex omnibus ferculis delicatissimum Domina seligebat, atque in orbe nitido dabat pedissequæ dicens: Defer hoc nostro infirmo. Ager hic Dei filius erat in persona pauperis.

Idem faciebat S. Job, *si comedi buccellam meam solus, & non comedit ex ea pupillus,* notatque textus sacer, quod cum inter infideles virtuosus existeret, *Vir erat in terra Hus,* ejus sanctitas magis enituerit; Sicut enim gravioris est culpæ, inter bonos bonum non esse, ita immensum est præconium, bonum etiam inter malos extitisse, *Greg. lib. 2. moral. c. 1.* Religiosus esse nequis, atque in adibus commorari debes,



debes, ubi personæ complures ad iram, violentiam, impudentiam sunt pronæ, & tu castus es, patiens, bonus; vitia eorum virtuti tuæ splendorem afferunt.

Fortis Judith ab alia circumstantia obrobatur suum, quod absque ullo alio auxilio præterquam Dei gratiâ confirmata Holofernem prostravit; non consiliarios habuit Sacerdotes, non à Capitaneis excitata, nec stipata militibus; major autem Dei resultavit gloria. Si demonis Imperium evertis, peccati regnum, si devotus es ac virtuosus, nec semper ceu sodales tui, absque tanta instructione, methodis, directionibus Confessarii cingulo adhaeres, opera tua bona non nisi gratiæ Dei ac tuæ cooperationi attribuentur.

Finis quoque ac scopus, undè actionis meritis multum accrescit, est, cum non nisi sola Dei gloria præfigitur, ac prætenditur. Gentes illæ in Evangelio in Bethaniam venientes, ut viderent Salvatorem, non adeò laude erant dignæ, quia & ex curiositate resuscitatum videndi Lazarum venerunt, *Venerunt non propter Jesum tantum, sed ut Lazarum viderent, quem suscitaverat à mortuis.* Accedens in Ecclesiam, ad orandum ibi Dei Filium, perfectior est devotio tua, quàm si illuc quoque properes, ut Confessarium conspicias, aut ut ab eo videaris ac lauderis.

Solebat dicere Henricus Magnus, Regibus tres extare servorum ordines: aliquos propriis fungi negotiis, nec illa Domini peragere: Nonnullos Domini officia, sua autem simul exequi; bonos verò servos illa tantum Domini, ac ceu

propria persolvere; sic & Christianos inter, qui Dei deberent esse servi, quidam se tantum propriumque commodum respiciunt, in hoc solum, ut fortunam suam adipiscantur, domosque amplificent, intendunt; si Deo inserviunt, fit per parenthesis, ac defunctoriè, ne impii altimentur, sive ut Deus ipsis benedicat, & temporalibus bonis cumulet. Alii in veritate Deum honorant, atque ob ejus amorem ipsi obsequia impendunt; verum una cum hoc promoveri amant, locupletari, atque efferri; Perfecti Christiani nihil in hoc mundo prætendunt, quàm gloriam atq; obsequium Dei, non nisi ejus negotia peragentes; & si aliis insistere videntur, propter Deum efficiunt; vel pedem ad officium aut beneficium quoddam obtinendum, nisi in illo diligenter inservire Deo queant, promovere nollent. Atque ut majus Deo obsequium præstent, Communitati bono prælucere exemplo satagunt, estque sexta isthac circumstantia Coronam nostram adaugens, bonis illorum operibus, quos ad Salvatoris cognitionem atque amorem attrahimus; velut in Evangelio Regulus, de quo dicitur: *Cre-* Ioan. 4.  
*didit ipse, & domus ejus tota.* Ac Centu- Act. 10. 2.  
*rio, qui erat Vir religiosus, ac timens Deum cum omni domo sua.* Cum bonam servis aut subditis ædificationem præbes, vesperi ac manè una cum ipsis Deum orans, sermoni divinoque officio assistens, Parocho in eorum præsentia honorem ac respectum deferens, particeps es meriti actionum virtuosarum, quas ad tui exemplum in praxin redigent.

Tandem Scriptura sacra temporis expendit circumstantias in sancta ac perfe-

Et



Ita venerabilis Tobia: vita, aitque: *Cum* esset junior omnibus in tribu Nephthali, nihil tamen puerile gessit in opere, in captivitate positus viam veritatis non deseruit; cum irent omnes ad vitulos aureos, hic solus fugebat consortia omnium, & pergebat in Jerusalem ad Templum Domini. Si Deo non nisi in postrema ætate servis, cum aliud agere non vales, cum mundus ac caro te deseruere, coacta est, aut ad minus parum liberalis devotio: verum si in juventutis flore ei obsequium exhibes, cum mundus ac caro ad alia te alliciunt, cum spiritus corpusque tuum vividum est ad ei serviendum: Bonæ voluntatis signum est, devotio est ei honorabilis atque amabilis. Si beneficientem tibi, amas, si omnia ex voto concedit, prosperitates accumulat; amor esse potest concupiscentiæ, non charitatis, Dei benedictiones amore prosequeris, non Deum benedictionis; Publicani, Ethnici, canes aliæque bestię benefactores diligunt: at si Deum adamas, ei que fidelis extas in captivitate, infirmitate, paupertate, in eversione fortunæ, à gratuita benevolentia procedit amor. Si in prima mensis Dominica aut D. Virginis festo horâ matutinâ decimâ ad Ecclesiam properis, non tanti momenti res es, cuncti illuc accedunt: verum si in Bachanalibus, cum reliqui omnes ad saltus, tripudia, ad comœdias, ad vitulos aureos properant, tu in Ecclesia ante Sacramentum prostratus oras, antè Crucifixum tuis in ædibus preces fundis; magis laudabilis tua est pietas, benedictiones recipis, quas alii suis stultitiis deperdunt.

## PUNCTUM TERTIUM.

**A**ctiones bonæ debent fieri in quantitate necessaria. Primò Scriptura, secundo Patribus; tertio Rationibus; quia in hoc Deus est nobis causa Exemplaris, Meritoria, Finalis.

VII. Quando Dei Filius nobis præcipit, ut perfectiores simus Scribis ac Phariseis, ne à Cælorum Regno excludamur; non solum vult, ut virtutes nostræ sint magis heroicæ, cum dispositione ac circumstantia perfectiores; sed ut sint abundantiores, *Nisi abundaverit iustitia vestra plus quam Scribarum ac Phariseorum, non intrabitis in Regnum Cælorum.* In textu Græco binæ sunt negationes, cum majori certitudine atque infallibilitate affirmantes, *et non omnes intrabitis.* Vitam tuam perpende, vide qua in re tempus consumas? Horâ octavâ surgis aut nonâ, duas aut tres horas vestiendo te perdis, si sacro non Musico inter sis, tibi sufficit: Sumpto prandio is spatiatum, alios invisit, aut visitationes admittis; vespertinum futilibus colloquiis aut cartharum lusum transigis. An hæc vita est Christiani? an plura est facere bona opera, quam Scribæ ac Pharisei?

VIII. Audi S. Augustinum: Idem Dei Filius, qui in Evangelio dixit: *Nisi quis renatus fuerit ex aqua & Spiritu Sancto, non intrabit in Regnum Dei;* idem & dixit: *Nisi abundaverit iustitia vestra plus quam Scribarum ac Phariseorum, non intrabitis in Regnum Cælorum.*

Cur



Cur illud timendo, multi currunt baptizari, & hoc non timendo, non multi curant justificari? *Aug. lib. 21. de civ. c. 17.* Primitivæ Ecclesiæ Christiani ita ab hac veritate erant convicti, ac solliciti ad hanc Filii Dei admonitionem servandam, ut supponat, quod id facerent, rogabatque Deum, ut in hoc perseverarent, atque in ipso bene stabiliti ac confirmati, *Confirmet vos Dominus in omni opere bono.* Et ad Coloss. inquit: *Ambuletis digne Deo per omnia placentes, in omni opere bono fructificantes, Coloss. 1. 10. Digne, Deo.*

IX. En motivum potens, ad hanc praxin vos commovendos, quod Deus causa exemplaris, meritoria ac finalis esse dignatus sit. Exemplum sanè præbuit, ne ejus in obsequio parci simus atque avari; quicquid pro nobis egit, magna cum perfectione, liberalitate ac magnificentia egit. In ordine naturæ non contentus fuit necessarias ad nostri sustentationem producere creaturas; complures ex blandimento patris erga filios effecit; plures in delicias ac recreationes: *Non necessitatus tantum nostris provisum est, usque ad delicias amamur,* dixit Veterum nonnemo. Quot caryophylos, coronarios, rosas, flores, fructus dulces & amaros? pro æstate, pro hyeme? Quot thymiamata, quot avium concentus, quot venaticos canes ad vitæ conservationem non necessarios? In ordine gratiæ, inter infinita media, quæ in omnipotentis suæ ac sapientis æternæ apotheca, ad nos redimendos, extabant, magis conveniens elegit, caro ei licet constiterit: una sanguinis sufficiebat gutta, sed non amoris suo; totum effudit, *Copiosa apud eum redemptio.* In ordine gloriæ, Beatis confert mensuram, bonam, confertam, coagitatā.

X. Dei Filius magni adeo fecunditatem hanc bonorumque operum abundantiam æstimavit, ut ad promerendam illam pertulerit mortem. *Dedit semetipsum,* ait S. Paulus, *ut mundaret sibi populum acceptabilem, sectatorem bonorum operum,* non taliter qualiter, ast cum zelo & affectione, *sectatorem bonorum operum.* In Græco habetur, *zelandorem,* ζῆλον τῶ τῷ ἀγαθῷ ἔργῳ.

XI. Atque ut nobis animum adderet, ipsemet vult esse merces, non parva ac mediocris, sed *Ero merces tua magna nimis.* Qui ad illam aspirant, eamque sunt obtenturi, omnia opera bona, quæ ipsis secundum statum suum ac conditionem sunt possibilia, in praxin redigunt; ecce enim, ut prædestinatum depingat Apostolus. *Erit vas,* dicit, *in honorem sanctificationis, & utile Domino, ad omnia opus bonum paratum.*

*Vas in honorem;* Non igitur es prædestinatus, cum infamiae ac sordium vas sis? ex vase non effluit, nisi quod continet: neque ex ore tuo prodeunt, nisi verba foeda, infamia, execrabilia; juramenta, blasphemiae, maledictiones, impuritates; prædestinatus honoris vas est,

*Sanctificatum:* quicquid in illo est, occupatur, Deique obsequio consecratur, cor, oculi, lingua, manus, anima, corpus.

*Utile Domino.* En verbum magnificentum. Magnus nobis honor posse Deo esse utiles, qui servitium nostrum ad decretorum suorum executionem acceptare dignatur? Vult, ut dicamus nos esse servos inutiles, verum ipse non dicit, æstimat nos atque utilia instrumenta nominat.

*Ad omne opus bonum paratum.* Dicit, *para-*

2. Thess. 2.  
Coloss. 1. 10.

10. m.

Tit. 2.

Luc



Tit. 2. &amp; 3.

paratum; quilibet enim effectivè bona opera cuncta in praxin redigere nequit: Verùm anima prædestinata ad promptè exequendum est disposita, toties, cum Deus ipsi posse atque occasionem largitur; Ecce, quod & nobis S. Paulus commendat: *Hac loquere, & exhortare, cum omni imperio, admone illos, ad omne opus bonum paratos esse, illos, nempe senes, anus, juvenes, servos, de quibus immediate ante, non per modum consilii, aut præcepti, atque obligationis: nō fecerimus, hac parabolā nobis minatur Salvator.*

*Conclusio. Paraphrasis illius parabolæ: Homo quidam habebat arborem plantatam in vinea.*

Luc. 17.

**XII.** *Arborem fici habebat quidam plantatam in vinea sua, & venit querens fructum in illa, & non invenit. Dixit autem ad cultorem vineæ: Ecce, anni tres sunt, ex eo quo venio querens fructum in ficulnea hac, & non invenio; succide ergo illam, ut quid etiam terram occupat? At ille respondens, dixit illi: Domine dimitte illam, & hoc anno usque dum fodiam circa illam, & mittam stercora. Et si quidem fecerit fructum, sin autem; in futurum succides eam.*

Tues illa arbor in Ecclesiæ vinea plantata, Dei manu exculta, gratiis ejus irrigata: Arbor fructifera; Creavit te, ut bonorum operum ferres fructus; Arbor fici, ut dulces ac sapidos virtutum solidarum ac perfectarum fructus produceres: tres, quatuor, decem, quinque effluunt anni, quibus aliquem de te fructum exigit, & nullum profers? Ecquod unquam bonum opus, ab imperfectione exem-

ptum, ob Dei perfecisti amorem? *Ut quid terram occupat?* Si non vult arborem inutiliter occupare terram, quantò minus, uttu Ecclesiam, Religionem, Communitatē occupes? Si non vult infructuosam plantam occupare terram, an putas permissurum eum, ut homo infructuosus occupet Cælum? Inutiliter terram occupas, locum alterius magis futuri utilis obsolesces; Quot creaturas ab omnipotentis thesauris de nihilo educere posset, quæ fideliter sibi serviissent? Reliquit illas, ac tibi esse dedit. Inutiliter Ecclesiam occupas. Quot in Canaria infideles, in China, Japonia, in Barbaria ad Christianismum vocare valuisset bonos futuros Catholicos? Reliquit illos, Ecclesiæ filium te fecit Inutiliter Religionem occupas. Quot animæ necessaria optarent media ac talenta ut admitterentur, atque inibi perfectè degerent? Reliquit illos Deus, te suscepit. Quamdiu hisce gratiis abuteris? Virgo, sub cujus protectione es, rogavit eum, ut adhuc parumper expectaret, se tibi inspiraturam, sollicitaturam, molestā ut te convertas futuram. Forsitan hic ultimus ei datus erit anni terminus, ac tu semper sterilis manes? non solum sterilis es, sed & arbor mortua, sicca, absq; spe novi ullius exortus? mortua arbor non modo fructus non profert, sed nec folia protrudit; non illam solares radii vivificant, verum exsiccant & inducant; à rore cœlesti haud enutritur, sed putrida redditur; nec bonorum operum fers fructus, nec bonorum verborum folia: Spiritus S. lumen te non convertit, sed indurat. Bonorum exempla, sermones, ac reliquæ Dei gratiæ non tibi profunt, at culpabilem magis reddunt; quid prætolari poteris, nisi ut tibi in uno dierū harū dicatur:

h h

succide



fuccide illam ? arbori securis apposita est, hic capitis dolor, sicca hæc tussis, de-  
fluxio ista securis est, ictum tibi inten-  
tam ; si hoc in statu refecaris, mitteris in

ignem ; dixit enim Dei Filius : *Omnis ar-  
bor, quæ non facit fructum bonum, exci-  
detur, & in ignem mittetur.* Custodiat nos  
Deus, Amen.

## S E R M O SEPTVAGESIMVS QVINTVS.

*Pro Festo Sancti Matthæi Apostoli.*

**De necessitate boni Directoris, ut supradicta benè obser-  
ventur, ac de ejus qualitatibus, quibus debet esse  
præditus.**

*Euntes discite. Matth. 9.*

**P**hilostratus refert, Marcum Aure-  
lium Imperatorem cognomento  
Philosophum puerorum more jam  
senem in ludum literariū livisse. Interro-  
gatus porrò à Lucio sibi obvio facto quò  
iret, & ejus rei gratiā, respondit: *Hone-  
stum est & seni discere, eo ad Sextum Phi-  
losophum, & disco quæ nondum scio.* Simi-  
liter Socrates omnium sapientissimus  
non dedignatus est inter pueros discere ;  
idem refertur de Salvio Juliano. Sed  
quorsum hæc Auditores ? Paucis id edi-  
cam. Quantumvis simus senes, eruditi,  
rerum experientia clari, erubescere ta-  
men haud debemus, quin euntes discam-  
us, sed à quo, ut eligamus nempe bo-  
num Directorem, Magistrum, à quo in  
negotio nostræ salutis, modo vivendi  
consilium expetamus, instrui rogemus,  
quid factū opus sit petamus, exemplo  
David, Moyfis, Pauli. De hujus necessita-  
te, difficili inventione, pretio hodie agā.

*Inquire tibi aliquem fidelem virum, qui  
eat tecum.* Tob. 5. 4.

I. Verba hæc per dilecto Filio venera-  
bilis dixit Tobias, in Urbem quandam  
procul diffitam ablegare eum volens, cu-  
jus viam ille ignorabat: atque id est, quod  
pro Missionis hujus fine sum dicturus, ut  
vos in Cælum concomiter, atque ut per-  
severanter sanctas ac salutares instructio-  
nes vobis datas practicetis. Verba hæc  
sancti hujus Viri notabilia quatuor pun-  
cta assignant, hoc in discursu proponen-  
da: Primum, boni Directoris necessita-  
tem: *Inquire tibi.* Deinde, rem esse raram  
atque inventu difficilem, *aliquem*, non  
*aliquos.* Tūm, ejus qualitates, *Fidelem vi-  
rum.* Denique, quī nos erga eum gerere  
debeamus, *qui eat tecum.*

Cum Dei Filius ad sequendam ducis  
alicujus spiritualis directionem nos ob-  
ligat, nihil, quod non ipse prius in praxin  
redegerit, nobis imperat ; Si enim arbi-  
tratui tuo se exposuit, Dux ejus extitisti,  
Tutrix, Gubernatrix, Angelus ejus Cu-  
stos durante infantiā: Sic tunc hac in vita  
jam Regina eras ac Domina Angelo-  
rū,



rum, potestatem in eum habens atque auctoritatem, qui eis imperabat; ea propter altissimi Cœli Seraphini in terram se demisere ad honorandam in te admirabilem hanc potentiam, uti nos cum ipsis humiliter ad pedes tuos prostrati, facimus dicentes: *Ave Maria.*

## IDEA SERMONIS.

*Exordium.* Defecit Sanctus, quia veritates diminutæ sunt.

### PUNCTUM PRIMUM.

**N**ecessitas boni Directoris. *Primò Scriptura, secundo Patribus, tertio Rationibus. Primò ex parte Dei, secundo nostri, tertio peccati, quarto exemplis Davidis, Moysis, Pauli.*

II. *Salvum me fac, Domine, quoniam defecit sanctus: quoniam diminutæ sunt veritates à filiis hominum.* Non inconflutum fore hæc Prophetæ verba per experientiam verificare: at perquam difficile illa non admirari. An non prodigium est sanguineis deplorandum lachrymis, calamitose hoc tempore cernere principaliter amplis in urbibus tot bona ad juventutem informandam Collegia, tot seminaria, tot Prædicationes, Exhortationes, Catechismos, tot Conferentias Spirituales, tot sanctas Confraternitates, Confessiones, Communiones; adeoque parum Sanctitatis, tam parum solidæ virtutis, gentes adeo paucas Deum inquirentes, paucos Deos purè ob amorem ejus sorvientes, tam paucos qui tendunt, multò minùs, qui ad Evangelicam perfectionem, quam Evangelium ab iis, qui Christianismum profitentur, exigit, pertinent? *Defecit sanctus, id est non invenitur*

*sanctus, inquit Augustinus. Ecquæ hujus infortunii causa esse potest: Dicit hoc David, addens: diminutæ sunt veritates à filiis hominum.* Veritates hoc tempore sunt raræ, earum æstimatio multum diminuta est, ac velut in mundo deperdita; quidam humilitate carent, ut vitia atque imperfectiones sincerè ac cum veritate Directori detegant; alii Directorem habent, qui charitate ad veritatem eis absquo adulatione dicendam vacat.

III. Ad primum inconveniens ordinariè impingunt homines, & particulariter Magni, excellentia ingenia, homines Docti, ac ipsimet quandoque spirituales ac devoti; sicut enim ad conducendos alios scientiâ ac lumine clarent, opinantur ad se gubernandos sufficienter esse se imbutos. Ut sibi blandiantur, ajunt: *Spiritalis homo omnia dijudicat, ac ceu bonum habent aut habere se putant zelum, atque in omnibus, quæ agunt, intentiones rectas, ipsis videtur se errare non posse; omnes veluti sibi inferiores ac directionis suæ incapaces contemplantur, non advertunt quod inquit Sapiens: Ego Sapientia habito in consilio, & quod in omnibus, quæ agimus, consilium expetere oporteat, ne ob factum poeniteamus, Fili, absque consilio nil facias, & Eccl. 32. post factum non poenitebis.* Non auscultant S. Paulum dicentem: Zelum non Rom. 10. 2. semper secundum scientiam esse, tenebrarum principem sæpè in Angelum lucis se transformare; sobriè sapiendum, non audiunt Creatorem, qui per Ezechielem conqueritur, populi sui Directores semetipsos pascere ac regere velle. Ezech. 34.

IV. Non perpendunt, quod S. Bernardus multa cum veritate dixit, euidam  
hh 2 Regu-



Regulari Canonico scribens, in Prælatorum omnium, ac totius orbis Doctorum conclavibus majusculis exarare oporteret, *Qui se sibi magistrum constituit, stulto se discipulum subdit. Bern. Ep. 87. ad Augerium.* Experientiâ didici, ait magnus hic Doctor, capacem me esse ad amplum Religiosorum numerum regendum, majorem cum facilitate ac minori periculo id agere queo, quam gubernare meipsum. Legerat in Cassiano *Collat. 2. c. 11.* Patrum veterum opinionem, spiritum malignum, ad perdendum pauperem Religiosum, eumque in mortis æternæ abyssum præcipitandum efficaciora non habere media, quam cum verbis hisce Moysis non paret: *Interroga Patres tuos*, nimium judicio ac doctrinæ confidens, seniorum consilia spernit: quod devotum dicere Gersonem impulit, eum, qui non alio quam suo regitur ductu, ad se tentandum dæmone non egere, sed ipsummet sibi dæmonem existere, ac periculosiorem omnibus tentatorem. *Gerson tom. I. confid. de lib. leg. d. 2.*

V. Non considerant, sine Dei lumine omnem sapientiam nostram, utcumque magna sit, meram esse stultitiam, spiritum tenebras, scientiam ignorantiam ac cæcitatem, nec Deo moris esse, ut per proprium nostrum conductum, ac per se immediatè, sed per hominum mediationem, nos illuminet.

Capite 199. Patri Spiritualis refertur, sanctum quendam Episcopum adeò charum extitisse Deo, atque Angelis acceptum, ut Missæ Sacrificium offerens ab utroque latere suo binos radientes semper Angelos conspexerit; scientia ejus non pari cum sanctitate sua passu gradiabatur, quadam die in verbis Mysterii per ignorantiam defectum commiserat, superve-

niens notus sibi ad sacrum Diaconus quidam, id adverterat, & finito Missæ sacrificio hanc ob rem eum admonuit, non magni S. Episcopus monitionem hanc æstimavit, putant errare Diaconum, ac si defectus quispiam intercessisset, Angeli se commonuissent: Aliâ vice rursùm illi ob defectum à Diacono monitus ab Angelis quadam vice quæfivit, an id ita se haberet? Omnino, responderunt, ad fidem Diacono adhibendam; Cur igitur se non admonuissent? quia per homines Deus homines instruit. Angelorum milliones millionum in cælo extant, nō omnes immediatè à Deo illuminantur; sed inferiores à superioribus Angeli per Archangelos, per virtutes Archangeli, atq; ita de aliis; à fortiori homines, quorum natura adeò imperfecta, indigna, ac corrupta.

Solus Deus est independens, solus ipse ab extra nihil mutuo accipit, ipse solus nullius indiget, enutrire in nobis vult humilitatem, conservare charitatem & unionem fraternam: hunc in effectum, ut alter alterius succursu, lumine ac conductu egeret, ordinavit. Velut ad fovèda diversas inter Provincias ac mundi totius Nationes commercia, noluit, ut quavis terræ cuncta ad vitæ sustentationem ejusque delicias necessaria produceret.

Præterea peccatum est opus tenebrarum, diffundit illas in corda nostra, cum vel semel patet ingressus: Si grande crimē est, nos excæcat; si exiguum est delictum, visum obfuscat, *Malitia excæcavit cor illorum, Sap. 2. 21. obscuratum habentes in intellectu. Excæcati oculi magna videre nequeunt, visus obfuscat, minora advertere non potest. Si ve grande sive peccatum nostrum sit exiguum, instans valdè est, ut advertatur: Sensibile positum super sensum, non facit sensationem; visum inter ejusque objectum et, et*

opor-



oportet esse distantia, ut percipiatur ob-  
jectum, fiatq; visio. Peccatum nostrum  
super nos, in nobis, in medio nostrum est;  
non igitur adverti à nobis potest. Iudex  
amicus partis unius, incompetens est atq;  
reprobradus; nimium nostri amâtes sumus,  
ut de culpis patris iudicare valeamus.

Eequa horribilior cæcitas, quæ lamen-  
tabilior obduracyo illâ Davidis? Magnus  
fuerat Propheta, adeo illuminatus ac cœ-  
lo acceptus, orationis mentalis exercitio  
deditus, nocte dieq; legē Dei fuerat me-  
ditatus, sapiētiæ divinæ secreta ac myste-  
ria profundiora cognoverat, *Incerta &  
occulta sapientia tue manifestasti mihi.* Et  
post tantam notitiā, cum patrasset infame  
adulterium, prodicionem tetram, ac cru-  
dele homicidium; prævum statum, in quo  
erat, nō agnoscebat; putrescebat in fetore  
suo, ut resurgeret à delictis non cogita-  
bat; necesse fuit Prophetam aliū ex parte  
Dei illum commonefacere; oportuit in-  
super Nathan Prophetam artificio uti, ac  
per circumlocutionem parabolæ crimen  
ejus demonstrare; adeo delicati sumus, ac  
censuræ omnis impatiētes. Quod si dicis,  
te, Dei gratiā, tetrus adeo cogitationibus  
non esse subiectum, alio exemplo visurus  
es, quod si gravia peccata nos excæcent,  
parva oculorum caliginem inducant. Ec-  
quis unquā Propheta quoad statum am-  
plior, sapientior, majori pollens iudicio,  
magis à Deo illuminatus, plus fidei my-  
steria intelligens, in mundanis negotiis  
magis gnarus, ac Moyses? in Curia Regis  
Ægypti, quæ id temporis melior erat, ac  
quasi bonarū literarū nutritrix, fuerat edu-  
catus; à Pharaonis filia instructus erat, ut  
fieret adoptivus; In Pentheateuco se in o-  
mni scientiarum naturalium ac supernatu-  
ralium genere versatum ac profundū de-  
mōstraverat; Ore ad os, sicut amicus cum

amico loquebatur Deo: sic loquitur scri-  
ptura: tot lumina ac splendores in ejus spi-  
ritum immisit Deus, ut facies ejus tota  
radiârit: nec obstantibus his, culpam, quā  
minus advertebat, cōmisit; culpam adeo  
crassam, visibilem, palpabilem, ut minima  
spiritualis filia illam faciliē notaret; quid  
filiam dico spiritualement? socer ejus Jetro  
usq; tunc Ethnicus illam advertit, ac mo-  
nuir; exindē erat, quod in excursionationi-  
bus effusus erat, nimis negotiis se immi-  
scebat, populi querelas nōrat, non sat ei  
temporis fuerat, ut rebus magē seriis ya-  
caret, *stulto labore consumeris*; reprehensio  
est à socero facta, quamvē posteritati si-  
gnavia, ut ejus saperemus exemplo.

Cum Dei Filius S. Paulum convertit,  
ac novellus hic conversus ei diceret: *Do-  
mine, quid me vis facere?* plenē de omni-  
bus, quæ ei faciēda incumbēbant, instru-  
ere ipsum poterat; in momēto ac solo lu-  
minis radio, quæ ab eo requirebat ut cer-  
neret, efficere poterat; misit ad Ananiam,  
ut ab eo quid pro animæ salute sibi agen-  
dū, addisceret; quia instruit Deus homi-  
nes non per seipsum aut Angelos, sed per  
homines, *Ingrederere civitatem, & ibi dice-* Act. 22.  
*tur, quid te oporteat facere.*

#### PUNCTUM SECUNDUM.

*Quam difficile sit invenire bonū Directorem.*

VI. Verū omne negotii hujus mo-  
mentum, magna subiecti hujus quæstio  
est, ejusmodi reperire Directorem, qui  
talis extet, quali egetis; S. Paulus idē hūc  
terminis profert: *Hic jam quaritur inter  
dispensatores, ut fidelis quis inveniat.*  
*Hic jam quaritur, hic jā quaritur.* Si faciliē  
foret reperire, si boni Directores nō fo-  
rent rari, nō diceret S. Paulus: Quæstio est  
ut reperiat unns. Ita unus, *ut fidelis quis,*  
*non, ut fideles aliqui inveniantur.* Et  
Salvator eos adeo esse raros æstimat,



ut quasi impossibile sit illos reperiri posse, *Quis putas est fidelis servus & prudens, quem constituit Dominus super familiam suam?* Devotus Avila dicebat, è millibus eligendum esse; addiditque S. Franciscus de Sales, de decem millibus; pauciores enim, quàm dici queat, hujus officii esse capaces, *1 part. introduct. cap. 6. Qui invenit illum, invenit thesaurum.* Si bonus est, ut sanctificemur potenter nos adjuvat: Si munere indignus, omnia simul & te deperdit. Veteris Legis Sacerdotes non erant populi Directores, nisi pro conductu exteriori, pro familiarum, Regnorum ac Reip. Politia, eorum subditi ad aperiendam ipsis conscientiam non obligabantur. Et nihilominus in Scriptura dicitur, quod Rex Joas sanctissimè vixerit, actionesque Deo acceptas peregerit, dum pro Directore magno sacerdote Jojada uteretur, *Fecit, quod bonum est coram Domino, cunctis diebus Jojada sacerdotis;* verum post boni Sacerdotis hujus obitum adeò se pervertit, ut Prophetam Zachariam occiderit. Est itaque *Ars artium regimen animarum*, ait S. Basiliius lib. 1. cap. 9. & S. Bernardus: *Onus Angelicis humeris formidandum.* Regere animam, est regere mundum.

*Paralip. 24.*  
2.

### PUNCTUM TERTIUM.

**B**oni Directores sunt cœlis similes, ex Aug. nempe. Primò à terrâ suspensi, secundò Deum portantes, tertio præceptis tonantes, quarto sapientia coruscantes.

VII. Sanctus Augustinus boni Directoris qualitates paucis delineat explicans versum Psalmi 18. *Cœli enarrant gloriam Dei*, ait Sanctos, quales esse debent animarum Directores, bene comparari

Cœlis, propter qualitates quatuor illis Cœlorum similes, quibus præditi esse debent: *À terra suspensi, Deum portantes, præceptis tonantes sapientiâ coruscantes*, Aug. conc. 2. in Psal. 18. Directorem eligis, ut te, quò in vocatione tua, id est Christianismo, perfectus evadas, adjuvet: hæc autem vocatio est omninò sancta, tota cœlestis ac divina: sic eam sanctus Paulus appellat: *Fratres sancti, vocationis cœlestis participes*, Hebr. 3. 1. Cùm igitur nemo det, quod non habeat, evidens est, Confessarium, quò in cœlesti hac vocatione te perficiat, debere esse totum cœlestem; cunctis Cœli proprietatibus, quas in sanctis agnoscit Augustinus, esse debere præditum.

Prima est, quod Cœlum à terrâ separatum extet, admodum ab ea elongatum multa ei bona confert, illam illustrat, calefacit, foecundat, benignas ac favorabiles ei immittit influentias; atque hoc insensibiliter, sine strepitu, ac sine rei ullius receptione. Verus Pater spiritualis ab omni quoque affectione terrestri ab omni interesse ac prætensione temporali exemptus, quantum à terra elongatur Cœlum. Pœnitenti bonum exoptat, facit, procurat, nihil accipiens, nihil prætendens, nihil ab ipso sperans; meminit se judicem esse, Judicibus dictum: *Non Domi. 16. 19.* accipies personam, nec munera; quia munera excacant oculos Sapientum, & mutant verba iustorum. Nota iustorum. Si in Præfectura habens processum, Præto-rem, aut ejus Locumtenentem corrumpas, ac exindè in tuum favorem injustam proferat sententiam; Curia hanc annihilabit. Si tibi adulatur Confessarius, si non, ut æquum, te corripiat, si, cùm te nullo dolore affici ac sapè in peccata re-

alabi



labi conspicit, absolutionem non denegat; si levem ob lethalia poenitentiam injungit; in divinæ justitiæ tribunali erronea quam tuum in favorem pronuntiavit, sententia annihilatur; Atque à Theologia addisce tria esse munerum genera: Munus à manu, munus à lingua, munus ab obsequio, *D. Thomas 2. 2. q. 78. art. 2. ad 3.* Munus à manu est, cum argentum, esculenta, linteamina, condimenta, Altaribus das ornamenta &c. Munus à lingua, cum in Confessoris, sibi que adherentium favorem, in judicio aut Parochianorum conventu verba facis. Munus ab obsequio, cum ei suisque servis, ut conditionem, Cathedram, Officium, aut Beneficium obtineant. Confessarii à præensione omni & affectione ab his omnibus exempti, uti hac in Urbe, Deo laudes, reperiuntur complures, qui primam habent Cælorum qualitatem à terra suspensi.

VIII. Deinde S. Augustinus inquit: *Deum portantes*; Directorem devotum, sanctum, spiritualement, oratione ac virtutibus eminentem esse oportet; sit benè Deo unitus, sit in ejus corde Deus velut suo in sanctuario, Throno, ac Cælo empyreo, *Dominus in Templo sancto suo, Dominus in Cælo sedes ejus.* Quo enim pacto alias ad Deum se dirigit, si ipsemet ad eum non tendat? quomodo virtutis tibi largietur spiritum, si illo sit ipse destitutus? qui ad Deum te deducet, si non ipse ei unitus sit ac conjunctus? Equidem Sacramenta gratiam, aliosque effectus, non obstanto Ministri indignitate, producere novi: At Deo moris non est per instrumenta improporionata atq; elongata, grandia producere opera. Si Confessor non benè unitus sit Deo, nō spiri-

tualis sit, orationi ac recessui deditus, non illo, ad spiritualement ac devotum te efficiendum libenter utetur Deus; si cœlestis est, cœlestem te efficiet, si terrenus, terrenum: Qualis terrenus, tales & terreni, & qualis cœlestis, tales & cœlestes: Quomodo illum agnoscam? an meum est judicare? an judicis mei judex ero? Scriptura notas evidentes ac palpabiles reddit, quæ facile discerni queant, *Ex operibus eorum cognoscetis eos. 1. Cor. 13. S. Joannes Baptista inquit: Qui est de terra, de terra loquitur. Ioan. 3. 31.* Si Confessarius vobis frequenter de terra loquitur, de mundi negotiis, temporalibus bonis, de familia, testamento, tuorum matrimonio, parentibus suis, de particularibus suis decretis, aliisque ejusmodi tricis, terrenus est, & præterea, si quandoque proferat ineptias, si frequentibus delectetur visitationibus, longis ac superfluis discursibus, conversatione cum sola absque testibus, in angulis; adhuc si affectionem sensibilem testetur, ut sunt absque Superioris scitu data ac recepta munuscula, Dominæ meæ, aliàs relatum, si castæ estis, si puritatem adamatis, ne perimitte, ut quis vos in sinu, facie, brachiis contrectet; sit, quisunque velit, cognatus, amicus, socer, frater, consanguineus; Addo, si Confessarius jocando, lasciviendo, vel solam tangat manum, ne accede amplius, ne amplius accede; non absque ratione dico, ne ad illum ultra accede, alterum adi. Ut & pro notâ alterâ, si Magnatum tantum ac divitum confessionibus delectatur, morti libenter Dominorum Dominarumq; assistit, nunquam aut rarò pauperum funeribus adsit; si famulo se præsentanti dicat: I, Parocho confitearis, aut si confessionem ejus excipiat, mox ipsum absol-



1. Cor. 13.

absolvat, atque integras horas cum Domi-  
micella binis aut ternis in hebdomade vi-  
cibus infumat; non purè Deum quærit,  
commodo suo deservit. Et S. Paulus in-  
quit: *Charitas non quærit quæ sua sunt*,  
inctuendum est, ne charitatem habeat;  
sin minùs, neque in Deo moratur, nec  
Deus in ipso; non igitur ex illis est, quos  
S. Augustinus appellat, *Deum portantes*.

Ecc. 7. 6.

*Præceptis tonantes*. Adulatores esse  
non debent, laxi, timidi: sed alacres, au-  
daces, generosi, zelo ac vigore pro Dei  
gloriâ, pro pœnitentium salute pleni, De  
judicibus Ecclesiasticis æquè ac sæcula-  
ribus dixit Spiritus Sanctus: *Noli quæ-  
rere fieri iudex, si non vales virtute irrum-  
pere iniquitatem*, dices eum loqui de rui-  
na fortè Urbis aut Castelli; plures sem-  
per quidpiam opponunt, ne à peccati  
occasionibus secedant, ne aliorum bona  
restituunt, ne concubinam expellant, ne  
cum inimicis perfectè se reconcilient;  
Nî Confessarius extet zelosus, ut præten-  
sas has deiciat excusationes, acquiescit  
peccator hac absolutione extortâ, *Custo-  
dit atrium suum, in pace sunt omnia*.

Matth. 13. 14

VIII. Paucis, Cœlum terram radiis il-  
lustrat; ita boni Confessarii prudentiæ  
ac luminis multum habent, ut dirigant  
Pœnitentes, *Sapientiâ coruscantes*; è so-  
cietate aliàs excidunt; Filius namque  
Dei in Evangelio inquit: *Si cæcus cæcum  
ducit, nonne ambo in foveam cadunt*. Si  
Confessarius tuus ignorantia, impruden-  
tiâ, avaritiâ, adulatione aut passione aliâ  
sit excæcatus, ac malè te dirigat, in dam-  
nationis foveam cadet, sed & tu in ean-  
dem decides.

## PUNCTUM QUARTUM.

**Q**uomodo cum Directore agendum.  
Ad evitanda hæc infortunia, frau-

des, aliaque incommoda, in meâ opinio-  
ne regulas pro posse observandas: Ne  
peccata apud Sacerdotem deponere, qui ti-  
bi valeat adulari, qui fœgnis quoad te sit ac  
timidus, qui de se dicere queat: *Faciens  
sum sicut homo non audiens, & non habens  
in ore suo redargutiones*; veluti cùm tibi  
obligatus est, subditus, piæ stipis erogator,  
filiorum Præceptor, operâ tuâ pro se  
suisque egens; imperans ille tibi quid-  
piam contra Dei legem, etsi prodigia fa-  
cere videatur, ceu adulatorem declina:  
S. Paulus inquit: Si ego aut Angelus de  
Cœlo aliter evangelicet, quàm in Evan-  
gelio annuntiatum est aut prædicatum,  
anathema sit; Angelus enim Sathanæ in  
Angelum lucis transformare se ac te de-  
cipere potest; verùm Ecclesia te fallere  
nequit. Cùm separatim tibi loquor, adu-  
latio, desiderium tibi placendi, prætensio  
à te aliquid obtinendi, aut alia quæ-  
piam passio me deducere potest, ut fallar-  
is, à nemine mendacii arguar: Verum  
hîc coram Episcopo, aut ejus Vicariis  
Generalibus, quorum est de anima tua  
reddere rationem, verba facio, proferen-  
do aliquid non orthodoxum, crastinâ lu-  
ce ut retractem imperabunt, aut Cathedram  
sunt prohibitori. Salvator quoque  
judici de doctrina cum interroganti, ut  
probaret bonam esse atque irreprehen-  
sibilem, alio non usus est argumento,  
quàm protestatione hac: Ego palàm lo-  
cutus sum, & in Templo, quo omnes Ju-  
dæi conveniunt: in occulto locutus sum  
nihil.

Ioan. 15. 20.

Sanè, Domini, in Dei iudicio propter  
usuras, artes litium captiosas, monopola,  
sententias favoris ergò prolatas, ob-  
denudatum pectus, vestium luxum, vi-  
tam otiosam ac sensualem, licet, nescio  
quis,



quis, privatim tibi suggerat, non grande malum est, indifferentia sunt, non malam præfigis intentionem, non adeo oportet esse scrupulosum: S. Augustinus in suis Confess. inquit: *Mi Deus, qui laudari vult ab hominibus, vituperante te, nec defenditur ab hominibus accusante te, nec eripitur ab hominibus damnante te.* Personas reperies, præcipue feminas, adeo Confessoris sui æstimatione præoccupatas, quod Doctores licet Sorbonæ omnes, cunctique Pontifices Romani veritatem eis sole clariorem proponant, si Directori eorum adversetur, haud fidem adhibebunt; maximâ namque Confessarii affectione detinentur.

Agedum, nôris, cum te inter ac Directorem nexus quidam sit, non a jo sensuatis, est humanus propriique amoris, non ultra Spiritum habet Sanctum ad te dirigendum, nec tu, ut ab ejus ductu proficias; nî placeat, non mihi crede: at Directori omnium excellentissimo fidem adhibe: Antè Ascensionem Dei Filii dicebat Apostolis: *Nisi abiero, Paracletus non veniet.* Quid sibi vult hoc? ait S. Bernardus? an adeo duæ hæ personæ sibi invicem sunt oppositæ, ut simul commorari nequeant? An Spiritus Sanctus à corpore Jesu, quod de immaculato Virginis sanguine formavit, abhorruit? Affixi non nihil erant Apostoli nō sensualiter at humanitus SS. Salvatoris humanitati, ejusque præsentia corporali ac visibili; *Hoc est dicere, si non dederitis quod amatis, non habebitis quod desideratis, Bern. serm. 3 in Pent.* Apostoli adhuc Dominicæ carni inhærentes quæ sola sancta, quia Sancti Sanctorum erat, Spiritu Sancto repleti nequiverunt, donec tolleretur ab eis, *Idem ser. 3. de Ascensione Domini;* vultque

Spiritus Sanctus, ut creaturam tollamus amorem, si, ut nobis se communi- cet, expectamus.

*Conclusio. Paraphrasis verborum illorum: Ecce ego mitto Angelum meum, qui precedat & custodiat te.*

Quamobrem, ut Confessarii succedat directio, à Deo de ipso dicendum est: *Ecce ego mitto Angelum meum, qui precedat te, & custodiat te in via, & introducat in locum, quem paravi.* Ecce, verbo huic commune est, favorem exprimere ordinarium, velut: *Ecce concipies, & paries filium.* Ecce dispono vobis. Gratia particularis est, omniumque maxima, destinare te ad Confessorem bonum, hanc demissè atque instantè, exige, ad intentionem hanc fac eleemosynam, bonaque opera. *Ego mitto,* Dei est illum tibi mittere, si hoc in officium se ingerat, benedictione carebit, aut si considerationibus humanis illum eligis, quod clemens est, gratiosus, quia Magnatum Confessor, garrulus, quia te deprecatur, ut ad se accedas. *Mitto Angelum,* in puritate Angelum esse oportet, in scientia Cherubinum, in amore Dei Seraphinum, & in gloriæ ejus zelo *meum,* Dei esse debet, non sui ipsius, non ad utilitatem suam, ad exiguum suam commoditatem: *Qui precedat te,* bono præluceat exemplo, qui, quod docet, in praxin redigat. *Et custodiat in via,* non ipsius est, at Dei, ut te sua in via statuatur, custodire te debet in illa, ad quam à Deo collocaberis, non secundum humores & inclinationes particulares conducere debet, est secundum Spiritus Sancti



motus atque instinctus. Medicus corporalis non nisi naturam sequitur, eique inservit; Spiritualis gratiæ submittere se atque obedire debet; considerare debet viam, vitam, ac conditionem, quam à te exigit Deus, ad hanc dirigere te atque in

ejusmodi statu locare obligatur, quòd cum ambo moriemini, te iudicio Dei absque timore repulsæ ac spe perveniens ad gloriam, præsentare valeat, à Deo vobis præparam.

*Amen.*

## S E R M O

### SEPTVAGESIMVS SEXTVS.

*Pro Festo Sancti Michaelis Archangeli.*

Bonorum operum fervorem præservativum contra  
recidivam esse remedium.

*Neceffe est enim ut veniant scandala. Matth. 18.*

E X O R D I U M.

**Q**ui oculos parumper vult conjicere in lumen fidei, rationem & experientiam, ille facillimè potest videre illam sententiam Christi esse veram, quod necessarium sit venire scandala. Scandalum est occasio, & mina peccati, quocunque nos vertimus, quocunque eamus, habemus minam & occasionem peccandi, & amittendi justitiam in baptismo semel acquisitam; ita ut verum sit illud Sapientis: *Creatura secum sentit mulpulam*, hæc est causa, cur Paulus dicat, quod operari debeamus nostram salutem cum timore & tremore. Quid ergò factu opus, quid faciemus? An animo cadamus? An desperemus? An permittamus nos rapi, & devolvi in peccata? Minimè, non desperemus, nec animo cadamus, sed vires resumamus, habemus enim remedia, quibus uti possumus ne relabamur in peccata, nempe gratiam Dei generalem & specialem, quam obtinobimus, si in actionibus nostris

fervidi sumus, ut hac concione ostendam.

*Satagite, ut per bona opera certam vestram vocationem & electionem faciatis.*  
2. Petr. 1. 10.

I. Quod Medico corporali proprium est, idem & spirituali: Ambobus invigilandum, non solum ut ægros suos tractent, ac perfectæ sanitati restituant: verum & vitæ regimen, ut recidivis obvi-ent, quæ ordinariè magis timendæ, magisque ac infirmitas præcedens sunt periculosa, ipsis præscribant. Ut debito huic satisfaciam, in tria discursum hunc puncta dividam: In primo visuri estis, indies nos, quamdiu degimus, in recidendi discrimine versari: In altero conspiciemus, ne relabamur, gratiam Dei nobis esse necessariam. In tertio, quòd ad gratiam hanc obtinendam, bonorum operum praxis admodum proficua existat; apprehendere illam, debemus à te, o sancta Virgo; tu es femina illa fortis adeò in Proverbiorum libris celebrata, Quod  
Spi-



Spiritus Sanctus majori cum elogio in te deprædicat, est laboris assiduitas, bonorumque operum fervor, *Manum suam misit ad fortia, operata est consilio manuum suarum* Implere digneris, quod adjungit Spiritus Sanctus: *Manum suam aperuit inopi, & palmas suas extendit ad pauperem*: Extende auxilii tui manum ad nos egenos, qui ad pedes tuos provolvimur, à te eleemosynam expetentes, his te salutando verbis: *Ave Maria.*

## IDEA SERMONIS.

### PUNCTUM PRIMUM.

**I**n hac vita sumus semper in periculo recidivæ. Probatur primo Scriptura. Secundo Patribus. Tercio Ratione. Quarto Comparatione. Quinto Experimentis.

II. Qui ad fidei lumina, rationis, atque experientia nolit claudere oculos, absque difficultate fatebitur, sancta licet ac perfecta Christiana sit anima, quamdiu mortali in corpore atque in peccatis concepto existit, in lapsus, ac recepta Dei gratia in Baptismo aliisque Ecclesie Sacramentis perdenda periculo versari. S. Apostolus Petrus, cum post resolutiones adeo animosas, audeo dicere non nihil presumptuosas, in peccatum esset prolapsus, proprio casu sapiens factus, fideles ut cunctis in conversationibus suis, durante hac vita, timidi forent advertit, In timore incolatus vestri tempore operamini salutem vestram. Idem quod S. Petrus sensit & Divus Paulus; commendat Philippensibus: Cum metu & tremore operamini salutem vestram, atque ut demonstraret eadem se præstare, quæ alios edoceret, ait ad Corinthios: *Castigo cor-*

1. Petr. 1. 17.

Phil. 2.

1. Cor. 9. 27.

pus meum, & in servitutem redigo, ne cum aliis prædicavero, ipse reprobus efficiar. Observari in Scriptura potest, Spiritum Sanctum duodecim Tribuum populi Dei Patriarchæ bina imponere nomina: vocat Jacob, id est luctatorem, victorem, ac supplantatorem: appellat Israël, id est videntem Deum:

III. Verum SS. Patres hanc fecerunt reflexionem, Textum sacrum nunquam dicere: Sanctus Jacob, at benè S. Israël; quamdiu enim hac in vita moramur, quæ, ut Job ait, continuum est bellum, nunquam perfectè Sancti, stabiliti, in gratia confirmati, & absque ejus perdenda periculo existimus; benè quidem cum Deum videbimus, ac lumine gloriæ arcè ita ei uniti erimus, ut separari non possimus. Sic & Ecclesia sæpissimè nobis proponit orationes, quæ, ut fragilitatem nostram agnoscamus ac fateamur, efficiunt, ut cum dicimus: *Infirmatatem nostram respice omnipotens Deus. Deus, qui conspicias, quia ex nulla nostra virtute subsistimus; misericordia tua remediis fragilitas nostra subsistat. Deus, qui nos in tantis periculis constitutos, pro humana scis fragilitate non posse subsistere.*

IV. En veram exigua nostræ securitatis rationem, quam diu in hac morientium terra subsistimus: Ab una parte fragilitas nostra, ab altera insidias ac pedicas locatas; cuncta certam ac naturalem ad principium, undè manarunt, habent inclinationem: cum homo de nihilo sit productus, ad peccati nihilum ex naturæ suæ conditione, nā à Dei manu suffulciatur propendet; veluti vapores de terra attracti pondere proprio relabuntur, nā à sole qui illos attraxit suis influentiis sustineat. In ipsis versamur periculis, ab hostibus



Sap. 14. 11.

stibus undique obfessi. Mundus mare est refertum Piratis, scopulis, ventis ac tempestatibus agitatum, undique laquei extenduntur, non creatura est, quæ hostibus ad capiendos nos minùs serviat. Creaturæ factæ sunt in muscipulam.

V. Quæritur in Philosophia, unde magna illa, quæ inter globos cœlestes ac corpora mixta aut elementaria est, differentia proveniat? Cœlos conspiciamus à creatione mille sex annis esse incorruptibiles, iidem semper extant: incessanter voluntur; superiores motu suo rapido inferiores unâ secum abripiunt, nec corrumpuntur aut alterantur; dum corpora sublunaria in perpetua vicissitudine extant, mutationi tributaria, alteratio ac corruptio eorundem essentialium atque inseparabilium proprietatum una existit. Binas Philosophi differentię hujus rationes assignant: Primum, inquit nonnulli, cœlorum materiam ab inferioribus hisce alterius esse speciei; materia, de qua composita sunt elementa, naturæ mutabilis est, volantis, inconstantis, nec formâ, à qua esse recipit, contentatur unquam; aliam semper atque aliam præstolatur: Ac quemadmodum duas simul recipere nequit, in perpetuo fluxu est ac refluxu, verum generationis ac corruptionis fermentum. Haud eadem cœlorum materiæ ratio, constans magis ac solida est, cum à primordio nobilissimam atque excellentissimam receperit formam, contentatur, nec alteram expetit. Deinde, elementa composita que elementaria oppositas habent qualitates, irreconciliabile bellum sibi invicem moventia: frigus & calor, siccum ac humidum continuo simultates gerunt, loca, in quibus fit conflictus, evertunt, causantq; ut forma materiæ cedat, dispositionum eas necessitudi-

naufragio. Astra globique cœlestes contrarias & antipathicas non habent qualitates; etsi producat sol calorem, humiditatem Luna, Saturni astrum siccitatem, nec calida, frigidaque, nec sicca, nec humida sunt; qualitates hæc nec formaliter aut actu possident, verum virtualiter atque eminenter. Pari methodo de spiritibus in cœlo, quivè in terris extant, ut de corporibus cœlestibus ac sublunaribus Philosophi, ratiocinari possumus: Sancti in cœlis regnantes sunt impeccabiles, nō eis dominatur peccati corruptio; voluntas namque eorum contenta est atq; ex faciat, summo bono plenariè cumulantur adeò atque explentur, ut aliud minime appetant; in quiete sunt, habitatio eorum nuncupatur Jerusalem: *Visio pacis*; proscriptus est inibi Diabolus, procul separatus est mundus, non accedunt tentationes. Non eadem est hominum in terrâ existentium ratio, eorū voluntas, in nulla uspiam creatura satisfactionem reperiens, fluctuans semper ac vagabunda, culminis pinnula veratilis, Chamæleon est rerum in se omnium colores affluens, atq; ut Aristoteles inquit, *μεταβάλλει τοις χροιαις*, inconstantia vera effigies. Carnis desideria, adversus animam militantia, ut loquitur Apostolus, maligni spiritus suggestiones, mundi persecutiones furioso ejusmodi in nos impetu ruunt, ut absque potenti subsidio in discrimine succumbendi versetur.

VI. Falsum itaque est, quod Calvinus ejusque asseclæ inquit, nil metuendum esse fidelibus, de salute securos existere, cum fidem quis ac charitatem recepit, ut eas deperdat, nullum fore ultrà periculum; ac si Dei Filius non diceret: Nonnulli ad tempus credunt, & in tempore tentationis recedunt, ac si experienti nō

vidisse-

Luc. 8.



2. Tim. 2. 17.

1. Tim. 1. 19.

vidissemus Philetum & Himenæum, à S. Jacobo conversos, perdidisse fidē, aliosque ad idem induxisse? Nec S. Paulus diceret, quosdam ob conscientia bonæ defectum, atque avaritiam fidei naufragium passos, quasi ignoremus Luciferum in coelis Dei perdidisse gratiam, in Paradiso terrestri Adamum, in Salvatoris consortio Judam, instrictissimis ac perfectissimis Religionibus alios mille.

## PUNCTUM SECUNDUM.

**R**emedium præservativum est gratia Dei, quæ est duplex generalis & specialis primo Scriptura, secundo Patribus, tertio Rationibus, quarto Comparatione, quinto experientia.

VII. In periculis aded evidentibus magnique momenti gratia Dei præsidium absolutè nobis necessarium est, cum devoto Machabæo ei dicendum: *Quomodo subsistere poterimus, nisi assistas nobis?* Age, duæ sunt gratiarum species: Generalis una, cõmunis, ordinaria, pretii minoris; Specialis altera, particularis, magisque pretiosa. De prima inquit Salvator: *Sto ad ostium, & pulso.* De altera dicunt fideles: *Adaperiat Dominus cor vestrum.* Per primam Sponsus ait Sponsæ: *Veni amica mea.* De secunda sponsa inquit sponso: *Trabe me post te.* Per primam ad conviviũ suum cœleste Deus vocavit multos. Per secundam quosdam intrare compellit; *Compelle intrare.*

De prima in Actibus dictum, quod S. Paulus & S. Lucas in saminarum conventu prædicabāt: De altera, Deum mulieris cuiusdā, nomine Lydia, aperuisse cor, ut verbum Dei reciperet simul & Baptismũ. De prima orat Ecclesia, ut Spiritus S. gratia sensus cordaque nostra illuminet. De secunda, eadem inquit Ecclesia: *Ad te nostras etiam rebelles compelle propitius vo-*

luntates. Felix atq; exoptandus impulsus, dulcis placidaq; violentia, non libertatem violans, at perficiens; non arbitrium liberum destruens, verũ incantans, non voluntatem constringens, ast suaviter luctans & sanctificans.

VIII. De prima dixit S. Aug. Dei manũ sentiens libero contra Dei misericordissimam veritatem pugnavit arbitrio, *Aug. de lib. arb. & refertur cap. Nabuchodonosor 23. q. 4.* De secunda sanctus idem Pharaonicum atque induratum cor illam nõ rejicisse, *Anullo corde duro rejicitur, quia idcirco datur, ut cordis durities auferatur.*

En veram hujus veritatis rationem; nempè dat Deus gratiam hanc animæ ad quam particulare habet inclinationes, si effectum suum producat; non necessariò, sed infallibiliter, absolutam habet voluntatem, efficacem & independentẽ; & per Proph. inquit: *Consilium meum stabit, & omnis voluntas mea fiet.* Et Psalm. *Omnia, quacunque voluit, fecit in cœlo & in terra.*

IX. Dicunt Jurisconsulti duobus modis donari quid posse; *Longa manu, brevi manu.* L. pecuniam. ff. de solutionibus. Longa manu; ut si præsentem Creditore in mensa pecuniam ei; debitam locas, jam dedisse censeris longa manu; quia potuit assumere. *Brevi manu,* cum alicui quid in manum suam tradis; ita Ulpianus L. licet socrat. §. 1. ff. de jure dotium. *Brevi manu acceptum quid à muliere, id est, non per acceptionem; sed ut ajunt de manu in manum* Diversimodè dat Deus gratias actuales & auxiliares: ordinarias ac minus pretiosas longa dat manu, abundanter ac sæpè: verũ videtur non esse de manu in manum: illas tibi charitative præsentat; si reculas, tuã accidit culpã, vergitque in damnum tuum; *Vocavi, & renuisti.* Gratia specialis & particulares aded sunt potentes, ut suos semper producant effectus voluntariè sed infallibiliter liberi arbitrii consensum: illas dat de manu in manum, voluntatè arctè aded stringunt, ut duæ videantur esse manus juctæ; ast illas dat brevi manu, rariùs ac numero pauciores, paucioribus, animab⁹ ad quas affectiones gerit ac benevolẽtias particul.



X. An luculentum hujus rei cernere lubet exemplum? Volens Deus quinque peccatrices illas flammis absumere civitates, duos Angelos Sodomam misit, ut servum suum Loth hac de re certiores redderent: Spiritus hi Cœlestes circa vesperum accedentes ac charitative in domo Loth recepti, aiebant: Habes hîc quempiam tuorum generum, aut filiorum, aut filias? Omnes qui tui sunt, educ de urbe hac; delebimus enim locum istum igne de cœlis misso; Egressus Loth ad generos suos, & *visus est eis quasi ludens loqui; cumque esset manè, cogebant eum Angeli, dicentes: Surge, tolle uxorem tuam, & duas filias quas habes, ne & tu pariter pereas in scelere Civitatis. Dissimulante illo, versio Græca inquit, *cunctabatur*: Septuaginta in eorum dictione, *turbati sunt, apprehenderunt manum ejus, & manum uxoris ac duarum filiarum ejus, eo quod parceret Dominus illi, eduxeruntque eum.* En viyam Dei ductus quoad animas representationem, stylique justitiæ ac misericordiæ ejus erga personas diversas! Sodomitæ præventi vindictâ Dei, nec admoniti; eorum namque scelera id merebantur. Grandiûm vestrorum criminum effectus est, ac judicii Dei in vos, ut justitiam ejus non vereamini, quod vestigia vestra premat haud conspicitis. Cum in Sermonibus Inferni fit mentio, deambulatum vadis, aut aliis rebus frivolis ac nihili adheres: Loco, ut Granatensem de judicio agentem legas, evolvis Romanam; quod minus Confessarium adeas, justitiæ divinæ tibi minas intentaturum, quendam qui tibi blandiatur adis. Alii, ceu Generi Loth sunt admoniti, Prædicationi cui-dam intersunt, Confessarium reperiunt*

se arguentem; verum ut juvenes illi agunt, *Visus est eis quasi ludens loqui*, atque hi Prædicatores ac Confessarios per exaggerationes minitari arbitrantur. Aliàs nobis efficacior donatur gratia, at nostram ob debilitatem atque exiguam dispositionem, in nobis nescio quam velleitatem, desiderium inefficax, languentemque a frigidam resolutionem producit: ut cum Lothum ejusque familiam urgebant Angeli, *turbati sunt*, quod domum, mobilia, provisiones, commoditates deserere cogantur. *Cunctabatur*, differebat, professionem adornabat, ac si temporis sat foret, cadente interim igne de cœlo super urbes illas infelices. Sic Dei gratia est, dum ad bonum te Confessorem dirigit: hæc verò gratia in te haud operatur, cum personæ cuidam, domui, exiguis tuis affixus es emolumentis; Confessario tibi præcipiente, ut de tali ade recedas, hæsitās, differs, salarium ac re compensationem præstolaris.

Alii gratiam efficacissimam recipiunt, *de manu in manum*, effectum suum infalibiliter producentem, ut cum Angeli Loth manu apprehendendo vi de Sodomis extraxere, *cogebant eum Angeli*, reciproco hac in re usi, par pari retulerunt.

### PUNCTUM TERTIUM.

**R**emedium aptissimum ad obtinendam gratiam specialem est fervor in bonis operibus. Primò Scriptura, secundo Patribus, terriò Ratione, quarto Comparatione, quinto Experienciis.

XI. Et en tertium discursus nostri punctum, ut cernatis, quod ad obtinendam à Deo gratiam hanc potentem atq; efficacem, à peccati occasionibus præfer-



19. 14.

vantem, admodum extat necessarium, ut nos bonorum operum practica disponamus.

2. Petr. 1. 10.

Sanctus Petrus ad id nos invitat, dicens: *Fratres, satagite, ut per bona opera certam vestram vocationem & electionem faciatis; hac enim facientes non peccabitis aliquando; sic enim abundanter ministrabitur vobis introitus in aeternum regnum Domini nostri & Salvatoris Jesu Christi.*

Apoc. 3. 10.

Et Dei Filius mandavit Episcopo Philadelphiae: *Scio opera tua, quia modicam habes virtutem, & servasti verbum meum ego dilexi te, quoniam servasti verbum patientiae meae, & ego servabo te ab hora tentationis.*

XII. Sanctus Fulgentius magnoperè veritatis hujus inculcandæ ergo sollicitus erat; sic namque inquit: *Sicut omnia bona, inter quæ etiam voluntatem habemus, non nisi Deo largiente accipimus, sic omnia quæ accipimus non nisi Deo custodiente servamus &c. ille verò certus est bona voluntatis profectus, si ea quæ accipit à Deo, ita vigilanter solliciteque custodiat, ut custodia divina adiutorium frequentia orationis & studio bonæ operationis exposcat; ita fiet, ut dum oranti auxilium tribuitur, laborans retributione boni operis non privetur, S. Fulgent. Lib. 2. Prædest. cap. 17. Idem & Ecclesia suis in precibus publicis sæpenuerò deprecatur: Ut bonis operibus inherendo, tuæ semper virtutis mereamur protectione defendi. Hebd. Quad. fer. 6. orat. ad vesp. Quando Majestati tuæ sit gratior, tanto donis potioribus augeatur, Sabb. ante Dominicam in Ramis.*

XIII. In hisce verbis Ecclesia veram hujus veritatis rationem notat; quò plura bona opera agimus, hoc Deo acce-

ptiores sumus; quò gratiores, plus in nos affectionis habet, plus amoris, plus donorum ac gratiarum nobis elargitur; amare enim est bonum velle, ac facit Deus omne, quod vult, voluntas ejus ac potentia pari passu procedunt, cum anima fervore solidâque virtute fecit progressum, contra inimicorum insultus eam corroborat, redditque victoriosam.

XIII. Quarto Regum, 13. 8. refertur, quòd cum venisset Rex Joas ad visendum in infirmitate Elisæum, in qua & mortuus est, Propheta ei mandavit, ut arcum apprehenderet ac sagittas, cumque extendisset, superposuit Helisæus manus suas manibus Regis, & ait: *Jace sagittam, & jecit trinâ vice, & stetit; Iratus est vir Dei contra eum, & ait: Si percussisses quinque, aut sexies, sive septies, percussisses Syriam usque ad consummationem; nunc autem tribus vicibus percuties eam; Contingit sæpè, ut ad orationis, eleemosynæ ac bonorum operum praxin nos invitet Deus; suâ nos gratiâ adjuvat, manumque suam quasi supra nostram locat; si plene ac perfecte ejus admonitionibus cooperemur, quot bona agimus opera, toties de inimicis nostris triumphamus.*

XV. Ut habeamus exemplum, à 19. Geneleos capite non discédamus. Ibi refertur, quòd venerunt duo Angeli Sodomam, sedente Loth in foribus civitatis, ivit obviam eis, & dixit: *Obsecro, Domini, declinate in domum pueri vestri, & manete ibi. Excusârunt se Angeli, gratiasque agebant; compulit illos oppido, ut diverterent ad eum. An non hic veritatem conspiciatis ejus, quòd Jesus post dixit: Quam mensura mensi fueritis, eadem remetietur vobis? Non sufficiebat ei, in ædes ipsos invitasse, manu apprehendit,*  
com-



compulit illos; similiter Angelis non fuerat, ut cum ob instans discrimen commonefacerent, manu arripiunt, *Cogebant eum Angeli, vers. 15.* Inquis, non obligari te, ut pauperem illum, qui frigore totâ in plateis nocte conficitur, hospitio suscipias; vicinum decumbentem, omni subsidio destitutum visites; viduæ illi pauperculæ, nihil habenti quod refundat assignationem præbeas? Cur igitur dicit Jesus: Hospes fui, & non collegistis me? Infirmus, nec me visitastis? quod uni ex minimis meis denegastis, mihi denegastis? Supponamus ad id te non obligari: non; nec Deus gratiam tibi efficacem atque extraordinariam, quam solis tribuit amicis, elargiri tenetur. Si, ut Loth ageres, plus quam teneris, si hospitalitatis, misericordiæ, charitatis virtutem redigeres in praxin, cum in evidenti periculo ac proximâ futurus esses peccati occasione, in puncto conflagrationis non ab illo cælesti, sed tartareo concupiscentiæ igne, arriperet te manu Deus, ac retraheret.

An opinaris, ut nunc, ita primitivâ in Ecclesiâ actitatum? Natalis die, Paschæ, Pentecostes, aliisque festorum solennitatibus, ac Dominicis penè omnibus, Pastori & Confessores à manè summo ad usque meridiem in Confessionali fœtores tuos excipiunt; desiderarent profectò, quæ Festis illis celebrantur mysteria expendere, Dei adorare Filium, præsentem eo dilatare cor, conversari cum Sanctis? An opinaris primorum sæculorum Sacerdotes in continuis istis recidivis audiendis fuisse detentos? Cum Christianorum quispiam patraffet Lethale nefas, tot ei jejunia, eleemosynæ, aliaque o-

pera pia injungebantur, ut his Dei placârit iram, ac non recidendi gratiam impetrârit, vitæque Christianorum non ut modò perpetuâ revolutione, confessio-num ac relapsuum vicissitudine erat constituta.

*Conclusio. Per paraphrasin verborum Christi: Spiritus ubi vult spirat.*

XVI. Ne igitur dicito: Bonum hoc opus non nisi supererogationis est, absque ullo incommodo relinquere potes sum. Cum inspirationem atque occasionem tibi præbet Deus, imaginis dicere tibi Filium Dei, quod olim Nicodemus, *Spiritus ubi vult spirat, & vocem ejus audis, Ioan. 4. & nescis unde veniat, aut quo vadat.* Quot verba, tot instructiones.

*Spiritus.* Opera Dei ab amore profecta Spiritui Sancto attribuantur, invitatio hæc à Deo tibi facta, ejus in te amoris est testimonium, benevolentiae affectus; ut Magdalene, & tibi dici potest: *Magister adest, & vocat te ad pium hocce opus.*

*Ubi vult.* Non omnibus, sed quibus lubet, favorem hunc impertit. Quot in Canaria, Japonia, China extant infelli, avidè hoc manna, si eis immitteretur, collecturi: Quot gratiarum actiones referrent, quam non exhiberent fidelitatem? Commoditatem habes facilem ad eò ac præsentem, & contemnitis? *Ubi vult.* Non solum ubi, sed quomodo vult, inspirat, *Dividens singulis prout vult.* Ne dixeris: Non quod opus vult Deus, at ejus loco agam aliud: Non ut inspirat mihi Deus fiam Religiosus, at castè in mundo vivam, non solum *ubi vult*, sed *quando vult*



*vult spirat*, ait S. Bernardus; Ne dicas: *Generalem* instituam confessionem finitis literarum studiis, processu hoc, officio aut beneficio obtento Dei servitio me totum addicam; per *Isaiam* inquit; *Adjuvabo te*, non quo tempore tibi, sed mihi libuerit.

*Spirat.* Civiliter te tractat, non ad permultos, velut ad *Eliam*, ventu impetuoso venit, Spiritu magno & forti subvertente montes & conterente petram, afflictiones immittit, ut convertat, fortunas evertit, corpora ac corda eorum indurata gravibus morbis frænât; suaviter voce prædulci, inspiratione secretâ te vocat.

*Vocem ejus audis.* Et si haud eum conspicias, modis mille ut percipias efficit. *Sonat Psalmus*, ait S. Augustinus, vox est spiritus: sonat Evangelium, vox est spiritus: sonat sermo divinus, vox est spiritus, *Aug. tract. 12. in Joan.* Sanctus Antonius in Missa hæc Evangelii verba audiens, Si vis perfectus esse, omnia des pauperibus, Spiritus Sancti vocem esse agnovit: Sanctus Nicolaus Tolentinas prædicationem audiens: Sanctus Ignatius ac B. Cesar de Bus spiritualem evolventes librum, Spiritus Sancti agnovêre vocem.

*Nescis, unde veniat.* Inspiratio hæc à prædestinationis tuæ decreto provenit, *Quos prædestinavit, hos & vocavit. Unde veniat.* Inspiratio hæc venit à meritis Filii Dei, à sanguine ejus pretioso. *Unde veniat.* A Divæ Virginis precibus venit, quas ad Filium pro te fundit, cum de ejus sis Rosario, à zelo forsan & matris tuæ, uxoris, pro te Deum orantium.

*Quo vadat.* Hæc à Deo facta vocatio plus ultra vadit, quàm cogitas, bona hæc motio ad sermonem eundi, Granatensis opera emendi, ac legendi, infirmum hunc aut captivum visitandi, utilior est quàm arbitraris. Sermonem istum audiens, hunc librum evolvens, lumen accipies simul & instructionem, quæ frangi loco erunt, ne in peccata labaris; infirmum hunc aut captivum emolliet & humiliabitur, *Ecce, dabis voci suæ vocem virtutis. Date gloriam Deo.* Mî Deus, vox tua nos attrahat, Lumen tuum in bona semita nos deducat, gratia tua non posse solum, sed & velle det ac completionem; ut omnis bonorum operum nostrorum gloria tibi attribuat per J. C. D.N. qui tecum vivit & regnat in unitate Spiritus Sancti per omnia sæcula sæculorum.

*Amen.*



# S E R M O

## SEPTVAGESIMVS SEPTIMVS.

*Pro Feste Sanctorum Apostolorum Simonis & Juda.*

*Contra Recidivam.*

*Hæc omnia facient vobis propter nomen meum. Joan. 15.*

### EXORDIUM.

**Q**Uis hodie zelaret, si D. Hieronymo in caput 4. ad Galatas, & alibi credimus, una solennitate celebramus Simonem, qui cognominatus est *Zelotes*, quia à *Cana*, quæ *zelum* significat oriundus, & Judam Jacobi minoris fratrem, quem & ipse Hieronymus *Canaam* appellat, sive etiam, quia ex *Cana* oriundus fuit, sive etiam quia extraordinarium *zelum* pro Christo habuit. Nos hodie conabimur eorum exemplo esse zelotes, & magnum *zelum*. Sed in quo? Ne nempe justitiam & gratiam in justificatione semel amissam tam faciliter amittamus, & rursum in vetera peccata labamur, nam si labamur, sumus ingrati, perfidi, contemptores Dei, zelemus ergo virtutes his viciis contrarias. De cavenda recidiva itaque agam hodie in hac conatione.

*Vade, & jam amplius noli peccare. Joan. 8.*

*Non minor est virtus, quam quærere parta tueri.*

I. Imperator Justinianus non contentus suorum quæpiam ad altissimos dignitatis promovisse gradus, honoribus eum cumulasse ac divitiis, die quadam affectionis excessu dixit ei: *Ecquid in tui*

promotionem facere potero? Quidquid appetis, pete. Domine, respondit Aulicus, nil nisi clavum requiro. Qualis hæc deprecatio ab Imperatore clavum requirere? Quidnam cum clavo ages? Ut fortunam confringam, affigam, magnosque illos favores à Liberalitate Veltra relictos reddam immobiles.

Opinor, Domini, usque modò, cum gratiâ Dei, omnes ad salutem instructiones necessarias, ab anima Christiana, ut placidam se Deo efficiat, ac cœli iter arripiat, custodiendas, esse propositas; non nisi clavo ultrà indigeo, ut vestris in cordibus illas figam, aut, ut melius eloquar, instructiones cunctæ vobis datæ tot salutares sunt clavi, vos feliciter ad Filii Dei amorem ac judiciorum ejus timorem affigentes, *Verba sapientum, quasi clavi in altum defixi, Eccl. 12.* Malleo ad infigendos clavos indigeo, ne spiritus eos malignus forcipibus suis ferreis, aut melius infernalibus extrahere queat. Malleus hic non nisi verbum Dei est, à Jeremia appellatum: Malleus conterens petram, *Jerem. 23. 24.* His itaque divinis, utar verbis, ut cernatis, eum, qui post conversionem, & sacramenti gratias, in peccata relabitur, remissione se reddere indignum.

Te-



Demonstro hoc inquam rationibus à parte Dei desumptis, à parte Cacodæmonis, à parte peccatoris relabentis.

Ad evitandum hoc deplorandum ad-  
cò malum, habenda est erga te omninò  
particularis affectio ac devotio, ô Virgo  
lacrata; compararis balsamo, *Sicut cin-  
namomum & balsamum aromatizans  
odorem dedit.* Balsamum à putredine cor-  
pus præservat, & Christianæ animæ in-  
fluentiis tuis virginalibus à peccati cor-  
ruptione sanantur, quas humiliter ad pe-  
des tuos prostrati imploramus, cum An-  
gelo salutantes, *Ave Maria.*

## IDEA SERMONIS.

### PUNCTUM PRIMUM.

**A**rgumenta ex parte Dei, quibus dis-  
suadetur recidiva, primo probatur  
scripturâ, exemplo Niniitarum. Secundo  
probationibus, quia recidiva est ingrati-  
tudo. Perfidia. Contemptus.

II. Onus Ninivæ liber visionis Nahum:  
*Deus amulator & ulciscens Dominus: ul-  
ciscens Dominus & habens furorem, ulci-  
scens Dominus in hostes suos, Nahum 1.*  
Habitatores Urbis Ninivæ, atque eorum  
Rex Sardanapalus cum ad Deum se con-  
vertissent, de suis dissolutionibus minis  
ac prædicationibus Jonæ retracti, atque  
ex particulari omninò Dei misericordia  
veniam impetrassent, adeò extitère te-  
merarii, tamque magni beneficii imme-  
mores, ut sat citò primos iterum assump-  
serint errores, ac cum scandalo ad inor-  
dinatam suam vitiosamque vitam fuerint  
relapsi. Recidiva est offensa adeò displi-  
cens Deo, ejusque iram ita sensibilibus ir-  
ritans, ut Propheta cujusdam præsentia

non ultrà eos honorare atque ut prius  
convertere sit dignatus, verum Prophe-  
tæ Nahum mandavit, ut librum eis mitte-  
ret, in quo castigationes horrendæ à di-  
vina justitia in eos decretæ contineban-  
tur, quæve aliquanto post tempore conti-  
gerunt; edocemur namque ab Athenæo  
*Lib. 12. c. 1.* Justino, Eusebio de Cæsarea,  
aliisque tam sacris quàm profanis Au-  
thoribus, Arbacen Medorum Regem,  
unà cum Phul Babylonix Præfecto ur-  
bem obsidisse Ninivæ, ac duobus post  
annis infortunatum hunc Regem, cum  
ad extrema redactus in hostium manus  
incidere metueret, media in urbe Lignile  
ad quadringentorum pedum altitudinem  
extruxisse, in quod pretiosissima sua  
conjecit, ac una cum uxore, liberis, con-  
cubinis ingressus, flammis consumptos,  
atque in cineres fuisse redactos, urbsque  
ipsa spoliata, depopulata, everfa; Ovidius  
in infortuniis, quæ Ibidi imprecatur,  
mentionem facit:

*Inque rogam tecum charissima pignora  
mittas,*

*Quem finem vita Sardanapalus  
haber.*

*Deus amulator, & ulciscens Dominus.*  
Æmulator est Deus in illos, qui post con-  
versionem animas pervertunt, ulciscens  
Deus est in animas ad peccatum relaben-  
tes, *Deus emulator.* Æmulatio compages  
ac binis ex passionibus amore & odio  
compositum est; Odium est in eos con-  
ceptum, qui ei, quod amore prosequi-  
mur malefacere, aut privare satagunt.

Jesus cum passione animas à se con-  
versas amat, de iis, qui eas ipsi rapiunt,  
inquit: *Occurrā eis sicut ursæ raptis ca-* *Os. 3. 8.*  
*tulis.* Non animal ullum, tanto erga fœ-  
tum zelo fertur ac Ursa, nullum in eos



tam crudele, qui illum sustollunt; bis enim pullorum mater est; cum suo de sinu illos produxit, linguâ format & instruit. Jesus binis ad minimum vicibus spiritualem ac divinam animæ conversæ præbuit vitam, semel in Baptismo, alias in Pœnitentia: hanc si ei abripis, atque ut in peccatum reincidat efficis, indignatur, irâ ac furore incenditur, furore, qui non, velut nostra, passio est atque imperfectio; iustissima est, adoranda, ac horribilis vindicta, *Deus amulator, & ulciscens Dominus; ulciscens Dominus & habens furorem, ulciscens Dominus in hostes suos.*

III. Ter inquit: *Ulciscens Dominus;* tres namque recidiva habet circumstantias capitalem eam reddentes, indignam veniâ, punitiōe dignam; ingratiitudinis crimen est, perfidiâ, contemptus. Peccatum est ingratiitudinis, ingratiitudinis ad eâ capitalis, quæ sic Deo displicet, ut quæstionem moveant Theologi, an datam Deus veniam revocet, ac præcedentia scelera per Pœnitentiam delata redeant, nobisque in peccatum relapsis imputentur? Doctores nonnulli affirmativam tenent, se fundantes in parabola, ubi Jesus se comparat Domino, qui cuncta servo debita dimiserat: verum cum servus hic simile conservo eum roganti officiû negasset, iussit eum Dominus in carcerem mitti, ac debitum omne ad minimum quadrantem usq; persolvere compulsi; ac novimus, quod secundum leges Civiles *L. unica. Cod. de ingrat. mancipium* à Domino libertate donatum, si enormem in Dominum committat ingratiitudinem, donatam perdat Libertatem, atque in servitutem relegetur.

S. Thomas 3. *parte, q. 88.* expressam de

hoc subjecto quæstionem instituens articulo primo concludit, peccata in Pœnitentia dimissa redire per recidivam non simpliciter & absolute, sed aliquo modo *virtualiter*; *Peccata dimissa non redeunt simpliciter, sed secundum quid, in quantum scilicet virtualiter in peccato sequenti continentur*: Cum Deus peccatum tibi dimisit, si in illud relabaris, idem licet in genere ac specie crimen sit, nihilominus plus multo, ob ingratiitudinem admissam, præcedenti est enormius. Si tibi duo, quatuor, viginti, triginta dimisit Deus; novum hoc, quod patras, peccatum duos, quatuor, viginti, triginta malitiæ gradus, plus quam prima continebit; Perpende igitur, quem malignitatis atque ingratiitudinis cumulum primum à te committendum nefas sit habiturum; cum plura jam, quam centum, ducenta, forsan plura quam millia tibi Deus dimiserit.

Philosophus moralis quatuor ingratiitudinis recenset gradus: Primus est non recipere beneficium nec par pari referre, non facere aut benefactori velle bonum. Alter, beneficii oblivisci. Tertius, pro bono malum reddere. Quartus denique ultimus ingratiitudinis excessus, adversi aliquid benefactori inferre. Idem agis in delictum reincidens, abuteris misericordiâ à Deo tibi factâ, simul & facilitate, qua tibi dimisit, ut audacius ac temerariè magis ipsum offendas.

IV. Deinde perfidiâ peccatum est; violas pactum cum Jesu in Communionefactum, promissis in Confessione non stas; præstitum ei fidelitatis iuramentum falsificas, turpiter ei terga vertis, ut miseræ



sera cuidam adhæreas creaturæ; desertores ejus militiæ ac vexilli, proditoriè eum deseris, ut capitali ejus servias inimico. Hoc est, quod Leges Civiles severissimè puniunt non morte communi & ordinariâ, sed torturâ ac mortis genere Mancipiis, ac infimæ fortis hominibus criminis reis solito. *L. desertorem. §. is, qui ad hostem. ff. de re militari.*

Hoc ceu pessimum in Israëlitis reperibat Deus, hoc acrius eis exprobrabat, hoc majori cum severitate puniebat; erat id, cum non servaverunt pactum. Quod cum Salvatore pactum iniisti, quam in Baptismo cæterisque Sacramentis promissisti fidelitas, incomparabilius sacra magis, firma, atque inviolabilis est illâ Israëlitarum; confirmata nanque fuit non sanguine Agni, aut alterius victimæ, sed adorando Jesu sanguine in Communionem tibi dato; Dum ab hoc compromisso & transactione abis, contra Dei Filium summum tuum Dominum rebellionem faciendo, perfidiam committis, cujus stultitia ac malignitas non satis potest exaggerari.

V. Est & peccatum contemptus; ut enim Sanctus Thomas argumentatur loco supra citato, 3. p. q. 88. art. 1. cum animam peccatricem ad poenitentiam patienter expectat Deus, non tam magnæ bonitatis effectus est, quàm dum ei gratiam præbet, ipsique peccata dimittit. Age, Sanctus Paulus inquit, peccatorem divinæ bonitatis contemnere divitias, quando non movetur ac fertur ad poenitentiam Dei longanimitate & patientiâ, quam erga eum Deus exercet, *Secundum divitiam cordis, divitias bonitatis illius contemnis.* A fortiori divinæ bonitatis hujus divitias contemnis, cum

facile adeò factam tibi gratiam, datamque veniam deperdis.

Idem est, ac si ab ædibus tuis recederet famulus, ac ad priorem suum Dominum, à quo spontè discesserat, revertetur; contumeliæ loco duceres, testaretur in hoc, priorem sibi Dominum magis probari, aut dominium ejus tuo sibi esse utilius; per hoc daretur intelligi, quod in te avaritiam, tyrannidem, aut simile aliud vitium agnoverit, ob quod tuum sibi displiceret servitium: *Diabolum Domino præponit? comparisonem enim videtur egisse qui utrumque cognoverit, & judicato, pronunciaſſe eum meliorem cujus se rursus esse maluerit; ita, qui per delictorum poenitentiam instituerat Domino satisfacere; diabolo, per aliam poenitentiam poenitentiam satisfaciet, eritque tanto magis perosus Deo; quanto emulo ejus acceptus, Tertul. lib. de poenit.* Causa extas, ut Dei Filium, Angelos, Sanctosque malignus spiritus explodat, erectâ cristâ eis insultet, trophæa erigat, ac vestram ob recidivam se glorificet, dicens ad Jesum: In conversione animæ hujus lætatus es, convocasti Sanctos, Angelosque tuos, ut unâ tecum ob perditum dragma inventum, atque ob errantem oviculam in ovile relatam lætarentur: Verùm festum tuum breve fuit gaudium, ignis de stramine, serenum brumale tempus, prætenſus triumphus, viola in Majo exorta; anima hæc octo aut quindecim diebus tua fuit, longo tempore mea est futura, jure Angelos Sanctosque tuos, ut tecum lamententur, convocare potes, ut tecum unâ tristentur, lugeantque paucillum argenti te perdidiſſe, atque ovem tuam plius quàm unquam periſſe.



## PUNCTUM SECUNDUM.

**A**rgumenta ex parte Dæmonis.

VI. Ita diabolus naso Jesum suspendit, cumque prædā arripuit, ne opineris quod facile eam dimittit. Ut urbis Gubernator agit, qui exiit compulsi, si expugnare aliquando tueretur, melius quam unquam tueretur, munitiones facit firmiores, fortificat, vigilias custodiasque reduplicat, tormenta nova adduci procurat, respicit debile, introitum per quem intercepta est, muros ac propugnacula exaltat, nullius rei obliviscitur, nulli sumptui parcit, nihil ad se defendendum negligit; Jesus hanc adfert comparisonem; *Cum immundus spiritus exierit ab homine, dicit: Revertar in domum meam, unde exivi, & assumit alios septem spiritus nequiores se, & ingressi habitant ibi, & sunt novissima hominis illius pejora prioribus.*

## PUNCTUM TERTIUM.

**A**rgumenta ex parte peccatoris Primo Scriptura, secundo Patribus, tertio Rationibus, quarto Comparisonibus.

VII. Et sunt novissima illius pejora prioribus. In peiori statu ac conditione es, quam antè, magis à Deo elongatus, amplius diabolo subiectus, debilior, magis inclinatus & inescatus à peccato quam aliàs unquam. *Vilis facta es iterans vias tuas.* Si, ut inquit Dei Filius, quis manum mittens ad aratrum, & respiciens retrò, non est aptus Regno Dei; quantò minus ille, qui retrocedit?

VIII. Benè ait S. Augustinus: Cum crux fregeris, atque excellens illud Chi-

rurgus curarit, si vice alterà diffringitur, difficilius sane est ut rursùm accommodetur, eo que magis tertià, quartà, quintà vice. Cum peccato consentis, spiritus tuus omninò degeneravit, animæ tææ potentiæ luxantur, pars inferior haud ultra superiori submittitur, nec rationi superior; per pœnitentiam curatur; at, si bis, ter, quater relaberis, tibi dicit Jeremias: *Insanabilis est fractura tua, pessima plaga tua, curationum utilitas non est tibi.* Magis magisque à te recedit Deus, non ultra tantum tibi, ut convertaris, gratiarum largitur; quia non commertus es, in propinquo est, ut eas deperdas.

IX. A remediis destillaris, videns esse inutilia, animo cadis, videns te relapsum, non obstantibus resolutionibus tuis, novas arripere non audes, timens ne illas ceu præcedentes vires, non ampliùs tantam ad Deum recurrendi fiduciam habes, videns te promissa ac protestationes ipsi factas violasse, confiteri crubescis, metuens ne ob recidivam reprehendaris, magis magisque demergeris, ac vitiosos in corde habitus contrahis.

X. Dicit igitur, ut David: *Animam non sicut passer erepta est de laqueo venantium.* Ab honesto mihi relatum est homine, coactum fuisse se apertas Granarii tenere fenestras, turmatim involasse passerem, tres quatuorvè se cepisse, totidemque diebus inibi tenuisse captivos, liberos tandem dimisisse; mirum, at verum! A parvis hisce prædonibus sic fuisse liberatum, neque hos, neque alios unquam rediisse? Non minùs bestiolis hisce sapias, quandoquidem per Dei gratiam de pedicis Diaboli ac Mundi liber evasisti, cave, cave, ne relaberis.

Non minùs sapias, ac Muli; *Notice si vi*



fieri sicut equus & mulus, in quibus non est intellectus. Portitor quidam Philosopho Thaleti conquestus, Mulum alere se, semper in aquis residere solitum; confisium retulit, ut lanā illum oneraret, fecit; isque plus solito, cum ab undis surrexisset, se gravatū sentiens, semper post abstinuit, dumque transeunda erat aqua; festinavit, ac si fuisse percuteretur; An non ita, eum generaliter es confessus, eum verā vitæ mutatione, te alleviatum; reperis te gravi ab onere exemptum, *Iniquitates meae sicut onus grave gravatae sunt super me*? Suscepisti hoc onus, bestiae instar in lutosa vanitatum ac voluptatum sensuallium undā volutabar; expertus oneris huius gravedinem, an iterum te ei submittes?

Erue de tenebris lumen, ac salutis instructiones, ab inimico salutis tuæ, *Salutem ex inimicis nostris*. Devictus dæmon per Jesu Crucem, horret illam ac reliquas omnes fugit. Si verè poenites, ac magno salutis tuæ zelo toneris, non solum abhorrebis ab ea, quæ relabi te fecit, formidabis ejus accessum, & magis adhuc conversationem, ac consortium faminarum declinabis.

*Conclusio. Argumenta conglabata ex tribus punctis.*

XI. Noli itaque amplius peccare, cave ne in peccatum relabaris; aliàs peioris futurus es conditionis, ac magis quàm Judæi, Gentiles aliique Infidelos. coram Deo reprehensibilis; Sanctus Petrus id declarat: Melius erat illis, non cognoscere viam justitiæ, quàm post agnitionem retrorsum converti; contingit enim

2. Petr. i. 18. illis illud veri proverbii: *Canis reversus*

ad vomitum suum. Cum voluptates sensuales deglutis, aliæque scelera patras, odit te Deus; at si post confessionem relaberis, horret te ac detestatur. Desolatio est abominabilis, de qua in Evangelio Jesus; desolatio sanè; per recidivam nempe demolisiris destruisque in te gratiam sanctificantem, dona ac fructus Spiritus Sancti, virtutes infusas, habitus supernaturales, bonorum operum merita, filiationem adoptivam, aliasque divitias spirituales, quas tuo in corde thesaurizarat Deus.

Postquam pro te tanta pertulit Salvator, longo ac toto tempore te expectârît, tanta cum patientia culpas tuas dissimulârît, tot sermonibus ad poenitentiam invitârît, tanta cum misericordiâ ignoverit, tot impensis sanctificârît; posteaquam tibi suam largitus gratiam, pretioso sanguine suo te irrorârît, merita applicârît, abominabilis ei futurus es, derelinquendo eum, ac miseræ adhærendo creaturæ.

Idem, quod Samsoni, & tibi continget, crebro se in pericula perdendi se immisit, filiam infidelem contra Parentum voluntatem adamavit, à Philistæis captus, miraculosè semel, bis, ter, quater, quinquies liberatus fuit; tandem illum deseruit Dens, cumque sexta vice effugere meditabatur, dicens: *Egrediar, sicut ante feci, & me excutiam*, reperit se viribus destitutum, nesciens quod recessisset ab eo Dominus.

Laberis in delictum, confiteris; relaberis, ad confessionem redis, sic à Nativitate adusque Pascha, à Paschate usque ad Nativitatem; jamque id binis, ternis, quatuor egisti annis, forsitan ultimum est peccatum, quod remittere tibi vult Deus; rela-



relabêris, dicesque: *Egrediar, sicut antè, confitebor, & ignoscetur mihi; at deferret te Deus, ac sine confessione mori permittet.*

XII. Procedet tecum Sathan, ut cum captivo fugitivo carceris custos; eo recepto arcè custodit, & invigilat. Aut, si mavis, cum mure felis, finit cattus aliquantulum murem currere, mox refumit, & sic deinceps, tandem devorat; Sic & Sathan septem aut octo diebus in hebdomate sancta te finet, at post Pascha resumet; tandem arcè adeò te constringet, ut ultra non effugias, cum hac tamen differentia, quod tormentum miseri muris quartâ horæ parte duret, tuum verò nunquam sit finiendum.

XIII. An nunquam audivisti, vidisti, aut legisti, vel unum Sanctorum, qui veluti tu, vixerit? in revolutione ac confessionum vicissitudine continuâ ac recidiva? An non conspicias artificia ac Sathana esse stratagemata, qui pravo in statu per apparentes hasce conversiones, & ad usque mortis horam te detinet?

*Conclusio Missionis in qua frequentia orationis commendatur.*

XIV. Molestus vobis sum, finiendum est, vale vobis dicendum: at more Gallico, *A Dieu, exopto*, ut Dei sis, confer te ad Deum. Hic finis est ac Prædicationum omnium scopus, ut dirigaris ad Deum, ut Dei sis in cogitationibus, desideriis, decretis, actionibus & intentionibus.

Ad Deum te confer, inquire Deum, honorem ejus ac gloriam præfixam habere, cor mundum; huc omnia vestra colliment studia, ut cognoscatur Deus, honoretur, ei serviat, obediatur ab omnibus; si ita acturus es, nil metue, *Nolite timere vos; scio enim quod Iesum queritis.* Timeant Pilatus, Herodes, Caiphas; am-

bitiosi timeant & avari: at non ita vos, qui queritis, qui timetis Deum. Obtinebitis benedictionem.

In coeptis vestris ite ad Deum, confugite illum, rogate eum, ut vos illuminet quò cognoscatis, an ejus sit voluntas; an pro ejus sit gloria; *Os Domini non interrogaverunt, Jos. 9. 14.* Et quia Josue quadam vice hujus oblitus fuerat, à Gabao-nitis deceptus est.

In afflictionibus ito ad Deum, recurre ad ipsum, ad verum desolatorum asylum, imitare Saram, humiliata, opprobriis, infortuniis, calumniis ab ancilla obruta, non maledicit, non in eam convitia jactat; conqueritur in oratione Deo, suas ei pandit miseras, auxilium efflagitat; fac ita & tu, melius à Deo, quam ab ulla creatura solaberis.

Paucis, ito ad Deum, *Oculi mei semper ad Dominum.* Adora eum, obsecra, *Oportet semper orare,* tempus omne, quod ab occupationibus necessariis liberum est, orationi impende, cum noctu non dormis, cum Dominum præstolaris in Aula commorantem, ne tempus perde, recita Rosarium; laborans mentè ad Deum eleva, jaculatorias ad eum preces dirige; ac si pro peccatorum conversione zelo duceris, ora quandoque pro me Deum, novi me vera annuntiasse; verum non eo, quo debebam zelo, humilitate, intèctionis puritate, sanctitate; admodum culpabilem me sentio, cum rubore ob commissos defectus dicendū mihi, *Miserere mei Deus,* dum alii cantant *Te Deum laudamus.* Ora te pro me Deum, Charissimi, ut mihi noxas dimittat, cum in mortis hora examini sistar, uti ex tota mente eum obtestor, ut vobis, toti urbi benedictiones suas elargiatur, In nomine Patris, & Filii, & Spiritus Sancti, Amen.

SER-



# S E R M O

## SEPTVAGESIMVS OCTAVVS.

*Pro Festo omnium Sanctorum.*

Plus quàm in sexaginta scripturæ locis demonstratur,  
nos veram amplecti fidem.

*Gaudete, & exultate, quoniam merces vestra copiosa est  
in cælo. Matth. 5.*

### EXORDIUM.

**F**estum hodiernum, Auditores, non minore lætitia, quàm alia, quæ per annum celebramus, peragendum est. Ex hoc enim festo clarè convincitur, fidem nostram esse solùm veram, nosque omnes, qui sumus Catholici, & vivimus sub uno capite Ecclesiæ, Romano Pontifice, vicario Christi, successore Petri, esse intra veram Ecclesiam, adeò nos posse gaudere & lætari, quod nos maneat copiosa merces in cælis. Verùm hoc unde possumus scire? Ex vita ipsorum Sanctorum, quorum hodie memoriam veneramur; nam si ab Adamo usque ad hunc diem aliquem eorum aspiciamus, videbimus, quod aliquem articulum fidei, nostræ Catholicæ confirmarint, illum docendo, vel pro illo vitam suam profundendo, uti eorum acta tam in sacra pagina, quàm in historiis legendo clarè videre liquet, & in hac concione clarè ostendemus.

*Scrutamini Scripturas. Joan. 5. 39.*

*2. Esdr. 4.*

I. Cùm filii Israël sub conductu devoti Nehemiæ ædificarent Jerusalem, unâ manu faciebant opus, alterâ tenebant gladium, ut contra Infideles, præcellens

adeò ac laudabile cœptum impedire volentes, se tuerentur. Palatium à pietate Christiana in corde paratum Deo, sedes ei acceptior ac millies veteri Sanctuario, ut per Isaiam loquitur, est gloriosior. Cap. 66. Dum in Templi hujus fabrica laboro, ut me cum Dei adjutorio contra fidei hostes, qui continuationi ac salutaris adeò animi decreto opponere se conantur, defendam, spiritualis in manu tenendus est gladius. Gladius hic non nisi verbum Dei est sacris in Bibliis exaratum, ac verbi æterni impressi atque in immaculatis visceribus tuis incarnati auxilium! ô Sacratissima Virgo! de te non sine ratione multa canit Ecclesia; *Cunctas hæreses sola interemisti in universo mundo*: Nam ut humanis in scientiis, primo principio benè stabilito ac declarato, omnes contrarii errores facilè refutantur; Ita divina in scientia quæ fides est ac Theologia, ad dissipandas hæreses cunctas lumen adduxisti, in mundum proferendo illum, de quo Propheta, Principium verborum tuorum veritas, Jesum Christum Dominum nostrum, quem benedicimus te salutando, *Ave Maria.*



## IDEA SERMONIS.

Exordium. Calvinista ne unum quidem Scripturæ locum citare possunt pro sua heresi: nos plus quam sexaginta pro fide nostra.

Puncto unico probantur veritates Catholicae, de iis, quæ sunt in cælo, in terra, in inferis. In Cælo, Angeli, Sancti: In terra, Ecclesia, & ea quæ in ea sunt, nempe Verbum Dei Scriptum & Traditum: Personæ, nempe Papa, Sacerdotes, Religiosi, Laici, de quibus considerantur in intellectu Fides, in voluntate Libertas, in concupiscibili abstinencia à cibis, in irascibili timor & spes, in actionibus bonis meritum, in malis culpa: Sacrificium, Sacramentum, Sacramentalia. In inferis, Limbus, Purgatorium.

In particulari, veritates quæ probantur in Cælo, 1. Angeli nos custodiunt. 2. Invocandi. 3. honorandi. 4. sciunt cogitationes. 5. Sancti audiunt preces. 6. miracula per Reliquias & imagines. 7. Imagines. 8. diversitas gloria Sanctorum. 9. Ecclesiæ authoritas & infallibilitas. 10. ejus præcepta obligant. 11. Scriptura indiget interpretatione Ecclesiæ. 12. Traditiones. 13. Primatus Sedis Apostolicæ. 14. Sacerdotum potestas. 15. Religiosorum vota. 16. Austeritates eorum. 17. fides mortua. 18. fides per di potest. 19. liberum arbitrium. 20. abstinencia à cibis. 21. timor reprobationis. 22. Præcepta Dei non impossibilia. 23. meritum bonorum operum. 24. culpa non tegitur in justificatione. 25. Sacrificium Missæ. 26. Baptismi necessitas. 27. Realitas corporis Christi in Eucharistia. 28. satisfactionis necessitas in Pœnitentia. 29. Matrimonium est sacramentum. 30. Aqua benedi-

cta. 31. Limbus. 32. Purgatorium.

II. In principio hæresis Calvini, id est, centum circiter ante annos: Sectæ illius Ministri, ut dolo simplices caperent, clamare non cessabant: Scriptura, Scriptura. Adferimus Scripturam sacram omnino puram, verbum Dei sine glossa, sine consequentia, sine verbi humani immixtione; dictum est eis: Benè, Domini, Doctrinam vestram è Scriptura sacra tota pura probate, amplectemur eam, ubique illam prædicabimus, sanguine consignabimus, pro ejus defensione libenter moriemur. Cum ad factum devenitur, nil minus quam promissum præstant. Ne hoc sit, Confessionem Fidei conscribunt, id est, Bibliæ suæ fini impressum adjungere, in quam omnes fidei suæ articulos redegerunt, atque in margine Scripturæ loca, unde se illos extraxisse ajebant, citantur. Alterum alteri conferte, amabo, visuri estis loca, quæ in margine citant, de Articulis in Textu scriptis ne verbum continere. Hos inter articulos à nobis quosdam sumpsere mutuos, in quibus nobiscum coveniunt, ut de Sancta TRINITATE, Incarnatione, aliisque Mysteriis, atque in Bibliis reperiuntur. Sunt & alii, quos nobis opponunt, ac loca, quæ ad probandos eos in margine citant, horum nihil continent: e. g. in præfata Confessionis articulo undecimo inquit, originale peccatum, etiam post Baptisma, semper peccatum esse quoad culpam, & ut probent, in margine Capituli septimi Epistolæ ad Romanos verbum septimum citant, ubi sanctus Paulus inquit: Quid ergo dicemus? Lex peccatum est? absit? Sed peccatum non cognovi nisi per Legem; nam concupiscentiam nesciebam, nisi Lex diceret: Non concupisces.



In articulo trigesimo quinto non nisi duo esse Sacramenta protestantur, id est, Confirmationem, Pœnitentiam, Extremam unctionem, Ordinem, Matrimonium non esse Sacramenta: id ut probent, tria in margine loca assignant, Capitulum nempe Actorum duodecimum, ubi ne verbum de Confirmatione, aliisque Sacramentis continetur; Capituli sexti versus ad Rom. tertium, ubi dicitur: *Quicumque baptizati sumus in Christo Jesu in morte ipsius baptizati sumus*: & ad Titum capituli tertii versus quintum: *Per lavacrum regenerationis & renovationis Spiritus Sancti*: Judices vos constituo, si hisce in verbis articulus hic sine glossa ac consequentia habeatur; non nisi duo sunt Sacramenta; Confirmatio, Extrema unctio, Ordo, Matrimonium Sacramenta non sunt: & si omnibus istis in locis vel verbum, unde Articulus hic extrahi queat, contineatur, quæ glossa & consequentia adfertur? En, quod insolens, non nisi Scripturam jactant, nec unicum allegare textum ad doctrinam probandam nōrunt.

Ex adverso plures, quàm triginta formales & expressos solè clariores textus allegabo, ut cernatis nos veram amplecti fidem; atque ut methodicè procedatur, veritates, quas de iis, qui in Ecclesia sunt triumphanti, ac sustinenti, id est, Purgatorio extant, perpendo.

Credimus queri libet nostrum Angelum habere custodem: *Angelis suis Deus mandavit de te, ut custodiant te in omnibus viis tuis*. Jesus nobis inquit: *Videte, ne contemnatis unum ex his pusillis; dico enim vobis, quia Angeli eorum in cœlis semper vident faciem Patris mei, qui*

*in cœlis est*. In Actibus Apostolorum capite 12. sanctus Petrus miraculosè de carcere ereptus pulsavit ad ostium domus, in qua fideles extiterè; ancilla quædam ejus inaudiens vocem ait: *Stare Petrum ante januam: at illi dixerunt adeam: Insanis; Ancilla autem affirmabat sic se habere: illi autem dicebant: Angelus ejus est*.

Credimus honorari posse Angelos, non honore Patriæ, verum hominaggio multò inferiori; Abraham id fecit, Gen. 18. 2. Justus Loth, Genes. 19. & Josue cap. 5. 15.

Credimus invocari posse Angelos, Gen. 48. 16. Jacob Sanctus in Scriptura appellatus, paulò antè mortem filiis benedicens, Ephraim ac Manasse ait: *Angelus, qui eruit me de cunctis malis, benedicat pueris istis*. Osee 12. 4. dicitur, quod *Jacob cum Angelis luctatus, rogavit eum*.

Credimus Angelos cogitationes ac dispositiones cordium cognoscere posse. *Latantur in conversione peccatoris*, qui nonnunquam in corde illam facit.

Quod Sancti preces audiant, ac quæ in mundo aguntur nōrint, Luc. 16. Abraham divitis in Inferno preces inaudit, novitque Lazarum fuisse afflictum, atque Epulonem bona recepisse. Psal. 44. 17. Apoc. 5. 10. Sancti regnant in terris, at quæ aguntur, ignorant?

Quod per Sanctorum Reliquias atque imagines Deus miracula patret, 4. Reg. 13. Mortuum Elisæi corpus mortuum in ejus sepulchro locatum resuscitavit. Act. 19. 12. S. Pauli sudarium languores sanabat, expellebat dæmones. Act. 5. 5. Umbra S. Petri sanavit infirmos.



Credimus genuflexiones antè imagines, modò non adorentur, esse permissas. Josue 7.6. Sanctus ille Capitaneus ac Seniores populi coram Archa, ubi Cherubinorum erant effigies prosternebantur.

Credimus gloriæ ac beatitudinis inter Sanctos in Cælo diversitatem, Matth. 5. In Regno cælorum quidam minimi, alii magni vocantur, S. Joan. 14. *In domo Patris mei mansiones multe sunt.* 1. Cor. 15. 41. *Alia claritas Solis, alia claritas Lune, alia claritas Stellarum, sic & Resurrectio mortuorum.* In terris considerare possumus Ecclesiam, verbum Dei, extantes in Ecclesia personas, mysteria.

Credimus veram Ecclesiam non fallere nec errare posse in fide, S. Spiritum eam regere ac gubernare, ejus esse nos instruere ac judicare Psal. 45. aut secundum vos Psal. 46.

III. In 31. Confessionis vestræ articulo dicitis eam esse collapsam, & hic post Davidem concinitis nihil eam quassare posse, bina hæc paululum confer, Psal. 93. aut secundum vos 94. 14.

IV. Legite in Bibliis vestris titulum ac summariū capitulorum 54. 59. 60. & 62. visuri ostis affirmare ipsos Ecclesiæ Christianæ Deum loqui: En, quid ei dicat Isaia 54. 9. *Sicut in diebus Noë istud mihi est, cui juravi ne inducerem aquas diluvii ultra supra terram, sic juravi, & non irascar tibi, & non increpem te; montes enim commovebuntur, & colles contremiscent; misericordia autem mea non recedet à te; fœdus pacis meæ non movebitur.* Et paulo inferius, vers. 17. *Omne vas, quod fictum est, contrite non dirigitur, & omnem linguam resistentem tibi in iudicio judicabis.*

Isa. 59. 21. *Spiritus meus, qui est in te, &*

*verba mea, quæ posui in ore tuo, non recedent de ore tuo, & de ore seminis tui, dicit Dominus amodo, & usque in sempiternum.*

Isa. 60. 12. *Gens & Regnum, quod non servierit tibi, peribit.* Et versu 19. *Erit tibi Dominus in Lucem sempiternam.* Isa. 62. 4. *Non vocaberis ultra derelicta.* Ais Ecclesiam Meretricem esse, de qua in Apocalypsi? atque ita Sponsus divinus cum scorto morabitur; promittit enim, se nunquam id derelicturum.

Olea 2. 19. *Sponsa bore mihi in fide in sempiternum.*

Zach. 8. 3. Ecclesia appellatur civitas veritatis.

Matth. 16. *Porta inferi non prævalent adversus eam.*

Matth. 18. *Qui Ecclesiam non audierit, sit tibi sicut Ethnicus & Publicanus.*

Matth. 28. *Ego vobiscum sum omnibus diebus, usque ad consummationem sæculi.*

Ad S. Joannem 14. *Mittam vobis spiritum veritatis, ut maneat vobiscum in æternum.*

1. Timoth. 3. *Ecclesia est domus Dei, columna & firmamentum veritatis.*

Credimus eos, qui ab Ecclesia Rom. se separant, evitari debere; quia non serviunt Jesu Christo, aut ventri suo, ac dulcibus verbis seducunt corda innocentium. S. Paulus est, qui iisdem id terminis dicit, Ecclesiæ Rom. scribens, cap. 16. 17.

Credimus, Ecclesiam Rom. nunquam fuisse nec esse posse Jesu sponso suo infidelem; S. namque Paulus Ephes. 5. 24. faminis conjugatis mandat, ut viris, sicut Ecclesia Jesu sint subjectæ; de Ecclesia Rom. ubi erat, loquitur. Dicitis vos eam Apocalypsis esse meretricem? En præclaram faminis vestris datam instructionem! S. Paulus præcipit, ut vobis, sicut Jesu



Jesu Ecclesia, subditæ sint; & dicitis vos, à fidem illam adulterasse? Ecquam famina vestra conclusionem inde sunt formaturæ, nisi in honore magis, quam in doctrina vos, essent puræ?

V. Credimus Ecclesiam edere præcepta posse, quæ in conscientia ad tempus, non semper, aut certo in loco, non in cunctis, ut æquum judicat, prudentiâ sibi à Spiritu Sancto communicatâ, obligant. In Scriptura id continetur Act. 15. in primo Apostolorum tempore Concilio habito, inquirunt: *Visum est enim Spiritui sancto & nobis nihil ultra imponere vobis oneris, quàm hæc necessaria, ut abstineatis vos ab immolatis simulachrorum, & sanguine & suffocato, & fornicatione:* Et vos à sanguine leporum aut columbarum suffocatarum haud abstinertis, ac fatemini non semper præceptum hoc obligasse?

Ephes. 4. Credimus, Scripturam omnem non adeo claram esse, ut interpretatione non egeat, in ipsis quoque salutis punctis, atque à Pastoribus nostris & Ecclesiâ ejus intellectum exquirendum. *Dedit quosdam quidem Apostolos, alios autem Pastores & Doctores, ut non simus parvuli fluctuantes, & circumferamur omni vento doctrinæ.* In secunda sancti Petri Epistola cap. 1. 20. *Omnis prophetia Scriptura propria interpretatione non fit.*

2. Thess. 2. 14 VI. Credimus, solam Scripturam sacram non omnes nobis credendas continere veritates, sed & recipiendas Traditiones Apostolicas; *Tenete traditiones quas accepistis.* In quo, Domini, vos malam ob fidem accuso; in novo vestro testamenti Testamento de Græco textu vos illas transtulisse, & cap. 15. S. Matthæi, ubi pravas Phariseorum traditiones re-

prehendit Salvator, ponitis vos: *Traditio?* & ad Thessalonicenses, ubi Sanctus Paulus Apostolicas commendat Traditiones, loco *traditionis*, ponitis: *Instructio verbi*, idem licet verbum binis in locis habeatur in Textu Græco, & *ὑποδοξαι*, & *ὑποδοξας*. Jerem. 35. 2. Rechababæ laudantur atque à Deo, quod à vino traditione à patribus acceptâ, abstinerint, commendantur.

VII. Credimus, Sanctum Petrum Apostolorum fuisse Principem, Caput ac Pastorem Ecclesiæ supremum, ac post Ascensionem Jesu Christi Vicarium, *Duodecim Apostolorum nomina sunt hæc:* Matth. 10. 2. *primus Simon, qui dicitur Petrus, & Andreas frater ejus.* Si Princeps non erat, cur id Evangelista profert? ætate primus non erat, nec quoad vocationis suæ tempus; erat ejus frater sanctus Andreas; nec delicia ejus ac dilectus: S. erat Joannes: ast dignitate primus. Ac tandem ne quis opinetur, cum Evangelista inquit, *primus est Simon*, per modum esse numeri, ut, cum dicimus: *unus, duo, tres;* non dicit: *alter est Andreas;* taliter primus est, quod secundum non habeat.

Cum Evangelistæ duodecim nominant Apostolos, confuse nominant, ac mixtim. Sanctus Matth. 10. 2. & Lucas 6. 14. S. Andream post S. Petrum nominant; & Act. 1. 3. S. Lucas SS. Joannem ac Jacobum ante S. Andream locant; ast omnes Sanctum Petrum semper primum appellant; erat enim talis in effectu; ac de eccu capite & reliquorum duce loquuntur: & de reliquis velut ejus sequacibus; Quam agnoscit Petrus commissum sibi gregem, quam in hoc choro princeps est. *Chrysost. in hunc locum.* Luc. 8. *Dixit Petrus, & qui cum eo erant.* Act. 5. 29. *Respondens*



*dens autem Petrus & Apostoli. Matth. 16.*  
Instar primi ac nomine omnium de pri-  
ma Christianismi veritate quæ est Salva-  
toris divinitas, professionem edidit fidei,  
Jesu eis dicente: *Vos, quem me esse dicitis:*  
*Respondit Petrus: Tu es Christus, Filius*  
*Dei vivi.*

VIII. Luc. 22. 31. Loquens Salvator de  
tentationibus, quas perpassuri erant, in  
plurali loquitur: verum de Fide infalli-  
bili à Patre petita, in singulari dicit, eam  
se pro Petro petiisse; aliæ enim sedes ten-  
tationibus everti possunt, non illa Petri.

Fundamentalis Ecclesiæ petra est Pe-  
trus, ovium atque ovilis Filii Dei Pastor.  
Agni sunt inferiores, Prælati oves. Matth.  
16. *Tu es Petrus, & super hanc petram*  
*adificabo Ecclesiam meam.* In S. Joanne  
21. 15. *Pasce agnos meos pasce oves meas.*

Tributum pro Jesu ipse solvit, Matth.  
17. Familiæ capita vestigal persolvunt.

Apostolorum primus ipse, cui post  
Resurrectionem apparuit Jesus, 1. Cor.  
15. ait sanctus Paulus: *Resurrexit tertiâ*  
*die, & visus est Cephe, & post hoc undecim.*

Solus ipse in Apostolorum ac fide-  
lium congregatione in Virginis præsen-  
tia præfedit ac locutus est.

Primus post Spiritus S. adventum præ-  
dicat, ac grande hoc populo mysterium  
explicat. Act. 2.

Primo Apostolorum Concilio præsi-  
det, Act. 15. primus post Evangelii publi-  
cationem ad fidei confirmationem edit  
miraculum Act. 3. ad Templi portam eri-  
gens claudum.

Primus Gentilem ex mandato Filii  
Dei expresso ad fidem convertit, ne Paulus  
primus Gentilium Apostolus haberetur. Act. 10.  
Primus in Ananiam ac Saphiram justitiæ  
actum exercuit. Act. 5.

Primus Simonem Magum hæreticum  
damnat, in hoc demonstrans potentiam  
se habere ligandi ac solvendi, absolvendi  
ac damnandi.

S. Jacobus Salvatoris nostri consan-  
guineus ac de tribus suis intimis unus, ca-  
ptus ac ab Herode decapitatus est, non  
movetur Ecclesia, nihilque facit: S. Pe-  
tro ab eodem Herode in carcerem mis-  
so, dolet Ecclesia omnis, velut afflicto  
capite totum corpus mceret; preces  
communes ac continuas pro eo instituit.

IX. Credimus Presbyteros à peccatis  
absolvendi habere facultatem, Matth. 18.  
*Quacunque solveritis super terram, erunt*  
*soluta & in cælo.* Et in S. Joan. 20. 23. *Quo-*  
*rum remiseritis peccata, remittuntur eis.*

Credimus Sacerdotes ac Religiosos  
vota falsificantes peccare graviter; ut fe-  
cêre Calvinus, Lutherus, Beza. Psal. 75.  
12. *Vovete & reddite Deo vestro.* In Eccle-  
sias 5. 3. *Si quid vovisti Deo, ne moreris*  
*reddere; displicet enim ei infidelis & stul-*  
*ta promissio.*

Credimus rem esse laudabilem ac Deo  
acceptam austerè vivere, cilicium gestare  
aut alium habitum rudem, jejunare, ac  
noctis partem precibus transigere, ut tot  
boni faciunt Religiosi ac personæ Deo  
sacræ, Matth. 3. 4. Sanctus Joannes Ba-  
ptista laudatur, quod vestimentum gestâ-  
rit de pilis Cameli. Luc. 2. 36. Sancta An-  
na Prophetissa, quod diu noctuque jeju-  
niis ac precibus vacârit ipsos quadragin-  
ta quatuor annos.

Credimus contra vigesimum Confes-  
sionis vestræ articulum, solam fidem abs-  
que charitate ac bonis operibus non ju-  
stificare, 1. Cor. 13. 2. *Si habuero omnem fi-*  
*dem, ita ut montes transferam, charitatem*  
*autem non habuero, nihil sum* Jac. 2. 14. *Si*  
*fidem*



*fidem quis dicat ſe habere, opera autem non habeat; nunquid poterit fides ſalvare eum?*

Credimus fidem deperdi poſſe. 1. Timoth. 1. 19. *Quidam bonam conſcientiam repellentes, circa fidem naufragaverunt; 2. Tim. 2. 17. Hymeneus & Philetus à veritate exciderunt, & ſubverſerunt quorundam fidem.*

Credimus liberi arbitrii per peccatum non deperditam eſſe libertatem, Matth. 19. Jeſus cuidam juveni dicit: *Si vis perfectus eſſe, vade, vende omnia qua habes, & ſequere me; cum audiſſet verbum, abiit triſtis.* Matth. 23. 37. *Quoties volui congregare filios tuos, & noluiſti?* 1. Cor. 7. *Homo poteſtatem habet voluntatis.*

Credimus, Dei creaturas omnes eſſe bonas, ac nihilominus à quibusdam pœnitentiæ ſpiritu ac mortificationis abſtinere laudabile exiſtere, Marc. 1. 6. Laudatur S. Joannes Baptiſta, quod non niſi locuſtas ac mel ſylveſtre comederit.

Credimus de ſalute noſtra nos minus extare ſecuros, ſemperque nobis in timore degendum. Pſal. 2. *Servite Domino in timore.* Job 9. *Verebar omnia opera mea.* In Eccleſiaſt. 9. *Nemo novit, utrum amore an odio dignus ſit.* Ezech. 18. 24. *Si averterit ſe juſtus à juſtitia, & fecerit iniquitatem, omnes juſtitia ejus, quas fecerat, non recordabuntur, in peccato ſuo morietur.* 1. Cor. 9. 27. *Caſtigo corpus meum, ne cum aliis predicavero, ipſe reprobus efficiar.* Phil. 2. 12. *Cum timore & tremore ſalutem veſtram operamini.*

Credimus aspirare nos poſſe ad cuſtodienda omnia Dei mandata, quia non impoſſibilia cum gratia Dei, ut vos veſtro in Catechiſmo dicitis. Deut. 30. 11. *Mandatum hoc, quod ego præcipio tibi hodie,*

*non ſupra te eſt.* Matth. 11. *Yugum meum ſuave eſt, & onus meum leve.* Marc. 9. *Omnia poſſibilia ſunt credenti.* Luc. 1. 6. de SS. Zacharia atque Elizabetha dicitur: *Erant ambo juſti ante Deum, incedentes in omnibus mandatis & juſtificationibus Domini ſine querela* Phil. 4. *Omnia poſſum in eo, qui me confortat.* 1. Joan. 5. *Mandata ejus gravia non ſunt.*

Credimus contra decimum octavum Confeſſionis veſtræ Articulum, bona opera noſtra in ſtatu gratiæ facta, per unionem quam cum Chriſti meritis habent, recompensationem promereri. Pſal. 61. Matth. 16. Rom. 2. Apoc. 2. *Reddet Deus unicuique ſecundum opera ſua.* Matth. 25. *Cum ſerò eſſet, dicit: voca operarios, & redde illis mercedem.* 1. Cor. 3. *Unusquisque propriam mercedem recipiet, ſecundum ſuum laborem.* 2. Cor. 5. *Referet unusquisque propria corporis, prout geſſit, ſive bonum, ſive malum.* 2. Tim. 4. 8. *Repoſita eſt mihi corona juſtitia, quam reddet mihi Dominus in illa die juſtus judex.*

X. Credimus peccatorum noſtrorum culpam non tectam ſolum, ſed & in juſtificatione deletam eſſe atque ablatam. Pl. 102. *Quantum diſtat ortus ab occidente, longè fecit à nobis iniquitates noſtras.* Iſa. 1. *Peccata veſtra quaſi nix dealbabuntur.* Hebr. 9. 28. *Chriſtus ſemel oblatuſ eſt ad multorum exhaurienda peccata.* Joan. 1. 7. *Sanguis Jeſu Chriſti emundat nos ab omni peccato.*

Credimus in Eccleſia verum ac reale adorandi corporis ac pretioſi Jeſu ſanguinis ſub ſpeciebus panis ac vini ſacrificium contineri. Mal. 1. 10. *Antiqua ceu parvi nimium valoris Sacrificia rejicit Deus; ac de tempore futuro ceu præſenti* Pro-



Prophetarum more loquens, ait: *In omni loco offertur mihi oblatio pura & munda.* Non de Crucis sacrificio, quod in Calvaria tantum monte offertur, nec de proprio bonorum operum nostrorum, quæ secundum Calvinum immunda sunt, ut pannus menstruata, loquitur, Psal. 109. 4. Hebr. 5. 6. *Tu es Sacerdos secundum ordinem Melchisedech.* Gen. 14. 18.

Credimus Baptismum absolutè necessarium esse ad salutem. In S. Joanne 3. 5. *Veritatem vobis dico, nisi quis renatus fuerit ex aqua & Spiritu sancto, non potest intrare in Regnum Dei.* Eph. 5. 26. *Mundat Ecclesiam lavacro aqua.* Vestris in precibus fatemini, in peccatis vos esse conceptos ac natos; filius tuus absque Baptismo moriens immundus est, Tit. 3. 5. *Salvos vos fecit per lavacrum regenerationis.*

XI. Credimus, Jesu Christi corpus realiter ac de facto existere in Eucharistia, Matth. 26. Marc. 14. Luc. 22. 1. Cor. 11. Jesus verba hæc sole clariora testamentum condens pronunciat: *Hoc est corpus meum.* In S. Joanne 6. *Caro mea verè est cibus; panis, quem ego dabo, caro mea est.* Caro ejus est, non solum cum sumitur ac apprehenditur, sed dum datur, ejusque in manibus extat.

Credimus veram pœnitentiam non consistere solum in agnitione ac culpæ emendatione; at in satisfaciendo justitiæ Dei per jejunia, lachrymas, aliaque opera bona. Joël 2. *Convertimini ad me jejunio, fletu & planctu.* Job. 42. 6. *Ago pœnitentiam in favilla & cinere.* Matth. 12. 41. *Viri Ninivite pœnitentiam egerunt in predicatione Jona, jejunarunt, atque*

ipse Rex sacco indutus cinere se conspersit, Jonæ 3. 6.

Credimus Matrimonium esse sacramentum. Sanctus Paulus dicit expressè Ephes. 6. *Novi quod loco Sacramenti vertatis: magnum esse secretum:* verum, Catechismus Græcè docentes in Scholis Genevæ, pro eo, quod dicatis Sacramentum, dicere vos *μυστήριον*; atque idem verbum hoc in loco ad Ephesios continetur.

Credimus bene-factum, ut aqua, panis atque aliæ creaturæ benedicantur: 1. Timoth. 4. 5. *Omnis creatura sanctificatur per verbum Dei & orationem.*

Credimus Sanctos non in cœlum at Limbum antè Filii Dei mortem concessisse; Gen. 37. 35. Cum sanctus Patriarcha Jacob se brevi moriturum arbitraretur, filium suum Joseph mortuum credens, agebat: *Descendam ad filium meum lugens in Infernum.* Sanctus Petrus epist. 1. cap. 3. 19. ait, Jesum in cruce mortuum, *his qui in carcere erant spiritu veniens predicasse.*

Credimus Purgatorii ignem. Matth. 5. 22. *Qui dixerit fratri suo fatue, reus erit gehennæ ignis;* non sanè dicetis hominem alio peccato carentem damnandum.

Vereor, ne vobis molestias creem; residuum differamus in crastinum, in quod, dante Deo, visuri estis, Calvinistas non esse in Ecclesia Jesu Christi & Apostolorum; atque interim rogemus eum, qui sol est justitiæ, ut animas eorum illuminet, ac dicamus: *Illuminare his, qui in tenebris, & in umbra mortis sedent, ad dirigendos pedes nostros in viam pacis. Amen.*



# S E R M O

## SEPTVAGESIMVS NONVS.

*Pro Festo Sancti Martini Episcopi.*

Demonstratur plus quam in 50. Scripturæ locis Calvini-  
stas non esse in Ecclesia Jesu Christi & Apostolorum.

*Vide ergo ne lumen, quod in te est, tenebræ sint. Luc. II.*

### EXORDIUM.

**O** Prima ratione oculus corporeus comparatur cum oculo spirituali animæ, scilicet fidei; attamen non parva est inter utrumque differentia. Nam quod attinet ad oculum corporis, nemo est mortalium, qui se velit esse cœcum, sed omnes volunt videre, & appetunt visum, attamen multi sunt, qui spiritualiter cœci esse volunt, quia respuunt pharmaca, quibus visum recipere possunt. Dein qui corporaliter cœcus est, scit se esse cœcum: sic verò non est de iis, qui spiritualiter cœci sunt. Tales sunt omnes hæretici, illi enim putant se habere rectissimam fidem, cum tamen eam habeant soli Catholici, quia tenemus semitam, quam omnes nostri antiqui tenuerunt. Ut ergò videant hæretici, quod lumen, quod in iis est, tenebræ sint, & Catholici videant se rectum lumen habere, legant hanc concionem.

*Qui Ecclesiam non audierit, sit tibi sicut Ethnicus & Publicanus Matth. 18.*

I. Quemadmodum doctè sanctus Hilarius protulit, nihil mundo tam periculosum, quàm non recepisse Christum; declaravit namque Salvator vitam æternam in verbi Dei, ac quem misit Filii co-

gnitione consistere: sic & verè dicere valeamus, nihil post ingratam hanc oblivionem esse periculosius, quam non agnoscere ac veram recipere Ecclesiam; declaravit etenim Salvator idem, quod Ecclesiam non audiens Ethnici instar, verum Deum non agnoscentis, sit habendus.

Cùm sancti Joannis Baptistæ Discipuli de ejus præcepto te adirent, ô Jesu ac Salvator mî, ut à tenum Messias esses expeterent, respondisti eis, renuntiarent ei cœcos recipere visum; ad neminem enim nisi ad te, & quibus mandas pertinet visum reddere corporalem, eoque magis spiritualem iis, qui illum perdiderant: Sanctus tuus Augustinus ait, & verum est, adeò cœcos esse Hæreticos, ut quo clarior ac visibilior res est, hoc eam minis conspiciant, nempe Ecclesiam Catholicam. Illumina eorum oculos, Divini luminis tui radium eis immitte, qui eos ad montem tuum sanctum, atque Ecclesiæ tuæ sanctuarium deducat, *Emitte lucem tuam, & veritatem tuam.* Per sanctissimæ Matris tuæ intercessionem te rogamus, *Ave Maria.*



## IDEA SERMONIS.

*In vera Ecclesia debent credi omnes articuli fidei, quos Christus docuit; administrari omnia Sacramenta, quæ instituit; observari omnia præcepta & consilia, quæ tradidit. Hoc non fit in Ecclesia Calvinistarum, sed in nostra, quod probatur inductione eorum, quæ sunt in cælo, in terra, in Purgatorio. In Cælo Angeli, Sancti; in terra Ecclesia, præcepta: & ea, quæ in ea sunt, nempe verbum Dei, persona, præcepta Dei, Sacramenta; sub terra, Purgatorium.*

*Et in particulari veritates, quæ probantur in Cælo. 1. Angeli invocantur. 2. Sancti cogitant de nobis. 3. Sciunt actiones nostras. 4. Sunt iudices nostri. 5. In terra Ecclesia una. 6. Catholica. 7. Universalis. 8. Visibilis. 9. Libri Machabeorum sunt sacri: Personæ in Ecclesia, nempe 10. Episcopi. 11. Sacerdotes. 12. Exorcistæ. 13. Concionatores. 14. Religiosorum obedientia. 15. Castitas. 16. Paupertas. 17. Virgines Religiosæ. 18. Laicorum orationes. 19. Præcepta, Christi Sacramenta. 20. Baptismus extra templum. 21. Confirmatio. 22. Altare. 23. Eucharistia in Azymo. 24. Communionis frequentia. 25. Calicis benedictio. 26. Confessio. 27. Extrema unctio. 28. Ordo. 29. Matrimonii indissolubilitas. 30. Ablutio pedum. 31. Purgatorium.*

*II. Sanctus Apostolus Paulus discipulo suo Timotheo scribens ait 2. Tim. 3. 16. Scripturam sacram à Deo inspiratam, atque utilem non solum ad instruendum perficiendumque Christianum, sed & ad corrigendum eum, ac de falsitate, si in errorem contra Orthodoxam Religionis Catholicæ doctrinam labatur, arguendū. Hæsternâ luce plus quàm in 60. locis Biblicæ formalibus atq; expressis nos veram amplecti fidem est declaratum; Die ho-*

*dierna per alios Scripturæ textus demonstrandum, nullo modo in Filii Dei atque Apostolorum Ecclesia extare Calvinistas. Non est Filius Dei atq; Apostolorum Ecclesia congregatio illa, in qua non omnes edocti à Jesu atque ab Apostolis prædicati creduntur fidei Articuli; nî &, quæ Jesus instituit, atque ab Apostolis collata sunt Sacramenta, in illa administrantur; nisi omnia, quæ Jesus præcepit ac consuluit, atque Apostoli practicarent, serventur; in vanum enim præcepta Dei Filius ac consilia Ecclesiæ dedisset, nisi ad minus aliqui observare illa deberent. Ad minus aliqui dico; si enim corpori cuidam naturali aut politico quædam imperentur, nec præceptum particularem quemvis tangat, non requiritur, ut omnes corporis istius partes, omnia communitalis illius membra imperata aut consulta exquantur; sufficit, ut totum corpus per aliquas sui partes, particulariter ad id destinatas ea perficiat. Cùm Rex urbi cuidam, ut excubiæ agantur, præcipit, nil opus ut id feminae atque etiam cuncti cives exquantur: at nonnulli solum liberè id facientes, aut conducti ac propterea soluti. Dei Filius hoc in mundo non pro Apostolorum tempore tantum, sed pro futuro ad sæculorum usque consummationem Ecclesiam fundavit; Quidquid instituit, ordinavit, consuluit, in vera Ecclesia praticari debet, nõ necessariò à singulis, verum ad minus per aliquos ab Ecclesia approbatos, sacratos atq; hunc in effectum destinatos. Cùm inquit: *Prædicate, baptizate, Eucharistiam distribuite*, nõ requiritur, ut particulariter omnes prædicent, baptizent, Eucharistiam distribuant; verum nonnullos id facere oportet; & si nemo has Ecclesiæ functiones obiret, Jesu & Apostolorum Ecclesia non foret. Agendum*



dum in vestra Ecclesia prætenſa, Domini Religionis, pluribus in Articulis non creditur, quod Apostoli crediderunt, plura ab Apostolis administrata Sacramenta non administrantur, plures practicae ab Apostolis observantiae non practicantur; quod è Scriptura demonſtro, eundem quem heri ordinem ſequens, nempe in cælo, terra, Purgatorio: ac nota, me hîc non loqui de iis, quæ particulariter non creduntur, neque inter vos practicantur; verum de doctrina ac defectibus Ecclesiæ vestræ, ut illos in fidei vestræ Confessione ac precibus Ecclesiasticis cernere licet.

III. Vestra in Ecclesia tenetur, non invocandos Angelos? In illa Apostolorum invocabatur, Apoc. 1. S. Joannes exoptat *gratiam & pacem à Deo, & à septem spiritibus, qui in conspectu Throni ejus sunt.* Minister quidam mihi respondit de Spiritu S. hoc intelligi, cui dicitur: *Tu septiformis munere.* Verum ajo esse blasphemiam; S. namque Spiritus antè Thronum servi instar non consistit, in Dei throno est, cum Deus sit; & si S. Joannes post septem hos Angelos Jesum Christum nominat, ideo est, quod ad longum de eo immediate post loqui volebat.

Tenetis Sanctos nostrum in particulari post eorum mortem non recordari? Contra id, quod scriptum est 2. Petr. 1. 15. *Dabo opera & frequenter habere vos post obitum meum, ut horum omnium memoriam faciatis.* Novi hunc vos, explodere locum, malitiosè parvulum transponentes verbum; nam pro eo, quod dicatis, *dabo opera post obitum meum, ut horum memoriam faciatis;* traducitis, *Dabo opera, ut post obitum meum.* Verum textus Græcus male, fidei vos convincit *αὐτὸν ὃν ἔχουσιν ὁτι. Σιγίλαται ἔξω ὁπὼς ποτὶ ὅτι ἡμεῖς ἔχοντες.*

Asseritis Sanctos eorum nihil nosse, quæ apud nos aguntur? Jesus sua in Ecclesia contrarium asseruit. Luc. 15. 6. ait, se in peccatoris conversione amicos ac vicinos, id est Sanctos convocare, ut sibi de inventa ove congratulentur. Act. 10. 31. Cornelio Angelus inquit: *Eleemosynæ tuæ commemoratæ sunt in conspectu Dei: Sancti penes ipsum surdi non sunt, ut minus percipiant.*

Dicitis, nos nimium Sanctis impendere honoris, nostros appellando advocatos, quod Jesus noster vocatur advocatus? plus adhuc eis tribuit, judices nostros constituit, sæpe licet ipse noster appelletur iudex, Matth. 19. *Judicantes duodecim tribus Israel.* Respondebitis eos, ceu testes, judicatuos, contra nos dicentes; at testes non sunt antè iudicem sessuri, benè autem Apostoli, & quidè suprà Thronos, in sedibus Regalibus, velut Supremi iudicis assessores in *divina opinione.* An nescitis, quoniam Sancti de hoc mundo judicabunt?

In Apostolorum Ecclesia fideles cuncti unam amplectebantur fidem: Eph. 4. 5. *Unus Dominus, una Fides, unum Baptisma:* In vestra fundamentalibus in Articulis fidem omninò contrariam habent: ad Communionem vestram recipitis Lutheranos, contra vos corporis Jesu Christi in Eucharistia realitatem credentes, qui velut Apocryphos librum Job, Ecclesiasticis, S. Jacobi Epistolam rejiciunt.

Apostolorum tempore, dum querebatur, ubinam esset Ecclesia? illa Apostolorum ac Discipulorum monstrabatur. Si hac in urbe, aut alibi Ecclesia inquiratur Catholica? nemo vestram assignat? Si nosse quis velit, quot extent Catholici? vestros numerat nemo. Si Genève adiens Portæ dicam custodibus, Catholicum me esse, mor, quod de eorū secta non sim, percipiunt,



Ecclesia Apostolorum confestim exiit universalis, ac per totum orbem est diffusa. Rom. 10. *In fines orbis terra verba eorum.* Rom. 18. Fides vestra in Hispania, Italia, Græcia, ac potiori orbis parte incognita latet.

Vestram Ecclesiam longo tempore occultatam fuisse dicitis atque invisibilem; illa Jesu & Apostolorum, semper visibilis est, ac notatu velut in Firmamento Sol, facilis; *Erit in novissimis diebus preparatus mons domus Domini in vertice montium.* Isaïa 2. 2. *Non potest civitas abscondi supra montem posita, neque accendunt lucernam, & ponunt eam sub modio, sed super candelabrum* Matth. 5.

IV. Vestra in Ecclesia Machabæorum libri rejiciuntur: in illa Jesu & Apostolorum sunt recepti, atque inter reliquos scripturæ libros citantur; in antiquis namque Bibliis vestris, in margine diversorum scripturæ locorum citationes continentibus, in S. Joanne cap. 10. vers. 22. ubi dicitur in Dedicationis die in Templo extitisse Jesum, librum Machabæorum primum, versu 59. citatis, ubi Dedicationis hoc festum Judas Machabæus instituisse dicitur. Et cap. 11. Hebr. S. Paulus, Martyrum recensens pro Fide tormenta, in scripturis enarrata, ut de Zacharia lapidato, 2. Paralip. 24. de Jeremia illuso, virgis caeso, intoxicato, Jerem. 37. 14. Sanctus Paulus, inquam, eod. in cap. vers. 35. inquit: *Disenti sunt.* In Græco est *ἰσχυρὰ διαφέροντα*, ponitis in margine vos: *Inftar tympani disenti sunt*; ac secundum Machab. 28. commodè admodum citatis; nam loco textus Latini, *ad supplicium traheretur*, habetur in Græco: *εἰς τὸ τιμωρῆσθαι*, quod idem in Hebræo verbum est, nec in toto V. T. hoc supplicii genus,

à sancto Paulo allegatum, reperitur, nisi in hoc textu Machabæorum.

V. Apud vos Episcopi non extant; In Apostolorum Ecclesia erant: 1. Timoth. 3. 2. Tit. 1. 7. *Oportet Episcopum irreprehensibilem esse.*

Sacerdotibus caretis? Tunc erant, non solum accipiendo verbum hoc *Sacerdotes*, pro Seniore, *πρεσβύτερος*, ut vos sumitis, sed pro *Sacrificatore* *ἱερός* Sacerdos, Heb. 2. 17. & cap. 3. 1. & cap. 4. 14. Jesus Christus appellatur *ἀρχιεπίσκοπος*. Princeps Sacrificatorum, Psal. 131. David de Ecclesia Christiana loquens, quam Deus elegit pro habitatione sua æterna, etiam secundum vestram interpretationem, Sacrificatores fore, *Sacerdotes ejus induam salutari*; ipsi vos ita traducitis *ἱερεὺς ἀντὶ τοῦ*.

In Ecclesia vestra, nemo expellit demonia, non ibi fiunt miracula; & Ecclesia suæ Jesus utrumque promissit. Marc. 16. 17. *In nomine meo demonia ejicient.* In S. Joanne 14. 12. *Qui credit in me, opera quæ ego facio, & ipse faciet.* 1. Cor. 12. 9. *Alii gratia sanitarum, alii operatio virtutum.*

Præcepit Jesus Ecclesiæ omnes instruere populos, Matth. 28. 19. *Docete omnes gentes.* Marc. 16. 15. *Prædicare Evangelium omni creaturæ. Eritis mihi testes usque ad ultimum terre.* Act. 1. Nullus vestrum in potiori parte mundi Evangelium prædicavit, ut Jesuitæ, Capucini, alique in China, Japonia, atque alibi fecerunt.

In Ecclesia Jesu derelinquunt alii domos, patrem, matrem, bona, ob ejus atque Evangelii amorem, quibus centuplum promittit: Marc. 10. 30. Inter vos id facit nemo: plures autem nostra in Ecclesia boni Religiosi.

Vestra



Vestra in Fidei Confessione tenetis Prælatorum mandata in conscientia non obligare? Contrarium in Apostolorum Ecclesia tenebatur, Rom. 13.2. *Qui resistit potestati, Dei ordinationi resistit, qui autem resistunt, ipsi sibi damnationem acquirunt, & versu 5. Subditi estote non solum propter iram (Superiorum) sed etiam propter conscientiam.*

In Apostolorum Ecclesia, complures, ut Regnum cœlorum obtinerent, continenter degebant: Matth. 19.12 & 1. Cor. 7.7. Desiderat S. Paulus, ut à muliere, velut ipse abstinerent omnes: Respondetis adjungere eum: *Unusquisque proprium donum habet:* vera dicitis: at mirabile nullum è Ministris vestris hoc donum habere, nullum S. Pauli votum adimplere, ne unus quidem mente ac corpore purus est, velut magnus hic Apostolus desiderat: Si quis dono hoc præditus esse debet, erit, qui orationi intendet, 1. Cor. 7.5. Nullus Ministrorum vestrorum, qui pro populo orare debent, hoc dono claret, nullus de numero eorum, quibus hæc laus tribuitur, quod cum mulieribus non sint coinquinati, & sequuntur agnum, quocunque ierit. Apoc. 14.

In Ecclesia Apostolorum plures paupertatem servabant, nec aurum nec argentum possidebant, Matth. 10.9. Act. 3. Recollecti apud nos & Capucini faciunt, nemo vestrum.

Erant filia Virginitatem custodientes, non ex defectu mariti, alit, ut non nisi de Deo cogitarent, atque ut corpore ac spiritu essent sanctæ, 1. Cor. 7.34 nostræ faciunt, ubinam sunt vestrae?

VI. In S. Joanne cap. 4. 23. ait Jesus, quod sua in Ecclesia adorabunt Patrem in Spiritu & veritate. Et vos vestris in preci-

bus mendacia profertis, dicitis vos incessanter peccare, atque ad omne bonum esse inutiles? Cum vestros baptizatis infantes, cum Deum oratis, cum Parentibus obsequimini; cum moderatè somnum capitis, non delinquitis; igitur non sine fine ac cessatione peccatis: Eleemosynam elargiri bonum est, consolari afflictos bonum, ignorantes instruere bonum; subindè facitis, igitur non ad omne bonum inutiles estis? Dixit Jesus: *Dicite, quia servi inutiles estis;* ita: sed non ad omne bonum inutiles dicit, quia ut ait David: *Bonis nostris non eget;* nihil ad ejus felicitatem ac beatitudinem essentialem addere possumus.

In Apostolorum Ecclesia non solum Præcepta Dei per Moysen data docebantur, sed & quæ Dei Filius adjunxit; venit enim, ut ea adimpleret, ac perficeret, ut ait Matth. 5. Et si Dei mandata, velut vos ea canitis, cum iis, quæ Antecessores nostri in verus redege're, conferantur, videbuntur vestra non nisi à Moyse data: nostra illa Moysis ac Jesu Christi. Conferte illa invicem.

Quod si ita Filii Dei mandata tractaveritis, Sacramentis sanè haud pepercistis: potiùs infantem mori sinistis, quàm absque concione prævia eum baptizetis, Act. 8. Eunuchus Reginae Æthiopum à S. Philippi Diacono in via baptizatus est. Act. 9. S. Paulus in domo Ananiae.

Confirmatione caretis, Sacramento, quo Spiritus sanctus manuum Episcopaliū impositione confertur. Act. 19. id fecit S. Paulus Ephesi. Act. 8. S. Petrus & S. Joannes in Samariam concedunt, ut facerent iis, quos S. Philippus Diaconus converterat.

Altari caretis & oblato: habebant ipsi; Hebr.



Hebr. 13. *Habemus Altare, de quo edere non habent potestatem, qui tabernaculo deserviunt.* Matth. 5. *Si offers munus tuum ad Altare.*

Cœnam instituitis vos in pane fermentato, Jesus in pane azymo Matt. 26. 17. Marc. 14. 12. Luc. 22. 7: eratque prohibitum expresse, ne tunc in domo panis fermentatus servaretur, Exod. 12. 15.

Cœnam nō nisi bini saut ternis in anno vicibus instituitis, sæpenuerō ipsi, Act. 2. v. 42. & 46. Pauper nauta ē Brasilia aut aliundē duorum annorum decursu non communicavit, aut fortē in vita nunquam, si octo aut quindecim diebus post Cœnæ vestræ tempus accedit, licet mortis foret in articulo; aut desideraret ardentem, reminiscens verbi Jesu: *Qui manducat hunc panem, vivet in æternum*, Joan. 6. communicare nequit.

In Cœna Calici min⁹ benedicitis, & 1. Cor. 10. S. Paulus inquit: *Calix benedictionis, cui benedicimus.* Dicetis benedicere vos illi, undecimum primæ ad Corinthios legendo; verū, cum S. Paulus decimum Epistolæ hujus Capitulum scriberet, nondum undecimum erat scriptum, & cap. 10. inquit, cum calici jam benediceret; non igitur undecimum legendo capitulum nondum exaratum Calici benedicebatur; & nōstis deficiente in Cœna vino, nil aliud fieri, quàm ut vinum promatur, ac populo porrigatur?

VII. Non confitemini vos, confitebantur ipsi, Act. 19. 8. Multi credentium veniebant confitentes & annunciantes actus suos, idq; cum verorum pœnitentium dispositionibus, curiosos enim, quos habebant, libros comburebant.

Extremam non administratis unctionem, at illi, non pro remedio solum corporis, sed peccatorum remissione, Jac. 5.

*Infirmatur quis in vobis, inducat Presbyteros Ecclesie, & orent super eum, ungentes eum oleo in nomine Domini; & oratio fidei salvabit infirmum, & alleviabit eum Dominus, & si in peccatis sit, remittentur ei.*

Ordinis Sacramentum non recipitis, ipsi ceu sacramentum gratiam manuum impositione conferens, quæ signum est externum, administrabant, 1. Tim. 4. 14. & in 2. ad eund. Tim. c. 1. v. 6. S. Paulus admonet, non negligendam gratiam manuum impositione sibi datam.

Cum pluribus annis homo à Coniuge abest, ut alteri nubat permittitis, cōtra id, quod scriptum Matth. 19. 9. *Qui dimissam duxerit, machatur.* Rom. 7. 3. *Vivere viro vocabitur adulter, si fuerit cum alio viro.*

Alter alterius non abluitis pedes? faciebant ipsi: Joan. 13. & 1. Tim. 5. 10. Papa, Rex, Ecclesiarum Cathedralium Decani, Monasteriorum Superiores apud nos faciunt, die quo Jesus suorum lavit pedes.

Exploditis Purgatorium? S. Pauli tempore credebatur, 1. Cor. 3. ait, *si quis superadificat supra fundamentum hoc (fidei) ligna, fœnum, stipulam* imperfectionum ac peccatorum venialium, *salvus erit, sic tamen quasi per ignem*; dicensque: *Quasi per ignem*, veritati huic non derogat, non plus quàm S. Joannes dicens: *Vidimus gloriam ejus quasi unigeniti*; & Psal. 125. 1. *In convertendo Dominus captivitatem Sion, facti sumus sicut consolati.*

VIII. Dux Gandiæ Franciscus Borgias commissionem ab Imperatore recepit, ut Imperatricis Isabellæ defunctæ funus comitaretur, ac Toletum, ubi obierat, Granatam, locum sepulturæ Regum Hispaniæ deduceret. Pulcherrima Principum sui sæculi fuerat: cum ejus Granatæ aperiretur tumba, immutata adeo, deformis, aspectu visa est horrida, ut eandem fuisse



fuiſſe jurare non ſit auſus; Non abſq; ratione; nam ſecundum Ariſtotelem, corpus mortuum nō idem cum vivente corpus eſt; cum forma det eſſe. Idem hoc in ſubjecto dico, cum ab una parte in novo Teſtamento præclaram & adamabilem Eccleſiæ Apoſtolorum intueor faciem, ex altera Eccleſiam veſtram prætenſam, gemens ajo: Ah! quæ differentia! non ſolum non jurare vellem eſſe eandem, verum abſque perjurii periculo jurare auſum, eandem non eſſe Eccleſiam, ſed ejus ſolum cadaver.

Prædeceſſores veſtri optimi exitire Catholici; præclara teſtantur Eccleſiæ ab iſſis ædificata, magna ab iſſis dotata Abbatia, pretioſæ reliquiæ auro incluſæ; At vos, Domini Religionis prætenſæ, iſſis diſſimiles eſtis, carnis eorum ac ſanguinis hæredes quidē, præterea nihil; quantum ad corpus ab eis deſcenditis, verum quoad Chriſtianismi ſpiritum, Fidem, pietatem ac Religionem nullo modo. De tot Sacramentis, Cæremoniis, obſervantiis religioſis, uſu receptis, quid reſiduum eſt quocumq; Judæis diſcernamini? Ecquid veſtris in Templis retinuiftis, è quo extraneis vos eſſe Chriſtianos innotefcat?

IX. Supponimus, quod nunquam contingeret, totum hoc vos pervertiſſe Regnū, ſupponamus non aliam hinc quam Calvinistarum eſſe Religionem, veniatque ex Hieroſolymis Judæus, qui de Chriſtianismo nil unquam accepit, & aliquanto ad converſionem teneatur deſiderio, Fidei veſtræ atque actionum regulas inquirat; vosq; novum iſſi exhiberetis Teſtamentum? cumq; id evolviſſet, an non jure vobis diceret: Sanè vos mundo imponitis, dicendo vos eſſe diſcipulos ac Meſſiæ hujus imitatores, Succeſſores Apoſtolorum, maximarum quæ hoc in vo-

lumine cōtinentur zelatores? Meſſias veſter in perpetua vixit virginitate, Miniſtrorum veſtrorum nullus eum imitatur? quadraginta jejunavit diebus, vos ne unico quidem in Quadrageſima die? Hic liber refert Apoſtolos bona ſua ac patriam deſeruiſſe, ut nationibus exteris prædicarent Evangelium, veſtrum nullus id agit; nullum in Jeruſalem unquam conſpeximus. Auro & argento carebant, veſtrum nemo paupertate hanc voluntariam amplectitur? ne reprobi forent corpus ſuum caſtigabant, non video vos veſtra affligere; ac dicitis de ſalute vos eſſe ſecuros? Liber hic continet, Apoſtolorum tempore plures bona ſua in commune contuliſſe; non ita apud vos: nil fieri veſtris in Templis cerno, quod in Synagoga noſtra Hieroſolymitana minùs fiat? vos duos aut tres Pſalmos concinitis, plures duodenis canimus nos; contrà Papam vos ac Papiſtas prædicatis, nos quoque; ſunt enim maximi hoſtes noſtri. Subindè panis non nihil ac vini in Cœna diſtribuitis, & nos in Feſtis Azimorum. Veſtro hoc in libro dicitur, quicquid Moyſis ac Prophetarū tempore apud nos agebatur, umbras ſolum ac figuras fuiſſe ejus, quod acturi eratis; nihil apud vos cerno, quod tantillum ad ſplendorem ac majeſtatē accedat eorum, quod ſuo ævo Patres noſtri conſpexere: Manna habebant nutritivum ab Angelis cōfectum, vos nō niſi pacis buccellam veſtra in cœna porrigere vos dicitis? Elias & Eliſæus miracula patrabant; vos nulla fieri amplius ſpargitis? Dei laudes ad ſonitum organi aliorumq; instrumentorum cantabat David, ut dicitur in Pl. 150. Veſtris in Concionibus non niſi confuſæ ac male concordantes audiuntur voces. Judæo, aut alio infideli hæc vobis obſecturo, quid reſponſuri eſtis?

Nihil



Nihil contra nos dicere valetis, nisi quod Purgatorium, Sanctorum invocatio, Aqua benedicta in Bibliis haud contineantur: Contrarium vobis demonstratum. At supponite ita esse, ad minus prohibita non sunt Quæ res facinorosa magis, plus facere quam præceptum, aut, quod mandatum non exequi? Quis horum in Dei iudicio amplius arguetur, Catholicusne, qui dicet: Dixisti, *Hoc est corpus meum*, omnino simpliciter, atque ego adoravi: Dixisti, *Nisi quis regeneratus fuerit ex aqua, non intrabit in Regnum Dei*, credidi ego verbis tuis, atque ut filius meus baptizaretur festinavi: Apostolus tuus dixit: *Infirmatur quis in vobis, ungant eum oleo*, obedii, Extremam unctionem recepi: An Calvinista dicturus: non credidi nisi illâ corporis tui extitisse figuram, filium meum fide parentum fore salvandum, Extremam unctionem aliasque observantias non nisi pro tempore Apostolorum fuisse?

An non conspicitis, cunctas has excusationes verba esse humana, directè ac malitiosè Dei verbum oppugnantia? Mihi credite, falsam hanc Religionem, quæ parvo admodum tempore exitit, nec unicum sacræ Scripturæ textum, ad

doctrinæ suæ probationem, adducere valet, deferite, ab hominibus inventam absque autoritate, Missione, Commessione, Dei approbatione: Deprecemini Jesum, lumen verum, mundi lumen, ut spiritum vestrum illuminet, sensum ejus ceu Discipulis ad intelligendas scripturas aperiat, in salutis vos viam, in Ecclesiam Catholicam reducat.

Navicula est Petri, è qua Dei Filius populos docebat, *Luc. 5. 3.* veri Noë Arca est, in qua ad evitandum diluvium oportet esse inclusum, *Gen. 7. 1.* Urbs est Sedor, in quam, ut à Sodomæ incendio eripiamini, intrandum: Urbs Refugii est, ad quam, ut divinæ justitiæ executionem declinetis, confugiendum Suburbium est felix, ac securum, per quod necessariò eundum, ut ad cœlestem Jerusalem pertingamus, ubi omnes unum idemque Caput Jesum Christum Dominum nostrum sumus habituri; cor idem, gloriosum Spiritum sanctum: sensum eundem per gloriæ lumen; affectiones easdem per possessionem ac Dei fruitionem, cui honor, gloria, laus & amor in omnia sæcula sæculorum.

Amen.



# S E R M O

## OCTUAGESIMUS.

Compendium Myſteriorum Fidei.

*Quod in Miſſione, ac cuiusvis Prædicationis ſine manè ac  
veſperi ſemper recitatur.*

1. **M**Undus hic non ſemper eſſe habuit : Deus illum ex nihilo creavit, per ſuam voluntatem ; adeò namque potens eſt Deus, ut derepentè quæ vult faciat.
2. Noſtrum in uſum hunc mundum condidit ; Solem ad illuminandum, terram ad portandum ac fructus producendos. Verùm nos pro ſemetipſo fecit ; in mundum, non ut bona congregemus, noſtris-que vacemus oblectamentis, nos ablegavit, aſt ut ipſum cognoscamus, amemus, ſerviamus & obediamus, atque ita Paradylum mereamur.
3. Non niſi unus ſolus tribus in Perſonis divinis Deus eſt, Pater, Filius, & Spiritus Sanctus.
4. Pater eſt Deus, Filius Deus eſt, Spiritus S. eſt Deus ; verùm non tres ſunt Dii, unus tribus in Perſonis Deus eſt.
5. **Æ**què potentes, ſapientes, antiqui ; unus non prædominatur aliis ; quia ſunt unus idemque Deus.
6. Secunda Perſona, Dei Filius, pro nobis homo factus eſt, & Jeſus Chriſtus appellatur. Si vis, ut te ſalvet ; quis ſit noſſe oportet. Dum ex te quæritur ? Quis hic Jeſus Chriſtus eſt ? Reſpondendum : Dei Patris Filius eſt, pro nobis homo factus in ſacroſanctiſſimæ, ac ſemper im-

maculatæ Virginis MARIE utero ; verus Deus, ac verus homo.

Deus Pater verus eſt Deus, at homo non eſt, corpus non habet, omnipotens eſt Spiritus, undique diffuſus. S. quoque Spiritus verus eſt Deus, homo non eſt, corpore caret, Spiritus eſt omnipotens diffuſus undique. Filius verus eſt Deus, Spiritus eſt omnipotens, diffuſus undique ; at non ſolum Deus, ſed & homo eſt.

Semper exiſtit Deus, non ſemper homo : antequam homo, ceu Pater, Deus ; Dei Filius ab omni Æternitate ; genitus non carnaliter, nec corporaliter ; Pater enim nec corpus, nec carnem habet, ſed Filium ab æterno ſpiritualiter generat cogitatione atque intellectu diviſivo.

Filius igitur Dei ſemper fuit Deus ; non ſemper homo : à certo tempore homo eſt, mille ſexcentis annis. Pro nobis homo factus : aliàs ob primi parentis, ac peccata propria damneremur omnes.

Concepit eum Virgo 25. Martii, abſque virginitatis læſione ; concepit enim, non ut reliquæ mulieres, ſed gratiâ & operatione Spiritus ſancti.

Natus mediâ nocte, in ſtabulo.

Triginta tribus annis magnâ cum paupertate ac pœnitentiâ vixit.



11. Homo factus eſt, ut pro nobis patere-  
tur; ſi enim non niſi Deus fuiſſet, pati  
haud valuiſſet; Spiritus erat, ſpiritus cru-  
ci affigi nequit; ut crucifigeretur cor-  
pus atque animam aſſumpſit. Die Vene-  
ris ſancto in Cruce pro peccatis noſtris  
mortuus, tertiâ poſt mortem die reſu-  
ſcitatus, anima reaſumpſit corpus, vivum  
reddidit, atque in Paſchatis die glorio-  
ſum.

13. Quadraginta poſt Reſurrectionem  
diebus in Aſcenſionis die aſcendit in cœ-  
lum. In die Pentecoſtes Eccleſiæ ad con-  
ducendam eam ac gubernandam miſit  
Spiritum ſanctum.

14. De Cœlo in terram aliquando reditu-  
rus, Angelis ad nos judicandos ſtipatus.  
Reſurgemus omnes, corpora reaſume-  
mus, ac coram eo ad reddendam ei to-  
tius vitæ rationem comparebimus. Qui  
ejus benè obſervârint mandata, ſanctè  
vixerint, ſecuri gaudebunt, eosque unâ  
ſecum deducet in Cœlum, ut deliciis  
omnibus, honoribus, atque oblectamen-  
tis fruantur æternum. Verùm ii, qui mor-  
talia commiſerint, ut blaſphemi, teſtes  
faſſi, diem literis falſò ſubſcribentes, vin-  
dicativi, luxurioſi, ſæminæ impudicæ, la-  
trones, debita non exſolventes, injuſtè li-  
tigantes, ſimilesque alii, à Deo in Infer-  
num, ubi æternaliter ardebunt, abſque  
ullo dubio, dejicientur.

15. II. Ad donandam nobis ſuam gratiam,  
principalia tria reliquit Sacramenta: Pri-  
mum Baptiſmus. In neceſſitatis caſu ba-  
ptizare quis poteſt, infantis Pater ac  
Mater, ſi deſit alter. Ac vide, quid agen-  
dum: conſpergendum eſt infantis caput,  
ſi fieri nequit; pectus, brachia, manus, aut  
pedes, aquâ naturali, ac perſonæ bap-  
ti-

zanti hæc dicenda: *Ego te baptizo in no-  
me Patris, & Filii, & Spiritus ſancti.*

Infans alia in corporis parte quàm ca-  
pite baptizatus, ſi caput exhibeat, prom-  
ptè ſuperinjicienda eſt aqua ac dicei. dū: Si  
non es baptizatus, *ego te baptizo in nomi-  
ne Patris, & Filii, & Spiritus Sancti.* Cùm  
dubitas prolem vivam aut mortuam eſſe,  
dic: Si in vivis es, *ego te baptizo in nomine  
Patris, & Filii, & Spiritus Sancti*; Infans  
namque abſque Baptiſmo mortuus nun-  
quam videbit Deum, infelix æternum.

Fœmina prægnante, in mortis articu-  
lo exiſtente, præſto eſſe Chirurgus de-  
bet, ut, cùm de matris obitu certò con-  
ſtat, aperiatur uterus, extrahatur infans ac  
baptizetur. Error eſt credere, in eodem  
illum, quo mater, momento mori; ſubin-  
dè horæ quadrante, dimidiâ horâ & ultrâ  
poſt matrem vivit.

Ad baptizandum infantem aquâ be-  
nedicta non eſt opus; naturalis eſſe de-  
bet, id eſt, qualem creavit Deus, ut aqua  
putei, pluvix, fontis, fluvii, liquefactæ ni-  
vis; oportet, ut Infantis caput aquâ con-  
ſpergatur.

Deindè ſacramentum eſt Poenitentix.  
Ut benè quis confeſſeatur, duo ad mini-  
mum præſtanda:

Primum ac principale, ubi ſæpiùs re-  
peritur defectus, eſt, ut, priusquàm Sa-  
cerdoti te præſentes, ſæpiùs magnoque  
cum affectu Deum depreceris, ut tui mi-  
ſereatur, te convertat, cor tangat, contri-  
tionem donet; ut tuam agnoſcas miſe-  
riam, cùm à pravo ſtatu illo teipſum eri-  
gere nequeas; ut auxiliatricem tibi ma-  
num porrigat. Roganda eſt Diva Virgo,  
implorandi Sancti, faciendæ eleemoſy-  
næ, aliæque hanc ad intentionem pia opera  
ſunt.



sunt præstanda: dolor ingens concipien-  
 dus ob Deum, infinitè bonum atq; ama-  
 bilem in se, peccatis offensum, veraque  
 debet adesse voluntas, amplius, mediante  
 ejus gratiâ, nunquam ipsum offendendi.

Deindè Sacerdoti omnia sunt dete-  
 genda peccata, nulla occultanda; ne ve-  
 rearis. Confessarii hac in Missione, ma-  
 gnâ cum dulcedine atq; affectione, gran-  
 dia licet, infamia, ac numero multa ve-  
 stra sint delicta, excipient, vos absolvent,  
 ut Deo animas vestras lucrentur. Non  
 vos cognoscunt, nunquam viderunt, nec  
 visuri sunt; cum peccata eis confessi fue-  
 ritis, liberati estis; nunquam, nec in mor-  
 tis horâ, nec alio in jubilæo repetenda.

Tertiò credendum, sacra in Hostiâ,

quæ elevatur in Missâ, atque illâ, quam  
 communicantes accipitis, post pronun-  
 ciata à Sacerdote verba, præsentem esse  
 Jesum Christum; non ejus imago est  
 aut figura, ipsemet in persona est: non est  
 ut Crucifixus; Crucifixus imago est, no-  
 bis repræsentans, quo pacto Salvator  
 mortuus est. In Hostia verò non imago  
 est, aut similitudo, Jesus Christus ipse  
 est. Caro, vivus homo sacra in Hostia est,  
 nempe Homo-Deus, Jesus Christus Do-  
 minus noster, caro ejus, corpus, sanguis,  
 anima, Divinitas; Totus ibi est adeò rea-  
 liter, ut in visceribus Virginis erat; adeò  
 verè, ut in Cœlo est ad dexteram

Dei Patris.



AD



## ADMONITIO.

**L**ector mi, per viscera misericordiae Jesu te adjuro, ut cum zelo ac vigore in fine omnium sermonum Missionis supradicta legas Myſteria; cumque in Adventu aut Quadragesima praedicas, ad minus Dominicis ac festis diebus in fine sermonis legas; & perampla ac celebris licet sit Cathedra, e qua verba facis, ne verearis contemptum; zelum tuum extollent prudentes. Querendus dein Deus, ac mundi iudicio ejus est praefendus honos: Si gloriam ejus atque animarum salutem praefigis, honoris tui curam est habiturus.

En rationes, quae ad hoc te incitabunt: Affirmant sanctus Thomas, S Bonaventura, & alii, omnes adultos sub mortali ad illa explicitè noscenda esse obligatos; plures omnium Ordinum Doctores boni tenent necessaria esse necessitate medici. Nè crebrò inculcentur, capere illa vulgus nequit; referuntur in Catechismo, major aduſtorum pars non interest.

Adhæc sublimis doctrinae sermones quandoque instituuntur, e quibus plebs nihil capiens egreditur; aut sermones in vitium quoddam particulare, iis, qui minus illi sunt addicti, ad nihil servientes, ut sunt de blasphemia, ebrietate, fæminarum luxu: atque hoc in casu, ut omnibus proſis, ad longum praedictorum articuloꝝ quidam est extendendus, ut Incarnatio, atq; obligationes amandi Deum, extremum iudiciuꝝ, aut aliud quoddam.

Tertio loco certis in occasionibus crebrò quis populo virtutem quandam collaudare, aut vitium reprehendere obligatur, nec ad id sermo accommodus est;

in omnibus praefatis articulis, quod libuerit, dices, ut in Conceptione Jesu ac Divae Virginis, de Rosarii devotione; de extremo iudicio verba factururus, vitium quoddam reprehendere dicendo, qui ejusmodi sunt admissuri, esse damnandos. Suprà articulum mortis Salvatoris, exhortari ad eum sape adorandum, atque erigendam Crucem, coram qua domestici omnes vesperi ad orationem compareant. De Eucharistia in Ecclesiis irreverentiae sunt carpendae, incolarum, eò quòd maturè minus ab infirmis sumatur, negligentia est perstringenda.

Non credituri estis, quot fæminae apud me se accusarint de sua negligentia, ut suam famam conservarent, & non diffamarentur, quia nescierunt, quod infantes qui discedunt sine baptismo, damnantur; & quot non animas parvulorum lucraretis, si de hoc sape praedicaretis, & inculcatis benè materiam & formam baptismi.

Quando dixi quarto puncto, sunt & què potentes, antiqui, putavi supposita divina, nec dixi hoc de personis tribus timens, ne rudes aliquid feminini in personis apprehenderent. Scio, quod cum aliquis Catechista inquisivisset, quamnam inter tres personas esset antiquior, rusticus quidam imaginatus fuit, tres dari fæminas senes in Trinitate.

Interim hunc librum, omnes meos conceptus, verba, opera, personam, sub jicio iudicio & censuræ sanctae Matris Ecclesiae, extra quam non est salus, in qua desidero vivere & mori velut humilis, fidelis servus & obediens filius.



# .TABULA MATERIARUM

## principalium hujus operis.

### *Absolvere. absolutio.*

**P**otestas, quam habent sacerdotes absol-  
vendi probatur contra hæreticos. Serm.  
25 n. 3.

Qualitates admirabiles hujus potestatis. ibid.  
n. 7.

Non debemus abuti tam magno beneficio.  
ibid. n. 14.

Absolutio data sine imposita satisfactione  
convenienti, digna est reprehensione. ibid.  
n. 16.

### *Actiones.*

Actiones nostræ debent esse factæ cum dis-  
positionibus internis, & perfectis. Serm.  
74. n. 2.

Cum circumstantiis exterioribus requisitis.  
ibid. Puncto secundo.

In qualitate necessaria. ibid. Puncto tertio.

### *Æquivocatio.*

Non oportet jurare in æquivocis, Serm. 47.  
n. quinto.

### *Æternitas.*

Quam terribilis sit maledicta. Serm. 39. Pun-  
cto quarto.

Benedicta est exoptabilis Serm. 39. n. 3.

### *Afflictiones temporales.*

Omnes proveniunt à Deo. Serm. 72. n. 1. &  
seq.

Oportet eas recipere cum timore, confiden-  
tia, & honore in Deum. ibid. n. 3.

Sancti eas ita receperunt. ibid. n. 8.

Honorare oportet perfectiones Dei. ibid. n. 9.

### *Aliena.*

Pecata aliena nos reddunt aliquando culpa-

biles. Serm. 18. n. 9.

### *Amici.*

Quales amicos oportet ut requiramus pro al-  
tero mundo. Serm. 36. in conclusione.

### *Amor in Deum.*

Est perfectio, & beatitudo hominis in hoc  
mundo Serm. 45 n. 2.

Deus nos obligat eum amandi per varias vo-  
ces & mandata. ibid. n. 3.

Per beneficia. n. 4. per promissiones. n. 5. per  
minas. n. 6. per vim. n. 7. per lachrymas. n. 8.  
Philto. n. 9. n. 10.

Iuvectiva contra eos, qui non amant Deum.  
ibid. n. 11.

Amor Dei debet esse gratuitus, non mercona-  
rius. ibid. n. 12. & Serm. 73.

Amor erga proximum, vide Charitatem.

### *Amor proprius.*

Debet esse mortificatus. Serm. 73. n. 15.

### *Anima rationalis.*

Nobilitas ejus Serm. 3. n. 2.

Spiritualitas. ibid. n. 3.

Amor Jesus quem erga eam habuit. ibid. n. 4.

Contra eos qui perdunt animas. ibid. n. 5.

Anima relapsa in peccatum comparatur tem-  
plo Salomonis destructo. ibid. Serm. 33. in  
conclusionem.

Paupertas ejus, turpitudine & miserie. ibid.

De salute nostræ animæ. Vide Salus.

### *Apostoli.*

Plantarunt fidem, & destruxerunt idolatriam,  
mirabilia de tanto opere. Serm. 41. n. 2. &  
seq.

Magnitudo hujus beneficii. ibid. n. 6.



*Tabula Materialium.*

*Astulphus.*

Gravis poenitentia ipsi imposita ratione unius peccati. Ser. 24. n. 12.

*Attritio.*

Illa non confert gratiam sine absolutione. Ser. 18. n. 7.

Ut eam conferat debet esse supernaturalis. ibid. n. 6.

*Avaritia.*

Comparatur radici arboris. Ser. 14. n. 2.

*Beatitudo.*

In Cælo consistit in visione Dei, in terra, in ejus amore. Ser. 43. n. 2.

Beatitudo Sanctorum. Vide Paradisus.

*Beneficium.*

Beneficium Creationis, Redemptionis, & inspirationis quod peccatum sit offensa. Ser. 20. n. 21. seq.

Oportet ut honorentur, & in memoriam revocentur diebus Dominicis, Ser. 48. Puncto 2.

Beneficium destructionis idololatriæ & oblationes quas habemus erga Deum. Ser. 42. per totum.

*Bestia.*

Peccatum nos tales reddit, & quid ulterius. Ser. 34. Puncto 2. per totum.

*Blasphemia.*

Quam sit odiosa. Ser. 43. Puncto 2.

*Castitas.*

Quid Sancti fecerint pro ejus conservatione. Ser. 60. Puncto 2.

Vide Luxuria, & Virginitas.

*Charitas erga Deum.*

Vide amor erga Deum.

*Charitas erga proximum.*

Ad quid nos obliget. Ser. 73. Puncto 2.

*Christiani.*

Differunt à Judæis, quia habent spiritum filii erga Deum. Ser. 73. n. 1.

De perfectione Christiani. Vide perfectio.

*Circumstantia.*

Circumstantiæ exteriores augmentant bonitatem actionum. Ser. 34. Puncto 2.

Septem sunt principales quas scriptura in bono opere exaggerat. Ser. 74. ibid.

*Cholera.*

Proprie non est in Deo. Ser. 57. n. 2.

Homo, Deus, eam odio habent, & quomodo. ibid. n. 3.

Magna differentia inter suam & nostram ibid. Puncto 2.

Remedia nostræ. ibid. Puncto 3.

Non oportet resistere ei, qui est in cholera. ibid. in conclusione.

*Cæcitas spiritus.*

Est vindicta Dei. Ser. 26. per totum.

Diabolus tentat eam procurare bonis animabus. n. 2.

Provenit ex affectione malè regulata. n. 3.

Et ex peccato. n. 5.

Culpæ quæ committuntur per cæcitatem spiritus non manent impunitæ. n. 6.

Remedia ejus sunt Oratio, petitio instructionis, diffidentia in nostris actionibus. ibid.

*Compunctio.*

Necessaria est tanquam medium peccatori. Ser. 6. Puncto 1. per totum.

Debet esse supernaturalis. Ser. 18. n. 6. Ser. 9. Puncto 3.

Debet peti à Deo. ibid. n. 8.

Est dolor. ibid. n. 8.

Quales requirat qualitates comparatæ qualitatibus bonæ monet. ibid. n. 10.

Poenitentia corporales nos disponunt. ibid. n. 11.

Vide Poenitentiam, & Conversionem.

*Confessorius.*

Admirabiles qualitates potestatis, quas habet absolvendi. Ser. 25. n. 3.

Potestas hæc se probat contra hæreticos. ibid. n. ibid.

Con-



*Tabula Materialium.*

Confessarius nimium indulgens, damnatus:  
ibid. n. 14.

Necessitas boni Confessarii. ibid. n. 23. &  
seq.

Qualitates quæ in eo requiruntur. Serm. 23.  
Puncto 3.

Quomodo oportet ut se gerat erga suam per-  
sonam. ibid.

Boni Confessarii sunt rari. ibid. n. 24.

Periculosum est talem esse sine vocatione. Vi-  
de Sacerdos.

*Confessio.*

Multa sunt nulla. Serm. 8. in conclusione.

Debet esse præmeditata, vindicativa, & inte-  
gra. Serm. 23. n. 5.

Rationes potentes ad deponendum pудо-  
rem confitendi. ibid. 3. Puncto.

*Consuetudo in peccato. Vide obduratio.*

Quam sit pernitiola.

*Contritio.*

Vide compunctio, conversio, pœnitentia.

*Conversio.*

Conversio peccatoris est difficilis. Serm. 5.  
n. 3.

Non debet differri in tempus futurum. Serm.  
13. 14. id per totum.

Nec oportet differri in ultimum morbum.  
ibid.

In conversione, principaliter cor debet esse  
mutatum. Serm. 9. n. 2.

Verbum reprehendens peccatum est necessa-  
rium. Serm. 24. n. 7.

Vide Compunctio, & Pœnitentia.

*Corpus.*

Stultitia est nimium de eo sollicitari. serm. 36.  
n. 13.

Consuetudines mundi non debemus imitari.  
serm. 71. Puncto 2.

*Crux.*

Vide afflictio.

*Dependentia.*

Est proprietas Creaturæ. serm 70. n. 2.

*Dens.*

Unitas ejus. serm. 42. n. 1.

Immutabilitas. serm. 21. n. 1.

Independentia. serm. 26. n. 5.

Est ens transcendens, & singulare. serm. 71.  
n. 2.

Potentia ejus probatur videndo ejus causali-  
tatem, eminentiam, & supereminentiam,  
serm. 26. n. 2.

Perfectiones ejus sunt alix à nostris. ibid.  
n. 5.

Est inaccessibleis omni intellectui. ibid.  
n. 6.

Quatuor admirabiles dimensiones perfectio-  
num ejus. serm. 27. n. 2.

Est ultra nostros conceptus, & expressiones.  
serm. 26. n. 2.

Honor, amor, & timor quas debemus erga  
ejus perfectiones. serm. 27. Puncto 2.

Ejus potentia, prudentia, & bonitas per pec-  
catum offenditur. serm. 28. Puncto 2.

Potentia ejus in creatione, conservatione, &  
redemptione mundi. serm. 63. n. 12.

Effectus ejus cholera est nos permittere pec-  
care. serm. 5. n. 4.

Veritas essentia ejus, cognitionis, verbi, & o-  
perationis. ibid. n.

Proprie non habet choleram. serm. 37. n. 2.

Perfectiones ejus se monstrant in eo, quod  
nobis mandet Eleemosynam. serm. 69.  
n. 2.

Tenemur eum honorare in nostris afflictio-  
nibus. serm. 72. in conclus.

Cultus unius Dei confirmatus est per Apo-  
stolos. serm. 42.

Obligationes quibus obligamur erga Deum  
ob hoc opus. serm. 42.

Confidentia in Deum. Vide Confidentia.

*De.*



*Tabula Materialium.*

*DetraCTOR. DetraCTio.*

DetraCTOR comparatus lamia. Ser. 66. n. 3.  
Bono utitur prætectu ut detraCTet. ibid. n. 4.  
Occidit spiritualiter tres personas. ibid. n. 5.  
Remedium contra hoc vitium. ibid. n. 6.

*Diabolus.*

Per peccatum reddimur ejus mancipia. Ser. 36. Puncto 3.  
Patrat omnes species superbiae & vitia quae ex ea oriuntur. Ser. 63. n. 2.

*DireCTOR.*

Vide Confessarius. & Ser. 76.

*Divitia.*

Pœnae quas conferunt in morte. Ser. 36. n. 3.  
& seq.

*Dominica.*

De sanctificatione earum. Ser. 48. Puncto 2.  
Debent impendi meditando beneficia Dei. ibid. n. 4.  
Debent sanctificari practitando opera bona. ibid. n. 5.  
Abstinento ab operibus servilibus & malis. ibid. n. 6.  
Rationes ad id nos incitantes. ibid. n. 7.

*Ecclesia.*

Probatur ejus infallibilitas. Ser. 78. n. 9.  
Est Regula nostrae fidei cum sacra scriptura. ibid. n. 10.  
Est una, Catholica, visibilis. ibid. n. 11.  
Ecclesia Calvinistica non est vera. ibid. n. 12.  
Ecclesia Romana est columna veritatis, & principalis Imperii Jesu Christi. ibid. n. 13.  
Quod sit probatur ex sacra scriptura. ibid. n. 14.  
Ecclesia, vel templum, vide templum.

*Eucharistia.*

Punitio Lotharii qui eam indignè recepit. Ser. 21. in conclus.

*Elemosyna.*

Mandatum quod Deus dedit nobis monstrat perfectiones suas divinas.  
Omnes possunt, & debent facere. Ser. 69. n. 12.

Exemplum sanctae Hedwigae, ac aliorum. n. 3.

Non est facienda ex bonis alienis. n. 4.

Quali dispositione sit facienda. n. 7.

Exhortatio ad eam. n. 6.

Non est facienda nisi pro Christo. n. 7.

Reflexio super hæc verba. Omne quod fecistis uni ex minimis meis, mihi fecistis. n. 8.

Non est expectanda ut detur per tuum testamentum. n. 9.

Facienda est in statu gratiae. n. 10. vide & Ser. 30.

*Examen conscientiae.*

Quam sit necessarium. Ser. 20. per totum.

Super quae sit faciendum. n. 2.

Quomodo sit faciendum. n. 3.

*Famina.*

Contra ejus luxus, nuditatem pectoris, & pigmenta. Ser. 61. per totum.

*Fides.*

Fides Christiana plantata in mundo per pauperes piscatores. Ser. 41. n. 2.

Obligationes quibus obligamur Deo pro hoc beneficio. ibid. Ser. 42. per totum.

Fides comparata columnae igneae in deserto. Ser. 43. per totum.

Debet esse benè firmata. ibid. n. 2.

Est de rebus obscuris. ibid. n. 3.

Debet esse juncta bonis operibus. ibid. n. 4.

Regula nostrae fidei non est sola scriptura. Ser. 78.

Centum viis monstratur veritas nostrae fidei. Ser. 80.

Abreviatio mysterii fidei quae dici solet in fine Concionis, & Missionis vespertinae. ibid. in fine.

S. Francisci insignia verba, quae dixit suis Religiosis.

*Gratia divina.*

Gratia sanctificans non conservatur sola per se ipsam. Ser. 32. n. 3.

Differentia inter gratias actuales minoris pretii.



*Tabula Materialium.*

- tii, & inter eam quæ eligi potest. Serm. 76.  
n. 9.
- Ad obtinendam gratiam electivam requiritur fervor bonorum operum. ibid. n. 10.
- Sancta Hedwigis.*  
Ejus misericordia erga pauperes. Serm. 69. n. 5
- Hæreticus.*  
Monstratur per plures textus sacra scriptura eos non esse in Ecclesia Apostolorum. Serm. 78. per totum.
- Centum monstrationes S. scriptura pro nostra fide, contra errores eorum. Serm. 80.
- Nequeunt citare unum pro eorum errore. ibid. n. 2.
- Non poterunt respondere objectionibus Filii Dei in iudicio. ibid. n. 3.
- Malè expresse runt præcepta Dei in eorum rythmis. ibid. n. 4.
- Homo.*  
Duas habet prærogativas super Angelos, & bruta. serm. 3. n. 2.
- Nobilitas & spiritualitas ejus animæ. ibid. n. 3.
- Excellentia ejus intellectus. serm. 9.
- Mirabilia ejus memoriæ. serm. 10. n. 2. serm. 47. n. 2.
- Semper versatur in periculo peccandi. serm. 76. n. 2.
- Idololatria.*  
Quam mirabile quod Apostoli eam eradica-  
rint è mundo. serm. 40. n. 2.
- Plures Christiani reedificant idola. ibid. Puncto 3.
- Jejunium, vide quadragesima.
- Jesus.*  
Mutavit instrumenta maledictionis in benedictionem. serm. 11. n. 2.
- Amor quem habuit erga nos in sua incarnatione, & passione serm. 2. n. 8. serm. 3. n. 10. serm. 29. Punct. 2. serm. 30. n. 2. serm. 31. n. 2.
- Tenemur imitari ejus poenitentiam. ibid. serm. 15. n. 4.
- Peccatum eum afficit quatuor magnis injuriis. serm. 31. per totum.
- An habuerit cholera, & alias passiones humanas, & quomodo. serm. 57. n. 2.
- Incarnatio.*  
Deus potuit incarnari. serm. 30. n. 2.
- Amor ejus in hoc mysterio. ibid. n. 8.
- Quid obligemur ei reddere ratione mysterii hujus. ibid. n. 10.
- Induratio cordis.*  
Quinque gradibus præcipitatur in eam. serm. 17. n. per totum.
- Infans.*  
Eorum debitum versus Parentes. serm. 52. n. 2.
- Ipsis debetur honor. ibid. n. 3.
- Et amor. ibid. n. 4.
- Et obedientia. ibid. n. 5.
- Motiva excitantia ad hæc debita. ibid. n. 6.
- Possunt fieri Religiosi absque consensu Patris serm. 45. in conclus.
- Infernus.* serm. 39. per totum
- Inimicitia.*  
Semper fuerunt prohibita. serm. 16. 2.
- Quatuor matres eam generant ibid. n. 3.
- Quatuor nutrices eam sustentant ibid. n. 8.
- Bonum est honorabile, delectabile condonare. ibid. Punct. 2.
- Mandatum quod Jesus dedit, ut condonemus. ibid.
- Vide Charitas.
- Innocentia.*  
Est via cœlestis magis secura quàm poenitentia. serm. 5. n. 2.
- Ut conservetur fervor poenitentia, & bonorum operum multum prodest. serm. 76. Puncto 3.
- Perdita difficillimè invenitur. serm. 5. n. 3.
- Insensibilitas.*  
Conducit indurationem cordis. serm. 24. n. 6.
- Inspiratio Dei.*  
Grave malum dum ei resistimus. serm. 36. P. 3.



*Tabula Materialium.*

Joseph Patriarcha sapienter evitavit occasionem peccati. *serm. 32. n. 10.*

Judith prudenter vitavit occasionem malorum cogitationum. *serm. 32. n. 10.*

*Intellectus humanus.*

Excellentia ejus. *serm. 16. n. 2.*

*Judex.*

Deus illos judicat infallibiliter, exactè, & securè. *serm. 61. n. 2.*

Injustitiæ quæ committuntur sunt magis odiosæ naufragiis, & homicidiis. *n. 3.*

Ipsa eos involvit in damnationem quasi, sine spe. *n. 9.*

Motiva, & instructiones ab eis amovendis. *n. 6.*

Tenemur habere cor Judicis erga nos. *serm. 73. puncto 3.*

*Judicium universale.*

Deus exercebit veritatem suam, & severitatem. *serm. 37. n. 2.*

Media quibus affecuramur. *n. 3.*

Qualitates Judicis qui condemnabit. *n. 4.*

Qualitates Carnificis qui executioni mandabit omnia. *n. 1.*

Qualitates patientis qui erit condemnatus. *n. 6.*

Qualitates poenarum, quæ ordinabuntur. *n. 7.*

*Juramentum.*

Aliquando est laudabile. *serm. 47. n. 2.*

Tres ejus dantur species. *n. 3.*

Tres conditiones sunt necessariae, ut sit laudabile. *n. 4.*

Jurare non oportet in æquivocis. *n. 5.*

Rationes contra consuetudinem jurandi. *n. 6.*

*Injustitia.*

Laudes ejus. *serm. 61. n. 2.*

Divina est distincta à nostra. *serm. 37. puncto 2.*

*Latro. Furtum.*

Definitio furti. *serm. 64. n. 2.*

Obligatur ad restitutionem. *n. 3.*

Motiva, quibus evitari potest. *n. 4.*

Conversio boni latronis non debet animare peccatores ad perseverantiam. *serm. 10. n. 2.*

*Lingua.*

Spiritus Sanctus recommendat nobis eam diligenter custodire. *serm. 38. n. 2.*

Motiva eam conservandi, ne malè loquatur. *ibid. n. 6.*

*Lucifer.*

Vide Diabolus.

*Luxus & ornamentum Foeminarum.*

Reprehendit, mendacem reddit, deponit throno Deum & inimicum se reddit. *serm. 61. n. 2.*

Sunt causæ, & culpabiles plurium peccatorum. *n. 3. & seq.*

Et plura committit per luxum. *n. 4.*

Motiva ut is evitetur. *n. 5.*

*Luxuria.*

Causæ hujus vitii. *serm. 19. n. 3.*

Septem ejus species. *ibid. n. 4.*

Hoc vitium irridet decem præcepta Dei. *n. 5.*

Est abominabilis tribus personis Sanctissimæ Trinitatis, Angelis & Sanctis. *puncto 2.*

Quid plures sancti fecerint ad eam vitandam. *n. 7.*

Remedia ejus. *puncto 3.*

Oportet eam vincere fugiendo occasiones, conversationes, dispositiones. *n. 14. & seq.*

Disponitur aliquis per parva principia. *n. 15.*

Vide fæmina, occasio, virginitas.

*Magister.*

Eorum obligatio versus eorum servos. *serm. 54. n. 2.*

Obligatio eorum versus Deum. *n. 6.*

Maria mater Dei plantavit in Ecclesia florem virginitatis, quando, & quomodo. *serm. 60. n. 3.*

Sanctus Martinianus sapienter vitavit occasionem peccati. *serm. 22. n. 12.*



*Tabula Materialium.*

Memoria humana quantum sit admirabilis, & conducens, *serm. 47. n. 2.*

Merita, quomodo actiones nostræ debent esse formatae ad promerendum.

*Alecdicus, vide detractio.*

Mensurâ peccati completâ peccator dejicitur ad Inferos, *serm. 17. n. 3.*

Missio, & bonus fructus ex ea factus signum est prædestinationis, *serm. 1. n. 2. & seq.*

*Mors.*

Est effectus peccati, *serm. 36. n. 2.*

Mors peccatorum est pessima, *ibid. n. 4.*

Sathanas nos tentat continuò de morte, *serm. 14. n. 7.*

Exempla malæ mortis, *serm. 18. n. 2.*

Conversio in hora mortis est valdè suspecta de nullitate, *serm. 14. per totum.*

Nabuchodonosor superbus est humiliatus, humilis exaltatus, tota hæc historia per longum tractatur.

*Occasio.*

Occasio peccati est vitanda, *serm. 22. per tot.*

*Omissio.*

Peccatorum omissio est valdè timenda, *serm. 18. n. 10.*

*Oratio.*

Debet fieri cum humilitate interna, *serm. 67. n. 3.*

Cum reverentia exteriori, *ibid. n. 4.*

Cum fervore, *ibid. n. 5.*

Cum perseverantia, *ibid. puncto 3.*

Oratio Jesus est normæ nostræ, *ibid. n. 1.*

*Palatium.*

Peccata, quæ in iis committuntur, *serm. 65. per totum.*

*Paradisus.*

Locus valdè aggregabilis, *serm. 38. n. 3.*

Societas aggregabilis ac honorabilis, *n. 4.*

Fiunt actiones delitiosæ, *n. 5.*

Nulla videtur apparentia eam ingredi ducendo vitam peccaminosam, *n. 6.*

Fœlicitas eorum qui ibi morantur, *n. 7.*

*Passiones humanae.*

Benè regulatæ, sunt bonæ, *serm. 57. n. 4.*

Malè regulatæ similes sunt equis malè conductis, *n. 5.*

Si fuerint in Christo Jesu, & quomodo, *ib. n. 1.*

*Patientia.*

Exhortatio ad patientiam, *n. ibid. in conclus.*

Exempla admirabilis patientiæ, *ibid.*

*Peccatum.*

Injurias, quas infert Deo, *serm. 26.*

Offendit Magnitudinem Dei, *puncto 2.*

Offendit quatuor dimensiones perfectionum Dei, *serm. 27. n. 2.*

Offendit tres personas Sanctissimæ Trinitatis, & perfectiones ejus appropriatas, *serm. 20. per totum.*

Insidiatur vitæ divinæ, *n. ibid.*

Majorem despectum tribuit Deo, quam omnia opera bona centum mundorum tribuunt ei honorem, *serm. 30. & 31.*

Injurias quas causat homini, Deo, *serm. 31. per totum.*

Ejus perdit divitias, *ibid.*

Expellit eum domo, *ibid.*

Eum inhonorat, *ibid.*

Crucifigit, *ibid.*

Facit ut abutamur beneficiis Dei, *serm. 29. per totum.*

Injurias quas causat creaturis, *serm. 26. p. 2.*

Malum est infinitum, & incomprehensibile, *ibid. in conclusione.*

Mala inde nobis advenientia, *serm. 32. per tot.*

Causa est ut derelinquamur à Deo, *ser. 32. ib.*

Ut Deus nos despiciat, *ibid.*

Ut nos abhorreat, *ibid.*

Facit ut simus odiosi Sanctis, *serm. 33 punct. 1.*

Assimilat nos bestiis & quid ultra, *ib. punct. 2.*

Mancipium nos facit Dæmonis, *puncto 3.*

Denudat animam omnibus meritis, & impedit acquisitionem aliorum, *serm. 34 n. 3.*



*Tabula Materialium.*

Format eam instar porci. puncto 2.  
Eam cruciat pœnis gehennæ. puncto 3.  
Causat bellum, pestem, & famem. serm. 35.  
Causat ruinam bonorum, honorum, & vitæ.  
ibid.  
Reddit mortem nostram infelicem. serm. 36.  
per totum.  
Nos exponit severo iudicio Dei. serm. 37.  
Perdit felicitatem cœlestem. serm. 38.  
Nos vendit pœnis Inferni. serm. 39.  
Causat mortem in hoc mundo. serm. 36. n. 1.  
Obcecat spiritum.  
Nihil timendum præter peccatum. serm. 16.  
per totum.  
Anima lapsa in peccatum comparatur civitati  
Hierusalem vastatæ. serm. 33. in conclus.  
Unum peccatum nos disponit ad alia. serm. 10.  
n. 2.  
Qui unicum committit, periclitatur de salute.  
ibid. & serm. 5. n. 4. & 40 n. 3.  
Num unum peccatum mortale queat remitti  
sine alio. serm. 11. n. 2.  
Bonum est illud detestari per pœnitentiam.  
serm. 11. n. 6. & 8.  
Peccata interna confitenda sunt. serm. 24. n. 2.  
Per peccata aliena reddimur aliquando culpa-  
biles. serm. 18. n. 9.  
Sicut & per peccata omiſſa in confessione.  
ibid. n. 10.  
Mensura peccatorum completa restat solus  
infernus. serm. 7. n. 19.  
Peccatum veniale, vide veniale.  
Peccatum comparatur tumori. serm. 19. n. 2.  
*Pœnitentia Virtus.*  
Est necessaria post lapsum peccati mortalis,  
quod variis modis probatur. serm. 61. & seq  
Est post peccatum veniale. serm. 11. puncto 2.  
Essentia, & natura virtutis pœnitentiæ serm.  
7. per totum.  
Etymologia ejus. n. 2.  
Definitio. n. 3.

Tres species pœnitentiæ, scilicet Catechumen-  
norum, iustorum, & peccatorum. n. 4.  
Est laboriosa. ibid. & alibi.  
Admiranda pœnitentia quorundam. ibid. n. 10  
Pœnitentia damnatorum. ibid. n. 2.  
Signa, & proprietates veræ pœnitentiæ. Term.  
8. per totum.  
Causat mutationem. n. 3.  
Principaliter movet animum. n. 4.  
Et totum cor. n. 5.  
Tenetur renuntiare omni peccato. serm. 6.  
Et pro omni tempore. serm. 15. per totum.  
Sapè fallimur in iis, quæ requiruntur ad pœ-  
nitentiam.  
Et periculosum est se fallere. serm. 10. n. 2.  
Tria prima signa falsæ pœnitentiæ, scilicet,  
quod sit tarda, mutilata, & naturalis. serm.  
8 n. 12.  
Alia tria signa, quod sit tota exterior, sterilis, &  
inconstans. serm. 10. n. 2.  
Fructus quos vera pœnitentia producit.  
serm. 10 n. 6.  
Perseverat. serm. 10. n. 9.  
Debet durare toto tempore vitæ. serm. 10. per  
totum.  
*Pœnitentia sacramentum.*  
Quare habeat tres partes. serm. 14. per totum.  
Plures veritates super has partes. serm. ibid.  
Est thronus gratiæ, & lectus Iustitiæ. serm. 23.  
n. 2.  
Sathanas eam mutilare tentat. serm. 24. n. 2.  
*Pater & Mater.*  
Debent suis prolibus alimentum. serm. 49. n. 2  
Instructionem. puncto 2.  
Correctionem. puncto 3  
Contra parentes impediētes proles ne in-  
grediantur monasteria. serm. 50. per tot.  
Contra eos qui proles cogunt ad sacerdotium  
sine vocatione. serm. 52.  
*Perfectio.*  
Perfectio Christiana erga Deum. serm. 72. n. 2  
Erga



Erga proximum. puncto 2. ibid.

Erga seipsum. puncto 3.

In actionibus suis. ferm. 74. per totum.

*Perseverantia.*

Vide recidivam.

Laudes quas dedit S. Bernardus. ferm. 78. puncto 3.

S. Petrus Principalitas ejus in collegio Apostolorum. ferm. 34.

*Prædestinatio.*

Tres comprehendit actus. ferm. 1. n. 4.

Magnitudo hujus beneficii. ferm. 2. n. 2.

Missio bene regulata unum est signum. ferm. 1. n. 2.

Audire verbum Dei & inde proficere unum est signum. ferm. 1. n. 6.

*Presbyter.*

Quam sit esse periculosum absque vocatione. ferm. 51. n. 2.

Signa cognoscitiva aliquem non esse vocatum. n. 6. ibid.

Illi qui cogunt proles, offendunt Deum, Ecclesiam, & familiam suam ibid. n. 10.

Honor, qui ipsis debetur. ferm. 53. n. 8.

Exempla plurium Magnatum qui eos honorarunt. n. 11. & seq.

Motiva ad excitandas in eis virtutes. ferm. 3. n. 16.

Licet sint vitiosi tamen valide exercent eorum ministerium. ferm. 13. n. 2.

Vide Confessarius.

Propositum non amplius peccandi. ferm. 21. per totum

Requiritur ad poenitentiam ibid. n. 2.

Vitandæ sunt ei occasiones, dispositiones, inclinationes ad peccatum n. 22 per totum.

*Principia.*

Per parva principia labimur in majora peccata, per plura id exempla monstratur. ferm. 40. per totum.

*Quadragesima.*

Institutio jejunii quadragesimalis probatur contra hæreticos. ferm. 68. n. 2.

Nihil nocet sanitati. n. 6.

Licet noceat, tamen permissum erit jejunare. n. 9.

Virtutes concomitativæ jejunium. n. 10.

*Relapsus.*

Peccatum est ingratitude. ferm. 42. n. 2.

Perfidia n. 3.

Despectus. n. 4.

Nos reddit abominabiles Deo. n. 5.

Latificat Dæmonem & magis nos ei astringit n. 6.

Conversionem nostram reddit difficilem n. 7.

Fervor poenitentia, & bonorum operum remedium est præservativum. n. 8.

Sicut & vitatio occasionum, dispositionum, & inclinationum ad peccatum n. 9.

Semper sumus in periculo relabendi. n. 2.

*Religio.*

Status est agreabilis Deo. ferm. 50.

Proprius ad curandam salutem. n. 2.

Morimur in ea felici morte. ferm. 3.

Proles possunt ingredi contra voluntatem Parentum n. 8.

Contra respectus humanos ferm. 71. per totum.

Restitutio. ferm. 69. per totum.

*Romana Ecclesia.*

Vide Ecclesia.

*Saltus, & lusus.*

Rationes Mundanorum quas sectantur. ferm. 62. n. 2.

Responsio ad dictas rationes. n. 15.

Sacra scriptura, Patres, Concilia, & rationes condemnant has recreationes. n. 16.

*Salus nostra anima.*

Negotium est magni momenti. ferm. 2. n. 2.

Addens desiderium quo Deus flagrat. n. 3.

Impendit ad illam omnes actiones, perfectiones,



*Tabula Materialium.*

nes, Filium suum, ac Spiritum sanctum. n. 4.  
Opera facienda sunt promptè. n. 1. & seq.  
Serio. n. 6.

Et perseveranter. n. 7.  
Salomon eam perdidit non vitando occasio-  
nem. serm. 21. n. 10.

*Satisfactio.*

De satisfactione, tertia parte sacramenti pœ-  
nitentiæ. serm. 24.  
Satisfactio facilis quam quisque sibi impone-  
re potest. ibid. n. 4.  
De operibus satisfaciendis. Vide Oratio, Je-  
junium, Eleemosyna.

*Scandalum.*

Quid sit. serm. 58. n. 2. & 3.  
Illi qui facilius illud dant, scilicet superiores.  
n. 4.  
Seniores. n. 5.  
Feminae. n. 6.  
Motiva impediencia scandalizandi proxi-  
mum. n. 7.  
Quatuor reflexiones super illa verba Christi,  
si oculus tuus scandalizet te &c. n. 8.  
Sibbolet malè pronuntiatum, quid præfigura-  
verit.

*Sermo.*

Vide verbum Dei.

*Servi.*

Excellentia eorum, & conditio, quia Christus  
est auctor, Idæa, & finis. serm. 55. n. 2. & seq.  
Tenentur servire fideliter, ex bono corde, &  
humiliter. n. 7.  
Motiva ad hoc eos excitandos. n. 8.  
Facilius se noscunt, quam alii. n. 9.  
Non eis est obediendum in malis. n. 10.  
Adhibenda est diligentia eos instruendo. n. 11.  
Servitus non debet permitti inter Christia-  
nos. n. 12.

*Singularitas.*

Deus est ens singulare, & transcendens. serm.  
71. n. 2.

Singularitas vitiosa est vitanda. n. 4.  
Singularitas virtuosa, est utilis, & laudabilis. n.  
8. & seq.

*Superbia.*

Lucifer commisit omnes species ejus, & pec-  
cata quæ inde procedunt. serm. 73. n. 2.  
Superbus facit idem ad sui imitationem. n. 3.  
Subjectus est pluribus vitiis. n. 4.  
Vili penditur ab hominibus. n. 5.  
Remedium hujus vitii, tres actus humilitatis.  
n. 8.  
Practicare consilia S. Spiritus. n. 10.  
Peccatores qui se humiliant, exaltabuntur.  
n. 12.

*Tan.*

Signatum in frontibus pœnitentis quid signi-  
ficet. serm. 15. n. 2.

*Templum.*

Templum Salomonis mirabile in opere & va-  
lore. serm. 46. n. 2.  
Propheta Aggeus excitat Judæos ad id readi-  
ficandum. n. 3.  
Nostra templa digniora sunt honore quam  
Salomonis. n. 4.  
Ornanda sunt in pagis. n. 5.  
Prophanantur variis modis. n. 6.  
Rationes nobis dissuadentes hanc prophana-  
tionem. n. 7.

*Testamentum.*

Requirit magnam libertatem. serm. 13. n. 2.

*Timor.*

Timor naturalis & servilis ob pœnas, non suf-  
ficit ad veram pœnitentiam. serm. 19. n. 4.  
vide pœnitentia  
Timor, & diffidentia sui ipsius est utilis.

*Tristitia.*

Ad nihil bona, quam pro destructione pecca-  
ti. serm. 32. puncto 3.

*Verbum Dei.*

Signum est prædestinationis illud audire, &  
ex eo proficere. serm. 1.

Magni-



*Tabula Materialium.*

Magnitudo hujus beneficii. n. 6.

*Veniale peccatum.*

Nocet nostræ salutis, nisi detestetur in pœnitentia, & evitetur. ferm. ii. n. 4.

Nos disponit ad mortalia. ferm. 18. n. 5. ferm. 21. n. 8.

Tres sunt species. ferm. 40. per totum.

Quomodo differat à mortali. ibid. n. 4.

Motiva ad vitandum illud. n. 7.

Quomodo aqua benedicta ea deleat, ferm. 11. puncto. 2.

*Veritas.*

Veritas essentia, intellectus, verbi, & operis, quam adoramus in Deo ferm. 37. n. 2.

Hæ quatuor veritates agent processum nostrum in judicio. ibid.

Ut vocetur quis merito virtuosus, tria sunt necessaria. ferm. 14. n. 2.

*Vita.*

Non aliam habemus vitam aliter quam in de-

posito. ferm. 12. n. 2.

Contra vitam lascivam, & deliciosam. ferm. 13. in conclus. & ferm. 38. n. 8.

Contra pigram. ferm. 29. n. 3.

*Virgo, Virginitas.*

Sancta Maria plantavit hanc florem in Ecclesia, & quomodo. ferm. 60. n. 2.

Omnes Sancti cujusvis Ordinis eam consperserunt sanguine. n. 4.

Omnes S Doctores eam coluerunt. n. 5.

Instructiones sanctorum Patrum pro conservatione hujus floris. n. 6.

Fœcunditas ejus consistit in productione Martyrum, Ordinum religiosorum, & sancti Sanctorum. n. 7.

Contra eos qui seducunt Virgines. n. 8.

Quid plures Sancti præstarint ad eam conservandam. n. 3.


*F I N I S.*



















Biblioteka Jagiellońska



stdr0030481







3  
C. &  
1-

C. f.  
Conc. lat.  
P. 13.